

續修四庫全書

《續修四庫全書》編纂委員會編

續修四庫全書



上海古籍出版社



六四四·史部·地理類

〔光緒〕山西通志一百八十四卷首一卷（卷九十八至卷一百三十一）〔清〕曾國荃 張煦等修 王軒

楊篤等纂

21514

# 山西通志

通志單行本

光緒二十五年夏  
吳庸楊篆書

〔光緒〕山西通志 卷九八

山西金石記	通志單行本
目錄	
卷一	銅器
	鐵器
	貨泉
卷二	碑碣 <small>漢 魏 北齊 北周 隋 後魏</small>
卷三	碑碣 <small>唐 武德至景龍</small>
卷四	碑碣 <small>唐 元至永貞</small>
山西金石記目錄	
卷五	碑碣 <small>唐 元和至天佑</small>
	碑碣 <small>五代 後唐 晉 漢 周 北漢</small>
卷六	碑碣 <small>宋</small>
卷七	碑碣 <small>遼 金</small>
卷八	碑碣 <small>元</small>
卷九	摩崖
	幢柱
	石題



造像

法帖

博瓦

卷十

補遺

凡金刻一百三十八石刻一千五百二十四

校采通志次及金石擬同經籍祇標名目而別輯專書與之並行草創未半自嫌其略且念一家著述難臻賅備博訪勞搜大需時日而官書鈔撮為能門類既多詳略互見正不容執一例以為定也乃復錄及跋尾間得打本亦加考證閱旬十四成書九卷迫於剞劂諸多漏列統為補遺一卷其有同志續寄新拓得隨時編入焉刻既成索觀者眾遂先印行署曰山右金石記用播藝苑以廣墨緣云

山右金石記目錄

二

金石記十

記五之十 山西通志第九十八

馬進士出身頭品頂戴兵部侍郎兼都察院右副御史巡撫山西提督軍務張煦奉旨監修

補遺 銅器 鐵器 碑碣 摩崖 幢柱 造像 法帖 博瓦

周杜蕢解銘

壽陽祁氏藏器 篆書

徵徂亭詩集注道光初年賜器也解底亞文中有古篆武進李願慰堂釋其文曰杜蕢撰寶解山房記

謹案左傳晉膳宰屠蒯禮檀弓作杜蕢

漢汾陰鼎銘

器久失所在 篆書

虞荔鼎錄漢元鼎元年汾陰得寶鼎即吾邱壽王所識之

山西通志卷九十八

金石記十

一

鼎高一丈二尺受十二石雜金銀銅錫為之四面蛟龍兩

耳能鳴三足馬蹄刻山雲奇怪之象紀靈圖未然之狀其

文曰壽考天地百祥臻侍山伏其靈海伏其異此銘在底

下又別有銘或浮或沈皆古文複篆上古之鑄造也

謹案銘辭不類三代當是後人刻之鼎底者其所云

又別有銘皆古文複篆者必在鼎腹乃原銘也考漢

書汾陰得鼎並無款識故吾邱壽王謂為漢鼎非周

鼎以迎合時事非真識也然唐韋續言小篆周時所

作漢武帝得汾陰鼎即其文皆與史異必有所本

晉旌陽令許遜劍銘

太原武氏舊藏 篆書

廣異記唐開元末太原武勝之為宣州司士知靜江事忽



於灘中見雷公踐微雲逐小黃蛇盤繞灘上靜江夫役戲  
投以石中蛇鏗然作金聲雷公乃飛去使人往視得一銅  
劍上有篆許旌陽斬蛟第三劍云

後晉靈泉寺銅鐘記  
今在陽城縣西北四十里劉村

澤州府志門山僧洪密所遺鐘以銅鑄銘記後晉開福  
年其形橢而不圓案晉惟天福開運二號志未見其器  
密蓋仿古鑄造或即故以意備舉之又古鐘制皆橢圓洪  
就古鐘鑄記侯訪

宋汾陰銅節字

大中祥符三年 篆書

玉海汾陰銅節高熙十年請事願獲吳璿以獻於朝其文  
曰皇帝車駕奉祀汾陰之寶詔藏天章閣下工部考覈乃

銅也

右銅器

隋安邑古鐵板銘

開皇元年 八分書

隋書五行志安邑掘地得古鐵板文曰皇始天年資揚鐘  
壽

宋天聖鐘識

天聖二年三月 正書今在祁縣治熙樓上見縣志

宋嘉祐鐘識

嘉祐三年四月 今在岳陽縣城北門樓上見山右金石  
存略

宋崇甯鐘識

崇甯五年 今在沁水縣城東門樓上

宋大覺寺鐘識

元祐七年九月 今在岳陽縣南二里寺中

宋洪慶觀鐘識

政和二年 今在垣曲縣南洪慶觀

宋政和鐘識

政和三年三月 今在翼城縣十方院並見金石存略

馬莊武王祠鐵人題字

今在猗氏縣北門內馬燧廟

猗氏縣志廟中金人一一宋政和三年造一金天會十

五年造俱高四尺許

金崇福院鐘識

天會十二年 今在沁州治熙樓上

沁州志鐘高六尺圍丈餘本崇福院物列銜有左監門

衛大將軍知沁州軍州事李興仁同知沁州軍事判官

田說知銅鞮縣事劉常知武鄉縣事李輔金知沁源縣

事王浮知綿上縣事劉元寄銅鞮縣權主簿郭諫

金天眷鐵醮盆識

天眷元年五月 今在萬泉縣泰山廟見金石存略

金東嶽廟鐵醮盆識

皇統元年 正書今在隰州

隰州志益題鎮國上將軍南隰州刺史趙寬名下座為

明天順時知州趙寬所鑄先後數百年同官同名共成

一器亦奇



金顯慶寺鐘識

皇統七年 今在汾陽縣北十里劉村見金石存略

金貞元鐘識

貞元三年 今在潞城縣城隍廟

金正隆鐘識

正隆六年 今在浮山縣儒學

金大應寺鐘識

大定五年 今在徐溝縣

金大定鐘識

大定六年 今在翼城縣城內鐘樓

金聖母廟鐘識

大定二十年二月 今在浮山縣城內

山西通志卷九十八 金石記十 四

金大定鐵獅題字

大定二十四年 今在平陽府關廟儀門外並見存略

金馬莊武廟鐵醮盆識

大定二十四年 今在猗氏縣

金石存略益高四尺許圍約八尺文曰大定二十四年二

月八日前知大清觀道士李敏修記

金壽陽鐘識

大定中 今在壽陽縣署

從仇亭詩集注壽陽諺云古城南古城北沒耳金鐘露半

壁道光丙申邑侯鍾元甫於縣治前得之乃金大定鐘也

金明昌鐘識

明昌七年 今在平陽府城大中樓

金石存略鐘高丈許圍一丈八尺字多剝蝕惟佛寶一大字及皇圖永固十六字完好

金永安鐘識

永安三年正月 今在萬泉縣城北門樓

元無佞侯廟鐵醮盆識

至元二年 今在臨汾東二十里翟村

元壽平寺鐵獅題字

泰定三年十月 今在臨汾縣高河橋

元至正鐵醮盆識

至正十三年 今在猗氏縣城內關廟並見金石存略

右鐵器

漢文欽碑

山西通志卷九十八 金石記十 五

元光四年 舊在絳州見通志金石略

別本部有道碑

光緒戊子濟甯州出土今在州學

謹案碑高六尺許文在穿下額篆漢郭有道先生碑

隸法道古一時競傳為中郎真迹然千里盜碑終是

疑案後乃有言是乾隆中州人李東琪所刻者拓數

本即埋地中其剝落皆偽為者上截每字斧痕顯然

魏閎鄉敬侯衛顛碑陰

開人牟準撰 舊在猗氏縣

謹案楊用修集金石古文有此碑文云敬侯所葬之

先域城惟解梁地即列首山對靈足谷當猗口勢高

而趣幽形垣而背阜盤室而可以蔽藏不墳而所冀



速朽珍琦素白而靡尙衣服隨時而則有故吏述德於隧前門生紀言於碑後曰季居亭而已治詹嘉在主而可友據高平之厚地將億祜而永久所著述注解故訓及文筆處甚多皆已失墜惟注孝經存倉頡冢碑大篆書在左馮胡利陽亭南道旁及華山下亭碑增算狀殷叔時碑魏大饗碑羣臣上尊號奏及受禪石表文並在許繁昌尊號奏鍾元常書受禪表觀並金針八分書也太祖文帝等臨詔令雜駁議上封事一百餘條誠子等散在人間及碑石可見樹碑人郡國縣道姓名共如干敬侯碑不知亡於何時據文中故吏述德門生記言當是刻於原石之陰者方志僅舉其地惟解梁四語並墓不能確指所在錄其全文以存古蹟於魏初諸碑亦頗足資考核也

山西通志卷九十八 金石記十 六

魏高陽侯母邱與碑 八分書舊在聞喜縣

李嗣真書後品母邱與碑云是索靖書比蔡石經無相假借 謹案與母邱儉之父其故里在縣南邱村儉被皆後先墓並夷碑蓋晉時迫立者

晉安邑令徐君碑 西晉時立見金石錄

後魏并州刺史王坦墓碑 舊在絳州見金石略

北齊佛經殘碑

河清三年 正書今在絳州 山右金石存略光緒十年龍興宮出土為洪姓所得石缺少半字多剝泐可辨者一百二十二字 隋寶泰寺碑

開皇五年 今在黎城縣西八里刈陵故城 謹案碑為刈陵縣政新鄉郭伯琛與華川鄉李延壽等為故襄垣太守造浮圖所立者碑末書弟子劉世達供養文上空五格別刻潞州司馬薛選頌及大浮圖主李買妻申屠那肱正書時雜篆隸開皇作閻皇

隋神山石佛碑 開皇二十年 今在陵川縣東二十五里神山頭見續志 唐會善寺貞觀法師碑

山西通志卷九十八 金石記十 七

貞觀二十一年 釋智宗撰常皋辯書舊在潞安府見山右碑目 唐蜀王西閣祭酒蕭勝墓志

永徽二年 石今不知所在 唐韓通碑

龍朔元年 舊在浮山縣並見碑目 唐韓啟墓碑

龍朔二年 今在洪洞縣東二十里蜀村見碑目補遺 唐薛貞墓志

龍朔三年 今在太谷縣陽邑鎮見山右金石文鈔 謹案貞字君幹祖荊州錄事父并州祭酒石並缺其名墓在陽邑故城南一百步不知何時出土文中乃



祖乃父冠冕相承為質為文並參職位又構疾相侵藥餌不療沈痼遂固諸語與近年陽邑所出之鄉正馬憚南溪令孟貞二志一字不異可怪也

唐中德墓志銘

咸亨元年 正書今在祁縣東南十里申村

金石文鈔中君字儒宗文稱祖述任清河縣令而不及父蓋無爵位也其云改葬上申村即今申村與下申村相距數里咸亨至今千有餘年而申氏後裔族處者猶數百家亦足見安土敦仁風俗之厚也

唐飛騎尉連簡墓誌銘

周天冊萬歲二年 今在襄垣縣西十五里

襄垣縣志石於道光初出土縣令張力卓仍封於墓而

山西通志卷九十八 金石記 九

別立碑其上碑略云連簡字隆暨與妻張氏同穴石首行邁大周故飛騎尉連府君墓誌銘其序十六行銘七行文沿六朝餘習字兼篆草行三體其載年月日等武后所製唐武散官飛騎尉秩從六品君以征高麗功得補斯職序稱六郡良家首膺召募與貞觀十九年克遼城詔率五陵之勁卒董六郡之良家合卒於永昌元年實中宗嗣聖六年明年九月武后稱皇帝改元天授國號周飛騎不及見耳葬於天冊萬歲二年景甲一月天冊萬歲次年即萬歲通天元年春時尚未改也丙作景猶避唐諱也武后以十一月為正故以正月為一月至謂連氏系出伯禽是東野之比意當時通姓氏學者多源流或不謬墓經今一千一百三十七年矣連族環居

衣衾相承徒以譜牒失傳未能紀遠秋塲既滌約與赴掘地室隱然其上平曠六畝范氏之業屬其公購仍封誌石並成墳植樹以表之案州縣有志石出土者當以張令此舉為法

同良墓志

咸亨五年 正書今在祁縣見金石文鈔

謹案良字文善文敘先世云祖介休弦歌閭思之苗裔澤州潞城縣鳴琴閭珍之允旨焉語殊拙澁似是其遠祖思為介休令父為潞城令者然唐潞城並不屬澤州也

唐慈德寺會真法師紀德碑

垂拱三年 馮內直撰席望海書舊在潞安府見碑目

唐驍騎尉段雍及處士段威二誌銘

垂拱元年十二月 今在平遙縣見金石文鈔

謹案二石於道光中同時出土據誌雍字德亮其先雁門人曾祖歡齊并州司馬祖昌隋定州司戶父羅并州兵曹雍以從征高麗授驍騎尉威字名遠雍從子也文不著其父名與雍同日葬段村東二里

唐都尉司馬府君殘碑

行書今在文水縣見金石文鈔

謹案碑剝泐僅存百七十餘字名字俱佚賴標題知為氏司馬文中有霜戈曉建星劍霄摩太宗文皇帝親所鑒臨至貞觀之初追惟故事諸語知為唐初以武功佐命者書法絕似聖教當是偽周革命以前所立也



唐大雲寺彌勒重閣碑 有陰

周天授二年 杜澄撰判師古行書今在猗氏縣仁壽寺

謹案碑前標題又有聖德芝草頌一行而以撰書人

分繫二行之下為石刻創見文駢麗書雜行楷多武

后新製字漫漶不能成讀碑額有造像陰列施主姓

名字亦殘缺撰書人結銜惟杜澄存前校書郎四字

唐揚州長史薛寶積碑

周長壽二年 正書額篆書今在臨晉縣北四十里平宜

村

竹庵金目錄云寶刻叢編揚州都督府長史薛寶積

碑王處撰文林耶王應坦書長壽中立在河中府是碑漫

漶過甚惟額書大唐故揚州長府薛府君之碑十二字尚

山西通志卷九十八 金石記十

完好知印寶積碑無疑

謹案碑僅存上半連額剝泐之餘可辨者約二百字

諸家著錄並列武周長壽時而額題大唐終可疑也

唐棲巖寺詩碣並記

周長安二年 今在蒲州府東南十五里見金石文鈔

謹案碑為趙氏著錄前刻高宗御製過栖巖寺詩

五言十韻河東縣文林郎韓懷信書後署咸亨三年

十一月八日次刻鳳閣侍郎平章姚崇五言律題為

過栖巖寺和司直韋元旦韻而以韋詩附之 鈔本有

採訪使張循憲歲除登棲巖寺五古一首後記為河東

首在御製詩前似別一石誤合於此者 主簿韋元晨撰亦韓懷信書專頌姚崇大略言崇奉

命按視河東鹽池既畢蒲州刺史李千里約遊棲巖

崇有詩紀遊尹元凱為書之及崇復命而天后喜賜

以詩崇復有和章元晨以崇學行政事文章為三絕

又以棲巖名勝元凱名筆合以朝廷之寵遇為六絕

云云碑中元旦元凱千里唐書並有傳元晨不知為

元旦昆弟行否崇按視鹽池本傳不載此文亦可備

名臣軼事也

唐宋隴紀德碑

景雲二年 趙棧桐撰殷祈書舊在汾西縣見碑目

唐柏梯寺碑

開元六年十月 徐彥伯撰胡輔之書今在虞鄉縣

金石文鈔徐彥伯唐書有傳神龍元年為蒲州刺史而卒

於開元二年碑刊於六年故結銜署前蒲州刺史彥伯本

山西通志卷九十八 金石記十

名洪以字行史稱其七歲能文觀是碑信博麗也書人他

無所見碑皆處士安定胡輔之錄

唐玉京觀碑記

開元十一年 李璿之撰徐浩書舊在絳州見碑目

唐伯夷叔齊碑

開元十三年正月 分書今在永濟縣首陽山

平津讀碑記碑為邑宰太原王公所建梁昇卿撰文及書

銘末有黃鉞不降志五字當是碑中脫文故附於末

唐薛元允碑

開元十四年 李邕撰白羲睡八分書舊在絳州見碑目

唐王禪成造浮圖碑

開元十八年 今在太原縣山右金石錄碑目並著錄



竹崦金金石目錄三後有李太白題名

唐彭珍墓誌銘

開元二十一年十一月 行書今在屯留縣

金石存略碑近年出土石少一角銘詞缺十八字彭君諱珍字汝珍曾祖寂齊伏波將軍上黨太守因官子孫於此家焉父亮上柱國皆於史無徵書最粗略其甲申屯縣西北十里高原句當是甲申下遺葬於二字屯下遺留字

唐甯國寺碑

開元二十二年 沙門崇福撰史錄書舊在絳州見碑目

唐權奉古謁廟記

開元二十三年 趙傑書舊在潞安府見碑目

唐榼山浮圖讚

山西通志卷九十八

金石記十

三

開元二十五年 今在沁水縣端氏鎮大雲寺

謹案碑前署朝議郎上騎都尉行端氏令張不孤撰雁門解莊書莊碑作莊文駢麗正書圓潤純學登善銘詞

下題大唐開元廿五年歲次丁丑十月辛丑朔廿九

日己巳雕鐫既畢共讚嘉聲與書人名籍並用小字

旁注書人上又注董嘉義一心供養字

唐同州別駕崔禹傳碑

開元二十五年 權僊撰黨撫分書舊在潞安府

唐裴耀卿宗族碑

天寶元年 崔述撰韋若訥分書舊在絳州並見碑目

唐宋慶墓志銘

天寶三年七月 正書今在沁縣見金石文鈔

謹案碑文多殘泐其名字及敘述先世幸皆可辨略

云君諱慶字其曾祖籍荆州刺史祖則上黨縣令惟

父不事王侯隱居求志又云葬於武亭零茂村據閭

良墓志亦有葬零茂村語武亭殆其鄉名歟

唐何知猛墓誌銘

天寶七年五月 今在永甯州見碑目及金石文鈔

謹案何君名知猛字元須而文敘其家世云曾祖令

朝隋任脩化令祖開文上柱國父知猛騎都尉父子

同名必書人之誤文首悲夫作悲訣末銘曰作銘粵

日粵二字古通訣則罕見也石於道光二十三年出

唐夫子廟堂記

山西通志卷九十八

金石記十

三

天寶十一年 今在太原縣

平津讀碑記碑前題駕部郎中程浩撰朝議郎判尚書武

部員外郎瑒邪顏真卿書朝散大夫檢校尚書都官郎中

東海徐浩篆額末題天寶十一載歲次壬辰四月乙丑朔

廿二日丙寅建唐會要天寶十一載二月二十八日改兵

部曰武部駕部曰司駕程浩撰此記當在二月二十八日

以前魯公書又在二十八日以後此記本刻在扶風縣文

苑英華唐文粹載浩此記俱題作鳳翔府扶風縣文宣王

新廟記後人愛魯公之書削去扶風古縣也一段所在重

刻其見於世者有湖州華州諸石文苑英華唐文粹記末

題大曆二年某月記當是後人重刻年月編書者誤為撰



唐刻波羅密多心經 有陰及兩側

天寶十一年 今在絳州

謹案此石正書心經其陰草書釋迦牟尼佛阿彌陀

佛等讚兩側一刻天寶十一載七月十五日一刻太

子賓客高子珍書道光中出土藏州人張學博等舉

家

唐襄城令鄭暹墓志

天寶十三年 今不知所在見碑目

唐智通禪師塔銘

天寶十三年 沙門復珪撰今在永濟縣棲巖寺

金石存略石久陷土中光緒庚寅經朝邑閻相國訪得始

為掘出禪師姓張氏虞鄉人行書絕佳而碑無書人姓名

唐萬泉令裴千鈞德政碑

天寶中

唐普救寺碑

廣德二年 舊在襄陵縣見碑目

唐吏部侍郎鄭嬰疾碑

永泰元年 張楚金撰史維則分書舊在潞安府見碑目

唐鐵元始像讚並承天軍城記

大歷元年 道士胡伯成撰今在平定州娘子關老君洞

金石文鈔讚與記共刻一石其序稱張公英果絕倫雄略

冠代初則環山作城終乃宏道佐主遂精銳足巧範鐵莊

金知公之守則固戰常克皆慈衛之力也雖勿受福神其

舍諸云云所謂張公河東節度兵馬使張奉璋也舊唐書

王績傳大歷三年籍兼太原尹北都留守河東節度太原  
舊將王無縱張奉璋以籍儒者易之每事多違約東籍一  
朝悉召斬之是像成不三年而奉璋且以軍法死碑所謂  
受福者安在哉

謹案州志於此碑惟錄承天軍城記而略像讚不言

又誤為李謹文山右金石志略據以著錄而以文中

有開皇大業字為疑今考原碑乃皇六葉賊臣總燕

師者帥漁陽雜虜明指安祿山州志譌六葉為大業

又於句首妄增開字遂似前代往事者宜為王氏所

譏奉璋事蹟具見唐書史思明傳伯成二文合刻像

讚乃本事軍城特追記之為鋪張功業地其末段云

公又於黃沙嶺築德化成示懷也慕容隘築沙胡城

示威也復聯建三堡絕細徑也皆有開晉東掌故者

志亦削去不錄其碑後列銜有大使特進太常卿上

柱國南陽開國子食邑五百戶張奉忠 以下諸人結

具副使王丕陳遵 遵前一行亦游奔使吳廷珍

營田副使張如珪防城副使廉明都虞侯孫希晏將

雲麾將軍于光庭張鸞子 此下二行曹龍興此行官

並缺 凡十七人內張奉忠下有管樂歟三字陳遵

嶠下有杞梓歟三字皆不可解伯成自署潯邱道士

蓋太原人也

韓楚玉碑

大歷六年 韓濟撰集賢學士口口書舊在絳州見碑目

韓濟撰集賢學士口口書舊在絳州見碑目

韓濟撰集賢學士口口書舊在絳州見碑目



大曆七年五月 李邕撰張廷珪八分書見金石錄

謹案董氏目錄作程文英無撰人云在河津侯考

唐魏文侯師段干木廟銘

貞元二年八月 盧士牟撰趙彤書今在芮城縣

平津讀碑記水經注河水自河北城南東徑芮城二城之

中有段干冢後人因建廟其地范陽盧士牟撰銘唐書宰

相世系表盧士牟和州刺史碑剛作劉偃作偃避作避皆

異文案拓本趙彤芮城令舊通志作貞觀二年

唐贈右僕射王謙光碑

貞元十七年 權德輿撰鄭士林書舊在潞安府見碑目

唐衡山王寺碑

貞元十七年 李巽撰羅君立書元澄篆額舊在澤州府

山西通志卷九十八 金石記十

唐龍泉記

元和三年 今在芮城縣

平津讀碑記鄉貢進士張鏞述河東裴少微書末題順宗

皇帝傳位之明年涼風至旬有五日記河東裴勣書額不

又題元和戊子歲月在高萊十八日書則張鏞撰此記在

元和元年裴少微書此記又在元和三年也

唐棧伽寺碑

元和六年六月 僧道明撰今在濩陽縣城東太平村

謹案碑見金石文鈔標題大樂山重修古楞伽寺碑

記文記寺界至有云東至峯神廟西至礮石山南臨

上馬平北據默峪澗與大樂山皆古地名之有資志

乘者

唐左常侍薛萃碑

元和十五年 孟簡撰柳公權書舊在蒲州府

金石錄唐史列傳云萃父順為奉先尉而此碑及元和姓

傳皆云名順先蓋史誤也

謹案金石略作散騎常侍致仕薛萃碑在蒲州

唐報國寺泛舟禪師塔銘

長慶二年 袁九撰薛穎書今在安邑縣見山右金石錄

唐振武節度使單于大都護府張維清政績碑

寶曆二年 高鉞撰舊在和林格爾廳北

宣室志黑山之陰有衛公廟寶曆中張惟清都護單于其

從事盧立營夢一人頰長黑衣告立曰吾居於衛公廟且

久矣子幸遷我於軍城已而遂去及曉立不喻即入白於

山西通志卷九十八

金石記十

十七

惟清曰衛公於國有大勳今廟宇墮殘飄灑且甚願新其

土木之製惟清喜而可其語先是單于府以惟清有美化

狀其政績請護軍賜忠表聞於上有詔命中書舍人高公

武文其事刻於碑詔既至而未有碑石方命使採石於雲

中郡未還及修衛公廟鏹其西得一石方而長其下有刻

出張字庶然可辨工人持以獻惟清惟清喜曰天賜吾之

碑石因召從事視之立且驚且異因起賀而白前夢於是

以石為碑刻高公之文焉

唐龍泉後記

太和六年七月 鄭澤撰姚全正書今在芮城縣

平津讀碑記太和六年夏陝魏羣牧使袁孝和禱雨龍泉

有應芮城令鄭澤為撰此記文云太和五年秋六年春歷



四甲子無雨雖有風雪亦不及農用舊唐書本紀太和五年是冬京師大雪六年春正月乙未朔以冬雪廢元會王子詔去冬以來踰月雨雪寒風尤甚陝虢去京非遠其雨澤不同若是

唐甘泉山寺口禪和尚碑銘

太和六年十月 王季撰并書今在文水縣見金石文鈔

唐梁春墓誌銘

太和七年十一月 即壽陽安定梁君 墓志已見前記

謹案文略云安定梁君卒於晉陽望幸里春秋享秩一十有一遷窆於壽陽縣怡露鄉段亭村莊之西巨

山之南君名春字春河東節度散將驃騎大將軍試

殿中監輔國之孫河東神將儒林郎試宋州宋城縣

尉季准之子又云孝經論語通卷背文顏氏字類之

書問之便寫以十一齡童子能之亦無大異而撰銘

者直稱為梁君以漢逢盛碑例之過矣咸年十二

唐石佛谷詩碣

開成元年 皇甫暉撰李道夷書今在鳳臺縣

謹案碑見金石錄略時刺澤州石佛谷即碧落寺也

唐黃公記

開成六年 李漢撰裴子方書今在絳州

平津讀碑記碧落文為李漢書碑陰記其始末前題黃公

記末題開成二年十一月廿五日絳州長史李漢記新唐

書世系表撰封黃國公碑國在縣字雖泐下半尚可辨

唐盧榮望墓誌銘

咸通四年 今在汾州府

謹案榮望墓在府城西北三百步石不知何時出土

書體近誠懸時雜行草文敘盧之先世引晉尚書盧

雄宿清河崔暄墳得鬼妻生子故事下即書其祖某

殆呂黎所謂惟怪之欲聞也

唐碧落文碑側記

咸通十年十月 今在絳州

平津讀碑記文末題宏農楊墳記墳楊嗣復子新唐書本

傳路嚴為相使墳按獄黔中踰年還三遷絳州刺史題記

正其時所作

唐元宗哀冊文

史籍八分書舊在潞安府見通志金石略以下皆不詳年月

唐汾陽王將佐略

無撰書人舊在蒲州府

唐開元寺汾陽王像殿碑

僧開祕書舊在蒲州府

唐東川節度使李叔明冠冕頌

趙洎書舊在潞安府

唐蒲州刺史裴寬德政碑

韓擇木八分書舊在蒲州府

唐絳州刺史柳國公韋陟遺愛碑

蘇嬰八分書舊在絳州

唐薛光裔碑

陸尚賓書舊在絳州並見金石略

山西通志卷九十八

金石記十

十六

山西通志卷九十八

金石記十

十九



唐立泉陶廟碑

顏真卿書舊在平陽府見碑目

後晉栢山大雲禪院記

天福五年 今在沁水縣端氏鎮見碑目

後晉解律咸陽王廟記

天福五年 張榮撰今在沁水縣

後晉冷求開天竺路記

天福五年 李安書今在鳳臺縣並見碑目

後周龍泉禪院前後記

廣順二年 今在陽城縣

平津讀碑記前記為澤州司法參軍徐綸述乾甯元年建院勅額之由末題大周開基之二載歲直王子蓋廣順二

山西通志卷九十八 金石記十

三

年也記後有鄉貢進士王獻可後序述大周承祧之二祀凡梵宇悉去無名是院以有乾甯賜額得存舊五代史顯德二年五月甲戌詔諸道縣鎮村坊有勅額寺院一切仍舊其無勅額者並仰停廢所述與史合

後周印法華經記

廣順三年 舊在臨汾縣見古林金石表

後周棲巖寺新修舍利塔殿經藏記

顯德六年 李榮撰張霸書今在永濟縣見金石文鈔

謹案碑後署翰忠保節功臣河中護國軍節度管内觀察處置等使光祿大夫檢校太尉行河中尹兼御大夫上柱國清河郡開國侯食邑一千戶張鐸建鐸宋史有傳河朔人仕漢歷周入宋終鄆州刺史撰書

人無考瑩結銜節度掌書記將仕郎試大理司直

宋棲巖寺四至記

咸平二年 今在永濟縣見金石存略

宋玉兔寺寶錄

景德二年 今在浮山縣見山石金石錄

宋折太君碑

大中祥符三年 今在保德州折窩村見金石錄

宋李將軍碑銘

天禧二年七月 今在介休縣下里侯村

謹案李將軍漢李陵也村有祠有墓蓋李氏居此者為之曹學博士勤云碑文駢體署前偽命省司別駕徐贊撰前定州節度使孫鄉貢學究喬九成書學究

山西通志卷九十八 金石記十

三

李化成篆碑陰題名多古村聚如板谷里侯神村水谷諸名皆邑志所無撰文之徐贊蓋會仕北漢者故有偽命字也

宋龍潭記

乾興元年 夏侯觀撰今在鳳臺縣見碑目

宋二賢祠碑

慶曆六年 黃載撰今在首陽山見金石存略

宋萬泉縣移修文宣王廟碑

至和元年 縣令趙暉撰并書

存略碑陰有大觀二年呂從龍從重題名二十四字

宋司馬晉州待制哀詞

嘉祐元年十月 今在夏縣温公祠堂見金石文鈔



謹案石刻天章閣待制司馬池曉詩太常博士通判  
延州軍州事馬端撰著作郎管句河東路機宜文字  
雷憲書詩十二韻有注者十處雷憲書勁險絕倫當  
時無書名僅見此碑

宋大雲寺額牒文

治平元年 今在武鄉縣西六十里故城鎮見縣志

宋洪崖子得道碑

熙寧九年 范諤撰許應書今在臨汾縣姑射山

存略洪崖子神山人名居後唐明宗召對稱旨賜爵不  
受邑人張方果姑射山記稱洞旁有碑光可以鑑唐物者  
卽指是碑也金石家並據以著錄列唐碑中誤

宋重修壽聖寺碑記

山西通志卷九十八 金石記十

元豐三年 王仲儒撰弟仲口書今在猗氏縣見存略

宋塔寺創修法堂記

元豐五年 今在芮城縣見縣志

宋耆英會圖並詩石刻

元豐六年 司馬光書今在夏縣

山石金石錄圖者十二人或行或坐或立幅巾杖履有蕭  
然世外之致惟溫公據案握管以方撰資治通鑑故也前  
有序及會約後有諸人唱和之作皆公自書小楷端謹惜  
多剝蝕不能得其精神耳繪者閩人鄭集此爲明天取丙  
寅十八代孫露重摹有記

宋高萬墓誌銘

元祐三年 今在崞縣申村見縣志

謹案石於同治間出申村渠內文爲前太原府戶曹  
參軍加霖撰略言萬以豪資聞習水利事陽武河每  
遇漲濱河田數十頃皆苦墊溺之患萬鑿渠築堰引  
漲水以灌瘠田得膏壤數十頃卒抵豐殖鄉人效之  
知有利而不知有害云云當熙寧時朝廷求水利官  
督淤田至壞民廬舍墳墓此所云引陽武漲水者亦  
淤田也其創始由民自爲遂至今食利云

宋芮城縣題名記

元祐七年 張文炳撰今在縣署見碑目

宋塔寺創修法堂碑

元符二年 姚宗道書今在芮城縣見縣志

宋金繩寺塔銘

山西通志卷九十八 金石記十

元符中 僧崇真建今在榆次縣中社村見縣志

宋堯山帝堯像記

崇寧三年五月 李挺芳撰并書今在浮山縣東八里

浮山縣志挺芳耶耶人時爲縣丞碑字畫道美刻工亦

精

宋方山員逢詔李長者詩碣

熙寧五年 今在壽陽縣見碑目

宋新修五龍神像記

大觀四年十一月 行書今在長治縣五龍山

謹案碑爲宣德郎搢通判隆德府軍事管勾學事陳  
迪撰承奉郎簽書隆德府節度判官聽公事趙士瓌  
書後列銜有朝議大夫直龍圖閣權知隆德軍府事



管勾學事王完朝奉大夫權發計度河東路轉運副使公事王桓朝請耶權計度河東路轉運副使兼措置繫事崔鈞

宋勅賜神居洞崇道觀額碑記

宣和六年 知縣王仲立縣丞趙不約書今在臨汾縣授堂金石續跋碑書平陽府奏本府臨汾縣姑射山姑射洞離洞二十里有廟名姑射神人廟乞特賜名額奉勅賜姑射洞為神居姑射神人廟為崇道其依牒奉行在政和八年閏九月後列中大夫守右丞范中大夫左丞馮宋史徽宗紀重和元年以翰林學士承旨馮熙載為尚書左丞刑部尚書范致虛為尚書右丞又少宰少保魯國公則蔡京也後列年月及令丞名

山西通志卷九十八

金石記十

五

宋星延法師碑銘

宣和二年 王干撰并書在永濟縣樓巖寺見存略

謹案星延系宋人隋開皇時嘗應詔祈雨宋王干為河東提舉追立此碑

宋譚積祭汾東王廟文

宣和五年 姜仲謙撰趙令疇行書今在太原縣晉祠

存略積結衛太尉武信軍節度使充河東燕山府宣撫使以禱雨有應為報享之詞

宋勅封嘉潤侯牒文

宣和七年 今在浮山縣見山右金石錄

宋紫清觀額牒文

政和五年八月 今在芮城縣西門外

志略康云尚書省牒保平軍紫清觀牒奉勅宣賜紫清為額云云後署右丞薛左丞侯大師魯國公俱有押首保平軍奏

宋趙和墓誌銘

政和六年 裴公輔撰并書今在汾陽縣

存略石於同治間為汾水沖出藏白庚西學博家

宋立趙襲子墓碑

大通監李隨撰今在交城縣見碑目

宋訓廉訓刑二銘

今在浮山縣署退思堂

宋冀壁古寺碑

今在平遙縣城西南題大宋姑姑之神額篆書文同

山西通志卷九十八

金石記十

五

宋打地和尙塔銘

張商英撰今在定襄縣並見碑目

宋首陽山賦石刻

蔣堂撰劉永言書今在永濟縣見縣志

遼武州龍音寺塔記

太康五年 今在五寨縣東北大辛莊見甯武府志

遼甯壁墓志

乾統二年 虞仲文撰并書今在朔州鄂公祠

山右金石錄文波瀾意態頗學昌黎而其格近俗文中俱官江北大約指混同江而言至於接伴宋使臣以小心得過可見遼宋和好有推重中原共主之意非金元二世可此也其父為鄆陽主簿子孫因家焉鄆陽今朔州其墓在



州東四里

遼瑞雲寺碑

今在山陰縣見碑目

金摹刻司馬朴書柳氏家訓

皇統九年二月 草書今在夏縣温公祠

謹案朴字文季温公從孫仕為兵部侍郎奉使於金

留不遣因得還家中州集稱其工書翰有晉人筆意

章宗萬機之暇嘗購其遺墨學之云云此乃所書柳

玘戒子弟語僅一百三十餘字其子作為摹刻於石

後跋云先公侍郎手澤以戒作通俾終身行之今不

敢忘謹摹於石子孫其永保之己巳春卅六日男作

泣血記不書國號殆即陶靖節義熙後但題甲子之

意歟

山西通志卷九十八

金石記十

三

金重立司馬温公神道碑記

皇統九年六月 王庭直撰王昭書今在夏縣

謹案庭直為夏縣令得原碑拓本於司馬作家乃分

為四石摹刻之合碑額及跋尾為六石於墀院別築

室嵌之壁間此記即末一石也中言作及弟通方冒

暑毒焚舟決戰於雲燕之間未回考是時南北罷兵

疆域晏安雲燕為金中京西京地所云焚舟決戰者

竟不知為何事也

金興福寺重修大殿三門記

正隆元年 張忱撰僧福崇書今在汾州府見碑目

金重修天龍寺銘

正隆四年 智允迪撰任泉書今在太原縣見碑目

金稷山縣康樂亭記

正隆四年 縣令張陞撰今在縣署見金石存略

金古彌勒院記

大定二年 毛麾撰并行書今在臨汾縣東上陽村

金太清觀牒文

大定三年 今在猗氏縣城內

存略觀東西壁石碣二其一刊本縣給只存乙卯年字

金勅建大覺寺碑

大定五年 張仲全撰并書僧宗海立石今在岳陽縣南

二里並見存略

金萬卦山詩碣

大定六年 史口撰今在交城縣見碑目

金隴西李口墓誌

大定十一年 賈圻書今在安邑縣見碑目

金重修馬莊武王廟殘碑

大定十一年 今在猗氏縣見存略

金康澤王廟碑

大定十一年 毛麾撰黃仲庭書今在臨汾縣龍子祠

金遼州文廟碑

大定十四年 軍事判官鄭元撰並見存略

金建關大王祖宅塔記

大定十七年 今在解州東二十里見碑目

金李氏園詩碣



大定二十六年 喬展撰并書今在洪洞縣見碑目

金冀氏縣文宣王廟碑

大定中 今在岳陽縣南一百三十里冀氏村

存略碑在村之觀音閣冀氏縣令李忠翰撰進士蔡賈書

金重修女媧廟碑

明昌元年 胡文棟撰并書今在靈石縣南關鎮

金摹刻唐御製宸展台衡二銘記

泰和元年 今在猗氏縣馬莊武王廟

謹案二銘本馬燧守北都時德宗所賜者燧刻於太

原泰和初道士杜道晦得拓本因摹刻於此而主簿

梁德裕爲之記鄉貢進士薛繼先書之其宸展銘亡

於明時今惟存台衡銘及記繼先字曼卿號州人金

山西通志卷九十八 金石記十

史有傳書法平原頗可觀也

金天壇三清廟碑

泰和二年 段時可撰李彬書今在猗氏縣見碑目

金華州防禦使武威郡侯段鐸墓表

泰和二年 張萬公撰今在稷山縣平隴村

授堂金石三跋表書段鐸歷官事迹最詳審考錄於金史

無傳惟附見梁襄傳曹州刺史段鐸薦襄學問賅博練百

典故者是其人也今約舉碑所稱鐸字文仲與兄鈞同游

場屋都人呼稷山二段正隆二年登進士第五人第調長

安簿守絳州絳縣職滿除天德軍節度判官移率耀州繼

宰涇陽改充尙書兵部主事授同知棣州防禦使事復被

命審決河北路刑獄事除中都翹務起授大名府治中兼

本路軍馬副總管尋授曹州刺史移鎮平定未幾徙節授

華州防禦使懇求致政職進兩階授中奉大夫加護軍武

威郡開國侯增邑三百戶食實封一百戶俸祿仍給其半

以泰和元年五月歸里是年十一月卒蓋鐸所居官皆有

實驗爲當時所稱而在棣州時河決滑衛間故相劉緯辟

督工役按之劉緯傳何決於衛自衛抵滑滄皆被其害詔

兼工部尙書往塞之與碑文合緯有幹力其所辟如鐸者

洵亦賢矣

金岳陽縣赤蓋令尹遺愛碑

泰和四年 王度撰并書今在大覺寺

金首陽山弔夷齊詩碣

存略文刻大定五年大覺寺碑陰赤蓋下缺其名

山西通志卷九十八 金石記十

泰和四年 王仲通撰並行書今在永濟縣

金嘉祥顯濟王廟碑

泰和四年 今在沁州西三十里伏牛山

沁州志碑前署銅鞮進士段人常思初撰并書後書泰

和四年歲次甲子八月辛卯朔十有五日乙巳段人常

思溫立石舊志以段人常爲姓名誤

金芮城尉紇石烈昭信德政碑

泰和六年 許安上撰楊處仁書見縣志

金雙榆社碑記

泰和八年 栗希孟撰今在襄垣縣見縣志

金襄垣義家記

泰和八年三月 栗希孟撰今在縣東門外見縣志



金重修姜源廟碑

太和中王藻撰今在絳縣南三十里存雲嶺見存略

金亢泉更名碑

貞祐五年碑陰興定二年今在臨汾縣東亢村

存略亢泉即澗泉在縣東南二十五里碑前署府學正堂

柳德榮書臨汾縣令孔祖湯立石陰記河東行省禹門李

革君美因觀稼來此廟前一泉澄澈可愛俗謂之深泉以

其名不雅馴因其地改名曰亢泉從行者行六部尙書頌

川張毅伯英宣差參議翰林直學士常山李尤魯暉德明

同知總管遼陽完顏盡忠進之等末署毅書

謹案貞祐五年即興定元年也李革張毅金史並有

傳革河津志作華五臺志同以字君美證之似不誤

山西通志卷九十八

金石記十

三十一

而此碑作革與本傳合或初名華後更名革歟碑立

於興定二年是年十月元兵破平陽革以身殉張毅

已前卒碑為所書亦僅見者歸潛志稱其字畫古勁

有平原風信然

金贈榮祿大夫樞密副使王晦碑

舊在高平縣

金史貞祐中順州受兵晦被執不降死事聞贈官命有司

立碑歲時致祭

金忠武校尉任德懋墓碣

蒙古王寅元好問撰舊在汾陽縣洪哲里見遺山集

元太平縣重修文廟賢廊碑

至元十年王惲撰并書

金石存略惲結銜前翰林院修撰監察御史陞承旨郎平

陽路總管判官兼額者經歷田伯英也

元重修岱嶽廟碑

至元十一年鄉貢進士白秀書今在鳳臺縣冶底村見

存略

元首陽二賢祠碑

至元十一年王惲撰王博分書今在永濟縣見山右金

石錄

元棲巖寺碑

至元十一年陳賡撰王惲書今在永濟縣見金石錄

元姜文卿晉祠留題詩刻

至元十九年三月姜或撰張維正書今在晉祠

山西通志卷九十八

金石記十

三十二

存略至元壬午或為河東山西道提刑按察使因觀水利

謁祠題七絕四首浣紗溪詞二闕九月來賦鷓鴣天二闕

次年上已重游題五律一首書人為經歷張惟從行者有

前嵐州知州平晉尹魏章書史王中權秉中諸人

元雁塔寺聖旨碑

至元二十二年今在猗氏縣見存略

元重修康澤王廟碑

至元二十三年張著撰岳世安書今在龍子祠

元知石州高岡墓碑

至元二十六年胡祇遜撰王博文題額今在甯鄉縣北

元藏山寺碑

至元年今在平定州亂柳村見李兆勛承天訪古記



元重修康澤王廟碑

元貞二年五月 曹輓撰林思問書今在龍子祠

元洞神宮記

大德五年 郝毅撰并書今在稷山縣見存略

元棲巖寺中書省牒

大德七年 今在永濟縣見碑目

元宣差橋船都總管疏

大德九年 今在永濟縣見碑目

元開河寺碑

大德中 今在平定州亂柳村見承天訪古記

元復建岱嶽行祠記

皇慶元年三月 續執中撰賈之美書今在翼城縣見存

山西通志卷九十八

金石記十

三

略

元儀氏先塋碑

皇慶二年 今在解州西北十六里侯村

存略翰林侍制陳學撰高郵知州儀叔安立

元后土廟增置地畝碑

延祐三年 今在猗氏縣城西見存略

元平西侯李公碑

延祐四年 今在太谷縣東北四十里東里村

太谷縣志碑題亞中大夫輕車都尉河東山西道宣慰

使平西侯李公不詳何名

元岳陽縣新修廟學記

延祐五年 續執中撰見存略

元李允魯辨晉祠詩稿

延祐五年 石抹思誠正書今在晉祠勝瀛樓

元路學錢糧記

有陰

延祐五年五月 張思敬撰并書今在平陽府學

存略碑敘廉訪使張景魯贍田畝租與教授李從恕興學

事陰記田畝米豆之數

元同知八番順元軍民宣撫司霍子萬先塋碑

延祐七年 李洞撰今在定襄縣西邢村

定襄舊志霍去病墓碑文一千四字銘一百七十六字

延祐癸未前翰林國史編修官李洞撰碑內切要及所

敘流派名字殘毀始盡大都去病後代子孫宣撫君功

成之後刻石祖塋一以彰先人之舊一以昭繼述之光

山西通志卷九十八

金石記十

三

文有云定襄今忻州所屬邑其族數百人以東西小

霍自別又云五里名西興里為塋冠軍則世有廟祀蒙

尉案蒙山一名蒙尖山舊有兩龕侯廟相傳為去病

碑世有廟祀蒙下毀二字必為尖山無疑其曰西興里

為塋豈古西興即今西邢也

謹案霍君子萬碑缺其名文敘家世溯始冠軍援漢

書出兵定襄為證然漢定襄郡自在塞外霍氏聚族

於斯虛建祠墓本事之常而遽指為歸骨所在則傳

合之謬也撰文之李洞勝州人嘗有慨之文集志云

李洞誤

元重修薛仁貴廟碑

延祐七年 薛恭敏撰并書今在河津縣黃村見存略



元漢泉聖母廟碑

至治二年 房希文撰許有駮書今在臨汾縣東亢村

元建明陽觀碑

至治二年 薛天輔撰今在榮河縣南關

元姚忠肅公議謚碑

至順四年 今在稷山縣南陽村觀音堂

元稷山縣文廟古銅祭器碑

後至元元年 段秉昭撰梁周文書並見存略

元左丞李彥古墓碑

後至元元年 今在應州見碑目

元靈泉寺禱雨碑

後至元元年 趙承禧撰何約書今在東亢村

元棲巖寺請師疏

後至元五年 今在永濟縣見碑目

元晉甯路復建夫子廟兩廡碑記

後至元六年 續執中撰田九嘉書今在府學見存略

元重修法隆寺碑

至正二年 教諭李本撰僧行願書今在沁水縣東關

元靈石縣靜昇村廟學碑

至正二年 張允中撰縣尹冉大年書

元絳州重修夫子廟碑

至正二年 賈魯撰并書

元絳州新建鼓樓記

至正三年 賈魯撰并書知州李榮祖立石

山西通志卷九十八 金石記十

絳州志魯書取裁於晉而氣骨蒼穩絕去近世佻巧之

習昔人謂元人書法復古信然

元潞州知州張奉儀創鑿龍井記

至正四年六月 今在長治縣五龍山

存略碑為翰林待制王理撰宣文閣監書博士周伯琦書

禮部尚書王守誠篆額伯琦正書類趙文敏張奉儀鑿井

禱雨事府縣志錄其五碑頗譏其好名而不知者尙有此

碑也

元姚文獻公龍池詩碣

至正五年 王士元書今在臨汾縣龍子祠

元康澤王廟禱雨碑

至正五年 王士元撰王好學書達魯花赤朶羅文立石

山西通志卷九十八 金石記十

元端雲觀碑

至正八年 張寬撰張孝先行書今在靈石縣

元慶壽寺碑

至正九年 王士元撰今在襄陵縣東南王村

元龍子祠禱雨碑

至正九年四月 教授張昭撰王士元書李維善篆額

元重修普應康澤王廟碑

至正九年八月 陳克敬撰段庸書並篆額

元晉源山水詩碣

至正十年六月 王士元撰并書今在龍子祠

元重修羅漢院記

至正十二年 段昂撰段訥書今在浮山縣並見存略



元萬卦山野雲行業記

至正十二年 郝忠撰今在交城縣見碑目

元段承相墓碑及泰安州知州段希義碑

至正十三年 今在洪洞縣南十里馮張村見存略

元上喬村廟碑

至正十三年 段義撰今在洪洞縣南二十里

元三靈侯歷代封號記

至正十四年九月 今在稷山縣城並見存略

元資政大夫司農鄭允中先坐碑

至正十口年 翰林承旨趙孟祚撰今在石樓縣南五里

元廉將軍廟壁記

至正二十年 段承祚撰並書今在稷山縣廉城村

山西通志卷九十八 金石記十

元太平縣重建夫子廟碑

至正二十一年 郭晉撰縣尹馮鈞象額尉趙元善書

元興修上官河水利碑

至正二十六年四月 今在臨汾縣龍子祠

存略承務郎少保府長史前翰林院國史館編修官楊統

撰張守文書後列推官仲思明董珍判官傅忠程源治中

撤都議理刑部尙書兼載諸名守文洪洞人書頗秀逸

元重修靈淵侯廟碑

至正二十八年 王安良撰今在嵐縣大萬山

元壽聖寺呂左丞詩碑

至正中 呂思誠撰今在平定州移穰村

元絳陽軍節度副使郭子通德政頌

今在絳州見碑目

元李留守墓碑

今在洪洞縣城東一里

元廣裕大師道行塔銘

趙孟頫書今在稷山縣並見碑目

元修成湯廟碑

何世祿撰今在祁縣紫紅鎮見存略

元建鎮署碑

今在神池縣利民堡玉皇廟見存略

右碑碣

後魏開河寺摩崖題記

永平年 今在平定州亂柳村

山西通志卷九十八 金石記十

承天訪古記石在大像之右摩崖刻文後題名數行陷壁

中前有佛立石上石三面刻殘泐特甚有永平字知為魏

物

後魏贈代郡太守程哲碑

天平元年 今在長治縣袁家漏村

謹案此碑於近年始經人訪得摩崖刻高四尺許字

三十二行行四十五字楷法勁整惟結體甚小磨崖

刻艱於運刀鋒銳少綴而完好僅缺數字殊可貴也

其文則支離雜沓漫無體裁不能以金石常例繩矣

碑額題大魏天平元年歲次甲寅十一月庚辰朔三

日壬午造訖歲月書額唐貞觀晉祠銘以前此為僅

見其下首行題假恒農太守程定宗詔假常山太守



程文靜前祭酒輕車將軍程海珍假太原太守程蓋  
世程進程慶仲等造第二行題朔州故平北府長史  
程鉢字洪根故晉陽令程蠡字士璉故高都令程買  
字市略故贈代郡太守程府君之碑文標目述及同  
族名字並書金石中尤為創見也文稱君諱哲字子  
賢上黨長子人器識融通狎素淵雅論經則通并於  
四科語典則幽達於賈馬揮翰風生吐章落玉孝等  
曾閱義同柏山又善弓劍便於騎射彎弓十石矯矢  
援號養由碑作蒲盧茂以加也又云振羽霄霞考槃  
雲室高扳人表獨悟世里蓋才兼文武賢而隱者也  
其敘家世溯始商周系出程伯以程嬰為遠祖次漢  
程不疑次魏程愷與弟昱皆於史有徵以下則為晉

山西通志卷九十八

金石記

三

豫州刺史山陽侯雄浮氏令猛上黨太守豐豐弟後  
趙司徒公暇而豐實始居上黨豐生七子七子與文內趙太和  
七年七皆當蔭元氏令稚白馬令魏郡太守並仕於  
趙稚生五子綆代郡太守貴鄉侯景絕後洛陽年中  
牟二縣令陽容城令周常山太守皆仕於燕而周即  
其高祖會祖蒲始仕魏為武安令三子芝高都令信  
假魏郡太守韓假趙郡太守則敘止祖芝而不及父  
又標目之程鉢程蠡程買亦不復敘及而文後別為  
三頌一題故贈代郡太守并息贈陳郡太守程承之  
頌詳頌詞即哲與其子也一則蠡並二子廣平太守  
靜光假西河太守次等一則買並其子贈太原太守  
義而獨遺鉢無所述凡此諸人與造碑之程文靜等

六人亦竟不知與哲屬何輩行也至若敘程氏所自  
有云伯荷以英才築出作卿相於成康休父以鑒明  
洞悟乃光隆於周室伯荷無可考據唐書宰相世系  
表言重黎之裔孫封於程是為程伯至宣王程伯休  
父失其官守以諸侯入為王司馬云云則所謂伯荷  
在成康時或即封於程之程伯耶要必有據不得以  
不見古籍遂謂無其人也惟謂晉平公封程嬰為忠  
成君漢武帝以程不識為并州刺史霸城侯皆不知  
何本若爾則後來趙宋之封程嬰為成信侯公孫杵  
臼為忠智侯特襲舊號而刺史專制不自後漢霸城  
置縣亦不始西晉矣三代無追贈官爵之制漢武初  
秩六百石治無定所地理志無霸城縣晉志始有此縣屬京兆郡其他自程昱外雖

山西通志卷九十八

金石記

三

不見史傳及姓氏書要是實錄程氏世為潞著姓康  
熙中程大令正續管輯上黨程氏乘餘錄以補郡志  
未備其子之珩復有續錄又著程氏人物考搜採可  
謂勤矣而此碑近在境內其有關於譜牒甚鉅徒以  
山崖幽僻竟未一覩物顯晦有數信哉  
東魏紅林灣佛龕題記  
元象元年 今在平定州移穰村見承天訪古記  
魏齊三佛龕題記  
今在平定州亂柳村西  
承天訪古記中龕正面佛像五左側佛像三右如其左下  
層皆有題名記刻於龕之肩東魏武定五年也有龕最大  
北齊皇建口年造記亦刻於龕之肩龕內正面佛像五左



側佛像二右如其左下層亦有題名左龕制如前一龕北齊清河二年造龕內佛像題名式如前中龕右龕之間復有造像二一為皇建二年一為河清二年皆有記刻於像之下層龕皆為石門門已亡僅存石坎其迹若可啟閉者北齊李清報德像碑

即李清造像記已見前卷

月齋文集此碑在平定州東四十里石門口磨崖正書三十行行四十一字曹秋岳古林金石表始著錄謂之石門口寺碑寰宇訪碑錄有此碑目而行下地名則缺之案碑為鄉郡鄉縣李清報趙郡李憲李希宗父子二公之德而造李憲北齊書無考希宗為文宣皇后之父見后本傳北朝自魏太武造新字其見於石刻者臆書破體不可殫舉

山西通志卷九十八 金石記十 四

此碑為燕州釋仙書法嚴整古拙是北碑正派而其人不通文語動筆輒誤非爾時書體然也如造像人李清首行作李清第三行以禮待青德乏故賢二名俱無水傍此必有一誤憲官宛雍七兵尚書陽翼定五州刺史魏齊間河北諸州無置陽州之事反復推究陽蓋易字之譌若五行簡易可久第二十九行隸勢易往易皆又此僧自署作易則由魏齊間易二字率不分別也 燕州考魏太和中曾分恆州東部置燕州孝昌中陷天平中於幽州軍都城置東燕州北齊州廢置東北道行臺此僧究生何時所產何地乎古人列街書郡書縣無書及州其偽然似不可相人漢志以下無異文即北齊李渾諸人孰以例此僧也 傳亦作趙郡柏人元和志曰後魏改柏人為柏仁隋志襄國郡柏仁校者仍據漢魏地志改仁為人今此碑正作柏

仁可以訂校者之矣矣又云永甯鄉陰灌里人也兼詳其鄉里之名蓋放史記高祖本紀之例清以文靜文簡薦拔得奉朝請感其德至於去家五百里就邢那開榆交戎磨崖刊石造此像碑那疑邱字邢那謂并陘開榆謂榆關也鄉郡為今沁州武鄉去吾州石門口正五百里往來晉陽鄉中所必經故碑云萬里莫途百州路側也首行年月日惠則製銘者別是一人碑中壞字如扶作扶朽作杉兩標作樹盡作蓋質作質猶作猶嗣作嗣葭作葭梁作梁序作序微作微之類甚多凡魏齊間習見又有謬文如負土城墳當作成墳石柳張炭當作張灰職二三界職二二字不解惟此公二當作二公字息二不留次息字二點當是之碑者以小字正書二點之下

山西通志卷九十八 金石記十 四

又有脫文如波輪迴星流電滅波下脫一字戶改詞曹門通德門下脫一字功大造推心宏濟功上脫一字滄海為原下當脫一句火垂燎於華想脫華字淵實工又碑首天保六年歲次乙亥七月已卯朔一日庚辰一日上當有越字考之本紀是文宣頓軍白道率輕騎五千北追茹茹時也又銘文惟彼調御句彼字下忽空一格草率若此蓋不催張遷既且從敗之比矣此古人所以並重察書也此碑自來無考訂及之者以吾州石刻更無鉅於此故詳悉著之

謹案廣韻邢那地名即指并陘碑作邢那正同邢即邢之繁文也文中職二三界與上句擾擾四生相儷此二乃職之重文非數目字



北齊磐石關口佛龕題記

武平四年 今在平定州北上磐石村

承天訪古記上磐道至關觀武平造像石龕中佛像三龕  
旁方石柱二左柱記文四行右柱題名多漫漶左柱之左  
復有摩崖高二尺餘廣尺許上有小佛下皆題名未完又  
於左柱之左側續題之字皆可讀

隋教戒經摩崖石刻

開皇十三年 正書今在靈邱縣東南千佛堂

謹案石前題佛垂般涅槃略說教戒經其上題字二  
行云龕主定州城內賈丹母蘇為七世先亡現在眷  
屬法界眾生供養下有趙常題名經文約二百八十  
行行三十二字又佛名八十七行後書龕主祖周使

山西通志卷九十八 金石記十

持節少師大將軍延綏丹三州諸軍事延州總管贈

青齊濟兗膠五州刺史蜀郡開國公伯儁父金州刺  
史仲義孫定州司兵參軍事韓長末署年月無書人  
名字間雜隸體古勁有姿自來無著錄者

隋開河寺石壁題記

開皇中 今在平定州亂柳村見承天訪古記

唐錦屏山摩崖石刻

開元九年 王真八分書今在吉州見山右金石錄

唐承天山裴晉公摩崖題記

長慶元年 今在平定州娘子關

承天訪古記翌日登承天山步行至老君堂少憩訪裴韓  
二公題名道人引至旁殿後則裴晉公題名在焉摩崖刻

西南向高二尺許寬丈餘文左行題名四十六人共五十  
九人未舒元輿題記七行有長慶元年秋七月趙人亂及  
冬十月師次於承天云云後復有記二行題名四行共四  
人蓋晉公之弟與舅從他府來並其二子繼題於後亦舒  
君所書也

謹案舒元輿唐書有傳此碑古林金石表曾著錄

唐承天山韓文公摩崖題名

長慶二年

承天訪古記韓文公題名在旁殿左側亦摩崖刻高廣僅  
尺許土花斑駁中隱隱有公及吳丹名掃以帚拭以巾得  
文五行長慶二年二月也裴韓二公題名雖非一處然固  
是一石後人於崖前起殿宇斜界以牆遂橫分為二殿側

山西通志卷九十八 金石記十

人跡罕至竟無知者

謹案吳丹字真存八九歲能詩公壽陽驛題吳郎中  
詩後即其人趙明誠金石錄有華州新慶堂記為丹  
撰并書此書未審即丹所作抑公自書也

宋樓子山摩崖題名

元祐中 今在甯武縣南六十里

甯武府志山崖題云元祐 年秋七月己卯文思副使  
知甯化軍事太原王餘應定山與前朝奉郎通判軍事  
汝南趙密同遊樓子山飲於漏崖之足以觀汾水之源  
為安懿玉玲瓏之琴以撫秋思之弄既闕而奏雪中松  
之曲是行也吏部劉喜王錫魏廓陸思誠鞏裕李昌言  
狄球榆次尉石伯倫預焉洛陽鞏裕書



宋錦屏山張道益等及魏伯文摩崖題名

政和四年一八年 今在吉州

宋錦屏山石壁詩刻

宣和三年 張述撰并書並見碑目

宋出佛峽摩崖大字石刻

今在趙城縣西四十里羅雲山

金石存略米書第一山三大字石墨鏤華云凡二處一在

盱眙一在盤屋此不知何時摹刻款書米芾書其左右又

刻有聯云嵐封峽口雲無着月到潭心影不流年月書人

均模刻莫辨

洪襄山石壁篆文

今在遼州東十五里

山西通志卷九十八 金石記十

張惟築洪襄山記山上棲真洞石壁有古篆磨滅難識

右摩崖

唐總章經幢

今在臨晉縣署東後寺廡下

臨晉續志幢石既殘缺字亦剝落經末署總章年號知為

唐代物知縣錢官俊有記

唐石佛寺陀羅尼經幢

永昌元年 今在虞鄉縣南三里寺中見金石存略

唐開元經幢

今在陵川縣署近年出土見存略

唐金剛經幢

開成元年五月 今在澤州府明道書院

王允楚唐石幢記澤州刺史皇甫曙書金剛經其字雖多

漫漶而筆意含蓄書法實工在唐碑中亦錚錚者道光丁

亥得之郡城北樓高臺寺土中

後晉張彥美經幢

天福五年 今在沁水縣見碑目

宋雁塔寺經幢

建隆三年 今在猗氏縣見存略

宋承天山石幢

乾德五年 今在平定州妒神祠見承天訪古記

宋佛頂尊勝陀羅尼經幢

政和元年二月 今在稷山縣關廟

存略幢高三尺許六面刻有篆書佛尊陀羅尼經幢

山西通志卷九十八 金石記十

九字其經呪多剝落惟年月尙可辨

宋天王樓經幢

今在猗氏縣天王樓下

存略幢書佛頂尊勝陀羅尼經年月並泐署銜有朝議郎

賜緋魚袋周太素十一字當是宋時物

金壽聖寺經幢

皇統四年 今在平定州移穰村見承天訪古記

金陀羅尼經幢

正隆四年三月 今在稷山縣三靈侯祠見存略

金白雞山二百幢

大定中 今在平定州龍莊村

承天訪古記一在白雞寺故址一在山半龍王廟



金文悟大師功德幢

承安五年 呂琢書僧惠璉建今在洪洞縣城北見存略

元藏山寺石幢

至元口年 今在平定州見承天訪古記

元東神山岳廟石柱詞刻

至正二十一年 今在蒲縣東五里

存略廟中石柱刻木蘭花詞五首縣尹邢叔亨撰並書小

楷極工

元老君堂石幢

至正中 呂思誠刻今在平定州盤石村

元鐵佛寺經幢

至正中 今在平定州東口村

山西通志卷九十八 金石記

碑

元木樨寺石幢

今在平定州盤石村並見承天訪古記

右幢柱

東魏天池石記

興和三年 舊在甯武縣南

隋書五行志齊神武至天池獲瑞石隱起文曰六王三川

唐衛大經墓石記

開元二十二年 舊在安邑縣

宣室志衛先生大經墓於解梁之野開元中姜師度奉詔

鑿無鹹河刻室虛墳墳墓甚多既至衛先生墓前發其地

得一石刻字為銘蓋先生之詞也曰姜師度更移向南三

五步工人得之以狀言之於師度師度異其事歎詠久之

顧謂僚史曰衛先生真奇士也即命工人遷其河邊先生之墓數十步

唐深州刺史墓志蓋

篆書今在汾陽縣

碑曰石不知何時出土原志已佚僅存其蓋明人鑿為金

牛禪師塔碑跋

唐處士張君墓志蓋

篆書今在汾陽縣

唐吳道子南極老人像石刻題字

今在絳州並見碑目

唐無名氏詩刻

舊在蒲州府

山西通志卷九十八

金石記

碑

彥周詩話嘉祐中河中河濱漁人網得一小石刻詩曰雨

滴空階曉無心換夕香并梧花落盡一半在銀牀不知唐

時何人所作

宋晉祠銘碑側題名

今在太原縣晉祠

謹案碑左側文四段一為元祐己巳會布移守真定

謁祠留題五行吳則禮正書一為至和二年邢佐臣

余藻題名三行行書左行一為元豐七年呂升卿留

題行書六行亦左行其下六行正書字差小為紹聖

四年王修再新廟宇借督役諸人同記右側文二段

一為熙甯戊申王安禮楊世昌張仲咨題名四行一

為前知豐州馬仲良同都巡檢使李洵謁祠記文四



行行書末署王戊歲孟春無年號當是元豐五年也其碑陰宋人題名已附見唐碑下今檢拓本尚有元豐七年府通邢平陽曲令崔衮行書四行前記偶遺宋黃叔敖許端卿題名

今在陽城縣東三十里海會寺見金石存略

宋蘇東坡詩刻石

今在永濟縣萬固寺見碑目

遼武州石表題字

今在五寨縣見甯武府志

元解鹽司判官鄭榮題名

今在安邑縣池神廟見碑目

右石題

山西通志卷九十八 金石記十

吳

後魏董成國造像記

正光四年六月 正書今在絳州張氏

金石存略光緒戊子龍興宮故基出土石裂為四前署幢

主雅衣高邑董成記文多殘闕可辨者一百餘字記後題

名董姓為多

東魏豐樂寺造像記

興和三年十一月 正書今在平定州

謹案碑舊無著錄者近為李汾生太史訪得豐樂寺

比耶尼員光門徒弟子所造小記五行刻石左側右

側題名五行額兩側亦題名其著官秩者有太原太

守王合興長史邢延歡太原守郭勝新興郡功曹邢

伏興瀛州刺史邢延護并州刺史趙榮周肆州主簿

馬道富諸人瀛作羸與記中轉輪作倫並譌文東魏李伯奴造像記

武定二年 今在平遙縣見金石文鈔

東魏張保洛造像記

武定七年 今在絳州張氏

平津讀碑記碑前題張保洛劉襲薛光熾三人結銜皆稱

東雍州魏書地形志東雍州世祖置太和中罷天平初復

後周改為絳州張保洛北齊書有傳神結銜皆與傳同唯

不言東雍州鎮城保洛本由齊神武起家碑云敬造石碑

像四佛四菩薩仰願先王琪太妃大將軍令公兄弟等亡

者昇天現在眷屬輔相魏朝承隆不絕先王即神武婁太

妃即神武婁后大將軍即文襄令公即文宣魏書孝靜紀

山西通志卷九十八 金石記十

吳

武定七年八月辛卯齊文襄王薨碑立於武定七年二月

八日是時文襄尚存

謹案碑為洪氏著錄後不知何時復湮入土近歲始

自龍興宮掘出與正光碑並為張學博鵝舉所藏

西魏老子祠造像記

大統十一年 今在芮城縣蔡村鄭姓家

縣志碑額有像三下橫列趙光初五年冠軍將軍關內

侯平陽太守豫州刺史太尉公蔡洪像一匾碑石完整

字多鑿損形體尚可辨識敘蔡氏遠祖官爵暨遷居河

北造老君祠祈福云云字畫微帶八分

北齊邢多等造像記

天保二年 今在孟縣北



存略是碑僅見裝本文有曰邢多五十人等昔因封而居子孫留寓今在肆土為人領袖又曰遂在各州發宏大願令軍旅行還建像一區後署天保二年歲次辛未七月壬申朔十五日丙戌定襄縣佛弟子邑儀等又題名六十二人有維那邢阿多邑主邢惠貴等凡邢姓居半似即在定襄之邢村

北齊九級塔像記

天保三年 今在大同府見碑目

北齊江阿歡造像記

天保六年 今在陽曲縣見碑目

北齊武平造像記

武平五年 今在絳州署中

山西通志卷九十八 金石記十 辛

存略石於近歲出州署中題名有鎮遠將軍龍陽令李缺

及募主楊遵善化主楊訛楊僧和等名

北周興國寺李早生等造像題名 有側

今在安邑縣見碑目

隋張仲修等造像記

開皇五年 今在翼城縣北十方院

存略石已中斷像下小記有曰像主張仲修又曰以開皇

五年歲次乙巳四月丁亥朔八日甲午弟子張仕甯張

敬造石像一區餘多剝落陰及右側列家世爵里亦殘缺

莫辨

隋道民蘇造像記

開皇十七年六月 今在永濟縣常姓家見存略

唐梁仲期造像記

麟德二年 今在洪洞縣董氏

唐阿勒陀像碣

周萬歲通天二年 今在稷山縣城觀音堂

存略碑上半已缺毀所列信女十七人皆刻像題姓氏未

署年月

唐韓守足造像記

開元十九年 今在臨汾縣西三十里土門村普照寺見

存略

右造像

宋東嶽廟碑集石軍書

今在定襄縣南二十五里東霍村 已見前記

山西通志卷九十八 金石記十 至

謹案碑標題大宋國忻州定襄縣蒙山鄉東霍社新

建東嶽廟碑銘并序下署太原王鼎撰兼集晉右將

軍王義之書并篆額後書大中祥符九年十一月廿

四日建立末一行別為正書有知忻州胡令儀及通

判李珣推官趙億銜名王鼎館陶人宋史有傳碑序

銘皆不甚工集書近褚臨本特少疎朗之致據本傳

鼎登第服官當在天禧後此為少作故但署郡望

又案集書為前人著錄者有唐貞元九年上柱國梁

思楚碑衛秀集右軍書見寶刻類編前記據墨池編

以為開元十五年衛秀書又據平遙縣志別列梁思

墓誌銘似本一碑 志云自墓中奔出今存吉祥寺然

書已兩見一云開元十五年郭嘉撰衛秀集右軍書一



撰書人不詳非得拓本無由別其是非也又宋明道二年王免淨居詩沙門靜萬集右軍書見金石萃編前記據舊通志祇詳撰人不知為集書也茲並補正

元西溪法帖

高肯堂摹刻見高平縣志

元進學解石刻

鮮于樞書舊在太原府見碑目

晉府崇理帖

篆書朱俊格摹刻

舊通志俊格靈邱王聰渴子也好古篆籀手摹六十餘種勒石舊志人物又作崇經帖

右法帖

山西通志卷九十八 金石記十

壘

元分置芮城縣治塿記

元貞元年 今在縣署

縣志明嘉靖中增修縣堂撤舊垣得元甄記二方記至

元三年併縣合於平陸元貞元年復分置事是年十月

再修縣廳末署達魯花赤塔海縣尹郭在主簿李誠典

史秦忠

諸葛武侯廟塔塿記

舊在榮河縣天興村

縣志武侯廟中有塿塔居人議毀之有駒兒者首壞其

一隅內有記云若是塔兒破定是駒兒來乃復為整理

如初

右塿瓦

謹案諸家著錄惟高郵夏氏山右金石錄有契本王氏志略董氏碑目皆草創未定前記僅見王氏原稿采以入書劄刷既畢始得夏董兩家本復有以祁縣何氏遵先山右金石文鈔臨汾宋氏琦山右金石存略來者徧加檢閱益以搜采所及凡為前記未收者至二百七十餘種乃依原目輯為補遺一卷其有前記已列後見墨本誤者亦附訂焉當夏氏輯錄時以晉人舊無專書頗自矜慎而搜訪廿年僅得百有二碑又誤收者五今再期之間所獲竟十倍過之則因取材之備追思創始之艱諸家蓋皆為其難矣然近時有訪碑不定山中者信宿中獲古刻二十八皆世所未覩由是推之全晉深谷闕崖沈湮者何可勝數而後人所見必且益廣於今其以是書為推輪者又何可限量也

山西通志卷九十八

金石記十

壘

山西通志卷九十八



風土記上 記六之一 山西通志第九

賜進士身... 行監修

言晉風者莫古於詩而唐魏諸什不及... 固非通論要其耕鑿相安而務為勤儉歷數千年而莫之或改又未嘗非地氣使之然也

山西通志卷九十九 風土記上

且納之軌物以文其荒陋矧在居帝王之故都為畿輔之近郡而可無述乎爰采故籍益以各志凡地形民俗歲時方言物產皆著於篇雖證以見聞不無同異而司牧者誠鑑古以知今因勢而利導所謂移本易末壹之中和者固亦不外是矣

地形 民俗 歲時

周禮河內曰冀州其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷正北曰并州其山鎮曰恆山其澤藪曰昭餘其川滹池樞夷其浸洩易其利布帛其民二男三女其畜宜五擾其穀宜五種

左傳表襄山河 晉居深山戎狄與之鄰 國險而多馬

戰國策魏文侯浮於西河稱曰河山之險不亦信固哉 趙武靈王曰吾國東有河薄洛之水與齊中山同之自常山之北至代上黨東有燕東胡境西有樓煩秦韓之邊 張儀說韓王曰韓地險惡山居五穀所生非麥而豆

漢書地理志河東地土平衍有鹽鐵之饒本唐堯所居詩風唐魏之國也 趙分晉西有太原定襄雲中五原上黨上黨本韓之別都也遠韓近趙後卒降趙

冀州風土記聖賢之淵藪帝王之舊都 魏志牽招說高幹曰并州左有恆山之險右有大河之固北有強胡宜速迎尚併力觀變

帝王世紀帝堯始封於唐後徙晉陽今太原縣也於周禮在并州之域及為天子都平陽於詩風為唐國武王子叔虞封焉更名唐為晉故吳季札聞唐之歌曰思深哉其有陶唐之遺民乎帝舜其所營都或言蒲坂即河東縣禹受舜禪都平陽或在安邑或在晉陽於漢平陽安邑皆屬河東晉陽屬太原在冀州太行之西太原太岳之野參伐之分實沈之次於周為晉今司隸并州之域也自禹至太康與唐虞不易都城戰國策稱桀之居左天門之險右天谿之陽吳起對魏武侯亦言桀之居左河濟右太華伊闕在其南羊腸在其北案地理志上黨高都有天井關即天門也有羊腸坂在太原晉陽西北九十里為通西上郡關即吳起之所云也

山西通志卷九十九 風土記上

太康地記并州不以衛水為號不以恆山為稱而云并者蓋以在兩谷之間乎 春秋元命苞并之為言精合交并



釋名并州西土兼北其州或井或設故因以為名也 冀州亦取地以為名也冀易也其地有險有易也又帝王所都亂則冀治弱則冀強荒則冀豐也 晉進也其土在北有事於中國則進而南也又取晉水以為名其水迅進也

冀州圖自晉陽以北地勢漸寒平城馬邑凌源二丈雲中五原積水四五十尺唾出口成冰牛凍角折

宋地理志河東路其地東際常山西控黨項南盡晉澤北控雲朔當太行之險有鹽鐵之饒

遼史兵衛志并州以北勁風多寒隨陽遷徙歲無甯居

天下郡國利病書出都門以西則為晉太行數千里互其東黃河抱其西沙漠限其北自然一省會也

柳宗元晉問吳子問於柳先生曰先生晉人也晉之故宜知之曰然則吾願聞之可乎曰可晉之故封太行特之首陽

山西通志卷九十九

風土記上

三

起之黃河迤之大陸靡之或巍而高或呀而淵景霍汾潞以經其壙若化若遷鈞嬰蟬聯然後融為平川而侯之都居大矣之邑建焉其高壯則騰突撐拒聲呀鬱怒若熊羆之咆虎豹之嗥終古而不去搜秦搏齊當者失據燕秋愴怯若卵就歷振振業業隳隳戶惕若僕妾其按術則平盈旋緣紆徐夷延若飛越之翔舞泗水之容與以稼則碩以植則茂以牧則蕃以魚則庶而人用是富而邦以之阜其河則濬源崑崙入於天淵出乎無門行乎無垠自匈奴而南以介西鄙衝奔太華運肘東指混潰后土潰濁糜沸龍鼉詭怪于汨汨騰倒駭越委泊涯埃呀哈飲納摧雜失墜其所盪激則連山參差廣野壞裂轟雷怒風撼鶴于嶮崩石之所轉躍大木之所

山西通志卷九十九

風土記上

四

摧拔淵汭洞踏者彌數千里若萬夫之斬伐而其軸輻之所負撞檣之所御鱗川林壑重雲通雨瞬目而下者榛榛云云百舍一赴若是何如吳子曰先生之言豐厚險固誠晉之美矣然晉人之言表裏山河者備敵而已非以為榮觀顯大也吳起所謂在德不在險皆晉人之籍也願聞其他先生曰大鹵之金棠谿之工火化水泮器備以充為棘為矛為鍛為鉤為鎬為鏃為槩為鏃出太白徵募收召招搖伏蚩尤肅肅禘禘合眾靈而成之博者狹者曲者直者岐者勁者長者短者攢之如星奮之如霆運之如縈浩浩奕奕淋漓淋漓熒熒的的若雪山冰谷之積觀者膽掉目出寒液當空發耀英精互繞晃蕩洞射天氣盡白日規為小鍊雲破霄踳墜飛鳥弓人之弓函人之甲膠角百選犀兕七屬乃使跟超拔夾之倫服而持之南瞰諸華北擊羣夷技擊節制聞於天下是為善師延目而望之固已攀拘喘汗免胄肉袒進不敢降退不敢竄若是何如吳子曰夫兵之用由德則吉由暴則凶是又不可為美觀也先軫曰師直為壯曲為老况徒以堅甲利刃之為上哉先生曰晉國多馬屈焉是產土寒氣勁崖坼谷裂草木短縮鳥獸墜匿而馬蕃焉師帥航航溶溶紆紆輻輳麟麟或赤或黃或元或蒼或醇或醜駉駉然而陰炳然而陽若旌旃旗幟之煌煌乍進乍止乍伏乍起乍奔乍躡若江漢之水疾風驅海擊山盪壑雲拂而不止羣飲源稿迴食野藉浴川蹙浪噴震播灑潰潰焉若海神駕雪而來下觀其四散俯悅開合萬狀喜者鵠厲怒者人搏決然全躍千里相角風鬣霧鬣斷山抉壑耳搖眉雲腹捐眾木寂寥遠游不久而復攪地跳梁



壁骨兩筋交頸互齧目相馴聚洩更嘯昂首張斷其小者  
則連牽繳繞仰乳俯齧蟻雜齋集嗽嗽燥燥旋走護立其材  
之可者收斂攻教掉手飛靡指毛命物百步就羈牽以苟息  
御以王良超以范鞅軒以樂鉞以佃以戎獸獲敵摧若若如  
何吳子曰恃險與馬者子不聞乎故曰冀之北土馬之所生  
是不一姓請置此而新其說先生曰晉之北山有異材梓匠  
工師之爲宮室求大木者天下皆歸焉仲冬既至寒氣凝成  
外彫內直濳液不行乃堅乃良萬工舉斧以入必求諸巖崖  
之歛傾礪察之紆縈淺噴岫之杪顛漱泉源之湓潑根絞怪  
石不土而植千尋百圍與石同色雜列而伐者頭抗河漢刃  
披虹霓聲振連巒梯填層谿丁丁登登碩碩稜稜若兵車之  
乘凌其響之所應則潰潰湖湖洶洶藹藹若鶩若崩若蝸龍

山西通志卷九十九

風土記上

五

之闢風霆相騰其殊而下者札嘖稍殺摧碎抉其霞披電裂  
又似共工觸不周而天柱折鷓鴣鷓鴣鳴飛翔狂虎兕  
奔觸鷓鴣伏無所入遞無所脫然後斷度收羅指危顛芟繁  
柯乘水潦之波以入於河而流焉盪突碎兀轉騰冒沒顛秦  
神驅石以梁大海抵曲鱗懸匯流雷解前者汨越後者迫隘  
乃下夫龍門之懸水招拉頽踏掉首軒尾頽入重淵不知其  
幾百里也清波之旋滔山觸天既停既平彌望悠焉良久乃  
始昂屹涌溢挺拔而出林立峯崿穿雲蔽日煥然自携復就  
行列渾渾而去以至其所唯良工之指顧叢臺阿房長樂未  
央建章昭陽之隆麗詭特皆是之自出若是何如吳子曰吾  
聞君子患無德不患無土患無土不患無人患無人不患無  
宮室患無宮室不患材之不已有先生之所陳四累之下也

且屢祁既成諸侯叛之先生曰河魚之大上迎濤波墜津涯  
千里雷馳重馬輕車遂以君命矢而縱觀焉大畧斷流修網  
互山罽留麗聖繼狂其間巨舟軒昂伉伉迴環水師更呼聲  
裂商顏於是鼓譟齊集而從之扼龍吭拔鯨鱗戮白龍逐毒  
螭叱馮夷立水淵搜攪流離捫縮推移梁會網盛騰天彌圍  
掉躡擁踴以登夫歷山之垂如川之歸如山之摧如雲之披  
其有乘化會神振拔漣淪摘奇文出怪鱗騰飛博而上逸生  
雷電於龍門者猶仰綸飛繳頓踏而取之莫不脫角裂翼呀  
嚇匍匐復就齧切莫保龍籍甘揉五味布列雕俎風雲失勢  
沮散遠去若夫鈔鱗鮪鯉鯢鯢之鎖屑殘裂者夫固不  
足悉數漏脫絃日養之水府而三河之人則已填溢壓厭腥  
膏烏鹵聞膾炙之美則掩鼻蹙額賤甚糞土而莫顧者也若

山西通志卷九十九

風土記上

六

是何如吳子曰一時之觀不足以夸後世口舌之味不足以  
利百姓姑欲聞其上者先生曰猗氏之鹽晉寶之大也人之  
賴之與穀同化若神造非人力之功也但至其所則見溝塍  
畦畹之交錯輪囷若稼若圃儼兮勻勻煥兮鱗鱗邇邇紛屬  
不知其垠俄然決源醜流交灌互澍若枝若股委曲延布脈  
寫膏浸溼濕滑川彌高掩庫漫壘冒塊決決沒沒遠近混會  
抵值隄防溲溲沛沛熾然成淵潏然成川觀之者徒見浩浩  
之水而莫知其以及神液陰澆甘雨密起孕靈富媪不愛其  
美無聲無形燦結迅誦迴眸一瞬積雪百里晶晶纂纂齋債  
離析綴圭椎璧眩轉的儼乍似隕星及地明滅相射冰裂電  
碎龍從增益大者印疊小者珠剖涌者如坻坳者如坵日晶  
焜熒駭駭電走互步盈車方尺數斗於是哀斂合架舉而堆



之咭皓乎懸圃之巍巍曠乎茫乎狂山太白之淋漓駭變化之神奇卒不可推也然後驢羸牛馬之運西出秦隴南過樊鄧北極燕代東逾周宋家獲作賊之利人被六氣之用和鈞兵食以征以貢其齋天下也與海分功可謂有濟矣若是何如吳子曰魏絳之言曰近寶則公室乃貧豈謂是耶雖然此可以利民矣而未為民利也先生曰願聞民利吳子曰安其常而得所欲服其教而使於己百貨通行而不知所自來老幼親戚相保而無德之者不苦兵刑不疾賦力所謂民利民自利者是也先生曰文公之霸也援秦破楚囊括齊宋曹衛解裂魯鄭震恐定周於温奉册受錫夾輔糾逆以為侯伯齊盟踐土低昂玉帛天子恃焉以有諸侯諸侯恃焉以有其國百姓恃焉以有其妻子而食其力叛者力取附者仁撫推德

山西通志卷九十九 風土記上 七

義立信讓示必行明所嚮達禁止一好尚春秋之事公侯大夫策文馬馳軒車出入環運貫於國都則有五筵之堂九几之室大小定位左右有秩禽牢餼饋交錯文質饗有嘉樂宴有庭實登降好賦犧象畢出犒勞贈賄率禮無失六卿理兵大戎小戎鐘鼓丁甯以討不恭車埒萬乘卒半天下鼓之則震旆之則畏其號令之動若水之源若輪之旋莫不如志當此之時威能驩娛以奉其上故其民至於今好義而任力此以民力自固假仁義而用天下其遺風尙有存者若是可以為民利也乎吳子曰近之矣然猶未也彼霸者之為心也引大利以自嚮而撻他人之力以白為固而民乃後焉非不知而化不令而一異乎吾嚮之陳者故曰近之矣猶未也先生曰三河古帝王之更都焉而平陽堯之所理也有茅茨采椽

土型之度故其人至於今儉嗇有温恭克讓之德故其人至於今善讓有師錫命曰嚮咨之道故其人至於今好謀而深思有百獸率舞鳳凰來儀於變時雍之美故其人至於今和而不怒有昌言儆戒之訓故其人至於今憂思而畏禍有無為不言垂衣裳之化故其人至於今恬以愉此堯之遺風也願以問於子何如吳子離席而立拱而言曰美矣善矣其蔑有加矣此固吾之所欲聞也夫儉則財用足而不淫讓則遵分而進善其道不闕謀則通於遠而周於事和則仁之質戒則義之實恬以愉則安而久於其道也至乎哉今主上方致太平動以堯為準先生之言道之奧者若果有貢於上則吾知其易易焉也舉晉國之風以一諸天下如是而已矣敬再拜受賜

山西通志卷九十九 風土記上 八

顧祖禹山西方輿紀要序山西之形勢最為完固關中而外吾必首及夫山西語其東則太行為之屏障其西則大河為之襟帶於北則大漠陰山為之外蔽而句注雁門為之內險於南則首陽底柱析城王屋諸山濱河而錯峙又南則孟津潼關皆吾門戶也汾澮滄滎流於右漳沁包絡於左則原隰可以灌注漕粟可以轉輸矣且夫越臨晉溯龍門則涇渭之間可折筆而下也出天井下壺關邯鄲井陘而東不可以惟吾所向乎是故天下之形勢必有取於山西也吾蓋徵之春秋之世而知所以用山西者矣叔虞之初封於唐也不過百里之國其後兼并弱小漸以盛強獻公信驪姬之讒申生死而重耳逐當是時晉國之危不絕如綫以秦穆之才且智豈不欲兼晉而有之而勢不能也韓之戰既已獲其君矣而卒不



能入其國豈惟喪君有君之義州兵爰田之制晉諸臣之才力皆足以抗衡於秦亦其國之險塞可憑依以爲固也及文公以晉霸而天下之征伐號令且自晉出焉觀其服鄭懾楚晉之兵威遠及於江漢矣襄公敗秦師於殽秦人報怨之師嘗欲甘心於晉自襄靈成景厲悼以及平公之世秦晉河上之戰前後以數十計然秦卒不能得志於晉當是時秦日以強穆康桓景諸君其才足以爭雄於中國而成周無恙東諸侯之屬不遂罹秦禍者不可謂非晉之大有造於天下也及三家分晉而晉非復春秋之舊矣然而衛鞅之言曰秦之與魏譬如人有腹心之疾非魏并秦秦即并魏魏必東徙然後秦可據山河之固東鄉以制諸侯是一魏猶足以難秦也蓋魏之強以河西安邑而韓之強則以上黨趙之強則以晉陽

山西通志卷九十九

風土記上

九

及雲中九原自魏去安邑都大梁而魏始弱矣秦惠文君時魏以河西之地盡入於秦而魏益弱秦昭襄二十一年安邑復入秦而魏遂不復振矣秦人既得安邑乃謀韓之上黨秦拔上黨後凡八年而韓遂入朝於秦又六年攻趙拔晉陽晉陽拔後十九年而三晉竟亡矣嗚呼秦之能滅晉者以晉分爲三兩力不足以拒秦也假使三晉能知天下之勢其於安邑於上黨於晉陽也如扞頭目而衛腹心也即不能使秦人之不我攻必當使我之不可攻即不能爲其不可攻必不可遂敵之必我攻合與國以爭之上也舉國以爭之次也於安邑於上黨於晉陽固尺寸之地即爲其國延旦夕之命也奈何扞寇入門而不知割已肥敵而不悟使秦人得以坐待其斃乎然而秦自孝公以後萃六世之力而後能盡舉安邑上

黨晉陽之地亦不可謂不難矣漢都長安而太原雲中定襄皆屯宿重兵所以鎮撫北方也魏晉之際雁門以北盡皆荒塞而以并州爲重鎮及劉淵倡亂於離石關河以南悉被其荼毒晉室之禍自古未有也苻堅之取燕拔壺關克晉陽乃一舉而入鄴拓跋魏起於北方奄有恆代規取河北蠶食河南既又克統萬平遼東收姑臧縱橫四出無有當其鋒者及南徙洛陽而肩背之勢倒制於巨猾強藩矣是故六鎮跳梁於前爾朱憑陵於後高歡篡竊於終皆自隔遠恆代階之禍也宇文氏與齊人爭衡龍門玉壁之間才均勢敵卒不能越關河尺寸及周人克有平陽進拔晉陽而慕容之敵高齊復蹈之矣隋以漢王諒之亂列戍太原建置留守唐公乘之引兵而西克臨汾渡龍門撫定關隴於是東鄉而爭天下勢如

山西通志卷九十九

風土記上

十

建瓴也劉武周資突厥之助盜據馬邑一旦越雁門而侵并晉太宗投袂而起奮其雄武亟削平之誠以并晉爲關輔之襟要臥榻之旁不可以假他人耳河北連兵太原如故李郭藉爲根本得東鄉以滅安史唐末李克用資之雖艱難孱弱卒能自振莊宗夾河之戰不過十五年而梁之君臣兩首以告先王矣石敬瑭據有晉陽卒易唐祚劉知遠繼之復承晉社其後劉崇以河東十州之地矯命者垂三十年以周世宗之英武宋太祖之英略而不能奏芟除之烈也女真竊入雲中進陷朔代張孝純以太原拒守雲中之寇未敢南牧也及孤城覆沒敵勢益張遂有青城之辱迄於取河中渡臨晉而永興六路一時摧敗矣元末擴廓據晉冀太祖取之乃在克平元都之後明既定都於燕而京師安危常視山西之治亂



蓋以上游之勢係於山西也或曰山西之形勢誠重矣然昔人有言殷紂之國左孟門右太行常山在北大河在南而武王殺之且高幹不能并州拒曹魏劉琨不能以并州制劉石靳準竊平陽而旋斃於劉曜楊諒起晉陽而卒蹶於楊素惡在其為險固者也曰成敗相乘也如轉圜也使謂形勢可恃是終古無覆亡之國也且不聞朱子之說乎冀州山川風氣所會也昔者堯都平陽舜都蒲坂禹都安邑蓋自古帝王嘗更居之矣曰然則山西可以建都否乎曰天下之事創起為難燕京襲遼金元之故轍乃曰取法於黃帝也山西有堯舜禹之成謨乃曰漢唐以來未有建都者也庸人之論不究本末如此夫山西之與燕京又烏可以同日語哉以上總論

元和郡縣志禹貢曰既修太原注曰高平曰原今以為郡名

山西通志卷九十九 風土記上 十一

春秋晉荀吳敗狄於大鹵中國曰太原夷狄曰大鹵按晉太原大鹵大夏夏墟晉陽六名其實一也

李白儂王贊序天王三京北都居一襟四塞之要衝控五原之都邑雄藩劇鎮非賢莫居

文獻通考劉安世曰太祖太宗嘗親征而得太原正以其地控扼二虜下瞰長安纔數百里棄太原則長安京城不可都矣

方輿紀要太原府控山帶河踞天下之肩背為河東之根本又云崞州控大河之阻居四山之中捍禦遼陞形勢雄固

左傳郇瑕氏土薄水淺不如新田土厚水深居之不疾有汾澮以流其惡

國語景霍以為城汾河澮治以為之淵

魏志杜畿傳平陽披山帶河天下要地前趙錄太史令言於元海曰蒲子崎嶇非可久安平陽唐堯所都於是徙都平陽也

兩河記洪洞縣以此地固重複控據要險故曰洪洞焉

明統志平陽東踞太行西界黃河南接梁宋北連大鹵有表裏河山之固又云古州西臨黃河控帶龍門孟門之險

漢志河東郡蒲坂故曰蒲秦始皇東巡見長坂故因加坂

魏志河東天下之要會

元和志大厯中元載建中都議曰當今之務莫若建河中為中都隸陝號晉絳汾潞儀石慈隰等十城為藩衛長安去中都三百里順流而東邑居相望有羊腸底柱之險濁河孟門之限以輟輟為襟帶與關中為表裏劉敬所謂扼天下之吭而撫其背即此之謂又曰河中之地左右王都黃河北來太華南倚總水陸之形勝鬱關河之氣色有漕濁泛舟之便無登高履險之虞

山西通志卷九十九 風土記上 十三

金史完顏訛可傳河中背負關陝南阻大河戰守要資也

元史石天應云河中自古用武之地北接汾晉西連同華起漕運以通饒饋則關中可克期而定

紀要蒲州控據關河山川要會自古有事爭雄於山河之會者未有不以河東為襟喉者也

後漢書馮衍遺田邑書云上黨四塞之固東帶三關通典上黨之地據天下之肩背當河洛之咽喉

杜牧賀平澤潞啟肘京洛而履蒲津倚太原而跨河朔

困學紀聞上黨於河北常為兵衝者以東下壺關則至相州



南下太行則抵孟州也

天下郡國利病書上黨初置郡時奄有潞澤沁遼之地居太行之顛據天下之脊自河內觀之則山高萬仞自朝歌望之則如黑雲在半天即太原河東亦環趾而處於山之外也

紀要潞安府據高設險為兩河要會

水經注魏西河恭王廟碑西河舊處山林魏興更開疆宇其

郡帶山側塞

紀要汾州府控帶河山肘掖秦晉又云永甯州羣山合抱大

上黨記高平赤壤其地山阻百姓不居

唐奏議澤州全有大行之險固實為東洛之藩垣

明統志澤州在唐為雄鎮山川環抱有自然之險

山西通志卷九十九

風土記上

十三

紀要澤州山谷高深道路險窄自晉陽而爭懷孟由山東而趨汴洛未有不以州為孔道者也

元和志雲州後魏道武於此建都東至上谷軍都關西至河

南至中山隘門塞北至五原地方千里以為甸服

明統志大同府三面臨邊最號要害

紀要府東連上谷南達并垣西界黃河北控沙漠居邊隅之

要害為京師之藩屏又云應州南控雁門北接雲朔澤源州

明雲西地圖說北控沙漠南障冀幽據天下上游

九邊考大同右衛西入邊界南逼朔州又云威遠衛東抵右

車而道路隔

紀要朔州西距洪河北臨廣漠壯雁門之藩衛為雲中之脊

尚宋朔平一府惟州為舊地餘三縣皆新設也此所論形勢亦與今府無大異

三關圖說甯武居兩關間外接八角內維岢嵐而偏頭西界

黃河與套部僅隔一水

一統志甯武府依山傍河邊塞險地以上九府

明統志遼州居太行絕頂山川險峻地少平夷

紀要沁州北接太原南通澤潞居心膺之地當四達之衝山

川環抱形要之地也

紀要平定州東迫常山抱井陘之重險西馳汾曲據太原之

上游并冀有事其必爭之地且前控漳滏之流後踞句注之

隘山川環繞道路四通居然形勝矣

太平記晉句注碑曰北方之險有盧龍飛狐句注為之首天

下之阻所以分別內外也

明統志代州句注險阻臺山角立

山西通志卷九十九

風土記上

十四

紀要州外壯大同之藩籬內固太原之鎖鑰根抵三關咽喉

全晉

一統志保德州迫臨黃河密邇西微

左傳晉人謀去故絳諸大夫曰必居郇瑕氏之地沃饒而近

鹽池之饒

戰國策魏居嶺阨之西都安邑而獨擅山東之利

明統志解州面石門之嶺背鳴條之岡外則砥柱之險內則

鹽池之饒

一統志絳州介在兩河雄視三晉

紀要州控帶關河輔翼汾晉據河中之肘掖為戰守之要區

馬燧拔此而懷光危朱温扼此而王珂陷五代周備此而河

東卻金人屯此而關中傾所係非淺矣



太平御覽圖經隰州大寧郡夏殷以前其地與箕沁同在周  
為晉之北鄰郡國志曰州前二里有泉下濕故取下濕之義  
為名

紀要州內阻山險外控大河東連汾晉西走關中憑據高深  
戰守之資也

明統志霍州太岳鎮其東汾水經其西據山川之勝以上

史記趙築長城自代並陰山下至高關為塞

魏書燕鳳傳雲中川自東山至西河二百里北山至南山百  
有餘里每歲孟秋馬常大集略為滿川

隋圖經雲中即白道川也南北遠處三百里近處百里東西  
五百里地至良沃沙土而黑省功多獲

唐書突厥傳故定襄城其地南大河北白道畜牧廣衍龍荒

最壤

山西通志卷九十九

風土記上

十五

紀要北河之外陰山橫亘中外大限常以此分又豐州崇山  
環合水草肥美以上

右地形

左傳吳公子札觀於周樂為之歌唐曰思深哉其有陶唐氏  
之遺民乎不然何憂之遠也非令德之後誰能若是為之歌  
魏曰美哉風溼乎大而婉儉而易行以德輔此則明主也

詩傳唐風土瘠民貧勤儉質樸憂思深遠有堯之遺風焉魏  
地狹隘民俗儉嗇蓋有聖賢遺風焉

漢志太原上黨多晉公族子孫以詐力相傾矜夸功名報仇  
過直嫁娶送死奢靡漢興號為難治常擇嚴猛之將或任殺  
伐為戚父兄被誅子弟怨憤至告訐刺史二千石或執殺其

屬鍾代石北民俗樸悻好氣為姦不事農商自全晉時已  
其剽悍而武靈王又益厲之故冀州之部盜賊常為他州  
劇定襄雲中五原頗有趙齊衛楚之徒其民鄙樸少禮文好  
射獵雁門亦同俗

隋志河東絳郡文城臨汾龍泉西河土地沃少瘠多是以傷  
於儉嗇其剛強亦風氣然乎太原山川重複實一郡之會雖  
後齊別都人物殷阜然不甚機巧俗與上黨頗同人性勁悍  
習於戎馬離石雁門馬邑樓煩皆連接邊郡習尚與太原同  
俗故自古言勇俠者皆推幽并云然涿郡太原自前代以來  
皆文雅之士雖俱曰邊郡然風教不比也

通典冀州堯都所在疆域尤廣山東之人性緩尚儒仗氣任  
俠山西土瘠其人勤儉而河東魏晉以降文學甚興閭井之

山西通志卷九十九

風土記上

十六

間習於成法井州近狄俗尚武左右山河古稱重鎮寄任者  
必文武兼資焉

五代史記莊宗既好俳優又知音能度曲至今汾晉之俗往  
往能歌其聲謂之御製者皆是

宋志河東路其俗剛悍而樸直勤農織之事業寡桑柘而富  
麻苧善治生而多藏蓄其新膏尤甚朔方樓煩馬之所出歲  
增貿易以充監牧之用

世說新語晉陽王武子中都孫子荆各言其地土人物之美  
王云其地坦而平其水淡而清其人廉且貞孫云其山崔巍  
以嵯峨其水泚澗而揚波其人磊砢而英多

清異錄汾晉村野間語欲作千箱主問取黃金母意謂多厚  
蓄耕耘所致以上



太平記太原府其人... 經雲井州其氣勇仇誠信韓趙魏謂之三晉剽悍盜賊常視

宋史韓琦傳知井州河東俗用火葬琦為買田封樹刻石著

明太原圍册士窮理學兼習詞章敦厚不華醇儉好學工賈

務實勤業 陽曲民敦質樸士守禮義告訐絕無生計甚鮮

力田畝務紡織其性剛... 居而末業者不可勝數

取好經術尚節義... 地無遺利人無遺力

尚勤儉男耕女織殆無遺力... 闕關勤績紡士類尚節義

習逐末風誠衝疲不虛也... 農末相資志文水勤而輕

性也秀則豐俗淳西山... 之帶帶風物繁

多質少文鄉井專務稼穡... 何物志嵐縣其性悍其習

戶自守農夫力穡崇嶮峻... 僻不通舟車乏富商大賈

是以事節儉務蓋藏

史記貨殖傳昔唐人都河東... 河在天下之中若鼎足王者

陽陳西賈秦狄北賈鍾代... 太平記晉州詩含神霧云唐

內仁別傳剛強多豪傑... 朱子論太行山之最高處

瘠人民樸陋儉嗇惟堯舜... 臨汾其民甘粗糲力稼穡

雖費不吝志共洞民尚儉... 浮山俗尚節儉不事商賈

有無相須志太平君子尚... 雍如也志岳陽人民性質

武鮮尚商賈不通志曲沃... 祝志又趙彥復沃史風俗

好或亦地氣善均從眾... 方所至多流寓其間雖海

土厚故其俗樸質地多剛... 風故其習織畜志汾西民

處萬山土瘠民貧俗尚勤... 無紡績貿易之利有勤儉

太平記蒲州漢書地理志... 生分博物志云其山澤近

衣冠大族三代皆衰絕通... 典云山西土瘠其人勤儉



魏晉以降文學盛興始自魏豐樂侯杜畿為河東守開置學官親執經教授郡中化之自後河東特多儒者隋書文帝紀幸河東語云儀度冠冕容止嫻雅良由仕宦之家陶染成俗

宋真宗汾陰記汾水之曲巨河之濱故魏之國都舊晉之疆土其俗富庶接秦雍之郊其民忠厚被虞夏之教

朱子詩辨河東地瘠民貧風俗勤儉乃其風土氣習有以使之至今猶然在三代時可知

方輿勝覽蒲州風土剛勁聚傑輩出

永濟民性質樸好尚節儉力田績紡多事商賈臨晉志臨晉士

剛而燥其人往往負氣好鬪至男業耕耘士子不廢女勤

績紡巨室亦然斯則蟋蟀葛屨之遺焉縣志猗氏民務農

桑士嗜文學志萬泉語不飾偽服不厭惡多以氣節自高

山西通志卷九十九 風土記上 十九

祝志又穆志云地僻小故無故家巨室以變其俗無豪商大賈以廣其業無明師通儒以發其趣故儒林欲伸士氣而失之過甚吐隸亦重榮河勤稼穡弗敢奢侈惟務節儉使氣而不善變通云

漢志上黨土廣俗雜其人大率精急高氣勢輕為姦丈夫相

聚遊戲悲歌抗傲女子彈絃踴躍游媚富貴

舊五代史潞州山川高險人俗悍勁

宋史列傳李昭玘通判潞州州民死多不葬昭玘斥官地畫

兆窆具棺衾作文風曉之俗為一變

元好問學記上黨之間士或帶經而鋤有不待風厲而樂為

之者

明統志潞安府民多儉質而力農士尚氣節而務學

長治人習機杼俗亦儉樸縣志又舊志云承宣成去之時

同助漢時自志逾其後漸致華靡俗尚長子惰樸而力田巫覡凡騁姻絲交營葬不無少變於前

節儉而尚禮娶妻必親迎親喪少佛事縣志屯留節儉務農

織不事商賈士風頗振祝志對魏屯留記云其地在萬山

樓不及他郡之半故土俗褻垣其俗悲歌慷慨力田而尚

氣節儉以自奉而急於正供縣志潞城力田而知克勤守

已而恥犯法志黎城田畝能勤財用知儉同壺關民俗敦

古惟儉惟勤歲時伏臘罔敢有卽於戲者縣志

太平記汾州風俗與并州同介之推焚身民咸言神靈忌暖

食由是人至冬中輒一月寒食不復煙爨老少不堪多因而

死周舉為并州刺史乃作書置子推廟言盛寒去火殘損民

人非賢者之意使温食眾咸稍解風俗頗革

宋謝棕清虛觀記地高氣爽土厚水清其民醇且重桑麻之

山西通志卷九十九 風土記上 二十

沃穡稻之富流行四境

文獻通考汾州其人勤儉

明統志汾州府其民醇厚知義尚信好文

汾陽人民繁庶強毅質樸農務耕牧士習絃誦有忠厚之

風縣志又馮琦府治記云其地高賈走平遙務稼穡事織

紡但風氣剛勁頗難治志介休人多業醫尚儉素勤稼穡

好勇義隆於祀先雖費而不惜同上縣志潞安府公祖銘云

乃自河東之同果里徙居於此云又萬應間邑令史記事

崇佛重禱市科孝義民性敦厚婚喪周濟不吝臨縣志

於商賈勇於輸納民頗畏法士知自守志石樓性醇俗儉

樸略少文男不經商女不粧織惟農是務棟宇不飾民多

穴居縣志永甯土瘠民貧野曠人稀士多慷慨民亦質直勤



於業農拙於服賈衣冠文物頗有古風州甯鄉樸魯少偽

禮節不愆志

明統志澤州性質氣豪力勤耕種惇而好義儉而用禮

張鵬學記澤跨河朔隸冀南為鉅郡其民儉質而力耕有堯

舜遺風餘思士亦劬於文學無外慕焉鸚鵡鴻漸先後接武

鳳臺近太行之麓水土深厚性質樸氣豪勁多文雅士衣

冠禮讓為諸郡先志澤州元志云人性質而好學其氣

遺風又古志云力勤耕又云其民儉樸而敦本有唐晉之

種惇而好義儉而力勤高平昔稱勤儉今漸侈靡競奇闕

巧恪於奉公志縣舊陽城士多廉恥之風務名節惜行檢民

尚節儉近雖稍奢猶不失古意志陵川質樸樂於趨善喪

祭不用浮屠志縣舊志云君子守禮勤儉小人沁水廉

儉尚義悃悃無華同上縣志云民少爭訟房地世不相

多廟祀賽 醴務舉山西通志卷九十九 風土記上

魏志裴潛傳代北之民任俠為姦不事農業

魏書食貨志太宗永興中勅有司勸課民由是力農歲數豐

穰畜牧滋息

唐樂府序後魏樂府有北歌亦曰真人歌都代時命宮人朝

夕歌之周隋始與西京樂雜奏至唐存者五十三章其名可

解者六章而已一日慕容可汗二日吐谷渾三日步落稽四

日鉅鹿公五日白淨王六日太子企喻也其餘詞多可汗之

稱蓋魏晉之際鮮卑歌也貞觀中將軍侯貴昌并州人世傳

北歌詔隸太樂然譯者不能通歲久不可辨矣

太平記自代北至雲朔等州北臨絕塞封略之內降戶所居

謂在金丹死而不厭者也縱有編戶亦染戎風比於他郡實

為難理

元史耶律楚材傳山後民質樸緩急可用

大同尚侈而少質實安分而鮮爭訟志又府志云地土

豐歲賦不滿斗故中人日僅再食俗多儉蓄者存志

風縣志云士習謹願絕無武斷告許之行替并子弟服刑

士著從戎者十室五六少小遊庭之習氣爾爾懷仁無

負氣健訟之風有務農勤本之實志渾源四民各有所業

而不變遷以勤儉相能志應州人民敦厚墾田為生

山陰儉約樸素惟務農業志靈邱民知勤農士頗向學

廣靈喜爭好鬪頗為北方風氣之固志又移志云西北

於稼穡如太史公貨殖所云代北之民任俠為姦不事農

業者蓋亦此矣雖有武健之習不無雀鼠之爭而賦實愿

古風志陽高其風樸略其俗徑遂勤耕務牧養志天

鎮地臨邊塞人情樸魯機械不生男務耕牧女不紡織天

寒地瘠春冬坐食民多貧困志又新志云土庶多急

法從無通賦及種化養治者男十歲上將先入粟志

而無客籍故人才所近各執一業農之外百工商皆志

里率出粟相助有古購恤之風惟富室而有節孤寡無志

并而處焉常也然不講飲食爭財不婚嫁夫往婦年已

不問有資以女者不講飲食爭財不婚嫁夫往婦年已

季為親友其但蒸食以油謂之糕餅上而任故鄉以志

朝夕具白麵大餅惟食者曰黃糕餅食之曰糕餅亦志

也衣用直線之履厚布多奇則肉羶之羊裘即釋志

東亦在黃州時之謂之甲三三三三三三三三三三三志







始

明統志忻州民性質俠士尙文雅

州地寒物產稀少志云州志云邇來儉入奔

多務稼穡志云州志云邇來儉入奔

曲和洽志云州志云邇來儉入奔

州新志序云乾嘉間可書無復從前陋習矣方成昌折

起家者定襄務詩言重稼穡淡泊自安志云靜樂勁剛質直

與人文傾倒肝鬲稱套數志云

太平記雁門并州屬郡也其風俗與太原略同

明統志代州民醇訟簡節儉勤農無游惰之習絕澆薄之風

州俗尙戎馬少事文學今彬彬矣而仕宦騎馬不入閭里

婚嫁恥於論財風尤近古云志云五臺山川秀異士生其

間積學者代不乏人但民依山阜艱於爲業鮮事商賈惟

力耕志云縣志新志云俗重廉恥略知禮讓勤勞女穠穠乞

官無敢違此例者夜有探賊一呼即四鄰皆應聲升屋

有守望相助之義因富家不敢卑視貧人貧者無幸災樂

禍之心也志云崞縣志云土庶多急公義守

峙其俗勤儉樸直少文志云穆志縣志云土庶多急公義守

子雖遇凶荒不棄鄉井婦女甯受饑寒不爲婢媵向者喪

葬婚嫁質有節今婦女服飾日趨侈靡送以妝奩之費儉

爲門戶之榮尊家有二女則羣謂之不祥志云

明統志保德州土瘠民貧莫不尙義

州民性剛強少不相得輒接臂獨不好訟越訴尤鮮又貧

鮮生理耕種而外或佃傭陝西貿易鄰境志云又祝志云

序剛直而內外有別州志云地近沙漠寒多暖少且臨河

大河當河冰開合時居民多感寒疾如南方之瘴云

曲不好詞訟惟務耕耨上

太平記解州今民有上古之遺風

嚴氏詩說魏地無淫詩猶有聖人之遺風

元房希文解州學記尙善而服勤守儉而知禮

明統志境接古虞芮之國其民質樸力耕而習俗崇禮讓之

風

州士大夫質直無詭險百姓樸醜長公盡力南畝婦女織

紵亦勤志云安邑其民質樸力耕耘勤績紡第邑近鹽池頗

趨鹽利志云夏縣尙義服勤守儉知禮上平陸重農事勤紡

績醜樸儉約志云上芮城質樸直懸男女多務耕織市井少居

商賈上

元王惲絳州夫子廟碑剛儉尙義氣有三晉餘習

明統志絳州經晉霸之餘人性剛悍多勇敢勤稼穡好蓄積

州城市之民無寸田多貿易盈難而虛速鄉民務耕織懸

崖崎徑苟可種無閒曠抱布貿易殆無虛時土狹而瘠使

然也志云唐杜牧論云魏晉後工機織雜意懸

義重名檢男耕女織樸質近古志云河津農畝並無貿易喪

葬不用浮屠志云上稷山后稷播種之地崇尙節儉上絳縣民

勤生業尙義好儉志云垣曲厚葬祭敬神明不諳商賈不事

華靡志云

太平記隰州其人本號部落久歸漢法

明統志吉陽之地多山其人性質信實

州民質直勁勇勤於耕牧婦事蠶而不能紡織志云蒲縣界

於峻山不事商賈志云大甯僻在萬山中其人多樸魯上永

和民皆穿土爲窰曲折而入如層樓複室每過一村自遠



視之短垣疏隔高下數層縫裳相履歷歷可指山路崎嶇  
老翁驅犢少婦汲水登臨甚捷不以爲苦有太古之象焉

移志案山中州縣大抵相同

明統志霍州本岳陽堯都所在其民勤且儉猶有遺風焉

州好儒少訟薄於衣食而好置產業志趙城民性儉嗇士

知讀書志靈石僻在萬山中其人勤苦致蓋藏弟子員皆

守章句不敢背師說縣志

太平記振武軍尙氣強悍漢志曰定襄雲中本戎狄之地其

人鄙樸少禮文好射獵

元豐州平治向城路碑記風俗惟醕民物尙樸

歸化城冠蓋雲屯市廛星列極民物繁庶之盛天時人事

默爲轉移近年種植滋富菽葛應時有非大朔諸郡所能

及者歸略各廳村莊其名之稍存古昔者十無二三餘皆

蒙古俗語信屈聳牙借音成文無一定字義其俗之樸野

可知矣同上

右民俗

歲時節序海內悉同記其見於各志者

立春之時守土官迎春東郊祀芒神鞭土牛如儀俗謂之打

春陳百戲謂之演春薦春盤春餅削蘆葍茹之謂之敲春

通禮直省迎春之禮先立春日各府州造芒神土牛立春

在十二月望後芒神執策當牛肩在正月朔後當牛腹在

正月望後當牛膝示民農事早晚也屆立春日吏設案於

芒神春牛前陳香燭果酒之屬案前布拜席通贊執事者

於席左右立府州縣正官率在城文官丞史以下朝服畢

詣東郊立春時至通贊贊行禮正官一人在前餘以序列

行就拜位贊跪叩與眾行一跪三叩禮執事者舉壺爵跪

於正官之左正官受爵酌酒酌酒三授爵於執事復行三

叩禮眾隨行禮迺昇芒神土牛鼓樂前導各官後從迎入

城置於公所各官執彩杖環立樂工擊鼓擊土牛三迺各

退會典歲六月欽天監擇定春牛芒神之制冬至後辰日

四時長八尺象八節尾長一尺二寸象十二頭色視年

色身色視年支支象色視年支支象色視年支支象色視年

年陰陽開合口陰合口陽合口陰合口陽合口陰合口陽合口

五分象三百六十五口陰合口陽合口陰合口陽合口陰合口

視年支支象色視年支支象色視年支支象色視年支支象色

用生支支象色視年支支象色視年支支象色視年支支象色

火左後右前土在頂直上冠耳視年支支象色視年支支象色

寅揭左亥揭右卯至戌則手提耳視年支支象色視年支支象色

有金左行纏懸於腰木右行纏懸於腰土右行纏懸於腰

手執鞭拘以桑柘木鞭以柳枝拘繫繩鞭著鼻用拘芒日

支寅巳申亥用麻子卯午酉用芋丑辰未戌用絲芒神立

後左右視年陰陽開合口陰合口陽合口陰合口陽合口陰合口

日外立春者立春後歲前五日外立春者立春後歲前五日

大同府志立春前日優人樂戶各扮故事鄉民攜田具

唱農歌演春於東郊婦歸良仍雇人為之堅氣樂戶

者迎春與出土牛原是二事迎春以迎陽氣在立春出

土牛以送陰氣在季冬與春同而爲一不知始於

何代考漢書有太守行春之文隋書禮儀志有采杖擊

牛之文王衡論衡云立春爲土象人男女各二乘未

或立土牛象人土牛未必耕也順氣應時示率下也

是則芒神土牛自漢已然其陳百戲亦古難意也

山西通志卷九十九

風土記上

三

日取春牛土書吉利字於門首

正月元日晨起焚柏爆竹肅衣冠設牲醴柩枚祭天爐神祇

祀先祖拜父母家眾以次序拜親朋戚里互相詣賀飲食

會句餘始定



月令通考除夕家人祀先及百神架松柴齊屋舉火焚之謂之扒盆煙燭燭天燭如霞布

大同府志元旦家家伐薪鑿炭磊磊高起狀若浮圖及時發之名曰旺火 澤州志元旦焚桑柴名正火 洪

洞志元旦燒避瘟丹以逐疫氣 蒲縣志元旦燔柏葉名興旺火

五日掃舍中塵垢送通衢曰送窮月晦亦然

四時寶鏡高陽氏子好衣飯食糜正月晦巷死世作糜棄破衣三十日祀於巷曰除貧

大同府志五日剪綵紙爲人小兒擁抱戲通衢曰送窮有覆而去者曰得富 趙城志五日以箕出糞壤送於門外曰送窮或棄敝帚義一也

山西通志卷九十九 風土記上 三十九

人日祀斗祈福製彩勝

澤州志人日夜初分各然燈煮黍米祀斗祈福 壺關志人日婦女以彩勝相餽

元夕街坊張燈結彩列鎧焰放花火光彩騰灼鼓吹喧闐士女踏歌遊戲丙夜始歸自十四日試燈起至十六日止

魏書爾朱榮傳魏舊俗以正月十五夜爲打簇戲能中者卽時賞帛 春明退朝錄上元然燈沿漢祀太乙自昏至

晝故事 朝野僉載唐睿宗先天二年正月十五十六夜於安福門外作燈輪高二丈然燈五萬盞

大同府志元夕街市張燈壘旺火各鄉村扮燈官吏秧歌雜耍入城遊戲三日不絕 澤州志上元夜以洪鐘

鎔鐵汁向空高灑燭若星點名曰鐵花又範土爲人洞

其中以納火曰人火 絳州志元宵張燈駕龍山火樹銀花城市爲多 陵川志元宵築燈火於門喧暖如春謂之滾火 洪洞志元宵士人嬉遊觀燈粘詩藏謎以博物通微謂之打燈 壺關志上元蒸麪餽祀蠶作粘穗祀穀神其張燈諸俗與海內同

十六日男婦相率出遊謂之遊百病 澤州府志上元前後三日中於郊外曠地結草爲闌方

十丈許中曲折通行路是夕持燈繞行謂之走百病 絳州志十六日街巷架鞦韆婦女牽伴遊行 大同志

十六日郊遊云除百病是夜設祭送先祖婦女多哭泣者 趙城志十六日戴柏葉男婦皆出遊曰遊百病

二十日煮黃米糕然燈禮佛作煎餅祀倉箱井曰之神名曰添倉或緣天穿之說也

拾遺記正月二十日爲天穿以紅縷繫煎餅置臺上名曰補天漏又謂之天饑日

大同府志二十日爲小添倉二十五日爲大添倉添買米麪柴炭等物然燈於貯所曰照虛耗 壺關志添倉

在二十五日倉庾庖廚然燈添供俗令也 二月二日爲龍擡頭會城列肆於前夕懸燈結彩以迎錢龍

喧闐輝煌一如元宵亦有以黃紙畫壺盧納蛇蠍諸物粘於屋壁云辟百蟲

風俗記穀雨日畫五毒符圖蠍子蜈蚣蛇蜂之類各畫一鍼刺之刊布家戶以禳蟲毒

守嵐州志二月二日然糕燈引錢龍 大同志二月二



日各村噴社醮錢獻牲謂之扶龍頭提壺汲井水注之  
日引青龍 絳縣志穀雨日畫符貼牆或以灰酒灑壁  
名曰禁蠍 蒲縣志二月二日為龍抬頭引龍灰圍屋  
可避蟲鼠 垣曲志二月二日以灰綫界門牆外廢除  
盜患

俗又以是日為土地神誕村農蔬果壺漿以祝神釐

禮記月令二月擇元日命民社鄉注謂社稷之神元日謂  
近春分前後戊日元吉也田事將興故祀之以祈農祥云

浮山志二月二日祀土地神蓋即社之遺義 陵川志

春分日以牲醴祀先農祈穀 永甯州志社日各鄉賽

社以祈年豐

初三日為文昌帝君誕辰秩祀外士大夫多醮錢獻劇

山西通志卷九十九

風土記上

三

續文獻通考景泰五年勅賜文昌宮額歲以二月初三日

為帝君誕生之辰遣官致祭

寒食禁煙惟介休靈石沁源諸縣間存故俗

太平御覽後漢書周舉遷并州刺史太原一郡舊俗以子

推焚骸有龍忌之禁至其月咸言神靈不樂舉火舉移書

於子推廟云春中寒食一月老小不堪今則三日而已魏

武帝明罰令日聞太原上黨西河雁門冬至後百有五日

皆絕火沍寒之地老少羸弱將有不堪之患令人不得寒

食若犯者家長半歲刑主吏百日刑令長奪一月俸陸贄

鄴中記曰并州俗冬至一百五日為介子推斷火冷食三

日作乾粥是今之糗也

時及清明拜掃墳墓封土於冢門戶插柳又有紙鳶鞦韆之

戲

唐書開元二十年勅云寒食上墓禮經無文近代相沿廢  
以成俗士庶之家宜許上墳編入五禮永為常式 古今  
藝術圖寒食鞦韆本北方山戎之戲以習輕趨者也

石樓志寒食宰牲享祖具楮掃墓同宗歡飲分胙而散

沁州志清明前數日及本日男女攜楮帛酒饌祭先

人墳墓禮畢加土於冢上 澤州府志清明節婦女以

描金勝子貼鬢名柳葉符

三月三日士民間有踏青者

澤州府志三月初踏青遊賞都於此時

十五日為元壇神誕俗謂為黑虎財神者也商賈祀之

舊志周禮鄭康成注元壇者北郊之壇也稱曰元壇蓋

山西通志卷九十九

風土記上

三

以所祭之地名之耳今俗謂神姓趙名明字公明不知

何據

二十八日為東嶽天齊神誕省垣中東西兩泰山廟香火最

盛各州縣亦有賽會演劇者俗謂神權天下人民生死故酬

答尤虔云

王達齋海集神明誕降之說以義起者也東嶽生於三月

二十八日者天三生水地八成之合兩儀之氣於其中也

二十八日四七也四七者少陽之位也

四月八日為浴佛節僧尼設香花燈燭以供佛居民亦有持

齋禮懺者

魏書釋老志世祖即位每引高德沙門與共談論於四月

八日與諸佛像行於廣衢帝親御門樓臨觀散花以致禮



大同府志四月八日為佛誕辰案春秋莊七年夏四月  
敬辛卯夜恆星不見星謂如兩相傳是日為佛降生之辰  
然以常歷校之辛卯當是四月五日  
八日浴佛或亦循三朝洗兒之例耳

潞安府志浴佛在四月八日僧寺設淨水法筵香火甚  
盛

二十八日為藥王神誕藥市中人擊牲設醴陳金演劇謂之  
藥王會

列仙傳唐武后朝韋善俊京兆人長齋奉道常攜一黑犬  
名烏龍世俗謂之藥王 高士奇扈從西巡錄藥王廟專  
祀扁鵲四月二十八日賀藥王生日則二十八日當是扁鵲  
降生之辰後人以為孫思邈誤矣

五月五日為端陽節門插蒲艾噴雄黃酒佩赤靈符以角黍  
相餽遺結五色絲為索繫小兒臂謂之百絲婦女製艾虎艾

人以為釵頭之飾

山西通志卷九十九

風土記上

五

鄴中記并州俗以介子推五月五日燒死世人為其忌故  
不舉餽食非也北方五月五日自作餽食祀神及作五色  
糗五色辛盤相問遺不為介子推也

大同府志端午食角黍佩辟兵符飲雄黃酒各處皆同  
十三日為關帝聖誕有祭俗以是日雨為磨刀雨

關侯祖系記侯以桓帝延熹三年庚子六月二十四日生  
則今之以五月十三者非也惟考永樂北征時每見神前  
驅凱旋乃制崇祀以五月十三日祭是今之祭仍沿舊例  
不必泥為聖誕辰也

六月六日祀河神祈雨澤曬書曝衣胚醋合醬士女多郊遊  
路史蘇納有莘氏曰志是為修巳以六月六日屠醜而生

禹於棘道之石紐鄉

大同府志六月六日攜壺棹往東郭萊園踏青是日及  
初伏日造酒嘗曬曝曝衣 陵川志六月一日至十三

日大小村莊咸聚會上菊嶺山龍神詞度祭祈雨澤

澤州府志六月六日祀山神相傳神即射日之羿以開

門即山故祀之以辟虎狼云 石樓志是日童叟浴於

屈產泉名曰洗百病

七月七日祀雙星及夕婦女設瓜果乞巧於天孫

徐溝志七月七日士大夫設牲醴祀魁星 垣曲志七

夕婦女漂鍼乞巧 趙城志七月七日童子浸穀於盆

使生萌蘖及旬取為水角裹筆頭於內嚙之視穎之向

背以別慧鈍

山西通志卷九十九

風土記上

五

十五日為中元節官府祭厲人家掃墓均如清明僧道禮懺  
誦經謂之盂蘭盆會或放河燈

老學菴筆記俗以七月望日具茶饌享先織竹作盆盎狀  
貯紙錢承以一竹焚之視盆倒所向以占氣候向北則冬

寒向南則冬溫謂之盂蘭盆蓋俚俗老嫗之談耳 釋氏  
要覽孟蘭盆者天竺語猶言倒懸救急器也遂沿為佛氏

之說 道經七月十五日地官作會於玉京山誦老子經  
十方大聖普誦靈篇

永甯州志中元僧舍齋陳水陸為人薦亡名曰孟蘭盆  
會 孟縣志居民以油燈橫列河岸或置燈瓢中浮游

水上謂之放河燈 潞安府志中元薦麻穀子祀祖先

造麩羊以餽女氏 定襄志七月十五以麻穀懸各門



首亭午請而祭之以瓜果紙供薦祖塋 澤州府志中  
元祭掃如清明以穀麻掛墓前卷紙如帛焚之

八月中秋夕陳果餅望月羅拜劇飲賞月各處悉同邊郡為  
盛

北京歲華記中秋夜人家各置月宮符像符上兔如人立  
陳瓜果於庭餅面繪月宮蟾兔男女肅拜焚香且而焚之  
又景物略女歸甯者是日反其夫家曰團圓節

大同府志中秋家陳瓜果并相餽遺先是四鄉載西瓜  
入城者日數十車碧願山積至晚擔運一空 天鎮志

節會中秋最重時禾黍方登瓜果皆熟一年豐盈之景  
無論是日也人家選設筵宴如春盤之制會飲盡月乃  
止

山西通志卷九十九 風土記上

三

二十七日為先師聖誕邊郡各學多有特祀

孔庭纂要周靈二十一年庚戌即魯襄公二十二年是年  
冬十月庚子日先聖生十月庚子即今之八月二十七日

九月九日食米粉五色花糕飲茱萸酒文士間有登高者  
續齊諧記費長房語桓景九日當登高飲菊花酒因齊家

登山孟嘉從桓溫遊龍山亦九日登高之舉後遂相承為  
故事 謝肇淛五雜俎九日天明時以片糕搭兒女頭額

更祝曰願兒百事俱高此古人九日作糕之意  
陵川志九月九日以茱萸泛酒 定襄志重陽日蒸花

糕 趙城志九月九日食棗糕母家以饋女  
霜降日營弁皆集校場祀旗纛之神飾甲仗演火器鏡歌整

隊而歸謂之揚兵

舊通志軍牙六難之神諸衛所胥以霜降日祭  
秋穫後鄉賽最盛絃管之聲盈於四境

陵川志秋分收穫後各村設油食鼓吹祀農神謂之秋  
報 絳縣志秋後社祭謂之閉神門 靈關志秋穫後

農家勞農休息名曰閉場門  
十月一日官府祀厲士民亦有墓祭謂之送寒衣

大同府志十月朔剪紙焚化為送寒衣或於墓或於門  
外婦女夜哭如清明 天鎮志三時祭厲其夕哭聲震

地相傳明代多國殤野祭者眾新喪之家遂沿之故獨  
關北諸郡為然

十一月冬至士大夫行拜賀禮謂之拜冬  
節序同風錄冬至之日薦黍糕先薦元冥以及祖禱其進

山西通志卷九十九 風土記上

三

酒肴相與謁賀君師耆老一如正旦又云近古婦人常以  
冬至日獻履襪於舅姑踐長至之義也

絳州志冬至祀始祖相拜揖各塾祭先師生徒趨詣叩  
賀館東邀宴

十二月朔以菽麻玉稗等入焦釜爆之皆成花男婦老幼各  
分餉焉亦猶南方之爆苧婁也

沁州志十二月初一日煬麥豆食之名曰敲燂  
初五日食五豆粥以赤豆雜米為之大小偏餐云可辟溫

歲時記共工氏有不才子以冬至日死為疫鬼畏赤小豆  
故作粥以禳之

絳州志臘月五日以各種豆及米作飯名五豆粥  
澤州府志五豆粥和黍稷黍果豆為之



初八日煮白粳雜棗果榛栗以為糜謂之臘八粥

夢梁錄十二月八日寺院謂之臘八大刹設五味粥名曰

臘八粥

曲沃志八日吸臘粥 大同縣志初八日名臘八預於

初七日往玉河鑿冰融水作棗粥天城僧寺於是日施

草兒道通衙謂之迎

二十三日夜分比戶皆以餅餠祀竈謂之送竈兼有具草豆

為神秣馬者

月令廣義燕俗鑄竈神於木以紙印之曰竈馬一年一換

以臘月三十四日焚之謂之送竈上天闔家羅拜祝曰辛

甘臭穉竈君莫言 歲時記以酒糟抹於竈門之上謂之

醉司命

山西通志卷九十九

風土記上

三七

趙城志二十三日以饒祀竈曰黏其口使毋說

二十四日謂之交年掃除舍宇

夢梁錄士庶家不論貧富俱灑掃門閭去塵穢淨庭戶亦

有在除夕者

除日更換春聯焙薪炭卑幼行辭歲禮家人團圍把酒歡笑正

守歲不寐者

寶牖問評守歲之事雖近兒戲然父子團圍把酒歡笑正

家人所樂為也

農家月令見於舊志者曰立春喂耕牛雨水攪糞土驚蟄河

半開春分種小麥清明前後種區豆又云二月清明草不穀

雨種豌豆立夏種穀小滿前後安瓜種豆芒種忙種黍子急

種穀又云芒種夏至見豆花又云夏至不種高山小暑喫大

夢又云小暑當日回言大暑喫小麥立秋一十八日寸草

皆齊處暑不出頭割得喂了牛白露喫小穀秋分見穀羅寒

露百草枯霜降不踏田立冬不使牛小雪凍大河大雪凍小

河冬至不開窖小寒寒不小大寒不加冰

以賽會為市場處處有之最盛者榆次以五月臺山以七月

解州以十月皆百貨畢集市月始散而歸化城為商賈所萃

有名之社至一百二十演劇酬神歲無虛日

歸綏識略口外市廛森列梵宇如林商賈踵事增華歸

化一城歲三百六旬六日賽社之期十踰七八四鄉各

應尚難指數

右歲時

山西通志卷九十九

風土記上

三八

山西通志卷九十九



風土記下 記六之一 山西通志第一百

賜進士出身頭品頂戴都察院右副都御史巡撫山西提督學政張爾琿  
旨監修

方言 物產

方言之見於楊雄書者自關而西晉之故都好曰妍 豎晉  
之舊都河汾之間其大者謂之甄其中者謂之甌甄 魏曰  
魁 秦晉之郊凡物小謂之私或曰纖 帕頭曰絡頭 栝  
謂之盃 熟曰脯 晉之北鄙謂殺亦曰劉謂賊曰虔 晉  
之西鄙使犬曰哨 擊周晉之鄙曰囑嗷亦通語也  
慧晉謂之懸法今以小兒之慧者 愛曰悅 思或曰慎凡  
思之貌亦曰慎 逝往也秦晉語也 會亦曰抵凡會物謂  
之倣 勉曰釗或曰薄其鄙語曰薄努猶勉努也 言布帛

山西通志卷一百 風土記下

之細者曰靡 愧曰悔或曰慙 猛曰爽 琢謂之鑄 欲  
曰朕 轉目曰遠 受盛也言容盛也 誣言阿与 噎或  
曰噎 人不靜曰蹇 特曰絀 索言抖擻 分曰離 聲  
變曰嘶器破而不殊其音亦謂之嘶器破而未離謂之疊  
凡物樹稼早熟謂之旋 縷或曰竟 續折謂之網繩索  
謂之割 悲曰暖不欲磨而強奮之意也 老謂之公或謂  
之翁 所疾言可惡 非其事謂之皮傅 守宮或謂之蟻  
蟻或謂之蜚易 頷謂之頷 秦晉之中土謂墮耳者明也  
秦晉之際河陰之間相謁而食曰饑饉  
自關而西秦晉之間凡好而輕者謂之娥 餘曰隸或曰烈  
愛或曰矜或曰悼 凡大小兒泣不止謂之啜哭極聲絕  
亦謂之啜 憂或曰怒或曰濕凡志而不得欲而不獲高而

有墜得而中亾謂之濕或謂之怒 凡物壯大謂之赧或曰  
夏凡人之大謂之埃或謂之壯 凡相愛敬謂之亟 凡物  
長謂之尋 凡人語而過謂之遞或曰僉凡物之壯大者而  
愛偉之謂之夏 跳或曰路 登曰躡 凡取物而逆謂之  
篡 凡大貌謂之朦或謂之彪豐其過語也 凡美色或謂  
之好或謂之寗美貌謂之娥美狀為寗美色為豔美心為竊  
凡細而有容謂之嬰或曰從凡細兒謂之笙斂物而細謂  
之擘或曰棼 儂盛也或曰臙 凡病而不甚曰殫殫 物  
力同者謂之臺 凡蹇者或謂之遠體而偏長短亦謂之遠  
凡愧而見上謂之赧 痛或曰憊 凡取物之上謂之擣  
捐 嘲睇曰哂 息或曰喙或曰餒 堅曰錯 炊薪不盡  
曰盡 撝略求也就室曰撝在道曰略 剝啄曰槍 凡人

山西通志卷一百 風土記下

獸乳而雙產謂之健子 馬奴婢曰侮 牀謂之杠 相勸  
曰聳或曰朕中心不欲而由旁人之勸語亦曰聳凡相被飾  
亦曰聳 聽而不聰聞而不達謂之聾聾之甚者謂之聵  
懣言心內懣 敬曰稟 理曰紕凡物曰督之絲曰釋之  
凡言相責讓曰譙讓 暴五穀之類謂之曬 凡以火而乾  
五穀之類或謂之聚 戰謂之釘或謂之鎖戈謂其大者曰  
鈹胡其曲者為鈹鈹胡 車篷謂之拘篋 蜩謂之蟬  
蠅謂之芊 蟻謂之蠹或謂之天蠹 龜鼈謂之鼈鼈  
蜉蝣謂之蝶蝶 簾小者謂之單 豕謂之墳  
燕代之間愛曰悽 懼曰慢台 信曰訖 眉梨老也燕代  
之北鄙曰梨 簾趙代之間謂之簾 唐冀之間至曰假或  
曰徂 晉魏之間猛曰擗



其見於別籍者莫莖大如著冀州人謂之乾絳河汾之間謂之莫風疏河東名帛為幣禮記曲駟小車轅冀州以此名之羊傳注河中呼水中沙堆為渾爾雅釋秦晉謂好曰姪娥文說秦晉謂細腰曰嬰上同莖晉謂之莖上同秦晉謂之蝸上同河東以東西為阡南北為陌史記秦本紀集解冀州人謂懦弱為辱史記集解河東人呼誰與葵同木紀惟鄉人呼葵音如誰汾河東北界人呼小石嬰受二斗所引漢書注河東曰服匿引晉灼冀州凡水大小皆謂之河引漢書注謂治道為繇道淮南子其見於方志者霍山以北稱父曰老子呼小兒曰娃人憤憤曰不中川關爭曰撻拳合人曰夥伴妒人曰不分呼親家親作去聲要婦曰索妻兄弟妻曰先後小兒曰孖兒長身曰挑

山西通志卷一百 風土記下 三

不浪悶悶然者也稜騰虎言其憨也大饒慢言其癡也雷堆言不振刷也蓋辜昏濁之譏也窟利卑汗之謂也格將故相左又意所不順也播人俾甚癢亦謂之格將梭利者細也便捷而詳密也耶荅沒刺不著意也以上音霍山以南父曰爸母曰家妻曰如婦子曰廝兒夫曰漢家祖曰爺爺祖母曰娘娘外祖曰老爺爺外祖母曰老娘妻兄曰室兄弟妻曰弟妹稱人妯娌曰襄婦家中曰居舍同事曰連手代人奔走曰跑事同行曰廝趕知曰悉下無曰沒收拾曰拾奪以手比勢曰等想曰擬募耕地曰墜地添火曰抬火筆曰生花麪條曰旗子繩曰麥東牲畜曰頭口謂湯為拖狼為羅名為滅閻為揚杳為恨號為侯睡為樹桑為梭外為衙廳為添母為墨來為雷王為禾跪為出去為棄布曰慕年杖曰格關口袋曰尺頭女子髻曰格爪稱人連襟曰挑擔乳曰麥麥立曰勾蹲曰圪塔看為說身倦曰乖罵曰卷臥曰貼以手掩物曰烏妥當曰實熟彼此撲跌曰姑鬧並見趙洞曰窟壘屏門曰閃閃起手丈量曰插尺相隔數家曰望望鄰土坏曰餽瑾煤炭曰黑槽頭曰登腦不才子曰囊飽貨又曰木骨蠶繼妻曰姚婆子繼子曰瞞圪塔水半熟曰沙温子半涼曰烏塗子硯臺曰硯瓦筆曰生活口袋曰毛連牲口曰頭戶跌倒曰栽倒少日爭些響讀學上聲並見臨大行之間驚小兒啼曰麻胡子小麥謂之宿麥圓麵食曰鴿卵子分盛果食器謂之攢盒聘婦以茶為禮稱納徵為下茶夫稱妻曰家里父母尚在昆弟不同財產謂之生分盛酒器謂之曇曇鴿鳥別名寓戒意也婦女偶失財物便謂買耶巾矣之耶巾蟲類也見酉陽雜俎稱

山西通志卷一百 風土記下 四



不曉了者曰罄海蟲稱叔曰巷稱母曰娘晉人曰賊王八稱陽溝為陽濠撥阮謂之成子靖康初民間以竹徑二寸長五尺許冒皮於首其製曰漫上不漫下路俗每稱此語麪食曰合格餛餅曰火燒並見長治縣志

右方言

方物入貢者有皮張猪腋飛雞麪蒲桃乾藕粉石花魚

晉政輯要巡撫每年呈進方物二次每屆冬至節呈石花

冰魚九十尾德州保州每屆年節呈天馬皮一千張青白朕皮

一千張猪腋五十匣並由中軍參將承辦珍珠毛皮一千張

羔皮一千張交城辦黑白湖鼠皮一千張飛雞麪四箱

辦蒲荷乾三箱文水縣辦藕粉五十匣

十尾仍保德州承辦州志向例每年正貢外副貢之魚約四尾

山西通志卷一百

風土記下

五

年兩次用副貢魚一千六百尾

舊有西瓜柿霜

晉政輯要舊例常貢有榆次西瓜六百四十箇永濟柿霜

五十匣均於光緒六年豁免榆次縣志瓜出東西中三郡始未有名康熙中巡撫

禮以進御遂著為令貢瓜六百四十箇慶三年免

半每歲正貢二百副貢一百於六年照榆次瓜貢一律豁免

其采辦之物解交戶部者有鐵絹紙解交工部者有路紬流

黃凡平鐵八萬四百九十八斤好鐵二十萬斤農桑絹三百

匹生素絹一千二百匹毛頭紙一百萬張呈文紙四萬張

大路紬三十四小路紬五十四疋黃十萬斤詳見公署略

定制半鐵每塊長四寸九分寬三寸四分厚九分重六兩

四兩好鐵每片長一尺五分寬二寸二分厚半分重五兩

農桑絹每匹長四丈闊二丈重二十一兩五錢生素絹每匹長三丈五尺闊二丈重二十一兩五錢每張長一尺七寸五分寬一尺五寸四分厚一分重六兩

謹案任土作貢厥義自古

國家勤恤民力凡所需物料皆令有司支款購辦未嘗

責以上供惟疆臣歲終例進方物稍存故事較之唐

宋土貢特千百之一二然猶屢邀

恩免斯則惜人勞正以作天德普地利也用志物產敬述

山西通志卷一百

風土記下

六

於篇其前代貢物繁複且多為今土所無則仍舊志

散附各條下不別為目焉

百穀皆常產稷曰蜀稷又曰麥子即高粱也

爾雅翼稷者五穀之長故陶唐之世名農官為后稷其祀

五穀之神與社相配亦以稷為名以為五穀不可偏祭祭

其長以該之程瑤田九穀考說文稷齋也五穀之長齋

稷也案文重稷稷之黏者朮案稷齋大名也黏者為

稷北方謂之高梁或謂之紅梁通謂之稷稷又謂之蜀稷

蓋稷之類而高大似蘆穀諸蜀黍一名高粱一名蜀稷一

名蘆稷一名蘆粟一名木稷一名荻稷自注廣韻蘆粟木

稷也類篇集韻皆云關西呼蜀黍為稻黍今山西平陽汾

州諸郡人余見其通呼為稻黍也案程氏辨稷為高粱凡數千言一時通儒段氏







黃一把箭穗子條料角白紅老漢狼尾稍豬鬃齊鐵把  
齒波菜根天青穀貓毛穀青穀梁穀諸種早穀中黃穀  
白老漢象尾穀三種耐旱馬托韃白老漢二種耐風象  
尾穀又耐雨晚穀中潞州黃青穀豬鬃齊三種耐旱穗  
子條紅老漢狼尾稍波菜根貓毛穀五種耐風紅老漢  
狼尾稍貓毛穀三種又耐雨早穀以六十日為率宜早  
田晚穀以一百二十日為率宜水田惟潞州黃一種早  
種則晚熟晚種則早熟水旱田皆宜又穀之黏者曰秬  
有黃秬黑秬龍爪秬諸種胥可釀酒昔陶淵明官田種  
秬卽是物也 天鎮縣志梁亦粟也穗小毛長米晶瑩  
而多汁味特滑甘故古人以膏粱並稱有黃白青赤四  
種白者尤良農家以其勞多稷寡植之者鮮士大夫或

山西通志卷一百 風土記下 九

終身不知為何物獨縣南山最稱土宜邊地嘉禾無以  
踰此

麥經年種者為宿麥春種者為春麥皆小麥也大麥亦有宿  
根者積麥俗名草麥其別種也

植物名實圖考大麥牟也小麥來也土燥亦燥土濕亦濕  
南北不同故貴賤異北之麥南之稻人所賴以生然稻能  
久藏所耗少麥經歲則蟲生簸揚輒減十之二三穀之飛  
亦為蠶為麥蠶也大小麥用殊而苗相類大麥葉肥小麥  
葉瘦大麥芒上束小麥芒旁散諺云穀三千麥六十得時  
之麥粒逾六十此其數矣積麥今山西多種之與大麥無  
異熟時不用打碾仁卽離殼但仁外有薄皮如麩打不能  
去

舊通志麥五穀之貴者有大麥小麥二種大麥作粥飯  
殊滑漿可為餉有露仁不露仁諸種小麥皮薄多白麩  
有火麥黑芒火麥紅麥白麥和尙麥諸種汾州北諸屬  
春分前種處暑後收名春麥汾州南諸屬白露前種芒  
種後收名宿麥漢武帝紀勸各郡種宿麥種收隔歲故  
號宿麥汾州南亦有春種大麥積麥皮肉相連似稻土  
人謂之草麥造麪用之亦有碾其皮以食者山西皆產  
寧武尤饒 絳州志小麥有芒無芒種甚多日夕饗飧  
胥用之治造頗為得宜其法篩簸除去皮殼淘靜貯器  
幽滋過夕向日曬八九分乾磨成麪重羅細白如霜雪  
醉發手揉益以乾麩使虛實得宜作為諸品樣式入甑  
蒸出潔白豐腴甘美充食諸郡邑所罕比至於祀神

山西通志卷一百 風土記下 十

饒女剪刻花鳥著表懷肥傅色染采爭鬪奇巧其大盈  
盤逾尺規可切婦女造作甚勞相習不以為苦

油麥卽青稞也蕎麥有甜苦二種並出北地

植物名實圖考蕎麥一作油麥本草拾遺謂青稞似大麥  
天生皮肉相離黍隴以西種之是也山西北部皆產之形  
如燕麥離離下垂耐寒遲收收時苗葉尙有青者或卽呼  
為燕麥維西開見錄青稞經年一熟七月種六月穫今山  
西以四五月種七八月收其味如蕎麥而細耐饑窮黎嗜  
之性寒食之者多飲燒酒寢火炕以解其陰滯南人在西  
北者不敢餌也將熟時忽有積粒皆黑者俗名厭麥亟拔  
去否則雜入種中來歲與豆同畦則豆皆華而不實老農  
謂厭麥能食豆云 農書蕎麥赤莖烏粒種之則易為工



力收之則不妨農時晚熟故也北方山後諸郡多種之治  
去皮殼案今俗磨而爲麪焦作煎餅配蒜而食或作湯餅  
謂之河漏滑細如粉亞於麥麪風俗所尚供爲常食若舊  
亦可食

稻水田有之糯梗皆備產晉祠者良

植物名實圖考山西舊志問喜臨汾文水產梗糯今太原  
晉水趙城霍泉稻田尤饒其綠淳沱汾滄州縣及沃泉濫  
泉澗溪澗均無不穿池厥渠而塞外天鎮陽高大同亦間  
引溜灌惟漳沁所從來者高難灌爲利

舊通志稱有梗糯三種梗不黏可爲飯糯黏可爲糕  
用以釀酒尤佳太原桑落汾州羊羔胥以糯爲母者也  
秬比於粳小而尤不黏其種甚早土人號秬爲早稻梗

山西通志卷一百 風土記下 十一

爲晚稻與江浙田家詳晰梗糯秬者差異稻米出太原  
晉祠者潔白纖長味殊精美明蘇祐詩飯熟香秬入王  
瓊詩蒲苗炊香晨饌美皆謂此也

豆卽菽也處處有之粉屑舊以充貢豆豉菽乳製造並精  
唐志太原府貢粉屑

舊通志豆種有八一豌豆有白綠二種白者味甘作羹  
佳一黑豆又名雄豆入藥良有夏黑豆麥樓子一窩蜂  
三種夏黑豆麥樓子就地蔓生花白顆小一窩蜂高幹  
叢生花紅顆大一葉豆有摘角刈梗二種摘者角無毛  
顆小刈者角有毛顆大一大豆有醬色雞眼睛黃豆白  
豆大黑豆大綠豆六種白豆早熟黃豆可榨油造醬兼  
可作腐醬腐謂之腐乳會城最佳一小豆有赤白二種赤者可辟温

一豇豆有菜豇豆柴豇豆二種菜豇豆蔓長者懸架結  
角蔓短者鋪地結角胥可爲蔬有青黃黑白赤斑六色  
青者顆黑象人面一名人頭豆柴豇豆顆可佐粥一茶  
豆有豬牙豆火茶豆飽片豆刀豆四種一扁豆花如小  
蛾翅尾俱全一名蛾眉豆豌豆春冬種冬種者角多扁  
豆春種餘胥夏秋間種諺曰穀三千麥六十豌豆八扁二  
豇十一蓋豐稔之驗也案志所列豆種略備醬豆食物  
名爲豆之絕大者今大同廣植  
之燻以爲果小兒不時食之  
麻有大麻卽大麻也胡麻今脂麻又一種色黑而大生北地  
植物名實圖考大麻本草謂之山絲苗葉可食一名火麻  
雄者爲菜又曰牡麻雌者爲苴麻花又曰麻勃麻仁爲服  
食藥葉根油皆入用胡麻卽巨勝今脂麻也昔有黑白二

山西通志卷一百 風土記下 十二

種今則有黃紫各色宜高阜沙墻畏潦油甘用廣其枯餅  
亦可糞田養魚葉曰青蕘花與稽皆入用山西胡麻根圓  
如指黃褐無文叢生細莖葉如初生獨帶發枝開花五瓣  
不甚圓有直紋黑紫葉一簇結實如豆蔻子似脂麻大同  
府志胡麻莖如石竹花小翠藍色子榨油元大同歲貢油  
麪輪上郡生料庫今民間糶之油曰大油省南北以茹以  
燭其利甚溥惟氣稍膩雁門山中有野生者科小子瘦蓋  
本旅生後時爲穀本草以巨勝爲胡麻今名脂麻而此草  
則通呼胡麻別錄謂胡麻生上黨不知指何種也  
舊通志大麻亦曰黃麻其皮可作布作履亦可爲繩索  
其穉白而有稜輕虛可爲燭心遠沁等處饒焉一種色  
黑惟榨油甚宜名胡麻生則性寒燻則性熱尙嵐等地



饒焉

玉蜀黍亦曰玉秫又名御麥處處有之

植物名實圖考本草綱目始入穀部川陝兩湖凡山田皆種之俗呼包穀山農之糧視其豐歉釀酒磨粉用均米麥類貴以飼豕桿乾以供炊無棄物

舊通志其苗葉胥似高粱穗如秕麥葉旁別出一苞垂

吐白鬚久則苞拆子出顆顆攢簇俗名玉秫 長治縣

志留青日札名爲御麥今潞屬廣植每炊必需團爲餅

與粥糜同煮謂之圪塔屑榆皮和之切爲條謂之撥子

沙米卽東廡也俗名登相子產北地

植物名實圖考東廡本草拾遺始著錄相如賦東廡雕胡魏書烏丸傳地宜東廡似稌廣志東廡粒如葵子苗似蓮

山西通志卷一百

風土記下

十三

色青黑十一月熟出幽涼并烏丸地伏讀

聖祖幾暇格物編沙蓬米凡沙地皆有之鄂爾多斯所產尤多枝葉叢生如蓬米似胡麻而小性暖益脾胃易於消化好吐

者食之多有盆作爲粥滑膩可食或爲米可充餅餌茶湯之需向來食之者少經朕試用之知其宜今取之者眾矣考保

德州志登相子沙地多生一名沙米作羹甚美又天祿識

餘云遼東西夏出登相今甘涼甯夏之野沙中生草子細

如罌粟堪作飯俗名登粟皆東廡也 案登相卽東廡之轉

多磨麵食之 亦曰蒿子

千穗穀有赤白二種圍圃多植之

舊通志高四五尺葉闊而尖苗帶赤色其莖可作杖葉旁皆穗故名子碎小光滑黏而可食 案今人作餅多用

蔬味 同苧

荏亦曰稔子形似沙米可爲油山田時有之

舊通志荏出夏縣蘇屬一曰豆名詩大雅荏菽蒹蒹又

稔子出平定 案志所云當是一物粒圓而滋作灰黑色

同芝麻亦有榨油者與爾雅蘇桂及詩之謂爲豆者種

稔子黍類也亦有種者

植物名實圖考稔能亂苗亦有二種有圓穗如黍者有匾

而數穗同生者與米同春則雜而帶殼別而杵之則粒白

而細煎粥滑美北地多種之於陞非稔莠比也

山綠豆苦馬豆皆野生

救荒本草山菜豆生太行山車箱衝山野中苗莖似家綠

豆葉比家綠豆葉狹窄梢開白花結角亦瘦小其豆黯綠

山西通志卷一百

風土記下

十四

色味甘採取煮食或磨麵攤煎餅食亦可苦馬豆苗高二

尺許莖似黃芪苗莖上有細毛葉似胡豆葉微小又似葵

葵葉卻大枝葉間開紅紫花結殼如拇指頂大半頂間多

虛俗間呼爲羊尿胞內有子如漿子大茶褐色子葉俱味

苦採葉燻熟換水浸去苦味淘淨油鹽調食及取子水浸

淘去苦味曬乾或磨或搗爲麪作燒餅蒸食亦可 今山西

有之花色極紅結實空薄一簇十 餘內子甚小往往有蟲踰伏其中

稔頭生蜀秫上作蔬良

植物名實圖考稔頭一名灰包蜀黍之不成實者忽作一 包白蕪如菱瓜小兒輒取食之味甘而酥能噎人亦可作 茹老則黑糲迸出成灰亦有作粒輒卽黑枯地下熟功不 至則生余偶以嘗客戲語之曰山西謂蜀黍爲莠子俗亦



謂苽為莢鄧康成以苽列九穀此不可謂苽耶  
蔬之屬菘今白菜也其異者曰葵花白

植物名實圖考白菜北地產者肥大昔人謂北地種菘變

為蔓菁殊不然其種類有蓮花白箭幹鈴杓杓白各種惟

黃芽白則肥美無敵出忻州絳州者佳葵花白菜生山西大葉青

藍如擘藍四面披離中心葉白如黃芽白菜層層緊抱如

覆碗肥脆可愛汾沁之間菜之美者為齋為羹無不宜之

俗訛為回子白

天鎮縣志牛肚菘俗名回子白其葉重重捲疊形圓如

毯霜降後百蔬皆萎亭亭獨立色益青翠人家蓄以御

冬大有重七八斤者其植最廣恆販往他邑

大韭產北地冬韭曰韭黃

山西通志卷一百

風土記下

十五

元和郡縣志河東道蔚州大韭多生於山及平野魏孝文

所種以濟軍需後沃壤處皆長三尺葉廣於馬蘭但味少

短耳

舊通志冬韭出襄陵居人以石為小隄導水其中獨以

木雜以葭葦覆肥壤於其上入冬韭乘暖氣生莖甚壯

味視夏秋尤美吳氏云北地冬時雖作韭黃味美即漢時溫養之類

苦菜曰苦苣苣黃曰甜苣即詩之苣也又有紫花苦苣

詩唐風采苦傳苦菜也陸璣蔬苦菜生山田及澤中得霜

恬脆而美所謂葶茶如飴又云芑似苦西河雁門尤美

植物名實圖考苦菜鋪地生葉數十為簇開黃花甚小花

罷為絮所謂茶也根細有鬚味極苦北地野菜中之先苗

者亦采食之有花葉光葉二種巨曹菜北地極多亦曰甜

苣長根肥白微紅味苦回甘野蔬中之佳品也以餅與

并食或焯熟茹之其葉長數寸鋸齒森森中露白脈花正

如蒲公英齊民要術引詩義疏蔬苦葵青州謂之芑是也

今山西野生者極肥土人嗜之紫花苦苣山西平隰有之

夏開紫花餘無異土人謂黃花為甜苣語重如鐵苣此為

苦苣

辣菜芥也亦曰大頭菜蔓菁也甘藍謂之玉蔓菁

植物名實圖考芥老圃常藝者兩種其科大根小曰辣菜

根大葉瘦曰芥圪塔亦曰大頭菜又蔓菁即蔓菁昔人謂

葑須芥菘蕪蕪蕪菁蔓菁七名一物又甘藍本草拾遺始

著錄云是西土藍農政全書北人謂之擘藍按此即今北

地撒藍根大有十數斤者生食醬食不宜烹飪也山西志

山西通志卷一百

風土記下

十六

謂之玉蔓菁縷以為絲皓若爛銀浸以井華劑以醃醃脆

美爽喉葉為齋曰酸黃菜尤美

舊通志蔓菁出臨晉者佳一名諸葛菜農政全書有二三

法先下子候苗長可時蔬類熟地作畦每畦七八寸

起土作壟時苗其上壟土虛浮根大倍常也或徑於壟

人將子種北種初一年變為蔓菁二年種都絕有將蔓

菁種類因地必無移種之理然圖經則於北之蔓菁

今京師種蔓菁必無移種之理然圖經則於北之蔓菁

并州種蔓菁必無移種之理然圖經則於北之蔓菁

晉州種蔓菁必無移種之理然圖經則於北之蔓菁

胡葵曰香菜波棱曰波菜與葱蒜皆四時不絕

本草拾遺胡葵味辛溫消穀石勒諱胡并汾人呼為香葵

也波棱本出西域頗陵國訛頗為波 五總志余昔在晉



與蘇叔黨自大原之河外避暴水於楊廣道行李隔絕而腹中枵然詢諸驛吏惟有波梭與米耳即取以爲糜余有詩戲叔黨云誰知吾子波梭粥壓倒東波玉椀羹 劉禹錫傳信方治打撲損取葱新析者火煨承熱擘開其間有涕便罷損處崔給事云頃在潯潞與李抱真及判官李相方以毬杖按毬其軍將以杖相格傷李相指并爪甲劈裂索金瘡藥裏之面色青痛不止有軍吏言此方遂用之三易面色卻赤斯須云已不痛 案澤州巴公原產葱絕佳莖有重至斤者名巴公葱 天花出五臺榆肉出大同皆菌屬也香蕈即蘑菇其生邊外者曰口蘑生靈山者曰靈蕈

潘之恆廣譜天花草即天花菜出五臺山形如松花而大如斗香氣如薺白色食之甚美

山西通志卷一百 風土記下 十七

天鎮縣志榆肉榆樹所生癭也稱大同珍產 居易錄遺之致饒價至 明徐渭新平詩云野味榆生肉盤餐蕨長芽似亦廣有者而其木所在成林詢諸土人皆茫然古今地氣之異若是

舊通志天花地花芸臺金臺銀盤皆出五臺清涼山 案盤當作盤盤歸穀議屬本唐屬熱氣溼蒸而生臺產之勝他處者每歲春夏間蒙古僧俗携男女驅牛羊駐馬詣山拜佛依水草爲庵每食必肉殘羹積汁傾傾土石日隨雨潤蒸而成膏故特肥美此間所謂口蘑更可知矣 明永樂五年六月內使李進山西采天花于謙爲巡撫時嘗入觀有以手帕磨菇爲贊例進者謙口占詩手帕磨菇與線香本爲民利反成殃清風兩袖朝天去省得聞聞話短長

惟蒲澤有產者其筒筒則筒首地筒則甘露也爲菹良

農桑通訣萹苣其莖去皮蔬食又可糟藏謂之苣筍 植

物名實圖考草石蠶即甘露子莖花與水蘇同而根如連珠北地多種之以爲蔬 舊通志地苣一名玉環俗名曰地甘瓠圓者爲瓠水壺虛亦瓠類也

潘岳問居賦河汾之實有曲沃之懸瓠焉崔豹古今注瓠瓠也壺虛瓠之無柄者瓠有柄曰懸瓠可爲笙曲沃者尤美 案瓠壺瓠三者古人互訓無分別今俗以圓而短頸者爲瓠長而瘦頸者爲瓠瓠腹頸皆圓腹中束者爲壺虛 植物名實圖考水壺虛山西直隸皆有之大體類南瓜而葉多花枝則無異瓜有青花白花數種早種速成肉穠多汁 吳氏又云莢茄情腴汁爛蒸鴨端推此種

山西通志卷一百 風土記下 十八

東風菜出忻州油菜出霍州筆管菜出潞府

元好問詩流年又見東風菜注東風菜見本草菜部 植

物名實圖考霍州油菜二月生苗葉如蠶豆葉而細柔一枝三葉莖綠肥如小指作穗尤肥密開花如刀豆色黃結角榨其子爲油其莖與芸臺同味春暹草棧此蔬早薦旅館按酒滿齒清腴霍山以北不見此菜矣

澤志拾遺筆管菜即黃精苗所謂薇也芽形似筆潞人以筆頭呼之 案以黃精苗爲薇說殊

苣苣南北皆種之陽芋植尤廣邊縣以爲糧

植物名實圖考述異記始謂張騫使西域得苣苣菜山西農家摘苣其稚亦非常儲大利在肥牧耳土人謂芻秣壯於棧豆陽芋綠莖青葉根多白鬚下結圓實壓其莖則根實繁如番薯莖長則柔弱如蔓蓋即黃獨也療饑救荒貧民之儲秋時根實連綴味似芋而甘似薯而淡羹臠煨灼



無不宜之葉味如豌豆苗開花紫筒五角間以青紋中紫紅的綠葉一縷亦復楚楚山西種之為田俗呼山菜蛋亦亦曰酸迷夜即野豌豆也

詩彼汾沮洳言采其莫傳莫菜也疏莫頸大如箸赤節節一葉似柳葉厚而長有毛刺今人縲以取齒粘其味酢而清始生可以為羹又可生食五方人通謂之酸迷冀州人謂之乾絲河汾之間謂之莫 薇山菜也莖葉皆似小豆蔓生其味亦如小豆莖可作羹亦可生食項安世云即今之野豌豆也

三秦記夷齊食薇三年顏色不變  
山葱樓斗菜變豆菜青莢兒菜費菜牛尾菜地梢瓜皆野生之可食者也

山西通志卷一百 風土記下 十九

似玉簪葉微團葉中攢葶似蒜葶甚長而澀梢頭結骨突似葱骨突微開白花結子黑色苗味辣採苗葉燻熟食食亦可糲斗菜生太行山山野中小科苗就地叢生高尺許莖梗細弱葉似牡丹而小其頭頗圓味甜採葉燻熟水浸淘淨食之豆菜初作地攤科生菜似地牡丹葉極大五色又鋸齒尖其後葉中分莖又稍葉頗小上開白花其葉味甘青莢兒菜苗高二尺許對生莖又葉亦對生其葉面青背白鋸齒三叉葉腳花又頗大狀似荏子葉而狹長尖梢莖葉梢間開五瓣小黃花眾花攢開形如穗狀葉味微苦並生太行山野中食法亦同前費菜生太行山車箱衝苗高尺許似火燻草而小頭頗齊上有鋸齒其葉捲莖而生葉梢上開五瓣小尖淡黃花結五瓣細小花蒴兒苗葉味酸採燻苗葉

煤熟換水淘去酸味調食 植物名實圖考地梢瓜山西廢園中極多花如木犀長柄下垂清香出叢瓜花皆駢亦具異狀瓜有白汁老則子作絮正如蘿藤

果之屬前代入貢者有棗梨葡萄枳實柏實胡桃  
唐志太原府貢梨葡萄柏實河東郡貢棗鳳棲梨與唐郡貢松實絳州貢梨 太平記蒲州貢天蒸棗絳州貢胡桃乾棗 通典常貢河東貢鳳棲梨三千五百顆棗八千顆絳郡貢梨三千顆 九域志解州貢柏子仁十斤

爾雅洗大棗注今河東猗氏縣出大棗子如雞卵 史記棗並出河東今近北州郡皆有而晉絳州者特佳八月採暴乾南郡人煮而後暴及乾皮薄而皺味更甘於他棗謂

山西通志卷一百 風土記下 二十

之天蒸棗然不堪入藥 廣志河東安邑棗長二寸 別錄棗生河東平澤 打棗譜世云噉棗多令人齒黃養生論曰齒居晉而黃晉食此故也 演繁露陝州有梨樹貞觀中有鳳止其上結實香脆其色亦黃號鳳棲梨案此則河東之種移自 蒙泉雜言西陽雜俎與六帖皆載葡萄由張騫自大宛移植漢宮按本草已具神農九種當塗燒火去蒸未遠而魏文之詔實稱中國名果不言西來是唐以前無此論余嘗以為大宛之種必與中國者異故博望取之段白所載必有所據但失實耳比成酒泉屢嘗取乾之名曰瑣瑣比中國者差小形圓而色正赤其味甘美非中國可敵則予所見或得之今此種處處有之獨蒲坂者勝土人乾之以資貿易江南重之稱番葡萄 西陽雜俎胡桃仁



曰蝦蟆樹高丈許春初生葉長三寸兩兩相對三月間花如栗花穗蒼黃色結實如青桃九月熟時漚爛皮肉取核內仁為果北方多種之以殼薄仁肥為佳

舊通志蒲州東今出積善村者最佳蘇軾與蒲廷淵東河中永樂出棗道家所貴事見真誥唐有道士侯道華嘗得無核棗三食之後竟竊鄧太主藥上昇相里棗相里隸安邑古河東地也魏文帝謂羣臣曰棗味美者莫如安邑御棗爾雅注御棗甘美輕脆後眾棗熟即今所謂撲落棗酥也明初督民種棗以三百二十三株上供歲徵鈔六十四錠有奇赴平陽交納其不種者成之令初下民踴躍棗林櫛比獲利滋多後民窮胥伐為薪間有存者亦非其舊今道旁遺坊題曰御棗千株猶存明

山西通志卷一百 風土記下 三

代棗平絳州縣皆有之晉折銀統於正賦其數目詳賦役全書 蒲州梨有青紅黃三色風棲梨今無絳州梨今種尙夥一種大如盤味甚甘微酢多濟蒲州府志虞梨產虞鄉故以字焉大蒲荷產者如升或重至斤餘疑即鳳棲遺種一種色紫紫角者名瓶核桃漢張騫使西域得種歸植之秦中漸移東土吉州頗饒

舊志有桃杏柿棗梨榛子蘋果櫻桃栗子枳椇椶子黑棗海榴楸子山查文官果西瓜雲瓜皆常產也

左傳趙穿攻靈公於桃園 別錄杏生晉川山谷白柿即乾柿生霜者其法用大柿去皮捻扁日晒夜露至乾納食中待生白乃取出今人謂之柿餅亦曰柿花其霜謂之柿霜 廣雅疏證椹棗梨也漢書司馬相如傳云亭奈厚朴

史記亭作棗索隱引司馬彪注云上黨謂之棗初學記引序志上黨棗梨小而甘是也業字通作榛詩義疏云栗屬有兩種一種子小形如椰子味亦如栗其一種枝莖如木蓼生高丈餘作胡桃味遜代上黨皆饒又漢書司馬相如傳檀梨棗張氏注云棗棗也顏師古云今之棗棗也御覽引廣志云棗棗味同柿晉陽棗肌細而厚以供御是也名苑君遷如馬嬭俗名牛奶柿何氏焯曰羊棗非棗乃則黑似羊棗其樹再接即成柿之小者初生色黃熟則黑亦呼牛奶棗亦呼棗棗又棗柔也爾雅云柎柎鄭注柎樹也唐風鴉羽篇集于苞柎陸璣疏云今柎棗也或謂之為柎其子阜斗其殼為汁可以染阜按今通言棗棗其實如小栗而微長近蒂處有核暈自裏爾雅所謂櫟其實柎也田野多磨粉食之 洽聞記唐永徽中魏郡人王方

山西通志卷一百 風土記下 三

言嘗於河中灘上拾得一小樹栽埋之及長乃林禽也實大如小黃瓠色白如玉問以朱點亦不多三數而已紀王慎得之貢於高宗以為朱奈賜王方言文林郎亦號此果為文林郎果俗云頻婆果河東亦多林擒秦中亦不少皆少於文林果 清異錄晉王常窮追汴師糧運不繼蒸粟以食軍中遂呼粟為河東飯 事物紀原中國初無西瓜洪忠宣使金貶遞陰山得食之其大如斗絕甘冷可錫暑疾見松漢紀聞又五代史胡峒入契丹亡歸中國道其所見於平州始食西瓜云契丹破回紇得此種二說未詳孰是也中州集王子可西瓜詩云一片冷裁潭底月六彎對捲龍頭菓子可吉州人似金時其種已盛於北地忠宣歸以耳

舊通志桃陽曲石酒者佳西山深奧處汾水所經也節成洪洞獨多入秋販市者相屬於道曲沃紫金山



宜柿秋深霜清萬葉流丹林中墟落錯互望如赤城蒲  
州有牛心柿大如牛心有鏡面柿平圓如鏡有朱柿色  
深紅圓小而皮薄味尤甘美榛出長治潞城壺關櫻桃  
出汾州一名含桃相傳鸞鳥所食先百果而熟漢明帝  
宴羣臣大官進櫻桃以赤珠盤賜羣臣月下觀之與盤  
同色今長安含桃始敵晉產耳蘋果味美而體懸熟至  
八九分者佳林即文果栗出應州枳椇蘇諱曰一名水蜜  
又名拐蜜陽城南山谷有之形屈曲如珊瑚味甘如蜜  
禮婦人之贊椇榛脯俯即此黑棗平定州暨樂平產即  
羊棗也海榴出安邑者佳一名天漿石榴秋子絳州馬  
首山出色深紅置數果於案頭清香盈室本草綱目今  
奈秋子取汁塗器中暴乾名果  
單案今太原以北多業此者文官果出鄉南俗名山  
木瓜

山西通志卷一百 風土記下 五

酒之美者葡桃舊入貢桑落即白墮也其汾清玉液乾和桃  
博羊羔玉露金波瓊漿襄陵亦稱佳釀今惟桑落出太原乾  
和出平陽玉露出洪洞其名僅存而汾潞之火酒盛行於世  
柿酒俗曰花酒蒲絳解人喜飲之乳酒即桐酒也出邊外  
唐地理志太原郡貢葡萄酒 圖經葡萄酒八月熟取其汁  
可以釀酒史記大宛以葡萄為酒富人藏酒萬餘石久者  
十數歲不敗魏文帝詔羣臣說葡萄酒云醉酒宿醒掩露而  
食甘而不飴酸而不酢冷而不寒味長汁多除煩解渴他  
方之果甯有匹之者今太原尚作此酒或寄至都下 五  
總志葡萄酒自古稱奇本朝平河東其釀法始入中都余  
昔在太原常飲此醞有詩云云 元好問葡萄酒賦序劉  
光甫為余言吾安邑多葡萄而人不知有釀酒法少日嘗

與故人許仲將摘其實並米炊之釀雖成而古人所謂甘  
而不飴冷而不寒者固已失之矣貞祐中鄰里一民家避  
寇自山中歸見竹器所貯葡萄在空盎上者枝帶已乾而  
汁流盎中蕭然有酒氣飲之良酒也蓋久而腐敗自然成  
酒耳不傳之秘一朝而發之 明史太祖紀洪武六年上  
謂省臣曰朕飲酒不多太原歲進葡萄酒自今令其勿進  
國家以養民為務豈宜口腹累人哉安邑縣志相傳本縣  
進葡萄酒本有他縣葡萄蓋寡未有可造酒者所進即  
村產也案此則釀法自明初失傳故明人無論及者  
洋酒純以葡葡釀今市舶有售者品似出相酒下不知  
區故監視外洋風味為何若耶大抵葡萄酒行後世  
之而原太原亦效南釀太原名為本相河東謂之黃  
河水杯約習用價亦頗昂而兩地所產葡萄酒山積秋後或  
至爛泥從無  
讓及麴藥者

山西通志卷一百 風土記下 五

水經注劉白墮宿擅工釀採挹河流醞成芳耐懸食同枯  
枝之年排於桑落之辰故酒得其名矣 洛陽伽藍記河  
東劉白墮善釀六月以罌盛酒暴於日中經一旬其酒不  
動飲之香美而經日不醒朝貴相餉踰於千里以其遠至  
號曰鶴觴進暑錄白墮酒當時謂之鶴觴言其可千里遠  
行之而國史補河中桑落坊每至桑落時釀酒故號桑落  
談略桑落酒相傳是九月九日所作水麴米皆以三十為  
準熟於桑落之辰故名庾信乞酒詩蒲城桑落酒亦以出  
蒲州宋公云徐文長集中酒三品一日桑落即太原酒  
者色味過醲非和以  
他酒不能下也  
北史齊武帝在晉陽手取河南王孝瑜曰吾飲汾清三  
杯勃汝於鄴酌兩杯 宋寶革酒譜酒之名最古於今不  
廢唐人言酒之美者有河東乾和蒲東桃博留青曰札乾  
一名乾和



河東并汾以爲貴品即今不入水者  
 案今亦名乾黃酒平陽名乾棹頗佳 張能臣酒名記河  
 東太原府玉液河中府天祿舜泉汾州甘露堂代州金波  
 瓊酥陽州瓊漿 明劉龍詩注襄陵酒美人皆知之第以  
 山路險阻難以達於京師故搢紳非宦遊晉中者鮮得嘗  
 其風味正德初西涯當國遼老柄銓二公嘗評此酒爲天  
 下第一 會典蒙古貢有乳酒漢志給大官捐馬酒注以  
 舊通志汾州有羊羔玉露豆酒火酒之名羊羔玉露尤  
 美王世貞酒品云羊羔酒出汾州孝義等縣白色瑩徹  
 如冰清美饒風味遠出襄陵之上小挾羶氣耳又云太  
 原酒頗清醇而不甚醲難醉易醒余嘗取其初熟者以  
 羊羔劑半嘗之瀉水精杯不復辨色清美爲天下冠  
 飾之美者爲蜜有白蜜石蜜舊並入貢錫唐始有之出蒲州

山西通志卷一百 風土記下

唐志汾州代州貢蜜潞州貢石蜜慈州貢白蜜 元和志  
 晉州開元貢蜜隰州貢白蜜嵐州貢石蜜 九域志晉州  
 汾州各貢蜜二十斤  
 野客叢談東坡橄欖詩已輪崖蜜十分甜冷齋夜話謂崖  
 蜜櫻桃也余謂亦是石蜜考石蜜有數種本草謂崖石間  
 蠶蜜爲石蜜更有乳傷爲石蜜者廣志謂蔗汁爲石蜜崖  
 石一義案潞州嵐州之石蜜當 資暇錄蘇乳煎之輕錫  
 咸云十年來始有出河中此武臣李環家之法也余幼於  
 洛之綬福里見之開成初余從叔聽之鎮河中自洛招傷  
 者居於蒲蒲因是有錫案詩籍管備舉鄭箋謂如今  
 布帛之屬絹綉白毅上純貨布古皆入貢麻布及繡其常賦  
 也今惟河東種棉花爲布良絲產甚微間有織綉及帛者

通典絳郡貢白毅五百匹大甯郡昌化郡各貢胡女布五  
 端 唐志河東道賦繡布潞州貢黃布 元和志河中府  
 賦絹麻布諸州並賦麻布 太平記絳州貢夾授紗毅  
 子黃布案今本黃說貨 九域志岢嵐甯化平定保德諸  
 軍各貢絹一十匹陝州貢紬各十匹 宋志西河郡威  
 勝軍並貢土紬唐志丁隨鄉所出歲輸絹綾各二丈純  
 屬 金志隰州貢綠卷子布

舊通志元郝經言河東土產菜多於桑而地宜麻紡績  
 織布故有大布卷布板布等自衣被外折損價值實青  
 白銀以供官賦明萬曆中詔潞安進紬二千四百匹未  
 幾復命增五千匹澤州張養蒙爲工部給事中率同官  
 力爭之不從呂紳停止潞紬疏山西歲派止有綾絹各

山西通志卷一百 風土記下

五百匹閏月共加八十六匹無所謂山西潞紬者查萬  
 曆三年坐派黃紬二千八百四十四十八年坐派五千  
 匹民力弗堪請止之又臨汾襄陵出帛元襄陵具城各  
 甯路置織染唐絳州貢白毅今惟織絲與絹朴素無奇  
 提舉司一員唐絳州貢白毅今惟織絲與絹朴素無奇  
 澤州府志產絲織成素帛以椽殼阜之謂之烏綾帛今  
 平定州志布幅視常加寬出榮河特勝高  
 能織 蒲州府志布幅視常加寬出榮河特勝高  
 教之織今產較盛 聞喜縣志俗女紅甚勤東鄉布尤  
 佳日橫水布又織爲巾黑白相間名曰聞巾  
 器物之屬墨紙鏡扇香蠟燭龍鬚席毡扇鞍並前代皆以充  
 貢  
 唐志土貢太原府有銅鏡鐵鏡案唐高琳有太 馬鞍石州



有龍鬚席汾州貢席並較沁州貢席並弦音慈隰石遼諸  
 州並貢蠟 通典常貢太原府銅鏡二面河中府貢綾絹  
 扇四面西河郡龍鬚席十領陽城郡六領平陽郡貢蠟燭  
 三千條文城郡蠟二百斤絳郡蠟一千四百七十挺 元  
 和志蒲州貢麥麴扇漆匣魏本作稍說石州貢龍鬚席五  
 領忻州貢扇十三枚 太平記蒲州貢竹扇經紙瓊瑤澤  
 州貢蜜蠟 九域志太原府貢銅鏡十面西河郡貢席一  
 十領平陽絳郡各貢蠟燭一百條上黨郡貢蠟一百定昌  
 化軍大甯郡各貢蠟二十斤 金志河東北路貢白膠香  
 太原府有造墨場大同府貢安息香 元史朔州豐州毛  
 子局各設大使掌造織花毯

山西通志卷一百 風土記下 毛

襄陵松心墨出潞安潞志拾遺云晉時猶觀陵川宗侯  
 所製龍鬚色味俱良古今注龍鬚草一名縉雲草晉東  
 宮故事太子有獨坐龍鬚席唐西河諸郡貢之今無絳  
 州作毛毯細者為袍衫舊作種帽婦女皆分功唐慈州  
 貢蠟羣山之中花卉草覆蜜蜂窟宅多在石崖穴縫及  
 古木中故年久蠟藏  
 澄泥硯出絳州本陶硯也澤州舊亦為之今多用五臺段畝  
 石頗發墨琉璃亦陶成者產交城諸山瓷器沙器處處有之  
 並粗惡適用而已  
 硯史澤州有呂道人陶硯以別色泥於其首純作呂字其  
 理堅重與凡石等以瀝青火油之堅響入三分許磨墨  
 不泛其理與方城石等 天祿識餘絳州澄泥硯以絹袋

澄汾水中踰年而後取則泥沙之細者已入袋矣陶以為  
 硯水不涸

舊通志琉璃出陽曲交城山有礦色微紅不甚堅硬土  
 人取搗成末如鍊硫磺法鍊成以為簪釧釵紐之屬五  
 色膏備間有用以製鏡者今府南關有琉璃店魏世祖  
 國人商販京師自云能鑄石為五色琉璃於其採礦山  
 中於京師鑄之既而光澤美於西方來者乃認為行厥  
 容百餘人光色映徹觀者莫不驚歎以為神 寶器有黑  
 明所作自此中國琉璃遂賤人不復珍之  
 白二種府州晉山凡盤盂器用極樸素有唐魏之遺風  
 元史冀甯資課五十八錠明晉府置窯燒造充府用其  
 白者類土定俗稱晉資又呂坤有停止沙鍋疏稱山西  
 沙器嘉靖四十年萬曆十六年均坐派潞安府沙器一  
 萬五千並備餘共一萬九千五百價值一百十餘兩

山西通志卷一百 風土記下 天

五臺新志段畝山在滹沱南岸產硯石有青紫綠三色  
 紫者為多質粗而受墨價廉而工省凡附近各省市井  
 蒙館所用之硯皆此山之石也  
 五金產鐵最廣其精者為鎮鐵製刀剪良  
 後漢志安邑有鐵平陽侯國有鐵皮氏有鐵大陵有鐵前  
 志並有 隋志齊諸治並設丞隸大府東道有武安滄口  
 鐵官  
 白濁三局西道有晉陽泉部大邠原仇四局白濁在今陽  
 室 唐志晉州岳陽汾西絳州翼城絳州昌甯隰州溫  
 泉太原孟交城沁州絳上澤州陽城並有鐵 太平記大  
 通監管東西二京鐵之務東治在絳上縣西治在交城縣  
 北山宋產鐵四監一日大通十二省又二十四務記云西  
 尖山山在監西文谷內義泉社去監六十里此省取  
 右盈積可備諸州軍數十年鼓鑄願權罷採以舒民又景



德元年強通民鐵禁河東轉運使陳亮佑奏成澤州大廣  
冶鐵課又熙甯中河東轉運使劉庠計一路之產鐵利為  
冶鐵課復舊 元史太宗八年立鑪於西京州縣撥冶戶七

百六十煬焉九年立鑪於交城縣撥冶戶一千煬焉元貞  
二年置山西鐵冶提舉司大德十一年聽民煬鍊官為抽  
分至大元年復立河東都提舉司掌之所隸之冶八曰大

通曰興國曰利國曰惠民曰益國曰潤富曰豐甯豐甯治  
通志交城西北西冶村有都提舉鐵冶廢址即大通監故  
關鐵冶元設提舉司在襄陵京安鎮利國鐵冶在懷仁滎

山 名勝志太原府城內有巨鐵常露其頂掘之則深入  
不出曰鐵母今有鐵鐵祠

舊通志鎮鐵祠在太原府旗纛廟東又金雲內州貢青  
鎮鐵今無明馬都尉焦某取  
鑽鐵今無鑽鐵坑鐵製刀甚利夢溪筆談世間所謂鋼

鐵者用柔鐵屈盤之乃以生鐵陷其間泥封鍊之鍊令

相入謂之鍊鋼亦謂之灌鋼此乃偽鋼耳昔鍛生鐵以

為堅二三鍊則生鐵自熟仍是柔鐵齊神武館客某母  
法燒生鐵精以重柔鐵數宿則成鋼以柔鐵為刀者皆  
以五牲之溺拌以五牲之脂新甲過三十札後裏國治  
家所鑄宿柔鐵是其遺法也 予出使至磁州鐵坊  
甚快利但不能耐被三十札也予出使至磁州鐵坊

觀鍊鐵方識真鋼凡鐵之有鋼者如麪有筋灌盡柔麪

則麪筋乃見鍊鋼亦然但取精鐵鍛之百餘火每鍛稱

之一鍛一輕至累鍛而斤兩不減則純鋼也雖百鍊不

耗矣此乃鐵之精純者其色明瑩磨之黯然青而且黑  
與常鐵迥異亦有鍊之至盡而全無鋼者皆係地之所

生也磁州鐵坊乃山西鐵也晉鐵之多鋼即此可見  
榆次縣志刀剪甚利者古稱并州杜工部詩猶言之蓋  
地產鐵勁於他處而諸工藝惟此擅長今東西葺村及

王胡為者四方之人往來過此必市之或用為餉貽  
明王崇古鐵鍋互市疏路錫生爐煬鍊倍折每生鍋十  
斤僅得鐵三斤若舊錫用久破裂僅得二斤案全晉產  
利鑄生北利打熟錫鐵作釘為南省造幣  
所必需取其易融也今冶工多棄此矣

銅鉛錫皆有之銀出中條五臺白登諸山今久罷采  
魏書延昌三年恆州上言白登山有銀礦八石得銀七兩

錫三百斤詔置銀官常令採鑄 水經注鼓鐘川一水歷  
冶官西世人謂之鼓鐘城城左右有遺銅及銅錢也鼓鐘  
為晉家 忻川水歷程侯山舊有採金處俗謂之金山平  
本無 唐志解有銅穴十二安邑有銀曲沃有銅翼城

有銅源翔皋錢坊二孟有銅五臺柏谷有錫有銅黎城有  
銅山陽城有銅有錫平陸有琴瑟穴銀穴三十四銅穴四

十八在覆釜三錐五岡分雲諸山又食貨志天下銅鑪九  
十九絳州三十稷山垣曲  
並有坊九國志北漢俗劉繼禹遊華

巖見地有寶氣乃於柏谷置銀場募民鑿山採取因置寶  
興軍 太平記少陽山在交城西南山海經其山多玉其

下多赤銀郭注銀之精者靜樂縣白馬山山海經云其陰  
多鐵多赤銅稷山在安邑縣東山海經云其山多錫一名

玉山 元志大同有鍊銀洞 明一統志錫交城及平陸  
箕山出鉛臨縣招賢村有鑿銅出代州鳳游峪及垣曲北

山自然銅保德州出

舊通志曲沃紫金山舊產銅金為銅母故以為名解州  
車軻谷有銀沙洞今禁不採垣曲折腰山中低旁高舊

出銅礦鑿入摧折故名鉛出鳳臺說文青金也有銀院

山西通志卷一百 風土記下 三

山西通志卷一百 風土記下 三



處產之澤無銀既而特有鉛案會典山西交城縣平定州鉛廠二入收課又山西正中部謀準以鐵代錫舊傳太原太平澤潞等山出金銀礦明萬曆中遣中使開採大率礦沙一斤得銀三五錢不等亦有全無所得者計其工費不啻倍蓰礦亦隨竭

國朝康熙四十六年陽曲民高宏化等指稱太原等金銀銅礦每歲願輸銀二十萬兩自備人工開採下部行查巡撫噶禮將康熙十四年以後歷年卷案均屬挖取無砂久奉封塞題覆高宏化等復行懇請乃

命戶部郎中赫都押解高宏化等十人至晉同地方踏勘是年九月同巡撫噶禮布政司永泰赴繁峙應州等處開挖無驗十一月赴聞喜衛坡即宏化所稱魚坡灣者開

山西通志卷一百

風土記下

辛

挖二晝夜得銅砂二十斤又赴夏縣温峪山開挖三晝夜得銀砂二十餘斤面同部員封固還省覓匠煎鍊所採銀砂並無銀色銅砂雖有銅星不成分數遂將高宏化等交部員押解回京覆奏宏化議罪發落礦洞永行封塞案咸豐七年光緒三年於安邑絳縣各處試行開採皆以所得不敷工本中止

沙  
土石之屬前代貢有鹽花消石礬石石膏青綠白石英解玉

唐志太原府貢石礬汾州貢石膏消石澤州貢白石英代州貢青綠彩霍州貢鹽 通典常貢太原府礬石三十斤西河郡石膏五十斤消石五十斤高平郡白石英五十九小兩雁門郡熟青熟綠各二十兩 九域志太原府貢礬五十斤定襄郡貢解玉砂五十斤雁門郡貢青綠各一十

斤解州貢鹽花五十斤 金志大同府貢煎鹽礬玉砂石綠

舊通志鹽出解州詳鹽法略太原諸屬水性土脈多鹹遠望之似水近卽之似積雪人率刮取實水池中於池前埋小甕以濾鹽汁汁成入鍋煎三晝夜鍋得鹽斗許色微黃所謂天生曰雨人生曰鹽者是矣徐溝水土差甘鹽率由井水取味鹽井又尅輒鑿井得鹽泉者置地畝餘為土場汲水曬之土得日曬水味入土乃濾鹽汁兩濕則味退必再曬注水濾汁如前煎一晝夜每鍋得鹽可七升土人名小鹽又名末鹽案到土煎鹽太原以北及並有鹽官民食土鹽自古已然確本作消取鹽之渣滓再加煎鍊遂成硝工部歲採買無定額太原硝皆出人

山西通志卷一百

風土記下

辛

力貧民借以自活惟朴硝生於鹽鹵朴者本體未化之意出解州水池中 礬有白礬黃礬綠礬黑礬綠礬柳絮礬自流礬本草云白礬出晉州慈州綠礬出隰州一統志云太原交城平定臨汾大同俱出唐於晉州置平陽院以收其利開成三年度支奏罷之以礬山歸縣五代制務置官吏宋制晉慈隰州汾州靈石皆置場隰州太祖時以地換河東境罷之太平興國三年邢州牙吏美清募工造錢者礬官課詔從其請靈石場至道初廢其礬徒就晉州慈州場口芥泉又置官典領有錢戶煮造入官市晉汾慈州礬以一百四十斤為一駄給錢六十隰州礬減三十斤給錢八百汾州每駄二十四貫五百又增五百隰州每駄四貫六百白礬汾州斤百九十二錢綠礬斤七十錢晉州折博務額錢一十六萬



貫許商人入中第請生著上京煎鍊賣與通商路分容  
宋史建隆三年禁私販幽州其後定令私販河東  
人幽州者一兩以上私販者罰銀十兩其後又命  
晉州制置使八萬貫化元年有司言晉州官署  
積不蓋小民多就山谷僻處私煮以侵其利而  
運使於晉州置鍊務官詔如私鍊例度元年何  
年額如故又河東轉運使薛平請禁私鍊一切  
久之額如故又河東轉運使薛平請禁私鍊一切  
奇質溫泉多復入金帛私煮之禁私鍊一切  
則數百奇之儲若為土石請其罪恐民無敢復  
其

煤炭南北諸山皆產之

趙岐孟子注炭墨也注知錄今人謂石炭為石墨按水經  
石墨可書又炭之難世亦謂之石炭其石炭之  
有精靈耳史記外威世亦謂之石炭其石炭之  
漢書靈銅傳夏醜入林慮山中視突煙炭皆此物也  
凡入聲字皆轉為平故呼靈山為煤而俗竟作煤  
篇錄注煤室煙塵之煤也素問黑如食者死注良煤也  
高誘注煤室煙塵之煤也素問黑如食者死注良煤也

山西通志卷一百

風土記下

煤

張浦詩古船丹履盡探煤良生李商隱詩前朝神廟  
煤是煤乃梁上煙塵之名非煤炭也明崔誠彰德志  
云炭無海字案今俗以成塊者為炭其末謂之煤  
舊通志山西府州惟石炭不甚缺其有缺處亦以樵山  
較易於鑿窟非因遠絕不可致而後易之以薪也炭有  
劣炭微煙有肥炭有煙出平定者佳有煨炭無煙出廣  
靈者佳精賦而細碎埋爐中可日夜不滅而多煙內  
含油然之最良即藍炭也宋崇甯末官賣石炭增賣二十  
餘場元大同路煤炭課一百二十九錠一兩九錢木所  
二千四百九十六明萬曆三十年十一月內官奏山西  
煤審每年變價五十兩有旨開取繁峙縣志柴皮炭  
出縣東北石梯山形類木而溼椹色枝幹膚理了了可  
辨暴乾則紋裂質頓輕矣焚之微弱而多煙又一種出

大營東灘中色黑作泥層擠之有水土人名活牛糞乾  
亦可然而皆不甚發火故縣中所用多五臺崞縣之石  
炭貧家及濱山諸村則掘取以代煤謂產西人著煤法書  
初之世積物繁多經久積溼而成者草木由繁盛而至  
積溼之積溼而地陷積土自數十尺至數百尺因有積  
尺厚之重力壓之遂生熱而散溼氣既深藏地腹又必  
經無算年始成堅煤一尺然則柴皮炭乃木質之初變  
產直煤料矣

流黃出陽曲及陽城並置廠  
晉政輯要礦廠一在陽曲縣王封村一在陽城白桑村

舊通志居人入山取礦置沙礮中以火鍊之融注資益  
一併約重十斤工部歲採買亦無定額古志塞表之地  
有硝而無磺東倭之國有磺而無硝兩廣川貴之地亦

山西通志卷一百

風土記下

硝

問有其一而不得兼惟汾晉兼而有之火器用之以為  
長技邱瓊山火藥譜宋太祖時有火箭真宗時始有火  
毬之名然或假木箭以發未知是今之火藥否今之火  
藥用硝磺硫磺柳炭為之硝之名見於本草張仲景方  
論中已用為劑則是漢時已有矣硫磺自海舶上來唐  
以前無此也案古以石為之槍以木為之火礮火槍  
謂震天雷者鐵確盛藥以火點之砲起火發其聲聞百  
里外所製圓半畝之上火點者甲皆透又飛火槍注藥  
用以攻城之輻前燒十餘步亦即鳥槍權與也元兵圍汴  
用砲攻城金亦用此二器以拒元不知孰為創始也  
嶽出太原及邊外州縣  
元史晉甯硝磺課二十六錠七兩四錢案平陽不產硝  
晉甯六書故云蘇南之疑著者并州未鹽則鹽煎鍊味最  
下者則太原所產元人固嘗盛推矣然謂為鹽之下者殊  
與鹹對則土取處多在蒿蓼叢生處也



舊通志輸出定襄土多斥鹵居人刮而鍊之既成錠幣  
販四方業者頗眾元史歲有歲課 天鎮縣志驗隨地  
有之富商大賈爲備器具募工匠歲所得恆數百萬斤  
販往京師頗得重利然皆來自汾太縣人無此重資也  
惟刮土淋鹵稍得工值餘潤所及差免凍餒

玉今絕無雲母瑪瑙水晶間出邊地亦罕見

爾雅霍山多珠玉 山海經平山平水出於其上潛於其

下是多美玉又泰戲之山多珠玉 太平記忻州雲母山

一名獨嶺山唐貞觀十八年勅賜薛遵度採雲母於山

元志大同府產瑪瑙環于數珠案漢瑪瑙出今直隸之西

繁峙縣志去縣東北百餘里與渾源界有地曰黑狗背

產石類水晶質皆黑白他色亦有之而碎小不中爲器

山西通志卷一百 風土記下

亦最難得其石天然六棱兩端銳削類石工之鑿大或

徑尺細或如指累千萬無異狀其初出時東省工匠羸

糧腐至窮巖遂谷搜掘殆徧久之遂涸今土人亦有鑿

山重尋者然所得皆璞矣

舊志有涅石嬰石礪石石脂長理石赭石角石烏石磁

石鑪甘石花斑石凝水石五色石文石石燕子木鬲石陰精

石青蒙石花葉石金精石銀精石及聖土金土之屬

山海經孟門之山其下多黃堊涅石又燕山多嬰石舊志

壽陽縣也案壽陽有燕巖或然又郭注礪石出雁門山白者如水中赤

色 本草石膽出蒲州大者如拳小者如桃栗擊之縱橫

解皆成疊文色青見風久則綠擊破其中亦青又蘇頌曰

白石脂赤石脂惟潞州有之味甘平療疾甚多 別錄長

理石如馬齒方而潤澤玉色生長子山谷性苦寒無毒精  
石出代州者名代赭 歐陽修硯譜絳州角石其色如白  
牛角其文有花浪與牛角無異然頑滑不發墨世人但以  
研丹耳 博物要論烏石出澤潞山中純黑如漆細潤如  
玉性堅刮不動可作帶佩

舊通志磁石卽吸鐵石出交城 鑪甘石出太原澤州

陽城高平靈邱諸處亦有之 天冰出廣昌廣靈等山

塊粒如石腴理薄似紙層層剝之表裏精瑩如玻璃水

晶狀然脆而不堅土人但以映窗令內外明照云案此

所爲亦花斑石出廣靈廣昌靈邱凝水石生大同山谷

中卽寒水石本草注石體與水同色凝而不動故名

五色石斑爛可愛出蘆芽山明魏時亮節賦疏時有言

山西通志卷一百 風土記下

兵革災荒小民困苦今何可以此困 文石出沁水板

苦之官府求一物卽百姓受一害矣 橋村今罕見 石燕子出保德州八樓溝又木鬲石亦

州境出細澤可磨硯 太陰鉉精石產鹽池古云大鹵

之場則生陰精石是也一名鬼精一名龜背石又青礪

石色青黑割之中有白點者佳出靜林寺東山花葉石

本黃石中有淡白點如花故名出靜林寺東山洞 金

精石銀精石出垣曲絳縣 聖土鄉甯縣出 金土出

甯武石所化也色類金繪工取以綉采

藥草入貢者前代有人參紫草甘草菴菴柴胡禹餘糧五味

子括蕪根防風大黃黃連三棱蒼朮

通典常貢上黨郡貢人參二百小兩高平郡貢人參三十

斤樂平郡貢人參三十兩太原郡貢甘草三十一斤陝郡



貢括蕪根三十斤 太平記潞州貢紫草霍州朔州並貢  
蕪根別錄生代都屬門多馬處便有之 九域志樂平郡

貢人參一十兩馬邑郡貢柴胡十斤定襄郡貢甘草三十

斤高平郡貢禹餘糧九十斤河中府貢五味子三十斤解

州貢括蕪九十斤防風三十斤國經石防 金志太原府

貢大黃大同府貢黃連朔州貢三枝隰州貢蒼朮

隋書五行志開皇中上黨有人宅後每夜有人呼聲求之

不得去宅一里許但見人參一本枝葉峻茂因掘去之其

根五尺具人體狀呼聲遂絕業晉書載記石勒家園中生

為草妖也國經產潞州者五葉真人參沁州者薺薹

之苗葉 綱目上黨今潞州也民以人參為地方害不復

採取今所用者皆是遼參 植物名實圖考黨參今係莫

生似沙參苗而根長至尺餘俗以代人參殊欠考核昔人

澤遼上黨及太行紫團者為上皆以根如人形三指四指

五葉中心一葉直上為真今形狀迥殊其可謂之參耶舉

世以代參草莫知其非而服之亦多病氣喘之患昔

人於深山掘得時之益亦易辨其氣味與參不同初生

此物而氣味則近黃耆昔人有以野葛根作參者非

此草味甜有汁服之助氣亦功從之但太行脈厚泉甘

藉以充潤腸胃亦小資補若傷目時疫以此橫塞中

病未觀其益必蒙其害

舊通志人參產壺關紫團山者為紫團參山舊有參園

後魏為田其他山谷雖產參然服之效驗安府志紫

聖為田而索者謂未已張翰林謂備則廉數根株鮮獲

人參虛名寺廟實者每值易參僧以倍價市之遠繫彌

句吏緝為奸又司捕者假以巡察橫索參錢山僧欲而

約之至焉衣鉢餘林名聲即其色人參明紀太祖嘗賦

謂人參得之甚艱今後不必進用而其中葉更藉暴

橫若此則當唐宋茂充常貢時其病民又何若也

舊志藥之屬射干出陽曲葶藶出祁縣芫花出浮山瓦松白

菊出潞安藉葑出汾陽介休獨活出應州地榆黃芩知母出

朔平黃精出平得真若子山蒟子本草曼陀 出甯武秦艽出

偏關藜本出澤州桑寄生出沁水陵川白芷出蒲州苦參白

微貫眾藜蘆欬冬花出遼州金絲草無名異出和順石菖蒲

旱蓮草出沁州連翹貝母出沁源沙參出壽陽水沙出代州

茯苓出五臺紅花白附子蒲黃出解州萊菔子出絳州五加

皮出隰州蒺藜出大甯黃耆出沁州者為縣者以縣上得名

出邊外蒙古者為原者本漢五原地也

煙草即淡巴菰也舊出曲沃今南北皆有種者

舊通志曲沃舊無此種邑人張士英自閩中攜歸明季

民窮賴此少有起色名曰煙酒可以已寒瘵疾晉人種

植昉於曲沃今則并代汾潞晉盈望矣

木之屬松木松脂松明蕪荑荆枸杞前代皆以充貢

太平記汾州土貢松木石州貢蕪荑隰州溫泉產蕪荑甚

佳 金志大同府貢松脂松明朔州貢荆枸杞

爾雅蕪荑郭注詩山有蘆今之刺榆說文櫻山枌榆有束

莢可為蕪荑也別錄蕪荑一名蕪荑生晉山川三月採

草注大抵榆類而差小其實蕪荑今名蕪荑字之誤也本

早成此榆乃大氣臭如狝河汾燕間錄戴石屏詩麥

楚朝充食松明夜當燈此是山西本色語探山老松心有

油者如蠟山西人多以代燭謂之松明頗不畏風

山木舊於交城設廠今廢

舊通志交城多山而樹藝甚艱民蓄木以代耕舊設廠

武元關前後廢廠知縣趙吉士請於水泉灘仍立廠焉

案雍正中廢設水泉灘其武元城並設稅口乾隆中又

分設稅口於故交城額徵稅一千二百六十七兩有奇



後以山木疎稀廢處僅存  
稅口每年徵銀百餘兩

舊志栲出潞安檜桐出汾州栲出蒲州白松出沁州樺出忻  
州樺出五臺漆出吉州檀榆出隰州

陸璣詩疏栲似荆而赤莖似著上黨人織為牛筐箱器又  
採以為釵故上黨謂問婦人欲買栲石否謂窰下有黃  
土問欲買釵否謂山中自有栲

舊通志栲一名穀音嬌一作構有雌雄二種雌者結實

如楊梅汁能合朱砂為固抽金貼金皆用其汁 樺木  
出五臺可作器用 肥膩其木色黃有小斑點紅色能收  
其皮及為弓靶之類其皮厚而輕虛軟柔皮匠用  
可作扇柄案木根尤多花紋五臺人製為杯盤以售  
古恆獲重價長治郡 爾雅還味栲棗隰州土人取其  
子以榨油味惡不堪食故州民自道其疾苦有苦蕎麥

山西通志卷一百

風土記下

五

臭松油之謠

其植物之異者草有特生草神護草長生蘋龍女髮地錦草  
如意草席箕草長松草蓍草雞足草菩薩線金蓮花鉢盂  
花慕頭回鬼見愁小人草木有萬歲樹龍門桐縣山牡丹暖  
木不灰木鄧青樹婆羅樹黃楸木六道木夜亮木

詩唐風隰有杻毛傳杻楛也陸璣疏云今官園種之正名  
曰萬歲既取名於億萬其葉又好故種之共汲山下或謂  
之牛筋可為弓弩幹也 周禮龍門之琴瑟注云龍門山

名也枚乘七發云龍門之桐高百尺而無枝 唐地理志  
太原貢特生草 本草恆山有草名神護置之門上每夜  
叱人勿動志護門草取置戶下或有過 述異記席箕一  
名寒蘆生北方古詩云千里席其草 朔平府志作茂茂草  
一叢數百莖以縛帚

極佳天鎮縣志土人織為蒲以 癸辛雜識長城之旁居  
人以積雨後或有得堅木於城中者識者謂名黃蘆木乃

當時用以為城幹者惟極堅勁不畏水溼而耐久至今一  
二千年猶有如楹大者以為槍幹最佳 案北史高歡築長

汾州西水經注黃楸水出蒲州在今隰州北楸讀如羅作  
蘆非其木可染黃今吉隰諸處皆用以棧屋亦取其耐久  
不畏溼也又可然 蘇詩注五臺山有草名長松亦名仙

茅 張天覺集僧普明居五臺山患大風眉髮俱墮忽遇  
人參清香可受案蓋山近產人參色白名參甘微苦類  
知即是物否 河汾燕間錄山西地寒北上雁門雲中更

寒然暖木實產其間此陰中陽也 廣羣芳譜金蓮花山  
山西五臺山塞外尤多花色金黃七瓣兩層若蓮而小六

月盛開至秋花乾不落 熱河志夜合花產塞外山中結  
實纍纍色映紅狀如秋海棠中含紅珠晨放暮斂故名亦

歸後 六道木生塞外幹有紋六道細如線而界畫甚勻大  
同諸處多 夜亮木生塞外山中枯木根入土千歲煜有光

晶置之暗室可以燭物 內地山嶺發溼薪中每 奉使  
日記歸化城外遍野有花如牛旁子叢生並開紫紅花白

微香其根臭名曰小人草 植物名實圖考犂頭草有實  
劍草半邊蓮諸名山西志名如意草小蟲兒臥單本草拾

遺地朕一名地錦蔓延著地葉光淨露下有光山西通志  
地錦一名草血竭一名雀兒單潞人稱為小蟲兒臥單此

草既有草血竭之名則治血證應效甚速頭回生山西五臺  
山綠莖肥嫩微似水芹葉歧細齒梢結實攢簇如椒有毛

綱目治崩中赤白帶下鬼見愁生五臺山紫毛森森如蠟

網目治崩中赤白帶下鬼見愁生五臺山紫毛森森如蠟

網目治崩中赤白帶下鬼見愁生五臺山紫毛森森如蠟

山西通志卷一百

風土記下

四



刺梢端作綵苞清涼志生臺麓能驅邪以懸門首能畏鬼或亦呼為鉢蓮

舊通志長生蘋出太原縣晉祠朱彝尊詩瑋琮難老泉

分流注蒲稗中有長生蘋葱青儼圖畫道光丙戌大同柳泉亭生此蘋

葉細本龍女髮出翼城石姑山石縫中葉似莎長四

五尺遇旱梳之則雨土人以名 如意草一名箭頭草

象葉形也夏開紫花小有香土人嘗採蒸麥飯結實三

稜似瓜形如豆大熟則殼分三角中各含子十餘粒如

粟大根似蓮志近醫多採葉陰乾以末塗惡瘡效 五

臺有異草三種一名菅蕪一名雞足一名菩薩線又鉢

蕪花土人名荷包相傳五百羅漢遺之化為此花又娑

羅樹出清涼山娑羅花佛日盛開每朵十二瓣遇 縣

山通志卷一百 風土記下

山介廟牡丹紅花中間出白花一朵人以爲神在翼城

又汾州白牡丹唐開元末裴士淹使幽冀於汾 不灰

州眾香寺得之植於長安私第爲都下奇賞 木出澤潞山中色青白可作刀靶火鑪以紙包裹藤延

安石腦油中油浸一年則照可一年 鄧青樹出和順

東山取其枝入水五色畢見土人云葉繁密則年豐

禽獸之屬前代貢有鵬翎野雞熊皮豹尾羊馬犛牛尾麝香

白蛇野馬勝皮

唐志河東道貢豹尾熊羆鴈羽雲中都貢犛牛尾 通典

雁門郡馬邑郡貢白鵬翎各五具定襄郡貢豹尾十枚樓

煩郡貢麝香十顆單于都護府貢野馬勝皮十二片一元

和郡縣志澤州貢野雞九十隻嵐州開元貢熊皮石州忻

州代州隰州並貢麝香 太平記雲州土貢鵬翎羊馬犛

牛尾 九域志忻州土貢麝香二兩憲州軍貢麝香五兩

代州貢麝香三兩 金志大同府貢白駝

六畜皆常產也代北滋息最盛其太原嵐靜石樓潞安舊並

出良馬

漢地理志太原有家馬官臣曠曰家馬一歲萬 魏書

爾朱榮傳父新興繼爲秀容酋長畜牧蕃息牛羊駝馬色

別爲羣谷量而已 唐書兵志凡馬五千爲上監三千爲

中監置三監於嵐州嵐州使統樓煩元池天池之監藩鎮

傳潞州津梁寺水草美馬肥健謂之鴨腳馬 太平記石

樓縣屈產泉相傳昔有白馬飲此泉生得龍駒春秋曰屈

產之乘蓋此地生良馬也 李翰名馬記宋志魏黃初中

上黨澤馬唐開元十二年太原獻異馬駒其耳如倚左右

十筋肉尾無毛 會典歸化城土獸特歲貢馬一百六十

三匹

舊通志趙吉士言交山米家溝惠家莊鍾家溝一十八

村與靜樂石峽接多產良馬卽屈地又朱彝尊誌交城

地近屈產良馬絕有力案交山當在唐樓煩三監管內

舊志禽類半癡出太原青眉出奇嵐鶴出平陽鷓出潞安黑

串出孝義鷹慈老出大同畫眉出朔州青田朱衣鳥出澤

州契酒兒出沁水子規出沁源白眉出武鄉鷓鴣出靜樂解

鏞鳥號寒鳥並出五臺紅點雀黑燕鴉並出保德翡翠出絳

州鶴出隰州蠟嘴鳥出趙城白翎雀出塞外獸類羆歷並出

代州獲出澤州鹿出汾州黃鼠出大同鹿鼠出解州麋鹿

出塞外

山西通志卷一百 風土記下



漢書音義上黨隋氏縣出鵝 唐書高宗獵於苑中將軍  
史興宗言晉州出好鵝劉齊賢見為司馬請使捕之上曰  
劉齊賢豈覓鵝人耶 段成式肉攪部有代都赤紫背黑  
鬚白睛生代川赤岩裏向靈邱中山白瀾飛漠北白身長  
大五斤有餘細斑短脰生沙漠之北一名西道白向代川  
中山飛白阜驢大者五斤漁陽白道河陽漠北所在皆有  
生枯柏樹上便鳥向靈邱中山范陽章武飛青斑大者四  
斤生代北及代川白楊樹上細斑快向靈邱中山范陽飛  
荆窠白者短身而大五斤有餘便鳥而快一名沙裏白生  
代北沙漠荆窠上向雁門馬邑飛 王世隆禽語詩序楚  
辰山中有鳥四五月則鳴其聲大而亮土人譯之曰乾柴  
乾摘晉地則名曰青田田而譯其音似為蠶者防火其實

山西通志卷一百 風土記下 星

本一鳥楚人重竹木晉人尚蠶故因其地與其時之急以  
警人 輟耕錄五臺有鳥名號寒蟲四足肉翅夏月毛采  
五色自鳴曰鳳凰不如我冬寒毛隕號曰得過且過其糞  
即五靈脂也 山堂肆考五臺山有吉祥鳥形翅甚大其  
飛也有四黃鳥導之四鵲從之 居易錄半翅即沙雞也  
一名鐵腳 爾雅鷓鴣唐書之突厥雀也大同府志 白東  
谷詩注契酒兒山禽也鄉里多有之  
山海經泰戲山有羸其鳴自訓 通典兼見 爾雅注夏屋  
山有獸形如兔相負共行土人名麗 呂氏春秋麗兔後而  
足前短後長其行 尸子中黃伯曰我左執太行之獲右  
執雕虎 魏風碩鼠陸璣疏爾雅鼯鼠許慎云鼯鼠五技  
鼠也河東有大鼠亦有五技或謂之雀鼠 齊城故國又

劉續霽雪錄黃鼠穴處各有匹配秋時蓄黍菽及草木  
之實以禦冬天氣晴和時出坐穴口見人則拱前腋如揖  
狀即鼠入穴味極肥美元時曾為玉食之獻人不得擅取  
也 案即詩疏之禮鼠 也明統志產大同  
舊通志慈老似雁非雁借雁來往箸爪修喙翎毛風來  
聾其聲若解解然故名撞破頭雀羽毛鮮潔頭有紅點  
如血故名 案又有藍點者皆善鳴 一種名時辰子均出北地 一黑燕鴉似燕而大  
似鴉而小黑色長尾有歧五更輒鳴曰架格架格至曙  
乃止古有催明之鳥名喚起者疑即此農人候其聲則  
入田與作土人呼為夏雞 獐出汾陽孝義似鹿而小  
無角 澤州志朱衣鳥形如瓦雀毛羽類丹砂善鳴或

山西通志卷一百 風土記下 器

以為即古之赤鷄也 孝義縣志烏有黑串者大如燕  
有灰白二色能如鸚鵡效人聲 歸綬識略產百靈一  
作白翎即百舌之義塞上運載莫便於駝一駝負米一  
石五斗飲水不多食草不擇又此間山中所得鹿茸皆  
長數尺  
鱗介昆蟲之屬前代充貢有龍骨蟾酥  
通典太原府貢龍骨三十斤 太平記土貢有榆次龍骨  
又嵐州產五色龍骨  
舊通志太原縣賈輔鄉有蟾酥池元時採辦於此又代  
州五臺縣定襄舊並有池 元好問有 蟾池詩  
右物產  
山西通志卷一百



名宦錄一 錄一之一 山西通志第一

馬進士出身頭品頂戴都察院右副都御史巡撫山西提督軍務張勳

循吏之稱仿於史遷所錄五人晉文之理李離與焉論者謂子長意有所諷故終以法官然其書曰奉職循理亦可以為治何必威嚴有味乎言之厥後史家例傳循良蓋未嘗不本斯意以為澄敘之準也晉古稱仕國五正佐封六卿讓善掌故所在師資俱存而唐風職思三語談吏治者至奉為官箴則由霸圖而上企帝世允釐咸熙之盛或且藉風謠而並與而自漢以來治行可稽者代不過數人雖安靜之吏惻惻無華鄙朴之民不工頌禱抑亦乘史之闕略矣舊志職官後繼以名宦標統轄一目餘依府州類次茲既以題名者列入譜乃采其政績別輯為錄略以臺司守令庶官武職分目其使臣客將舊同守土者今並附著從實也秦漢以前具詳世譜者今不復及避複也譜斷止監司而此不遺未僚者斗量之名有難悉數尸祝之惠未忍或湮也

臺司 漢至唐

郭伋字細侯扶風茂陵人少有志行王莽時為并州牧更始素聞伋名徵拜左馮翊建武十一年省朔方刺史屬并州帝以盧芳據北土乃調伋為并州牧過京師謝恩帝即引見并召皇太子諸王宴語終日賞賜車馬衣服什物伋前在并州素結恩德及後入界所到縣邑老幼相攜逢迎道路所過問民疾苦聘求耆德雄俊設几杖之禮朝夕與參政事始至行部到西河美稷有童兒數百各騎竹馬道次迎拜伋問兒曹

山西通志卷二百一 名宦錄一

十一

何自遠來對曰聞使君到喜故來奉迎伋辭謝之及事訖諸兒復送至郭外問使君何日當還伋謂別駕從事計日當告之行部既還先期一日伋為違信於諸兒遂止於野亭須期乃入是時朝廷多舉伋可為大司空帝以并部尚有盧芳之微且塞北未安欲使久於其事故不召伋知盧芳夙賊難卒以力制常嚴烽候明購賞以結寇心芳將隨昱遂謀脅芳降伋乃亡入塞北伋以老病上書乞骸骨二十二年徵為大中大夫明年卒

郭丹字少卿南陽穰人更始時舉賢能建武十三年大司馬吳漢辟舉高第再遷并州牧有清平稱轉使匈奴中郎將

蘇章字孺文扶風平陵人少博學能屬文安帝時應舉賢良方正對策高第為議郎順帝時遷冀州刺史換為并州刺史

山西通志卷二百一 名宦錄一

二

以摧折權豪忤旨坐免隱身鄉里不交當世卒于家周舉字宣光汝南汝陽人博學洽聞京師為之語曰五經從橫周宣光舉茂才稍遷并州刺史太原一郡舊俗以介子推焚骸有龍忌之禁至其亡月咸言神靈不樂舉火由是士民每冬中輒一月寒食莫敢烟爨老小不堪歲多死者舉既到州乃作弔書以置子推之廟言盛冬去火殘損民命非賢者之意以宣示愚民使還溫食於是眾惑稍解風俗頗革後徵拜尚書與僕射黃瓊同心輔政名重朝廷卒于光祿大夫詔令將大夫以下喪發日會弔加賜錢十萬以旌委蛇素絲之節焉

胡芳為并州刺史度遼將軍皇甫規欲退身避第數上病不見聽會上郡太守王昱喪還規縞素越界到下亭迎之因令



容密告芳言規擅違軍營公違禁憲當急舉奏芳曰威明欲  
避第仕途故激發我耳吾當為朝廷愛才何能中此子計耶  
遂無所問

宋果字仲乙扶風人性輕悍喜與人報仇為郡縣所疾郭林  
宗乃訓之義方懼以禍敗果感悔遂改節自飭後以烈氣聞  
辟公府侍御史并州刺史所在能化

鄧盛為并州刺史郡人路佛少無名行而太原太守王球召  
以補吏郡吏王九固爭球欲殺允盛聞之馳傳辟允為別駕  
從事允由是知名而路佛以之廢棄

趙岐字邠卿京兆長陵人少明經有才藝仕州郡以廉直疾  
惡見憚舉理劇為皮氏長仰強討奸大興學校會河東太守  
劉祐去郡而以中常侍左悺兄勝代之岐恥疾宦官即日西

山西通志卷一百一 名宦錄一

歸後南部烏桓鮮卑公卿舉岐推拜并州刺史岐欲奏守  
邊之策末及上會坐黨事因換次以為禦寇論又是時綱維  
不攝閣豎專權嘗擬前代連珠之書四十章上之留中不出  
而岐遂遭黨綱去建安六年卒著孟子章句三輔決錄傳於  
時

段穎字紀明武威姑臧人舉孝廉延熹二年遷護羌校尉擊  
燒當等八種羌破之五年遷并州刺史六年冬復以穎為護  
羌校尉擊滇那等羌凡百八十戰悉破之封新豐縣侯

張奐字然明敦煌酒泉人舉賢良對策第一永壽元年遷使  
匈奴中郎將時休屠各及朔方烏桓燒度邊將軍門引屯赤  
阡州火相望眾兵大恐奐安坐帷中與弟子講誦自若軍士  
稍安乃潛誘烏桓陰與和通遂使斬屠各渠帥製破其眾諸

部悉降延熹元年鮮卑寇邊奐率南部擊之斬首數百級後  
遷度遼將軍數載間幽并清靜九年春徵拜大司農鮮卑聞  
奐去其夏遂招結南部烏桓數道入塞復拜奐為護匈奴中  
郎將以九卿秩督幽并涼三州及度遼烏桓二營兼察刺史  
二千石能否賞賜甚厚南部烏桓聞奐至因相率還降凡二  
十萬口奐但誅其首惡餘皆慰納之唯鮮卑出塞去建寧元  
年封侯奐深病為曹節所賣上書固讓後以黨綱歸田里卒

右漢十人 督部一

梁習字子虞陳郡柘人建安中以別部司馬領并州刺史時  
承高幹荒亂之餘張雄跋扈吏民多入其部落兵眾更相扇  
動往往基時習到官誘諭招納皆禮召其豪右稍稍薦舉使  
詣幕府豪右已盡乃次發諸丁彊以為義從又因大軍出征

山西通志卷一百一 名宦錄一

分請以為勇力吏兵已去稍移其家前後送鄴凡數百口其  
不從命者與兵致討斬首千數降附者萬計諸部曲服事供  
職同於編戶百姓布野勤勸農桑令行禁止貢達名士咸顯  
於世魏武嘉之賜爵關內侯長老稱詠以為自所聞識刺史  
未有及習者建安十八年州并屬冀州更拜議郎西部都督  
從事統屬冀州總故部曲又使於上黨取大材供鄴宮室習  
表置屯田都尉二人各領六百夫於道次耕種菽粟以給人  
牛之費習因交市斬鮮卑百黎餘眾破膽不敢動二十二年  
令從事張景募鮮卑射殺叛亡烏丸王魯昔自後單于入侍  
西北無虞習之績也魏初復置并州習復為刺史晉申門亭  
侯邑百戶政治常為天下最太和二年徵拜大司農習在州  
二十餘年而居處貧窮無方面珍物明帝異之禮賜甚厚四



年卒

田豫字國讓漁陽雍奴人耶陵侯曹彰征代郡以為相彰平代皆豫策也魏文帝初持節護烏桓校尉封長樂亭侯為校尉九年恆摧抑兼并乖散疆界凡捕亡奸宄皆構刺攪離使凶邪之謀不遂聚居之類不安轉為汝南太守領并州刺史外部聞其威名相率來獻豫性清約儉素賞賜皆散之將士素利等數來客見多遺牛馬豫悉轉送官皆以為前所遺物顯露不如持金乃密懷金三十斤謂豫曰願避左右從之因跪曰我見公貧故前後遺公牛馬公輒送官今密以此上公可以為家資豫張袖受之答其厚意去後皆悉付外具以狀聞詔褒之曰昔魏絳開懷以納戎今卿舉袖以受狄金朕甚嘉焉賜絹五百匹豫以其半減少府後復來以半給與外夷

山西通志卷一百一 名宦錄一 五

咸高豫節州界甯肅百姓懷之徵為衛尉稱疾食卿祿卒嘉平六年下詔褒揚賜其家錢穀

陳泰字元伯潁川許昌人羣子正始中以遊擊將軍為并州刺史加振威將軍使持節護匈奴中郎將懷柔夷民甚有威惠京邑貴人多寄寶貨因泰市奴婢泰皆掛之於壁不發其封及徵為尚書乃悉還之終尚書左僕射贈司空謚穆孫禮字德達涿郡容城人齊王時忤曹爽以并州多邊寇由城門校尉除并州刺史加振武將軍使持節護匈奴中郎將爽敗入為司隸校尉凡臨七郡五州皆有威信遷司空封大

利亭侯卒謚曰景 右魏四人 並刺 史 魯芝字世英扶風郡人魏時為使持節領護匈奴中郎將振

威將軍并州刺史以綬紉有方遷大鴻臚封陰平伯晉初進侯上以芝清忠履正素無居宅使軍兵為作屋五十間泰始九年卒謚曰貞賜塋田百畝

劉琨字越石中山魏昌人少得儁朗之目與范陽祖納俱以雄豪著名封廣武侯永嘉元年為并州刺史加振武將軍領匈奴中郎將九月末發以少擊眾冒險而進遂達壺口關請穀五百萬斛絹五百萬匹棉五百萬斤許之時東瀛公騰自晉陽鎮鄴并土饑荒百姓隨騰南下餘戶不滿二萬寇賊縱橫道路斷塞琨募得千餘人轉鬪至晉陽府寺焚毀僵尸蔽地其有存者饑羸無復人色荆棘成林豺狼滿道琨剪除荆棘收葬枯骸造府朝建市獄寇盜互來掩襲恆以城門為戰場百姓負薪以耕屬琨而將琨撫循勞來甚得物情劉元海

山西通志卷一百一 名宦錄一 六

時在離石相去三百許里琨密遣離間其部降者萬餘落元海甚懼遂城蒲子而居之在官未期流人稍復鷄犬之音復相接矣琨父蕃自洛赴之人士奔并者多歸於琨琨善於懷撫而短於控御一日之中雖歸者數千去者亦以相繼劉粲乘虛襲陷之琨父母並遇害琨引猗盧并力破粲猗盧留將箕澹段繁等戍之琨志在復讐而屈於力弱泣血尸立撫慰傷痍移居陽曲城以招集亡散愍帝初拜大將軍都督并州諸軍事加散騎常侍假節琨累上表謝辭甚悲壯三年遣大鴻臚趙廉持節拜司空都督并冀幽三州諸軍事表讓司空受都督勉期與猗盧舉兵會猗盧卒箕澹等率三萬人來歸琨復率數百騎自平城撫納之屬石勒攻樂平箕澹大敗琨遣不能復守遂走飛狐後為段匹磾所害贈侍中太尉謚曰



惡琨少負志氣有縱橫之才善交勝已與范陽祖逖為友聞  
逖被用與親故書曰吾枕戈待旦嘗恐祖生先吾著鞭其意  
氣相期如此在晉陽嘗坐圍城中窘迫無計琨乃乘月登樓  
清嘯賊聞之皆悽然長嘆中夜奏胡笳賊又流涕歎歎有懷  
土之切向曉復吹之賊並棄圍而走

右晉二人

元延為并州刺史道武皇始二年并州守將封真率其種族  
與徒何為逆將攻延延討平之

樓伏連代人忠厚有器量從征姚平於柴壁以功賜爵安邑  
侯為晉兵將軍并州刺史招誘西河曹成等七十餘人襲殺  
吐京護軍及其守士三百餘人并擒叛逆阿度支等二百餘  
家太宗嘉之拜成等將軍賜爵列侯後晉爵廣陵王薨諡恭

山西通志卷一百一 名宦錄一 七

荀孤為并州刺史不治產死之日家無餘財百姓追思之

孫小字茂翹咸陽石安人夏時沒入官刑魏平統萬徙平城  
以聰識有智略稱屢著戰功賜爵泥陽子出為冠軍將軍并  
州刺史晉爵中都侯州內四郡百餘人詣闕頌其政化小嘗  
重郭祚門才以祚為主簿兼任之以書記時人多之

崔元珍博陵安平人正光末山胡作逆除平陽太守假右將  
軍為別將以討之頻破賊郡內以安武泰初改郡為唐州仍  
除刺史加右將軍以破賊勳賜爵涼城侯爾朱榮之趣洛也  
遣其都督樊子鶴取唐州元珍與行臺郎鄴憚拒守不從為  
子鶴所陷被害世咸痛之

崔衡字伯玉清河人襲父寬爵武陵公太和中以鎮西將軍  
除秦州刺史先是河東年饑劫盜大起衡至修翼送之法勸

課農桑周年之間寇盜止息十二年卒諡惠

穆熙崇四世孫襲宜都王尙新平長公主除征東將軍吐京  
鎮將熙賞善罰惡深自克勵時西河叛熙欲討之而離石都  
將郭洛頭拒違不從熙遂上表自劾以威不攝下請就刑戮  
高祖乃免洛頭官山賊劉什婆寇掠郡縣熙討滅之自是部  
內肅然莫不敬憚後改吐京鎮為汾州仍以熙為刺史前吐  
京太守劉升定陽令吳平仁繼以吏民懷之並為表請高祖  
皆從焉熙既頻薦升等所部守令咸自砥礪威化大行百姓  
安之州民李軌郭及祖等七百餘人詣闕頌熙恩德高祖以  
熙政和民悅增級延限後徵為光祿勳卒贈鎮北將軍恆州  
刺史

山西通志卷一百一 名宦錄一 八

元安壽陽平王新城子景穆帝孫也高祖賜名願累遷懷朔

鎮大將都督三道諸軍事北討詔徵赴京曷以戰伐之事對  
曰當仰仗廟算使呼韓同渭橋之禮帝歎曰壯哉王言朕所  
望也未發遣母憂詔遣侍臣以金革敦喻既殯而發與陸獻  
集三道諸將議軍途所詣於是中道出黑山東道趨土盧河  
西道向侯延河軍過大磧大破蠕蠕墮入朝詔曰王之前言  
果不虛也後除朔州刺史及恆州刺史穆泰謀反遣使推願  
為主願密以狀聞泰等伏誅帝甚嘉之景明六年薨諡曰莊  
元匡字建扶廣平王洛侯嗣子性耿介有氣節孝文器之謂  
曰叔父必能儀刑社稷匡輔朕躬今可改名為匡以成克終  
之美宣武時除肆州刺史廉慎自修甚有聲績遷恆州刺史  
後為御史中尉封東平郡王卒諡文貞

元順字子和任城王澄長子九歲師事樂安陳豐初書王毅



之小學篇數千言晝夜誦之旬有五曰一皆通徹豐奇之曰江夏黃童不得無雙也年十六通杜氏春秋篤志好古性蹇謬淡於榮利累除給事黃門侍郎時領軍元叉威勢尤盛順願言正議曾不阿旨由此見憚出除平北將軍恆州刺史順謂父曰北鎮紛紜方為國梗桑乾舊都根本所繫請假都督為國捍屏父心疑難不欲授以兵官尋轉齊州刺史後除吏部尚書兼僕射河陰之難為陵戶鮮于康勞所害家徒四壁無以斂止有書數千卷而已謚文烈子朗年十七手刃康勞以首祭順墓

崔振字延根博陵安平人挺之弟也少有學行居家孝友正始初除龍驤將軍肆州刺史在任有政績還朝除河東太守永平中卒於郡謚定振歷官四十餘載考課恆為稱職議者

山西通志卷一百一

名宦錄一

九

善之

尹敬代人少勇健走及奔馬曳牛卻行賜爵汾陽子世祖嘗問其欲殺日中祕二省多諸文士若思矜不已請參其次世祖賢之拜祕書監以功晉魏安侯後出為東雍州刺史恩化大行百姓思之又晉河南公累遷司空太安五年卒

司馬楚之字德秀晉宣帝弟太常胤之八世孫宋高祖夷司馬賊屬楚之亡匿諸沙門中濟江轉側汝穎之間收眾據長社歸之者常萬餘人太宗末遣使請降世祖初徵入朝封瑯邪王車駕伐蠕蠕詔與濟陰公盧中山等督運以繼大軍時鎮北將軍封杏亡入蠕蠕說令擊楚之等以絕糧運蠕蠕乃造奸覘入楚之軍截驢耳而去有告失驢耳者諸將莫能察楚之曰必是覘賊殺之以為驗耳賊將至矣即使軍人伐柳

為城水灌之令凍城立而賊至冰峻城固不可攻逼賊乃走散世祖聞而嘉之尋拜假節侍中鎮西大將軍開府儀同三司雲中鎮大將朔州刺史在邊二十餘年以清儉著聞和平五年薨年七十五高宗悼惜之謚貞王陪葬金陵

司馬躍字寶龍楚之次子尚趙郡公主代兄金龍為雲中鎮將朔州刺史假安北將軍河內公躍請罷河西苑封與民墾殖有司執奏此廢鹿所畜大官取給今若與民至於奉獻時禽懼有所闕詔曰此地若任稼穡雖有獸利事須廢封若是山洞虞禁何損尋先朝置此豈苟藉斯禽諒亦以俟軍行薪蒸之用其更論之躍固請以與民高祖從之太和十九年卒楚之父子相繼鎮雲中朔土服其威德

右後魏十二人並刺

山西通志卷一百一

名宦錄一

十

王思政太原祁人有籌策魏孝武封祁縣侯拜中軍大將軍大都督總宿衛兵及西遷晉太原郡公大統中鎮宏農思政以玉壁地在險要請築城即自營度移鎮之遷并州刺史仍鎮玉壁八年東魏來寇思政守禦有備敵人晝夜攻圍卒不能克乃收軍還以全城功授驃騎大將軍復鎮宏農太祖命舉代己者思政乃進所部都督韋孝寬其後東魏來攻孝寬卒能全城時論稱其知人

宇文測字澄鏡少篤學旬月不窺戶牖尚宣武女陽平公主從孝武入關封廣川縣公大統六年除使持節大都督行汾州事測政存簡惠頗得民和地接東魏數相鈔竊或有獲其為寇者多縛送之測皆命解縛置之賓館然後引與相見如客禮焉仍設酒餼宴勞放還其國并給糧餼衛送出境自是



東魏人大慙乃不為寇汾晉之間各安其業兩界之民遂通慶弔不復為仇讐矣時論稱之方於羊叔子

泉企孝武時為東雍州刺史高歡專政孝武有西顧之心欲委企以山南之事乃除洛州刺史常州都督未幾孝武西遷高歡率眾至潼關企遣其子元禮督鄉里五千出大谷以禦之歡不敢進大行臺賀拔岳以企昔蒞東雍為吏民所懷乃表復為刺史詔許之

梁禦字善通其先安定人後因官北邊遂家於武川禦少好學長更好弓馬爾朱天光西討引為左右其平關右封白水縣伯大統時晉爵廣平郡公出為東雍州刺史為政舉大綱而已民庶稱焉四年卒於州臨終惟以國步未康為恨言不及家諡武昭

山西通志卷一百一 名宦錄一

十一

劉亮中山人少儻有縱橫計畧從賀拔岳西征常先鋒陷陣與諸將謀迎周太祖以勇敢見知為時名將謀策又多合機宜太祖曰卿文武兼資即孤之孔明也賜名亮封長廣郡公大統十年出為東雍州刺史為政清靜百姓安之在職三歲卒於州諡襄

右西魏五人 都督 刺史

莫多婁貨文太安狄那人驍果有膽氣從齊神武平爾朱兆於赤嶺嶺獲兆尸天平中除晉州刺史汾州胡賊為寇竊神武親討之以貨文為先鋒每有戰功還資奴婢三十人牛馬各五十匹布一千匹仍為汾州東雍晉秦五州大都督後與太保尉景攻東雍南汾二州克之元象初與周軍戰後於源洞

房諒字敬叔河南洛陽人其先代人也少醇厚正光末歷代郡太守著廉惠聲及六鎮亂諒率郡人入九崢山結壘拒守外無救援奔中山孝莊時除大甯太守爾朱榮死其黨徵兵諒不應前後斬其三使及洛京陷為賊黨建州刺史是蘭安

定執繫州獄蜀人聞諒被囚並叛安定給漢弱馬令軍前慰勞諸賊見諒莫不遙拜諒先所乘馬安定別給將士戰敗蜀人得之謂諒遇害莫不悲泣善養其馬不聽乘騎兒童婦女競投草粟皆言是房公馬也其結愛人心如此孝靜時除晉

州刺史加驃騎大將軍又攝南汾州事先時境接西魏土人多受其官為之防守至是酋長鎮將及都督守令前後降附者三百餘人諒撫接殷勤人樂為用爰及深險胡夷咸來歸附諒常以已祿物充其饗齊文襄嘉之聽用公物西魏懼

山西通志卷一百一 名宦錄一

十二

乃增置城戍慕義者自相糾合擊破之自是龍門以北西魏戍皆平文襄特賜粟千石絹二百匹班示天下卒於州州府相率贈物及牛車妻子遵其遺志拒而不納贈司空諡曰文忠

高市貴善無人少有武用孝昌初恆州內部勅勸劉倫等飛眾反市貴為都督率眾討倫一戰破之預翼戴莊帝勳為秀容大都督第一領民酋長賜爵上洛縣伯爾朱榮擊葛榮於滏口為先鋒都督榮平除使持節汾州刺史尋為晉州刺史紇豆陵步藩侵并州齊神武破之市貴亦從行有功封常山郡公天平初復除晉州刺史尋以洪洞要險遣市貴鎮之沙苑失利晉州行事封祖業棄城而還州民柴覽眾作逆命市貴討覽覽奔柴壁市貴破斬之是時東雍南汾二州境多



盜因士貴平覽皆散歸復業後秀容人五千尸叛應山胡復為行臺統諸軍討平之元象中除晉州刺史西道軍司卒

右東魏三人 都督 刺史

慕容紹宗太原王恪後也自代攜家屬歸爾朱榮以軍功封榮慮縣子晉侯累遷并州刺史紇豆陵步藩逼晉陽爾朱兆擊之累為步藩所破欲於晉州徵高祖共圖步藩紹宗諫曰今天下擾擾人懷觀覲正智士用策之秋高晉州才雄氣猛英略蓋世譬諸蛟龍安可借以雲雨兆怒曰我與晉州推誠相待何忽輒相猜阻橫生此言便禁止紹宗數日方釋遂割鮮卑隸高祖高祖共討步藩滅之及高祖舉義信都兆命為行臺率軍壺關以抗高祖韓陵敗兆撫膺謂紹宗曰比用卿言今豈至此兆走赤嶺紹宗行到烏突城見高祖追至遂

山西通志卷一百一 名宦錄一

十三

攜榮妻子及兆餘眾自歸高祖仍加恩禮軍謀兵略時參預焉元象初晉公後為晉州刺史西道大行臺侯景叛命為東南道行臺擒梁貞陽侯淵明於寒山又迴軍大敗侯景於渦陽別封永樂縣子初高祖末命世宗云侯景若反以慕容紹宗當之至是竟立功效旋攻潁川堰洧水灌城暴風起艦飄投水卒贈太尉諡曰景惠配饗世宗廟庭

高潛神武第十子少明慧天保初封任城王自孝昭武成時車駕還鄴嘗令潛鎮晉陽總兵省事歷司徒大尉并省錄尚書事天統三年拜太保并州刺史別封正平郡公時有婦人臨汾水浣衣有乘馬人投其鞵而去者婦人持鞵詣州言之潛召城外諸嫗以鞵示之給曰有乘馬人在路被賊劫皆遺此鞵焉得無親屬乎一嫗撫膺哭曰兒昨着此鞵向妻家如

其語捕獲之時稱明察

高長恭文襄第四子封蘭陵王累遷并州刺史突厥入晉陽長恭盡力擊之後為太尉與段韶討柏谷又攻定陽韶病長恭總其衆前後以戰功別封四郡公長恭面柔心壯音容兼美戰輒戴假面具為將躬勦細事雖一瓜數果必與將士共之芒山大捷武士共歌謠為蘭陵王入陣曲至定陽復告捷威名震敵國武平四年鳩卒贈太尉諡武

段韶字孝先姑臧武威人榮長子也少工騎射有將領才略從高祖出晉陽追爾朱兆於赤嶺嶺平之武定四年從征玉壁五年世宗還鄴韶留守晉陽世宗征潁川又留鎮晉陽行并州刺史齊天保四年封平原郡王大甯二年除并州刺史討平高歸彥於冀州仍滌并州為政舉大綱不存小察甚得

山西通志卷一百一 名宦錄一

十四

民和十二月周武帝遣將羌夷與突厥合眾逼晉陽交戰大破之敵前鋒盡殲無復子遺晉位太師周遣尉遲迥等襲洛陽復督精騎一千發晉陽五日便濟河遂有邙山之捷除大宰又除右丞相武平二年正月出晉州道到定隴築威敵平寇二城而還二月周師來寇遣韶與右丞相斛律光大尉蘭陵王長恭同往捍禦以三月暮行達西境有柏谷城者乃敵之絕險石城千仞鳴鼓而攻之城潰獲儀同薛敬禮仍城華谷置戍而還是月周又遣將寇邊斛律光先率師出討韶亦請行五月攻服秦城周人於姚襄城南更起城鎮東接定陽又作深塹斷絕行道韶乃密抽壯士從北襲之又遣人潛度河告姚襄城中令內外相應度者千有餘人周人始覺於是合戰大破之獲其儀同若干顯寶等六月徙圍定陽其城



主開府儀同楊範固守不下韶登山望城勢乃縱兵急攻之  
七月屠其外城大斬獲首級時韶病在軍中以子城未克謂  
蘭陵王長恭曰此城三面重澗險阻並無走路唯恐東南一  
處耳賊若突圍必從此出但簡精兵專守自是成擒長恭乃  
令壯士千餘人設伏於東南澗口其夜果如所策賊遂出城  
伏兵擊之大潰範等面縛盡獲其衆韶先遣竟以疾卒贈假  
黃鉞相國諡忠武韶長於計略善於御衆得將士之和臨敵  
人人爭奮又雅性溫慎有宰相之風齊世勳費罕及

綦連猛字武兒代人歸高祖部步稽等起逆在覆釜山使猛  
討之大捷特被賞資武定五年封石城縣開國子食肆州平  
寇縣幹天保元年除都督東秦州刺史隨斛律敦北征茹茹  
敦令猛輕將百騎深入覘候還至白道與軍相會因此追躡

山西通志卷一百一 名宦錄一 十五

遂大破之資物三百段皇建元年封石城郡開國伯尋晉爵  
爲君河清二年突厥逼晉陽勅猛將三百騎覘賊遠近行至  
城北十五里遇賊前鋒以賊衆多遂漸退避賊中有一驍將  
超出來鬪猛遙見之即挺身獨出與其相對俯仰之間刺賊  
落馬因卽斬之天統四年封義甯縣開國公五年除并省尙  
書左僕射又除并省尙書令封山陽王入周卒

高歡小名須拔父琛高祖弟也封南趙郡公斛斯椿等贊結  
高祖將謀內討以晉陽根本召琛掌留後事以爲并肆汾大  
行臺僕射領六州九酋長大都督其相府政事琛悉決之卒  
諡貞平歡生三旬而孤聰慧風成特爲高祖所愛襲爵顯祖  
受禪晉王天保八年除北朔州刺史都督北燕北蔚北恆三  
州及庫堆以西黃河以東長城諸鎮諸軍事歡撫新遷量

置烽戍內防外禦備有條法大爲軍民所安有無水之處禱  
而掘井鑿插栽下泉源湧出至後號曰趙郡王泉九年車駕  
幸樓煩朝於行宮從還晉陽皇建初行并州事孝昭臨崩預  
受顧託奉迎世祖於鄴突厥侵軼并州帝親御戎六軍進止  
皆令取節度以功復封宣城郡公世祖崩葬後數日議出  
姦倖和士開執之彌固乃被搆算拉殺於雀離佛院

李稚廉趙郡高邑人少而寡欲初不從家人有所求請嘗故  
以金寶授之終不取強付輒擲之於地州牧以其蒙稚而廉  
故名曰稚廉天平中高祖推爲秦州開府長史平北將軍稚  
廉緝諸將士軍民樂悅高祖頻幸河東大相歡賞世宗嗣事  
除霸府採謂杜弼曰并州王者之基須好長史各舉所知時  
雅有所稱皆不允衆人未答世宗乃謂陳元康曰我教君好

山西通志卷一百一 名宦錄一 十六

長史處李稚廉卽其人也遂命爲并州長史常在世宗第內  
與隴西辛術等六人號爲館客待以上賓之禮天保初除安  
南將軍太原郡守天統中爲并省都官尙書武平五年三月  
卒於晉陽贈吏部尙書

斛律金朔州勅勒部人性敦直善騎射行兵用塞外法望塵  
識馬步多少嗅地知軍度遠近初爲軍主與懷朔鎮將楊鈞  
送茹茹主阿那瓊還瓊見金射獵深歎其工後瓊入寇高陸  
金拒擊破之正光末破六韓拔陵反金度陵終敗滅乃統所  
部萬戶詣雲州授第二領民酋長勳引南出黃瓜堆爲杜洛  
周所破部衆分散金與兄平脫身歸爾朱榮累遷都督從破  
葛榮齊高祖建義山東金贊成大策留守信都領恆雲燕朔  
顯六州大都督從平晉陽追滅爾朱兆大昌初爲汾州刺史



當州大都督沙苑不利東雍諸城復為西軍所據金與尉景庫狄干等討復之大象中高祖禦周文帝於河陽使金徑往大州為犄角之勢金到晉州以軍退不行仍與行臺薛循義共圍喬山之寇俄而高祖至共討平之因從高祖攻下南絳邵郡等數城武定初除大司馬轉第一領民酋長世宗嗣事為肆州刺史齊天保初封咸陽郡王刺史如故冬朝晉陽宮金病帝幸其宅臨視病愈還州三年就除太師從征奚賊軍還帝幸肆州與金宴射而去四年解州還晉陽軍駕復幸其第六宮及諸王盡從置酒作樂極夜方罷帝忻甚詔金孫武都尚義甯公主成禮日帝從皇太后幸金宅皇后太子及諸王等皆從其見親待如此後詔率二萬騎屯白道以備茹茹表陳擊取之勢顯祖於是率眾與金共討於吐頰獲二萬餘

山西通志卷一百一 名官錄一 十七

戶而還晉位右丞相遷左丞相卒  
斛律光字明月金子也少工騎射以武藝知名當時傳號落鵬都督天保三年除晉州刺史東有周天柱新安牛頭三成招引亡叛屢為寇竊七年光率步騎五千襲破之又大破周儀同王敬儒等獲口五百餘人雜畜千餘頭而還九年又率眾取周絳川白馬渝交翼城等四成除朔州刺史十年二月率騎一萬討周開府曹迥斬之柏谷城主儀同薛禹生棄城奔遁遂取文侯鎮立成置柵而還乾明元年除并州刺史天統元年轉大將軍三年襲爵咸陽王并襲第一領民酋長轉遷太保武平元年詔加右丞相并州刺史冬率步騎五萬於玉壁築華谷龍門二城與周齊國公宇文顯申國公拓跋顯敬等相持憲等不敢動光乃進圍定陽仍築南汾城置州以

逼之夷夏萬餘戶並來內附二年率眾築平隴衛壁統戎等鎮戍十有三所周柱國袍罕公普屯威柱國韋孝寬等步騎萬餘來逼平隴與光戰於汾水之北光大破之俘斬千計軍還詔復令率步騎五萬出平陽道攻姚襄白亭城成皆克之獲其城主儀同大都督等九人捕虜數千人拜左丞相祖珽穆提婆賈何洪珍構譖之拉殺於涼風堂盡滅其族周武帝聞光死大喜赦其境內後人鄴追贈上柱國公指詔書曰此人若在朕豈能至鄴

堯奮字彥舉上黨長子人雄弟也賜爵安夷縣子晉伯為南汾州刺史胡夷畏憚之西魏行臺薛崇禮舉眾攻奮與戰大破之崇禮兄弟乞降送於相府轉潁州卒

韓軌字伯年太安狄那人高祖鎮晉州引為鎮城都督贊成

山西通志卷一百一 名官錄一 十八

大策封平昌縣侯仍督中軍從破爾朱兆於赤洪嶺再遷秦州刺史甚得邊和高祖巡秦州欲以軌還仍賜城人戶別絹布兩匹州人田昭等七千戶皆辭不受唯乞留軌高祖嘉歎乃留焉頻以軍功晉封齊受禪拜大司馬卒諡肅武

潘樂字相貴廣甯石門人神武出牧晉州引樂為鎮城都將累以軍功拜東雍州刺史神武嘗議欲廢州樂以東雍地帶山河境連胡蜀形勝之會不可棄也遂如故齊受禪封河東郡王拜司徒

慕容儼字恃德清都成安人儼之後也爾朱敗歸高祖以勳累遷安東將軍高涼太守東雍州刺史沙苑之敗西魏荊州刺史郭鸞率眾攻儼拒守二百餘日晝夜力戰大破鸞軍斬首三百餘級又擒西魏刺史郭他時諸州多有翻陷唯儼獲



全晉號鎮南將軍武定三年從攻玉壁賜帛七百匹并衣帽等齊天統二年別封猗氏縣公五年晉義安王武平中卒高勳字敬德清河王岳子改封樂安王出為朔州行臺僕射後主晉州敗太后從土門道還都勳勳獲其馬侍衛時倭幸關寺猶行暴虐民間雞犬悉放鷹犬搏噬取之勳收儀同三司荀子溢御軍欲行大戮太后有令然後釋之

右北齊十四人

宇文神舉太祖之族子倜儻英贍襲父光爵長廣縣公高祖東伐詔神舉從軍并州平即授并州刺史加上開府儀同大將軍并州齊氏別都控帶要重平定甫爾民俗流詭豪右之家多為姦猾神舉勵精為治示以威恩旬月之間遠邇悅服晉柱國大將軍封東平郡公增邑通前六千九百戶所部東

山西通志卷一百一 名官錄一 十九

壽陽縣土人相聚為盜率其黨五千人來襲州城神舉以州兵討平之宣政元年稽胡反叛入寇西河神舉率眾與越王盛討平突厥遣騎赴救神舉又以奇兵擊之突厥敗走稽胡於是款服即授并潞肆石等四州十二鎮諸軍并州總管文宣初鳩於馬邑

韋叔裕字孝寬京兆杜陵人少以字行沈敏和正涉獵經史大統六年為晉州刺史尋移鎮玉壁兼攝南汾州事先是山胡恃險屢為劫盜孝寬示以威信州境肅然進授大都督十二年齊神武領山東之眾志圖西入以玉壁衝要先命攻之連營數十里至於城下盡攻擊之術孝寬咸拒破之神武無如之何乃遣倉曹參軍祖孝徵謂曰未聞救兵何不降孝寬報云我城池嚴固兵食有餘攻者自勞守者常逸孝寬關西

男子必不為降將軍也孝寬弟子遷先在山東又鎮至城下臨以白刃云若不早降便行大戮孝寬慷慨激揚暑無願意士卒莫不感勵神武苦戰六旬傷及病死者十四五智力俱困因而發疾其夜遁去後因此忿恚遂殂魏文帝嘉孝寬功令殿中尚書長孫紹遠左丞王悅至玉壁勞問授驃騎大將軍開府儀同三司晉爵建忠郡公廢帝二年入為雍州刺史恭帝二年周文北巡命還鎮玉壁周孝閔帝初入為小司徒保定初以孝寬立勳玉壁遂於玉壁置勳州仍授勳州刺史孝寬善於撫御能得人心所遺間謀入齊者皆為盡力亦有齊人得孝寬金貨遙通書疏故齊動靜周朝皆先知時有主帥許益孝寬託以心膂令守一戍益乃以城東入孝寬怒遣謀取之俄而斬首而還其能致物情如此汾州之北離石以

山西通志卷一百一 名官錄一 二十

南悉賊抄掠居人阻斷河路孝寬深患之而地入於齊無方誅翦欲當其要處置一大城乃於河西徵役徒十萬甲士百人遣開府姚岳監築之岳色懼以兵少為難孝寬曰計成此城十日即畢既去晉州四百餘里一日創手二日偽境始知設令晉州徵兵二日方集謀議之間自稽三日計其軍行二日不到我之城隍足得辦矣乃令築之齊人果至南首疑有大軍仍停留不進其夜又令汾水以南傍介山稷山諸村所在縱火齊人謂是軍營遂收兵自固版築克就卒如其言後武帝志在平齊孝寬上疏陳三策書奏武帝遣使重幣聘齊後遂大舉再駕而定山東卒如孝寬之策五年帝東伐過幸玉壁觀禦敵眾之所深歎美之移時乃去孝寬請為先驅帝以玉壁要衝非孝寬無以鎮之乃不許及趙王招率兵出稽



胡與大軍犄角乃勅孝寬為行軍總管圍守華谷以應接之  
孝寬克其四城武帝平晉州復令孝寬還舊鎮及帝凱還復  
幸玉壁詔孝寬隨駕還京晉上柱國大象二年平相州還十  
一月卒諡襄

王長述京兆霸城人魏太尉孫襲扶風郡公攻封龍門周  
時為晉州刺史轉玉壁總管長史歷職並有能名以功進柱  
國隋開皇初卒諡莊

韓哀字宏業眉昌黎涉獵經史深沈有遠略保定三年為汾  
州刺史州界北接太原當千里徑先是齊寇數入民廢耕桑  
前後刺史莫能防并哀至適會寇來哀乃不下屬縣人既不  
及設備以故多被抄掠齊人喜相謂曰汾州不覺吾至先未  
集兵今者之還必莫能追躡我矣由是益懈不為營壘哀已

山西通志卷一百一 名宦錄一 三

先勅精銳伏北山中分據險阻邀其歸路乘其眾怠縱伏擊  
之盡獲其眾故事獲生口者並囚送京師哀因是奏曰所獲  
賊眾不足為多俘而辱之但益其忿耳請一切放還以德報  
怨有詔許焉自此抄兵頗息

楊敷字文衍華陰人鈞之孫也少有志操襲鈞爵臨真縣伯  
周初首候天和六年為汾州諸軍事汾州刺史晉公齊將段  
孝先率眾五萬來寇梯衝地道晝夜攻城敷親當矢石隨事  
捍禦拒守累旬孝先攻之愈急時城中兵不滿二千戰死者  
已十四五糧儲又盡公私窮蹙齊公憲總兵赴救俾孝先不  
敢進軍敷知必陷乃召其眾謂之曰吾與卿等俱在邊鎮  
實願同心戮力破賊全城但疆寇四面攻圍口久吾等糧食  
已盡救援斷絕守死窮城非丈夫也今勝兵之士猶數百人

欲突圍出戰生死一決儻或得免猶冀生還受罪爾廷孰與  
死於寇乎吾計決矣於諸君意何如眾咸涕泣從命敷乃率  
見兵夜出擊殺齊軍數十人齊軍眾稍卻俄而孝先率諸軍  
盡銳圍之敷殊死戰矢盡為孝先所擒齊人方欲任之敷  
不為之屈遂以憂懼卒於鄴高祖平齊諡忠壯

李淑仁隴西人朔州刺史驍健有武力征伐多奇功

庫狄迺洛代人朔州刺史少有武力儀貌魁偉以果斷稱

宇文深測弟性鯁正有器局年數歲使累石為營伍折草作  
旌旗及長好讀兵書從孝武入關齊神武屯蒲坂分遣其將  
趣潼關高敖曹圍洛陽太祖尋大破齊神武軍如深所策六  
年監李弼軍討白額稽胡有戰功封長樂縣侯歷東雍州別  
駕使持節大都督東雍州刺史深為政嚴明示民以信抑挫

山西通志卷一百一 名宦錄一 三

蒙右吏民懷之周初晉安化縣公卒諡成康

右北周八人 都督總管刺史

李雄字毗盧趙郡高邑人周時以討汾州功位上開府隋初  
進封高都郡公晉王廣出鎮并州以雄為河北行臺兵部尚  
書上謂雄曰吾兒少未更事以卿兼文武才今推誠相委吾  
無北顧之憂矣雄當官正直侃然有不可犯之色王甚敬憚  
吏民稱焉歲餘卒於官

韋師字公穎京兆杜陵人周資部大夫隋開皇初賜爵并陘  
侯累遷河北道行臺兵部尚書諡為山東河南十八州安撫  
大使兼領晉王廣司馬終汴州刺史有治名諡曰定  
王韶字子相太原晉陽人周建德六年從平齊封晉陽縣公  
隋初進爵項城郡公晉王廣鎮并州除河北道行臺右僕射





韶性剛直王甚憚之每事諮詢嘗奉使檢行長城王穿池起三山韶還白鎮而諫王謝罷之開皇十一年上幸并州以稱職特加勞勉秦王俊為并州總管仍為長史歲餘馳驛入京卒

宇文弼字公輔洛陽人周武帝時為內史都上士隋開皇中朝廷以晉陽為重鎮并州總管必屬親王其長史司馬亦一時高選前長史王韶卒以弼有文武幹用出為并州長史俄以父艱去職尋詔起之後歷朔代二州總管皆有能名

李圓道京兆涇陽人初給事隋高祖周末授儀同隋開皇中拜并州總管長史時秦孝王仁柔少斷決府中事多決於圓道入為司農卿後數歲自刑部尚書復為并州長史孝王得罪圓道亦坐免卒贈柱國

山西通志卷一百一

名宦錄一

三

獨孤楷字修則歷官三州總管有惠政大業初轉并州總管遇疾喪明上表乞骸骨上曰公先朝舊臣歷職二代高風素望臥以鎮之無勞躬親簿領也遣其長子凌雲監省郡事數載轉長平太守未視事而卒諡曰恭

周搖字世安洛陽人剛果有武藝性謹厚動遵法度初仕周開府儀同三司從平齊每有戰功授柱國封護國公拜晉州總管時隋高祖為定州總管文獻皇后自京師詣定路經搖所至禮甚薄白后曰公廉甚富於財限法不敢輒費又王臣無得效私高祖以其奉法每嘉之隋開皇中卒諡曰恭

源雄字世略西平樂都人隴西王篡子周封朔方郡公隋歷朔州總管突厥來寇雄輒捕斬之深為北部所畏平陳進位上柱國復鎮朔州二歲徵還卒



郭衍字彥文太原介休人周儀同大將軍伐齊令衍從陳王守千里徑又從戰於晉州追至高壁大破之仍從平并州以功授上柱國累封武山郡公隋開皇五年授朔州總管所部恆安鎮北接番境常勞轉運衍乃選沃饒地置屯田歲剽粟萬餘石民免轉輸之勞又築桑乾鎮皆稱旨十年從晉王廣鎮揚州大業中再封真定侯卒諡襄

李充隴西成紀人慷慨有英畧開皇中授上柱國武陽郡公拜朔州總管甚有威名為寇所憚裴肅字神封河東聞喜人開皇十七年自給部侍郎遷朔州長史有能名

杜彥雲中人周累封襄武縣侯隋開皇初進爵公累轉雲州總管十八年拜朔州總管果強自任騎射惟精績樹平陳威昭禦寇突厥寇雲州復拜雲州總管

賀婁子幹字萬壽本代人世居關右周時封武川縣公隋晉鉅鹿郡公開皇中拜雲州刺史甚為寇所憚後數年突厥雍虞閭遣使請降并獻羊馬詔為行軍總管出西北道應接之還拜雲州總管以突厥所獻馬百匹羊千口賜之下書曰自公守北門風塵不警突厥所獻還以賜公母愛去職卒諡懷

石隋十三人總管

竇靜字元休岐州平陵人抗子武德初累轉并州大總管府長史時突厥數為邊患軍糧不屬靜表請太原置屯田以省餽運議者以民物凋零不宜動眾書奏不省靜頻上書辭甚切至於是徵入朝與裴寂等爭論於殿庭寂等不能屈竟從靜議歲收粟十萬斛高祖善之令檢校并州大總管靜又請

山西通志卷一百一

名宦錄一

三



所石嶺關以為郵塞復從之貞觀初封信都男歷遷民部尚書卒諡肅

李神符高祖從父弟封襄邑王武德四年為并州總管頡利來寇出兵戰於汾水東敗之又勝於沙河之北累遷開府儀同三司卒

劉世讓醴泉人高祖時為檢校并州總管突厥入寇馳騎八百赴之敵軍大至乃保武州立柵遏拒敵使其友鄭元璠來說世讓叱曰丈夫奈何為賊作說客耶敵遂引去制褒美之召拜廣州總管高祖問借邊策世讓請於崞城置智勇之將多儲金帛數出奇兵略馬邑城高祖使馳驛往經略之突厥懼乃縱反問言世讓與可汗通謀高祖不察遂遇害

李勣字懋功曹州離狐人本姓徐貞觀元年拜并州都督三年為通漠道行軍總管出雲中與突厥戰走之遂勒兵從李靖前屯磧口降突厥部落五萬時高宗為晉王進領并州大都督授勣光祿大夫行并州大都督府長史十一年封英國公在并州十六年令行禁止號為稱職太宗謂侍臣曰隋不能精選賢良安撫邊境惟解築長城以備突厥情識之惑一至於此朕今委任李勣於并州遂使突厥畏威遁走塞垣安

靜豈不遠勝築長城耶召為兵部尚書尋為朔方道行軍總管敗薛延陀子大度設於青山高宗初累拜尚書左僕射乾封二年卒

裴懷古壽春人儀鳳中詣闕上書以監察御史使突厥不肯拜亡達并州長史武重規左右爭執之有果毅嘗讒懷古疾呼曰裴御史也遂免累遷并州大都督府長史弭亂辨枉人

吏愛慕神龍中遷左羽林大將軍行未達都復授并州長史吏人聞懷古還老幼歡迎時崔宣道代為并州下車而罷出郊以候懷古恐傷宣道意命官吏驅逐出迎入百姓奔赴愈眾其為人所思如此俄轉幽州都督卒

婁師德鄭州原武人擢進士第天授初以軍功累授左金吾將軍兼檢校豐州都督知營田事衣袴率士屯田積穀數百萬兵以饒給無轉餉和羅之勞長壽元年召拜夏官侍郎同平章事封譙縣子聖歷二年突厥入寇令檢校并州長史仍充天平軍大總管是歲九月卒贈涼州都督諡曰貞師德深沈有度量其弟守代州辭之官教之耐事弟曰人有唾面擦之乃已師德曰未也潔之是違其怒正使自乾耳為將相三十年獨能以功名始終

山西通志卷一百一 名臣錄一 三

崔神慶義元次子舉明經累遷萊州刺史入朝待制則天以神慶歷職有美政又其父嘗有勳贊勳擢拜并州長史因謂曰并州朕之枌榆又有軍馬比日簡擇無如卿者前後長史皆從尚書為之以其委重所以授卿也因自為按行圖擇曰而遣之神慶到州有豪富偽作改錢文勅文書下州殺麥踊貴百姓驚擾神慶執奏以為不便下制褒賞之先是并州有東西二城隔汾水神慶始築城相接每歲省防禦兵數千人邊州甚以為便坐兄神基貶卒贈幽州都督

魏元忠宋州宋城人高宗時上書言兵務授秘書省正字聖歷二年拜鳳閣侍郎同平章事檢校并州長史相王為并州元帥又以元忠為副時奉宸令張易之嘗縱其家奴陵暴百姓元忠管殺之權豪莫不敬憚突厥與吐蕃犯塞加大總管



拒之元忠在軍無所克獲然亦未嘗敗失神龍初復知政事封齊國公

張循憲則天時以御史爲河東採訪使事有未決病之問吏曰若頗知有嘉客乎吏以猗氏張嘉貞對因召見咨以事命草奏武后以爲能對皆嘉貞所爲請以官讓后乃拜嘉貞監察御史而摧循憲司勳郎中疇其得人

張嘉貞蒲州猗氏人則天未累遷并州長史爲政嚴肅甚爲人吏所畏開元初奏事至京師上聞其善政數加賞慰時突厥新附散居太原以北嘉貞奏請置軍以鎮之於是始於并州置天兵軍以嘉貞爲使六年入朝累拜同平章事遷中書令封河東侯卒諡恭肅

山西通志卷一百一 名宦錄一

薛訥字慎言絳州萬泉人仁貴子則天末爲并州大都督府長史兼檢校左衛大將軍後封平陽郡公爲朔方行軍大總管卒諡昭訓沈勇寡言用兵臨大敵益壯

王峻滄州景城人擢明經第則天末累拜鴻臚卿充朔州副大總管安北大都護開元二年以破吐蕃功封清源縣男進并州都督府長史明年突厥默啜爲拔曳固所殺其下多降分置河曲峻上書言宜置內地不然者且必有變書未報而虜已叛乃救峻將并州兵濟河以討之峻問行卷甲捨幕趨山谷夜遇雪恐失期誓於神曰峻事君不以忠不討有罪天所殛者當自蒙罰士衆無非心誠忠而天監之則止雪反風以獎成功俄而和霽自東道追及大破之獲級三千又破跌跌部勺磨等封清源公徙封中山郡公進吏部尚書太原尹代張說爲兵部尚書同中書門下三品充朔方節度大使河

北河西河東隴右盡屬卒贈尚書左丞相諡忠烈

張說字道濟洛陽人對策乙等歷拜中書令封燕國公開元七年檢校并州長史兼天兵軍大使攝御史大夫兼修國史仍齊史本隨軍修撰朔方軍大使王峻誅河曲降虜阿不思九姓同羅拔曳固等疑懼說持節從輕騎二十直詣其部宿帳下召見酋豪慰安之副使李憲諫說報曰吾肉非黃羊不畏其食血非野馬不畏其刺士常見危致命亦吾効死秋也由是九姓遂安党項羌攻銀城將步騎出河關破之明年詔爲朔方節度大使親行五城督士馬議徙河曲六州諸部五萬於唐鄧仙豫間奏罷邊鎮兵二十萬還農上幸并州說見上說上由河東入京師祠后土爲三農祈穀上納之卒贈太師諡曰文貞

山西通志卷一百一 名宦錄一

崔隱甫貝州武城人爲殿中侍御史以劾浮屠惠範貶先天初擢汾州長史兼河東道支度營田使開元九年拜太原尹民刻石頌其美政十二年入歷御史大夫威名赫然而憂去二十四年起爲太原尹仍爲河東採訪處置使後歷東都留守卒諡曰忠隱甫爲政嚴肅甚爲人吏所嘆服

崔日用滑州靈昌人舉進士爲芮城尉景雲中歷拜黃門侍郎參知機務封齊國公開元十年轉并州大都督府長史卒并人懷其惠吏民數百皆編服送喪諡曰昭韋湊字彥宗京兆萬年人封彭城郡公開元十年自汾州刺史拜太原尹兼節度支度營田大使又兼北都軍器監邊備修舉詔賜時服勞勉之及病遣上醫臨治其年卒諡曰文王忠嗣太原祁人太谷男海賓子父歿於陣忠嗣幼育禁中



試守代州別駕信安王禕為河東副元帥引為兵馬使開元二十一年遷左威衛將軍封清源縣男兼檢校代州都督拜左金吾衛將軍兼左羽林上將軍河東節度副使兼大同軍使二十八年以本官兼代州都督充河東節度使明年代韋光乘為朔方節度仍權知河東節度使討奚奴皆敗之其年以田仁琬充河東節度使忠嗣依舊朔方節度兼靈州都督營木刺蘭山平突厥烏蘇米施可汗築大同靜邊城併受降振武為一城天寶四載以功攝御史大夫充河東節度採訪使進封清源縣公訓練士馬隨關繕補士樂為用軍每出召屬長付以兵使授士卒無遺矢亡鏃之費器甲充初自朔方雲中緣邊數千里當要害地開拓舊城或自創制斥地各數百里自張仁奩之後四十餘年忠嗣繼之復罷戰五載持節

山西通志卷一百一 名宦錄一 三十九

充西河隴右節度使其月又權知朔方河東節度使事忠嗣佩四將印控制萬里為唐名將尋遷鴻臚卿餘如故又加金紫光祿大夫以詔問取石城堡方略忤旨李林甫復陷之貶漢陽太守轉漢東郡太守卒寶應元年追贈兵部尚書

宋慶禮沼州永平人擢明經開元中以習識邊事拜河東河北營田使善騎日能馳數百里性甘勞苦好興作濱塞掘堦植兵以邀虜徑再轉營州都督卒贈工部尚書謚曰敬

李嵩淮安王神通元孫開元中累遷黃門侍郎兼太原尹仍充太原以北諸軍節度使太原舊俗有僧徒以習禪為業及死不敘但以尸送近郊以餽鳥獸如是積年土人號其地為黃所側有餓狗數千侵害幼弱遠近患之前後官吏不能禁止嵩到官申明禮憲期不再犯發兵捕殺羣狗其風遂革久

之轉太常卿所歷皆以威重見稱累封武都縣伯卒

郭子儀華州鄭縣人以武舉高等累遷單于副都護振遠軍使天寶八載木刺山始築橫塞軍及安北都護府命子儀領其使拜左衛大將軍十三載移橫塞軍及安北都護府於永清棚北築城仍改橫塞為天德軍子儀為之使兼九原太守朔方節度右兵馬使十四載詔為衛尉卿兼靈武太守充朔方節度使以本軍東討安祿山收靜邊軍斬賊將周萬頃擊高秀巖河曲敗之遂收雲中馬邑開東陞加御史大夫因引軍下井陘與李光弼合至德二載復蒲州崔乾祐走收永豐倉關陝始通河東西河南州縣悉平進司空河東副元帥復兩京以功加司徒封代國公後召還上元三年二月河中軍亂殺其帥李國貞時太原節度鄧景山亦為部下所殺乃

山西通志卷一百一 名宦錄一 三十九

以子儀為朔方河中北庭潞儀沁澤等州節度行營兼興平定國副元帥充本管觀察處置使進封汾陽郡王屯絳州上引至隊內曰河東事一以委卿三月至絳擒殺國貞賊首王元振數十人誅之太原辛雲京聞之亦誅害景山者河東諸鎮皆惕息四月代宗即位罷副元帥明年十月吐蕃至武功詔為關內副元帥鎮咸陽寇退時僕固懷恩方頓軍汾州掠汾并諸邑乃命兼河東副元帥河中節度觀察使鎮河中僕固瑒來歸懷恩走靈州明年十一月拜尚書令固辭永泰元年五月拜都統河南道節度行營復鎮河中急召屯涇陽破吐蕃還河中大曆三年十月兼邠甯節度自河中移鎮邠州德宗即位詔還朝攝冢宰賜號尚父進位太尉中書令建中二年卒贈太師謚曰忠武



李光弼營州柳城人天寶十一載拜軍于副都護祿山之亂郭子儀薦光弼堪闕寄十五載正月爲雲中太守攝御史大夫充河東節度副使知節度事二月轉魏郡太守河北道採訪使以朔方兵五千出土門屢敗賊會潼關失收兵入井陘肅宗理兵靈武遣使追赴行在授戶部尚書兼太原尹北都留守同中書門下平章事以景城河間卒五千赴太原時節度王承業軍政不修詔御史崔衆交兵每侮易承業光弼素不平至是交兵衆以麾下光弼出迎旌旗相接而不避光弼怒其無禮又不卽交兵令收繫之頃中使至除衆中丞懷其勅問衆所在光弼曰衆有罪繫之矣中使以勅示光弼曰今只斬御史若宣制命卽斬中丞若拜宰相卽斬宰相中使懼遂寢之而還翌日以兵仗圍衆至碑堂下斬之威震三軍

山西通志卷一百一 名宦錄一

三

命其親屬弔之二年賊將史思明蔡希德等四僞帥率衆十餘萬來攻太原光弼經河北苦戰精兵盡赴朔方麾下皆烏合衆不滿萬人思明謂諸將曰光弼兵寡弱可屈指取太原鼓行而西圖河隴朔方無後顧矣光弼部將聞之皆懼議欲修城以待光弼曰城周四十里賊垂至與役是未見敵而自疲矣乃躬率士卒百姓於城外掘壕自固增壘於內壞輒補之賊逼城發強弩機石賊驍勁卒死者十二三城中長幼皆伏其勤智懦兵增氣皆欲出戰思明揣知先歸留蔡希德等攻之月餘卒敢死士出擊大破之斬首七萬餘級賊始至及遁五十餘日光弼設小幕宿於城東南隅有急卽應行過府門未嘗迴顧賊退三日決軍事畢始歸府第轉檢校司徒收清夷橫野等軍擒賊將李宏義以歸詔守司空兼兵部尚書

中書門下平章事進魏國公乾元元年入朝遷侍中改鄭國二年七月制拜天下兵馬副元帥知節度行營事八月九節度兵皆潰惟光弼所部不散整衆還太原加大尉兼中書令代郭子儀爲朔方節度兵馬副元帥十月破史思明於河陽及邙山敗光弼渡河保聞喜尋拜河中尹晉絳等州節度使未幾鎮臨淮寶應元年進封臨淮郡王二年卒於徐州贈太保諡曰武穆

王思禮高麗人至德中從收二京封霍國公爲關內行營節度兼潞沁等州節度乾元元年總關中潞州行營兵三萬騎八千圍相州軍潰獨完軍還二年李光弼鎮河陽制以思禮爲太原尹北京留守河東節度副大使上元二年卒贈太尉諡曰武烈思禮持法嚴整士不敢犯在太原器甲完精儲粟

山西通志卷一百一 名宦錄一

三

至百萬斛云  
辛雲京蘭州金城人有膽決官北京都知兵馬使代州刺史鄧景山統馭失所爲軍士所殺請雲京爲節度使因授兼太原尹封金城郡王雲京質性沈毅部下有犯令者不貸絲毫其賞功効亦如之故三軍整肅回紇恃舊動入界輒肆狼貪至太原不敢惕息數年太原大治無烽警虞累加檢校左僕射同中書門下平章事大曆三年八月卒贈太尉諡曰忠獻馬燧字洵美汝州郟城人父季龍嵐州刺史燧沈勇多算實應中澤潞節度使李抱玉署爲趙城尉時回紇還國恃功恣睢所過皆剽傷資介無敢往饋勞燧自請典辦具乃先賂其酋與約得其旗章爲信犯令者得斬之又取死囚給役左右小違令輒戮死虜大駭至出境無敢暴者抱玉才之因進說



曰僕固懷恩將必窺太原當為備抱玉令燧說相衛薛嵩嵩告絕于懷恩即署燧左武衛兵曹參軍大厯中累遷河東節度留後進節度使時太原承鮑防之敗兵力衰竭燧募厮役得數千人悉補騎士教之戰數月成精卒造鎧必短長三制稱上所衣以便進趨為戰車冒以狡狴象列戟於後行以載兵止則為陣遇險則制衝冒器用完銳居一年闢廣場羅兵三萬以肄威震北方建中二年朝京師遣檢校兵部尚書封幽國公田悅攻臨洛詔燧以步騎二萬救之出嚙口屢敗悅兵以功封北平郡王會西符道軍太原時北邊數有警燧念晉陽王業所基宜固險以示敵乃引晉水架汾而屬之城濬為東隍省守陴萬人又醞汾環城樹以固隄詔兼保甯軍節度使李懷光反詔為河東保甯奉誠軍行營副元帥與渾瑊

山西通志卷一百一 名宦錄一

駱元光討之檄降晉隰慈州因拜晉絳慈隰節度使燧固讓康日知且言因降授節恐後有功者踵以為例上嘉許籍府庫兵仗以授日知乃略定絳裨將谷秀違令掠士女斬以狗又勝賊寶鼎河中平遷光祿大夫兼侍中還自太原上賜宸展台衡二銘以言君臣相成之美勒石起義堂上榜其額以寵之貞元二年詔為綬銀麟勝招討使次石州尚結贊乞盟明年還太原入朝奪兵拜司徒兼侍中卒贈太傅諡曰莊武李自良兗州泗水人薛兼訓節度太原為牙將鮑防代兼訓回紇入寇遣大將焦伯瑜等擊之自良請築二壘益歸路堅壁勿出防不聽伯瑜戰百井大敗由是知名馬燧代防表為軍候自良勤且有謀燧倚信之從討田悅還攻河中數履鋒陷陣功在諸將右貞元三年燧入朝用自良代自良以事燧

久不敢當議者多其讓授右龍武大將軍上以河東近胡謂曰卿於進退甯不有禮然守北門無易卿者勉為朕行乃以檢校工部尚書充河東節度使居治九年舉不愆法簡儉易循民不知有軍上下譜附卒于官

嚴綬蜀人貞元十七年自行軍司馬拜檢校工部尚書兼太原尹御史大夫北都留守充河東節度支度營田觀察處置等使以與平劉夏功拜司空封扶風郡公在鎮九年為政寬惠士馬蕃息境內稱治入拜尚書右僕射後拜太傅卒贈太保

令狐楚字敬士貞元七年進士桂管觀察使王拱愛其才奏聘之時楚父承簡掾太原有庭闈之戀又感拱厚意乃徑往桂林謝拱不預遊宴乞歸奉養即還太原人皆義之李說嚴

山西通志卷一百一 名宦錄一

綬鄭儋相繼鎮太原皆辟為從事自掌書記至節度判官殿中侍御史楚才思俊麗德宗好文每太原奏至能辨楚所為數稱之鄭儋在鎮暴卒不及占後事軍中諠譁將有急變中夜十數騎持刃迫楚至軍門草遺表諸將圍視楚色不變搗管即成讀示三軍無不感泣軍情乃安由是名益重元和十四年授中書侍郎同平章事太和六年二月為太原尹北都留守河東節度等使楚久在并州練其風俗因人所利而利之雖屬歲旱人無轉徙楚始自書生隨計成名皆在太原實如故里及是秉旄作鎮邑老歡迎楚撫綏有方軍民胥悅七年六月入為吏部尚書封彭陽郡公卒贈司空諡曰文王鏐字昆吾太原人元和二年除檢校司徒河中節度居三年兼太子太傅移河東河東自范希朝後兵騎殘耗鏐能補



完當費未幾兵至五萬騎五千財用豐餘會回鶻并摩尼師入朝鏐欲示威武傾駭之乃悉軍迎延列五十里旗幟光鮮戈鎧犀密回鶻恐不敢仰視鏐偃然受其禮上聞嘉之即除檢校司空同中書門下平章事十年卒贈太尉

柳公綽字起之解人家華原舉賢良方正慈隲觀察使姚齊梧奏爲判官得殿中侍御史累遷刑部尚書京兆尹太和四年檢校左僕射太原尹北都留守河東節度觀察等使遭歲歉樽節用度輟宴飲食與士卒均北部梅祿將軍李暢以馬來市使牙將祖考恭單馬勞同暢感義出涕陞北沙陀部諸部長之公綽召其酋朱邪執宜抵雲朔塞下治廢柵十一募兵三千付之留屯塞上其妻母來太原者令妻梁國夫人飲食問遺之沙陀感恩深荷其効六年以病求代三月還京師授兵部尚書卒諡曰成

李載義常山愍王之後爲盧龍節度使封武威郡王累拜太保同平章事太和七年爲北都留守兼太原尹河東節度觀察處置等使回鶻使人朝所至強暴時李暢曉華語益恣肆載義召與語曰可汗使將軍朝貢以固甥舅之好不容將軍暴也朝廷厚饗餼以禮客有不至吏皆坐死若將軍部伍不戢剽掠廬舍載義必殺爲盜者將軍其戒之罷防守之兵使兩卒伺其門暢嚴憚訖不敢犯令九年加侍中開成二年卒贈太尉

盧簡求字子臧蒲州人長慶初進士會昌十四年八月代裴休爲太原尹北都留守充河東節度觀察等使簡求辭翰縱橫長於應變歷涇原義武鳳翔及太原四鎮皆控邊陲以邊

警移投所至撫御晏然太原軍素管吐渾契苾沙陀三部落前政或要盟誓或質子弟簡求開懷撫待接以恩信所質子弟一切遣之三部欣然聽命咸通中以疾辭致仕卒贈尚書左僕射

王宰智興子懷州溫人本名晏宰後去晏獨名宰會昌中以忠武節度討劉稹取天井關攻陵川破賊石會關進攻澤州昭義平遂歷上黨太原節度使扞回鶻党項屢立邊功後以太子少保分司東都進少傅卒

畢誠字存之邠州須昌人太和中進士拜翰林學士大中末召問邊事誠列破羌狀上悅曰不期頗收在吾禁中即節度那甯邊境又安移鎮潞澤充昭義節度使二年改太原尹北都留守河東節度明賞罰謹斥候修把頭七十烽期年諸部

革心就加尚書左僕射移鎮宣武遂同平章事在相位三年十月以疾固辭位詔守兵部尚書同平章事出鎮河中十二月卒於鎮

劉瞻字畿之彭城人大中進士咸通中爲太原尹河東節度使十年同平章事十一年以諫誅醫官貶復爲平章事卒瞻性廉約終始完潔

崔彥昭字思文清河人大中三年進士精於吏事數治郡有聲十一年檢校刑部尚書太原尹北都留守河東節度管內觀察等使時徐泗用兵後北戎多警沙陀諸部動干紀律彥昭柔以恩惠來以兵威三年間北門大治軍民歌之考滿受代耆老數千詣闕乞留詔留任十五年三月召爲吏部侍郎乾符初同平章事罷相分司卒



李蔚字茂休隴西人開成進士第咸通六年同平章事加中書侍郎罷相歷藩鎮乾符六年河東殺其帥崔季康用邠甯李侃代之士不附以蔚嘗為太原從事軍民懷之詔為太原尹北都留守河東節度觀察等使十月至鎮下車三日卒鄭從讜字正求滎陽人僕射餘慶孫登進士咸通三年檢校刑部尚書太原尹北都留守河東節度觀察等使踰年歷同平章事門下侍郎乾符中沙陀李國昌累侵忻代等州前帥寶瀚李保李蔚相繼以重臣鎮并部皆不能遏俄而康傳圭為張彥球部所殺軍士益驕朝廷難於擇帥詔從讜檢校司空同平章事太原尹北都留守河東節度兼行營招討等使詔自擇參佐乃奏王調為副使劉崇龜為節度判官趙崇為觀察判官劉崇魯充推官李渥充掌書記崔澤充支使開募

山西通志卷一百一 名宦錄一 三

之盛冠於一時中朝人士目河東為小朝廷言得才多也時承新亂剽掠日旁午從讜神機善斷奸無遁情搜其魁誅之以彥球本善意且才可任釋不問而付以兵故得其死力賊發輒得羣豪揚息黃巢犯闕從讜首倡仗義遣牙將論安後院軍使朱玫率步騎五千人從諸葛爽赴難而李克用以兵奄至營於汾東稱奉詔赴難從讜具厚餽犒勞信宿不發陰縱其下肆掠從讜追安使與大將王蟾高弁薛威踵擊會振武契苾通兵至沙陀收遺安等屯北百井安擅遣從讜合諸將斬之中和二年詔救沙陀部使討賊自贖沙陀五部數萬人自嵐石沿河而南不敢蹈境惟克用從數百騎臨城敘別從讜以名馬器幣歸之明年克用破賊授河東節度代從讜克用使來曰方省親雁門願公徐行從讜即日以監軍周

從寓知兵馬留後掌書記劉崇魯知觀察留後救按籍效之時道途多寇行次絳州留數月詔赴行在復秉政進司徒拜侍中卒諡曰文忠

陸象先蘇州吳縣人先天中歷遷河中尹六年廢河中府復名蒲州象先為刺史仍為河東道按察使小吏嘗犯罪但示語而遣之錄事白例當杖象先曰人情相去不遠此豈不解吾言若必須行杖即當自汝始錄事慙懼而退象先嘗謂人曰天下本無事庸人擾之為煩耳但澄其源則亦何憂不簡所至政如一人吏咸懷思之按察使停入歷太子少保卒李麟宗室潞子天寶十四載以國子祭酒出為河東太守河東道採訪使為政情簡吏民稱之

山西通志卷一百一 名宦錄一 美

李承趙郡高邑人建中二年七月拜河中尹河中晉絳都防禦觀察使居官以貞廉才術見稱於時  
渾瑊鐵勒部之後署折衝果毅城水清及天安軍肅宗初遷行在敗虜於天德大厯中回紇侵太原破鰓防軍拜瑊都知兵馬使自石嶺關而南督諸軍犄角虜引去進軍于大都護振武東受降城鎮北大都護府綏銀麟勝州節度副大使平朱泚授河中絳慈隰節度使河中同陝虢行營副元帥封咸甯郡王與李晟鈞禮平李懷光檢校司空還屯河中吐蕃入使鎮奉天寇罷還河中貞元四年還邠甯進檢校司徒兼中書令十五年卒贈太師諡曰忠武  
杜黃裳字遵素京兆杜陵人第進士憲宗初擢門下侍郎同中書門下平章事元和二年正月檢校司空同平章事兼河中尹河中晉絳等州節度使封邠國公三年九月卒於河中



贈司徒謚曰宣獻黃裳達權變有王佐大略當大政未久不究其才及處外天下常所屬意

李絳字深之趙郡贊皇人第進士元和中為翰林學士烏重允縛盧從史吐突承瑊牒署昭義拜中書侍郎同平章事留後尋以足疾求免十四年檢校吏部尚書河中觀察使河中故節制而皇甫鉞惡絳薄其恩議者不直鉞得罪復召為兵部尚書絳在華州嘗請罷捕鷄戶詔并澤潞太原天威府罷之

呂元膺字景夫鄆州東平人策賢良高第授安邑尉辟長春宮判官李懷光拒命河中輒解去元和中拜河中尹充河中節度等使時方鎮多姑息獨元膺秉正自將監軍及中人注來者無不嚴憚入拜吏部侍郎改太子賓客卒贈吏部尚書

山西通志卷一百一 名宦錄一

元膺居官始終無訾缺時號名臣

郭釗子儀孫駙馬都尉暖子穆宗初為河中尹領晉絳慈州節度蒞政簡約不撓其俗自理敬宗立歷西川節度使

卿卒贈司徒

王起字舉之太原人登進士太和六年檢校吏部尚書河中尹河中晉絳節度使時屬蝗旱粟價暴踊豪門閉糴以要善價起下令家得儲三十斛餘出粟於市隱者死神策士怙勢不從置於法由是民獲濟焉七年入為兵部尚書

李襲譽字茂實金州安康人唐初封安康郡公為潞州總督突厥既和親又通使王世充襲譽掩擊悉斬之因委典運以餽東軍後歷蒲州刺史所治以威肅聞

李抱貞字太元河西人抱玉從父弟也沈慮而斷抱玉屬以

軍事授汾州別駕昭僕因懷恩挺身歸京師遷殿中少監陳鄭潞澤節度留後既謝因言百姓勞逸在牧守願得一州自效更授澤州刺史兼澤潞節度副使徙懷州仍為懷澤潞觀察留後凡八年抱貞策山東有變澤潞兵所走集乘戰伐後賦重人困軍伍彫刻乃籍戶三丁擇一獨其徭租給弓矢令

開月得曹偶習射歲終大校親按籍第能否賞罰比三年皆為精兵舉所部得成二萬既不願於官而府庫實乃日軍可用矣繕甲淬兵遂雄山東天下稱昭義步兵為諸軍冠久之為潞澤節度行軍司馬會昭義節度李承昭病詔抱貞權攝邢兵馬留後德宗初檢校工部尚書領昭義節度使建中中

山西通志卷一百一 名宦錄一

據河中抱貞獨以敗州截然橫絕潰叛中離沮其姦為羣盜所憚與元初檢校左僕射同中書門下平章事累進封義陽郡王復以破朱滔功進檢校司空貞元初入朝詔還鎮抱貞

喜士聞世賢者必欲與之遊雖小善皆卑辭厚幣數千里邀致之卒子緘以印綸上監軍始發喪歸東都詔贈抱貞太保王虔休字君佐汝州梁人涉學有武材以信義聞潞澤李抱貞厚幣招之授兵馬使以從破臨洛功擢步軍都虞候封同昌郡王貞元十年抱貞卒元仲經等謀樹其子緘虔休正色

語眾曰軍王軍士王士帥亡當稟天子何云云有妄謀眾服其言得不亂德宗嘉之以邕王為昭義節度大使擢虔休潞州左司馬領留後號令撫循軍中大治二歲遷昭義節度使

檢校工部尚書始屬城州縣守宰多署他職不親政故治苟



簡度休增俸廩遣就部人以分安卒贈尚書左僕射諡曰敬  
虔休性恪敏節用度既歿所部帑廩皆可支數歲嘗得太常  
樂家劉玠撰繼天誕聖樂因上誕日以獻焉

郝士美字和夫高平金鄉人自潞州從事累拜御史大夫經  
畧黔中以平賊功封高平郡公元和六年檢校工部尚書潞  
州大都督府長史充昭義節度使昭義自李抱貞以來皆武  
臣私廚月費米六千石羊千首酒數十斛潞州因甚士美至  
悉去之出廩錢市物自給又虛從史時日具三百人膳以餉  
牙兵士美曰卒衛于牙固職也安得廣費為私恩亦罷之詔  
討王承宗大將王獻恣橫逗撓斬以徇下令曰敢後者斬兵  
最先有功憲宗喜曰固知士美能辦吾事十二年以疾徵為  
工部尚書卒諡曰景

山西通志卷一百一 名宦錄一 聖

辛祕隴西人舉五經歷河東司馬元和十二年代郝士美為  
潞州大都督府長史御史大夫昭義節度澤潞磁洛邢等州  
觀察使時以再討王承宗澤潞壓境調費尤甚祕在鎮四歲  
約出入齎用度府庫積錢十七萬緡糧七十萬斛器械堅良  
復為完鎮家無豐財厚產為時所稱

盧鈞字子和范陽人元和四年進士從裴度為太原觀察支  
使遷監察御史白宋申錫之枉由是知名應轉山南東道節  
度使會昌四年誅劉稹以鈞寬厚能得眾詔兼節度昭義軍  
會稹死敕乘驛往及潞石雄兵已入而稹將白惟信率餘卒  
三千保潞城未下雄召之使往十餘輩皆死鈞次高平惟信  
獻款鈞與約而遣雄欲盡夷潞兵鈞不聽坐治堂下左右皆  
雄親卒擊鼓傳漏鈞自居甚安雄引去乃召惟信至送闕下

餘眾悉原俄而與士五千戍代北戍卒反攻城鈞倉卒奔潞  
城眾迎還斬首惡乃定詔使盡戮之鈞請徐乘其變訖盡誅  
之拜檢校尚書左僕射尋入拜戶部侍郎後封范陽郡公大  
中六年檢校司空太原尹北都留守河東節度使九年詔為  
尚書左僕射

沈詢吳人第進士咸通中檢校戶部尚書潞州長史昭義節  
度使治尚簡易人皆便安奴結牙將夜攻詢滅其家贈兵部  
尚書以左散騎常侍劉潼代為節度馳至劉奴祭詢

劉潼字子固曹州南華人遷孫登進士第拜昭義節度使徙  
河東所治治辦卒贈司空

孫揆字聖圭潞州涉縣人第進士累拜京兆尹昭宗討李克  
用為招討副使更授昭義節度使以本道兵會戰克用伏兵

山西通志卷一百一 名宦錄一 聖

才黃嶺執揆厚禮將用之曰公輩當從容廟堂何為自履行  
陣也揆大罵不謂克用怒使以鋸解之鋸齒不行揆謂曰死  
狗奴解人當束之以版汝輩安知行刑者如其所言晉聲不  
輟至死昭宗憐之贈左僕射

李克修字崇遠國昌子從討龐勛以功拜朔州刺史克用  
鎮雁門為奉誠軍使後表昭義軍節度使數出山東擊孟方  
立又與李罕之攻懷孟克用自將擊方立還軍過潞供饋甚  
薄克用怒詬而笞之克修慙憤發疾卒克修為人簡儉潞人  
素安其政其卒也人皆哀之

李嗣昭太谷縣人天祐三年攻潞州為昭義軍節度使梁  
遣李思安將兵十萬攻潞築夾城以圍之朱温常遣人招降  
嗣昭嗣昭斬其使者閉城拒守明年莊宗始攻破夾城嗣昭



完輯兵民撫養甚有恩意

李大恩代州總督武德四年頡利與死君璋合寇雁門大恩擊卻之明年大恩上言突厥饑馬邑可圖詔殿中少監獨孤晟共擊之晟後約大恩不敢進屯新城頡利自將數萬騎與劉黑闥合圍之大恩戰沒

張公謹字宏慎魏州繁水人貞觀元年拜代州都督上表請置屯田以省轉運又言前後時政十餘事並見納用遣李靖經略突厥公謹爲副言突厥可取狀太宗納之破定襄敗頡利進封鄯國公轉襄州都督卒諡曰襄十三年改封鄯國公張儉雍州新豐人貞觀初以軍功累遷朔州刺史時頡利自恃強盛每有所求輒遣書稱勅緣邊選相承稟儉獨拒不受太宗聞而嘉之儉又廣營屯田歲致穀十萬斛邊糧益饒及

山西通志卷一百一 名宦錄一

遭霜旱勸百姓相贈遂免饑殍州境獨安李靖平突厥有恩結部貧窮離散儉招慰安集之以母憂解朔州後將疑思結遽奏聞發兵進討仍起儉爲使儉單車推誠入其部落召諸首領布腹心咸匍匐歸命便移就代州即令檢校代州都督勸令營田歲數豐稔慮其私蓄富實易生驕侈表請和雜擬充貯備蕃人喜悅邊軍大收其利擊高麗封皖城郡公改東夷都護卒諡曰密

薛仁貴絳州龍門人開耀元年拜右領軍衛將軍檢校代州都督擊突厥元珍於雲州突厥問曰唐將爲誰曰薛仁貴突厥曰吾聞薛將軍流象州死矣安得復生仁貴脫兜鍪見之突厥相視失色下馬羅拜稍遁去仁貴因進擊大破之斬首萬級獲生口三萬牛馬稱是其年卒

程務挺涪州平恩人以軍功遷右領軍衛中郎將破突厥六萬騎於雲州永隆中阿史那伏念叛詔裴行儉討之務挺爲副以功封平原郡公遷左武衛大將軍單于道安撫大使禦突厥善綏禦士服其威愛突厥憚之不敢盜邊後申救裴炎被害突厥聞之率相慶爲立祠每出師輒禱焉

張仁愿華州下邳人有文武才則天時爲并州都督長史神龍二年移潞州三年突厥入寇朔方軍總管沙吒忠義爲賊所敗詔攝御史大夫代忠義統眾仁愿至軍而賊眾已退乃躡其後夜掩擊大破之先朔方軍北與突厥以河爲界河北岸有拂雲神祠突厥將入寇必先詣廟祭酌求福因牧馬料兵而後渡河時默啜盡眾西擊突騎施婆葛仁愿請乘虛奪取漠南地於河北築三受降城首尾相應以絕其南寇之路

山西通志卷一百一 名宦錄一

太子少師唐休璟以爲兩漢以來皆北守黃河今於寇境築城恐勞人費功終爲賊虜所有建議以爲不便仁愿固請不已中宗竟從之仁愿表留年滿鎮兵以助功時咸陽兵二百餘人逃歸盡擒之一時斬城下軍中股栗役者盡力六旬而三城就以拂雲祠爲中城與東西兩城相去各四百餘里皆據津濟遙相應接其北皆大磧也拓地三百餘里於牛頭朝那山北置烽墩一千八百所自是突厥不得度山放牧朔方無復寇掠減鎮兵數萬人仁愿初建三城不置壅門及卻敵戰格或曰邊城不爲守備何也仁愿曰兵貴攻取不宜退守寇若至此卽當併力出戰迴顧望城猶須斬之何用守備生其退惡之心也其後常元楷爲總管始築壅門議者益重仁愿而輕元楷焉仁愿嘗奏用監察御史張敬忠等數十人皆



以文章著稱多至大官時稱其知人景龍二年拜左衛大將軍同中書門下三品封韓國公春還朝秋復督軍備邊中宗賦詩祖餞賞賜不可勝紀尋加鎮軍大將軍睿宗初致仕加兵部尚書卒贈太子少傅仁愿為將號令嚴將吏信服按邊撫師賞罰必值功罪後人思之為立祠受降城出師輒享焉范希朝河中虞鄉人德宗初除振武節度使加檢校禮部尚書振武有党項室韋諸郡時為盜希朝於要害置柵堡斥候嚴密人遂獲安為盜者必殺無赦戎虜甚憚之曰有張光晟苦城久矣今聞是乃更姓名而來其見畏如此蕃落凡有進獻無所受積十四年皆保塞不為橫城中少樹希朝於他處市柳子命軍人種之俄遂成林居人賴之元和初累遷河東節度使

山西通志卷一百一 名宦錄一 聖

高霞寓范陽人元和五年以左威衛將軍從吐突承瓘擊王承宗承瓘執昭義盧從史其軍驚遺霞寓論之麾而大呼曰元惡縛矣公等宜自安即脫鎧揖而前眾遂定欲留為帥霞寓聞道去明年改豐州刺史三城都團練防禦使累遷工部尚書左衛大將軍長慶三年為振武節度使吐蕃攻鹽州二州以兵五千屯拂雲堆寇引去浚金河溉鹵地數千頃歷右金吾衛大將軍卒贈太保劉沔字子汪徐州彭城人少客振武節度使范希朝署牙將軍中大會沔提刀立堂下希朝奇之召謂曰後日必處吾上太和中為天德軍防禦使移振武節度使檢校右散騎常侍單于大都護開成三年突厥劫營沔發吐渾契苾沙陀部萬人擊之賊一善無返者悉頒所獲馬牛於戰卒築都護府西

北四壘加檢校戶部尚書會昌初遷檢校尚書右僕射回鶻寇天德詔以兵據雲伽關寇引去二年又掠太原振武兵部郎中李拭獨稱沔才乃拜河東節度兼招撫回鶻使檢校尚書左僕射太原尹北京留守進屯雁門關虜寇雲州沔擊之斬七裨將寇殘眾走詔沔追北仍錄李靖平頡利事賜之軍還次代州擒誅歸義軍叛者劉稭拒命詔沔南討屯榆杜稭平進檢校司徒以病致仕卒

史獻忠字元貞建康人少為魏牙門將以善戰顯名大中初突厥擾河東鈔漕米行賈命為振武軍節度使先是鎮帥使游奕兵覘戎有良馬牛強取之歸值十一戎人因興盜掠獻忠廉儉少所欲常曰吾居河朔去此三千里乃乘五健馬今守邊發吾餘俸不患無馬何忍聚市哉故所至莫不懷德累

山西通志卷一百一 名宦錄一 聖

封北海縣子檢校尚書左僕射卒贈司空裴諝字士明聞喜人寬于大厯中為河東和肅鹽鐵等使時關輔大旱請入計代宗召見便殿問諝權酷之利二歲出入幾何諝久之不對上復問之對曰臣有所思上曰何思對曰臣自河東來其間所歷三百里見農人愁嘆穀菽未種誠宜軫念問人之疾苦而乃責臣以權酷孟子曰理國者仁義而已由是未敢即對也上前坐曰微公言吾不聞此拜左司郎中厯東都副留守卒贈禮部尚書司空與為度支判官工部侍郎領度支盧宏正以兩池鹽法久弊得費不相償使與檢鈎釐正條上新法即表為兩池使自是課入歲信用度賴之陸位以職方郎中兼侍御史總解鹽池有政績聞於朝



韓重華朔州武陵人歷兩池榷鹽使度支使盧坦表為代北水運使開廢田列壁二十益兵三千歲收粟二十萬石後為左金吾衛大將軍與甘露之難

右唐六十七人 案唐代太原蒲州潞安代州及歸德等處為節鎮略類次之而以河

山西通志卷一百一

山西通志卷一百一

名宦錄一

四七

名宦錄二

錄一之二

山西通志第一百二

賜進士出身頭品頂戴兵部侍郎兼都察院右副御史巡撫山西提督軍務臣張勳奉旨監修

臺司 五代至元

張憲莊宗時為北京留守莊宗及難聞鄴中兵士推戴明宗憲部將符彥超將應之張昭謂憲曰得毋奉表勸進為自安之計乎憲曰我本書生見知主上位至保釐乃布衣之極苟視顏求生何面目見主於地下昭曰此古人之志也公能行之死且不朽矣相泣而去憲遂死之時論重昭能成憲之節時有害昭者昭曰明誠取至期不再生主辱臣亡死而無悔眾執之以送彥超彥超曰推官正人無得害之又逼昭為勝安撫軍民事備以昭為北京留守推官

山西通志卷一百一

名宦錄二

一

右後唐一人

李筠太原人仕周為昭義軍節度使宋太祖受禪加中書令使者至潞欲拒之賓佐切諫乃宴使者酒半懸周太祖像涕泣不已賓佐惶駭告使者曰令公被酒失其常性幸無訝北漢主聞之以蠟書約筠同舉兵太祖手詔撫慰且官其子筠終不聽北漢主親將來會筠言受周太祖厚恩不敢愛死周漢仇也以故漢主不悅留監軍而返筠遂南據澤州戰敗而死

右後周一人

潘美字仲詢大名周高平之戰以功遷西上閣門副使宋開寶八年秋副党進攻太原戰於汾上破之且多俘獲太平興國四年為北路都招討判太原行府事部分諸將進討并



遂平命兼三交都部署留屯以扞北邊三交西北三百里名  
固軍其地險阻為北邊咽喉美潛師襲之遂據有其地因積  
粟屯兵以守之自是北邊以甯美嘗巡部至代州既秣馬  
食俄而遼兵萬騎逼塞美誓眾衝柝奮擊大破之雍熙三年  
詔美及曹彬崔彥進等北伐美獨拔寰朔雲應等州詔內徙  
其民會楊業敗於陳家谷坐削秩三等明年復檢校太師尋  
改都部署判并州加同平章事數月卒贈中書令謚武惠  
文彥博字寬夫介休人第進士知翼城縣通判絳州擢殿中  
侍御史黃德和誣劉平降戎以金幣賂并奴使附已說以證  
平家二百口皆械繫詔彥博置獄於河中鞠治得實德和黨  
援盛謀反其獄遣他御史來彥博拒不納曰朝廷慮獄不就  
故遣君今案具矣宜亟還事或弗成彥博執其咎德和并奴

山西通志卷一百一 名宦錄二

卒就誅以直史館為河東轉運副使鄜州餉道回遠銀城河  
外有唐時故道廢弗治彥博父洎為轉運使日將復之未及  
而卒彥博嗣成父志益儲粟元昊來寇圍城十日知有備解  
去累拜同平章事封潞國公尋以尙書左僕射判太原府治  
平中入為樞密使凡九年引去拜河東節度使復加兩鎮以  
太師致仕紹聖初卒謚忠烈  
高瓊濠州蒙城人太宗召置帳下從征太原命押弓弩兩班  
合圍攻城後為并州馬步軍都部署時潘美在太原舊制節  
度使領軍職者居上瓊以美舊臣奏請居其下從之戍兵有  
以廩食陳腐譁言者瓊知之適出巡諸營士卒方聚食因取  
其飯自啖之謂眾曰今邊鄙無警爾等坐飽甘豐宜知幸也  
眾言遂息尋改鎮州部署真宗初復任并代部署咸平中上

親巡河朔遣楊允恭馳召瓊率所部出土門與石保吉會鎮  
定兵罷復還本任轉運使言其政績詔褒之咸平三年召還  
終檢校太尉忠武軍節度使

雷有終字道成同州郃縣人德驥子太宗時德驥任陝西轉  
運奏為解州通判特許德驥不巡察是州有終入奏鹽池利  
害令還又權知軍事省通判洎化三年知并州真宗加工部  
侍郎二年代還旋平蜀寇景德中為并代副都部署賜黃金  
四百兩內舉起復幸澶淵詔率所部由土門抵鎮州與大兵  
會時王超桑贊暹繞唯有終赴援威聲甚振河北列城賴其  
雄張俄而遼修好命還屯所就判并州召拜宣徽北院使卒  
有終沈敏善斷能撫士卒豐宴犒官嘗展為備宿負千萬云  
王嗣宗汾州人開寶八年進士第一至道中為河東轉運使

山西通志卷一百一 名宦錄二

咸平中知并州兼并代部署州境有卧龍王廟每窮冬闕境  
致祀值風雪嚴寒老幼踏於道嗣宗亟毀之轉運使鄭文寶  
上其政績有詔褒美先是西邊市馬以給北邊戰士有瘠弱  
者即送闕下暑月道遠多斃嗣宗建議以汾州地涼樓煩諸  
監美水草請就放牧從之召拜御史中丞仕至樞密副使卒  
謚景莊  
張進兗州曲阜人咸平三年任并代副都部署李繼遷寇麟  
州州將遣單介問道乞師太原諸將以無詔旨猶豫未決進  
獨抗議發兵赴援既至而圍解手詔褒美遣使中山命率廣  
銳二萬騎由土門會兵鎮定未至而敵遁復歸晉陽景德元  
年卒上遣中使護喪還京  
李繼勳大名元城人太祖平澤潞繼勳以安國節度朝行在



即以爲昭義軍節度使秋燔平遙建隆二年又敗并軍乾德二年下遼州又大敗遼師于遼五年加同平章事開寶初爲行營前軍都部署勝于洞渦二年親征河東又爲行營前軍都部署柵太原城南三年移大名卒贈中書令

楊業太原人北漢建雄軍節度使歸宋爲代州刺史兼三交駐泊兵馬都部署屢敗遼師遷雲州觀察使仍判代州雍熙三年爲雲應路副都部署連拔雲應寰朔四州命護四州民入內地力戰陳家谷口被執不食卒子延昭時以供奉官爲先鋒戰朔州城下流矢貫臂闕益急仕至高陽關都部署張亢字公壽臨濮人第進士仁宗時夏人自後河川襲府州縱遊騎鈔麟府間時豐州已破麟府勢孤朝廷議棄河外守保德軍未果以亢爲并代都鈐轄管勾麟府軍馬事戰於免

山西通志卷一百一 名宦錄二 四

毛川敵大潰斬二千級不踰月築清塞百勝中候建甯鎮川五堡麟府路始通亢復奏請增並邊諸柵以相維持則可以廣田牧壯河外之勢議未下徙并代副都總管御史梁堅劾亢出庫銀給牙吏往成都市易奪引進使爲本路鈐轄及夏人與遼戰河外復引進使副都總管知代州兼河東沿邊安撫事范仲淹宣撫河東復奏亢前所增廣堡皆宜使就其事詔既下明鎬以爲不可疑牒止之亢曰受詔置堡豈可得經畧牒而止耶坐違節度死所甘心堡皆必爲也每得牒置案上督役愈急及成乃發封自劾朝廷置不問蕃漢歸者數千戶歲減戍兵萬人河外遂爲并汾屏蔽徙知瀛州後陝西轉運使言亢所易庫銀非自入者累遷徐州總管亢好施輒財凡燕犒饋遺類皆過厚至遣人貿易助其費猶不足以

此人樂爲之用取軍嚴明所至有風蹟民圖像祠之

向敏中字常之開封人太平興國五年進士太宗擢同知樞密院事咸平初拜參知政事議遣重臣慰撫邊郡命爲河北河東安撫大使陳堯叟馮拯副之發禁兵萬人翼從所至訪民疾苦宴犒官吏莫不感悅四年同平章事出知永興晉左僕射卒謚文簡

馮行已孫子皇祐中知代州管幹緣邊安撫事時河西番部盜耕屈野河西田言不宜以細故敢大舉但加戒戢足矣五臺山寺調廂兵義勇繕葺爲除和羅殺三萬言不可損歲入之儲以事不急之務終金州觀察使

杜衍字世昌越州山陰人第進士以著作佐郎知平遙縣使者薦之通判晉州詔舉長吏擢知乾州以太常博士提點河

山西通志卷一百一 名宦錄二 五

東路刑獄遷尙書祠部員外郎按行潞州折寃獄知州王曙爲作辨獄記高繼昇知石州人告繼昇蓄族謀變逮捕繫治久不決衍辨其誣抵告者罪甯化軍守將鞠人死罪不以實衍覆正之守將不伏辨之詔爲置獄果不當死復爲河東轉運副使以工部侍郎知并州元昊拒命以太原要衝加龍圖閣學士再遷同知樞密院事改樞密副使爲河東宣撫使還拜樞密使遼夏戰黃河外火山保德軍皆警衍曰二國方交關勢必不來我兵不可妄出旣而果驗拜同平章事兼樞密使罷政即致仕封祁國公卒

范仲淹字希文蘇州吳縣人舉禮部第一遂第進士天聖七年通判河中府慶曆中拜樞密副使改參知政事黨論興請行邊爲河東陝西宣撫使至汾州民遮道數百趨訴仲淹以



付張熹奕局味終處決已竟上賜黃金百兩悉分遺邊將解州新羅太寇言者多請棄之仲淹為修故砦招還流亡三千餘戶蠲其稅罷權酷予民又奏免府州商稅河外遂安尋罷政事為陝西四路宣撫使復請郡遷戶部侍郎知穎州卒謚文正

神師道字彝叔世衡孫嘗知渭州帥陝西河東七路兵征賊底城期旬日八日而拔燕山之役忤童貫致仕起為憲州刺史知環州靖康中為太尉鎮洮軍節度使河北河東宣撫使實無兵自隨請合開河卒屯滄衛孟滑格不用既而師中戰沒姚古敗召還太原陷又使巡邊尋卒謚忠憲彌大河東宣撫使以請分兵為腹背劫攻之圖故有是命張師正敗績於河東大誅之

山西通志卷一百一 名宦錄二 六

李綱字伯紀無錫人政和進士靖康初為尚書右丞親征行營使後罷右丞充京城四壁守禦使除知樞密院事耿南仲忌之曰欲援太原非綱不可乃以為河東北宣撫使御批曰促解太原圍而諸將皆專達宣撫使徒有節制之名勾罷遂召赴闕尋落職建炎初拜右僕射晉左請料理河北河東尋又罷卒謚忠定

李若拙字藏用京兆萬年人舉拔萃又舉進士又登賢良方正直言極諫科太平興國中以右補闕同勾當河東轉運兼雲應等八州事嘗詣闕言邊事太宗嘉之咸平中以右諫議大夫使河朔按邊事卒索湘字巨川滄州鹽山人開寶六年進士太宗時為河東轉運使以忻州推官石宗道憲州錄事胡則為幹職所至州郡

勾檢其簿領二人後皆歷清要終右諫議大夫知廣州姚鉉字寶之廬州合肥人太平興國進士至道中以右司諫為河東轉運使上言曰伏見諸路官吏或疆明泣事惠愛及民者則必立教條除其煩擾然狡胥之輩非其所便候其罷官悉藏記籍害公蠹政莫甚于此禮云其人存則其政舉其人亡則其政息又語曰舊令尹之政必告新令尹斯實聖人之格言國家之急務也欲望所在官吏有經盡利濟事可長久者歲終書感受代日錄付新官俾之遵守若事有非者便聽上聞俟報改正詔從之咸平中移鄆州終起居舍人鉉嘗纂唐文粹云

山西通志卷一百一 名宦錄二 七

王陟上黨人清化進士補嵐州團練推官內侍羅懷嗣言其督運有勞遷晉州觀察推官咸平初以太常博士為河東轉運使賜金紫屢遣裁度邊事趙保吉納欵正其經界代歸卒鄭文寶字仲賢太平興國八年進士咸平中任河東轉運使嘗上言管內廣銳兵萬餘難得資糧請徙置近南諸州又欲使強壯戶市馬備征役宰相李沆等言不便復令文寶條對文寶執前議且言土人久留恐或生事議卒罷先是麟府屯重兵皆河東輸饋雖地里甚邇而限河津之阻土人利於河東民罕至則芻粟增價上常訪使邊者言河裁濶數十步乃詔文寶於府州定羌軍經度置浮橋以為便會繼遷圍麟州令乘傳晨夜赴之圍解遷刑部員外郎賜金紫景德元年冬遼人犯邊又徙河東文寶安集所部募鄉兵張邊備又領番漢兵赴河北手詔褒諭後以兵部員外郎卒薛顏萬泉人舉三禮中第累官河東轉運使祀汾陰徙陝西



河中浮橋歲為水所敗顏即北岸釀上流為支渠以役水怒因取渠水溉其旁田民頗利之終光祿卿

孫冲字升伯趙州平棘人真宗時舉明經又舉進士歷通判晉州絳州至河東轉運使會南郊賞賜軍士而汾州廣勇軍

所得帛不遺他軍一軍大譟守佐堂下劫之約與善帛乃免城中戒備遣兵圍廣勇冲適至命解圍弛備置酒張樂

推首惡十六人斬之遂定初守佐以亂軍所約者上聞詔給善帛使者至路冲促之還曰以亂而得所欲是愈誘之亂也

卒留不與後以直史館知河中府徙潞州復為河東轉運使以諫議大夫知潞州遷翰林學士官至給事中卒

宋博字鵬舉萊州掖人開寶中得第真宗初以司封員外郎為河東轉運使上言大通監冶鐵盈積可備諸州軍數十年

山西通志卷一百一 名宦錄二

八

鼓鑄願權罷采紵民又請料諸州丁壯為兵以增戎備在任凡十一年時河東邊事未息屯師尚廣博經制漕運以幹治稱屢以秩滿請代朝議以博善職就加祠部郎中賜金紫常薦代州承受使臣王白上以本置此職止於視軍政察邊事博不應保奏因詔諸路自今勿得舉承受使臣景德四年召還尋使遼卒

陳若拙州人思讓子太平興國五年進士甲科真宗時授河東轉運使賜金紫會親祀汾陰若拙以所部緝帛芻粟十萬輸河中以助費經度制置使陳堯叟言其幹職擢拜右諫議大夫以給事中卒

陳堯佐字希元閩州閩中人父省華樓煩令仕至權知開封府堯佐進士及第真宗時為河東路轉運使以地寒民貧仰

石炭以生寡除其稅又減澤州大慶冶鐵課數十萬仁宗時知并州每汾水暴漲州民輒憂擾堯佐為築隄植柳萬株作柳溪民賴其利尋召同修三朝史累拜樞密副使參知政事同平章事卒諡文惠

張逸字大隱鄭州滎陽人第進士仁宗時為河東轉運使見宋史循吏傳

任顯字誠之青州壽光人同學究出身為夏諒祚冊禮使采西夏風物山川道里出入攻取之要為治戎精要三篇上之進直史館遷河東轉運使上嘗以禁帑金帛賜河北亦欲與河東顯辭曰受委制財用而先有求不敢顯為使者每行部必擇僚佐之賢者一人與俱凡事必與議未嘗以胥吏自隨人安其政積官戶部侍郎卒

山西通志卷一百一 名宦錄二

九

張奎字仲野臨濮人第進士為并州推官以侍御史為河東轉運使又以天章閣待制為河東都轉運使終樞密直學士奎風力精強所至有治蹟吏不敢欺與弟亢皆知名一時云楊偕字次公坊州中部人第進士康定中以龍圖閣直學士知河中府劉平石元孫戰沒偕聞乃偽為書馳告延州曰朝廷遣救兵十萬至矣命偕部縣大具芻糧什器以俟比書至賊已解去又為河東轉運使詔選三路民為兵偕言方今兵不少多而不練其勢易敗又困國而難供尋知并州元昊入寇密詔偕選強壯萬人策應麟府偕奏師無紀律則士不用命今發農兵赴邊慮在路逃逸及臨陣退縮請以軍法從事詔如所請并人大驚都轉運使文彥博奏罷之有中官預軍事索橫前帥優遇之偕至一繩以法命卒所部兵從副總管



赴河外戒曰遇賊將戰一稟副總管節度中人不服捧檄訴  
借叱曰汝知道主帥命即斬首乎監軍怖汗不覺墮笏翌日  
告病尋卒於是軍政肅然元昊大掠河外詔修甯遠砦借言  
甯遠砦在河外介麟豐二州之間無水泉可守請建新麟州  
於嵐州有白塔地可建砦屯兵上諭借速脩甯遠砦以援麟  
州旋授本路經畧安撫招討使賜錢五十萬借列六事於朝  
一罷中人預軍事二徙麟州三以便宜從事四出穴師五募  
武士六專捕援且曰能用臣言則受命不然則已朝廷不從  
乃罷知邢州後以工部侍郎致仕卒

山西通志卷一百一 名宦錄二 十

王沿字聖源大名館陶人第進士累官河東都轉運使加龍  
岡閣直學士知并州時元昊數寇河東建議徙豐州不報  
何鄉字聖從成都人第進士仁宗時遍歷三院以龍岡閣直  
學士為河東都轉運使故相梁適帥太原病不能事內臣蘇  
安靜幹轄兵馬怙寵不法皆劾奏之致仕卒  
張景憲字正國河南人師德子以父任官至戶部副使命視  
撫甯囉兀兩城言城不可守固不待到而後知也未幾撫甯  
陷又言囉兀遐然孤城鑿井無水將何以守加集賢殿修撰  
為河東都轉運使議者欲分河東為兩路景憲言本道地肥  
磽相雜州縣貧富亦異正宜有無相通分之不便議遂寢後  
以大中大夫卒景憲居官不畏強禦仁宗時多舉刺熙甯後  
不劾一人尤為有守云

周沆字子真青州益都人仁宗時第進士以直史館為河東  
轉運使盜鑄鐵錢法不能禁沆高估錢價鑄者無以自利乃  
息後再為河東轉運使以戶部侍郎致仕卒  
明鎬字化基密州安邱人第進士薛奎薦其沈鷲有謀能斷  
大事夏人破豐州以天章閣待制為河東都轉運使修建甯  
中侯百勝砦鎮川清塞堡凡五城以勞遷左司郎中踰年擢  
龍岡閣學士知并州鑄大巡邊以備賊時邊任多執袴子弟  
取尤不職者杖之疲軟者皆自解去遂奏擇習事者守堡砦  
軍行妓者多從鎬欲驅逐惡傷士卒心會有忿爭殺妓女吏  
執以白鎬曰彼來軍中何耶縱去不治妙聞皆散去後平王  
則入為參知政事卒謚文烈

山西通志卷一百一 名宦錄二 十一

李復圭字審言淑子賜進士出身歷河東轉運使以集賢殿  
修撰卒復圭臨事敏決稱健史  
孫長卿字次公揚州人以外祖朱巽任入官英宗時為集賢  
院學士河東都轉運使終兵部侍郎長卿長於政事為能臣  
性潔廉不以一毫取諸人詔中使護其喪歸葬  
閻詢字讓道鳳翔天興人第進士以直龍岡閣為河東轉運  
使言三路土兵疲老者聽其族以強壯代從之進集賢殿修  
撰知河中府大河漲壞浮橋詢易為長橋神宗時加右諫議  
大夫卒  
劉庠字希道彭城人第進士熙甯初除集賢殿修撰河東轉  
運使計一路之產鐵利為饒請復舊冶鼓鑄通隰州鹽礬博  
易以濟用又請募民入粟塞下預為足食計移河北又為河  
東都轉運使後以論新法忤王安石為龍岡閣直學士知太



原府請復憲州募民子弟剽銳工技擊者籍為勇敢做漢  
戍法黃流以下罪徙實河外遠人建牙雲中遺騎涉內地邊  
吏執之遼傲取紛然又遣使議疆事眾疑其造兵端欲大為  
備庠奏言雲中歲儉軍無見糧契丹張形示疆造端首禍由  
在彼不在我願勿聽先論以理然後備兵觀曩上嘉使者詞  
順訖以黃嵬山分水嶺立新疆遺母喪歸元祐加樞密直學  
士卒

李師中字誠之楚邱人第進士熙甯初拜天章閣待制河東  
都轉運使移秦州詔賜以班超傳王韶呂惠卿忌之貶卒師  
中明而恕去官日民擁道遮泣馬不得行杜衍范冲淹富弼  
皆薦其有王佐才云

陳安石字子堅河陽人貫于鎮廳及第歷使河東知河中府

熙甯中韓絳鎮太原議行鹽法與監司多不合以安石為河

東都轉運使議始定謂其僚曰與事常有漸急則擾乃出鹽  
付民而給之券使隨取得貿易鬻畢而歸券私販為減官軍  
西征王中正帥東師而西報安石持四十日糧而師駐白草

坪朔月安石即擅發民供餉李舜舉劾其專詔置獄於路安  
石自麟州會逮俄而他路餽糧多不繼上察其無罪赦之召  
為戶部侍郎後為龍圖閣直學士卒

張問字昌言襄陽人第進士熙甯中為集賢殿修撰河東轉  
運使坐事貶知光化軍屢言常平助役之苦語切直驚人歷  
知潞州官至給事中卒

孫覽字傳師高郵人覺弟第進士神宗時以右司員外郎為  
河東轉運副使以直龍圖閣知河中府後與蔡京論役法不

合又以龍圖閣直學士知太原府夏人據橫山並河為寨覽  
謀復取葭蘆成險阻夏人數萬屯境上覽下令吾兵少須滿  
五萬及西夏人聞而濟師覽不為動相持益久忽令具糗糧  
嚴兵械日敵至矣居數日果大入覽奮擊敗之遂城葭蘆而  
還策勳加樞密直學士卒

崔暉長安人進士及第累官河東轉運使會更錢法潞州大  
擾推其首惡誅之人心遂定後歷知同州鳳翔河中以刑部  
侍郎致仕

馬默字處厚單州城父人第進士受學於石介元祐中為河  
東轉運使時議棄葭蘆吳堡二砦默奏控扼險阻敵不可攻  
棄之不由是二砦得不棄以致仕復寶文閣待制卒紹興  
中贈太保

張燕字景元臨濮人奎子才智敏給第進士從范仲淹使河

東至汾州民遮道數百趨訴仲淹以付燕方與客奕局未終  
處決已竟提點河東刑獄以天章閣待制為陝西都轉運使  
蒲津浮橋壞鐵牛皆沒水中燕以策列巨木於岸以為衝繩

石其杪挽出之橋復其初神宗時由給事中易通議大夫卒  
程師孟字公闢吳人第進士提點河東路刑獄勸民出錢開  
渠築堰溉良田萬八千頃仕至集賢殿修撰卒師孟累領劇

鎮為政簡而嚴發隱摘伏如神所部肅然  
掌禹錫字唐卿許州郟城人第進士通判并州累官提點河  
東刑獄杜衍薦之英宗時以工部侍郎致仕卒禹錫矜慎畏  
法好儲書所記極博撰皇祐方域圖志地理新書於河東亦  
有神云



齊恢字熙業蒲陰人第進士英宗時提點河東路刑獄凡公幣格外餽之物一無所受終天章閣待制恢臨政明白簡約不苛擾所至民愛之

張商英字天覺蜀州新津人負氣傲儻豪視一世元祐初為開封府推官出提點河東路刑獄游五臺霍山問大觀四年除中書侍郎遂拜尚書左僕射變蔡京政時稱忠直斥外京復用以觀文殿大學士卒靖康喪司馬光范仲淹亦贈太保紹興賜謚文忠

陳次升字當時興化仙游人第進士元祐中提點河東刑獄終寶文閣待制嘗累論章惇蔡卞會布蔡京語尤切直

畢仲游字公叔雲中人士安曾孫第進士元祐中提點河東刑獄時韓縝以故相在太原按視如列郡縝奴告有卒剽其

山西通志卷一百一 名宦錄二 十四

衣於公堂之側縝怒將置卒於理仲游曰奴衣服尠薄而敢掠之於帥牙非人情取以付獄治卒得免太原銅器名天下獨不市一物懼人以為矯將行買二茶七而去縝曰如公叔可謂真清矣召拜職方司勳二員外郎後入黨籍卒

范祥字晉公邠州三水人第進士歷官陝西曉達財利建議變鹽法後人不敢易稍加損益人輒不便以提點陝西路刑獄制置鹽累遷度支員外郎權陝西轉運副使坐城啞兒峽削一官後復官提舉陝西緣邊青白鹽改制置解鹽使卒嘉祐中包拯言祥通陝西鹽法行之十年歲減榷貨務使緡錢數百萬其勞可錄官其子孫景郊社齋郎包拯字希仁廬州合肥人第進士累官陝西轉運使入為三司戶部副使解州鹽法率病民拯往經度之請一切通商販

後以龍圖閣直學士權知開封府拜樞密副使卒謚孝肅極性峭直惡吏苛刻務敦厚雖甚嫉惡而未嘗不推以忠恕也平居無私書嘗言後世子孫仕宦有犯賊者不得放歸本家云

薛向字帥正萬泉人祖蔭入官神宗時權陝西轉運副使制置解鹽尼支十年歲調哇夫數千向奏損其數坐事罷數月復為陝西轉運副使督使凡將漕八年所入鹽馬芻粟數累萬民不益賦其課為最坐事罷知絳州移潞州神宗知向才累擢至同知樞密院出外卒謚恭敏

山西通志卷一百一 名宦錄二 十五

孫永字曼叔長社人第進士歷陝西都轉運使時邊用不足以解鹽市馬別為一司外臺不得與永奏鹽馬國之大計使主者專其柄既無以統隸苟為非法孰得而制之元豐中知太原府忻代產鹽苦惡不堪食轉運必欲理之以盜販闌越之罪罪兵吏永言鹽民食也不可禁兵武備也不可闕顧以惡鹽累防兵非計也詔弛其禁元祐中加資政殿學士卒謚康簡

右宋五十六人 以帥臣撫臣轉運

耶律撒剌 詳解作 性忠直沈厚清甯初累遷西南面招討使

以治稱後為耶律乙辛 詳解作 黨誣首被害

蕭速撒 詳解作 突呂不 詳解作 部人性沈毅清甯中為彰國

軍節度使咸雍十年以北院樞密副使經略西南邊撤宋堡

障戍以皮軍軍上嘉之後為耶律乙辛黨誣告被害與撒剌

胥繪像宜福殿

耶律頗的 詳解作 系出季父房咸雍八年為彰國軍節度使



道宗獵大牢古山頗的謁於行宮帝問邊事對曰自應州南境至天池皆我耕牧之地清甯間邊將不謹為宋所侵烽埃內移似非所宜道宗然之拜北面林牙後遣人使宋得其侵地命頗的往定疆界累遷北院樞密使卒

右邊三人

完顏宗翰本名粘沒喝語解作尼瑪哈漢語訛為粘罕語解作尼堪國相

撤改之長子也年十七軍中服其勇及議伐遼宗翰與太祖

意合天輔五年五月射柳上曰今議西征汝前後計議多合

朕意宗室中雖有長於汝者若謀元帥無以易汝遂為移資

勃極烈語解作伊拉齊貝勒十一月副都統果西征駐軍北安獲遼護

衛耶律習泥烈語解作實訥埒知鴛鴦濼虛實使轉益語解作溫都

移刺語解作伊喇報果曰攻取之策幸速見論若有異議此當以

山西通志卷一百一 名宦錄二 十六

偏師討之果使奔睹來報曰頃奉詔旨不令便趨山西時宗

翰已整衆俟兵期恐待果再約或失機會即決策進兵使移

刺保復往曰詔旨亦許便宜從事今一失機會後難圖矣果

乃約會議於奚王嶺果軍出青嶺宗翰軍出懸嶺期於羊城

濼會軍宗翰以精騎六千襲遼主聞遼主自五院司來拒戰

乃倍道兼行一宿而至遼主遁去使希尹追之西京復叛耿

守忠以兵五千來救至城東四十里蒲察烏烈谷赦先擊之

斬首千餘宗翰及宗雄宗幹宗峻繼至宗翰率麾下自其中

衝擊之使餘兵去馬從旁射之守忠敗走其衆馘焉時宗翰

弟扎保迪語解作扎巴沒於陣戰不輟遂撫定西京州縣部族從

太祖至燕復從至鴛鴦濼太祖歸以宗翰為都統昱翰魯副

之駐軍雲中經畧夏國夏奉表稱藩晉左副元帥自太原路

伐宋發河陰降朔州克代州遂圍太原府時宗望自河北趨汴久不聞問遂留銀朮語解作尼楚特等國太原率師而南降定諸縣及威勝軍下隆德府至澤州宋路允迪以割太原詔書來太原人不受命宗翰取文水及孟縣復留銀朮可圍太原而還駐西京八月復發西京九月丙寅克太原鶴沙虎語解作呼沙取平遙降靈石介休諸縣十一月甲子自太原趨汴降威勝軍克隆德府遂取澤州撤刺答語解作薩喇達等先已破天井關乃渡河至汴焉宗翰請河北河東府鎮州縣擇前資官長能者授之以安新民又以河東寇盜尚多分留將士夾河屯守而還師山西上命婁室等平陝西銀朮可守太原耶律余覲留西京而宗翰會軍黎陽焉天會未晉國論右勃極烈兼都元帥熙宗初拜太保尚書令領三省事封晉國王十四年

山西通志卷一百一 名宦錄二 十七

卒謚桓忠配享太祖廟庭

毛碩字仲權甘陵人天德中為河東南路轉運使上言頃者

定立高酒課不量土產厚薄戶口多寡及今昔物價之增耗

一恣理責之故監官被繫失身破家折備盜竄或為姦吏盜

有貨錢而以賒券輸官故河東有積負至四百餘萬貫公私

苦之請自今禁約酒官不得折準賒貸惟許收用實錢則官

民俱便至後行之致仕卒

張亨字彥通大興滎陰人登皇統六年進士第大定二十五

年自戶部尚書出為絳陽軍節度使上曰張亨近令補外頗

為衆議所歸章宗初置九路提刑司時方重其選上以亨為

河東南北路提刑使兼勸農採訪事訪其利病條為十三事

以聞上嘉納之亨在職每事存大體畧苛細御史以寬緩不



事事効之降蔡州防禦使後致仕亨才識強敏明達吏事終始可稱

裴滿亨字仲通臨潢府人祖虎山移屯東受降城以禦夏人亨性敦敏習儒克奉職大定二十八年擢進士第章宗諭曰朕左右侍臣多以門第顯惟爾由科甲進國家利害其為朕盡言承安中遷西京路按察使時世襲家豪奪民田亨檢其實悉還正之泰和末轉河東南北路按察使卒於官上聞而惜之賜物甚厚亨感州郡皆有政蹟可紀

烏古論諱解作烏庫哩仲溫蓋州按春猛安人大定二十五年進士為河東路提刑判官又除東勝州刺史河東南路按察副使貞祐初遷鎮西軍節度使至太原移書安撫使賈益謙約以鄉兵救中都因馳驛如平陽將與益謙會於絳不能進抵平

山西通志卷一百一 名宦錄二 十九

陽向還仲溫嘗治平陽吏民爭留之仲溫曰平陽巨鎮易為守禦於私計得矣如嵐州何遂還鎮已而元兵大至城破不屈死贈資德大夫婆速諱解作博索路兵馬都總管諡忠毅歲時致祭

王擴字充之中山永平人明昌五年進士大安中僉河東北路按察使貞祐二年上書陳河東守禦策大概謂分軍守隘兵散而不成軍聚之隘內軍合則勢重饋餉一塗以逸待勞以主待客此上策也又曰軍旅猥眾分例過優萬戶一員其費可給兵士三十人本路三從宜萬戶二百餘員十羊九牧類例可知乞以千人為一軍擇望重者一人萬戶兩猛安四謀克足以教閱約束矣豈不簡易而省費哉又曰按察兼轉運本欲假糾効之權以檢括錢穀邇來軍興糧道軍府得而

制之今太原代嵐三軍皆其州府長官如今通寧資儲則樊立去按察之職舉矣又曰數免租稅科羅益繁民不為恩徒增廩給教練無法軍不足用書奏不見省與定三年卒謚剛毅擴博學多才梗直不容物平章政事高琪忌之以是不振於時

移刺益字子遷中都路胡魯土猛安人以蔭補國史院書寫承安末遷河東南北路按察使舊制在位官有不任職委所屬上司體訪州府長貳幕職許互相舉申益上言此傷禮讓之風亦恐同官因之不睦別生姦弊乞止令按察司糾劾似為得體又言隨路點軍官與富人飲會公通獻遺宜依準監臨官於所部內犯罪究治上皆納焉泰和二年卒於官

山西通志卷一百一 名宦錄二 十九

完顏守貞希尹孫襲祖謀克大定二十五年為西京警巡使世宗愛其剛直授中都左警巡使遷同知西京留守事御史蔡奏守貞治有善狀世宗因謂侍臣曰守貞動臣子又有材能全勝其兄守道他日可用也明昌初拜參知政事進尚書左丞改西京留守四年召拜平章政事封蕭國公承安元年降授河中防禦使卒謚肅守貞剛直明亮賊否無少隱故為胥持國輩所忌竟以直罷後趙秉文上書言君子故相完顏守貞小人今參知政事胥持國也

烏古論德升益都路猛安人明昌二年進士為絳陽軍節度副使大安初除侍御史論西京留守紇石烈執中姦惡衛紹王不聽貞祐初以翰林侍讀權參知政事出為汾陽軍節度使河東北路宣撫副使改知太原府事權元帥左監軍興定元年元兵急攻太原糧道絕德升屢出兵戰道復通遷官一



階一年真授左監軍行元帥府事元兵復圍太原環之數日已破濠垣德升植柵爲拒出其家銀幣及馬賞戰士元軍壞城西北隅以入德升聯車塞之三卻三登矢石如雨守陣者不能立城破德升至府署謂其姑及妻曰吾守此數年不幸力窮乃自經死姑及妻皆自殺贈翰林學士承旨子兀里偉烏蘭威幼詔以奉御侍養之

郭文振字拯之太原人承安二年進士累官遼州刺史貞祐四年昭義節度使必蘭阿魯帶語解作必蘭阿魯帶請升遼州爲節鎮廷議遼州城郭人戶不稱節鎮而文振有功當遷乃以本官充宣差從宜都提控文振治遼州深得衆心興定三年行河東北路元帥府事刺史從宜如故招降太原東山二百餘村得壯士七千人十月與張開合堅臺州兵復取太原四年詔

山西通志卷一百一 名宦錄二 二十

升樂平縣爲皋州壽陽縣西張寨爲晉州從文振之請也又言武夫悍卒乞行帥府擅請便宜乞分遣公廉官徧詣訪察而澤潞等處芻糧猶廣人民猶衆乞選重臣復置行省皆聽節制時澤潞已詔張開規畫不能盡用文振言但令南京兵馬使木甲賽也語解作珠嘉賽音行帥府於懷孟而已是歲封晉陽公河東北路皆隸焉文振奏孟州每以豪猾不逞之人攝行州事朝廷重於交代就令主之去年伯德語解作和攝刺史伯特提控伯德安殺之奪其職河東行省以陳景璠代安安內不能平因誣告景璠死罪朝廷未及按問安輒逐之恥受臣節制宣言於衆待道路稍通當受恒山公節制今正定已不守安猶向慕不已臣徵兵諸郡安輒詭辭不遣臣若與師是自生一敵非國家之便也聞安有女臣輒違律令爲姪孫述娶

之安遂見許臣非願與安爲姻爲公家計屑就之耳自結親以來安頗循率以從王事法不當娶而輒娶之敢以此罪爲請宣宗嘉其意遣近臣慰喻焉又乞選官安集武仙境土從之五年奏臣所統嵐管隴石甯化保德諸州境土闊遠不能周知利害恐誤軍國大計伏見葭州刺古里甲蒲察語解作瓜勃佳智勇過人深悉河東事勢乞令行元帥府事或爲本路兵馬都總管與臣分治上令擇便地處之仍受文振節制上黨張開以厚賞招文振將士頗有亡歸者詔分遼路粟賑太原饑民開不與文振奏其事詔遣使慰喻馮復請蒲察分治嵐管以西諸州從之又請分上黨粟以贖太原詔文振與開計度頃之詔以石州隸晉陽公府元光元年請遣行元帥府惟良還林州不許又上書乞遣前平章政事胥鼎行省河北諸

山西通志卷一百一 名宦錄二 三

公府帥府並聽節制不報二年詔應援史詠復河東是歲遼州不能守徙其軍於衛州胥鼎字和之繁時人大定二十八年進士入官以能稱至甯初拜參知政事貞祐二年五月宣宗南遷留爲汾陽軍節度使兼汾州管內觀察使十一月改知平陽府事兼河東南路兵馬都總管權宜撫使通達吏事爲政鎮靜三年四月建畜積軍儲備黃河等十三事又言郡再被兵人戶散亡樓櫓未完器甲極少廩庾無兩月食夏田已爲兵蹂復不雨秋種未下雖有復業殘民皆老幼莫能耕種豈足徵求比聞北方劉伯林聚兵野狐嶺將深入平陽絳解河中遂抵河南戰禦有期儲積未備不速措置實關社稷生靈大計乞降空名宣勅一千紫衣師德號度牒三千以補軍儲詔如數亟給之七月



就拜宣撫使兼前職朝廷欲起代州戍兵五千鼎言嶺外軍已皆南徙代為邊要正宜益兵保定今更損其力一朝兵至何以待之平陽以代為藩籬豈宜撤去詔從之又言近聞朝廷定令臣清野臣所部乃河東南路太原則北路也敵兵若來必始於北故清野當先北而後南况北路禾稼早熟兵無所掠勢當自止不然南路雖清而穀草委積於北是資兵而召之南也臣已移文北路乞更諭之已而元兵果出境以能設方略退兵進官一階十月言臣所將義軍皆從來背本趨末勇猛凶悍盜竊亡命之徒苟無訓練統攝官以制之則朋聚黨植無所不至乞許臣便宜置總領義軍使副及彈壓仍每五千人設訓練一員不惟預為防閑使有畏忌且令武藝精熟入各為用上從之四年正月元兵略霍吉關三州已而

山西通志卷一百一 名宦錄二 三

步騎六萬圍平陽急攻者十餘日鼎遣兵屢御之且上言臣以便宜立官賞預張文勝招還脅從人七千有奇續至者又六千餘俱令復業竊謂凡被俘未歸者更宜多方招誘已歸者所居從便優加存恤從之二月拜樞密副使權尙書左丞行省於平陽時河南粟麥不令與販渡河鼎言河東多山險平時地利不遺夏秋薦熟猶常藉陝西河南通取物料况今屢值兵戎農民寢少且無雨雪闕食為甚又解州屯兵數多糧儲僅及一月伏見陝州大陽渡河中大慶皆邀阻粟麥不令過河臣恐軍民不安或生內患伏望朝廷聽其輸販以紓解州之急從之又言河東兵革之餘疲民稍復然丁牛既少莫能耕稼重以亢旱蝗螟而餽餉所須徵科頗急貧無依者俱已乏食富戶宿藏亦為盜發蓋絕無而僅有焉其憔悴亦

已甚矣有司宜奉朝廷德意以謀安集而潞州帥府遣官於遼沁諸郡搜括餘粟懇重賞誘人告許州縣憚帥府鞭箠械繫所在騷然甚可憐憫今北兵既去惟宜汰冗兵省浮費招集流亡勸督農事彼不是務而使瘡痍之民重罹茲苦是兵未來而先自做也願朝廷亟止之如經費果闕以恩例勸民入粟不猶愈於強括乎又言霍州回牛鳳樓嶺諸阨戍卒幾四千今兵既去而農事方興乞量留偵候餘悉遣歸有驚復徵既休民力且息縣官萬一兵來亦足禦邊是舉一事而獲二利也詔趣行之又言河東兩路農民寢少而兵戍益多是以每歲糧儲嘗苦不繼竊見潞州元帥府雖設醫爵恩例然條目至少進獻無幾宜增益其條如中都時於是尙書省更定制奏行諸路焉又言行省行部宜量民力徵斂交鈔河中

山西通志卷一百一 名宦錄二 三

宣撫司亦言寶券所支已多民不費乞驗民貧富徵之然陝西若一體徵收則彼中所有日湊於河東其與不歛何異又河北寶券以不許行河南由是愈滯將誤軍儲而啟弊端時寶券限路分行用因鼎言罷之又言朝廷命擇義軍為三等臣即檄所司而潞帥必蘭阿魯帶請從本府所定無輕變易臣竊是其言時阿魯帶奏亦至詔遂許之是歲冬元兵越潼關委知平陽府事權元帥左監軍同知府事完顏僧家奴詳作僧權右監軍以鎮守河東而率河東南路懷孟諸兵入援拜尙書右丞及元兵還至平陽鼎遣兵拒戰不利乃去興定元年議西征又奏臣近遣太原汾嵐官軍以備西征太原路元帥左監軍烏古論德升甚言其失計臣愚謂德升所言可取付尙書省議之三年正月元兵復入陝西令節制河東八



月上言臣奉詔兼節制近晉安帥府令百里之內止留桑棗果木餘皆伐之方今秋收乃爲此舉以奪其事既不能禦敵而又害民非計也且一朝驚急其所伐木豈能盡去使不資敵乎他木雖伐桑棗舍屋獨非木乎此殆徒勞臣已下帥府止之而左都監完顏闕山乃言嘗奉旨清野臣愚不知其可詔從鼎便宜規畫九月元兵徇東勝州又令領兵赴河中金南渡後書生鎮方面者惟鼎一人宣宗嘗諭委卿河東事果能勉力以保無虞哀宗亦曰卿往在河東殘破孤危殆不易保卿一至而定迄卿移鎮敵不復侵此晉人官晉者之駿勳也仕至平章政事累封英國公正大元年七月卒於衛州完顏從坦語解作蘇爾坦宗室子自募義兵二千充宣差都提控貞祐二年安撫山西軍民請罷大陽渡粟麥過河禁請寶昌軍

山西通志卷一百一 名宦錄二 三

節度使以鹽池利實絳解二州又請陝州帥府成垣曲平陸芮城虞鄉而河南陝西牧牝馬以濟河東中都之用又請實給河北官俸粟興定初權元帥左監軍行元帥府事同參知政事李華守平陽二年十月奏太原已破行及平陽河東郡縣皆不守大抵屯兵少援兵不至故耳行省兵不滿六千平陽河東之根本河南之藩籬也乞併懷孟衛州之兵以實潞州調澤州沁水端氏高平諸兵並山爲營爲平陽聲援惟祈聖斷以救倒懸之急是月壬子元兵至平陽提控郭用戰於城北濠垣被執不屈死癸丑城破從坦自領十餘騎巷戰手格殺數人知不能支乃自殺贈武昌軍節度使完顏伯嘉字輔之北京路訛魯古必刺語解作額爾奈必喇猛安人明昌二年進士大安中爲同知西京留守權本路安撫使貞祐

初遷順義軍節度使父母喪起復震武軍節度使兼宣撫副使提控太和嶺諸隘副統李鵬飛誣殺彰國軍節度使牙改語解作雅哈詔伯嘉治之貞祐四年三月奏西京副統程球復取渾源白登已命駐宏州臣輒擬球昭勇大將軍同知西京留守事兼領一路義軍制可仍賜球夾谷語解作瓜勒佳氏球請曰前代皆賜國姓不繫他族如蒙更賜榮莫大焉詔更賜完顏氏是月伯嘉遷元帥左監軍知太原府事河東北路宣撫使七月改知歸德府興定元年知河中府充宣差都提控二年十二月又以御史中丞權參知政事元帥左監軍行尙書省元帥府於河中控制河東南北路便宜從事以嘗任中丞忤宰臣高琪高汝礪也三年至河中奏曰本路衝要不可闕官凡召辟者每以艱險爲辭乞凡檄召無故不至者宜令降罰悉

山西通志卷一百一 名宦錄二 三

心幹當者視所歷升遷詔召不至者決杖一百餘如所請廷議欲棄河東徙其民以實陝西伯嘉上書諫曰中原之有河東如人之有肩背古人云不得河東不雄萬一失之恐未易取也大忤宰執意旋召還入見奏曰如臣爲鈍固宜召還更須遣遣大臣鎮撫上然之又請招撫河北桀黠署以職名無爲他人所主又曰河東河北有能招集餘民完守城寨者乞無問其門地皆超踰等級授以見職又曰河中晉安被山帶河保障關陝此必爭之地今雖殘破形勢猶存若使他人據之因鹽池之饒聚兵積糧則河津以南太行以西皆不足恃矣元光二年三月遷授集慶軍節度使權參知政事行尙書省於河中率陝西精銳與平陽公史詠共復河東頃之有疾六月卒



把胡魯音解作元光元年正月罷京兆行尚書省以知河中府事權安撫使時陝西路轉運使夾谷德新上言曰臣伏見知河中府把胡魯廉直忠孝公家之利知無不為實朝廷之良臣也去歲兵入延安胡魯遣將調兵城賴以完不為無功今合達買住各投世封而胡魯改知河中府切謂方今用人之時使謀畧之臣不獲展力緩急或失事機誠宜復行省之任使與承裔共守京兆台合達買住捍禦延安以藩衛河南則內外安矣不報六月召為大司農正大元年復往陝西拜平章政事卒贈右丞相東平郡王

必蘭阿魯帶貞祐初累官甯化州刺史三年改昭義軍節度使充宣撫副使閏月權元帥左都監行元帥府事節度宣撫如故遣都統與屯喜哥音解作鄂復取威州及獲鹿縣既而

山西通志卷一百一 名宦錄二 天

詔擇義軍為三等奏去歲初置帥府部分既定析之將互易其處不相諳委乞無輕變易詔許之阿魯帶繕完州縣之可守者其不可守者遷徙其民依險為柵以備緩急澤州舊隸昭義軍近年改隸孟州又議遷青蓮寺山寨上言澤州舊隸地形狹隘恐所保者少所遺者多乃止不遷詔復隸昭義軍是歲潼關失守趨備商州乃陳河北利害畧曰今析代撤戍太原帥府眾纔數千平陽行省兵亦不多河東河北之勢全恃潞州潞州兵強則國家基本漸可復立臣已將兵離境乞復置潞州帥府行次澠池詔還潞州與定元年乃改僉樞密院事阿魯帶復立潞州最有功議還州刺史郭文振舉以為將既而去潞州張開代領其眾與郭文振不相得文振漸不能守矣

納合蒲刺都大名路猛安人承安二年進士有識慮貞祐中為戶部尚書言鞏縣以北黃河南岸及金鉤弔橋虎牢關號州嶠嶺凡斜徑僻路俱當置兵防守下省院議竟不施行未幾改元帥右監軍兼昭義軍節度使行元帥府事與定二年潞州破力戰而死贈御史大夫

山西通志卷一百一 名宦錄二 三

州危急開奏封建公府以固屏翰今胡天祚出平陽郭文振南徙河東公府獨臣與史詠而已乞升澤沁二州為節鎮以重守禦詔以澤為忠昌軍沁為義勝軍林州義尖寨眾亂逐招撫使康塘推杜仙為招撫使開請以盧芝瑞為副代領其眾又奏比聞郭文振就食懷孟史詠徙解州高倫遷葛伯寨各自保守民安所仰哉臣領孤軍內無儲待外無應援臣不敢避失守之罪恐益重朝廷之憂正大間潞州不守開居南京部曲離散天興初起攻衛州敗績走死初置公府開與恒山公武仙最強後駐兵馬武山嘗置酒語諸將曰頃以糧竭為請祈二萬而得二千是吾君相不以武仙輩待我也時郭文振處開西北當兵之衝民貧地瘠開又不奉命以糧賑文振軍文振窮竄開勢愈孤以至於敗



右金十七人 西京河東南北

哈瑪爾 原名 嶷字孟方伯林于曉勇有志畧壬午襲父職

為萬戶兼都元帥癸未屯絳州乙酉金將呼濟呼 原虎 以

兵四十萬復取山後諸州哈瑪爾逆戰隘胡嶺大破之斬呼

濟呼太宗初立三萬戶以哈瑪爾為首授金虎符充管把平

陽宣德等路管軍萬戶辛丑改都管萬戶統西京河東陝西

諸軍萬戶瓜爾佳孟古 原古 田雄等並聽節制尋命

巡撫天下察民利病應州郭志全反脅從誑者五百餘人

有司議盡戮之哈瑪爾止誅其首惡數人餘悉從輕典卒贈

太傅封秦國公謚忠惠

劉世英范陽人元初收雲朔河東以功充行軍副總管庚辰

平陽諸郡被兵後民物空竭世英言於國王曰自古建國以

民為本今若是孰給轉輸收存恤亡此其時也王善之以絳

州邊地奏授絳州節度使兼行帥府事卒於師

石天應字瑞之與中丞德人善騎射豪爽不羈屢從穆呼哩

原作木 大小二百餘戰常以身先士卒辛巳秋八月從穆呼

哩征陝石假道西夏自東勝濟河南按葭州穆呼哩表授金

紫光祿大夫陝西河東路行臺兵馬都元帥一日謁穆呼哩

於汾水東穆呼哩諭以進取之策天應還鎮召將佐謂曰河

東西皆平川廣野可以駐軍規取關陝諸君以為如何或諫

曰河中雖用武之地南有潼關西有京兆皆金軍所屯且民

新附其心未一守之恐貽噬臍之悔天應曰河中雖迫於二

鎮實用武立功之地北接汾晉西連同華地五千餘里戶數

十萬若起漕運以通餽餉則關內可克期而定關內既定長

河以南在吾目中矣吾年垂六十老耄將至一旦臥病牀第

聞後生輩立功名死不瞑目矣男兒要當死戰陣以報國是

吾志也秋九月遂移軍河中既而金軍果潛入中條襲河中

天應知之先移驍將吳澤伏兵要路澤勇而嗜酒是夕方醉

臥林中金兵由間道已直抵城下時兵燼後守具未完新附

者爭趨而去敵乘隙入天應見火舉知敵已入奮身向戰左

右從者四十餘騎皆曰吳澤誤我或勸西渡河天應曰先時

人諫我南遷吾遠來而來此事急棄去是不武也縱太師不

罪我何面目以見同列乎今日唯死而已汝等勉之少頃敵

兵四合天應飲血力戰至日午死之穆呼哩聞而痛惜焉初

天應死事時弟天禹子佐中在軍中伺敵少懈倒抽其斧反

斫之突城而出趨穆呼哩行營求得蒙古軍數千回與敵戰

敗之穆呼哩嘉其勇奏授金符行元帥于安琬襲後授大同

等處萬戶

速哥怯烈氏使金不辱命賜護駕士五人昔使過崞州崞人

盜殺其良馬兼以崞民賜之乙未為山西大達魯噶齊 原

花回回六人將誅力言其可恕至雲中皆釋之後有至大官

者其寬大愛人多類此卒封宣甯王謚忠襄

李守賢字才叔大甯義州人金大安初暨兄廷植弟守正守

忠歸款命守忠為都元帥守河東朝廷以全晉為要害之地

非守賢鎮撫之不可遷河東南路兵馬都總管既至河東人

皆曰吾等可恃以生矣戊子加金紫光祿大夫知平陽府事

兼本路兵馬都總管庚寅太宗南伐道平陽見田野不治以

問守賢對曰民貧窘乏耕具致然詔給牛萬頭仍徙關中生

山西通志卷一百一 名宦錄二 天

山西通志卷一百一 名宦錄二 天



口墾地河東辛卯平陽當移粟萬石輸雲中守賢奏百姓疲  
敝不任輓載上嘉納之時河中未下守賢建言以為將士退  
留沮撓多所傷溺臣請自北面擊城先登如其言城果下遂  
構浮橋明年由蒲津南濟潼關二月大破趙雄兵於芮城甲  
午卒

張德輝字耀卿冀甯交城人世祖初為河東南北路宣撫使  
下車擊豪強黜賊吏均賦役者盡不遠數千里來見曰六十  
年不復見此太平官府矣戴之如神明西川帥耨培原作取  
兵千餘人守吏畏其威莫敢申理隸鳳翔屯田者八百餘人  
屯罷兵不歸籍會僉防戍兵守河中浮梁故有守卒不以充  
數悉係奏之上可其請兵後孱民依庇豪右及傭工者歲久  
掩為家奴悉遺還之二年考績為十路最河東歲款請於朝

山西通志卷一百一 名宦錄二 三

發常平貸之并減其秋租有差賦役不均官吏賦一征十德  
輝閱實戶編均其等第出納有法數十年之弊一旦革去焉  
李德輝字仲實通州潞縣人年六十監酒豐州市筆札錄書  
夜誦不休中統中為山西宣慰使權勢之家籍民為奴者咸  
按而免之復業近千人至元元年授太原路總管時潛藩故  
傅相無有出為二千石者上以太原難治故以德輝為守至  
郡崇學校表孝節勸耕桑立社倉一權度凡可以阜民者無  
不為之嘉禾瑞麥六出其境五年徵入七年命錄囚山西河  
東行至懷仁民有魏氏發得木偶持告其妻為厭勝移獄獄  
詞皆具德輝察其寃知魏氏有愛妾疑妾將構陷其妻召妾  
鞠之不移時而服遂杖其夫而論妾以死時稱神明  
鄭鼎澤州陽城人初為澤潞遊沁千戶乙巳遷陽城縣軍民

長官中統元年以功遷平陽太原兩路萬戶二年詔統征西  
等軍成雁門關隘遷河東南北兩路宣撫使三年改授平陽  
太原宣慰使至元三年改平陽路總管歲大旱鼎下車而兩  
導汾渠修學校建橫澗橋民德之

崔敬字伯恭惠州人至元六年僉山北廉訪司事按部宣甯  
有李秀坐造偽鈔連數千人皆與秀不相識敬疑而讞之秀  
曰吾以訓童子為業捶楚之下不敢不誣服耳敬詢知始謀  
者乃大同王濁十餘年事不泄而有司誤以李秀為王濁也  
移文至大同果得王濁為真造偽鈔者人皆傳頌之  
姚天福字君祥絳州人至元十二年為河東道提刑按察副  
使時河東民苦徭役天福劾執政失計奏罷其役徵拜治書  
侍御史二十八年僧格原作桑哥敗考訊黨援平陽為多以天福

山西通志卷一百一 名宦錄二 三

為平陽總管俾窮治其事焉富珠哩原作神道碑云憲  
河東時開原賑太原民奏和羅朔方  
鄭制宜鼎子至元十四年為太原平陽萬戶大德八年承命  
存恤震壓者懼緩不及事晝夜倍道兼行至則親入里巷撫  
瘡痍給粟帛存者賴之  
程思廉字介甫家東勝州成宗初除河東山西廉訪使請減  
太原餉請王駝馬數平陽諸郡歲輸租稅北方請輸河東近  
倉舊法決事有議劄權歸曹吏思廉自判牘尾某當某罪吏  
皆束手  
郭貫字安道保定人大德十一年為河東廉訪使至大二年  
仁宗至五臺山貫進見仁宗因問廉訪使穆爾濟達原作成  
何以有善政左右對曰皆副使郭貫之教也因賜貫瑪瑙數



珠金雜文

王利用長安人延祐間由翰林出為河東山西道按察副使文學政事交重於時

楊布哈原作不花河兩甯夏人多不濟原作只子以蔭補官歷

河東廉訪司事嘗出按部民有殺子以誣怨者獄成布哈

之曰以十歲兒受十一創且彼以斧殺怨必盡其力何創痕

之淺反不入膚耶遂得其情平反出之河東民饑先捐貲以

賑請未得命即發公廩繼之民賴不死天歷初除通政院判

將行值陝西諸軍拒路布哈獨率眾出禦呼西人諭之曰民

者祖宗艱難所致國家大事何與於民汝等既昧逆順又欲

殘此無辜吾有為民死爾不汝從也陣潰遂見殺二僕亦見

執曰吾主既為國死吾縱為人奴今苟得生他日何以見吾

主於地下欲起殺警警要斬之至順二年贈嘉議大夫禮部

尚書以褒其忠

王思誠字致道兗州噤陽人至治元年進士授管州判官至

正初僉河東山西道肅政廉訪司事行部武鄉縣監縣來送

思誠私語吏屬曰此必賊吏未幾果有訴於道側者問曰得

無訴監縣汝馬乎其人曰然監縣抵罪吏屬問思誠先知

之故曰衣敝衣乘駿馬非詐而何陝西行臺言欲疏鑿黃河

三門立水陸站以達於關陝移牘思誠會二行省憲臣及長

吏視之皆畏險阻欲以虛辭復命思誠怒曰吾屬既自欺何

以責人諸君少留吾當躬詣其地眾惶恐從之河中灘磧百

有餘里礁石錯出路窮舍騎徒行攀藤葛以進眾憊喘汗弗

敢言凡三十里度其不可乃作詩歷敘其險執政采之遂廢

其議焉

歸賜字彥溫汴梁人至正五年僉河東廉訪司事行部西京

以法繩趙王府官屬之貪暴者王三遣使請不為動宣甯縣

有殺人者蔓引數十人一讞得其情盡釋之沁州民郭仲玉

為人所殺有司以富察實勒原作山兒當之賜察其誣蹤迹得

其殺人者實勒遂不死六年轉僉淮東廉訪司事後閉關避

兵居夏縣卒

張思明字士瞻家輝州皇慶五年除西京宣慰使嶺北戍士

多貧歲凶相挺為變思明恩威並行邊境乃安

孫德謙河南睢州人任中書省歷大同行省平章事明兵既

克大都元主已北行徐達遣將圍大同德謙嬰城固守自知

力不能支乃手書自決作詩數章詞義激烈城陷不屈死

姚行簡太宗癸巳命修理鹽池損壞丙申繪鹽池圖獻於上

上可之乃立司於池之北許曰路村仍命行簡專掌鹽賦

趙炳字彥明惠州濼陽人至元九年為京兆路總管時以解

州鹽賦給安西王府經費歲久積逋二十餘萬緡有司追理

僅獲三之一民已不堪炳密啓王曰十年之逋責償一日其

孰能堪與其哀歎病民孰若惠澤加於民乎王善其言遂命

免徵焉

鄂屯茂大德時任河東運使建學課士河東運學始於此

高昌閩閩至正九年任鹽運使有善政嘗復解鹽西場均鹽

利州人思其德為立碑頌之

那海德俊至正時擢總河陝鹽使請於聖惠鎮修築鳳凰城

即今運城也



巴延特穆爾原作卜顏為運使嚴緝私販課獲充鹽丁撈採禁役無得侵擾焉

護廉實司雖有惠政均派鹽丁車戶時有造船垣山二役免本鎮人不與賣零鹽止收官價交課鈔定鹽草價益鹽勛數民便之

右元二十四人各籍及分

山西通志卷一百一

山西通志卷一百二

名宦錄二

三

名宦錄三

錄一之三

山西通志第一百三

賜進士出身頭品頂戴兵部侍郎兼都察院右副御史巡撫山西提督軍務張煦奉旨監修

臺司 明洪武至嘉靖

曹良臣安豐人為行省左丞洪武元年略地至澤潞晉山西行省平章三年封宣甯侯五年戰沒於阿魯渾河贈安國公謚忠壯

何真字邦佐東莞人少英偉好書劍元末據廣東為行省左丞明洪武元年來附真喜儒術讀書綴文為山西右布政使尋封東莞伯卒

韓宜可字伯時浙江山陰人洪武時為監察御史號剛直罷歸已復徵至特授山西右布政使以事安置安南建文時拜

山西通志卷一百三

名宦錄三

一

副都御史卒是夜大星隕樞馬皆驚嘶人謂宜可當之云

華克勤洪武間左布政使有政聲屢蒙勅獎諭

彭通字萬里南海人洪武中累官山西布政司參政河東運

司陞羨餘廉得之實于法有吳允者故五臺寺僧也以才辨

受知為陝西方面官家人橫肆偶以事干通通直其罪斥辱

之條其事以聞尋以年老致仕通為人恭謹外柔而內剛雅

善詩為太祖所稱太祖嘗為贊善大夫朱濂賦醉學士歌通

廣和焉

王彰鄭州人洪武間布政司左參政廉直無私官吏咸服

王敬先偃師人博通經史工文辭洪武間以賢良舉授山西

布政司左參議

宋文祥符人性資醇厚學行兼備洪武中以隱士薦送京師



授山西按察司副使廉能稱著風紀肅然

樊鎮考城人初授御史振揚風紀有能聲洪武間任山西副

使永樂中擢湖廣右參政調山西宣德間陞右布政使所至

廉幹勤敏大得時譽

張孟兼浦江人與修元史劉基嘗為太祖言今天下文章宋

濂第一其次即臣基又次即孟兼用為山西僉事廉勁疾惡

糾摘奸猾吏民間張僉事行部凜然墮膽聲聞於朝擢山東

副使抗布政使僧吳允被害

宋禮永甯人洪武間按察司僉事持法嚴明人莫敢犯陞陝

西布政使後遷工部尚書

呂震字克聲臨潼舉人洪武間按察司僉事明敏有為聲譽

大振永樂中歷官禮部尚書以上洪武年

山西通志卷一百三 名宦錄三

鄭辰字文樞浙江西安人永樂四年進士十六年由御史超

遷山西按察使糾治貪濁不少貸潞州盜起有司以叛聞詔

發兵討捕辰方以事朝京師奏曰民苦徭役而已請無發兵

上然之還則屏驕從親入山谷撫諭盜皆感泣復為良民禮

部侍郎蔚綬轉粟給山海軍辰統山西民輦任民勞多通耗

綬令即山海貸償之辰曰山西民貧而悍急之恐生變不如

綬之使自通有無用其言卒無逋者內艱歸軍民詣御史乞

留御史以聞服闋還舊任宣德三年召為南京工部右侍郎

初命舉方面官堪內任者寔義以九人薦上素聞辰名即真

授餘多試職正統時嘗與豐城侯李彬轉餉大同歸卒辰重

義輕利與山西同僚杜僉事有遺言杜卒為治喪資遣其妻

子

韓偉瑞安人永樂中太學生擢監察御史巡歷有聲陞河東

鹽運使以清慎見稱卒於官

喬誠朝邑人太學生歷官勤能陞山西左參政處心忠信措

事寬平人稱為長者

趙紳歷城人舉人永樂間授御史激揚有聲以劾尚書金連

出為揚州同知陞山西參議卓然有聲轉江西以老疾致仕

朝廷念其廉介賜半俸養老

蔡彬武邑人永樂中由太學生歷任勤能陞山西左參議有

惠政及民

周道朝邑人永樂間舉人山西僉事有惠政卒於官喪出遮

道哭奠三日不得行

蕭伯剛邠州人永樂末舉人歷任山西僉事能振揚風紀致

山西通志卷一百三 名宦錄三

仕歸以上永樂年

張政廣德人洪熙間以御史巡按山西明年復命陞本省按

察使賜鈔一千緡馳驛赴任政暇以經學授士子士子多所

拔擢

于謙字廷益錢塘人永樂十九年進士為御史宣德中上手

書謙名授吏部超遷兵部右侍郎巡撫河南山西年僅三十

三謙感上知徧歷諸州縣察時所急事所宜興革即具草言

之一歲章數上三楊在政府皆重謙奏朝上夕報可英宗立

奏免山陵役夫萬七千人正統初數上便宜事遇水旱輒立

奏六年疏言今河南山西積穀各數百萬計臣欲於每歲三

月令府州縣申報缺食下戶隨分支給先救秫次黍麥次稻

俟秋成償官而免其老疾及貧不能償者府州縣吏秩滿當



遷卽預備糧儲未足不聽離任仍令風憲官以時稽察詔可  
自是儲備充溢境內數千里民無水旱憂又以大同懸塞外  
請別設御史治之而盡奪其鎮將之役卒私墾者爲官屯邊  
用亦溢在官九歲遷左侍郎食二品俸謙每議事京師空行  
無所齋權要多憾之通政司李錫阿中官王振指劾以久不  
遷怨望遂下法司論斬繫獄三月山西河南吏民伏闕上書  
請留謙者以千數周晉諸王亦言之乃赦謙以大理少卿復  
往巡撫謙前後在任十九年兩丁內外艱詔皆許歸治喪旋  
起復至正統十三年以兵部左侍郎召明年遂有土木之役  
晉兵部尙書功在社稷宏治初贈太傅謚肅愍萬曆中改謚  
忠肅

徐家達字志道歸德人洪武丙子舉人宣德中以湖廣按察

山西通志卷一百三 名宦錄三 四

使按山西時永達方居憂詔奪情特賜璽書遣之永達弱  
冠登鄉榜由教諭洊歷翰林侍經筵爲輔導官尋遷鴻臚少  
卿皆稱職及涖山西劾治苛暴擒捕奸貪雖強禦不避威望  
大著嘗持節王國所與鞍馬金幣襲衣悉辭不受奉使交趾  
所贈貨寶值千金絲毫無所取比卒不能具棺故所至能樹  
風節云  
黃常祖字邦經世居閩之涵江永樂壬辰進士歷官部曹有  
聲後薦陞山西布政使司左參議并晉地瘠民貧值歲凶多  
流亡常祖奏乞招徠聽免徭役三年悉復業平陽界上有盜  
聚千人爲害常祖推誠諭之不旬日皆降附正統十年致仕  
歸  
劉珏字廷侯長洲人宣德時以應天鄉薦授刑部主事遷山

西按察僉事提督屯田操履清白人不得以私干之性孝友  
工詩年五十乞致仕著有完菴集

羅亨信字用實東莞人永樂二年進士宣德中爲御史清軍  
山西有聲有薦其堪方面者命食按察僉事俸待遷正統中  
以右僉都御史巡撫宣府大同汰諸衛冗官老弱者四百八  
十餘人參將石亨請簡大同民三之一爲軍亨信奏止之晉  
右副都御史巡撫如故時遭官度二鎮軍田一軍八十畝外  
悉徵稅五升亨信言永樂時詔邊軍盡力墾田毋徵稅陛下  
復申命之今奈何忽爲此舉塞北諸軍防邊勞苦無他生業  
惟事田作每歲自冬徂春迎送瓦剌使臣三月始得就田七  
月又復刈草八月以後修治關梁計一歲中曾無休暇況邊  
地磽瘠霜早收薄若一收稅則民不復耕必致竄逸上納其

山西通志卷一百三 名宦錄三 五

白圭字宗玉南宮人正統七年進士除御史巡按山西辨疑

獄百餘部檄朔州課鈔益三之二圭疏爭復三十取一之舊  
從蜀土木脫還景帝命往澤州募兵後仕至兵部尙書卒贈  
少傅謚恭敏  
左鼎字周器永新人正統七年進士巡按山西英宗北狩悉  
心畫戰守時兵荒游瑒請蠲太原諸府稅糧停大同轉餉夫  
以蘇其困也先請和抗言不可引宋景德靖康事爲鑒鼎善  
草章奏京師語曰左鼎手練綱口後爲左僉都御史卒  
陳泰字吉亨光澤人舉鄉試第一正統時爲御史巡按山西  
乞量增羣臣祿原格不行泰素勵操行三爲巡按懲奸去貪  
威稜甚峻邸王監國于謙薦守紫荆關以關門不守論辟宥



之景泰元年遷右僉都御史節制紫荊倒馬諸關後謝政卒  
王綱上高進士正統間爲右布政使爲人行止端方執法不  
撓自御史歷官布政所至有聲後致仕

楊璿字叔璣無錫人正統己未進士通敏有操執不以利害  
爲趨舍由主事遷郎中晉山西右布政定民差役均平無弊  
晉都察院右副都御史巡撫河南卒于官

石璞字仲玉臨漳人以御史遷江西按察使晉山西布政使  
剛直有治才刁民奸吏皆畏方議修堯廟一夕大風拔木積  
廟前皆棟梁材後進工部尚書正統時進太子太保改兵部  
尚書景帝初出募山西義勇又出理大同軍餉後掌南京都  
察院事成化初致仕歸

王琦字文進浙江仁和人永樂中舉人授汝州學正正身範  
物生徒爭自濯磨正統中陞山西按察僉事提督學校士風  
丕變以母憂去

鮑時安福進士正統間任右參議政餘以春秋之學淑人  
朱鑑字用明晉江人舉鄉試宣德中用薦爲山西左參政居  
數年晉右布政司邨王監國就擢左副都御史巡撫其地上  
言宜重將帥事權悉罷監軍中貴整散兵募勇士重懸賞格  
鼓勸義旅上嘉納之時寇窺塞下鑑日夜爲守禦計修築各  
州縣及沿邊城堡聚置騎甲計萬餘召募壯勇萬七十八既  
而移鎮雁門定引去三年侍郎鄒幹黜陟山西多所論劾鑑  
請召幹還論鑑徇護召還院致仕卒

山西通志卷一百三

名宦錄三

六

廢弛最弊尤甚富一意拊循奏免秋賦罷諸州縣稅課局停

太原民之轉餉大同者武清侯石亨武安侯鄭宏武進伯朱  
瑛令家人領官庫銀帛糶米實邊多所乾沒富首請按治詔

宥亨等抵家人罪亨慮久雨壞關城潛遣卒十餘人行視卒  
遂越關抵大同富復劾亨專擅亨輪罪已削襄垣王府菜戶

又杖其廚役之署教授事者已又劾分守中官韋力轉參將  
石彪及山西參政林厚罪豪家愈側目相與撻富罪巡按御  
史白其誣遂不問當是時富威名重天下而當事大臣于謙

等力保持之故得行其志母憂詔乘傳奔喪起復視事七年  
富上言往時諸邊雖設鎮守監鎗內官其數猶少自土木變  
後諸邊悉增如陽和天城諸處一城二人擾民殊甚今邊務

請減汰格不行英國公張懋及鄭宏各置田莊于邊境  
歸項之石彪以前憾誣劾富逮下詔獄李賢稱富能祛弊上  
曰此必彪爲富抑不得遂其私耳已而事果無驗令致仕後

召任戶部尚書卒諡恭定  
馬文升字負圖鈞州人景泰二年進士授御史出按山西風  
裁甚著仕至吏部尚書卒贈太傅諡端肅

倪敬字汝敬無錫人正統十三年進士擢御史景泰中巡按  
山西奏罷入粟補官令戍將侵餉者悉按治豪猾斂手後復  
以直言論典史遷督府都事卒

劉世忠字懋誠山東濮州人景泰時授監察御史累官山西  
參政成化癸卯甲辰歲大饑民嗷聚垣曲山中千餘人剽掠  
鄉村世忠單騎入賊壘推赤心撫諭其衆曉以禍福衆感泣

山西通志卷一百三

名宦錄三

七



棄兵器羅拜遂為良民後陞都御史巡撫延綏

葉盛字與中崑山進士景泰間以兵科給事中遷山西右參政協贊獨石等處軍務上興革事宜八條次第行之又買牛種付戍卒不任戰者屯田以給軍中諸費復立社學建義家設暖舖拊循有方邊人歡洽天順八年巡撫宣府會大舉入河套議增兵設險或請大舉搜套沿河築城堡抵東勝徙民耕守其中勅盛往議方略上言搜河套復東勝未可輕議增兵守險可為遠圖上從之轉吏部左侍郎卒謚文莊

祝頌字維清江南長洲人正統間進士景泰中任山西布政司參議專督糧儲時大寇之後倉府空竭飢民流散願招亡撫存條法曲盡進階右參政仍督糧儲以晉俗少文思振起以儒術廣選俊秀充生徒躬親教授表揚遺微以為法式嘗

山西通志卷一百三 名宦錄三

神尊墓復修二賢祠于聞喜祀裴趙兩公新明道先生祠于澤州以伊川先生郝左丞經配焉天順中汾州妖賊作亂就擒首謀止十六人願以罪坐首事不欲多傷善類又以改年

僭號不可僅以盜聞乃以十六人為謀反上奏得旨如議額行都封內往往駐軍問民間利弊力為興除過高山大川及古昔名人宅里祠墓登臨謁弔一時詩版流傳海內皆推大手居參政七上疏請歸歸二十年卒

王璠字廷瑞甯遠人景泰間進士性亢爽有局幹尤習吏事累擢山西布政司左參議分守冀北道時北部出沒不時成卒餽餉恒虞不繼璠多方調畫邊鎮荷以為重

李侃字希正東安人正統七年進士天順二年復設山西巡撫遷侃右僉都御史任之奏言塞上之地與窮荒無異非生長其間者未有能甯居而狎敵者也今南人戍西北邊怯風寒聞寇股栗而北人戍南亦不耐暑多潛逃宜令南北清勾之軍各就本土補伍人情交便戎備得修時不能用奏發巡按李傑罪傑亦許侃按傑事有驗除名侃無贓罪獲宥六年

剛方力振風紀貪墨者屏跡冬母喪歸軍民擁泣至不得行家居卒子德仁進士河東鹽運使

李秉字執中曹縣人正統元年進士天順中復設巡撫大臣薦秉才以右僉都御史撫大同都指揮孫英先以罪貶秩還衛總兵李文亥引詔令復職秉至即斥之裨將徐旺領騎卒操練以旺不勝任解其官怨謗紛起會天城守備中官陳例久病秉請易以羅付責專擅徵下詔獄指揮門達訊之斥為民憲宗時起左都御史成化二年秋命自遼東抵大同整飭邊備更將帥申軍令而還未幾命為總督數破敵勞以羊酒賜麒麟服加太子少保入為吏部尚書致仕卒贈太子太保謚襄敏

山西通志卷一百三 名宦錄三

李儀涿州人以薦舉進英宗初始設諸邊巡撫僉都御史丁璿方督大同宣府軍備而儀以右僉都御史巡撫其地盛有所建置號令一新時欲遣方政楊洪襲池北諸部儀乞勅政等無窮追不納督糧參政劉璉不職儀劾之璉亦誣儀適參將石亨欲奏鎮守中官郭敬罪先吞儀儀誤緘舌牒于核餉主事文卷中戶部以聞亨敬遂相許命儀璉自陳而切責敬

李儀涿州人以薦舉進英宗初始設諸邊巡撫僉都御史丁璿方督大同宣府軍備而儀以右僉都御史巡撫其地盛有所建置號令一新時欲遣方政楊洪襲池北諸部儀乞勅政等無窮追不納督糧參政劉璉不職儀劾之璉亦誣儀適參將石亨欲奏鎮守中官郭敬罪先吞儀儀誤緘舌牒于核餉主事文卷中戶部以聞亨敬遂相許命儀璉自陳而切責敬



等璉止停俸二歲儀雖引罪自負其直詞頗激被劾下吏  
死儀居官廉謹邊人素德之建昭德祠以祀璉上元人永樂  
中進士由御史擢居是職後為副都御史卒所至有政聲  
王宇字仲宏祥符人童卯時日記萬言巡撫于謙奇之登正  
統四年進士天順二年為右副都御史巡撫宣府命兼撫大  
同石亨及從子彪驕恣大同其舊鎮地微索尤橫宇抗疏論  
其奸乞置之法疏雖不行聞者敬憚督餉郎中楊益不能備  
芻蕘為宇所劾戶部庇之宇竝劾尙書沈固等皆輸罪晉大  
理卿卒

王越字世昌濬縣人善射有大略登景泰二年進士天順七  
年大同巡撫韓雍召還上難其代喟然曰安得如雍者而任  
之李賢因薦越召入見上喜其岸異即擢右副都御史以行

山西通志卷一百三 名宦錄三

甫至遭母憂奪情視事越乃繕器甲簡卒伍修堡砦為經久  
計成化三年寇入塞督將士禦卻之秋兼巡撫宣府五年冬  
寇入河套延綏巡撫王銳請濟師詔越帥師赴之破寇六年  
正月還尋復援延綏晉左副都御史又晉右都御史七年越  
以方西征辭大同巡撫詔聽之十六年出師援榆林越提督  
軍務與太監汪直將輕騎循塞垣而西至大同聞敵帳在威  
甯海子乃盡選宣大兩鎮兵二萬出孤店潛行至貓兒莊分  
數道值大風雨雪晦真進至威甯寇猶未覺掩擊大破之斬  
首四百三十餘級獲馬駝牛羊六千封威甯伯十七年復與  
直帥師出大同適寇入掠追擊至黑石崖擒斬百二十餘人  
獲馬七百匹晉太子太傅五月大同總兵官孫鉞卒即命越  
代之而以直總鎮宣大後加少保兼太子太傅卒贈太傅諡

襄敏

賈俊字廷杰束鹿人以鄉舉入國學天順中選授御史巡山  
西有聲成化二十一年拜工部尙書加太子少保致仕卒  
邱陵字志高蘭陽人宣德四年舉鄉試第一由教諭遷平鄉  
知縣時山西歲饑民有流入境者陵附循之給以閒田使食  
其力歸之者千餘戶天順四年以政績卓異擢山西左布政  
使成化初李秉為吏部尙書執法不阿學士彭華從子求京  
秩不得憾乘疾同鄉給事中蕭彥莊誣劾陵坐逮上疏奏辯  
事白彥莊免官陵亦致仕著有嬰教聲律二十卷芸菴集三  
十卷子輅山西布政司左參政

山西通志卷一百三 名宦錄三

謝祐字廷佐桐城人宣德乙卯鄉薦正統丙辰成進士歷任  
部曹奉勅督山西邊儲接濟大同宣府天順戊寅陞山西右  
布政使涖官慎勤存心仁厚凡所設施務使民霑實惠前後  
志操始終一致致仕歸有宦游藁行世以上天順年  
朱瑄號鈍菴華亭人正統間進士以御史出巡累擢山西僉  
事屬吏有不法者聞風而去尤多平反冤獄清軍伍明恕不  
苛無隱沒誣枉之弊才名益起凡分巡官缺瑄輒兼領其事  
一日至大同有中貴親幸者入境欲射獵為樂瑄與語遂斂  
威而去邊人不至驚擾丁外艱服除復任山西成化五年始  
擢副使又二年上章請老家居三十年而卒  
雷復字景陽湖廣甯遠人成化七年為右副都御史巡撫山  
西繼李侃後端恪守法得軍民心敗寇紅紗煙再敗之煙寺  
溝石人村賜勅獎勞時山西大祲而令預徵芻餉轉輸榆林  
復上言自山西至榆林道路險絕民齎銀往易價翔踊不免



稱貸償責多破產今雨雪愆違饑民疾病流離困悴萬狀而應輸綾帛菓果諸物又不下萬計乞依山東例蠲除仍發帑賑贖上從之及發金三萬不足請蠶鹽四十萬引並令民入粟授散官皆報可卒於官

秦紘字世纓單縣人景泰初進士成化十三年巡撫山西奏鎮國將軍奇澗等罪奇澗父慶成王鍾鎰為奏辯且誣紘上重違其意逮紘下法司治事皆無驗於是奪奇澗等三人爵王亦削祿三之一而改紘撫河南後仕至戶部尚書致仕卒贈少保諡襄毅

何喬新字廷秀江西廣昌人吏部尚書文淵子也景泰五年進士成化十六年巡撫山西邊地軍民每出塞伐木捕獸喬新言此輩苟遇敵必輸情求生皆賊導也宜毋聽聞出犯者

山西通志卷一百三 名宦錄三 十三

罪守將詔可敵犯塞借參將支玉伏兵夾溝營擊斬甚眾歲饑奏免雜辦及戶口鹽鈔十之四劾僉事尚敬劉源稽獄請勅天下斷獄官淹半載以上者悉議罪上稱善亟從之召拜刑部侍郎山西大饑命往賑活三十餘萬人還流充十四萬戶仕至刑部尚書致仕卒贈太子太保諡文肅

左鈺字廷珍阜城人以舉人授監察御史陞陝西環慶兵備僉事遷副使成化十九年召為都察院右僉都御史巡撫山西二十二年復命巡撫兼都督雁門諸關通敏有權略初韓王取假子自紹事敗連歲不決鈺為僉事承按之一訊得實時稱其才致仕卒

李敏字公勉襄城人景泰五年進士成化時歷山西右布政使累擢右副都御史巡撫大同敵騎出沒塞下掩殺墩軍敏

伏壯士突擒之修治垣墼敵不敢犯大同居極邊孔廟無雅樂敏上奏獲頒賜焉居三年召為兵部右侍郎累遷戶部尚書先是敏在大同見山東河南轉餉至者道遠耗費乃會計歲支外悉令輸銀民輕齎易達而將士得以其贏治軍裝交便之至是并請畿輔山西陝西州縣歲輸糧各邊者每糧一石徵銀一兩以十九輪邊依時值折軍餉有餘則召糴以備軍興上從之自是北方之稅皆折銀由敏始也宏治四年歸卒贈太子少保諡恭靖

孫洪字伯大山東昌邑人景泰間進士巡撫大同以威甯海子之捷進左副都御史食正二品俸尋巡撫河南

余子俊字士英青神人景泰二年進士成化二十年以戶部尚書太子太保兼左副都御史總督大同宣府軍務冬還朝

山西通志卷一百三 名宦錄三 十三

二十一年復出行邊先是子俊巡撫延綏東起清水營西抵花馬池延袤千七百七十里咸鑿崖築牆掘塹其下連續不絕每二三里置敵臺崖若為巡警之所又於崖岩空處築短牆橫一斜二如箕狀以瞭敵避射城牆內地悉分屯壘及巡歷宣大請以延綏邊牆法行之宣大因歲歉而止比復出銳欲行之言東起四海治西抵黃河延袤千三百餘里舊有墩百七十應增築四百四十墩高廣皆三丈計役夫八萬六千數月可成詔明年四月即工而歲比不登上下難之子俊又欲責成於邊臣而已不親其事謗議遂起至冬疏請遷改左都御史巡撫大同中官韋敬讓子俊假修邊多侵耗命工部侍郎杜謙勘之敬又劾子俊私恩怨易將帥下兵部覈侍郎阮勤等為白命謙并按問而中朝多欲傾子俊子俊危甚謙



還奏易置將帥如勤等言所費無私然為銀百五十萬米菽二百三十萬二十二年二月遂落太子太保致仕去二十三年上悟子俊無罪而修邊功不可泯復召為兵部尚書宏治二年卒贈太保諡肅敏子俊嘗曰大臣謀國當身任利害豈得遠怨市恩為自全計其所修邊垣迄為數世利云

鄭甯字志道祥符人正統間進士成化間巡撫宣府時盛暑築城堡工役數千人天久旱下令罷役是夕大雨穡事有秋邊人胥悅以內艱歸奪情起復再至鎮軍民咸迎拜甯曰我公來矣逾年移大同在邊七年疆場無事延見境內士大夫咨詢民瘼次第舉行以疾致仕三上始得請其歸也囊無餘貲間居十四年服食淡泊數至匱乏詔有司歲給米四十石宏治間卒

山西通志卷一百三

名宦錄三

十四

李芳利津人成化間進士初授監察御史劾尚書薛遠滕昭出按山西值歲饑奏發內帑賑之時汪直恃寵命人誣告尚書項忠不軌事命王越往按之越薦芳同往因語同事者曰吾甯得罪於權幸豈可得罪於天愿官按察使發奸摘伏吏畏如神

張進祿清澗人成化間進士授御史劾彈不避權貴巡按山西榆次有巨俠怙惡構黨魚肉小民廉知之悉寘於法境內遂安

王臣江西吉水人成化間以河東鹽法為稅額所關懼滋弊特設巡鹽御史臣以舉人膺命冰蘖自持悉心經畫具得肯綮因為築垣塹以防盜定額課以足邊歲申周鹽政大舉及將代商民數千人匍匐闕下願復留得旨命允以勞嬰病卒

商民建忠愛祠與鹽池之神並祀

周宣龍溪進士成化間太僕少卿考牧惟勤九年考滿陞正卿代州之設寺卿自此始宜有學行政暇與生徒講解多所成就今代士業書經皆所傳授

孟淮博野人進士成化間河東鹽運使因池鹽旁行秦豫法難盡行且占種奏討者多不勝掣肘之慮請如淮浙之例遣侍郎監臨積弊一清

胡謐浙江會稽人成化中以進士累官按察司副使提督山西學政謐嗜學於書無所不窺論諸生文高下悉當嘗以禮待刑遜之公所藏書於學宮因碑以示諸生諄諄以德行文章事功為重不但欲誇多闕靡為書肆而已山右故無志謐以身秉文衡文獻之責于是乎在特為草創之後轉本省參政

山西通志卷一百三

名宦錄三

十五

楊一清巴陵人數歲能屬文應奇童舉至京得召見十八成進士授中書舍人成化間任山西提學僉事宏才碩望師範端嚴人才高下甄別不爽表節義禁浮華士人翕然宗之累官至大學士贈太保諡文襄

敖山字靜之山東莘縣人成化間進士拜翰林編修為時推重出提督山西學校所著有石稜傳粲然稿先天手冊晚年數學精到

李鶴字邦傑華容人宣德王子鄉貢成化初晉山西右參政為人廉直敏慎嗜學工書所居輒為人重歸卜居黃湖山石田茅屋而已足跡不履城市

王盛字懋德韓城人成化進士為人孝友介廉崇正闕邪以



給事中陞山西參政暇日惟以教人爲事河東一時名士出其門者甚多因目爲關西夫子所得俸祿盡散族人親識而家無餘貲所著有竹室詩

石玉藁城人成化間山西副使發奸摘伏人稱神明疑獄片言而決全活甚衆二子玠瑤登進士遂致仕

顧佐字良弼臨淮人成化五年進士宏治中爲右僉都御史巡撫山西宗室第宅官爲繕費不貲請悉令自營治正統末權發太原平陽民戍邊後遂久不代奏令代遷正德初代韓文爲戶部尙書劉瑾憾文部有故册選欲以爲文罪逼佐上其事佐不可奪俸乞歸卒贈太子太保

張敷華字公實安福人天順八年進士宏治初爲右副都御史巡撫山西中道奔喪服闋還故官部內賦輸大同困于折

山西通志卷一百一 名宦錄三 十六

價請太原以北利轉運者仍輸米民便之正德初爲左都御

史致仕卒贈太子少保諡簡肅

許進字季升靈寶人成化二年進士宏治元年爲右僉都御史巡撫大同小王子久不進貢遣使干五百餘人款關進以便宜納之請於朝詔許五百餘人至京師已而屢侵邊進被劾不問尋復窺邊進整軍待之新甯伯譚祐以京軍援寇乃遁去又乞通貢進再爲請上許之時大同土馬盛強邊防修整貢使每至闕率下馬脫弓矢入館俛首聽命無敢譁會進與分守中官石岩相訐若徵還進亦謫兗州知府十三年火歸大舉犯大同邊將屢敗勅進與太監金輔平江伯陳銳率京軍禦之進仕至吏部尙書致仕卒贈太子太保諡襄毅

史琳字天瑞成化丙戌進士性坦夷宏豁不設崖岸喜談兵

爲給事巡按多建白三爲提督初赴宣府大同值寇退治兵食以防其後尋以提聞宏治乙丑宣府失利劇命出師琳與大帥分駐宣府大同諸路斬獲以百計捷再上褒論如初特命申官迎勞於關錫賚甚厚終都察院右都御史卒於官贈太子太保賜葬祭

洪漢字天章成化壬辰進士巡撫大同參贊軍務撫恤軍民搜別蠶弊風紀振而邊境肅然上疏極言便益地方八事而增守備以專責任演神機以期實用置方田以遏北騎寬住俸以惜逃官尤爲八事中切要者因觸忤中官回籍

歐信字字先薊州人成化甲辰進士修幹美儀邊幅整峻以郎中督餉大同增置東大有倉乘賤易粟備用歲積至五十萬石歷陞右副都御史巡撫大同始至即選將訓兵綜理屯

山西通志卷一百一 名宦錄三 十七

收修舉廢墜未逾年卒

王獻臣字敬止其先吳人籍錦衣衛宏治六年進士爲御史巡大同邊還言自威遠失利士無戰心今復令修築邊垣豈勝畚鍤勞宜量修要害罷其餘且亟正諸將姚信陳廣閉營避寇及馬昇王杲秦恭喪師罪悉屬大同延緩早傷邊賦以寬軍民多獲允東廠以非理計奏遂杖謫人皆寃之終知縣

劉瑀字汝器蠡人成化二年進士以御史擢蘇州知府陞山西右參政會澤潞沁汾歲饑盜起瑀招徠賑貸民頗賴之後陞山西左布政使遷右副都御史宏治六年致仕卒

藍章山東卽墨人宏治中以監察御史巡撫山西風裁自持彈劾不避權貴轉左僉都御史忤瑾左遷瑾敗起巡撫陝西



劉平巨寇漢中人立祠祀之

李蕙字德馨當塗人成化己丑進士由給事中累擢山西右布政使踰年轉左布政使公移出入吏多緣以為姦蕙痛治之姦弊盡息惠澤多及於民有畫像以奉之者癸丑陞右副都御史督南京糧儲卒於官

陳震字文靜慶陽人成化丁未進士為御史風裁凜然丁巳陞山西按察副使務以德化壬戌陞按察使憲度益修正德初左遷兩淮鹽運同知終兵部右侍郎兼左僉都御史致仕卒以上成化年

張泰字世亨祥符人成化戊戌進士以御史監河東鹽課有勢要撓法為奸疏劾去之巡按山西劾罪貪酷吏若干人軍民稱快後晉右都御史總制三邊乞休命未下而卒

山西通志卷一百三 名宦錄三 十九

楊文卿浙江鄞縣人進士宏治間授山西提學僉事操履端嚴勸懲有道斥邪術毀淫祠申禁約建社學教化大行

王鴻儒字懋學南陽人成化末進士累遷山西僉事晉副使俱督學政居九年士風甚盛孝宗嘗語劉大夏曰藩臬中若王鴻儒他日可大用也正德改元謝病歸後累遷南京戶部尚書卒諡文莊

李俊字子英岐山人成化五年進士為吏科都給事中二十一年以星變疏劾梁芳章與陳喜李孜省鄧常恩繼曉及卿貳等語尤切尋以事出外宏治中累官山西參政卒

李景繁字邦泰儀封人成化中進士由三原知縣累轉都水司郎中管漕河有治績宏治六年遷山西右參議理儲行塞上凡十年而餉運不闕擢四川參政以疾乞致仕

邱瑒字仲玉蘭陽人陵子成化壬辰進士由給事中累遷至山西布政司左參政分守大同沈靜博學建白施設多中民隱病卒於官家無餘貲歸無室處人以是高之

吳道甯字世安河內人成化戊戌進士歷官以慈愛為本節民財力為先宏治十一年陞山西按察司副使整飭雁門等三關兵備劄築甯武新城設甯武所及沿邊堡塞募軍充實武備一新邊人有賴後以疾歸

徐節字時中貴州衛人成化壬辰進士由內鄉令擢御史風裁凜然丙寅進右副都御史巡撫山西廉謹守法無一事擾民會逆瑾擅政見忤削秩罷歸瑾誅詔復職致仕

姜洪字希範廣德人成化十四年進士為御史孝宗初論辨邪正斥大監蕭敬內閣萬安劉吉學士尹直尚書李裕等語

山西通志卷一百三 名宦錄三 十九

尤切直吉假督漕爭文移事貶夏縣知縣正德二年累遷山西右布政使劉瑾索賀印錢不應矯詔罷歸瑾誅復起七年以右副都御史巡撫山西未滿歲卒洪歷官四十載居無垣牆

李鉞字度甫祥符人宏治九年進士正德中為右僉都御史巡撫山西大修雁門十八隘與延綏援將安國抗雄敗寇于尙嵐加俸一級尋討平內寇武延章等嘉靖中仕至兵部尚書卒贈太子少保諡恭簡

楊澄射洪人進士巡撫山西約已厚士繕邊修具富儲選將勤蒐練廣開諜民賴以甯

顧璘字華玉上元人宏治九年進士歷山西巡撫有聲後遷南京刑部尚書卒璘少負才名與何李相上下



謝綬字朝章朝城人成化甲辰進士授任邱令歷陞都察院右僉都御史巡撫大同時也先旃廬百餘里保聚塞下數人侵盜綬至鎮簡練軍實墾田殖穀威名流聞部落遠徙不敢近塞又設伏險阨寇騎零抄出入輒要擊之日對將吏商軍務方略夜治文書按圖籍指畫山川險易及寇中曲折皆如身履好撫卹士卒調給芻糧燕犒無不周至屢奉璽書褒美以勞成疾卒於軍府詔守臣臨祭祭如例

楊志學字遜夫徐州人宏治六年進士巡撫大同邊人愛之累官刑部尚書卒諡康惠

陳察字原習常熟人宏治十五年進士為御史直聲震朝野累官山西左布政使有聲後巡撫南贛歸卒察居官廉既歸傲衣糲食而已治年

山西通志卷一百三 名宦錄三 二十

張士隆字仲修安陽人宏治十八年進士正德六年為御史巡鹽河東劾貪吏鑿平青石槽又建正學書院興起文教後為陝西副使卒

胡止羅山人進士正德六年以監察御史巡鹽河東方肅嚴事適流賊擾亂所至屠掠將至運城運人以城陋欲潰止曉以忠義治兵繕城為死守計賊聞有備不敢近士民賴以安堵立祠祀之

朱裳字公垂沙河人受學崔銑登正德九年進士擢御史巡鹽河東錢甯遣人牟鹽利禁不予累官總理河道卒諡端簡許銘宛平人進士正德間任太僕卿為政暇輒與代士講論經史立課法以勸勵之一時士嗜文學科目多出其門孫修字用吉邯鄲人宏治乙丑進士由部曹歷陞山西按察

使公廉有威上下憚之後巡撫湖湘改南京操江致仕歸黃河遂甯人進士正德間山西按察使具經緯才有雅操辨枉伸抑執法公平吏民懷服累官工部尚書

高友璣樂清人進士正德間任山西按察使堅持風憲不畏強禦獄平允民無冤抑至今稱之陞副都御史巡撫大同陸深字子淵上海人宏治十八年進士歷祭酒充經筵講官言講官撰講章閣臣不宜改竄謫外晉山西提學副使有聲仕至詹事卒諡文裕

陳鳳梧江西泰和人正德間以進士任山西提學副使鳳梧高才博學持身廉潔教士以德行為先冠婚喪祭悉令遵用朱子家禮所頒條約數十款皆身心切務論文復極詳慎妍媸美惡不爽毫髮每引諸生至堂下教以明體達用之學後

山西通志卷一百三 名宦錄三 三十一

官兵部尚書

馬卿林縣進士正德間提學副使端嚴有體閱士校文雖寸長必錄褒獎行義遠近向慕之歷官都御史

張敏字時勉嘉興海鹽人鄉舉籍在雲南宏治己未除蘭州知州累陞山西布政司右參政雄武有謀略遇事敢為摘人隱伏多曲中致仕歸

王崇文字叔武曹縣人珣第三子宏治癸丑進士由翰林改部曹武宗時推山西參政壺關盜起將發兵勦之崇文戒勿輕出諭以禍福多所解散摘其首惡餘黨悉平巡撫保定引疾歸著有兼山遺稿

王尙綱祁縣人進士正德間參政恤民均惠善政累歲未幾以親老疏歸居家十九年交薦不起嘉靖中起復參政己丑



大饑上救荒八議一日懲饑饉乞遣使行部問民疾苦二曰恤暴露乞有司祭瘞消釋厲氣三曰救貧民乞支散庚積秋成補還四月停徵斂乞截留住徵以俟豐年五日信告令乞勸分菽粟六月推糴買乞令無閉遏七日謹預備乞申舊例措處積貯勿使廩庾空虛八曰恤流亡乞所過州縣加意存恤勿使羣聚思亂詔施行尋遷浙江右布政去

曹鳳字鳴岐號西野新蔡人成化辛丑進士由祁門令歷陞山西左參政終都察院右副都御史巡撫延綏性孝友情介不御執紼不問貨殖遺愛在民始終不顧身於權瑾士林重之

徐進歷城人宏治十五年進士武宗初為南京工科給事中奏留劉健謝遷詔繫獄廷杖除名後官山西遷僉事晉副使

山西通志卷一百三 名宦錄三 三

平巨盜混天王民頌之卒官  
尚衡字一中同州人宏治間進士歷陞給事中遷浙江左參議改山西駐平陽平陽故藩邸多馮籍以擾民衡力禁之盜王常聚西山設計擒殺散其餘黨移守冀甯流賊寇河東太原甚急衡檄指揮賈彪設伏盤駭坂下賊走冀甯又檄官軍追賊賊自壺關遁去後左遷漢陽卒  
馬應祥字公順山東高宛人宏治丙辰進士外任以循良稱後命山西督屯時屯田子粒多負欠併徵實難應祥謀諸撫按許他物相準即以給士卒甫三月完十六七撫按獎其賢尋擢按察副使頻上疏乞休為歸咼園鴈咏自娛  
趙佑字汝翼雙流人宏治九年進士為御史力劾中官劉瑾指為奸黨勒罷之後起山西僉事卒

趙漢字鴻遠平湖人正德六年進士為給事中好直言出為陝西右參政告歸久之以故官起山西不數月復致仕  
秦偉三原人正德成寅任雁門兵備副使剛直不畏權右小吏貪墨及強宗怙勢者望之斂跡

張文魁字元甫河南蘭陽人正德戊辰進士由部曹累陞山西按察司僉事巡冀北道勸劾權要無所徇嘗修沿邊險阻遇伏於橋頭堡以護兵直前迫之皆遁去胡中丞銳薦其才陞布政司左參議復守冀北宜民之仁足餉之才擊強之威可方古人陞陝西行太僕寺少卿大同副總兵以鞍馬金器馳賀文魁曰吾不以易地易介也卻之後陞右布政使以都御史致仕卒

山西通志卷一百三 名宦錄三 三

江潮字天信貴谿人宏治己未進士嘉靖四年以文武才被薦拜都察院右副都御史巡撫山西兼督三關軍務下車未數日即行邊閱城堡堅瑕芻粟豐約與諸將士勇怯策緩急而弛張之居二年寇不敢近太原人李福達以妖書惑眾聚黨至數千人震動三河潮勒兵解之福達操重資遁匿他所潮購捕益急遂詭張寅名入京夜持萬金為武定侯郭勛壽因匿勳家助貽書山西使者為關說潮捕得其書抗疏陳福達罪狀併劾勳倚掖廷親怙勢藏逆疏三上不報因罷官歸侍太夫人養隆慶初錄其忠贈兵部左侍郎諭祭制辭有持法正妖矢忠遭謗之詔  
劉大謨字遠夫儀封人正德間進士嘉靖改元晉陝西副使尋遷四川左參政會三晉大饑以才望素隆巡撫山西即上疏請出內帑溥振從之遣官齎銀五萬入晉陽時方旱大謨



巡歷所至聞民疾苦兼禱請旋復兩民大悅會有議撤備關  
官軍者抗疏止之以糾劾參議魏倫忤重臣意致仕後起四  
川巡撫卒

曾銑字子重江都人自為諸生以才自豪嘉靖八年進士為  
副都御史巡撫山西經歲寇不犯邊朝廷以為功晉兵部侍  
郎巡撫如故二十五年夏晉總督陝西三邊軍務議復套為

嚴嵩構陷識與不識胥痛悼隆慶初贈兵部尚書諡襄愍

孫繼魯字道甫雲南右衛人嘉靖二年進士為山西參政數  
繩宗藩暨遷按察使宗藩百餘人擁馬發其裝見敝衣外無

長物乃載酒謝過二十六年又由陝藩擢右副都御史代楊  
守謙巡撫山西繼魯耿介所至以清節聞然好剛使氣總督

翁萬達議并守大同抗章力爭之又貽萬達書曰往歲建雲

山西通志卷一百三 名宦錄三

中議宰執幾不免近年撤各路兵督撫業蒙罪萬達乞別調

繼魯否則早罷臣兵部是繼魯廷議是萬達上怒繼魯騰私  
書引往事而夏言亦惡繼魯不為地下詔獄瘦死繼魯為巡

撫僅四月山西人習其前政冀有所設施遽以非罪死咸為  
痛惜宗藩有上書訟其免者即前奪視其裝者也隆慶初贈

兵部左侍郎諭祭葬諡清愍

楊守謙字允亨長沙人嘉靖八年進士練習兵計巡撫山西  
興舉偏頭老營堡營田薦副使張鎬為提調營田大興穀價

減十五移撫延綏以山西修邊功增俸一級賜金幣有加

蘇祐字允吉濮人嘉靖丙戌進士性和易可親而耿介有節  
癸巳以御史出按宣大平亂軍丁酉按山西監臨省試以得

人稱錄大辟減死五十餘人壬寅擢參政丁未進右副都御

史巡撫山西協守及營田奏功晉秩一等成甯武關城已酉  
以兵部侍郎總督宣大山西軍務訓練精勁壬子老營堡獻  
捷晉從二品秩賜金幣癸丑進右都御史寇二十萬眾夾大  
同南下將入內關祐提兵馳赴永安堡遇戰奏捷祭告郊廟  
榜示九邊晉兵部尚書致仕歸

許論字廷議靈寶人進少子也嘉靖五年進士好談兵幼從  
父歷邊境盡知阨塞險易因著九道圖論上之上喜頒邊臣

議行自是以知兵聞二十九年為右副都御史巡撫山西錄  
防秋功晉兵部右侍郎三十三年又以左侍郎出督宣大山

西軍務奸人呂鶴初與邱富以左道惑眾富為俺答謀主鶴  
因潛伏應州城遣其黨闖出塞外引寇為偵卒所獲論遂道

兵捕鶴并誅其黨以功晉右都御史再以功晉兵部尚書歷

山西通志卷一百三 名宦錄三

子錦衣世千戶時邊牆盡撤而守臺請改築於城外每三百

步建一臺詔立從之寇萬騎八山西督軍遮破之朔州川先  
後俘斬五百三十有奇加太子太保復應子三十五年兵部

尚書揚博以父喪去召論代之三十七年俺答圍大同右衛  
城數重城中拆屋而爨上密問大學士嚴嵩嵩意欲棄之而

難於發言請降諭問本兵論言右衛孤懸絕塞能復其軍馬  
歲辦五十萬金此彈丸可保也蓋設為難詞以動上上顧亟

措餉發兵易置文武將吏而右衛圍亦尋解論遂削籍後復  
起卒諡恭襄

萬恭字肅卿南昌人嘉靖二十三年進士四十二年請劇邊

自效命以兵部右侍郎兼僉都御史巡撫山西卻龍巖墩寇  
又拒退寇于朔州川老高墓事聞資銀幣巡撫故無旗牌恭



請得之又築濱河牆四十里教人以耕及用水車法民大利之浹歲以艱歸後總理河道歸卒恭強毅敏達一時稱才臣楊宗器歸安人嘉靖辛丑進士由庶吉士改諫垣多所建白累擢山西右布政進右僉都御史提督雁門諸關兵務先時三晉羅兵荒至則力圖安攘大計撫綏兵民汰穢清輪節用儲餉嚴候勵兵關務以飭稍甯者三載歲復大稔晉右副都御史尋命督儲南都以疾卒

陳講遂甯人進士嘉靖間提學副使寬而有制品第士類人咸服其明建河汾書院萃士之良者課業有程多所造就歷官副都御史巡撫山西增築城堡邊境賴之贈兵部右侍郎趙時春號浚谷少舉進士選庶常世宗時以徐階薦召為兵部職方主事累遷山西巡撫督兵禦寇率以身先斥貪墨省

山西通志卷一百三 名宦錄三 三

征徭抑求請絕餽遺曰吾不敢竊府庫以自潤亦不能借府庫以市恩宗藩貴宦相戒無敢犯法以誘歸卒於家

蔡天祐字成之睢州人宏治末進士累遷山西按察使嘉靖三年八月大同兵亂巡撫張文錦遇害詔曲赦亂卒擢天祐左僉都御史代之天祐從數騎馳入城諭軍士獻首惡赦心稍定會尙書金獻民總兵官杭雄出師甘肅道大同亂卒疑見討復鼓譟天祐懼急請再赦兵部議除元惡特遣大臣總督宣大軍務乃命戶部侍郎胡瓚偕都督魯綱統京軍三千人以往瓚等未發而進士李枝齋餉銀至亂卒曰此承密詔盡殺大同人為軍犒也夜中火起圍枝齋館出牒示之乃解尋復殺知縣王文昌圍代王府發王奏乞赦王急攜二郡王走宣府巡按御史王官言亂軍方囂大帥兵壓境是趣之叛也

請急止禁軍容臣密圖乃命瓚駐兵宣府頃之天祐奏總兵官桂勇已捕五十四人請止京軍勿遣上責以阻撓令必獲首惡郭鑑等既而瓚次陽和勇天祐令千戶苗登擒斬鑑等十一人函首送瓚請班師甫二日鑑父郭疤子復糾徐瓚兒等夜殺勇家人又燬苗登家瓚言非盡殲不可上乃切讓天祐召勇還京以故總兵朱振代之勅瓚仍駐宣府無何天祐捕戮徐瓚兒等瓚遂班師明年正月總兵官馬永等言疤子潛逃塞外將遣勘會瓚還言逃卒無足患乃罷勘疤子復潛入城夜焚振第明日天祐閉城大索獲其黨三十四人悉斬以徇盡宥脅從人心大定事聞資銀幣晉副都御史巡撫如故尋就晉兵部左侍郎召還部尋卒天祐有才智兵變時左右皆賊耳目天祐廣招星卜藝士往來軍中因得其情卒

山西通志卷一百三 名宦錄三 三

賴以成功在鎮七年有威德父老立安輯祠何棟字伯直長安人正德辛巳進士博綜羣籍篤嗜數學商推古今如指掌歷陞都察院左僉都御史巡撫大同是時彗星見於井之未度為大同分野棟考索象緯圖經疏言彗色蒼赤期年後當有圍城蹙將之災至鎮申嚴紀律拊循營伍寇入高山站選將勵兵俘四十九級邊境肅然未幾左遷四川參議後晉右都御史兵部左侍郎乞休毛伯温字汝厲吉水人正德三年進士嘉靖中累官大理寺丞李福達獄起坐失入禡職起右僉都御史巡撫山西未赴十八年二月上幸承天詔總督宣大山西軍務大同鎮邊鎮川宏賜鎮河鎮營五堡相距二百餘里極邊自巡撫張文錦以築堡致亂後無敢議修者伯温曰變所由生以任用匪人



非建議謬也卒營之募軍三千防守給以圃田永除其賦邊防賴焉錄功加太子少保閏七月南征安南後為兵部尚書削籍卒天啟初追諡襄懋

劉源清字汝登東平人正德甲戌進士偉幹負氣臨義敢為以僉都御史巡撫宣大調度士馬歲省四十萬金北寇大舉入總帥被圍源清冒險遣斬首虜數十餘級遂遁去滴水崖卒郭春等與民訟辭屈以數百人據城叛源清遣兵傅城呼曰擒春等數人而止守陴者執春等斬之進副都御史再以兵部左侍郎總制宣大尋罷歸卒隆慶初贈兵部尚書賜祭葬

翟鵬字志南撫甯衛人正德三年進士嘉靖二十年俺答入山西內地兵部請遣大臣督軍起鵬右僉都御史整飭畿輔

山西通志卷一百三 名宦錄三 三

山西河南軍務兼督餉鵬馳至俺答已飽去而吉囊軍復寇汾石諸州鵬往來馳驅不能有所控寇退乃召還二十一年三月總督樊繼祖罷除鵬兵部右侍郎代之上疏言將吏遇被掠人牧近塞宜多方招徠殺降邀功者宜罪寇入官軍遇敵雖無功竟賴以安者當錄如賊眾我寡奮身戰雖有傷折未至殘生民者罪當原於法俘馘論功損挫論罪乃有摧鋒陷陣不暇斬首而在後掩取者反積級受功有遠巡觀望幸苟全而力戰當先者反以損軍治罪非戎律之平皆從其議會降人言寇且大入鵬運乞兵餉上怒令革職閒住因罷總督官不設鵬受事僅百日而去七月俺答復大入縱掠太原潞安兵部請復設總督乃起鵬故官令兼督山東河南軍務巡撫以下並聽節制鵬受命寇已出塞即馳赴朔州請調陝

西薊遼客兵八支及宣大三關主兵兼募土著選曉銳者十萬統以良將列四營分布塞上每營當一面寇入境游兵挑之誘其追諸營夾擊脫不可禦急趨關南依牆守邀擊其困歸上從之鵬乃濬濠築垣修邊牆九百三十餘里增新墩二百九十二護墩堡一十四建營舍一千五百間得地萬四千九百餘頃募軍千五百人人給五十畝省倉儲無算疏請東至平刑西至偏關畫地分守增游兵三支分駐雁門甯武偏關寇攻牆成兵拒游兵出關夾攻此守中有戰東大同西老營堡因地設伏伺寇所向又於宣大三關間各設勁兵而別選戰士六千分兩營遇警令總督武臣張鳳隨機策應此賊中有守上從其議且命自今遇敵逗留者都指揮以下即斬總兵官以下先取死罪狀奏先是鵬遣千戶火赤力率兵三

山西通志卷一百三 名宦錄三 三

百不見寇復選精銳一百遠至豐州西北遇牧馬者百餘人擊斬二十三級奪其馬還未入塞寇大至官軍饑餒盡棄所獲奔鵬具實陳狀上以將士敢深入仍行遷賞舊例兵皆團操鎮城聞警出戰自邊患熾每夏秋間分駐邊堡謂之暗伏鵬請入秋悉令赴塞盡地分守謂之擺邊九月終還鎮遂著為令二十三年正月上以去歲無寇降敕獎之賜襲衣三月晉兵部尚書上倚鵬殄寇錫命屢加而責效甚急鵬亦竭智力然勢不能呼吸應變九月薊州巡撫朱方請撤諸路防秋兵兵部尚書毛伯溫因并撤宣大三關客兵十月寇由順聖川經浮圖峪入鵬在朔州聞警夜半至馬邑調兵食復趨渾源道諸將禦敵御史楊本深兵科戴夢桂劾鵬逗留遣官械鵬坐戍卒而以兵部左侍郎張漢代人皆借之隆慶初復



官

翁萬達字仁夫揭陽人嘉靖五年進士二十三年為兵部右侍郎兼右僉都御史代翟鵬總督宣大山西保定軍務謹偵候明賞罰每當防秋發卒乘障陰遣卒傾殊於油察離次者殊其處卒歸輒縛毋敢復離次嚴殺降禁違輒抵死得降人撫之如所親以是益知敵情寇數萬騎犯大同中路入鐵裹門故總兵張達力戰卻之又犯鵝鶴峪參將張鳳諸生王邦直等戰死萬達與總兵官周尙文備陽和而遣騎四出邀擊屢有斬獲寇登山見官兵大集乃引去事聞賜勅獎賚屢疏請修築邊牆議自大同東路至宣府西陽河須帑銀二十九萬上已許之兵部以大同舊有二邊可扼敵騎不當復於三邊內築牆上不聽乃自大同東路天城陽和開山口諸地為

山西通志卷一百三 名宦錄三 三十一

牆百二十八里堡七墩臺百五十四而宣府亦為增六十里功五十餘日成晉右都御史發代府宗室充灼等潛謀晉左都御史已會宣大山西鎮巡官議上邊防修守事宜大畧謂先年山西防秋止守外邊比棄極衝守次邊非守要意併守之議實為善經因條上定規畫度工費二者為修邊之事慎防秋併兵力重責成量徵調實邊堡明出塞計供億節財用八者為守邊之事上悉報許乃請帑銀六十萬兩修大同東路宣府西路邊牆凡八百里工成予一子官萬達精心計善鈎校墻堞近遠濠塹深廣曲盡其宜寇乃不敢輕犯牆內成者得以暇耕牧邊費亦日省初客兵防秋歲帑金一百五十餘萬添發且數十萬其後減省幾半又議掣山西兵併力守大同巡撫孫繼魯阻之上為違繼魯萬達更事入上深倚之

所請無不從八月俺答犯大同不克退攻五堡官軍戰彌陀山卻之趨山西復敗還尋以宣撫曹家莊功晉兵部尙書兼右副都御史召理部事艱歸卒隆慶中謚襄毅萬達臨陣嘗身先士卒尤善御將士得其死力嘉靖時邊臣行事適機宜建言中肯綮者萬達稱首

山西通志卷一百三 名宦錄三 三十一

劉祐字淑修東萊掖人嘉靖癸丑進士巡撫大同大同為九邊要害地去寇最近俺答吉囊方相繼深入陷石州屠昌黎塞下岌岌咸為祐難之祐諷咨利害得其要領謂雲中西聯東勝東逼右衛聲勢遠曠自東勝內徙以地于敵五堡之役復以兵亂不終遂孤懸不支宜乘時聚落番休控險成犄角之勢漸復五堡援右衛屯田訓士且戰且守庶有甯宇於是相地形增亭障稽覈耗漏率勵勇敢戒諸將各守分地毋輕出塞邊政大舉寇不得利引去間一入寇督兵禦之俘斬數百奪馬牛羊千數捷聞賜白金文綺陞俸一級寇自是稍挫其部落多來降祐疏請便宜處置干人以上則爵其魁游微卒敢遮掠者罪制曰可當是時微祐雲中幾殆然祐治軍嚴諸執袴子弟不得竄籍冒功遂騰蜚語祐亦以念母甚移疾乞歸時年四十三

楊博字惟約蒲州人嘉靖八年進士三十五年兵部尙書許論罷起博代之博未終喪疏辭而上以大同右衛圍急改博總督宣大山西軍務博墨緘馳出關未至侍郎江東等以大軍進寇引去右衛圍六月守將王德賊亡芻粟且盡士死守無二心博厚加褒卹奏行善後十事事訖當還以給事中張學顏言留博鎮撫奏獨被寇租因僉其丁壯為義勇分隸諸



將博以邊人不習車戰寇入輒不支請造偏箱車百輛有警則右衛軍東左衛軍西使相聲援又以大同精地繕治為急次則塞銀釵驛馬諸嶺以絕窺紫荊路備居庸南山以絕窺畿甸路修陽方神池諸牆塹以絕入山西路乃於大同牛心山諸處築堡九墩臺九十二接左衛高山站以達鎮城濬大壕二各十八里小壕六十有四五旬訖功賜勅獎賽上數欲召博還又虞邊以問大學士嚴嵩嵩素不喜博請令江東署部事俟秋防畢徐議之遂不召是歲秋防訖給事中王文炳請召博還上以邊防非博不可命加太子太保留鎮如故時素把伶及叛人丁都記等數以輕騎寇邊博先後計擒之又數出奇兵襲寇寇稍徙帳因議築總督翁萬達所創邊牆招還內地民為寇掠者千六百餘人又請通宣大荒田水利薄

山西通志卷一百三十三 名宦錄三

其租報可旋移薊遼總督後晉吏部尚書少師致仕卒贈太傅謚襄毅

江東朝城進士累官兵部右侍郎嘉靖間總督宣大軍務抵任邊兵大入犯雞鳴勢猖甚東選銳士出其不意擊退遂由故道出塞以原官召還部視事三十七年春大同右衛圍急數月餉道不通復以東總督軍務上諭曰右衛久困朕聞城守將變爾勵精急圖之東設策得通餉城中士氣百倍選集主容兵數萬圍乃撤東即日入衛城所運糧凡四千餘石軍民感泣呼聲震地進兵部尚書協理戎政尋復總督宣大軍務邊患少蘇上遣中使饋食璽書褒獎四十四年卒於懷來贈少保謚恭襄

趙炳然字子晦劍州人嘉靖十四年進士為御史與給事中

李文進覈宣大山西兵餉劾前後督撫樊繼祖史道監司楊銳指揮馮世彪等一百七十七人侵冒罪坐請有差條上備邊十二事後以兵部尚書兼右都御史總督宣大山西軍務新平平遠保平三堡密運宣府舊屬大同天成相去六十里孤懸塞外隔崇山寇騎時出沒炳然慮其不守奏添設參將別為一營詔如所請尋以馬芳等劫敵功被賚已召還部代楊博為尚書加太子少保隆慶初乞休卒贈太子太保謚恭襄

山西通志卷一百三十三 名宦錄三

侯鉞字義甫東阿人金丞相擊之後嘉靖辛丑進士魁岸有大度論事侃侃由工部郎中出為山西屯田僉事擢山西副使整飭陽和兵備大將軍仇鸞行邊司道皆伏謁鉞獨長揖不伏鸞初不悅及與語縱橫指畫旁若無人鸞奇其才謂軍門曰此中嶽嶽侯君一人兵備三月拜右僉都御史巡撫大同致仕歸常與田夫漁父揮鋤分畝相娛樂過者不知其為故中丞也

王忬字民應太倉人少以文學名三吳嘉靖二十年進士以御史監河東鹽法歲餘復巡視諸省甲寅上手勅吏部命忬撫大同比至鎮上書具言歲祲乏軍興狀請大司農金錢十餘萬賑之活者萬計會寇入與總督許合兵微破之捕首虜百餘馬牛羊稱是捷聞進兵部右侍郎終右都御史兼兵部左侍郎嵩黨巧詆以罪卒後子世貞白寃復其職

毛鵬字汝南棗強人嘉靖間進士授江陰知縣拜御史巡按宣大酌時宜條邊務百六十餘疏累陞甯夏巡撫濬水利設亭障人咸效死巡撫山西提督屬門等關為治一如陝西方



依爲長城以盡瘁邊事遑疾乞歸竟不起年僅四十有四鵬體貌魁梧丰神爽朗賦性剛介持身端嚴博典籍工詩文經濟醞藉尤爲時所推重未竟其用而沒中外惜之

馬錄字君卿信陽州人正德三年進士爲御史嘉靖五年出按山西而妖賊李福達獄起福達嶧人初坐妖賊王良李鉞黨戍山丹衛逃還更名午爲清軍御史所勾再戍山海衛復逃居洛川以彌勒教誘愚民邵進錄等爲亂事覺進錄伏誅福達先還家得免更姓名曰張寅挾重貨往來徐溝間輸粟得太原衛指揮使子大仁大義大禮皆冒京師匠籍用黃白術于武定侯郭勛勛大信幸其仇薛良訟於錄按問得實檄洛川父老雜辨之益信勛爲移書錄祈免錄不從偕巡撫江潮具獄以聞且劾勛庇奸亂法章下都察院都御史聶賢覆

山西通志卷一百三

名宦錄三

五

如錄奏詔福達父子論死妻女爲奴沒其產會給事中王科鄭一鵬程輅常泰劉琦鄭自壁趙廷瑞沈漢秦祐張遠陳皋謨御史程啟充盧瓊邵幽高世魁任清南京御史姚鳴鳳潘壯戚雄王獻評事杜鸞刑部郎中劉仕主事唐樞交章劾勛謂罪當連坐勛累自訴以議禮觸厥怒爲言上心動張璠桂萼復合謀騰蜚語謂諸臣交結借端陷勛上深入其言而外廷不知攻勛益急上益疑命取福達等至京下三法司訊既又命會文武大臣更訊之皆無異詞上將親訊以楊一清言止仍下廷鞠刑部顏頤壽等不敢自堅改擬妖言律斬命法司俱戴罪辦事遣官往械錄潮及前問官布政使李璋按察使李珏僉事章綸都指揮馬多等乃反前獄抵良誣告罪上以罪不及錄怒甚命璠等方獻夫分署三法司事盡下尙書

頤壽侍郎劉玉王啟左都御史賢副都御史劉文莊僉都御史張潤大理卿楊沐少卿徐文華顧必寺丞汪淵獄嚴刑推問遂搜錄篋得大學士賈詠都御史張仲賢工部侍郎閔楷御史張英及寺丞淵書詠引罪致仕去仲賢等亦下獄萼等上言給事琦泰郎中仕佐錄殺人給事中科一鵬祐漢輅評事鸞御史鳴鳳壯雄扶同妄奏給事中科遠御史世魁率眾連名郎中司馬相妄引事例乃并下諸人獄收繫南京刑部當會訊時太僕卿汪元錫光祿少卿余才偶語亦連問萼等遂肆撈掠錄不勝刑自誣故入人罪萼等乃定爰書言寅非福達錄等恨勛構成冤獄因列上諸臣罪名於是璋珏等暨知州胡偉前大理丞毛伯溫副使周宣謫成爲民間住有差良抵死罪證皆成寅還職錄以故入人死未決當徒上以爲

山西通志卷一百三

名宦錄三

五

輕欲坐奸黨律斬萼等謂張寅未死而錄代之死恐天下不服宜永戍煙瘴地緣及子孫楊一清又言錄罪不中死律若法外用刑吏將緣爲奸乃成廣西南丹衛遇赦不宥爲編欽明大獄錄頒示天下時嘉靖六年九月壬午也十六年肆赦諸謫成者皆釋還惟錄不赦竟卒於戍所隆慶初諸人皆復職贈官錄首贈太僕卿當訊大獄時舉朝不直萼等而以寅福達姓名錯互亦或疑之至四十五年正月四川大盜蔡伯貫就擒自言學妖術于山西李同所司倣山西捕同下獄同供爲李午之孫大禮之子世習白蓮教假稱唐裔惑眾倡亂與大獄錄姓名無異同竟伏誅穆宗初御史龐尙鵬言據李同之獄福達罪益彰而當時流毒縉紳至四十餘人衣冠之禍可謂慘烈郭勛世受國恩乃黨巨盜陷朝紳職樞要者承



其頤指鍛鍊周內萬一陰蓄異謀人人聽命禍可勝言哉乞  
追奪勛等官爵優卹馬錄諸人以作忠良之氣由是福達獄  
始明

桑喬字子木江都人嘉靖十一年進士十四年為御史出按  
山西所部頻寇躡奏請盡蠲徭賦厚恤死者家參將葉宗等  
將萬人至荆家庄陷伏中大潰寇遂深入天城陽和兩月間  
五遭寇巡撫樊繼祖總兵魯綱以下皆為喬劾副將李懋及  
宗等六人竝速治後劾嚴嵩成卒

童漢 錢塘人嘉靖中為御史二十年寇大入宣大總督樊  
繼祖等掩敗三以捷聞漢臣劾之繼祖等得罪出按山西督  
諸將擊卻寇之薄太原者時方劾大學士嚴嵩吏部尙書許  
讚明年漢臣與巡撫李珣上繼祖等失事狀讚承嵩指因

山西通志卷一百二 名宦錄三 美

言漢臣勦遲延嵩遂擬旨鑄珣一階留任謫漢臣湖廣布政  
司都事舉朝皆知為嵩所中莫能救也終江西副使  
連鑛字伯金永年人由進士選庶吉士出補日照縣庚子以  
御史按山西議類解額辦錢糧而三晉民力少蘇時秋警方  
殷兼鄉試重務鑛晝夜勤理疏五上皆切中機宜科目亦稱  
得人議寢馬地餘銀廣平八郡陰受其惠條陳防寇八事語  
過切直而上陰重之累陞右副都御史總理河漕以疾歸著  
有明山疏略燕山漫稿

許宗魯字東侯陝西咸甯人正德中進士嘉靖初以御史按  
宣大大同將卒驕悍宗魯罪其尤甚者如法將卒帖然先是  
大監劉祥乾沒邊餉以萬計而罪止罷鎮宗魯請下獄祥大  
懼即如數抵還宣大故有大邊正德時以道遠棄不守宗魯

行部至其地盡狀以聞議復為當事者所沮乃止補築近邊  
嗣後宣大失地利難守人始服其先見後以遼東巡撫致仕  
擢草堂聚圖書其中所著有少華遼海歸田諸集

胡宗憲江南績溪人嘉靖間以進士官御史巡按大同饒機  
權裕謀略於兵事尤諳練其按大同關塞險易將卒勤惰具  
能深悉其故條畫封守為國家當一面會倭奴內犯晉副都  
御史巡撫浙福江西等處屢奏膚功為陸鳳儀所誣卒於獄  
隆慶初詔復其官賜祭葬

詹榮字仁甫山海衛人嘉靖五年進士以戶部郎中督餉大  
同值兵變殺總兵官李瑾總督劉源清率師圍城久不下榮  
素有智略善應變叛卒掠城中無犯榮者外圍益急榮密約  
都指揮紀振遊擊戴謙鎮撫王甯同盟察叛卒馬昇楊麟無

山西通志卷一百二 名宦錄三 美

逆志乃陽令甯持官民狀詣源清所為叛卒乞原而陰以榮  
謀告請宥昇麟死昇三千金俾募死士自效會源清已罷巡  
撫樊繼祖許之昇麟遂結心腹擒戮首惡黃鎮等九人榮乃  
開城門延繼祖入復捕斬二十六人錄功擢光祿寺少卿後  
遷右僉都御史巡撫甘肅二十三年以大同巡撫趙錦與總  
兵官周尙文不相能詔榮與錦易任俺答數萬騎入掠榮與  
尙文破之黑山陽晉右副都御史寇復大舉犯中路參將張  
鳳等陣沒榮與尙文及總督翁萬達嚴兵備陽和而遣騎遙  
擊多所殺傷寇乃引去代府奉國將軍充灼行剽榮奪其祿  
充灼等結小王子入寇謀據大同榮告尙文捕得皆伏辜又

築東路邊牆設墩堡請召軍佃作寇再入犯與尙文破之彌  
陀山斬一部長榮先以靖亂功晉兵部左侍郎又以繕邊破



敵累被獎資召還理部事聞住卒

盧煥光山人進士嘉靖間巡鹽嚴重有方略稱名御史西姚劇賊聚眾盜鹽為燬煥不動聲色而靖之興起人文三省皆蒙教澤學校誦之不衰

余光祚門人進士文望冠西臺著作高古視饒河東別弊釐奸不畏強禦建正學書院加意作人雖童子亦擇師教之喻時光州人進士嘉靖間巡鹽時奸民誘宗室亂法者立置之法與風雨雷雲之祀課士多成名

尚惟持羅山進士嘉靖間巡鹽自奉節儉官方肅清商人以時學支私販一切斷絕故一年而徵十年之逋修書院立社學建名宦鄉賢二祠周子矜之匱乏給老病之資藥瑞鹽盛生禱雨多應人謂盛德所感

山西通志卷一百三

名宦錄三

美

李楨新昌進士嘉靖間巡鹽時邊餉火急赤地千里楨體仁行恕正鹽籍遏私販督撈採辨功罪徧諭所司緩刑薄賦且於院前開道樹坊寓賑於役又有教育多士之功

周滋諸城進士嘉靖間巡鹽時值地震之後凡廟祠公署悉為修理池不生鹽已十載餘滋為浦水以養其源潄流以潤其潤獲鹽十倍於昔且清池築堰雖藩府之怨不恤

王諍永嘉進士嘉靖間巡鹽抗直不阿有古大臣風以冰蘂名堂蓋自砥也值大旱禱雨祈鹽引躬切責甘雨大霑鹽花

盛生時鄆茂卿為嵩私人總巡天下鹽政盡括民財以媚上欲加賦河東諍抗議而沮士民至今德之鄆至安邑令治具看席三十餘諍大怒立命撤去務從儉約宴罷即具饒以促其行鄆屏氣而去

曹蘭咸甯人正德間進士歷山西布政使時大同叛變蘭毅然獨往履險決策賊不敢犯

張文奎字應光陝西洛川人正德丁丑進士性沈毅而慈仁由部曹陞四川按察司僉事已丑量移山西按察使司督理屯田時參將謀違例占種人不敢詰文奎按劾不貸屯政就理以賢能薦再奉璽書飭兵石隲武備事修後晉山西左布政使廉節愈厲革加耗裁公費晉省以甯內艱歸

吳嶽字汝喬汶上人嘉靖十一年進士累官山西副使又為山西右布政使並以清靜得民仕至南京兵部尚書參贊機務卒贈太子太保諡介肅嶽清望冠一時戶部尚書馬森嘗曰平生見廉節士二人嶽與譚太初耳

山西通志卷一百三

名宦錄三

美

方自居而與人以和終工部侍郎贈尚書

王宗沐字新甫臨海人工詩文嘉靖二十三年進士累遷山西右布政使所部歲祲因入覲上疏曰山西京師右腋自故關出正定自忻代出紫荆皆不過三日宣大之糧雖派各郡而運本色者皆在太原饑民一聚蹂踐劫奪歲供宣大兩鎮

六十七萬餉誰為之辦此可深念者一也四方奏水旱者以十分上部議常裁而為三所免不過存留者而已今山西所謂存留者二鎮三關之輸也其所謂存留乃反急于起運是

山西終不蒙分毫之寬此可深念者二也開疆萬山之中巖阻巉絕太原民不得至澤潞安望就食他所獨正定米稍可通然背負車運率二斗而致一斗甫至壽陽則價已三倍矣是可深念者三也饑民相聚為盜招之不可勢必撲殺小則



支庫金大則請內帑與其發帑以賞殺盜之人孰若發帑使不為盜此可深念者四也近邱富往來誘惑邊民妄傳募人耕田不取租稅愚民何知急不暇擇長邊八百餘里誰要之者彼誘而眾我逃而虛此可深念者五也因請緩征逋賦留河東新增鹽課以給宗祿萬厯中累遷刑部左侍郎閱視宣大山西諸鎮邊務歸卒諡襄裕子士崧巡撫大同

李僑字子高山東人性端而守恪由進士歷任按察使進山西左布政使山西三面距寇民無甯居僑保釐三載流亡漸歸邊境賴之然竟以耿介不悅于當路投紋歸

閔楷任邱進士嘉靖間為左布政使政尚廉平治持體要雅稱旬宣之任官至侍郎

楊惟聰直隸同安進士嘉靖間山西右布政使持已嚴毅悉民疾苦路見貧寒時為周給仍檄有司各加存恤惟於強宗貪

吏不寬假人咸德之

戴賢字時重鄞人正德乙丑進士由部曹歷陞江西參政尋陞山西按察使振飭憲典官僚憚之有闕登殺八匿宗室家

吏不敢問賢即收捕付獄問者悚息有巨商持宰相替來告逋欠者輒焚書杖而遣之曰為朝廷監司甯為賈豎責券耶

有知縣受賕殺人巡按御史知其與權貴有連釋之賢為正法乃已尋陞廣西右布政使終四川巡撫坐謗落職歸

傅鏞字希準遼東廣甯人正德間進士授給事中嘗論邊事為尚書王瓊嘆服曰吾不能言也會宣大將領失利亡卒甚

多邊臣以聞廷議遣給事中往覆視之屬鏞上可之曰是嘗言邊事者至鎮考治甄別不隨不苛得實以報副總兵劉進

營格敵有功亡卒亦稱而鏞向所請者於典得免時論稱平嘉靖間累陞山西按察使用法平恕不事操切而專持大體宿民某某坐殺人當死獄成後以貨免輸收勒之實於法主簿某知縣某皆良吏以忤當道意為奸人所構事下按察司或謂鏞云是當道所欲入鑰曰法如此惡以人意出入竟白之終河南巡撫

潘鑑字希古婺源人正德戊辰進士由南京大理評事歷陞山西按察使晉江西右布政使終刑部尚書兼右副都御史儀觀修挺性坦易不為危言激論而耿介壁立不可干以私治官如家恭勤潔白之操始終一致贈太子太保諡忠襄

孫守禮字與立德平人嘉靖八年進士為儀制郎中故事郡王絕近支得以本爵理府事不得繼封交城懷仁襄垣近支

絕以繼封請守禮持之堅會以疾在告三邸人乘間行賂遂得請旗校謂其事以聞所籍記賂遺十餘萬獨無守禮名上

由是知其廉再遷山西按察使後為戶部侍郎又督餉宣大仕至左都御史歸卒贈太子太保諡端肅

吳瀚字受夫洛陽人進士嘉靖間由御史歷遷山西按察使法比精練為眾推服凡大獄訊決罔留囹圄無淹禁陞右布政轉左使是歲太原有邊警城素無備瀚誓眾分部固守躬督糧出犒師已而援兵四集士獲宿飽眾賴以安又議築關

城以固保障晉人德之陞應天府尹尋陞右副都御史巡撫畿甸兼督三關籌邊之略戰守之法必具萬全以馬水口李家嶺為宣大要衝剗壁築垣增屯置戍備戒孔嚴後敵至浮

圖峪不得入議者以為二堡經略之功後以事忤時回籍

山西通志卷一百三 名宦錄三 四

山西通志卷一百三 名宦錄三 四



唐龍蘭谿人進士嘉靖間由陝西提學副使陞山西按察使寬而栗威而不猛延見吏民咨詢疾苦黎庶歡洽仕至吏部尚書贈少師諡文襄子汝楫狀元及第

伍全安福人進士嘉靖間鹽運使饒有幹濟每見鹽場掣支強梁挽起懦者被凌蹙乃分定車戶派以三場序以六班魚貫出入眾論翕然利便

李章四川長壽人進士嘉靖間鹽運使性寬而政和每值採鹽民私相謂曰勿情恐李使君知之不日而數盈焉

方啟參巴陵人嘉靖間為運使節已勤民修城而一人不擾學引而三場均給葺禁垣捕私販民建祠以祀

唐登舉人進士嘉靖間鹽運使幼有志行聘未婚而女失明或謂宜改圖瑩曰我聘而改圖誰復聘者竟娶之是歲擢

山西通志卷一百三

名宦三



魏科及為運使多惠政每旱澇有禱必應又常修卓刀等堰裨益不淺

袁士偉肥城人進士嘉靖間鹽運使操守光大兼有通才在司值歲凶道殣相望嘆曰此非朝廷赤子乎乃悉召貧民給

以工本令人池撈採課充數年而存活亦以萬計又增秩祀祭器

柳英巫山人進士嘉靖間鹽運使儻剛直除猾吏剔弊端勢要豪商莫不斂手屏氣臨直指亦雅重之為運使九年

邊無匱餉囊無餘貲兩入觀皆以廉能課最

胡松字汝茂潞州人嘉靖八年進士累官山西提學副使三十年秋上邊務八事謂去秋俺答掠興嵐即傳箭徵兵刻期深入守臣皆稔聞之而巡撫史道總兵官王陞等備禦無素

待其歷境始以求貢上聞又陰致賂遺令勿侵已分地冀嫁

禍他境今山西之禍實大同貽之宜亟置重典以厲諸鎮大同自兵變以來壯士多逃漠北為寇用今宜招使歸有攜畜

產器械來者聽其自有更給牛種費優復數年則我今捐金十萬可得壯士二萬撫而用之皆勁旅也孰與棄之以資強

敵哉大同最敵衝為鎮巡者較諸邊獨難今宜不拘資格精擇其人豐給祿廩使得收召壯士畜養健丁又久其期非十

年不得代彼知不可驟遷必不為苟且旦夕計而邊圉自固又必稍寬文網非大干憲典言官毋得輕劾以壞其成功至

用問之道兵家所貴今寇謀獲於山西者已數十人他鎮類是是故我之虛實彼無不知今宜厚養死士潛縱遣之得間

則斬其名王部長及諸用事貴人否亦可覘強弱虛實而陰

山西通志卷一百三

名宦三



為備又寇貪而好利我誠不愛金帛東賂黃毛三衛以率其左西收亦不刺遺利予善地以綴其右使首尾掣曳自相狼

顧則我可起乘其敝坐收全勝矣他所條析咸切邊計上嘉其忠懇晉秩左參政松疏上當事者已惡其侵官及遷播益

忌之不界以兵柄令於三關聽用欲牽制之以敗其事寇大入抵太原給事中馮良知遂劾松建言冒賞無寸功科道張

堯年王珩劾總兵官張達等竝論松虛議無補遂斥為民後薦起仕至吏部尚書卒贈太子少保諡恭肅

陳瑞號文峰福建長樂人嘉靖間以進士任山西督學道閩才博學以興起斯文為任敵入寇時撫軍以防秋駐甯武藩

桌以齋捧相繼出疆瑞與驛傳道郭斗居守敵計以南關財貨畢集而卑薄易破欲并力攻瑞分守南關出庫中兵器授



士卒發金錢懸賞格舉破火揚軍聲敵不敢前引去既退更  
為修築使高厚與內城等瑞以文學臣任城守責論者以為  
難今祀三公祠中

閔煦直隸任邱人嘉靖間以進士任山西提學僉事先器識  
後文藝以修明教化為務嘗取晉名宦鄉賢汰偽存真輯正  
祀考一書而序以行世略謂考之慎斯正之嚴斯祀  
之當夫然後淑慝辨而鑒戒昭後歷山西按察使布政使最  
後為巡撫胥為晉人愛戴云

周斯盛南州人嘉靖間以進士任山西提學副使築河汾書  
院集傳異士肄業其間月有課季有試文教大興於病者醫  
治之婚喪不舉者賑貸之其有規言矩行束修自好者則又  
特為尊禮以示優異校士之暇以通志為文獻攸關力為搜

山西通志卷一百三

名宦錄三

聖

採纂集成書中間於鄉賢節孝更極慎重離任後諸生立祠  
祀之為人貌恭而氣和敦本尚質

王汝孝東平人進士嘉靖間提學副使雅量不苛教人敦行  
尚質刊諸禮輯覽士知遵守聞喪即日就道時雨雪泥濘中  
諸生泣送不忍捨

應良字原忠仙居人正德六年進士為編修受學王守仁嘉  
靖初爭大禮廷杖張璁出為山西副使謝病歸卒

陳大綱慶陽人震子正德間進士任山西僉事土素陳卿據  
青羊山作亂中外震恐勦撫未決獨大綱與都御史力主勦  
滅以威奸宄人頗難之大綱作平賊方略六篇地形險易斷  
山伐木為飛梯望樓出其背三軍拔授而上賊聞駭曰官軍  
飛上山也卿遂降陞密雲兵備

高叔嗣字子業祥符人嘉靖二年進士歷稽勳司郎中出為  
山西左參政斷疑獄十二事人稱為神遷湖廣按察使卒叔  
嗣工詩蔡汝楠推為有明第一

王儀字克敬文安人嘉靖癸未進士由靈壁知縣歷陞山西  
布政司參政守冀甯寇突清源城下儀令洞開諸門寇望之  
疑有伏宵遁乃檄部中無城者築無糧者蓄無兵衛者選練  
於是榆次平定之間皆有城寇戒不敢犯宣鎮缺巡撫廷議  
推儀以僉都御史往講畫戰守利弊邊政一新

宋景字以賢奉新人宏治末進士嘉靖中累官山西副使民  
饑為盜殺守禦指揮景樹幟令被脅者赴之賊咸歸命乃擒  
斬其魁四遷山西布政使仕至左都御史卒

山西通志卷一百三

名宦錄三

聖

山西參議副使後巡撫宣府外禦強寇內制橫軍邊圍晏然  
上奏疏數十皆切要又見屯戍單軍建併守之議年五十一  
卒於家

靳學會濟甯人為山西副使治績有聞  
王喬年高密人進士嘉靖間分巡冀甯道時值荒旱土賊竊  
發以定襄段木山為巢穴喬年設謀誘之夜襲其營生擒四  
十餘人殺傷甚眾餘黨解散境內乂安

郭斗號麓池雲南人嘉靖間以進士任山西驛傳道副使風  
姿純粹居官清理宿弊立招商法使自供役遠近稱便敵騎  
破驢皮窰口分道入寇斗傳諭居民令悉避入城而躬自登  
陣守禦敵知有備遂中沮已遇早請于兩臺人給以粟晉人  
祀之三公祠中



高紳字允升安陸人抱奇負氣人如其文丙戌進士由縣令累遷按察副使山西參政山西內外備寄在參省紳綏急有序治黃册老吏不敢弄法按察使職列外臺紳挈持維綱劬削荒類治獄虛聽實求民用不寬終右副都御史卒於家王獻字惟臣咸陽人爲御史有論釋大禮諸放臣及論罷南都添設鎮守二疏人多稱之按察山東建海運議旋有山西左參政之命因之中止初使山西清理軍伍稽察案牘究心所事卽行陣充足澆弊釐革其再按山西也時值薦饑且罹寇患下車卽請帑施賑民藉以生修武備振士風飭官常裕錢穀諸所設施憲度斬斬其決晉藩襲封之疑以杜爭端陞潞安州治爲府以弭宿患尤人所推論者後罷歸

山西通志卷一百三

名宦錄三

四

庚戌由太僕寺丞擢山西僉事會當防秋急詣繁時激厲將士督修城堡嚴守備壬子聞母喪卽日奔歸後陞山西副使未至任疾卒

陳洪濛字元卿臨川人以進士授主事累陞山西左參政洩冀南擒寇偵者一人又捕白蓮教諸賊特賜帑金仕至都察院右副都御史乞歸

宋清浙江開化進士嘉靖間山西參政其先守太平廉正撫字剖決如流有宋一刻之號及參大政存大體不以苛察爲明仕至南贛巡撫致仕歸里

韓邦靖字汝度朝邑人與兄邦奇同登正德三年進士嘉靖初爲山西左參議分守大同歲饑人相食奏請發帑不許復抗疏千餘言不報乞歸不待命輒行軍民遮道乞留抵家卒

未幾邦奇亦以參議涖大同父老因邦靖故前迎皆泣下邦奇亦泣秦晉人盛傳之

孫聖字朝信平湖人正德戊辰進士性寬厚持重內剛外和不通權要歷陞山西參議仍落僉事嘗奉命文皇莊草場地土清其地之爲奄戚所漁奪者悉歸之民大同經兩亂後卒伍驍悍少不當意輒負怙跳躄以爲常聖巡大同盡心撫馭人賴安堵頃之吉囊入寇斬首多以贊畫功賜金後罷歸以詩自娛有雲山履歷稿

暢華字子實隴西人正德丁丑進士山西按察司僉事值詩嵐寇發撫按以華往不旬日渠魁悉殄脅從盡釋撫按獎其功又以河東累值凶荒請勅專以華分巡河東弭盜安民時論偉焉年未六十乞休

山西通志卷一百三

名宦錄三

四

周滿字謙之廣漢人嘉靖壬辰進士庚辰以山東副使奉命清保薊宣大山西五鎮邊儲鉅細畢詳閱尹耕所撰鎮誌酌裁於心力主募兵不如養兵擺邊不如合戰上疏言山西等省民兵之利弊悉用其言癸丑陞山西參政駐節甯武選練日勤寇不敢度關上廣鹽利同文教嚴內備查穴區四事上命行之乙卯轉陝西右布政使丙辰又轉山西左布政使終右副都御史乞休卒

程紳字伯書樂安人性孝友嗜學嘉靖戊戌進士除長治縣會大旱補雨輒應擢刑部主事由僉事遷山西布政司參議守河東道蒲州城西逼黃河河侵勢甚危紳亟築之數月告成蒲人誦其德俗競侈靡婚葬非大備不舉紳嚴禁約月餘喪葬合子女者數千家舊藩參不與戎事巡撫檄紳守要害



賊畏威不敢犯守城堡二十餘處悉為保全晉山西按察司副使奉勅總理紫荆等關保定等地方兵備日夜營戰守具務在萬全寢食俱廢乙卯疾卒於官

劉涇字次山河南人少學於何柏齋之門以進士入史館後晉山西按察副使潞安兵備分巡冀南嘗與防秋駐師雲中八角堡時北部入犯激眾固守以身為長城屹不可動敵遂退尋以他事落職歸

趙祖元字宗仁婺人嘉靖甲辰進士由教授累陞山西按察司僉事丙辰地震河東蒲州境覆壓過半盜乘之崛起抄劫盡行祖元設方略解散其黨而悉籍其金錢之無主者數十萬官貯之且新其城堊境以無事俄遷江西參議復遷山西兵備副使以憂歸

山西通志卷一百三

名宦錄三

吳

車純字秉文上虞人博綜經史冥心元悟以易學為時宗正德丁丑進士累擢山西布政使司參議分守大同大同故扼邊而險時成卒稱亂寇薄近郊純轉餉調兵多方經略文武大吏倚如長城因著備邊論若干篇歲視民饑純發邊儲賑之而處補其闕蘇活無算後巡撫湖廣所攜惟圖書數篋而已著有百山集解細稿乞歸二十年而卒

南逢吉字元真陝西渭南人嘉靖間以進士累官大同兵備副使時邊務廢弛將士無能知陣法者逢吉授以奇正方員諸紀律早夜練習為制敵具按舊志盡復演場之為豪右侵據者數巡三關外簡部伍嚴亭障旗幟壁壘煥然一新敵人遠徙又條上便宜五事多觸忌諱執政者格弗上中以飛語罷官歸逢吉與兄大吉俱受業王陽明為高弟當時以二難

目之

陳伯安錦衣衛人嘉靖己丑任代州兵備副使伯安先為御史抗太監劉瑾謫外任漸起刑部郎中諫南巡罰跪門者五晝夜居代時更持風裁儲糧修邊隱然有方面之重郭宗舉福山人嘉靖戊戌任代州兵備副使自奉儉約而法令嚴整兇梟潛伏撫民以恩有隱威得自達聞訃奔喪即日徒步歸哀慘備至送者萬餘人中坐搆成隆慶初起廢歷南京兵部尚書

王鎬字宗周澤州人嘉靖間進士授評事選御史出為山西副使兵備代州時有邊警而代當其衝鎬禦備免患銜者媒孽其間左遷湖廣轉山東復轉山西副使湖廣布政都御史巡撫甯夏忤搆歸里

山西通志卷一百三

名宦錄三

吳

王遵字繼津霸州人嘉靖二十六年進士為兵部員外耶爭楊繼盛事忤嚴嵩遷僉事再遷岢嵐兵備副使有威名為巡撫所忌劾去官民相率訟冤詔許起用仕至兵部尚書歸卒贈太子太保追諡恭肅

李嗣編武功舉人嘉靖間岢嵐兵備道慷慨剛直風紀肅然州牧參戎不相能裁之以法各自悔罪以上嘉靖年

石明洪武至嘉靖一百九十七人

劉澤濟南進士正德間分守冀甯道時朝廷有事西北保德係津要六軍冠從供億不貲澤來總其事調度有方凡船艦芻粟等務不盈不之親按其接民者又償牛羊價值微旁郡協濟居者以甯逃者以歸旋車之日焚香稽首盈於途補遺

山西通志卷一百三



名宦錄四 錄一之四 山西通志第一百四

賜進士出身頭品頂戴兵部侍郎兼都察院右副御史巡撫山西提督軍務張的峯

旨監修

臺司 明隆慶至崇禎

趙孔昭邢臺人進士隆慶間巡撫山西持大體不責苛細巡

邊往復送迓止於臺前一揖諸司道府縣贖錢責令掛號分

外不博一錢至阨塞險平城障修廢儲精虛實士馬肥瘠徧

歷三關靡所不周

楊魏字伯謙海豐人嘉靖二十六年進士為山西僉事參議

分守宣府尋為陽和兵備副使隆慶初晉右副都御史巡撫

山西所部驛遞銀歲徵五十四萬魏請減四之一修築沿邊

城堡千餘里檄散大盜李九經黨乞養母去

山西通志卷一百四 名宦錄四

方逢時字行之嘉魚人嘉靖二十年進士隆慶四年正月為

右僉都御史巡撫大同俺答入威遠堡別部攻靖魯伏兵卻

之冬俺答孫把漢那吉來降告總督王崇古曰機不可失也

遣中軍康綸率騎五百往受之與崇古定計挾把漢以索叛

人趙全等遣百戶鮑崇德出雲石堡語俺答部下五奴柱曰

欲還把漢則速納款若以兵來是速之死矣五奴柱曰俺答

邀入營說以執趙全易把漢俺答心動遣火力赤致書逢時

而是時全方從史用兵俺答令子辛愛將二萬騎入宏賜堡

兄子承那卜趨威遠堡自率眾犯平虜城逢時曰此必趙全

謀也全嘗投書逢時言悔禍思漢欲復歸逢時以示俺答俺

答大驚有執全意及戰又不利乃引退辛愛猶未知奄至大

同逢時使人持把漢箭示之曰吾已與而父約以報汝辛愛

執箭泣曰此吾弟鐵背台吉故物也我來求把漢把漢既受

官又有成約當更計之乃遣部下啞都善入見逢時曉以大

義犒而遣之辛愛喜因使求幣逢時笑曰台吉豪傑也若納

款方重加爵賞何愛此區區損盛名辛愛大慙復遣啞都善

來謝曰蒙太師教幸甚故將田世威亦讓其使使還報俺答

召辛愛還東行宣府總兵趙崑過之復由大同北去巡按御

史姚繼可劾逢時輒通寇使屏人語導之東行嫁禍鄰鎮大

學士高拱曰撫臣臨機設策何可洩也但當觀後効不宜先

事輒易上然之俺答乃遣使定約夜召全等計事即帳中縛

送大同逢時受之崇古亦送把漢歸逢時以功晉兵部右侍

郎兼右僉都御史甫拜命以憂歸後崇古入理京營神宗問

誰可代者大學士張居正以逢時對萬歷初起故官總督宣

山西通志卷一百四 名宦錄四

大山西軍務始逢時與崇古共決大計而貢市之議崇古獨

成之逢時復代崇古乃申明約信二人首尾共濟邊境遂安

累晉兵部尚書兼右都御史總督如故加太子少保五年召

理戎政復列上五事又上款貢圖等為兵部尚書累加少保

致仕卒逢時功名與崇古相亞時稱方王

王崇古字學甫蒲州人嘉靖二十年進士喜談兵具知諸邊

阨塞隆慶四年正月總督宣大山西軍務禁邊卒闌出而縱

其素通寇者深入為問又檄勞番漢陷寇軍民率眾降及自

拔者悉存撫之歸者接踵西番瓦刺黃毛諸種一歲中降者

踰二千人冬十月俺答孫把漢那吉來降留之大同慰藉甚

至詔授指揮使賜緋衣一襲許俺答互市遂縛叛人趙全等

以獻加太子少保兵部尚書遂定封俺答順義王昆都力辛



愛吉能等授官有差崇古乃廣召商販聽令貿易布帛菽粟  
皮革遠自江淮湖廣輻輳塞下因收其稅以充犒賞其大小  
部長則官給金繒歲市馬各有數崇古仍歲詣宏賜筵宣諭  
威德諸部羅拜無敢譁自是邊境休息東起遵永西抵嘉峪  
七鎮數千里軍民樂業不用兵革詔晉太子太保萬歷初召  
理戎政加少保晉兵部尙書致仕卒贈太保諡襄毅崇古獨  
任貢市貽五十年太平之福海宇內外胥頌社稷臣爲宣大  
總制冠

宋纁字伯敬商邱人嘉靖三十八年進士爲御史隆慶初巡  
按山西俺答陷石州將士捕七十七人當斬纁訊得其當釋  
者殆半靜樂民李良雨化爲女纁言此陽衰陰盛之象宜進  
君子退小人以挽氣運上嘉納之萬歷中爲戶部尙書嘗以

山西通志卷一百四 名宦錄四 三

山西連歲荒賴社倉獲濟請推行之天下以俸供爲羅本不  
足則勸富人或令民輸粟給冠帶上稱善纁仕至吏部尙書  
卒諡莊敏

邵永春長垣進士隆慶間巡鹽清祿糧以杜奸欺收稍池以  
弭私販題南陽以復舊轄興書院以羅人才疏河渠以通水  
利開南場以便撈採俱功之不可泯者

王世貞字元美太倉人生有異稟書過目終身弗忘嘉靖二  
十六年進士隆慶中由浙江右參政晉山西按察使有廉能  
聲母憂歸萬歷中仕至南京刑部尙書世貞始與李攀龍協  
主文柄攀龍卒獨操其柄二十年才最高地望最顯其續五  
子篇則陽曲王道行爲首云

栗祁字子登夏津人嘉靖壬戌進士擢山西按察副使因備

兵懷隆去郡父老夾車轂泣送者數千人三年後拜山西參  
政兩臺交薦大臣閱邊還報稱可大用遂以祁開府北邊爲  
人豐頤重厚舉止雍容美文詞平恕不苟馭下取寬簡而持  
已獨嚴所至有廉名以小疾遂不起

秦可大咸甯進士歷山西參議分守口北隆慶二年擢本省  
副使兵備陽和轉四川副使五年尋陞山西行太僕卿兵備  
甯武所至皆有政績

許希孟固始人隆慶間分巡大同僉事強幹有威望凜凜以  
風紀自持當時頌其績者有政如冰霜奸宄消亡之句

艾杞米脂人隆慶間大同分巡道僉事躬自儉約以率僚屬  
餽遺一無所受人亦卒不敢違時值邊警杞內紀軍餉外佐  
戎行境賴以安以勞瘁卒於官

山西通志卷一百四 名宦錄四 四

王學謨朝邑人進士隆慶間尙嵐兵備道方正執法不避恩  
怨嚴飭武備議築河墻老營諸堡尋陞山東參政以上隆慶時

侯於趙字宗度嘉靖乙丑進士授平陽府推官清介執法多  
所平反歷陞山西左布政未幾擢都御史巡撫本省時以順  
義主俺答物故部落內關於趙慮有意外多方宣諭陰爲練  
兵儲糧之計邊方賴以無虞以母憂去家居十四年而卒

沈子木字汝楫歸安人嘉靖己未進士萬歷乙酉陞山西右  
布政使丙戌轉左晉中大饑仿鄭俠繪流民圖奏上得捐帑  
金十萬爲賑命吏治粥以飼餓人全活者甚眾丁亥晉右副  
都御史巡撫山西提督雁門等關軍務在晉三年緩鞭扑戒  
沒削植贏困抑豪猾敦節儉下吏肅然其飭邊備則修障殖  
穀明賞申約復屯政通鹽利清尺籍作士氣除戎器事事覈



實制府上其功賜金綺者三入爲兵部右侍郎以父年及耄  
亟歸省後疏陳建文帝久缺祀不報時論譴焉終南京右都  
御史稱疾歸

李采菲字君采河間人嘉靖乙丑進士由行人歷陞山西行  
太僕寺卿整飭甯武邊備山西布政司參政分守冀南道累  
晉右副都御史巡撫山西在晉久於閭閻疾苦長吏賢不肖  
邊關隘塞夷情向背如燭照察計故諸措注無弗當機宜協  
輿情者未幾罷歸

魏允貞字懋忠南樂人萬曆五年進士二十一年以右僉都  
御史巡撫山西允貞素剛果清操絕俗以所部地瘠民貧力  
裁幕府歲供及州縣冗費以其銀數萬繕亭障建烽堠置器  
市馬易粟又奏免平陽歲額站銀八萬以所省郵傳羨銀補

山西通志卷一百四

名宦錄四

五

之雁門平定軍以通屯糧竄徒奏除其租招令復業岢嵐互  
市省撫賞銀六萬汾州有兩郡王宗人與軍民雜處知州秩  
卑不能制奏改爲府時以款市弛邊政獨勤視要害築邊牆  
萬有餘丈政聲大著上亦數嘉其能會詔中官張忠採礦山  
西抗疏極諫不報已西河王知燧請開解州安邑絳縣礦以  
儀賓督之指揮王守信請開平定稷山諸礦允貞恐民愈擾  
請令忠兼領亦不納又請召還王家屏等疏留中以久次晉  
左副都御史中官孫朝復以權稅至每事裁抑會忠杖死太  
平典史武三傑朝使者逼殺建雄驛丞李逢春又抗疏暴其  
罪朝怒劾允貞抗命沮撓時先下朝疏吏部尙書李戴都御  
史溫純等力稱允貞賢請下允貞疏平議並留中軍民數千  
人恐允貞去相率詣闕懇免兩京言官亦連章論救乃兩置

之明年忠以夏縣知縣責應春抗禮劾貶之允貞請留應春  
不報時疏乞侍養二十上廷議以敕使害民非允貞不能制  
固留之五月請益力始聽歸士民爲立祠已闕視者奏守邊  
勞卽家晉兵部右侍郎尋卒天啟初追諡介肅

吳仁度字繼叔金谿人悌之子也萬曆十七年進士累遷右  
僉都御史巡撫山西砥廉隅務慈愛與魏允貞齊名仕至工  
部左侍郎致仕卒

呂坤字叔簡號新吾河南甯陵人萬曆甲戌進士授襄垣縣  
知縣襄垣劇尙嚴明期年調大同大同貧尙撫字培植善良  
裁抑豪橫兩地甚德之先是襄垣土豪某被坤大創去之日  
送數百里謝曰蒙創誨今而後不復犯法矣知大同時有以  
人命坐抵以其姻鄰邑大神向坤言之坤言獄已成不可反

山西通志卷一百四

名宦錄四

六

其不受請託如此陞吏部主事轉郎署出爲山東參政陞山  
西按察使陞西布政旋陞山西巡撫正己率屬自藩臬及承  
差吏胥皆有明職條約餽遺贖羨盡杜絕之尤加意蒙養孤  
寡無依者復嚴邊防迄後遵成法不廢尋轉兵部左侍郎引  
疾乞休歸卒贈刑部尙書賜祭葬

吳兌字君澤紹興山陰人嘉靖三十八年進士釋褐十三年  
隆慶五年遂擢右僉都御史巡撫宣府前此未有也嘗偵俺  
答離營獵從五騎直趨其營守者愕控茲從騎呵之曰太師  
來犒軍耳皆拜跪迎導且獻酪兌遍問盧帳抵暮還而尤善  
結三娘子加兵部右侍郎萬曆五年夏代方逢時總督宣太  
山西軍務俺答西掠瓦剌聲言迎佛寄帑於兌留旗箭爲信  
尙書王崇古奏上方畧使兌諭俺答繞賀蘭山後行勿道甘



肅又陰其謀於瓦刺俺答兵遂挫留青海而青把都部下時入寇大學士張居正令兌趣俺答東還約束之青把都亦罰治其下款貢乃益堅七年秋以左侍郎召還部晉太子少保兵部尚書卒

鄭洛字萬秀安肅人嘉靖三十五年進士隆慶時為山西參政佐總督王崇古款俺答有功萬曆二年擢右僉都御史巡撫山西移大同加右副都御史入為兵部右侍郎七年以左侍郎總督宣大山西軍務昆都力子滿五大令銀定入犯洛奏停貢市遣使責俺答罰贖駝馬牛羊乃復許款辛愛襲封三娘子率眾西走辛愛自追之洛遣人婉諭三娘子乃聽命歸辛愛貢市惟謹以功加兵部尚書兼右副都御史十四年擢力克當襲三娘子以年長自練兵萬人築城別居洛復婉

山西通志卷一百四 名宦錄四 七

諭擢力克遂妻三娘子嗣封并奏封忠順夫人定市馬數宣府不得踰三萬大同萬四千山西六千而申飭將吏嚴備以防盜竊且無輕過其部落馳獵者上嘉納之自太子少保累加至太子太保召為戎政尚書十八年洮河用兵詔兼右都御史經畧陝西延甯甘肅及宣大山西邊務時擢力克遺洛書以赴青海仰華寺為名洛使從塞外行又諭忠順夫人曰彼中復賞不能多且王家在東恐有內顧憂也尋詔洛經畧七鎮擢力克與忠順夫人論罪請歸洛進兵青海尚書石星以宣大事急請速召洛究欵戰之計洛既至與總督蕭大亨巡撫王世揚邢玠等上疏曰擢力克諉罪火落赤真相桀驁之跡已斂且其部落數千里部長十餘輩在巢保疆者宣鎮則青把都兄弟未嘗東窺而兀慎擺腰五路之在新平馴服

猶故在西行牧不他失未嘗窺莽刺捏工而大成比妓則又歸巢獨先今以一人之罪槩絕諸部消往日之恩開將來之隙臣未見其可今史二外背屢擾邊疆若令順義王縛獻以著信然後酌議市賞在我固未為失策也議遂定尋加少保召理戎政順義王果縛史二來獻復款如故洛謝病歸卒贈太保諡襄敏

梅國楨字克生麻城人少雄傑自喜善騎射萬曆十一年進士嘗以御史平甯夏李氏累遷右僉都御史巡撫大同久之遷兵部右侍郎總督宣大山西軍務在鎮三年節省市賞銀十五萬兩有奇卒贈右都御史

鄭汝璧籍雲人隆慶戊辰進士潛心理學讀書得其精要由部曹歷陞兵部右侍郎兼僉都御史都督宣大山西軍務泣

山西通志卷一百四 名宦錄四 八

任疾作然講戰守檄行諸道修城堡練士卒治器械不自知其憊也乞罷歸至山東荆門驛卒著有律解謚類鈔帝后紀畧功臣封爵考由庚堂文集

涂宗濬字鏡源江西南昌人萬曆中以進士官御史累按廣西河南順天諸處後巡按山西洮歷山西宣大總督晉尚書加太子太保總督如故尋以順義王就封廕世襲錦衣千戶未幾乞休歸久之復起山西宣大總督以老疾辭不得與櫬以赴甫數日遽卒宗濬前在鎮時持大體能得將士心聞復任咸踴躍比捐館多嘆息泣下者贈少傅諡忠襄賈應元遵化進士累官右僉都御史萬曆間巡撫大同舉羨餘贖緩以勞軍市馬各路堡砦凡土築者奏請磚包之與總兵郭琥重修興雲橋備極壯麗官終兵部左侍郎



崔景榮字自強長垣人萬曆十一年進士授平陽府推官萬  
曆末為兵部右侍郎宣府大同總督累晉吏部尙書以忤魏  
忠賢削奪崇禎初復職卒贈少保  
趙文炳任邱進士萬曆間巡按摧強抑暴豪惡屏跡官僚望  
之凜然時有督稅監居省會甚暴橫文炳箝制之不敢肆時  
有鐵面之稱行日不持一錢捐贖金萬餘散郡邑立養廉倉  
收息以賑寒士

湯北京字伯閔宜興人萬曆二十年進士為御史巡按宣府  
大同請罷稅使中官張亦礦使中官王虎王忠不納入掌河  
南道卒天啟中贈太僕寺少卿  
林祖述鄞縣進士萬曆間巡鹽慈祥篤實恤商裕國當開疆  
割版之日祖述知大司農已有成心置不與辨事平乃請減

山西通志卷一百四 名宦錄四 九

鹽課清歷待撈採以時緝捕有法公論多之  
汪以時婺源進士萬曆間巡鹽刻意節儉一以鋤強字弱為  
主餘鹽餘銀屢書執奏為民請命省公用銀糧穀三千八百  
餘石為賑饑民鹽丁之用又建太陽廟以補正祀之未及  
陳于延字孟諤宜興人萬曆二十三年進士為御史視離河  
東劾權稅太監張忠撓鹽政後歷至都御史卒于延端亮有  
守與溫體仁不合卒為所擠  
楊師程襄甯人萬曆三十八年以御史巡鹽河東以清名著  
建雨神廟  
蔣春芳益都進士萬曆間巡鹽酌立燧規可垂久遠新池廟  
輯志書至今賴之  
李國士字汝志亳人由進士歷陝西右布政晉山西左布

政使藩祿邊餉積弊一清直指惡其抗直以老聞部方擬調  
而國士拂衣歸絕口不及世事嘗語諸子曰吾官三十年未  
嘗枉一事私一錢凡歷任不為前人玷不為後人危爾曹其  
識之

王象坤字子厚山東新城人嘉靖四十四年進士萬曆中歷  
官山西左布政使有清操都御史溫純請願陟一人以風天  
下謂莫如象坤云  
郭子章號青螺江西泰和人進士萬曆初山西按察使甄別  
廉貪辨明冤抑尤留意風教禁侈靡汰浮食抑強宗懲橫暴  
悍卒驕弁皆祇畏敏迹一路肅清時于著聖門人物志十二  
卷刊頒諸生以示觀摩尋陞去後巡撫兩廣以邊功晉兵部  
尙書

山西通志卷一百四 名宦錄四 十

孫維城號衛宇山東邱縣人隆慶辛未進士壬辰以治行第  
一陞山西按察副使晉參政又晉按察使寇小酉安免侍驍  
健挾市龍門請以五千鐵騎待命關下維城知其虛實禁止  
之乃獻出邊屬夷自贖毋敢挾市幕府上其功晉右布政使  
移守宣府與中丞同心共事謀畫相參夷人關市乞賞一切  
裁以故事一併一櫛不得浮予歲積撫賞羨金十四萬及軍  
市租五千皆充年例將吏悅服遷布政庚子靖延綏進僉都  
御史開府榆林以疾卒於軍  
周仕字汝信三原人萬曆間進士為鍾祥知縣力抗強璫績  
著循良歷陞兵部郎中晉秩參政治兵雁門擢山西按察使  
河南布政使所至有聲飲冰茹蘗一介必嚴歸之日環堵蕭  
然



李維楨字本甯湖廣京山進士由庶吉士授給事中歷提學副使所至有聲萬歷間陞山西按察使明斷如神不事苛刻每以弼教明刑為心敦請耆儒纂修山西通志親加考核當時稱為信書終南京禮部尚書文章詞賦與中原七才子先後齊名著大秘山人集行世

王豫立字定父涇陽人萬歷間進士歷稷山嵩縣知縣政績卓然擢南京刑部主事改北禮部為儀制司諸藩襲封事代藩寵如欲以支子易嫡謀已就獨豫立不從兩疏請之始得正名後襲爵之儲以魚鮓藏金三千金報謝豫立啟鮓見金即叱來人驅之門外竟不報函尋備兵霸州轉山西平陽道擢按察使正已率屬墨吏猾胥皆為斂跡陞河南左布政使乞休歸

山西通志卷一百四 名宦錄四 七

王世能宣城人萬歷間為運使有惠政恐商困於催科不差役滋擾親督採鹽商人獲利後卒於官商民思之  
林國相閩縣人進士萬歷間鹽運使蘇商惠民尤加意於作人創義倉置學田以周貧士刻厚生纂訓問字錄二書行世  
趙健劍州恩生萬歷間鹽運使姿性聰穎不為左右所欺廉介自持一毫不苟數十年餘猶有道其清者  
劉奮庸洛陽人嘉靖三十八年進士穆宗初以裕邸舊恩為尚寶卿久不徙神宗即位擢山西提學僉事秉義甚高量復宏遠視諸生如子弟晉寺人如辟疆闢者數處雖掃徑延之不往也其耿介又如此  
薛亨字道行韓城人隆慶間進士授戶部主事改兵部武選司擢山西提學僉事教先德行而後文藝以齋膳之美置學

三周士不給者遷副楚憲適家以其祿為宗人輪租置義田義學義冢由四川參政遷山西按察使治汾州強宗斂手受要東乃增俸浚隍請陞州為府彈壓之平獄數十百人遷河南轄汰筭庫宿弊為忌者所議坐罷歸署所居堂曰敬忍於世事一無所問

周繼昌江南無錫人萬歷間以進士督學山西風儀超朗植性剛明閱文高下悉當遇諸生訓誨朋濟有如子弟至有弗檢立繩之法晉藩欲以威命凌一力力持獲免郡邑長吏善教養士首甄異之摧抑者訶斥之言不近名行不偶俗僚屬擬其人者雲霄品格金玉文章之語始督學楚凡三校士始終謝請嚙嘗論諸生以方今公道惟有文衡一事因指天曰明心轉楚參議不赴歸

山西通志卷一百四 名宦錄四 七

王三才蕭山進士萬歷間督學副使文名擅海內居心廉介以空缺銀兩置儒學常平倉以濟寒士又創建太原平陽考場歲省千金陞本省參政  
呂三才山東臨朐進士萬歷間山西督學道閱文知人心術及富貴貧賤功名遲速歷歷不爽戊午科榜中式皆試文評語有中字者士子稱為神明陞本省參政  
張夢鯉萊陽人萬歷間糧儲道督通省田糧派有額徵如期革櫃頭為官收之例晉民稱便後任右轄董理鑄錢其利大行纂修賦役冊書悉出手裁永為經制後任左轄各屬進解京邊銀不入司祇以文檄相轉給宗祿均鹽鈔省在價不餽一毫餘羨咸稱頌之  
沈人种嘉定進士萬歷間分巡冀寧道修理城池均平地糧



定襄士民甚德之

麻溶宣城人進士萬歷間以戶部郎中分守冀南道性甘淡薄善於判訟改府創學調停得宜大有功於汾陞河南右布政

賀邦泰丹陽進士萬歷間分巡冀南道寬厚中有執持以文學調本省提學歷官廉使

霍維蓋曲周進士萬歷間分巡冀南道旌節孝哉強橫以正人心移風俗為急務人咸以古君子稱之

侯世卿武強進士萬歷間分巡冀南道實心為民值大款開廠煮粥借無礙官銀乞糴於河東以平價全活甚多累官布政使

宋應昌號桐岡會稽人嘉靖乙丑進士初知絳州歷陞山西

山西通志卷一百四 名宦錄四

副使精心救荒禱雨用春秋繁露法有奇應龍見於堯及狩

氏壇井中鱗角皆具蒲州水嘴城城地操文祭之水驟落三尺其他編審義倉鄉約保甲上下安之後陞河南左參政終工部右侍郎改右都御史經略乞歸

龍膺字綸隱湖廣武陵進士博學有才幹長於詩詞萬歷間分守河東道絕饋遺禁賈除暴安良每所履州縣進父老諸生誨以孝弟力田之義夜輒潛至城頭察有讀書聲及紡績聲次日即給以燈油之費聞有酗酒肆惡者大為懲創凶

暴屏跡良善鼓舞轉甯武道修理邊墻興起學校百廢俱舉改甘肅道陞太常寺卿

梅友松內江人進士萬歷間分守河東道練達吏治洞徹人情除奸貪疏冤滯機略雄沈兵民感服累官總督宣大軍務

趙曜掖縣進士萬歷間分守河東道清嚴狷介人不敢干以私累官遼東僉都御史

魯思虞常山進士萬歷間分守河東道新學校以造士改教場以練兵強幹有為遠近瞻望其風采

喬學詩京阿人進士萬歷間分守河東道與廉懲貪愛民作士每以篤誠誦正率下人亦不敢欺陞廣東布政

陳儒新建進士萬歷間分守河東道持已清嚴風紀振揚豪強斂跡境內肅然陞雲南參政

南逢吉號美泉渭南人以易舉進士高第授儀制司主事骨氣丰稜峻潔而果斷由雲南督學副使陞兵備雁門論三關將士循習令甲講明陣法以備寇數巡關外軍聲大振上備邊便宜五事語觸忌諱罷歸著有姜泉集越中紀傳若干卷

山西通志卷一百四 名宦錄四

藏於家註解會稽三賦刻在會稽郡中

南居益字思受渭南人少厲操行舉萬歷二十九年進士累官山西提學副使雁門參政繕治亭障省費萬計歷按察使左右布政使並在山西天啟二年入為太僕卿崇禎時為工部尚書削籍歸十六年賊陷渭南加炮烙不屈死

張維誠永清人萬歷中以進士任雁門兵備副使修舉廢墜多所營置墾塞下田萬餘畝收穀萬石建補助厥儲之以貸軍民之不足者春借秋還不責其息而別為之田以贍寒

峻邊地素不解織乃招榆次婦教之立局西郭時課其勤惰又以其贏設粥廳施棺所布縷庫醫藥局凡民之貧病死亡

而無歸者悉取給焉惠政大行後陞參政李從心南樂進士萬歷間岢嵐兵備道嚴禁州縣饋遺重懲



刁惡待軍民以恩收羅才勇以備時用人人奮敵愾之思吏治民情無一不悉

趙彥膚施人萬歷間以進士任岢嵐兵備道有應劇才尤精兵略嘗徧歷所部相度衝緩勾稽芻糧具能得其要領因為添防守易將衛廣城堡選習勇節省浮費逾十餘萬又修保德城高埔崇雉民勒政績於石立祠祀之

陳昌祚福建長樂人前督學道瑞于萬歷間以進士任偏關兵備道輯安兵民尤嘉惠學校嘗過三功祠下眷懷先澤移建而城外順城街中復紀其顛末勒之貞珉祀名宦以上萬曆中

袁化中字民諧武定人萬歷三十五年進士泰昌元年為御史劾首輔方從哲天啟元年出按宣大有聲以憂歸四年起掌河南道力劾魏忠賢崔呈秀回道考覈又據實列上乃以

山西通志卷一百四 名宦錄四 五

推山西巡撫謝應祥事調之外已竄入汪文言詞下詔獄斃之崇禎初贈太僕卿

劉大受泰和人天啟二年以御史巡鹽河東酌量預報裁省添搭刪灘地蘆價清護池侵地取回苦池租銀作餉募兵又有修學整城諸政

李日宣吉水人天啟三年以御史巡鹽河東修八政橋建宏運書院於學宮旁

姜思睿字顯愚慈谿人天啟二年進士劾學勵行以御史視河東鹽政值歲歉出金資粥以哺餓者置漏澤園瘞道殍安邑有故都御史曹于汴講學書院擴其堂廡祀卜子夏王通薛瑄其中以于汴配置田構舍公餘親蒞講授

張潑樂陵人進士天啟間巡鹽時有窮商五十餘家立給其

課杜超掣緩預報一切繁費悉行裁省懲積牙之蠹葬無主之殍報竣後尙留金糴穀幾四千石以備災荒最遺患者朝議加課潑特疏痛陳商苦獲免去之日商民遮道泣送

蔡復一字敬夫同安人博學善屬文萬歷二十三年進士光宗時為山西右布政使清介自持天啟中總督貴州雲南湖廣軍務卒囊無遺貲諡清憲

文翔鳳字天瑞陝西三水人萬歷庚戌進士天啟間以副使提學山西力振晉人萎蕪之習以劾魏瑞回籍卒翔鳳以辭賦為專門純學覃思腐蘊必欲追配古人詩離奇稟兀可與劉父馬異鬪險今三晉士振奇者猶多祖其習云

曹暹岐山人天啟間進士任猗氏知縣民感其德巡按江淮振厲風采允稱鐵面參議冀甯平晉藩之亂釋久沈之寃及告歸寇攻岐城出夙養丁壯守禦賊喙駭而去岐城賴以安

山西通志卷一百四 名宦錄四 六

全 來復字伯陽陝西三原進士天啟初分巡河東道文武長才經濟偉略時將多事預為城守計所歷州縣必驗臨城池督責修理後十餘年流賊入晉平陽諸城不為賊陷者皆復力也穎悟過人文詞琴奕書繪皆臻其妙即醫卜星占靡所不精至不拜魏祠人尤稱之以上天啟年

白希繡延安人萬歷進士由魚臺知縣擢吏科給事中丰裁稜峻廉隅自矢久之出為參政陞山西巡撫都御史墨吏望風解組

吳姓字鹿友揚州興化人萬歷四十一年進士崇禎七年九月召對稱旨由大理寺丞超擢右僉都御史巡撫山西姓歷

月召對稱旨由大理寺丞超擢右僉都御史巡撫山西姓歷



陳防禦邊寇練兵卹民四難及議兵議將議餉議用人四事  
每歲暮扼河防秦豫賊連三歲無一賊潛渡以間修築邊墻  
八年四月上疏言晉民有三苦一苦凶荒無計餬口一苦追  
呼無力輸租一苦殺掠無策保全由此悉爲盜請蠲最殘破  
地十州縣租上卽勅議行戶部請稅間架力爭不聽秋以朔  
折代之役鑄五級宣大總督楊嗣昌大同巡撫葉廷桂鑄三  
級俱戴罪視事部議開山西礦極陳五害寢之山西大盜賀  
宗漢劉浩然高加討皆前巡撫戴君恩所撫擁眾自恣姪陽  
爲撫慰而密令參將虎大威劉光祚等圖之以次皆被殲姓  
行軍豎二白旂脅從及老幼婦女跪其下卽免死全活甚眾  
在晉四年軍民戴若慈母謝病歸後仕至東閣大學士  
宋統殷山東卽墨人崇禎間以進士任山西巡撫時流寇蜂

山西通志卷一百四

名宦錄四

七

起統殷親督師擊於長子勝之賊走沁水犯寶莊爲里人張  
道濬所扼賊窘甚又聞秦師且至因號呼壁下求撫張令還  
所掠散遣徒黨當爲言撫軍貸爾死賊如命拔營而西咸就  
約束惟八大王闖塌天五營不受統殷偵知之引師襲其營  
賊渡河而南次年復來統殷與王兵備肇生邊之陵川賊至  
殊死鬪互有勝負會夜與賊爭險對營兩山頭賊由間道潛  
出其上大謀師遠潰統殷與王俱走適張總督宗衡駐高平  
統殷以師畢會大破賊於桑子鎮賊復走沁水未幾解任去  
以許鼎臣代之

許鼎臣江南武進人崇禎六年以進士任山西巡撫鼓勵將  
士誓掃寇氛適沁水張道濬設伏三緼窟中生擒賊首滿天  
星等鼎臣爲獻俘闕下並奏功第一爲當時勦已而部議鼎

臣駐汾州統奇嵐甯武諸軍凡汾太遼沁三十八州縣有盜  
儼卽以責之

陳純德字靜生零陵人舉崇禎十三年進士年已六十矣莊  
烈帝召進士咨時事立擢御史十四年巡撫山西感上知盡  
心職業七月部內嚴霜八月大雪民多凍餒疏請恤因極陳  
抽練之弊後督畿輔學政十七年三月二十一日殉職

蔡懋德字維立崑山人幼志聖學篤好王守仁書舉萬曆四  
十七年進士崇禎十四年十二月爲右僉都御史巡撫山西  
召對稱旨賜酒饌銀幣十五年春蒞任大盜王冕等爲亂討  
平之總兵許定國援河南潰而歸懋德定其亂十月統兵入  
衛畿輔詔扼守龍泉固關二關而賊已陷河南將犯平陽境  
急馳河上禦之數月至十六年冬賊入潼關陝西盡陷自蒲

山西通志卷一百四

名宦錄四

六

州北抵保德二千餘里悉與賊鄰恃黃河爲限窮冬冰合賊  
騎得長驅懋德連章告急請禁旅及保定宣府大同兵馳赴  
河干合拒中朝亦以山西爲憂廷臣請防河者甚眾然無兵  
可援總兵周遇吉鎮甯武僅得自顧宣大總督王繼謨奉命  
防河亦不至懋德以疲卒三千當敵十萬強寇日奔走平陽  
汾州間猶屢挫之大慶風陵吉鄉諸渡十二月尙嵐保德俱  
告警太原洶洶晉王手書趣懋德還懋德不得已分兵守二  
郡以十八日去平陽越三日賊卽渡河副使李士焜知府張  
嶙然等棄城先遁俄復還越二日李自成至嶙然迎降平陽  
遂陷十七年正月巡按御史汪宗友劾懋德不待冰泮遽還  
太原致名城淪覆詔奪官候勘以郭景昌代之懋德先遣兵  
拒賊而屬城盡陷反拒官軍乃與布政司使趙建極諸監司



毛文炳簡剛中畢拱辰太原知府孫康周署陽曲縣事長史  
范志泰等大集城中人誓以死守懋德哭眾皆哭聲震原野  
罷官命適至或請出城候代懋德不可曰吾已辦一死矣景  
昌即至吾亦與俱死是月晦游騎抵近郊自成知懋德賢遣  
使招諭曰撫軍若降吾且大用懋德憤立火其檄斬使人頭  
懸城上二月五日賊悉眾薄城遣部將牛勇朱孔訓王永魁  
出戰俱敗歿六日自成具偽鹵簿督眾力攻城上發砲擊之  
賊多死七日晝晦大風拔木飄瓦終夜不息守者皆仆懋德  
知不能支預草遺表時調陽和兵三千協守剛中慮其內應  
移之南關外果叛降賊而部將張雄者守新南門與賊通懋  
德召中軍副總兵應時盛謀將調雄守大南門未幾雄縋城  
出降語其黨曰城東南角樓貯火器火藥我下即焚樓樓焚

山西通志卷一百四

名宦錄四

九

守者悉走賊乘勢登城懋德北向再拜出遺表授贊畫知縣  
賈士昌命其間道奏聞拔刀自剄為麾下所奪時盛請下城  
巷戰遂扶上馬時盛持矛突殺數十人至炭市口賊騎充斥  
時盛呼曰且擁公出西門懋德遽下馬曰我當死封疆汝輩  
可自去眾復擁懋德上馬至水西門懋德叱曰汝輩欲陷我  
不忠耶復下馬據地坐時盛已出城還顧不見復斫門入曰  
請與公俱死遂偕至三立祠懋德就縊未絕時盛釋甲加諸  
肩乃絕時盛再拜訖即去弓弦自勒死

焦源溥字涵一三原人萬曆四十一年進士崇禎二年為分  
巡河東道副使預平大盜王嘉允遷甯武參政再以平寇功  
就遷山西按察使七年擢右僉都御史巡撫大同時兵缺餉  
乏歲存饑民無稗杞亟請蠲賑且增兵餉當事不能應踰年

遂自劾求去監視中官魏國徵撫論其不職坐罷歸十六年  
為流賊拔舌支解死

張宗衡臨清人萬曆四十一年進士天啟七年五月為右僉  
都御史代張翼明巡撫大同引宿將滿桂為助大修邊防時  
虎墩免議順義故時額賞起王象乾督宣大令任款事象乾  
定撫議宗衡初與同議後力言宜戰不宜款檄總兵王牧民  
副使宋統殷閉不許通市乃上疏曰自插部駐歸化城去大  
同僅三百里閱時三月未敢近大同一步我固無如插何插  
亦無如我何則以饑寒窮困插與我不異爾插賴撫賞為命  
兩載不領資用已竭加以巢穴未定半懷搆貳東西馳驅勞  
頓已甚其駐牧處草根皆盡馬瘦如柴暴骨成莽屢索我迎  
風諸禮望款不啻望歲而我墮其計中厚遺以金縉牛羊米

山西通志卷一百四

名宦錄四

三

粟諸物是插本窮而我固富之插本弱而我固強之我有利  
不得自利又轉以為插利豈不痛哉使彼有纖毫懷德之意  
猶之可也乃往來講議其咆哮之狀倖慢之辭至不忍聞彼  
窮餒猶如此草青馬肥憑陵狂逞可勝道哉臣謂惟此時可  
以圖插幸聖明速決上報曰宗衡既知款不足恃當實圖戰  
守無取空言象乾疏請專任撫臣上乃責宗衡先後異議兵  
科給事中陶崇道復力駁之宗衡再疏曰插賞新者八萬一  
千加以馬價大同兩年二十四萬山西兩年十萬宣府十八  
萬遼東兩年四十萬共百萬矣當此三空四盡之秋忽舉百  
萬以款敵臣實不解謂不款能患我耶臣抵大同九月矣未  
嘗談一款字彼亦未敢近邊謂借款方可修備耶臣方造火  
礮演車陣整器械葺邊垣何嘗一日不修備彼亦何能禁我



之不修以插之疲甚饑困窮甚忽睹此百萬金錢一去而不返也臣安得不痛憤于撫敵何如撫士資寇何如滅寇臣揣時度勢計當如此而時局不容請賜罷斥象乾亦再疏陳利害兵部尚書王洽言宣府二十三萬大同十二萬山西五萬合之四十餘萬乃仔馬價所謂互市也又奏宗衡議戰欲得京營馬萬五千火器三萬計一馬費二十金當三十萬一火器費三十金當九十萬此百二十萬安能驟應宗衡但知插部饑疲不知自吞并諸部人馬眾盛即戰亦豈能必勝後竟如象乾議宗衡抗疏力辨詆象乾專任王牧民之非且求罷斥不允四年春魏雲中罷擢宗衡兵部右侍郎代之五年五月得勝堡幾失與巡撫張廷拱並請級視事監視中官劉允中極陳殘破狀參議王則右疏白其誣乃不問時殺寇入

山西通志卷一百四

名宦錄四

三

山西部議宗衡移駐平陽統虎大威李卑賀人龍左良玉諸將兵以平陽澤潞四十一州縣屬之巡撫許鼎臣駐汾州統張應昌苟伏威頗希牧艾萬年諸將兵以汾沁沁遠三十七州縣屬之宗衡聞命即提陽和兵從澤州尾賊至陵川勝之再敗賊潞安之西火斬級二千連戰陽城之陽泉沁水之毛連溝鹿臺寺石塔杏谷並破之俘斬皆千人已卑人龍萬年以關中兵至鼎臣檄從已宗衡怒檄三將還賊遂轉入磨盤山乘間從武鄉陷遼州宗衡強起舊帥尤世祿使率人龍卑赴援六年正月復其城會秦將曹文詔至與猛如虎屢破賊賊漸衰時張應昌任山西總兵五檄之不至怒而言於朝俄以賊窺河北乞勅山西撫鎮率卑萬年馳勦毋以臣為孤注語多侵鼎臣鼎臣亦劾宗衡所舉監軍主事李素會賊果入

河北宗衡乃還陽和時虎墩免遠竄部下無所歸多叩關之降宗衡受之安輯者萬二千餘人大同自是無插部患七年五月崞縣靈邱諸城堡多破命戴罪視事旋命盡督諸鎮援軍而授將吳襄尤世威等皆不至九月論罪謫戍十五年臨清破死於兵予卹典

邱民仰字長白渭南人萬厯中舉於鄉崇禎中為御史山西巡撫宋統殷專主撫下令殺一流賊者償二命賊愈張民仰疏論其罪後為大同副使十五年以右僉都御史巡撫殉節盧象昇字建斗宜興人少讀張巡岳飛傳輒歎息曰吾得為斯人足矣舉天啟二年進士崇禎八年八月總理江北河南山東湖廣四川軍務尋晉兵部侍郎加督山西陝西軍務賜尙方劍便宜行事殲流寇幾盡九年九月宣大總兵梁廷棟卒遷兵部左侍郎總督宣大山西軍務宣大素苦缺餉乃大

山西通志卷一百四

名宦錄四

三

興屯利行二年積穀至二十萬上諭九邊奉以為式十一年三月以生辰方舉鵬偕客謀報西部乞炭台吉數萬騎入邊求市即夜督兵出羊房口剋期決戰乞炭解去越二月外艱廷議奪情留任四疏懇請上哀之特起陳新甲制中令象昇候代新甲家四川未上乃墨縗從事尋晉兵部尙書九月督山西總兵楊國柱王樸虎大威諸軍入援十二月朔殉節贈太子少師兵部尙書衛景瑗字仲玉韓城人天啟五年進士崇禎十五年二月為右僉都御史巡撫大同歲饑且疫疏乞賑濟給牛種民獲甦乃戢豪宗蒐軍實練火器聲績甚著十七年正月李自成將犯山西宣大總督王繼謨檄大同總兵姜襄扼之河上瓌潛



遣部將李時華納款而還景瑗不知也及山西陷遊瓌歃血誓死守瓌布訛言衛巡撫秦人將應賊代王既疑之不與相見永慶王至射殺其僕會景瑗有足疾不時出兵事皆瓌主之瓌兄瑄以昌平總兵失律繫獄後赦出就瓌力勸降賊瓌虞卒不從人騎銀數兩不足則子布帛佯言勵將士固守王及士民咸信之諸郡王分守城門瓌每門遣卒二百助守至三月朔賊抵城下瓌即射殺永慶王開西門迎賊使人詐要景瑗議事景瑗乘馬出知有變自墜馬下俄為賊所執見自成欲官之景瑗不屈據地坐大呼莊烈帝而哭賊義之曰忠臣也不殺景瑗猝起以頭觸階石血淋漓賊引出願見瓌罵曰反賊與我盟而即叛神其赦汝耶賊使景瑗母勸景瑗降景瑗曰母今年八十餘當自為計兒國大臣不可不死

山西通志卷一百四

名宦錄四

三

母出景瑗謂人曰吾不罵賊者以全母也六日自經於僧寺賊歎為忠臣移妻子空舍戒無犯

祝徵江西臨川進士崇禎初山西巡按懲貪興廉法紀振肅禁饋遺卻贖羨以緩銀令各州縣存百兩為養廉資本性好題詠所履州縣公署多親書聯額

胡良機字省之南昌人萬歷四十四年進士天啟初為御史言魏忠賢欲門生宰相斥去崇禎初起故官按宣大年滿當代褒以敏練令復巡一年尋為宣府監視中官王坤劾罷終南京吏部主事

陳廷謨成安進士崇禎間巡鹽甯南衛命入境即禁班迎鋪設之擾在任禁劣採親課程清衙蠹調課額俱有成效丁艱歸民立去思碑

王與允新城進士崇禎間巡鹽寬嚴互用奸宄屏跡革勒民撈採以塞弊實恤壓待商人以蘇子遺會流賊近城與允素得民心且執法不貸協力堵防運城無恙

楊繩武彌勒進士崇禎間巡鹽政持大體凡事游刃而解不假手於左右勅貪吏招逃商又特疏民間疾苦乞免旬差之累賑饑民養貧士捐俸贖以葺文廟池神廟表忠祠極重武備修城練兵殆無虛日聞秦寇逼河躬率士卒沿河堵防民賴以安去之日行李蕭然商民無不嘆泣

楊鵬武陵人進士崇禎間巡鹽時連值歲歉糴米於太汾秦渭徧給窮民又築敵臺增新兵河南土寇桂惟一聞風潰散又置田贖士以資四民之無告者

山西通志卷一百四

名宦錄四

三

年李自成陷城不屈死

焦源清字湛一三原人源溥之從兄也萬歷中進士歷山西右布政使擢巡撫宣府後為賊執不食死

鄭國昌邠州人萬歷三十五年進士歷官山西參政崇禎元年以按察使治兵永平遷山西右布政使上官奏留之三年正月殉城一門盡死贈太常卿賜祭葬蔭一子

趙建極河南永甯人萬歷四十七年進士賊掠永甯五子皆死累遷山西布政使流賊入城危坐公堂賊搗至晉王府欲授以官叱曰我天朝方伯乃仕賊耶李自成令曳出斬之下階連呼萬歲曰臣失守封疆死有餘罪自成為呼已也曳還問曰既呼萬歲何不受官建極厲聲曰我呼當朝主上甯呼賊耶大罵自成立殺之趙氏一門竟絕



鄭嘉生直隸武進人萬歷間進士重氣節有操守不肯附人  
崇禎初山西按察使釋繫囚辨冤抑不事苛察光明正大  
不敢欺至革淫祠禁侈汰風紀振肅吏畏民服

李徵宗任邱人萬歷三十八年進士歷官山西按察使罷歸  
崇禎九年以殉難贈卹

都任字宏若祥符人萬歷四十一年進士崇禎中爲山西按  
察使性剛毅多忤物月朔諸僚約同朝晉王任曰會典朔望  
朝王惟都布二司不及按察按察得糾舉非法奈何與守土  
者同朝執不行巡按御史張孫振誣劾提學僉事袁繼成任  
數慰問繼成贖其行孫振中以大計貶職歸後飭榆林兵備  
十六年殉城

山西通志卷一百四

名宦錄四

三

提學僉事子身赴任較閱公明聲望大著巡撫吳姓薦其廉  
能請加優擢而巡按御史張孫振以請屬不行銜之特疏誣  
繼成賊私事上怒逮繼成責姓回奏姓極稱繼成賢斥孫振  
誣詆諸生聞繼成逮羣隨至都伏闕訴冤繼成亦列上孫振  
請屬狀及其賊賄數事都察院言孫振倒置是非大負巡方  
職有詔逮訊繼成得復官孫振坐謫戍天下快之繼成後爲  
兵部右侍郎兼右僉都御史總督江西湖廣應天安慶軍務  
駐九江殉職

田時震富平人天啟二年進士崇禎中忤吏部尚書王永光  
爲山西左參議就遷至右參政罷歸十六年冬流賊陷富平  
不屈死

蘭剛中字坦生陵縣人崇禎四年進士由南京給事中遷山

西副使甫泣任流賊入城被執說之降大罵曰豈有蘭坦生  
屈膝求活者乎賊殺之首既墮復躍起丈餘賊皆辟易

黃世清字澄海滕縣人崇禎七年進士累官山西冀甯道僉  
事遷商維道十六年十月殉城贈光祿卿

畢拱辰字星伯掖縣人舉進士山淮徐兵備僉事移冀甯被  
賊執賊適得新刀拱辰視之問何覘曰欲得此斫頭耳賊遂  
取斬之

毛文炳字夢石鄭州人由進士歷知壽陽淪次縣遷吏科給  
事中出爲山西兵備副使爲流賊所執誘以官不從抗罵數  
日被殺妻趙妾李亦投井死子兆夢甫數歲被掠去士民以  
忠臣子贖而歸之

山西通志卷一百四

名宦錄四

三

王肇生山東掖縣人崇禎間以舉人累官分巡冀南道英爽  
有膽略練習兵事陵川賊馬小懷作亂親督將士入險阻搗  
其巢賊驚潰因議設參將以資彈壓王申流寇將自河南入  
請兵撫軍扼其衝復與監軍焦浴總兵曹文詔和輯兵民俾  
無騷擾三人雅相善生平虛懷延攬念軍興之際當爲國家  
收羅奇材異能凡劍客力士有片長者輒結納恐後以勞卒  
官士民立祠祀之後贈光祿寺卿

吳阿衡裕州進士崇禎間分守河東道偉質長才威望素著  
盜賊遠避地方安靖累遷勳總督殉難

汪喬年字歲星遂安進士崇禎間分巡河東道布袍疏食自  
處儉約視民疾苦不啻身受精明練達人不敢欺常行部有  
安設豐厚者曰值此民窮財盡之時做官當爲國惜財爲民  
惜命無論其他只此一盆火可憐中人數日餐盡令撤去一



時貪墨者皆為斂輯未幾陞陝西提學累官總督征李自成死於陣

朱之馮字樂三大興人天啟五年進士崇禎中為河東副使

所部鄰秦豫寇警日至大猾朱全字潛通秦賊令廢將謝鳴

進執殺之部內以甯晉宣府巡撫殉節

洪允衡商城人萬曆中進士歷官陽和兵備副使崇禎十四

年二月流賊陷商城力戰死

朱家住河州人崇禎末為陽和分巡副使流賊至盡驅妻妾

子女入井而已從之一家死者十六人

周鴻圖山東即墨人崇禎間由明經以軍功歷陞參政強毅

有大略流賊久據河曲不下鴻圖統川貴兵進勦同事首鼠

不前鴻圖曰兵貴拙速未聞巧遲乃直抵城下據賊水道與

戰大敗之八日城遂下即任岢嵐道以縣城被賊瘡痍屢發

賑粟有收難婦者悉令還之一卒抗令即斬以狗邊境得安

王允懋字有懷霸州人第進士崇禎時知太原府遷甯武兵

備副使李自成既陷太原遣使說降斬之與總兵周遇吉固

守城陷自刎死妻楊投井殉

閻夢夔鹿邑人進士崇禎末以參政為代州兵備城破抗節

死以上崇禎年

右明隆慶至崇禎一百一十二人

國朝

馬柱國遼東人順治元年巡撫山西時流寇據太原城八月

死亡以數十萬計遺黎略無生意柱國統兵至一鼓破之搜

餘孽殆盡始入城輒督兵登陣俾無得入民室安集撫循民

稍復業時客兵亟往返供億滋眾柱國先具牛酒迎郊外慰

諭再四俾無譁無掠以驚殘氓雖征調頻仍而里閭若不知

有兵垂二年遷陽和總制以去

申朝紀遼東人順治二年巡撫山西下車糾劾墨吏十餘人

羣僚肅然站銀舊額一十五萬明季裁充餉驛費不足派之

里甲至二十萬有奇朝紀廉得其狀疏請仍歸正項驛馬官

牧養無得派民勒石郡邑至於剿平土寇清獄囚裁吏典禁

胥役私禁人犯革募夫發報里民胥有實惠卒於官晉人立

祠祀之

祝世昌遼東人順治六年巡撫山西時姜逆作亂晉省震動

世昌性激烈凡從賊者棄城者率竿諸城力請速進兵殄滅

需餉數十萬殫慮經畫軍有餘糧民亦不病科擾事平特疏

請給賦七百萬石徭十萬餘丁民獲少蘇無何病卒卒之日

百姓巷哭忠烈祠成後撫以死忠死事一也首祀焉十三年

賜諡景僊蔭一子入監

劉宏遇遼東人順治七年巡撫山西時姜逆初平邨聚多蹂

躪而通賊如山積宏遇疏請裕民寢蘇又恤諸死事家建忠

烈祠祀之辛卯鄉試直指以艱愆期捐俸分給竣試士俾無

寒餒壬辰饑遣使散賑復資粥城中全活者眾修文廟鑄祭

器立義冢設養濟院補城東南樓治官春拱極迎澤門橋築

堤以障汾流俾無壅城實政次第舉而絕餽遺清衙蠶革市

行尤為拳拳既去民懷其德建祠以報

佟養量遼東人順治六年任宣大總督駐陽和時姜逆初平

骸骨徧野為斂而葬之又建報忠祠祀一時死事者嘗錄重

山西通志卷一百四 名宦錄四 天



囚有張發者業斃於獄矣其族多論死檢原案覆視特為豁免內丁楊洲玉寓齊生所獲藏錢八百兩呼其子弟至悉昇之修學習禮教射其中會部議衛所屯田照內地民田例起科抗疏言邊地種運霜早沙磧相望加以凶盜頻仍荒殘愈甚若復援例起科勢必聞風俱潰夫有人斯有財益下即益上此司計者所當知也疏上獲允大同人至今感之

黃徵允福建晉江人順治元年以進士巡按山西時三晉初定民多竄居山谷徵允單騎入險阻慰諭俾復業先是聞逆據晉賦役業入強半至是特疏以聞凡偽官嘗徵者胥為豁免而晉民之死義者胥以其狀上又嘗綜三晉情勢疏陳四事一曰薦遺佚以求錄用一曰立師儒以育賢才一曰禁訐告以安窮黎一曰復站銀以蘇驛困疏入次第舉行當時稱為許謨焉

山西通志卷一百四 名宦錄四 三

劉嗣美河南陳留人順治九年以進士按山西性剛毅彈劾雖權貴不避巡部時微行訪民疾苦奸胥墨吏憚之弁卒屢占民室民惴惴不敢出一語嚴為科條令胥出賃直草豆輸會城市魁緣典守以肆勒索廉得其狀立斃之飭州縣徵賦行易知單民便之其他懲蠹役裁徭夫甦驛困革行戶民胥感頌焉

李之芳字鄴園山東武定州人順治十六年以進士巡按山西貪墨吏多斂迹而措注鉅細務雅有條理古所謂清望公望者惟之芳克兼之尋以缺裁回道後為浙閩總督平耿逆之亂累官大學士卒諡文襄  
孫茂蘭遼陽左衛人順治四年以生員任山西布政使時朝

議以太原重地特令滿兵駐防所圍民地胥以廢蔭土田給之而屯丁多抗不予租民莫敢誰何茂蘭痛繩以法始獲安本業滿兵問與民爭所司率分左右袒茂蘭用情理訊之俾各厭其意以去兵民咸安洎任六年擢甯夏巡撫去之日攀轅泣送者不絕

王庭字言遠浙江嘉興人己丑進士順治十六年任山西右布政性孤潔以冰蘖之操倡屬吏有晉謁者輒助令牧養百姓慎出納吏不得上下其手藩司甚煩劇庭處以清靜內外肅然放衙後輒顧四歲孫握筆作大字灑然樂之尋以裁缺去庭工制義與熊伯龍劉子壯齊名晉人士多能誦其文者而閭巷亦歌思不輟焉

山西通志卷一百四 名宦錄四 三

劉澤溥廣甯人順治間任分巡冀南道持重不擾得憲臣體美逆之亂其黨沈遙應蜂擁太行山中澤溥死之  
贈光祿寺卿祀忠烈祠  
斑璉字華宇遼東廣甯人順治十二年以貢生分守河東道有才略夙著威望洎任初賊張五聚黨數千人盤踞夏縣山中時時鈔略為民害璉遣人伺動靜具得要領因令偏裨於賊出沒地伏兵堵截而自統官軍銜枚疾走徑搗其巢賊嘗恃險阻且疑郡縣官之懦也不為備驟聞官軍至邊遽出戰不能支奔逸四散又悉為堵截者擒斬無遺自是民獲安枕後遷陝西莊浪副使道以去

許可用遼東蓋州人順治四年以弟子員任雁平道慷慨饒謀略美瓌變代人劉遷應之眾數萬屯城下攻甚力可用督兵民捍禦而密遣人赴軍前請合勦遷遂授首圍獲解在任



三年擢陝西關西道代人立祠聶營村

徐道遠東人順治間任奇嵐兵備僉事道姜逆之亂偏關遙應之清為賊所執脅降不屈死

贈光祿寺少卿蔭子入監祀忠烈祠

金光祥遼東人順治五年任甯武兵備僉事道性嚴厲姜逆之亂甯武兵從之光祥自縊死

贈光祿寺少卿蔭子入監祀忠烈祠

徐一范江南蕪湖人以進士任禮部郎中轉左衛兵備道時業知姜瓖變私念猶子明弼知馬邑縣可藉以殺賊驅車直前不少沮比至城下傷於梃蓋賊黨環市一范固無由察也至死罵不絕口

宋子玉遼東人順治間任大同兵備道駐朔州姜逆之亂密與通判楊知州王謀靖內患既而變猝起謀不克遂因手刃愛子以死

薛陳偉祥符舉人順治十三年分巡河東道有治盜功先陳偉來任者為廣甯班捷亦以剿平巨賊有績陳偉後調為蔚州副使以上順治時

郝惟謙直隸霸州人康熙二十八年以御史巡視河東鹽政時護池渠堰亟修亟圯民力敝於游築又前准淮浙例課鹽並加商以引浮於丁鹽多壅滯下願加鹽請論課如令甲前院李時謙嘗採運使張議入告未盡除也惟謙復屢疏陳乞日包課之情可矜包課之勢難繼若此日浮徵不器將他日正額必虧必獲請乃已復立按丁分工之法縣夫幾挑築渠堰幾井袤廣高深胥釐畫分工訖各登其名於籍後有塌毀

輿通判楊知州王謀靖內患既而變猝起謀不克遂因手刃愛子以死

輒按名令修築人胥以為便因疏諸朝俾永為遵守

穆臣滿洲人康熙十五年任山西按察使持法能平遇訟者輒以善言解之給銀米於獄必親詣按名以給在任四年

巴哈布滿洲人康熙三十七年任山西按察使精敏習律例性仁恕持法能平而義所不可雖抗論大吏前不少撓尤加意作人立義學數十捐俸增修貢院號舍

聖祖仁皇帝賜清慎勤三字匾尋回旗三晉人至今懷之

張鵬翮字運青四川遂甯人康熙二十四年以進士累官河東都轉運使性清介聞人言貨賄輒厲聲叱之不少假而於鹽政利弊批卻導窳具得要領嘗上議巡鹽使者力請豁免加課略謂河東諸商築畦曬鹽出場販賣僅與淮浙竈戶同科近日懷慶六邑又歸長蘆地勢既狹辦納尤艱今四海

昇平大兵盡撤所有軍興以來每引增銀五分應照部文題請停止至加增七分原因淮浙割沒之例謂每引加鹽二十五斤應入正額按時徵收但時勢既別張弛宜異淮浙利於鹽多河東利於鹽少故初奉部行諸商即請認課不願加鹽且割沒之說原以示罰河東山路崎嶇轉運最難驢馱車載半出人力非若淮浙順風揚帆一瀉千里舳舻相接便於夾帶也並請題豁以聽困苦李御史時謙深嘉之亟繕疏上請獲免新加五分閱數年郝御史惟謙屢陳乞並免加增七分商民胥頌

皇恩焉鵬翮當念己丑之役督築城隍甃發四面為運城根本其功尤稱俊偉洎任三年清望著聞擢京卿以去

蘇昌臣奉天人康熙二十七年任運使精明幹濟銳意釐剔

皇恩焉鵬翮當念己丑之役督築城隍甃發四面為運城根本其功尤稱俊偉洎任三年清望著聞擢京卿以去



著有鹽政彙纂行世

李馥福建福清舉人康熙五十三年為運使當鹽法初變之後持身清介裁去陋規優禮士夫講究利弊聽斷公明擢蘇松道去

劉元勳咸陽人順治己亥進士康熙間任山西糧驛道以養馬費有正供而晉皆民養嚴禁之委賑大同無漏無胥駐節地有槐一章民號為劉公槐尋致政歸

張道祥江南徐州人康熙十三年以官生任雁平道多惠政庚申代饑祥捐俸煮糜三所購米河東常山平價糶之全活滋眾又捐千七百元修代書院設義學蒞任十一年擢湖南按察使代人思之

吳自肅山東海豐人康熙初由進士令萬載以禽吳三桂偽

山西通志卷一百四 名宦錄四

使知名累遷僉事轉分守河東道時劇賊張化金據中條山為州縣患自肅至諭降之又為民疏河渠廣學校歲饑出俸設粥以救餓者在官數年績多可紀乾隆中祀名宦  
李毓柱康熙間任分守雁平道廉而敏有吏材遇屬吏以禮而不為假借時微行訪奸猾繩以法諸郡邑疑獄未決能剖曲直恤三關士卒預支月給米而俾於附近倉庾載之祀名宦

曹溶字秋岳浙江嘉興進士康熙六年任陽和兵備道溶學問閎博處兵鎖戎索問賑荒馭吏胥有積宏獎人才徐明經化溥馮觀察雲驤皆因之知名時學政叢弊溶箝制俾不敢逞魏敏果象樞雅參議為尋以裁缺去仕至侍郎以上康熙時  
諾岷滿洲正藍旗人性耿介任戶部時稽覈有法雍正元年

以署工部右侍郎巡撫山西先是州縣侵挪錢糧者甚多岷力為振刷相地之繁簡與員之能否互易其位以相鈎剔月要歲會胥吏無所售其奸宿弊一清正已率屬吏治民氣肅然改觀太原平陽二府所轄州縣居通省三分之二奏請改設各直隸州官民均便之州縣征收火耗向無限制奏請將耗銀提歸司庫而分給各官養廉遂為直省耗羨歸公之始論旨嘉其通權達變於國計民生均有裨益云

伊都立滿洲正黃旗人雍正三年以刑部左侍郎署巡撫值旱奏請發粟平糶築城西汾河護隄以防水患是冬擢雲貴總督會方改衛設縣仍留巡撫任凡朔甯二府規制悉所經畫也四年請於陽曲增倉買穀積貯其外府州要區皆擇地營建廣為儲備調江西巡撫去及十一年歲荐饑賴所積穀以有濟云

山西通志卷一百四 名宦錄四

謝王龍甯夏人雍正元年由翰林授雁平道下車即以察吏安民興學善俗為首務分巡所至雖飲食亦不取給於州縣於屬吏所無瞻循關書院與諸生講論經義孜孜不倦嚴保甲黜淫祀戒浮華禁佛事一時吏治肅清士氣民風為之一變去之日民感泣遮道攀轅者絡繹不絕累遷至都察院左都御史

湯豫誠河南儀封人由進士游擢冀甯道調任雁平清操特立惴惴無華其為政多仿謝而疾惡尤嚴常曰惡人不除良善不安姑息養奸弗為也故丰裁為特峻云以上雍正時  
喀爾吉善滿洲正黃旗人乾隆五年任山西巡撫為政不事苛察儉以自奉仁以愛民其奏請開口外煤窰招墾廠地邊



民尤利賴焉官至浙閩總督卒謚莊恪子定長亦為山西巡撫六年之中凡再莅任亦有政聲

阿里衮字松崖滿洲鑲黃旗人乾隆八年巡撫山西值歲歉米價翔貴前撫劉於義嘗買口外米用牛皮運脫由黃河裝運至永甯之磧口接濟太汾阿至廣其法多方招徠民食以裕十一年大同饑奏修邊縣城垣以工代賑事竣移撫山東會蒲解民變大學士訥親奉

命查辦劫後撫罷之後撫愛必禮為阿弟而訥又其兄也乃復調山西感

上知遇倍形恪慎蒲州民與陝西朝邑爭黃河灘心灘互控詔借陝撫陳宏謀會勘以十之六歸晉十之四給秦民耕種皆服其平十五年擢湖廣總督累官戶部尚書協辦大學士

山西通志卷一百四 名宦錄四

卒諡襄壯

胡寶瑔字泰舒江蘇青浦人雍正癸卯舉人乾隆十七年由兵部侍郎巡撫山西性清約精微既貴不改昨青碧能白晝視鬼神在山西撫饑民理冤獄黜貪吏除奸豪整備關隘力行教養之政明年十月調撫湖南歷江西河南所至多惠政卒贈太子太保兵部尚書諡恪靖

明德滿洲正紅旗人乾隆二十一年巡撫山西到官即題豁負累建倉歸綏各廳以裕邊儲定鹽池渠堰歲修法以紓民力嘗坐失察同官呈議士民千餘泣保得免後復任入境時男婦歡迎道路擁塞其得人心如此

朱珪字石君大興人乾隆戊辰進士三十二年由湖北按察使調山西明年就遷布政使奏立保固城工法令後任隨時

修護如潰在三十年內者與原築官分賠下部議行三十六年權巡撫事奏撥歸化綏遠二城穀十餘萬石搭放兵糧以省采買而免紅朽奏免土默特蒙古私墾之罪以所墾收地三千一百餘頃附近貧者兵民認耕納租歲得銀六千餘兩增官兵公費又奏太僕寺牧地苦寒宜改徵折色以便民除弊皆下部議行三十八年勘歸化城水災奏撫恤之生平端疑純粹於經術無所不通崖岸廉峻承宣時應得平餘鉅萬悉不取嘉慶十年累官至體仁閣大學士卒諡文正

多綸滿洲鑲白旗人乾隆十六年任布政使工書簡默厚重人稱為多佛初壇廟皆藩司主祀多在任請主以督撫從之唐綬祖字貽雲江都舉人由縣令累官至湖北巡撫署總督乾隆十六年以事罷起用為山西按察使性強直晚年風骨

山西通志卷一百四 名宦錄四

愈峻除暴鋤奸不畏強禦而愛民如子遇有疑案虛衷研鞠不惜再三陳臬數載無冤獄吏胥見之不寒而慄有鐵面冰心之號遷陝西布政使卒於官

託庸字師健滿洲人官冀甯道乾隆四年定例丁銀攤入地畝民便之而蒲州府之萬泉解州之安邑不肯曰此地富民無田若攤丁於地是貧民代富民完糧也征輸者以為然仍私用舊法十一年事上聞下巡撫議覆巡撫請如新例託爭之不從嚴陳下府州驅迫號呼兩縣民揭竿起罷市燒城門毀公署而堵焉巡撫憂急不知所為命託領兵往託請單騎獨行而暗與調兵符相機行事諾之既至先張示令自首歸誠者赦尋以計授副將勒獻首惡七十二人時朝廷以巡撫為民變劾官懦



特命大學士訥親來鞫駐省城訥別訪亂民五百檄託與副將擒訊託牒稱七十二人尙多冤餘眾宜可開略訥愈怒文書火急且曰黨惡聽參託不爲動抵擱者三五百人聞之泣曰攤丁非託公意擒七十二人非託公意我輩早從公言自首歸誠大家抱兒子臥矣今又以不擒犯故累公我山西以俠烈聞若然非壯士也請與偕出五百人竟面縛出投託託不受投副將將受之以畏威歸順之意敢訥訥亦怒解命且保釋五百人父母妻子爭來迎歸扶攜歡祝延之聲數里不絕獄具前七十二人者誅三人杖十人卽調託河東道加兵備衛累官至吏部尙書卒諡誠毅見袁枚書富察中丞被議以道員用也事在乾隆十一年袁誤七年又誤爲解州安邑五州縣而不及萬泉據蒲志剛節存之黃祐字啟彬江西新城人由翰林擢御史乾隆十一年任雁

山西通志卷一百四

名宦錄四

毛

平平道以廉勤稱而謙抑自處不爲表褻踴厲之行後調任冀甯所至宏獎人才晉人每樂道之

劉墉字崇如諸城人大學士文正公統勳子也以翰林出爲太原知府遷冀甯道丰裁峻整習掌故達政體於吏事以勤慎著稱守太原時清積案數十購穀二萬餘石儲爲府倉陽曲令段某侵帑累萬巡撫薦遷秩去而以所虧金命墉分攤之屬縣墉不可巡撫卒自行之後事發並罹大辟

上

特宥墉遣戍旋擢江甯知府累官體仁閣大學士卒諡文清喬光烈上海人進士剛方正直廉能出眾吏胥無敢稍干法紀先任河東道儉約自守不攜眷屬裁行戶緝刁民接土有吐握之風暑冀甯道未數月調直隸鹽驛道民送之數十里官至湖南巡撫

陳學穎字蓮士莆田人進士乾隆末兵備虛平喜文學每朔望必集諸生講說經義有大役輒捐俸爲倡孫忠靖公祠圯修復之並置祭田以親老乞養歸貧不能治裝士民爭遺之謝不受以上乾隆時周系英字石芳湖南湘潭人嘉慶十五年以內閣侍讀學士督學山西嗜學愛士宏獎風流按臨所至遇宿儒異才靡弗招致署中賓從極一時之選十六年

上幸五臺

召試迎

鑾士子中選者至十餘人皆其素拔識者也道光四年官戶部侍郎引疾歸嘉慶中學政如黃尙書鉞莫侍郎晉皆以碩學先後來晉爲時宗仰而系英所刻試牘迄今猶誦之弗衰云

山西通志卷一百四

名宦錄四

美

劉大觀字松嵐山東邱縣人由拔貢累官河東兵備嘉慶十一年鹽政復改商運與藩司金應琦悉心籌畫招徠得宜一時稱便十四年金升巡撫旋以疾乞假侍郎初彭齡來攝撫事性煩苛以整飭吏治爲名陰排金代其位川北道劉清方以平賊功洩擢晉藩甫兩月卽被劾去州縣掛彈章者累累有迫辱至自殺者明年大觀調署布政乃據其任性妄爲前後糾參不實諸款奏之時初已改授陝撫矣仍召歸大觀亦被議落職不以爲忤也時論偉之以上嘉慶時

吳其濬字澹齋河南固始人嘉慶丁丑進士第一道光中由福建巡撫調山西性情簡每出僉從不過數騎革陋規禁苛派吏治肅然丙午平蒲諸郡旱饑及秋麥皆失種發倉錫賑多方振恤民無流亡以積勞卒於官贈太子少保河東鹽務



自改簽商後重累富民後撫王某以賊敗獨其潛於節規無所染

詔褒其亮節子承恩洪恩孫博讓並賞給舉人素博覽選於醫著植物名實圖考六十卷卒後晉中刻以傳

薩興阿滿洲人道光中任雁平道官下車值旱徒跣行烈日中為文禱之句注神即日大雨民歡欣歌頌之道署久失修捐俸新之不役一民在官平易慈愛有佛子之稱以上通光時

王慶雲字雁汀福建閩縣人由翰林官戶部侍郎咸豐初奉命查辦河東鹽務建留商改票之議引歸商領票由民販奏請定池價立口岸裁應攤歲省淨費七十餘萬金商人額手交慶已允行矣會以籌餉事許捐免充商乃罷前議改為官運陝省不便即授慶雲陝西巡撫尋調撫山西通籌三省事

山西通志卷一百四 名宦錄四

宜由是定為官民並運國課益而民食亦裕七年升四川總督在晉飭吏治興文學人懷其惠及致仕歸遂卜居汾州閉戶著書為娛起為戶部尚書卒諡文勤

黃經廣東順德人道光甲辰進士咸豐四年在河東道值鹽政改官運悉心擘畫巡撫王甚倚賴焉性仁慈於獄訟必詳審精研惟恐稍有屈抑清苦如舊生苞苴不入門民愛而吏亦畏服十年升山西按察使卒於官祀河東名宦

張錫蕃江蘇元和人咸豐元年任河東道三年卒勇赴垣曲防堵八月粵逆自縣之封門口竄入城陷死之以上咸豐時

山西通志卷一百四

名宦錄五 錄一之五 山西通志第一百五

張進士出身顯貴戰兵部侍郎兼都察院右副都御史巡撫山西提督軍務自張帥奉旨監修

守令 漢至五代

任敷故沛獄吏高祖東擊項籍赦遷為上黨守陳豨反時敷堅守封為廣阿侯食千八百戶高后時為御史大夫三歲免蔣滿宣帝時為上黨太守子萬為北地都尉並以卓異徵萬退卻不敢並父帝問贊謁者以父子對帝歎息曰乃父子剖符耶即下詔曰上黨守滿經行篤著信行山東其以滿為淮陽王相誨導東藩宏農股肱郡其以萬為宏農太守同日拜擢一時榮之

山西通志卷一百五 名宦錄五

荀諫為上黨太守哀帝時王莽欲滅鮑宣子孫都尉路平承望風旨規欲害宣子永諫擁護永召以為吏常置府中永因數為諫陳興復漢室剪滅篡逆之策諫每戒永曰君長幾事不密禍倚人門永感其言及諫卒自送喪歸扶風路平遂收永弟升後太守趙興到歎曰我受漢茅土不能立節而鮑宣死之豈可害其子也出升復署永功曹

班稚長子令彪之父有善治以上潞安府

共友代郡太守武帝元朔三年匈奴入塞殺略死之

馮參上黨潞人為涇陵令徙為郎永始三年遷代郡太守民甚德之以上大同府

李廣隴西成紀人世世受射景帝時為雁門雲中太守武帝即位左右言廣名將也入為未央衛尉後為驍騎將軍屬護軍將軍軍馬邑旁漢軍皆無功後四歲以衛尉為將軍出雁



門塞北兵多破廣軍生得廣單于素聞廣賢令曰得李廣必  
生致之騎得廣廣時傷置兩馬間絡而盛之臥行十餘里廣  
陽死睨其旁有一兒騎善馬暫騰而上馬因抱兒鞭馬南馳  
數十里得其餘軍騎數百追之廣行取兒弓射殺追騎以故  
得脫至漢贖為庶人元朔六年廣復為將軍出定襄諸將多  
為侯者而廣軍無功廣歷七郡太守前後四十餘年得賞賜  
輒分其麾下飲食與士卒共之家無餘財終不言生產事將  
兵乏絕處見水士卒不盡飲不近水不盡餐不嘗食寬緩不  
苛士以此愛樂為用為人長後臂其善射亦天性雖子孫他  
人學者莫能及匈奴嘗號曰飛將軍元狩四年大將軍驃騎  
將軍出塞令廣并於右將軍趙食其軍出東道回惑失道後  
大將軍長史急責幕府上簿乃自到百姓聞之知與不知老  
壯皆為垂泣廣子椒為代郡太守  
段會宗字子松天水上邽人竟甯中為西域都護西域敬其  
威信更盡還為沛郡太守以單于當朝徙為雁門太守數年  
坐法免西域諸國上書願得會宗陽朔中復為都護後元延  
中賜爵關內侯以上朔平府  
季布楚人尚氣任俠為河東守孝文時人有言其賢者上召  
欲以為御史大夫復有言其勇使酒難近至留邸一月見罷  
季布進曰臣無功竊寵待罪河東陛下無故召臣此人必有  
以臣欺陛下者今臣至無所受事罷去此人必有以毀臣者  
夫陛下以一人之譽而召臣一人之毀而去臣臣恐天下有  
識聞之有以窺陛下也上默然良久曰河東吾股肱郡故特  
召君耳布辭之官

山西通志卷一百五

名宦錄五

二

番係武帝時為河東守言漕從山東而西歲百餘萬石更砥  
柱之險敗亡甚多而亦煩費若穿渠引汾溉皮氏汾陰下引  
河溉汾陰蒲阪下度可得五千頃五千頃故盡河壩棄地民  
菱牧其中耳今溉田之度可得穀二百萬石以上穀從渭上  
與關中無異而砥柱之東可無復漕天子以為然發卒數萬  
人作渠田數歲河移徙渠不利田者不能償種久之河東渠  
田廢而穿渠引汾溉皮氏汾陰引河溉汾陰蒲阪今永濟河  
津榮河水利多本於係  
田延年字子賓由齊徙陽陵以材略給事大將軍幕府霍光  
重之出為河東太守選拔尹翁歸等以為爪牙誅鉏豪強奸  
邪不敢發以選人為大司農會議昌邑王事眾莫敢發言延  
年按劍廷叱羣臣即日議決宣帝即位封陽城侯  
周堪字少卿齊人元帝擢堪為光祿卿堪弟子張猛光祿大  
夫給事中大見信任宏恭石顯憚之數譖毀焉堪性公方自  
見孤立遂直道而不曲是歲夏旱日青無光恭顯及許史皆  
言堪猛用事之咎上左遷堪為河東太守猛槐里令顯等專  
權日甚後三歲餘孝宣廟闕災其晦日有蝕之於是上召責  
諸前言日變在堪猛者下詔徵堪詣行在所拜為光祿大夫  
秩中二千石領尚書事猛復為太中大夫給事中而顯幹尚  
書五人皆其黨堪希得見疾瘖不能言而卒  
蕭咸東海蘭陵人望之子也舉茂材累遷河東太守所居有  
政迹數增秩賜金後至大司農終官以上解州  
孟舒嘗事趙王張敖高帝八年貫高等謀發詔捕敖羣臣有  
敢隨趙王罪三族惟田叔孟舒等十餘人赭衣自髡鉗隨敖

山西通志卷一百五

名宦錄五

三



至長安故事白得出進言叔等十人上召見與語漢廷臣無能出其右上悅盡拜為郡守諸侯相舒為雲中守及文帝初立召漢中守田叔問曰公知天下長者乎對曰臣何足以知之上曰公長者宜知之叔頓首曰故雲中守孟舒長者也是時舒坐寇大入雲中免上曰先帝置孟舒雲中十餘年矣虜常一入舒不能堅守無故士卒戰死者數百人長者固殺人乎叔叩頭曰夫貫高等謀殺下明詔趙有敢隨張王者罪三族然孟舒自髡鉗隨王以身死之豈自知為雲中守哉漢與楚相距士卒罷敝而冒頓來為邊寇孟舒知士卒罷敝不忍出言士爭臨城死敵如子為父以故死者數百人孟舒豈歐之哉是乃孟舒所以為長者于是上曰賢哉孟舒復召以為雲中守

山西通志卷一百五 名宦錄五 四

魏尙槐里人為雲中守其軍市租盡以饗士卒私養錢五日一椎牛饗賓客軍吏舍人匈奴遠避不近雲中塞寇嘗一入尙率車騎擊之所殺甚眾坐上功首虜差六級削官後文帝以馮唐言令唐持節赦尙復以為雲中守  
辛慶忌字子真狄道人少以父任所在著名成帝時執金吾數年坐小法左遷為雲中太守復徵為光祿勳仕至左將軍外國敬其威信卒官  
常惠西河太守元狩四年大將軍青出定襄擊匈奴還吏卒無封者唯雲中太守遂成及惠受賞惠爵關內侯  
杜延年字幼公南陽人周子明法律封建平侯宣帝即位益戶二千三百為西河太守治甚有名五鳳中徵入為御史大夫卒諡曰敬侯

馮立上黨潞人成帝河平三年遷五原太守居職公廉甚有治行以上歸

右前漢十八人

劉瓚字文理平原人遷太原太守郡有豪強中官親戚為百姓所患瓚深疾之到官收其魁帥殺之所藏匿主人悉坐伏誅桓帝徵詣廷尉以瓚宗室不忍致之於刑使自殺  
臧旻臧洪父也有幹才達於政為漢良吏初為徐州從事辟司徒府為盧奴令冀州牧舉尤異遷揚州刺史丹陽太守轉拜長水校尉終太原太守所在有名

馮衍字敬通野王之孫幼有奇才王莽時諸公多薦舉之衍辭不仕著顯志賦以自勵更始時為狼孟長建武六年日食衍上書陳八事帝將召見眾共排之遂得罪西歸故郡以上太原

山西通志卷一百五 名宦錄五 五

葛龔字元甫梁國甯陵人以善文記知名性慷慨壯烈勇力過人永初中舉孝廉拜滎陰令州舉茂才為臨汾令居二縣皆有稱績著文賦碑誌書記凡二十篇  
皇甫嵩字義真安定朝那人度遠將軍規之兄子也父節雁門太守嵩少有文武志介好詩書習弓馬初舉孝廉茂才為臨汾令父喪去官後平黃巾封槐里侯拜太尉卒贈驃騎將軍印綬以上平陽府  
丁邯字叔春京兆陽陵人有高節正直不撓建武初舉孝廉不肯為尙書郎後拜汾陰令治有名跡遷漢中太守蒲州府  
田邑字伯玉馮翊蓮勺人有高節涉學藝能善屬文更始初為上黨太守二年與行大將軍事鮑永狼孟長馮衍繕甲養



士扞衛井土而尤善馮衍及世祖卽位遣宗正劉延攻天井關邑連戰十餘合延不得進邑迎母弟妻子會鄧禹使積弩將軍馮愷將兵擊邑愷與延悉得邑母弟妻子後聞更始敗乃遣使詣洛陽獻璧馬降帝遣騎都尉弓里游諫大夫何叔武卽拜爲上黨太守屢以書招衍降衍不從承婿張舒誘降涅城舒家在上黨邑悉繫之遣承書曰張舒內行邪孽不遵孝友疏其父族外附妻黨已收三族將行其法能逃不自詣者舒也能夷舒宗者子也承不答自是與邑有隙而承衍後亦罷兵幅巾降邑遷漁陽太守未至官疾徵還爲諫議大夫卒

山西通志卷一百五 名宦錄五 六

戴涉建武初爲上黨太守太行山中有劇賊涉聞鮑昱有智略乃就謁請署守高都長遂平羣賊

魏應字君伯任城人習魯詩閉門誦習不交僚黨舉明經弟子自遠方至著錄數千人肅宗甚重之時會京師諸儒於白虎觀講論五經同異使應專掌問難明年出爲上黨太守徵拜騎都尉卒

鄭渾字文公河南開封人興之子也建安中爲左馮翊平山賊轉上黨太守渾爲郡明禁令以發奸勤稼穡以勸農由是民安而盜賊止息性清素在公卒之日妻子不免饑寒

羊銜泰山南城人績之子也世有清德蔡邕以女妻之銜仕至上黨太守生祐以上略

鮑昱上黨屯留人司隸校尉承子有智略建武初署高都長

討平羣盜道路開通澤州

崔鈞博陵安平人烈子少交結英豪有名稱爲西河太守獻

帝初與袁紹俱起兵山東討董卓汾州

蘇竟字伯况扶風平陵人平帝世以明易爲博士講書祭酒善圖緯能通百家之言王莽時拜代郡中尉時北邊擾亂民多懼禍竟終完輯一郡光武卽位就拜代郡太守使固塞以拒邊寇建武五年冬盧芳略得諸郡帝使偏將軍隨弟屯代郡竟病篤以兵屬弟詣京師謝罪拜侍中竟潛樂道術作記誨篇及文章傳於世年七十卒

李超爲代郡太守永建元年鮮卑寇郡超戰死

杜密字周甫潁川陽城人爲人沈質少有厲俗志爲司徒胡廣所辟稍遷代郡太守累官太僕黨事起免歸與李膺俱坐而名行相次故時人亦稱李杜焉後復爲太僕明年坐黨事被徵自殺

山西通志卷一百五 名宦錄五 七

裴潛字文行河東聞喜人建安中代郡烏丸王及大人專制郡事前太守莫能治正以潛爲代郡太守單車之郡撫之以靜遂悉令還前後所掠誅郡中大吏通烏丸者十餘人北邊大震百姓歸心在代三年遷爲丞相理曹掾入魏歷河南尹封清陽亭侯爲尙書令卒以上大

郭涼字公文右北平人壯猛而通經書多智略從擊彭寵有功封廣武侯建武九年爲雁門太守與將軍杜茂擊盧芳將尹由於繁峙十二年尹由將賈丹寇匡解勝本雁門人共殺由詣涼涼上狀皆封爲列侯詔送委輸金帛賜茂涼軍吏及平城降民自是盧芳城邑稍稍來降涼誅其豪右郇氏之屬鎮撫羸弱旬月間雁門且平芳遂亡入匈奴帝擢涼子爲中郎宿衛左右



王澤字季道雁門太守有名稱

陳翔字子麟汝南邵陵人少知名善交結察孝廉太尉周景辟舉高第累遷定襄太守後坐黨事考黃門北寺獄以無驗見原卒於家以上朔平府

劉祐字伯祖中山安國人察孝廉累遷河東太守時屬縣令長率多中官子弟百姓苦之祐到黜其權強平理冤結政為三河表後為河南尹陳寶敗黜歸卒於家

史弼字公謙陳留考城人少篤學為平原相詔書下舉鈞黨獨無所上遷河東太守被一切詔書當舉孝廉弼知多權貴請託乃豫勅斷絕書屬中常侍侯覽果遣諸生齎書請之并求假鹽稅積日不得通生乃說以他事謁弼而因達覽書弼大怒曰太守忝荷重任當選士報國爾何人而偽詐無狀命

山西通志卷一百五

名宦錄五

八

左右引出楚捶數百府丞掾史千餘人皆諫於廷弼不對遂付安邑獄即日拷殺之侯覽大怒遂詐作飛章下司隸誣弼誹謗檻車徵吏人莫敢近者唯前孝廉裴瑜送到峭澗之間大言於道旁曰明府摧折虐臣選德報國如其獲罪足以垂名竹帛願不憂不懼弼曰誰謂茶苦其甘如薺昔人刎頸九死不恨下廷尉詔獄減死罪一等論輸左校閉門不出數為公卿所薦議耶何休訟弼有幹國之材宜登台相徵拜議耶為彭城相卒

焦贛山陰人嘗為河東太守鄭宏之師也

孔彪字元上孔子十九世孫也舉孝廉為博陵太守再遷河東太守未怒而懼不令而從海內歸公卿之任勞而不伐有實若虛以病辭官建甯四年卒見漢碑又有孔宏者亦官河

東太守碑同時所立今不可見矣

王邑字文都北地涇陽人為河東太守興平二年帝幸安邑邑奉獻縣帛悉賦公卿以下封邑為列侯以上解州

韓仁由聞喜遷槐里令除書未到而卒熹平四年河南尹遣吏祠以少牢豎石表言以旌其美碑題曰漢循吏稱其前在聞喜經國以禮刑得中有子產君子云云

陳寔字仲弓潁川許人出於單微有志好學坐立誦讀司空黃瓊辟選理劇補聞喜長旬月以期喪去官復再遷除太邱長修德清靜百姓以安寔在鄉閭平心率物爭訟者歎曰甯為刑罰所加不為陳君所短後三公每缺議者歸之中平四年年八十四卒海內赴者三萬餘人刊石立碑諡為文範先生以上絳州

山西通志卷一百五

名宦錄五

九

毛義字少節廬江人家貧以孝行稱為安陽尉南陽人張奉慕其名往候之坐定而府倣適至以義守令義捧檄而入喜動顏色奉心賤之因辭去及義母卒去官行服數辟公府為安邑令進退必以禮後舉賢良公車徵遂不至奉歎曰賢者固不可測往日之喜乃為親屈也元和元年詔告廬江太守曰前安邑令毛義躬履遜讓比徵辭病酒潔之風東州稱仁書不云乎彰厥有常吉哉其賜義穀千斛常以八月長史存問賜羊酒顯茲異行以上解州

廉范字叔度京兆杜陵人趙將廉頗之後也漢興以廉氏豪宗自苦陘徒焉范舉茂才遷雲中太守會寇大入塞烽火日通故事寇過五千人移書傍郡吏欲傳檄求救范不聽自率士卒拒之寇眾盛而范兵不敵會日暮令軍士各交縛兩炬



三頭燕火營中星列寇遙望火多謂漢兵救至大驚待旦將  
退范乃令軍中尊食晨往赴之斬首數百級寇自相駭藉死  
者千餘人由此不敢復向雲中後頻歷郡守世伏其好義  
成嚴爲雲中太守建光元年擊其至韃兵敗力戰沒  
馬襄爲西河長史永平五年冬北部六七千騎入於五原塞  
遂寇雲中至原陽南部擊卻之襄赴救寇乃引去

宋漢字仲和以經行著名舉茂才四遷西河太守又爲度遼  
將軍立名節以威恩著稱拜大中大夫卒策曰宋漢清修雪  
白正直無邪前在方外仍統軍實懷柔異類莫匪嘉績戎車  
戰戰邊人用甯子錄乃勳引登九列因病退讓守約彌堅將  
授三事未克而終朝廷愍悼恆其愴然詩不云乎華敏戎功  
用錫爾祉其令將相大夫會葬加賜錢十萬及其在殯以全

素絲羔羊之飾焉

崔寔字子鎮涿郡安平人璦子也舉至孝獨行明於政體吏  
才有餘論當世便事數十條名曰政論指切時要言辯而確  
當世稱之拜議郎遷大將軍冀司馬與邊韶延篤等著作東  
觀出爲五原太守五原土宜麻桌而俗不知織績民冬月無  
衣積細草而臥其中見吏則衣草而出寔至官斥賣儲備爲  
作紡績織紉練組之具以教之民得以免寒苦是時寇連入  
雲中朔方殺略吏民一歲至九奔命寔整勵士馬嚴烽候寇  
不敢犯常爲邊最先是璦妻劉氏有母儀淑德博覽書傳及  
寔在五原常訓以臨民之政寔之善績母有其助焉後拜尚  
書稱疾免歸卒

耿秉字伯初大司馬國子以父任爲郎建初元年拜度遼將

軍視事七年匈奴懷其恩信徵爲執金吾章和二年封美陽  
侯永光三年卒諡曰桓侯

耿煜字季遇順帝初鮮卑寇緣邊殺代郡太守煜以烏桓校  
尉率諸部卒出塞討擊大破之自後頻出輒克獲威振北方  
遷度遼將軍

馬續字季則七歲能通論語博觀羣籍善九章算術順帝時  
爲度遼將軍所在有恩威稱

梁謹字伯威北地七居人拜西域副校尉定龜茲永初三年  
冬南部與烏桓畔詔謹行度遼將軍事寇圍中郎將耿种於  
美稷連戰數月攻之轉急种移檄求救四年正月謹將八千  
餘人馳往赴之至屬國故城與南部左將軍烏桓大人戰破  
斬其渠帥殺三千餘人虜其妻子獲財物甚眾寇後將七八

千騎進攻國僅破甲奔擊所向皆破寇遂引還虎澤三月  
行車騎將軍事何熙軍到五原曼柏暴疾不能進遣中郎將  
龐雄與懂种步騎萬六千人攻虎澤連營稍前寇乞降懂大  
陳兵受之會熙卒於師即拜懂度遼將軍明年以擅授南部  
優孤塗奴羌侯印徵下獄校書郎馬融訟其功後起拜謁者  
尊羌卒

种嵩字景伯洛陽人仲山甫之後也舉孝廉桓帝時遷使何  
奴中郎將後寇入并涼二州擢爲度遼將軍嵩到營所先宣  
恩信誘降諸部其有不服然後加討羌虜先時有生兒獲質  
於郡縣者悉遣還之誠心懷撫信賞分明由是羌胡龜茲莎  
車烏孫等皆來順服嵩乃去烽燧除候望邊方晏然無警入  
爲大司農遷司徒卒并涼邊人咸爲發哀匈奴聞嵩卒舉國



傷惜單于每入朝賀望見墳墓輒哭泣祭祀

李膺字元禮潁川襄城人祖父修為太尉膺性簡亢無所交接唯以同郡荀淑陳寔為師友舉孝廉累官烏桓校尉以公事免永壽二年鮮卑寇雲中桓帝問膺能乃復徵為度遼將軍先是羌虜及疏勒龜茲數出攻鈔張掖酒泉雲中諸郡百姓屢被其害自膺到邊皆望風懼服先所掠男女悉送還塞下自是之後聲震遠域後再為司隸校尉獨持風裁以名聲自高士有欲其容接者名為登龍門遭黨事免歸起為長樂少府陳寶敗復廢張儉事起收捕鈞黨乃詣獄拷死

皇甫規字威明安定朝那人祖父稜度遼將軍規舉賢良方正對策梁冀忿其刺已以為下第託疾免歸冀誅拜太山太守延熹四年為中郎將討破羌零吾後徵拜度遼將軍至營

山西通志卷一百五 名宦錄五 十三

數月上書薦中郎將張奐以自代曰臣聞人無常俗而政有治亂兵無強弱而將有能否伏見中郎將張奐才略兼優宜正元帥以從眾望若猶謂愚臣宜充軍事者願乞宥官以為奐副朝廷從之以奐代為度遼將軍規為使匈奴中郎將及奐遷大司農規復代為度遼將軍規為人多意算自以連在大位欲退身避第數上病不見聽會友人上郡太守王夏喪還規縞素越界到下亭迎之因令客密告并州刺史胡芳言規擅遣軍營公違禁憲當急舉奏芳曰威明欲避第仕途故激發我耳吾當為朝廷愛才何能中此子計耶遂無所問及黨事大起天下名賢多見染逮規雖為名將素譽不高自以西州豪傑恥不得與乃自上言附黨宜坐朝廷知而不問時人以為規賢在事數歲北邊威服永康元年徵為尚書後封

壽成亭侯邑二百戶讓封不受再轉護羌校尉卒

橋元字公祖梁國睢陽人舉孝廉桓帝末鮮卑南部及高句驪嗣子伯固並畔為寇鈔四府舉元為度遼將軍假黃鉞元至鎮休兵養士然後督諸守討擊及伯固等皆破散退在職三年邊境安靜後遷太尉

賈琮字孟堅東郡聊城人舉孝廉中平元年舉為交趾刺史民歌賈父又為冀州刺史州界翕然靈帝後大將軍何進表為度遼將軍卒於官以上歸殺道案度遼將軍治五原曼其使匈奴中郎將治西河美稜亦在河套故職官表中皆不列及茲探入宦績者以蒙古諸部濱河之地今薩拉齊托克托二處所兼轄當時邊郡降人又度遼使匈奴諸將所部也

右後漢四十二人

鄭昌字次卿泰山剛人弟宏字稭卿亦好學皆明經通法律

山西通志卷一百五 名宦錄五 十三

政事次卿為太原太守宏為南陽太守皆著治蹟條教法度為後所述太原府

李孚字子憲本姓馮鉅鹿人建安中守解長名為嚴能精斷稍遷司隸校尉終平陽太守

吉茂字叔暢馮翊池陽人建安中舉茂才除臨汾令居官清淨吏民不忍欺轉為武德侯庶子景初中卒茂脩行從少至長室如縣馨饋遺一不肯受

徐逸字景山燕國薊人黃初中歷平陽太守所在著稱封都亭侯官至司空嘉平初卒諡曰穆朝廷追思清節之士詔曰夫顯賢表德聖王所重舉善而教仲尼所美故司空徐逸征東將軍胡質裔尉田豫皆服職前朝歷事四世出統戎馬入贊庶政忠清在公憂國忘私不營產業身沒之後家無餘財



朕甚嘉之其賜選等家穀二千斛錢三十萬布告天下

賈逵字梁道襄陵人初為郡吏守絳邑長有賢聲郭援之攻

河東所經城邑皆下逵堅守援召單于急攻之城將潰絳父

老與援要不相害逵絳人既潰援聞逵名欲使為將以兵劫

之逵不為動左右引逵使叩頭逵叱之曰安有國家長吏為

賊叩頭援怒將斬之絳吏民皆乘城呼曰殺我賢君甯俱死

耳左右義逵多為請遂得免初逵過皮氏日爭地先據者勝

圍急知不免乃使人間行送印綬歸郡且曰急據皮氏援既

并絳眾將進兵逵乃以他計疑援謀人祝與援由是留七日

郡從逵言故得無敗仕至豫州刺史以上平陽府

嚴幹字公仲馮翊東縣人以孝廉拜蒲坂令病去官後追錄

前討郭援功封武鄉侯

山西通志卷一百五 名宦錄五 十四

游楚馮翊人為蒲阪令性慷慨以恩德為治不好刑殺遷漢

興太守

徐英馮翊人為蒲阪令剛爽不撓嘗鞭小吏張既後貴顯

欲與英和解乃因醉狎之英抗志不納遂不用以上蒲州府

牽招字子經安平觀津人袁紹辟為督軍從事建安九年紹

子尙遣至上黨督致軍糧未還而郡破時尙外兄高幹為并

州刺史招以并州左有恆山之險右有大河之固帶甲五萬

北阻疆胡勸幹迎尙并力觀變幹既不能從而陰欲害招招

聞之問行去道隔不得迫遂東請魏武仍辟冀州從事魏黃

初中為雁門太守郡在邊陲雖有侯望之備而寇鈔不斷招

既教民戰陣又表復烏丸五百餘家租調使備鞍馬遠遣偵

候寇每犯塞勒兵逆擊來輒摧破吏民膽氣日銳荒野無虞

又構間離散使更相猜疑鮮卑大人步度根泄歸泥等與軻

比能為隙將部落三萬餘家詣郡附塞勅令還擊比能殺比

能弟直羅侯及叛烏丸歸義侯王同王奇等大結怨讐招遂

自出率歸泥等討比能於雲中故郡大破之招通河西鮮卑

附頭等十餘萬家繕治陜北故上館城當作下館置屯戍以鎮內

外夷人大小莫不歸心諸叛亡雖親戚不敢藏匿咸悉收送

於是野居晏閉寇賊靜息乃簡選有才識者詣太學受業還

相授教數年中庠序大興又鑿原開渠注水城內民賴之大

和初賜爵關內侯二年護烏桓校尉田豫出塞為軻比能圍

於故馬城招整勅兵馬欲赴救并州以常憲禁之招謂節將

見圍不可拘於吏議自表輒行又竝馳布羽檄寇恐怖軍到

故平城便皆潰走招在郡十二年卒官威風遠振其治邊之

山西通志卷一百五 名宦錄五 十五

稱埒于田豫百姓追思之

傅容漁陽人繼牽招為雁門太守有名績以上代州

杜畿字伯侯京兆杜陵人舉孝廉建安中高幹舉兵并州河

東太守王邑被徵河東人衛固范先外以請邑為名而內實

通幹魏武謂荀彧曰河東被山帶河四鄰多變當今要地也

君為我舉蕭何寇恂以鎮之或曰杜畿勇足以當大難智能

應變乃其人也於是迫拜畿為河東太守固等使兵絕陝津

或謂畿曰宜須大兵畿曰河東有三萬戶非皆欲為亂也今

兵迫之急欲為善者無主必懼而聽於固固等勢專必以死

戰討之不勝四隣應之天下之變未息也討之而勝是殘一

郡之民也且固等未顯絕王命外以請故君為名必不害新

君吾單車直往出其不意固為人多計而無斷必偽受吾君



得居郡一月以計糜之足矣遂詭道從涇津度范先於門下  
斬殺主簿已下三十餘人畿舉動自若固曰殺之無損徒有  
惡名遂奉之畿謂衛固范先曰衛范河東之望也吾仰成而  
已然君臣有定義成敗同之大事當共平議以固為都督行  
丞事領功曹將校吏兵三千餘人皆范先督之固等喜雖陽  
事畿不以為意固欲大發兵畿患之說固曰今大發兵眾必  
擾不如徐以資募兵固遂為資調發數十日乃定又入喻固  
等曰人情顧家諸將掾吏可分遣休息固等惡逆眾心又從  
之於是善人陰為援惡人分散固等密調兵未至畿知諸縣  
附已因出赴張壁拒守固等與幹晟共攻畿不下遂敗固等  
伏誅黨與皆赦之使復其居業時郡縣皆殘破河東最先定  
少耗減畿治之崇寬惠與民無為嘗詞訟有相告者畿親見

山西通志卷一百五 名宦錄五 夫

為陳大義遣令歸諦思之若意有所不盡更來詣府鄉邑父  
老自相責怒曰有君如此奈何不從其教自是少有詞訟班  
下屬縣舉孝子貞婦順孫復其徭役隨時慰勉之漸課民畜  
特牛草馬下逮雞豚犬豕皆有章程百姓勸農家家豐實畿  
乃曰民富矣不可不教也於是冬月修戎講武又開學宮親  
自執經教授郡中化之韓遂馬超舉兵河東雖接境民無異  
心魏武西征至蒲阪與敵夾渭為軍軍食一仰河東及敵破  
餘粟二十餘萬斛下令曰河東太守杜畿孔子所謂禹吾無  
間然矣增秩中二千石魏武征漢中遣五千人運運者自卒  
勉曰人生有一死不可負我府君終無一人逃亡其得人心  
如此魏國建入為尚書事平更令曰昔蕭何定關中寇恂平  
河內卿有其功間將授卿以納言之職顧念河東吾股肱之

郡充實之所足以制天下故且煩卿臥鎮之畿在河東十六  
年常為天下最魏初封豐樂亭侯為尚書僕射試船陶河沒  
贈太僕諡曰戴畿初在郡被書錄寡婦畿但取寡者故所送  
少及趙儼代畿而所送多文帝問畿前君所送少今何多也  
畿對曰臣前所錄皆亡者妻今儼送生人婦也帝為失色子  
恕嗣官幽州坐事免後河東樂詳年九十條上書頌畿之遺  
績朝廷感焉詔復封孫預為豐樂亭侯

任嘏字昭先樂安博昌人文帝時累遷河東太守所在化行  
有遺風餘教嘏為人滄粹凱弟沈默潛行著書三十八篇卒  
後故吏河東上官崇等奏之詔下祕書以贊羣言

杜恕字務伯京兆杜陵人畿子明帝末為河東太守歲餘遷  
淮北都督恕所在務存大體而已其樹惠愛得百姓歡心不

山西通志卷一百五 名宦錄五 七

及於畿而推誠以質專心向公在朝論議類皆伉直以上解州

右三國魏十三人

劉敞字長升東萊掖人穀子正直有父風為侍御史劾司徒  
王渾郭彭嘗曰我能截君角敞勃然曰天子法官而欲截角  
乎求紙筆奏之彭不敢言遷太原內史趙王倫之亂假征虜  
將軍不受與三王共舉義倫誅入為左丞終右光祿大夫太  
子少傅散騎常侍後勅王彌曹巖歸正遇害

荀藐或云浪武帝時為榆次令為政以德懷民時鳳集其境  
武帝下詔褒美云就之如日月敬之如神明愛之如父母樂  
之如時雨今縣南有荀政鄉藐去民思之故云以上太原府

李重字茂會江夏鍾武人太熙中為行討虜護軍平陽太守  
崇德化修學校表為行拔賢能清簡無欲正身率下在職三



年彈黜四縣弟疑亡表去官永康初趙王倫用為相國左司馬以憂卒家貧宅宇狹小無殯斂之地詔典客署營喪追贈散騎常侍諡曰成

李矩字世迴平陽人封東明亭侯為平陽郡督護後鄉人推為塢主愍帝時領河東平陽太守饑饉相仍又多疫癘矩垂心撫恤百姓賴焉會長安羣盜東下所在多虜掠矩遣部將擊破之盡得賊所略婦女千餘人諸將以為非矩所部欲盡留之矩曰俱是國家臣妾焉有彼此乃一時遣之後至魯陽墜馬卒以上平陽府

呂溫壽張人善書好施有文武才略拜上黨太守以能稱卒附豫州刺史

郭翼直言上書武帝擢為屯留令元帝時南昌熊遠疏論時

山西通志卷一百五 名宦錄五 六

政嘗稱引之以上潞安府

賈渾太安中為休介令劉元海遣將裔晞攻陷之渾抗節不降曰吾為晉守不能全之豈苟求生以事賊何面目以視息世間哉晞怒執將殺之晞將尹崧曰將軍舍之以勸事君晞不聽遂害之汾州府

曹志字允恭譙國譙人陳思王植之子也少好學以才行稱襲爵改濟北晉初降鄆城縣公詔曰前濟北王曹志履德清純才高行潔好古博物為魏宗英朕甚嘉之其以志為樂平太守志在郡上書以為宜尊儒重道請為博士置吏卒後為散騎常侍卒諡定

焦球為樂平太守劉琨遣攻常山斬其太守邢泰以上平定州索靖字幼安敦煌人舉賢良方正對策高第擢尚書郎靖草

書與尚書令衛瑾齊名號一臺二妙在臺積年除雁門太守太安末拜使持節監洛城諸軍事與賊戰大破之靖亦被傷而卒贈司空封安樂亭侯諡曰莊

王據劉琨署雁門太守及琨奔段匹磾被拘據與匹磾所署代郡太守辟閭嵩後將軍韓據連謀密作攻具欲襲匹磾事覺及嵩俱被害以上代州

劉原渤海人河東太守好奇以旌才為務郡人馮收薦猗氏王接於原原即加禮命接以母老辭乃止

鄧攸字伯道平陽襄陵人河東太守路述為河東太守劉淵寇河東述戰死以上解州摯虞字仲洽京兆長安人少事皇甫謐才學通博著述不倦武帝詔諸賢良方正直言會東堂親策之虞對切直擢太子

山西通志卷一百五 名宦錄五 九

舍人除聞喜令時天子留心政道又吳寇新平天下父安虞上太康頌以美晉德以母憂解職惠帝末歷光祿勳太常卿卒絳州

右晉十五人

吳平仁定陽令高祖時穆熙鎮汾州以平仁與吐京太守劉升為吏民所懷並為表請高祖皆從焉自是守令咸自砥礪平陽府

薛謹河東汾陰人彊孫也父辯將歸國謹自彭城來奔朝廷嘉之授河東太守後襲爵平西將軍汾陰侯謹所治與屈丐連接結士抗敵甚有威惠始光中詔奚斤伐赫連昌敕謹領偏師前鋒鄉導既克蒲坂世祖以新舊之民并為一郡謹仍為太守將軍如故詔與鎮南將軍奚眷討平山胡白龍除安



西將軍涪陵公刺史如故太延初征吐沒骨平之謹自郡遷州威惠兼備風化大行時兵荒之後儒雅道息謹命立庠序教以詩書三農之暇悉令受業躬巡邑里親加考試於是河汾之地儒道興焉真君元年徵還京師五年以北討後期斬尋贈鎮西將軍秦雍二州刺史諡元

元淑河東郡守也民謠曰秦州河中杆袖代春元公至止田疇始理

崔遊字延叔博陵安平人少有風概釋褐奉朝請熙平末轉河東太守郡有鹽戶常供州郡為兵子孫見丁從役遊矜其勞苦乃表聞請聽更代郡內感之太學舊在城內遊乃移置城南開敞之處親自說經當時學者莫不勸慕號為良守後除南秦州刺史為城人所害州府

山西通志卷一百五 名宦錄五 三

刀雙字子山渤海饒安人少好學兼涉文史雅為中山王英所知賞拜西河太守正光初中山王熙之誅也熙弟略投命於雙雙護之靈太后反政知略因雙獲免徵拜光祿大夫劉升高祖時吐京太守在郡甚有威惠限滿還都民八百餘人詣鎮將穆肅請留肅以吏民懷之為表請詔從焉州府裴仲規河東聞喜人咸陽王禧為司州牧辟主簿仍表行建興郡事車駕自代還洛次於郡境仲規備供帳朝於路側高祖詔仲規曰朕開置神畿郡望崇重卿既首應司隸美舉復督我名邦何能自致也仲規對曰陛下窮神盡聖應天順民棄彼元壤來宅紫縣臣方罄心力躍馬吳會冀功銘帝籍勳書王府豈一郡而已高祖笑曰冀卿必副此言車駕還河梁見咸陽王謂曰昨得汝主簿為南道主人六軍豐贍元弟之

寄殊副所望後征義陽戰沒贈河東太守諡貞

裴衍字文舒河東聞喜人叔業兄子歸魏歷建興太守又歷河內廉貞寡欲善撫百姓二郡人吏追思之後封臨汝縣公仕至相州刺史北道大都督討葛榮見害州府

章崇字洪基京兆杜陵人寓居河洛高祖納其女為充華嬪

除南潁川太守不好發摘細事郡中大治頻居中正以平直見稱出為鄉郡太守更滿應代吏民詣闕乞留復延三年在郡凡九年轉司徒諮議久之卒州

楊津雲中平城人肆州太守性孝友涖官勤慎巨細必親屢立戰功不妄殺降人咸稱其仁州

閻慶允為敷城太守歲儉常以家粟千石振恤人賴以濟部人陽贊龍一千餘人申頌美政有司以聞靈太后卒無褒賞

山西通志卷一百五 名宦錄五 三

案本傳為東秦州敷城郡今陝之雒川地非晉州肆州之屬郡也此沿舊志誤列肆州附訂

梁越新興人博通經傳道武以其謹厚遷上大夫令授諸皇子經書明元初以師傳恩封祝阿侯出為雁門太守獲白雀以獻拜光祿大夫州代

薛引字甯宗拔子少有父風太和六年襲爵鎮西大將軍河東公例降侯除立忠將軍河北太守郡帶山河路多盜賊有韓馬兩姓各二千餘家恃強憑險最為狡害劫掠道路侵暴鄉閭引至郡之日即收其奸魁二十餘人一時戮之於是羣盜懾氣郡中清肅二十三年卒於郡諡敬

柳崇字僧生河東解人方雅有器量兼有學行舉秀才射策高第為尚書右外兵郎中時河東河北二郡爭境其間有鹽池之饒虞坂之便守宰及民皆恐外割公私朋競紛囂臺府



高祖遣崇檢斷官民息訟遷本郡邑中正又領邑中正出爲河北太守崇初屆郡郡民張明失馬疑十餘人崇見之不問賊事人人別借以溫顏更問其親老存不農桑多少而微察其辭色即獲正賊呂穆等二人餘皆放遣郡中畏賜境內帖然卒於官諡穆

裴夙字買興河東聞喜人沈雅有器識爲河北太守以忠恕接下百姓感之卒於郡以上

陸凱字智君馥子好學除正平太守在郡七年號爲良吏卒諡惠州

裴慶孫聞喜人正光末汾州吐京郡部聚黨作逆慶孫擊之大潰後復雁集北連蠡升南通絳蜀凶徒轉盛慶孫又討之至汾陽城朝廷以此地披山帶河衿要之所遂立郡因以慶

孫爲太守假節輔國將軍州

右後魏十六人

李遠字萬歲家高平幼有器局周太祖令居麾下封安定縣伯進公又進陽平郡公時河東初復民情未安太祖謂遠曰河東國之要鎮非卿無以撫之乃授河東郡守遠敦獎風俗勸課農桑肅遏姦匪兼修守禦之備會未朞月百姓懷之太祖嘉焉降書勞問徵爲侍中後除尚書左僕射周孝閔踐阼以子植謀誅晉公護護逼令自殺護誅諡曰忠

韓果代武川人少善騎射被甲荷戈升陟峰嶺猶涉平路所行之處山川形勢備能記憶兼善伺敵虛實有潛匿溪谷者果登高望之所疑處往必有獲由是爲虞侯都督遷朔州刺史大統九年除河東郡守從大軍破稽胡於北山胡地險阻

人迹罕至果進兵窮討散其種落稽胡憚果勁健號爲著翅人周太祖聞之笑曰著翅之名甯滅飛將封褒中郡公周武成二年又率軍破稽胡大獲生口賜奴婢一百口建德初卒以上

裴俠字高和河東解人從孝武入關除河北郡守俠躬履儉素愛民如子所食唯菽麥鹽菜而已吏民莫不懷之此郡舊制有漁獵夫三十人以供郡守俠曰以口腹役人吾所不爲也乃悉罷之又有丁三十人供郡守役使俠亦不以入私並收庸直爲官市馬歲月既積馬遂成羣去職之日一無所取民歌之曰肥鮮不食丁庸不取裴公貞惠爲世規矩俠嘗與諸牧守俱謁周太祖太祖命俠使別立謂諸牧守曰裴俠清慎奉公爲天下之最今眾中有如俠者可與之俱立眾皆默

然無敢應者太祖乃厚賜朝野歎服號爲獨立君九年入爲大行臺郎中周武成元年卒於工部中大夫贈蒲州刺史諡貞河北郡前功曹張回及吏民等感俠遺愛乃作誌紀其清德焉

張軌字元軌濟北臨邑人少好學志識開朗杖策入關封壽張縣子大統六年爲河北郡守在郡三年聲績甚著臨人治術有循吏之美宰人者多推尚之章武公導出鎮秦州爲長史加撫軍將軍大都督卒惟有素書數百卷諡實以上

裴果字戎昭河東聞喜人少慷慨有志略周太祖會使并州與果相遇果知非常人密託附焉永安末從軍討羣賊乘黃驄馬衣青袍每先登陷陣時人號爲黃驄年少永熙中授河北郡守沙苑之役率宗黨歸西魏解玉壁圍摧鋒陷擊所向



披靡除正平郡守正平果本郡也以威猛為政百姓畏之盜賊亦為之屏息歷牧數州號為稱職卒諡賢州

右西魏五人

封子繪字仲藻渤海蓀人隆之子也太昌中從定并汾肆數州平爾朱兆及山胡等孝靜初從征夏州二年除衛將軍平陽太守晉州北界霍山舊號千里徑山坂高峻每大軍往來士馬勞苦子繪啟齊高祖請於舊徑東谷別開一路高祖從之仍令子繪領汾晉二州夫修治旬日而就高祖親總六軍路經新道嘉其省便賜穀二百斛後大軍討復東雍平柴壁及喬山紫谷絳蜀等子繪恆以太守前驅慰勞徵兵運糧軍士無乏四年西討為大都督領冀州兵從高祖自崑口西趣并州會大軍於玉壁及師還晉陽引入內室而受密旨銜命

山西通志卷一百五

名宦錄五

五

山東安撫州郡河清三年卒諡簡平陽府

右東魏一人

王暕字叔明北海劇人六世祖猛家於華山之鄆城暕雅有器度好學不倦隨神武到晉陽補中外府功曹參軍帶常山王演友齊天保初行太原郡事濟南立常山王從駕除暕并州長史王還并除丞相府司馬暕性閒淡寡慾雖王事鞅掌而雅操不移在并州戎馬填間未嘗以世務為累良辰美景嘯咏遊遊登臨山水以談讌為事人士謂之物外司馬嘗詣晉祠賦詩忽有相王使召暕不時至後仕至儀同三司隋初卒於洛陽太原府

房豹字仲幹東清河繹幕人體貌開岸美音儀河清中除謁者僕射拜西河太守地接周境俗雜稽部豹政貴清靜甚著

聲績歷博陵樂陵二郡齊滅還本鄉邱園自養屢被徵命固辭以疾終於家汾州府

右北齊二人

王雅字度容蘭新固人世宗初除汾州刺史勵精為治人庶悅而附之自遠至者七百餘家終夏州刺史王慶祁縣人少敏悟有才略以戰功賜爵始安縣男歷丹中二州刺史轉汾州為政嚴明人莫敢犯以上平陽府柳帶韋字孝孫解人少好學與諸父慶州槍歸西魏廢帝元年為解縣令二年加授驃騎將軍左光祿大夫明年轉汾陰令發摘奸伏百姓畏而懷之周建德五年陳王純出并州以帶韋為并州司會并州總管府長史六年卒於位諡愷蒲州裴文舉字道裕河東聞喜人父遠為州里推挹大統三年東

山西通志卷一百五

名宦錄五

五

魏來侵遠乃糾合鄉人分據險要以自固時東魏以正平為東雍州遣其將司馬恭鎮之每遣間人扇動百姓遠密遣都督韓僧明入城喻其將士即有五百餘人許為內應期日未至恭知之乃棄城夜走因是東雍遂內屬及李弼略地東境遂為之鄉導多所降下周太祖嘉之時賞衣服封澄城縣子除正平郡守卒於官文舉少忠謹涉獵經史周初襲爵保定三年遷絳州刺史遠之往在正平也以廉約自守每行春省俗單車而已及文舉臨州一遵其法百姓美而化之總管韋孝寬特相欽重每與談論不覺膝前於席天和初晉驃騎大將軍開府儀同三司尋為孝寬柱國府司馬六年進公初文舉叔父季和為曲沃令卒於聞喜川而叔母韋氏卒於正平縣屬東西分隔韋氏墳隴在齊境及文舉在本州每加賞募



齊人感其孝義潛相要結以韋氏柩西歸竟得合葬宣政元年卒州

右北周四人

辛公義狄道人開皇中為并州刺史下車先至獄中露坐驗問獄囚十餘日斷決殆盡方還受訟皆不立文案訊問不盡應須禁者公義即宿廳事或諫曰君何自苦也答曰刺史無德令百姓繫於囹圄豈有禁人在獄而心自安乎罪人聞之咸自嘆服後訟者多兩讓而止

郭湛大業中祁縣令時縣人張道源以孝稱湛改其所居曰復禮鄉至孝以上太原府

楊處綱高祖族父開皇初襲封義城縣公在官彊濟為時所稱拜蒲州刺史吏民悅之卒諡恭

山西通志卷一百五 名宦錄五

楊宏字辟惡高祖從祖弟開皇初封河間郡王進位上柱國拜蒲州刺史得以便宜從事時河東多盜賊民不得安宏奏為盜者百餘人投之邊裔州境帖然號良吏每晉王廣入朝宏輒領揚州總管及晉王歸藩宏復還蒲州在官十餘年風教大治大業初徵還拜太子太保卒追封郇王

楊尚希宏農人高祖拜度支尚書進爵為公尚希性宏厚兼以學業自通有雅望為朝廷所重上每且臨朝日良不倦尚希諫以宜舉大綱繁務非所宜親上懼然曰公愛我尚希素有足疾上謂曰蒲州出美酒足堪養病屈公臥治之於是出為蒲州刺史在州甚有惠政復引漢水立隄防開稻田數千頃民賴其利

堯君素魏郡湯陰人大業末累拜鷹擊郎將從驍衛大將軍

屈突通拒唐兵於河東俄而通引兵南遁以君素有膽略署領河東守唐師攻之不克遣通至城下呼之君素歔歔流涕悲不自勝左右皆哽咽通亦泣下言宜早降君素曰公當瓜牙之寄為國大臣國祚隆替懸之於公奈何不思報效以至於此通曰我力屈而來君素曰方今力猶未屈何用多言通慙而退時圍甚急行李斷絕乃為木鵝置表於頸具論事勢浮之黃河沿流而下河陽守者得之達東都越王侗見而歎息承制拜金紫光祿大夫密遣行人勞苦之監門直閤龐玉武等歸唐俱造城下為陳利害又賜金券待以不死君素卒無降意其妻又至城下謂之曰君何自苦身取禍敗君素曰天下事非婦人所知引弓射之應弦而倒君素善於統領堅守歲餘糧食乏絕又微知江都狀遂為左右所害

山西通志卷一百五 名宦錄五

辛仲龍狄道人為猗氏令温厚不苛祀名宦以上蒲州府

柳昂字千里河東解人隋初潞州刺史昂見天下無事可以勸學行禮因上表言之上覽而嘉納詔天下州縣皆置博士習禮焉昂在州甚有惠政數年卒官

辛彥之隴西狄道人隋初封任城郡公累遷潞州刺史有惠政卒於官諡曰宣以上潞安府

蕭大圖梁簡文帝之子也幼而聰敏神情俊悟梁大寶元年封樂梁郡王侯景肆虐潛逃獲免隋開皇初拜內史侍郎出為西河郡守性好學務於著述撰梁舊事三十卷寓記三卷士喪儀注五卷文集二十卷

韋冲字世冲京兆杜陵人世為關右著姓高祖踐阼賜爵安固侯長城之役發南汾州郡眾千餘人在塗皆亾上以冲嘗



安集稽部呼沖問計沖曰臣請以理綏靜不勞用兵而定上然之因命沖綏懷叛者月餘皆至並赴長城上下書勞勉之尋拜石州刺史甚得諸部歡心以母憂去職仁壽中卒

楊子崇高祖族弟少好學有風儀恆典宿衛從幸汾陽宮屢請早還不納尋有雁門之役出為離石郡太守治有能名捕獲羣盜數千人太原兵至城陷為讐家所殺汾州府

伊婁謙字彥恭其先隨魏南遷周建德五年聘齊被拘留武帝平齊累封濟陽侯隋初進公出為澤州刺史清約自處甚得人和以疾去官吏人攀戀行數百里不絕

張虔雄清河東武城人大業中為陽城縣令有治績以上澤州府

李克開皇中為朔州刺史有威名

王仁恭字元實天水上邽人仁壽中歷驃騎將軍從楊素擊

山西通志卷一百五 名宦錄五 天

平漢王諒進大將軍拜呂州刺史突厥寇邊詔以本官領馬

邑太守始畢率騎數萬寇馬邑復令二特勒將兵南過時郡兵不滿三千仁恭簡精銳逆擊破之獲數千級並斬二特勒其後突厥復入定襄仁恭率兵四千掩擊之斬千餘級大獲六畜而還尋為校尉劉武周所害

字文弼字公輔洛陽人慷慨有大節博學多能歷朔州刺史楊廓大業中為朔州刺史煬帝北巡過代州即和獻食甚精至朔州廓獨無所獻以上朔州府

王頌字景彥太原祁人性至孝有文武幹局開皇中以平陳功拜代州刺史甚有惠政代州

韋世康京兆杜陵人高祖授絳州刺史以雅望鎮之閩境清肅性情素好古不以得喪干懷在州嘗慨然有止足之志與

子弟書道意諸弟報以事恐難遂乃止在任數年有惠政奏課連最擢禮部尚書進爵上庸郡公終荊州都督贈大將軍諡文

于璽字伯符周上柱國翼子開皇中為汴州刺史有能名為邵州刺史加上大將軍黎陽郡公在州數年甚有恩惠後檢校江陵總管州人張願等數千人詣闕上表請留璽上嘉歎良久令還邵州父老相賀卒于熊州刺史諡曰靜

陳叔遠字子聰陳宣帝子大業中為絳郡通守受學於文中子叔遠下捕賊之令曰無急也請自新者原之以觀其後文中子聞之曰陳守可與言政矣叔遠嘗謂薛收曰吾行令於郡縣而盜不止夫子居於鄉里而爭者息何也收曰此以言化彼以心化叔遠曰吾過矣退而靜居三月盜賊出境文中

山西通志卷一百五 名宦錄五 天

子聞之曰收善言叔遠善聽後仕唐為黃門侍郎判納言諡忠王疑嘗以文中子傳屬之

梁軌開皇間為臨汾令開鼓堆泉十二渠以溉民田利甚溥民歌頌之為立祠渠旁以上絳州

周法尚汝南成人陳總督江州刺史吳次子果勁有風概好讀兵書為定襄太守煬帝幸榆林內史令元壽請御營外分二十四軍法尚曰結為方陣四面外拒六官及百官家口並在其間車騎為壁壘此與據城何異若戰而捷抽騎追奔或戰不利屯營自守帝善之歸殺

右隋二十四人

張知泰蒲州河東人舉明經神龍中累拜御史封漁陽郡公以忤武三思出為并州刺史天兵軍使仍帶本官尋徙魏州



卒諡定

杜暹濮州濮陽人舉明經開元十四年同平章事未幾罷累轉太原尹二十一年上幸北都晉戶部尚書許履暹封魏縣侯卒贈尚書右丞相諡貞孝暹公清勤約不通獻遺所至以廉幹聞

韋濟鄭州武陽人隨右河西黜陟使恆子也開元中為太原尹製先德詩四章述祖父之行辭致高雅天寶中為尚書左丞濟從容雅度所蒞人推善政終馮翊太守

路審中徐州吏龐賊之亂著奇節累擢嵐州刺史鄭畋謂其節貫神明請擢為右羽林將軍詔可

劉文靜字華仁京兆武功人大業末為晉陽令與晉陽宮監裴寂善高祖鎮太原深自結託後坐李密姻屬繫秦王入禁

山西通志卷一百五

名官錄五

三

所視之文靜曰太原百姓避盜者皆入此城文靜為令數年知其豪傑可得十萬人尊公所領兵復且數萬君言出口誰敢不從秦王笑曰君言正合人意文靜遂介寂以交高祖叱左右執斬王威高君雅大將軍府建為軍司馬又轉大丞相府司馬使突厥始舉始舉即遣二千騎隨文靜至又獻馬千匹高祖喜曰非君何以致之尋敗柔頰和執屈突通進授光祿大夫封魯國公唐初拜納言後民部尚書領陝東道行臺左僕射

溫大有字彥將太原祁人義旗初舉高祖引為太原令從秦王狗西河將行高祖曰士馬單少須要經略以君參軍事事之濟否卜是行也西河下攝大將軍府記室武德元年累轉中書侍郎卒諡敬

狄惟謙梁公仁傑之後也會昌中為北都晉陽令守官清恪

不畏疆禦屬邑境亢陽自春徂夏數百里田皆耗斃禱於晉

祠略無其應時有郭天師本并州女巫巫少攻符術多行厭勝

監軍使攜至京國因緣中貴出入宮掖遂賜天師號旋歸本

士翕曰若得天師一至晉祠則不足憂矣惟謙請於天師初

甚難之既而敦請主帥遂親往迓焉巫者唯唯乃具車與列

旛蓋惟謙躬為控馬既至祠所盛設供帳罄折庭中翌日語

惟謙曰我為爾飛符上界請雨已奉天帝命必在至誠三日

雨當足矣由是四郊士庶雲集期滿無徵又曰災沴所興良

由縣令無德我為爾再告天七日方合有雨惟謙引罪奉之

愈謹竟無其效乃驟欲入州復拜留曰天師已為萬姓來更

乞為至心祈請悖然而晉曰庸瑣官人不知天道天時未肯

山西通志卷一百五

名官錄五

三

下雨留我將復奚為乃謝曰非敢更煩天師侯明相餞耳於是宿戒左右我為巫者所辱豈可復言為官耶詰且有所指揮汝等咸須相稟是非好惡余自當之迨曉時門未開郭已嚴飾歸騎而狄酒殺供設一無所施郭乃坐堂中大恚呵責惟謙遂曰左道女巫妖惑日久當須斃在此耳焉敢言歸叱左右於神前鞭背二十投於漂水祠後有山高可十丈遽命設席焚香從吏悉皆放還管笏立其上於是闔城駭愕云邑長杖殺天師馳走紛紜觀者如堵時沙石流燥忽起片雲大如車蓋先覆惟謙立所四郊雲物會之雷震數聲甘雨大澍原野滂流士庶數千自山擁惟謙而下州將以殺巫者初亦怒之既而精誠感應深加歎異表列其事詔書褒異仍賜錢五十萬



孫湛貞觀中為榆次令引洞澗水西流溉田民利之政以嚴稱吏不敢犯

鄧義高宗時為祁縣令有異政邑人刻石頌之

戴謙為文水縣令開元二年於縣東北五十里鑿甘泉渠二十五里鑿蕩沙渠又鑿靈長渠千畝渠俱引文谷水傳溉田數千頃

安庭堅開元中為太谷令有德政邑人立碑以紀之

李殷為太谷令北京尹上言殷釐務公廉以德化下獄無囚

緊刑無鞭扑薪水之事不擾於民力賦與之數不失於公程

三時勸農躬行田井乾餒曝曬行而食一邑熙熙長幼有序

序流者歸復如戀父母今考秩垂滿眾情願留政希明恩重

令治任詔下褒美量留一年

山西通志卷一百五 名宦錄五

楊仲續為祁令甚有德惠人為立祠

崔衍字著深州安平人太子賓客倫子天寶末擢明經為清

源令勸民力田懷拊流亡觀察使馬燧表其能徙美原累遷

宣歙池觀察使以上太原原府

李寬永徽二年為晉州刺史於臨汾縣東二十五里夏柴堰

引澗水溉田

尹思貞京兆長安人舉明經長安中累遷秋官尚書以忤張

昌宗再徙晉州刺史前後為十三州刺史皆以清簡為政奏

課連最封天水郡公遷御史大夫卒贈黃門監諡簡

魏知古深州陸澤人第進士神龍中授晉州刺史累遷同中

書門下三品為侍中封梁國公罷政使卒諡曰忠宋璟聞而

嘆曰叔向古遺直子產古遺愛兼之者其魏公乎

蕭至忠沂州人祿睿丞少監德言孫神龍中拜黃門侍郎同

平章事遷侍中中書令景雲初出為晉州刺史甚有能名馱

駁遣大臣來朝見至忠風采遠巡畏俯謂人曰是宜入相何

乃居外乎先天二年復為中書令

齊澣字洗心定州義豐人第進士釋褐蒲州司法參軍有父

子連坐論死者澣曰條落則本枯奈何俱死讓貸其父太守

不聽固爭卒原之歷遷吏部侍郎後為李林甫所惡廢歸天

寶五載起為平陽太守以黃老清靜為治卒於官肅宗時贈

禮部尚書

房瑄字次律河南人融子天寶十五載拜同平章事肅宗初

自請將兵誅寇孽詔加持節招討西京兼防禦蒲潼兩關兵

馬節度等使坐賀蘭進明諸貶上元元年出為晉州刺史唐

儒多言瑄德器有王佐才云

李愬字德裕初為晉州刺史以治異等加金紫光祿大夫

後以平蔡功累進尚書左僕射同中書門下平章事

裴向字依仁河中河東人遵慶子德宗末遷為太原少尹召

見喻旨尋用為行軍司馬御史中丞改汾州刺史轉鄭州又

復為太原少尹兼河東節度副使改晉州刺史充本州防禦

使歷官仁智愛利及民歷吏部尚書致仕

王式太原人起于擢賢良方正科大中中為晉州刺史飭郵

傳器用畢給會河曲大款流民徙他州不納獨式勞恤之活

數千人時特峨胡亦饑將入寇汾澮聞式嚴備不敢道境報

其種落曰晉州刺史當避之以善最稱後平浙東仇甫功尤

偉終左金吾大將軍

山西通志卷一百五 名宦錄五



李良金京兆新平人客遊朔方佐節度使論弓仁幕以邊功累官至晉州刺史大歷中兼職河中營田事規畫疆理巡閱耘耔法立令行人莫敢犯三年卒於河中

鄭會字景參滎陽開封人由資陽尉累遷至慈州刺史墓碑稱其在州發明典制糾剔瑕隱化有程稱人用安

王履清京兆萬年人從汾陽王郭子儀前後以功遷官十五任為朔方節度副使大歷中王以吉昌濁河上游邊郡戎州易動難安奏授慈州刺史在州有異政十一年卒於官履清性友愛嘗割股肉療弟疾弟濟清亦官慈州別駕

陶善鼎為臨汾縣令縣東北十里舊有高梁堰武德中引高梁水溉田入百金泊貞觀十三年為水所壞永徽二年刺史李寬自東二十五里夏柴堰引瀟水溉田善鼎復治百金泊

亦引瀟水溉田乾封二年堰壞乃西引晉水盡心民事

崔翳為曲沃令永徽元年於縣東北三十五里開新釋渠引古堆水溉田百餘頃

張懷器以成均學生明經擢第俄補麟臺校書累官至咸陽縣丞嗣聖間以應舉及第授翼城令引翔高之泉以便灌溉開滄陰之道以通行旅又闢荒田五百餘頃邑人愛之盧照鄰為撰去思碑

李侃建中末項城令李希烈遣兵攻之侃嚴守不下賊引去

詔遷太平令以上平陽府

李崇義河間王孝恭子嗣爵譙國公歷蒲州刺史益州大都督府長史有名終宗正卿

杜楚客如晦弟京兆杜陵人隱嵩山貞觀四年召拜蒲州刺

史甚有能名坐魏王事免尋授處化令

薛萬徹咸陽人貞觀十七年為蒲州刺史於虞鄉縣北十五里開凍水渠自閭喜引凍水下入臨晉遷代州都督永徽二年坐房遺愛遇害

蔣儼常州義興人貞觀中使高麗守節不屈拜朝散大夫高宗時累遷蒲州刺史蒲州戶產殷劇訴扞積年不平前刺史多不稱職儼下車未幾令行禁止稱為良牧以老致仕永淳中復起封義興縣子以太子詹事致仕卒贈禮部尚書

楊元挾統州閩鄉人姿儀甚偉以器局見稱載初中為晉蒲二州刺史累降璽書褒美以右羽林將軍與誅張易之封宏農郡公睿宗初遷刑部尚書改封魏國公致仕卒諡曰忠

畢構字隆澤河南偃師人第進士開元初為蒲州刺史時州人衛大經有行義隱居不仕構謂解縣令孔慎言曰衛生德厚宜有旌異古人式干木之間禮賢故也慎言造大經門就謁之構累進戶部尚書改詹事卒諡景

韋抗京兆萬年人安石從父兄子舉明經開元中蒲州刺史歷拜刑部尚書掌吏部選事歷職以清儉自守不務生業及卒喪事殆不能給特給構車諡曰貞

裴寬絳州聞喜人舉拔萃歷蒲州刺史久早入境輒雨開元二十九年除太原尹賜紫金魚袋元宗賦詩饒之曰德比嶽雲布心同汾水清終禮部尚書贈太子太傅

李尚隱萬年人舉明經為蒲州刺史有浮屠懷照自言母夢日入懷生已鑲石著驗州人馮待徵助實其言尚隱劾妖妄詔流懷照播州累遷御史大夫卒諡貞尚隱三人御史府甄

〔光緒〕山西通志 卷一〇五

一七一



繩惡吏素議歸重

裴千鈞字孝卿天寶末為萬泉令賜紫金魚袋千鈞好賓客聞人奉親有之甘旨者輒分財贍之有德政碑

李模襄邑王神符曾孫至德中為猗氏令史思明陷洛陽賊帥掠諸縣模率眾拒之稍遷黔中觀察使終太子賓客

唐昇為河東縣令大曆七年喪昇階朝散大夫更留二年旌善政也

薛廷老河中賁鼎人存誠子第進士寶曆中為右拾遺以數直諫又忤李逢吉出為臨晉令文宗即位入為殿中侍御史

再遷給事中以上蒲州府李元嘉高祖十一子初封徐王貞觀六年授潞州刺史時年十五在州聞太妃有疾涕泣不食十年改封韓王授潞州都

督元嘉少好學閨門修整有類寒素修身潔已內外如一高宗末轉澤州刺史垂拱中徙絳州遇害

李元懿高祖十三子封鄭王初刺兗州徙潞州絳州數斷大獄有平允之譽高宗嘉之降璽書褒美賜物三百段咸亨四

年卒諡惠今城南有元懿太妃墓長子有石記頌德

李嗣正字承胄趙州柏人人多藝數尤精音律舉明經縣令以善政聞永昌初歷拜右御史中丞知大夫事命巡撫河

東薦宋溫瑾袁嘉祚李日知拔州縣職皆至顯官時來俊臣獄方熾嗣正上書切諫出為潞州刺史為俊臣所誣貶藤州

卒諡曰昭

姚崇陝州硤石人睿宗時以兵部尚書出為申州刺史移潞州又遷揚州長史政條簡肅人為紀德於碑

山西通志卷二百五 名宦錄五 三

李潛太宗族子開元中潞州刺史轉劍南節度使所歷以誠信待物稱為良吏卒諡誠

程千里本磧西人居京兆天寶十四載詔於河東召募充河東節度副使雲中太守十五載正月遷上黨郡長史特進攝

御史中丞以兵守上黨賊攻城屢為千里所敗加開府儀同三司禮部尚書兼御史大夫至德二載九月賊將蔡希德圍

上黨輕騎挑戰千里恃勇開懸門率百騎欲直擒希德幾得而救至乃退會橋壞馬顛為賊執仰首勅諸騎使還曰為我

報諸將可失帥不可失城軍中皆為泣下增備固守賊不能下乃還囚千里至東都為嚴莊所害後追褒死難者惟千里

生見執不及云

崔珏一名元靖樂平人貞觀間為長子令廉介公直發奸摘伏民不敢欺時有虎傷人珏祈諸神遣使追虎至而殺之民

為立石頌德

薛僅字用冲漢御史大夫廣漢後開元間上將巡潞藩擇賢能為長吏俾宿備供僅以拾遺宰屯留略無愠色躬親庶務

諸事克辦朝廷稱之次年歲歉出公私米振活以百萬計又防水患邑大治以異能稱民立碑頌之以上潞安府

薛大鼎蒲州汾陰人父粹隋介州刺史大鼎武德初謁見龍門以功累拜涪州刺史徙滄州里民歌其美政卒諡恭

蕭頴武德二年為汾州刺史引文谷水入汾州溉田頴利入寇總管李神符敗之於汾東頴邀擊之獻俘五千

李道堅靈夔孫嗣魯王景龍中汾州刺史歷授河南採訪使以清毅稱卒贈禮部尚書

山西通志卷二百五 名宦錄五 三



楊隆禮湯帝曾孫景雲中汾州刺史性清嚴能檢察人吏欺

隱殆絕開元中封宏農郡公授戶部尚書卒

杜希望京兆萬年人開元中代州都督召還京師對邊事元

宗才之拜鄯州都督宦者牛仙童行邊或勸希望結其驩答

日以貨藩身吾不忍仙童還奏希望不職下還恆州刺史徙

西河太守而仙童受諸將金事泄抵死昇金者皆得罪希望

愛重文學門下所引如崔顥等皆名重當時

陸瓌字仲采蘇州吳人舉明經累除洛陽令中書令蕭嵩器

之嵩罷他宰相出之為太原少尹天寶間徙西河太守封平

恩縣男屬邑多虎前守設檻奔瓌至微之而虎不為暴

薛從字順之龍門人平子以蔭累遷汾州刺史隄文谷瀘河

二水引溉公私田汾人利之徙濮州終左領軍衛上將軍贈

山西通志卷一百五

名宦錄五

五

工部尚書

崔圓字有裕貝州武城人舉鈐謀甲科至德二載以成都備

供功拜中書令封趙國公乾元元年削除累改汾州刺史以

治行稱卒諡昭襄

李勉字元卿鄭惠王元懿曾孫至德初拜監察御史累擢太

常卿李輔國諷使下已勉不肯乃出為汾州刺史不威而治

卓然有聲歷拜檢校司徒平章事封汧國公卒諡曰貞簡

劉暹南華人晏兄德宗時汾州刺史天資疾惡為觀察使所

畏上徵之將用為御史大夫盧杞沮之終朔州刺史

李漢字南紀雍王八世孫少事韓愈通古學屬詞雄蔚為人

剛烈類愈愈愛重之妻以女擢進士第為史館修撰書宰相

李吉甫事不假借子德裕惡之後德裕輔政漢坐李宗閔黨

以御史中丞出為汾州刺史有善政及宗閔再逐改州司馬

尋徙絳州長史大中時召拜宗正卿

賈耽字敦詩其先長樂人天寶十載舉明經累遷汾州刺史

凡七年有異績召授鴻臚卿貞元中以尚書左僕射同平章

事封魏國公卒贈太傅諡元靖耽嗜觀書尤悉地理為圖廣

三丈從三丈三尺以寸為百里本之禹貢及班固漢書古郡

國題以墨今州縣以朱刊落疏舛多所益正又著貞元十道

錄其器備然著長者也不喜臧否人物檢身勵行家人近習

不見其喜愠

魏謩字申之鉅鹿人文貞公微五世孫太和進士累拜諫議

大夫以直諫稱始暮之進李鈺楊嗣復實推引之武宗立坐

二人黨出為汾州刺史後大中五年進同平章事十年出為

山西通志卷一百五

名宦錄五

五

節鎮卒贈司徒宣宗嘗曰謩名臣孫有祖風然以剛正為令

狐綯所忌讒罷之

王儉武德初石州刺史二年朱金剛破石州儉被殺

杜正倫相州洹水人隋時舉秀才唐貞觀中歷中書侍郎兼

太子左庶子坐貶久之授石州刺史顯慶元年累擢同三品

遷中書令李義府構之貶橫州刺史卒

李元名高祖第十八子封舒王貞觀二十三年為石州刺史

性高潔不問家人產業朝夕矜莊門庭清肅常誡其子曰藩

王所乏者不慮無錢財官職但勉行善事忠孝持身此吾志

也在石州二十年賞翫林泉有塵外之意武后時遷利州遇

害

武昭陳留人果敢而辯嘗從裴度討淮西入蔡州說吳元濟



度鎮太原奏授石州刺史罷郡歸長安以氣俠自許李達吉欲沮度復相被誣死

楊越宏農仙掌人太宗初定天下網羅遺逸越曰天下有道

可以出而見矣以角巾褐衣應命陳謨太宗曰石州邊方未

霑王化汝往輯禦以息邊患任石州方山令見陳伯文集

張冲字孝源清河東武城人垂拱中官介休令以清德稱

楊仲昌字蔓號州閩鄉人元授之子開元中對策第一授蒲

州法曹參軍判入異等遷監察御史出為孝義令撫字百姓

耕桑樹藝莫不躬教一日方視事鸞降庭樹太守蕭恕表其

政從下邳令終吏部郎中仲昌資長於吏御身以約以上汾州府

長孫順德長安人為高祖太宗所親委拜統軍從平霍邑破

臨汾下絳郡尋執屈突通略定陝縣封薛國公貞觀中拜澤

山西通志卷一百五 名宦錄五 四

州刺史政號明肅先是長吏多受餽餉糾摘一無所容稱為

良牧前刺史張長貴趙士達並占境內膏腴田數十頃劫而

追奪之資給貧戶尋坐事免卒諡曰襄

岑翔為澤州刺史先天二年太上皇命有司頒賜諸州朝集

使善政者遂以翔與同州刺史成大宛及陝州刺史陸餘慶

魏州刺史單思遠宋州刺史劉智柔等各賜物一百段

李携雍州長史新興王晉司功也晉遇害寮吏皆奔散惟携

步從仍哭其屍姚崇聞之曰樂向之儔也擢尚書郎轉澤州

刺史

李陽冰乾元間為高平令愛民之愛志切休養博學善書事

至談笑處之裕如也

郝福貞元間為高平令才高事練遭時凶歉移粟分給所在

霑被罷止征需不急者以身任咎流亡盡復

明濟貞元間自屯留令調任高平富文學有清節敏於吏事

所至有聲嘗浚治丹河民免水患

崔深咸通中知陵川縣撫化百姓甘棠頌德瑞應見屬鄉之

禮義村以上澤州府

高君狀齊州人引大義諫齊王祐祐擊擒之愧其言不能殺

祐敗詔擢榆社令州

孟神慶華州華陰人永徽初沁州刺史以清介著名

裴行立稷山人守貞曾孫以軍勞累授沁州刺史遷衛尉少

卿口陳願治民試一縣除河東令寬猛時當歷安南都護卒

贈右散騎常侍

王思禮高麗人以戰功遷兵部尚書霍國公兼潞沁節度使

山西通志卷一百五 名宦錄五 四

思禮善守多積儲持法嚴整人不敢犯故多戰功保全境土

唐漢賓莒公儉之苗裔也會昌間昭義節度劉從諫署為武

鄉令從諫卒于稭拒命漢賓固諫不從舉族見害昭義平赦

贈武鄉令以上沁州

殷開山名嶠以字行鄆縣人初為隋太谷長又為石艾長高

祖起兵召補大將軍據從攻西河招慰關輔降羣盜封鄆國

公圖形凌煙閣諡節貞平定州

李丕與劉從諫善署昭義大將及劉稭阻命軍中疾其才丕

懼乞為游奕深入遂自歸武宗召見擢忻州刺史太原楊弁

亂遣人誘丕丕斬之以兵扼走集李德裕曰度支戶部物積

代州今丕塞其路賊破矣乃趣丕討弁兵未至而弁已擒遷

汾晉二州刺史大中初拜振武節度使檢校刑部尚書卒忻州



賈循京兆華原人有大略為邊將累功歷光祿卿安祿山兼河東節度表循兼雁門太守為副祿山趨東都使循守幽州與顏杲卿連謀遇害贈太尉諡曰忠

韋懷質貞觀中繁時令太宗伐高麗命韋挺運餉至盧思臺不進上令懷質往挺所支度軍糧檢覆渠水以上代州

姜師度魏人舉明經開元初遷陝州刺史開運道以便太原倉兩京水陸轉運所省萬計六年以蒲州為河中府拜為河中尹先是安邑兩池漸涸師度發卒開拓疏決水道置為鹽屯大收其利師度勤於為政又有巧思所至輿溝洫之利公私賴之終將作大匠

元司哲字知人河南洛陽人武后時夏縣令卒於官縣人為刻石頌其清德

山西通志卷一百五 名宦錄五 三

李涓開元中夏縣令有德政碑

劉晏字士安曹州南華人舉神童授秘書省正字累授夏縣令有能名歷拜門下侍郎同平章事

韋澳字又元京兆杜陵人貞元中夏縣令有遺愛碑以上解州

羅士信齊歷城人大業中十四從通守張須陁擊賊以驍勇顯武德初歸國以功擢授絳州總管封鄒國公從征劉黑闥城陷遇害時年二十八諡曰勇

李元軌高祖第十四子封霍王貞觀十年授絳州刺史開閣讀書吏事實成於長史司馬謹慎自守與物無忤為人不妄垂拱中至陳倉卒

李元禮高祖第十子封徐王貞觀十七年為絳州刺史以善政聞太宗降璽書勞勉賜以錦綵永徽四年加司徒兼潞州

刺史咸亨三年卒

鮮于紹為絳州刺史高宗儀鳳中刺同州仍賜絹二百匹賞清廉也

李元嘉高祖子封韓王垂拱中刺絳州與越王子冲圖舉兵冲敗元嘉至京師謀泄后逼令自殺已見諸安

李湛義府幼子沈厚有度襲河間郡公則天末與敬暉等誅張昌宗張易之神龍中為絳州刺史累拜左領軍大將軍開元十年卒贈幽州都督

于知微字辨機京兆萬年人志甯孫也累官蒲晉二州刺史長安二年改授絳州刺史州管軍府戶多彫散知微隨方撫馭應時而理奸盜出境流亡復業遷太僕少卿封東海郡侯景雲二年進公卒姚崇為撰碑

山西通志卷一百五 名宦錄五 三

張知審蒲州河東人擢明經第則天朝晉州稷州刺史又歷房和舒延德定洺宣貝洛同華十三州所在以循良稱累拜大理卿封范陽郡公卒

李朝隱字光國京兆三原人以明法舉拜臨汾尉擢至大理丞神龍中爭五王不宜輕用法貶嶺南宰相言其清正上更以為聞喜令遷絳州刺史復為大理卿訊武彊令裴景仙丐

賊言其先寂有國功宜宥景仙得不死後拜御史大夫充嶺南採訪處置使卒諡曰貞

韓思復字紹出京兆長安人長山縣男倫孫舉秀才高第襲祖封為刺史治行名天下開元中歷絳州拜黃門侍郎元宗

北巡為行在巡問振給大使遷御史大夫進伯卒諡曰文上親題其碑曰有唐忠孝韓長山之墓



嚴浚華陰人爲絳州刺史嚴惠並行吏民畏服

嚴挺之天寶間爲絳州刺史明皇欲進用李林甫忌嫉之因

招挺之弟損之伴與敘故舊云當以子爲員外郎又云朝廷

待賢兄極深須作一計入京既見當有大用令損之取絳郡

一狀云有少風氣乞入京師就醫林甫持狀奏云挺之年高

近患風氣且授一閑官天子歎咤久之林甫奏授員外詹事

便令東京養疾

李柄筠字貞一趙人第進士李光弼守河陽高其才引爲行

軍司馬兼糧料使至德中改絳州刺史累遷御史大夫封贊

皇縣子卒諡文獻柄筠爲天下士歸重不敢有所斥稱贊皇

公云

韋陟字殷卿安石子襲郇國公肅宗初歷拜御史大夫坐事

出爲絳州刺史判尚書省事卒諡忠孝陟早有名爲李林甫

楊國忠擯廢而海內望其爲相云

蘇震雍州武功人瓌孫誦子彊學有成人風伯父頽曰吾家

有子至德中累拜文部侍郎從廣平王平長安後爲絳州刺

史以勞封岐國公終太常卿贈禮部尚書

盧元輔字子望宰相盧杞子以清行聞擢進士歷絳州刺史

課最召授吏部郎中進兵部侍郎卒元輔端靜介正人不以

杞之惡爲累云

李憲晟子初調太原府參軍事歷遷絳州刺史絳有幻人怵

民以亂憲執誅之濱汾相地治新倉免負戴勞絳人利賴後

以平淮蔡封涼國公以平淄青晉同平章事爲昭義節度使

卒諡武

韋武京兆萬年人貞元中自禮部員外郎出爲絳州刺史鑿

汾水灌田萬三千餘頃蠶書勞勉元和初入爲京兆尹卒贈

吏部尚書

樊宗師字紹述河中人澤子擢軍謀宏遠科爲絳州刺史有

治迹進諫議大夫卒宗師家富好施妻子告不給則其爲吏

之廉可知矣

楊大寶鳳翔人武德初爲龍門令劉武周陷晉絳攻之不降

城破被害褒贈全節侯

皇甫忠貞觀中龍門令甚有惠政歲滿縣民裴公隱等一千

三百人申省請留旣不得請乃相與建碑頌德著作郎李儼

爲撰文云

長孫恕貞觀二十三年爲龍門縣令於縣東南鑿十石塘渠

溉田良沃畝收十石縣西二十一里馬鞍塢亦恕所鑿

蘇昱字奉景京兆武功人高宗時由明經上第歷沛王府參

軍遷聞喜縣令在官三年多惠政將代老幼追攀樹碑頌德

終濟州刺史

王樂爲龍門令有能名李勉薦之時稱知人祀名宦

王暉初爲鄭南令爲權倖所誣免以推擇爲龍門令有能名

以上

李琛高祖從父兄子封襄邑王歷蒲絳二州總管宋金剛陷

滄州時稽胡多叛琛爲隰州總管以鎮之馭眾寬簡夷夏

安之三年卒

右唐一百一十八人

張仲溫長興元年爲翼城令才識饒敏縣舊治翔高山下風

山西通志卷一百五 名宦錄五



氣雖敦而險隘不足仲温建議徙置王逢寨據險以守今縣治卽其地也平陽府

李存賢許州人本姓王太祖養爲子遷沁州刺史先時沁州當敵衝徙其南百餘里據險立柵而居至存賢爲刺史日徙城避敵豈勇者所爲乃復城故州梁兵屢攻之存賢力自拒守卒不能近遷武州刺史山北團練使又遷慈州天祐十八年梁兵攻未友謙於河中莊宗遣存賢援之是時河中食少人心多疑謀者曰河中人欲殺子以歸梁宜亟去存賢曰死王事吾志也復何恨哉卒擊走梁兵後爲盧龍軍節度使卒郭饒沁州縣上人以驍勇數立軍功爲沁州刺史者九年爲政有惠愛州人思之以上沁州

山西通志卷一百五

名宦錄五

吳

州刺史是時諸州皆用武人多以部曲主場務漁蠹公私以利自入金獨禁部曲不與事厚其給養使掌家事而已清泰三年以金爲太原四面步軍都指揮使晉高祖立爲建雄軍節度使卒贈太師忻州

右後唐四人

山西通志卷一百五

名宦錄六

錄一之六

山西通志弟一百六

賜進士出身頭品頂戴兵部侍郎兼都察院右副都御史巡撫山西提督軍務張煦奉旨監修

守令 宋至元

王明字如晦大名成安人周廣順初北漢寇晉州命藥元福將兵禦之事多諂於明先是州縣吏部送丁壯餉糧多遁去元福怒盡驅官吏出軍門將就戮明馳往止之曰今軍儲無闕丁夫數萬入文吏儒不能制斬之何益不如寬以待之賊敗凱旋公無專殺之名不亦善乎元福感悟悉免其死既而漢軍宵遁卽命元福鎮晉州奏署明爲書記賜緋魚宋開寶中平嶺南江南功尤著雍熙四年知并州晉秩禮部侍郎卒李若谷字子淵徐州豐人第進士真宗時以樞密直學士知

山西通志卷一百六

名宦錄六

一

并州民貧失婚姻者出私錢助其嫁娶資墾亡賴委妻去爲立期不還許更嫁并多降人喜盜竊若谷籍累犯者三人爲保有犯并坐之校者削去籍名尋召知開封府拜參知政事致仕卒諡康靖

韓琦字稚圭相州安陽人舉進士第二慶厯中累拜樞密副使請外再遷武安軍節度使知并州承受廖浩然怙中貴勢貪恣既誣逐前帥李昭亮所爲益不法琦奏還之上命鞭諸本省遼人冒占天池廟地琦召其豪帥示以曩日所求修廟檄無以對遂歸地既又侵耕陽武若地琦鑿立石以限之始潘美鎮河東患寇鈔令民悉內徙而空塞下不耕於是析代甯化火山之北多廢壤琦以爲此皆良田不耕適足以資



九千六百頃嘉祐元年召拜樞密使三年拜同平章事治平中封魏國公神宗初除鎮安武勝軍節度使司徒兼侍中判相州熙寧八年卒發兩河卒為治冢贈尚書令諡忠獻配享英宗廟後贈魏郡王

王拱辰字君貺開封咸平人舉進士第一為翰林學士遷使劉六符來求關南地斥太平興國舉兵為無名舉朝莫知所答拱辰曰王師征河東寇既通使而寇石嶺關以援賊遂因軍伐之豈謂無名乃作報書曰既交石嶺之鋒遂起雁門之役邈得報繼好如初上喜謂輔臣曰非拱辰深練故實殆難答也後知并州元豐初以宣徽南院使判大明府時河東等三路籍民為保甲抗言曰非止困其財力奪其農時是以法驅之使陷於罪罟也浸淫為大盜其兆已見縱未能盡罷願

山西通志卷一百八 名宦錄六

裁損下戶以紓之於是第五等戶得免卒諡懿恪

馮京字當世鄂州江夏人舉進士自鄉舉禮部至廷試皆第一英宗時以端明殿學士知太原府神宗立召為翰林學士擢樞密副使時河東賊府豐三州城壘兵械不治官吏皆受譴京以先帥本道上章自劾曰使諸路帥臣知其雖一時脫去後能倖竊名位者猶必行法將不敢復偷惰曠職優詔不聽晉參知政事出外又召知樞密院事致仕卒諡文簡京為郡守諸縣公事報下捷疾一無壅滯人服其敏云

王素字仲儀莘人太尉旦季子賜進士出身熙寧初以端明殿學士知太原府汾河大溢素曰若壞不晉遂灌州城矣亟命具舟楫築堤以壅之一夕水驟至人賴以安入知通進銀臺司致仕卒諡懿敏

呂公弼字寶臣夷簡子賜進士出身治平中拜樞密副使神宗進樞密使將論新法罷為觀文殿學士知太原府韓絳宣撫秦晉築囉兀城令河東發兵二萬趨神堂新堡公弼曰虜必設伏以待永和關雖回遠可安行乃由永和既而新路援兵果遇伏詔褒之又拓麟州城包淮沙泉於中以疾請知鄭州後拜宣徽南院使卒諡惠穆

鄭戢字天休蘇州吳縣人師事楊億舉進士甲科仁宗時同知樞密院改副使罷為資政殿學士累知并州道改鄆又以大學士知并州遼方與元昊交兵邊奏互上獨戢不以聞詔遣使問之對曰敵自相攻中國不足憂也河東行鐵錢山多炭鼓鑄利厚重辟不能止戢請三當一令既下兵民扇動羣課州門不得入戢聞悉召至廷下推首謀者數十人黥隸他

山西通志卷一百八 名宦錄六

州事乃定終宣徽北院使諡文肅

張若谷字德繇南劍沙縣人第進士仁宗時以右諫議大夫知并州先是麟府歲以繪錦市番部馬前守輒罷之若谷以為互市所以利戎落而通番情且中國得戰馬亟罷之則猜阻不安奏復市如故而馬入歲增後以尚書左丞致仕卒若谷所至有循良蹟不激訐取名云

高繼宣瓊次子善騎射知讀書康定中授恩州團練使知并州初元昊叛聲言侵關隴繼宣請備麟府未幾羌兵果入寇河外陷豐州乃命繼宣并賊俄寇麟府繼宣率兵營凌井抵天門關是夕大雨及河師半濟黑凌暴合舟不得進乃具牲酒為文以禱已而凌解師濟進屯府谷敗賊于三松嶺築甯遠營相視地脈鑿石出泉又城五砦遷眉州防禦使卒



滕甫字元發以字行知太原府河東兵勞民貧而土豪將吏皆利于有警故喜作邊事民不堪命甫始至蕃族來賀令曰謹斥候無開邊隙有寇而失備與無寇而生事者皆斬自軍司馬沿邊安撫以下皆勒以軍法西人獵境上河外諸將請益兵甫曰寇來則死之吾不出一兵也河東十二將其四以備北其八以備西八將更休為上下番是歲八月邊郡稱有警請入將皆上謂之防秋甫曰賊若并兵犯我雖入將不敵也若其不來四將足矣卒遣更休而將吏懼甚扣關爭之甫指其頸曰吾已捨此矣頸可斷兵不可出卒無寇省芻粟十五萬河東之所患者鹽與和糴也甫稍更其法明著稅額而通鹽商配率糧草視物力高下而不以占田多少為差民以為便陽曲縣舊治城西汾決徙城中縣廢為荒田甫奏還之

山西通志卷一百六 名宦錄六 四

使縣堤防如黃河民復成市諸將駐列城者長吏或不悅招誣以事有至死者甫奏立法將有罪徒他郡訊驗諸將聞之喜曰公保吾生當報以死西夏請復故地詔賜以四寨而葭蘆隸河東甫曰取城易棄城難昔棄囉瓦西人襲我不備喪金帛不貨且為所笑乃命部將柴虎蕭士元以兵護還號令嚴整寇不敢近無一瓦之失將賜寨甫請先畫界而後棄不從西人已得地則請凡畫界以綏德城為法從之甫曰若法綏德以二十里為界則吳堡去葭蘆百二十里為失百里矣兵家以進退尺寸為強弱今一舉而失百里不可力爭之已而謀者得西人之謀曰吾將出勁兵于義吳二寨之間劫漢使不得出兵則二寨亦棄矣甫遂復申前議章九上至數萬言議者謂近世名將無及甫者甫為文與詩英發妙麗每出

一篇學者爭誦之篤于行義事父母撫諸弟以孝友聞臨大事決大議毅然不計死生至於已私則小心莊栗惟恐有過其事上及與人交馭將吏待妻子奴婢一以至誠仕至大理評事右光祿大夫龍圖閣學士上柱國南陽郡開國侯有文集二十卷

梁適字仲賢東平人顯子進文授官更舉進士累擢樞密副使遷參知政事進同平章事罷為觀文殿大學士夏人盜耕屈野河西田累年朝廷欲正封以適為定國軍節度使知并州至則悉復侵地六百里進太傅卒謚莊

王安禮字和甫臨川人安石弟早登科從河東唐介辟熙甯中郎延路城囉兀河東發民四萬負餉宣撫使韓絳檄使佐役帥呂公弼將從之安禮爭曰民兵不習武事今敵之深入此不為寇所乘則凍餓而死耳宜亟罷遣公弼用其言民得歸而他路遇敵者皆覆公弼執安禮手言曰四萬之衆豈偶然哉果有陰德相與共之絳上最多失實公弼以狀聞詔即河東議功公弼將受之安禮曰宣撫使以宰相節制諸道且許便宜封授一有不聽人猶得非之公藩臣乃欲踰進功狀干非其任耶公弼遂辭遂薦安禮於朝授著作佐郎元豐四年累拜尚書右丞轉左丞尋出紹聖三年知太原府苦風痺臥帳中決事下不敢欺

陶節夫字子禮饒州鄱陽人第進士徽宗時以樞密直學士領經制環慶涇原河東邊事又以龍圖閣學士知太原府羣盜李勉起遼州北平之間河東河北騷動兩路帥臣憲臣皆罪去至出臺郎督捕之節夫請悉罷所遣兵卒以計獲勉坐

山西通志卷一百六 名宦錄六 五



上疏乞留本道兵勿移戍降待制卒

范純粹字德孺仲淹子用蔭入官徽宗初復實文閣待制知太原府後入黨禁復徵猷閣待制卒純粹沈毅有幹畧才應時須歷任胥以治辦聞

曾肇字子開建昌南豐人羣弟第進士建中靖國中以龍圖閣學士知太原府崇甯中蔡京得政落職卒肇更十一州類多善政云

師範丹徒人崇甯初知岢嵐軍時太原等十一郡地震粥旬晝夜不止壞城壁屋宇人畜死者甚眾範上言請復正臣暨稷去蔡下刑怨呂嘉問安惇蹇序辰奸佞以回天變蔡下觀其奏大怒裂牘不使上進傳假旨配嶺南去之時嵐人遮哭於道車馬不得行

山西通志卷一百六 名宦錄六

六

劉适武經郎政和三年知岢嵐軍政尚簡樸連理杏十餘株生廳舍時以為德政所感

龔父咸平二年任榆次令營建廟學雅重士流

張伯玉仁宗時為太谷令愛民勤政廣興水利邑民賴之尤以文章著名

司馬旦解州夏縣人池子以父任歷知祁縣天大旱人乏食羣盜剽劫富家巨室至以兵自衛旦召富者開以禍福於是

爭出粟減直以糶猶不失其贏饑者獲濟盜患亦弭畢監在京百萬倉時祁隸太原以太原留不召仕至大中大夫卒

范純禮純仁弟知太原初禁宰牛未得令會有牛死者純禮以數百錢買瘞之宰牛者愧而自止每給糧官吏及軍士皆

出一廩雖有淫惡眾無怨言

郭永大名府元城人少剛明勇決身長七尺鬚髯若神以祖

任入官知太谷縣太原帥率用重臣每宴饗費千金取隸縣以給斂諸太谷者尤亟永以書抵幕府曰非十一而取皆民膏血也以資觴豆之費可乎脫不獲命令有投効而歸耳府

不敢迫縣有潭出雲嵐旱巫乘此譁民永杖巫暴日中雨立至縣人刻石紀其異府遣卒數輩號警盜刺諸縣短長遊蠶不歸莫敢逆永械致之府府為并他縣追還部使者及郡文

移有不便於民必條利病反復或遂寢而不行人謂永毋買禍永曰知行吾志而已違恤其它太谷人安其政以為自有令無永比者既去數年復過之則老稚遮留如永始去靖康未提點河東刑獄建炎初宗澤檄犄角大名遂殉城謚勇節桑安世紹聖初知榆次縣事勸課農桑教民務本嘗引澗河水曲折數十里溉田惠利不竭

山西通志卷一百六 名宦錄六

七

唐恪字欽叟杭州錢塘人以蔭登第知榆次縣豪子雄於鄉萃逋庇姦不輸公賦前後莫敢詰恪以理善曉之悟而自改

折節為長者最聞擢提舉河東常平靖康元年同知樞密院事為中書侍郎八月晉拜少宰罷後以議張邦昌仰藥卒

盛子思崇甯間知榆次兼兵馬監押教閱保甲持身廉慎文

行政事皆可師法民口碑嘖嘖不置記名宦

李諒宣和初知榆次兼管兵馬司公事性平恕富經術政尚寬簡人以良牧稱之記名宦

趙贊字元輔幽州薊人延壽子七歲誦書二十七卷賜童子及第後遷署河中節度延壽北歸贊得留鎮河中漢祖加檢

校太尉仍鎮河中宋乾德六年為建雄軍節度秋為汾州路



部署開寶二年又為河東道行營前軍馬步軍都虞候車駕薄城下分軍四面贊扼其西偏井人乘勝自突門潛犯贊壘贊率眾擊之久而方退勞矢貫足太祖勞問數四賜良藥傅之四年改鄜州太宗封衛國公卒贈侍中贊接士大夫以禮馭下有方畧吏民畏服亦賢帥也臺司已刊誤列此附訂

張去華字信臣開封表邑人第進士從太祖征太原以起居舍人監隨駕左藏庫後以將作少監知晉州景德中以工部侍郎致仕卒去華嘗獻元元論大旨以養民務穡為急真宗命以縑素寫其論為十八軸列置龍圖閣之四壁云

李垂字舜工聊城人咸平進士修起居注不謁丁謂出累遷知晉州又知絳州明道中召還祇候李康伯言宜謁宰相垂曰我若昔謁丁崖州則乾興初已為翰林學士矣今已老大

山西通志卷一百六 名宦錄六 九

見大臣不公常欲面折之焉能趨炎附熱看人眉睫以冀推輓乎道之不行命也復出知均州卒

尹洙字師魯河南人第進士調正平縣主簿慶曆中以右司諫知渭州兼領涇原路經畧公事再徙知晉州遷起居舍人直龍圖閣知澠州會董士廉訟洙詔遣御史劉湜就鞠不得他罪而以假公使錢貸才將孫用湜誣洙自貸坐貶崇信軍節度副使卒洙於西事尤練習為慶曆名臣所至胥有治績而不克盡其用云

司馬池字和中夏縣人第進士涖政貿易不為剽割以天章閣待制知河中府再徙知晉州卒  
李及之字公遠濮州人迪弟子也由蔭登第仁宗時知晉州吏事精明所至稱職致仕卒

孫甫字之翰許州陽翟人初舉進士得同學究出身再舉進士及第李紘薦其材遷大理寺丞知絳州翼城縣杜衍辟之後又以直史館知晉州終於侍讀

呂誨字獻可開封人端孫舉進士治平中為侍御史知雜事以濮議出神宗初徙知晉州加集賢殿修撰知河中府召入累遷御史中丞首論王安石司馬光嘗勸止之後深服其先見明年誨疾光往省之至則目已瞑聞光哭聲慄然而起張目強視曰天下事尚可為君實勉之光曰更有以見屬乎曰無有遂卒海內痛惜之

陳希古天禧間由進士以祕書著作郎知翼城縣有文學多所振刷百度修舉邑之風俗一變  
陳子履由進士以校書郎知翼城縣歐陽修為序送之政有仁聲

山西通志卷一百六 名宦錄六 九

劉舒皇祐三年任鄉甯縣初縣治附河數遭水患舒改遷鄂侯故壘自是民有甯宇

扈周卿大名人嘉祐中為襄陵令終日無少怠未半歲爭訟衰息政恬俗熙每有施設民追思之  
孫民先嘉祐初知曲沃縣事勤慎愛民作興學校祀名宦向宗以通直郎知翼城縣疎豁明敏政簡刑清興滯補弊紀律森然吏民畏愛之嘗開東園雖有樂事而闔境謐如稱良吏

劉恕字道源筠州人渙子少穎悟書過目即成誦舉進士講經義擢第一而廷試不中格更試講經復第一遂賜第為和川令發強撻伏一時能吏自以為不及恕為人重意義急然



諾郡守得罪被劾屬吏皆運坐怒獨恤其妻子如已骨肉又面數轉運使深文峻試司馬光編修資治通鑑英宗命擇館閣英才共修之光對曰專精史學臣得而知者惟劉恕耳即召為局僚遇史事紛錯難治者輒以諉之恕卒後七年通鑑成追錄其勞官其子

李察以朝奉郎知翼城縣政平訟簡不喜鉤鉅時訪民間疾苦惻然軫恤建有阜民廳民皆頌之

李清臣字邦直魏人舉進士為和川令歲滿薦者踰十數應得京官適舉將薛尚有公事未竟闕銓格判銓張揆使自陳勿用清臣曰人以家保已而已捨之薄矣願待之揆離席曰君能如是未可量也應材識兼茂科入等元豐六年拜尚書右丞哲宗初轉左丞出外元祐九年復拜中書侍郎徽宗

初再拜門下侍郎為會布所陷出外卒清臣起身窮約以儉自持居官奉法毋敢撓以私云

李周字純之馮翊人第進士為洪洞令民有世絕而官錄其產者其族晚得遺券周取以還之郡吏皆周周曰利民所以利國也縣南有澗支流溢入歲賦舊權調徒過之周始築新堤民不告病元祐中以集賢院學士知河中府卒以上平陽府

楊承信字守真其先沙陀部人光遠子累官節度使檢校太師同平章事宋初加兼侍中征李筠命為澤州西面都部署移鎮河中刻厲為政而不苛乾德元年封趙國公二年卒蒲民表乞祠祀

柴成務字寶臣曹州濟陰人乾德中京府拔解太宗為尹首薦之遂中進士甲科清化中以左諫議大夫知河中府時銀

夏末甯蒲津當餽輓之衝事皆辦集得脫戶八百家以附籍府城街陌頗隘狹成務曰國家承平日久如車駕臨幸何以駐千乘萬騎耶乃奏撤民慮廣之其後真宗祀汾陰果留蹕河中衢路寬闊顯敞咸以為便咸平初遷給事中卒

周起字萬卿淄州鄒平人第進士累官樞密直學士祀汾陰留樞知河中府三遷右諫議大夫知并州召拜同知樞密院事改副使坐善寇準降秩卒謚安惠起性剛介不畏權要故所至有烈而敷奏協宜措施得體朝政實攸賴焉數賜書褒諭

孫僅字鄰幾蔡州汝陽人少與兄何俱有名咸平進士甲科兄弟連冠貢籍時人榮之制科策復入第四等累官權知開封府授左諫議大夫知河中府晉給事中卒僅諸民政而為治以寬云

李虛已字公受建安人第進士累官以能任職稱真宗嘗稱其儒雅循謹特遷右諫議大夫數月出知河中府召權御史中丞以工部侍郎分司卒

趙湘字巨源華州人進士甲科真宗祀汾陰為考制度副使請如周官置土訓錄所過州縣山川與風俗好惡日上奏御從之後又以直昭文館知河中府終集賢院學士

王濟字巨川饒陽人試學士院累官有聲景德初以監察御史知河中府遼南侵上幸澶淵詔緣河斷橋梁毀船舫稽緩者論以軍法濟曰陝西有關防隔閡舳舻遠屬軍儲數萬一旦沈之可惜又搖動民心因密奏寢其事上深嘉歎遣使褒諭召拜侍御史知雜事

山西通志卷一百八 名宦第六 十一

山西通志卷一百八 名宦第六 十一



趙乃字希之幽州良鄉人父德選蔚州靈邱令歸宋家偃師及第進士為慈州軍事推官仁宗時以直昭文館知河中府特拜天章閣待制右司郎中後司留臺卒及所治有聲民吏愛之

吳育字春卿建安人試禮部第一中甲科慶曆五年拜樞密副使尋改參知政事復改樞密副使未幾出累除宣徽南院使經畧鄜延夏人侵耕龐籍守并州欲築堡備之育謂要契未明而亟城麟府必受患移文河東又疏於朝不報既而郭思昭太原將佐皆得罪去育求解宣徽復為資政殿大學士尚書左丞知河中府徙河南卒諡正肅

朱選天長人仁宗初知河中府忠厚有守上稱為長者

楊偕坊州中郡人歷知河中府時元昊反劉平石元孫皆戰

山西通志卷一百六

名宦錄六

十三

沒偕馳告延州曰大兵十萬且至矣其具芻糧儲什器以俟賊聞遂解去夏竦議增士兵偕言不便時賴其言遂至不擾梅摯字公儀成都新繁人第進士為侍御史言多觸貴戚同知嘉祐二年貢舉以右諫議大夫知河中府卒摯性恬靜不為矯厲之行政跡如其為人

趙尚寬字濟之河南人安仁子知平陽縣鄰邑有大囚十數破械夜逸殺居民將犯境尚寬趣尉出捕曰盜謂我不能來方怠惰易敗也宜急往毋使得散漫又遣微巡兵躡其後悉獲之嘉祐中考課第一又徙知河中府神勇卒苦大校貪虐刊匿名書告變尚寬命焚之曰妄言耳眾乃安已而奏黜校分士卒隸他營官至司農卿卒詔賜錢五十萬

蔣堂字希魯常州宜興人第進士仁宗時以天章閣待制發

運江淮前使五年不一載物遺汴京權貴上嘉之就除河東路都轉運使未行知洪州又以樞密直學士知河中府以禮部侍郎致仕卒

狄青西河人初隸御馬直累擢樞密副使出平儂智高復為樞密副使遷護國軍節度使河中尹遷至汴京拜樞密使以同平章事出判陳州卒贈中書令諡武襄

范純仁字堯夫仲淹子第進士熙甯中知河中府元豐中復知河中府諸路閱保甲妨農論諫甚力錄事參軍宋儋年暴死純仁使其子弟視喪小斂口鼻血出純仁疑其非命按得其妾與小吏姦因會置毒龍肉中純仁問食肉在第幾巡曰豈有既中毒而尚能終席者乎再訊之而儋年素不食龍其曰毒龍肉者蓋妾與吏欲為變獄張本以避死爾實儋年醉歸毒於酒而殺之遂正其罪元祐初同知樞密院事三年拜尚書右僕射兼中書侍郎明年罷踰年加觀文殿大學士知太原府其境土狹民庶惜地不葬純仁遣僚屬收無主燼骨別男女異穴葬者三千餘又推之一路葬以數萬計夏人犯境朝廷欲罪將吏純仁自引咎求貶有詔貶官一等再徙復召轉右僕射再出外入黨禁卒謚忠宣純仁嘗曰吾平生所學得之忠恕二字一生用不盡而仲淹嘗謂諸子純仁得其忠云

山西通志卷一百六

名宦錄六

十三

孫路字正甫開封人第進士司馬光用其言乃不棄河湟徵宗時悉知太原河中府卒

狄棐字輔之潭州長沙人第進士以樞密直學士知河中府有中貴人過郡言將援棐於上前棐答以他語退謂所親曰



吾湘潭一寒士今官侍從可以老而自污耶為政愷悌不為表褻死之日家無餘貲

潘夙字伯恭美從孫生於將家能留心邊務神宗時以直昭文館知河中府終光祿卿

游師雄字景叔學於張載第進士熱西事紹聖初為衛尉少卿上數問以邊防利害條十六事上進曰紹聖安邊策二年

求外補知邠州未幾改守河中府時河中久旱入境天即大雨民歡謠又自中條山下立渠堰引蒼陵谷水注之城中人

賴其利三年遷知秦州尋徙陝州卒於官蒲人哭奠者相屬於路

范百祿字子功成都華陽人鎮兒子第進士累任華要多所論列元祐中拜中書侍郎罷為資政殿學士知河中府卒

山西通志卷一百六 名宦錄六 十四

宇文昌齡字伯修成都雙流人第進士涖官所至有聲紹聖中知河中府後以戶部侍郎卒詔為封傳護送官給其葬費

晁補之字無咎濟州鉅野人宗憲曾孫舉進士試開封及禮部別院皆第一徽宗初以國史編修實錄檢討官為諫官管

師仁所誣奏出知河中府修河橋以便民民畫祠其像後號歸來子卒補之蘇門四學士之一也

趙瞻字大觀盩厔人仁宗時知萬泉捐圭田修學宮士自遠而至改知夏縣作八監堂書古賢令長治跡以自鑒移知永

昌縣治平中以濮議由侍御史出通判汾州元祐三年擢僉書樞密院事四年同知院事卒謚懿簡

楚建中字正叔洛陽人第進士知榮河縣民苦鹽稅不平建中約田多寡以為輕重元祐中文彥博薦為戶部侍郎不拜

卒

王闢之臨淄人為河東縣令更治庸敏常慕夷齊高節乃毀淫祠作新廟祠之

韓宗厚字敦夫穎昌長社人贈太師億之孫也父緯嘗知解州宗厚由蔭歷節度判官遷慶成軍使兼知榮河縣卒於官

性通敏好學長於吏治雖案牘叢委一視察其隱微更不敢欺以氣節自任嘗受學於王安石及安石輔政屢欲擢用宗

厚輒齟齬不諧而罷有文集百卷以上蒲州府舊志有蒲州府志亦非晉

王祐字景叔大名莘人杜重威辟鄴支使勸無背漢坐是貶沁州司戶參軍宋乾德中太祖征太原已濟河諸州饋集上

黨城中車乘塞路上聞之將以稽留罪轉運使趙普曰六師方至而轉運使以罪獲聞敵必謂儲侍不充有以窺我兵俾

能治劇者往涖其州即命祐知潞州及至饋餉無乏路亦無壅尋班師召還太平興國中知河中府

韓國華字光弼相州安陽人太平興國二年進士至道中知潞州轉運使言其善綏輯供億幹辦詔獎之終右諫議大夫

子琦

柴禹錫大名人太宗時以晉邸舊僚至樞密副使累知潞州勤於政事善撫綏州民乞留三載詔獎之後復知樞密院事

卒贈太尉

吳元辰太原人景德中知潞州初并代澤潞皆分轄成卒後并于太原至是以元辰臨鎮遂分領澤潞晉絳磁隰威勝七州軍事委元辰專總之元辰在藩鎮有憂民心待賓佐以禮

山西通志卷一百六 名宦錄六 十五



後卒謚忠惠

畢士安代州雲中人乾德進士咸平中為翰林學士以目疾求解改兵部侍郎出知潞州以廉介聞特加月給之數入為翰林侍讀學士景德初與寇準同拜平章事卒謚文簡

馬知節幽州薊人全義子景德中累官宣徽北院使加兼樞密副使不為王欽若下大中祥符七年出為潁州防禦使知潞州天禧初移天雄召拜南院使知樞密院事以疾出知貝州上黨大名之民爭來迎謁卒謚正惠

李允則字垂範謙溥子太平興國末以佐班殿直使河東決繫囚原治逋欠天禧二年以客省使知潞州天聖中卒九則洞知人情訟至立斷盜發輒獲守雄州人俱號為名將云

王暉字晦叔河津人第進士真宗末以給事中知潞州州有

山西通志卷一百八

名宦錄六

十六

殺人者獄已具暉獨疑之既而提點刑獄杜行至事果辨暉作辨獄記以戒官吏尋徙河南府累官參知政事罷復召為樞密使卒謚文康

范諷字補之齊州人正辭子獻文召試入等復第進士權御史中丞三司使激昂名聲嘗建議朝廷當差擇能臣留以代大臣之不稱職者大臣多惡之諷龐籍彈奏呂夷簡特貶外累知潞州入見上言元昊不可擊獨以兵守要害久當自服上亦稔知其治狀復給事中卒于官

郭諮字仲謀趙州平棘人聰敏過人第進士精于步方田法慶歷中知忻州開溝渠導汾水與水利置屯田轉運使任顯言諮有巧思自為兵械皆可用詔以所作刻漏圓盾獨轆弩生皮甲來上上嘉之又知汾州未上尋徙潞州作鹿角車陷

馬諮請屬獨轆弩于他道詔諮置弩千分給并潞召還提舉百司卒

歐陽棐字叔弼修子舉進士乙科以職方員外郎知襄州有美政忤會布婦兄魏泰泰譖于布徙知潞州旋罷去後以直祕閣坐元符籍卒

呂陶成都人以集賢院學士論章惇等奸狀出知潞州治政與俗相安民甚宜之

朱光庭字公掞河南偃師人父景蔭擢第從孫明復學春秋又受學于安定二程元祐中仕至給事中知潞州加集賢院學士鄰境旱饑流民入境者踵接光庭日為食以食之常至暮自不暇食遂感疾猶自力視事出禱雨拜不能興再宿而卒

山西通志卷一百八

名宦錄六

十七

梁燾字况之邠州須城人第進士元祐中坐論御史張舜民不宜斥出為集賢殿修撰知潞州值歲饑不待命發常平粟賑之流人聞之來者不絕燾處之有條人不告病明年以左諫議大夫召甫就道攀轅不得行踰太行抵河內乃已七年拜尚書右丞轉左丞以疾罷坐司馬光黨貶卒

劉安世崇甯初知潞州時部使者以蔡京命治郡中事無巨細皆加詳考卒無毫髮可指雖過往驛券亦無違法部使者深嘆服之

韓昭許昌人宣和中知隆德府有善政民立生祠祀之孫祝德字延仲濰州北海人第進士以大理寺丞知榆次縣上書言刑法輕重後以右諫議大夫知河中府歷知潞州除吏部侍郎致仕卒



李防字智周大名內黃人第進士以著作佐郎通判潞州後以給事中知潞州卒防精力過人好建明利害

張確字子固邠州宜祿人元祐中進士知汾州宣和七年徙解州又徙隆德府金園太原忻代降平陽兵叛確表言河東天下根本安危所係無河東豈特秦不可守汴亦不可都矣敵既得叛卒勢必南下潞城百年不修築將兵又皆戍邊臣生長西州頗諳武事若得秦兵十萬人猶足以抗敵不然惟有一死報國耳書累上不報明年二月金兵至知城中無備諭使降確乘城拒守或獻謀欲自城東潰圍出且探確意確怒叱曰確守土臣當以死報國頭可斷腰不可屈乃戰而死欽宗優贈述古殿直學士召見其子宥慰撫之曰卿父今之巡遠也得死所矣歛容嘆息者久之

山西通志卷一百六 名宦錄六 十八

劉絢治平間為長子令不鞭扑而賦自集會大旱府遣吏問災傷絢據實上之及報獨僅十之二絢封還其檄請盡蠲富鄭公聞之曰真縣令也

張泛太平興國間為黎城令持身廉介敷政以誠淑人以禮有古循吏風

谷大同濟陰人紹聖中為潞城令府志載名宦

孫渤崇甯間任黎城縣才器超逸愛民禮賢六事畢舉以上

張克戩字德祥開封人耆曾孫第進士宣和七年知汾州十二月金圍太原遣銀木字董來攻克戩舉力扞禦出不意焚其柵敵引去加直祕閣靖康元年六月金兵復逼城宣撫使綱表其守城勞進直龍圖閣右文殿修撰太原不守張思

正張灝李宗奔慈隰麻世堅夜斬關出通判韓琬相繼亡克戩召令兵民曰太原既陷吾固知亡矣然義不忍負國宗辱

父祖願與此城終始以明吾節諸君其自為謀皆泣不能仰視同辭對曰公父母也願盡死聽命乃益厲兵做守而援師訖不至平遙破介休孝義諸縣降金兩遣使持書諭克戩焚不敵且述危苦狀募士問道言之朝不報十月朔有十八唱為降語斬以狗度不得免手草遺表及與妻子遺書絕州兵持抵汴明日金兵入猶帥眾巷戰金人募生致之克戩歸索朝服焚香南向拜舞自引決一家死者八人金將禮葬於後園為立廟事聞詔贈延康殿學士賜銀三百兩絹五百匹表揭門閭紹興中謚忠確與克戩同時巷戰死者有汾州兵馬都監賈亶事別見案是年後汾州入金無復兵事舊志名宦列陳賈西河守與妻杜氏死難考陳賈乃

山西通志卷一百六 名宦錄六 十九

杜衍知平遙縣謹密清整決訟明允

王益柔字勝之矐子伉直喜論事用蔭入官杜衍丁度宣撫

河東寓書言河外兵饑無法非易帥臣轉運使不可因條其

可往者衍度使還以學術政事薦知介休縣范仲淹未識而以館閣薦之除集賢校理仕至知制誥兼直學士院

田晝字承君陽翟人以從父況任入官知西河縣有善政民

甚德之以上汾州府

裴德裕聞喜人雍熙間澤州知州清廉不擾官至少府監勅

開國侯

吳中復字仲庶興國永興人第進士歷臺諫有直聲以天章



閣待制知澤州又為河東都轉運使熙甯中卒

李昭遘字逢吉深州饒陽人宗諤從子楊億嘗薦之仁宗時

知澤州陽城冶鑄鐵錢民冒山險輸礦炭苦其役為奏罷鑄

錢又言河東鐵錢真偽淆雜不可不革仕至天章閣待制卒

呂大忠藍田人嘉祐中任晉城令剛毅質直為治有聲

李景章崇甯中知澤州才識卓越善政宜人民咸德之

楊咸弼開寶間為高平令性嚴能決斷每抑挫豪右申理屈

滯愛民勸課開置屯田公私便之

楊仲元字舜明管城人第進士仁宗時知澤州沁水縣民持

物來輸者視其價稍增之餘則下其估官有所需不强賦民

聽以所有與官為入度相當則止率常先辦河外用兵督餉

轉西界夕宿洪谷口仲元相其地乃寇所由徑路亟命去之

山西通志卷一百六 名宦錄六 二十一

民以困乏為辭不聽寇果夜出劫諸部沁水獨免後二十年

其子過縣父老拜泣曰河西之役非公無今日矣初軍期尙

緩而仲元督行甚急至則芻糧有不集者皆可賤市後期者

物價數倍民始知其利州買羊斂民差出錢帛滋蔓病民為

甚更其令戶纒費錢百又遣吏市羔於他所明年以供州不

科民一錢仕至中散大夫卒仲元嘗戒諸子曰吾入官五十

年未嘗以私怒加人雖杖刑之微苟有兩比不敢與輕法以

是為報國爾

義甫慶厯間為高平令進階中散大夫性勤慎法令嚴明調

停振恤民免勞費而僉民徭尤多所裁省

程顥字伯淳世居中山後從開封徙河南舉進士為晉城令

富人張氏父死且有老叟踵門曰我汝父也子驚疑莫測相

與詣縣叟曰身為醫遺出治疾而妻生子貧不能養以與張

顥質其驗取懷中一書進其所記曰某年月日抱兒與張三

翁家顥問張是時纔四十安得有翁稱叟駭謝民稅粟多移

近邊載往則道遠就糴則價高顥擇富而可任者預使貯粟

以待費大省民以事至縣者必告以孝弟忠信人所以事其

父兄出所以事其長上度鄉村遠近為伍保使之力役相助

患難相卹而姦偽無所容凡孤殘廢者責之親戚鄉黨使

無失所行旅出於其途者疾病皆有所養鄉必有校暇時親

至召父老與之語兒童所讀書親為正句讀教者不善則為

易置擇子弟之秀者聚而教之鄉民為社會為立科條旌別

善惡使有勸有恥在縣三歲民愛之如父母熙甯初呂公著

薦為監察御史裏行哲宗初召為宗正丞卒文彥博題其墓

山西通志卷一百六 名宦錄六 二十二

日明道先生嘉定十三年賜諡曰純公清祐元年封河南伯

從祀學宮

張之才字次文遼人紹聖初為陽城令清謹愛民名聞當世

去官日辭湯廟詩云一官來此四經春不負蒼天不愧鬼神

道有靈應信我去時猶似到時貧邑人温光刻石頌之

董汙任陵川令忠於謀國切於愛民有學識抗疏罷毀淫祀

呂由庚任陵川令能興教化士風丕變提刑學士黃公廉以

詩寵之祀名宦州府以上澤

孫益宣和末以福州觀察使知朔甯府命救太原時敵勢張

甚或言不若北擣雲中彼將士室家在焉所謂攻其所必救

也益曰此策固善無違君命因躍馬冒圍至城下張孝純不

肯啟門遂死之益天資忠勇傾貲以賞戰士能得人死力云



初平

馬仁瑀大名夏津人從周世宗征高平師不利仁瑀控弦躍馬挺身出陣遂敗之世宗至上黨諸將坐失律誅者七十餘人擢仁瑀為弓箭直控鶴指揮使宋初從征澤潞又以功領常州防禦使開寶四年遷瀛州防禦使威名尤著太平興國初移知遼州四年征太原命分兵攻城遷朔州觀察使判瀧州事七年卒贈節度

安守忠字信臣陽曲人開寶五年知遼州民有陰召并寇謀內應者事泄悉斬以狗九年征太原與孫晏宜由遼州入既而與路羅碧監押馬繼恩會兵入賊境燔砦四十餘獲牛羊數千太平興國初移知靈州守忠謹愨淡泊為治簡靜所至藩郡樂施子豐宴犒故時論與之太祖征太原多與謀議而

人罕知云

山西通志卷一百六

名宦錄六

三

臧丙字夢壽大名入太平興國初進士平晉陽以丙為石贊善大夫知遼州丙素剛果有吏幹會同年生馮汝士知石州與監軍不協一夕剗刃於腹而死丙上言汝士死非自殺乞按治上遣鞠之召丙問狀丙曰汝士居牧守之任不聞有私罪若冤死不明不加宿直者以罪今後書生不能治邊郡矣上嘉其直改著作郎後充河東轉運使兼本路營田使終有諫議大夫

劉渙以諫官劾劉太后左遷典遼州治行卓異李宏知遼州宣撫使韓絳築囉兀砦調三十萬夫遼州最窮僻上戶猶配夫四百三十四僦直計三千緡下者十六人直十萬輦運經二十二驛民多破產上下莫敢言宏能約民力

所勝而餽不失期以訴其實令鞠罪御史裏行范育使河東請貸被劾官吏從之以上遼州

解暉洺州臨洺人隸兵籍戍雁門與遼人接戰斬七級獲首一人以功遷奉國軍隊長周廣順初從王峻援晉州率敢死士三千餘夜入遼師帳擊之殺獲甚眾宋初從征澤州力戰目中流矢師還策勲為內外馬步軍副都軍頭右第二軍都指揮使乾德六年詔領部軍屯上黨從李繼勳署太原開寶九年破太原軍於境上斬千餘級獲馬三十四太平興國二年詔於潞州北亂柳石園中築城置威勝軍以暉為軍使從征并州先下隆州賜子有加復令與石彥贊督戰士隸城西行營劉繼元降以太原宮女三人賜之俄以功遷本州團練使雍熙初充雲應寰朔忻代等州都巡檢使三年代歸終右

山西通志卷一百六

名宦錄六

三

千牛衛大將軍暉類立戰功金創徧體時稱驍將曹光實雅州百丈人太平興國四年征河東知威勝軍事令調軍食光實願提一旅奮銳先登上曰資糧事重亦足宣力也河東平命為汾遼石沁都巡檢使五年與潘美分道出雁門為前鋒遇敵迎擊敗之斬數千級優詔褒獎後為李繼遷誘害贈賻加等以上

程琳字天球大中祥符間知并州壽陽縣性方重寡言笑凡所處畫簡嚴明敏邑大治後累階至開府儀同三司勳上柱國爵廣平郡公食邑七千四百戶卒贈中書令謚文簡呂陶字元鈞成都人第進士知壽陽縣唐介辟僉書判官暇日促膝晤語告以立朝事君大節曰君廓廟人也薦應熙甯制科論新法不便入等元祐時仕至給事中紹聖時以集



貢院學士知潞州後致仕卒

張元濤字不倫元祐初任壽陽縣下令必信遇民以誠不欺月人服其化庭無留訟邑故孔子廟近市湫隘歲久圯陋元濤卜地改建為屋四十楹規制大備復延邑有學者處師位而首遺其子入學與諸生齒由是邑之人始奮然思向學焉

孟天常字子履河南人元祐末任壽陽令以能治劇稱興滯舉廢多所建置潞州司戶參軍張山為之記以上平定州

賀惟忠定襄人性剛果知書曉兵法初仕周知易州宋興授本州刺史兼易定祁等州都巡檢捍禦有功撫士卒得其死力戰無不克名震北邊十餘年契丹不敢南牧

張永趙郡人知忻州州產鹽轉運使欲以盜賊罪罪兵吏永

上言惡鹽累防兵非計詔弛其禁民甚德之餘政多類此

劉景文知忻州剛正公嚴恩洽民庶忻州以上

陳恕河北營田使改刺代州築城壘修戰具太祖知恕有心計詔為鹽鐵使

張齊賢曹州宛句人太祖幸西都嘗條陳十事首曰下并汾太平興國二年第進士四年代還會親征晉陽上謁忻州新下命知州事明年召還雍熙三年代州楊業戰沒齊賢請行授給事中知代州與部署潘美同領緣邊兵馬時遼兵自胡谷入齊賢誓眾慷慨一以當百遼兵遂卻先是約潘美以并師來會戰聞使為遼人所得既而美使至云密詔不許出戰齊賢夜發兵二百人持一幟負一束芻距州城西南三十里列幟燃芻遼兵以為并師至駭北走齊賢先伏步兵二千於

山西通志卷一百六 名宦錄六 三

土磴皆掩擊大敗之捷奏且歸功漢贊端拱元年冬拜工部

侍郎遼人又自大石路南侵齊賢簡府兵千人為二部分屯繁峙崞縣果為繁峙兵所敗二年置屯田領河東制置方田都部署入拜樞密副使淳化二年拜參知政事同平章事真宗初再拜同平章事以司空致仕卒諡文定

譚延美大名朝城人雍熙三年與田重進出飛狐北曰彼恃眾易我宜出其不意先攻之即麾騎軍直進遂獲大鵬翼端拱二年授邕州觀察使判亳州兼知代州是時任邊郡者皆領內地一州處其家屬從知潞州咸平中卒贈建武軍節度

柳開字仲塗大名幼穎異有膽勇既就學喜討論經義所交皆一時豪雋開寶六年進士歷知貝州及曹邢二州真宗即位命知代州上書言邊事及時政得失開至州葺城壘戰

具諸將多沮議不協開謂其從子曰吾觀昂宿有光雲多從北來犯境上寇將至矣吾聞師克在和今諸將怨我一旦寇至必危矣即求換郡徙忻州刺史及契丹犯邊上書請車駕

觀兵河朔四年徙滄州道病卒有集十五卷

劉文質字士彬保州保塞人太宗時以西京左藏庫副使為尚嵐軍使賜金帶名馬祥符中為石隰緣邊同都巡檢使天禧中知代州先是番部獲逃卒給絹二匹茶五斤卒皆論死時捕得百三十九人文質取二十九人以赦後論如法餘悉配隸他州再知代州卒

劉永年字君錫太原人美孫仁宗時知代州遼人取西山木積十餘里輦載相屬於路前守不敢過永年遣人焚之一夕盡事聞上稱善遼移檄捕縱火盜永年曰盜固有罪然發在

山西通志卷一百六 名宦錄六 三



我境何預汝事乃不敢復言上嘗問禦戎策對合旨書忠孝字以賜英宗時復知代州歷太原副都總管卒謚莊恪

劉舜卿字希元開封人神宗時知代州加客省副使遣遺謀盜西關鎖舜卿密易舊鑄而大之數日遠以鎖來歸舜卿曰

吾未嘗亡鎖也引視納之不能受慚去誅謀者仕至步軍副都指揮使卒謚毅敏舜卿知書曉吏事謹文法善料敵著名

北州

周永清字肅之靈州人以蔭入仕熙甯中知代州遠求地命

韓縝分遣永清試焉入對言疆境不可輕與人臣職守土不願行固遣之復上章陳利害竟以母病辭終東上閣門

呂大忠字進伯京兆藍田人第進士為晉城令熙甯中令與

劉忱使遠議代北地會父喪起知代州遠使蕭素梁穎至代

設次據主席大忠與之爭乃移次長城北換西上閣門使知

石州大忠數與素穎會屢以理折之素穎稍屈已而復使蕭

禧來求代北地神宗召執政與大忠劉忱議將從其請大忠

曰彼遣一使即與地五百里若使魏王英弼來求關南則何

如神宗曰卿是何言也對曰陛下既以臣言為不然恐不可

啟其漸忱曰大忠之言社稷大計願陛下熟思之議卒不決

罷大忠終喪其後竟以分水嶺為界大忠仕至寶文閣直學

士卒

李聳宣和末為崞縣令金人破城與縣丞王唐臣縣尉劉子

英同死之代州

高洪廣陵人熙甯間授朝散大夫知保德軍創建文廟於南

坡保德

李廷中字得中家洛陽太平興國進士嘗知解州恬于榮利

前後三求掌西京留臺卒建中書札為宋第一軼出蘇黃米

蔡上自署嚴夫民伯云

王禹偁字元之涑化四年自商洛移刺解州多善政見州堂

壁間石刻上鑄鹽池詩

張杲之符離人元祐間權知解州軍州兼管內勸農事雍和

鎮靜民咸樂之

李士衡成紀人知解州居官廉潔不求名譽

李衡知解州廉靜不為矯激民安物阜人咸思之

史新至和間以司封官解州有能名重新孺浚亭以樂其母

先是新父亦官解州為一時盛事

陳師錫字伯備建州建陽人舉進士廷試神宗閱其文屢讀

屢歎曰此必陳師錫也啟封果然擢第三元祐中以祕閣校

理知解州徽宗初為殿中侍御史首論蔡京蔡卞斥出卒

尹源字子漸河南人與弟洙皆以文學知名舉進士知芮城

縣有政聲後知懷州卒

張戢長安人橫渠弟由進士累調知靈寶縣熙甯初為御史

裏行累章論王安石亂法出知公安縣改夏縣縣素多訟戢

反復教諭不數月而訟衰靈寶之民遮使者車請曰今夏令

張君乃吾昔日之賢令也願乞張君還舊治使者為言於朝

去之日遮道送無不泣下者後徙監司竹監卒于官祀名宦

邵伯温字子文洛陽人雍子父友司馬光等屈名位輩行與

為再世交光入相嘗欲薦伯温未果而薨後為潞州長子縣

尉光子康詣闕邢恕召康詣河陽伯温謂康曰公休除

未

未

未

未

未

未

未

未

未

未

未

未

未

未

山西通志卷一百六 名宦錄六 三



見君不宜枉道先見朋友康曰已諾之伯温曰恕傾巧或以  
事要公休若從之必為異日之悔康竟往恕果勸康作書稱  
蔡確以為他日全身保家計康恕同年登科第又出光門下  
康遂作書如恕言恕益以康為光子言確有定策功世必見  
信既而梁燾以諫議召恕亦要燾至河陽論確功且以康書  
為證據不悅會吳處厚奏確罪燾與劉安世請誅確且論恕  
罪亦命康分析康始悔之康卒子植幼宣仁后憫之呂大防  
謂康素以伯温可託請以伯温為西京教授以教植伯温既  
至官則誨植曰温公之孫大諫之子賢愚在天下可畏也植  
聞之力學不懈卒有立後復知芮城縣仕至都轉運副使卒  
趙鼎少從伯温游及相乞行追錄贈祕閣修撰

山西通志卷一百八

名宦錄六

三

麻吉平陸縣令尊禮生儒創建學校

以上解州

宋敏求字次道綬子賜進士及第治平中知制誥判太常寺  
神宗初坐論宗室服貶秩知絳州然敏求議初不誤宰相曾  
公亮惡禮院因是去之是歲即詔遣後加龍圖閣學士卒特  
贈禮部侍郎敏求藏書三萬卷熟朝廷典故嘗建言河北陝  
西河東舉子性朴茂而詞藻不工故登第者少請令轉運司  
擇薦有行藝材武者特官之使人才參用而士有可進之路  
又州郡有學舍而無學官故士輕去鄉里以求師請置學官  
後願施行之

錢惟濟知絳州有強奪民條桑者不能得乃自斫其右臂誣  
以陷人惟濟引問面給以食盜以左手舉筋因語之曰他人  
行刃則上重下輕今下車上輕正用左手傷右臂也誣者引

服

謝皓字商老入太學與游權老龔吉老齊名時人目為三老  
元豐中第進士歷金部郎官遠使至命皓代張閏等接對皓  
曰不疑於物物亦誠焉苟待之以誠彼雖無知亦當屈服明  
年以太常少卿使遠比還凡北界山川地理名物情狀皆以  
聞遷司農少卿出守絳州以公廉稱

慈卿字釋回咸平間聞喜令李垂修學記云田賦平而民定  
川原肅而寇絕

安公武威人為龍門令愛民課士寓撫字於催科正風化於  
學校公餘講習舊業證辨新條能以經術飾吏治嘗於廳事  
東作醉經菴以寓沈湛經籍之意汝南袁幾刻石以頌其德  
政

山西通志卷一百八

名宦錄六

三

劉煜字耀卿河南洛陽人温叟子進士及第知龍門縣羣盜  
殺人捕得之將械送府恐道亡去皆斬之眾服其果後以龍  
圖閣直學士知河中府卒煜嘗善河中處士李讀讀卒為陳  
其高行詔以著作郎贈之

唐肅字叔元杭州錢塘人七歲能誦五經第進士歷官善辨  
疑獄嘗知聞喜縣終龍圖閣待制

以上絳州

葛懷敏知隰州有守禦功

劉景文元祐中守隰州治以最稱

以上隰州

孫固管城人進士知霍邑縣時相韓琦知其賢諭使來見固  
不肯往琦器重之

宗澤字汝霖婺州義烏人第進士調晉州趙城令下車請升  
縣為軍書聞不盡如所請澤曰承平時固無慮他日有警當



知吾言矣高宗初除龍圖閣學士言刑部指揮云不得臆攝  
赦文於河之東西陝之蒲解是視天下忠義之氣而自怒其  
民也臣雖竊怯當躬冒矢石為諸將先李綱薦知開封府河  
東巨寇王善擁眾七十萬車萬乘澤單騎至營招降之又連  
結河東山水碧忠義民兵卒贈觀文殿學士謚忠簡以上  
霍州

右宋一百五十一人

耶律學古字乙辛隱于越洼之庶孫好學工詩乾亨二年為  
彭國軍節度使時南境未靜民思休息乃禁寇掠以安之會  
宋將潘美率兵分道來侵學古以軍少虛張旗幟雜丁黃為  
疑兵是夜適獨虎峪舉烽火遣人偵視見敵俘掠村野擊之  
悉獲所掠物擒其將領自是學古與潘美各守邊約無侵軼  
民獲安業以功為惕隱卒

山西通志卷一百六

名宦錄六

三

右遼一人

蒲機知文水縣開常稔渠有碑記

楊伯元字長卿開封尉氏縣人登大定二年進士第調鄆城  
主簿進榆次令召為大理評事官至工部侍郎累遷安武軍  
節度使以才幹多被委任為推排定課使及審錄官人稱其  
平卒謚曰達祀名宦

史純大定間以忠顯校尉為陽曲縣令撫馴其民嘗禱雨烈  
石祠有應自作記

楊邦基字德懋華陰人好學天眷二年登進士第為太原交  
城令太原尹徒單恭貪汙不法託名鑄金佛命屬縣輸金邦  
基獨不與徒單恭怒召至府將以手持鐵柱杖撞邦基面邦  
基不動承德廉察官吏尹與九縣令皆免去邦基以廉為河

東第一召為禮部主事大定中同知西京留守事致仕卒  
烏林答吾干女泰和三年為榆次令有議幹訟者立辯曲直  
無不允服

喬天翼為合河令元兵陷城不屈死明嘉靖中提學閔以泣  
政有功臨難守節請登正祀

李好復中山安喜人為榆次令安集流逋撲滅奸盜後入為  
巡警使嘗縛一犯禁護衛真於法人憚其嚴以上太  
原府

張浩字浩然遼陽渤海人天會八年賜進士及第天眷中為  
平陽尹平陽多盜臨汾男子夜掠人婦浩捕得擄殺之盜遂  
衰息近郊有淫祠郡人頗事之廟祝田主爭香火之利累年  
不決浩撤其祠投其像水中強宗黠吏屏迹莫敢犯者郡中  
大治乃繕葺堯帝祠作擊壤遺風亭後封蜀王拜左丞相太  
師卒謚文康配享世宗廟庭

山西通志卷一百六

名宦錄六

三

楊伯雄字希雲正定藁城人皇統二年進士大定時為平陽  
尹先是張浩治平陽有惠政及伯雄為尹百姓稱之曰前有  
張後有楊徙河中府卒謚莊獻伯雄族兄伯淵喜收古書天  
會十年賜進士第知平定軍用廉遷平州路轉運使致仕卒  
劉冲誠宛平人知大同府尋改平陽府性剛古果於從善治  
民有方為一時能吏冲誠金史有傳舊通志  
大同名宦別作冲誠

李華河津人性穎悟讀書一再誦輒不忘舉進士累官戶吏  
二部尚書貞祐中拜參知政事後出知平陽城被圍屢出戰  
裨將出降華自殺贈尚書左丞金史作李華案華官太原歷  
河東北路轉運勾判嘗開五  
臺水利故五臺祀之名宦而史誤河東北路為河北東路五  
臺志竟書為臺州知州舊通志又改臺州為代州而以李華  
字華並列不  
實一人也



劉徽柔字君美大興安次人天眷二年擢進士第為開遠軍節度掌書記遷洪洞令明敏善聽斷縣人楊遠者投牒於縣以為夜雨屋壞壓其姪死號訴哀切徽柔熟視而笑曰汝利姪財而殺之乃誣雨耶叱付獄其人立伏曰公神明也不敢延死遂寘於法秩滿縣人遮戀不得去者彌日為立生祠刻石頌德大定二年同知河東南路轉運使事以廉第一改知平定軍仕至中都路轉運使卒

丁暉仁字藏用大興府宛平人皇統二年登進士第為和川令前令罷奕不事事羣小越法干禁無所憚暉仁申明法禁皆屏息或走入他縣以避之有董祐者最强悍畏服暉仁以刀斷指誓終身不復犯法凡租賦與百姓前為期率比他邑先辦大定中同知西京留守事首興學校以明養士之法卒

山西通志卷一百六 名宦錄六

官陝西西路轉運使

楊時翼城人大定間為本縣令篤忠愛戒貪殘教民務本民德之

趙景温丹陽人泰和間為襄陵令寬於御眾勇於立義多善政以廉謹著稱

孫九鼎定襄人明經狀元以尚書員外郎知翼城縣事時多盜鼎多方勦捕之梟其渠魁餘黨解散以上平陽府

李愈絳州正平人正隆間詞賦進士歷武定節度西京留守憲臺廉察皆最改知河中府事

馬伯祿字天錫通州三河人幼志學事繼母孝登大定二年詞賦進士調武清簿歷遷龍水令同知北京路轉運使南京提刑侍御史所至皆以清直能幹聞轉知河中府事卒謚忠

貞

王蔚香河人六定間為良鄉丞有卓異績超授河東北路轉運使廉為諸路最加知河中府

張萬公字良輔東平東阿人幼聰悟喜讀書登正隆二年進士第章宗初為彰國軍節度使明昌二年拜參知政事六年知河中府時軍興調發叢劇悉為寬假使民力易辦人為繪像於薰風樓又建去思堂尋入為平章政事封壽國公卒謚文貞配享章宗廟庭

蒲察婁室猛安人舉進士知河中府事後死王事贈資德大夫定國軍節度使謚襄勇

完顏宗道本名八十上京司屬司人通周易孟子善騎射知河中府有惠政民立像於層觀以時祀之

山西通志卷一百六 名宦錄六

牛德昌字彥欽蔚州定安人皇統二年進士為萬泉令屬蒲

陝薦饑羣盜充斥州縣城門晝閉德昌到官即日開城門縱百姓出入榜曰民苦饑寒剽掠鄉聚以偷且夕之命甚可憐也豈奸宄比耶能自新者概不問賊皆感激解散縣境以安

府尹王伯龍嘉之禮待甚厚累官太原尹卒贈中奉大夫

晁會高平人為猗氏令丰饒奇偉器度恢宏善訓誨勤撫字時分俸以給貧乏陞興平軍節度副使

吳鑄長春人大定三年宰榮河撫民有方蝗不入境旱禱即雨民刻石頌之以上蒲州府

沈璋字之達奉聖州永興人遼時學進士業與李師魯同附金為山西路都轉運副使太行賊陷潞州殺其守姚璠官軍討平之命璋權知州事璋至招復遺逃賑養困餓收其橫尸



葬之未幾民頗安輯初賊黨據城潞軍當緣坐者七百人帥府牒璋盡誅之璋不從帥府聞之大怒召璋訶責且欲殺璋左右震恐璋顏色不動從容對曰招亡撫存璋之職也此輩初無叛心蓋為賊所脅有不得已者故招之復來今欲殺之是殺降也苟利於眾璋死何憾少頃怒解因召潞軍曰吾始命戮汝今汝使君活爾矣皆感泣而去朝廷聞而嘉之拜左諫議大夫知潞州事百姓為之立祠移知忻州改同知太原尹加尚書禮部侍郎時介休人張覺聚黨亡命山谷抄掠邑縣招之不肯降曰前嘗有降者皆殺之今以好言誘我是欲殺我耳獨得侍郎沈公一言我乃無疑於是命璋往招之覺即日降轉尚書吏部侍郎西京副留守同知平陽尹改鎮西軍節度使天德元年致仕卒

山西通志卷一百六 名宦錄六

蕭仲宣皇統間為昭義節度使政尚平易然能約束小吏不敢為奸賄賂禁絕百姓為立祠

孫德源大定初遷沙河令大定間改昭義軍節度使潞州破被執俄有拜于前者皆沙河舊民密護德源釋之貞祐二年拜工部尚書攝御史中丞

韓俊天會間知襄垣縣盜賊蜂起率眾禦之且戰且城寇漸平又築外城民有所恃

喬辰知襄垣縣嘗著座右銘

賀允中大定中遷承直郎行襄垣縣令勤政愛民廢墜修舉烏塘遂陽人大定間任長子令舊訟牒累千塘至判決如流

革包納侵漁之弊招撫流移復業民立德政碑以上海安府

郭企忠字元弼唐汾陽王子儀之後郭氏自子儀至承勳皆

節鎮北方唐季承勳入於遼子孫繼為天德軍節度使至昌金降副使企忠襲父官金天輔中軍至雲中遣耶律坦招撫諸部企忠來歸軍帥命同勾當天德軍節度使事天會三年領西南諸部蕃漢軍兵為猛安從破宋雁門屯兵即鎮代州明年賊楊麻胡等聚眾數千於五臺討平之遷知汾州事是時汾州初下居民多為軍士掠去城邑蕭然企忠詣帥府力請願聽其親舊贖還帥府從之未幾完實如故石州賊閻先生眾數萬至城下僚屬慮有內變請為備企忠曰吾於汾人有德保無他乃率吏民城守會援至合擊破之六年遷天德軍節度使後權沁州刺史卒

山西通志卷一百六 名宦錄六

郭震河間人孟門縣令才能恭勤革除奸弊威以馭吏仁以及民邑人立生祠

劉文通大定年任甯鄉令振興文教均賦寬民

宋德玉泰和年任甯鄉令性聰才捷訟理化行以上汾州府

左祕州人太師企弓之子皇統初為澤州刺史廢一切鈎距細苛不嚴而治刑獄猥積決遣無留平南山盜革守城繁

役秋糧納粟請折以米費省不費歷政三年清儉自處吏畏民安綽有政聲

李仲略高平人文簡公子幼敏悟善屬對大定間官至都曹

以父老乞歸特授澤州刺史蒞政剛介特立不阿權勢值歲歉發倉振濟後自劾以聞上嘉之賜勅獎慰

許安仁字子靜獻州交河人善屬文登大定七年進士第明



昌四年以左補闕諫幸金蓮川疏奏罷幸出為澤州刺史作無隱論上之凡十篇皆切中時務在郡二年徙同知河南府升汾陽軍節度使致仕卒謚文簡安仁賢實無華澹然有古君子風

楊廷秀華州人官司諫泰和初自獻州刺史移刺澤州政平訟理民用康又雅善文辭注程楊易傳行於世自號虎峰居士升平涼府同知

劉敏行平州人天會三年進士為高平令縣城圯壞久不修盜橫恣掠縣鎮不能禦敏行出已俸率僚吏出錢雇役繕治百姓欣然從之凡用二千人版築遂完鄉村百姓入保賊至不能犯累遷河北東路轉運使卒

王庭直天眷間知高平縣劇盜蜂起庭直悉力集事修澹城隍民恃無恐

山西通志卷一百六

名宦錄六

三

魏繼隆天會間任陵川令首重學校嘉惠良民

張怡開封人大定間為陽城令清靜簡易寬而能斷民樂其化為立去思碑祀名宦

察剗吾歌泰和間以安遠大將軍行高平令仁而能斷和易不苛剗剗撥繁雖織悉罔有滯者懲奸化暴遠近俱安

田居敬陵川令廉明正直勤撫字樂教誨有瑞麥嘉禾之祥郭質泰和間為高平令識度深遠操履方潔其學校繕城垣

郵民興教扶善鋤惡民為立祠以上州府

移刺胡刺大定二十六年為彰國軍節度使應州寺僧與判

大宗正事曹王永功有舊將訴事於胡刺求永功手書為地胡刺得書奏之上謂宰臣曰永功以書囑事胡刺此雖細微

不可不懲凡人小過不懲遂至大咎有犯必懲庶幾能改是亦教也皆曰今用法無私臣下敢不敬畏於是永功解職

大懷貞字子正遼陽人大定中由忻州防禦遷彰國軍節度使縣尉獲盜得一旗上圖亢宿詰之有謀叛狀株連幾萬人懷貞請誅其首亂者十八人餘皆省釋嘗以私忌飯僧數人就中一僧異常懷貞問曰曾為盜殺人否對曰無之後三日詰盜果引此僧皆服其明察以上大府

蕭仲宣遼中書令守司空特末子從天祚至石幢鐸天祚留仲宣侍母遂皆見獲皇統時歷順義昭義軍節度使為政平易小吏不敢為姦賄賂禁絕奴婢入郡人莫識其面朔路百姓皆為立祠刻石頌之正隆二年卒已見路安府

完顏承元字博禮本名元奴代王充子幼聰敏日誦千言大定中為順義軍節度使朔州西境多盜而猾吏大姓蠢獄訟

山西通志卷一百六

名宦錄六

三

替亂賦役承元剔其夙姦百姓安之坐賣馬與驛人解職又起歷昭義絳陽軍節度使後卒承元歷典大藩多知民間利害所至稱治順義政迹尤著民為立祠

捕察鄭留字文叔東京路猛安人大定二十二年進士累官順義軍節度使西京人李安兄弟爭財府縣不能決按察司

移鄭留平理月餘不問會釋莫孔子廟乃引安兄弟與諸生敘齒列坐會酒陳說古之友悌教事安兄弟感悟謝曰節使

父母也誓不復爭相讓而歸朔州多盜鄭留禁絕游食及多蓄兵器因行春撫諭之盜乃衰息獄空賜錫宴錢以褒之貞

祐中致仕卒以上州府

完顏九住宗室子為武州刺史唐括季果速為軍事判官貞



祐二年十一月元兵取九住子姪抵城下謂之曰山東河南今皆降我汝之家屬我亦得已不速降且殺之九住曰當以死報國遑恤家為無何城破力戰而死李果速亦不屈死焉

階九住臨海軍節度使加驃騎衛上將軍李果速建州刺史

加鎮國上將軍仍令樹碑歲時致祭甯武府

呂宗禮性穎悟有才辨行業過人天會九年詔郡邑設吏員

鄉里以宗禮謹愨推試吏事擢律科進士第一權遼州事充

河州知法權防禦判官轉文林郎遼州司候判官卒祀名宦

楊伯元開封人初為榆次令有惠政以憂去起遼州刺史政

績益著已見太原府重出

馬克禮漢馬援後知和順縣事德惠及民君子謂不忝其先

有德政碑遼州以上

李完字全道朔州馬邑人經童出身復登詞賦進士第以任

澄城主簿廉選定襄令世宗嘗選能吏八人按行天下完其

一也後任河間府治中提刑司言完習法律有治劇才升沁

州刺史仍以聖書褒論承安中卒完長於吏治所至姦惡屏

迹民皆便之

王特起崞縣人進士太和中為正定錄事參軍有惠政改沁

源令愛民禮士去後人思之崇祀名宦

楊閏襄垣人金末同知沁南節度使銅鞮令城陷死難以上沁州

趙秉文字周臣磁州滏陽人幼穎悟登大定二十五年進士

第為同知岢嵐軍州事泰和二年十月為甯邊州刺史三年

改平定州前政苛於用刑每聞赦將至先捨賊死乃拜赦而

盜愈繁秉文為政一從寬簡旬月盜悉屏跡歲飢出祿粟倡

賑民以賑全活者甚眾仕至翰林學士卒

智樞大定間知孟縣寬而有制百事具舉越二載夏大旱禱

於藏山引咎自責俄大雨歲乃登以上平定州

傳慎徽沙溪人宋末進士金天德年忻州刺史瀆質篤古有

惠政重修學校

劉煥字德文中山人天德元年進士以監察御史攝戶部員

外郎代州錢監雜青銅鑄錢錢色惡類鐵錢民間盜鑄抵罪

者眾朝廷患之下尚書省議煥奏曰錢寶純用黃銅精冶之

中濡以錫若青銅可鑄歷代何緣不用自代州取二分與四

六分青黃雜糅務省銅而功易就由是民間盜鑄陷罪者眾

非朝廷意也必欲為天下利宜純用黃銅得數少而利遠其

新錢已流行者宜驗數輪納準換從之遷管州刺史以廉升

鄭州防禦使遷遼東路轉運使卒

周美巴蜀人知管州德政顯著有去思碑記

石琚中山人天眷二年狀元以廉幹由刑臺改令秀容縣額

設勾直十五人市井無賴竄名者甚眾琚至逐去民大悅有

訟者召至諄諄諭使自愧服期月大治以上忻州

僕故忠義本名烏者上京拔盧古河人宣獻皇后姪元妃之

兄也皇統八年為兵部尚書海陵篡立出為震武軍節度使

火山賊李鐵槍乘暑來攻忠義單衣從一騎迎擊之射殺數

人賊乃退改臨洮尹世宗立拜平章政事封榮國公大定六

年卒諡武莊

張大節五臺人天德中進士調崞縣丞章宗初知太原府閱

歲授震武節度使以并代鄉郡故優寵之及致仕仍權其子

歲授震武節度使以并代鄉郡故優寵之及致仕仍權其子

歲授震武節度使以并代鄉郡故優寵之及致仕仍權其子

山西通志卷一百六 名宦錄六 天

山西通志卷一百六 名宦錄六 天



嚴叟忻州刺史以便祿養以上代州

高懷貞廣陵人大定元年授朝散大夫知保德軍改建文廟於城內西北隅

李晏高平人由進士於大定間除黎城令有治行遷知保德軍修城便汲政平訟理盜賊屏息歷西京副留守沁南昭義兩鎮節度使卒謚文簡大同舊有晏德政碑

張令臣博平人泰和元年授奉議大夫知保德軍提督常平倉事重修文廟殿宇兩廡垣墉補缺像正位次起講堂齋舍庖廚等類有碑記以上保德州

耶律德元遼人大定間知解州軍事時歲旱綠林之黨嘯聚山谷德元曰先除民害後祈雨澤神必不違密與數騎直造賊穴追捕之賊黨平遂祈雨於五龍祠雨隨降民歌頌之

田特秀京兆人承安間知解州治民以寬繩吏以嚴政暇集州諸生講解疊疊不倦

王庭直壽春人皇統中為夏縣令文學政事蔚有可觀以上解州范承吉字寵之好問學遼天慶八年進士丙科歸金天眷四年從攻太原五年知絳州先是軍興民有為將士所掠而逃歸者承吉使吏徧諭俾其自實凡數千人具白元帥府許自贖為良或貧無贖者以公府代輸六年改河東北路轉運使時承宋季之弊民賦繁重失當承吉為經畫立法簡便所入增十數萬斛官既足而民有餘歷同知平陽尹西京副留守

遷河東南路轉運使歷鎮西軍節度使致仕卒

高汝礪金城人大定中進士為石絳二州刺史人謂政事文學可比樊宗師富鄭公後相宣宗號良相卒配享宣廟

學可比樊宗師富鄭公後相宣宗號良相卒配享宣廟

山西通志卷一百六 名宦錄六

孫肅字孟容奉聖州人幼勤學天眷二年擢進士第調平遙縣主簿遷絳縣令以廉入為尚書省令史仕至參知政事卒諡貞憲

張敏富平人登大定四年進士初授解州判官調聞喜令有惠政民為立碑

孫鼎臣為河津令以辟舉入仕清慎明敏才極一時之選號良吏以上絳州

施宜生邵武人天德中為隰州刺史有惠政

王天祐潞州人太常博士進階奉議大夫知隰州穎性疏通俾才精勵屢議大禮國度以貞歷著治猷民生允殖

劉汲大定間由進士任蒲縣令政平訟簡民物康阜以上隰州移刺阿里合遼人與定中為霍州刺史元兵至戰敗與寶昌軍節度副使孔祖湯俱被執不跪向闕立元人叢矢射殺之祖湯亦不屈死以上霍州

完顏仲婁室子本名石古乃體貌魁偉通女直契丹漢字世宗時為西南路招討使兼天德軍節度使政尚忠信決獄公平蕃部不敢寇邊召為左副都點檢終北京留守

完顏蒲查治詞孫領猛安皇統間除開遠軍節度使斥候嚴整邊境無事大定中再遷開遠軍節度卒蒲查廉潔忠直臨事能斷凡被任使咸稱其職以上歸綏道

右金七十九人

譚澄字彥清懷來人父資榮金末為交城令以縣來附賜金符為元帥左都監仍兼交城令年四十移病舉弟資用自代資用卒澄襲職澄幼穎敏為交城令時年十九汾陽郭節遷

資用卒澄襲職澄幼穎敏為交城令時年十九汾陽郭節遷



文谷水折以理令均其利於民豪民持吏短長察得主名皆以法治之乙未籍民戶有司多以浮客占籍及征賦逃竄殆盡官為稱貸民無以償澄入覲因中書耶律楚材面陳其害太宗惻然免之王子復大籍民澄盡削交城之土著者賦以時集甲寅留世祖藩府而以其弟山代為交城令

程元直遼州人至元間為交城令勸農興學政平訟簡升絳州守令

王明安燕人太祖時選守霍州以忠勤擢為平陽總管元帥奏留鎮守忠恪不移卓有異政

劉秉恕字長卿秉忠弟至元間歷官平陽路總管歲荒民艱食輒開倉以振之全活者眾卒於官

采而只西夏人至德間任襄陵有德政民為立石頌之

也速歹兒東原人大德間知洪洞縣能以文學潤飾吏治

杜英延祐間任曲沃重學育士敬神恤民

郝信臣至順間任太平捐俸濟民有惠政碑存焉

閻得中至正間任曲沃首建社稷壇鼎新文廟惠愛黔黎作興人材民歌之曰泮宮之崇以扶儒宗社稷之封以祈年豐

肇之者誰令尹之功

馬思忽別以華容縣達嚕噶齊原作達魯花赤依調翼城豪邁以經濟自任公退杜門一無所交雖家人亦不敢以私事

溷嘗值客兵雲合恣侵掠即闔城門集丁壯禁駭騷橫秋毫無犯百姓德之後受代北歸邑人驚相謂曰公何來遲而去速也爭挽留不已為立碑頌之

楊宜翼城人時元孫任本縣尹縣之東山有炭窟穿斷歲久

憲廟均宜親視其地創為開置以便民南川水利灌田甚廣民爭訟不已宜斷理得其平治三十餘年政廉明善謀斷無少玷闕

沙班敬昇至正十五年以黎城主簿監翼禮士愛民建社學免其徭役達嚕噶齊設於州者為

葉企顏上蔡人至正十九年以統軍元帥行翼城縣尹事撫慰軍民行伍無庚癸之呼編戶絕追呼之擾遠近懷服有遺愛焉

按攤不花伊山人至正間薦授岳陽縣達嚕噶齊恤刑薄賦招集流亡惟恐一民失所有政績碑

王元禮至正初任翼城尹開誠心布公道獎善良疾姦惡興學校有古循吏風

虎篤鐵木兒字伸威館陶人至正中任翼城達嚕噶齊政舉民服嘗值春旱躬詣臥龍祠禱雨輒應民立感應碑記之

劉天孚字裕民大名人中書驛史累官知河中府視事始兩月陝西行省丞相阿思罕舉兵至河中天孚日夜治戰守

具選丁壯分守要害阿思罕斂船濟兵遂入城以扼河渡鎮舟楫為天孚罪欲脅使附已天孚投河死阿思罕籍其家郡人咸哀痛之事平詔其弟天惠給驛以歸其柩贈推誠秉節

功臣中奉大夫河東山西道宣慰使護軍彭城郡侯謚忠毅

案陝兵從上都蕭王輔泰定帝太子其善甚正善志載天孚言吾家微賤荷朝命至此今不幸遭大變吾何忍從之而負上恩云云所謂朝命上恩不知何指又時方九月而云天寒

河冰方堅天孚拔刀研冰開其為飾詞亦可以概見並刊之

靳克忠字唐臣潞州人知河中府期年政事修舉西兵至克

山西通志卷一百六 名宦錄六

山西通志卷一百六 名宦錄六

續修四庫全書 史部 地理類 卷一百六 名宦錄六



忠以忠義自勉誓死禦之或勅少避其鋒曰吾守臣也去  
安之城陷公服坐廳事執至也先帖木兒前抗論不屈遂遇  
害封郡公

八扎海牙畏兀人自和州轉河中府達嚕噶齊陝西行臺御  
史也先帖木兒舉兵應上都軍河西岸海牙與知府靳克忠  
極力捍禦相拒旬日統軍者宵遁敵遂自大慶關渡河被執  
不屈死於奉元省門之外

護虞實至正間知河中府蒞政二載聲譽籍甚以憂去後為  
河東運使惠愛尤多民為立碑紀之

董輔卿河中人至正間知猗氏縣田賦徭役任編氓社戶自  
相推派行之以公民稱便焉未期政平訟理民為立碑

姚思聰字達天進士泰定二年知萬泉縣歷任清白治有能  
聲所至政平訟理有蝗不入境之異

石正卿泰定四年宰萬泉政尚廉平獄無冤濫後秩滿遷正  
平尹人為立石頌之

不古魯歹字守道至正間為萬泉令民紀其政績於碑祀名  
宦

胡元真字幹卿知萬泉縣秉性剛直守節清苦豪猾畏威奸  
諛喪氣有修學記

月輪失帖木兒萬泉令通經重道公廉有為嘗請免賦以濟  
民饑民為立石頌德以上蒲州府

周幹臣長清人至元中以河東肅政廉訪司知事守潞州時

親王小薛奉命牧馬潞沁間牧人有奪民田為牧地者幹臣  
詣王啟其事王令悉還其田潞無賴民好解牛以規利幹臣

作詩化之民罔敢犯者

蔚恕泰定間知潞州教民興利民多便之

陳伯福後至元間知潞州教民孝弟勸課農桑人咸德之

張景岩河東人至正間知潞州興廢補弊政多可稱

溫珪輔天歷中知潞州有勸課農桑之政

曹璣潞州人知本州有善政

倒刺沙于闐人至元初為襄垣達嚕噶齊有政績民為勒碑  
紀之

邳明肥鄉人至元間任壺關縣政平訟簡整飭學校遇旱蝗  
禱雨輒應蝗不為災後升本州同知入名宦

傅仲禮元貞間知襄垣縣甚有惠政民思不忘

陳善屯留人大德二年為本縣尹拓修廟學肇啟人文明正

德六年入祀

郭思敬延祐二年知襄垣縣無私交嘗修學校為政能令人  
畏服

白謙延祐間任黎城尹時值大亂後學校荒廢無書籍可讀  
乃出素所積並廣求四方經史子集凡四千二百餘卷作藏  
書樓貯之其功在學校甚鉅

楊綱字道紀永年人至順元年知襄垣縣好儒重士創修廟  
學興利除害士民信服

郭從善至正間為上黨尹時盜賊縱橫從善能和輯其民整  
義旅與關保虎林赤犄角破賊保澤潞與有功焉

齊泰至正間長子尹修繕城池表揚耆德

劉依仁淇人至正間尹潞城治效居一時最繼尹屯留尤以

山西通志卷一百六 名宦錄六



幹濟稱時縣有冤獄依仁一訊辨明之民為立平冤碑  
張鵬翼字大舉河南祥符人至正間為屯留尹時盜賊徧起  
能親當矢石為百姓禦患又以計擒借盜為奸者禦寇掠供  
芻米指顧而辦生平謙沖淡薄絕無饋遺上官怒廷爭不屈  
去民為立碑

馬復廣平人至正間為黎城尹適蝗旱復引咎自責禱於神  
蝗尋去大雨滂沱歲乃有秋黎人立碑紀之以上節安府

郭琪堅州人孝友明律令達政事用法平允延祐間升知汾  
州增秩朝列大夫

宋景初任甯鄉令經學淑人德化敷治奸黨震伏善類獲安  
王翼甫平陽人大德中知平遙縣守已安民去任民思不忘  
齊思古榆次人至順初知平遙縣愛民如子興利除害境內

安堵去任民有餘思  
山西通志卷一百六 名宦錄六 四

高本冀甯路人至正間知平遙縣廉以持已仁以愛民鋤強  
扶弱民安時靖

武弁少通書史十八歲任平遙尹歷官少中大夫  
蔡演至正間任甯鄉尹天性挺秀持身清慎政善化洽人皆

頌之  
楊乘字文載濱州渤海人至正初為介休縣尹民饑為盜賊

立法招之使自新皆棄兵頓首願為良民  
韓謙河南人至正間知平遙縣公勤廉慎三年如一日被朝

命問理賊黨滌除冤濫活者數百家有德政碑  
馬麟至正二十六年知臨縣開誠率物制造房舍崇尙學校

政績至今賴之

宋守謙河南汝甯人至正間寇入孝義焚劫甚慘守謙由總  
兵都鎮撫司經歷署孝義縣事撫傷殘恤困苦招徠逃潰者  
復其業又定團練之規設防禦之略立科差之等開渠堰之  
利不數月民若更生立石表績

周景福南陽人孟門尹政簡刑清民安物阜嘉禾紀瑞者再  
以上節安府

段直字正卿澤州晉城人至元十一年河北河東賊起直聚  
鄉黨族屬結壘自保世祖命將略地晉城直以眾歸承制署

潞州元帥府右監軍其後論功行賞分土世守命直佩金符  
為澤州長官澤民多避兵未歸者直命籍其田廬於親戚隣

人之戶且約曰俟業主至當析而歸之後逃民多來還命歸  
其田廬如約民得安業素無產者則出粟振之為他郡俘掠

者出財購之兵死暴露者收瘞之未幾澤為樂土大修孔子  
廟割田千畝置書萬卷迎儒士李俊民為師以招延四方來

學者不五六年士子以通經被選百二十有二人任官二十  
年多惠政特命提舉本州學校事未拜卒子紹隆嗣長官興

學校平版籍民多賴之  
葉企顏上蔡人至正間以統軍元帥知翼城縣事擢知澤州

撫育民生惠澤遠被興學造士茂著聲稱已見翼城

普顏特穆爾一名布哈至正間為澤州達嚕噶齊勸課農桑  
作興學校嚴信牌辨究抑獄於民教以孝弟節義民多感

悅  
關世傑字英甫晉甯人至元四年由兩臺掾薦舉為陽城尹

大布恩信勸課農桑講明彝教士民聞風嚮義為立德政碑

山西通志卷一百六 名宦錄六 四



頌之

劉好德至元間為高平尹有治劇才舉廢墜招流亡重建學廟正祀考曰理殘邑而飭振從宜招遺黎而撫安復業創興發宮以尊俗而導民蓋得為政之先務者

李裕大德間以才名薦為陽城尹初下車即問民疾苦勸農桑興學校邑人德之祀名宦

韓汝弼字真輔保定人至順元年為陽城縣尹興廢舉墜汰冗食罷不急變士風善民俗早禱輒應連歲大稔邑人立碑頌之

路有讓字文遠廣平人至正三年為陽城縣尹有異政崇儒恤貧化行訟簡

趙繩祖字嗣宗燕山人至正十一年為陽城縣尹立政敷教

恩布威行民懷其德刻碑以頌

陳榮祖密縣人至正間任沁水縣尹時兵戈雲擾百姓匿巖穴中下車首以撫綏為任示以恩信民漸復業尤留意風教

增置學田若干畝

張輔銅鞮人高平教諭至正間擢陵川尹時破頭潘先生自鄴攻潼關兵臨縣城城陷力竭不屈死以上澤州府

韓浩宜都元帥兼應州彰國軍節度使善附循士卒一軍傾心又愛護百姓性持正人不敢干以私至今土人猶知有韓元帥云

王居禮字子敬泰定間知應州修學開渠著有善績

米尹宣甯人性敏達知懷仁縣治民有方上官見其能遇疑難事無不委之剖決如神獄皆得情既去耆老思之為之立

碑以上大

庫庫春原作開唐古原作元氏世祖時擢大同廣勝庫達嚕噶

齊廣勝庫者貯兵器之所時總管唐古哈雅以庫作公署置甲杖虛庫中多被蟲鼠害庫庫春言於上復之使者薛綽布哈等檄取鷹房軍衣甲弓矢庫庫春實其人文書領去大德

元年升大同路武州達嚕噶齊甯武

請都刺字瑞芝凱烈氏通經成宗時除遼州達嚕噶齊以政聞賜上尊名幣除集賢直學士後遷襄陽路達嚕噶齊山西

大饑河南行省恐流民入境為變檄守武關諸都刺驗良民輒聽度關吏曰得毋違上命乎諸都刺曰吾防奸耳非警良民可不開其生路耶又煮粥以食之活數萬人

李僕絳州人至元六年任榆社尹直諫廉明篤信和易務德

化不恃刑威二年夏大旱禱於廣靈王崔府君廟暴身烈日中朝夕拜懇越四日雨衣履盡濕拜祝猶未已四境霑足歲大熟邑人立石頌焉

王天祐上黨人至元十五年任榆社尹興學勸農政教兼舉士民戴德焉

秦松齡大德間任榆社尹天資篤實為政寬平以上遼州

杜豐為沁州長官十餘年寬徭薄賦勸課農桑民以富足請老卒沁州人立祠祀之

陳思濟字濟民柘城人以身器見稱世祖即位建省部俾掌

敷奏姚樞許衡皆器重之剛直守正不附權要至元五年拜

監察御史劾阿合馬不法帝命廷臣正之思濟厲聲曰御史言官也非為辨訟拂袖而出知沁州簡要不務苛察遷兗河



南江北等處行中書省事卒年七十贈吏部尚書諡文肅  
 張德鄰字友仁壺關人至元間任沁源尹履正奉公不避權  
 勢除煩苛抑貪鄙武鄉民孫元住以疑盜繫獄援引至數十  
 人上官屬德鄰按問委屈推究元住獲平反議者咸服其明  
 經營成卒擾民以法繩之莫敢犯恠任三年盜息民安受代  
 之日吏民嘆息為立去思碑聖裔孔克方有記崇祀名宦  
 廉答失蠻中山人監生久客江淮得性理之學至正初擢武  
 鄉尹居官行政皆本平日所學勤強扶弱有不吐茹之風  
 去任邑民思之為立遺愛碑崇祀名宦  
 李唐臣武鄉人至正六年任本縣尹秉公守正值久旱痛自  
 刻責遂大雨四郊霑足歲稔嘉禾生有一本六穗之異崇祀  
 名宦

山西通志卷一百六 名宦錄六 至

張綱武鄉人至正間任本縣尹政教兼施威愛並用嘗謂僚  
 倖曰牧民者有恤民心恤民言心恤者民信言恤者民疑時  
 妖氛為患綱諭以大義遠近不惑崇祀名宦以上  
 阿兒思蘭海牙平定達魯噶齊時大旱祈雨有應民立感應  
 碑  
 拜住東平王安童之孫至元狀元為孟州守恭敬仁愛士民  
 賴之皇慶七年平章政事進左丞相振立紀綱修舉廢墜裁  
 不急之務杜僥倖之門加惠兵民輕徭薄稅天下晏然祀名  
 宦以上  
 居理貞唐兀人承父蔭監管州有政聲  
 王克義崞州人國子生至正間授平準職轉定襄尹期月治  
 行民比之龍圖

劉德新洺水人至正間自柘城尹調定襄未期年政理事修  
 部使者薦於朝民為立碑頌德以上  
 李元鳳汝甯人至正丙午知代州州自戊戌經兵燹後廟學  
 鞠為邱墟元鳳下車捐俸修復之聚子弟肄業其中時軍賦  
 繁急民鮮生聚絃誦不聞者越數年矣人以為難  
 完者不花至正中權知堅州撫輯殘民輕徭薄賦甚有治聲  
 時方營造五臺費皆出自近山州郡兵後州民靡敢弗忍重  
 擾遂與同知韓仲彬議出官錢置水磨取其租值以供應之  
 一時稱便以上  
 袁知州失名光州人至正十三年府谷官軍作亂承樞院吳  
 命撫禦之明年授保德知州凡有糧儲科役造作必躬詣樞  
 院請省減才畧明敏耆士為建坊暨碑記之

山西通志卷一百六 名宦錄六 至

許仲傑字漢臣長清人至正十三年由毗陵推官以廉能擢  
 知保德州捐俸修州治兼治供奉上官器具及贊砌備學垣  
 基有碑記以上  
 鄭公至元間以尚書省宣使守解州清白整肅勸農興學吏  
 民從化嘗禱雨有應  
 靳用古先為曲沃尹大德間知解州嚴而不苛境內清肅嘗  
 修山泉之利引流入城愛人利物有碑記頌功  
 葛榮至元間平陸縣尹重修縣治儒學政績著聞  
 張式河內人大德間夏縣尹修孔子廟溫公祠  
 也真不花蒙古人居燕山延祐二年監安邑事性英明泣政  
 公平洞達經史有綱紀門無私謁不尚華靡所居若寒士獄  
 獄無不得情鄰壤之氓亦願就質有遺愛碑祀名宦祠



薛信解州人延祐間任解縣尹士庶服化奸邪畏威管捐費修五龍廟為鄉里祈禱所歷升晉甯路治中壽八十餘

程伯啟任平陸尹重建縣治禮士愛民有良吏風

戴侯至正元年以陝西省平章保舉監安邑事禁豪強除宿弊值歲凶貸官儲以濟飢民多賴之

普顏不花至正間平陸縣尹天資明敏學問宏裕蒞治一以愛民為心每遇東作介騎減從自攜乾餼勞民畝畝故室多

蓋藏家絃戶誦去後民思慕之為立遺愛碑

許義夫礪山人為夏縣尹親詣鄉社教民稼穡見勤謹者出已俸賞之怠惰者罰之三年間境內豐足

辛邦彥汾西人由甯晉榆社主簿調夏縣尹廉惠明察建司馬溫公祠立皋門李綽等塚及常平倉有德政碑

山西通志卷一百六 名宦錄六

蒲機興元人進士知芮城縣嚴明剛正吏畏民懷罷修池之

夫革石榴之貢開墾荒蕪全活逃亡

王仲文祥符人知夏縣為政寬簡濟恤孤貧嘗出郊勸農自齋米煮粥民私增粟數枚食畢乃遺棗於民年老致仕遂家於夏縣子翰孫汝正俱以文學名

靳和曲沃人居鄉喜周貧乏導人以善後仕元知絳州政治公平

彭仲德東明人至元中知絳州有遺愛碑

李榮祖雲中人至正初知絳州有政績碑

宋克篤長白人至正間進士知絳州時稱其文章政事方文

潞公

程元直亳州人初知交城勸農興學政平訟簡人心悅服升

知絳州原府 已見太

岳宏南頓人至元十八年為垣曲尹治有殊績縣治儒學並景山亭皆其所建

左庫庫春河間東光大德七年知垣曲縣性廉介好讀書法令嚴明吏民畏服有去思碑

王傑澤州人延祐間任聞喜縣尹均賦康時興學倡化廉幹多著美績

劉尚質曲沃人泰定間任稷山縣尹守已清廉為政平易後遷翰林院編修擢御史忠直敢言得風憲體引年休致日與學士靳榮題詠邑人以二賢名之

按思溥化偃師人舉進士知聞喜縣六事備舉政治有聲部使者舉為守令之最朝廷遣賜官幣以旌之

山西通志卷一百六 名宦錄六

葛裡字克敬文安人至正二年任稷山縣尹撫民多方邑樹碑頌之

藥僧唐兀人至正十八年自中書任稷山達嚕噶齊才猷過人愛民如子時賊寇逼境邑人大恐欲潰僧與縣尹張名昭主簿法顯祖同心協謀以為備禦卒賴保全民立碑頌之

張名昭順德人至正十八年任稷山縣尹撫民禦賊與藥僧同政

劉履謙至正間以絳判知絳縣政績昭著

徹里特穆爾景州東光人至正十九年任稷山達嚕噶齊睦

察宋撫百姓興利革弊政化大行

韓昇隰州人為本州刺史以策干太師穆呼里授干夫長經

畧有功授戶部尚書佩金虎符子夷相繼為本州刺史



楊思聰知大甯縣政平訟理蝗不入境以上州

莊欽祖趙城尹禦虜患崇文教政績甚異

冉大年至順間任靈石勤於政事案無留牘暇則巡行郊陌勸課農桑民甚德之鼎建孔子廟於靜昇村今塑像俱存以上

霍州

楊克公河間景州人至正四年任興州知州革弊平訟吏民

思之祀名宦以下

齊元彝樂城人至正間知興州撫字有方流移者咸復其業民為立石

楊致道清苑人天歷二年由西河主簿升文水縣令蒞任五

載清潔善撫字為諸縣最

程克明禹城人榆次尹下車首詢民瘼修舉惠政會歲饑勸

富室出粟賑之所全活甚眾

張儉大同人延祐間自秀容主簿遷榆次尹為政公平斷獄

明允旁邑訟有不直者咸來質成尤能以善迪人而喻以愛

親敬長之道百姓愛之立德政碑

月輪失帖木兒延祐間治太谷公廉有為嘗請免太谷協濟

庶民為立碑頌德已見蒲州府

齊思恭大名路人先為國子助教元統間尹榆次治政嚴明

豪猾斂跡邑人愛慕久而不衰

侯洪字有容太原人舉進士初為離石判官進尹榆次廉直

無私遇事立決雖簿書纖悉不遺祀名宦

劉鏞忻州人至正間令榆次以儒飾吏筆翰如流時巨寇劉

入忽等自陝至潛出邑境鏞察其有異收之果服人以為神

代去民為立石頌之並太原府

牛天麟恒山人元貞年任鄉甯縣重建文廟作興學校

王元士字堯佐恩州人至正四年以進士任吉州知州為政

不苛士民咸戴祀名宦並平陽府

袁士廉知壽陽縣創築城垣有功民社平定州

右元一百二十七人

山西通志卷一百六

山西通志卷一百六

名宦錄六

五



名宦錄七

錄一之七

山西通志第一百七

賜進士出身頭品頂戴兵部侍郎兼都察院右副御史巡撫山西提督軍務張鼎舉  
旨監修

守令 明洪武至正德

胡維賢定遠人洪武五年以平陽同知陞太原知府清謹端  
正剔蠹蒐弊解紛決壅談笑處之創修太原府治見葉砥碑  
記

王天爵南部人以賢良舉知太原府直諒不欺初赴召時太  
祖問所讀經以書對因試欽若昊天文稱旨問治州縣如何  
對曰首在得民心民心既得則州縣事治矣又問以知府對  
曰當戒左右無為州縣擾則府事治矣既又問以布政使對  
曰是則臣見所未及也太祖歎息稱善遂以太原命之居官

山西通志卷一百七 名宦錄七

有治績

施文學尚嵐知州時尚嵐遺黎僅存文學撫綏有法民獲復  
蘇乃按古酌今於有關於治化者悉力修舉祀名宦

杜斌洪武初任嵐縣以廉能著績民傳頌之

楊榮祖寶應人任交城課農桑均徭役後以憂去民思慕之

潘原英山東歷城人太原知縣改築城池重葺廟學雅善謀

士當兵戈凋殘之際興賢育才絃誦不輟祀名宦

尹暹安豐人任興縣政平訟簡賦役均平陞知歸州民思其

惠立善政碑後遷平陽府同知

韓文寶徐溝知縣措置有方公廨學校壇壝驛傳以次修舉

祀名宦

姚翁直隸永平人榆次知縣公廉謹恪治政有為民懷其惠

知府祀名宦

劉觀直隸保定人進士任太谷知縣善催科不事敲扑而輸  
將競勸聽訟能得情政事之暇督諸生讀書親為講授以考  
績去行李蕭然擢御史累官至參政祀名宦

宋虹唐縣人由人材任祁縣廉慎有為以才行超卓遷御史  
終知府

陳棟儀封人任文水崇尚文學以禮導民

徐本洪武初任平陽府知府建廳署葺壇廟清驛傳荒殘景  
象煥然一新民有苗氏子家貧母篤老乞丐以養歷年不懈  
周以衣食俾獲遂其志尋奉召入朝

徐鐸南昌人洪武初以戶部侍郎改知平陽府濬永利池改  
建臨汾縣學祀名宦

山西通志卷一百七 名宦錄七

李諒山東濰縣人洪武二年以中書檢校任翼城知縣性樸

素遇事持以公正修建壇壝廟學移縣治以避水患除奸宄

以安良善祀名宦

丁憲直隸棗強人臨汾知縣勤其官能得士民心政績最著

祀名宦

洪彥昇福建莆田人進士任汾西知縣修學校建廟壇立廡

舍厝注有方民不為擾祀名宦

周郁山東濟南人襄陵知縣持身嚴潔為政寬宏均賦役平

獄訟民爭德之擢渾源知州祀名宦

陳宗哲歸德人任岳陽招集流亡改科田稅民樂歸之

劉亨遵化人任汾西為政公平操守廉潔陞本府同知

徐政湖廣大冶人洪武三年任蒲州知州愷悌慈祥民服其



化當兵火後翕然有熙暉遺意祀名宦

廷德洪武初萬泉知縣廉敏有肆應材當開國初悉心興舉久之規模乃立祀名宦

蔡景武汜水人洪武初知潞州以公勤著陞嘉興知府

劉任原昌平人知潞州政行茂著德澤及民陞本省參政

張璧蒙城人洪武初知潞州城縣修舉廢政招撫流移政行期年吏畏民懷

崔鳳河南項城人知黎城縣時當兵燹後井里盡墟官廳秩祠僅存壁趾鳳下車招復流移撫恤如子因以其暇修舉頽廢邑漸以治升直隸大名府同知

袁有常直隸正定人襄垣知縣政寬不弛值大饑多方撫綏民無失業

山西通志卷一百七 名宦錄七 三

茆志道洪武八年任汾州知州厲精治具壇壝廟祠學校官署以次畢舉而勞來有方閭里不擾人咸稱之

紀正隴州人知汾州有善政歷升府尹

顧碩天台人元時進士洪武初任石樓縣能才善治百廢具興民多受其福奉祀春秋至今感慕

殷近仁嘉興人博學能文與其弟原誠原善友愛安貧養志洪武初以孝弟舉授平遙知縣未幾親喪葬祭盡禮服終以所著蒞政戒銘四十二篇獻之於朝擢廣西參政

齊政山陽人孝義令每黎明起視事無繁簡皆立判暇則循行阡陌導民樹藝野無曠土俗臻富庶升戶部郎中

武信潞州人介休知縣持身以廉牧民以德縣署學校增廟步所增創後陞陝西僉事人多思慕之

韓偉岢嵐人平遙知縣清慎仁恕庶務畢興

李祥湖廣人洪武初以人才舉知澤州時干戈甫定城郭蕭然乃建州治修學校民不知勞招集流移延師訓教境內稱治云

王堅福州人以人才知澤州作興學校整修廟社民有方蒞事勤慎州人稱之

李芾鄧州人陽城知縣勸課農桑愛民如子凡事務求節費時多興作民不知擾既去民思之

王珪知陽城縣建養濟院惠民藥局及倉廩多惠政

鄭允先天台人洪武間任渾源州仁愛有學公暇即詣學與諸生講論經史歲餘閭閻充足士風興起立祠祀之

陳立誠洪武間知應州創建悉出經畫諸務皆由措置改築城池移修廟學規模宏遠永為依賴

石享鳳翔人洪武間知朔州勸民力穡訟至立得其情兩諭解之民皆感悅坐事免父老爭赴闕頌其治行乞留詔從之

周至善洪武間任榆社知縣均賦役停訟獄能公能勤上下稱之祀名宦

邵善高郵州人洪武六年任沁源令首建縣治公廡修立學校招集士類升工部郎中

鄭孟珏興山人由人才知沁源勸農興學均平賦役升左督府斷事

程宗道舒城人洪武間任平定州知州時當草創宗道悉力

吏治披荆棘撫凋瘵使閭閻有起色典制具舉

鄭居破孟縣知縣值兵燹後逃亡不可數計居敬悉力招徠

山西通志卷一百七 名宦錄七 四



漸次復業而壇壝公宇以時修葺規模具備

吳原庸江南濠州人壽陽知縣時經兵荒民多失業原庸

集流散教之力作建縣治毀淫祠諸務釐然具舉

邵子俊孟縣知縣性剛直遇事慷慨具得體要尤能悉人情

偽以片言決之祀名宦

王竊孟縣知縣清甯寡欲凡所建設悉準民情政事之暇躬

至閭閻教以孝弟祀名宦

鍾友諒浙江錢塘人洪武間以舉人任忻州知州有長材嘗

開國初安輯殘黎創立法修舉城郭公署祠廟壇壝咸備

擢金華知府

楊大德靜樂知縣有德政修碾河堤壇壝舍廟祠公署多所營

造

山西通志卷一百七

名宦錄七

五

葉砥浙江山陰人以進士任定襄知縣當大兵後境內蕭然

砥悉心招撫殘黎乃有起色雅善屬文一時碑版多出其手

擢考功郎中與修永樂大典

侯彥實建昌人洪武間知代州政教兼舉後升應天治中

劉英順天寶坻人繁時知縣經理賦役號均平嘗以抗疏言

事解官去父老數百人備列治狀諸闕保留得復任考滿改

雲陽縣祀名宦

蔣普整府谷人洪武間知保德州創立之始治績居多

張謙明初由解州判升平陸尹忠信篤敬慕司馬君實為人

秩滿占籍夏縣四方之士多歸之卒葬司馬墓側

間育會稽人以禮部員外郎改任夏縣有循良稱

顧登洪武十年任絳州知州精彊有心計凡廟社祠壇踵前

改經理者或修或建規制悉備祀名宦

李公讓濮州人中書省掾授稷山知縣勤慎公廉修舉廢墜

後調江西新喻縣民攀戀不忍其去

崔宏毅丹徒人任垣曲值羣盜競起設法弭之民賴以安後

升湖廣僉事

陰煜容城人任聞喜以廉幹稱

王汝霖江西湖口人以進士任河津知縣性廉敏有理煩治

劇才政事修舉民安其化開國初治行最著祀名宦

李昇蓋匡人洪武初舉明經知永和縣坐事降五臺縣典史

以秋霜殺禾請賑獲罪百姓訴於朝特詔升夔州知府祀名

宦

辛耀即墨人以工科給事中出知永和為政公廉以農桑學

山西通志卷一百七

名宦錄七

六

校為首務累升陝西按察使

張先洪武十一年任靈石縣恤民愛士時當草創百廢具與

以上洪武時

張羽陝西武功人舉人建文三年任文水縣建治靡學邑有

稱十虎三彪一太歲者悉按法徙之時以為能

王士嘉字道亨武城人建文中由國子生除大同山陰知縣

善決疑獄有齋錢百緡臥樹下失之者士嘉曰此樹為崇吾

將治之趨駕出土民傾城往視偵不往者果得盜代王內藏

失物戶局如故士嘉曰此必狙公教狙竊之乃陳幣於庭呼

羣狙過伺而觀之果有狙攫去詰其主皆服人以為神後為

禮部右侍郎致仕卒

郝瑾邯鄲人永樂中任太原縣有惠政既去人多思慕之



汪添昂麻城人任祁縣以循良著績

劉俊直隸淮安人榆次知縣器宇軒豁遇事周詳慎重措措得宜未決期頌聲丕作祀名宦

萬觀宇經訓南昌人永樂十九年進士知嚴州府治行爲海

內第一服闋嚴金衢民交乞之朝廷異焉補平陽府政績益茂有芝生堯祠棟上士民皆言使君德化所致觀曰太守知

奉職而已芝非吾事也考滿擢山東左布政使卒

楊睿河南柘城人平陽府知府明習治體厝注咸合民情未

數月刑清政簡境大治尋卒于官祀名宦

劉濬臨川人永樂初任臨汾守身廉謹政平訟簡吏民不敢

欺升湖廣僉事

傅榮洋縣人任曲沃以剛明著聲

山西通志卷一百七

名宦錄七

七

艾敬三原監生永樂中知長子縣有政聲

張軌清潤人永樂初以監生知吉州起復汾州政善民安任

滿奏留加四品俸後以疾致仕

劉以文黃岡人永樂間以温州府照磨擢陽城令明於政體

不矯飾爲廉不姑息爲惠歷九載民乞留加二級又九載治

行優優化洽於民及致仕去民慕之不忘

周郁濟南人永樂間知渾源州時旱蝗郁齋沐虔禱蝗飛出

境川南有虎傷人郁牒于神是夜虎果入籠中後升荊州知

府所在民有餘思

張復長葛人永樂間任朔州以才幹稱

石亨陝西鳳翔人永樂中知遼州爲政仁恕民有去思碑

呂昭字克明江南崑山人永樂間沁州知州先以薦授徐州

訓導上書言事蒙嘉納改浦城縣丞升今官貧不能治裝浦

城人驟金贈之卻弗受至徐州天甚寒猶衣單衣前受業弟

子爲製一裘質寒雖泣沁益著廉謹子且舉進士貽書戒之

勉其以廉自守言甚厲沁人至今思之

李本淨靈寶人永樂間任孟縣知縣仁慈不苛嘗期以德化

民境內嘉禾有一本三四穗者人咸謂善政所感

宋鎮知保德州存心公正蒞政勤能撫字有方士民頌德

林元叔任解州秉心正直履行光明剖決如流施教不忘

劉珪與平人知夏縣廉能懋著明於大體不矜苛細吏畏民

懷仕至山東左參議

蘇浩河南南陽人以進士任安邑廉謹事無大小必審處之

寬厚不苛祀名宦

山西通志卷一百七

名宦錄七

八

蘇洪南陽人知安邑縣以平勤仁慈著稱

俞士真江南婺源人以進士任芮城知縣清白有特操先官

郎中風采大著及蒞芮能以古循良治攝綬小弱均賦役修

學校興舉悉中民情而規爲措置百度具飭祀名宦

霍毅蒲城人永樂間以刑部員外出任大甯公平忠厚剖決

詳明以縣地磽瘠論民植桑聚以活興利除害民安其業越

三年復原官後擢本省僉事亦以振肅聞

楊瓊蠡縣人永樂末進士知趙城縣課績爲山西最仕至浙

江右布政使卒

楊春汶上人宣德間任文水政尚簡易時稱爲良牧

孫慶安定州人任興縣多所營繕不取於民後陞監察御史

王磐山東沂州人宣德初知浮山縣廉鯁不屈遇旱齋戒自



賈徒跪拜禱得雨而後已及去民攀留泣下

黃壽靖州人宣德初知潞州嚴不入苛吏民畏服任滿當代潞人保留復歷二考致仕

燕雲咸甯人潞州知州甚著聲績

陳道宣德間知石州清政簡有德政碑

王憲鄆縣人宣德初知陵川縣政平訟簡民賴以安及代去民遮道送之

段浩齊河人宣德中知遼州為政公直民甚悅之

舒本謙餘姚人知平定州安靜不擾惠愛及民多懷之

任泰陝西咸甯人宣德間任保德州知州廉直無私遇事立決雖當艱大無少滯人推公敏祀名宦

王汝積浙江金谿人宣德間以舉人知絳州絳居民稠密產

山西通志卷一百七 名宦錄七

九

薄稅重多健訟汝積謂人給斯教可行教行斯訟可息躬歷

隴畝勸農桑課勤情不數年土田悉墾漸饒裕乃大葺孔子廟修舉學政勵諸生延師儒教民間子弟雖愚且賤懇懇誨

之不倦旁邑民間以事至亦必教以敦本節用之道凡有徵集第書片紙付里甲悉踴躍樂赴無敢後者舊俗好鬪不勝

輒投井死親屬厚誣必至破產乃已嚴禁之有自斃者槩不受理劫盜出其途能先知即掩捕置之法在任九年訟息獄

空教化大行當考績遽卒士民勒其政蹟于石祀名宦宣德時

張瓚字宗器孝感人正統十三年進士知太原府有善政後

巡撫四川移總督漕運卒

劉文莊直隸正定人太原府知府習吏事知民隱舉悉當

聽訟明敏祀名宦

劉因鹽城人正統初以布政司檢校擢陽曲縣知縣能以廉自守泣政明敏無留牘累官應天府治中祀名宦

劉純山東歷城縣人正統十年任嵐縣剛直不阿人皆稱頌

郝鳳直隸人嵐縣令修城捍民設阱禦虜

王璉咸陽人任嵐縣以廉能稱

劉敏直隸大興人以舉人任太原縣知縣修葺城垣濬鑿濠塹練習吏事行寬於嚴擢太原府同知祀名宦

王或直隸開州人正統六年任洪洞縣知縣廉幹有善政嘗

遇大水禾稼漂沒或履畝親勸即以狀上聞得免租稅賈珪巴縣人汾西知縣清勤仁恕

張廉山東泰安人正統初任蒲州州判擢本州知州政務實

山西通志卷一百七

名宦錄七

十

惠不市虛聲嘗以憂去職民盧靜等以千金賄拒不受相率

走闕下乞留命仍治州事課吏讀律教民耕織無牛種木棉者為之勸借修學宮舜廟及河海神祠平反冤獄尋致仕去

民肖像祀之刁正東鹿人正統初知潞州政尚慈祥尤善作興士類後升

武昌府知府

徐兗山東商河人以太學生知長子縣募丁壯建城樓設器械以備邊警歲歉加意賑恤民無流移

洪鈞新城人以舉人知屯留縣有德政芝草生于堂柱

張璟臨潼人知潞城縣涖官清慎修學造士尤得人心升苑

馬丞

李善岐山人正統中以進士知汾州重建州治修舉廢缺廉



以律已勤以愛民歷升真定知府

閻昇陳州人正統初知介休縣蒞政不苟撫字有方因民逋逃爲之申免糧稅後卒於官居民巷哭之

王儉平涼人知介休縣愛民如子有犯不忍加刑

黃彪平樂人正統間以舉人知應州振濟有方催徵不擾祀名宦

邢誠鄆縣人正統間知遼州爲政勤儉深得民心每朔望詣學爲諸生講書史憂憂不倦祀名宦

許通泗州人正統間知平定州性剛果善斷吏畏民懷

史魁平鄉人正統間靜樂知縣有謀略能任艱鉅蒞任時邊警日至魁繕城垣裕倉儲設守禦皆有法度復集丁壯教以騎射於是人有固志上下相安尋擢蔚州知州

張智正統中知五臺縣在任九年政多善績

吳惠江西浮梁人正統七年以進士任解州知州質疑重亦復廉幹有爲御衆接下具有法度嘗貸錢于民遇逋賦即收其息足之又時行民間聽紡織聲勸懲其勤惰遇貧不能婚者悉給以費俾成禮修葺廟學取諸囊中無所擾嘗欲開墾場利百姓爲當道所沮悒悒累日比入觀喜甚謂可面奏其事會卒京邸不果解人聞之皆流涕祀名宦

雷縉陝西同州人以舉人任夏縣知縣墾荒田濬水利凡有興作俱關百年大計嘗值編審差役視貧富無規免者暇時召父老子弟以孝弟勤儉戒勸之祀名宦

李寧河南祥符人正統四年任絳州知州執法不撓洞悉民隱所與舉悉得體要民肖像羊舌廟中祀名宦

劉智山東長城人以監生任絳縣知縣性溫厚爲政以公平著歷九年百姓走闕下乞留晉六品階仍知縣事又九年始致仕歸祀名宦

李哲知垣曲縣因舊城狹隘兼以南面溼沒展修高丈餘民賴保障厥功甚偉

包得仁蒙陰人知絳縣法令嚴明豪強懾服才能卓越調文水

胡貞扶風人正統初知永和縣嘗買牛數百給貧民耕種修廟學廳舍築城郭

何子聰直隸吳橋人以進士任趙城知縣嗜讀工書爲政體悉民情以愷悌著而建城創廟爲百姓永利厥功尤偉祀名宦以上正

山西通志卷一百七 名宦錄七 十二

山西通志卷一百七 名宦錄七 十三

劉震字伯威河南洛陽人景泰七年任榆次知縣撫民以恩尤慎於刑獄豪強警服盜賊自化祀名宦

李維新陝西狄道人以監生任徐溝知縣政以振飭爲先蒞任九年擢中城指揮祀名宦

張玘直隸霸州人以監生知清源縣重學惠民後升霍州知州祀名宦

高安河南睢州人以進士令文水揮霍有長材處煩劇裁決裕如施爲有次第嘗修縣廨開渠水迄成功不用民間一錢擢監察御史祀名宦

張雲平谷人景泰四年以舉人知臨縣廉潔無私政事修舉庭無獄訟學校振興升漢州知州至大同府知府祀名宦

王澤霑化人以監生知介休縣法令嚴明威制豪強人心帖



服廟廡齋舍皆所增修

馬榮長汀人以監生知石樓縣盛德鴻才時皆頌之

沈純東平州人知孝義縣甫下車即飾學宮庀祭器整壇壝

修城隍邑有王才里當西出之路山東岷巖於行墮高堙下

俾十餘里間曠坦可通兼軌民以負租逃者招之復業獨其

租既去民思之不忘立遺惠碑

彭鏞湖廣石首人介休知縣性廉介洩官以公勤著嘗疏水

利蠲逋賦繕城郭凡利於民者無不舉祀名宦

梁杲甯鄉知縣嚴明有才略承己已變創建城池永為保障

民甚德之

任通易州人景泰間以舉人知陵川縣修廢振墜勞績茂著

有遺惠於民

山西通志卷一百七

名宦錄七

十三

霍瑄字廷璧鳳翔人由鄉舉入國學授大同通判用薦就擢

知府也先擁英宗至城下瑄與理餉侍郎沈固等出謁奉命

括金帛充犒固悉所有獻之已而復至郭登戒嚴弗應瑄號

泣從水竄匍匐出叩馬嗚咽衆露刃叱之不為動因獻英宗

服物出金帛犒軍英宗嘉歎密諭瑄與登堅守瑄還也先數

出沒大同渾源伺軍民樵采脫歸者率傷殘瑄具為奏老弱

聽暫徙發粟賑而所留城守丁壯除賦役秩滿當遷鎮巡諸

臣乞留詔加山西右參政仍治府事英宗復位德瑄及固徵

拜瑄工部右侍郎而固亦以石亨薦起為戶部尚書既而巡

撫上瑄治行賜誥旌異瑄在大同時巡撫年富被逮瑄責其

家還里為鎮守大監韋力轉所惡撻之十餘瑄至是以聞且

言力轉每宴輒用妓樂服御僭侈強取部民女為妾力轉被

逮許瑄上兩釋之

胡貞扶風人先知永和景泰間推應州買牛給耕雪冤除獄

政聲益茂祀名宦

章綸桐城人以給事中請應州判尋擢知州洞達治理案無

留贖敏練仁恕有功地方歷官參政

黃誠舒城人景泰間以舉人知遼州聰明果斷蒞政克勤修

學校率百廢士民思慕不忘祀名宦

梁昱江南崑山人景泰間以舉人任平定州知州性仁厚文

學政事卓然為一時冠比卒士民罷市哭之

朱鏡濟河人景泰間五臺知縣抑暴扶良修廢舉墜境內清

肅後知代州及告歸道出五臺民留三載敬愛不殊瞻背

胡士甯江西樂平人景泰元年稷山知縣廉幹有為涖任時

山西通志卷一百七

名宦錄七

十四

見城池頽廢慨然以修濬為任勞來有方祀名宦

朱凱甯甯人知垣曲縣興學校勸農桑政績甚著升太僕寺

丞以上景泰時

王允廷津人天順間任祁縣牧民有方既去人思之

孫緝豐城進士任嵐縣剛毅不苟決斷如流吏畏其明嘗重

修文廟升御史

王準陝西神木人嵐縣知縣清廉勤慎修學宮朔文教士風

丕變祀名宦

王珏字廷玉山東昌邑人天順六年以歲貢任翼城知縣清

勤端恪撫細民如子民亦愛如父母間出米豆奉之輒欣然

樂受少有犯法立治之不貸威信甚著解官去爭奪肩輿肩

之前受管者亦競前泣下邑故多循吏然必以山東王為稱



首山東王者翼人追稱之辭也祀名宦

葉穆福建人天順初以舉人知汾州一年調吉州巡撫李侃薦其去汾人思到吉人悅一廉如水六事孔修尋升河間府同知

伍秀松溪人以舉人知吉州尋以賢能調汾州詔旌異之

汪清固始人景泰間進士授監察御史嚴毅剛正因忤權貴

天順元年左遷知臨縣興學勸農通水利減徭役鋤強梗旌

善良凡有便於民者以次修舉丁外艱去士民送之至有涕

泣者祀名宦

姚昱甯鄉知縣性坦易遇事明決公以持已勤以蒞政卒於

官 田愉安化人以舉人知平遙縣邑素號難治以清介自持蒞

事精察鋤奸去暴人以剛大稱之

羅綱餘姚人以舉人知遼州威惠並施加意學校公暇即課

試諸生祀名宦

高亮灤州人由舉人知武鄉縣常巡阡陌課農桑省民疾苦

道遇田婦饑耕者取視之皆穰穰藜藿流涕曰民窮如此牧

民者之罪也後入覲民爭餽贖儀一無所受

陸鏞江南崑山人以進士任保德知州性溫厚尚德化誠能

格物嘗遇旱禱雨立應擢工部郎祀名宦

趙愷陝西清水人天順七年任河津縣愛民如子號稱長者

邑大旱禱雨有應立碑儀門左

張諒河南鹿邑人以貢士任稷山縣清介甘淡泊優禮文士

布德施惠吏民悅服而革弊除奸以嚴行愛尤得惠人遺意

擢知吉州祀名宦以上天順時

張鼎字大器陝西咸甯人成化間以進士知太原府鼎受業薛文清與聞性命之指洩太原土豪孟某挾其家人暴里中鼎按以法指揮董敬誣人下獄已論死鼎廉其枉出之後歷

官戶部右侍郎

陳鑑臨清人由舉人知岢嵐州蒞政三載教化大行歲旱省

刑撤從禱城隍曰吾與公幽明雖殊同主一方忍眎斯民坐

斃邪乃以鐵索各繫其頸同暴烈日中傾之大雨任內嘉穀

生祀名宦

張紀岢嵐知州警敏有才智舉不失當尤長於救荒貧糴廢

業者施給牛種流民皆歸

宋信字中孚趙州人以舉人令榆次有清操不事鞭扑而張

弛鑿鑿中理境內大治祀名宦

梁琮字廷玉蠡縣人以舉人令榆次貌古樸言訥訥不出口

而彊毅有為治具舉舉祀名宦

劉偉陝西朝邑人以進士令文水持身清慎遇事剛方有為

嘗違眾議積穀萬餘石備荒歉民卒賴之擢監察御史祀名

宦

張壽陝西華陰人以舉人令太谷性高潔剛正有為時衣舊

布袍飯脫粟佐以藜藿部使過邑中供億甚菲頗怒之既入

其寢室惟律一部公服一襲乃亟加優禮任九年以內擢去

祀名宦

李琮順天人成化十九年知平陽府甫下車即除積弊為民

患者數人皆預訪其款蹟繫之庭以實之均俯首伏罪由是

山西通志卷一百七 名宦錄七 十五

山西通志卷一百七 名宦錄七 十六



台郡安堵時有神明太守之頌不期年政簡刑清吏民懷之  
胡睿直隸長垣人進士任平陽知府有清操臨事謹慎為政  
以精密著祀名宦

樊瑩字廷璧常山人天順末進士知平陽府有聲宏治初許  
大臣保舉方面官侍郎黃孔昭以瑩應尚書王恕亦器之擢  
按察使仕至刑部尚書致仕卒贈太子少保謚清惠

薛驥江南華亭人襄陵知縣先官御史稱敢言及小謫慈祥  
愷悌以簡易著卒以不附權貴解組歸祀名宦

謝謙山東章邱人以舉人任襄陵性謹厚事無大小必慎以  
處之不敢忽然發奸摘伏稱有為上官屢旌異之祀名宦

劉璣字用齊陝西咸甯人進士除曲沃知縣縣產棗民有罪  
令人棗贖積數萬斛歲饑賑粟不給發棗繼之正德中仕至

戶部尚書致仕卒

李咨直隸故城人以進士令襄陵明于吏事嘗置二簿記民  
間善惡以時勸懲歲凶煮粥食饑者纂修縣志徵文考獻稱

一時信史擢監察御史祀名宦

王綸直隸開州人以進士任浮山夙負文學名待士有禮而  
治民尤勤嘗刻表忠勸學二錄令民間誦讀祀名宦

賴英任邱人任翼城知縣仁以御民嚴以束吏民皆慕之  
許鵬字雲程山陽縣人由舉人任四川邛州成化二十三年

補蒲州政績優異撫按請行旌勅詔賜誥命及其父母重修  
學宮創建書院有碑記

崔明直隸新城人以舉人知萬泉縣慈惠精明劬奸剔蠹興  
學育才治行爲一時最邑有冤死者以蝴蝶辨其獄罪人立

得蟻蟲生將害稼爲禱於神鴉食之殆盡民有幼子爲狼噬  
訴於神次日狼忽自斃因以示之當時稱爲五奇絳州陶參  
讓銓有碑記其事

毛鳳來河南西平人進士除臨晉知縣沖年入仕民多易之  
值甲辰大饑盡發倉粟以賑又募富民出貸百姓賴以存活

時盜賊蠶起乘機劫掠鳳來嚴禁四捕立磔諸市盜尋息  
馬遜臨清人榮河知縣政多恤民修祠著績升太原通判

張安陝西環縣人繼毛鳳來知臨晉縣時凶荒雖脫力田無  
具流離者襁望不能歸且該年稅糧催徵如故安極力請免

民獲漸甦與毛令並歌咏之

張曉陝西三原人進士任襄垣縣廉謹愛民政無不舉有清  
水明鏡之謠徵拜御史官至按察使祀名宦

王紳字晉卿湖廣安化人進士知屯留縣有才畧爲政不拘  
一轍簿書之暇親巡阡陌勸課農桑又時進諸士子講學課

藝尋擢御史累官副使祀名宦

王祐山東金鄉縣人由監生知壺關縣鋤強扶弱四民樂業  
以憂去祀名宦

易鵬固始人進士知長子縣剛明果斷政先躬率多惠績升  
御史

甯智襄垣知縣創建城樓有仁聞祀名宦

劉璜直隸清苑人進士知襄垣縣值大饑振教有方全活甚  
眾祀名宦

李崙陝西臨潼人進士知屯留縣甘貧好學不事修飾時大  
饑役民鑿河河治而民不飢全活頗眾歷河南參政祀名宦

山西通志卷一百七 名宦錄七 十七

山西通志卷一百七 名宦錄七 十六



才寬字汝栗直隸遷安人成化間以進士任石州知州宏達  
精敏有經世畧調繁潞州後以兵部尚書總制三邊仗節死  
義祀名宦

劉鉞撫甯人介休知縣以廉明稱卒於官

張瓚富塗人由監察御史知介休縣愛民禮士不畏強禦政  
聲丕著

李瓊河南孟縣人以舉人任孝義清敏有特操中貴過縣頗  
橫肆多需索一無所應逼之則徑解衣以奉中貴愕然為愧  
謝嘗被誣繫獄事白復泄縣事節操愈勵

甯靖湯陰舉人由蘇州推官知澤州清慎之操終始如一民  
有訟者必反復譬喻使之自改不輕笞一人祀名宦

陸偉字仲奇錢塘人由舉人授澤州知州時州游饑請發帑

賑救全活以數萬計所行一切守法請託不行強禦不畏甯

山衛軍民雜處久不靖懾以德威彼此帖然葺州治備倉儲  
興備學修明道先生祠民甚懷之致仕歸卒年八十九

張晟高平知縣簡易鎮靜不事表暴邑俗民無貴賤喜音樂  
晟下令禁止四境肅清革淫祀民服其化停雜役民安其生

史書字獻忠靈臺人進士陽城知縣時年甚少大猾路省祭  
頗輕之會新縣門其家人取餘木以去命逮之路至厲聲曰

木無幾耳遂足煩簡書取書曰木即無論多寡亦論公私若  
為吏熟習律例獨未知常人盜官物尚以徒論耶路然因

叱左右鑿殺之聞縣皆驚在任清慎自勵愛民如子再知平

山以治行擢吏部

狄宗文甯州人以舉人知沁水縣抑強植弱禁令畫一以剛

廉著聲

陳梁涇陽人以舉人任潭源知州地有恒山素禁樵採梁請  
弛禁民獲利南人充大同軍役不服水土多死者梁上其狀  
遂各調本土衛所軍民圖保祀焉升贛州同知

張文質扶風人以舉人知潭源州時有妖狼為祟牒城隍攝  
狼至磔于南壇之右歲旱禱雨立應他邑歎潭源獨稔調知

潭州民思之為立碑

蕭智寶雞舉人應州知州才稱果斷政尚清明丈土地民畏  
如神厚學校士服其訓祀名宦

汪昱延慶州人以舉人知應州持身清素居官公恕民安事  
妥吏畏獎絕祀名宦

呂文延津人知朔州性廉直人不敢干以私體恤民隱備至

尤善營建自學宮以至鋪舍胥煥然一新時稱循吏

陳鎰臨清人以舉人知遼州秉性剛毅鋤強去暴盜賊屏跡  
吏畏民悅祀名宦

連盛永年人進士知和順縣蒞政公勤吏民畏懷升御史  
張玘霸州人沁州知州勸課農桑作興學校流民多歸復及

代百姓赴闕奏留增秩復知州事

席勤學邠州人以進士知沁州真心愛民奏減田賦若干隆  
禮學校課藝惟勤卒於官民咸哀之

白惟勤字勉之清澗人以舉人知沁州加意撫循獄訟尤能  
明察時有婦暮行賊豔其首飾以沙撲面適一人突至抹之

婦目昧無從辨識賊誣抹者為劫弗能決惟勤密函蒼頭於  
箱置二囚側令二囚自相訐悉得其情比再鞠賊猶執詞如

山西通志卷一百七 名宦錄七 二十九



初惟勤啟箱出蒼頭證之賊驚服抹者獲免時稱為神明升  
衛輝府同知

許英甯陽人以歲貢令武鄉興學校勸農桑均徭役清詞訟  
流民復業者千餘家鄉里有盜馬者畏其威復返其主民立  
德政碑

吳鼎咸甯人平定州知州練習吏事為政不拘一轍彰善瘴  
惡調劑得平

朱恭鉅鹿人以舉人知壽陽縣蒞政和平民受其惠有古循  
吏風

張誠陝西人以舉人任壽陽冰蘖自持寬嚴竝濟待文學士  
尤加禮一時儒風丕振祀名宦

張仲文直隸易州人以舉人令樂平和厚近民興學造士尤  
能以教化先吏治

趙鷲直隸東安人以舉人任樂平知縣性和易所注厝惟求  
宜民刑清政簡邑大治詳見德政碑

王子玉直隸寶坻人樂平知縣值歲游飢民多流亡緩賦稅  
輕徭役悉力招來復業者漸至二年康阜為諸邑最乃增修

學舍督諸生日夜讀書文風丕變士民為勒政蹟于石

劉清山東壽張人以舉人任忻州知州居心平恕洩政寬和  
修廟學驅游民立倉庾屏盜賊善政釐然嘗遇歲荒勸富人

錫賑得粟萬石銀千兩按戶分給菜色立起秩滿去民立碑  
識之

喬璿永壽人靜樂知縣尋擢保德州知州兩任邊地平刑恤  
民俱著循績而修葺廟學敦崇教化士人尤傳誦

王節定陶人靜樂知縣存心行政悉本慈仁尋認陽曲醜賢  
下士均賦平徭祀名宦

徐綬直隸昌平人以舉人任崞縣知縣時值歲饑親詣富室  
給印簿貸粟以賑比稔悉為徵還又修來宣普濟二橋濟病  
涉者創養濟院養孤寡殘疾祀名宦

李英陝西寶雞人芮城知縣廉介公正有幹濟材勸農息訟  
又以其餘力修衙舍閭里不擾祀名宦

言芳山東鄒平人以進士任絳州知州學有盛名居官清正  
衙舍蕭然幾可羅雀尋以憂去祀名宦

賈定河南通許人以進士任絳州知州通敏有吏材遇疑難  
能立為剖畫絳有屠人誘人出殺諸谷中歸而私其妻不從  
復殺之而樓其處女隨鬻他所以滅其迹事久弗白定廉得

之論如法絳有積薪通者破產廢家仍無以償定立法通一  
州丁戶共足其數自是歲無通者嘗立善惡二籍歲終覈其  
實誅賞有差會大飢絳人獨免因上救荒八事是年平垣曲

盜規畫所及鄰境胥受賜後改易州尋復擢山西僉事祀名  
宦

劉觀平度州人知絳州廉勤威斷吏畏民懷居三年懇求休  
致得命之日即單車就道循良之迹去就之義不愧古人

茹紹賢鳳翔人垣曲知縣明斷廉能彙強屏跡

陳能安化人知絳縣有功民社政績茂著

墨春字景方高陵人成化元年以舉人知隰州仁以御民嚴  
以東吏崇儒興教化民成俗

董瑜內黃人以舉人知隰州為政寬嚴得宜百廢俱興歷任



九載無大辟獄有靈芝嘉禾之異以上成化時祀名宦

李時宏治間任岢嵐州剛柔適中賞罰必信當道才之累行旌異升漢中府同知民遮道餞送無不泣下

劉經直隸宛平人以舉人知太原縣性坦直政尚和平前令劉敏以嚴有聲經以寬繼之時稱濟美擢監察御史去祀名宦

張鐸字道鳴陝西人以舉人任榆次知縣持身清介視事後閉門絕客政平訟簡吏民皆懷尋改嵐縣遮道泣留者數千人祀名宦

張鑑河間人以舉人任榆次知縣性溫和能恤民祀名宦

劉鉉陝西咸甯人以舉人任祁縣知縣有威嚴能執法人望而畏之祀名宦

楊光澤山東沂水人以舉人任興縣知縣廉而能寬撫字有方廢墜者及時建立尋調洪洞去之日老稚俱垂涕祀名宦

馬國林縣人任興縣民素頑悍公賦屢年不輸前官多被訟去國至歎曰豈惟民之過哉蓋由刑罰不中民視官如仇讐耳當以公平處之居六年百姓化其政前所負租悉為補輸

改建文廟於城中及去興人為立祠後任沁州知州致仕子卿登進士官山西提學副使終都御史

郭桂字時芳咸甯人元時鐵冠御史之後以進士為令守理訟決獄人人稱服服闋補平陽知府百姓凋敝藩邸下人怙勢侮法無敢誰何桂至而盜賊息州縣平藩邸各輯其下百姓安堵新堯廟增修舜禹廟告成洪洞戶部尚書韓文年八十餘家居賓客非其人不與見乃安車入平陽謁謝曰老人

無所求強為百姓一行耳未久擢山西右參議分蒞冀北督邊儲以病乞歸

杜忠字世臣河陰人成化戊戌進士宏治辛亥以監察御史出守平陽括蒼俞尙賢稱其百廢俱興民心愛戴庚申遷本省布政司左參政未幾拜右副都御史巡撫延緩乞休命下而卒

張文佐河南西平人以進士任平陽府知府有孝行先官襄陵以廉名及蒞府事清譽益著嘗行朱子社倉法鼎新學宮延名人主師席祀名宦

姜寔陝西蒲城人以進士任曲沃縣知縣謹慎清介嘗作詩自厲後擢御史巡視河東鹽政遇歲饑撈鹽數百萬引抵民間田租復設法賑給祀名宦

周雲徐州人曲沃知縣公直廉介吏畏而民服

張賢字堯臣祥符人襄陵知縣先授單縣邑豪貴子暴橫強奪人妻女賢按治如法及蒞襄陵有山泉可資灌漑為臨汾勢家所據賢廉得立奪之返諸民擢慶陽同知遷順慶知府

忤劉瑾罷歸瑾誅起太原知府時邊警甚亟游騎至太原有陳憲使者夜飲宗室第中賢單騎叩其門曰邊患孔棘非燕飲時也其慙直如此比卒襄陵人立祠祀之

李高河南虞城人以進士令襄陵剛明清勤善折獄鄰境有冤抑胥來質成嘗創置汾橋開通山坂又時集諸生講授文法在任五年獎勞者一旌異者五士民勒其善政四十餘事于石擢監察御史祀名宦

邢昭直隸三河人進士在洪洞知縣居官清慎民有訟者引

山西通志卷一百七 名宦錄七 三



至堂前曉以義理令其愧悔復時至田間勸督農桑而崇節課士尤有禮祀名宦

張鼎山東歷城人進士襄陵知縣持躬廉謹牧民有方未幾期刑清訟簡吏民畏服襄陵俗于父母喪多偷葬鼎力革之令從厚尤加意學校士類咸荷甄陶擢監察御史祀名宦

張雲河南信陽人進士襄陵知縣性平易嘗謂親民官尊嚴如神非父母斯民本意故其撫綏恩意曲至累官戶部尚書祀名宦

羅端河南鄧州人以舉人任浮山縣知縣仁厚廉明嘗遇歲荒設法振濟尋卒士民隕涕罷市祀名宦

李伸三原進士知臨汾縣王府軍校肆橫至殺人前令莫敢治伸至悉實之法境內肅然擢御史

山西通志卷一百七

名宦錄七

三

尹琛陝西秦州人以進士任太平縣知縣有威望立法以嚴

明勝愛民教士有古循吏風祀名宦

姚顯浙江德清人以舉人任岳陽縣知縣勤於政事愛民嘗視之如傷嚴於馭吏悉畏服不敢肆祀名宦

胡昂字文謙直隸正定人宏治初以進士知蒲州蒞政嚴明吏民畏服捐俸修城視公如家去之日行李蕭然州人釀金為贖力御之後過郡士民攀留延款至不忍別

高騰臨潁人任榮河縣修廢舉墜訟平政理民深懷焉

徐誼長山人以貢生任猗氏縣知縣清潔不妄取遇事必審求其當而剔奸釐弊尤以才幹稱擢靈州知州祀名宦

馬暉河南陳州人宏治間以進士知潞州性剛守潔才具明敏大修廟學俎豆筐篚象勺千舞之類纖悉必備訪得名宦

十四人鄉賢十人建祠為州人表帥而撫恤窮黎諸政以次畢舉在任九年上黨人謂自建州以來所未有云

海道江夏人以進士知汾州政尚廉察發姦摘伏如神居一載卒民悲思之

王道山東曹縣人以舉人知石州慈祥愷惻均賦役折獄能令民感化庭累月無人跡泣在九年去民作歌頌之

鄭紀中牟人石樓知縣鋤強拯弱勸士愛民尤以冰蘖自持每朔望謁城隍誓不改操

張恕汧陽人知平遙縣歷九載仁愛如一日升汾州知州民李華等弗忍舍奏允食知州俸仍治邑事

郝榮綏德州人由代州判官改介休知縣臨政剛明事無巨細胥迎刃而解後升知潞州去之日百姓攀轅泣留為立去思碑

山西通志卷一百七

名宦錄七

三

李智曹縣人家宰秉子以舉人知澤州公恕廉勤抑暴扶良聲名藉甚士民思之

毛忠掖縣人以舉人知高平縣時凶荒甫息民力凋瘵悉心撫綏崇重文學政教兼舉廢弛之餘多建置而民不以為擾

楊子器慈谿人以進士任高平知縣嚴重有威望會詔遷民兵實邊抗言不便狀事得寢盜殺人取資去其父疑逆旅主人力白其寃尋得實乃所貨贏夫也論如律設鄉校七十所

時進諸生論文藝禁喪祭用俗道俳優又以其暇創邑志去官後越十八年民祀諸建甯鎮聖廟之東庶安陽崔銑有記

累官河南布政司

孫磐遼東人以進士知陵川縣抑豪強恤孤弱使貧富各得



其所尤殫心風教窮鄉獨立社學兼養正篇小四書養蒙大訓悉為刊布之

王輔長安人沁水知縣奉公守法吏畏民懷

楊範洛陽人以舉人知沁水縣均賦役興學校治邑六年擢

正定府通判去之日囊橐蕭然民涕泣攀留不忍舍去

楊璽禹城人以舉人知陵川縣誠心撫字政尚寬平緩徵均徭時有慈母之頌

楊恭永清人進士授高平知縣博學有器量守正不阿人歌愷悌未久卒邑人痛之

薛敬之字顯思渭南人從蘭州周蕙游以歲貢生入國學與

同舍陳獻章並有盛名成化末為應州知州課績為天下第一宏治九年遷金華同知致仕卒

山西通志卷一百七 名宦錄七

程端山東冠縣人由舉人知朔州憲性理學於算術尤精勤

政愛民不求媚上嘗扁其軒曰競辰有競辰稿并周天圖說

李端直山東曹州人由舉人知朔州清慎公直為當道重一

時難決之獄悉以委之皆能辨理民以為不冤創修朔州志

齊壽蠡縣人以監生知馬邑縣禁戢凶徒撫安善類蓋令之

才守兼優者

張文燧遷安人馬邑知縣忠厚誠實吏畏民懷致仕歸士民

思之

高璉醴泉人由舉人任武鄉縣常誦前人言曰催科不擾是

催科中撫字刑罰無私是刑罰中教化父老至今頌之

李熙曲陽人以舉人任孟縣知縣明敏有剴斷材民以訟至

者以數語立決之皆醫伏訟漸息

呂琦平陰人孟縣知縣清白自厲政尚嚴凡所厝注一本獨斷然能合民情宜土俗

王軒山東臨清人宏治間以進士任忻州知州移建學宮開

雲牧兩河鹵地立四倉備凶荒勦平土寇平刑獄均徭賦擢

員外郎歷官鳳翔知府

陳志直隸元城人以舉人任醇縣知縣廉公自持勤於其職

暇時為諸生講論經史後封太和伯祀名宦

馬通字致遠同州人以太學生令博野東鹿皆有能聲宏治

間補繁峙知縣邑故傳邊頑梗通賦士不知學通勤於勸課

選社師訓民間子弟督胥習受書俗為一變賦亦舉輸會大

水沒禾他邑承風旨減報通獨請司臺力爭得報全災邑人

感悅他邑民以不生繁峙為恨卒於官以孫自強貴贈宮保

大學士

山西通志卷一百七 名宦錄七

周山紹興人以舉人任保德州知州立心正大處事公勤士

依民懷治行為當時最考滿當遷州人霍升等走京師請加

銜仍知州事祀名宦

李邦彥直隸藺州人河曲知縣有吏才修舉廢墜百度一新

而噢休疾苦尤至調嵐縣擢均州知州以禦流寇功遷河東

鹽運司副使祀名宦

李溥定州人解州知州以禮自持嚴而能容人皆畏敬之奸

頑屏跡升南部員外郎

姜洪廣德人以進士官御史謫夏縣知縣忠鯁有重望為政

以嚴明勝導士以禮以節儉率民先是令雷籍慈祥愷側人

歌慈母至是謂洪為嚴父並立祠祀之後累官本省巡撫



李登山東東阿人以舉人任安邑縣知縣廉明公正洞悉民隱一時夙弊剷除暑盡尋以疾卒祀名宦

霍恩字天錫易州人進士知安邑縣正德時改上蔡六年流賊至死最烈贈官賜祭于蔭立祠如典制

蘇昱武邑人任絳縣知縣剛毅果斷立城市集場

王琳山東安邱人以舉人任聞喜知縣雅志廉潔為政以威嚴勝吏有震疊豪猾聞風斂迹又以其暇葺學宮修縣志祀名宦

吳璇山東高唐人以舉人令垣曲建倉儲蓄以備歲荒增舍講習士類翕然稱風調繁聞喜明敏洞悉民情見文廟規制未備力以修葺為任創兩廡易櫺星門堅緻完好祀名宦

楊澤直隸河間人進士聞喜知縣廉潔有才畧居官條理精詳一時夙弊盡革而尤以學校農桑為本祀名宦

艾芳大甯知縣居官清謹蒞政嚴明重修城池去之日民不能忘

向明隸縣人以舉人任趙城縣知縣禮士愛民具有成效遇昏喪不能自給者捐俸助之卒于官祀名宦以上宏治時

蘇民陝西人正德元年以進士任榆次知縣務持大體不事苛細民有犯者以道義諭之不率始懲以法暇日召諸生與之講解圖籍聞者奮起祀名宦

陳溥鄆陵人以進士任陽曲知縣性剛貞而勤慎措施務治民心握監察御史祀名宦

鄭德崇字道夫山東汶上人以進士任榆次知縣性簡重為政清而能整不樂以威刑督吏民而服其化者皆肅然奉法

後調德清縣祀名宦

張穆完縣人以舉人任榆次知縣性剛有威望遇事能斷抑侵漁剔浮蠹尤崇獎士類貧不能存者輒捐俸給之後入觀卒於道士民遙奠之哭聲震野祀名宦

陳惻陝州人以舉人任榆次知縣性嚴重為政務經久遠抑強除蠹興學校理冤抑祀名宦

韓光表直隸任邱人以舉人任徐溝知縣正直勤政事自旦至暮治文書不輟心存愛民務令得實實惠祀名宦

葛甯歸德舉人正德間自平谷教諭升太原知縣有治事才前令修城數年不完甯至民咸樂趨一月畢工武宗由榆林幸宣府路經太原供應之物凡百俱備民不知擾

申綸永年進士由平陸調任太原度量寬洪為政持大體期年升潞州知州官至按察司副使

高道邠州監生任清源知縣政寬民悅刑省令行有真父母之稱

路欽直隸永年人以監生任汾西縣知縣宅心正大持身廉潔為政剛果立決人以私謁者謝弗與通祀名宦

侯秩直隸長垣人進士授曲沃知縣嚴重不輕典禮正俗救荒止暴退食後引諸生與疏經史與義一時學者以山斗歸之祀名宦

浦鉉字汝器文登人進士授洪洞知縣有異政嘉靖初召為御史以疏救富平楊爵杖卒穆宗初復官

李暹字德進直隸滑縣人以舉人任曲沃縣知縣精敏達治

澧嘗作勸民十二事揭通衢詳豁代納銀兩葺學宮毀淫祠

山西通志卷一百七

名宦錄七

三



正經界嚴斥埃政教修明倉糧贏至數萬訟獄衰息又立兩驛接遞界正南北交界坊迄今遵守後擢隴州知州累官布政使參議祀名宦

元思永河南湯陰人以舉人任岳陽縣知縣廉幹有能聲尤加意學校增修聖廟尊師重士時人比之文翁焉祀名宦

葛禛順天人曲沃知縣鋤強抑暴惡人遠跡甄砌城堦民到今便之升御史終光祿卿

蔣瓚字君器山東高唐人由舉人知繁峙縣以能調翼城為人廉平訓小民如誠子弟折獄甚愜人情升定州知州累官郎中

黃甲陝西人任汾西實心實政鑄火器修城池經亂無虞入名宦祠

山西通志卷一百七 名宦錄七 三  
馬綸直隸神武衛人以舉人任猗氏縣知縣剛毅執法無所私然仁厚不苛畏威者亦懷德擢臨清知州祀名宦

張萱應天上海人以進士知潞州潞有德風亭自唐以來稱勝地萱日夜勤民事終其任未嘗一往嚴馭吏胥不使入鄉

間罷錦綺之售于上官里夫之役于藩府者不使為民擾武宗狩大同幸臣江彬諷郡縣選妓婦送行在所萱曰發節婦

也奈何奪人之節力爭事得廢後擢湖廣僉事潞人攀轅泣送者數萬人後復建祠祀之崔銑有記

張友直三原人以舉人任壺關縣舒徐溫雅輯縣志未就升任去

吳傑字漢甫河南杞縣人以舉人知壺關縣孤介廉潔不苟同世俗舉于鄉猶躬耕自給母亡貧不能葬流賊至傑守母

柩不去及涖官衣大布衣食脫粟飯甫四月儲倉穀二千餘石有故人稔其治行欲薦請朝傑曰使我賢耶薦不必公使我不賢耶公不必薦後卒于官至不能為斂同官贖錢賻焉其妻弗受曰吾夫生平不愛一錢豈以死易哉聞者高之

張鵬翰陝西慶陽人以進士知襄垣縣清苦自甘均荒田溢額于全豫中民不為病復以其餘創置學田寒士賴其振恤

楊盈山東章邱人以舉人知潞城縣剛介明敏有不可奪之操申禁論而強梗寒心勤勸課而士習丕變為一時才吏民建祠於邑之東關御製如璋作文記之

劉明漢州人蔭生正德間以任邱丞升任襄垣精明廉慎吏民畏懷修築城池功在後世祀名宦

荀京陝西商州人以太學生知黎城縣時流寇猖獗京備設守禦修浚城隍添設樓櫓保障之功民甚賴之

李棠直隸清苑人正德八年以舉人任汾州知州慷慨有大節為政以惠民為務雅甘澹泊善理煩治劇後歷松江太原

二府同知擢戶部郎中沒不能斂里人葬之立清白吏碑焉何賢河間人知汾州為人儉政尚惠和愛與小民親狎鄉

村社會邀飲皆赴亦無廢事居歲餘卒州郡人德之為肖像以祀

郁浩永甯衛人以進士知汾州政尚簡嚴力興學校每朔望為諸生講說經義晝不倦時廟學頽圯大加修葺增築泮池及龍池升戶部員外至按察僉事

王天祐陝西慶陽衛人以舉人任介休知縣家貧少與羣兒牧崆峒李夢陽遇之嘆其神俊授以學即能領受臨魯公帖

同世俗舉于鄉猶躬耕自給母亡貧不能葬流賊至傑守母柩不去及涖官衣大布衣食脫粟飯甫四月儲倉穀二千餘石有故人稔其治行欲薦請朝傑曰使我賢耶薦不必公使我不賢耶公不必薦後卒于官至不能為斂同官贖錢賻焉其妻弗受曰吾夫生平不愛一錢豈以死易哉聞者高之

張鵬翰陝西慶陽人以進士知襄垣縣清苦自甘均荒田溢額于全豫中民不為病復以其餘創置學田寒士賴其振恤楊盈山東章邱人以舉人知潞城縣剛介明敏有不可奪之操申禁論而強梗寒心勤勸課而士習丕變為一時才吏民建祠於邑之東關御製如璋作文記之

劉明漢州人蔭生正德間以任邱丞升任襄垣精明廉慎吏民畏懷修築城池功在後世祀名宦

荀京陝西商州人以太學生知黎城縣時流寇猖獗京備設守禦修浚城隍添設樓櫓保障之功民甚賴之



卽神似嘗徵修孝宗實錄及涖縣事簡要務存大體而吏民咸畏服如神有分巡過縣怙勢接不以禮天祐佛然解組歸閱以仁渠縣人自華陰擢孝義令性勤敏日夜不輟課樹藝興學政給諸生楮膏之費時校其優劣繼修孔廟浚築城隍幹理有餘才未幾卒於官士民嘆惜之

李承嗣長安人以舉人知臨縣性節儉歷官六載終始如一外和內剛翦除土惡有古良吏風升通判

馬汝驥字仲房綏德人正德十二年進士授編修以諫南巡特調澤州知州王府人魚肉小民將法懲之王以書來屬輒投積中不視陵川知縣貪欲黜之巡按御史爲曲解不聽竟視其官世宗初召復編修累晉禮部右侍郎卒贈尚書諡文簡

山西通志卷一百七

名宦錄七

三

崔哲遼陽人以進士知澤州撤淫祠廣儲蓄尤愛獎進後學課試皆有程期

王鍵永平人澤州知州革除宿弊剖決如流人服其敏

龔進高安人以進士知高平縣禁止令行政平訟理人以神明號之升刑部主事

魏繼盛涇州人知陵川縣政教兼舉吏畏民懷

王溱直隸開州人以進士知沁水縣性明達持法嚴謹遭亂後增修城郭安集人民升御史出爲平陽知府

董琦陽信人以進士知高平縣饒有吏材練習民事巡阡陌間察勤惰而董戒之或耕斂不足輒捐俸以給又爲定婚儀品節至今遵守當時爲之謠與前令楊子器並稱  
杜旻錦衣衛人初爲御史有直聲正德間知大同府遭時多

故法令廢弛旻確有擔當保境庇民不爲權貴所撓士民頌之

許繼章邱人知渾源州涖官清勤自奉甚約雖古廉吏不能過及卒囊無百錢土人嘆惜

楊文奎隆德人靈邱知縣性剛方築關廂建學舍境內一新祀神祭器之屬無不周具平賊有功升應州知州邑人勒石頌德

高貫江陰人初爲刑部郎中以忤劉瑾謫知遼州誠心愛民暇則課文藝士林頌之

楊惠洛陽人以舉人知遼州置學田修公署養士愛民善詩文纂修州志

王寵平度州人以舉人知榆社縣慈祥愷悌刑不嚴而民畏政不猛而事集蒞任七載人樂其業升鳳陽通判祀名宦

馬園林縣人以舉人知沁州省賦除繁潔已愛下祀名宦馮繼祖興平人以舉人知沁源縣增修城池撫弱抑強有能吏風

景芳山東定陶人平定州知州莊重有威望不受私謁善發奸摘伏後擢慶陽府同知

張鳳霄陝西韓城人以舉人在孟縣知縣性溫厚工文章以經術飾吏事撫民禮士俱有成效尋以病卒遠近皆流涕

唐素宇希文東平舉人知忻州政簡易善因民招撫有術徵科不擾升正定府同知老稚扳轅不絕三日始得出境  
田登陝西長安人以進士任定襄知縣廉介有威望寬猛得宜政事之暇親詣學宮引諸生講論經史終日不倦後擢主



事累官參政

李澤歷城人以舉人任保德州知州澤先官河縣晉忻州及  
蒞保德興除利病不遺餘力民皆愛戴武宗幸山西糧餉不  
給澤奉部院檄召買唐家會未旬日得米三百石草十萬東  
公用充足中外賴之後以疾求去送者載道祀名宦

王汝安邠州人由襄陽判擢保德州知州勤於政不違甯處  
修城垣學舍建八蜡廟復修惠民井石橋以濟民之病渴病  
涉者遇旱禱雨輒應升本府同知

王鍵永平人河曲知縣廉介有幹略善於事親母以事督責  
怡然受之民皆感服以績最調陽曲歷西安同知

王紘山東陵縣人以舉人任河曲知縣清正能自立以不納  
賄逆瑾罷官瑾誅御史解冕抗疏白之起知山陰縣祀名宦

山西通志卷一百七 名宦錄七

李銳直隸河間人以舉人任平陸知縣端重不妄言動蒞政  
能勤自晨至夜分不倦未浹期政教修明擢平定知州祀名  
宦

鮮冕巴縣人知安邑縣蒞任行政以愛民為心清操冰節有  
古循良風

易謨河南固始人以進士任絳州知州清而有為熟悉民間  
利害興除胥得其宜政聲最著擢西安府同知樹去思碑肖  
像富鄭公祠中祀名宦

李文潔江西貴溪人以舉人任絳州知州性剛正遇事能洞  
本末斷以行之無留滯在官興學校毀淫祠均賦稅紳豪強  
風清弊絕擢建甯同知祀名宦

屍讓山東東阿人以舉人任河津縣知縣廉介無私遇事惟

法制是守雖權貴不為屈祀名宦

來亨胙城人以舉人任稷山縣知縣明敏練吏事以廉自勵  
革除一切陋規繕城垣緝賊盜具得方略祀名宦

王一麟四川青神人以進士知絳縣政平訟簡和易近民暇  
日與諸生講解吟詠禱雨多應升戶部主事

李時直隸涿州人以進士任聞喜知縣伉直不撓而豁達有  
遠略先宰長安以忤逆瑾去及蒞聞喜直抗寇亂談笑間守  
禦具備為當路所忌仕卒不達祀名宦

王諤陝西西安人以進士任河津知縣性剛明遇訟獄立為  
剖決然務持大體嘗繕完城郭改建學校政教修明擢主事  
歷兗州知府祀名宦

劉欽館陶人知永和縣持身清苦以邑人曠學朝夕督誘雖  
隆冬盛暑不倦歷六年士多有造德時

山西通志卷一百七 名宦錄七

賈節城武舉人天順間知應州存心寬恕為政慈祥人皆悅  
服祀名宦

胡汝礪甯夏人成化中進士累官大同知府鎮守中官不檢  
下繩之急中官怒汝礪即移疾求去吏部惜其才固留之繇  
是益發舒敢任事官至兵部尚書卒

張綬直隸滄州人正德間以舉人任代州知州廉敏熟法律  
居官以幹濟稱衙署學舍頽廢者悉為修葺又以滹沱巨津  
病涉者眾為創橋以濟之祀名宦

山西通志卷一百七

以上三



名宦錄八

錄一之八

山西通志第一百八

賜進士出身頭品頂戴兵部侍郎兼都察院右副御史巡撫山西提督軍務張煦奉旨監修

守令 明嘉靖至崇禎

於惟一懷甯人嘉靖間以進士任太原府知府初下車會歲比不登民多流亡卽爲繪圖上請不待報可徑發倉廩振之

後擢陝西副使去之日送者塞路祀名宦

張社固始人進士太原知府愷悌慈仁數遇水旱躬爲祈禱敵騎入犯士民惶恐內徙社冒雨登陴晝夜巡警累官陝西

巡撫祀名宦

黃卿益都人進士太原知府博學有操行重農桑崇學校慎刑獄黃土寨大水漂沒居民以千計掩骸賑恤不遺餘力民

舍火將延及學宮泣拜禱風反火熄在任六年擢浙江參政

後累官江西布政使祀名宦

馮友陝西長安人嘉靖間以舉人任岢嵐州知州岢嵐數遭

兵患歲比不登友相視高下肥瘠教以耕作又時歷田間爲

言慈孝使知敦行誼成禮俗尋調忻州忻三歲三易守稱難

治友馭以威嚴訟師一夕盡徙去中丞上其治行後擢保定

同知祀名宦

張稽古陝西蒲城舉人岢嵐州知州愷直不畏強禦嘗按都

御史楊順誣殺沈練事卒擬以法順繫獄死後歷本省按察

使晉藩常侍欲以事干之固請遊別墅終弗許次日以盛饌

來餽悉委棄溝壑中遺其器其剛介如此祀名宦

宋橋漢州人嘉靖九年以舉人任徐溝縣知縣雅意愛民興

舉悉當飛蝗蔽天獨不入其境內祀名宦

俞鸞字應和陝西靈州守禦所人以進士任榆次縣知縣精

明有操守爲政寬猛互濟稱能吏祀名宦

王一民東明人舉人任文水令清節自持政平不擾築城垣

建各鄉堡若干座後以誣劾掛冠去人共惜之

鄭鎬河南安陽舉人任交城縣剛直有爲修葺學校城池公

署倉庾之敝壞者又於城之四面及南路植柳成林會歲饑

人賴之以濟後擢安州知州致仕去祀名宦

王宮用字近臣直隸成安人進士知榆次縣前令率尙操切

宮用獨取以寬和訟平賦清事成就理邑稅歲千金多中飽

宮用盡以報藩司無所染政暇輒進諸生教以立身行己之

要尋以憂去後仕至太僕寺卿祀名宦

劉宏化湖廣長沙人進士令交城有吏材居官以廉能著未

決期政教大行尋調安邑累官尙寶卿祀名宦

蕭大亨字夏卿山東泰安人進士令榆次性端嚴持大體不

務赫赫聲而諸所厝注士民咸食其利後總督宣大視榆人

爲故赤子撫恤尤摯嘗以關城卑薄爲養其四面榆人立石

記之祀名宦

薛編魏縣人任文水立政平易綜理詳密完逋賦均徭役誣

訟風息吏畏民懷其清約勤慎始終不渝

王楫新泰人任太谷嚴明不苛豪猾斂跡政平訟簡庭無私

謁雅意愛士貧者多方振濟歸田行李蕭然父老傳頌之

崔三畏蠶縣進士任太谷有惠政民有犯先諭以義理而後

治之未嘗任情以盡法尤注意於學校後徵於朝士民遮道

〔光緒〕山西通志 卷一〇八



泣留歷官四川參政

金礪字霜鐔河南西華人以進士任太原縣知縣仁明能悉民隱舊造夏秋赤歷里書索費不貲計事給食歲省五百餘金水利歲久壅淤相其高下開新渠四十餘道溉田數百頃邵姚等都逃亡首過半給以籽種緩其徭役復業者千餘家又以學校為育材地躬校閱振貧乏鼓舞備至而蒞任之初卽製戎器火具若干簡閱訓練為百年計後遇敵竟以有備得免其經理詳密皆類此尋調汾陽父老爭走部乞留已復調陽曲涕泣攀臥車累日不得發陽城賈贈有文記之張承惠易州舉人任太谷性嚴毅人不敢干以私為政務持大體不事微察抑侵漁杜奸弊治豪強民賴以安尤加意於學校每朔望視學召諸生親授講說一時文行丕變以觀事

山西通志卷一百八

古官錄八

三

卒於京士民為之遷奠哀泣

劉奎耀東鹿舉人太谷知縣性嚴重為政雅尚寬平民畏愛之如父母祀名宦

王允言容城舉人任祁縣負清操有明敏才撫民以惠荷巖市魁胥屏息嘗遇兵患督吏民捍禦閭井獲安祀名宦

張崇德咸陽人以貢任嵐縣知縣政教修明嘗遇邊警躬督吏民禦之比退復增修城池民建祠祀焉

劉濬德平人嵐縣知縣剛毅廉介豪猾斂迹祀名宦

聶豹字文蔚吉安永豐人正德十二年進士嘉靖中為平陽知府時山西頻中寇民無甯居豹令富民出錢罪疑者贖得萬餘金修靈石郭家溝冷泉諸關隘練鄉勇六千守之寇來

犯被卻廷議以豹為知兵給事中劉繪大學士嚴嵩皆薦之

擢潼關備兵副使言官論豹在平陽乾沒大學士夏言惡豹遂落職後以徐階薦擢兵部左侍郎

毛愷浙江進士知平陽府懲奸剔弊吏畏如神旋升本省參政累官刑官尚書諡端簡

蔣陽安樂縣人以進士知吉州崇學校築城垣稱良牧焉升陝西僉事

王利山東陽信人嘉靖三年以舉人任翼城縣知縣廉正有執守初下車卽捕數大猾置于法每蒞民威嚴若神稟不可犯而慈惠通達于閭里利害無不周悉厝注咸中肯綮擢工部郎中祀名宦

楚書南夏進士曲沃知縣果教有偉度長於應變撫小弱治豪猾吏長民服尋擢兵部主事大同兵變單騎往定之累官

山西通志卷一百八

名官錄八

四

都御史祀名宦

王庚灤州進士襄陵知縣仁厚愷悌凡所施設雅稱廉平累官左布政祀名宦

岳倫淮安衛人以進士令曲沃先任行人有直聲及改縣以寬撫民以嚴馭吏嘗念賦役日煩申免代納銀兩三分之二後大同兵變再疏言兵事歷官郎中以諫死祀名宦

何思雄縣進士任襄陵縣年甚少撫民造士雖練達老成無以過已有巨慈廉得之立寘諸法豪貴屏息良善獲安累官

都御史祀名宦

趙統臨潼人進士知臨汾縣性素剛直請託饋遺胥絕豁里書飛詭之積弊免闔邑荒地之徵輸嚴惰農之禁立社倉之法流遺復業者千餘家作社學修文廟復舊正祭器課訓生



徒善政甚多後擢知蒲州邑人立遺愛碑

晉如思陝西三原人進士在洪洞縣練達吏事為政以嚴勝發奸摘伏時稱神君邑有凶悍橫肆為人害立剪鋤之祀名宦

高節陝西咸陽人進士任襄陵縣性廉潔嚴于嫉惡有犯者必痛治之而體悉民瘼以慈祥著嘗為省里甲均賦役公庭累月絕敲朴聲累官河南知府祀名宦

劉光遠杞縣進士知翼城縣性儉樸翼故有代辦差銀為累力請上官得免五百餘兩民獲少蘇累官苑馬少卿祀名宦除秉陽汝縣進士任曲沃縣知縣立社倉勸民積穀出所著讀書鈔授諸生使知體用之學尋擢御史祀名宦

張學顏字子愚直隸肥鄉人進士知曲沃縣尚嚴明而不至暴號當地震後城池公署傾圮略盡竭力營繕不一科諸里甲故大役煩興而民不病後擢工科給事中累官戶部尚書

劉孝河南安陽人進士曲沃知縣惇厚不喜為刻覈地震後瘡痍未起益崇寬大與民休息而于奸黠者則痛繩以法不少恕祀名宦

單訥直隸棗強人進士翼城知縣視事勤敏剖決獄訟無留滯嘗請獨代辦銀兩朔望謁聖畢即為諸生講修己正人之道丞某嘗以帑羨金進叱之病篤邑參議劉志助以木不受

及卒士民流涕祀名宦

張國彥直隸邯鄲人進士襄陵縣知縣廉重持大體以科條正民俗以忠孝振士習嘗遇旱步禱數十里至龍祠父老憫其勞國彥曰一身何足恤獨吾民荒歉可念耳擢兵科給事

中民立祠祀之

耿儒陝西武功人以舉人在太平縣剛介習事為政以明察著捕盜有法胥聞風遠徙嘗增學校砌城堞墮橋梁以次修舉擢廣平通判祀名宦

羅潮直隸三河人以舉人在太平縣雅意愛民謂閭井未安皆供億為累按經制力裁其冗濫者遠邇霑澤擢磁州知州祀名宦

宋之韓武安人任襄陵才猷迥異器宇淵宏墾田均徭政清訟理市廛不擾俗易風移蓋能吏云

周冕貴州人岳陽知縣通敏能斷案無留牘祀名宦李應奇陝西鎮原人以進士令岳陽慈仁不苟凡所興除悉中利弊民歌其惠祀名宦

劉魯生恩縣進士任曲沃洩事勤敏政多撫字初終罔倦始作邑乘以備文獻行取御史

郭庭梧字子材新鄉進士任曲沃刑清政舉吏民畏服二驛衝要歲費不貲以站銀羨餘僱傭歲省數千金沃代吉永禔歲若干極力論辯歸之民始甦歲飢捐俸振濟存活甚眾修

培城池節力時使民不知勞升監察御史歷官府丞張佳允字肖甫四川銅梁人進士以禮部郎中謫河南陳州同知嘉靖四十一年升知蒲州時地震未久賦不時供委

曲拊循而國賦亦不廢工詩善書所歷名勝題詠殆遍升穎川道河南僉使歷官兵部尚書諡襄憲王大節直隸大名入嘉靖元年以舉人任萬泉縣知縣性嚴明豪猾畏服民得樂業邑西門外土橋歲久傾圮易之以石

山西通志卷一百八 名宦錄八 五

山西通志卷一百八 名宦錄八 六



因名永利又修更西之永安長橋迄今稱便

張讓山東諸城人進士榮河知縣清直不與時諧因解組歸士民涕泣遮留後官南太僕寺丞祀名宦

孫恪信陽舉人任臨晉縣清癯美容儀為人豈弟慈祥值歲旱齋戒步禱家人恐其羸止之弗聽澍雨遍境內尋以疾卒張舜臣章邱進士任臨晉縣儀容修整揚休山立與人言笑不苟勸勵學校刊輯縣志擢吏部主事累遷戶部尚書

邢綸南鄭舉人任猗氏縣仁慈有清操善折獄不喜鈎距而悉得其情間徵贖鍰貯倉庾中值凶荒卽用以振救優禮文士扶持誘掖俾克成立後五十年猶得稱善地者皆繪力也累官柳州知府

范文原直隸定興人以選貢任萬泉縣冰蘖自矢遇所當為則毅然不撓嘗修背城以固疆圉平街道以利往來雅善形家言於北門外建文昌廟復於廟東北建臺護之今稱范公墓擢永平府同知

侯祁鄆城人令榮河承地震後能經理籌畫選兵飭武禁暴安民一切營繕修復如制且以興文為己任建太甯書院設師儒其中時親誨之

齊君問偃師人令猗氏為政以德讓風厲尤雅意古文公餘輒親出郊規度田畝品格山原以為催徵緩急豪猾無所容其奸

侯有功號風山浮梁進士嘉靖初知潞州治尚嚴明法行自近而于閭左細民則寬以字之復選擇才俊督令讀書政暇親加品題所甄許無不擢高第者好微行屬吏凜凜奉法郡

境肅然

宋圭新城人嘉靖間以進士知潞安府性寬平復能諳練庶務設府之始凡所經畫必協人性合理俗上下宜之後升徐州道以去

賈應春正定人進士知潞安府器宏才練弛張協宜剖決如流豪右畏若神明

張嘉孚號立菴陝西安定人嘉靖間以進士任長治縣明敏善斷遇訟者給片紙令自拘到案隨剖其曲直不數言輒得其情復為善言解之不數用鞭朴少頃兩造各得意去呼績至者入復如前後升戶部主事祀名宦

辛應乾安邱進士知壺關縣德量寬洪頽廢修舉著牧羊說升主事

李用敬山東益都人進士知壺關縣性簡易不尚刻覈遇訟獄以片辭決之有未服聽其言頗直悉心推鞠不曲徇已見翻然改從無難色質成之下皆以為無冤後入為給事中累官至通政使祀名宦

尹梁晉州人進士知長子縣性坦率與百姓若家人父子自奉甚菲寒一褐暑一布而已升戶部主事祀名宦

張煥益都人進士知長治縣言訥行果外剛內慈洞悉閭閻疾苦真心撫字左右近習讒愬不得行冰蘖之操始終不渝升給事中

李濱濮州人進士知潞城縣嚴明慈惠民有青天慈母之謔升主事

王維垣直隸武清人進士知潞城縣值陳卿變官軍失利欲



屠邑維垣力請於上乃止而招脅從安反側其功爲尤多升主事

徐元道陝西秦州人知平順縣寬厚恤民有智略能任事時初設縣治悉心經營城池廟社數年規模始定致政去

張汝乾雒南人知屯留縣邑有金龍池禱雨輒驗汝乾至屢禱弗應因命濬池得伏口曰此冤鬼也祈夢於神神曰李姓弟殺兄也詰朝訪村民李逢奇因謀產殺兄逢春已三年矣

一鞠而服是夕大雨

董遂河南嵩縣人進士知襄垣縣邑有乘暗殺人者密察得其人置之法人稱神明性至孝聞母病徑棄官歸監司素重其人促令還任母病愈始就道徵拜給事中歷本省副使

段錦山東恩縣人進士知壺關縣嚴毅有威望臨民以莊管

規人情士俗爲科條揭通衢宿猾巨奸咸懾伏後擢御史累官布政使參議

薛騰蛟陝西渭南人進士知長治縣時縣新設制度未備蚤夜殫思多所裁定飭章程節里甲抑強扶弱崇禮勵俗務與民休息而馭吏胥則甚嚴不少貸焉升主事祀名宦

丁維甯字少濱山東諸城人進士知長治縣縣宜桑人多以紬爲業往時上官來取差役需索無已民甚病之維甯獨力爲裁抑不少徇徵拜御史官至湖廣副使

楊良臣卽墨人以舉人知黎城縣政尙平易勸農興學有實政單騎三撫青羊巨寇皆褻忠勤可嘉擢太原府通判

葛縉昌邑人進士知襄垣縣政教嚴明民安盜息仕至本省巡撫

山西通志卷一百八 名宦錄八 九

郭鑑陝西咸甯人嘉靖二年以舉人授汾州知州深沈有志操砥礪廉隅明習法令政暇引諸生與上下其議論聞者興起尋擢戶部員外郎累官布政司左參議

劉坤壽張人由萬安縣擢知汾州廉靜簡明民忻忻望治

齊宗堯直隸昌黎人嘉靖末以選貢任汾州知州忠直有膽略遇事慷慨直前隆慶丁卯北敵入寇抵城下宗堯登埤設守具指授捍禦方略卒得保全加銜河東運司同知仍管汾州事尋調忻州

李昇以舉人知石州勸農桑重教化旌節義去之日百姓皆感泣

王仁整屋人任石樓縣安集流離歲荒振濟恤民任事勤慎廉明政蹟彰著

王錦曲周舉人知孝義縣因母言乘肩輿勞民遂乘馬斥輿不復御與民平易有古人風每延禮諸生講論臺

侯嘉晏徽州舉人石樓知縣御民以寬不事敲朴民胥安之嘗爲歌稱其儉約廉仁能福庶斯民後擢河南府通判

脫鎬新河舉人知臨縣勤敏慈仁繕城修隄賑荒編甲減徭役其茂績尤在遷建學宮開多士文明之盛

李光米脂人知石樓縣民歌曰石樓李侯庶績克修民安政舉四境無憂

劉紹恤浙江人進士知石樓縣寬徭賦以遂羣生勤督課以成多士

張軾知甯鄉縣居官清謹事母以誠孝聞每公餘輒詣席跪問安否及母卒扶柩歸葬廬墓踰年卒

山西通志卷一百八 名宦錄八 十



任大伯華陰舉人知臨縣慎以持已仁以愛民勤以立政未幾改調士民深感立去思碑

賀國定獲嘉舉人知臨縣剛方持已清白敢言治邑如家愛民如子升徽州知州有去思碑

王三益永城舉人知石樓縣刑清政簡育才愛民

陳情深州舉人知孝義縣操守甚堅時有邊警竭力捍禦卒保無虞修繕城百世永賴

王朝雅朝邑舉人嘉靖中以嚴州推官擢知澤州存心寬厚政理訟平歷三載人蒙其惠適巨寇陳卿據青羊山詣賊中諭以禍福順逆之理賊眾屈服後竟勦平之百姓安堵擢懷慶府同知

王進賢德州舉人知沁水縣才識疏暢迥有風力吏畏其威

山西通志卷一百八 名宦錄八 十一

民樂依賴居二載以憂旱疾作卒遠近悲號立祠端氏鎮祀之

王準儀衛司人進士知高平縣獨不急之務緩無名之徵扶植寡弱救民疾苦嚴禁侵漁豪右斂手三年以治行內徵去之日饒無餘費

張由儀封人進士知高平縣性明敏案無留牘邑無冤民敷政三載百廢俱舉所立堂規至今猶為遵守升給事中民立祠祀之

楊縉壽張人進士知翼城縣調陽城廉節自持寡交接政尙平易緩催科而勤撫字有古循良風

王傳高陵人進士知陽城縣沈靜寡言望之如神明雅愛士類校課悉有程積數萬石凶歲民賴以濟居四年未嘗輕

取一介民歌頌之

孫紹先萊陽人以貢知陵川縣剛明正直鋤強剔弊敷教造士節愛宜民有生祠德政碑

李麒涇州舉人知陵川縣平易近民寬猛得宜勸農桑振飢乏人咸德之

劉廷儀慈溪人嘉靖間以進士知陵川縣公廉強毅不畏權勢洩政恩威並著捕盜均賦興學造士具有成績而自奉儉約飲食澹若寒素升監察御史

楊錦錦衣衛人嘉靖間知大同府方正自持輕徭薄賦餽遺一無所受有懸魚之風

王誥西平人知大同府寬大精明屬託不行貨財不染未幾以憂去隨升湖廣參政民甚思之

山西通志卷一百八 名宦錄八 十二

廉汝為城固人進士知應州守正不阿奉法惟勤革數十年夙弊州賦立清

郭從道徽州舉人知應州荒蕪多所開墾逃移聞風來歸祀名宦

馬呈書廣平舉人任大同縣知縣饒才華善剖決民以訟至者立判之稱神君秩滿擢本府同知會議款項呈書多所擘畫督府倚重入為郎中尋復出知大同府鎮撫有方尤加意學校三雲戎馬間絃誦時聞擢巡司致政歸

桂琳石埭人知廣靈縣蠲煩滌苛一意蘇息每秋多方儲積及春以貸貧不能耕者去之日百姓泣涕攀留不忍舍

許光宗乾州舉人知山陰縣築隄捍水修增城垣督課諸生無恤百姓類多善政



王一鳴齊東舉人知馬邑縣性溫厚政尚寬和訓生徒以振士風開河渠以開墾郭士民賴之

張羨新鄉人嘉靖中以舉人知遼州玉潔水清愛民如子去之日老幼莫不悲歎

梁如京薊州舉人知榆社縣一清如水發摘如神以憂去行李蕭然

高思敬陝西舉人知和順縣清廉仁愛有循吏風祀名宦楊魁儀封舉人知和順縣持身清介行政仁慈士民稱頌祀名宦

劉漢完縣舉人知榆社縣性耿介門無私謁風教所被民雖貧不甘為盜尤加惠庠序士勃然興起祀名宦

康朴長安舉人知榆社縣丰采温和襟懷慈惠勸農興學薄斂省刑民立祠祀之

董榮涉縣人知榆社縣負揮霍才復勵精為治流賊犯境守禦有方卒保無虞

劉遷高陵人嘉靖中由舉人任武鄉縣治政惟勤宅心以恕嘗修南城甫底積遇北兵至全城無虞民懼然曰微劉使君吾儕盡罹鋒刃矣益敬愛如父母云

賈德潤維澤舉人任沁源縣性嚴重遇事英敏嘗勸民輸粟實倉廩備不虞敵兵闖入抵縣境先期斂人畜城中指授方略督士民固守城獲保全

張廷槐字子徵萬全部司人初以進士任兵科給事中遇事敢言不避權貴左遷婺源縣丞擢知沁源縣為政持大體念

地僻民貧賦役煩重請弛不急之務罷其徵調公餘興學課

山西通志卷一百八 名宦錄八 十三

士甄拔賢才修學宮闢射圃行冠禮正風俗與文翁比烈累官按察司副使

高光烈山東膠州人嘉靖中任平定州知州性廉潔政尚寬平見用嚴刑者輒深惡之然賦辦事集吏民畏服雖武健者

謝弗如尋調絳州去之日士民攀臥悲號

蔡倬祥符人知平定州沈靜文雅甫下車鈞鉅書筭宿弊一清州民稱快

羅錦滿城舉人任壽陽縣甘淡泊持守甚嚴苞苴竿牘屏弗與通為政不毛舉細務不急公費悉罷之居二載政行化洽公庭絕敲扑聲致仕去

申傑靈壽舉人任壽陽縣樸直自持嘗以小弱不安悉豪強者為之厲有犯者輒痛治之雖勢家請託弗聽尋卒于官祀名宦

董希孟隆德人孟縣知縣清廉有守一介不取歷七載如一日待人尤委曲詳盡人亦不敢干以私

周夢綵直隸阜城人嘉靖間以舉人任忻州知州敵騎入犯念城郭傾圮將不文又懼以修築為聞并擾乃即市廛征其力頽城復完於各為屯田清丈後為立石碣勒田畝四至及

戶口租數俾無得越民咸便之祀名宦

時通錦衣衛進士中慶陽知府諳忻州規模宏大不事曲謹執法甚嚴不憚豪橫徵收賦徭止示以限期令民自輸無敢

玩者革驛遞裁濫應元為民便

范箕字斗南京衛進士知忻州有揮霍才訟者繫繫剖決立盡而律已甚嚴馭下肅百姓止之靡統劉穆之云升員外

山西通志卷一百八 名宦錄八 十四



耶歷官參議

張榮祥符舉人知定襄縣自奉儉約而勤于恤民修學校通水利置義倉病者施藥歿者給棺人咸宜之

李士元河南洛陽人以舉人知代州地衝要使客過者旁午小民多苦供億士元特設支房命謹愿吏掌之又上官遣吏來督賦輒索錢物不應則捶館人士元命如數以給未出境已具文詳報後雖強界之不敢受矣尋被論去祀名宦

楊啟允狄道舉人知五臺縣世宗建三殿採木於邑募民伐山木得二十萬時亢旱水竭艱輓運啟允禱於天曰朝廷營建在邇倣木孔急民力疲矣願錫之雨是夕果大雨如注木盡浮出尋知朔州內捍郡邑外輸軍餉遂解右衛之困遷戶部郎中

山西通志卷一百八 名宦錄八 十五

藍雲錦衣衛人嘉靖間知保德州開水渠砌石城胥有碑記

升太原府同知

齊恩陝西隆德人以鳴贊任河曲縣知縣外明內寬廉辨中濟以仁恕敵入犯恩揚兵河東多設旗幟金鼓之聲不絕敵大驚急卷甲去乃整船筏拯民之避兵者皆得濟事聞遣官賚之祀名宦

楊宜直隸衡水人嘉靖二年以進士知夏縣蒞任五旬櫛弊鋤奸威惠大孚以母憂去歷官南京工部侍郎

鍾恕南陽舉人知夏縣建廟學葺公廡修復獨樂園救荒有術重纂縣志升南京工部主事

徐祚宣城進士知夏縣節用愛民民歡然若更生升御史黃棟湯陰舉人知夏縣性公謹能以廉自飭在官四年終始

一節尋擢平涼府知府以廉名為天下第一

劉汀南宮人嘉靖二十年以進士知安邑縣政尚嚴明當路有為年家報營逮其父子斃於獄更欲及其幼孫汀密防不遺獲免給家歲時祀焉承委管鹽公直得眾心監臨將閱池鹽丁萬餘人爭門幾至敗壞廳之不從急呼汀至跨馬揚鞭一指萬丁奔避以此見忌死於非辜

李全內江縣人進士知夏縣政平訟理歷官山西參議沈瑤浙江德清人進士知夏縣達于學有文名朔望詣學宮為諸生剖析義理講解不倦蒞政嚴而能明有養婦新歿使者以孝烈旌之力請改正尋議建藩府瑤曰鹽課為國家大務若以剪桐勢必至侵牟恐為大害事因得寢比入覲行李一肩祀名宦

山西通志卷一百八 名宦錄八 十六

岳粹冠縣人進士知夏縣節已愛民升戶部主事

王言大衛輝府人以舉人知夏縣建惠民樓修學舍改立溫公書院訟簡民安升保定府通判

季遐齡夏津舉人知夏縣才識諳練吏民畏服節省財力與民休息升太原府同知累官山西參議

岳相壽光縣人進士知武進調夏縣撫弱鋤強尋丁母憂扶襁步歸土民以孝稱之歷官光祿寺少卿

李溥定州人進士知夏縣政平訟簡用省民安升戶部主事歷官陝西副使

傅承道字熙宇靈壽人以進士知芮城縣渾厚高雅有守有為均糧裕丁行取御史歷升都察院左都御史吏部尚書壽至八十有二子維麟進士官至工部尚書



江淳靜甯人醇厚耿介讀書以研理為先宰芮城政績著聞  
邢化山東臨邑人嘉靖中以官生任絳州知州廉辦不為刻  
嚴遇訟獄悉令自拘有以和息請者即聽之弗徵贖緩學正  
李必昌南海人也與其妻一時俱卒稚子弱女貧不能歸擇  
義民老嫗護送歸里擢延安同知祀名宦

劉朝麒臨洮衛舉人知絳州絳有靈邱藩封招納無賴子弟  
甚為民害朝麒正其罪諸宗人欲危之論以法卒解去  
李朝綱武功舉人任聞喜縣性廉介自奉甚薄於衙齋市雖  
馭之甚嚴凶荒發粟振飢祀名宦

閻倬隴州舉人任聞喜縣蔬食練服自奉如布衣嘗裁革侯  
馬貼役又擇諸生三人授以春秋後皆登甲乙榜祀名宦  
高義葉縣舉人任稷山縣廉而能平遇事公謹吏民畏服歲

飢設法振貸祀名宦

李光遠平山人由縣丞升知絳縣公介廉慎改建學校新縣  
治及幕所鐘樓政績顯著升平涼府通判民遮道送者百里  
不絕

于葉長垣舉人任稷山縣性剛直遇訟獄剖決如流先任武  
陟調今官益勤其職興學校禁奸頑修築城池民爭鼓舞擢  
蔚州知州祀名宦

羅田河南光山人進士知聞喜縣寬宏不苟平心御物刑政  
皆有條理祀名宦

李復聘塾屋進士知聞喜縣持已嚴峻馭物和平長才大略  
修舉百廢城池公署廟祠坊表營繕一新然未嘗擾及民間  
歲遇大旱刺血為文禱于神畢倚廟牆而哭是夕雷雨大作

四野霑足歲大熟後擢御史為關中六君子之一縣人祀之  
畏星六名宦祠中

馬三樂陽信進士知聞喜縣挺特有定守嘗毀淫祠或說以  
禍福不為動設法振飢加意興學邑初進稅甚多至是悉勸  
輸如額上官爭異之祀名宦

史載德任邱人進士知聞喜縣威重廉勤振饑荒懲讒橫除  
協夫設館餐修學舍明條教嘗以均糧遺悔邑人不怨桐鄉  
畏星首祀之

張開行內黃進士知聞喜縣杏利弊正風俗戒奢靡立品節  
勸農桑給牛種作養人才平息詞訟與物無忤雖婦人小子  
見之不異家人升監察御史有生祠

嚴天祥朝邑人進士知絳縣廉正執法民有毆傷人股以死

者累檢股無他天祥取二股察其形色迥異一訊具服遠近  
稱神以治行異等升御史

葛蘭信陽人嘉靖初知蒲縣斷獄明允鄰封不決者質成之  
倉庾盈溢遇歲荒振濟有方民獲全

牛惠咸甯人知蒲縣秉性剛方立政廉平與革協宜吏畏民  
懷去任民歌之曰來時行李蕭然去時行李蕭然秦嶽祠前  
經過寸心不負皇天

褚相海甯人由進士知霍州中除徐溝蒲縣等處助差銀審  
定輪編夫役歲省費數百創建霍山正學書院集庠彥肄業  
其中朔望親詣講學寒暑無輟士民立祠祀之

種奎四川階州人靈石知縣精明仁恕浚築城池疏通水利  
所措施皆有實惠祀名宦



王植安定舉人任靈石縣明敏慈惠修學造士尤竭其力祀名宦以上嘉靖時

王下賢陝西鳳陽人隆慶間以舉人任岢嵐州知州廉明有禦變才初下車敵大舉入寇下賢陰設守禦具倉卒悉備比大兵過糧餉芻秣能以時供給無缺又約束將卒不得入民舍恣暴虐民咸賴之祀名宦

李懋直隸人任岢嵐知州豁達老成時邊警告急有欲生事要功者議於岢嵐西北扼要路築長城其策甚迂四野驚惑懋力抗不從民用以安

初旦博舉人令太谷遇事立斷百廢俱舉吏畏其威民懷其德

楊時甯河南祥符人隆慶間以進士知曲沃縣處事周詳慎

山西通志卷一百八 名宦錄八 十九

密馭吏胥嚴而有體期年政成威惠並著嘗均丁徭差役遠近貧富稱便百姓勒其事于石肖像祀之尋擢吏部主事累官兵部尚書

張敬一韓城舉人知鄉甯縣精明歷練減賦清田民懷吏畏為一時循吏冠祀名宦

宋訓河南新蔡人隆慶元年以進士任蒲州知州廉幹有為築州城創鼓樓修河中書院所興舉悉關百年大計累官通政司參議

李廷棟涑水舉人萬泉知縣興學校正風俗均稅糧革驛馬民被實惠而修葺古城復薛通之舊厥功尤偉

王欽安定人清修苦節事繼母以孝聞宰萬泉鋤強抑惡有聲三晉邑人紀其嘉績畫十二圖將內召以疾歸

李廷陳涑水舉人隆慶間任萬泉剛毅有為誠心愛下興學校正風俗均稅糧革驛馬惠民之政多端有去思碑

史邦直字正楚山東樂陵人進士知臨晉縣有吏才數徵行境內田廬里居皆能識其處邑軍民雜處軍故驕恣不用命捕者臨所屯輒稱官司凌親藩邦直以其玩法橫絕請徙他方草狀旦暮躬持檄上屯生員胡某者聞之懼丐學校諸生請命邦直曰惟吾法是聽吾貴汝胡生唯唯於是屯軍人人爭就約束乃按籍定戶積戶成屯屯立一頭諸屯有事事立一大管月朔大管事赴縣畫卯具有無違犯報官無不稟稟奉命惟謹三載考滿量移西安府丞累遷河東按察司僉事督理鳳陽屯牧致仕卒於家

王憑臨邑人隆慶間以舉人知潞安府有雅量始終未見其怒然三尺法無敢撓者朔望謁廟畢與諸生論說理輿多所發明以憂去士民攀送車不得行官至大參

山西通志卷一百八 名宦錄八 二十

劉四科字健菴陝西涇陽人隆慶間以進士知長治縣沈毅淵博居官廉簡有守嘗值編審攜書吏數人入參府設警柝于外有巡視少年受錢五十文廉得之即枷責不貸事訖人稱公明後擢吏部主事累官兵部尚書

徐鳴鶴杞縣人隆慶間以進士知屯留縣時尚苛猛鳴鶴獨在寬平有視民如子之心不競聲華人自以為莫及升御史

奈邦奇陝西鳳翔人隆慶間以舉人知壺關縣緩征疏網與民休息謙恭下士接紳衿以禮時時引見訪民間疾苦與除之期年後閭里改觀後擢指揮累官府同知民為樹去思碑

李春芳直隸井陘人隆慶間以太原府同知署石州事時州



經新破春芳加意撫綏恤死慰生不遺餘力復以其暇繕城池飾廟學殘疆復完祀名宦

孟一脈字淑孔東阿人平遙知縣以廉能擢御史仕至南贛巡撫卒

岳維華曲周人進士知平遙縣剛介不阿廉明自勵建敵樓敵臺以備守禦升同知

李棟涉縣人隆慶間以進士知陽城縣愷悌慈祥明敏果斷居三載以循良卓異賜宴禮部擢山東道御史民立二祠祀之

周詩更姓單固始舉人知沁水縣清慎和易約已惠民升戶部主事歷官雲南永昌知府

劉復禮山海衛人隆慶間以舉人知渾源州介直廉明御下嚴肅刑清政簡振恤貧寒有禱雨立應苦井變甘之異州人

立石頌德洩八年升工部員外老幼攀臥不忍舍傳延耆庶城人以貢知應州性極端方政惟節愛辦山糧不辭利害值寇訂大有擔當祀名宦

韓應元歷城人進士知懷仁縣釐正祀典均平夫役至今猶遵其法升評事

許應達嘉興人隆慶間以進士知遼州清廉持已慈愛臨民樊自新陝西人知和順縣廉介律已平易近民祀名宦

蹇達四川巴縣人隆慶末以進士知平定州學問博雅為時宗匠居官以廉自厲遇事斧劈理解動中機宜訟庭清暇官吏悉袖手而綱舉目張迄無廢事累官薊遼總督兵部尚書

江梅蘭州人以舉人令壽陽仁愛廉明鄰邑有冤者悉往訴

山西通志卷一百八 名宦錄八 三

稱爲江青天升正定府通判有去思碑

張學道整屋進士隆慶間知靜樂縣忠懇勤篤期于以德化民左右不得干一語加意學政士風一變調交陽升主事

葉露新雲南人隆慶間以舉人任代州知州冰蘖自天執法甚嚴有犯者必痛懲之時人比之包拯祀名宦

劉希孟安邱進士隆慶間任安邑清介自持一塵不染徵賦有羨即抵正額遐邇皆知其正直有不侵下不奉上之謠升吏部主事

陳世寶鉅鹿舉人知夏縣知大體愷悌愛人築明倫堂建尊經閣縣西境有牛家窟爲荏苒世寶初築城堡招集流移盜賊屏息百姓名爲陳家莊後升監察御史

宋應昌浙江仁和人隆慶元年以進士知絳州州城濱汾常患水噴應昌至築石隄護之民間地糧多飛詭親爲清丈弊

未絕公館供具舊派之里甲悉改由官辦閭閻無擾歷官右都御史祀名宦

張允濟固始人以郎中出知絳州丰度威嚴不事鈎索人自不欺甫一年以內艱歸人咸惜之

張汝乾陝西洛南人河津知縣築城池修隄堰興水利放里長正亦歷編審悉公嚴課士子崇正學治邑若家修輯縣志

文作涪州人進士知聞喜縣清苦勤慎洞悉民情升主事韓超然山東臨淄人隆慶三年蒲縣知縣清介有爲於城池

水利修舉必力而潔已愛民且供外絲毫無所染祀名宦邵蕙陝西甯州人以舉人知大甯縣重築北寨建高覽樓增

西關城門凡三於北寨內建書院於小寨中置倉舍又築南

山西通志卷一百八 名宦錄八 三



朔外石隄以障河水久而不泐尋升真定府通判以上屬

周詩山東德州人萬歷間以進士任太原府知府性剛直諳

練庶務雪冤抑鋤豪猾嚴互刺時稱良守乞休去祀名宦

孫化龍復鹿進士知太原府孟有妄男子假巫為奸利龍廉

得其狀時適亢旱因使問雨期巫窮伏按左道法誅之在官

數年能以廉靜率先屬邑祀名宦

董仕河南汝陽人以舉人在岢嵐知州寬仁不喜立威獨於

亂法之民不少假嘗廉健訟者立斃於獄一邑稱快播潞安

同知祀名宦

姚德重維縣進士知榆次縣甘淡泊事上官恭謹有禮馭衙

蓋市雖以嚴撫恤窮黎則又曲有恩意祀名宦

吳三省洛陽人知徐溝縣疾惡如讐廉幹有為凡事不屑近

功嘗登縣城為萬年保障祀名宦

李光祖字克肖保安人以進士任榆次知縣仁慈能濟以嚴

毅嘗遇歲饑振給有法窮乏不至流移人尤感頌不置後擢

監察御史祀名宦

于天經冠縣進士任陽曲縣清勤愛民初涖任即策款段馬

日隨二隸巡行阡陌問勸課農桑倦則止僧舍炊脫粟飯遇

訟者以片詞折之歲饑停徵調屢蒙譴責不為動尋以艱去

攀臥數千人祀名宦

徐守謙洛陽進士任陽曲縣通敏有吏才先任榆次有能聲

及調涖果斷明肅剖決如流治行大著擢監察御史未任卒

士民立石識之祀名宦

周永春金鄉進士任陽曲縣念省會習俗奢侈以節儉為先

委曲開導又邑為藩封地豪宗橫肆多誣陷平民悉裁以法

涖任五年擢禮科給事中祀名宦

史記事字義伯陝西渭南人進士補榆次縣精明果斷先任

介休力興水利功績最著涖榆次益銳意民事築城濬渠嘗

修縣志於邑徭役三致意焉後升兵部主事改雲南道監察

御史榆民及介休各建祠祀之並勒實政於石

劉似龍字占宇直隸高陽人進士知榆次縣慨直負氣節先

任聞喜有循聲在榆次捐俸設義學開東陽鎮水渠溉田數

十頃秋滿擢刑部郎後以莊浪道佩四符辦理軍務卒於官

朝廷嘉其忠勤予祭葬

李元同州進士任祁縣平恕廉明均徭役省解納飭學宮恤

行戶開渠穿井清驛彌盜革一切賠累剝削之苦民德之兩

地立祠

屈鍾嶽字毓秀蒲城舉人令太原清慎敏捷循聲籍籍尋轉

光祿署正遷部郎擢大同知府未幾卒鍾嶽有豁達之度不

事纖趨居官正直不阿旅視歸里行李蕭然

賈毓祥平度人進士知太谷縣操守嚴潔興利除害當時有

真父母之稱祀名宦

張子清無極人令太谷興學育士減稅甦民晉中有何處春

臺似太谷之謠八年升永甯州

李應同州人祁縣知縣明斷有守興學校均征徭開渠利民

凡賠累苛派之弊毅然豁除被其德者咸深愛戴祠祀之

王一龍蘭州舉人知徐溝縣剛毅不畏強禦撫恤士民恩意

曲擊後以抗閹宦謫官士民稱屈祀名宦

山西通志卷一百八 名宦錄八

山西通志卷一百八 名宦錄八

山西通志卷一百八 名宦錄八



于彥英直隸固安舉人知徐溝縣器識英敏發摘奸伏如神  
嘗丈量地畝立法均平民咸德之祀名宦

馬天俸密雲衛人任清源公明廉幹清丈地畝均平糧石地  
方永賴

周壁歷城舉人知交城縣實心愛民雅甘淡薄裁冗費墾荒  
田開河渠繕城堡尤加意學校於貧不能自存者時時振給  
之祀名宦

姜一鳴陝西蒲城人以舉人任文水縣清介自持治窩禁暴  
其清丈田土振恤凶荒民尤被實德云祀名宦

郭宗賢邯鄲舉人任文水縣嚴明議體要嘗修邑城迄今稱  
保障祀名宦

文養浩耀州舉人任文水嚴革私科勾攝槪差木阜積穀備  
荒四境肅靜調嵐縣歷雲南知府建祠柏朂山巖祀之

趙夢麟廣平進士由兵部主事謫任嵐縣清丈土地編審丁  
徭杜豪戶之兼併清奸胥之隱詭重建公廨百廢具舉升兵  
部員外

傅淑訓湖廣孝感人萬歷中以進士知平陽府少事父母有  
孝名居官廉正遇凶荒煮粥振饑公退閉閣纂志網羅放失  
成一郡信史尋遷本省督學道稱公明累官戶部尚書

劉餘祐字玉孺山東濱州人進士知平陽府沈毅孝慈持守  
狷潔時有知州餽送黃金觀音一尊嚴絕之升河南睢陳道  
參政遷本省右布政使趙曲鎮有遺愛生祠

張維世太康進士歷官平陽知府捕治絳州奸猾數十人就  
逆副使分巡其地累官宣府巡撫崇禎十五年二月流賊攻

太康與知縣魏令望拒守城陷抗節死  
喬因羽陝西耀州人以進士知洪洞縣修學宮建奎樓立社  
倉清賦役至捐俸築公署買馬甦傳郵歲省民費幾千金尤  
為實德擢兵部主事祀名宦

何出光扶溝進士曲沃知縣初下車即革除里甲供應諸項  
威飢發粟振貸兼設粥廠數十處疫作施醫藥有死者輒埋  
瘞之朔望詣學宮為諸生講經立社課藝手自丹黃擢監察  
御史祀名宦

邢雲路直隸安肅人進士臨汾知縣時值大飢流亡載道銳  
意振恤有餓孀掩覆之嘗築千金堰興水利開永豐渠防  
水患輯縣志著冠婚喪祭議正禮俗又於四門建惠民局於  
驛建生罔文章政事為一時冠在任五年後立祠涉河

馬從龍安邱進士知洪洞縣端方鎮靜定催科條例至今為  
晉省式折獄有清獻孝肅之風

房壯麗字威甫直隸安州人進士知襄陵縣持身廉潔為政  
和平敦大而綜理細事無不畢舉後官吏部尚書襄陵人為  
樹去思碑焉

毛炯任縣舉人知汾西縣心恕法嚴痛絕私謁興學校教紡  
織栽桑柳體察民情繕悉備至祀名宦

方應明河南光州人由進士任壺關縣調繁洪洞與利除弊  
有神君之稱尤恪愷育材嘗拔士授經藝咸登科第時號八  
俊士民建祠立碑

趙彥復河南杞縣人進士曲沃知縣廉敏有治劇材嘗減均  
徭募驛馬革堡官門禁諸役煮粥振飢延邑人閻光重輯沃

〔光緒〕山西通志 卷一〇八



志擢戶部主事祀名宦

馮逢皋陝西三原人進士襄陵知縣嘗修書院以育人材成晉橋以通道塗興水利以灌田畝政績卓然民為立碑識之祀名宦

周士樸字丹其商邱人進士除曲沃知縣度量寬洪喜怒不形持大體不喜鈎距愛民出於至誠以德化之民亦洽其德化相戒不犯升給事中仕至工部尚書賊陷商邱死之

陳勛字典伯莒州進士令襄陵持躬敷政正直端亮至其玉成多士邑內簪纓皆其桃李

楊作相字夢符蓬溪進士自聞喜調任襄陵節費甦民編審尤協輿情有神君慈母之稱官至山西督學道

侯于魯字子建渭南舉人知太平縣才幹素裕諳達民情建清儲鎮開墾荒田升保德州知州

沈時敘祥符進士令曲沃發奸除暴政教嚴明刑清訟簡民服吏畏清丈地畝均平糧石民力大甦行取御史

李時茂乾州舉人知鄉甯縣節愛恤民嚴明馭吏嘗捐俸修常平倉及養濟院整理儒學號舍清逋賦完額稅鄰民訟上官咸願得鄉甯李青天廉時論稱之

白宗舜清澗舉人萬厯間知蒲州蒲素多豪右宗舜一介不取禁絕干謁嚴革諸弊猾吏畏服

勇慎蒲州舉人任蒲州居官五載不輕言笑案無留牘刑政有闕大犯者權勢不能奪

王毓陽陝西綏德州人進士臨晉知縣凡前令史邦直規制悉遵守之弗失間有未合者稍稍變通故治不勞而聲稱遠

毓陽先任靜樂以廉能調臨晉云

何允升河南杞縣人進士猗氏知縣時當承平上恬下熙奸弊叢生允升殫力釐剔撫善良鋤奸俠崇學校繩豪貴恩義兼至時稱其體備四時擢知蒲州仍卯異邑人不替後入為兵部員外卒於官囊止數金不能具棺斂事聞給葬以歸

趙岸盤屋進士臨晉知縣廉明善斷雖大獄案件不移時輒具百姓歡呼稱無冤鄰邑質成者踵相接值歲旱禱雨四野霑足尋以勞卒祀名宦

陳經濟字衡吾禹州人進士除猗氏令性澹泊沈毅力為地方謀生養丙戌歲大饑借鏹上官並捐俸設粥廠活人無算所攜銀帶一束折以餬口堂下槐角甚繁得豆數石與縣尉分啖之遠官輒軒迂徑不入邑會邊儲告訕部使者嚴督繫

經承吏經濟曰官實不才吏乎何尤乃奪索自繫使者駭去解州七郎堰護城隍也延二十里州守請於上官起十縣夫築之經濟曰城隍非鹽隍可比奈何徵役各縣乎弗應州守關提不已請解見守爭之乃罷至今猗無七郎堰工皆經濟力也

吳崇禮山東甯陽人進士知蒲縣調刺臨晉邑北地廣人稀拋荒者眾崇禮置官莊具牛種召集流亡今其莊名曰吳家莊任滿擢監察御史

高維岡陝西神木人進士任臨晉修舉廢墜自縣治學宮城垣一切聿新又於峨嵋頂築文星臺下建文昌閣以聚風氣祀名宦

李景登廣甯進士任猗氏才敏氣恬不以崖岸自異為政務

李景登廣甯進士任猗氏才敏氣恬不以崖岸自異為政務

李景登廣甯進士任猗氏才敏氣恬不以崖岸自異為政務

李景登廣甯進士任猗氏才敏氣恬不以崖岸自異為政務

李景登廣甯進士任猗氏才敏氣恬不以崖岸自異為政務

李景登廣甯進士任猗氏才敏氣恬不以崖岸自異為政務

山西通志卷一百八 名宦錄八 三

山西通志卷一百八 名宦錄八 三



持大體請除荒地課業諸生升吏部主事

郭九有涇陽進士任猗氏操嚴冰霜發奸懲暴稟不可犯丁憂歸服闋再補猗氏邑人鼓舞歡迎駢填道路始終不易其操升禮部主事

麻永吉字慶川慶陽人自庶吉士改御史萬歷間任潞安知府性長厚其治主於不擾嘗易二紬既而悔曰價雖售恐開取用例仍還之六年市肆不知供應升本省副使

劉復初字天虞陝西高陵人進士知潞安府時府學規制未備建尊經閣于北義陽文昌魁星三樓于東興賢育才多所成就性剛方廉介守上黨棧杆之地未嘗履一絲曳一組尋以貢篚拂中官意降廣東提舉後歷官太常寺卿

洪良範沂州進士知潞安府精明英察雷厲風行豪蠹一時斂迹佐領差役皆由堂撥嚴禁坊里不許支官以寬物力升副使

陳儒字鑑章新建人進士知潞安府改建長治學創書院延紳士會講多所發明又置學田修西城水牕以備蓄洩革收頭以蘇里甲人皆稱之升河南副使

李杜永年人進士知潞安府寬厚明決張弛俱宜振饑懲奸地方安堵升陝西副使

張鶴騰字元漢隸川衛人進士知潞城縣尋調榆次緝密有守兩宰劇地清操維一擢刑部主事幾不能具道里費士民立祠祀之

張主敬柏鄉進士知長治縣性廉潔一清如水創建考場歲省民間數百金修縣志義例謹嚴升主事

山西通志卷一百八

名宦錄八

三

崔爾進西安右衛人進士知長子縣俗刁悍有自稱劉千斤不畏府君者爾進執之令曉夜巡城已復慰諭遂成良民編審時富民類衣做垢冀避徭役爾進廉所易衣悉置其側乃具服擢御史

經學參全州舉人知黎城縣寬嚴並用豪滑斂手良善鼓腹至公審編絕弊實尤足為法

方應明光州進士知壺關縣廉明公正斷獄如神多所興革民立祠祀之所著有治壺論日中碑諸刻調洪洞縣李仙品高陵進士知長治縣導揚風化不事鞭扑務為教養之實升揚州府同知官至偏沅巡撫

劉一任萬歷間知汾州府為清官第一向有石雁照汾州清官不到頭之謠一任鑄鐵鳳鎮之擢憲副去

夏惟勤直隸冀州人以監生知永甯州修學築城督課士子砥礪鄉約時回鶴為患率鄉兵大破之升青州府同知去任之日老幼涕泣建生祠於東關

尹覺民進士知汾陽縣居官廉幹著有能聲政以利民善俗為大端而舉墜補偏尤令粉者不可及

魏學徵咸陽舉人知平遙縣清廉果斷民為建祠立碑楊天璋永昌衛人由選貢知平遙縣操凜冰霜政崇簡要裁衙蠶革收頭居官二載而卒遠近咸哀傷焉

楊廷謨清苑舉人知平遙縣蒞事風生撫民如子清田畝稅課修文廟舉祀典不媿循良升光祿寺署正楊正達武陵舉人任甯鄉縣清操絕俗推誠待人歲旱禱雨輒應民祠祀之

山西通志卷一百八

名宦錄八

三



公一楊蒙陰舉人知甯鄉縣端嚴有體無苛政汰丁減徭民甚戴之官至郎中

郭然咸陽舉人知甯鄉縣明作果斷人號神君不苛不擾上信下畏

諸葛昇浙江壽甯縣人由選貢任臨縣風格清奇文詞俊逸多有惠政其葺西城興水利具載碑記去後士民建祠又祀名宦

張問仁邢臺舉人知臨縣平易近民端方持已諸所建置各有其功憂去人多思慕之

許維新堂邑人萬歷間知澤州仁慈愷悌簡約淡素先教化而後刑罰緩催科而善聽斷獎借士類惠愛百姓去之日士民老幼遮留三日始得出境所在尸祝有生祠去思碑

山西通志卷一百八

名宦錄八

三

王所用字賓吾河內進士任澤州知州澤俗故剛悍所用馭以寬大豪強者初易視之久悉馴服嘗引訟者至膝前俾盡言徐為開陳利害各和解以去張自安等二十人已定擬矣廉知其寃力為湔雪崇學校興教化修張公書院集一州四縣士肄業其中時察其勤惰後升任去士民建生祠祀之賀盛瑞獲嘉人官工部為內監中傷備兵鄰延遷澤州樸誠清正不畏強禦作興學校請減稅糧修城垣裁冗費清驛站均收納禁淫祀獎節義盡心民社不辭勞怨以疾歸囊篋蕭然士民思之有生祠德政碑

劉一相長山進士知高平縣政適寬嚴學綜經史文章吏治推重一時升給事中

劉應奇中牟進士知陽城縣清慎謙和一毫不苟取歷六載

魏燾齋然升吏部主事去日民攀留者數萬人立祠祀之

王雅量費縣進士知陽城縣有惠政士民德之升廣東道御史按關中道出邑內邑人士無貴賤老幼深山窮谷爭迎道左如見慈母官至光祿寺卿祀名宦

鹿久徵定興進士襄垣知縣擢御史時以軍政事貶黜言官三十四人久徵抗疏申救亦謫澤州判官後遷知縣卒任大僚高陵進士知襄垣調高平才能敏捷禁豪猾雪冤獄人咸悅服祀名宦

張應詔咸陽舉人知陽城縣鑒澄有長才創軹城修學宮清地畝百度具舉升御史

王象蒙新城進士知陽城縣性精明行以渾厚崇學校課農桑遇旱禱雨即應善政不可枚舉升御史

山西通志卷一百八

名宦錄八

三

王良臣新鄭舉人知陽城縣沈毅有遠略清操介守愛民如子修學校勸農桑百廢具興升河間府同知有去思碑

熊偉商城人進士知陽城縣誅劬強暴優禮耆髦令行禁止吏畏民懷

李士登洛陽進士知陵川縣沖齡筮仕諳吏治威惠並施尤作興學校歷官布政使

雍獻策睢州舉人知陵川縣存心仁愛行政公平士民思之張汝濟通州舉人知陵川縣德政清操為一時推重

曲遷喬長山進士知沁水縣肫誠惇大獎拔才傳升工科給事歷官順天府尹

王基字對滄青州衛進士萬歷初大同知府重節義戢橫暴熟諳邊務升分守河東道與利剔弊保釐多方十一年復任



河東道人皆鼓舞歡呼迎者塞路下車問民疾苦如家人父子惠政周洽十六年巡撫大同謹斥堠明賞罰練將士裁冗費通商賈嚴懲強禦奏銅象宗四民甯帖邊方晏安累官戶部尚書

趙之韓汜水舉人知渾源州立政存心皆為地方起見州人沐其德化立祠尸祝

連格禹州人知大同縣惻惻無華綽有古風遇事剖決如流悉得其情士民德之升御史

申其學山東人以貢知朔州深悉民隱當時稱循良第一升長沙府

屈煒陝西蒲城人由選貢知朔州不虐善良不畏強禦在任八年加銜府同知仍管州事致仕

山西通志卷一百八 名宦錄八

岳惟華曲周人萬歷間以進士知遼州申免漂沒地糧士民感頌不衰

張正儒新安舉人知和順縣廉明果斷豪猾屏跡祀名宦萬象新宜興人舉人知和順縣合里併甲薄賦輕徭祀名宦

張儒枝江人以貢知和順縣愷悌慈愛視民如子祀名宦朱進忠桐柏人以貢知和順縣撫字有方民立石建祠

李繼元甯夏人以貢知和順縣修城垣振災荒暇則閉閣纂縣志士民依之祀名宦

雍學詩閩中人以貢知榆社縣自奉淡泊勤於治振濟有方所活以萬計致政歸當道給勘合資路費民甚思之

吳永圖韓城舉人知榆社縣緝盜賊申鄉約課士勸農恤孤拯弱嘗辨吳子誠寃反曹封野獄發徐貞女誣一時稱為青

天審編里役獨宿公所集里老戶甲詳定上下民以為允遷晉府審理輿論惜之

俞汝為字毅夫江南華亭人萬歷間以進士官山東僉事左遷沁州知州敏歷郡縣威望素著涖州招流移重學校術者

言漳水徑南下於州不利遂築石渠使東流汾州政府後割沁及屬邑隸之民疲於奔命為上疏開下復舊制沁陽驛舊設募夫為民累建議革之嘗修州志稱精核在沁五年擢工部去沁人立祠祀之

史應元知沁州清勤仁恕剔蠹惠民善政甚多祀名宦干木靜海人以舉人知沁源縣清儉安靜未幾乞休歸

黃元會甯夏中衛人以貢知武鄉縣催科不擾編審無私開荒田招流移勸樹藝教紡織修學育才築隄捍患在任九載

山西通志卷一百八 名宦錄八

士民德之建生祠勒其事於石

靳賢字子哲陝西靜甯州人以舉人任沁源縣釐奸剔弊吏畏民懷管遵例履畝定稅減三分之一縣城舊係土築每歲傾圯申請當道戮以磚石為生民豎百年保障升路安府通判尚嵐州知州乞休去沁人立生祠祀焉

侯體乾歸德人以貢知沁源縣文學操守為當時推重居官勸化風俗表揚節義省里長勸課農桑嘗捐柴馬銀窮民道稅人尤稱之尋以母老乞休當道檄留不願去百姓遮道扳拉如失慈母

喬應萃陝西清水人萬歷十一年知樂平縣廉能清淨有古循良風升重慶府通判

藍尚質膚施人以監生知壽陽政尚勤儉務以躬行化民邑



素不諳紡織尙質始教之迄今民賴其利祠祀之  
錢一騎掖縣舉人知樂平縣搏擊豪強喚休孤弱持躬清苦  
升錦衣衛經歷累官知府

張國璽任邱進士任孟縣知縣平賦均徭釐奸剔弊尤善折  
獄大吏奇其材有疑案悉以委之一時有東察院之謠

田應揚雞澤舉人萬歷間由廣昌令擢知忻州賦性冲恬心  
切愷悌服食依然寒素喜下問田婦攜兒不憚諮詢升萊州  
府同知

張堯行宜川人以貢生任忻州知州端毅有執持不爲利害  
或嘗以城垣爲州根本以甄發之嚴督精覈日夕不少倦及  
告成幾嘔血

楊維嶽餘姚進士知漳州府謫忻州政尙廉平徵解不染指  
聽訟立發訊單舞文者斂迹歲荒煮粥惠民撫流移八百餘

山西通志卷一百八

名宦錄八

五

家開水渠三十五道墾荒地五十餘頃清驛傳俸修學繕  
堡民甚德之

陶光龍固安人由兗州判擢知忻州寬和勤慎加意恤民留  
心造士清丈地畝有均平之頌遷晉府長史士民赴會城終  
其任省問不絕

王濯征西安護衛舉人知定襄縣剛直嚴明發奸摘伏吏胥  
斂迹節里甲廣儲蓄置社倉力寢添設驛遞之議民獲安靜  
升保定府通判

白璧清澗舉人知定襄縣潔己愛民練才應務省里甲撫流  
移憫旱災便民壯簡詞訟免勾稽集士課文助喪完娶與夫  
修坊鑿井諸多善政升絳州知州士民立石頌德

王立愛崇義人以貢任定襄知縣廉敏愛民嘗給以舫車令  
習女工又令種樹道旁爲材木用飾廟學崇節孝興起教化  
一變澆漓之俗後擢鎮江府通判士民肖像祀之

王統陽綏德進士知靜樂縣政務廉平嘗以驛傳滋擾請移  
縣內親爲參驗給付民尤便之改臨晉攝工科給事中

劉沂字蓮洲完縣人以貢任靜樂知縣性伉直善折獄嘗改  
立莊頭令戶自爲輸納豪猾者不得中飽又改建文廟士窮  
乏不能自振者時展給之尋擢平涼府通判

黃思道仁和人萬歷間以舉人任代州知州素廉能蒞任時  
適大閱部院使者一時俱集費費不支思道調度有方不待  
嚴督有早辦尋卒於官幾無以斂民立祠祀之

陳謙蠡縣人以舉人知五臺縣政事練達催科有方振修學  
校獎拔士類升太原府通判

山西通志卷一百八

名宦錄八

五

劉楫濟州城人以貢知崞縣廉明仁慈旌善除暴豪猾斂跡  
地方安靜

光祖信陽人知五臺縣耿介清廉勤於其職嘗增修廟學勒  
貪廉二箴於石以自警

胡柎字棟隆陝西洵陽人以選貢任夏縣知縣遷保德州知  
州殫心民事百廢具舉在州修城垣立社倉闢養濟院惠民  
局修文廟製祭器繪祭儀圖補經籍數十部立社學延師訓  
童蒙輯州志坊表舖舍監獄悉修舉後升鄆陽同知將去老

幼焚香送者百里不絕建生祠四十餘處

韓朝貢廣施舉人萬歷中知保德州貌甚樸有揮霍材嘗請  
銷絕軍濁河糧力與上官抗卒如其議又以州爲邊邑城垣



尤重倡教贊其四面朝貢先官嵐縣嵐縣人諷思之至是州人亦建祠祀焉

王甲字劍塘利津舉人知保德州先任大同通判有廉能聲及蒞州益厲清操剖決是非片言悉得結者至不敢吐一辭後擢夔州府同知祀名宦

黨傑陝西城固人以進士知河曲縣溫厚縝栗取豪猾甚嚴而與休小弱則倍極仁恕持身廉潔正供外絲毫無所取三年如一日尋以艱歸後補文安縣行取監察御史

高應科邠舉人知河曲縣操履清潔衣食如貧生屢經薦刺在任三載以憂歸百姓遮道泣送如失慈母

楊益臨潼人萬曆三年以舉人知夏縣廉勤信果政事井井有條以狷介不容于時尋去職

山西通志卷一百八

名宦錄八

三

孫養默鄒平舉人知夏縣問學淵深工詩文為政慈祥愷悌升衛輝府同知

柳佐臨清進士任夏縣才識高明政體諳練邑號多訟剖決如流三月後訟簡刑清民賴以安調曲沃

袁應春鳳翔人以靈石知縣調夏縣時太監張忠奉命開鑛威福大作令長皆長跪白事應春獨抗禮曰公雖貴內侍也令雖卑臣子也無庭參理忠大怒劾之降承衛衛經歷天啟改元以薦起刑部主事至員外

韓薰為夏縣知縣稅使張忠奏調薰簡僻吏部尚書李戴以內官不當擅舉刺疏爭之戶科給事中程紹力爭鑄秩斥薰為民

魏學徵由舉人知平陸縣體恤民瘼舉弱抑強引渠水以資

灌新文臺以振士風人懷其惠去後為立德政碑

杜濬任邱舉人萬曆中任絳州知州廉明能斷然樂與民相安絳俗故輕生雖小忿輒自斃以累人濬嚴禁之有犯者悉令自瘞俗為一變佐貳咸閉戶無所事事尋致仕歸祀名宦申田靈壽進士知聞喜縣布衣疏食儉約自甘胥吏有進美餘者指戒石語以矢之民有匹馬清風之謔

馬懋安邱人以恩貢任稷山縣知縣清勤剛斷勇于任事遇歲荒請振倍他邑捕巨盜王邦清立斃之嘗申減代納文水嵐縣徭銀七百兩卒於官祀名宦

苗應元武定舉人知稷山縣時當大荒後民間疾苦悉為祛除賦役火耗禁之尤切吏胥悉凜不敢上下其手甫年餘遽卒於官百姓如失怙恃祀棠陰祠

山西通志卷一百八

名宦錄八

三

劉一相長山進士知稷山縣愷悌慈祥尤加意學校拔諸生傳異者親為講授諸生奮起以不得與為恥擢南京兵部主事祀棠陰祠

李希召蘭陽進士知稷山縣廉明善斷事無留滯衙蠹市魁相率吐真情絳藩聞之亦戒左右無犯遇士大夫特厚貧乏者資給之或有冤抑必亟與昭雪調合水縣祀棠陰祠

白鯤南和舉人知河津縣修遮馬峪清泉灌于澗等里民田至今賴之升平陽同知

崔儒秀字敬初陝州進士知絳縣性敏捷有膽識發奸諂伏如神勤于課士親為指授縣人代鄉甯安邑輸納苦累甚甚力請得豁免尋調翼城累官開原監軍道遼陷殉節死祀名宦



吳峻陝西鳳翔人以舉人任稷山知縣雅甘淡泊日用薪米悉自給不委支役上下省會以一二隸自隨見者不知為令尹也嘗立大社集諸生論文開薛村渠使資灌漑甫八月以憂去祀棠陰祠

喬允升孟津進士知聞喜縣長才雅量有政聲因錢糧合戶催徵奸民每多拖累乃設門簿至今便之

張耀字融我三原舉人知聞喜縣以慈惠撫民民為立祠歷官貴州布政使寇孫可望等至不屈死

周鳴泰商州舉人知聞喜縣清而不苛勸民完通稅諭民息爭訟立月課取名士甲乙之農有乏耕具者婦女有乏紡車者官給之以疾卒士民憫惜之

時化濰縣舉人知聞喜縣廉介敏練剛正無私興利除弊事

事求為可久申革力銀貽惠無窮執法不撓為權勢不喜遂解綬歸百姓攀號不忍舍歷久猶思念之

薛承教咸陽進士知稷山縣剛明爽率正不阿遇事擔當興除無遺力申減站銀創建汾橋永為民便升南京戶部主事有去思碑

王豫立涇陽進士知稷山縣慈愛精明時礦使四出大璫將臨稷邑妄云鳳凰山銀可採以文走使止之去之日囊無一錢士民攀送號泣有生祠

儲至俊字賓賢靖州人萬曆四十二年以貢知臨州植桑麻勸織紡修大觀樓開東門重葺學宮鑿泮池勸尊經閣招來

流移輕徭薄賦貧民逋亡者咸復業焉

吳崇禮甯陽進士知蒲縣潔已愛民歲荒多方賑貸尋以才

調臨晉後官兵部尚書

余建隆開化人知永和縣操履貞嚴踰年致仕束裝無具隰州守親臨祖餞忽報有地坎陷得宋古錢一窖守曰此天為廉吏賜也命市之以為資斧隨一僕負繳而歸見者莫不嗟嘆

劉紹宗武城人知大甯縣政教兼舉考滿民赴部保留復任三年

張遂華州舉人萬曆間任霍州德政廉明發奸捕伏歷久稱頌不忘

楊楠蓋屋舉人知霍州性莊嚴為政簡而有體立文社督諸生講藝指示與交尤倡明正學力請故學正曹端從祀孔董厥修山東長清舉人知趙城縣舉行鄉約修建學宮開

家渠於城北引汾水灌田數百畝民至今賴之操行清潔之日行李蕭然以上萬曆時

田景新貴州人泰昌時以進士知高平縣寬平簡易清釋減租賦為德於民甚厚未幾調陽曲民立祠祀之

張任學安岳人天啟五年進士授太原知縣以才調榆次崇禎中舉治卓異入為御史後請易武階改河南總兵官禔職

卒

李嵩棗強人以進士任翼城縣知縣慈敏多惠政邑舊有代辦差銀雖經前令革免猶存六百餘金至是力請悉除之擢御史出按本省待翼民尤厚遇兵荒既捐金賑貸更為疏蠲

正供累官湖廣布政使祀名宦

張泰階上海人天啟間以進士知潞安府敷政寬和然能自



守不為不義屈有中官乘傳過上黨氣焰甚熾監司以下俱如迎泰階惟遣人投刺而已中官雖甚怒卒不能加害苟好善陝西醴泉人進士知長治縣英毅明敏政聲最著尋以憂去後官至濟南知府死于難

李先成長垣舉人知平遙縣重士撫民抑強維弱有風力聲卒於官人皆惜之

張自蘊即墨人天啟間以舉人知陵川縣德性仁慈器度恢宏鋤抑強豪興起斯文調介休

董之表陽信舉人知沁水縣清謹仁恕去任父老子弟遮留號泣二百里絡繹不絕升晉州知州鞏昌府周知

王象雲新城人天啟五年進士知大同縣擢御史言吏部尙書王永光用一仙克謹而山西壞不納已劾大學士溫體仁

官終山西參議

劉以守雲南籍浙江分水人以舉人任山陰知縣山陰為邊陲地保障尤亟以守有應變略又明於形勢蒞任後改河道築圍墻濬池濠製懸樓屹然巨鎮焉

江若練文登人天啟間以貢任長治丞擢知崞縣廉明公勤力請罷葦租又請空地租輸學給寒生婚喪不足者實心愛民備載善政實錄

李蘊秀永年人天啟二年以舉人任平陸縣知縣性剛果鋤豪強不少假而培養士類則情義倍至祀名宦

姜士佐膠州舉人知芮城縣性仁慈撫民造士具有才幹修城堡救凶荒勸開墾曲盡其術祀名宦

王楫泰安進士自柘城調安邑一清如水政尙仁慈邑人戴

山西通志卷一百八 名宦錄八

之升戶部主事以上天

湯啟祥宜興人崇禎間以進士任太原府知府有清操不妄取愛民如子於奸猾為害者窮治不少貨頌聲大起祀名宦

孫康周字晉侯安邱舉人知太原府流賊入率死士巷戰被執說降不從乃見殺

任孔當濟甯進士任陽曲俯詢利弊立為興革時久旱步禱百里未至城大雨如注以艱去攀轅臥留者擁蔽不能行

彭而述河南鄧州人進士知陽曲縣捐金修城募民兵三百人號太原忠義營甲冑旗幟具備又買馬四百頭捐乘馬四匹給驛傳新城南狄梁公祠並矜其後裔使奉祭祀歲饑煮粥哺飢民祀名宦

范志泰虞城人以長史署陽曲縣事流賊陷城不食死

岳維楨東明人以保舉任清源知縣值歲大饑盜賊蠶起維楨留心撫字俾民不流離又偵盜賊所在搗其巢穴殄滅之遇災患捍禦必力鄰邑胥獲安堵祀名宦

薛國柱吳堡人進士知交城縣純樸精明能聽訟勤課士以時值流寇亂登邑城四面鼓舞有方不期月事集後升河南汝甯道監軍督餉祀名宦

張首標玉田人進士知交城縣剛腸疾惡善折獄喜與儒生遊捐俸課藝親定甲乙調汾陽祀名宦

王凝命任交城知縣廉幹有為時寇盜孔棘悉力剿撫邑人胡曰蕃以犒軍沒於賊斂而殯之為文以祭卹其家特厚祀名宦

武清周華州舉人知文水縣性剛正胥吏攝服值內瑞過邑

山西通志卷一百八 名宦錄八



清周持以大體不少屈調繁汾陽縣

程世昌光山進士崇禎間知平陽府率屬以正馭吏以嚴升直太道

周文斗沂州人進士知臨汾縣時東西山賊徧起而郡城故無兵可守文斗命衛指揮王章督率武生及壯快衛軍時時征勦躬自調度兵食為百姓捍禦賊不敢犯士民立祠祀之王允長字慶我吳橋進士知翼城縣尋遷澤州知州廉介剛正為政以息訟勸農為先在翼城建文峯東南科名日起儲備守禦具寇至不能為害在澤州嘗作愛錢歌詞雖俚而痛切可警世之役役於利者後升河南憲副死闕逆之難魏公韓黃岡進士知太平縣縣為伯益故里祠與墓為人侵占幾漫滅不可識公韓釐正之重加修理邑遭寇患城垣圯壞請于上官復募諸紳士悉力築之已而寇復至督鄉兵捍禦斬獲無算民立生祠祀焉

山西通志卷一百八 名宦錄八

望

李士道廣東程鄉人進士知翼城縣績學工文有吏才泄政能勤崇禮士子嘗建翔山書院講藝課業雖寇臨城下不為輟調曲沃縣擢翰林編修祀名宦  
楊家龍曲陽人由選貢知鄉甯縣拯災傷撫流困清操亮節三載如一當流寇蹂躪時邑猶賴以稍甦焉  
李用質濟甯進士知襄陵縣性慈祥居官無赫赫名而賞機立斷胥中肯綮值歲飢設廠煮粥擢兵科給事中祀名宦  
李乘雲高陽舉人知浮山縣流賊數萬來寇手發一矢斃其魁眾遂道累遷山西僉事以才調大梁道賊破禹州亂刃交下而死贈光祿卿

尹任臨清州人嘗任臨汾知縣歸殉節於鄉

段文光祥符人進士知曲沃縣才器卓犖重君父大義熟習戎事時流氛蠢動練鄉勇較騎射教以坐作進退之法威聲遠播賊莫敢犯祀名宦

耿章光山東館陶人山西巡撫如杞子如杞忤魏璫下詔獄章光充家僮侍獄中崇禎間以進士知曲沃縣性剛方以蒙城驛代翼走馬為邑累抗顏大吏前援祖制與爭退復具詳以請尋調簡香河瀕行遺一聯賓賓館中曰解印空傳去害馬移山何日是堅城自書其旁云是沃兩大事敢以望後之君子祀名宦

王樞徵安陽舉人歷官蒲州知州忤豪宗謝事歸甲申二月為賊執不食死

山西通志卷一百八 名宦錄八

望

許侗高陽舉人任萬泉縣知縣自守廉潔愛民以誠於奸弊所在澄清務盡尋調夏縣祀名宦  
李昌齡咸甯人由舉人除猗氏令關西馮從吾門下士也潛心理道砥行直方下車即誓於神曰負所學者天厭之革火耗絕私餽餉弊洞姦胥徒凜凜講學勸農於學宮禮祀尤為加誌製樂器習舞容勒圖於石俾永為遵守尋以不嫻於俗解仕去邑人至今慕之  
閔自寅烏城舉人知臨晉縣能不畏權要愛功名以行其志屬河內大饑朝廷多事中原流寇充斥窮民幾欲揭竿自寅蒿目時艱多方補苴故民雖流離死亡而卒無怨叛者升常州府同知  
李樹聲岐山人知猗氏縣廉靜不擾有德及人丁內艱不復



仕逆闖僭號樹聲曰吾家六世受國恩今安往乎即夕呼天而逝

張斗温縣人以選貢任萬泉縣知縣嚴肅有才能流寇侵境督吏民禦之寇不敢犯尋調趙城後擢大同府同知

焦浴字警盤甯夏人以貢任潞安府同知剛果有膽力能當大事協道臣王肇生平回賊同帥臣曹文詔勦流賊王加尤

俱身先士卒所向有功題授本府知府時藩王側有怙勢作威福者浴廉得之立置于法又以盜賊峰起奸宄易生建街巷柵欄修城頭堞口尋加副使銜仍管府事後調汾州府選

本省糧儲副使

艾徵泰米脂舉人知屯留縣申錫荒糧民賴以蘇升偏關同知

山西通志卷一百八

名宦錄八

四

饒九卿四川資縣人由恩貢知平順縣鋤強去蠹崇儒重道

以丁艱回籍

文運衡三水舉人知黎城縣嚴毅公正事皆得體尤能轉移

風氣升昌平知州終衛輝府知府至今稱廉明者必曰文公徐明揚浮梁人以貢知平順縣流寇來犯或以城小無備乞

避之明揚不可設策守禦城破不屈死

侯君昭為汾州知府崇禎末城破不屈死

仇秉忠歙縣人以貢知永甯州學政俱優招撫流移勸課士子升杭州同知有去思碑

楊學程漢中舉人任永甯州知州天資明敏遇事洞見本末吏民畏服後擢成都同知去民立祠祀焉

費甲鎡咸甯舉人先宰平遙有善政遂調汾陽平人老樨拔

韓立去思碑泣汾端方不阿權貴時流寇蔓延巡撫許鼎臣以曹文詔軍平定備太原東太監閻思允同總兵張應昌軍汾州備太原西賊至彰德應昌等出兵進勦甲鎡為閻所逼

投井死宗紳士庶皆枕尸哭劉太監聞之抗疏白其冤

魏錫祚固原人臨縣知縣臨先為寇陷雖經新復餘孽猶間起錫祚撫養殘黎以身捍衛凡五年盜靖民安治行最著後

致政歸士民攀轅泣送數十里不絕建祠祀之

楊家龍字惕若曲陽人由歲貢生任甯鄉知縣民遭兵亡徙過半撫之七年皆復業以薦遷忻州知州受事甫數旬賊即

至召語士民曰此城必不守吾出若輩可全也挺身出城罵賊而死士民祠祀之

王凝命昆明人進士知平遙縣造大礮建學宮禱雨立應處

已廉潔歷升蘄州道

劉必達汾陽知縣城破死之義勇范奇芳亦自到

黃圖昌字九如沂州進士崇禎中任澤州知州徵收賦役有以美投者榜示之悉抵次限正供課士論文甲乙纖毫不爽

又捐俸建魁樓於異地庚午州雋五人元亦出屬縣論者咸歸功焉尋以艱去士民泣送百餘里不絕云

楊鎮原字中岳陳州人知陽城縣為治簡穆行所無事王申秋賊犯邑東募壯勇斬獲甚眾既而賊益剽掠客兵往來如

織且疫疫頻仍鎮原躬羅城葺垣牆築砦堡整保甲集器械火礮給糧糗芻艾施醫藥至鬻家業以佐軍建樓於城西北晝夜寢處其中與寇迨相終始擢戶科給事中民立祠祀焉



民歲時祀之知縣項龍章又加封樹云

焦釐以貢士任沁水縣知縣流寇自晉入豫自豫返晉沁水實當其衝督士民嬰城固守力屈死之

程良球黃岡人崇禎間以舉人知渾源州申革草商除民大害以憂去士民戴之

馬剛中字九如商城人進士授大同知縣行取入都上臨軒策試授檢討十四年二月賊陷商城大罵磔死

蔣秉采字衷白全州人知靈邱縣七年八月募兵守城合門殉之守備于世奇把總陳彥武馬如典史張標教諭路登甫胥鬪死贈卹如制

崔邱任邱舉人知懷仁縣條編官租成熟起課民免包賠至今永賴

山西通志卷一百八 名宦錄八

楊士英西平人為懷仁知縣後賊陷西平死之子婦王亦死

李倬山陰知縣流賊至死之

李呈章信陽州人崇禎中知遼州五年紫金梁來寇拒守力屈城陷死之

李嘉會鄆城人以貢知榆社縣端方有守吏才明決政務寬仁常以化誨平兩造之情有循吏風

杜仲靜海人以貢知榆社縣為政得寬猛之宜視國如家士民勒石頌德

馮道亨甯靜人貢生知榆社縣臨民以寬尤善育材人立祠祀之

范禎交趾人沁州判官征剿有功升本州知州薄賦緩刑懷遺澤者歷久不忘

范廷輔號鷲猗山東滋陽人以舉人任沁源縣性直才敏以清慎著稱時流寇猖獗因於城西紫金山建堡為犄角

孔聞謙曲阜人至聖裔以舉人知沁源縣正直不阿清廉自矢緩征以紓民困鋤暴以格奸豪保城定亂功績甚偉民立祠祀之

余一鳳龍游人崇禎間以舉人知武鄉縣丰格修整才識敏練分較鄉閭一時號稱得人

崔從教潞安人以貢任太原崇禎間巡撫宋統股勦流賊檄之司餉隨署河曲縣事時城甫下路將李春芳縱兵大掠為力禁得止又念賊病渴潰城恐賊亦以渴制我遂建議築水

城兵荒後飢疫大行請振蠲租全活甚眾河曲民德之

秦樂天三原進士知河曲縣時當兵燹際士庶一日數驚樂天百計撫綏申築水城尤加意學校升戶部主事

王溥字濟仲崑山人萬曆末舉於鄉以教諭擢解州知州補隨州崇禎十年正月賊至死尤烈贈太常少卿與蔡懋德並祀雙忠祠

閻堯年隆平人以選貢任解州知州性廉潔雅習庶務遇事洞見本末務持公正後官苑馬寺卿祀名宦

袁葵東明人以進士任夏縣知縣有幹濟才勤于政事未踰年化行恩浹調淇洞祀名宦

湯維新濟甯進士知平陸縣性方正以廉潔自矢勤于撫綏有循吏遺風後入覲行囊蕭然祀名宦

房之屏宛平舉人任安邑知縣流賊陷城北向拜天子入署拜母命妻子各自盡投并未死賊曳出斬之



周培忠興平人崇禎七年知隰州當流寇陷城之後荒蕪滿目民私祝曰必得一清如水者來官此地可保萬全培忠至如民願培養元氣萬民復業以上崇禎時

右明嘉靖至崇禎四百二十六人

山西通志卷一百八

山西通志卷一百八

名宦錄八

完

名宦錄九

錄一之九

山西通志第一百九

賜進士出身頭品頂戴兵部侍郎兼都察院右副都御史巡撫山西提督軍務張煦奉旨監修

守令 順治康熙

邊大綬直隸任邱人順治八年任太原府知府有綜理才鉅細畢舉當姜瓖初平撫循而緩父之不遺力閭閻寢有起色洩任五年號有治績大綬在前明官米脂知縣嘗掘開賊窟韓昌毅禹城人順治元年以進士任太谷知縣甫下車即請免協濟徐溝縣同戈驛馬及罷修學士公廩諸役縣編戶舊七十一里亂後名存寔亡昌毅裁為四十二里徭賦乃均民丁有兵死者皆削其籍剔奸蠹撫善良尤垂意學校課士面

山西通志卷一百九

名宦錄九

十

為甲乙如師訓弟子然遷兵部主事歷官荊州府知府縣民立祠祀之

牛應徵林縣進士知陽曲縣才猷精敏肆應不窮每大兵過頗置有法民獲安堵時晉初定軍丁驕悍不奉約束嚴治之無少貸猾吏奸胥畏如神明

楊三知字筠伯長鄉進士知榆次有膽畧氣節姜瓖之變與紳民誓守不渝宿城上者六月卒保全又捐俸三百金創建社學延師訓士歷升神木道死難恤贈如例

曹之賢遼東人文水知縣年少精敏剖決如流吏民畏服姜逆之亂其黨率兵來攻竭力捍禦城陷遇害

李昌汴豐縣人知興縣剛方有守姜逆之亂城陷被執賊索印昌汴力抗不少屈遂為賊殺



贈按察司僉事祀忠烈祠

邵煥元字凌玉長垣進士知太原縣補葺城垣悉發以磚會  
姜瓖變起多方備禦賊不能拔

胡虞漢武陵進士任陽曲向以文章自命性清介甘淡泊偶  
鄉人來謁所贈多失望虞漢曰吾不能壞官箴為若輩計耳  
秩滿遷行人東裝蕭然上官憐之

王家柱鍾祥人文水知縣申銷歷來通賦修城垣新學宮日  
召諸生課文藝一時科第蔚興

邊大父任邱人由進士知徐溝縣清靜廉明優禮學校

張尙遠東籍浙江山陰人順治二年知平陽府揮霍長才精  
于吏治文移隨拆隨批吏不能點竄一字終甘肅巡撫

徐來麟奉天人順治五年知平陽府是年冬姜逆據大同以

山西通志卷一百九

名宦錄九

二

叛遣其黨平德攻平陽來麟擐甲登城竭力捍禦獲全已而  
延安王老虎應逆渡河拔汾州復攻平陽來麟與王巡道無  
黨范參將示宗固守間出銳師擊之擒其將劉光明賊為奪  
氣一夕昇雲梯潛過外濠謀登城上矢石並發乃卻會官  
兵至始解圍走來麟率兵追之斬賊首劉四亨於峪口村餘  
眾悉潰時賊勢甚熾圍城七晝夜來麟能以孤城抗方張之  
焰卒獲底定論者皆多其績

趙昉字海曙山東武城人由進士知翼城縣慈祥練達饒有

大略時東山邪教倡亂防密請兵征勦戮其渠魁城獲全

孟繼昌奉天人太平知縣清白自勵不愧古廉吏遷知甯羌

州

田一冲內邱人由沃知縣蒙城驛馬人累沃民慨然釐正之

民立碑記其事祀名宦

張士彪遼東人鄉甯知縣實心實政壹意於撫字遇事有膽  
略雖勢要無所阿承徵糧無額外之增處變多保全之恩祀  
名宦

張珥襄陵知縣政簡刑平作意學校歲己丑突遭寇警登城  
力拒事迫遂拔刀刎頸旋為士民救甦稟有丈夫風

何斯美陝西鎮番衛人以舉人知翼城縣姜逆之亂翼被兵  
尤數斯美與弟斯盛督鄉勇禦之六年七月賊眾數萬猝至

圍縣城九晝夜斯美竭力捍禦勿遽中談笑自若人皆恃以  
無恐時平陽州縣獨翼城獲完斯美力也後遷開封府同知

以去翼人建祠祀之弟斯盛有戰功又借斯美殫力守城後  
以剿賊沒于陣翼人德之亦立廟祀

山西通志卷一百九

名宦錄九

三

安應麟奉天人以貢知浮山縣姜瓖餘孽盤踞縣東南令千  
總秦文英鄉耆張三鳳入賊巢諭之降偽遊擊李元標等八  
百餘人皆散遣歸農又請豁荒糧數千石民漸蘇以其暇修  
縣治之前為賊燬者

白珍奉天人以生員授翼城知縣初姜瓖之叛府屬州縣盡  
陷翼獨保全前令何斯美力也而誤以失守落職珍力為白

冤斯美得復任珍改令長興

侯世爵遼東人以貢知鄉甯縣姜逆之變賊黨衛敏破縣城  
據之焚掠甚慘世爵簡卒徒躬自督率誓不與賊俱立賊聞

風震恐委城去世爵招撫流亡慰安反側閱二年民始有更  
生之樂比解組百姓多攀轅流涕

程衡奉天人令太平才識卓越力清積逋民不擾累行取御



史終湖廣參議道

胡秉忠襄陵知縣泣官勤慎操行廉潔視國如家不遺餘力後擢至諫垣猶惓惓以縣馬多設耗費無益為慮特奏裁革有去思碑邑人高瞻為之記

胡獻瑤字心盡金州進士知翼城縣廉靜不擾修學宮擒逆盜息民安累官福建漳州知府

趙三長繁昌人以貢生知洪洞縣清儉自持利弊多所興除學宮公署城池橋隄盡力經營政事之暇留意古學士林咸推重之

盧易惠安進士知太平縣秉心豈弟緯以儒雅崇修廟學嘉惠士林升禮部主事出為廣西提學道

楊名世商城舉人知浮山縣綜核敏給周知民情好微行每夜出見縱飲博戲者輒拘治之盜賊屏息復大新學校立社館養士風氣因以丕變

徐兆極大興舉人知岳陽縣為政寬仁留心文教寓撫字於催科助貧窮之婚葬民依之如父母以聖誤去官邑人李夢辰撰去思碑紀事甚詳

左斗光字映心膚施人以拔貢知翼城縣才猷練達操持清慎升許州知州

林天擎字玉礎奉天蓋州衛人順治二年以貢生知蒲州招集流亡寬省夫役京旅駐蒲者雲集供億調度尤具幹畧兵民胥頌之累官南頓巡撫

錢法裕遼東籍浙江仁和人蒲州知州才敏心恕政舉而民不擾姜逆之亂城陷被執不屈死

不擾姜逆之亂城陷被執不屈死

山西通志卷一百九 名宦錄九 四

贈布政司參議

賜祭葬祀忠烈祠

馬翰如字伯顧隴州舉人知蒲州惻愍無華慈祥敷政申免河崩灘地豁除無地空糧州人頌之升戶部員外郎

陳素抱鐵嶺人順治三年知猗氏縣陳鬻子脅眾為亂眾請討之素抱曰愚而詐人必不附其敗可立俟也何討為已而果為鄉勇所殺眾皆驚服迄姜逆之變陝督孟喬芳統兵來

勦時素抱業遷潼關兵備道矣伺制府渡河哀懇曰猗氏某舊治民必不與賊為亂即或為所脅亦日夜望揀援若玉石不分恐非軍門安民至意因請以子佩從行渡河佩馳至猗

號召士民迎王師制府慰勞甚至令軍中無得入猗境猗民至今頌之

山西通志卷一百九 名宦錄九 五

黃家宰靖邊人以選貢知榮河縣勞心撫字清操始終如一士民視若慈母

張錫文字康侯江都人以選貢知榮河縣榮民加協濟州驛馬匹歲費三千餘金錫文極力申請得免風陵渡弓兵向以榮民派充亦請以工食銀解州而免應役百姓感之升邠州知州

鄭章閩縣進士知萬泉縣體恤民瘼力除雜派邑乘自兵燹後殘缺序次訂正志中所論地方利弊皆深切著明其他葺學修城美政多端升真定府同知

楊致祥遼東人順治五年任潞安府知府勇敢有為姜逆之亂誓死守會叛丁張國威等陰通賊遂遇害

贈太僕寺卿祀忠烈祠



銀器重錦州人順治中知潞安府兵革之後一意休養消弭亂萌全活甚眾升陝西漢羌道副使

高復興直隸成安人順治二年以貢知平順縣縣介萬山易

潛孽匪復興廣招募勦訓練約束嚴明奸慝懼伏不敢動躬

課農桑土闢氓聚盜胥革面後擢紹興府同知

李雲起昌黎進士知黎城縣姜逆之變大兵南下賊奔潰而

土寇趙聯芳胡尙文煽亂雲起死焉

薛引隆韓城進士任壺關知縣飛蝗入境齋肅以禱雨降蝗

不為害後補星子卒于官

佟學詩遼陽人襄垣知縣姜逆之亂聞沈賊陷郡城亟趨救

中途為賊執不屈死之

靳秉璋甯晉進士知長治縣姜逆之亂沈賊陷城誘降不屈

死之

李允升漢軍旗人以貢生知長子縣姜逆之亂其黨沈夜半

冒官軍入城允升為所執抗節不屈死之

陳思忠遼陽人知屯留縣姜逆之亂為沈賊所殺

王功成博平進士長治知縣樂易有容與民相安前朝宗民

交易產業後有奉行太過者概收券坐為佃人功成力請於

當道巡撫白據以入告均給還業主遷江南鹽驛糧道

于公允長治知縣明敏果決綽有風裁凡地方利害多所興

除增建養濟院纂修邑乘尤其著者升刑部主事

張獻素遼陽人以貢生知長子縣嘗修廟學葺城垣升福甯

知州去士民思之

徐大成潞城知縣修文廟立義學請蠲荒糧士民德之

山西通志卷一百九 名宦錄九 六

薛起鳳韓城舉人黎城知縣有幹濟才嘗造耕織具教民請

豁勸荒糧後改筠連卒於官

馮鏞江西永豐進士黎城知縣原設二十七里兵荒之後

逃亡過半編審上請併為十九里清慎廉勤擢戶部主事

朱輔秀水人貢生壺關知縣為政慈祥興廢舉墜多善政升

簡州知州

邱巨湖廣安陽人以貢生知平順縣性廉潔布袍蔬食一介

不苟取每役出差遠近限以時日稍違即重懲里甲安然無

擾

黃廷柏遼東人順治五年任汾州府知府不毛舉細務而事

存綜理姜逆亂以守城為賊害

贈太僕寺卿祀忠烈祠雍正二年

御賜成仁取義匾額敬懸祠內

周召南遼陽人知汾州府時寇亂初定下車以招徠綏輯為

務而武斷舞文為民害者搏擊之不遺力嘗下教屬邑徭賦

有當開豁者有當均平者悉以告吾將為民請命令下比屋

歡呼泣任三年遷山西驛傳道汾人立碑道左誌遺愛焉

連日益廣甯右衛人監生順治二年知永甯州州當殘破之

餘撫愛其民興利除弊民賴以甦尋擢山東東昌府知府

劉鳳翔利津人永甯知州政簡刑清值歲饑捐俸以賑累官

武昌兵備道

劉奇遇瀋陽人由助教知石樓縣渾朴純厚政簡刑清請蠲

荒稅招撫逃民善政著績擢升揚州知府

王昌運沙河人以貢知甯鄉縣性坦率而執守殊確雖臨以

山西通志卷一百九 名宦錄九 七



利害不動泣官時荏苒未靖一日數驚昌運整暇肅謐民安其業旋為賊黨所害識者惜之

陳聖治錦州人知石樓縣才幹英敏氣度恢宏升浙江金衢道右參政

史具勳華陰人以進士知甯鄉縣有廉操慈祥愛民

張耀祖遼東人臨縣知縣姜逆之亂賊黨來攻耀祖曰此吾效命之秋也遂力守以死

贈按察司僉事祀忠烈祠

李國維滿洲人知臨縣廉靜愛民及去士民泣送於途立去思碑

王之儀字虞廷遼東廣甯人以任子知甯鄉縣時姜逆初平通亡幾半之儀遍招徠且為規畫生計民稍復業嘗大雨水

山西通志卷一百九

名宦錄九

九

暴漲毀城垣十丈有奇之儀立淋潦督眾完築躬負土石城獲無圯水退築隄城外樹柳其上往來者胥頌焉尋遷海甯

知州後以福州知府死耿逆之難

胡士廉嘉興人知臨縣廉介愛民以拂上官意罷歸民泣送之

周士章上元人以舉人知石樓縣石樓在萬山中土尤瘠重以闖寇姜逆後先肆虐衙蠹市魁多朋奸民日凋敝士章性

堅潔不以家累自隨泣任得主名按治之不少假條列利弊雖大吏不為囁嚅平徭弭盜通商勸墾期年民始蘇簿書之

暇嘯詠溪山在官三年憂歸士民謠誦

姚開先字堯門涇化人由拔貢生任臨縣知縣以清惠著聲後補四川鹽井經歷吳逆之變被執不屈死

袁仲選遼東人順治七年以貢知澤州姜逆之變州城為賊據仲選位任先遣牌具言大同破姜逆授首狀賊黨遁乃驅車徑入招流亡安反側閭井晏然及大兵至以澤從賊議屠之仲選哀請再四繼以泣尋復以百口保之主者曉澤人曰吾以爾使君免爾死爾其服使君教以無忘朝廷之德澤人歡呼曰不敢忘後遷潞安知府祠建澤城中祭祀至今不絕

李鴻勳字常六磁州進士順治四年知陽城縣敏斷有才略蝗入境齋沐虔禱蝗相抱僵死民以為精誠所感

李向禹鐵嶺人陵川知縣姜逆之亂兵臨城下妻王氏謂向禹曰君職守土宜竭力報國慎無以家為念向禹領之率家僮馳出王遂自縊二女暨婢從死城旋破賊執向禹誘之降

山西通志卷一百九

名宦錄九

九

復休以兵卒不屈夫婦節義不愧前賢

劉廣國潛江進士知高平縣時姜逆初平高平雖壯邑凋瘵殊甚廣國首革賠補搜索諸弊正供外不費民一錢澤隸縣貢納數殊夥輸納費不費力詳直指獲題請減勸農桑修學

官循聲茂著卒於官邑人胥為流涕

尚金章儀封進士知沁水縣請兵除賊召集流亡民獲安堵升刑部主事

黃國琛字觀虛鄆城人以選貢任陵川縣招流亡勸開墾民無力治田及貧不能婚葬者量給資助之修聖廟設義學刻訓誡書禁役吏不得下鄉折獄明允積弊悉除士民歌恩不忘時稱良吏之最

陳國珍字鹿屏金壇人以副貢知陽城縣清慎慈祥愛民而



下士葺學宮纂邑乘立陽陵社以造多士升知太倉州蕭然就道有古琴鶴遺風民為立去思碑

李繼白字夢沙臨漳人陽城知縣廉慈敏練縣自明未遭賊蹂躪屋廬非舊丁口不過二萬西南一帶民居尤寥寥闔里止百餘丁更有一里一人供役數年不節息者繼白目擊其困乃詳聞上憲得疏上免荒地數千頃民感其德為立石以頌之

范繩祖高平知縣廉直剛斷能任大事察地方利害興除之均徭役革衙獄完先師廟大工建城隍廟繕城築隄創祠修署治行為一時最

胡文燭字德輝漢軍旗人由貢生授昌平知州順治七年擢知大同府時姜逆初平移府治陽和軍事同草勅文燭通達

政體精於吏事日侍制府帷幄商榷指畫為經久計豁荒糧籌經費清訟獄理郵驛絕苞苴風紀肅然手輯雲中郡志十四卷未幾升河南兵備副使

榮爾奇德州進士由冀南道左遷渾源州知州剛毅明達政簡刑清士民甚愛之姜逆之變抗節守城死祀名宦祠

郎永清廣甯人順治六年以監生知渾源州時姜逆初平永清首立義家瘞殘骸乃招流亡督開墾詳豁通賦一萬餘兩販易者給母錢俾通貨器士民始有起色遷汾州知府去民為立祠祀之

王度山東人順治三年以進士任大同縣知縣有能聲姜逆之亂道府符篆多失獨縣印存親王統師來討平西將軍印時猶未頒布檄徵餉調兵繫縣印是賴度善招撫懷仁諸地

以次定督運勒輸搜馬擒寇胥有功叛黨造度手書投營前王知其樸忠出書示之度勃怒檄詆賊家人九口胥為賊殺事平議叙官至太常寺卿

顏永錫大興進士知山陰縣時田荒逋積乃招集流亡詳豁正賦一千九百餘兩加意作新殘民蘇息以治最升去士民德之

杜汝浮永年人以貢生知廣靈縣賦性耿介剛方不阿堅守清操疏水自甘卒於官祀名宦祠

羅森大興進士知靈邱縣下車問疾苦鋤彙強興教化簡訟招流移補驛騎勸耕作慈恕明斷遇事迎刃而理值姜逆變諸郡邑皆破獨嬰城固守殺賊使以應英王守將某陰謀賊憚森不敢遽發會授師集城賴以全

范發愚河南進士知廣靈縣姜逆據大同渾源逆黨朱廷糾集千餘人剽掠村堡邑奸民李青許發旺等勾連賊眾圍縣城發愚以大義勸諭士民晝夜捍禦與城存亡仍調州鄉義勇救援潛鎗壯士赴英王麾下請兵勦滅之賊遂平歷升江西道祀名宦祠

宋起鳳字紫庭滄州人以副貢知靈邱縣靈邱經闖寇繼以姜變民散田蕪賦役缺正額者以萬計起鳳力請蠲除其無主者流民漸復業起鳳復時詣田間課之寢有起色及解組攀轅臥轍者踵相接焉

孔化鳳山東恩縣人由拔貢知大同縣性廉明查廢產清隱占獄獄平恕催徵有方胥役不敢犯科而閭閻德之至修廟學建橋梁一時政績多可紀述

山西通志卷一百九 名宦第九



王家珍遼東人順治五年任朔州知州十二月死姜逆之亂家珍有幹略泣任不半期竟以節殉職者惜之

侯樹屏邵陽舉人順治十三年知朔州嘗修廟學置祭器纂丁祭考並修州志升廬州府同知去

徐明弼蕪湖進士知馬邑縣姜逆之變大同州縣多為賊脅降王師既至弼挺身扣壘王優禮之及大兵西指下朔州而馬邑免於屠戮皆明弼保全之力以卓異行取戶部主事累官陝西督學道

趙映斗遼安進士知馬邑縣勤儉率俗布袍草履淡如也至若嚴猾胥侵糧之禁却園戶日蔬之供寬猛得宜故民不擾而事以集因里誤去士民惜之

宋德芳開州人順治二年以副貢任遼州知州設義學教紡

山西通志卷一百九 名宦錄九 十三

織修公麻興廢舉墜綽有吏才

陳儲賢遼陽人知榆社縣嘗定鼎之初能以慈愛撫民政簡刑清民祀之三立祠

王來舉蓋州人任榆社時值兵燹之餘竭力撫綏凡可為民造福者皆愷切上陳今祀三立祠其後以賢能稱者有王家

桂中部人翁九鼎崇安人並以舉人任

王國棟鐵嶺人順治七年以貢士知沁州時姜逆亂後念民疾苦履田畝覈勘得無主荒地若干沒水石荒地若干具詳撫臣題給糧銀七千餘兩由是民免追呼其後荒地以次開墾國賦仍無缺額沁人德之

程憲宇章世錦州人以蔭累官沁州知州為政明敏銳意興除創建義倉以備荒歉修築州城以嚴守禦葺建石隄以捍

山源沁民實永賴為官至湖南按察使

李芳莎永年人順治元年由拔貢令武鄉清節自持發奸摘伏如神暇則以詩歌自娛地方利弊亦往往託之於詩當時以為詩史嘗修州志擢永州同知去

劉璇永年人以貢生任沁源縣知縣沁源明季稱盜藪民多習鬪健許訟璇教以禮讓招捕撫羸著循良聲後以鄖陽同知死吳逆之難

張一龍奉天錦州人以貢生知沁源縣姜逆之亂太行縣重間多為賊脅及大兵進剿主者議縣人從逆罪一龍涕泣固爭願以百口保其無他主者感動下令軍士無得妄殺縣人始獲保聚後遷郴州知州以去遮道送者趾相屬已復建祠肖像以祀焉

山西通志卷一百九 名宦錄九 十三

羅三重遼陽人以蔭生知武鄉縣值姜瑗作亂所在土賊竊發三重多方綏輯民以無擾兵荒之後士多廢業加意培植撥官地置學田為貧士膏火婚喪之需學校至今賴之與前令劉遷黃元會同建祠祀名曰三公祠

魏一龍新安舉人順治二年任平定州知州撫凋殘表忠義立物本社課文造士既去民思其德祀湧泉亭後知忻州亦多惠政

陳起潛奉天廣甯人以貢生知平定州減刑輕稅剔弊釐奸恤苦賑貧重學造士嘗著平定民隱詞十首情詞悱惻難鄭俠之圖流民茂以過之州人建祠肖像祀焉

潘朝選奉天人順治二年知孟縣甫歲餘循聲上徹擢京秩去累官直隸巡撫



高象樞遼東人由貢生知壽陽縣有幹濟才時方多事守城禦寇屹然保障民德之仕至淮安府知府

何顯祖順治間任陽曲縣主簿署忻州知州事有幹濟聲美逆之亂督糧於鄉中途遇賊被害

贈太原衛左衛經歷祀忠烈祠

文壁星字映宿南和人順治元年以歲貢知定襄縣叛將柳同春及五臺賊張五桂攻城勦眾奮力死守城得不陷隨擢太原中路同知士民灑淚送之

祝文光遼東人定襄知縣有廉聲姜逆之亂死於難

劉正字方若直隸任邱人順治初以選貢生授代州知州士有同業者親課督不懈州人某為仇家所訐禍不測力白其枉得釋懷數百金以謝峻拒之姜逆變賊數萬攻城者百日

山西通志卷一百九 名宦錄九 十四

正內戢外禦比敬謹親王至圍始解或指聚落為賊黨抗聲折之密令具牛酒犒師胥獲免遷太原府同知領代州如故尋改商州知州以去

李子和順天大興人順治初由舉人任五臺縣時定鼎之始奸宄相煽亂民心猶懷疑懼子和加意撫摩單騎徧歷各鄉與父老子弟相見諭以天命有歸海內即日太平宜安居樂

生務農服賈勿荒本業暇則進諸生講說經義不俸尋擢河南道監察御史士民惜之為立生祠於文昌宮內

吳琮浙江紹興人入遼東籍由貢生任五臺縣姜瑗反晉陽以北五十餘城半為賊黨攻據代州人劉遷受瑗偽職眾眾應之五臺土匪高山等亦聚眾剽掠合縣大亂琮與同城各官誓以死守歃血與紳矜百姓盟已而賊眾蟻聚攻城琮率

眾晝夜守禦相機出城擊賊家丁吳虎吳有功皆戰死踰年姜瑗破敗餘賊悉遁五臺據寶村為巢穴攻城愈急幾破者數矣琮灑泣督眾與城存亡眾皆感激死鬪賊攻圍一年竟不能下會宣府總兵李廷壽襲破寶村賊巢賊乃潰散城獲全南門獲城有斗室琮守城時坐臥處也事平未幾薦擢士民惜之

范印心河內進士知崞縣廉潔克勤厥職首請驛馬之牧于民者還諸官積困以甦姜逆亂五臺宵武士匪乘間竊發噉聚數千時時出沒縣境印心召募鄉勇千人訓習有法號令嚴明常以身率先出行剿殺賊不敢犯事平又請蠲通賦贖俘掠婦女民甚德之累官河東分守道祀太原府名宦祠楊澤武功進士補崞縣知縣姜逆初平田野荒蕪人民散匿

山西通志卷一百九 名宦錄九 十五

澤悉力休養並得復業保聚捐俸繕修城垣文廟及各處橋梁煥然改觀一切行戶郵遞賦役之為民累者盡行革除賊木虎山羣盜計擒原平賊魁趙某巡撫馬公許為治狀第一醇民立碑頌德云

崔尚質遼東人繁峙知縣治行最一時姜逆之亂賊劉遷聚黨來攻尚質登城設守禦具既而城潰令家人自焚乃殉城張志高遼陽人六年任繁峙值寇變初靖城垣頽圯并廡邱墟架木殘廟之中侍從皆露立志高設法經營不忍盡民之力三年後堂廡衙舍規模乃備敷政臨民有所憑依云戴聖字爾玉玉田進士知繁峙縣簡以臨民征輸有法廟學燬于寇以次修復之集生徒講授文教漸興內擢行人司徐效奇奉天人順治四年知保德州己丑牛化驛叛被執不



屈死二子亦同時被害

安世鼎字鑄九遼東人以貢生授保德知州時牛逆方據城世鼎隨營招輯鄉民城下之日請於將兵者止戮賊魁民得全活旋遭凶荒仍請賑濟瘡痍始有起色凡從逆者之產例入官屢奉嚴查世鼎以賊從外遣入據擄奪民居不宜重累地方力爭得寢升江西南昌道士民焚香哭送

孟熊臣字輔昌遼東人以蔭除保德知州蒞任五載不攜妻子嘗致家貲為州公費厚重簡默優游坐理革除夙為民害者八款立石衙前升汀州知府去之日州人泣送祀名宦楊廷標字捷軒歷城人以貢生繼安任時大兵雲集軍中應用設法湊辦事集而民不知擾歲饑捐俸施粥全活甚眾繼任者為吳健字乾公甯夏舉人亦以廉惠稱

山西通志卷一百九

名宦錄九

七

田思孔字印尼鐵嶺人順治末知保德州慈愛廉能免稅招商力圖生聚遇荒賑濟存活萬餘人秩滿升象州知州百姓遮道攀轅樹碑東關以志去思

鄒蘊賢遼東人順治十年知解州時當定鼎之初周察未復蘊賢不喜為苛刻輕徭緩徵嘆休撫摩吏民安之而堅確有守利弊當興除雖有力者撼之不為動未幾瘡痍漸起閭里改觀後遷蘇州知府以去州人建祠祀之

劉之屏萬全衛人順治四年以進士任夏縣知縣撫字心勞人稱劉父姜逆之亂之屏登陴督守手刃二賊力竭死於城上

贈按察司僉事蔭子入監祀忠烈祠

劉禮典東阿人以貢生知安邑縣實心任事厚重少文政尚

仁慈人稱長者其後有良鄉王秉樞亦由貢生任以清慎著運日異廣甯貢生知夏縣時姜逆初平流移未復而餘孽猶潛伏伺釁日異哀前令劉之屏以無備殉乃繕治城堡集鄉勇勤訓練賊聞竊發輒射督以往殄滅無遺種乃止而脅從者又勤撫恤之俾胥復業復力請蠲積逋夏人始蘇及去民思之久而弗衰

鄭四端陳留進士知夏縣性嚴重嘗笑不苟而諮訪民疾苦殊詳懇已有諸媚者微詞諷刺俾自遠夏故多賢令劉遲最著至嚴明正直則推四端為第一及去士民閉門留之累日乃能出境

王自修字周卿新鄉貢生知芮城縣改修學官申豁汾西協馬之累升主事祀卜子書院

山西通志卷一百九

名宦錄九

七

聶源萬全衛人順治二年以舉人知絳州才識明敏判斷如流崇文課士振興學校

單惺棗強舉人知絳州恭謹簡默旁實盡杜升工部員外郎去其繼任者有薛世望江陵人以慈惠稱王琦大興人廉幹有政聲

楊之柄良鄉舉人稷山知縣精明有遠略剖決如流時值流亡初復招徠撫綏井井有條復請上臺疏免荒地糧若干稷人賴之以甦升戶部主事祀名宦

張文德遼東人知垣曲縣刑情政簡潔已愛民卒于官士民感涕立祠祀之

李榮宗費縣進士繼張任姜逆之亂城陷被執罵賊死贈按察司僉事蔭子入監祀忠烈祠



鍾萬齡奉天貢生知聞喜縣招集流亡掩捕賊盜境內安堵  
孟泰遼東貢生知河津縣長於騎射靖寇有功升歸州知州  
繼任為王應泰臨潁人有廉平稱地方賴其休養以憂去  
邵起鳳正藍旗人以貢知垣曲縣姜逆之變賊黨破縣城盤  
踞垂一年民日夜望解倒懸及大兵至或議屠戮起鳳時未  
沒任適在軍亟請於主者曰垣人從賊乃迫於不得已非其  
本心今奉辭伐罪正宜開釋無辜與之更始若肆為殺戮殊  
非國家用民至意且有地無人亦何需此曠土為主者因下  
令安戮平民者按軍法入境市不易肆垣人胥安堵無恙  
張拱巖完縣人以恩貢知稷山縣時土寇蜂起邑民逃竄拱  
端單騎就在招徠士民練鄉兵數百極力擒捕一時盜寇屏  
跡百姓至今感其捍禦之恩云

山西通志卷一百九

名宦錄九

十九

姚延啟烏程進士稷山知縣博學多才虛懷善下敦行誼崇  
節孝豪橫蠶役一時屏跡兵燹後士不知學立采蘭社課之  
多所成就尋擢工科給事中士民立碑東郭外知縣畢際有  
記

秦樂德三原進士知垣曲縣清廉仁恕時寇氛初靖力請蠲  
免荒糧以蘇民困流離復業民深感之馳名宦  
李如蘭字九畹武陟進士知聞喜縣精明強幹時稱神君甫  
下車即以興作為任修理學宮重建衙署並城樓其他祠宇  
多所增葺於地方事無不綜理精密升主事去  
董爾性字聖功洛陽人以貢生知垣曲縣剔奸釐弊凡利民  
者知無不為城東北龍祠下有滴水泉歲時禱雨所也爾性  
相地勢捐俸開渠引以溉田土人名曰董公渠又於舜井傍

贊池豬水以時蓄洩旁地遂成沃壤民肖像祀焉  
汪自潤東流人由貢生知絳縣兵燹之後民困未甦自潤多  
方撫循催科不擾盜賊潛迹在官七年如一日未嘗少懈士  
民感其德欲為立生祠自潤堅拒之乃相率建觀音廟於東  
關而位其旁以祀

王添貴遼陽人順治六年以貢生授隰州知州姜逆之變土  
賊蜂起隰在萬山中害尤劇添貴從大兵徑擣巢穴賊黨懼  
潰走悉諭降之令釋戈歸農既泣任輯流亡修城垣興學校  
胥有政績而當率兵圍剿時將領以居民從賊議屠城添貴  
懇請始獲免隰人至今德之

山西通志卷一百九

名宦錄九

十九

郭瑄沙河人以貢知蒲縣蒲小邑俗頗椎魯舞文吏多擅作  
威福以故逃亡日積瑄蒞任風采凜然人望而知畏性通敏  
里閭利病周知無遺凡有興舉口勅手揮左右奉成命無敢  
以一言進者或用微詞詬之輒大聲呵曰汝輩第奉行文書  
何得與民事聞者胥咋舌退當時以鐵耳稱之後遷徽州府  
通判

王永祚奉天杏山人由貢生知蒲縣公廉寬惠不以察察為  
明賑貧恤孤興學育才至今有餘思焉  
張之鳳華陰舉人繼王任振作有為教紡織勤訓課恩威並  
用士民懷之

吳興祚遼東清河人以貢生知大甯縣大甯介萬山流寇蹂  
躪後民多遁土田率蕪穢不治學宮幾絕士跡興祚約束吏  
胥俾無得擾民力革宿弊捐俸修廟學獎厲文士餽不足者  
胥飲之再期民多復業里閭寢聞絃誦聲後以治行報最遷



官至兩廣總督

閔承儒遼東人順治六年由貢生知霍州有惠政州人建生祠祀之

王來觀遼東人嘗任河南分守道降霍州知州姜逆之亂以霍為南北孔道攻尤力來觀督兵以守城陷血戰死祀忠烈祠

秦加兆奉天人順治元年任趙城縣知縣肅胥役平差徭招撫流亡開南路以廣通衢又設學田修中鎮廟暨趙簡子祠循聲懋著擢平陽知府後歷江西左布政祀名宦

張暉趙州舉人知靈石縣請設驛遞以甦民困昌明正學以端士習有循吏稱

田起龍奉天人靈石知縣剔弊除奸恤民愛士大兵經過調

御多方築隄護城修橋通濟士民頌之

安錫祥章邱進士知靈石縣體恤民情周知疾苦嚴城守清保甲除火耗均徭役蠲贖錢捐俸尊學宮暨文昌諸正祀九勤於課士以暇訂修志乘有裨名教職滿遷去邑人思之

右順治年一百五十人又六人附見

甘國基正藍旗漢軍人康熙二十七年知太原府性敏果綜練庶務上官倚之如左右手獄獄以片言折之情偽如指掌市廳衙蠶胥斂迹而不專以擊斷為能嘗捐俸覓乳媪育嬰兒失養者又設義冢瘞枯骨在任七年賢聲懋著

王帷籌華州舉人任祁縣創義學肄書課藝祁水為豪強所據民不得灌溉毀其壩俾無敢壅以自利解組歸民為立祠趙吉士字天羽休甯舉人知交城縣交城居萬山中產馬絕

山西通志卷一百九 名宦錄九 二十

有力又饒灌木時民間畜馬有禁上官廢南堡村木廠許怡

河市賣由是利為文水商民所奪交人重困往往去為盜吉士既到官會年饑申明乘斯保甲團練之法躬詣河北都行

荒政相度蹊徑通塞村砦近遠盡知羣盜出沒所在乃同守備姚順等統步騎兵四百進入兩壺盧川分搜巢窟獲魁渠

二十二人餘或降或自剄召山民不作賊者資以羊酒其素不當夫徭者編其籍入都圖事詳夏駟所撰交山平寇記於是修圖經立倉廩定軍營課民種柳鑿山通龍門渠以溉田

遂力請復南堡村木廠秣善馬於驛撫臣上其狀入為戶部山西司主事遷戶科給事中卒

趙良璧奉天開原人以蔭生知徐溝縣邑當孔道供億煩重良璧送迎餽餉胥謝絕蒞政五年寬嚴並濟以清源盜案墨

誤去後歷西安府同知猶念徐溝科第少札召紳士斥四百金俸築文峰邑東南云

孫閔達江南通州進士知太原縣性簡潔政先慈恕不輕敲扑犯者至死胥感頌不輟立義學刊省身錄功過格感應篇梗贊興起後以病歸行李蕭然一如始至

儲方慶宜興進士知清源縣時軍興辦供億又山水數漲為城害歲修白石堰禦之吏緣為姦利民滋擾方慶性介潔糗糧芻蕘之費胥假貸以辦不徵民間一錢趙成田茂諸逋賦

暨貧不能娶者多捐俸伏佐之復以民餽運不給因停修堰之役禱白龍神祈默佑明年春山水改道而南去城十里喜曰吾可保清邑數十年無患矣乃移建白龍神廟以鎮之月集諸生較藝後多成名者三年應博學宏詞試去猶以城東

山西通志卷一百九 名宦錄九 三十一



南閩諸澗水非民利經畫不克展為憾云

戴夢熊浙江浦江人知陽曲縣政持大體才能肆應嘗刊

聖諭講明鄉約創設義學散紉車以教績織巡阡陌以勸樹

藝凡利弊之當興革者知無不為為無不盡如嚴行保甲預

儲賑糧院司皆下其事於各州縣為永式焉又以其暇集文

士纂修志乘寶賢堂帖亂後散佚一日訪得於民間水寶為

補刻五十餘石名蹟復完云

王亦宣漢軍正紅旗人榆次知縣縣編戶七十餘里舊設總

理十人凡縣官公私所需皆由總理科之於民恣為魚肉嗚

謙驛為京省要衝遇軍事始佐以民力久之吏緣為奸利農

家至不敢蓄車牛亦宣至廉其弊悉革之民慶更生居歲餘

令行法立豪猾遁迹蒲博械鬪之風不禁而自戢獄犴幾空

及去縣人勒其德政於石

山西通志卷一百九

名宦錄九

三

唐廉四川人以舉人知陽曲縣性儉樸衣布衣不曲事上官

歲時儀節有絕尋中吏議罷歸未幾再起知縣事卒不少屈

接紳士以禮而請託則堅拒弗許民以事至引至堂前語聲

聲不厭而能法者按治不少貸馭吏嚴而有恩前後蒞任凡

七年解組時敝車羸馬行李蕭然人皆謂適符其名云

王嘉謨浙江會稽人由貢生知徐溝縣仁慈廉靜實政實心

葺學宮繕城垣設義學修社倉有功地方

袁國梓江南華亭人工文章康熙十二年以進士知平陽府

早起即振堂治文書端嚴如神至日晏不懈事至出片語裁

之胥中肯綮衙蠹市魁懼不敢肆當時號才吏焉

石文晟奉天人知平陽府時歲饑會有造船運米役明年復

派草三十五萬束轉輸大同文晟始具詳請賑謂嗷嗷待哺

刻不容緩所有借給米石祈速為接濟又言設廠煮粥止便

少壯能就食者至老病婦孺或且坐而待斃祈令散賑官親

歷山僻按戶查給繼而具詳請免輸草謂大同相距約一千

六百里有奇人負不過五六十斤日行不過六七十里以三

十五萬草束計之需夫七萬需時兩月往返工資何可勝計

若令折價採買則大同必且居為奇貨不厭不止而平陽當

凶荒後造船禹門運米河南其偏苦亦已甚矣祈令太原就

近收買糶勞逸得平而殘黎可起詳上胥獲允行

王輔奉天人知平陽府有幹略尤能以嚴重鎮人心三十四

年平陽地大震官署民舍胥圮火數起黠暴復乘間剽掠輔

日夜巡閱擒其不法者實重典不逞始斂迹死者給以棺

不足繼以席又不足為大家數十男女各以類從俾無至暴

山西通志卷一百九

名宦錄九

三

露復榜示能建置堵楹予金若干它郡邑人能占籍曠地亦

胥為永業榜下聞者踴躍赴命今城內大中樓南居民鱗次

人猶稱王公街

劉榮字青岑山東進士知平陽府值地震之後瘡痍未起加

意周恤歲歉煮粥賑饑修葺文廟整理樂器重建鼓樓開拓

試院纂修三十四屬府志在任吏惕民懷善政不可勝舉後

升江西提刑士民泣送之

李丕先字有開長山進士康熙元年知岳陽縣鼓舞學校勸

課農桑升建昌府同知岳民感德立生祠祀之

張聯箕益都進士知鄉甯縣在官招撫流亡修廢舉墜建城

隄以防水患開煤路以裕民財纂修邑志於山川形勢地方



生計言之甚詳

謝國保襄陵知縣詳慎廉明寬嚴適宜除巨惡革雜派闈邑賴以安堵至作育學校吏部許公等皆所得之士為

國初循良第一

蔣鳴龍浙江建德人以拔貢知汾西縣汾西土高燥田多苦旱又協濟仁義驛馬芻牧得里甲走驛供役者趾相續而驛舍燬於闖非假館無所棲息鳴龍謂驛傳自有正額革民養馬費還之官建馬廠於驛堂室庖溷胥具時相度汾濱潞東平舊渠又築隄一於前加樓村潞渠三於福珠衛家灘後團柏村溉田頗廣民至今思之  
邱士璠漳浦舉人浮山知縣聽斷明決有訟者令其自拘民得不擾為立祠祀之

山西通志卷一百九

名宦錄九

三

潘廷侯奉天甯遠舉人浮山知縣治政嚴明奸宄屏跡深知稼穡艱難親履阡陌勸課農桑創建南門外溝橋北門外廣濟橋以利涉並纂修邑乘

何焯然臨海舉人太平知縣為政以惠和稱蝗不入境禾生三穗修文中子祠有振興文教之功

陳應富字方毅遼東舉人翼城知縣明達吏治甫下車即詢民間利弊毅然以興剔為己任且雅重斯文士民並懷其惠允稱良吏焉

吳軫字星子容縣進士知太平縣諳練精敏能先其大者縣城自明季號雄峙寢壞于雨軫力為修葺復其舊廟學衙署賓賓之館麗譙之樓以次具舉在任九年吏民畏愛以治行擢德州知州

王璆字紫垣真定人知翼城縣廉正剛果善治盜不避權勢升肇慶同知

司鉉字鼎臣甯晉進士翼城知縣寬宏廉靜實心愛民兼攝曲沃亦有樂只之頌遷吏部主事民遮道攀轅留三日乃去王槐一彰德舉人知浮山縣浮山丁糧十年例一辦公務費踰正額又商人高鹽價和以沙土民多坐私鹽論罪槐一胥釐正之設義學課秀民許訟令自拘立剖曲直胥役終歲不一出縣門三習隣祭胥有能聲泣在五年以老請歸浮山人時誦遺愛焉

王承露益都進士知臨汾縣性剛正事上官以禮進見輒抗論是非壘壘千百言不止或尤其強項屹然自若雅有吏材遇事機張理解胥吏舞文洞鑿本末不少蔽臨汾故繁衛正

山西通志卷一百九

名宦錄九

三

供外取於民者累累一日檢籍太息言經費自有定制何重困赤子為胥裁去之民始知囊者之為中飽也後行取戶曹以去

寶璋靜海衛進士繼王任慈祥愛民鎮靜率物廉潔自持王以才能著稱政績藉甚璋一循其治不事紛更民甚德之行取部曹後為本省學道

蔡崇奉天人知臨汾縣實心愛民以清潔自勵積弊革除殆盡以他事降調百姓叩關懇陳治績特擢太原知府民懇留改本府知府

馮勸諸暨舉人知襄陵縣和易近人暇輒與諸生講學課藝文章政事獨擅一時三十年行取御史特疏免府屬挽運米豆之役至今士民戴德



鄧原京山人洪洞知縣節財愛民不事葺朴一時有召杜之稱立社課士邑中科第蟬聯不絕皆其力也

潘鍾宇就亭崇安進士知曲沃縣幕中無客能儉以成廉下車拔諸生五人後胥列甲乙榜創曲沃志有體裁嘗建節烈祠表烈婦劉小件閭緝緝守伐石樹棠冰壑墓泣任十四年行取仕至通政司參議

李清鎧正黃旗人以官監知太平縣清靜不撓時巡阡陌勸農桑訟期得情而止久之獄寢息盜賊潛踪在任六年人懷之

靳讓尉氏進士知汾西縣潔己愛民薄稅省刑捐俸新學官修城垣俱煥然一新歲饑設法撫恤民需實惠歷官五載善政班班行取御史

山西通志卷一百九 名宦錄九 壬

惲東生武進人以進士任襄陵知縣重建明倫堂鎮汾樓並修南郭長隄士民稱之

王助陞萊陽舉人岳陽知縣在任時適值丁戊奇荒之歲多方撫字殘黎得以再生仁風善政至今稱頌行取刑部主事宋繼均襄陵知縣剛方明決釐弊剔奸學宮汾隄皆其修葺歷署數邑有暮夜卻金之廉

宮懋言字書升泰州進士知洪洞縣在任八載政多循聲乙未歲承辦軍需於民絲毫無累設立書院與諸生講解六經旁及詩歌迄今稱詩學之宗其決獄也燭照數計若逆知而預為之備吏民無不惻服升本府通判

林世炳字蔚嚴澄海舉人令翼城居官廉幹精敏建修四門城樓創紹文書院於潞公軒側政餘與諸生講學其中媿媿

不倦丁內艱去

孫渭字笠菴仁和人由兵馬司指揮改汾西知縣有惠政民為樹碑於僧念鎮沈甯字心涯石門進士亦以循稱縣人侯七乘為撰愛民頌推揚甚後由行取累遷郎中出知汾州府

薛增山東濱州進士知洪洞縣和平慈祥歲辛丑饑煮粥賑之全活無算

陸張烈字昂千海鹽進士知浮山縣才智明達沈毅有為在任七年百廢具興卓有政聲康熙六十年奇荒勸紳士捐米二千石會同在城隍廟散給并令里民具報實在不能具火者計大小口按五日一散是時隣邑逃荒接踵獨浮邑百姓無流離之苦全活甚眾時有豪棍挾官害民稟府調兵擒治

山西通志卷一百九 名宦錄九 壬

民得以安立有生祠行取吏部主事歷官至廣東鹽法道張學都宛平人太平知縣催科有法聽訟無私增弟子員額數置學田建書院修蜡廟己亥庚子歲饑學都悉出家財救濟于未奉文之前赴調西陲猶託囑家人加意周恤其母在署至脫替珥以佐施藥施棺之用在任八載邑人謳思之

許嗣興奉天開原人康熙十一年任蒲州知州葺廟學復河中書院治豪猾為民害者胥敘迹時檄民運米西安屢詳請運至陝界止獲九客兵往返胥情伏不敢肆民德之後歷官福建巡撫祀名宦

陳觀聖字幼以武陵進士康熙二年知榮河縣催科不擾逃亡盡復民以訟至即令自拘被告者并里宴然卒歲不見胥役繼令者有遼陽李長庚以舉人任嘗輯縣志其催科聽訟



一如陳云

陳見智曲阜進士知萬泉縣清白自矢凡士子以文事質者  
諒然如家人父子於窮民撫恤百方尤以無事處事歷官金  
華知府

趙德順德舉人知荷氏縣性廉勤編審平允催科有法嚴於  
治盜又念賄為盜源痛懲之遊手斂戢持身以禮尤喜獎掖  
人材以卓異升鄧州知州

丁珩宿州人萬泉知縣慈以撫眾嚴以馭下值軍需告急民  
無追呼之擾編審戶口任民自便閭邑感之累官漢興僉事  
道

瞿亮邦字敬六常熟人知萬泉縣徵收公賦不事朴筭裁革  
雜派猾吏斂迹縣自辛酉後二十餘年科名閎寂加意振興

山西通志卷一百九 名宦錄九

三

廣建義學刊有汾陰課士錄聽斷詳慎羣服其公而狼償孩

命一事尤為人所傳述云在任十四年升中書科中書

陶自悅字艾圃武進進士知荷氏縣性清厚深於經學游政

寬以字羸弱嚴以治豪猾有循吏風雅工制義日進邑中知

名士口授指畫諄復不少倦荷氏故多英雋得自悅倡導彌

淳厲奮躍一時科第甲山右久之遷澤州知州治澤如荷氏

澤人之感頌也亦如荷氏嘗輯州志指要精覈在武功吉水

二志問後以病請告歸

陳騰章廣西賀縣舉人初令浙江康熙甲午補荷氏令慈惠  
廉平簡靜不擾時用師哈密軍需車仗鞍履口袋等項催繳  
旁午騰章設法備辦不責於里甲民胥德之後卒於官貧不  
能葬賴同官資助越二年始克歸里

梁鳳翔咸甯人康熙癸丑進士累官潞安知府釐中飽禁私  
派以足疾乞歸潞人懷之

金光昊字侶樵全椒人康熙五年以舉人知長子縣性嚴正  
不妄接人僮僕裁給掃除胥吏作奸痛懲之不少貸豪猾皆  
聞風遠遁勸農巡阡陌問進野老爾汝相狎俾得各言疾苦  
歲早修粿祀豚行者數十里涕泫泫如雨甫一年卒邑人修  
勸農坊以志遺愛

唐甄原名大陶字鑄萬夔州人以舉人知長子縣雅擅文學  
尤長於言兵蒞任以經術飾吏事著有潛書及園亭集

曹有光績溪進士知壺關縣卒於官有光性澹泊食不兼味  
或以苞苴竿贖進直斥之政以嚴濟寬雅符國僑武侯遺指  
椎埋怯僿胥斂迹卒之日圖書數卷幾無以為斂邑童叟得

山西通志卷一百九 名宦錄九

三

為流涕

于澤長山東人知長治縣性慈厚有吏才時以軍事買解草  
豆有賦額一兩費至八九錢者下令民間令自買自解官吏  
胥無得與李太守白川無後僕李國明發冢取甄石立寘於  
法而治其墓

李時謙淮安籍大興進士知潞城縣性抗直而有吏材嘗給  
牛種督力作製紡織具令嫻習女工復為清積年通賦勸課  
諸生治行推潞府第一後以御史巡鹽河東入潞城名宦祠  
程大夏湖廣進士知黎城縣性平易兒童婦女胥得陳疾苦  
清潔不妄取一錢又勤其官治文書不少輟加憲學校以文  
藝請者抉摘是非不少隱蒞任五年土習民風一變行取去  
邑人送者如雲後聞其卒復設位祭之



汪國興漢軍正紅旗人長治知縣在任多所新建縣右育嬰堂四門外諸義冢皆其所設也罷官後復至潞里民焚頂迎

于元吉汶上進士長治知縣清廉慈惠決斷明敏不撓於權勢當時稱治績者推二于謂元吉與澤長也

石佳彝奉天人長子知縣清廉鯁直持正不阿捐俸倡修文峯塔尤為縣人所述云

屠直陝西城回人進士康熙初屯留知縣性沈靜政尚仁恕隆重學校課士術文始終不懈勸農事親行阡陌賞給酒食遇冬資粥施衣周恤窮民立義冢置養濟院民甚德之升武定州知州

周人龍天津進士屯留知縣性仁明遇事善斷人不能蔽加

山西通志卷一百九 名宦錄九

意人文多方造就值冰雹捐俸振濟民賴以安為立碑

柳國勳河南太康人以進士知襄垣縣修葺文廟詳允完納屯糧祿米章程歲款煮粥振濟嘗徒跣禱雨有應士民感之趙尚友南樂進士襄垣知縣歲辛丑大歉煮粥振飢親歷鄉村察訪惟恐民有失所編審甚公正

吳之錡仁和進士壺關知縣明果有幹略剔弊釐奸無所假借以內艱去唯圖書數篋邑有餽遺者悉卻之

馮雲燦金壇人以貢生知壺關縣善屬文工吟詠為治簡靜不生事以擾民嘗有句云錯落前山影終朝在印牀可想其概矣

劉徵南昌人進士平順知縣寬厚廉明洎任六年虎不為害平順地瘠民貧徵勸課農桑督勵紡織禁革火耗裁省安置

催科無擾決獄魁冤招徠流移窮山無醫民有疾病施藥調治所活甚眾云

張奇抱蓋平人康熙二十二年知汾州府盡心民事明年府境汾水秋水漲溢為災凡五載困於淹浸撫循曲至思所以拯其民者不遺餘力審視地形高下修築堤堰民立石頌之謝汝霖字用弼福建長樂舉人康熙四十年由延川令擢知永甯州與利源弊多善政民稱清官第一然以廉直頗不得於上官州北太孝東相勤忠諸都皆磽瘠地而賦重於他郡汝霖憫其窮困每歲奏銷至用已俸墊入而民不知也以未得親勘丈均賦為憾卒於官至不能殯斂民皆巷哭失聲立專祠祀之並崇祀名宦

周祥昌字定孺三原人康熙元年以舉人知甯鄉縣赴任惟

山西通志卷一百九 名宦錄九

隨一子一僕食用極淡泊而勤勞撫字民深受其澤繼任者為陳大來龍溪舉人廉儉愛民一如周云

陳之文臨川舉人孝義知縣多惠政時孝義沿舊規按里派差每有偏苦之累之文為均其里甲立碑永遠建祠祀之任珥號希菴高密進士知石樓縣寬嚴並濟招流移復通賦陋規加耗悉禁絕之才敏議明歷任浙江道御史長蘆鹽院張恪涇陽舉人知平遙縣性峭直慷慨誠心愛民尤重士類人不敢干以私日用胥自給無行戶邑有豪惡噬民廉知其狀立斃杖下上憲咸嘉獎之以母愛去至今人稱清廉張公莊指武進人以進士知臨縣鎮靜不擾振興文教值奉文加派為民抗請然後酌加民不為苦擢知騰越州金一鳳大興人知介休縣凡胥役與縣中豪強交通病民者



織悉知之置諸法民安其業獄省訟清

黃汝鈺廣甯人知平遙縣有廉操裁決獄訟不使株連遇軍過必親送之恐或擾民

張泰孚淄川人知孝義縣有清操嚴馭胥吏而不任喜怒勤於其職早起理訟獄不違食夜漏數十下猶危坐治文書不輟邑人頌之

王埴榆林人知介休縣有善政蒞任既久於民間利病纖悉不遺驚驚各泉引渠資溉累至爭訟埴為分別籌畫弊清而訟遂息

劉鼎文湖廣人以進士知甯鄉縣剛正嚴明甫下車吏胥為之肅然因上下都田賦不均力為申請積弊一清卒於官民立石以志功德

山西通志卷一百九 名宦錄九 三

戴日巖字羅林金谿人以舉人知甯鄉縣性坦易有惠政去任既久民猶懷思之

王傑高澗人進士知平遙縣歲饑設法振濟全活甚眾革去陋規銀人稱賢良司牧行取王事累官禮科給事中

唐勤潁州人知臨縣有古循吏風值兵荒忤上官意縊於署民悲泣之

呂履恆河南新安人明尚書忠節公維祺之孫也以進士知甯鄉縣性慈恕撫羸弱尤有恩庭幾絕管卦而善治豪猾武斷舞文者胥斂迹催科自為籍時召鄉里民參驗吏無得中飽雅工詩文能以經術飾吏治培護士類尤篤後以治行擢御史累官戶部左侍郎

韓貽豐慈谿進士知石樓縣甚有政聲擢本府同知

蕭薰邠州人鄉舉第一知介休縣明達善斷彙強斂迹初縣

人食鄰邑土鹽但銷河東之引而已既設商坐賣私販土鹽價反翔貴窮簷愁怨蕙申於臺使罷之聽民取食土鹽鹽課

則按土田計戶口派入徵收歲無懸額民不擾累至今稱便官于宣字雪眉閩縣進士康熙十二年知澤州性廉潔為政以簡靜稱軍興行問架稅調劑得中民便之更創設提調以司四門尋以撫提擢怨牽連罷官莫不惋惜州人立祠郊南置田供祀

倫可大字子受永平人知澤州寬厚為政歷十年陽城鹽商

與泉民構難互相殺傷泉取圍城澤人李俊奎實為首惡遂同參將前往訪擒泉徒格拒官兵被石傷者二人巡撫聞變會知總鎮進勦可大力請止其兵曉示泉徒以次投首及被

山西通志卷一百九 名宦錄九 三

擒止六十餘人置之法良民獲免株連立祠祀之卒以失察去官

佟國瓏字信侯遼東人康熙中由文登知縣擢知澤州屬歲大祲發常平穀借民秋成刻期輸還無爽者又為減耗羨革

陋規省徭役平物價民情大悅州城圯捐俸千金為倡集紳民修築之引疾去官民攀號聲震郊野立生祠歲時祀弗衰

其後以舊屬高平令虧帑被逮責償萬餘金澤民聞之相與憤泣公捐金投州庫久之得釋歸

白良玉梓潼舉人知高平縣有清操正供耗銀舊規度及半良玉秒忽不多取櫃書有貼備例里斂百金嚴禁之機戶受

價織造官多蝕尅又由路駁驗費不貲良玉核發正價且請由縣解部機戶以賍驛馬草豆向令牙行辦理良玉檄委兩



丞於秋冬平價採買民不為病舊俗訟負者繳贖錢和者納息穀首除之又禁淹柁藏窳者凡一萬五千有奇高平人嘗集其治行勒諸石又請擴署舍力禁之而不能止八年行取入都貧不能舉火比卒高平列於朝者醮錢以贖乃克斂李鉅鐵嶺人高平知縣潔已愛民歲饑分廩散米民慶更生蝗蝻害稼出粟勸捕稊不為災忽蠶食殆盡鉅羅被散種民卒賴有秋升知北勝州

張都南延津進士知陽城縣性簡厚以清廉自勵而達於土俗人情與舉胥中其以訟來者片言輒決情偽如指掌人不取欺泄官十二年清慎如一日以治行入為監察御史

梅建字啖熊普定人以舉人知高平縣性廉介精於吏治發奸摘伏不少爽建宗程書院集雋異其中時時授以文義又

山西通志卷一百九

名宦錄九

三

立義學俾復人子胥得誦詩書後解組去高平人建祠祀之項龍章字宸錫歛縣舉人知陽城縣簡重有才甫下車即以潔清誓於廟終其任不渝纂縣志清編審革陋例興學造士不肯以傳舍視一官艱去卒於家

孫必振字臥雲諸城進士知陵川縣改建廟學創立書院校士督課多有舉於鄉者例解黃絲黃絹祛其累省賦歸民俗好訟豪猾蠹役因緣為奸痛除之訟廷開闢民咸樂生所修縣志允稱詳該職再滿遷御史去民遮道走送數百里立祠祀之

于繼善東阿人以歲貢任沁水縣寬嚴並用辛未縣遭蝗蝻請蠲積逋及逃丁之課甫半年以艱去

譚從簡山海衛人康熙元年以舉人知靈邱縣靈邱通賦繁

累前令宋業請豁免聽遷官以去從簡蒞任雅諳民間利病百廢具舉瘡痍復復當時謠曰前無宋憑誰種後無譚更不堪靈邱以循吏稱者二人為最

焦恆澤雜澤人廣靈知縣安集逃民地方起色偶以聖誤左遷士民惜之祀名宦祠

何玉相濟陽人山陰知縣召民開墾荒田四百四十餘頃履畝勸課歲倍收穫屯田累民力請給軍分種邑人至今感德不衰

朱彝嘉興進士廣靈知縣秉政慈良愛民如子左遷去任人共懷思祀名宦祠

王度漢陽人以副貢知靈邱縣為治得大體心存仁恕而能濟以嚴明吏民無敢軼繩外久而胥愛頌之以疾卒於署葛

山西通志卷一百九

名宦錄九

三

韓布被敝衣數襲而已百姓罷市往哭薛侯三原舉人知懷仁縣寬平愛民頻歲饑力請蠲免正賦振濟有方百姓賴以活者甚眾上官每見必稱之曰真民父母分校鄉試所得皆三晉名士募民開墾荒地調任湖廣去民思之不置云

石佳彝奉天人懷仁知縣出金振荒給牛種又以邑近邊文學遜內地立義學崇興諸生見者多興起在任五年擢黃平知府去民樹碑識之

董學詩遼陽人懷仁知縣年少精敏待士撫民胥得治體革火耗清行戶立義倉飾廟學後二年歲饑勸輸以振之民無流逋在任三年治行為當時最

吳一蜚字翼生蘇州人以進士授山陰知縣甫蒞任即捐俸



修葺文廟召民間墾清出額內荒田九十三頃康熙十九年  
邑大荒詳請緩征民甚德之後累官至吏部尚書

甯朝鼎字坦園永平人由歲貢知山陰縣敏幹有治劇才多  
所修葺凡衙署學宮及各祠廟無不整飭境內一新在任十  
一年去之日百姓立碑頌德政焉

李煥斗字谷愚新淦人知廣靈縣值歲旱疫詳免絕戶錢糧  
兼額振濟一如所請民皆感頌並招徠勸墾流亡復業府倉  
捐儲米石歲令各屬運送殺虎口廣靈應運七百石煥斗力  
爲民請設法調劑通省照糧公捐其治蹟多類此

杜如鉛字又篁會稽人由校官卓異擢知馬邑縣康熙二十  
八年初蒞任值歲大饑鋸念切民瘼首倡捐賑供兵雲朔事  
事裁省上檄嚴督不爲動民尤德之

山西通志卷一百九

名宦錄九

三

秦擴曲周進士補馬邑知縣下車見井里蕭條念切痾瘵緩  
催科而急撫字喂養驛馬草豆俱出採買崇尙節儉大有布  
素之風其遇奸猾乃復裁抑之不少假借是以政平訟簡民  
獲安堵越二年捐俸倡修文廟又纂修邑志

嚴于屏金堂舉人康熙九年知遼州廉靜嚴明一介不取鋤  
強植弱吏惕民懷

沈光榮漢軍正白旗人由歲貢令河內擢知遼州甫下車卽  
詢民疾苦舊時里老人輪流支月供應苦累有至變產鬻子  
者光榮盡除之迄今蒙福鹽法議未定商不至將二載虧稅  
六百餘金自在之馭胥役嚴野無追呼及去民立碑以志遺  
愛

佟國宏滿洲正藍旗人以舉人令榆社一切陋規裁汰略盡

簿書稍暇初爲志稿邑中文獻賴以有稽升本州知州

鄧文廣福建順昌舉人榆社知縣置學租二百石及義學五  
所至今土子蒙其澤

汪宗魯懷甯進士康熙六年知沁州有清操薪水悉自給民  
有訟以木爲皂率令自拘到案立剖之役人皆拱手無所事  
事由是修城隍飾廟學嚴保甲勸農桑懲游惰又爲設義家  
建養濟院暇則進諸生命以詩文丹青黃甲乙不倦涖官六年  
沁人迄今謳思之

劉民瞻字士仰遼東人以蔭生在沁州知州值戊寅己卯連  
被霜災詳請振濟復捐俸購粟平糶賴以全活者甚眾踰二  
年值牛疫貧民耕種無資出錢量給價直俾市牛他方秋成  
償價於官民困全蘇升平陽府同知遷知眞定府祀名宦

山西通志卷一百九

名宦錄九

三

王鼎基字美露河間進士知沁源縣素不解織下車令民  
栽桑飼蠶教之紡績至今賴焉勸農課士資以牛種膏火更  
多惠政

李琛直隸高陽人以蔭生知武鄉縣舊有飛糧爲民病琛  
甫受事具詳懇請豁免不允則趨會城面陳至痛哭不能止  
抑鬱成疾以卒縣人德之附祀明劉黃二公祠中復立專祠  
於姜村以祀焉

陳正樂字和菴古田舉人知沁源縣廉明渾厚政絕繁苛荒  
歲煮粥振饑全活甚眾

齊大岳卽州人康熙三年以拔貢任平定州寬征賦恤刑獄  
招撫流亡勤緩凋弊民至今德之

張慎奉天人知平定州蒞事嚴明奸宄斂迹會交課士廣立



義學去之日民泣送之祀湧泉亭

何錫祚知平定州性嚴正泣事敏練省催科以惠民修學校以造士勸民種桑紡織祠宇多所創建

吳祚昌沐陽人由拔貢知壽陽縣樸素簡易力勤民事墾荒地撫饑民流亡漸復乃設立義學並社學五區凡有規畫悉開教養公暇補築邑志自製恆言時為演說有爭訟者即令約長論解之平焉則已嘗作牒城隍祈雨文及祭山神驅猛虎文人多傳誦

孔興範曲阜人至聖裔也以恩貢知孟縣孟城西北隅濱河舊築隄以護歲久盡圯水漲輒役民編築寔石禦之又廟學上漏下穿丹堊漫漶輿首謁廟惕然弗甯及觀河之重為民病也慨然曰神依於民吾知所先後矣於是庀材鳩工俸

山西通志卷一百九 名宦錄九

錢胥樹佐經費不足募諸有力者不兩月築隄一百二十餘丈踰年廟功亦以次告成借諸生釋菜焉性儉嘗衣布衣出見客泣官六年寬嚴並濟孟人稱之

田國弼遼東人由貢生知壽陽縣捐俸修學請粟振饑在任多善政  
蔡璜字渭侯宿遷人由拔貢知孟縣下車徧歷鄉村勤求民瘼乙亥丙子比歲不登振濟有方全活無算又仿以工代賑之例凡城闕祠宇隄堰橋梁次第修舉由是設常平以謹積儲興義學以育人才彙志乘以徵文獻皆能以儒術緣飾吏治會行取當遷職去孟人赴省乞留既不得請乃相率建生祠而立碑芹泉驛以志去思云

孫起倫安邱進士知壽陽縣以廉惠稱居三年盜弭訟清政

教大起擢戶部主事去嘗作勸戒詩各五章民傳誦之見邑人李秉銓實政紀略其後有扶風王朝用南充進士王升均以振饑為民所德劉熙貞和曲人有功學校李敦鉅野人嘗纂縣志皆以舉人任

蔡錫祺江南繁昌人以拔貢知孟縣事下車問民疾苦稍有不便者皆蠲除之平居布衣蔬食躬行鄉里勸農助土署中無幕客侍從數人聞如也擢刑部主事去

許嗣興漢軍鑲藍旗人康熙十八年任忻州知州留心民事耕穫時必單騎履畝勸民勤業始終不倦歲值大荒詳請振濟復捐俸煮粥全活數千人又開渠築隄以禦水患霑利者數十村士民咸謚思之歷任福建巡撫已見蒲州重出楊森奉天蓋平人以蔭生知定襄縣寬厚清廉舉動不苟莅

山西通志卷一百九 名宦錄九

任十五年以親去去之日閭閻士民悲涕遮道如赤子之失慈母

黃圖昌直隸長垣人以進士知靜樂縣蒞任歲適海饑函議賑貸俾胥獲保聚加意學校月集諸生兩課之退食之暇稍往牒參輿論纂靜樂縣志庸昭一方文獻邑人謚思罔敦焉王時炯廣東樂會舉人知定襄縣課士勸氓輕徭薄斂於邑中典章文物尤所留意嘗增製文廟祭品建省牲所重修先賢坊楔墓碑繕南城門並濬其壕皆自為文記之至編審丁口均平里甲重修邑乘尤其政績之卓著者

程憲奉天甯遠人蔭生康熙十七年任代州知州溫恭廉正愷悌為懷辛酉歲饑為食東郭日飽千餘人時樂戶誘買良家女甚多勒令自首歸還之尤愛士類建修廟學興廢舉墜



殆無虛日職滿遷戶部員外郎

梁繼祖遼東義州人由舉人任五臺縣在任十年廉隅自飭勸民開墾山荒戶口日益羨瓊之亂五臺城被攻年餘雖幸未破而輒石坍塌土垣亦大半傾圮繼祖倡捐重修乃復完整康熙十年秋大熟穀有一莖四穗者人以爲德政所致郭傑遼東人繁峙知縣遇事毅然有爲百廢具舉奉母甚孝民多化之嘗纂輯邑乘

周三進字天驥淮安山陽人康熙二十二年由拔貢任五臺縣清廉公正豈弟爲懷下車之始當地震後安集撫綏不憚勞費事有關民瘼者矻矻爲之不厭不倦如正地丁册籍而里書絕欺隱之弊革里甲遞年而花戶省攤派之苦尤其大者北門外慮虜河鬻城根爲患二十餘年築隄岸禦之工甫

山西通志卷一百九 名宦錄九 四

與忽夜雨河水改爲東趨不復進城人以爲仁政之所感張承祖平陰人以貢生任崞縣廉明爲政冰蘖自矢先是一切行戶俱有官價比民間平買減半值微糧耗羨加三四積困久矣承祖盡除之歲遺屢荒邑多盜恩威並用奸宄格心民立碑頌德徧鄉邑云

雒倫字彝菴武陟進士任繁峙性耿介一錢不受在官若儒素布衣疏食晏如也以不合于大吏挂冠而去士民惜之齊士莖洋縣進士任繁峙到官大修廟學節其俸之所入盡以佐之聚生徒講授嚴其課程文風爲之一變在職十年經徭薄賦苞苴不入門以廉慎稱

李遇時字雨若奉天人康熙十四年知保德州銳意行善優士卹民有循吏風值陝寇煽亂大兵壓境供應芻糗民不滋

擢升岳州知府

高起鳳字鳴岡遼陽人自松滋知縣升任保德以廉介稱嘗創開北門養士愛民德意所孚知無不行歷署河曲岢嵐及西路分府俱有惠政升吏部員外郎有去思碑唐文德字敬亭宣城人知保德州康熙三十六年聖駕西巡駐州二日文德供事得宜奏對稱百嘉獎甚至蒙賜御書一幅尋升戶部員外郎

江閩貴陽人康熙三十年以舉人知解州勤學殖有知人鑑所賞識胥登甲乙榜爲政安靜不擾士民若不知有官先是未申間民多宿逋檄一歲並徵閩詳請分年帶徵民懷之趙增汶上進士康熙五年知安邑縣徭輕賦薄政簡刑清幾

山西通志卷一百九 名宦錄九 五

于漢吏循良祀名宦胡心尹昌平衛舉人知芮城縣真心實政在任五年治績卓然卒于官邑人樹碑學宮前祀卜子書院高其志商南舉人知夏縣清廉節儉愛養百姓如家人父子卒於官士民哀之各鄉建醮致祭昇櫬送歸故里馮遵祖字青山歸安人以進士知平陸縣自奉淡泊存心慈愛修城編戶課士講約美政多端人多思其遺愛云

金焯會稽人平陸知縣歲乙亥邊事起協濟豫省轉運關中水陸騷然晝夜勤勞蒞政三載平易近人高壽名大興進士芮城知縣值乙亥歲荒多方拯救活人甚多興利除害邑人德之升兵部主事孫筠黃岡舉人知夏縣值乙亥歲饑驅蝗救災極盡心力貧



民就粥廠食者躬親閱給多賴以全活又以邑市官租捐作賓興路費緣事左遷去之日民遮道泣送

曾旭建水舉人任安邑愛民恤災吏治精勤祀名宦

張縉通海舉人安邑知縣嚴明幹練盜竊斂蹤有祠在縣東門外

王匡國納溪人進士知平陸縣潔己愛人嘆休疾苦有古循吏風尤以振起斯文為己任所拔多英異才誘掖獎勵一如父師以愛去民立碑志感

董之燧天長進士令平陸明敏有判斷才剖事如流案無留牘公餘多暇吟詠自娛內升御史民立去思碑

邵瑛無錫拔貢知芮城縣秉公編審不責羨利修舉廢墜著作頗多升主事去民建祠祀之

山西通志卷一百九 名宦錄九

鄭純禮長樂進士政教寬平藹然儒者兩任安邑始終不渝

內擢行人

梁迪宇道始合浦進士康熙末令平陸政尚恬夷閭閻樂業創建虞城書院清釐更名田租以為膏火蓋能以文學飾吏治者也調屯留去

劉涵宣化人康熙十九年由蔭生知絳州飭廢弛抑奔競訟簡刑清門無私謁升戶部員外郎

王瑛字滄山武陵人由舉人宰曲沃甲午春奉檄兼攝州事革耗羨嚴私派編保甲靖盜賊善政縷縷甫期年而境內稱

治去之日州人建生祠祀之

孟孔脈字祖尼富平人康熙元年以舉人任稷山知縣明於聽斷訟者胥心服無後言歲饑民多鬻子女獨俸贖之凡百

餘人致仕歸卒

朱尚義遊陽貢生知垣曲縣嚴革火耗盡免行戶供應陋規未踰年以艱去祀名宦

紀宏諤字伯禹開原衛人垣曲知縣嚴保甲招流亡邑中甲中之變城垣壇壝及公廨半燬於兵蒞斯土者補苴不遺宏諤力為整飭釐然大備又蒐輯邑乘足稱掌故焉士民感德碑記之祀循良祠

崔鳴鶴內邱進士知河津縣首革現役雜派諸弊均水利正經界嚴保甲抑豪強修學建橋以次舉舉措置有方事集而民不擾外艱歸民冒風雪走上官祈留鳴鶴中夜去後數年有同姓宦過者民聞傳以為鳴鶴復至趨迎如舊既而知其訛皆嗟嘆久之

山西通志卷一百九 名宦錄九

沈光瑀鄆縣舉人知聞喜縣創建義倉書院有自記

馬光遠山東海陽進士河津知縣興利除弊措施有序編審公明禦寇得法冬月過胡盧難見民艱渡即捐俸建橋往來德之

吳曰仍桐城人知絳縣秉性清正慈以御下值軍興旁午徵會口出昌仍委曲曉諭民無怨咨後升內閣中書

朱天爵正紅旗漢軍人知稷山縣甘澹泊蔬米胥平買馭吏甚嚴馬草豆舊出自民間胥給價購買客兵過境銜勒有法後擢都察院經歷

許自俊嘉定進士知聞喜縣携一子一僕食脫粟飯佐以青菜往來州郡會城策蹇而已贊上官詩綾扇外無他物用法

平民多勸輸雅工詩文名勝地題詠殆徧尋以乞休去行李



蕭然當時稱清白吏

梁永洎容城舉人知稷山縣政尚寬和以清靜為理尤加意士子有貧寒者必周給之於縣治前設立市廛民甚便之又開水渠以溉田至今食其利擢工部主事

陳裔振字陝棠嘉善人知絳縣年少諳練吏治聽斷平允雖見責者亦皆感服學宮傾圮急為修之一時贊序煥然歲甲戌縣境有蝗蝻農人恐懼裔振自責為文以祭八蜡忽風從東南起蝗悉向西北去田禾得以無恙百姓咸驚異感其德立碑以紀之

楊玉字溫如知河津縣嚴明有法度凡事期便民慮藉符之猶滋擾也民以訟至者一紙條殊書被訟名令自呼之到庭一問而決由是吏胥屏息有終其官不能得民杯酒者

山西通志卷一百九 名宦錄九

王景奉奉天人聞喜知縣拊循窮黎如家人父子秉公執法一毫無私邑人立祠祀之

吳寶林浙江石門人知河津縣以廉潔自矢事簡民安雅意作人一時文風丕變

盧絳黃安舉人由教諭卓異擢知絳縣居官清正愛民如子縣自乙亥後災履頻仍逋賦山積新舊並徵民甚苦之絳緩其催比寬以時日數年民力稍蘇悉行完納在任十七年修城垣建義學延師課士勸農力田政績最著嘗因旱禱雨甘霖立沛境有虎傷人為文自責而祭之虎遠去士人感其德為建坊以誌後擢鑾儀衛經歷去之日百姓攀轅送至平陽各相泣而別  
許穀字詒孫常熟人以翰林庶吉士改垣曲知縣喚休疾苦

有古循吏風尤以振起斯文為急得雋異士輒加優禮以勸由是窮鄉後進胥斯詣令君商榷文事朴斲之習一變凡平陽大小試皆贊誦垣曲文風不輟在任八年以憂去垣曲士民至今思之

江國棟奉天監生知聞喜縣英年精練聽斷明決鄰邑爭訟者皆相率來質革坊廂陋規大蘇民困因與王令並祀錢元臺金壇人河津知縣踰厲有為決獄無留滯開書院選邑知名士課之文治斐然庚子辛丑歲大饑勸捐行賑遇劫盜嚴緝之邑境以清士民交頌

胡文煥號宣彝奉天舉人康熙四年知隰州秉性愷悌凡不便於民者盡為嚴革繕營宮修城垣葺衙舍課文藝善政甚多

山西通志卷一百九 名宦錄九

錢以增字蔗山嘉善人由進士累遷隰州知州催科不事敲扑聽訟片言立剖修學宮建紫川書院凡有關政典有益風化罔弗興舉性好施濟諸生貧者恆贈以資助其讀四民無告者多方周恤而自奉淡泊有類寒士廉惠之稱官晉土者莫不推重焉在任五年內遷刑部員外郎去州民泣送之馮應泰字儀生延長人以貢生知大甯縣精詳廉介催科不迫造士多方嚴束書役均勻衙銀禁羨餘無雜派弭盜賊寬行戶恤孤貧大都寬嚴相濟情法兩平邑人豎遺愛碑於西郊  
吳運新黃池進士知蒲縣公廉慈惠以德化人士民感之不忍欺性介直不能脂韋卒以謫去去之日蒲民如失慈母老幼泣送者不絕於道祀名宦祠



胡必蕃孝感舉人知蒲縣葺學宮修邑乘革雜派以恤民困招流移以實田疇稱賢令焉遷官去

梅銷字銅巖宣城進士知大甯縣嚴取舍遇事洞見本未雖黠猾者不能眩厲精治簿書有爭訟者以片言折之而不喜施鞭朴多委曲開導令去馭吏胥獨嚴嘗誡曰百姓一杯水汝輩無得妄受也後累官左都御史

朱元洽嘉定進士知蒲縣以民力凋敝極意培養蠲免墾荒虛課七百餘兩事凡八上而後得請修學宮培風氣雅意作人成就甚多文章政事卓然為三晉最祀名宦

查振宗奉天人康熙十一年知霍州泄霍五載盜賊遁跡流離復業給牛種勸耕稼供應大兵省費甚多

黃復生黃岡人由選貢知霍州革陋規行保甲修州志輿論

翁然

葉九思奉天人由通判擢知霍州寬宏明敏設義學以恤單寒立鄉約以警頑懦鑄鐵牌而賭博息嚴保甲而盜賊甯掘大同知府

李紹祖長白人霍州知州性剛直不為勢要人屈泄官廉民胥德之遷潞安府知府會

聖祖仁皇帝巡省代者未至留辦理公務為一內員所窘紹祖自刎死霍人號泣詣 闕陳訴

聖祖大怒立命巡撫監內員赴霍臬示霍人呼萬歲聲震山谷及喪出商民胥罷市輓輿奠道旁者趾相續復建祠中鎮廟歲時肅祀不絕

呂維楨字松若益都進士知趙城縣百廢具舉獄犴悉空敦

崇學校士氣騰奮築東園西園二別館與邑之賢士大夫考論經史並著別紀以補邑志之未備

侯榮圭濟源舉人知靈石縣修隄堰清疆城厥功懋焉民有召杜之謠

徐容海鹽進士知趙城縣省刑輕耗修學課士卓異升邠州知州去之日父老牽衣泣送立祠以祀

山西通志卷一百九 名宦錄九 聖七

山西通志卷一百九

山西通志卷一百九

名宦錄九

聖七



名宦錄十

錄一之十

山西通志第一

賜進士出身頭品頂戴都察院右副都御史巡撫山西提督軍務張煦奉旨監修

守令 雍正乾隆

金銀字震方遼陽人雍正中由廣昌知縣特擢太原府知府時撫藩創為耗羨歸公之議其言其不便及奏上其適入覲上詢及因直陳所見既知事在必行乃請於養廉外多增公費

上是之下所屬核稽章程其議遂定後官至廣西巡撫錢標武進人由拔貢知太原縣有政聲歲荒悉心賑恤全活甚眾修學宮植土類諸生貧苦者成資給之於渠堰水利諸事尤拳拳焉調繁榆次亦多惠政民尸祝之擢知朔州病卒貧無以斂兩縣人爭賻贈以歸

山西通志卷一百一

名宦錄十

一

石鑑術水舉人知榆次縣為人樸直專心民事或不便百姓者數力爭上官前必得請乃已雍正中方征準部山西采買軍需他縣辦者率為民累鑑任其事前後十有七而榆人不之知也卒以強直忤上官意假他事劾罷之鑑去後復有誣其在縣時侵稅錢者檄令追償榆人聞之為釀金代繳乃已孔傳忠桐鄉進士雍正元年知洪洞縣明達亢爽案無留牘甫下車次第革行戶里馬官車徭役諸弊創建普濟育嬰二堂興義學立社倉捐千金購韓姓園為書院延師課士詳請增文武學額又平廣聖寺水利立石以息民爭至今賴焉升解州知州邑人為建二坊以頌其德

邠收謙麻城人知岳陽縣慈惠廉明一介不取涖縣數年革除陋規十餘事邑民頌德建坊焉

吳世雍餘杭進士襄陵知縣僅科有法剔清鹽政數村積欠捐俸代輸人尤難之

張瑞漢軍正白旗人由舉人知臨汾縣潔已愛民教養兼舉民至今思之

余世堂大治進士知洪洞縣居心慈惠勤政愛民捐俸修城崗並西門城樓以及縣北惠遠橋遇訟事反覆推詳曲盡其情鄉里中有以貧故致婚娶不時或夫婦仳離每出資為完聚焉至續修邑乘創立義學尤其政績之著者

周毓正山東龍山衛人以進士知浮山縣慈祥愷悌人不忍欺積學淵深素以文章知名海內去之日士民攀轡不忍別聞銅長垣舉人襄陵知縣聽訟明捷周知民隱濬池修城多有政蹟

山西通志卷一百一

名宦錄十

二

趙懋本大興人知襄陵縣勤吏治有幹才時經地震以修廢舉墜為已任築城垣修公署補葺聖廟增修志書政平訟理士民悅服

閻煊南官人臨汾知縣持躬清正涖事明斷吏畏民懷至今有甘棠之愛焉

葉華埠城固人以進士令曲沃單騎抵任衣冠樸素見者並不知其為令也既視事恩威曲至決斷如神不二年政教大行旋以他故望謫士民聞之垂涕相弔去之日攀轡哭送連縣數十里詎思之久而不置云

彭洙字亮麓安溪進士知翼城縣居官廉明案無留牘先是邑有里甲科派官利其私陋規相沿已久洙甫下車毅然裁革歲省民財數千金又創造河隄均平市價移駐防以固封



疆善催科而無敲朴實心行政民甚德之調繁安邑尋擢解州知州所至以循良稱始州與縣並隸平陽學使按臨向駐安邑及改設直隸州猶仍其舊洙既司牧乃請移建試院於州城以符體制

趙溫字佩琳鹽山進士知岳陽縣居心慈惠吏治明敏嘗語人曰為政當以教化為先錢穀兵刑皆末務也故所輯縣志於禮制最詳論者以為得臨民之本云

李居頤字養吉雲南河陽舉人雍正末年知翼城縣嘗葺文廟建奎閣通泮池他事以次舉翼志修於康熙癸丑舊刻漣漫因捐資重輯廣所未備縣署西所植柳成陰今稱李公柳云

翼廷慶安陸人雍正三年由進士知蒲州居心愷惻莅事嚴明重農惠商吏民懷服為建坊東關以志遺愛焉性耽吟詠於蒲坂名勝考核甚詳並采有虞蹟圖考行世

杜庭珠字怡谷秀水人由國子生令臨縣調知萬泉承彫敝之餘苞苴悉絕事無大小力求利民如南河工役久為兩州十縣之累申詳革免頓除積痼鄉民且旬旬頌德又西邊軍務頻興所派駝屨農器諸物率墊養廉採辦無絲毫累民而民亦若罔聞知其為政忠信明決案無積牘詰奸禁暴良善胥安論者嘗比之鄭僑云

孫揆大興人以貢生知臨晉縣勸農恤災有古循吏風居五年去繼之者為劉國綜山陽副貢亦以惠稱縣北坡嘗以徵科構毀糾眾與官抗大吏惡其悍將臨以兵勢洵洵國綜時罷官閒居論散其眾令拘為首者八人以獻亂遂定

山西通志卷一百一十 名宦錄十 三

劉培元字萬資山陽人由拔貢簡授虞鄉令時縣新設到官撫字倍至藹若家人凡有興作子來恐後嘗攝永濟並以惠稱甫一年轉咸安宮教習去宦囊蕭然有去時更勝來時貧之詠繼任為徐大梁金谿進士以精敏著李景芬字介黍定州人亦有幹才建置之始凡城郭官府祠祀學校諸務多劉經始而徐李繼為之典章文物寔以備云

郭麟生博平舉人雍正中長治知縣初下車值平定西藏採辦瓊鐵等器羽書日數下麟生出公價設局顧匠事集而民不知擾月餘丁艱信至士民赴省乞留者數千人上臺以軍務旁午題允奪情在官鞠謙詳慎無隱弗達催額賦則差木卓警輕生則刊圖說甲寅八月大雨雹禾黍蕩然徧行安集勸富民出粟賑貸是歲饑而不害居八年調陽曲去之日士

山西通志卷一百一十 名宦錄十 四

民置酒焚香泣送十餘里絡繹不絕

崔琳任邱進士署長子縣正直清廉重士愛民輿情大洽有崔府君之謠

莫士桂上思舉人知屯留縣忠誠悻悻約已惠民以親老乞養歸行李蕭然民扳轅臥轍泣聲盈路

劉德潤漢軍正紅旗人襄垣知縣聽斷明允城西北隅當甘水之衝建石隄保障並修四城樓歷三年工始竣至今賴之許溥長垣舉人知壺關縣愛民禮士明於聽斷屢折疑獄

朱禮陶高安人壺關知縣民有權法者將予杖輒感額熱視改從薄懲或竟籲免而於惡慙則不少縱德化所及羣懷其惠言及即感歎至有隕涕者

賈容何石城人雍正七年以進士知汾州府多善政創立西



河書院拔擢秀民造就之成其材

張學林丹徒人以貢生繼寶任視利有可與害有可除力為民任之汾陽舊食鄰近土鹽後豪右與胥役朋比作奸鹽歸商銷假名查私大為民害至不能堪羣訴於官學林察知其隱力請罷商以除積弊會去官弗果

崔應階江夏人以蔭生知汾州府遇事明而果斷初蒞任值前守理鹽政商銷病民案未結以法治之不少貸豪猾無所施其技

麥士偉字蓮亭江陵舉人雍正元年知石樓縣撫愛居民招集流移復業過半於其去職民甚懷之

袁學謨字迪來彭澤人以進士知石樓縣廉正愛民待士以禮而抑其奔競治豪猾制胥役嚴盜賊民懷其善政被劾以

去士民哭送於道者不絕

山西通志卷一百一

名宦錄十

五

林中枏泗州人知汾陽縣慈祥愛民多惠政時知府張崔相繼釐清鹽法檄縣議覆中枏以鹽稅及平餘總攤入地丁銀內徵收永除豪右侵害且杜額外加耗之漸有碑記

方士模歛縣舉人知孝義縣釐奸剔弊盜息民安每聽訟執事胥役不敢多一語嘗攝甯鄉有兩邑神君之頌

吳鎔婁縣舉人雍正末知甯鄉縣操持廉正實心愛民在任十一年嘗權永甯及石樓皆剔除積弊三州縣士民咸稱頌

不衰先是雍正十年查墾荒地畝前任邵之楷虛報可墾地四百頃二十餘畝歲徵折色銀三百餘兩按糧均攤鎔蒞

任問民疾苦力陳其弊於上官得題請豁免  
劉毓岳商邱人雍正二年澤州知州蒞事有斷制治疲俗而

行之以剛決妖巫煽惑民幾至滋事計擒之伏辜閭井帖然升州為府時以其才

特簡即以知州受任建普濟堂有續州志四冊升河南按察副使

許日熾海陽進士歷宰夏縣安邑並有惠政擢解州知州旋署澤州府事性慷慨裕幹濟於事多為經久不弊之計不避艱難煩苦如建鳳臺縣署解州之關廟建開社會招商皆所

經始也殫心欲續郡志未成去去之日民庶遮道壺漿百里囊橐蕭然後官泉州知府

彭景會海鹽人羨門學士之孫也作令陽城性明敏善聽斷事至立決民服吏畏縣中稱治先是民間因歲歉借官穀至數百石貧不能償久困追呼景會下車知狀即自出金買穀

山西通志卷一百一

名宦錄十

六

入倉民相慶更生任官三年以罪罷歸縣人涕泣走送其眷屬以貧故留未歸鄉里婦媪爭以黍豆餽遺議者謂先後數十年令陽城者多矣惟景會治行得民稱第一云

甘士瑛漢軍正藍旗人知高平縣居心廉慎政治和平官民相得如家人父子升吉州知州去

何陳宮侯官舉人知沁水縣重士愛民催科不事鞭朴尤好善樂施於梅杏二流會合處創建二橋為一縣局鑰

許惟訥字省文婁縣人由進士歷牧令性廉介所至有賢聲雍正元年擢授大同府知府益奮勵有為以興利除弊為已

任府西南口泉村額徵商畜兩稅向係堡長經收完納後乃委員稽查因緣為奸頗為擾累惟訥曰稅課第無虧正額足

矣奈何以培克病吾民立撤回委員令舖戶自納並嚴堡長



代徵之禁至今便之村民立碑頌德

屠嘉正字時若浙江進士雍正十三年知大同府事勤勸課  
崇學校禁差派以清消為治吏民安之越二年升福建按察  
司副使以去民為之歌以頌其德

陳際熙字枚從石屏州人雍正三年天鎮改衛為縣由舉人  
任下車清釐屯賦建立壇宇更革之始文物制度燦焉俱備  
八年大旱南川被災尤甚際熙捐廉倡賑請於上發倉以濟  
閭里咸慶更生為樹石米薪關頌之職再滿乞歸

劉士銘宛平舉人雍正三年特授朔平府知府時新即衛所  
為府治諸多草創銘繕修城垣建壇壝及各廟祀又以其暇  
創輯朔平府志十二卷更革之始文物浸以備焉所刻訓士  
要言化民淺語各條皆於人心風俗有益益云

山西通志卷一百十 名宦錄十

王杜會稽進士知平魯縣時值更始事多草創公廉明幹措  
施裕如建節孝祠以褒貞烈修晉濟堂以惠孤貧義舉善政  
不一而足雅有甘棠之遺

魯直全椒舉人雍正初榆社知縣秉性剛直革除一切陋規  
童宗孔洛陽舉人任榆社寬濟以猛催科有法與廢舉陸一  
切祠宇城垣衙署俱行修葺歲辛亥又捐廉重修文廟縣人  
相與樹碑記其事

葉士寬字映庭江蘇長洲人博學工詩文康熙庚子舉人知  
定襄縣雍正八年遷沁州知州為政善知民隱除煩苛通  
事不假手胥吏事辦而民不擾權濫安知府除諸稅之無名  
者復四門集以便商人民大懷畏歷權平陽太原治行為山  
西最十二年以薦入朝

賜蟒服推紹興知府終甯紹台道其去晉也沁人為立祠祀  
之

揭延齡永豐舉人雍正元年任武鄉知縣清慎廉明時連歲  
早荒餓殍相望延齡具文中報蒙

聖恩發帑賑濟延齡親身散給深山窮谷莫不遐歷吏胥罔  
得侵漁民以全活在官未及半載卒邑人思其德奉主祀諸  
四公祠改稱五公祠

張憲齡東鹿進士知武鄉縣為人寬厚有器局喜與士大夫  
相酬接訪求民生利弊治事臨民悉歸寬簡嘗言為政大指  
在順民情戒無擾而已民甚便之嘗輯縣志綜集數十年事  
甚明備云

李濂濟甯舉人雍正二年平定州知州為政明敏詰奸除暴  
一郡肅清初商民苦鹽菜稅重濂至減其課創建書院為造  
土地復於郡東北地都郵治水灌田民尤利之未幾升去州  
人遮道泣送建祠以祀

山西通志卷一百十 名宦錄十

青阿立奉天人知平定州初州民苦派累至家無蓋藏乃革  
除里長害遂絕前牧李濂所治地都水利復相度而續修之  
灌田四頃有餘州產稻皆李青二人力也民並祀之又石門  
口邨地乏水泉李為度地捐俸修池蓄水阿立亦踵成之遺  
澤至今邨民仍合祀於池上焉

胡具體容城人知壽陽縣修葺學宮及東關社學蒞政久有  
循聲縣西太安驛路最峻險鳩工削平砌以石四十餘丈行  
旅便之名胡公坡

閻焯字言揚南宮舉人知孟縣事英敏善聽斷孟故多博徒



殖始至得犯者實其罪令轉相緝捕一時游手屏息捐修城工規制巨麗又勸民紡織為具集城鄉婦女命其妻指授之并除木棉稅孟民欣然望治化之成也無何調狄道去所事多格不行至今惜之

高景蕃字松占仁和進士樂平知縣蒞政勤慎風規肅清河汜杜莊民將逃散捐錢百緡以撫紓之雪冤理枉除暴安良七年之內四境清和行取主事升御史歷官福建興泉道王會隆字盛斯霸州人雍正二年知定襄縣蒞任初佯不能事聽吏胥行止越兩月悉召諸吏指示所行其欺某誤考掠俱伏革其貪懦者皆大驚自是奉約束惟謹每朔望宣講聖諭諄復勸教終日不倦編審丁戶升富汰貧民稱至公倡修文廟建普濟育嬰二堂及鋪舍茶房以恤行旅力行保甲

山西通志卷一百一 名宦錄十 九

法均稅糧開水利設義倉諸政並舉而自奉雖一蔬一薪皆照時價發買蒞官六年民不知橫斂之苦及旱潦之害尸祝至今不替

楊宏志奉天鑲紅旗人雍正六年授代州知州為政務存大體每遇歲早步禱句注陞神雨即時至人以為異性至孝時遵母命薄罰減刑民感其惠相戒勿徇法嘗手書堂楹云頭上是青天若有一點私心便恐雷霆迅擊眼前皆赤子即存十分公道還羞父母虛稱

陸長華字衣侯泰興人任五臺縣清廉明幹不畏疆禦定制五台山喇嘛飼馬之草豆所用之米麥茶油從地糧內撥給銀一千二百兩令喇嘛自行買用後縣令借採買之名悉數糾派民間供應喇嘛每歲需五六千金大喇嘛司事之僧乘

勢橫索合縣疾首蹙額恆不聊生如是者歷有年所長華抵任欲治之適縣人鄭嘯官檢討應詔言事備陳採買擾民狀奉旨查辦大喇嘛之司事者首曰典器操壘權有瓊响木元旦者尤橫恣佃戶杜青雲之妻王氏有殊色元旦覘青雲外出令其徒薩木拉守門突入犯王氏王氏怒喊持刀格拒元旦

萬遁青雲歸泣告遂投緹死青雲訴於縣長華託別故遣人以束邀元旦至則延之上坐長華故善拳勇突起手縛之元旦謾罵曰必砍爾頭長華詣驗王氏尸捕得薩木拉證之元旦猶不承應加以刑夾乃吐實實之獄即通詳并臚列其採買擾民狀晉撫入奏真元旦於法王氏隨案旌表每歲仍於地糧中撥給喇嘛銀一千二百兩一切自行買用民間採買之弊永遠革除喇嘛由是斂迹合縣出水火喜若更生立生祠以祀之生子或以陸命名在任未一年調補河津縣士民臥轍攀轅如失慈母

山西通志卷一百一 名宦錄十 十

師正楷臨潼舉人自和順調任繁峙為政清勤一錢不妄取後呈吏議落職未幾病卒貧不能具棺斂士民相與悼歎楊燭字玉齋固安進士知繁峙縣性明敏訟至立決案無留牘有殺販花商而劫貨逸者燭檢畢伴日醉傷也令瘞之而密遣役於鄉里有鬻花者以聞未幾果獲真凶蓋其人意事已平故鬻之于僻村也某甲客於外乙往投之月餘乙歸甲周以路費且託寄三金於其家乙乾沒之甲歸而訟之縣乙堅不承且誣曾以金資甲而後歸燭因爾誠好人今令汝再出三金資其家何如乙頓慚沮退而如數償之其敏決多類



是

艾芳崇仁進士雍正九年知芮城縣革里催設浚單至今便之有德政碑

車敏來邵陽進士雍正九年知保德州軍差駝馬過河調度得宜民不受累立書院躬親課士十三年以憂去

趙尙友南樂進士知夏縣律身正方任事實心尤長於聽斷前令許嘗議修文廟未果計日歲歷知府州及安邑夏縣並有政蹟詳澤州下尙友卒成之內遷中書去

萬國宣江西南城人雍正元年知絳州廉幹明敏蒞任二年值改直隸州乃更察院為貢院易天主堂為東雍書院典章文物多所規措升歸德知府歷浙江按察司

米士銘本姓劉宛平舉人知聞喜縣丰神凜然吏役畏之如神居官六年冰蘖自矢謝請謁杜餽遺性復明決案無留牘每下令雷厲風行有怨之者行之久乃大悅後升任去士民餞送流涕累官荆襄僉事

李祖望恭城進士知絳縣持已廉介不徇私情一切行戶陋規悉為詳革雍正四年議定學制詳請廣額並修學官以興文教在絳九年沒於任士民哀泣為繪像祀其主於興國寺中至今歲時猶有瞻拜者焉

張渡鄆城舉人知河津縣治本經術尙文教遇訟事多勸導之使立息津民爭水利積訟累牘虛衷詢訪洞悉原委案定屹不能移正賦不事催科下帖諭之民輸將恐後蒞任五年告老去去五十餘年父老時傳其政績稱為張夫子云

徐雲貴陽舉人由興縣調聞喜老成幹練遇事有膽力申請

山西通志卷一百一十 名宦錄十 十一

丁糧歸地辦理悉當公私賴之

李卓揆字澄百香山舉人知垣曲縣清廉公正人不敢干以私立會課士政暇即與講授多所造就調曲沃去亦以循聲聞

吳元弼錢塘人雍正五年知隰州修廢舉陸政簡刑清頌聲載道

鍾恆貴筑舉人知大甯縣居心忠厚澹泊安靜邑人德之立去思碑

杜瑾濱州人大甯知縣東關外暴水漲衝路幾阻捐砌石堤一道行人無虞補修西南隅城下基址以及垣堞迄今藉以保障

江承誠吳縣人雍正元年知趙城縣政決人和四鄉通衢所至建坊頌德

胡承澤桐城人以進士知靈石縣文學素為時稱而留心政治在官無廢事縣北門外小水河隄屢修屢圯乃易土以石長三百丈有奇又於隄外築小堰八十九丈民立石號曰胡公隄

梁應宸甯夏人自廣昌調任靈石初下車即以招徠流亡綏輯居民為先務愛民勤政案無留滯又設義學立社倉修隄堰築城垣嚴行保甲除匪安良民甚德之建祠與徐令來麟同祀額曰二賢

王極昭廣西全州進士知趙城縣時洪洞民爭霍泉水利將限水石擊碎前令江承誠躬率復置隨隨擊極昭抵任承

府守詳議鑄鐵柱釀水為十道駕橋於上而構亭覆焉至今

山西通志卷一百一十 名宦錄十 十二



趙七洪三永爲定制世賴之

右雍正年七十四人又三人附見

周景柱迷安人舉人乾隆中由中書任太原同知月餘擢知太原府性清剛斷案如神庭無留獄時安邑愚民據城佐巡撫阿公統兵往景柱留兵不遣隻身前諭衆開城服罪獲其首事十餘人戮之保全無算歷知甯武蒲州二府在蒲興建書院以及考院府署濬姚涑二渠與五姓湖規復水利民尤惠之累遷河南甘肅按察使蒲州甯武二志悉所編輯也梁卿雲安州進士乾隆十一年知太原縣廉便執法豪猾斂迹濬引汾河復歸故道後升廣東連平州知州士民思之乃於城隍廟左立祠歲以三月四日祀焉

山西通志卷一百十 名宦錄十

十三

太谷知縣蒞任卽宿廟誓神錙銖不苟取折獄如神時延父老咨問疾苦嚴保甲興水利尤好獎勵人才立文社於文昌宮尋卽察院廢署改建鳳山書院太谷文風實由此始焉甫三年引疾歸士民皆痛哭送者塞路

陳詔楚雄舉人知太原縣政簡風清愛民如子乾隆二十年劉文正公統勦清查虧空適詔有挪移未補銀三千餘兩士民恐得罪一夜間卽代爲補足文正大爲嘉獎後升青州府知府

楊湖觀字笠湖無錫舉人知文水縣在官以禔躬澤物爲務不避艱難繁劇歷年徭役不均值編審親加區別除鯨寡孤獨千餘人民德之後遷邳州知州  
江二儀元和舉人知太原縣緝盜安民清理詞訟補修縣城

百姓至今思之

高官重昌黎舉人知陽曲縣勤政愛民撫馭有方不曲事上官而上官無不刮目相待升忻州知州

單燾高密舉人繼高任承高之後加以嚴明吏輯民安至今父老傳聞稱好官者無不知有高與單云升霍州知州

轍臣滿洲鑲白旗人乾隆四十一年由歸化城理事同知攝太原縣事補築護城石堰以禦風峪之水城賴以安

王鴻謨直隸雄縣舉人乾隆五十年知太原縣剛毅果斷清廉愛民至今猶思其德

汪志伊桐城人知榆次縣一以愛民爲心遇事能斷故雖地稱煩劇絕無留積縣東南鄉值荒歉力行救荒之策分上中下三等上戶出粟各分三等以次而減下戶受粟亦各分三

山西通志卷一百十 名宦錄十

十四

等以次而增法良意美民胥實惠代州有冤獄將行刑矣州牧王秉韜白其冤志伊奉委覆勘撫臬以原讞失入事白且獲譴微示以意志伊不可卒平反之官至浙閩總督著有荒政輯要刊行於世

蔣維澧青浦人由副貢知陽曲縣馭奸以法待士以禮去莠扶良四境晏然升連州知州去

李鸞字南畹大荔人乾隆元年以進士知鄉甯縣清廉寬厚造士養民署中用度率自秦中齋至不足質田以濟取諸生躬自講授多所造就踰二年調右玉去就升朔州知州卒於

官士民思之爲建祠壽聖寺左以祀

閻介年蔚州進士繼李任博學工詩遇事明斷課士尤勤迎養其父事之甚孝縣民化之調知永濟去繼之者爲安鄉張



孫鉉乾隆五年以副貢任其廉介與李同而在官稍久於輿情特惠洽調哮喘未幾卒民間之為建醮泣奠焉

李允字二非沈邱舉人知浮山縣潔已愛民每朔望讀法導民以孝弟禮讓媚不倦鋤強抑暴豪猾斂跡不肯媚事上官有古強項風民尸祝之工詩有集行世

陳廷科字梓侯安溪進士知翼城縣性慈祥不事權朴約於自奉已卯歲設法開賑全活無數歷官七年治屬事樂河隄鳩工構材皆不煩里甲而事集云

陳朝書涪州舉人知襄陵縣為政廉明創建姑紛書院集士設課文風丕振

鍾聲駿永豐進士知鄉甯縣下車增修東城護隄以遏水患已卯歲設法平糶全活甚眾加意學校嘗於東鄉得地十

六頃有奇送歸文廟為歲修資至今賴焉

山西通志卷一百一十 名宦錄十 十五

韓夔典字堯章故城舉人知翼城縣明敏果斷法立民服在官修河防設義塾縣城內無水於街道西濬池若干畝居民就以泔洗利溥而不勞又於北關孔道創建廣運橋車載蹇負得免顛越邑民立石頌德調徐溝去尋擢朔州知州

李希軾字景蘇長壽舉人知岳陽縣多善政邑民感恩建坊以志其後令岳者有勞敦杰懷甯進士陳國敷保山舉人並以慈惠著周元謙錢塘人以舉人先陳任矢志清潔時有廉吏之稱

張坊字湘帆湘潭人由拔貢知天鎮調任曲沃先是邑有兩驛官疲民困坊請於上官分還蒙城驛於太平史村民困始蘇修從教書院營膏火設杏花紅銀兩以佐公車之費其在

天鎮以邊地早霜多習建霜神諸祠而闢書院其側聚文士講授凡所興作多以儒術緣飾吏治所纂天鎮曲沃二志考核頗詳升保德州知州乞疾歸

葛清字慎先任縣舉人知鄉甯縣時山中多虎鄉人習謂為神物無敢議捕至空村遠避耕牧失時清抵任力破羣惑募獵戶懸賞格連獲十六虎而患絕招商勸農田野大闢戶口驟益乃建山神祠於城外勒石記其事

閻紹世朝邑進士乾隆末知洪洞縣治本經術實政及民捐貲重修學宮及玉峯書院復糾集紳富出錢購水田百畝收其租充生徒月餼迄今賴焉

山西通志卷一百一十 名宦錄十 十六

俸二百餘金歲以其息備春秋祭品之用至今賴之

呂東表德州進士乾隆戊辰自猗氏調知臨晉歲值旱饑請於上官發倉頒帑得粟萬餘石盡以賑復廣諭富人出粟設法平糶民氣大蘇以他事罷官貧不能歸縣人資送之而樹碑通衢以志遺愛云

傅克欽建陽人以拔貢知臨晉縣甫下車即以培植民風為先捐俸五百金創建桑泉書院次修文昌祠人文彬彬稱盛焉

王正茂字竹崖江進士知臨晉縣學問淵博宏獎風流於地方興革事宜悉筆之於書依次更張民以訟至必準情度理多方曉譬惻怛之意出以至誠往往兩造息爭或至悔泣修葺學宮以及壇廟區畫疆域分東西南北四鄉名以仁義



禮智蓋無事不以闡教正俗爲心也所輯縣志體具別裁於地勢民情一方利弊言之尤詳允推名作云

古澧荆州進士知虞鄉縣勤慎愛民廉介自持善說易聚多士親講課所定讀書章程縣人猶多守之

余克長澄海舉人授五寨知縣調補虞鄉時值大祲諄諭富民出粟貸之民賴以安嘗用形家言詳請改署北向又以涑水之利猗臨獨食會有修河之役力爭於當事建開邱家營開渠以滋灌溉今藉其利

褚天門歸德進士知虞鄉縣材識明敏精於吏治時奉文辦買歸化茶務他縣或按里分派天門立出俸購足先期報解事辦而民猶未知也以憂去邑人惜之

梅雲騏南城舉人選授虞鄉令儒雅有幹略當分設之始諸務簡陋捐俸倡修規模漸以宏整焉會金川凱還焚橋一驛與臨晉分任之雲騏以馬聚一地艱於秣束且需多人守候令各里選馬自喂臨用傳集費省而民亦忘勞後以疾乞歸縣人感頌弗衰

畢宿燭字溥幼文登進士知萬泉縣時稱其才具明析辦事勤幹立品端嚴實心惠愛歷官五年升澤州府同知

楊令球甯都舉人剛毅有爲明習吏治知榮河縣修志乘建譙樓諸廢舉舉政聲丕著

熊耳源字泊泉江西人以舉人知榮河縣縣舊有三鳳書院久廢爲捐俸別建於城東籌經費立條規凡所肇畫足垂永久士人咸樂道不置云

鄭賜圖字伊溪福建人由拔貢知榮河縣縣濱大河與韓城

山西通志卷一百一十 名宦錄十 十七

界灘地出沒無常兩縣民爭壤久不決蒞任後極力區畫界始定書院創自熊令爲增修之捐廉以充經費及去民立祠以祀

周大儒廣安舉人知虞鄉縣學問淵博練悉時務在官愛民重士爲政之暇孜孜於學縣分設垂六十年矣志乘缺如大儒始創爲之搜採甚勤云

史弈瑛溧陽人乾隆二十二年路安知府政尚簡靜屬吏一無所擾稅課革其弊政約束胥吏不敢絲毫橫索去任後民爲立碑紀之

張淑渠濟甯人以進士歷宰壽陽永濟所至以教養爲先政聲卓著累遷潞安知府時平順舊縣已議裁經畫分撥三縣善後事宜民皆安之而設立鄉學尤爲士林所感在任六年

政尚不擾於孤貧加意周恤野無餓殍會大計奏最速以內艱去民爲立碑以志遺愛

吳九齡沐陽人以貢生知長治縣戊寅歲大旱民飢勸諭富民各出米粟於城鄉設廠八處平糶減市價之半蓋以紳士錢歸米主民賴以安重建文廟及節孝祠纂修邑乘考訂較前人加詳焉升廣西梧州知府

焦以敬襄縣進士由翰林改授屯留知縣學問淵深聽斷明決創立書院作育人材丁卯戊辰邑東北鄉被災捐俸振濟迨告病回籍士民攀轍而隕泣者越境不絕

胡相忠賴縣進士知屯留縣重修書院勤課諸生聽訟公平寬嚴並濟調介休令縣人爲立去思碑

嚴繼陵新水進士知襄垣縣慈祥愷悌聽斷和平民情愛戴

山西通志卷一百一十 名宦錄十 十六



陋規如新生公堂禮鹽當節壽儀悉革除之其後令此者有  
興國進士趙鼐又南籠李體中以拔貢任並有循稱

蔣一鳴臨桂人以拔貢知潞城縣潔已愛民重新廟學以疾  
乞歸

劉汝翼廣平舉人知壺關縣持躬廉介人不敢干以私寬厚  
馭民而吏胥有犯毫髮無所假在任五年政和民父甚著循  
聲

張坦讓漢陽人乾隆四年以舉人知汾州府廉正恤民先是  
雍正十年查墾荒地晦甯鄉知縣邵之楷虛報可墾地四百  
頃二十餘畷實無其地後知縣吳錯念民力不支欲請不得  
間會坦讓至遂以為言坦讓力任之得具題豁免在官八年  
多善政

山西通志卷一百十 名宦錄十 九

周章煥江津舉人乾隆十七年由吳橋令推知永甯州慈祥  
撫字吏民懷之

王興穀金山人知永甯州興利除弊吏民懷服一時稱廉能  
焉去任後建祠祀之

雷暢井研人以拔貢知平遙縣加意民事修惠濟橋以便農  
商建文昌閣奎星樓以振文教設立西河書院延師課訓士  
皆感悅

顧之麟仁和進士知平遙縣實心任事請帑修恩豫倉以備  
荒歉

朱廷掄字颺亭會稽人以進士知汾陽縣慈惠明察治獄務  
虛衷不輕施刑民有因姦殺其本夫者姦婦誣指警某於五  
更時呼與共樵遂被害拘至則其人固居羶肆血刃存焉然

察婦無戚容密訪之具得其實獲真犯抵罪一時稱神明賞  
值亢旱步禱於介休縣山甘雨立沛人有百里隨車之喻居  
五年去官民謠思之

李由中邵武人以拔貢知平遙縣聽斷明允士民感戴俎豆  
祀之

關上謀石樓知縣乾隆四十七年任奉  
旨書福壽康寧四字  
綸恩優褒擢升知府

王謀文浙江人介休知縣明敏練達不避勞怨縣有巨猾李  
某積久不能治履任月餘即擒解送省一縣肅然加意興建  
繕城濬濠修復書院經費頗鉅卒力成之在任四年以憂去  
士民祀之縣山書院

山西通志卷一百十 名宦錄十 十

巫慧安徽人知介休縣甫下車值大旱斗米千錢窮民無所  
得食適運河南陝州米三萬五千石過境爰請於上官移知  
河南截留若干石俱允焉因得減價平糶民全活以萬計  
陳之銓浙江人知介休縣多惠政義棠驛久為棍徒盤踞至  
於分黨械鬪立擒數人置之重辟一時士民稱快仕至甘肅  
鞏昌道

徐鈺南豐人以進士知汾陽縣謝絕餽遺裁免行戶縣役素  
橫肆鈺痛懲之於是民情緘悉得達於官數月惠聲大著盜  
賊至相戒不入境縣倉例春放秋收名取耗數若干而民還  
輒倍違鄉下戶或三倍未已入皆精粒而出時雜稅稗民咸  
苦之鈺親其收放夙弊頓除未幾調甯武去之日送者塞途  
村民持田器奔拜道左或望見已遠則遙拜之其得民心若



此願學潮元和人知汾陽縣清操惠政一如徐令而才尤敏嘗密訪市井凶頑榜其名廳事左右凡酗酒鬪毆到官視壁上有名者重懲凶徒屏息縣故多民訟學潮得狀即按去城邊近限時刻勾審用是胥役無所施技而才健亦生畏心訟爲之省甫一年擢知樂州

德貴滿洲正白旗舉人勤政愛民每遇歲歉設法資給口糧以甦貧困民獲安堵整理書院延師講授射親勸導

蔡亮茂德清進士知平遙縣修理學宮振興文教勸民勤業政簡刑清

鄧必安南豐舉人知孝義縣居心仁厚蒞政嚴明修學官設書院其加惠士林懇勸化導無異業師勤課農桑或遇芻牧

山西通志卷一百一十 名宦錄十

踐食禾麥必重懲之築修邑志詳贖有法一時有良史之稱汪本直江蘇進士知介休縣明幹有爲驛館向在城內近市湫隘臺使往來多妨行旅因就西關別建而擴故址構考棚爲試士所無不稱便遷知忻州建書院於九龍岡修元遺山墓繪圖勒石海內名宿題詠殆徧

莫友仁會稽人以拔貢知臨縣時邑中多所廢地下車勸課農桑漸以墾闢振興學校宏獎士類數年政通人和百廢具舉民思慕之記名宦祠

楊飛熊江南山陽舉人知臨縣躬畝田以壯農功勸課以作人才政修事舉煥美莫令民甚德之

穆丹字荔惟滿洲正藍旗人由進士知隰州調署澤州府屬臺大猾彘全者結吏胥爲姦樊山開採煤炭獨擅其利百里

內無敢與競勢豪橫不可制丹捕緝之潛逃入都具呈戶部願撥熱河煤廠例歲納課稅獨占山西一省煤洞丹臚列其惡狀上聞全獲遣戍百姓無不稱快

劉繩煜諸城舉人知鳳臺縣性剛介遇事有不便雖上官無所阿輕徭薄賦與民休息時議修治天井關道荷鐻者日以數千計繩煜馳至關遍覽形勢力白於當事以爲山水漲沖不常徒勞人力妨農功事遂中止受役者肩鐻交慶嘗暑曲沃值西邊軍興車馬旁午爲核減得實均其供應民不知擾其後卒於平陸沃民感其惠爭往賻之

李元坦濟甯進士知陽城縣爲政嚴肅整躬率物令行禁止在任十餘年豪猾斂迹良懦安堵尤善折獄婦孺皆喜稱其之

山西通志卷一百一十 名宦錄十

陳知舜平涼進士知陵川縣爲政教養兼施創立書院身親督課嗣是人文蔚起勤於勸農暇輒巡行阡陌與父老話桑麻渾忘其爲官也蒞任九年時和年豐及去邑人祠祀之施敬勝錢塘進士知陵川縣居心廉靜馭下和平承地方疲敝之後民氣以蘇奉憲辦公餘資數千悉以增修文廟陵人謂自國初孫公後百餘年來有功德於地方者以知舜爲最士民祠祀之

王篤祜全椒舉人知陵川縣修廢舉墜有利必興葺郝文忠公祠置祭田令其裔孫承祀復捐金生息以爲教養之資移書院於城中廣構齋舍置田若干畝爲經久費皆其政績之大者縣人於其去也建碑以記

程德炯歙縣舉人知陵川縣勤於政治修復普育二堂以惠



老幼之貧者重輯縣志於山川關隘繪圖立說頗詳核云  
汪大醇武昌進士知沁水縣勤慎儉肅力革夙弊加意士林  
厚培風俗石城城西小嶺以利行旅士庶為之立碣曰汪公  
嶺

王縱先膠州進士知沁水縣性情和易民樂其寬喜與士大  
夫游雖詩酒流連而無廢事繼任為王統先其從弟也強毅  
有為言笑不苟吏民皆以嚴見惟兄弟相代而性相反人以  
為奇

吳仲漢軍正黃旗舉人由福建鹽大使擢知沁水縣廉直判  
事明決雅喜宏獎嘗開碧峰書院公餘輒集生徒講授下鄉  
遇諸生接見即為考經史論文藝夜分不倦士人至今以為  
美談

山西通志卷一百一十 名宦十一

嘉祥字芝亭滿洲鎮藍旗人以部郎出為汾州府知府乾隆  
二十五年調知大同值歲屢荒繼之以疫煮粥施藥多方振  
濟死者給棺為斂大有倉米向例春借秋還其年大稔仍予  
免息任鞏者率羨贏餘以去歡聲載路雲中書院久廢為營  
署乃度府治西隙地鳩工重建率屬捐俸為膏火費土風蒸  
蒸然起考績以賢能薦卓薦移守太原郡人誦述弗衰  
嚴慶雲字蒨如沔縣進士乾隆二十九年由臨縣升知渾源  
州能以經術飾吏治凡州中廟學書院壇壝墾墾多所建修  
而詳請丁糧攤歸地畝及右衛兵米改解折色民尤利賴州  
地故磽瘠慶雲自沔購陽芋試種頗宜乃勸民廣植其後屢  
遭旱歉多藉以濟關北州郡迄今普利焉在職十二年內升  
刑部員外郎祀名宦

李蔚樂亭舉人知山陰縣乾隆戊辰歲旱民乏食蔚力請修  
築城垣以工代賑乃親董其設計功授食俾得值足養妻子  
且時優稿資民不知災

方恭愈浙江人以選貢知山陰縣持躬清介自奉泊如建書  
院葺廟學文教振興在任四年去之日囊無餘貲士民送者  
爭餽贈卒謝不受

皮禮賢字律齋滿洲人由繁峙調任大同力圖振作百廢俱  
舉學宮坍塌毅然修之縣治將不蔽風雨亦加營建然絕科  
派不以累民以此見重一時薦擢太原知府累遷至布政使  
傳修字竹猗海陽舉人以山陰知縣調大同時御河西移將  
番及城捐俸障以隄而建河神祠其上西鄉有泉導以灌概  
名以養泉並刻石記之善治獄隣邑有被殺於道者不得主

山西通志卷一百一十 名宦十一

名修奉檄代驗度其地曠惟數里外有穴土而居者掩捕果  
得正犯由是凡疑獄之不結者上官輒委治之職滿擢碯州  
知州累遷至山西按察使

吳逢聖桐城人知平遙縣乾隆五十二年調署大同時值旱  
饑餓孱孱遍野逢聖措置有方凡勸捐助賑煮粥平糶諸務能  
於前人荒政推行無遺全活至數萬人迄今尸祝弗衰

孫惠采嘉善舉人知廣靈縣共推謹廉  
何瞻湯和平舉人知靈邱縣馭奸以法待士以禮除莠安良  
四境靜謐創建書院培植文風

朱宗洛無錫人以進士知天鎮縣性剛介為政務行實惠恒  
惻誠至邊土素不解織乃覓南中婦女來徧教之月察其勤  
惰久之機杼四起布價為之減已西飛蝗入境躬禱於神率



民力捍禦遂不爲災明年旱祈雨盤山跣足行烈日中踵爲之破比歸而甘雨大沛合境霑足遂於易占多奇驗廣具有大盜越獄卜之就獲於西南山谷中窮治並得其窩黨人驚爲神卒於官囊囊蕭然僅手鈔書數十卷士民環泣失聲聚資歸其柩祀之關廟別室春秋謁奠至今不絕所著有周易觀玩篇及文集若干卷

朱休度字介裴秀水舉人知廣靈縣值荒疫之後流亡過半賦不及額而丁糧未歸地者或丁絕糧存或地在人亡或自外歸占侵他人之田或未歸而他人不敢耕其田休度安撫招徠躬親履勘莫其居而勸之耕一年而荒者墾三年而土無曠丁糧地糧歲無逋負尤善決獄大吏知之遇難事輒使之聽皆能得情性仁慈待人以誠人不忍欺又周知民隱聞

山西通志卷一百一

名宦錄十

朱

有訴曲直者折以數語皆悅服去數年間圍園一空暇乃考縣之壺泉據鄭康成說爲周禮之滙夷川築文昌閣巽妙軒於壺山之上並縣廨新之居七年薦卓異不樂仕進嘉慶改元引疾歸縣人攀留不得乞其壺山垂釣小像勒諸石追餞出境者數千人休度探經術工詩又精數學卒年八十一死葬皆預定時日如其言卒後縣人請祀名宦著有學海觀瀾錄皇本論語經疏考異小木子詩集等書

張九功雲南人以進士知左雲縣興利除弊知無不爲其後有熊耳槐者亦雲南人由舉人任丙午歲款力請除糧賦皆爲縣人感頌久而不衰

李識蒙河南夏邑人乾隆三年以歲貢知神池縣在官多惠政民感焉爲建生祠力拒不可既聞民已集資購材乃因其

地爲義學今義學在城西北內祀呂祖像亦識蒙所爲蓋慮去官後民或申前說也

周文權以進士知神池縣創立觀華書院未終事而去然邊土文教實所啟也工詩善書今墨蹟有存者人皆寶之

衛詣字玉亭濟源進士乾隆中由工部主事外補遼州知州州爲山石磽确之地民藝黍畢多捕蕩詣分別五施授種補

養蠶法置機具於堂皇訓男婦紡織釣考勤惰不數年布絹之利賴及他郡調解州去亦多惠政官至廣東肇羅巡道

費映魁仁和舉人知榆社縣寬簡愛民百廢俱舉重修文廟補治城垣改地藏巷爲書院延請名師造就多士又以公暇纂輯縣志獨出新意多所發明調永濟縣去

劉銀鐵嶺人由舉人知沁源縣蒞任即捐廉改義學爲翠泉書院增益齋舍以居生徒農民完納屯米與兵丁支領月米

山西通志卷一百一

名宦錄十

朱

舊皆由沁州牧發往反徒勞兵民不便銀詳請就近改歸縣倉俾免奔走羈候上官是之由是武鄉亦一律改歸兩縣軍民迄今頌德弗衰

高塘字梅亭南和舉人嘗再署沁源縣爲人內寬外和舉興學校盡心教養士風翕然一變縣民王某告其子不孝塘略

訊數語遽以失於教化痛自斥責父子感泣求去如仇覽之遇陳元也去沁之後民思之祀於靳公祠

王定遠字石樵江西都陽人以優貢知沁源縣爲政一以愛人爲本勸農課士情義周浹縣人素不治圃爲疏渠導之灌

溉期年餘蔬盈市雅喜營造祠宇就圯者皆葺新之明巡撫蔡公功在沁民祠濱於河爲別建於城中遇歲歉設粥廠以



食餓者時時親蒞之惟恐實惠之不及也在任十餘年而卒縣人思之即於蔡公祠祀焉

吳名琅青陽舉人知武鄉縣能以文學飾吏治徵發期會咸歸平允政簡訟稀好整以暇時寄情於吟詠書法繪事並皆入妙人咸以風流吏相許嘗改建大堂規畫有方不勤民而事集後調繁長治升保德州知州所至有循聲

沈士潮慈谿舉人知武鄉縣平易近人聽斷明允值歲旱步行禱龍洞山往返二百餘里足重繭不少休甫歸縣雨隨大注人以爲誠心所感宏獎士類諸生才者悉加優禮戊子庚寅兩與分校解首皆門下士也調知曲沃去

張五典涇陽舉人知武鄉縣剛果明敏迎事而決無有留滯學宮久做倡邑人捐貲重建之

山西通志卷一百一十 名宦錄十

王世銑奉天人乾隆二年以舉人任平定知州潔已奉公扶弱抑強遇事明敏治獄絕無留滯州境山路崎嶇東固關西黑沙嶺歷稱天險世先隨勢開鑿皆砌以石車行可通旅人便之

王祖庚字孫同華亭進士由隰州知州調平定爲人爽直慈惠披誠待人斷事明決案無留滯州志殘缺爲纂輯成書文廟祭器無存捐俸重置其在隰定州民政食土鹽之議迄今猶稱頌之

陶易字經初文登舉人知平定州學問該博以經術爲吏治蒞任後建修城垣振興書院纂輯州志教民紡織官署清肅案牘無留民咸以陶青天稱之袁枚嘗記其在州斷案平某氏一事爲合郡所悅服云

吳炳字蔚然南豐進士知平定州清廉公慎愛民以德遇士以禮至今頌之

瑞亨字嘉會滿洲正黃旗人知平定州安靜宜民修固關石川會南天門諸坡險路以利行人會院司飭議裁甘桃驛並歸柏井亭以其不便於民議詳得廢士民感之

金明源字耀庭浙江山陰人由宿州遷知平定歷任後百廢俱興州志自乾隆初知州鉅野姚學瑛續修前收蔡廷弼再修之未脫稿而調署朔州明源披閱其稿刪繁正譌成書十卷其餘善政不勝枚舉至今民猶稱頌其德焉

關崇德泰興人知平定州居官清正體恤民情時兩驛蓄養號馬採買草豆民間頗受其累崇德繼前任王設立公局令民納有定數存有定數按馬給食按給領價至今官民兩便

山西通志卷一百一十 名宦錄十

無迫呼缺乏之擾民爲立景賢祠以祀之

龔導江字岷山仁和進士知壽陽縣下車後均徭役課耕鑿增修受川書院學舍續建新常平倉表揚孝子節婦凡養民教民與風劇乎民者無不悉心力爲之公暇復纂輯縣志時休甯戴震方修汾志因就之參訂故其書特有義法而於壽陽受陽之辨桃水洞瀉之脈尤能根據史傳考核糾正而爲當時諸大憲所交賞云

徐石峰鉅野舉人知孟縣性剛政尙嚴博徒宵客聞風遠遁四境肅然興修廢墜其鉅者則書院膏火師儒官舍以及關廟秀水橋所費得數千金十九年以微嫌爲兩學詳揚上官並劾之方解官待質

特旨石峰留任兩學抵罪後奉調赴部引見受代畢布衣革



而而去一時有青天之稱云

金傳世山陰進士知孟縣性廉靜愛民子弟公車赴京師遭人妄之不許過孟解任後兩衷蕭然士民釀千金為誌婉辭卻去

李榕字秀南知樂平縣秉心公正立政有體率捐榆關書院膏火多士蒙休斷事明允強暴斂跡德洽民心幾至刑措陶鏞字序東蕪湖進士知樂平縣精明愷悌歲早勸諭紳士平糶民食以濟倡修廟學葺治沾城書院以次及西門魚鱗坡井城門以資保障利行旅糧無重耗訟無停帶編審升汰公明士民有清映冰壺明空玉鏡之頌

馮兆觀字鏡堂山陰舉人知樂平縣清慎廉明愛民禮士柏井驛蕪草向無定額民苦之乃視馬匹額數通計一年所需

酌派發價立有定規俾無科斂重收萬民感悅後調安邑

李早榮字開甫東光舉人知樂平縣蒞事勤敏存心仁恕甫抵任值金川兵差絡繹柏井驛供支身為經理不擾商民及秋縣境三十餘村間被雹災親詣撫恤尤為黎庶感戴

鍾一誠字照林江西定南人乾隆己巳以進士知定襄縣關晉昌書院延名師相與講授力興古學根極理要一時士人多欣欣向學風氣一變嘗言清則吏不能欺勤則事無不理故其為治一本廉靜不生事亦無廢事後因案忤上官意罷去人咸惜之至今百餘年尸祝不衰有詩文集行世

徐學柱鄭州副貢以代州判官攝令定襄其治縣與鍾相仿亦喜文學倡修文廟增葺書院捐設經費嗣是科名鼎勝相繼捷者十有一人皆所拔識者也工詩著有柳塘集又哀輯

邑哲最著者為晉昌先賢錄以勵流俗去官後羣追思之圖其形像配食縣社

吳重光字萱山江都人乾隆中由舉人知代州廉靜愛民在官十年課樹藝振學校甚有循聲州志自前明萬曆後缺於廣績乃集文士悉心採輯為書八卷文獻藉以有徵云

王秉韜字含溪漢軍人由五臺知縣繼吳攝州事剛果有為事至立決而行以仁恕民不苛之關斗山書院聚生徒講誦優其月俸歲儀設法振濟全活甚眾鄉民孟某為仇家誣以殺人事獄既具勿決有期矣為平反自其寃至今尸祝之期年遙知保德州後官至河東總督其令五臺及十年建同善會凡書院義學皆取資焉又推其法立義倉歲出借農民籽種辛丑

鑿輅西巡大吏藉供張強役臺民秉韜力爭之始定昇一木一石及取民田中土一畚者均給值歡聲動山谷在保德時有河干民婦報夫外出夜來三盜劫其八金者吏請改劫為竊可免處分秉韜不可曰州民居河岸穴土為室不成村落男子皆手藝外出強暴之來何所不至此盜不誅沿河無安枕之日矣卒如案上揭懸賞捕獲三盜梟首河干其實心為民若此

邵豐錄字萊峰浙江山陰人知崞縣以廉幹稱政多修舉捐葺城鄉義學橋梁公所數十處不以擾民重修邑志甫脫稿調鳳臺去

顧弼字履鳳天津舉人繼邵任廉明公恕實惠及民有古循吏風邑志續成梓以行及去官士民進道餞送勒石以志遺



孫略字圯授全椒人由翰林改授繁峙知縣性仁慈每笞杖輒垂目不忍視稅法銀一分抵以十錢略以時值減其二邑舊多流亡丁徭為累見制丁歸地糧代人之置產者梗之略力爭不能得時以為憾嘗判案吏稟請決杖批云某前已杖幾字盡端借其寬仁敬慎如此後供事臺山勞瘁卒士民哭奠三日

周銘詒字慕劬鄱陽人以進士知繁峙縣為治精勤待士以禮擇其秀而文者月必召之庭親為講授修葺廟學慎用民力數年事始集乾隆癸酉五月兩雹渾沌以南稼無寸苗欲發倉貸民吏以秋債為難卒排羣議發之秋乃大登他縣民謀欲南山開礦走書四集且納工本力持不可請於上立案

山西通志卷一百十

名宦錄十

三

永禁居十年調長治去送者皆走至百里外

張重振任邱進士乾隆十一年知保德州聽訟明快持躬清廉居十二年乞疾歸

錢之青震澤舉人知保德州新疆事起接送軍差時值歲歉悉心調度民得安堵年餘以病去其繼任者為言如泗遇軍裝駝馬過渡借用營卒不煩民力在州九月亦以病去汪如椿欽縣人於軍事賑務弊絕風清四境帖然居五年卒於官段汝舟武進人由進士知保德州乾隆初前牧桐城方浩嘗關書院以經費不給中廢汝舟為興復之復倡修城垣工未竣遂卒青陽吳名琅繼任力程其事迄今賴之

王棟乾隆末知保德州公正嚴明蒞事勤慎愛士惠民教養兼至與廢舉墜善政多端

孫樹字北鳳武安拔貢歷州縣所至有循聲乾隆十二年知平定州調解州政體嚴肅思慮精詳屢判疑獄上游倚重操守清苦為晉省第一在州兩逢凶歲悉心籌畫民無失所其所營建若創立書院增修城垣以及關廟皆鉅工也不懈而庶於成居八年再調忻州歿於任所解人感泣請祀賢守祠言如泗昭文人先賢言子裔也由恩貢教習授知縣歷任垣曲聞喜推知保德州並有政聲乾隆二十六年題補解州嘗修州志統屬縣及運城於解命曰全志凡城池壇廟衙署渠堰有關典制及民生利病莫不葺治一新而學宮書院尤所加意嗣是文教日盛州人時稱述之以為不愧道南雲仍焉胡龍光中牟進士乾隆五十四年知解州清廉仁愛安靜不擾政暇屏騶從行阡陌間與農夫閒話詢及疾苦故習知民情不為吏胥壅蔽天旱禱雨輒應有所雨十二應碑記人謂至誠所感

山西通志卷一百十

名宦錄十

三

謝庭琪全州進士知安邑縣性至孝居官廉慎和易革除一切陋規嚴於交際嘗自題廳事云門無私謁袖有清風人以為實錄當道推為晉省廉官第一以薦超擢太原守丁母艱貧不能歸安邑人感德賻助婉辭弗受耿介之操終始如一呂澹字式之武進人知安邑縣纂邑乘修文廟舜陵以及麻宇橋梁百廢俱舉所撰記序甚多田成玉潯縣進士由繁峙調任夏縣儉約端謹聽訟嚴明人不能售其欺每治事胥吏屏息編審里甲事竣而民不擾兩縣人皆頌之不置以親老乞養歸  
陳似泰興進士知夏縣樸訥廉介創建涑水書院於温公祠



旁聚生徒親課之

李遵唐字學山固始舉人知夏縣明幹有為百廢俱舉營移建温公祠創築護城月隄於城郭社倉義學無不極意經營而所修白沙河隄尤堅固為鹽池及夏城利害所關民稱為李公隄調知聞喜興學課士亦多政績

梅士傑黃梅人夏縣知縣重修廟學及城垣學優政舉民感其德立祠祀之其後有馮魁顯以恩平舉人任亦以禮士愛民丕著循聲

李鍾淑字平侯濟甯人以貢生知平陸縣吏治修謹持大體不為深苛創建義學暇日集諸生講說經義士民懷之為樹德政碑

山西通志卷一百一十 名宦錄十

胡官龍德清進士知芮城縣廉靜不擾慈解愛人專務德化不事刑朴屢辦大差不煩閭里刑清政簡調祁縣泣送者數十里不絕有去思碑

莫溥開州舉人知芮城縣精明強幹教養有法崇學校興書院修城垣為政務持大體治績卓然纂輯縣志詳明有法及去官士民攀送如失慈母

孟傳輝睢州人知芮城縣沈毅有為士民畏服邑中多所營建措置得宜重修書院庭斷灘地千餘畝充公增膏火政績著聞

邵其德雲南保山進士乾隆六年以翰林改外任知絳州方正廉潔一塵不染調任後行囊蕭然餽遺盡卻臨行泣送者數百人

李高高密人以進士知絳州慈惠廉正盡革行戶供應陋規

催糧設立滾單民甚便之

張成德丹徒人知絳州歷十餘載政簡刑清不煩不擾慨然以維持風化為急捐廉移建節孝祠重修州志搜輯靡遺士林稱之

阮汝昭大興進士乾隆元年知稷山縣廉明勤謹決獄如神謝絕一切餽送有干謁者預戒閤人拒不得通為政以嚴行愛鈿奸除暴不遺餘力宵小聞風遁跡有夜不閉戶之風士子間有戾於禮法者召至明倫堂泣涕開導動以至性人多化之後調曲沃絕夫役清行戶政聲著聞

王今遠字用晦曲周進士知垣曲縣果斷明決案無留積吏胥不敢為奸每論政治得失剴切精詳悉中款要尤工詩文凡所遊歷著作甚夥以艱歸後補日照令升濟甯知州

山西通志卷一百一十 名宦錄十

黃國重大興人絳縣知縣外和內剛政簡刑清聽訟明允多所平反其精明雖老吏亦不敢欺憫鄉民失學嘗設立義學數十處上流嘉其政治調繁安邑

秦振霖三原舉人垣曲知縣廉靜寡欲絕請謁禁餽遺建毫城書院捐俸置地三十餘畝以資膏火凡遇公務徵發念垣邑地瘠民貧屢請於上多獲免以憂去後補彰縣令

侯錦雲金匱舉人知河津縣性周慎廉而仁民間疾苦如身受嘗有大繇役錦雲急見當事言縣寒苦狀委曲對擊役得免事母孝板輿迎養以平反得色笑焉三年乞養歸百姓盼其補原任猶來津也弗果以為憾

錢源龍奉賢進士知稷山縣廉靜自持嚴束僕隸胥吏事事多面決堂上日用薪米俱依市價支給修城池官署與西師



軍需悉心設法不以纖毫累民歷任五年吏民安之以疾卒於官

李毓岱長壽舉人知絳縣為人剛直自奉極澹泊居官不異寒素前令徐以黍設陳陽書院未竟工去毓岱繼成之文教事興嘗作勸民歌十條皆有裨風化時值西師未竣兩次採辦軍需皆捐俸購置毫不派累里民旋以疾致仕士民送者遮道

李繼嶠字少山綏德州人由教習知絳縣多惠政嘗移建華靈書院搜廢寺田舍資生徒膏火士民建生祠於書院門右韋之瑗字碧孔樂會舉人知稷山縣劔奸剔弊寬嚴得體建思文書院教養士子輯修邑乘以最擢甯州知州

山西通志卷一百一十 名宦錄十

湯登泗丹陽進士知垣曲縣法令嚴明培植文教纂修志乘築護城隄以防水患祠宇有圯者並新之民至今誦焉

黃鶴齡字櫟田都昌舉人由蒲縣調知河津在蒲窮豪猾除竊盜有能名及改任別弊興利百廢俱舉城地學宮壇廟皆加整葺創修文清書院尤為士林所頌再調臨汾亦著政聲惟埋骸篋之徒聞風遠遁太原府同知

程行馴字敬躋孝感舉人知河津縣在官樸率暑威儀顧位爽不作欺人語治津七年正風俗杜奔競禮紳士抑胥吏皆持大體遇事求自信決大獄審覆不厭詳或小事偶不得情斷後仍改絃紉者謂其二三終心折也以疾卒於官士民流涕

博文滿洲進士知隰州興修學宮添建考院築城隄以防水患其後牧有長白穆丹高陽韓湯衡並以進士任皆嘗置書

院經費時有前穆後韓之頌

金虞仁和舉人蒲縣知縣博學工文情慎精幹不事察察而吏畏民懷尤雅意學校培植士類洪洞民狀臺省請鑿山取蒲川水灌溉其縣上官議允其請虞力陳其不便義形於色事遂得寢而虞亦尋病卒身後囊無一錢士民感其德資送歸里無不流涕者

劉鉞字朗軒滿洲人知大甯縣多惠政邑人立去思碑

陳鈞遵義進士乾隆十一年由江夏令擢霍州知州潔已愛民守正不阿捐俸改建霍山書院集師儒相與講授大金山之役羽書旁午車馬芻糧皆取給於州加以監視者遍宿驛館名為協辦實則累之鈞供億不支又不肯以科派病民已巳元日朝賀畢肅衣冠書數十紙并書絕命詩曰忠孝兩難

山西通志卷一百一十 名宦錄十

全微軀莫自保惟求大憲念我雙親老遂自戕焉越九日殞命年三十九州人哀之為耐祀於忠愛祠與王親字李繼菴號為三忠其後又別建祠祀焉

單燾高密舉人知霍州多惠政增拓書院添設膏火創修南北石橋西土橋裕留養局經費士民德之升泉州府知府蘇襄雲武城進士由翰林改趙城知縣開渠灌田士民勒石頌德

李超倫陝西固城選貢知趙城縣建書院於城南左偏留意教養士民惠之

張曾敏桐城人知靈石縣仁恕廉潔修建書院作養士子尤善形家言改建文昌閣於翠屏山是後科第翩翩而起邑人德之與前令路一麟汪志伊同祀閣上



虞奔綬金壇人知靈石縣公慎勤敏博學健文著有靈石頌  
蔡陶令南橋碑記又建柳雪亭於水頭鎮

右乾隆年一百五十七人又十三人附見

山西通志卷一百十

山西通志卷一百十

名官錄十一

三

名官錄十一 錄一之十一 山西通志第一百十一

陽進士出身頭品頂戴兵部侍郎兼纂修內閣御史巡撫山西晉軍務張

旨監修

守令 嘉慶至光緒

郭晉雲南河陽舉人嘉慶元年知陽曲縣慈祥仁厚民感其  
惠游升太原府知府

劉斯裕南豐舉人知陽曲縣清勤自勵無廢事無冤獄游升  
太原府知府

鄒樹甯四川人知榆次縣廉明有斷才民皆悅服因辦差呈  
誤落職士民條陳政績叩閣請留

特允之得發實復職後遷朔州卒於官貧不能旋里縣人感  
其德捐貲為購棗榔歸焉

山西通志卷一百十一

名官錄十一

十一

陳履和字介存石屏舉人知太谷縣學贍才敏勤於吏事判  
狀日數十觀者無不服其明允未旬月滯牘為清縣人多販  
鴉片牟利履和率商民為文誓城隍神禁之終其任無犯者  
修鳳山書院刊定條約課士手披口授循循然若師詔弟子  
工書人得片紙皆寶貴之蒞事八月絕奔競抑豪橫政聲大  
著母憂去士民泣送之有走想省院乞留者

佟謹思豐潤人以進士知徐溝縣勤政愛士吏畏民懷善政  
多端不可枚舉

韓輝會稽舉人嘉慶十年知襄陵縣值歲饑勸紳富輸貲得  
一萬數千金設法賑恤民賴以蘇修汾河石隄百餘丈縣人  
勒石誌遺愛焉

趙大經德州舉人知襄陵縣勤吏治有幹才吏民畏服



周貽祖臨桂人以進士知襄陵縣為政廉明重修書院振興文教

魏元煊昌黎人以翰林改官知洪洞縣氣度春容才堪肆應時當川楚軍興羽書絡繹供億猝辦無少缺學宮久圯捐貲修之城南聚瑞橋為澗水所齧復籌修如故凡有興作毅然任之至接士大夫謙和有禮在官九年報最遷去道光末仕至刑部尚書

顧玉書字闕汀長葛進士由翼城調知太平剛介廉明愛士恤民修建書院文風丕振嘉慶甲子乙丑歲大疫額請大府賑濟民困以蘇其在翼城亦以教養為務兩縣士民皆頌德不衰云

山西通志卷一百一十一 名宦錄十一

閻亮閣字翼天府谷進士知翼城縣治事勤敏處身儉約夏一葛冬一裘終日坐堂皇不少懈時或下鄉問民疾苦從役三五人遇有爭訟立判道不復再拘民稱便焉於地方惡少匪徒嚴加懲創上官檄行之事有不便於民者亦未嘗曲從也有祠在唐侯祠之西偏

王莘槐鎮洋舉人知岳陽縣簡易鎮靜能以禮化民

丁公路字禮門湖南甯鄉進士知岳陽縣丰姿卓邁歷事精明善屬文公餘輒至書院集諸生講授縣之文風翕然丕變遷知平遙一時以儒吏稱之著有山右詠古詩行世

周悌青陽人以進士知鄆甯縣清簡絕俗慈惠愛民博學工詩尤善章草不自珍惜有求書者輒賂小吏以箋若扇雜案牘間悌見之便欣然停判立書亦不問所從來也其風趣如此在縣十八年與士民相習若家人父子遷汾州府同知去

卒於官

周壽椿字六泉嘉慶末年知蒲州府博學能文尤好獎勵人材捐廉葺修文廟並河東書院增設膏火以惠士林

金泳清苑人署臨晉縣嘉慶九年大饑仿前令呂東表之例開常平倉得粟若干石又勸紳民量力輸助各處設粥全活甚眾

李連夢趙州進士知虞鄉縣清慎愛民多惠政其題堂柱語人多傳誦以為有父母斯民意

王元樞寶甯舉人知襄垣縣和平渾厚訟息民安作養人材士風丕振調署陽城甚著政績民祀之賢侯祠

劉樾綏德進士知長子縣臨民治事不尚虛文實心實政浹洽一時嘗補葺文廟續修邑乘闡義學書院優其月餼力行保甲法事集而民不擾丁糧未盡歸地畝者悉詳請攤歸至今民猶受其賜焉

山西通志卷一百一十一 名宦錄十一

崔榮大名人由副貢知潞城縣練達吏事興利除弊如恐不及獎進士類聚諸生時與講論嘗於書院建文昌祠甫落成芝生於棟喜曰此瑞徵也作棟芝賦以記之明年郭太守承恩果以高第膺館選繼以新觀察會昌皆平昔賞識者也縣人以為美談

唐鷄灌陽舉人知屯留縣丰裁嚴正聽斷公明以縣歷年苦於雹災依古制創立藏冰事宜

汪勳安徽人知壺關縣重士愛民一政一令悉愜輿情其大者裁贏櫃禁包納捐書院經費於嘉惠士林之事尤拳拳焉徐希高德慶舉人嘉慶元年知孝義縣每遇爭訟必先諭導



令其自悔往往不煩聽斷而去慧林寺有田三百畝已爲上官斷歸西河書院屢抗稟爭回爲縣書院經營之始

邵杞仁和舉人知孝義縣明敏果斷勤於課士繼徐令卒成書院度地鳩工規畫甚力

張煥光襄城人以進士知孝義縣渾厚精明案無留牘遇士之才者輒招致署內盡心教育多所造就

祝德全字午橋直隸人由翰林改官文水調介休廉明公正人不敢干以私勤於聽斷案無留牘嘗修繕城垣工鉅而民樂趨稱爲鞏固遇旱步禱縣山甘霖立沛蒞任二年政平訟理升潞安府同知去

宋竹苞河南舉人令平遙循聲流播政蹟無考喬廷駱者亦洛人有禮賢重士之稱以拔貢任

楊霖川武昌進士知平遙縣政尙寬大不以苛察爲明而事無或墮創修古陶書院獎進士類勸課有方

杜庭珠秀水人以蔭生知臨縣除積弊恤困窮政簡刑清民無冤獄羣感其德爲立祠樹碑

嚴遂成烏程進士知臨縣裁革夙弊鼓勵人材士民咸德之姚維藩字函青以翰林知石樓縣學術精純治績卓著愛民課士蔚有聲稱

王廷煥漢軍鑲紅旗人嘉慶十二年知澤州府禱雨有神應人以活龍王稱之一夕城北樓火起合城皆驚廷煥扶案祈禱即時大雨滅火尤傳爲異因祀之五龍宮今遇旱猶並禱焉

門祥麟甯州舉人知陵川縣清節自勵遇事不便必爭於上

山西通志卷一百一十一 名宦錄十一 四

官視作束裝之狀嘗曰吾十八年校官至此久安淡泊不畏謫也卓著廉聲

羅濟溫江舉人知陵川縣恩信素著值滑縣之變大府駐軍太行濟率士民親守隘口遇賊西竄之路以積勞卒

張儲字裕山潼關人嘉慶五年知大同縣古雅儉樸爲治無赫赫名而至性至情久益與人相孚卒於官士民相與悼惜祖奠者徧及途野

劉斯裕字芝厓南豐人以進士知大同縣善決獄名譽甚著調陽曲去尋由霍州牧擢守大同府未任復調太原甫兩月卒於官時論惜之

吳德輝華亭舉人嘉慶二年知石玉縣政尙寬平每治獄先釋株連民懷其惠嘗承審重案歸而歎歎竟夕不寐其婦問

之曰一案於法死者甚眾吾求其生當獲譴故不決耳婦曰人命重矣能活多人一官宜可輕厥然曰有是哉竟以失入

聖吏議去其後民思之不置相尸祝焉有專祠在威遠堡馮駢駿字德驥德慶舉人知懷仁縣嘉慶四年調任壽陽遇

事當興舉者一以誠意將之有儒者氣象修廟學建節孝祠頗情形家言有所建置時見祥徵鳴鳳塔其尤著者在任

三年以親老乞歸士民至今稱之費紹忠仁和舉人嘉慶九年知定襄縣既抵任案所部田賦

及催督之籍歎曰襄民不勝敝矣乃定僱役之法清政充之弊免儲總之苦董詭寄之戶均賦省役民有樂生之慶踰二

年卒於官無以爲斂襄民爲歸其喪供遺像於縣社私謚曰忠襄惠公

忠襄惠公

山西通志卷一百一十一 名宦錄十一 五



孫樹新浙之山陰人嘉慶中由舉人知代州下車即興修學校星聚泉久涸為疏濬之穿玉帶河與之通裁運萬本建亭其上人以爲文明之徵時州中科名不競嗣是果翮聯而起云開西鄉水利溉田萬餘畝修雁門關道以通行旅王申歲履盡心賑濟州無饑人民感其廉惠爲建祠青龍泉歲祀之宋志徵河內舉人知五臺縣性子諒有儒者氣象待士以禮吏役不敢擾民能治盜獲巨盜郭保等枷楚之宵小敘述嘉慶十一年京城有沙彌文之案沙彌文者賣藝人張某以醉槍傷內東華門值班護軍轉送刑部訊其姓名醉語模糊稱爲沙彌文問其籍貫詭曰五臺縣王家莊尋斃於獄部劄下山西查孥家屬志徵查縣屬有兩王家莊皆山僻小村無沙姓亦無在京賣拳捧者據實揭省已而省中委官五六輩分路大索云標兵且繼發民大駭星夜逃亡入鄰縣有襁負嬰兒夜行墜崖谷死者而雁平道趙文楷亦至志徵涕泣請曰如此洶洶且釀變故縣境如有逆犯家屬請斬職頭以申國憲文楷呼委員來叱責使歸即以實報院咨部部尋查明係直隸人姓張並無沙彌文之名案遂結在任十年引疾歸沈潤芳嘉慶十二年知保德州勤慎明廉興利除弊緩征散粟撫字心勞四境安謐因鹽案呈誤去士民甚惜之繼之者爲周貽組亦以惠稱廟學自前收湯師錫修建後規制未備復新之

吳邦治固始進士嘉慶十二年知解州廉潔自持愛民重士書院傾地歲捐廉四百金興工閱五年規模復舊又如前積資爲膏火費由是文教丕興士林感戴不忘

秦恆柄臨桂舉人由荷氏調任安邑縣創置公館補修城垣廟宇官廨事成而民不擾以景升河東監製同知林英閩縣舉人知芮城縣以學行著敦崇節孝維持風化政治一新

武告成遷安舉人知芮城縣慈祥爲政歲旱禱雨有應重修風雨廟大興林芬亦以舉人任愛士惠民工詩縣中風土多所題詠

陸梓字香嶼浙江山陰進士知平陸縣爲人端嚴純靜撫眾以慈興水利課諸生教養兼盡乙亥九月地震水沸山崩牆屋傾圮壓斃人民三萬餘口災黎露處無室可歸呼號悽楚之聲哀鳴遍野梓沿村撫卹揭狀上臺省奏發賑款親赴四鄉量災散放又值隆冬風雪殘黎饑寒交迫而地震仍累月不息死者相續梓晝夜奔馳自傷無德致此慘毒自縊死百姓悲哭如失慈母數十年後父老語及猶有泣下者道光中邑令吳逢甲據民情詳請大吏於傅巖書院之西建立專祠春秋致祭焉

陸洪雲州人嘉慶五年以拔貢知垣曲縣作養人材興利除弊免蔬菜之供及支應雜差西關舉落王茅二鎮皆勒石以記之卒於官

鄭德玉屏舉人知絳縣勤已愛人政多慈惠下車適值游饑四境蕭條德即捐俸施粥上請賑粟下勸明賢閭邑感德樹碑頌之

薩弼圖字輔齋滿洲人嘉慶十四年知隰州德政甚多去任時士民攀轅臥轍幾不得行至今頌其遺愛

山西通志卷一百一十一 名宦錄十一 六

山西通志卷一百一十一 名宦錄十一 七



藍瑛字書屏崇安進士知大甯縣學富才優政平訟理公暇課士口講指畫六年不衰

恆山字松岩滿洲人嘉慶五年由廣平通判升知霍州仁恕清廉士民愛戴以憂去州人哭送者填塞道路

崔惟允甯河舉人由尙嵐遷知霍州潔謹自持愛民如子其下化之風清訟簡

陶廷慶貴州都勻人知靈石縣東河堰爲胡令所築砌石重修之城免水患民勒石志之號陶公堰

右嘉慶年五十四人

文壽華鬱林進士道光五年知陽曲縣廉明慈惠庭無冤獄邑苦差繁稟請以軍差協濟車馬屬他州縣民因少魁邑北境連年旱蝗親身督捕蝗不爲災升霍州知州

山西通志卷一百一十一 名宦錄十一 八

宣麟吉林人以恩貢知陽曲縣精明廉幹案無留積約束胥吏嚴緝匪徒凶頑斂迹地方肅清歷宰臨汾岳陽諸縣並著政績有能吏名升平定州知州捐廉修嶺西石路行旅惠之靳廷鈺字謙谷靈壽舉人由崞縣令調知陽曲性嚴明紀綱肅整民間利弊無不洞悉決獄如神尤善治盜力能挽兩石弓所至胥囊發篋者聞風遠遁既任首邑趙公之暇卽治民事遇上案中人發縣爲督者非要犯概取保釋時奄至繫所詢有濫枉及蠹役私虐者皆爲辨別窮治之以最擢保德州歷署甯武朔平知府卒其所履縣若臨晉太平平遙沁水興嵐及崞並著循聲多祀入名宦云  
顧麟趾臨潼人以諸生援例授知縣歷宰壺關孝義調繁榆次持躬廉潔蒞官嚴肅所在市井無賴聞風斂迹尤長聽斷

明察若神布商陳某設肆鳴謙鎮夜被人殺失布數匹適其子襪有血痕又素通蕩嗜博父訓之輒惡聲相向數日前方以忿爭屢去眾證其行逆子畏刑亦誣服麟趾終以盜物爲疑姑繫之而遣人物色布匹得於鄰村典肆究治主名蹤迹至歸化城獲之一訊而獄具時上官方以逆案久懸嚴檄日數下至是乃歎服著有山右獄獄記行世三縣民多喜稱述云

孫銜字子丹富陽進士知太谷縣剛明廉正人不敢干以私下車修學校新忠義孝弟祠嘉獎士類其才者厚資以勵之舊例縣有協濟平定州車馬州爲入晉首衝徵發不時民甚苦之銜力請於巡撫申自兵差外概免調發以紓民力鄉俗父母喪必衰絰親族門拜跪謂之報死或舅家藉以恣索

山西通志卷一百一十一 名宦錄十一 九

孝布銜爲文禁之陋俗遂革在任六年戢暴安良刑清政舉被議去送者盈路至有泣下者  
賈聯芳字棟堂鄆縣舉人知石樓縣河岸窩匪號刀客久爲行旅患聯芳擒斃其魁遠近頌之調交城前令黃樹寶嘗建卦山書院經費闕如聯芳至始竭力規畫集諸生延師課之優其月俸文風爲之一振以治行最升霍州知州縣人稱其政績與屈令筆山先後媲美屈亦秦人創設養正書院者也  
乾隆中以進士任  
周國頤安岳人知榮河縣調徐溝廉勤愛民政平訟理一時有慈母之稱善書尤精於醫求診者嘗盈於閣一視之去官貧不能治裝百姓資送回蜀  
劉廷璠天津舉人道光七年知洪洞縣吏治勤能修舉廢墜



學宮偶圯倡捐興復為文以記城南皋陶祠規制宏整亦所重葺也

鄭秉恬字雲壑江西上高人壬午一甲二名進士以編修改授五寨知縣調繁曲沃盡心民事而不肯結納上官釐奸剔弊地方肅清以其暇修城講武十五年趙城之變列郡戒嚴而曲沃守備素繕民恃以無恐遺愛去未幾卒於家

崔光笏字正甫慶雲進士知鄉甯縣廉明清正撫字有方創修鄂水書院講學課士文教大振父旭方令蒲縣鄰邑也光笏久隨侍故於地方利弊洞悉政聲卓著一時以長調陽曲遷代州知州終雲南兵備道其去鄉甯也後令某食而虐盡反其政火耗至加四有奇猶未饜征斂益苛民弗堪乘其下鄉聚數百人變而昇之郡城當事惡民之悍欲駢戮亂者光

山西通志卷一百一十一 名宦錄十一

笏時宰陽曲力陳激變狀山民蠢愚可矜祈免株連當事意解獄具遣戍二人杖徒五人而已民至今尸祝之

王逢壽知襄陵縣勤政愛民待士有禮縣中童試常八九百人舊假廟宇為考地士苦湫溢弊亦叢生逢壽就書院前隙地建考棚十數楹編號局試至今賴之

陳維屏字劍芝江甯進士知浮山縣博學工詩修神山書院課士愛民諸廢並舉縣人為立碑頌德後知榆社亦多所振興李廷揚樂山人繼任浮山除莠扶良政成民和城內進士巷有碑紀其事

談素勳字默菴丹徒進士知岳陽縣富文學有清節為政不苛民甚德之  
傅承樾天門人知岳陽縣勤廉公恕抑暴扶良不避艱難不

憚權貴泣岳時年尚少所垂政績多經久不做雖老吏莫能及至今士民猶能道其已事焉

陳鼎震字雨文定遠人由翰林知洪洞縣博學宏才吏治精嚴縣童試舊無號舍鼎震就書院建廣廈十餘間多士賴焉後仕至河南開歸陳許道  
奎麟滿洲人知襄陵縣治邑有惠政尤好甄陶士類一時知名之士皆出其門

張兆衡字仲嘉武威人由翰林改知縣初令和順調曲沃革弊釐奸除地棍數輩民咸稱快東門內隙地久為匪類所據乃勸眾捐資創建考院而書院並諸壇廟廢宇以次興修又增輯邑志典章文物燦焉大備升朔州知州  
陳景會閩縣人由拔貢知洪洞縣治尚嚴毅豪強斂迹捐貲

山西通志卷一百一十一 名宦錄十一

修建聚瑞橋並城垣門樓添設書院膏火加意寒峻文風丕振擢知代州去  
王筠字萊友安邱舉人知鄉甯縣正直廉明道氣盎然待士以禮遇民以誠丙午歲饑詳請發倉蠲賦籌款大修城垣以工代賑多所全活在官十年兩署曲沃政聲並著以老致仕未及歸卒生平湛深經術尤精六書之學蔚為當代儒宗著有說文釋例說文句讀鄂宰四稿諸書行世

王熾字喬南益都進士知岳陽縣言貌古樸治理平和自奉儉約嘗以粗糲自給不忍累及商民簿書之暇詩酒為娛課士論文盡不倦奉教者幾忘其為長吏焉  
德蔭字越亭漢軍正黃旗進士知汾西縣修城池興學校功德在民稱頌弗衰後官至河南布政使

德蔭字越亭漢軍正黃旗進士知汾西縣修城池興學校功德在民稱頌弗衰後官至河南布政使



駱光裕知襄陵縣重修河隄邑人為立德政碑

周春陽鍾祥人以拔貢知臨汾縣諳習吏事安靜無擾咸豐

三年賊犯平陽城陷自經以殉贈恤如例

崔德霸州進士知永和縣多惠政道光初調臨晉勤懇一如

在永和時嘗因旱禱雨有應修葺龍祠念城中地窪久雨則

水無所洩因就祠旁濬大池發以甄溝瀆四通民免沈溺之

慮且便澆濯其隨事期有裨民生類若此

廉九經字一亭廣甯舉人道光四年由夏縣調知臨晉有幹

才發伏摘隱案無遁情張留村差役藉事擾民村中無賴黨

附訖集多人九經聞之夜四鼓單騎直入其村擒首惡以歸

立置諸法自是合境帖然修書院建考棚善政多端士民誦

之弗衰

山西通志卷一百一十一 名宦錄十一 十三

王有壬海甯人以拔貢知榮河縣刑清政簡視民如子每聽

訟反復開導兩造或相讓而去遇必審結者立判斷絕無牽

累舊例協濟永濟兵差車馬民往反羈候重困有王親率應

役遇弁兵橫肆驛吏勒抑曉以禮法徐衛出境民感其惠愛

之若父母然

卓熙泰廣西舉人知榮河縣剛正廉明嫉惡如仇訟師豪民

皆斂迹鄉俗婦女或以小故輕生母家糾黨蹂躪無所不至

往往有死一婦而被產者熙泰力矯之刁風為一變去之日

父老琴轍遮道馬幾不前

陳洪高瀘舉人道光三年知潞城縣性廉介無敢以苞苴及

門者勤於聽斷事至立決咸服其平修學造士時以儒術緣

飾吏治調高平去潞人思之不衰

張力卓湘潭舉人知襄垣縣政治嚴明豪滑斂迹興養立教

修廢舉墜政績多端

李士式朝邑舉人知長子縣為政簡易案無留牘加意人才

月必集諸生講授孜孜不倦一時士氣振作多所造就

沈我皆六安人以進士令長子剛直端方遇事必躬親清慎

自矢訟至即決吏畏威而民懷德以卓異遷官去

茹金陝西漢陰人以進士任壺關縣性仁恕勤求民瘼陋規

浮費多所裁革在職七年吏民無敢以私相干者嘗重輯縣

志時稱詳備

鄭謙字虛舟東莞舉人知屯留縣廉明仁恕作育人材文風

以興繼之者為卓熙泰後調任襄垣陳景會後升代州並有

政聲

山西通志卷一百一十一 名宦錄十一 十三

張柳南字星堂高密進士知屯留縣性純篤政尚寬而治盜

特嚴為守兼備有古循良風每單騎下鄉問民疾苦教以耕

種紡織之法加意書院躬親講授士民悅服政聲懋著年餘

卒於官聞者無不泣下所著栽樹法積穀歌小兒語人多傳

誦

劉炳青蒙化進士知潞城縣東南境有茅蘭岩平順舊疆

也險遠多盜前令以地接河南莫肯捕治久之益橫至掠人

勒贖炳青至詢得狀一夕率眾掩捕盡擒其渠在官九年政

聲大著暇輒與文士談藝葺廬山書院增置膏火一時科名

稱盛焉內擢吏部主事

劉德操江西舉人知潞城縣性伉直不與時俗俯仰勤政愛

民加意學校尊經閣其所建也遇士以禮無稍苛然不敢



以私干事有不便雖上官必斷斷爭之卒坐是罷斥去之日行李蕭然士民泣送之

楊從龍大埔人由舉人繼劉任仁慈平恕而遇事勇決巨細必躬親縣中童試舊假祠宇兩學士子恆苦暴露乃即廟學東闢試院建號舍至今稱便咸豐癸丑奉檄調佐江南戎幕踰五年以功授知府銜仍復故任旋告歸縣人為刻石頌德競為詩歌以送之

孫曰庠仁和進士知襄垣縣寬和平恕嘗修學宮裁革里總浮費民惠之立碑以記

王繼賢陽優貢由內閣中書道光二十年知永甯州絕苞苴拒請託在任數年政平訟理當於署之西偏構室數楹親課士子退食之暇以書畫吟詠自娛每出勸農桑遇名勝必

山西通志卷一百一十一 名宦錄十一 十四

遊覽題詠州人多傳誦之居九年卒於官

官所大興人知平遙縣值歲歉設法勸賑全活甚眾其後有陳崑玉學問淵博陶成士類嘗修文廟德蔭滿州人繼陳任亦喜宏獎折獄有剽斷才

劉敘道光末知平遙縣愛民潔己鋤莠安良整飭士習風氣為之一變倡修城垣工未竣積勞而逝士民悲思報之以俎豆焉

曹森上元進士知孝義縣懲惡甚嚴遇土棍必盡法懲治台境肅然時東門低陷興修之其後有謝令者並修南門今頗壯觀謝名逢昌臨邑舉人以廉稱

霍作明三水進士知臨縣慈惠清勤保民若赤適大饑遍歷山嶺籍其貧者賑恤之多賴以全活遇旱蓬首跣足跪禱烈

日中甘霖隨注縣人建生祠祀之

丁宗懋禮陵舉人知臨縣公慎廉明民安其業補築城隍永為保障士民作歌頌之

黃廷範字子山江蘇甘泉人由進士知臨縣廉勤有吏才民以訟至剖決如流其嚴懲土豪矜恤苦節尤為民所畏服積口鎮為河路要衝素多盜設法捕緝商旅獲安縣多川廣客民以墾山為業歲少歉輒不靖悉按所居編入保甲孤村弱戶藉以無恐居三年政教大行以他事望誤解任士民奔走訴大府乞保留巡撫梁特允之會以疾卒

聶文炳字虎臣由副貢任臨縣慈祥愷悌盡心教養民以訟至必反覆開導非梗頑者未嘗輕下一笞也作養士子實行保甲惠政所及翕然悅服其勸民詩縣人多能誦之

山西通志卷一百一十一 名宦錄十一 十五

祥玉滿洲人石樓知縣黜異端崇正學士頌愷悌民歌孔邇繼之者為何愚以進士任廉勤有聲賈聯芳後知交城縣亦健令也並陝人

夏寶晉字玉延高郵舉人知甯鄉縣性廉介為政平恕博極羣書喜作育人材縣舊有鳳鳴書院廢已久復振興之並增膏火士林悅服著有仕國絃歌錄山右金石錄及詩文集若干種

萬逢時遷安進士知甯鄉縣勤於課士文風蒸蒸稱盛焉為政公正廉明卓然有循吏聲

傅德宜開元舉人道光中高平知縣為治崇大體慎於用刑振興義學文廟壇壝多所修葺

李貞木秀水進士知高平縣為治嚴而不苛勤於課士增書



院膏火設資興經費重葺廟學南濠及浚水橋亦其所修濬也後以疾歸

徐璩字樛亭桐城進士知陽城縣刑寬政簡一意教養倡資建文廟廓增舊制並製禮器文物稱備博學工詩縣中名勝多有題詠於忠節事蹟尤惓惓焉析城山草肥美平陽營馬爭來牧害民稼力爲禁絕忤上官不顧民德之爲立祠於山陰以祀著有詩經廣詁及詩文集

強上林溧陽進士以庶常知陵川縣多善政嘗修城垣補水口定書院課程其創捐鄉會試川資三千金尤爲士子感戴以憂去任縣人建碑文昌宮以記德政焉

劉承寬陽湖舉人知陵川縣剛毅有爲除莠安良豪滑斂迹嚴禁婦女遊觀勸行蠶織捐復社義倉以備賑荒藉甚政聲

調安邑去

孫謙豫貴筑進士知沁水縣廉直慈祥愛民如子倡修文昌祠優給書院膏火獎勵人材孜孜不倦

譙厚光貴州進士道光十六年知大同府督屬有爲以興利除弊爲己任玉河漲發鬻及城闕修隄護之平市商限息調劑其盈虛緩急定爲每年三限商民稱便至今相仍以親老致仕歸

王格正密縣舉人孝廉方正道光十一年以知縣署渾源州性端謹明習吏治下車清積案革陋規卽恆麓書院立條規聚士講習政教大行明年秋霜災害稼民饑請於上官發倉賑貸復捐集粟米按四鄉定期分散而設粥廠於東關以收貧窮之無依者全活無算比去任復捐錢爲孤貧衣食之資

州民送者皆哭失聲尋知大甯以廉勤名卒祀渾源名宦陳蓋蒼溪舉人知渾源州多善政州人立祠祀之

于吉中歸安進士知靈邱縣才具優長慈惠明決性好學博極羣書修葺書院進諸生講授文教事與歲值歉收貧民乏食捐資賑撫並諭商紳士立平糶法以資救濟民賴以全括者眾其他惠政尤多迄今士民猶頌德焉

蘇元我交河進士知靈邱縣惠愛慈祥惟恐擾民倡捐書院經費培植文風迄今賴之調交城去士民頌德不衰紀瑛璋獻縣進士繼蘇任寬大和平聽斷明決學問淵深兼工詩賦時集諸生講授賞奇析疑孜孜不倦一時盛推其以循吏而兼經師云

張集馨儀徵人由翰林出守朔平府道光十六年右玉大饑設法賑貸民賴以避關外數被蝗災稽祀典立猛將軍祠於

風神臺並創建玉林書院優其月餼爲合郡士子講習資升任後士民追念不忘擬祀名宦

清安滿洲正黃旗人知朔平府廉潔愛民時微行詢民疾苦於閭閻之事無不周知姦宄屏蹤墨吏亦嚴憚莫敢肆擴修書院並設駐防義學俾旗籍子弟端蒙養之基他如開柳泉渠葺南關外石橋及風神臺皆有裨於郡治形勢調太原府去保舉道員墨吏議以同知用尋卒祀朔平名宦

劉坦字竹樵知右玉縣張太守修玉林書院贊助之力居多加意寒畯多方獎勵一時知名之士皆出其門遇王辰旱蝗率民力捕遊人多以蝗神爲言者坦取而吞食以釋其惑駐防旗民素驕縱或走馬市衢遇縣令不避道一日坦出直

山西通志卷一百一十一 名宦錄十一 七



衝函簿立擒下鞭之曰我自打野百姓不知汝為旗人也自此肅然在官期年政教大行豪民匪徒無不斂迹賊影及去士民餞送者盈道而旗丁亦盡相屬云

楊樹年富平進士知平魯縣縣自丁酉大祲之後戶口耗減市井蕭條勤勞撫字招集流亡時丁徭未攤歸地糧者尚千餘金民困征輸一丁逃累及一戶一戶逃累及一村賠累愈多逃亡益眾樹年洞悉其弊稟明大憲丁銀始盡均入地畝民困大蘇流亡者漸以復業調平遙去縣民臥轍攀轅者相屬焉

吳允輝湖北舉人道光十九年知榆社縣廉介絕倫歷任時年七十矣署內僅父子二人馭下甚嚴蠶役皆遠避與襄垣令卓熙泰並以廉吏名卓嘗再署榆社為民所愛允輝實繼其任期年以老乞歸

山西通志卷一百一十一 名宦錄十一 十六

惠馨字怡園滿洲正藍旗人道光元年沁州知州賦性仁慈持躬清儉州為潞澤通衢遇有差務蠶役緣為奸利時擾及民惠廉知其弊買馬贏自畜以備民以訟至必多方曉譬遇必當對質始允傳審未嘗聽胥役稍有株連民咸稱之曰老家長蓋尊親之又以其悉知隱微若家主而戶履也去之日攀轅者盈途並祀木主於俞公祠內

賈亮采高郵人道光二年以進士知平定州學問淹博以栽培人材為己任精於鑑別所拔識者後多宦達  
文光字星槎漢軍正黃旗人以廉正稱亦喜文學嘗捐俸修書院考棚課士甚勤

王繼蘭字秋晚濟甯舉人知平定州居官簡易便民每有興

舉皆事立集而民不擾屢辦兵差力不及請用協濟令民出驢以應之設法更為簡便

錫麟字經初滿洲正黃旗人知平定州敦厚愛民嘉河經城中時為煤渣淤塞兩岸居民每受水患倡捐置地二百餘畝以所入租課為歲修經費卑紳士董理之  
郭書俊濰縣舉人令孟縣宏獎士類痛懲匪徒御下甚嚴每治獄胥吏不敢旁參一詞用是民安其業薰於善良無梗化者

鍾汪杰字元甫嘉善進士知壽陽縣才高學博能以經術飾吏治聽斷敏捷音如洪鐘奸匪望而生畏然慈惠性成未嘗輕施笞朴縣當衝途道光五年回疆用兵供億浩繁不以累民十三年大旱米價騰踊為立法平糶貧民多賴以濟每遇旱災虔禱多應狼為患為文祭城隍驅之患亦息嘗集文士立社課其地有嘉禾五穗人以為文明之祥在官八年政洽民和升朔州知州去士民祀之文昌宮之遺愛堂堂舊祀明知縣藍公初教民織者也

山西通志卷一百一十一 名宦錄十一 十九

王晉介福山舉人知壽陽縣嘗令芮城重士愛民甚有聲譽及履縣勤廉明決御眾以寬而於蠶役盜賊嚴峻不少貸修葺城垣以及衙署凡所興作皆親行規度期久遠不視官為傳舍循良之聲著於一時卒於官縣人思之亦祀之遺愛堂以配藍鍾二尹

李鴻時字小嵐歷城舉人知孟縣蒞任公廉不苛勤於政治往往夜攜幹役潛出巡察或遠至二三十里徹曉乃歸由是好徒聞之無不悚懼尤留意人材課試書院與諸生講論弗



倦其才者優賞獎勵羣奮於學戊申夏大旱率紳民步禱藏  
山一晝夜往反八十里歸途甘雨隨之時以爲至誠感召云  
廖翔宇雨皋南海進士道光八年知定襄縣平易近人政暇  
輒青衫葛帶遊行阡陌與農夫閒話問所疾苦或延見耆儒  
秀士詢以地方興革事宜用是裁陋規寬徵比專務德化非  
治盜賊未嘗輕施笞朴也嘗繪節儉圖以正民俗刊易知單  
以防吏弊遇歲凶民饑廣興營建以工代賑邑無饑民在官  
十餘年百廢並舉鄉試連與分校時稱得人後因事被誣死  
縣人哀之私諡曰恭愍

王恂大荔進士除定襄令學識核博清慎愛民專以崇教敦  
化爲務文廟規制未備增修之凡事有關風化必竭力舉興  
民樂其政職滿擢升朔州知州百姓惜其去攀轅臥轍者相

山西通志卷一百一十一 名宦十一 二十三

屬於道馬爲之不行

李廷揚樂山舉人道光中知代州廉靜不擾撫羸弱尤有恩  
聽斷必委曲曉解未嘗輕施笞朴歲小歉捐俸設粥廠興工  
修城令貧民得執業以取食焉民至今德之

張大業字梅岑連州進士知五臺縣性仁厚有操守太谷孫  
某者家巨富起新宅開五臺山有白石採購之一石駝以兩  
肩運費至五十金五臺嶂縣之人有曾在京師辦石工者謂  
青白石非宮廷不準用訟孫姓僭越干例禁大業查例批駁  
謂五臺雖產青白石白石無例禁明文訟者乃赴太谷具控  
太谷正署兩任行文移查大業以前批覆兩任得賄萬餘金  
爲之消弭而訟者未廢又控於按察司司檄五臺查覆大業  
仍以前批上案尋批陽曲縣縣索賄六萬金令孫姓兼賄訟

者案乃結後行賄事發巡撫阿勒清阿嘉大業之有守調陽  
曲縣尋升代州卒於任

李衡廣西義甯舉人知崞縣廉明多惠政已支差向由胥吏  
傳車滋擾頗甚衡設局延紳董之聞閱以安又捐修原平義  
學普濟石橋凡利民者次第修舉邑人勒石紀之

林德奎懷遠舉人知繁峙縣值歲饑勸民賑貸計口授粟全  
活甚眾

楊作梅字庚山濟甯進士知五臺縣清廉明決彰瘴判然詞  
訟一訊卽結案無留積胥吏惕息不敢爲奸士民欣欣樂業  
凶暴者不敢侮善良猾賊皆逃鄰縣民間夜不閉戶遇命案  
驗畢得正凶其鄰證立卽開釋不株累一人在任五年調陽

曲縣去升河東監掣同知尋卒

山西通志卷一百一十一 名宦十一 三

張思鏗字金堂上饒進士知崞縣爲政寬嚴相濟吏畏民懷  
捐廉益書院膏火濬隄開溝濬在任三年輿情允洽以卓異  
調陽曲升河東監掣同知澤州府知府嘗歷署洪洞鄉甯所  
至有循聲終四川按察使

吳其均字南池固始人由副貢知繁峙縣有幹濟才爲政務  
行實惠規畫久遠不辭勞勩尤留意文學甫下車卽取志稿  
潤色付梓時科名久不競乃移建書院廣立社學暇輒與生  
徒講授疏龍岡水導其流曲環城南築長隄種樹其上嘗曰  
樹人如樹木三十年後木成陰人文亦蔚然矣調任大同劾  
豪強簡刑獄力興教化與民休息修玉河隄並於城西北築  
堰以遏山潦徧栽樹以固之尋卒於官今兩邑青林翁藉民  
以比之甘棠云



姬泰聚字星亭裕州進士知繁峙縣為治安靜無擾熟悉吏事而不以明察為能訟者至以理論遣久之民亦無梗化者在職二十一年清苦如諸生調廣靈遷安同知卒

莫兆文字昌廷定海舉人道光十七年由永濟知縣擢保德州慈惠愛民教養備至創建書院義學裁革魚課炭行興利除害善政多端工詩善書兼能四體人爭寶之有自刻法帖行世卒祀名宦

周啟柏字石苔金鄉人知河曲縣操守清廉聽斷明敏創建厲壇修明典制尤愛才嘉惠寒士貧不能讀者時給以膏火資人多尸祝之咸豐初以憂去四年在籍遇難一門殉節啟柏故由父難蔭授官至是

朝廷以再世忠貞議加蔭恤竟無嗣

徐麗生字石溪武康舉人道光九年知解州清節自守嘗語人云作官能不愛錢自能愛民牧解十八年民不擾去官囊無餘貲

周師陸涼州人由翰林改官安邑知縣振興書院多士景仰劉端侯官舉人知安邑縣忠信明決案無積牘調補鳳台知縣

俞鎔婺源人知安邑縣廉幹有聲盡心民事邑當孔道供應車馬里民苦之因請道庫發池脚津貼民力以紓邑城西寺北村訛言仙姑降男女雜集禮拜舉國若狂甚至託神媒強婚責備厚匱無敢違忤者鎔馳往枷杖社首封鎖其廟眾感始解後升雲南阿迷州知州紳耆願諸臺省得奏請以直隸州仍留山西

胡兆松大興舉人知夏縣性寬厚多惠政創建考院士子賴之其後有玉山王徽以進士任設西門外義園會稽會文炯以舉人任營建修各壇廟皆以忠厚愛民為縣人所思

張穎元黃岩舉人知平陸縣丰裁峻厲不諂不瀆向時考棚經費新生攤解穎元裁免出俸貸之至今人猶頌德焉

符壯圖饒陽拔貢知芮城縣才具素優廉能清正前令福山王晉介倡修書院未竣工去官壯圖踵成之

張舒翰永豐進士由翰林改芮城知縣恤民禮士寒峻多有被其澤者值丙丁歲荒災民漸肆擄掠嚴飭緝拏盡法懲治其風始熄並設法賑濟民賴以安

張濤順天副貢道光二年知絳州性仁慈於獄囚每加意矜恤修養濟院立城北義冢惠政在人久而不忘

陸廷樞字鎮堂絳縣知縣行己治人一以誠敬為本下車後禱雨輒應歲有蝗亦不為害

李仲祁清苑進士知絳縣振興文教多所造就邑人感德勒石頌之

毛鳳儀貴筑進士知垣曲縣重建書院盡心課士折獄明決案無留牘調芮城去

田豐玉瑞昌進士知垣曲縣勤於課士誘掖獎勵改建崇德祠扶立循良義舉諸碑又修造大堂邑人追思焉

晏宗望台山人道光末知垣曲縣廉潔仁慈鋤強獎善時以經術飾吏治有古循良風咸豐三年粵匪北竄城陷宗望冠帶坐公堂撫膺大慟曰不能保守城池死吾分耳奈百姓何賊不加害罵愈厲遂殺之旌卹如例祀忠烈祠



汪和字雲叔儀徵舉人由榆社知縣調河津性慈祥學問淵博在官多惠政尤重人才每集諸生講授勵以讀書立品士爭砥礪以赴所期以病去同治中復任手輯志乘刊行之周貽組臨桂進士道光四年由保德調知隰州愛民課士勤慎自持一時有循良之稱

張煥光字文燦襄城進士道光十年知隰州重修書院並增膏火時勤考課士民思之不忘

丁德泰名心逸以字行大治進士知大甯縣軫恤民瘼視如赤子剔弊數端及去士民爭製錦以送之

楊延亮長沙人道光元年以進士知趙城縣博學有幹略愛才禮士勤求民瘼於邑中書院義學水利驛務多所振作山東匪徒曹順潛居縣之耿峪傳習邪教謀為不軌時延亮已

山西通志卷一百一十一 名宦錄十一

升安南州知州矣訪聞將捕治為所偵知即夕糾黨入城焚燒衙署延亮死舉家燬焉事聞

詔依知府例給卹建專祠

賜諡昭節

右道光年一百五人

又六人

高松年順天舉人咸豐四年知文水縣行止端嚴性情慈易學道愛人有古君子風宏獎士類加意培植時捐廉俸為師儒講習資調甯武去猶以未及振興書院為憾

孔廣泉蕭山進士知交城縣協濟平定驛務值軍需方殷徵調無時民困於役力陳於太府改折銀兩積弊始甦在官十年多善政民建祠祀之

黃宜之字義門舒城人文水知縣到官值旱荒盜賊蜂起嚴

行保甲設法捕治仍不時親履各鄉匪類聞而斂迹四境安堵夜不閉戶又因書院有名而無實倡捐經費嚴定課規迄今賴之

林本象字愛庭四川選貢繼黃任諳練政治省刑恤民蒞任甫卅月清積案數十人稱明允興利除弊凡便民之事行之惟恐或後尤注意文教肄業書院者至舍不能容迄今士林頌德弗衰

何維屏字曉楓金州廳舉人咸豐元年知平陽府性毅嚴不苟言笑遇事持大體而練習吏治聽斷明決無稍依違三年八月粵逆陷垣曲時平陽總鎮烏防守太行盡以兵行警報至檄之歸不應惟激勵商民為守禦具部署甫定賊已破曲沃長驅抵府城矣維屏以東關必為賊據自當之賊併力來

山西通志卷一百一十一 名宦錄十一

攻架礮轟擊守者驚潰城陷遂遇害全家死者三十餘人惟三子喬壽就縊未絕遇救得免事聞贈卹如例建專祠世襲

雲騎尉

朱次琦字子襄南海人以進士知襄陵縣明敏慈惠能以儒術為吏治臨汾民與縣人爭平河水利久不決次琦會臨汾周令履欽勘驗定以地隨糧以水隨地之制修改渠規防制加密兩縣人皆服其平甫半年乞疾歸性好學熟悉掌故方筮仕來晉值套部蒙民搆毀其王謀盡逐漢民之佃種者眾洵洵大府檄次琦往治之次琦援故事曉以大義羣奉約束惟謹既歸里隱居教授粵中奉為大師門下著錄者常數百人著述甚富年逾七十悉焚之光緒中卒

丁橫宇礪溪黃岡人由進士歷宰左雲萬泉有聲癸丑四月



調曲沃籌捐餉辦團防諸務方與驛站首城差徭省民財以巨萬計將藉其資為守禦具事甫定而賊已逼城陷正襟坐堂皇賦絕命詩一章賊蜂擁至據寨大罵賊擯刺之垂斃猶顧曰殺吾可矣勿傷吾好百姓一時家丁楊誠等九人俱從死事聞優卹加知府銜世襲雲騎尉建祠祀之

劉登雲與國人由拔貢知襄陵縣明敏有幹才粵匪陷平陽守令俱殉難登雲奉委兼攝臨汾早去暮歸匹馬往返弔死慰生擒土匪瘞殘骸旬餘日百事並舉而襄民之以訟至者仍聽決如常也後調平遙值歲歉多盜又俗好蓄鴿多者以萬計損人禾稼登雲至嚴緝捕立罰規一縣肅然民為勒石紀其政蹟

蕭大成字立齋納谿舉人廉明剛斷遇事敢任署岳陽縣適

髮逆犯境防堵有方土匪乘間將行肆掠治以極刑閭邑帖然無騷動者民感焉為立坊頌之

郭定生臨榆舉人知洪洞縣廉明樸素慈祥愛民鄉閭分枝者數次得士甚盛後以催科不及去官閭邑紳民訟冤保留為例所格後事自改任榆社地號瘠苦安之若素歲小歉不忍敲朴仍以下考被劾歸

沈熙齡字芋士歸安人以優貢知太平縣才性明敏勤於治事庚申大雨傷稼發倉賑恤窮黎咸懷其惠

徐炳華字仙九安肅人知翼城縣為政不苛處已廉潔縣徵糧舊歸銀鑪經理火耗平色花戶每以抑勒為怨炳華廉知其弊盡裁之聽隨時估價易錢完納民甚便之

岳玉溪利津人咸豐末知永濟縣剛正不阿節儉愛民陝回

倡亂沿河防兵屯集調度有方供億辦而民不知擾會旱蝗禱於神步行烈日中受暈疾卒民相與走哭如失慈母聶文炳字虎臣武昌人由副貢授臨縣令咸豐二年調知長子縣性慈祥自奉儉約而喜宏獎勸農課士皆以實力行之在臨尤多惠政所作勸民詩兩縣人多能誦之臨人有記政略者稱其嘗署襄垣清積年未結之案團練鄉勇人效其力撫集逃亡民恃安堵云云

曹光訓東安人由拔貢知屯留縣重士愛民廉潔仁恕興利除弊士民悅服鄧國公藤縣進士繼曹任亦以惠稱卒於官陸春圻字杏坡以畫名並有政聲

孫福清嘉善舉人知襄垣縣實心任事政無不舉修城垣立義學保民興教練勇防堵創捐登雲會嘉惠藝林士民感德

姚潤之桐城人署襄垣縣癸丑八月粵逆竄入潞境距城僅三十里遊騎往來百姓震動潤之處以鎮靜率所練勇固守及賊東去土匪又肆劫掠立捕得重懲之境內始安去之日士民依依不舍遮道餞送數十里

彭翊侯官進士知壺關縣嚴毅有為尤長聽斷事至立決癸丑黎潞之變民間警大擾翊終日危坐城樓示以鎮靜召耆老諭之令安堵如故在官甚有廉聲下車時值粟賤銀貴民困征輸為酌定章程刊之石正供外無所私嘗署安邑富民李某以訟感其惠者也將行某陰持重金為贖卻弗受

吳輝祖懷甯舉人由榆社調知壺關縣以廉慎稱遇訟事必反覆曉譬不輕笞決株連者概置弗問鄉俗婦女多輕生每因小故自盡母家藉以居奇戚黨及胥吏因緣為利往往有

山西通志卷一百一十一 名宦錄十一

山西通志卷一百一十一 名宦錄十一



死一婦而傾家蕩產者輝組力戒之以此興訟者概從末減其風漸息丁巳夏飛蝗至境躬禱於神爲文自責露宿風餐捕瘞甚力遂不爲災其年冬調汾陽去

賀松齡天津人咸豐三年以舉人知永甯州性明敏善折獄是非立決人皆畏服胥吏赴鄉按程限以時日違者重懲無敢犯者時議於臥羊諸山開礦松齡臚陳利害言極懇切事得寢州境不產木炭而向例府署供應由州民備價採買送交閩里苦累松齡爲據實請免丁艱去任後官至四川劍州知州

呂傳榮沐陽人知孝義縣吏治精明清廉自矢縣城垣傾圮多年既蒞任倡議重修至今賴之

邢寶第字石農天津人知石樓縣精明強幹公正廉平值回

山西通志卷一百一十一 名宦錄十一

匪蠢動團勇防河勞動甚至民恃以無恐

陳蘭第字淮生江西新城人咸豐初知澤州府寬平渾厚與民相安三年髮匪圍懷慶郡城戒嚴吏民惶恐他徙蘭第閉眷屬署中出榜安民民心乃定縣令李蕪防堵著績蘭第實左右之一時論者以爲能持大體焉

李蕪字小亭寶坻舉人知鳳臺縣時城郭久圯蕪竭力完繕踰年工竣而賊圍懷慶蕪躬至盤子城塞險隘備礮石募鄉勇千餘親爲訓練守備以固又延四鄉紳耆聯絡義民數萬聲勢大振賊聞風竄去全境獲安蕪在盤子城數十日晝夜巡守與士卒同甘苦人樂爲用賊退還署以積勞嘔血卒褒贈朝議大夫崇祀名宦邑人悲感別立祠歲時報享焉王佩玉字蓮溪寶甯舉人知陽城縣父元橋令襄垣嘉慶中

嘗因民變調署陽城咸豐五年侯井趙某之亂佩玉亦由襄垣調補下車訊明各犯力除弊俗愛民禮士有父風者有不爲齋詩集父子均祀賢侯祠

阮葵字桂山懷甯舉人知鳳臺縣時流賊李占標起獲嘉道魏之賊響應西來郡城大震葵延紳耆團四鄉之丁萬人拔其尤者親爲訓練修太行盤子城天險置礮臺築牛馬牆又增修小口壘士爲臺守備大固歷署永濟芮城並有政聲遷代州知州卒於官

孫培金江蘇舉人咸豐二年知左雲縣軍興沿邊時有征調供億絡繹培金規措得宜民不知擾甚感之

董慶咸大興人知左雲縣在官有治績提督張某兵變於甯武北潰入縣境將入城慶咸單騎往諭之而危坐門闥以待

山西通志卷一百一十一 名宦錄十一

兵相視不敢犯民賴以安

王者詔字鳳諾濟陽進士知右玉縣廉正慈祥惻愍無華加意文教多所造就士林以興學明倫頌之

常郁文山東舉人咸豐六年知榆社縣踰年去李國瀛陝人也由進士繼任並以廉明著陋規裁革殆盡民感其惠

余紹昶奉新舉人署沁源縣癸丑八月粵匪自平陽東竄過縣南境人情洶洶紹昶處以鎮靜有役訛言賊已逼城者立擒治之眾帖然嗣因大兵追賊絡繹而至親往南鄉衛送出境民家雞犬無恙合邑愛戴及去任士民誌其行實設位以祀

孔廣熙字藹人濟源人知沁源縣嘗散給紡車廣延女師以教紡織請裁沁陽驛貼濟以免羈候支應之累在官十餘年



政治民和凡邑中祠宇有就圯者無不設法修復具詳碑記  
平衍駮字麟石日照進士調署崞縣老成持重廉幹有為前  
任積案累繁數日閒悉為訊決時軍務倥傯車馬每苦羈候  
親核驛簿探實後始差傳事集而民不擾及去士民相與攀  
留祀之范公祠令晉二十餘年所歷若繁峙岳陽諸縣並有  
惠政罷官客太原貧不能歸依寺僧以終

張世煇安州舉人咸豐元年知解州廉潔愛民政尚寬厚而  
事上官特骨鯁未嘗迎合意旨事苟不便於民力持不為卒  
以此得謫歸

葉桂芬字小山青陽進士咸豐六年知解州嘗令翼城有善  
政調知曲沃兵後詳請豁錢糧減差徭優卹殉難士民循聲  
懋著在州值捻匪擾靈陝率民壯守南河復勸平芮並行鄉

山西通志卷一百一十一 名宦錄十一

團壯聲勢日夜周巡慰勞備至賊屢撲渡皆力拒之始竄東  
南尋復至守禦如初時河南居民避寇者號呼求渡察其非  
偽急遣舟往援全活無數州人為作防河記勒諸石升潞安  
府知府卒於官所歷州縣並祀名宦

張懷瑩字笠舫廣昌舉人知平陸縣潔己愛民寬猛相濟奉  
文團練他縣多斂錢募勇懷瑩為民團寓兵農商不費不擾  
捻匪犯陝率以防河與官軍犄角自芮及垣二百餘里列戍  
相望卒能扼其北竄陝州難民隔河呼救設法拯渡全活無  
算豫人勒石頌德焉後調安邑遷鳳臺卒祀名宦祠

李廷樟陸川進士咸豐十年由沁州知州調絳州在沁興孝  
弟敦禮讓專務以德化民有古循吏風及至州除詞訟陋規  
減錢糧火耗潔己愛民一如治沁時捻匪未靖團練壯丁防

堵津垣著有成績輯武經圖鏡一書分頒各鄉又因州城頹  
圯倡議興修踰二年工乃竣升平陽知府去其後丁卯之變  
城完可守民賴以無虞

廖堃元字子厚獨山人知絳縣有膽略多卓識時粵匪甫過  
民氣未靖下車即操練丁壯為防禦計年餘百廢俱舉作勸  
戒民歌各十條其徵糧令各鄉自呈限約罷差役追呼之擾  
聽訟則於堂皇設桶論控狀者納之期三日隨拆隨審胥吏  
無能為奸民甚便之公暇輒集諸生講論經史或吟詠為娛  
其從戎紀實詩人多傳誦之

右咸豐年三十八人 又三人附見

銀沆馬平人拔貢同治四年知徐溝縣光緒初復任精於吏  
治洩徐最久年高而不倦於勤嘗任岳陽十年省刑緩征甚  
有循聲終潞安府同知

趙集成涇縣人同治四年知翼城縣協濟霍州驛軍興供  
億無時車馬困頓民苦之前令程炳昂議改輪驛費未果集  
成至乃與定約令霍人自僱車馬而縣歲解銀若干抵價時  
稱為便在官頗喜營建城垣學校以及祠宇皆葺治一新

黃傳紳字指斯秀山拔貢知汾西縣修葺城垣學校設條教  
正風俗蒞汾五載勤民之事與前令德方伯稱伯仲調陽城  
後改官陝西光緒三年秦晉大祲以蒲城令殉鄰邑饑匪之  
難

黃宜之字義門安徽人同治二年知臨晉縣下車周視城垣  
坍塌幾不能容足即倡議興修舊以形家言塞南門云利民  
不利官及工就毅然開之曰官民一體也烏有民受福而殃



及於官者性急事真事不便雖令已出不憚追改遇棍徒擾害盡法重懲縣人以愛民若子疾惡如仇頌之

王燁字燮亭扶風人以拔貢署猗氏縣前令江因病久不視事案牘山積燁至一一清理每判決必在堂皇縱民觀聽剖斷如流無不服其平允縣人稱其初政明敏爲自來所未觀云性好學博極羣書著有山右金石志略十六卷歷署平陸陵川翼城文水補虞鄉縣卒於官

方戊昌淇縣人以貢由軍功補潞城知縣公廉有威勤政恤民鋤蠹役恤孤寒尤拳拳於獎進士類民以訟至一訊即釋之案稍重不能驟結亦聽取保覆訊從無班房管押之事在任四年吏畏民懷調臨晉值丁戊大疫竭力賑恤民甚惠之以最擢忻州知州卒於官

山西通志卷一百一十一 名宦錄十一

宋用中漢陽舉人同治初知壺關縣有吏才善折獄雖爲所左者悉服其明允擒匪窟晉集鄉民團防措置得宜事集而民不擾

程汝濤字松泉六安人署襄垣縣平易近人明允果斷下車後訪求利弊知鹿亭驛累及民卽量爲核減勒石裁革陋規以其資興書院獎給生童士民頌之歷署永濟補陽高尋調高平所至有循聲

羅嘉福字訂庭大興進士同治十年以侍讀出知汾州府方正不阿潔己愛民大小政務皆躬親批發案無留積循聲四起時孝義某令詳解發冢重犯到案廉得其冤某令猶強辨嘉福不少動卒緝獲真犯令服謝笑置之在郡數年爲汾陽除積弊多端職滿以道員注選汾人爲立德政碑紀其事光

緒三年晉省大饑嘉福時家居督辦賑務聞奏請來首協贊多得其力次年卒

高崇基字紫峰靜海進士知介休縣廉謹樸誠盡心民事縣多空糧道光中黃令樹賓議清丈未果崇基蒞任始設局定按里丈量事集而民不擾以最調陽曲累遷至山西布政使終廣西巡撫

鮑序欽縣舉人知孝義縣廉節耿介忠厚和平舊時書院坍塌已甚乃於倉巷街別購民居改建並設號舍爲童試之所捐增經費惠被多士

范如璧字竹坪仁和人知石樓縣廉潔正直門無干謁政簡刑清囹圄空虛一時稱循吏焉

張惠立字卓田滄州舉人知石樓縣練達老成公正無私縣賭風頗熾盡法嚴懲博徒悉斂逆尤精聽斷民以訟至立卽訊決無能遁飾調壺關去

山西通志卷一百一十一 名宦錄十一

劉榛甯鄉知縣防河之役巡緝甚嚴而遇河西難民必竭力拯之陝人有惠溢鄰封之頌

朱焜字小舟甯鄉知縣廉潔愛民力除積弊民頌之一時有朱青天之稱有言志詩二章婦孺能傳誦之在官再閱月遭憂歸暨有德政碑

龍汝霖字倬臣攸縣人知高平縣博學工文裕幹濟才爲政以教養爲先縣舊有練勇百餘人半皆游手汝霖盡裁之而嚴行保甲立鄉團法嚴省民錢萬緡修復書院公暇輒親講授城外各鄉均設義學廣至一百二十餘所俗素知績紡試裁桑稱土宜乃益課民廣植不則有罰迄今蠶絲之利甲於



三晉性淡於榮利在官不廢著述職滿即乞疾歸著有高平縣志詩文集

程豫字立齋陝西山陽人同治七年由解州知州升大同府性沈毅有幹略甫下車即懸賞緝盜窮治窩黨時率團勇親巡邊塞合郡肅然凡聽訟不踰三日悉論報可息者令自和解捐廉增書院經費設普濟堂散粥施衣以恤貧民威惠大行調太原府累遷按察使終四川布政使其宰徐澍時叛將宋景詩由陝東竄沿途劫掠及抵縣豫迎見責以大義奉約東惟謹有數勇強取民物立縛至軍斬以徇遂帖然民心大安壽陽相方里居聞而嘉之還朝與五臺徐中丞合疏密薦由縣令不十年擢至方面時有攝孟縣令王珠耀者濟甯人亦以潰勇過境調度有方為孟人所稱云

山西通志卷一百一十一 名宦錄十一

雲茂濟字華川文昌進士由翰林改芮城知縣調知崞縣廉明幹練決獄如神整飭差務立車馬局以濟驛站又倡立寶興局捐錢萬緡為鄉會試資由是寒畯皆奮志於學蒞任二年卒於官貧不能歸停人資送還里附祀范公祠

姚慶布安徽桐城人同治二年知保德州寬仁慈惠政簡刑輕在官十年囹圄空虛回匪擾陝西府谷諸縣籌辦河防妥善周密民賴以安

金福增字葆卿清苑人以諸生從軍保擢知縣同治三年攝長子縣所練勇為太行諸邑最陝回倡亂調補河曲七年正月賊陷神木其冬復犯府谷兩次撲渡皆為福增所卻會嵩武軍至賊敗走河防解嚴在官修葺城垣砌卡建立書院義學以其暇纂修邑乘政績卓著河西之長灘鎮本套部地而

縣所兼轄者也為賊所躡厚撫恤之

陶汝霖高滄進士知安邑縣蒞政嚴明令行禁止勤於課士教養兼施治聲甚著卒於官嘗署榮河值陝事方殷猝有潰勇數千自邵陽東渡聞之立馳往其將宋景詩令兵士露刀以待自云奉帥令東還責令供億汝霖不為動以無檄直責之戒勿妄動啟釁歸而閉門登陴率民嚴守兵至求入弗許強之厲聲曰吾頭可斷門不能啟也宋氣懾即日北行在縣界無敢肆掠者

楊豐紳大興進士同治四年知芮城縣廉正自持殷勤課士年餘以鯁直忤上官罷時議惜之

鄭逢辛山陰人知芮城縣廉隅自矢剛斷有為卻供應減俸從奸吏蠶役望而生畏調署鄉甯亦著循聲

山西通志卷一百一十二 名宦錄十二

陳懷璋字玉章醴泉舉人同治元年知絳縣平易近民凡所設施必博諮詳講允愜輿情於書院經費鄉試川資時時出金助給嘗遇寇災往驗即捐廉數百緡振之六年捻匪擾及整嚴武備城賴保全蒞任十年政績著聞

譚廷榮字春陔山陰人由襄陵調知河津縣時值防河民苦供億調度有方不至重困丁卯冬捻逆之變城中食不足糴米以濟捐廉五千金事定未嘗取償於民平時片言折獄寬猛相濟及卒軍民誦思其在襄陵捐增書院經費折車價便霍驛協濟亦有聲稱云

王國寶吳縣舉人同治六年任垣曲縣到官未及旬日賊猝至夜半燬南門而入城陷赴四聖廟焚火藥自焚死事聞賜恤世襲雲騎尉



林鍾宇字仲閣縣進士知開喜縣其為政善鉤距終日坐堂  
皇來訴者雖無呈詞亦受之常數言而決不直而來控者立  
扑責不復追呼對質取撫軍李所頒堂規立石兩楹開胥役  
無敢舞文執法以訟受財者一時有神君之頌歲餘以艱歸  
士民垂涕餞送者自邑至夏縣界纍纍不絕至閩以哀毀卒

右同治年二十七人

石成峰字子軒臨桂進士光緒二年由翰林改知翼城縣值  
歲大祲倡捐俸金多方賑濟不辭勞瘁儉約自持訟至立決  
下鄉必儉從役惟恐擾民調孟縣去士民泣送之  
楊定遠由舉人檢發署曲沃縣逢歲歉煮粥食民全活無算  
革除雜麴行稅並酌減各行冗規以勤勞致疾卒於官返櫬  
之日哭祭送喪者雖乞兒亦流涕云

山西通志卷一百一十一

名宦錄十一

三

于鍾德字宜臣昆明進士署汾西縣值旱饑縣被災尤劇地  
故瘠人彫蓋藏竭力籌捐得二千金設局分賑日以不足出  
所貸友人數百金益之而自飯脫粟或竟雜糠覈不以為苦  
也是冬無雪死者日眾明年春復不雨鍾德時已奉文補沁  
源令矣一日登樓四望白骨蔽目自傷為令無狀大慟因之  
致疾會大府頒賑金至縣手籍其數力疾付局紳諄諄以善  
拯予遺為念歸而自盡其妻王氏亦不食死事聞  
特旨旌卹予世襲縣人建祠祀之

瑞斌字治庭滿洲鑲白旗人光緒二年知汾州府值大祲督  
辦賑務親臨屬邑查勘務令實惠均霑其後議均通省差徭  
尤銳意籌辦積勞五閱月之久始得就緒而疾作矣將卒惟  
以不及終事為憾其懇懇肺腑實心愛已如此

白廣械字子俊直隸通州人知臨縣明敏練達事至立決蒞  
任期年政平訟理遇歲饑審核戶籍嚴治盜劫集紳富多方  
籌捐以待普賑踰年民困漸蘇暑月因事下鄉積勞不支道  
中賜違卒於與中縣人哀之為卜地營葬歲時祀焉

陳世綸青縣人以拔貢歷官榮河夏縣潞城萬泉陽曲諸縣  
署忻州升授絳州才識明敏遇事有權略為令屢經寇警外  
禦內撫民賴以安光緒三四年間州屬薦饑道殣相望辦理  
賑務事必躬親不遑寢食積勞成疾卒先是三界莊匪民乘  
機聚眾初猶強糴漸至劫奪不逞之徒互相觀望將並起  
州中一日數驚世綸不動聲色集勇役掩捕之斬二人以徇  
餘黨分別遣散用是合境安堵如故而賑務得以次第舉行  
歿之日州人感泣鳩資建祠以祀

山西通志卷一百一十一

名宦錄十一

三

袁希璋字琢堂安岳進士署河津縣值大祲饑民肆掠將為  
亂乃分路緝捕獲數十盜鞠研首從戮十人地方始靖至辦  
賑務所夕憂勞談及流亡情形輒泣下自奉甚儉而為民造  
救饑藥收養嬰孩助僚屬喪葬為卜子夏後裔置祀田傾囊  
捐助無所吝也積勞成疾卒於官貧無以治喪同官借紳民  
厚賻之始得歸

右光緒年七人

山西通志卷一百一十一



名宦錄十二 錄一之十二 山西通志第一百十二

賜進士出身頭品頂戴兵部侍郎兼都察院右副都御史巡撫山西提督軍務張煦奏

旨監修

庶官 漢至元

閔孺為河東太守田延年督郵孺部份北尹翁歸部份南所舉應法得其罪辜屬縣長吏雖中傷莫有怨者

黃霸字次公淮陽陽夏人少學律令喜為吏領郡錢穀計簿書正以廉稱察補河東均輸長復察廉為河南太守丞擢潁

川太守治為天下第一五鳳三年為丞相封建成侯霸材長於治民及為丞相功名損於治郡時然自漢興言治民吏以

霸為首甘露三年卒謚曰定侯

趙無忌字世卿京兆長陵人峻次兄也部河東從事為宦官

黨京兆尹唐竈所殺

楊穆為雲中太守成嚴功曹建光元年秋其至鞬寇居庸嚴

擊之兵敗穆以身捍嚴與俱戰歿

耿勳字伯瑋扶風茂陵人由典軍上計廷陳惠康安過之謀

上納之拜郎熹平初為上黨府丞掌令考績有成二年遷武

都太守有美政部民刊石頌之稱其勤郵民隱拯阨扶傾云

云

高誘涿郡人建安中辟司空掾歷官東郡濮陽遷河東監誘

受學於同郡盧植注戰國策呂氏春秋淮南子行世

右漢六人

王濬字士治宏農湖人博涉墳典疏通亮遠恢廓有大志辟

河東從事守令有不廉潔者皆望風自引而去刺史徐邈以

女妻之後參鎮南軍事以平吳功封襄陽侯邑萬戶卒謚武

如綬并州治中隨劉琨入段氏琨被留與琨子遵左長史楊

橋閉門自守琨將龍季猛迫於乏食殺橋綬降

右晉一人

裴安祖河東聞喜人弱冠州辟主簿民有兄弟爭財詣州相

訟安祖召其兄弟以禮義責讓之兄弟明日相率謝罪內外

欽服之後高祖幸長安安祖朝於蒲坂高祖與語甚悅拜安

邑令以老病固辭詔給一時俸以供湯藥焉年八十三卒

山西通志卷一百十二 名宦錄十二 二

盧勇凜凜有不可犯之色真公直人也方當委之大事豈直

納租而已勇仕至儀同三司揚州刺史卒謚武貞侯

宋世景河南尹麟第三弟西河人徙廣平少自修立精經義

族兄弁甚重之對策上第左僕射源懷引為行臺郎巡察州

鎮十有餘所黜陟賞罰莫不咸允遷徙七鎮別置諸成明設

亭堠以備北部懷大相委重遷薦於世宗曰宋世景文武才

略當今寡儔清平忠直亦少其比陛下若任之以機要終不

減李冲也後母喪毀卒撰晉書未就

辛祥字萬福隴西狄道人紹光之孫也舉司州秀才太傅元

丕為并州刺史祥為府屬收行建興郡轉并州平北府司馬

會刺史喪朝廷以其公清遂越長史收行州事祥初在司馬

有白壁還兵藥道顯被誣為賊官屬推處咸以為然祥曰道

一第LWU 册 賣參 四庫全書 第 0 反 E 5



顯面有悲色察獄以色其此之謂乎苦執申之月餘別獲真賊後除郢華二州長史卒

右後魏四人

辛慶之隴西狄道人少以文學徵對策第一大統中周太祖東伐爲行臺左丞時初復河東以本官兼鹽池都將四年東魏攻正平郡陷之遂欲經略鹽池慶之守禦有備乃引軍退河橋之役大軍不利河北守令棄城走慶之獨因鹽池抗拒強敵時論稱其仁勇六年行河東郡事九年復行河東郡事慶之本性儉素志量淹和有儒者風度拜祕書監卒

右西魏一人

蘇瓊字珍之武強人文襄以儀同開府引爲刑獄參軍每加勉勞并州嘗有強盜長流參軍推其事所疑賊並已拷伏失

物家並識認唯不獲盜賊文襄付瓊更令窮審乃別推得元

景融等十餘人並獲賊驗文襄大笑語前妄引賊者曰爾輩

若不遇我好參軍幾致枉死累遷南清河太守循聲尤著仕

至大理卿卒於周

右北齊一人

張虔威字元敬清河東武城人開皇初晉王廣出鎮并州盛

選僚佐以爲刑獄參軍累遷爲屬與河內張衡甚見禮重晉

郎稱爲二張大業中累加開府歷江都贊治卒

崔曠字祖濬博陵安平人性至孝博學善屬文開皇中射策

高第累授晉王記室參軍起居舍人大業四年從駕幸汾陽

宮登太行山詔問曠曰何處有羊腸坂對曰臣按漢書地理

志上黨壺關縣有羊腸坂上曰不是又答曰臣按皇甫士安

撰地書云太原北九十里羊腸坂上曰是也因謂牛宏曰

崔祖濬可謂問一知二終鷹揚長史

令狐熙字長熙燉煌人開皇中爲河北道行臺度支尚書百

姓立碑頌德行臺改并州總管府即授并州司馬屬精剖斷

恩惠兼施終桂州刺史

李徹字廣達朔方嚴祿人性謹厚有才具初仕周宇文護子

中山公訓爲蒲州刺史令徹以本官從焉建德五年從武帝

伐齊拔晉州與齊王憲屯鷄栖原齊主以大軍至戰於晉州

城北憲師敗徹與楊素宇文慶等力戰軍賴以全復從帝破

齊師於汾北乘勝下高壁封蔡陽縣公隋初轉雲州

刺史晉王廣鎮并州妙選正人有文武幹者爲之寮佐詔徹

總晉王府軍事時蜀王秀亦鎮益州上謂侍臣曰安得文同

王子相武如李廣達者乎其見重如此以軍功累封安郡公

進位柱國開皇十年徙封城陽郡公卒

阿模京兆人性明敏有器幹仁壽初爲嵐州司馬漢王諒舉

兵刺史喬鍾葵發兵將赴諒模拒之曰漢王所圖不軌公荷

國厚恩致位方伯謂當竭誠效命以答慈造豈有廢圖未淹

翻爲厲階鍾葵臨之以兵模辭氣不撓鍾葵義而釋之軍吏

請斬模以壓眾心遂囚於獄諒平拜開府後從平楊元感以

功進位銀青光祿大夫

裴仁基河東人開皇中以拜儀同領漢王諒府親信諒將反

仁基苦諫諒怒囚之諒敗累授光祿大夫後以謀劫王世充

復立越王侗遇害

豆盧毓字道生昌黎徒河人楚國公勣子少英果有氣節漢



王諒出鎮并州毓以兄為王府主簿以從征突厥功授儀  
同三司及諒謀發兵毓苦諫不從因謂弟懿曰吾匹馬歸朝  
自得免禍此乃身計非為國也今且偽從以思後計後諒出  
城將往介州令毓與總管屬朱濤留守毓謂濤曰漢王構逆  
敗不旋踵吾豈坐受滅亡有負國家耶當與卿出兵拒之濤  
不從因拂衣而去毓追斬之時諒司馬皇甫誕以諫諒被囚  
毓出誕與之協計及開府盤石侯宿勤武開府宇文承昌儀  
同成端長孫愷車騎安武侯元世雅原武令皇甫文瀨等閉  
門拒諒部分未定諒覺迴兵襲擊之毓遂見害諒平詔贈大  
將軍封正義縣公謚曰愨

皇甫誕字元慮安定烏氏人剛毅有器局隋初累拜尚書左  
丞有能名漢王諒為并州總管以公方選拜并州總管府司

山西通志卷一百一十二 名宦錄十二 五

馬總府政事一以諒之諒甚敬焉煬帝初徵諒用諸議王  
類謀發兵誕數諫不納因流涕曰竊料大王兵資無敵京師  
者加以君臣定位逆順勢殊士馬雖精難以取勝願王奉詔  
入朝守臣子之節必有喬松之壽累代之榮如更遷延陷身  
叛逆一挂刑書求為布衣黔首不可得也願察區區之心思  
萬全之計敢以死請諒怒囚之及楊素兵將至諒屯清源拒  
之主簿豆盧毓出誕於獄同謀閉城拒諒諒擊破之並抗節  
遇害詔贈柱國封宏義郡公謚曰明  
長孫行布河南洛陽人右驍衛將軍晟子仁壽中為漢王諒  
庫直甚見親狎及諒起兵南拒官軍留行布城守遂與豆盧  
毓等閉門拒諒城陷遇害  
張祥京兆人并州司馬時漢王諒反遣將劉建功縱火燒其

郭祥於城西王母廟再拜泣禱曰百姓何罪致此焚燒神其  
有靈可降雨相救言訖雨降火遂滅士卒感其至誠莫不用  
命賊退以功授開府

張季珣京兆人開皇中累遷并州司馬仁壽末漢王諒舉兵  
季珣守井陘以功歷都水監

郎茂字蔚之恒山新市人敏慧有文學隋高祖初命掌書記  
及大業中累拜尚書左丞時工部尚書宇文愷右翊衛大將  
軍于仲文競河東銀嶺茂劾奏愷仲文竟坐得罪後為晉陽  
宮留守恒山贊治王文同構之除名追遣卒

王威太原郡丞大業十三年義兵將起威與武牙郎將高君  
雅相與疑懼請高祖禱雨晉祠將為不利晉陽鄭長劉世龍  
知之以告高祖高祖執威君雅殺之以上太原府

山西通志卷一百一十二 名宦錄十二 六

高義明渤海人仁壽末蒲州長史漢王諒舉兵河東豪傑以  
城應諒刺史邱和遁歸關中義明謂司馬榮毗曰河東要害  
國之東門若失之則為難不細城中恟恟非悉反也但收桀  
黠者十餘人斬之自當立定耳毗然之義明馳馬追和將與  
協計至城西門為反者所殺

榮毗字子誥北平無終人仁壽中累拜蒲州司馬漢王諒舉  
兵長史高義明為反者所殺毗被執諒平拜拾書侍御史卒  
贈鴻臚少卿

賀德仁越州山陰人以學行稱大業末河東司法唐初累授  
洗馬貞觀初轉趙王友卒

陸逢為蒲關吏文中子出自蒲關逢止之曰未可以遇我生  
民也文中子為之宿翼日而行逢送之曰行矣江湖鱸鯨非



溝瀆所容也以上補州府

源崇西平樂都人朔方郡公雄子襲封官儀同大業中上黨贊治入為尚書虞部郎將兵討北海賊力戰死贈正議大夫

李德侶趙郡柏人人大業末為離石郡司法書佐太守楊子崇特禮之及于崇遇害棄尸城下德侶赴哭盡哀收瘞之至介休詣太原帥請葬于崇唐公嘉之因贈于崇官令德侶為使首往離石禮葬焉

房元齡字喬齊州臨淄人年十八登進士大業末補隰城尉坐漢王諒徙義旗入關杖策謁太宗於軍門署記室參軍貞觀中累拜司空知門下省事封梁國公卒贈并州都督謚文昭以上汾州府

山西通志卷一百一十二 名宦錄十二 七

房恭懿字慎言河南洛陽人性深沈有局量達於從政隋開皇中以蘇威薦超授澤州司馬有異績賜物百段良馬一匹終海州刺史州

馮孝慈仁壽中代州司馬驍勇善戰漢王諒舉兵遣將來攻孝慈與總管李景等拒守後與楊義臣援兵擊賊大破之城賴以全

侯莫陳乂仁壽中儀同三司漢王諒之亂與李景等共守代州多謀畫工拒守之術

呂玉仁壽中代州司法參軍驍勇善戰漢王諒反與總管李景等共相守禦城獲全

陳孝意河東人大業末為雁門郡丞時長史多賊污孝意情節彌厲發奸摘伏動若有神吏民稱之劉武周反孝意與武

貞郎將王智辨率兵討之戰於下館城反為所敗武周遂轉攻傍郡前郡丞楊長仁雁門令王確等並築結為無賴所歸謀應武周孝意陰知之族滅其家郡中戰慄莫敢異志武周引兵來攻孝意拒之每戰克捷堅守百餘日糧盡為校尉張倫所殺以上代州

姚暹大業中為都水監先是鹽池患客水暹濟永豐舊渠兼築隄堰自安邑楊家莊西至臨晉五姓湖以入於河客水有所歸至今名其渠曰姚暹渠州

右隋二十六人

張後允蘇州崑山人父中有儒學隋漢王諒出牧并州引為博士後允從父在并州以學行見稱時高祖鎮太原引居賓館太宗就授春秋左氏傳義師之舉後允首贊之貞觀中歷授國子祭酒散騎常侍卒贈禮部尚書

山西通志卷一百一十二 名宦錄十二 八

劉政會滑州胙城人隋大業中為太原鷹揚府司馬高祖為太原留守政會率兵隸麾下制王威高君雅政會功也武德初授衛尉少卿留守太原調輯戎政遠近悅服劉武周進逼并州晉陽豪民薛深等以城應賊政會為所擒密表論武周形勢賊平復官爵封邢國公卒謚曰襄

張文確字稚圭貝州武城人貞觀初舉明經補并州參軍時李勣為長史深禮之嘗嘆曰圭稚今之管蕭吾所不及勣入朝文確與尉儉二人皆餞勣以佩刀玉帶而不及文確文確以疑請勣曰子無為嫌若某猶豫少決故贈以刀欲其果于斷某放誕少檢故贈以帶欲其守約束若子才無施不可焉用贈因極推引歷拜同三品遂與勣同為宰相晉侍中兼



太子賓客卒諡曰懿

李義拔魏州昌樂人舉進士累補太原尉時李勣為并州都督察吏皆望風懼義拔獨廷折曲直勣甚禮之上元中累遷中書侍郎同三品致仕卒

韋安石京兆萬年人孝寬曾孫舉明經永昌元年為并州司馬有善政則天手勞之曰聞卿在彼庶事從心善事表於能官仁明彰於鎮撫如此稱職深慰朕懷久視中由并州刺史拜為臺侍郎同平章事封鄆國公景雲二年坐事出為蒲州刺史尋貶籍憤卒天寶初諡文貞

張柬之字孟將襄陽人登進士第調清源丞永昌元年以賢良召時年七十餘對策第一狄仁傑姚崇薦之累拜鳳閣侍郎同平章事誅張易之昌宗以功擢天官尚書同三品封漢

山西通志卷一百十二 名宦錄十二 九

陽郡王加特進為武三思所誣貶瀧州卒景雲中贈中書令諡文貞

富嘉謨雍州武功人舉進士長安中為晉陽尉與同官吳少微友善先是撰碑頌皆以徐庾為宗嘉謨與少微屬詞皆以經典為本時人欽慕文體一變稱富吳體而太原人士實先化之嘉謨作雙龍泉頌乾燭谷頌少微撰崇福寺鐘銘詞最高雅作者推重長史張仁直待以殊禮坐必同榻中興初歷左臺監察御史卒

吳少微新安人舉進士長安中官晉陽尉長史張仁直重之嘗為撰進九鼎銘表神龍初以薦拜右臺監察御史富嘉謨卒少微賦詩哭之尋病卒

谷倚魏郡人長安中官太原主簿以文詞著名與富嘉謨吳

少微時人謂北京三傑後留寓客卒

呂元泰為清源尉神龍元年大水求言元泰上書言時政曰國家者至公之神器一正則難傾一傾則難正今中興政化之始幾微之際可不慎哉自頃營寺塔度僧尼施與不絕非所謂急務也林胡數叛獯虜內侵帑藏虛竭戶口亡散天下人失業不謂太平邊兵未解不謂無事水旱為災不謂年登倉廩未實不謂國富而乃驅役飢凍雕鏤木石營構不急勞費日深恐非陛下中興之要也比見坊邑相率為渾脫隊駁馬胡服名曰蘇莫遮旗鼓相當軍陣勢也騰逐喧譟戰爭象也錦繡夸競害女工也督斂貧弱傷政體也雜服相歡非雅樂也渾脫為號非美名也安可以禮義之朝法侈靡之俗詩云京邑翼翼四方是則非先王之禮樂而示則於四方臣所未諭書曰謀時寒若何必羸形體灌衢路鼓舞跳躍而索寒焉書聞不報

山西通志卷一百十二 名宦錄十二 十

嚴挺之華州華陰人景雲中舉進士開元二年為太原少尹殿中監王毛仲嘗使太原朔方幽州計會兵馬後累年仍牒太原索器仗挺之以不挾勅且毛仲寵幸久恐有變故密奏之洎任嚴整吏不敢犯及毛仲得罪上以挺之言忠擢為刑部侍郎後李林甫嫉之出歷絳州刺史上問曰嚴挺之安在此其才可用林甫退召其弟損之曰上視絳州厚要當以事自解歸得見上且大用挺之稱疾林甫得奏即言挺之願得閑官自養上恨此久之乃以為員外詹事卒

李銳宗室子明皇時為太原少尹遷汾州刺史善於職復為太原少尹築天成軍完葺邊備卒贈尚書右僕射



馬炫汝州知人燧兄至德中李光弼鎮太原署掌書記常參軍謀光弼器焉歷連洞二州刺史以兵部尚書致仕卒  
張建封字本立兗州人少喜文章能辨論慷慨尚氣自許以功名顯大歷末馬燧為河東節度使奏為判官特拜侍御史建中初燧薦之於朝楊炎將任以要職盧杞不喜會擇壽州刺史杞倉卒白用建封遂破李希烈歷徐泗濠節度營田觀察卒贈司徒

李說字嚴甫淮安靖王通之五世孫也馬燧節度太原辟悅署少尹遷汾州刺史李自良代燧復奏為少尹精於職擢檢校禮部尚書節度使

崔元翰齊國公日用從子第進士馬燧表為太原掌書記召拜知制誥訓辭溫厚有典詰風年七十餘卒

山西通志卷一百二十二 名宦錄十二

高銖字重權渤海人第進士署太原張宏靖幕府遷監察御史擢給事中以直諫著歷禮部尚書卒

高錯字弱金銖弟第進士辟河東府參謀歷禮部侍郎知貢舉時稱得人轉吏部出為鄂岳觀察使卒

李德裕字文饒趙郡人吉甫子元和十一年張宏靖鎮太原辟掌書記由大理評事得殿中侍御史十四年罷府從宏靖入朝歷相文宗武宗為一時名臣

裴向字係仁聞喜人為太原少尹行軍司馬兼御史中丞改汾州刺史轉鄭州以學行自飭歷官仁智推愛利及於人以吏部尚書致仕

崔戎字可大博陵人元暉從孫兩舉明經裴戎領太原署為參謀請令戎至鎮州往諭王承宗承宗泣下遂充海衛沂

都團練觀察使卒贈禮部尚書

韋宙京兆萬年人丹子大中中盧鈞鎮太原表節度副使時回鶻破諸部入塞下鈞欲得信重吏視邊宙請法自定襄屬門五原絕武州塞略雲中踰勾注徧見酋豪鑄論之視亭障守卒增其稟約吏不得擅以兵侵諸戎犯者死於是三部六番諸種皆信悅宙所在有幹能惠政累官嶺南節度同平章

盧簡方盧鈞鎮太原表節度府判官會党項羌擾鈞使簡方督兵乘邊旁河相險集樹保障自神山至鹿泉縣三百里扈遏其衝賊不得聘候邊便之累拜大同軍防禦使大開屯田練兵修關沙陀畏附推義昌節度使入拜太僕卿領大同節度久之徙振武軍卒

山西通志卷一百二十二 名宦錄十二

李璋贊皇人絳子第進士盧鈞鎮太原辟為從事大中末入朝仕至宣欽觀察使

劉崇龜字子長滑州胙人第進士廣明元年鄭從謙鎮太原奏為節度判官檢校吏部郎中御史中丞中和三年入朝累遷清海軍節度使卒崇龜滋政號精明

李渥乾符初左拾遺鄭從謙鎮太原奏掌書記

蕭邁蘭陵人宰相真子咸通五年進士辟太原從事中和初歷兵部侍郎同平章事封楚國公襄王僭召邁作册苦辭罷為太子太保邁移疾以弟邁為承樂令往從之僖宗遣賜死於永樂邁為大臣有峻望遂時不幸不以令終人士惜之  
鄭畋字古文榮陽人亞子第進士咸通中劉瞻鎮北門辟為從事入朝為虞部員外郎右丞鄭薰沮之復出為從事後鎮



鳳翔以討巢賊功拜司空平章事卒於龍州謚曰文昭配享  
僖宗廟庭以上太

劉齊賢魏州觀城人道祥子襲封自侍御史出為晉州司馬

高宗聞其方正甚禮之時將軍史興宗從苑中弋獵因言晉

州出好鶴劉齊賢見為司馬請使捕之上曰劉齊賢豈覓鶴

人耶卿何以此待之遂止永淳元年累遷黃門侍郎同平章

事代裴炎為侍中力辨炎事再貶吉州被害

崔倫字敘及深州安平人第進士歷吏部員外郎陷祿山不

汗偽官下遷晉州長史李齊物認其忠授長安令使吐蕃拘

留六年不屈卒贈工部尚書以上平

姜晦秦州上邽人柔遠子起家蒲州參軍歷巡邊使吏部侍

郎歷任有聲終海州刺史

山西通志卷一百十二 名宦錄十二 十三

唐臨京兆長安人貞觀初為萬泉丞縣有輕囚十數人會春

暮時兩臨白令請出之令不許臨曰明公若有所疑臨請自

當其罪令因請假臨召囚悉令歸家耕種與之約令歸繫所

囚等皆感恩貸至時畢集詣獄歷御史大夫卒

徐有功國子博士文遠孫舉明經累補蒲州司法參軍襄東

莞縣男為政寬仁不行杖罰吏人感其恩信遞相約曰若犯

徐司法杖者服必斥罰之由是人爭用命終於代滿不戮一

人延載元年歷遷司刑丞司刑少卿獨存平恕前後濟活者

數十百家時人比漢于張轉司僕少卿卒贈司刑卿中宗贈

越州刺史

徐彥伯兗州瑕丘人名洪以字顯七歲能為文結廬太行山

下薛元超安撫河北表其賢對策高第調蒲州司兵參軍時

司戶韋善判司士李巨工書而彥伯屬辭時稱河東三絕  
後移蒲州刺史以近畿上南郊賦一篇辭致典釋歷太子賓

客開元二年卒今虞鄉有所撰柏梯寺碑

齊澣義豐人為蒲州司功參軍先天中侍中魏知古表薦之

時稱知人

蔣將明常州義興人天寶末辟河中使府以計佐其帥全并

潞等州後被拘伴狂以免號王巨引致幕府歷集賢殿學士

卒

趙驊字雲卿鄆州棗人開元中進士天寶中為河東丞採訪

使韋直以驊操履清直雅推敬之表為賓佐驊性孝弟敦交

道雖艱危不改其操天寶中語行義者必稱之歷秘書少監

卒

山西通志卷一百十二 名宦錄十二 十四

趙復永樂尉至德二年賊將崔乾祐守潼關郭子儀大破之

時復與河東司戶韓昱司士徐昊宗子李藏鋒等在蒲州密

謀侯王師至為內應及子儀至復等斬賊守陣者開門納子

儀乾祐奔

王翊太原人大歷中為河中少尹充節度留後悍將凌正橫

暴擾軍政約其徒夜謀斬關以逐翊有告者翊縮夜漏數刻

以差其期賊驚不敢發而遁擒正誅之軍城又安歷汾州刺

史建中二年拜振武軍使後為東畿防禦使卒謚肅

高郢字公楚衛州人第進士為郭子儀朔方掌書記力救判

官張曇下徙猗氏丞李懷光奏為從事累轉副元帥判官檢

校禮部郎中懷光將歸河中郢言西迎大駕豈非忠乎懷光

忿不聽及歸鎮又欲悉眾西時渾瑊軍孤羣帥未集郢與李



鄜誓死駐之屬懷光長子璿候鄜鄜諭以順逆璿震懼涕  
明年春鄜與都知兵馬使呂鳴岳都虞侯張延英同謀開遣  
上表及受密詔事洩二將立死懷光集眾將殺鄜鄜抗辭無  
所迴隱憤氣感發觀者泣下懷光慙沮而止諫議大夫孔巢  
父使河中遇害鄜撫而哭之及懷光誅李晟表其忠馬燧辟  
掌書記貞元末累拜同平章事罷復授尚書左僕射致仕卒  
謚貞

李鄜字建侯江夏人舉進士李懷光辟置幕府累擢監察御  
史懷光據河中鄜與母妻陷焉因給懷光以兄病臥格且革  
母欲往視懷光許可戒妻子無偕行鄜私遣之懷光欲加罪  
謝曰鄜籍在軍不得為母駕奈何不使婦往懷光止不復問  
後與高郢刺賊虛實及所以攻取者白諸朝德宗手詔褒答

山西通志卷一百二十二 名宦錄十二 十五

懷光覺嚴兵召二人問之鄜詞氣不撓三軍為感動懷光不  
殺囚之河中平馬燧破械致禮表佐其府以言不用罷歸洛  
元和初為河東節度使入為鹽鐵轉運使後自淮南召拜門  
下侍郎同中書門下平章事因辭致仕

張固字直之河南偃師人有吏才為河中府法曹參軍攝虞  
鄉令有能名遂署河東從事又攝絳州事元和四年有事適  
東方卒於汴友人韓愈為作墓碣銘

李巨川字下已隴右人唐初學士道元之後王重榮鎮河中  
辟為掌書記時車駕在蜀重榮匡合諸藩協力誅寇軍書奏  
請堆案盈几巨川文思敏速翰動如飛傳之鄰藩無不聳動  
重榮收復功巨川之助也及重榮為部下所害朝議罪參佐  
貶為漢中掾華帥韓建請掌書記代建傳檄天下請助轉餉

特授諫議大夫光化初朱全忠陷河中進兵潼關建遣巨川  
至河中見全忠指陳利害全忠聞巨川所陳心惡之判官敬  
翔復畏其才高遂遇害

韓偓字致光京兆萬年人第進士佐河中幕府累拜翰林學  
士與崔胤定策誅劉季述進承旨為朱全忠所惡貶官南依  
王審知卒以上蒲州府

宋璟邢州南和人耿介有大節好學工文辭第進士調上黨  
尉居官鯁介景雲初以吏部尚書同三品開元四年又以吏  
部兼侍郎封廣平郡公後罷以尚書右丞相致仕卒贈太尉  
謚文貞

陸長源字泳之吳人乾元中辟昭義節度薛嵩幕府嵩侈汰  
常從容規切嵩曰非君安能為此歷宣武軍司馬兵變遇害  
贈尚書右僕射

山西通志卷一百二十二 名宦錄十二 十六

魏瓘潞州府長史兼御史中丞寶應元年為大元帥府兵馬  
使會同統討賊為登里可汗榜捶死

盧瑒潞州節度王虔休掌書記軍司馬元誼據洛州虔休破  
之復遣瑒見誼陳利害誼請朝請即以瑒為洛州別駕使守  
洛

孔戡字君勝巢父從子第進士以大理評事佐昭義李長榮  
節度府盧從史代之留為書記從史與王承宗田緒陰相連  
結戡始陰爭不從後乘筆至不軌之言極諫以為不可從史  
始若受其言後益恣因謝病歸揚州李吉甫表置幕府戡未  
應從史曰是欲舍我而從人耶即誣以罪奏三上詔分司東  
都卒從史敗追贈司動員外郎



烏重允字保君河東將承玘子也少為潞牙將兼左司馬節度使盧從史奉詔討王承宗陰與賊連吐突承璀將圍之以告重允乃縛從史帳下士持兵合譴重允叱曰天子有命從者賞違者斬士斂手還部無敢動憲宗嘉其功擢河陽節度使累遷檢校司空封邠國公

賈直言河朔舊族也劉悟辟署義成府後徙潞亦隨府遷監軍劉承偕與悟不平陰與磁州刺史張汝謀縛悟送闕下以汝代節度事汝悟以兵圍承偕殺小使直言遽入責曰司空縱兵脅天子使者是欲效李司空邪他日復為軍中所指笑悟聞感悔匿承偕於第以免悟每有過必爭故悟能以臣節光明於朝悟死子從諫不發喪召大將劉武德等矯悟遺言與鄰道使共表求襲位直言入讓曰父死不哭何面目見山

山西通志卷一百一十二 名宦錄十二 十七

東義士平從諫曰欲反耳直言仰天哭曰爾父提十二州地歸朝廷為功臣然以張汝故自謂不潔淋頭卒羞死耶今日乃欲反耶從諫起抱直言項哭曰計窮而然直言曰君何憂無土地今脅朝廷正速死耳若從武德謀吾見劉氏為元濟矣從諫拜曰唯大夫救之直言乃自攝留後使從諫居喪初從諫惟耶兵二千同謀直言既折之軍中遂安太和九年卒贈工部尚書

唐漢寶儉之裔孫常參昭義幕府以劉稹拒命固諫合族為稹所害

李佐之潞州觀察使劉從諫病諷使還東郡不聽然亦感服諸將嫌其異議令奴告佐之漏軍中虛實稹殺之李師晦宗室子畫蕃馬李漸之孫也為劉從諫潞州從事

諫謀不軌遂隱居黎城山路州平朝廷嘉之就拜伊闕令韋虛心京兆萬年人漢子舉孝廉歷潞州都督府長史所在官吏振肅威令甚舉拜東京留守卒謚正

任國京兆三原人明敏善談辨李嗣昭節度昭義辟觀察支使梁兵築夾城圍潞州踰年而晉王堯晉兵救潞者皆解去嗣昭危甚問圍去就之計國勸嗣昭堅守以待不可有二心已而莊宗攻破夾城問圍為嗣昭畫守計甚善之由是益知名其後嗣昭與莊宗有隙圍數奉使往來辨釋講嗣昭卒免於禍圍之力也嗣昭戰胡柳擊敗梁兵圍頗有功嗣昭戰沒於鎮州圍代將其軍號令嚴肅遷節度判官召還後拜同中書門下平章事致仕安重誨矯制殺之以上路安府薛季昶絳州龍門人武后時自御史左遷平遙尉復拜御史

山西通志卷一百一十二 名宦錄十二 十六

封清河郡公謚忠所至介潔自守明吏治以強正稱薛元暖臨城丞卒於官祀名宦妻林氏丹陽太守洋之妹善屬文訓子彥輔等舉進士

杜審言襄州襄陽人第進士為隰城尉歷修文館直學士卒贈著作郎

徐堅字元固湖州長城人舉秀才及第為汾州參軍事累遷給事中開元中官集賢院學士堅性敏於典故多所諳識凡七當譏次高選卒贈太子少保謚曰文

崔隱甫貝州武城人隋散騎侍郎儵之曾孫解褐左玉鈐衛兵曹參軍遷殿中侍御史內供奉浮圖惠範倚太平公主腹人之女隱甫劾狀反為所擠貶邛州司馬元宗立擢汾州長史兼河東道支度營田使累遷刑部尚書東都留守以上汾州府



唐璿字休璟京兆始平人明經高第永濟中爲朔州長史突厥圍豐州都督崔知辨戰死時議棄豐保靈夏璿上疏詳陳其利害高宗從之以功封宋國公中書門下三品卒朔平王忠嗣華州鄭人威毅寡言有武略開元中試守代州別駕大猾閉門自斂不敢干法累遷朔方節度使代韋縱貞元十一年以大理評事知安邑縣鹽池事明審善斷羣情帖服祀名宦

馮興以詹事司直知解州鹽池平直守制阜財有經盧從愿字子襲相州臨漳人舉明經授夏縣尉累官吏部侍郎有名歷刑部尚書開元十六年坐事貶絳州刺史後拜吏部尚書卒諡文

崔日用滑州靈昌人舉進士初爲芮城尉累遷黃門侍郎參知機務封齊國公終并州大都督府長史諡昭

呂元膺東平人姿儀瓌秀有器識策賢良高第調安邑尉累官河東節度使入拜吏部侍郎正色立朝有台宰望以疾改太子賓客卒贈吏部尚書解州

陸展字祥文陝人光啟二年進士爲絳州刺史唐彥謙判官嗜學有才思鄭從讜寓絳州與之談宴無間先後稱之於朝位至清顯歷同平章事再當國罷遇害於白馬驛絳州

甯嘉助聖歷三年爲永和丞愍懷被害宮府僚吏莫敢近嘉助解衣裹首號哭時人義之宗楚客聞而大怒收付制獄貶平興丞尋卒睿宗初下制曰甯嘉助能重名節事高樂向幽塗已往生氣凜然靜言忠義追存褒寵可贈永和縣令幽州

李素立趙州高邑人貞觀中累拜揚州都督府司馬初突厥

鐵勒部內附卽其地爲瀚海都護府卽燕然都護也詔素立領之時闕泥熟別部數梗邊素立以爲不足用兵遣使諭降夷人感其惠率馬牛以獻素立止受酒一杯歸其餘乃開屯田立署次虜蓋畏服封高邑縣侯綿州刺史後徙蒲州會卒高宗特廢朝一日諡曰平

李景畧幽州良鄉人大歷末客河中閩門讀書李懷光爲朔方節度景畧署巡官五原將張光毅其妻以貨市獄前後不能決景畧發實論殺之既而有若如厲者敬謝庭中如光妻狀顯名於時回紇將南寇朝議當得良將舉景畧拜豐州刺史天德軍都防禦使窮塞苦寒地瘠鹵邊戶勞瘁景畧至節用約己與士同甘苦鑿感應永清二渠溉田數百頃儲慮器械畢具威令肅然以禮制虜聲雄北疆回紇畏之卒於屯贈

工部尚書

任迪簡京兆萬年人舉進士爲天德軍使李景畧判官性重厚嘗軍宴行酒者誤以醴進迪簡以景畧性嚴慮坐主酒者乃勉飲盡之而僞容其過以酒薄白景畧請換之於是軍中皆感悅貞元二十年景畧卒服以其長者議請爲帥監軍聞之拘迪簡於別室軍服連呼而至發局取之表聞德宗使察之具以軍情奏除豐州刺史天德軍使時公私缺乏欲饗士而無所給至與門下同糗食身居戟戶踰月軍中感其公請安隊內三年上下完充入拜太常少卿出鎮易定以疾改太子賓客卒諡曰襄以上

右唐七十三人

盧質字子微河南人幼聰慧善屬文事唐爲祕書郎後游太



原晉王以爲河東節度掌書記質與張承業等定議立莊宗爲嗣莊宗即位欲以質爲相質性疎逸不欲任責固辭不拜拜太原尹北京留守晉天福中卒年七十六謚文忠

何瓚閩人唐末舉進士及第莊宗爲太原節度使辟爲判官張承業卒代知留守事爲人明敏通於吏事外若疎簡而內頗周密馬步都虞侯孟知祥等皆以軍禮見瓚常繩知祥以法莊宗建大號拜諫議大夫明宗時拜西川節度副使卒

呂琦字輝山幽州安次人美風儀重節概少喪其家游學汾晉之間唐莊宗鎮太原以爲代州軍事推官後拜端明殿學士晉天福中卒

李承勳爲太原少尹晉王遣使燕賀册尙父至燕而劉守光已僭號有司迫承勳稱臣承勳不屈以列國交聘禮入見守

山西通志卷一百一十二 名臣錄十二

光怒殺之

路德延相國巖之姪嶽之子也時謂才俊擢進士第授河中判官爲西平王朱友謙幕僚友謙背梁乞降於晉并使初至禮遇方謹德延上言語及之友謙憤因投德延於黃河

張昭字潛夫濮州范縣人攜文謁與唐尹張憲憲奇之署推官憲爲北京留守昭亦從至晉陽能成憲之節符彥超曰推官正人無得害之又逼昭爲榜安撫軍民事平爲北京留守推官加殿中侍御史內供奉官賜緋入宋爲吏部尙書卒昭博通學術書無不覽云

右後唐六人

段希堯河內人晉高祖爲河東節度使以希堯爲判官高祖軍屯忻州軍中有擁呼萬歲者高祖惶惑不知所爲希堯勸

斬其亂首乃止高祖將舉兵與質佐謀希堯以爲不可高祖雖不聽然重其爲人不之責也累遷禮部尙書卒

吳巖字寶川邠州盧縣人清泰中爲大同節度判官遼師過雲州節度使沙彥珣出城迎謁爲遼所執城中推轂主州事巖卽閉門拒守遂以兵圍之晉高祖立以雲州入於遼而巖猶守城不下遼師圍之凡七月高祖義巖所爲乃以書告遼使解兵去而召巖爲武甯軍節度副使後殉城於貝州

右後晉二人

張崇祐廣順二年爲解州刺史兩池榷鹽使多規畫鹽池利害顯德二年改德州又改澤州後在泗州勸李重進舉義被

害程光遠顯德間由進士以大理司直兼監察御史守異持清

山西通志卷一百一十二 名臣錄十二

介杜賄遺弊絕風清百姓戴之如父母風厲著聞鎮邊使王德都虞侯張進鎮翼常戒其下曰勿犯程公其見嚴憚如此

右後周二人

李讓眞定人起家河東幕僚慷慨善談兵饒技略天福十二年高祖以世祖爲太原令擢讓少尹以佐之居無何隱帝遇害侍中郭威遣馮道等迎相陰公贊於徐州是時人皆知威非實意世祖心獨喜以爲吾兒爲帝夫何患讓因是陰說世祖曰知幾其神時不可失郭公舉兵犯順其勢不能爲漢臣必不爲劉氏立後公不如疾引兵踰太行據孟津俟徐州相

公卽位然後還鎮則郭公不敢動矣不然且爲所賣世祖大罵曰驢腐儒欲離間我父子命左右牽出斬之驢呼曰吾負經濟才而爲愚人畫計死誠宜矣然吾妻病不可獨存願與



俱死卽并戮其妻已而威果自立爲皇帝弒湘陰公於宋州  
世祖大哭曰吾不用忠臣之言至於此爲驥立祠太原  
鄭珙青州人少有異才世祖行太原尹時珙留守判官乾  
祐初政在大臣樞密使郭威新討三叛立大功而與世祖有  
隙世祖頗不自安珙因進曰晉陽兵雄天下地形險固十州  
征賦足以自給公爲宗室老不以此時爲計後必爲人所制  
世祖曰子言正合吾意遂表募兵四指揮以備契丹於是收  
豪傑籍民益兵與威隱若敵國然未幾卽位於太原除珙中  
書侍郎同平章事

李光美河南人世祖自立於太原署光美客省使光美常爲  
直省素諳前後典故至是庶事草創朝廷制度儀注一出光  
美之手綱舉目張頗得大體時人比於晉王彪之唐裴冕云

右北漢三人

盧揆字錫圭淄州淄川人第進士以太常丞通判并州至道  
中就加太常博士咸平二年選爲開封府判官及幸澶淵轉  
運有勞特遷于隰州推官士宗秩終右諫議大夫

劉漢字仲章保塞人文質子以父任監并州倉天聖中上書  
請章獻后還政將黥隸呂夷簡薛奎力救得免後擢右正言  
會河東走馬承受奏換他事坐貶尋知遼州熙甯中以工部  
尚書致仕卒

陳從易字簡夫泉州晉江人第進士爲嵐州團練推官仕至  
龍圖閣直學士卒從易好古篤行歷官以清德聞

陳薦字彥升邢州沙河人第進士從韓琦河東幕府薦性木  
張簡澹獨琦知之最深每語人曰廉於進勇於退嫌疑間臺

山西通志卷一百十二 名宦錄十二

髮不處與人交久而不變如彥升者無幾也

張載字子厚邠人嘉祐二年登進士第始仕邠縣司法遷丹  
徒雲巖縣令熙甯中爲崇文館校書同知太常禮院世稱橫  
渠先生清祐初封鄆伯從祀孔子廟庭

呂景初字冲之開封酸棗人舉進士通判并州後爲殿中侍  
御史屢獻讜言擢天章閣待制知諫院卒

司馬光字君實夏縣人第進士以集賢校理從龐籍辟通判  
并州三上章請建國嗣麟州屈野河西多良田夏人蠶食其  
地爲河東患籍命光按視光建言築二堡募民耕之耕者眾  
則糴賤亦可漸紓河東貴雜遠輸之憂籍從其策而麟將郭  
恩勇且狂夜渡河不設備沒於敵籍得罪去光三上書自引  
咎不報仕至左僕射卒贈太師謚文正

山西通志卷一百十二 名宦錄十二

蘇過字叔黨眉州人賦子以詩賦解兩浙路禮部試下任右  
承務郎徽宗時監太原府稅時游晉溪終通判中山府有圃  
名小斜川自號斜川居士時稱小坡蓋以賦爲大坡也

陳知白爲太原縣尉分引晉水灌田民用大饒  
賀鑄字方回衛州人工長短句隸籍右選監太原工作有貴  
人子同事驕倨不相下鑄廉得盜工作物屏侍吏問之密室  
以杖數曰來若某時盜某物爲某用某時盜某物入於家然  
平貴人子惶駭謝有之鑄曰能從吾治免白法官卽起自袒  
其肩杖之數十貴人子叩頭求哀卽大笑釋去自是請挾氣  
力頡頏者皆側目不敢仰視後換通直郎居吳卒

鄭驥字潛翁信州玉山人元符進士通判岢嵐軍高宗初以  
直祕閣知同州兼沿河安撫使殉城謚威愍以上太原府



劉保勳字修業河南人處讓子後唐清泰中裁十許歲攝潞州左司馬宋太平興國初通判晉州太宗征晉陽以戶部郎中為隨軍轉運使兼勾當北面轉運事又與侯陟同勾當軍前諸事會陝西北路轉運事雷德驥調發沁州軍糧後期詔以保勳代之太原平命知并州逾年召遷後知開封府雍熙三年以浚溝之役陷淖卒

崔道度字堅白淄川人純介好學太平興國進士為臨汾主簿有惠政部晉州芻糧三抵綏州涉無定河河沙與水混流無定跡陷溺相繼道度憫之著銘以紀焉端拱初轉運副使夏侯濤上其勤狀召歸擢著作佐郎後為昇王友卒

李若谷祥符間為翼城縣主簿振厲學校貧民有不能嫁娶者捐俸餘以給士民咸愛之

山西通志卷一百二十二 名宦錄十二 三五

劉隨字仲豫開封考城人第進士為右正言坐不察舉人私授策辭累徙通判晉州還朝遷右司諫累疏言丁謂王欽若惡又諫章獻后終天章閣待制隨臨事明銳敢行人號水晶燈籠

王巖叟字彥霖大名清平人十八舉明經科鄉與省試廷對皆第一熙甯中監晉州折博煉鹽務元祐中拜中書舍人滕甫帥太原為走馬承受所撼徙穎昌巖叟封還詞頭言進退帥臣理宜重慎今以小臣一言易之使後人畏憚不自保此風浸長非委在安邊之福乃止六年簽書樞密院事罷為端明殿學士卒

李若水字清卿洛州曲周人上舍登第調平陽府司錄靖康中以著作佐郎為使見金宗翰於雲中纒歸兵已南下復假

徽猷閣學士往至中牟還晉禮部尚書殉節青城謚忠愍上

顏太初字醇之顏子四十七世孫居彭城博學有雋才第進士為臨晉主簿政聲焯著因事至同州葬通判宋武父子蘇舜欽表其事於墓左後為南京國子監說書卒

朱壽昌字康叔揚州天長人以父異蔭至知廣德軍母劉氏異妾也方娠而出壽昌生數歲始歸母子不相見五十年熙寧初與家人辭訣棄官入秦遂得之於同州壽昌以養母故求通判河中府數歲母卒居喪幾喪明累官司農少卿卒

孫載崑山人紹聖初為河中府戶曹更三守皆立威嚴者載獨與之爭持曲直不事詭隨後除河東轉運判官時稱為循吏

山西通志卷一百二十二 名宦錄十二 三六

晁詠之字以道濟州鉅野人補之從弟舉進士又舉宏詞一時傳誦其文為河中教授元符末應詔上書論事罷官後提點崇福宮卒

韓宗厚長社人德之孫也以蔭官至慶成軍使兼知滎河縣性通敏篤好學問長於吏治雖案牘叢委一視察其隱吏人畏惕不敢欺嘗受學於王安石安石既輔政同時預丈席者多被薦擢宗厚諫齟齬不諧故不得大用著有文集百卷卒於官朱光裔嘗志其墓

郭忠孝字立文河南人達子受易中庸於程氏第進士宣和間為河東路提舉盜賊止治其首餘悉寬貸宰相王黼怒之坐免靖康初命提點永興軍刑獄措置保甲忠孝得勝兵三萬遣兵趣澤潞聽宣撫司節制永興帥范致虛入援



忠孝曰金人深入而河東無守備不致坐困乎願分兵走太行扼其歸路遂以蒲縣軍三千破金人于猗氏踰絳州破太平砦入平陽郭會清灑師潰乃引還後殉永興城

李之儀字端叔滄州無棣人登第三十年乃從蘇軾於定州徽宗初提舉河東常平坐為范純仁遺表作行狀編管太平終朝請大夫之儀工尺牘賦謂入刀筆三昧以上蒲州府

苗時中字子居壺關人家宿州以蔭入官為潞州司法參軍郡守欲入一囚于死執不可守怒責甚峻時中曰甯歸田里法不可奪守悟而聽之熙甯中為河東轉運使終戶部侍郎李昭玘字成季濟南人第進士以祕閣校理通判潞州潞民死多不葬昭玘斥官地畫兆窆具棺衾作文風曉之俗為一變靖康初以起居舍人召而已卒昭玘自號樂靜先生寓意

山西通志卷一百二十二 名宦錄十二

法書圖畫貯于十囊命曰燕游十友云

趙伯臻通判隆德府金兵至與知府張確協力拒守城破死之張彥適府司錄也同時死以上安府

趙瞻亳州永城人舉進士第英宗治平初自都官員外郎除侍御史以濮議持詔曉天下及使還聞呂誨等諫濮議皆罷去乞與同貶遂通判汾州政以愛民為本神宗朝遷司封員外郎知商州累官樞密直學士以中大夫同知院事卒謚曰懿簡有著述行世

陳膏汾州教授佐守臣張克戡捍禦金人有功司馬樸字又季夏縣人育於外祖范純仁調晉甯軍參軍通判不法轉運使王似調樸伺其過樸曰下使陷長官不惟亂常人且不食吾餘矣不敢奉教似賢而薦之靖康初入為右

部虞司員外郎以上汾州府

宋昌言趙州平棘人以蔭為澤州司理參軍州有殺人獄昌言疑其冤堅請緝捕後果得真犯者仕至少府監卒

陸餘慶吳郡人慶歷初為陽城縣尉時靈勝二州党項為寇詔餘慶論以恩信寇率眾歸附民甚德之子璪為西河太守亦有異績封平恩縣男

時敦彭門人任澤州判官政事詞翰推重一時以上澤州府

崔鷗字德符陽翟人第進士徽宗初極論司馬光忠章惇姦蔡京籍為邪黨移病屏處十餘年宣和六年起通判甯化軍召入道中草疏曰數十年來王公卿相皆自蔡京出要使一門生死則一門生用一故吏逐則一故吏來更持政柄無一人立異無一人害己者此京之本謀也海宇胥壯之晉龍圖閣直學士卒

山西通志卷一百二十二 名宦錄十二

張汝明字舜文廬陵人第進士徽宗時以司門員外郎通判甯化軍地界遼文移數往來汝明名觸其諱遂以檄暴於朝安撫使問故眾欲委罪於汝明曰詭辭欺君吾不為也責

監壽州麻步場晚知岳州卒以上甯州府

李京字伯升趙州人第進士歷平定軍判官後為監察御史屢上直言為鄉里吳鼎臣所陷貶卒平定州

裴莊字端己閬州閬中人蜀第明經太宗時權忻州錄事參軍先是并州倚積軍儲條制甚峻掌出納者常十餘人莊代之獨任其事擢授絳州防禦推官提點并嵐二州緝帛芻糧改遼州判官仍留舊局雍熙三年命將巡邊掌隨軍糧料內客省使楊守一稱薦之授大理寺丞時遷河朔降戶於汝洛



道莊安輯之俄通判忻州未上道改澶州景德中知潞州祀汾陰為北嶽加號冊禮副使撰北行記三卷以獻卒年八十

張信渭南人端拱至道年忻州通判史稱勤幹威惠

胡則字子正婺州永康人太宗時第進士調憲州錄事參軍

時靈夏用兵轉運使索湘命部送芻糧為一月計則曰為百

日備尚恐不支奈何為一月邪湘懼無以給遣則入奏太宗

因問邊策對稱旨願左右曰州縣豈乏人命記姓名中書後

李繼隆師久不解相語則曰微子幾敗我事一日繼隆移文

轉運使曰兵且深入糧有繼乎則告湘曰彼師老將歸欲以

糧乏為辭耳姑以有餘報之後果為則所料仁宗初權三司

使通京東西陝西鹽法民便之後遷兵部侍郎致仕卒

張旨字仲微懷州河內人仁宗時通判忻州復通判府州元

吳攻不能下後提點河東路刑獄范仲淹歐陽修言其驚

武有謀略除閤門使固辭後以光祿卿知潞州移知晉州請

判西臺卒以上忻州

武英字漢傑太原人仁宗時以右班殿直為忻代州同巡檢

會州將出獵留飲英曰今空郡而來萬一敵乘間入城奈何

既而敵百騎果入寇英領眾左右馳射悉擒獲之以功遷左

班殿直後戰沒于好水川贈邢州觀察使

姚孝錫豐縣人徽宗時調代州兵曹金兵入雁門州將議以

城降官屬惶懼孝錫投狀大紆略不為意大府遂注孝錫為

五臺簿因家五臺善治生歲饑出粟萬石賑之全活甚眾

史抗濟源人宣和末為代州沿邊安撫副使金圍代急抗夜

呼其二子稽古稽哲謂曰吾昔語用事者屬門控制一道宜

擇師增戍以謀未形之患若使橫流則無所指矣言雖切皆

不吾省今重圍既固外援不至吾用六王術占之明日城必

陷吾將死事汝輩亦勿以妻子為念也能聽吾言當令家屬

自裁然後同赴義二子泣曰唯命明日城果破父子三人突

圍力戰死於城隅以上代州

孔文仲字經父臨江新喻人舉進士南省第一制舉對策九

千言言新法不便罷通判保德軍時征西夏眾數十萬皆道

境上久不解邊人厭苦文仲陳三不便曰大兵未出而丁夫

預集河東雇夫勞民而損費諸路出兵首尾不相應虞夏商

周之盛未嘗不外侮然懷柔制禦之要在彼而在此也元

祐初召入仕至中書舍人卒蘇軾歎曰世方嘉軟熟而惡崢

嶸求勁直如吾經父者今無有矣

侯贊并州太原人父義漢遼州刺史贊以蔭補殿前承旨周

顯德中遷供奉官江南平命領三門集津發運事宋初為諸

衛將軍朝廷歲仰關中穀麥以給國用命贊掌其事歷三十

年國用無闕累遷至右武衛將軍卒年七十四贈本衛上將

軍

張硯延平人元祐間通判解州軍事兼管內勸農事政尚寬

簡吏民多信懷焉

李綽元祐間知解鹽池事自王峪口築堰防池由東而北至

苦池灘排條山諸谷之水并白沙泛濫之水胥由池以達於

渠後人因名其堰曰李綽堰

趙賀字餘慶開封封邱人舉毛詩及第為大理評事鹽池吏

山西通志卷一百一十二 名宦錄十二 三五

山西通志卷一百一十二 名宦錄十二 三五



欺緝錢選賀往解州鈞校出入悉得其奸仕至給事中卒賀  
精明吏不敢欺人目為趙家關謂如關梁不可越也以上  
呂夷簡字坦夫壽州人蒙正弟子第進士補絳州軍事推官  
相仁宗封許國公以太尉致仕卒贈太師中書令謚文靖夷  
簡於天下事屈伸舒卷動有操術

富弼字彥國河南人舉茂材吳等通判絳州歷相三朝累封  
韓國公卒謚文忠

李大臨字才元華陽人第進士為絳州推官杜衍安撫河東  
薦為國子監直講終天章閣待制與宋敏求蘇頌稱熙甯三  
舍人以上

薛奎字宿藝絳州正平人第進士真宗時任隰州軍事推官  
州民嘗聚博僧舍一日盜殺寺奴取財去博者適至血偶流

山西通志卷一百二十二 名宦錄十二 三

衣邏卒捕送州考訊誣服奎獨疑之白州緩其獄後果得殺  
人者累官參知政事卒謚簡肅

劉奉世字仲馮臨江新喻人做子第進士元祐七年僉書樞  
密院事章惇當國乞免去紹聖中邢恕劾之再貶隰州團練  
副使政和中終端明殿學士奉世優於吏治政尚安靜云

姚坦字明白曹州濟陰人開寶中以尚書擢第調補江陵尉  
歷隰州推官將作監丞太平興國三年為著作佐郎通判唐  
州八年諸王出閣詔給諫以上於朝班中舉年五十以上通  
經有文行者以備官僚乃以坦為皇子翊善終光州知州

州隰

右宋五十三人

張儉宛平人性端慤不事外飾統和十四年舉進士第一調

雲州幕官故事車駕經行長史當有所獻聖宗獵雲中節度  
使進曰臣境無他產惟幕僚張儉一代之寶願以為獻先是  
上夢四人侍側賜食人二口至聞儉名始悟召見容止樸野  
訪及世務占奏三十餘事由此願遇特異踐歷清華號稱明  
幹後仕至太師加尚父封陳王卒大同

右遼二人

盧孝儉宣德州人登天眷二年第調憲州軍事判官累官太  
原少尹大定二年陝西用兵尙書省發本路稅粟赴平涼充  
軍實期甚嚴迫孝儉輒易以金帛馳至平涼用省而不失期

山西通志卷一百二十二 名宦錄十二 三

并人稱之太原

伍禮厚與定中任吉州同知元兵陷吉與其妻墜崖死平陽

劉從謙字光甫以明經擢進士泰和元年任萬泉主簿寬猛  
適中舉錯有法嘗罄俸資以修廟學祀名宦

李復亨字仲修河津人年十八舉進士調臨晉縣主簿護送  
官馬入府宿逆旅有盜殺馬復亨曰不利而殺之必有讐者  
盡索逆旅同人過客同邑人囊中盛佩刀謂之曰刀蟻馬血  
火燬之則刃青其人款服果有仇遷南和令累官參知政事  
兼修國史終安國軍節度使

康錫字伯祿甯晉人崇慶二年進士以司農丞出為河中府  
治中氣質重厚公家事知無不為與雷淵冀禹錫齊名人以  
公輔器推之元兵陷河中投水死



侯小叔河東人為河中府判官權安撫副使散家財以賞戰士元兵圍河中急人勸小叔降之皆斬密遣經歷官張思祖潰圍出奔告於汴京明日城陷小叔死之以上蒲州府

梁鐘范陽人明昌間為昭義軍節度使觀察判官有惠政民祀之

女奚烈資祿咸平人為潞城簿平政刑敦禮教吏憚其威民與於行

楊敏中淄州人先為屯留尉致仕家居貞祐初元兵取淄州與州判官齊薦揚募兵備禦城破被執不屈死贈昭勇大將軍同知橫海軍節度使事

完顏六斤中都人宣宗時以元帥右監軍守潞州與元兵力戰死贈御史大夫

山西通志卷一百二十二 名宦錄十二

馬甫潞州都統興定元年元兵狗潞州甫死之見武職重出

王無咎磁州武安人為昭義軍節度副使金亡不仕徙樂平築室於邑之秦山以山水自娛號青峯有秦山小隱圖名公多所題咏以上潞安府

董時中字紹祖洛州人好學強記擢皇統九年進士調澤州軍事判官改平遙丞有劇賊王乙素凶悍不可制師中捕得杖殺之一境遂安時大軍後野多枯藁縣有遺糧寓於驛舍者悉為葬之遷綿上令後仕至尙書左丞卒謚文定

完顏宗璧宗室子少恬靜好學以賢雅稱大定中同知石州軍事廉潔自持有聲譽及代去父老作去思堂於盧橋瑤石之東繪其像堂壁

石抹元毅咸平府路猛安人明昌中以最遷汾陽軍節度副

使時石嵐間賊黨嘯聚肆行剽掠朝廷命元毅捕之賊畏而遁元毅追襲盡殲之一境以安遷同知武勝軍節度使事別郡有殺人者屢鞠不伏元毅訊不數語即具服河東北路田多山坂磽瘠大比時定為上賦民力久困朝廷命相地更賦元毅以三壤法平之民賴其利後戰歿於撫州以上汾州府

李瞻劄州玉田人遷進士天會間累遷德州防禦使為政寬平民懷其惠正隆末拒忠順軍節度使

丁暉仁字藏用宛平人沖澹寡欲讀書之外無他好皇統二年登進士第自丞令累遷至刺史所在有治聲改同知西京留守首興學校以明養士之法終陝西轉運使

曹望之字景蕭遼季自臨潢移家宣德除西京教授大定中為德州防禦使有惠政百姓為立生祠改同知西京留守事

山西通志卷一百二十二 名宦錄十二

上書論便宜事多見採納仕至戶部尙書

馬惠迪鄆陰人由進士歷昌邑令尙書令史大定中出為西京留守判官以治最擢同知崇義軍節度使

劉仲洙字師魯順天宛平人大定三年登進士第歷龍門主簿章宗即位除西京路提刑副使先是田穀等以黨罪廢錮者三十餘家仲洙知其寃上書力辨帝從之乃復穀官爵而黨禁遂解明昌二年授并王傅兼知大同府事尋改平陽後為定海軍節度使時仲洙兄仲淵以罪謫石州仲洙請以萊易石朝廷義而不許致仕卒仲洙果於從政所在有功績號能吏

完顏阿喜宗室子好學問製北京路善栢山猛安聽訟明決人信而愛之察廉能除彰國軍節度副使又改上京留守判

使時石嵐間賊黨嘯聚肆行剽掠朝廷命元毅捕之賊畏而遁元毅追襲盡殲之一境以安遷同知武勝軍節度使事別郡有殺人者屢鞠不伏元毅訊不數語即具服河東北路田多山坂磽瘠大比時定為上賦民力久困朝廷命相地更賦元毅以三壤法平之民賴其利後戰歿於撫州以上汾州府

李瞻劄州玉田人遷進士天會間累遷德州防禦使為政寬平民懷其惠正隆末拒忠順軍節度使

丁暉仁字藏用宛平人沖澹寡欲讀書之外無他好皇統二年登進士第自丞令累遷至刺史所在有治聲改同知西京留守首興學校以明養士之法終陝西轉運使

曹望之字景蕭遼季自臨潢移家宣德除西京教授大定中為德州防禦使有惠政百姓為立生祠改同知西京留守事

上書論便宜事多見採納仕至戶部尙書



官提刑司奏彰國治狀 同知速頰路節度事仕至河南統軍使卒

烏林答暉明德后兄除蒲 地碗羣牧使謹畜牧不事遊宴孽產蕃息進秩改特滿羣牧 大定時遷都點檢卒 以上大

移刺子敬字同文遼五院 父拔魯天祚西走留督輜重已而輜重被掠乃自光逃於山 林子敬諳書好學除同知遼州

事舊本廳自有占地歲入數 日貫州官歲取其課地主以為例未嘗請辨于敬曰已有公 山何為更取民田竟不取秩滿

郡人請留於行臺省不許大 時為諫議大夫上幸西京子言山後禁獵地太廣有妨百姓耕墾上用其言遂以四外

獵地與民後自簽書樞密院事 出為河中尹河中地熱土恐子敬不耐暑改與中尹致仕卒

山西通志卷一百一十二 官錄十二

柴庭明昌七年為武略將軍充 州司戶飛騎尉有治行禱

雨輒應 以上

段德祥陽曲人以徵辟召見上奇 之授定襄簿兼縣尉慈祥

樂易明敏有為 州

烏古倫榮祖本名福興河間人明昌二年進士歷官中都總

管府判官察廉除震武軍節度副使遷海州刺史貞祐二年

城破力戰死之

張大爵五臺人天眷中以進士任 崞縣丞廉謹剛直果於從

政世宗甚愛之累遷戶部侍郎

趙晦為代州士曹善篆隸詩筆 雅有集傳與宇文虛中有

舊時守崞縣聞虛中以使事 城遂駕短轅下澤與虛中

相聚凡旬日而歸虛中為賦詩 以識一時之事

毛瑞卿彭城進士為崞縣簿推 豪石奸民欵跡排比戶計

貧富適當貞祐三年升尚書令 以上

孔祖湯泰和三年進士興定中 為寶昌軍節度副使與霍州

刺史阿里合同被元獲令之 跪不從而死贈資善大夫同知

平陽府事 州

郭通亳州人大定初擢陝西路 轉運司都勾判官時晉絳戶

稅轉運平涼通監視之官吏無 敢有秋毫之犯二州民舉手

加額後為絳陽軍節度副使父 老咸曰此昔平涼閔恤我曹

者也再期年大治絳人給像於 天甯寺舍立石紀德終清河

防禦使

王宗儒大定間為聞喜縣丞署 縣事能決獄弭盜興學愛民

王觀遂州人以詞賦擢進士第 調聞喜丞廉潔詳辨民皆畏

服

山西通志卷一百一十二 名官錄十二

張升大同人為絳州錄事趙偉 反謂所識者諛不能從赴水

死 以上

李曼高平人判隰州軍事政尚 平易號為循良

右金三十三人

胡祇通字紹開磁州武安人至 元元年忤阿合馬出為太原

路治中兼提舉本路鐵冶將以 歲賦不辨責之及涖職乃以

最聞改河東山西道提刑按察 副使

馬英初通跡石州金末避兵台 河元署興州觀察使判官政

成訟息惠愛及民祀名宦

李繼本東安人至正間以翰林 檢討出為山西省理問尋授

太原府同知以文學政事有聲 有文集行於世



顏瑜曲阜人復聖公五十七代孫以行誼舉任陽曲教諭訓  
迪士子殷殷不倦被賊執罵不絕口死之祀名宦以上太

王憚字仲謀衛州汲縣人至元九年授承直郎平陽路總管

府判官太平縣民陳氏殺其兄行賂緩獄蔓引逮繫者三百

餘人至五年不決委憚決之一訊即得其實乃盡出逮繫者

時絳久旱一夕大雨大德八年卒追封太原郡公

楊佑之大德年在翼城縣主簿精敏有幹略勸農興學後鄉

舉賈之美李邦獻等立碑記之以上平

周泰東平進士潞州同知以文學飾吏治一時制作多出其

手

朱思齊屯留人潞州判官才氣英邁儒吏兼通為政寬仁不

尚刑罰

山西通志卷一百一十二 名宦錄十二

沙班至正時任黎城主簿公勤有幹稱賢倅焉以上潞

陳資壽錦州永樂人以監軍駐甯鄉勦捕羣寇輯安人民

高岡字陟夫甯鄉人初為本縣尉尋遷石州軍判中統元年

進同知岡達民情精吏事民德之

陸大用神峯人延祐中同知汾州廉公有威吏民畏服

程邦彥祁邱人善詞章工草隸賦詩撰文稱三絕任汾州同

知奉法循理郡人德之有遺愛碑

李朝英孟縣人金進士孝信孫至正間判汾州有政績以上

府

周克明字文舉清苑人至元四年主簿陽城縣政尚寬簡禮

兩有應民為立碑祀名宦

李鎔山東人至正間由河東運司遷沁水簿築室城南石樓

山延絳人郭晉以道德文章率諸生一時士習丕變雖兒童  
婦女皆趨教化以上澤

劉源字巨川翼城人以儒吏兼通充宣慰佐史奏對稱旨授

勅牒為西京路經歷至元二十九年遷授將仕郎本縣尹廉

能簡靜有蒲鞭遺風葺學校不勞民力翕然修舉大同

許有壬字可用居湯陰延祐二年進士授同知遼州事會關

中有警鄰州聽州民出避乘孩嬰滿道有王獨率弓箭手閉

城門以守卒獲無虞州有追逮不許胥隸足跡至村墮唯給

信牌令執里役者呼之民安而事集右族貪虐者懲之冤獄

雖有成案皆平反而責其罪州送大治六年已未遷山北廉

訪司經歷

張欽祖至正間知和順縣事鼎新學校譽重當時

山西通志卷一百一十二 名宦錄十二

梁宇初為榆社丞歷任趙城汾西太原徐溝擊強治奸廉能

有聲治行為諸縣最以上

保保至正元年同知平定州時春三月不雨至夏六月禾稼

就稿保保免冠跣足禱于崔府君廟明日雨大降秋七月復

不雨禱如初雨復降遂命修其廟翰林學士揭傒斯為之記

崔可儀任壽陽主簿築濟城分工共理以勤慎著

顧思孝延祐間平定州學正作文簡古以儒雅稱於時

拜出至正間同知孟州事時雜役繁重又修管芹泉驛舍出

奏於朝罷其役人民賴之祀名宦

劉福平定元帥府監軍服其恩信于熙載有學行父子相

繼者凡十餘年以上平

皇甫德崞州人丰采奇偉穆呼哩器之延祐時務拜信威將



軍本州觀察判官行元帥府事扇仁風紳強梗興學校勸農桑民以良牧稱之州代

王守忠潞州人至大間隰州判官佐政有方

李良中山人由春官出為蒲縣主簿慈祥明決刑獄不濫泣任半載四境晏如以上隰州

右元二十八人

山西通志卷一百十二

山西通志卷一百十二 名宦錄十三

三九

名宦錄十三

錄一之十三

山西通志第一百十三

賜進士出身高慎賢刑部侍郎兼都察院右副都御史巡撫山西提督軍務張鼎勳

庶官明 國朝

熊鼎字伯穎臨川人元末舉於鄉鄧愈薦之留幕府洪武時為晉王府右傅坐累左遷大同衛知事復授晉王府參軍八年改岐甯衛經歷梁兒只叛為賊遇害

桂彥良名德偁以字行慈谿人元鄉貢進士洪武六年徵詣公車後為晉王府右傅上親為文賜之彥良入謝上曰江南大儒惟卿一人彥良至晉製格心圖獻王後更官制改左長史請告歸卒

龍鐔字德剛江西萬載人洪武十三年貢為國子生累官晉

府長史建文中靖難師起朝廷徵兵於晉鐔以大義力主發兵靖難後詔械鐔至不屈死之

周幹瀏陽人洪武間貢入太學授山西布政司照磨廉慎有為大著才名永樂中歷升浙江布政使

徐讓布政司理問材氣磊落有口辨建文時應募齎書物至北平議和解兵受而不答還授衛鎮撫軍前差遣戰歿

張卿汶上人永樂間解元任教諭升山西按察司經歷承檄執妖賊勦敵屢立奇功升德慶州知州母卒慮於墓側詔旌其門累官鳳陽知府

李夢陽字獻吉慶陽人宏治癸丑進士歷戶部郎中為尙書韓文屬草劾劉瑾瑾矯旨誦山西布政司經歷勒致仕後起江西提學副使歸卒諡景文



朱哥開州人為吏科給事中以劾輔臣趙志舉張位坐謫山  
西按察司知事卒天啟中贈太僕寺少卿

楊松河南衛人為御史巡皇城劾尚膳少監黃雄詐稱駕帖  
請三級給事御史交章救不納謫山西布政使照磨終山西  
副使

副使

麻僖慶陽進士為兵科給事中以倚附東林謫山西按察知  
事後仕至太常卿賊陷慶陽不屈死

翟鳳翀字凌元益都進士為御史抗疏極論中官呂貴冉登  
刑洪罪謫山西按察司經歷與給事中郭尚賓號二諫後為  
兵部右侍郎巡撫天津卒贈兵部尚書

楊浩濟甯人由鄉舉入國學除河東鹽運判官景帝建大隆

福寺殿壯與大興隆並四年三月寺成克期臨幸浩抗疏切  
諫乃止聲藉甚累官延綏巡撫卒

山西通志卷一百三十三 名宦十三

胡瓚餘姚人進士宏治間運司同知才識敏練時場積餘鹽

官民俱苦之瓚建議請改派稱兩便焉中場收放鹽課多  
則病民少則病商瓚一歸於平後致政去

廖俊江西新淦人進士正德間以工部郎中升運司同知俊

居官廉貧不能歸遂寄籍焉有河東漫興集行於世  
劉勳潛江人嘉靖間任運同清而勤戴星掣放無倦色

王建中平湖人萬歷間由省中遷福建按察使謫河東運判

持己清廉凡興革大務如歷待進鹽運發遺商等事胥力爭  
不為勢沮

不為勢沮

盧友竹崇禎間運司同知清潔不染攝總司篆痛革陋規禁  
衙役覆隱匿又增兵濬濠為城守計臨機應變調度有法

黃里雲內州同知洪武五年秋蒙古兵突入城里率兵巷戰  
力竭死之以上

謝忠上虞人洪武初任太谷縣主簿以文學政事著稱

承谷容武進人交城縣丞勸課農桑平徭薄賦升兖州府同

知

陳章應晉江進士榆次縣丞調安邱藩憲考其學優廉幹以  
狀聞特降旌榜嘉之終禮部主事

馬謙順德人交城縣丞興學勸農政績甚著升戶部主事  
黃福字如錫昌邑人由鄉貢初授項城縣簿改清源清廉仁

愛民無不懷以憂去後以京衛經歷上書論國大計太祖奇  
之升工部右侍郎後官尚書正統初進少保卒諡忠宣

范宣歸德人永樂十三年任榆次縣訓導遷於問學章采蔚  
然言動有則諸生奉為楷模祀名宦

山西通志卷一百三十三 名宦十三

崔忠唐縣人嵐縣典史在任九載廉聲大播

蘭從善磁州人太原教諭博學工文造士寬嚴有方累官翰  
林學士

林學士

周禮任邱人正統間祁縣丞學問該博造士綏民

滕淵祥符人嵐縣典史有廉能聲當道皆重其材嘗承檄率  
民兵戍偏頭關秩滿去行李蕭然祀名宦

王恭晉州人景泰三年以舉人任榆次縣訓導性恭謹與諸  
生講解日夕不倦聞者豁然祀名宦

黨忠字行恕陝西舉人任榆次縣教諭嚴重有師範勤於作

人所列科條詳明簡要在白鹿鷲湖之間祀名宦

成憲字伯度新泰人天順元年以舉人任榆次縣訓導博極



羣書於易尤達善化導經指授者悉有成就祀名宦

宋賓中部舉人任陽曲主簿詢民隱抑制豪強升陝州知州

溫敬武安人宏治五年以監生任榆次縣主簿操守甚嚴請

託竿牘咸謝絕有材幹能治煩劇祀名宦

宇文鍾乾州舉人榆次教諭學問闊博善開導諸生有疑義

批卻導窾不數語輒曉暢其以文來正者就所製為潤色頃

刻數十篇人人悅服後舉進士累官監察御史祀名宦

李文字洛南正德間進士累官太原同知平孟礦之亂民賴

以安署平定州緩征均徭尤多惠政

許孜咸陽舉人尙嵐學正博極羣書誨人不倦嘗題楹云報

國陶鎔忠孝士窮經講究聖賢心至今傳誦

王堯卿招遠人嘉靖初以監生任太原縣教諭待士以誠士

咸服教居八年致仕去諸生泣送之祀名宦

徐元孝字子順餘姚舉人任榆次縣教諭性夷曠忽遠中言

笑常自若循循善誘從遊者皆彬彬雅成名士典試四川擢平

陸知縣祀名宦

張天憲高苑人太原縣丞性廉潔洩事明敏待人以誠邑賦

舊多逋天憲示以期輸者雲集以呈誤去官縣人惜之祀名

宦

王珠鹽山人陽曲縣丞才識明敏折獄能晰情偽善應對嘗

議款塞外言辭侃侃聽者悚然尋擢大同府通判祀名宦

張天錫霸州進士由蘭州知州升太原同知愷悌宜民升陝

西按察司僉事

江樊開化舉人貌樸心古詩詞敏捷為太原府通判監修邊

城齋金振饑秋毫無染當道者稱之

張九經文縣舉人太原通判居官守正不求聲譽一生嗜古

好學不問家產

潘縉字朝紳臨洮人嘉靖間以貢生任太原縣丞遇歲凶民

朝夕不給而追呼者不為止抗顏與爭出俸錢飯饑民當隆

冬有赤體者買花布昇之災黎待以舉火者且數千指甫七

閱月奉檄督通賦不欲鞭朴窮民以博上官寵遂解組去太

原人尸祝之尋請於學使祀名宦推官高陵李仙風有記

溫訓漢陰舉人隆慶三年任太原同知穎悟博學善詩文以

清廉著稱升戶部員外

殷廷舉星子舉人太原同知承檄均丈定襄地糧悉心區畫

不憚勞瘁所至輒進士民誨以孝弟力田之義一時相聚如

家人父子定襄人有遐思焉

薛懷奇新鄭人司訓交城性醇雅不榮情勢利與人接歡然

終日諸生相慶如在光風霽月尋為權相中傷去祀名宦

趙禧益都人文水縣丞時值寇警日集鄉兵聯什伍登陴固

守寇去民有遺殘毒者徧行弔問死者掩埋之

李選白河人萬曆八年以選貢任陽曲縣丞雅度清操聽訟

多所平反時大令屈灼以嚴肅勝選以寬大佐之民愛戴如

父母擢知縣去祀名宦

王嗣美朝邑進士為太原推官持己廉約接人平恕每聽斷

以明允稱擢戶科給事中

陳良謨吳江舉人文水教諭治經有法聯社課藝從學者雲

集中丞魏學憲杜檄詣會城書院訓多士甲午秋就聘分校

山西通志卷一百十三 名宦錄十三 四

山西通志卷一百十三 名宦錄十三 五



閻中稱得人後升涪州知州

談應春安化舉人興縣教諭率先化導士風丕變升任嵐縣吏民畏威遠賦爭輸每朔望進弟子而誨文藝孜孜忘倦

趙希壯崇禎間任文水典史慷慨負氣適流寇入縣境親督鄉兵往偵猝與賊遇遽前搏戰沒於陣以上太原原府

周凱棗強人洪武初平陽府通判多政績

蕭韶龍泉人任臨汾縣丞有能聲詳見彰善錄中祀名宦

薛大叻蠡縣進士翼城縣丞清慎愛民雅重學校歷任十年聲名洋溢遠近擢御史累官布政使祀名宦

徐彪商河人臨汾縣丞以治行最擢平陽同知盜息民安威望益著祀名宦

袁景甘泉人太平主簿清操自守嘗冬日衣單衣理事有吏

夜持緇袍奉之不受次日對眾發其事按以法聞者聳然泣

任七年擢監察御史祀名宦

王暉狄道人永樂間鄉甯主簿廉潔慈祥撫字有方民懷其德歷久頌之

辛繼先襄城人吉州學正一介不取忠厚正直人稱為義皇

以上人祀名宦

賀琳宜君人洪熙時浮山縣丞贊政不苟嘗捐俸備禮勸富民助償逋稅自是流移復業及憂去民饋賻不受泣送者至數百人

丁璉鄆陵人宣德五年以舉人司訓襄陵學博行高見文廟頽廢慨然修葺訓諸生先行後文擢翼城知縣祀名宦

楊志學河內人正統九年以舉人任襄陵縣教諭少從薛文

清遊講明心性操履清慎訓誨勤篤蒞職八年卒于官貧不能斂厝城外僧舍文清過而哭焉後子御史徽始扶柩歸葬

張元陝西人天順四年以舉人任襄陵縣教諭工詩為生徒講解隆冬盛暑不輟沐其教者皆興起科第甲一時擢國子

監博士祀名宦

吳佐西安人成化間曲沃教諭以憂去補稷山教諭著大學經傳元編人多傳之

趙元涇陽人宏治間翼城教諭學問老成教規嚴整生徒貧者周給之

何鳴謙高苑舉人曲沃教諭講學課藝無虛日嘗與諸生同宿學舍督讀甚力貧不能自給者捐俸資之蒞任二年卒諸生哭甚哀祀名宦

張衍瑞字元承汲縣人正德中為吏部郎中諫南幸受杖下獄謫平陽府同知嘉靖中召還卒贈太僕卿

張琴雞澤人以歲貢任翼城縣丞剛正自守秩俸外一無所取又寡諧不輕與人接公事後閉戶吟嘯清介絕俗以艱去

嘉靖初補聞喜後擢太原府經歷祀名宦

任繼宗蒲臺人岳陽教諭端重有令望勤于訓誨寒暑不少閒諸生翕然尊之祀名宦

劉衍祚洛陽人嘉靖間以進士任平陽府同知時南北用兵其冬地大震城市為墟不逞者聚眾為亂而郡守及各屬令俱入觀衍祚代篆闕誠布公明法飭令緩刑薄稅築城修廡

慎守封疆復開樊家河為永利渠築石堰障水溉田數十頃

郡人建祠祀之

郡人建祠祀之

山西通志卷一百十三 名宦錄十三 六

山西通志卷一百十三 名宦錄十三 七



包鍾乾州人吉州判官事母以孝愛民以仁創築外城不私派一錢

丁由義泗水人襄陵縣丞廉介甘澹泊撫恤小民備至嘗署曲沃篆卒于官棺衾無所出知縣朱之韓贈之祀名宦

王榮誥華州人萬曆十七年以舉人在臨汾縣教諭博學工文教士能遵蘇湖遺法祀名宦

周鼎宜興進士任平陽推官有清操州縣吏無敢以苞苴進者嘗署府篆所有羨銀俱貯庫上報公事後布被紙帳突驚

然無煙後遷兵部主事累官總理河道工部尚書萬一本全椒人以選貢任平陽府通判明敏具幹濟材屢署州縣所至皆有能聲後解組去凡前所泣地士民胥遮道送

之祀名宦

山西通志卷一百十三 名宦十三 八

常克念洛陽人舉進士為平陽府推官有聲崇禎十四年正月洛陽陷抗節死

劉士璉遼東進士崇禎間平陽府推官慈祥豈弟多所平反項易禹州人曲沃教諭方嚴言動不苟諸生咸服其教後擢

沙河縣知縣以殉難著以上平陽府邵童西和人洪武八年以舉人任蒲州同知恭謹守法上官

累旌異之祀名宦

季錫字天祿咸甯人舉承樂戊子鄉試第一授蒲州學正毅然以師道自居教人立身制行皆以身先之出其門者多成

令器升給事中

何福全鳳翔人宣德間以吏員任萬泉縣丞充勸農官省耕耘察紡績雖風雨不倦廉潔自矢有二婦夜織一偶出其一

問曰晴乎曰晴如何爺蓋名動婦孺如此累官參政祀名宦盧祥字仲和東莞人正統間進士官吏科給事中以言事請蒲州州判幼多技能年三十後始習舉業官諫垣疏糾大臣王文項文曜姦惡及為州佐慷慨就任勤其職不懈曰吾素位而行也天順初召為禮科都給事中累官延綏巡撫

潘林新野人宏治初蒲州同知幹理公勤剖決精審卒於官民哭奠久而不忘

王懋成甯人嘉靖六年以御史謫萬泉典史立朝有大節降今官能以慈惠著尤好崇獎士類政暇輒授經諸生嘗以民艱於水鑿池畜之在今崇德街號曰惠民擢長垣知縣累官懷慶知府

山西通志卷一百十三 名宦十三 九

黃光煒羅山人崇禎二年以舉人任猗氏縣教諭立期課藝輒具酒食勞之賢才奮起科第甲一時播知吉州甲申闖寇過河陷州城將立偽官州民願得光煒光煒微服遁遁莫知所終以上蒲州府

張三同字大亨阜城人洪武初以進士任潞州同知以勤恪著創州治修廟學在城二十四坊皆所定也尤加意學校兵

戈之餘絃誦不輟祀名宦

嚴杞臨川人黎城主簿治煩以簡愛民以誠升武功知縣張思中樂清人潞州同知廉幹勤敏升工部都水司郎中

任昂河陰人元進士博覽羣書早有才譽拜晉甯尹不受洪武初以儒士為襄垣訓導後為禮部尚書禮制多所裁定予告歸

郭柏闕縣進士壺關縣丞存心仁恕嘗鑿惠澤池于南關迄



今賴之

郝景隆蓬萊人宣德間以舉人為長子簿會學官傾圮捐俸修葺歲旱醵雨兩輒應既去民思之

阮河交趾人長子典史永樂初交趾入職方河率先歸附以功授雲屯縣典史及黎氏亂抱印航海以其家來歸改官長子勤于其職卒遂占籍焉子勤以進士官刑部侍郎贈河通議大夫祀名宦

喬育宣德時為襄垣主簿部民言其賢特命超遷勸之張維祥符人正統初壺關教諭教有成績升浙江道監察御史

王鏞廬陵人天順間以舉人任潞州學正學博行高勤于訓迪經指授者各有成就諸生皆以義盡仁洽稱之後升國子

山西通志卷一百十三 名宦錄十三 十

監學正

曹蘭蘭州人宏治間壺關教諭學問該博尤善啟迪後登進士歷巡撫都御史

王致中洛陽人正德間潞州學正教人有方講學不倦

胡侍甯夏人舉進士歷官鴻臚少卿張璠桂萼擢學士侍劾

二人越禮背經反覆辨論千餘言命逮治言官論救謫潞州同知剛介不阿持大體抗言時事藩府宗室勛注以事憾之

奏侍試諸生題議刺且謗大禮逮至京訊斥為民卒

葛大紀商州進士同知潞安厚重持大體不假威嚴人自起敬歷官本省參政

崔鏞綏德進士任潞安推官和易可親而中有定見官至本省巡撫

倪政甘肅人以貢生同知潞州政家世將門謀而有勇平青羊之變與有力焉

王禮完縣人壺關縣丞有執持能自愛數折疑獄民程虎山者嘗殺人藏其尸以無左驗不坐罪禮奉委往檢忽風起馬前禮曰此冤氣也隨風迹之輒得虎山論如法

靖四方淇縣人隆慶間以舉人同知潞安練達精明諸事就矩應官僉事

喬木上海進士萬曆間同知潞安嚴能馭眾明足服人尤重文學士凡所甄拔後皆知名升河南僉事

耿鳴世新城人以進士官御史左遷潞安推官性耿介見有不可即正色糾列上官咸虛懷受之升主事

靳賢靜甯舉人通判潞安有治民才歷署州縣編審聽訟人稱平催科得法民間輸納恐後政聲大著委署無虛日皆

稱任使升岢嵐州不就

況增光蓋屋人任潞城教諭問學宏深操履慎重升浮山縣新聖居字淑孔長垣人崇禎元年進士由照磨擢潞安推官

再被謫後遷慶陽府推官十六年十月殉城以上潞安府

許孟和鄆縣人洪武間石州學正時天下初定學校廢弛孟和修建廟學齋舍朝夕率諸生講質經史在所造就者入宦

皆有實效

葉伯巨字居升甯海人以國子生授平遙訓導洪武九年以災異求直言巨伯上書言當今之事矯枉太過者三日分封

太多日用刑太繁曰求治太速書上上大怒曰小子問吾骨肉速速來吾手射之既至丞相乘上喜乃敢奏命繫刑部獄



髮死獄中先是伯巨將上書語其友曰今天下惟三事可慮耳二事易見而患遲一事難見而患速其意蓋謂分封也迨洪武末年燕王奉命屢出塞後遂與靖難之師人以伯巨爲先見云

衛健孝義縣丞讀書習吏事好談古今忠孝節義靖難師起慷慨臨戎率所部禦之以身殉祀名宦

宋秉彝字孝先淮安人在石樓縣主簿有長材佐令顧碩修學宮庀材鳩工最力值歲凶振濟有法民多全活後擢馬邑縣丞

高俊膺施舉人成化中任汾州同知剛方自任州北有峽路阻澗多伏盜俊伐石塞澗行旅賴以無患

李詔開州人正德間孝義教諭立身清慎教條嚴明諸生有不修其行者輒斥責之士習頓改

山西通志卷一百十三 名宦錄十三 十一

陶聖威海衛人嘉靖間以太學生任石州州判有清操恥與俗伍常思以功名見歲饑賊起據劉王峯爲巢穴犯黃墟嶺逼吳城聖督部下閻大剛王天祐等徑往遏之賊聞退保壘上壘追至黑暗嶺遇伏兵大潰聖負高出戰甚力與大剛天祐俱死子化甫年十五具疏闕下復念父暴骨異地母與弟俱無依亟返至壽陽卒於旅邸後朝廷憫其忠贈石州知州蔭子傳入監除詹事府錄事

李完陝西涇陽人甯鄉典史性廉潔不以末僚自菲薄自始至終厲清苦如一日善折疑獄時人以青天呼之

陳翔鷲閩縣舉人萬厯間介休教諭學博行潔每以甘貧嗜學訓諸生修育材館羣其中而督課之多所成就升徽州府

判以上汾

陳德鳳陽人洪武間沁水丞明初修治城垣公廡廟學壇壝舖舍其功甚多

方渭正定人陽城主簿佐縣令李希以治聞宋文恪學記盛稱之

鄭可權睢州人澤州學正文行俱優兩主山西鄉試

李希文甯州人永樂間高平丞以廉勤著嘗祛虎害民德之升福建市治提舉副使

張璩揚州人正統間以舉人在沁水教諭通五經尤邃於詩嚴於誨人以愛去服闋補鎮平縣沁諸生上疏爭之

劉一清陳州人成化間陽城教諭禔修正教勸業惜時能以矩矱約束諸生居九載講授不倦士論歸之升黎城知縣

蔡深宏治間陽城訓導勤於教人樂育不倦以戴記授學者迄今相傳不泯

孫應奎字文宿洛陽人正德十六年進士嘉靖中戶科左給事中十一年同官王準以劾張璁桂萼謫典史應奎具疏爲準辨遂乃並請高平縣丞恤民造士邑多異戴後仕至戶部尙書致仕卒

李菴內鄉人以檢討請陽城丞日事翰墨政事不廢升大名推官

王標壽州人陽城典史蒞任未幾剿賊遇害百姓惜之祀名宦

孫文澤鄒平人陽城主簿小心謹慎嘗考邑戎鹽諸務廉得弊端力爲釐正編審賦役民無貧富悉稱平遇旱禱雨如注



宗思涇陽人萬厯間以貢授澤州學正鹽使者謁廟以兩將拜於堂上思抗聲曰拜下禮也御史肅然復其位又捐俸修學宮月課諸生親自甲乙不少爽後遷肅府教授以上澤州府王達善無錫人洪武間任大同府訓導學問淵博氣度和雅馭諸生恩義兼至稱經人兩師嘗著天游小葉梅花百詠後累官翰林學士

李福真甯人由監生在大同同知英宗北狩時福冒險進貢久無忘志回鑾日升本府知府進參政仍管府事

于璧新城人成化間以舉人任渾源州學正學富才優教嚴品肅集諸生朝夕啟迪人才極一時之盛徵拜御史

馬隆中部人正德間任大同府推官性沈毅執法如山然廉平不苟無滯獄後成卒變將鼓謀入王府隆挺身往亂卒聞

隆至皆寂然退就伍無敢譁者

屠安民興安人嘉靖間以舉人任大同同知以寬和甦罷困循良著聲升恩州府知府

惠之翰清澗舉人大同通判時雁門糧餉奸人侵漁翰廉而實之法飲冰茹蘗遇事能身任不辭勞怨嘗語人曰苟利於民此官可棄何恤乎人言

馬應圖平湖人萬厯五年進士為南京禮部郎中上疏譏切執政忤旨謫大同典史後為禮部員外郎卒

范錫定興舉人大同東路同知慈祥廉幹動為邊民造福規百年之計創建廣積倉甄包南關皆其營度歲款多方贍救

民賴以活至於加意學校而計室家給資斧即家人父子不啻焉其子孫累登甲第人謂廉吏之報

山西通志卷一百十三 名宦錄十三 十四

王宗文龍游人崇禎間以貢任大同縣丞清勤樂易禮士愛民運粟米以濟餉買硝磺以急公一時號為真父母

張朝綱廣通人由貢生授渾源州同知解職歸後寇孫可望等兵至死之以上大

張文煥洪武間任白羊鎮巡檢忠勇有清操敵騎逼邊文煥率弓兵二百人奮勇徑進中流矢歿妻聞之亦自縊以殉遺子一貧不能自活召至京師以父俸給之

陳董德宇懋修歸善人嘉靖四十四年進士萬厯初為兵科給事中成國公朱希忠卒贈定襄王力爭之忤張居正出為

饒州知府操江都御史王篆承居正旨誣劾之謫馬邑典史復除名後終湖廣僉事以上朔平府

楊和固安人成化間遼州學正厚重博學教誨謹嚴士子畏威懷德稱儒林第一

于璧字良玉新城進士由知縣擢御史立朝不避權要宏治二年左遷遼州州判越一年士民詣京所知本州百廢俱舉於學校尤加意數百年來科第蟬聯皆培植力也升苑馬寺卿

陳賢順天人遼州訓導教士有方士多從之祀名宦

党傑固城舉人榆社教諭以成就後學為心講易課文情同父子升知縣行取御史士子思之不忘

李朝綱隆慶間以貢任和順教諭純篤不浮誨人唯本忠孝祀名宦

季文察遼州同知進所著樂書四種部覆多前人所未發得合依永和聲之旨詔授太常寺典簿

山西通志卷一百十三 名宦錄十三 十五



莫孟會上蔡人萬歷間以吏員授榆社縣丞潔已愛民捐逋賦減額糧課紡織勤樹藝凡有便於民無不畢舉升階州同知民擁留不忍舍建祠祀之

曾淑尼江南人崇禎間遼州吏目流寇破州城殉難

胡景化南鄭人榆社典史時流寇肆毒景化守禦不懈邑賴以全民立石建祠遼州以上

王崇慶開州人正德間以進士官主事上疏忤旨謫沁州州判高才遂學名山勝蹟所在嘯詠尋入為部曹擢分巡冀南道累官南京吏部尚書

路永聰漢陰人由解州判官升沁州同知有文名居官以循良著稱

齊聞道鄜州人由舉人任武鄉教諭布衣疏食貧苦自勵振

作人文科名蔚起升黎城知縣尙嵐知州以清節著聞

曾暹吉水舉人沁州學正明經博史以善誨聞升國子監助教沁州以上

趙梓涇陽人洪武初任孟縣縣丞招集流移修廢墜孟漸以治祀名宦

朱貴永樂間孟縣縣丞性廉敏剛腸嫉惡有犯者必痛治之豪猾屏迹良善獲安

謝揆咸甯舉人孟縣教諭勤於訓迪每夜巡諸生讀書處察其勤惰而賞罰之

夏廷器餘姚人正統間平定州學正築石樓書院督諸生肄業其中平定自金元以來雅號文學地得廷器指授益知向往人材鶴起比去諸生立祠祀之

山西通志卷一百十三 名宦錄十三 十六

呂循矩寶坻人宏治間以舉人任孟縣教諭端重有師範科條嚴謹蒞任九年多所成就

劉華江西人正德間平定州州判有至性事親孝雅善草書得懷素筆意居官清慎祀名宦

吳達安定人嘉靖間壽陽主簿改建明倫堂立射圃亭更新大成殿及兩廡創名宦鄉賢祠學校之制至是始備

吳冕臨川人嘉靖間平定州同操守嚴潔敷政慈祥升都司斷事

徐廷蕭縣人壽陽縣丞廉敏有治才時值邊警增城垣建樓櫓邑賴以保障焉

宋燾泰安進士萬歷中授御史任氣好搏擊以疏救姜士昌語刺時相上怒謫平定州判官旋請假卒天啟初贈光祿寺

少卿

于明善臨清人孟縣主簿性通敏勤於官職嘗丈地均糧一秉公正數世食其利

趙原贊皇人以舉人任孟縣教諭持身清苦勤於教誨秩滿諸生上疏留之歷三十年致仕歸以上平定州

譚章齊安人洪武初靜樂縣丞建置縣署多善政任滿還京民為立碑

李郁仁宗時為定襄主簿言縣有故渠溉田六百餘頃宜亟浚治後遷孟縣令郁稟性寬宏循循雅飭不事鞭朴百廢具興

李東萊山東人嘉靖間靜樂主簿盡力城垣以廉敏稱升經歷邑人頌美不忘

山西通志卷一百十三 名宦錄十三 十七



劉授洛川人隆慶間以貢生任靜樂縣丞明敏善聽斷播知縣事適攢併都戶調停有法民不擾流亡悉歸又以城垣卑薄增修令高厚足禦侮遷遂州知州忻州以上

成璉直隸興化人洪武間任代州學正博學高才能以教化諸生為務不以時當肇造苟且尋薦知蔚州累官北平右參政贈吏部侍郎祀名宦

李昇蓋屋人五臺典史有吏才雅意愛民值邑霜殺禾即以狀聞求賑大吏委官勘稱不實置昇於獄昇略無怨望曰為民得罪雖死何憾者庶爭訴其誣得復職

曹鼎甯晉人宣德二年以舉人授代州學正有文名課諸生頃刻十餘草立就尋以年沖乞煩劇自効改太和典史後舉進士第一人授翰林院修撰累官內閣大學士死土木之難

山西通志卷一百十三 名宦錄十三 十九

贈太傅謚文忠

郝榮武剛人宏治間任代州州判仁慈而敏督理稅事寬嚴得中有劉玉者家甚貧通稅甚多因鬻妻償之榮得其實捐俸贖還祀名宦

周宏禴麻城人以戶部主事謫代州州判忠諫敢言風采震朝宇及涖代佐州守興除利害加意學校集一時俊士課之讚授以文法嘗隨直指巡部多所平反纂修州志祀名宦

閻莊蘭州人崞縣丞撫民公恕持己清勤尤注意於學校上下悅服崞縣以上

郝九齡高陵人嘉靖間河曲典史勤介自勵嘗修築邊牆時散帑十萬錙銖不少苟歷任八年以防秋有功朝廷賜金褒異之保德州

傅衡臨淄人洪武間平陸典史蒞事明敏贊治公勤以績最升監察御史

白威新野人建文間以舉人任安邑教諭積學通古今凡利害有關於民者皆抗疏言之得允行永樂七年擢知本縣尋入為御史祀名宦

盧立魁高安人永樂三年以儒士任平陸縣教諭有師範勸訓督得蘇游道法祀名宦

李濟三原人成化間芮城主簿歷本縣縣丞遷知縣在芮十九年悉民閔疾苦因民為治藹然如家人父子祀名宦

呂柟字仲木高陵人正德三年進士第一授修撰嘉靖時大禮議與張桂忤下詔獄謫解州判官攝行州事恤災獨減丁役勸農桑興水利築隄護鹽池行呂氏鄉約及文公家禮

山西通志卷一百十三 名宦錄十三 十九

求于夏後建司馬溫公祠四方學者日至御史為開解梁書院以居之居三年以薦升南京宗人府經歷累晉南京禮部右侍郎致仕卒解梁士聞之皆設位行心喪柩受業渭南薛敬之接河津薛瑄之傳學者稱涇野先生

張世威渭南人夏縣縣丞循循雅量有儒者風精律學事多平反升尚嵐衛經歷邑人立石思之

邢宗道涇陽人夏縣縣丞持身廉催科不擾邑人立石頌之寇恕字道用中部人性簡靜深易學任平陸鄉南開喜三縣教諭立條約敦本實升綿竹知縣

林軒樂清舉人永樂十六年任稷山縣教諭學深養遠日引諸生與講忠孝大節師範丕著祀名宦

張居彥上虞舉人絳縣訓導學優行修被其教者皆卓然能



自樹立累官福建僉事祀名宦

張詢字信卿延安人持身清介篤信好學動以古人為法投徒幾百人成化間官聞喜丞嘗為縣輸餉延綏總兵詢鄉人也為留羨餘金以遺之詢還貯之縣庫上其事于府後致仕歸貧不能自存詢處之泰然以壽終

張瑤華陰人成化間絳縣訓導敬以持已勤以課士升國子監助教

張憲涇陽人性至孝朝廷旌之宏治間絳州學正持已清慎誨人勤篤嘗捐俸造祭器有碑存焉

鄧中和膠州人垣曲教諭學行殊常教化丕振後先莫能出其右

王諸靈壽人正德八年以貢生任河津縣教諭篤學恥言利

日進諸生課誦讀尤以修行為本模範秩然祀名宦

王松年陝西甯夏人以監生任稷山縣丞慷慨負經濟材泣官以廉幹著後回賊犯境督民兵禦之遂被害

張廷相杞縣人嘉靖四年任垣曲縣丞清苦自勵重修廟學壇壝值蝗旱多方拯救復詣京疏請發帑金六千兩穀千石民賴以活後見嫉上官被逮久之事白丁艱去百姓擁道號泣為立碑肖像祀之

溫季春涇州人稷山縣丞嘗奉委催科能令民競相勸輸在任九年清慎如一日祀名宦

金翽樂清人以刑部郎中謫絳州同知有清操愛民如子念

絳牛頭遠赴瑞石驛為累滋甚力請折銀解納後攝州事與

利除害節省歲數千金擢徽州通判祀名宦

蕭儼涇縣人嘉靖四十三年以兵馬使謫絳州同知博學工

文議論悉本經史舊例汾水架橋板椿之徵歲以百計儼署

篆以舊板收貯候用壞者易之不復徵銀後遂奉為成法署

臨汾臨晉諸縣俱有聲祀名宦

李棠清苑人以員外郎謫稷山典史政尚嚴明志甘清苦均

里甲減徭役有德於民

馬文朝邑舉人隆慶初聞喜教諭老成忠厚廉靖安詳遇寵

辱而喜怒不形重道義而束修不校卒於官士人咸憫惜之

放得義竹溪人萬曆四年以歲貢任絳州同知和而能介州

人多以產構訟收委得義聽之惟理是直一無所徇擢南安

通判祀名宦

劉庚壽光人絳州同知以文涉時政由南都主事左遷一時

名震中外時州牧復而奢聞庚至乃稍自戢未幾以艱去後

累官浙江按察使祀名宦

陳大烈丹徒人稷山縣丞明敏清慎嘗奉檄催徵悉却常例

弗進後署縣篆以安靜為治祀崇陰祠

陳堯賓遵化人稷山主簿幹局絕敏丈田多所墾畫大荒盜

無巨細悉籍其名有犯無不立獲羣盜股慄避跡境中以安

升齊河縣丞

秦宗文武陽人崇禎五年任垣曲典史有膽略流寇入犯宗

文督鄉勇隨官兵進剿與賊遇奮臂力戰所向披靡遂沒于

陣事聞祀忠烈祠

劉統長安人宏治間蒲縣丞勤政勵操執法維嚴升御史

史掌文良鄉人崇禎間任大甯典史時盜賊蜂起掌文至適



築濟城池因督其事鼓舞有方民咸樂於趨事復時走山谷親為緝捕盜靖民安壬申流寇集城下攻甚亟掌文分地守力屈死之

左中道大甯教諭端嚴有師範以上流寇破城或以無守土賈勸之去中道斥之卒殉難以上

凌文質洪武初趙城縣丞有幹濟材縣署學校委令督建措置有方事集而民不病祀名宦

賈昭濟陽舉人靈石教諭學行卓越官至雲南布政使

曹端字正夫灑池人永樂六年舉人為霍州學正修明聖學

諸生服從其教郡人皆化之恥爭訟監司大吏必遠謁知府

郭晟問為政端曰其公廉乎公則民不敢慢廉則事不敢欺

晟拜受教艱歸灑池霍州諸生多就墓次受學服闋改蒲州

山西通志卷一百十三 名宦錄十三

學正霍蒲兩州各上章爭之霍奏先得請先後在霍十六載

宣德九年卒官年五十九諸生服心喪三年霍人罷市巷哭

童子皆流涕貧不能歸遂留葬霍二子瑜琛廬墓相繼卒葬

墓側後乃改葬灑池端為明理學之冠學者稱月川先生

張傑鳳翔人正統間以舉人任趙城訓導學閎博於五經尤

邃洫官以禮義廉恥為教祀名宦

黃直直隸人正德間以翰林院編修謫趙城縣教諭文章品

望卓絕一時日進諸生與講論經史不以官微稍懈祀名宦

張永清萊蕪人嘉靖中靈石縣丞性方嚴洫政清慎尋卒于

官祀名宦

強自省鳳翔舉人趙城教諭建鄉賢名宦祠修講堂號舍造

祭器性剛直課士勤敏後署汾西芮城縣皆有惠政

侯鼎祿良鄉人崇禎間霍州州判質直有勇略嘗署本州篆適闖賊兵過霍當孔道賊并力攻之鼎祿督士民登陴固守城破被執不屈死以上

右明二百一十一人

國朝

周邦翰順治間任布政司都事姜逆之亂賊徧西山交城缺

令人胥憚往邦翰獨請行招集流亡斬撫定驚氓適賊有內

應邦翰拔佩刀擊亂者刀未出室為左右所殺

贈都司經歷祀忠烈祠

楊其籍按察司照磨署太谷縣事有政聲姜逆之亂賊縛其

籍逼降不屈繫獄死

贈布政司知事祀忠烈祠

山西通志卷一百十三 名宦錄十三

李因之長山人河東鹽運司副使清正率屬不名一錢姜逆

之亂殉難運城

贈布政司參議祀忠烈祠

王存整邱縣人以選貢任河東鹽運司知事姜逆之亂與運

使李運同鄭誓死殉城不為賊辱時稱三烈

贈布政司照磨祀忠烈祠

鄭宏圖遼東人鹽運司運同甫洫任值姜逆之亂登陴力守

城破死之

贈布政司參政祀忠烈祠以上

鄭運昌江南人交城典史有能聲姜逆之亂與署縣周議分

城以守內應起遂與周同日遇害

贈山陽縣主簿祀忠烈祠



王自亮太谷典史克舉其官美逆之亂協守縣城城陷繫獄以死

贈濟源縣主簿祀忠烈祠

賈道醇蒲州人太谷縣教諭偕署縣楊守城及陷賊執繫獄

後先殉節

贈國子監助教祀忠烈祠

傅鶴祥字鳴和汝陽人善行草工詩賦順治十年任太原同

知愛民敬士循聲卓卓後升去

劉果諸城人康熙三年以進士任太原府推官首捐俸修文

廟立義學以課山谷秀民太原榆次諸縣引汾水溉田民滋

爭訟果勤勘驗詳教條遠近先後胥有次第爭乃息大盜傅

青山李黃毛等盤踞交城壺盧峪出沒無常授計趙令吉士

日當以勦為撫亦即以撫為勦未幾羣盜後先授首富人某

訟產先餽黃金五百假黃鼠以進峻却之當時謠曰死黃鼠

瞞不過活青天後弟榮亦以進士知平陽府有治績

李方秦曲沃舉人陽曲教諭學問淵博品行端方嚴於自修

勤於課士甲寅奉督學檄纂修通志越九年而始峻推升府

學教授陽曲舊志亦所編輯也

徐師曾新建人交城巡檢頗勤民事嘗修永固石橋佐理政

治至今故交民猶稱頌弗衰

柏永瑞內務府正黃旗人乾隆末陽曲典史才具明敏勤于

庶務不以職微而弛事歷十五年如一日

程炳章字藻如順天人同治中文水典史性篤孝友治家嚴

肅在官以督捕為己責盜案無鉅細靡不緝獲四境以安暇

輒延文學之士訪地方利弊凡職分所能為者罔不竭力光

緒初歿於官貧不能治喪縣人資助之原上太

張增寅桐城人順治十三年同知平陽府才氣不羣軍政肅

清時推為佐郡之傑出者

徐之燧浙江山陰人洪洞縣丞器宇春溫處事犀利勤慎有

守甚為時稱

呂和鍾長治舉人襄陵教諭持躬淡泊造士懇勤一時科名

稱盛焉和鍾旋成進士官至陝西提學僉事

王鎮寰平順人洪洞教諭嗜古力學朝夕不輟訓士得體修

學有功

王友虞會稽人翼城縣丞平定寇亂守城有功

王明輔順天人翼城典史職守勤敏捍禦多功其姪國甯有

武勇隨邑令弟何斯盛力戰卻賊陣亡從祠何廟

陳珽字壺嵐高平舉人翼城教諭學有淵源士林藉為楷模

升國子監學正

萬錦斐宜興進士康熙間洪洞縣丞卓有政聲著名藝苑升

廣宗知縣

范韓長子舉人臨汾教諭教思諄摯被其澤者多成名士

高尚志大同人襄陵訓導民以事騰沸幾至釀變申大義息

之大成殿兩廡皆其督修仕至茶陵州知州

閻士驥陽曲舉人嘉慶中太平訓導師範克端訓誨周詳從

遊者眾庠舍幾不能容嘗刻文中子中說及格言錄

張震沁源舉人洪洞訓導經術湛深尤工帖括性嚴正每課

士砥礪名行點竄文字面斥其瑕不少恕士風為之一變

山西通志卷一百十三 名宦錄十三 三十四



祁朝曠壽陽舉人道光十一年襄陵訓導學問贈博品行端  
方書法尤佳一時執經問字者踵相接也

顏瑩粗山東人平陽府通判咸豐癸丑協知府何籌守禦事  
甚備賊至力守北門誓以身殉城陷死之一時同死者有同

知郭陞阿經歷王殿魁府學訓導王萬昌臨汾典史吳宣並  
贈卹如例祀忠烈祠

洪忠連歙縣人曲沃典史勤慎盡職粵匪之亂佐丁令率眾  
守城城破遇害

贈主簿世襲雲騎尉從祀忠烈祠  
盧葆元潞州人曲沃侯馬驛巡檢同治丁卯捻匪之亂賊入  
衙署大罵不屈遂被害

贈卹給雲騎尉世職從祀忠烈祠

魏懸書武鄉舉人曲沃教諭自謂振興文教非異人任集令  
學士子於考院月為一課癸丑之亂肅衣冠端坐明倫堂罵  
賊死子介生姪浩生亦同殉

贈國子監助教子雲騎尉世襲從祀忠烈祠

胡彭齡祁縣人曲沃訓導癸丑死粵匪之難家人俱殉

贈國子監助教銜子雲騎尉世襲從祀忠烈祠

席元燦大興人襄陵典史咸豐三年賊陷平陽土匪乘間烽  
起元燦殺其首倡者一境肅然以上平陽府

吳來亨字康侯定邊舉人順治六年蒲州學正姜逆之叛三  
晉震動蒲境時有竊發事平奸人藉以織羅善類來亨力請  
於當事全活甚眾平居與諸生切劘為文章助以道義多所

贊說

石博陽城人康熙中以歲貢任臨晉訓導為人謹厚有行誼  
盛為同時士夫所推備撰司訓署記雙烈并序文詞古岩用  
意深遠

董筆平定州拔貢榮河訓導嘗捐俸修廟廡治祭器為人個  
儉有直氣耽情風雅淡然聲利之外升蒲城縣丞五子俱以  
科名顯

王德滋上元人雍正中臨晉典史有篤民心遇事當訊鞠者  
齒斷斷天理良心不置去之日縣人涕洟饒之

宋培仁貴陽人乾隆中臨晉典史潔己能事百姓懷感戊辰  
歲饑獻狀上官慷慨纏絲有悲天憫人之意

陳世昌字藝孫湖南人舉鄉試第一道光元年授蒲州同知  
初抵永樂觀風問俗即以教養為己任捐建蒲陽書院延師

主講除暴安良強悍斂迹士民均稱之

馮志沉字芷江代州人署永濟教諭重鑄文廟祭器修理遊  
豆咸如其制又嘗司訓虞鄉修復廟學并造禮器今兩邑春  
秋釋奠彬彬盛焉以上蒲州府

司九韶內黃人順治六年以拔貢生任潞安府推官克舉其  
職姜逆之亂與知府楊同日被害

贈按察司僉事祀忠烈祠

王奕葉五臺人以貢生任襄垣縣訓導姜逆之亂沈賊陷潞  
安抗節而死

蘇汝霖字雲生金谿進士潞安府推官時廢藩宗民交易之  
產一概入為官佃百姓苦之屢經籲請委汝霖查勘悉為別

白上聞民得復業為立碑記其事云



沈源濟大同人長治訓導性淡泊就自矢課士有方諸生貧者恆周給之公餘焚香彈琴了無俗累學宮傾圮捐俸倡先殫力經營規模改觀

荆益社猗氏舉人襄垣教諭誠拔寒士訓誨有方升靈壁知縣

母儀陽高人襄垣教諭重修廟學善教不息升長樂知縣

張元樞交城舉人襄垣教諭初任河津時聘充丙子陝西同考以得人稱及蒞襄垣值學就圯倡捐修復工甫竣而卒多士慟之爲公請於上臺經紀其喪云

劉宏讓宛平人康熙中襄垣典史勤慎有才奉文咨訪利弊多所條陳臺司獎之其言民間典田應書合同二紙各執其一當時下其法於府州令通行云

山西通志卷一百三十三 名宦錄十三

余應階保定人黎城縣丞生禽大盜東陽關之途以清調長治丞升中牟知縣

陳宏勳富平人平順典史飲冰茹蘗恪守官箴一時推其廉謹

劉銘懋城人虹梯關巡檢明季流寇兵火關基盡廢虎狼出沒居民穴處一二年銘冒險防禦清苦自勵屏私販緝奸宄地方賴以靜謐

馬祚安邑人雍正中屯留訓導學博教嚴手著孝經解訓諸生

李之暉滄州進士乾隆四年冬任潞安同知能文工書佐李太守闢起文書院多士景從歷署平陽鳳臺武鄉遼州事士之經其品題者多擢魏科郡中名勝留題最多云

馬宏燧漢軍鑲藍旗人屢亨驛丞爲人端正通曉時務迎母在署竭力奉養母卒哀毀幾至滅性人並欽其孝行云

李光萬字文在平定人由副貢任長子教諭時新闢書院邑人卽延之主講督課甚勤後舉壬午鄉試旋成進士授廣東陸豐知縣諸生立碑講院以志去思

呂天培解州舉人壺關訓導淡泊自守於貧士體恤甚至其訓人懇懇無異父兄遠近學者宗之一時橫經之士徧齋舍至不能容有文稿行世

程廷楷嘉慶十五年任壺關典史溫雅謙光自奉儉素恪守官箴

山西通志卷一百三十三 名宦錄十三

楊均治蔚州人道光末以諸生官潞城典史在職勤謹民惠之咸豐二年奉檄解餉湖南在道聞岳州陷乃疾馳入武昌

城賊警既逼助之協守城破被執不屈死

賜卹如例世襲雲騎尉以上路安府

莊應騏會稽人順治元年介休典史招流亡弭盜賊救水火民咸德之

王之佐浙江人順治二年任臨縣典史姜逆之亂知縣張耀祖殉城之佐領民兵急趨上趙寨誓擒渠魁以圖恢復力不支爲賊所獲義不屈膝罵賊而死賊驚壯之

單可繼高安人平遙典史賢勞王事念切民瘼

孫世蓋興縣人司訓臨縣勤於課士持身接物足爲楷式

秦一鴻會稽人石樓典史賊皆敘迹地方靜謐

喬挺然稷山歲貢康熙中平遙訓導樸貌古心所作有儆占史咏



馮雲燦金壇人雍正二年以歲貢知汾陽縣有惠政越六年擢本府同知熟悉民事時豪右藉銷鹽無端滋害雲燦思承久便民遂有按糧攤課之議汾陽鹽稅得以循例輸納弊無從起者馮之力也

宋國相偏關貢生雍正五年任石樓訓導持身廉介課士精明捐俸修學古道照人

霍慶姚字漪閣沁水人嘉慶末以進士官汾州教授品優學粹訓士先德行後文藝口講指畫俱平易近人歷任三十餘年成就後學甚眾今士林猶盛稱不置云

楊凝輝聞喜舉人咸豐中永甯州學正嘉惠士林守正不阿有預詞訟者悉擯斥之力協知州梁承光修葺書院甄拔人才年近八旬遠近來學者益眾勤課不厭致仕去任至今猶

思慕之以上汾州府

鄭天眷石樓人順治中陽城教諭溫恭渾穆舉動皆中禮法而惡衣菲食不苟言笑士咸愛慕去之日傾庠祖餞繯絕不忍舍去

胡拱樞浙江山陰人康熙元年高平縣丞屢署縣事慈惠寬平邑人相率公額崇祀名宦

劉佐世曲沃人高平教諭督課嚴明鼓勵不倦經其指授悉魁傑上材在任修葺廟學規制煥然後登進士以霍邱令卒於家邑弟子思慕不忘私諡文肅先生諸生六十餘人親至曲沃立碑冢上哭奠而歸

趙挺元聞喜歲貢沁水教諭好學能文工書法卓薦累升甘肅布政使

山西通志卷一百三十三 名宦錄十三 三十一

奚士物錢塘人康熙末沁水縣丞為政寬平不以苟簡從事實心行實政民被其澤吏肅然不敢為囊橐缺歸

徐昆字厚山臨汾舉人乾隆中陽城教諭立學規八條鑄壁皆修身經世之學課文根柢六經實心訓迪一時士風丕變著作頗富其柳厓外編多載邑中軼事

岐鵬翺猗氏副貢沁水教諭品端學優講課外不預他事主文社六年多所成就

喬于河猗氏人沁水訓導學博才敏工吟詠精筆札而和易近人諸生樂從之遊著有思居集行世

謝彭夷江甯人乾隆中端氏巡檢品端行直慎於戢守事上接下驕詔不形占籍西曲里曲堤村鄉里至今稱之以上澤州府周官順治元年在渾源州吏目直指營薦之姜逆之亂死其

官

山西通志卷一百三十三 名宦錄十三 三十二

項一科大同縣丞有能聲姜逆之亂以死勤事李吐馨同官人靈邱典史姜逆變作其黨集城下者數千人令素恇怯莫知所指吐馨招集鄉勇激以大義慷慨登陣士民胥感泣地當賊衝獨屹然堅守論者偉之以上大同府

王京順德人順治元年在朔州吏目姜逆之亂死其官楊達太康人以拔貢判朔州風采凜然歲餽捐俸煮粥全活甚眾雅好崇獎士類請業者經指授胥有法姜逆之亂賊黨

姚徇朔州達首倡義論眾而守備張英實通賊達規知密計擒之錮於獄設守禦具翼日登陣道標康姓英黨也投佩刀怒目視達達立起奪其刀英子復鼓譟賊黨乘之入城因為

所執賊欲誘之降達大怒目皆盡裂罵賊不絕口賊怒磔殺



之事聞

贈按察司僉事祀忠烈祠

張肇斌順治五年任大同府西路同知姜逆之亂以死事著  
翟熠字青黎聞晉舉人康熙七年大同左雲川衛教授博學  
識大體考正禮器樂器詳請樂舞生演禮習樂申明條約嚴  
束士子立文武二社課文校藝邊邽之地彬彬有文物之風  
遭母憂去後補太原府學捐俸葺名宦鄉賢祠考正其名次  
並修文中子祀奉檄分纂山西通志以疾歸卒於家所著有  
丁祀考崇祀錄壽憲樓等集行於世

董遂昇河間人以拔貢生知沁水縣遷大同府西路同知性  
敏給尤善聽斷不假鈎致具能得情偽在沁水催科有法賦  
集而民不病及任同知有重獄業定擬矣察其誣卒開釋之

山西通志卷一百十三

名宦錄十三

三

而真奸徒於法所轄石衛為歸化咽喉免毛河石雲諸堡尤  
號險要兵民雜處和輯為難遂昇撫馭協體遇有徵調尅期  
胥集督撫監司皆倚重之後擢漢中府知府以去

朱士毅遼東人以蔭官平陽通判有政聲己未庚申大同游  
饑薦擢西路同知盡心振濟邊氓大蘇循惠之稱洋溢朔塞  
升雲南知府

王雷翼城進士雍正四年以慈利知縣改官教授補平魯訓  
導建文廟修禮器申明條約嚴束士子創修朔平府志知府  
延令編纂更革之始文物賴以有徵焉

田夢旗字牧祥汾陽人道光末平魯訓導力新廟學節孝祠  
久圯旌典並缺乃協士民實心訪舉建祠並置祭田邊縣多  
有仿行者以上朔平府

張國賢宛平人順治五年以舉人在太原府中路同知姜逆  
之亂甯武失陷國賢慷慨臨戎以死事著

贈按察司副使祀忠烈祠

馬維熙忻州州同署太原府西路通判上官胥廉其才姜逆  
之亂偏關兵變不屈被殺

贈忻州知州祀忠烈祠

劉玉瓚大興進士太原府中路同知兵亂後修廢舉墜安輯  
有方經征軍租嚴革宿弊吏畏民懷嘗署偏關兵備政績懋  
著及去軍民頌之不衰

李文煥浙江人康熙間中路同知性彊直勇於任事時奸民  
有詣京上書願開甯化岢嵐諸山採木輸稅者事下所屬文  
煥力持之撫部是其議題請停止山民感德立碑以紀其事

山西通志卷一百十三

名宦錄十三

三

卒於官貧不能歸百姓為起墳甯武城外以上甯武府

程三錫聞喜舉人康熙中遼州學正廉靜長厚課士勤懇不  
愧師範

徐正洛錢塘人雍正中遼州吏目端正廉潔有儒吏風

白詒太谷舉人榆社教諭教士有方性愛山水賈峪有奇石  
移入學署建拜石亭道光中創修漳河捐重金程其事以上遼州

陳允忠字孝若遼東人順治中由拔貢擢汾州府同知嘗署  
沁州廉幹威重徵科有法案無留贖猾胥不得肆其奸陋規  
耗羨悉捐付學官為營建資比去爨宇煥然一新

馮鼎樞字北辰高平舉人康熙二十年任沁州學正博物洽  
聞為文高古每月朔望集諸生之向學者為文會飲食教誨  
款洽甚至且倡修爨宇廣植樹木以遺永利一時司鐸者咸



歎為弗及云

馮祉字武若宣城人沁州吏目練達明敏勤於其職康熙丙子霜災饑民強糶至聚黨行劫時州守方公出社計擒其魁四人守歸杖笞之復力贊賑恤躬任其事全活甚眾凡在任三十三年歷事七守時時通達民隱使上下無扞格齟齬人稱其能升福建按察司檢校州人立石頌之沁州

呂子瑗字佩安武進副貢嘉慶元年以平定州判分駐樂平時裁縣後差務科派多沿舊規鄉民涉訟經年子瑗開誠布公委曲詳懇均歸裁免鄉人德之尸祝焉

傅永錫字純嘏新河副貢道光八年平定州判甲午乙未連遭饑饉倡捐錢米設廠煮粥全活甚多以上平定州

周遠祚臨汾人順治間以舉人任繁峙縣教諭姜逆之亂城陷勒受偽職死之

章時雨宛平人由拔貢任五臺教諭好謀善斷不類腐儒姜環之變與邑令吳琮同心協力共守危城者一年後擢都昌知縣

宋師聖泰安人康熙十一年以拔貢任崞縣丞勤敏為政嘗督修城垣及廟學捐俸助工制度燦備治民尤篤慈惠有真民父母之頌立石志去思祀名宦

王瀚猗氏人雍正三年以副貢任五臺教諭學問淵博循循善誘己酉壬子間科目稱盛皆瀚所作青云

王兆鵬字儀九汾陽舉人乾隆十八年以明通任五臺教諭性剛正嚴毅精製義擇高才生自課之諸生有行止不端者戒飭不貸或因訟累屈辱亦為申雪時知縣賴宏典性貪暴

山西通志卷一百十三 名宦錄十三

好凌折士子兆鵬屢忿爭宏典銜之文廟大成殿梁折將傾兆鵬倡捐重修工成已折之梁無所用諸生公議解板為兆鵬壽棺宏典聞之即以私易文廟梁木通詳提省訊鞫問官袒宏典坐兆鵬罪革職充四川極邊軍五臺門人徐敬儒等鳩資贖罪乃放歸里居教授年八十餘卒

康基田字茂園興縣人以明通任繁峙教諭勤學愛士修文廟浚泮池雙泉湧出次年丁丑成進士後官至東河總督其繁峙學署有懷詩人多誦之以上代州

劉瀚字滄若曲沃舉人康熙中保德州學正修葺孔廟留心作人升陽高衛教授明倫堂有去思碑

李甲黃黎城人順治中安邑教諭課士有方修理學宮升安平縣知縣官至工部都水司主事

山西通志卷一百十三 名宦錄十三

王澤永甯州選貢康熙中芮城教諭才識敏練學問宏通與之遊者如坐春風薦舉卓異升四川榮縣令

陳奕禧海鹽人安邑縣丞勤職守工詩文書法行世累官南安守

王執信平定州舉人乾隆中芮城教諭品優學邃多士景從增修學宮續纂邑志其功尤多

白光珮渾源州歲貢芮城訓導道義律身真誠課士以老歸諸生攀送有輿誦詩勒石存明倫堂壁間以上解州

周茂覺浙江人順治間任垣曲縣典史嘗積俸修廳署不傳舍視之姜逆之亂死於城守

黃潛靜樂人垣曲訓導姜環叛遠近應者四起城破籍焉賊死



崔珩壺關舉人絳縣教諭順治六年五月土賊破城邑令逃去珩不屈投井以殉祀名宦

徐祚煥奉天人由絳州州同兩攝絳縣事時土寇焚燬縣城學宮僅存正殿傾圮不堪祚煥修復之

任懷鶴會稽人聞喜縣丞清慎多惠政

胡天爵浙江山陰人垣曲典史有幹才招叛有功遷汀州巡檢

孫世蓋字丹臺興縣人順治十二年由臨縣訓導升垣曲教諭垣自罹兵燹絃誦幾輟世蓋躬率迪之士風丕變時提學

下令不報劣者黜其官世蓋歷兩歲試不一報曰在人以庇已吾不為也考最升崇仁知縣閭庠肖像於石以誌弗諼先是學宮鞠為茂草世蓋捐俸葺之瀕行猶留金助費以不克

觀成爲憾云祀循良祠已見汾州府

張世清會稽舉人潞安府籍康熙中絳州學正氣度寬和才思通敏詩效元白體與多士相唱和在州歷二十年升平陽教授卒

程好生祁縣舉人爲絳州學正博學能文士楷式之繼任爲董梅平定州舉人工詩文從遊甚眾

賈若瑚陽曲崑貢任聞喜訓導育才有法捐俸葺文廟廣植樹木今槐柏成列森蔭官牆皆其手栽也

姬暉字吉甫平定人乾隆十年以舉人任河津教諭性和平饒丰度端凝渾厚與之接如坐光風霽月中立教以敦倫飭

行爲先中藏懇切諸生積學而貧者優禮之倍加體恤九年以老乞歸津士懷之

喬集鶴字儀廷荷氏人以進士官教授補河津教諭端重謹威儀來在時年方踰弱冠才得學純行方志潔文清書院初

成廷主講席談經校藝寒暑風雨無少輟諸生咸奮於學登科第者接踵在任十五年遷修武知縣調泌陽循聲著中州云

沈銘順天人任絳縣典史居官勤慎凡事有裨於民者多贊成之子豐復亦以縣尉涖絳尤得民心嘉慶辛酉歲饑多方

調劑邑無流亡士民以喬梓繼美頌之

韓激汾陽人道光十七年以舉人任垣曲教諭素習武事重名義咸豐三年髮賊破城激手椎擊賊殺十餘人力竭遇害其妻曰夫既死何生爲與子媳俱投水死事聞

優旨褒獎襲雲騎尉祀忠烈祠當激死時所蓄犬常守尸側晝夜不離旣斂猶時哀鳴柩前竟不食死皆稱爲義犬云

高一元定襄歲貢任垣曲訓導癸丑之變年踰七旬矣自縊死贈恤如例祀忠烈祠

王覃通州人垣曲典史同治六年捻匪陷城聞縣令王赴火死亦自殺以殉抵任甫八日也贈恤如例祀忠烈祠以上絳州

徐士鶚浙江人順治六年任大甯典史姜逆之亂守城不少規避城破死之妻子亦偕死焉

鍾夢豹宛平人永和典史姜逆之亂誓以身殉不屈死祀忠烈祠

崔全仁字純庵平定舉人雍正十一年任陽州學正鼓勵士

風修明學政革除丁祭陋習敬復古制

張紹杰字亞三應州舉人道光十六年任大甯訓導廉靜寡



欲學有根柢督修學官倡立齋房勸課士子不憚勤勞以上  
胡仁餘姚人順治元年任趙城典史才優而有守重開通利  
渠督修護城河隄其功甚偉發奸摘伏卓有能聲

朱應元山陰人霍州吏目緝捕勤能盜賊屏跡

周士錦建安人康熙八年由選拔任霍州判官勤謹佐治增  
泊無擾累晉州篆著有賢聲

李用文錢塘人趙城典史好學工詩並曉音律居官不名二  
錢盡心緝捕四境肅清時 大兵西征佐供億事換糧夫馬

親為給役地方帖然暇則跨一騎攜奚童負囊尋勝有昌谷  
風時論美之

張仕敬益都人乾隆中靈石典史二十三年六月大雨山水  
暴至決城北門入居人相率陟屋登城以避而南門關閉水

山西通志卷一百十三 名宦錄十三 天

不得洩勢危甚仕敬識水性泗至門下去樓門闕水退人民  
獲全

劉衡詔文水人靈石教諭勤課士子行止嚴正嘉慶二年捐  
俸修學宮閩邑頌之以上  
霍州

右一百三十六人

山西通志卷一百十三

名宦錄十四 錄一之十四 山西通志第一百十四

賜進士出身頭品頂戴兵部侍郎兼都察院右副都御史巡撫山西提督軍務臣張爾琿

旨監修

武職

蕭由字子驕東海蘭陵人望之子也舉賢良遷太原都尉治  
有聲多稱薦者元始中為中散大夫終官案太原都尉治

弓里成為騎都尉建武二年將兵平定北州到太原歷訪英  
俊大人問以策謀成見温序奇之上疏薦焉序後遷護羌校

尉死義於阬囂當時以成為知人  
右漢二人

右漢二人

于栗磾代人登國中拜冠軍將軍永興中關東羣盜大起西  
河反叛栗磾受命征伐所向皆平即以本號留鎮平陽轉河

山西通志卷一百十四 名宦錄十四 一

內鎮將築壘河上親自守焉禁防嚴密斥堠不通宋高祖伐  
姚泓憚栗磾不敢前進遣書請假道西上題曰黑稍公麾下

栗磾以狀表聞太宗許之因授黑稍將軍栗磾好持稍以自  
標宋兵望而異之故有是語進新安公遷蒲坂鎮將時宏農

河內上黨三郡賊起栗磾討平之卒贈太尉蒲州

安原遼東人雅性矜嚴沈勇多智略明元時為獵郎出監雲  
中軍事以驍勇任為將鎮守雲中寬和愛下甚得眾心以功

賜爵武原侯

段進太武初為白道守將蠕蠕大檀入塞圍之力屈被執進  
抗聲大罵遂為所害追贈安北將軍

來大千代人累遷征北大將軍賜爵盧陵公鎮雲中兼統白  
道軍事寇賊北叛大千前後追擊莫不平殄世祖以其壯勇



敏有戰功兼悉北境險要詔巡撫六鎮以防寇虜經略布置  
甚得事宜後吐京反以大干為都將討平之在吐京卒喪還  
停於平城南世祖出還見而問之左右以對世祖悼嘆者良  
久詔曰大干忠勇盡節功在可嘉今聽喪入殯城內諡莊  
元休景穆子元興二年封安定王孝文時出為使持節征北  
大將軍撫冥鎮大將蠕蠕入塞休身先將士擊走之

宇文福其先南單于之遺屬也世為擁部大人福少曉果有  
膂力性忠清以信馭人甚得聲譽後除懷朔大將至鎮卒  
費穆字朗興代人于之孫也襲男爵六鎮反叛詔穆為別將  
隸都督李崇北伐都督崔暹失利崇將班師會諸將議曰朔  
州是白道之衝賊之咽喉若此處不全則并肆危矣今欲選  
諸將一人留以鎮捍不知誰堪此任僉曰無過穆者崇乃請

山西通志卷一百十四 名宦錄十四 二

為朔州刺史仍輔國將軍尋改除雲州刺史穆招離聚散頗  
得人心時北境州鎮悉皆淪沒惟穆獨據一城四面抗拒孝  
昌中二絳蜀反以穆為都督討平之後進封趙平郡開國公  
元顥以河陰酷濫事起於穆詰而殺焉莊帝諡武宣

叱列平代郡西部人襲第一領民酋長孝昌末拔陵反叛茹  
茹餘眾入寇馬邑平以統軍屬有戰功後牧子作亂劉胡喻  
斛律可那律俱時搆逆以平為都督討定胡喻等齊神武起  
義平歸誠從平爾朱兆武定初除廓州刺史以上歸

右後魏八人

皮景和琅琊下邳人父慶寶正光中使懷朔遇世亂因家廣  
甯之石門縣景和少通敏善騎射武定二年征步落稽世宗  
疑賊有伏兵令景和將五六騎深入一谷中值賊百餘人便

共格戰景和射數十人莫不應弦而倒高祖嘗令景和射一  
野豕一箭而獲之深見歎賞封永甯縣開國子從定稽胡從  
討茹茹菴羅辰於陞北又從平茹茹餘燼河清三年突厥圍  
逼晉陽令督領後軍赴并州未到賊已退仍除領左右大將  
軍又除并省五兵尚書周通好後常令景和對接每與使人  
同射百發百中武平中又從斛律光率眾西討克姚襄白亭  
二城別封永甯郡開國公進文城郡王卒

右北齊一人

長孫晟字季晟河南洛陽人性通敏略涉書記善彈工射趨  
捷過人以功累授左勳衛驃騎將軍開皇十九年遣晟領五  
萬人於朔州築大利城以處歸誠者晟奏言歸者既眾雖在  
長城之內猶被雍虞閭侵襲不得甯居請徙五原以河為國

山西通志卷一百十四 名宦錄十四 三

掘為橫塹令處其內人必自安上從之明年復還大利城安  
撫新降終右驍衛將軍和林格  
宋老生未詳何處人以虎牙將帥兵三萬守霍邑唐兵至老  
生與戰馬蹶被擒死之州

右隋二人

張平高緞州虜施人隋末為鷹揚府校尉成太原為高祖所  
識因參謀議為軍頭封蕭國公  
史大柰本西突厥特勒入隋為金紫光祿大夫後分其部於  
樓煩高祖與太原大柰提其眾隸麾下桑顯和戰飲馬泉諸  
軍却大柰以勁騎數百背擊顯和破之軍遂振授光祿大夫  
從平長安以功多賞帛五千匹賜姓史從秦王平薛舉王世  
充竇建德劉黑闥功殊等賜侍女三雜采萬段貞觀初攝



左武衛大將軍檢校豐州都督封寶國公食封戶三百卒贈輔國大將軍

李思行趙州人嘗避魯太原高祖令赴長安還具論機變探稱旨授左三統軍從破宋老生封樂安郡公卒謚襄

段志元齊州臨濟人父偃隋末為太原司法書佐志元從父客太原以剽果諸少年畏之甚為太宗所識義兵起募得千餘人授都督府軍頭從平霍邑絳郡皆為先鋒突擊桑顯和

躡獲突厥通于稠桑封襄國公卒贈揚州都督謚曰忠壯宇文歆武德初劉武周略汾晉詔歆以右衛大將軍助齊王

元吉守并州元吉喜獵夜潛出淫民家縱左右攘畜產歆頗諫不聽乃顯表於上言元吉與竇誕縱獵擾民不可與其守元吉坐免

李光亮涇陽人貞觀八年為河東道行軍總管有蜀渾山之捷威名大著

田仁會雍州長安人擢制舉仕累左武侯中郎將太宗征高麗而薛延陀以數萬騎掩河內詔與執失思力率兵擊敗之尾逐數百里延陀幾生得聖書嘉慰六遷勝州都督境有宿賊依山剽行人仁會發騎捕格夷之城門夜開道無寇跡累遷右衛將軍卒謚曰威

辛旻從李光弼定恆趙後署太原三城使史思明屯相州及淫陽旻逆擊走之後守河陽卒

烏承玘字德潤張掖人累立戰功李光弼表為冠軍將軍封昌化郡王為石嶺軍使王思禮為節度使軍政倚辦焉

劉文英辛忠臣皆河東將大歷八年討田承嗣與賊將盧子

期大戰臨水破之

呂鳴岳河中都將張延英河中都虞侯李懷光拒命與判官高郢同謀間道上表及投密詔事洩遇害

馬良輔太原大將貞元十年監軍王定遠謀為亂升堂刺節度使李說不獲馳至府門召集將吏於箱中陳勅牒官告示諸將曰有勅令李景略知留後遣說赴京公等皆有恩命指箱中示之諸將方拜拜良輔呼而麾眾曰箱中皆監軍舊官告非恩命也不可授但備急變爾定遠知事敗乃走召其部下將卒多不之應比夜墜城下幾死尋長流崖州大將高迪等同其謀說皆斬之

符令奇沂州臨沂人初為盧龍軍裨將擊子璘奔昭義節度使薛嵩署為軍副後田承嗣盜其地引為右職田悅拒命馬

燧討之令奇密謂子璘曰吾閱世事多矣自安史干紀無噍類吾親田氏覆亡無時汝能委質朝廷為唐忠臣吾亦名揚後世矣璘泣曰悅忍人也近禍可畏令奇曰今日王師四合吾屬組中醜兒今行吾死不朽不行吾亦死尸疊逆地云何璘

俯泣不能對及悅使璘護送齊將李納璘與父嚙臂別與三子同出以三百騎降燧悅引令奇切讓令奇罵曰爾忘義且夕死吾教子以順殺身庸何悔鈞死愈爾遠矣遂遇害臨刑色不變年七十九贈戶部尚書

符璘字元亮令奇子降馬燧署為軍副詔拜特進封義陽郡王既聞父見害號絕泣血燧表其寃加檢校左散騎常侍賜

晉陽第一區祁田五十頃燧討李懷光璘以五千兵先濟河與西師合從燧入朝為輔國大將軍璘之降母匿里中獨免

燧討之令奇密謂子璘曰吾閱世事多矣自安史干紀無噍類吾親田氏覆亡無時汝能委質朝廷為唐忠臣吾亦名揚後世矣璘泣曰悅忍人也近禍可畏令奇曰今日王師四合吾屬組中醜兒今行吾死不朽不行吾亦死尸疊逆地云何璘俯泣不能對及悅使璘護送齊將李納璘與父嚙臂別與三子同出以三百騎降燧悅引令奇切讓令奇罵曰爾忘義且夕死吾教子以順殺身庸何悔鈞死愈爾遠矣遂遇害臨刑色不變年七十九贈戶部尚書



及田說死詔迎至京賜宴別殿璘居環衛十三年卒贈越州都督

溫德彝河中都將太和四年從溫造誅興元亂卒

薛茂卿潞州將勇善戰謀歸王宰為劉稹所殺稹誅詔贈博州刺史

石雄徐州人敢殺善戰黨項擾河西召隸振武劉沔軍破羌有勞會昌初回鶻入寇連年掠雲朔牙五原寨下詔雄為天德防禦副使兼朔州刺史佐劉沔屯雲州沔召雄謀雄即選沙陀李國昌及契苾拓跋雜虜三千騎夜發馬邑旦登振武城望之見屬車十餘乘從者朱碧衣謀者曰公主帳也雄潛使喻之穴城夜出縱牛馬鼓譟直搗烏介帳可汗單騎走斬萬級獲馬牛羊不貲迎公主還進豐州防禦使武甯李彥佐

山西通志卷一百十四 名宦錄十四 六

討劉稹逗留以雄為晉絳行營諸軍副使時王宰屯萬善劉沔屯石會關願望莫先進雄受命即勒兵越烏嶺破賊五壁斬獲千計賊大震雄臨財廉賜與輒置軍門自取一匹繖餘悉分士伍由是眾感發無不奮武宗喜曰今將帥義而勇罕雄比者就拜行營節度使代彥佐徙河中稹危蹙其大將郭誼密獻款眾疑其詐雄大言曰誼為稹謀主今欲殺稹乃誼自謀又何疑雄以七千人徑薄潞受誼降進檢校兵部尚書徙河陽拜神武統軍卒

李筌河東節度虞侯將也嘗於嵩山石壁得黃帝陰符經注以行世尤精兵家言注孫子並傳虎鈴經云薛阿檀太原將中和初從李克用破巢賊收復長安復為克用前鋒破赫連鐔擒其將賈塞兒鐔奔遂取雲州

右唐十八人

案諸人職守多不能指一以年代相次以後同

王建立遼州榆社人為代州虞侯將莊宗嘗遣女奴之代州祭墓女奴侵擾代人建立捕而笞之莊宗怒欲殺之明宗時為刺史庇護之以免後封韓王

裴約潞州牙將也李嗣昭為昭義軍節度使約以裨將守澤州嗣昭卒其子繼穎以澤潞叛降於梁約召其州人泣而諭曰吾事故使二十餘年見其分財饗士欲報梁仇不幸早世今即君父喪未葬違背君親吾能死於此不能從以歸梁也眾皆感泣梁遣董璋率兵圍之約與州人拒守求救於莊宗莊宗聞繼穎叛頗有憂色及聞約求救喜曰吾於繼穎何薄於約何厚而約能分逆順耶願符存審曰吾不惜澤州與梁一州易得約難得也爾識機便為我取約來存審以五千騎

山西通志卷一百十四 名宦錄十四 七

馳至遼州而梁兵已破澤州約見殺

張廷蘊開封襄邑人事晉遷軍校李繼韜叛於潞州為馬步軍都指揮使將兵為前鋒至潞日已暮即率兵百餘踰濠登城城守者不能禦遂破潞州明且明宗與元行欽後至明宗心頗嫌之後歷絳州防禦使卒廷蘊素廉歷七州家無餘貲

右後唐三人

楊廷璋字溫玉正定人周初為昭義兵馬都監世宗時鎮晉州有惠愛屢拔北漢堡砦置保安興同白壁等十餘砦遣監軍李謙溥知隰州合勢大敗并人世宗喜曰吾舅真能禦寇詔褒之加檢校太保恭帝加檢校太傅宋初加檢校太尉吏民詣闕請立碑頌功德命盧多遜撰文賜之張暉幽州大城人周廣順初為晉絳步軍左廂排陣使宋初



從征澤潞為行營壕砦使先登陷陣事平遷華州團練使建  
隆二年太原未下詔入覲問計對曰澤潞經李筠之叛瘡痍  
未復軍旅一興恐人力重困不若戢兵育民俟富庶而後為  
謀乃賜襲衣金帶鞍勒馬遣還乾德二年卒

曹彬字國華正定靈壽人周初為河中都監蒲帥王仁錫以  
彬帝戚尤加禮遇彬執禮益恭公府謙集端簡終日未嘗旁  
視仁錫謂從事曰老夫自謂夙夜匪懈及見監軍矜嚴始覺  
己之散率也顯德五年為晉州兵馬都監一日與主帥暨賓  
從環坐于野會鄰道守將走价馳書來請使者素不識彬潛  
問人曰孰為曹監軍有指彬以示之使人以為給已笑曰豈  
有國戚近臣而衣弋絺袍坐素胡牀者乎審視之方信宋建  
隆二年自平陽召歸遷客省使攻樂平縣降之建為平晉軍

山西通志卷一百十四 名宦錄十四 八

乾德初改左神武將軍進攻平晉大敗之及平蜀亂藥中唯  
圖書衣衾而已六年同李繼勳等征太原為前軍都監戰洞  
淵河斬二千餘級俘獲甚眾開寶二年親征復為前軍都監  
率兵先往次團柏谷降其將陳延山又戰城南薄于濠橋奪  
馬千餘及太祖至則已分砦四面而自主其北尋伐南唐不  
妄戮一人拜樞密使太宗加同平章事議征太原召彬問之  
彬言國家兵甲精銳弱太原之孤壘如摧枯朽太宗意遂決  
太平興國三年晉檢校太師從征太原咸平二年卒贈中書  
令追封濟陽郡王諡武惠

王廷義萊州掖人父景從張敬遠圍太原以所部歸晉開運  
中為晉州巡檢使知州事周廣順中為護國軍節度使宋初  
守太保封太原郡王卒追封岐王諡元靖廷義性勇敢善騎

射宋初為內外馬步軍副都軍頭開寶二年從征太原親鼓  
士乘城獨免胄矢中其腦而顛經宿卒太祖甚惜之優詔贈  
建雄軍節度

翟守素濟州任城人唐漢周領承天軍使開寶中從征太原  
孫方進圍汾州監其軍九年詔與郭進率兵深入并人境踏  
藉禾稼多所虜獲太宗初領憲州刺史雍熙四年知路州命  
為代北方田都部署并州兵馬鈐轄淳化中屯石州卒守素  
縣立內職五十餘年所至有治績

李崇矩上黨人宋初為澤潞南面行營前軍都監破李筠眾  
于碾子谷澤潞平遣人先入城收圖籍視府庫後拜樞密使  
開寶初從征太原班師命為後殿卒諡元靖

山西通志卷一百十四 名宦錄十四 九

事濟城隍殿兵備并敵至謙溥登城徐步敵不敢動夜縋敢  
死士百餘薄敵營大破之開寶元年李繼勳征太原溥為汾  
州路都監在州十年敵不敢犯百姓乂安遷齊州團練後邊  
將失律使為晉隰沿邊巡檢邊民喜之

郭進深州博野人建隆初征澤潞為洺州防禦使充西山巡  
檢與曹彬王全斌入太原獲數千人開寶九年為河東道忻  
代等州行營馬步軍都監招徠山後諸州民三萬七千餘口  
太平興國初領雲州觀察使仍兼西山巡檢四年車駕將親  
征命分兵控石嶺關以防北邊遼人果犯關大破之又攻破  
西龍門砦俘賊來獻自是并人奪氣時田欽祚護石嶺軍恣  
為姦利諸不法事進力不能禁屢形於言進武人性剛烈戰  
功高欽祚以他事侵之心不能甘自經死欽祚以暴卒聞上



悼惜久之進有材幹輕財好施在西山太祖遣戍卒必論之曰汝輩謹奉法我猶貸汝郭進殺汝矣其御下嚴毅若此然能以權道任人嘗有軍校自西山詣闕誣進者太祖詰知其情狀遣使送與進令殺之會并人入寇進謂誣者曰汝敢論我信有膽氣今能掩殺并寇即薦汝於朝其人踴躍聽命果以克捷進即以聞乞遷其職從之太祖嘗曰進控扼西山十餘年使我無北顧憂我親進豈減兒女耶

孔守正開封浚儀人開寶中從何繼筠大敗遼師於石嶺關太宗征晉陽分主城西洞屋率步卒大呼先登繼與內侍蔡守恩等率騎兵力戰并軍遂潰消化初領代州部署連移并代夏綏麟府三鎮改代夏二州部署真宗初復徙代州咸平初守正上言四任雁門邊亭久安願東北以自效入胥壯之

山西通志卷一百十四 名宦錄十四 十

趙延進瀘州頓邱人父暉周太子太師延進好學開寶中知河中府太平興國中平并州為攻城八作據岩使嘗與崔翰等禦遼師于定賜陣圖分為八陣陣去各百步延進力請改為二陣前後相副遂大破之仕至右金吾衛大將軍卒劉知信字至誠邢州人母即昭憲后妹太平興國四年從征河東為行宮使雍熙中有戰功四年為并州路副都部署端拱中代還景德中卒贈太尉知信最為舊故以循謹聞子承宗大中祥符中緣邊安撫張煦字輔陽開封人太宗時以內殿崇班為鎮定邢趙山西土門路都巡檢使遼騎兵剽境上煦以所部斬首數十走之葛霸周瑩李繼宣稱其幹舉有詔嘉獎復為岢嵐軍使天禧三年以西上閭門使為并州鈐轄請近郡卒

李允正謙溥子太宗時為并州駐泊鈐轄俄代張承德知州事徙代州咸平初又為并代馬步軍鈐轄駕駐大名與高瓌率大原軍出土門路來會召見便殿所部有廣銳騎士數百皆素練習命引入賜緡錢俄以兵會大名復還并代五年移陝西兩路尋復任并代鈐轄終鄜延部署

韓守英字德華開封祥符人從征河東數奉詔至石嶺關督戰取隆州歷并代路兵馬鈐轄遼圍岢嵐軍與鈐轄張志言知府州折惟昌帥所部渡河抵朔州以牽賊勢遂破狼水砦俘數百人獲馬牛羊鎧甲以數萬計賊為解去賜錦袍金帶又為并代路都鈐轄建言本路宿兵多百姓困於飛輓今幸邊郡無事請留騎軍千餘人悉徙內地真宗曰邊臣能體朝廷恤民之意宜詔諸路視此行之後為景福殿使延福宮使卒

山西通志卷一百十四 名宦錄十四 十一

高繼勳字紹先瓊子咸平中遷洛苑使并代州鈐轄徙屯岢嵐軍遠兵五萬屯草城川誘令南伏兵寒光嶺大敗之遷弓箭庫使賜金帶錦袍徙麟府州鈐轄時屯兵河外饋運不屬繼勳扼免毛川援送軍食師乃濟累遷馬軍副都指揮使授建雄軍節度使卒贈太尉後追封康王謚穆武張耆字元弼開封人給事真宗藩邸累遷昭州團練使并代州鈐轄後坐事貶供備庫使潞州都監久之事稍辨復官上以耆歷河東稔邊事召至宣和閣問地里險易狀耆因言雲應蔚朔四郡間遣人以文移至并代間非規邊虛實即欲熟道路宜密諭代州使自雲應蔚至者由大石谷入自朔至者由土墮入餘間道皆塞之以示險東封遷絳州防禦使從祀



汾陰授威塞軍節度使晉宣徽南院使兼樞密副使罷復召為樞密使改節昭德封鄧國公明道初改節護國出外致仕卒贈大師諡榮僖子利嘗知代州

王德用字元輔趙州人超子天聖中為并代州馬步軍副都總管累官知樞密院罷至和元年復以同平章事為樞密使與遠使耶律防同射於玉津園防曰天子以公典樞而用富公為相將相皆得人矣卒諡武恭

閻守恭榆次人明道中任并代鈐轄性沈勇御軍嚴嘗訪求士大夫師法郭進事俸祿悉散於人在并州因春社會客曰守恭大原一貧民耳徒步位刺史老復官鄉里踰分多矣今日與卿輩訣後十日卒

任福字祐之河東人寶元中為嵐石隰州緣邊都巡檢使既

山西通志卷一百十四 名宦錄十四 十三

辭奏曰河東地界大河斥堠疎濶願嚴守備以戒不虞上善之後加忻州團練使尋知慶州兼環慶路副總管康定二年戰歿於好水川贈武勝軍節度使兼侍中

王仲寶字器之密州高密人仁宗時為澤路晉絳慈隰威勝軍巡檢使至官裁八日獲太行山宿賊八十人賜金帛緡錢

遷內殿承制後為并代州鈐轄加西上閣門使建言緣邊博羅屬羌苦之請寬法使得復業以捍邊境久之遷東上閣門使元昊寇延州仲寶將兵至賀蘭谷以分兵勢敗蕃將羅逋於長雞嶺後又以磁州防禦使知代州致仕卒

張致仁宗時并代副總管河東更鐵錢法人情疑貳兵相率叩府欲訴幾為亂致策馬往諭之皆散還營

郭恩開封人仁宗時以崇儀使為并代州鈐轄管勾麟府軍

馬事戰敗於屈野河不屈死贈同州觀察使

郭遵開封人以左班殿直為并代路巡檢累遷延州西路都巡檢使從劉平力戰歿特贈果州團練使遵用鐵杵槍槩共重九十斤

張岳字子雲府州谷人為內殿崇班明鑄在河東以岢嵐軍當雲朔路奏岳為麟府路駐泊都監兼沿邊都巡檢使駐岢嵐張亢修瀕河堡障初議置安壘砦于石臺神岳以為非要害地遂徙砦於生地骨堆以扼賊左右親信曰擅易砦地可乎岳曰苟利國家得罪無憾也卒易之已而本道上言左

遷絳州兵馬都監二州未解嚴復麟府駐泊都監屯安壘累遷洛苑使嘗從數騎夜入羌中偵機事既還羌覺追之岳隨羌疾馳効羌語與羌俱行數里乃得脫前後中流矢創發卒

山西通志卷一百十四 名宦錄十四 十三

趙滋字子深開封人韓琦言真將帥才薦授并代路鈐轄改管勾河東經略司公事建言代州甯化軍有地萬頃皆肥美可募人田作教戰射為堡砦人以為利終天武捧日四廂都指揮使滋取軍嚴簿書米鹽皆有條法而性尤廉謹月得公使酒不以入家云

賈崑字民瞻開封人神宗時為河東將敗西夏兵於明堂川累功轉莊宅副使遷路都監紹聖中夏圍麟州神堂巖即循屈野河行且五里據北攔坡嶺一矢殪其酋加皇城使成州刺史遷路鈐轄崑在行間二十年有智略能撫御士卒所嚮輒勝入累遷步軍都虞侯卒

何灌字仲源開封祥符人武選登第為河東從事經略使韓縝雖數試其才而常沮抑之不假借久乃語之曰君奇士也



他日當據吾坐爲府州火山軍巡檢盜蘇延福狡悍爲二邊  
患灌親梟其首嘗申畫賈胡曠泉界遠人舉兵灌發軌中或  
著巖石皆沒鏃敵斂去爲河東將與夏人遇鐵騎來追瀧射  
皆徹甲至洞胸出背疊貫後騎羌懼而引卻知甯化軍豐州  
徙熙河又提點河東刑獄及梁方平守黎陽拜灌武泰軍節  
度使河東河北制置副使靖康元年正月方平奔灌師遂潰  
戰沒於汴城西

徐徽言字彥猷衢州西安人負氣豪舉喜談功名事大觀二  
年賜武舉絕倫及第歷保德軍監押以邊功加闔門祇候平  
陽府軍馬鈐轄權知保德軍政總領河西軍馬宣和四年定  
天德雲內兩城宣撫使童貫嫉其功復棄去改知火山軍兼  
統制河西軍馬徙赴石州靖康初遷武翼郎閤門宣贊舍人

山西通志卷一百十四 名宦錄十四 十四

金圍太原分兵絕饒道自隰石以北命令不通者累月徽言  
以三千人渡河一戰破之遷武經郎知晉甯軍兼嵐石路沿  
邊安撫使彞昌出河東爲金人所劫以便宜割河西三州隸  
西夏徽言率兵復取三州并取嵐石等州教戈船卒乘羊皮  
渾脫亂流以掩敵金人益備克胡若吳堡津遣守領爲九州  
都統與晉甯對壘徽言出奇兵襲逐之時河東郡縣淪沒遺  
民日候大軍至徽言陰結汾晉土豪數十萬約復故地則奏  
官爲守長聽世襲條其事以聞候報可卽身率精甲擣太原  
徑取雁門留兵戍守且曰定全晉則形勝爲我有中原當指  
期克復投機一時會不可失奏上詔徽言聽王庶節制議遂  
格建炎二年冬金自蒲津涉河圍之時環河東皆陷獨晉甯  
屹然孤墉橫當強寇微言遣人泗河召逃民幾萬眾浮筏

渡與金人懸河上大小數十戰後裨校散外郭納金兵微言  
與太原路兵馬都監孫昂決戰鬥中格殺甚眾退嬰牙城金  
兵拔以去不屈死之初微言與劉光世東髮雅故光世被命  
援太原次吳堡津輒頓不進微言移書趣行不聽又諭以太  
原旦暮望救總管承詔赴急不宜稽遲取方命罪光世猶前  
卻微言卽露章劾其逗撓封副與之光世惶遽引道至是死  
節事聞贈晉州觀察使諡忠壯

李異宣和末爲代州西路巡檢使金取代遣使諭降異射殺  
招降者誓死士堅守圍急力不能支或夜被執怒罵不屈死  
之

王稟靖康元年爲太原副總管六月賞城守之勞加建武軍  
節度使及城陷死之

山西通志卷一百十四 名宦錄十四 十五

祁昂晉甯統制與徐徽言同被執不屈而死贈成忠郎團練  
使父翊宣和末知朔甯府救太原死於陣世著忠義云

賈宣汾州路兵馬都監與張克戩同死難

王忠植石州人紹興十年知代州舉兵復石代等十一州遂

以爲建甯軍承宣使又爲河東路經略安撫使胡世將命救

慶陽叛將趙惟清執之令降金不屈死贈奉國軍節度使諡

義節

右宋三十三人

耶律懷義遼宗室金宗翰取西京天祚謀奔於夏懷義諫止  
之不聽乃竊取麻馬歸金命領謀克從軍天會初帥府以新  
降諸部大小遠近不一令懷義易置之承制以爲西南路招  
討使乃擇諸部衝要之地建城市通商賈諸部兵革之餘人



多匱乏自是衣食歲滋畜牧蕃息矣從宗翰伐宋降馬邑破雁門屯軍進攻太原以所部別降清源縣徐溝鎮遂與諸將別屯汾州之境時河東陝西路兵來攻太原劉光世折可求柵於文水西山懷義捕得生口盡知宋兵屯守要害乃分兵襲敗之明年從婁室取汾州及其屬邑遂過平陽出澤潞以趨河陽所至皆絳七年還鎮十年改西北路懷義在西陲幾十年撫御有恩及去老幼遮道攀戀數日不得發天眷初為太原尹治有能聲後封蕭王海陵末卒於雲中

完顏衷中都司屬司人世祖之曾孫也為代州宣銳軍都指揮使歲旱州委禱雨於五臺靈潭步致其水雨隨下人為刻石紀之後除順義軍節度使陞辭賜金幣特寵異之移鎮西秦和六年致仕卒衷孝悌貞謹深悉金源婚禮婚嫁每令衷相之治復有能稱

山西通志卷一百十四

名宦錄十四

十六

粘割貞西南路招討司人大定二十八年進士貞祐中歷汾陽軍節度使四年改昭義軍充潞州經略使興定二年權元帥左都監守晉安府三年十一月城破貞與府官十一人皆死之

納蘭胡魯刺大名路伯魯歡猛安人寡言笑好讀書承安二年進士第一除應奉翰林文字貞祐中遷絳陽軍節度使權河東南路宣撫副使是時兵興胡魯刺完城郭繕器械料才壯為鄉兵延問耆老招致儒士咨以備禦之策鹽米儲備勸富民出粟郡賴以完賜詔褒諭加資善大夫官其次子吾申改權經略使被召以疾不能行卒於絳州

楊貞吉州人父椿常為融州刺史貞擢明昌五年進士仕至

河東南路招撫吉隔便宜經畧使築牛心寨以禦元兵寨臨黃河貞以甯德及子克義監戰克義死之與尸至貞嘆曰我以身報國子何足惜無何元兵復自鄜延渡河圍吉安招撫張冲同知伍禮厚守之禮厚貞子婿也元兵夜攻吉安堡并牛心寨事急貞謂禮厚曰爾業進士致身五品亦欲降耶禮厚并其妻墜崖死之又謂子克敬克讓曰國事去矣吾不忍汝輩為人虜相繼墜崖死之夫人孟氏自縊死貞朝服南望痛哭再拜赴河死後數日尸橫河上門人張安石收葬焉

奧敦醜和尙為代州經略使貞祐四年八月元兵攻代州和尙禦戰敗績身被數創執不屈死

禹顯代州人以戰功授義勝軍節度使兼沁州招撫使元光初元兵攻河東顯扼龍豬谷擊破其眾擒元帥韓光國俘獲甚眾後守襄垣與元兵戰於玉女寨大捷以內變城陷被擒不屈而死

山西通志卷一百十四

名宦錄十四

十七

楊閻代人為禹顯部將每戰必求副連以勞得官從顯守襄垣與元兵相持五年進懷遠將軍同知沁南節度使分兵駐銅鞮治柵北磧中招呼遺竄稍集元兵悉眾來攻閻行夜至隘樓中敵偵刺手搏數人以死

耿昉束鹿人為平定軍宣武指揮使性資沈雅才略博宏恤軍愛民重學造士後占籍焉

右金九人

攸哈刺巴圖渤海人善射戊寅授金虎符河東北路兵馬都元帥鎮太原修城池繕兵甲招降屬邑市肆不改遠近聞之皆相率來歸嘗微服夜出聞民間語曰吾屬父母子女相失



矣下令軍中凡俘獲有親者聽贖無質者官為贖之民得完  
聚者眾庚辰金梁知府立西風寨奪耕牛哈刺巴圖殺梁知  
府驅耕牛還又破隰州辛巳三月引甲騎十餘人救壽陽王  
胡莊道三交大戰金兵遁五月金趙權府圍太原將騎三十  
出西門金兵又遁癸未大敗金師於太谷縣甲申六月平凌  
井寨乙酉二月清泉寨降石家昂亦降丁亥五月奸人夜獻  
太原東門於武仙仙引兵入哈刺巴圖鑿城仙兵大至諸將  
自城門外呼曰當速出哈刺巴圖曰真定史天倪平陽李守  
忠隰州田雄皆失守矣我又棄太原將何面目見主上及國  
王乎家屬任公等所俘吾誓與城存亡遂沒於陣太祖以其  
子幼命其表弟王七十復守太原後又命哈刺巴圖長子莽  
果台嗣守太原

山西通志卷一百十四 名宦錄十四 十九

安扎爾拓跋氏嘗扈從南征命領蒙古軍為前鋒已卯河中  
府降兵北還以安扎爾領前鋒總帥仍統所部兵屯平陽以  
備金攝國王事金將紇石烈擁兵畏安扎爾威名不敢輕犯  
其境壬午金將侯小叔陷河中城元帥石天應死焉將趨中  
條安扎爾進兵擊之斬首數萬級免者僅十數癸未春至開  
喜縣西下馬村穆呼哩卒令安扎爾居守平陽甲午封功臣  
賜平陽戶六百一十有四驍戶三十獵戶四未幾卒  
李伯溫守賢之孫毅之子也行平陽元帥府事鎮青龍堡及  
平陽陷弟守忠被執選驍勇拒守久之金人盡銳來攻守卒  
多夜遁李成導敵入伯溫登堞樓曰吾兄弟仗節擁麾受方  
面之寄今不幸失利當以死報國吾弟已被執我不可再辱  
汝等宜自逃生士卒尚不忍去伯溫即拔劍殺家屬投井中

以刃植柱刺心而死金人登樓見伯溫抱柱如生無不嗟歎  
李守正伯溫子為平陽守活俘甚眾以功授河東南路兵馬  
都元帥庚寅上黨晉陽攻汾州將陷守正赴援敵懼解去汾  
州持牛酒迎犒者道不絕且泣謝曰幸公完是州德甚大願  
奉是州以從關中兵屯吉州會領楊鐵槍以數千人叛出兵  
捕之軒成據隰州守正往擊之中矢傷足及歸創甚會金完  
顏合達攻平陽守正裂瘡戰沒大帥以其兄守忠代之  
李守忠守正兄官至河東南路兵馬都元帥兼知平陽府事  
壬午冬平陽公胡景山以青龍堡來降丁亥夏四月援國王  
安扎爾於洪洞會高梁師潰城遂陷金人執守忠至休誘以  
高爵守忠罵之惡金人怒置鐵籠中火炙死

山西通志卷一百十四 名宦錄十四 十九

任志潞州人戊寅國王穆呼哩略地潞州志迎降授以虎符  
俾充元帥收集山寨數與金兵戰有功金嘗擒其長子如山  
招之志曰我為大朝帥豈愛一子親射其子殪之穆呼哩嘗  
召諸將議事志亦預徵道經武安縣已反為金志死之國王  
令其子存襲  
任存襲父職潞州元帥庚寅金將武仙攻潞州存戰死辛卯  
正月有旨潞州元帥任存妻孥家屬令有司稟給仍賜第以  
居之十一月以存父子死事子立尙幼先官其姪成為潞州  
長官待立長擢授之成卒授立潞州長官佩金符後懋澤州  
尹  
劉伯林濟南人好任俠善騎射金末為威甯防城千戶壬申  
太祖圍威甯伯林以城降即以金都提控原職授之命選士  
卒為一軍招降山後諸州太祖北還留伯林屯天城過金兵



前後數十戰進攻西京錄功賜金虎符充西京留守兼兵馬副元帥戊寅從攻下太原平陽已卯破潞絳及火山聞喜諸州縣時欲徒聞喜民實天城伯林以北地人艱食力爭止之部曲俘獲萬計悉縱之在威甯十餘年務農積穀與民休息隣境凋瘵而威甯獨為樂土語人曰吾聞活千人者後必封吾所活何啻萬餘人子孫必有興者辛巳以疾卒累贈太師封秦國公謚忠順

杜豐字唐臣汾州西河人少有大志通兵法仕金為平遙義軍謀克率所部來附從國王安扎爾攻平陽絳州解州諸堡招集流民三萬餘家金人南遁遂以豐守河北從下懷孟破溫谷木澗等寨及洪洞西山賊墜崖死以萬計金將武仙等抄掠授河東南北路兵馬都元帥便宜行事遂破玉女割

山西通志卷一百十四 名宦錄十四 三

渠等寨從攻益都金首將突圍出豐戰扼之益都下遂略地登萊降島民萬餘以本部取沁州由是銅鞮武鄉襄垣縣上沁源諸縣皆下復撫定平陽太原真定及遼沁未降山寨所至悉平擢沁州長官在州十餘年寬徭薄賦勸課農桑民以富足後請老卒於家沁人立祠祀焉子思敬世祖至元中累遷侍御史

趙全平陽襄陵人氣宇英邁有膽智金末羣盜起擊家據縣山之陽日從數百人射獵元太祖南下率眾歸附從國舅下正定沼磁銅臺諸郡以功擢副元帥安撫沁州治績用成卒於官

樊天勝定襄人以武功授九原府元帥金常山軍武仙取忻州大帥怒其民欲盡戮之天勝哀訴得免

劉璧忻州人歷郡首選本州兵馬都總管知府事洩政仁賢吏民畏服

楊士衡清涼軍團練節度使天資孝友敏而勤學劉亨范陽人元初以功充行軍副總管時河東被兵之餘民物空竭上言建國以民為本今河東殺掠殆盡收存恤亡此其時也會以絳州邊地難其人授亨絳州節度使兼行帥府事卒於師無子兄德仁襲職金將移刺副樞攻絳州城陷死

察罕特穆爾穎州沈邱人幼篤學嘗應進士舉有時名身長七尺修眉覆目左頰有三毛怒則毫直指平居慨然有當世之志至正十六年以平賊累官兵部尚書時知樞密院事都魯節制河南軍調察罕與李思齊討陝西賊察罕鼓行而西

山西通志卷一百十四 名宦錄十四 三

捉兵援靈寶賊渡河陷平陸掠安邑蹂晉南鄙察罕追襲之賊回扼夏陽津赴水死者甚眾十七年賊陷商州攻武關趨長安分道掠同華諸州三輔震恐察罕領大眾入潼關殺獲以萬計餘黨潰散關中悉定十八年朝廷徵四方兵入衛詔察罕以兵屯涿州察罕即留兵戍清泚義谷屯潼關塞南山口以備他盜自將銳卒赴召而曹濮賊方分道踰太行焚上黨掠晉翼陷雲中鴈門代郡烽火數千里復大掠將南還察罕先遣兵伏南山阻隘自勒重兵屯聞喜絳陽賊果走南山縱伏兵擊之賊皆棄輜重走山谷其得南還者無幾乃分兵屯澤州塞碗子城屯上黨塞吾兒谷屯并州塞井陘口以杜太行諸盜賊屢至守將數血戰擊卻之河東悉定復定河南兵分鎮關陝荆襄河洛江淮而重兵屯太行營壘旌旗相



望數千里修車船繕甲兵務農積穀訓練士卒謀大舉以復山東先是山西晉冀之地皆察罕所平定而都魯之子曰博囉以兵駐大同因欲並據晉甯遂至兵爭天子屢下詔解和之終不聽二十一年察罕與疾自陝抵洛大會諸將與議師期發并州兵出井陘遼沁軍出邯鄲澤潞軍出磁州懷衛軍出白馬及汴洛軍水陸俱下進逼濟南城而齊河禹城俱來降南道諸將亦報捷東至海濱郡邑聞風皆送款下濟南詔拜中書平章政事知河南山東行樞密院事六月田豐王士誠陰結賊復圖叛田豐之降也察罕推誠待之數獨入其帳中及豐既謀變請察罕觀營左右請以力士從不許輕騎十有一人行至王信營又至豐營遂為王士誠所刺計聞朝廷震悼公卿及京師四方之人不問男女老幼無不慟哭者追封穎川王謚忠襄以子庫庫拜太尉中書平章事總父兵庫庫既領兵柄銜哀討賊攻誠益急十一月拔其城執其渠魁陳保頭二百餘人獻闕下而取田豐王士誠之心以祭其父餘黨皆就誅山東悉平

山西通志卷一百一十四 名宦錄十四 三

遂據澤潞二州與摩該合七月高關保攻平陽掩擊擒之閏七月詔復河南王太傅中書左丞相尋自平陽退守太原又西奔於甘肅明洪武八年卒

關保河南人至正間為平章察罕裨將時晉冀盜起調禦澤潞與招討萬戶虎林赤展築城垣併力守禦盜據澤及高平整兵勦之盜幾盡杏城盜首劉子才復侵澤潞亦設奇勦之功聞進侍郎仍賜龍衣金帛有差值旱蝗秋復大水徧禱山川回歉為豐民獲安堵尋以攻汴功加山東樞密判同僉院累增級左轄

虎林赤招討萬戶澤潞左轄佐守禦之責勵協恭之誠遂建奇功終昭令譽

時公權任吉陽二州統兵官河南中書行省右丞課士撫民教養移俗練兵設備恩威兼濟嘗禦寇炳七寨為時保障二郡賴之

楊文選河南人至正間鎮守靈石公廉慈惠士民愛之為立頌德碑

右元二十人

汪興祖舉縣人洪武元年以都督兼右率府使西取大同將三衛卒守之再敗敵兵斬獲無算進克武朔二州獲知院馬廣等命為晉王武備兼山西行都督府僉事三年冬封東勝侯四年伐蜀中飛石死

王志臨淮人洪武元年以六安衛指揮使從渡河取懷慶澤潞留守平陽會大將軍徐達軍西征三年封六安侯復留守平陽率兵出察罕諾爾塞還鎮平陽復領山西都司衛所軍

山西通志卷一百一十四 名宦錄十四 三



務上稱其處置得宜卒追封許國公謚襄簡

章存道龍泉人御史中丞溢之子也溢集義兵存道撫其眾  
遂成練卒授處州衛指揮副使洪武三年守平陽轉左衛指  
揮同知已從湯和北伐守哈敦不刺營五年從和征陽和遇  
敵於斷頭山力戰死之

陳質建文初以參將守大同中軍都督同知助宋忠保懷來  
忠敗退守大同代王欲舉兵應燕質持之不得發燕師攻大  
同堅守不下蔚州廣昌附於燕旋復取之永樂初被害

朱榮字仲華沂州人永樂十二年冬以左都督充總兵官鎮  
大同修忙牛嶺免毛河赤山榆楊口東勝諸城寇不敢近居  
三年詔還封武進伯佩征虜前將軍印卒贈侯謚忠靖

鄭亨合肥人大興左衛副千戶靖難兵起從破紫荆關掠廣  
昌取蔚州直抵大同封武安侯仁宗初拜征西前將軍鎮大

山西通志卷一百十四 名宦錄十四 三

同壘田積穀邊備繕完自是大同希寇患宣德間再鎮大同  
轉餉宣府招降酋長四十九人請于朝厚撫之歸附者相屬

九年卒亨嚴肅重厚善撫士恥捨克大同鎮守中官撓軍政  
據理裁正其人不悅然其卒也深悼惜之贈漳國公謚忠毅

陳懷合肥人襲父職正定副千戶永樂中晉都指揮使涖山  
西部司事正統二年以左都督鎮大同時漠北人進貢者日  
給原餽為軍民害言于朝得減省後封平鄉伯死于土木贈  
侯謚忠毅

周安鳳陽人襲振武衛指揮僉事宜德間從征交趾奮勇深  
入殺賊數十人賊益眾圍之格鬪死于陣弟讓等十二人俱  
戰死事聞憫其忠遣進士王奎論祭

方政全椒人襲濟陽衛千戶宣德十年為大同總兵官中官  
郭敬誣政專擅楊士奇等言政勤廉公正善撫士敬貪賂其  
言誣也乃降勅責敬秋劾副總兵曹儉罪奪其職正統元年  
上言征調軍士應支口糧行糧者不當減其月糧軍餘墾地  
已許免稅不當復徵屯田歉收請量蠲免詔並允行晉右都  
督四年討麓川力戰死贈威遠伯謚忠毅

朱冕沂州人榮之子也嗣武進伯宣德中以晉王濟熿新廢  
命鎮山西正統四年佩征西將軍印充總兵官鎮大同九年  
出塞捕寇十四年北征戰于陽和死之謚忠愍

許貴字用和江都人襲父成永新伯以武進伯朱冕薦為山  
西行都司督操大同諸衛士馬久之守備大同西路也先入  
從石亨戰陽和渡口敗績貴力戰得還時貴當敵衝人心尤

山西通志卷一百十四 名宦錄十四 三

恂懼激戰士以忠義敵來擊敗之進都指揮使景泰元年春  
充右參將敵寇威遠追敗之蒲州營奪還所掠人畜敵萬騎

逼城下禦卻之再遷都督同知大同乏馬命求民間得八百  
餘匹所司不給直貴為請乃予之營募死士入敵壘劫馬百  
餘悉昇戰士皆樂為用分守中官韋力轉淫虐眾莫敢言貴  
獨劾奏三年還京天順五年卒

周于為山西指揮使禦寇死獲贈卹  
郭登字元登武定侯英孫好談兵工詩明武將無及者正統  
十四年車駕北征扈從至大同拜都督僉事充參將佐總兵

官劉安鎮守及旋師登告學士曹鼎等駕宜入紫荆關王振  
不從遂及於敗時大同軍墨蕭條城門盡閉人心洶洶登懷  
慨奮勵修城堞繕器械撫循士卒弔死問傷親為裹創傅藥

150  
4  
2



曰吾誓與此城共存亡矣也先擁駕至閉門不納英宗遣人謂登曰朕與登有姻何拒朕若是登奏曰臣奉命守城不知其他景帝初進都督同知充副總兵尋代安為總兵官也先入將所部入援先馳蠟書奏至敵已退上褒答之進石都督卻敵城下上用兵方略十餘事景泰元年春敗敵於沙窩以八百騎破數千人封定襄伯四月又敗寇於土城六月再卻寇鎮守中官陳公與登構上遣人代公還登愈感奮及英宗遣代王頌登功云有自敵中來者言其初計欲取大同為巢穴故數來攻及每至輒敗有一營數十人不還者敵氣懾遂奉駕還乞降勅獎勞兵部言登已封伯乃止二年以老疾乞休舉石彪自代不許時沈固在大同久事多廢登劾奏之而薦尚書楊甯布政使年富又言大同既有御史又有巡按

山西通志卷一百十四 名宦錄十四 三

御史僉都御史任甯宜止巡撫宣府上悉從之遂以富代固而徹固及甯還總兵孫鏗與登互訐詔切責鏗已勅登與鏗兩戒之秋以疾召還成化中提督十二團營卒贈侯諡忠武劉璽字廷玉遷安人襲開平衛指揮使習兵書善騎射充石參將分守陽和勅部兵三千訓練聽調成化十六年從王越征威甯海子進都指揮使十八年戰黑石崖有功進署都督僉事遷大同副總兵十九年秋亦思馬因入璽守懷仁聞總兵官許甯失利亟還兵援大呼陷陣與子鵬力戰圍乃解以功予實授尋以右副總兵分守代州兼督偏頭諸關請易鎮守總兵銜上曲從之宏治中佩征西將軍印卒

劉甯字世安山陽人襲永甯衛指揮使成化十八年為左參將分守陽和十九年秋亦思馬因圍大同總兵官許甯於夏

米莊甯援兵至敵乃退無何復入掠甯將兵三千連敗之聚落站白登柳林小鴉鶻峪時諸將多失利許甯以下獲罪甯超遷都督同知改左副總兵協守大同與偏頭關總兵周璽並著功北邊稱名將時入貢數萬人懷異志甯率二十騎直抵其營服駭愕有部長勒馬引弓出甯前下馬與諸部長坐舉策指畫宣威德一人語不遜甯擗其面奮臂起其長叱之退甯復坐與語呼酒勸飲皆感悟卒如約宏治十三年大同告警命為副總兵從平江伯陳銳禦之銳無將略與甯不協止毋戰坐停半俸閒住尋還全俸卒贈廣昌伯

山西通志卷一百十四 名宦錄十四 三

張俊字宣府前衛人嗣世職指揮使累擢大同游擊將軍宏治十二年以功進都指揮同知火節入左衛學卻三萬餘騎上大嘉立擢都督僉事未幾總兵官王璽失事被徵即命俊代冬以寇入戴罪後進同知卒

馮徵綏德衛人宏治末署指揮僉事守備偏頭關正德七年勦流賊力戰洛南死贈洛南伯明年是日徵死所風霾大作又明年亦如之建祠

杭雄字世威世德衛總旗擢延綏游擊將軍偕副將安國破敵奇嵐武宗幸宣府大同雄扈從即拜大同總兵官上嘗見雄趨帷傲甚曰老杭窮乃爾寇至上將親擊雄叩馬諫曰主人畜犬盜至不吠奚用犬為願聽臣等效力上笑而止嘉靖



初汰傳奉官獨雄以方守邊命署都督僉事鎮守如故後佩平虜大將軍印聞住卒雄歿戰時西北名將馬永下稱雄王鑑蔚州人世襲中右所正千戶正德中從游擊將軍許甯征延綏至沙羅堡倉卒與賊遇鑑奮勇先登率所部大呼乘之殺傷過當力竭援兵不繼遂死贈懷遠將軍子以原官進一級

安國字良臣綏德衛人通春秋子史後襲世職指揮僉事正德三年中武會舉第一為右副總兵協守大同徙延綏十一年冬寇二萬騎分掠偏頭關諸處國偕游擊抗雄馳敗之崞嵐州斬首八十餘級獲馬千餘匹寇遂遷進都督同知卒謚武敏

陳經正德間以太原左衛指揮任甯武守備少有大節善騎射博涉經史工書畫事繼母以孝聞洎官值邊警率所部奮勇力戰歿於陣贈昭勇將軍立祠春秋祀之

李冰容城人由保定後衛指揮僉事累進山西總兵官寇四入驢皮岩諸處冰及游擊史畧禦卻之寇再關三關冰拒險不得入俄突神池利民堡迎戰於野豬溝驅之出境進署都督同知以援河曲老營堡稍後停俸嘉靖三十二年寇犯大同壁永安堡寇得利去尋復自大同入山西巡撫趙時春帥師至廣武間有零騎欲親擊之冰力諫不從追及於大蟲嶺伏兵四起冰太息謂時春曰公急去吾死此時春奔寇欲追之冰殊死遮擊與子松及游擊李柱參將馮恩守備孔賓高遷指揮陳金尹忠俞輝皆戰死一軍盡歿贈冰少保左都督謚忠愍蔭子世指揮使立祠子祭葬松亦贈指揮同知恩以

山西通志卷一百十四 名宦錄十四 三

下贈卹有差

高鵬山東人嘉靖間任太原營參將標兵王慶等作亂謀院門前巡撫踰垣避之鵬聞變披衣起坐堂上叛卒適至羅拜陷下曰我輩計出無聊願戴將軍為主鵬以大義反覆開導不聽乃厲聲曰吾王臣甯守義不為汝曹主也叛卒知不可辱遂殺之時嚴氏在朝以危法中人寵賂滋章當事者惴惴方藉口以自解免終無白鵬死事者然晉人至今稱鵬忠義不去口

張世忠字顯甫山海衛人嘉靖五年舉武會試為大同參將拒寇丁家莊有斬獲功二十一年為山西參將七月寇屯祁縣與副總兵段堂等合五營兵襲之堂軍潰於陸支村世忠力戰死贈左都督謚忠愍立祠致祭時百戶張宣張臣亦死並予卹而堂等胥論死

山西通志卷一百十四 名宦錄十四 三

王世臣太原人嘉靖間任灰溝營守備套寇自陝西潰邊入犯世臣率其弟遇之於水橋峽眾謂眾寡不敵宜稍退以避其鋒世臣不聽奮勇直前兄弟同死于敵于總李虎亦力戰歿後七年寇自唐家會入把總徐堯臣率眾奮擊面中六矢身被七創猶鏖戰不退遂沒于陣

丁璋為山西副總兵嘉靖二十年寇犯甯武關石湖嶺大戰死之贈卹如制

焦澤大同後衛人剛毅有謀先以游擊從總兵周尙文戰彌陀戰鳳凰斬獲甚眾嘉靖間總兵大同邊疆甯謚後鎮昌平掌團營握兵最久家無餘貲助勞茂著無有繼者

張達涼州人目不知書慷慨負奇節膂力絕人嘉靖中充延



設遊擊將軍吉囊俺答大入山西達赴援救過寇殺傷相當  
被圍嵐縣力戰得出果擄看都督僉事充山西總兵官駐甯  
武寇大入太原朔州縣三十八速繫獄兵部尙書毛伯溫言  
達善撫士卒被逮之日部曲攀號如失慈母請令立功須後  
效不從二十三年給事中戴夢桂請釋達命赴軍前立功卻  
鐵裏門後以總兵官鎮大同俺答入巡按御史胡宗憲趣  
戰達素勇敢好離營繞圍挺身陷陣寇圍數匝副總兵林椿  
援之胥戰沒贈左都督諡忠剛立祠賜祭葬二子世傑世授  
血戰潰圍蔭指揮僉事

周尙文字彥章西安後衛人多謀略精騎射襲指揮同知嘉  
靖中起山西副總兵寇由偏頭關趨岢嵐轉戰三百里破之  
與其子君佐俱傷資銀幣二十一年秋又以總兵官鎮大同

山西通志卷一百十四 名宦錄十四 三

請增餉及馬兵部議格之而尙文與巡撫趙錦不協乞休弗  
允御史王三聘請移他鎮廷議大同敵衝尙文假此避耳乃  
移錦甘肅吉囊數萬騎犯前衛有黑山涼城之捷進右都督  
已寇由宣府入出大同塞而北尙文逸之稍有俘獲後寇復  
大舉犯鵝鴿峪將南下尙文備陽和遺騎四出邀寇寇遁賜  
敕獎勞之總督翁萬達議築邊牆自宣府西陽和至大同關  
山口延袤二百餘里以屬尙文乃益築陽和以西至山西鴉  
角山凡四百餘里敵臺千餘斥屯田四萬餘頃益軍三千有  
奇上嘉其功進左都督加太子太保叛人充灼召小王子寇  
邊尙文偵得其使者加太保蔭子錦衣世千戶時諸邊歲受  
寇患大同尤甚自尙文治鎮與總督萬達巡撫詹榮規畫戰  
守邊民息肩者數年尙文益招叛人孤敵勢歸者相屬二十

七年八月寇圍指揮顧相等於彌陀山出援之解其圍又勝  
於野口而還旋以大同兵援宣府勝於曹家莊錄功兼太子  
太傅賜資有加其年卒尙文得士死力善用問故所向有功  
自二十年後俺答頻擾邊宿將王效馬永梁震皆前卒惟尙  
文存威名最盛及卒嚴嵩父子格卹典不予穆宗初贈太傅  
諡武襄

梁震新野人廉勇善訓士嘉靖中充陝西總兵官進右都督  
十五年移鎮大同大同卒數亂繼李瑾者魯綱威不鎮兵益  
驕廷議以爲憂移震往震素蓄健兒五百人至則令軍中曰  
我無爾陵爾無我叛健兒輩又時時恐喝鎮兵鎮兵素悍震  
由是帖服寇入犯震破之牛心山斬級百餘寇憤駐近邊伺  
隙時車駕祀山陵震伏將士於諸路寇果入大破之宣甯灣

山西通志卷一百十四 名宦錄十四 三

又破之紅崖兒斬獲甚衆進左都督毛伯溫督師與震修鎮  
邊諸堡不數月功成卒贈太子太保賜其家銀幣加贈太保  
諡武壯震前後百十戰未嘗少挫時率健兒出塞劫敵營及  
卒健兒無所歸守臣以聞編之伍邊將猶得其力代震者祝  
雄遼東人自山西副總兵移鎮大同雖被劾解職而以善撫  
士聞後鎮前卒萬人祠之  
殷尙質天津衛人襲指揮僉事歷太原大同參將嘉靖三十  
二年督軍解巡撫侯斌圍摧副總兵後戰沒廣甯  
岳懋陝西人嘉靖三十三年爲大同總兵官五月懋巡邊中  
敵誘指揮薛恭諫不聽追擊至青圪塔陷伏中戰死恭已奪  
圍出太息曰主將死我何用生復陷陣死之贈懋左都督諡  
壯愍立祠蔭子泰亦贈蔭附享懋祠



馬芳字德馨蔚州人十歲為寇所掠潛自亡歸周尙文鎮大同奇之署為隊長數禦寇有功嘉靖二十九年授陽和衛總旗職威遠斬級九十禦寇新平堡復有功無何戰泥河大磧之累遷指揮僉事三十六年守宣府寇大入山西芳一日夜馳五百里及之七戰皆捷隆慶元年山西總兵申維岳等敗於石州伏誅而副將田世威參將劉寶繫獄芳乞廢蔭子為二將贖御史王沂劾之時大同被寇視宣府尤甚總督陳其學令總兵官趙嵐扼紫荆關寇乃縱掠懷仁山陰間嵐坐貶三秩遂調芳與易鎮俺答犯老營堡總兵郭琥堅壁待寇遂趨應朔芳亦嚴為備乃西攻平虜城參將張剛厚遺之令移犯威遠幾破會其學率胡鎮等救而芳軍亦至相拒十餘日乃走芳謂諸將曰大同非宣府比與我間一牆耳寇不時至非大創之不可乃將兵出右衛戰威甯海子破之萬曆中卒芳戰朔州登鷹窠鴿子堂大沙灘暨宣鎮未嘗不大捷威名震邊陲為一時將帥之冠

趙尙榆林人以左副總兵協守大同嘉靖三十二年再遇辛愛眾後復署大同副總兵事隆慶時鎮大同常督將士搗巢獲首功又大敗寇兵宏賜堡被資蔭子千戶萬曆初僉書中府卒

陳鳳榆林人襲世蔭嘉靖二十八年代周尙文為大同總兵官寇直抵甯武追至鶴兒嶺戰二日寇遁坐失事奪職薦起固原游擊三十二年七月援浮圖峪大戰移日寇疾馳遁進署都督僉事賜資有加三十六年三月戰沒常樂堡

吾一奎宣府人左衛副將嘉靖四十年邊寇屬堡一奎冒矢

山西通志卷一百十四 名宦錄十四 三

石親斬十餘級解去

曹應爵嘉靖間任鎮西衛副千戶敵騎入寇應爵率部兵二百人堵戰青草峒口有潛伏者見之惶懼將越牆去應爵遽前持其足左右競射之誤中頰死

崔世榮為大同參將嘉靖四十五年冬寇犯威遠衛世榮以兵二百禦之與子大朝大賓俱死焚皮嶺獲贖卹

孫剛蔚州人嘉靖中以世襲指揮僉事守備甯懷仁有警剛督兵赴之時縣故無兵而剛所統又甚寡敵前後至者且數萬人剛慷慨誓士期與城共存亡城破遂以身殉事聞諭祭二壇進其子二級

邵定左衛人任三關遊擊戎騎大舉入寇定領兵截殺日暮入草垛山堡被圍數日食盡死之

郭琥字宗器永昌衛人由總旗積首功隆慶時為大同副總兵又任山西尋代馬芳鎮大同以貢市功累進右都督萬曆十一年以老乞休進都督致仕卒琥與趙尙皆宿將知名琥潔廉好籌畫識軍進止

李如松字子茂鐵嶺衛人甯遠伯成梁長子也曉果善戰少從父請兵機萬曆十一年為山西總兵官給事中黃道瞻等數言如松父子不當並居重鎮大學士申時行請保全之召僉書右府十五年鎮宣府復與山西李迎恩更鎮其後軍政拾遺給事中閱視數遭論劾上終符之不為動後平甯夏朝鮮二十六年搗土蠻巢力戰死諡忠烈

馬林芳子由蔭累官大同參將萬曆二十年順義王扯力克襲獻史車二部長林以制敵功進副總兵四十七年殉開原

山西通志卷一百十四 名宦錄十四 三



李熙大同右衛人沈毅有謀以昌平總兵掛征西大將軍印  
鎮大同先是萬歷間為薊鎮神將與士卒同甘苦傷者撫死  
者葬軍士感德及鎮大同會當款後訓練士卒常若有事召  
入掌後軍都督府

魯欽長清人萬歷末為山西副總兵天啟中為貴州總理勇  
敢善戰名冠西南諸將六年禦安邦彥殉節

楊仲業為山西總兵官天啟中改選總兵官父子並戰死贈  
都督同知

滿桂蒙古人家宣府勇敢便騎射為督師大學士孫承宗所  
知累遷掛印總兵官賜尚方劍加太子太師崇禎元年十月

大同總兵渠家楨失事以桂代之大同久恃款弛備插部西  
侵順義王遂入境大掠家楨及巡撫張翼明論死插部遂挾

賞不去桂至徧歷八路七十二城堡大修守備軍民恃以無  
恐二年正月帥五千騎入衛十二月拜武經略戰沒贈少師

建祠

曹文詔大同人勇毅有智略崇禎中為延綏副總兵賊渠王  
嘉允久據河曲四年四月克其城嘉允南走追斬之陽城南

山又擊斬點燈子於稷山擢總兵官五年關中巨寇略盡賊  
見陝兵盛多流入山西其魁紫金梁混世王姬開鎖八大土

曹操闖塌天興加哈利七大部多者萬人少亦半之蹂躪汾  
州太原平陽御史張宸極言賊自秦中來秦將曹文詔威名

夙著士民為之謠日軍中有一曹西賊聞之心膽搖且嘗立  
功晉中而秦賊滅且盡宜勅令入晉協勦於是令陝西山西

諸將並受節制六年正月敗賊於霍州孟縣壽陽二月斬混

山西通志卷一百四 名宦錄十四

世王於碧霞村又敗賊於方山臺孟忻壽賊盡平巡撫許鼎  
臣命軍平定備太原東張應昌軍汾州備太原西文詔連敗  
賊太谷榆社太原賊幾盡上以文詔功多勅所過地多積糗  
糧以犒并勅文詔速平賊監視中官劉中允言文詔勦賊徐

溝孟定襄所司不給米反以礮石傷士卒即下御史按問閏  
三月又大敗賊於澤州賊走自沁水潛師進擊之斬首千餘

四月夜半禦賊於澤之潤城斬千五百級又敗紫金梁老回  
回于武鄉過天星於高澤山又敗賊於黎城五月遣中官孫

茂霖為內中軍又敗賊於沁水擒其魁大威又敗之遼州毛  
嶺山西賊既累敗乃避文詔鋒多流入河北命移師往討初

文詔在洪洞忤里居御史劉令譽及是令譽按河南語復相  
失文詔拂衣起而叱之令譽遂以石砧土官馬鳳儀之敗勅

文詔部議調大同七年七月全懷仁城十一月與制撫並充  
軍邊衛山西巡撫吳甦文詔知兵善戰請用之晉中乃命

為援勦總兵官立功自贖時部議勸馳勦河南甯抗疏力爭  
請令先平晉賊後入豫不許而文詔以甯有恩取道太原為

甯所留會賊高加計已殲乃整兵南八年六月戰歿於陝真  
甯之湫頭鎮贈太子太保左都督建祠春秋致祭文詔忠勇

冠時稱明季良將第一其歿也賊中為相慶云

艾萬年米脂人由武學生從軍積功至神木參將崇禎四年  
從曹文詔復河曲又從文詔連敗賊點燈子於桑落鎮花地

寇露露山五年山西告警又隸文詔東征與李申一月奏五  
捷又與賀人龍敗八大王掃地王兵六年賊將東遁連破之

延家山亢義村買寨村擢副總兵七年正月捕殺王豹五與

山西通志卷一百四 名宦錄十四



其黨領兵王生擒翻山動姬開鎖掌世王給事中張第元請錄萬年功萬年適以疾歸後戰沒於甯州之襄樂

虎大威榆林人勇敢嫻將略累官山西參將崇禎三年冬從總兵尤世祿擊王嘉九於河曲力戰被傷五年從總督張宗

衡勦賊陵川潞安陽城沁水連勝之六年殲九條龍於介休又自皋落山東入屢取賊尋移守平陽七年巡撫吳甡察諸

將中惟大威與猛如虎沈毅可屬兵事委任之冬扼賊渡河八年三月射殺高加討甡薦大威如虎二人忠勇進大威副

總兵冬以扼賊功加署都督僉事十年春代王忠為山西總兵官疏言諸將討賊零級不可取生口不可貪封域不可限

上採納之十一年兵部甄別以稱職增秩十四年中破死於汝甯大威為偏裨最有聲卒死王事

山西通志卷一百十四 名宦錄十四 美

劉光祚字洪基榆林衛人崇禎三年為汾州參將五年勝賊張有義于臨縣軍復敗旋復臨縣六年擊斬隔溝飛撲天虎

于石樓又敗撲天飛于臨縣加署都督僉事為山西副總兵復崞縣城八年賊渠活地草見其黨劉浩然高加討破滅偽

乞降光祚伏兵斬之活地草即賀宗漢也晉中羣盜皆盡十四年南陽陷殉城

猛如虎塞外人家榆林積功至遊擊崇禎五年敗邢紅狼解高平圍六年敗姬開鎖於壽陽又從曹文詔斬混世王破來

達樂范村賊又擊殺九條龍駒交山皋樂山賊山西警漸息七年賊五條龍於沁源如虎驍果善戰與虎大威齊名許鼎

臣戴君思吳甡相繼為巡撫並委任之以功進參將冬扼河濱八年二月斬劇賊高加討山西賊盡平甡薦加副總兵冬

以防河功加署都督僉事連歲防河及援勦河南勞績甚著十四年南陽陷衝擊賊堪死

李輔明遼東人崇禎十二年為山西總兵官被劾罷十六年冬戰歿於南遠增左都督列壇前屯祀之

曹變蛟文詔從子也幼從文詔以功歷遊擊崇禎四年從復河曲文詔移山西從戰輒勝及文詔改鎮大同山西巡撫許

鼎臣言晉賊紫金梁雖死老回回過天星大天王蝎子塊關塌天諸渠未滅變蛟驍勇絕人麾下健兒千百才乃文詔亞

乞留之晉中從之七年文詔困大同又自湖廣命北援七月力戰廣武守備王國棟陣亡事定言官劾其冒功上不問冬

文詔謫戍變蛟亦以疾歸後為東協總兵官十五年二月殉城於松山贈太子少保

山西通志卷一百十四 名宦錄十四 老

周遇吉錦州衛人少有勇力好射崇禎中累功至京營前鋒營副將加太子少保左都督十五年冬山西總兵官許定國

論辟以遇吉代之至則汰老弱繕甲仗練勇敢一軍特精十六年十二月李自成陷全陝將犯山西遇吉以沿河千餘里

賊處處可渡分兵扼其上流以下流蒲坂屬之巡撫蔡懋德而請濟師於朝遣副將熊通以二千人來赴十七年正月令

通防河會平陽守陳尙智已遣使迎賊諷通還鎮說降遇吉叱之曰吾受國厚恩甯從爾叛逆且爾統兵二千不能殺賊

反作說者耶立斬之傳首於京至二月七日太原陷懋德死之賊遂陷忻州圍代州遇吉先在代遏其北犯乃憑城固守

而潛出兵奮擊連數日殺賊無算會食盡援絕退保甯武賊亦踵至大呼五日不降者屠其城遇吉四面發大礮殺賊萬



人火藥且盡外國轉急或請甘言給之遇吉怒曰若輩何怯  
抑今能勝一軍皆忠義即不支縛我於賊於是設伏城內出  
弱卒誘賊入城亟下閘殺數千人賊用礮攻城圮復完者再  
傷其四驍將自成懼欲退其將曰我眾百倍於彼但用十攻  
一番進靡不勝矣自成從之前隊死後復更進官軍力盡城  
遂陷遇吉巷戰馬驟徒步跳盪手格殺數十人身被矢如蟻  
竟為賊執大罵不屈賊懸之高竿叢射殺之復戮其肉城中  
士民咸遇吉忠義咸巷戰殺賊不可勝計其舍中兒先從遇  
吉出闕死亡略盡妻劉氏素勇健率婦女數十人據山巔公  
屏登屋而射每一矢斃一賊賊不敢逼縱火焚之闔家盡死  
自成集眾計曰自此歷大同陽和宣府皆有重兵備盡如甯  
武吾部下甯有子遺哉不知還秦休息圖後舉而大同總兵

山西通志卷一百十四 名宦錄十四 姜瓖

姜瓖降表至宣府表繼至遂決策長驅賊每語人曰他鎮復  
有一周總兵吾安得至此

應時盛遼陽人起家小校至都督僉事山西巡撫中軍副總  
兵慷慨仗義都御史巡撫蔡懋德深倚之崇禎間闖賊犯太  
原勢危急部下士數人倡亂時盛廉得誅之誓眾死守賊帥  
陳某與時盛有舊於城下誘降時盛以神鎗擊中賊衷甲帥  
嚙指而退城陷復下城巷戰突殺數十人賊騎充斥知不能  
免遂同懋德至三立書院日請與公俱死先扶蔡就縊北向  
再拜引弓絃自絕

閻夢夔鹿邑人崇禎末為代州參將城破抗節死

右明五十四人

朝

梁化鳳字禮源陝西長安人順治三年以武進士官陽和高  
山衛守備精騎射饒謀略善撫軍士能得其死力姜逆之變  
以忠義激勵之令各屬兵以待大軍進剿遂率所部從臨陣  
張臂大呼矢石如雨不少避大小七十餘戰所向有功七年  
四月收復郡三州一縣五衛二城八堡十寨八臺三洞十五  
宵克宜力焉晉都督僉事後平海寇功尤偉擢提督授三等  
阿思哈尼哈番卒贈少保兼太子太保諡敏壯

山西通志卷一百十四 名宦錄十四 李陽

命率蒙古兵六百駐防太原涇陽叛賊李陽以二千人來犯  
敗之斬陽以狗又擊敗叛賊王亨明於交城是時叛鎮姜瓖  
據大同賊黨劉遷利眾萬餘謀犯代州與瓖倚角愛松古聞  
報率駐防兵馳赴代州借遊擊高國棟籌畫守具遷擁眾驟  
薄城下立雲梯乘城力禦之獲梯九斬賊三百賊益兵掘城  
我軍自城上發矢石賊多死遷走繁峙六年正月復來潛犯  
城郭奸徒內應門啟賊眾擁入郭愛松古督兵嬰城固守越  
十餘日端重親王統兵赴援擊敗賊眾斬賊渠郭芳遷遁代  
州平還駐太原瓖黨十餘萬由清源來犯巡撫祝世昌議以  
賊勢猖獗宜相度形勢據險防禦使不得逼城下乃分遣將  
士赴清源徐溝禦之會端重親王率兵自晉陽入協勦之賊  
敗走



李進忠順治間任撫標右營中軍守備死姜逆之亂

詔恤其家祀忠烈祠

董廷儒督標營旗鼓守備死姜逆之亂

贈都司祀忠烈祠

謝應舉巡捕都司死姜逆之亂

贈遊擊祀忠烈祠

王廷衡陽曲人都司營中軍姜逆之亂賊據太原縣晉祠鎮

廷衡繕攻具賊焚之燬焉廷衡中乙酉武鄉試第一以死勤

事

詔恤其家祀忠烈祠

宋貴中冀甯舊營千總死姜逆之亂

詔恤其家祀忠烈祠

山西通志卷一百十四 名宦錄十四

王命新舊營千總死姜逆之亂

詔恤其家祀忠烈祠

魯班禮鎮標營都司管遊擊事死姜逆之亂

贈遊擊祀忠烈祠

劉懋德沂鎮營遊擊死姜逆之亂

贈參將祀忠烈祠

管一舉得勝路參將死姜逆之亂

贈副將祀忠烈祠

李向堯遼東鐵嶺人助馬路參將姜逆之亂闔戶殉節

贈左都督僉事祀忠烈祠

彭有德遼東人以軍功升右衛參將姜逆之亂勢甚熾有德

抗志不屈賊圍署捍禦不支單騎潰圍投英親王帳家人六

十餘口胥遇害後仕至大同總兵

佟國仕遼東人井坪路參將姜逆之亂夜遣其黨周世德來

襲國仕躍馬持兵驟眾巷戰既而城外舉火喊聲遙應遂為

亂兵所殺蓋世德舊為國仕屬員前後左右胥賊黨也

贈副將祀忠烈祠

李吉甯武副將姜逆之亂部下徧從賊執吉說降吉力斥之

投縋死

張國經京衛人以武進士任偏關參將姜逆之亂業告疾得

請矣聞變不以去位為解出戰為賊所殺

邱登戎甯武營把總死姜逆之亂

詔恤其家祀忠烈祠

許占魁蒲城人順治十一年任平陽副將盜張武等盤踞山

山西通志卷一百十四 名宦錄十四

中時肆劫略為民害占魁受事伴不問令將士分布隘口一

日乘大雪率精騎二百徑入山賊皆竄伏莫敢動因縛武而

散其黨擢都督僉事後為延綏總兵授世職卒

贈太子少保益恪敏

楊振榜陝西西甯人順治十三年任垣曲城守把總時土賊

劫掠生擒渠魁四人同邑令立斬之餘黨驚遁次年張蠻子

等嘯聚山谷單騎入賊巢諭以恩信賊就撫未幾復叛設計

擒斬之自是賊患始息

李其昌字遜伯程鄉人康熙初任隰州專防都司十三年以

病歸劉進忠叛脅與亂不屈賊掘地埋之並殲其家子方猷

裁十五歲額官請復仇卒得賊首祭父墓

吳起爵廣東海場人以克澎湖有功授太原總兵艱歸祀瓊



州名宦

費揚武正白旗滿洲人以内大臣撫遠大將軍兼攝右衛建威將軍康熙三十五年噶爾丹犯塞

上親統大軍出中路令費揚古率右衛大同及陝甘之師由西路邀擊時噶爾丹在克魯倫河登山望見

營大驚沿河西竄費揚古遇之於昭莫多乃遣兵挑戰故不勝以誘之而分軍為三隊列陣以待賊至官軍皆步戰聞角聲乃上馬衝擊踰時賊大敗死傷蔽山谷我軍乘夜追逐三十餘里餘眾多降獲馬駝器械無算噶爾丹以數騎遁明年

上幸甯夏復令統兵進剿中途知噶爾丹自殺厄魯特部眾相繼降擒其子女以歸凱還論功封一等公卒諡襄壯

札克當阿滿洲人平陽參將咸豐癸丑賊竄平陽時總鎮某防守澤潞盡以兵行城中僅遺老弱數十人率以登陴賊攻南門躬然大礮斃賊百餘人再發礮忽炸斷其右手而東門已陷矣知事不可為急歸署整衣冠坐堂上罵賊死全家並殉

山西通志卷一百十四 名宦錄十四 望

贈恤如例祠忠烈祠

谷景昌鉅鹿人咸豐八年以武進士任平垣遊擊有膽略楊曉戎機屢著功績同治元年捻匪寇陝率士卒防堵極屢賊殺掠迅近陝州難民隔河呼救賊亦蜂擁將至景昌駕礮舟擊賊渡民全活無算豫民刻石頌德焉五年捻匪復西竄防禦嚴密賊不敢犯以功升澤州營參將六年出防吉州龍王延兵潰力戰死

贈總兵銜世襲騎都尉祀昭忠祠

劉國治山東人武進士選侍衛同治四年任東雅營都司六年十二月捻逆陷垣曲入四聖廟焚火自焚未死仍縊以殉

右二十五人

山西通志卷一百十四 名宦錄十四 望

山西通志卷一百十四



名宦錄十五

錄一之十五

山西通志第一百十五

馬進士出身頭品頂戴兵部侍郎兼都察院右副御史巡撫山西提督軍務張煦奏

旨監修

使臣

客將

婁敬齊人也說高帝西都關中賜姓劉氏拜為郎中號奉春君漢七年韓王信反高帝自往擊之至晉陽聞信與匈奴欲共擊漢上大怒使人使匈奴匈奴匿其壯士肥牛馬但見老弱及羸畜使者十輩來皆言匈奴可擊上使敬復往使匈奴還報曰兩軍相擊此宜矜夸見所長今臣往徒見羸瘠老弱此必欲見短伏奇兵以爭愚以為匈奴不可擊也是時漢軍已踰勾注二十餘萬兵已業行上怒罵敬曰齊虜以口舌得官今迺妄言阻吾軍械繫敬廣武遂往至平城匈奴果出奇

山西通志卷一百十五 名宦錄十五

兵圍上於白登七日然後得解上至廣武赦敬曰吾不用公言以困平城吾皆以斬前使十輩言可擊者矣迺封敬二千戶為關內侯號為建信侯

杜詩字公君河內汲人少有才能世祖召見賜以榮戟復使之河東誅降賊楊異等詩到大陽聞賊規欲北渡乃與長史急焚其船部勒郡兵將突騎趁擊斬異等賊遂窮滅累遷南陽太守時人方於召信臣故南陽為之語曰前有召父後有杜母被徵卒司隸校尉鮑永上書言詩貧困無田宅喪無所歸詔使治喪郡邸轉絹千匹

右漢二人

安同遼東人太祖時為外朝大人加廣武將軍從征姚平於柴壁姚興悉眾救平太祖乃增築重圍以拒興同進計曰臣

受道詣絳督租見汾東有蒙阮東西三十餘里徑路不通姚興來必從汾西乘高臨下直至柴壁如此則寇內外勢接重圍難固不可制也宜截汾曲為南北浮橋乘西岍築圍西圍既固賊至無所施其智力矣從之興果視平屠滅而不能救以謀功賜爵北新侯太宗即位詔與肥如侯賀護持節巡察并定二州宣詔撫慰問其疾苦糾舉守宰不法同至并州表曰竊見并州所部守宰多不奉法又刺史擅用御府錢工古形為晉陽令交通財貨共為姦利請按律治罪太宗從之於是郡國肅然同東出井陘至鉅鹿發眾四戶一人欲治大嶺山通天門關又築塢於宋子以鎮靜郡縣護疾同得眾心使人告同築城眾檻車徵還太宗以同雖專命而本在為公釋之後除征東大將軍冀青二州刺史卒追贈高陽王諡恭

山西通志卷一百十五 名宦錄十五

惠

元羽字叔翻顯祖第五子太和九年封廣陵王高祖將南討遣羽持節安撫六鎮發其突騎夷人甯悅車禍既發詔羽與太尉元丕留守京師並加使持節詔丕羽曰留守非賢莫可太尉年尊德重位總阿衡羽朕之懿弟溫柔明斷故使二人留守京邑授以二節賞罰在手其祇允成憲以稱朕心丕對曰謹以死奉詔羽對曰太尉宜專節度臣但可副貳而已高祖曰老者之智少者之決何得辭也高祖友愛諸弟不忍早分詔羽從至雁門乃令歸賜如意以表心遷京之後北番人夷多有未悟羽鎮撫代京內外肅然高祖嘉之後以留守功增邑五百戶進號車騎大將軍卒諡惠

源懷隴西王賀子謙恭寬雅有大度襲爵拜征南將軍尋持



節督諸軍屯於漠南又督諸軍征蠕蠕六道大將咸受節度  
遷尙書令後例降公加衛大將軍景明二年除車騎大將軍  
詔爲使持節加侍中行臺巡行北邊六鎮恆燕朔三州振給  
資乏兼採風俗考論殿最事之得失皆先決後聞自京師遷  
洛邊朔遙遠加連年早儉百姓困弊懷銜命巡撫存恤有方  
便宜運轉有無通濟時后父于勁勢傾朝野勁兄于祚與懷  
宿昔通婚時爲沃野鎮將頗有受納懷將入鎮祚郊迎道左  
懷不與語卽劾祚免官懷朔鎮將元尼須與懷少舊亦貪穢  
狼籍置酒請懷謂懷曰命之長短由卿之口豈可不相寬貸  
懷曰今日之集乃是源懷與故人飲酒之坐非鞠獄之所也  
明日公庭始爲使人檢鎮將罪狀之處尼須揮淚而已無以  
對之懷旣而表劾尼須其奉公不撓皆此類也懷又表諸鎮  
水田請依地令分給細民先貧後富時細民爲豪疆陵歷積  
年枉滯一朝見申者日有百數所上事宜便於北邊者凡四  
十餘條皆見嘉納正始元年九月蠕蠕率十二萬騎欲直趨  
沃野懷朔南寇恆代詔加使持節侍中出據北番指授規略  
隨須徵發諸所處分皆以便宜從事又詔懷子直寢徵隨懷  
北行詔賜馬一匹細鎧一具御稍一枝懷拜受訖乃於其庭  
跨鞍執稍大呼願謂賓客曰氣力雖衰尙得如此蠕蠕雖畏  
壯輕老我亦未使可欺今奉廟勝之規總驍悍之眾足以擒  
其酋帥獻俘闕下耳時年六十一懷至雲中蠕蠕亡遁旋至  
恆代按視諸鎮左右要害之地可以築城置戍之處皆量其  
高下揣其厚薄及儲糧積仗之宜犬牙相救之勢凡表五十  
八條自魏厯齊北鎮諸戍東西九城是也遷驛騎大將軍三

山西通志卷一百十五 名宦錄十五 三

年六月卒年六十三

子忠烈子栗磳曾孫也正始二年以太府卿使持節爲西道  
大使刺史鎮將賊罪顯著者以狀申聞守令已下便卽行決  
忠劾并州刺史高聰賊罪二百餘條論以大辟還爲衛尉卿  
河南邑中正詔忠與吏部尙書元暉度支尙書元匡河南尹  
元萇等推定代方姓族又爲恆州大中正忠後兼侍中領軍  
尙書令擅朝政卒諡武敬

李煥趙郡人有幹用與鄴道元俱爲李彪所知恆州刺史穆  
泰據代都潛謀煥以書侍御史與任城王澄推究之煥先驅  
至州宣旨曉喻力執泰等景明初迎接裴叔業賜爵容城伯  
卒諡明

趙昶字長舒天水南安人曾祖襄家於代昶弱冠以才力聞  
孝昌中起家拜都督周太祖平宏農擢爲相府典籤汾州叛  
再遣昶慰勞之皆知其虛實及大軍往討昶爲先驅遂破之  
拜武州刺史車騎大將軍儀同三司都督諸州軍事

段榮字子茂姑臧武威人祖信家於五原郡榮專意星象齊  
高祖建義山東贊成大策爲行臺右丞西北道慰諭大使巡  
方曉喻所在下之卒諡昭景

右後魏七人

于翼字文若謹子尙平原公主大象初拜大司徒詔巡長城  
立亭郭西自雁門東至碣石創新改舊咸得其要害進上柱  
國卒贈蒲州刺史諡穆

右北周一人

柳彧字幼文河東解人隋初累拜治書侍御史開皇末持節



巡省河北五十二州奏免賦污不稱職者二百餘人州縣肅然莫不震懼仁壽初復持節巡省太原道十九州後坐事成懷遠鎮詔徵還至晉陽漢王諒遣使馳召與計事將入城而諒諒變度不得免遂詐中惡不食自稱危篤諒怒囚之及諒取坐徙燉煌後徵還

徐文遠洛州偃師人方正純厚有儒者風開皇中官太學博士詔往并州為漢王諒講孝經禮記坐除名大業初復為博士公卿寶威等多從授學後為唐博士封東莞縣男

右隋二人

褚遂良貞觀中以黃門侍郎為巡察使夏縣衛孝女為父報警詣吏請罪遂良以聞太宗特令免罪給傳徙雍州令有司以禮嫁之

山西通志卷一百十五 名宦第五十五

韓思彥南陽人高宗時以監察御史為并州道巡按使時有冤獄訊掠已服思彥獨疑之集兒童數百晨入暮出物色推訊遂得殺人真盜

李嗣真趙州人永徽初以御史中丞巡撫河東薦宋溫瑾袁嘉祚李日知授州縣皆至大官及來俊臣用事上書諫不納出為潞州刺史

田歸道雍州長安人仁會子擢明經第累拜左衛郎將狀嘜請和將至單于都護府詔攝司賓卿往勞獻嘜請六胡州地及都護府地不得執歸道將害之歸道色不撓誓且讓為陳害福會有詔賜狀嘜綵粟許結婚於是更以禮遣歸道既還具陳狀嘜不臣狀請備邊已而果驗神龍中遷右金吾將軍卒追封原國公諡曰烈

李傑相州滄陽人舉明經神龍初為河東道巡察使陟使奏謀為請使最先天中晉陝州刺史水陸發運使置使自傑始累拜御史大夫卒贈戶部尚書

稽無量字宏度杭州鹽官人精禮及司馬史記羅明經除左散騎常侍兼國子祭酒開元五年東巡狩上疏請所過名山大川邱陵墳衍古帝王賢臣在祀典者並詔致祭上納之即詔無量祠堯平陽在所刺史參獻七年卒贈禮部尚書

藥子昂寶應初殿中監代宗遣使回紇徵兵討史朝義時回紇為朝義所誘領眾而南眾大駭上使子昂馳勞之及於太原北忻州南密數其丁壯得四千人老弱婦女萬餘人馬四萬匹與可敦偕來上令僕固懷恩與回紇會因請助討賊回紇欲入蒲關經沙苑而東子昂說之曰自寇亂以來州縣殘

山西通志卷一百十五 名宦第五十五

虛供億無所資不如取土門路直取邢洛衛懷收賊財帛乃鼓而南上策也不聽又說趨懷州太行道南據河陰之險扼賊喉又不聽乃說取陝州太陽津路食太原倉粟而東與澤潞河南懷鄭兵合從之子昂因入奏上以永王為兵馬元帥進子昂兼御史中丞與中丞魏琚等為左右廂兵馬使會回紇陝州回紇實王不舞蹈禮偃子昂固拒之回紇君臣不能屈乃引子昂與琚等榜之一夕死

顏真卿字清臣開元進士甲科四命為監察御史使河隴時五原有冤獄久不決天且旱真卿辨獄而兩郡人呼御史雨復充河東朔方試覆屯交兵使朔方令鄭延祚母卒二十九年殞僧舍垣地真卿劾奏之兄弟終身不齒天下聳動歷拜太子太師封魯郡公死節諡忠烈



裴遵慶絳州聞喜人世稱吏事第一上元中同平章事僕固懷恩阻兵汾上代宗以遵慶忠純特遣往汾州宣慰見懷恩具陳朝旨懷恩引過聽命將隨入朝旋為范志誠所惑以懼死為辭及乘輿幸陝遵慶自汾州奔行在

楊於陵字達夫宏農人十八擢進士貞元中自京兆少尹出為絳州刺史將辭赴郡德宗雅聞其名詔留為中書舍人徙秘書少監順宗初宣詔於太原節府獻遺無所受後歷戶部尚書卒諡貞

馮伉魏州元城人第五經貞元中潞澤李抱貞卒伉以膳部員外郎充弔賻吏抱貞男遺伉帛數百匹不納又專送京師伉因表奏固請不受屬醴泉令闕上謂宰臣曰前使潞澤不受財帛者此人必有清政遂授伉歷拜左散騎常侍卒

山西通志卷一百十五 名宦錄十五 七

溫造字簡與祁縣人大雅五世孫隱王屋山烏重允奏置幕府長慶元年拜起居舍人充太原鎮幽宣慰使未幾又令銜命河東潞澤魏博橫海等道喻以軍期事皆稱旨累轉禮部尚書封祁縣子卒贈右僕射

李回字昭度新興王德良後第進士會昌中累拜刑部侍郎兼御史中丞時方伐劉稹武宗慮河朔列鎮陰相締以撓兵事李德裕薦回持節往諭何宏敬王元逵聽命又張仲武以幽州兵攻回鶴與劉沔不協回至諭以大義仲武釋然即合太原軍攻潞復以回為使督戰攻潞至蒲東王宰石雄彘魏謁道左回不弛行願左右呼直史責破賊限牒宰等震恐期六旬取潞否則死之未及期二日賊平進中書侍郎同平章事坐德裕貶終撫州長史

王微字昭文京兆杜陵人舉進士歷拜同平章事廣明時為賊所獲力拒偽命乘間竄河中遣人奉表入蜀詔授兵部尚書充東面宣慰推陣使謀召沙陀三部落破賊以功加尚書右僕射潞州殺其帥成麟以兵部侍郎鄭昌圖權知昭義事軍士不附乃授微尚書左僕射同平章事潞州大都督府長史澤潞邢洛磁觀察等使時李克用孟方立方爭潞澤以朝廷力不能加表辭乃以昌圖鎮之微後移疾居蒲州襄王煜僭號復拒偽命卒贈太尉諡曰貞

右唐十四人

任中正曹州濟陰人太宗時第進士以監察御史按晉州盛梁獄論如法遷殿中侍御史既而有與梁善者密中之出為荆湖轉運使真宗時以樞密直學士知并州遷給事中累拜

山西通志卷一百十五 名宦錄十五 八

樞密副使參知政事降秩卒諡康懿  
丁度字公雅梓符人第服勤詞學科請選河北河東役兵補禁軍章獻后善之劉平敗上備邊要覽又請民畜一戰馬者得免二丁慶曆中副杜衍宣撫河東拜樞密副使請擇河東馬軍以補禁旅因上慶曆兵錄五卷贈邊錄一卷明年參政政事罷為觀文殿學士卒諡文簡  
歐陽修字永叔廬陵人舉天聖進士試南宮第一擢甲科慶曆中以知諫院奉使河東議者欲廢麟州以省饋餉修曰麟州天險不可廢廢之則河內郡縣民皆不安居矣不若分其兵駐河內諸堡緩急得以應援而平時可省轉輸於策為便由是州得存又言代州奇嵐多禁地廢田願令民得耕之不然將為敵有朝廷下其議久乃行歲得粟數百萬斛凡河東



賦欲過重民所不堪者奏罷十數事移河北都轉運使嘉祐五年拜樞密副使考天下兵數及三路屯戍多少地理遠近更為圖籍凡邊防久缺屯戍者必加蒐補六年晉參知政事神宗初出外以宣徽南院使判太原府辭不拜致仕卒諡文忠

吳遵路字安道第進士元昊拒命建請復民兵除天章閣待制河東路計置糧草受詔料簡河東鄉民可為兵者諸路視以為法晉龍圖閣直學士卒遵路廉儉室無長物

段少連字希逸開封人舉服勤詞學科為殿中侍御史伏閣論郭后不當廢後歷度支三司副使河東地震奉使安撫終龍圖閣直學士仁宗深歎惜之少連通敏有才遇事無大小決遣如流不為權勢所屈

山西通志卷一百十五 名宦錄十五 九

石延年字曼卿幽州人跌宕任氣節為太子中允上言天下不識戰三十餘年請為二邊之備及元昊拒命始思其言命往河東籍鄉兵凡得十數萬延年外似酣放然與人論天下事是非無不當其使河東也吳遵路偕行及卒遵路言於朝特官其一子

張惟吉字祐之開封人為趙元昊官告使還請預飭邊備及夏竦韓琦謀深入命惟吉募并汾驍勇副以土兵輕齎赴河外惟吉言當持重伺變不宜馳赴不測以自困已而元昊果引去還奏稱旨後為入內都知卒贈保順軍節度使諡忠安唐義問字士宣介子第鎮應試從會孝寬使河東還奏事記利害綱目於笏上取而熟視之歷舉以問應析如流上喜曰欲見卿非今日也終集賢殿修撰

孫昭遠字顯叔眉州眉山人元祐進士辟河東經略司幹營公事靖康元年為水部員外郎金人圍太原宋師多潰遠折彥質乘傳同昭遠招集汴陷又遣使至太原帥府建炎元年為西京留守馬叛兵遇害贈徽猷閣待制

滕茂實字秀穎杭州臨安人政和八年進士靖康元年以工部員外假工部侍郎副路允迪出使為金人所留時茂實兄禱通判代州已先降金粘罕素聞茂實名乃遷之代州又自京師取其弟華實同居以慰其意欽宗自離都城舊臣無敢候問起居者茂實聞欽宗將至即自為哀詞且篆宋工部侍郎滕茂實墓九字取奉使黃幡裏之以授其友人甯朔府司理董詵欽宗及郊茂實具冠幘迎謁拜伏號泣金人諭之曰國破主遷所以留君蓋將大用迫令易服茂實力拒不從見

山西通志卷一百十五 名宦錄十五 十

者墮淚茂實請從舊主俱行金人不許憂憤成疾卒雲中茂實墓在代州東六里中州集士大夫哀其忠為之起墳於雁門是也宋史卒雲中似誤詵拔歸錄所為哀詞言於張浚浚以詵為陝西運判官上其事紹興二年贈龍圖閣直學士官其家三人

閻進隸宣武建炎初遣使通問進從行既至雲中府金人拘留使者散處之進亡去追還留守高慶裔問曰何為亡進曰思大宋爾慶裔義而釋之凡三亡乃見殺臨刑踊身直起盤旋數四卒南嚮就死

洪皓字光弼鄱陽人少有奇節慷慨有經略四方志登政和五年進士第建炎三年五月時議遣使金國張浚薦皓於呂頤浩皓方居父喪頤浩解衣巾俾易墨衰經入對乃遷皓五官擢徽猷閣待制假禮部尚書為大金通問使龔璘副之皓



至太原留幾一年金遇使人禮日薄及至雲中粘罕迫二使  
仕劉豫皓日萬里銜命不得奉兩宮南歸恨力不能磔逆豫  
忍事之耶不願偷生願就鼎鑊無悔粘罕怒將殺之旁一帥  
曰此真忠臣也目止劍士爲之跪請流遞冷山雲中至冷山  
行六十日地苦寒四月草生八月已雪而瑋獨至汴受豫官  
當皓之在雲中也二帝遷居五國城皓密遣人奏書以桃梨  
栗麪獻二帝始知高宗卽位皓聞祐陵訃北嚮泣血旦夕臨  
諱日操文以祭聞者皆揮涕金參政韓昉嘗令皓校雲中進  
士試皓固以疾辭未幾金大赦許使人還鄉皓與張邵朱弁  
三人在道中皓自建炎已酉出使至紹興十二年七月還留  
北中凡十五年同時使者十三人惟皓邵弁得生還皓見秦  
檜言室撻奇聲槍怒甚後安置英州至南雄州卒復徽猷閣

山西通志卷一百十五 名宦錄十五 十一

學士諡忠宣皓撰松漠紀聞金國文具錄等書于道遺邁  
朱弁字少章徽州婺源人少穎悟晁說之妻以兄女建炎初  
議遣使問安兩宮弁奮身自獻詔補修武郎借吉州團練使  
爲通問副使至雲中見金宗翰邀設甚切宗翰不聽使就館  
守之以兵弁復與書言用兵講和利害甚悉紹興二年金忽  
遣宇文虛中來言和議可行當遣一人詣元帥府受書還虛  
中欲弁與正使王倫探策決去留弁曰吾來固自分必死豈  
應今日覲侍先歸願正使受書歸報成兩國之好蚤申四海  
之望則吾雖暴骨於外猶生之年也倫將歸弁請曰古之使  
者有節以爲信今無節有印印亦信也願留印使弁得抱以  
死死不腐矣倫解以授弁弁受而懷之臥起與俱金人迫弁  
仕劉豫且誅之曰此南歸之漸弁曰豫國賊吾嘗恨不食其

肉又忍北面而臣之吾有死耳金人怒絕其餼遺以困之弁  
固拒驛門忍饑待盡誓不爲屈金人亦感動致禮如初久之  
復欲易其官弁曰自古兵變使在其間言可從從之不可從  
則囚之殺之何必易其官吾官受之本朝有死而已誓不易  
以辱吾君也且移書耶律紹文等曰上國之威命朝以至則  
使人夕以死夕以至則朝以死又以書訣後使洪皓曰殺行  
人非細事吾曹遭之命也要當捨生以全義爾乃具酒食召  
被掠士夫飲半酣語之曰吾已得近郊某寺地一旦畢命報  
國諸公幸瘞我其處題其上曰有宋通問副使朱公之墓於  
我幸矣眾皆泣下莫能仰視弁談笑自若曰此臣子之常諸  
君何悲也金人知其終不可屈遂不復強會宗翰等亡弁密  
疏其事及金國虛實曰此不可失之時也遣李發等間行歸

山西通志卷一百十五 名宦錄十五 十二

報其後倫復歸又以弁祭徽宗文爲獻其辭有曰歎馬角之  
未生魂消雪窖攀龍髯而莫逮淚灑冰天思陵讀之感泣八  
年金使烏林思謀石慶充至杭稱弁忠節詔附黃金三十兩  
以賜十三年和議成得歸以所得六朝御容及宣和御書畫  
爲獻秦檜沮之僅轉奉議郎十四年卒弁文慕陸宣公詩學  
李義山金國名王貴人多遣子弟就學弁因文字往來說以  
和好之利及歸述北方所見聞忠臣義士朱昭史抗張忠輔  
高景平孫益孫谷傅偉文李丹五臺僧寶真婦人丁氏晏氏  
小校閻進朱勳等死節事狀請加褒錄有聘遊集四十二卷  
右宋十三人  
邢抱樸應州人好學博古統和四年山西州縣被兵命抱樸  
攜撫之民始安後爲南院樞密使卒



右遼一人

王國綱宏州人有材器為監察御史開興元年關陝完顏總帥屯河中府與元軍戰敗績哀宗遣國綱乘上廐馬徑詣河

右金一人

趙世延字子敬居雲中至元二十六年為監察御史按平陽郡監也先忽都賊巨萬甚平允

右元一人

王驥字尚德東鹿人剛毅有膽曉暢戎略中永樂四年進士為兵科給事中使山西奏免鹽池通課二十餘萬尋遷山西按察使後累官兵部尚書封靖遠伯卒贈侯諡忠毅

王良永樂間以戶部主事來督大同軍餉甚有威信大為邊

士所服

山西通志卷一百十五 名宦錄十五 十三

魏源字文淵建昌縣人永樂四年進士累遷刑部尚書正統二年命往大同宣府督察諸將便宜從事源按行天城朔州諸險要令將吏分守免屯軍租一年儲火器為邊備諸依權貴避役者悉括歸伍邊務修飭後致仕卒

李隆字彥平和州人襲父濟襄城伯雄偉有將略讀書好文論事侃侃正統十一年巡邊大同賜寶刀一申飭戒備內外稟稟訖還不戮一人明年卒

盧睿字仲思婺之東陽人永樂辛丑進士為御史廉正明決正統丁巳升右僉都御史巡視宣大嚴法令劾蠹弊節費廣儲推強撫弱時北部入貢勢頗張慮其包藏禍心上疏言馭遠之道在恩威相濟辛酉改命參贊甯夏軍務以疾歸性孝

友廉介見義勇為家無餘資而貧困者多賴之

孫博字約之景州人成化中北部犯大同太監汪直與都御

史王越保國公朱永將圍營軍北伐博以紀功從先是博為

給事嘗疏論直直甚甚至請以為從或危之博曰諫吾職

也死生榮辱吾命也將安避乎既抵大同每出戰輒命隨營

博意氣峭拔兜鍪繡襖突萬眾間如健將間聚議機宜益

侃侃雄辨久之直亦敬服師還論功遷山西按察使僉事致

仕歸復疏論本州知州馬某貪虐狀為所毒馬尋伏誅

李介字守貞高密人成化五年進士歷兵部左侍郎宏治十

年瓦剌犯大同命兼左僉都御史往督軍餉且經略之比至

寇已退乃大修戎備察核官田牛具錢還之軍以其資償軍

所逋馬價邊人咸悅先後條上便宜二十事卒贈尚書

陳壽字本仁其先新淦人籍甯遠衛成化八年進士授戶科

給事中視宣大邊防劾去鎮守中官不檢者仕至刑部尚書

致仕卒

石玠字邦秀藁城人成化末與弟瑋同舉進士宏治中為御

史出覈大同軍儲條奏悉中機宜正德中為右副都御史巡

撫大同後官至戶部尚書歸卒玠有操行居官亦持正

劉大夏華容人倣儻有大略持正不撓宏治十年大同行師

乏糧大夏以戶部侍郎出經畫之或曰北邊糧草半屬京貴

子弟公剛介此行恐取禍大夏曰處天下事以理不以勢定

天下事在近不在遠候至彼圖之既至詢咨父老得其要領

揭榜通衢云某倉缺糧若干石每石給官銀若干凡境內外

官員客商願輸者米自十石以上草自百束以上聽即中貴

官

山西通志卷一百十五 名宦錄十五 十四



子弟不禁也不兩月倉場有餘積家有餘財邊事賴之尋為兵部尙書卒諡忠宣

楊最字殿之射洪人正德十二年進士授工部主事督通山西憫其民貧不俟奏報輒返尙書李鑑劾之有詔復往最乃與巡按御史牛天麟極陳歲災民困狀請緩其征從之仕至太僕卿世宗悅方士段朝用言欲令太子監國最極諫杖死監國議亦罷隆慶元年贈右副都御史諡忠節

李昆字承裕介子宏治初進士為兵部員外郎忤尙書劉宇貶知解州嘉靖初累官兵部左侍郎大同軍亂殺巡撫張文錦昆承制曲赦之還請收卹文錦不從歸卒

夏言上饒人進士嘉靖間以兵科給事中督勦青羊山叛寇陳卿一鼓焚其巢穴盜自縛以降奏請置縣以安輯子遺天

山西通志卷一百十五 名宦錄十五 十五

子嘉之命其縣曰平順而改潞州為潞安府累官大學士為嚴嵩所害嵩敗後贈卹諡肅愍

黃縉字宗賢黃巖人孔昭孫也承祖蔭以議禮任詹事又拜禮部左侍郎大同軍變殺總兵官李瑾據城拒守總制侍郎

劉源清提督卻承議屠之百道攻城城中恟懼外勾寇為助塞上大震巡撫潘倣請止兵源清力詆倣大學士張璠及廷

議並右源清獨言非策及源清罷侍郎張瓚往代未至而

郎中詹榮等已定亂亂卒未盡獲軍民瘡痍甚代王請遣大臣

臣綏輯之乃特以命縉且令察軍情勸功罪得便宜行事縉馳至大同宗室軍民牒訴官軍暴掠者以百數無告叛軍者縉一無所問以安其心有為叛軍使寇歸者縉執戮之反側皆復相煽縉大集軍民曉以禍福罹害者陳牒伴不問而密

以牒授給賑官按里核實一日捕首惡數十人卒尙欽殺一家三人懼不免夜鳴金倡亂無應者遂就擒縉復圖形購首惡數人軍民不復虞詿誤乃令有司樹木柵設保甲四隅創社學教軍民子弟城中大安還朝列上文武將吏功罪極詆源清永二人卒被逮縉以勞增俸一等後起禮部尙書兼翰學士歸卒

吳百朋字惟錫義烏人嘉靖二十六年進士歷兵部右侍郎萬厯初命閱視宣大山西三鎮百朋以糧餉險隘兵馬器械屯田鹽法番馬遊獵八事核邊臣督撫王崇古吳兌總兵郭琥以下升賞黜革有差又進邊圖凡關塞險隘番卒部落土馬強弱亭障遠近厯厯如指掌後拜刑部尙書卒

山西通志卷一百十五 名宦錄十五 十六

會乾亨字於健吉水人同亨之弟也萬厯五年進士厯光祿少卿十八年冬敕兼監察御史閱視大同邊務劾罷總兵官以下十餘人大同土兵歲餉萬二千石兵自徵之民不勝擾

乾亨議留兵二百餘盡汰之屢奏邊備事宜輒中機要晉大理少卿歸卒

楊武字宗文岐山人以丙辰進士知潞川決疑獄甚多己巳擢大理寺左寺丞受勅勘視大同邊務凡屯田不均軍役耗

損諸弊政釐正裁革彈劾不少避邊人誦焉庚午超拜左會都御史巡撫宣府地方未幾罷歸

李修吉字允敬同州人萬厯丙戌進士初授萊州司理獄多所平反遷戶部主事出理甯武糧儲度支明允宿弊一清

又條議時宜急需四事皆經國要務疏上深見嘉納未幾被誣劾掛冠去修吉性醇謹不務紛華尤篤志純儒業著理學



通言二卷

右明十八人

國朝

朱軾字可亭高安人康熙六十年山陝大饑軾時以左都御史遭父憂奪情

聖祖發帑金五十萬兩命與光祿卿盧詢分往督賑軾抵平陽疏陳賑濟事宜皆報可於是察官吏安流庸禁邊糴招米商設粥廠立醫局補驛夫借給民人牛種發倉平糶富民出財助賑者即時奏請旌獎全活數十萬人會苦旱為文禱神越日大雨又以積貯多有名無實乃滙陳冒銷虧耗及出陳易新時指勒淨收諸弊請飭督撫嚴禁并勸所屬買補缺額為荒備皆如所請飭行是年九月還朝奏請解任管葬

山西通志卷一百十五 名宦錄十五 十七

溫旨慰諭命再往山西試行水利社倉因督賑時會條奏及此也會陝西有查辦之獄復奉命自晉入秦事遂中止後官至文華殿大學士卒諡文端

劉統勳字延清諸城人性強直勵清節為都御史彈劾不避權貴乾隆二十二年以刑部尚書奉

命按獄山西並清查虧空一時墨吏罷斥幾盡而循良者多獲保全踰年歸化城有私伐官木之案復以協辦大學士奉命偕巡撫塔永甯往鞫得實自將軍以下悉按如律駁車所

歷中外肅然終東閣大學士諡文正

松筠字湘浦蒙古正黃旗人嘉慶中官至武英殿大學士道光六年以尚書按事山西聞喀什噶爾軍報疏陳熟悉新疆情形自請前往宣諭十二年蒙古達爾漢茂明安土默特三

於爭地松時年八十矣方休致家居

命往歸化城查辦松嘗以故相為察哈爾都統攝殺達城將軍清望素孚於中外邊人聞其至額手相慶三部王公奉命惟謹乃周行疆域表山為界設鄂博并增卡倫十餘處令諸部撥兵守之而邊防益固迄今永賴還朝後二年卒諡文清歸化城商民祀之費公祠素工學集書所書虎字人多寶貴之

右使臣

灌嬰睢陽人販給以中涓從漢王封穎陰侯七年從擊韓王信於代至馬邑別降樓煩以北六縣斬代左將破胡騎將於武泉北復從擊信胡騎晉陽下所將卒斬胡白題將一人又受詔并將燕趙齊梁楚車騎擊破胡騎於滎石遂至平城從

山西通志卷一百十五 名宦錄十五 十九

擊陳豨別攻豨將有功文帝立為太尉三歲為丞相後歲餘卒諡曰懿侯

陳平陽武戶牖鄉人少好讀書治黃帝老子之術歸漢為都尉六年封戶牖侯七年從擊韓王信於代至平城白登被圍七日不得食高帝用平奇計使關氏為解圍得開高帝既出其計祕世莫得聞更封為曲逆侯十年從擊陳豨惠帝六年為左丞相後與太尉周勃謀誅呂立文帝文帝二年卒諡曰獻侯

夏侯嬰沛人高祖以嬰為太僕常奉車賜爵昭平侯更食汝陰剖符世世勿絕從擊代至武泉雲中益食千戶從擊韓王信軍胡騎晉陽旁大破之追北至平城為胡所圍七日不得通高帝使使厚遺關氏冒頓乃開其圍一角高帝出欲馳嬰



固徐行皆持滿外擣卒以得脫益食嬰細陽千戶文帝八年卒諡曰文侯

韓安國梁城安人嘗受韓子雜家說於騶田生所事梁孝王有忠直聲建元六年為御史大夫元光元年雁門馬邑豪彘翁壹因大行王恢言上曰匈奴初和親親信邊可誘以利陰使聶翁壹為間亡入匈奴曰吾能斬馬邑令丞吏以城降財物可盡得單于許之時安國與恢力辯卒從恢議伏車騎材官三十餘萬匿馬邑旁谷中衛尉李廣為驍騎將軍太僕公孫賀為輕車將軍大行王恢為將屯將軍大中大夫李息為材官將軍而安國為護軍將軍諸將皆屬護軍約單于入馬邑而漢兵縱發王恢李息李廣別從代主擊其輜重單于入漢長城武州塞覺引兵還漢兵追至塞度弗及罷安國後行

山西通志卷一百十五 名宦錄十五 九

丞相事元朔二年卒

程不識孝景時以數直諫為大中大夫為人廉謹於文法元光元年衛尉李廣為驍騎將軍屯雲中不識為車騎將軍屯雁門廣行無步曲行陣就善水草屯舍人人自便不擊刁斗自衛幕府省文書然亦遠斥埃未嘗遇害不識正步曲行伍營陣擊刁斗吏治軍簿至明軍不得自便不識曰李將軍極簡易然虜卒犯之無以禁而其士亦安佚樂為之死我軍雖煩擾而虜亦不得犯我是時漢邊郡李廣程不識皆為名將入為長樂衛尉

賈復字君文南陽冠軍人王莽末為縣掾迎鹽河東會遇盜賊等比十餘人皆放散其鹽復獨完以還縣縣中稱其信更始中光武安輯河北復因鄧禹得召見建武初拜為執金吾

十三年定封膠東侯三十年卒諡曰剛侯

張宗字諸君南陽魯陽人更始以宗為偏將軍宗見更始政亂因將家屬客安邑及大司徒鄧禹西征定河東宗詣禹自歸禹聞宗素多權謀乃表為偏將軍禹軍到栒邑赤眉卒至戰卻之後遷瑯邪相卒於官

杜茂字諸公南陽冠軍人初歸光武於河北常從征伐建武三年以功拜驃騎大將軍七年詔引兵北屯田晉陽廣武以備邊九年與雁門太守郭涼擊盧芳將尹由於繁時芳將賈覽率騎萬餘救之茂戰軍敗引入樓煩城時盧芳據高柳數寇邊十二年遣謁者段忠將眾郡弛刑配茂鎮守北邊因發邊卒築亭候修烽火又發委輸金帛給絮供給軍士并賜邊民冠蓋相望茂亦建屯田驢車轉運尹由將賈丹等遂詣雁門太守郭涼降芳亡入塞北定封參蓮鄉侯卒

山西通志卷一百十五 名宦錄十五 二十

王霸字元伯潁川潁陽人從光武渡河北破王郎建武初拜偏將軍九年與吳漢等四將軍五萬餘人擊盧芳將賈覽閔堪于高柳遂拜上谷太守領屯兵如故捕擊邊寇無拘郡界十年吳漢等四將軍六萬人出高柳擊賈覽詔霸與漁陽太守陳訴將兵為諸軍鋒左南將軍將數千騎救覽霸等連戰於平城下破之還入雁門與驃騎大將軍杜茂會攻盧芳將尹由於崞繁時不克盧芳與南部烏桓連兵寇盜尤數緣邊愁苦十三年詔將弛刑徒六千餘人與杜茂治飛狐道堆石布土築起亭障自代至平城三百餘里凡大小數十百戰賊邊事數上書言宜結和親又陳委輸可從濕水漕以省陸轉輸之勞事皆施行後南部烏桓降服北邊無事霸在此谷二



十餘歲三十年定封淮陵侯永平二年以病免後數月卒  
吳漢字子顏南陽宛人為安樂令說太守彭寵歸光武帝帝  
即位以功拜大司馬封舞陽侯建武三年率建威大將軍耿  
弇虎牙大將軍蓋延擊青犢於軹西大破降之十五年率揚  
武將軍馬成捕虜將軍馬武擊塞北徙雁門代郡上谷吏人  
六萬餘口置居庸常山關以東二十年卒諡曰忠侯

馬援字文淵扶風茂陵人少有大志建武十七年拜伏波將  
軍擊交趾封新息侯二十四年烏桓寇扶風援出屯襄國明  
年秋將三千騎出高柳行雁門代郡上谷障塞烏桓候者見  
漢軍至遂散去援無所得而還二十四年征五溪蠻病卒建  
初三年追諡曰忠成侯

馬嚴援兄子永平十五年拜將軍長史將北軍五校士羽林  
禁兵三千人屯西河美稷衛護南部棄置司馬從事牧守諸  
敬同之將軍救嚴過武庫祭蚩尤帝親御阿閣觀其士眾時  
人榮之年八十二卒

右漢十二人  
鍾繇字元常穎川長社人建安中以司隸校尉持節督關中  
諸軍會單于擾平陽率諸軍圍之未拔而袁尙河東太守郭  
援到眾甚盛諸將議欲釋之去繇曰袁氏方強援之來關中  
陰與之通所以未悉叛者顧吾威名故耳若棄而去示之以  
弱所在之民誰非寇讐縱吾欲歸其得至乎此為未戰先自  
敗也且援剛愎好勝必易吾軍若渡汾為營及其未濟擊之  
可大克也時張既說馬騰遣子超將精兵逆之援至果輕  
渡汾眾止之不從濟水未半擊大破之斬援降單于後詔徵

河東太守王邑邑心不願徵郡掾衛固及中郎將范先等詣  
繇求乞邑而後太守杜畿已入界繇不聽先等促邑交符邑  
乃歸許固尋與張晟張揆及高幹等並為寇又率諸將討破  
之繇封定陵侯仕至太傅卒諡曰成

張既字德容馮翊高陵人舉茂才司隸校尉鍾繇遣說馬騰  
等騰遣子超會擊袁氏并州刺史高幹河東太守郭援大破  
之斬援幹降而復舉兵河東衛固等應之以既為議郎參繇  
軍事徵馬騰等會擊斬固幹奔荊州魏時封西鄉侯卒諡曰  
肅

呂虔字子洛伍城人魏太祖在兗州聞虔有膽策以為從事  
將家兵守湖陸襄陵尉杜松部民吳母等作亂與昌稀通太  
祖以虔代松虔到招誘吳母渠帥及同惡數十人賜酒食簡  
壯士伏其側察吳母等醉盡格殺之撫其餘眾羣賊乃平太  
祖以虔領太山太守徐州刺史封萬年侯

右魏三人  
李崇孝武時為尙書令貴戚重器識英敏沃野鎮民破六  
韓拔陵反加北討大都督命將軍崔暹廣安王深皆受節度  
敗於白道崇引還雲中謂諸將曰雲中者白道之衝賊之咽  
喉若此地不全則并肆危矣乃請費穆為朔州刺史以鎮之  
先是崇擊柔然阿那瓌於平城長史魏蘭根說崇曰昔緣邊  
諸鎮地廣人稀或徵發中原強宗子弟或國之肺腑寄以爪  
牙中年以來有司號為府尹役同厮養理當憤怨宜改鎮立  
州分置郡縣凡是府尹悉免為民入仕次敘一準其舊文武  
兼用威恩並施此計若行國家庶免北顧之憂崇奏之不報

鍾繇字元常穎川長社人建安中以司隸校尉持節督關中  
諸軍會單于擾平陽率諸軍圍之未拔而袁尙河東太守郭  
援到眾甚盛諸將議欲釋之去繇曰袁氏方強援之來關中  
陰與之通所以未悉叛者顧吾威名故耳若棄而去示之以  
弱所在之民誰非寇讐縱吾欲歸其得至乎此為未戰先自  
敗也且援剛愎好勝必易吾軍若渡汾為營及其未濟擊之  
可大克也時張既說馬騰遣子超將精兵逆之援至果輕  
渡汾眾止之不從濟水未半擊大破之斬援降單于後詔徵



及東西部敕勒皆叛附拔陵始思崇之言乃詔諸州鎮軍實非有罪配隸者皆免為民改鎮為州遂破拔陵

右後魏一人

侯莫陳穎字遵道崇子賜爵廣平侯累遷開府儀同三司武帝時從滕王迪擊龍泉文城與柱國豆盧勣分路而進穎懸軍五百餘里破其三柵先是稽胡亂輒略邊人為奴婢至是誼諸部有厭匪良人者誅籍沒其妻子有人言為胡村所隱匿者勦將誅之穎曰將在外君命有所不行諸部固非悉反但相迫脇為亂今慰撫自可不戰而定如即誅之轉相驚恐為難不細未若召其渠帥以隱匿者附之令自歸首則眾可安勦從之諸部爭降附北土以安後入隋累遷州郡以清德惠政稱開皇末檢校汾州事卒諡定

山西通志卷一百十五

名宦錄十五

三

許善心字務本高陽北新城人初任陳舉秀才對策高第入隋績成父亨所撰梁史行世大業十一年從幸雁門為突厥所圍攝左親衛武賁郎將領江南士宿衛殿省以勳授通議大夫後于江都為宇文化及所害越王贈左光祿大夫高陽縣公諡曰文節

斛斯萬善河南人驍勇果毅以軍功拜武賁郎將突厥圍雁門萬善奮擊之所向皆破每賊至獨出當其鋒或下馬坐地引強弓射賊所中皆殪由是莫敢逼城十餘日竟退萬善之力也其後頻討羣盜累遷將軍卒

右隋三人

李道宗高祖從子武德元年封略陽郡公劉武周逼河東道宗年十七從太宗率眾拒之登玉壁城望賊請深壁高皇以

控其鋒若糧運致竭自當離散後賊果食盡夜遁追及介州一戰破之出為靈州總管始突厥郁射設入居五原道宗逐出之廢耀威武斥地千里貞觀三年為大同道行軍大總管與李靖襲破頡利道宗親執之累封江夏王坐事削封邑斗三年出為晉州刺史十四年拜禮部尚書永徽初加特進坐房遺愛流象州道卒

李高遷岐州岐山人隋末客遊太原高祖常引之左右擒高若雅王威有力焉從平霍邑力戰功最

劉宏基雍州池陽人大業末以右勳侍從征遼東行至汾陰度已後期遂與同族屠牛潛謁吏捕繫獄事解亡命至太原會高祖鎮太原遂自結託尤委心太宗大蒙親禮義兵舉功為第一朱金剛陷太原遣屯晉州後從屯柏壁率兵二千

山西通志卷一百十五

名宦錄十五

三

自隰州趨西河斷賊歸路及金剛遁宏基率騎邀之至于介休與太宗會追擊大破之累封在國公改號國承徽元年卒贈并州都督諡曰襄

李靖本名藥師雍州三原人姿貌瓌偉有文武材略大業中累除馬邑郡丞義兵將起靖自縶上變至長安道塞而止高祖克長安執靖將斬之靖大呼曰公起義兵本為天下除亂乃以私怨斬壯士乎高祖壯其言秦王又固請捨之尋入秦王幕府從趙郡王孝恭破開州繼冉肇則上手敕曰既往不咎向事吾久已忘之遂平東南地亘萬里武德八年突厥寇太原以靖為行軍總管與張瑄屯太谷時諸軍不利獨靖以完軍歸貞觀初以刑部尚書檢校中書令三年轉兵部尚書為代州道行軍總管率驍騎三千自馬邑直趨惡陽嶺以逼



突厥四年進擊定襄破之獲隋齊王子楊正道及隋蕭后送于京師可汗脫身遁磧口以功進封代國公又以靖為定襄道行軍總管引兵襲頡利牙帳殺其妻義成公主擒頡利以獻斥地自陰山北至大漠上因大赦天下賜民五日酺拜尙書右僕射九年破吐谷渾改封衛國公十三年卒諡曰景武韓游瓌靈武人始為朔方節度郭子儀裨將安祿山使阿史那從禮將同羅突厥五千騎偽降於朔方出塞門誘河曲九蕃府六胡叛部落五十萬子儀使游瓌率辛京果擊破之九蕃府還附以功累拜邠甯節度使檢校尙書左僕射與馬燧渾瑊共平河中終右龍武統軍諡曰襄

王逢許州人忠武軍節度沛子以功歷諸衛將軍太和中從石雄劉沔破回紇於天德軍王宰攻劉稹逢領陳許七千人

屯翼城賊平累遷忠武節度使

張仲武范陽人通左氏春秋會昌中節度范陽與太原劉沔攻回鶻不協時御史中丞李回奉使至喻以和協仲武聽命回鶻欲入五原塞掠保塞雜虜先令宣門將軍四十七人結歡仲武賂其下盡得所謀因逗留不遣使失歸期回鶻人馬多斃劉稹拒命移沔鎮滑臺命仲武領太原軍攻之以功封蘭陵郡公加檢校司徒同中書門下平章事卒諡曰莊

右唐六人

何繼筠字化龍河南人開寶元年為李繼勳先鋒勝洞渦河奪汾橋二年屯兵陽曲縣大敗遼援師于石嶺關以功拜建武軍節度卒繼筠深沈有智勇前後備邊二十年在棗州尤久邊人多畫像祠之

山西通志卷一百十五 名宦錄十五 五

曹翰大名人宋初從征澤潞開寶二年從征太原為行營都壕皆使太平興國四年從征太原為攻城南面都部署上曰卿習勇無雙西北面非卿不能當築土山穿渠遂平之官威震軍節度卒贈太尉諡武毅

崔翰字仲文京兆萬年人宋初從征澤潞開寶初遷河東降民以資陝西地晉人勇悍多習武藝命翰差擇之及閱試河北鎮兵取其驍果者以分配天武兩軍四年從征太原命總侍衛馬步諸軍率先攻城流矢中其頰神色不變督戰益急上卽軍帳撫問之及劉繼元降令往撫慰俘略無得出城時秦王廷美以數十騎將冒禁出翰呵止之仕至鎮安軍節度使卒贈侍中翰驍勇有謀多立功輕財好施以徐河功號名將

山西通志卷一百十五 名宦錄十五 五

梁迥博州聊城人開寶中從征太原會聶章為沁州兵馬部署以迥監其軍并人入寇與閻彥進同率兵擊敗之太平興國初領禁軍戍澤州四年征太原為行營前軍馬步軍都監督軍攻城中流矢四五年受詔與潘美城并州於三交及築緣邊保障仕至唐州防禦使卒于銀州

劉審瓊涿州范陽人給事太祖左右從平澤潞開寶中樞密使李崇矩客鄭仲擊登聞鼓誣告崇矩受太原席義叟黃金私結學士扈蒙以甲科私義叟引審瓊為證召詰問審瓊具言其誣枉得解遂出知鎮州七年征河東駐蹕月餘儲待無闕至道中卒

李神祐開封人從太祖征太原攻城時往來梯衝間宣傳詔命卽行在所遷殿頭高品乾德五年征太原負御寶從行開



寶二年又從征太原時有詔緣邊和市軍儲車駕在潞州聞之慮擾民令神祐馳驛止之時詔下已五日神祐一夕而及晉陽一日甲士既陣賊潛縱火焚梯衝亟命神祐部衛兵爲援斬賊甚眾餘悉潰去太宗再征太原領工徒千人隨駕以備繕完甲兵劉繼元表納降款太宗陳儀衛城北臺以受之繼元移時未至神祐馳單騎入城俄頃引繼元至太平興國六年滑州治河防材葦未具命神祐馳往垣曲伐薪蒸四百萬以濟其用後爲大內都知卒

李漢瓊河南洛陽人以功領振武軍節度太平興國四年征太原爲攻城都部署主南偏漢瓊先登矢集其腦併中指傷甚猶力疾戰上召至幄殿賜良藥慰勞之先是攻城者以牛革冒木上士卒蒙之而進謂之洞子上欲幸其中以勞士卒

山西通志卷一百十五

名官錄十五

七

漢瓊極諫以爲矢石之下非萬乘所宜輕往乃止晉陽平加檢校太尉卒贈中書令

荆嗣冀州信都人罕儒從孫從李繼勳攻河東請間道截洛陽若漢兵遁進薄汾河橋敗漢將楊業兵焚南門奪羊馬城從太祖征太原漢兵焚洞子與殿前楊信援之率先陷陣召見補御龍直太宗再征嗣自陳願率一隊先登命主城西洞子車駕巡師嗣登城手刃數人足貫雙箭手中破折二齒亟召賜錦袍銀帶雍熙二年從田重進譚廷美率師入遼境疾戰飛狐口敗遼將大鵬翼奪土嶺克倉頭小泊二砦遼圍直谷石門二砦一日五七戰遼兵引去又勝於大嶺師還引見便殿重進言其有勞後累任部署卒

田重進幽州人太平興國四年從征太原邊錄功擢天德軍

節度使雍熙中北征率兵傅飛狐城下伏兵飛狐南口擒遼驍將大鵬翼及監軍馬贊副將何萬通并渤海軍三十餘人斬數千級俘獲萬計迤北四十里連下飛狐靈邱等城進攻蔚州其牙校李存璋等殺蕭嘏里執耿紹忠率吏民來附會曹彬師不利乃還卒贈侍中

賀懷浦開封陳留人孝惠后兄也太平興國初以岳州刺史領兵屯三交雍熙三年從楊業北征沒於陣

种師中字端瑞師道弟靖康中提秦鳳兵入援遣副統古爲河北制置使古援太原師中授中山河間或謂師中自礪相而北金人若下太行則勢不能自還此段疑師于河上比也師中渡河卽上言粘罕已至澤州臣欲由邢相間捷出上黨擣其不意當可以遲疑不用姚古不能解太原圍詔師中由

山西通志卷一百十五

名官錄十五

天

井陘道出師與古犄角次平定軍乘勝復壽陽榆次留屯正定而知樞密院許翰遣督戰且責以逗撓師中歎曰逗撓兵家大戮也吾結髮從軍今老矣忍受此爲罪乎卽日辦嚴約古及張灝俱進古灝失期不至五月抵壽陽之石阮五戰三勝同趨榆次力疾闕死師中老成持重爲時名將諸軍自是氣奪劉幹言師中聞命卽行奮不顧身雖古忠臣不過也請加優贈以勸死國者詔贈少師諡莊愍

張忠輔宣和末爲將同崔中折可與守醇縣金人來攻嬰城固守率士卒以死拒敵中度不可支有二心忠輔宣言曰必欲降請先殺我中設伏給約議事斬忠輔首擲陣外旣開城門可與不屈見殺可與兄可求建炎中言於朝官可與子五人而忠輔不與士論惜之



黃友字龍友溫州平陽人七歲能詩長入太學每謂同舍曰大丈夫不能為國立功是亦造化中贅物耳登崇寧五年進士第累立戰功除直祕閣時常勝軍郭藥師叛諸郡響應友率數千人躬冒矢石與戰欽宗召問稱嘆進直徽猷閣制置司參謀隨種師中解太原圍引兵奪榆次縣明日進十里而止友白師中以非地不聽嘆曰事去矣黎明士卒奔潰友被執寇曰降即赦汝友厲聲曰男兒死耳罵不絕口寇怒以脂塗其身倒豎焚之朝廷贈官至中大夫御書忠節傳家字其門閭官其後八人錫命有云緣廟謨之失策致榆次之傾師兵盡道窮執節不撓特優贈典用慰忠魂

岳飛字鵬舉相州湯陰人建炎初借補武經郎渡河戰于太行山擒金將跋跋耶烏復斃黑風大王後制置荆湖紹興六年太行山忠義社梁興等百餘人慕飛率眾來歸晉宣撫使

七年命宣撫河東節制河北路張浚曰飛措置甚大今已至伊洛則太行一帶山砦必有應者十年命梁興渡河糾合忠義社取河東北州縣與會太行忠義及兩河豪傑等累戰皆捷先是五年飛遣興等布德意招結兩河山砦韋銓孫謀等歛兵固堡以待宋師李通胡清李寶李興張恩孫琪等舉眾來歸金人動息山川險要一時皆得其實盡磁相開德釋潞晉絳汾隰之境皆期日與兵與宋軍會其所揭旗以岳為號父老百姓爭挽車牽牛載糗糧以餽義軍頂盆焚香迎候者充滿道路而秦檜亟下班師詔十一年授樞密副使位參知政事為檜所害

引兵屯河中就權府事率眾與金人力戰度不能守先自殺其家人城陷不屈而死

右宋十五人

耶律奚底孟父趙國王之後便弓馬勇於攻戰統和四年為右皮室詳穩時宋將楊繼業陷山西郡縣從樞密使斜軫禦之凡戰必以身先矢無虛發繼業敗於朔州之南匿深林中奚底望袍影而射繼業墮馬先是軍令須生擒繼業奚底以故不能為功後屢有戰績卒

右遼一人

完顏訛可內族也時有兩訛可皆護衛出身一日草火訛可每得賊好以草火燎之一曰板子訛可正大八年以兩訛可將兵二萬守河中九月元兵來攻十一月攻愈急軍士日夜

山西通志卷一百十五 名宦第五 三十一

死國十二月城陷草訛可戰數十合被擒為元兵所殺板訛可率敗卒三千奪船走閩鄉杖死人謂河中城守不下德順多宛之

右金二人

武木台扎拉台人太宗時嘗駐軍太原平陽土人德之皆為立祠

魏賽因不花息州人至正間以河南省右丞統兵守偏頭關克武州不戮一人民為立碑思之

右元三人

徐達字天德濠人洪武元年拜大將軍命趨山西襲虜營盡降其軍遂克太原乘勢收大同會馮勝軍破賀宗哲於石州山西盡平五年復出中道達封魏國公官太傅中書右丞

一書 7 冊 頁 5 反之下



相參軍國事十八年卒追封中山王諡武甯

傅友德宿州人洪武元年略大同還下正保從攻山西擴廓

自保安來援萬騎突至友德以五十騎衝卻之因夜襲其營

擴廓倉皇遁去追至天門關獲其士馬萬計復敗賀宗哲於

石州後封穎國公二十四年出練兵山陝總屯田事二十五

年練軍山西二十七年被害後追封麗江王諡武靖

康茂才字壽卿蘄州人嘗為都水營田使修水利興屯田洪

武元年從經略中原留守陝州規運饋餉造浮橋渡師鎮河

中撫綏瘡痍民立石頌德招來絳解二州扼潼關秦兵不敢

東陝西平移鎮山西卒追封蘄國公諡武義子鐸以父功封

襄春侯卒于淵幼未襲授散騎舍人已而革冠服勒居山西

遂不得嗣宏治末錄茂才後為世襲千戶

山西通志卷一百一十五 名宦錄十五

馮勝定遠人洪武元年由懷慶踰太行克碗子城取澤潞擒

元右丞賈成于猗氏克平陽絳州詔右副將軍勝居常遇春

下偏將軍湯和居勝下偏將軍楊璟居和下遂渡河越陝後

封宋國公數練兵大同拜大將軍二十五年命籍太原平陽

民為軍立衛屯田尋借穎國公傅友德練軍山西諸公侯皆

聽節制二十七年被害

李文忠字思本盱眙人洪武二年命會攻慶陽師次太原聞

大同圍急曰兵可無西也援大同便軍吏曰專命可乎文忠

曰聞外之事苟利於國專之可也遂出雁門大破北師拜左

副將軍封曹國公六年行山西邊留屯代縣七年由白登秋

進師豐州擒故官十二人馬駝牛羊甚眾窮追至百千兒乃

還卒追封岐陽王諡武靖

譚廣字仲宏丹徒人領神機 馬獨肥時號譚家馬從征池

北充驍騎將軍十一年練軍山西十二年從征九龍口為前

鋒賊數萬憑崖廣以神箭萬人射之死者無算乘勝夾擊賊

大敗論功進都督僉事後鎮宣府二十年稱名將封永甯伯

卒諡襄毅

蔣琬江都人定西侯貴孫嗣侯成化中督十二團營兼總神

機營上言大同宣府諸塞下腴田無慮數十萬悉為豪右所

占請遣給事御史按覈定其科額時不盡行十三年帥京軍

防秋大同宣府陳機宜十餘事皆報可累加太保卒諡毅敏

馬永字天錫遷安人驍果有謀習兵法正德中充總兵官鎮

薊嘉靖初大同兵變命桂勇為總兵官往鎮而議將撫之永

言逆賊干紀朝廷赦其脅從恩至渥顧猶抗命今不勦春和

山西通志卷一百一十五 名宦錄十五

北寇南牧叛卒勾連禍滋大宜亟調鄰鎮兵剋期攻城曉譬

利害懸破格之賞令賊自相斬為功元凶不難殄也乃命永

督諸軍與侍郎胡瓚往會亂平乃還鎮後請宥議禮諸臣奪

官及大同軍再亂廷臣交薦召至已就撫復遣起鎮遼東卒

王邦直磁州人倬幹多力嘗持千斤器移數處不為疲號千

斤以臺諫薦兵部檄送督府翁萬達待以殊禮分坐談邊務

乙巳秋比部入犯鴉鴿峪邦直佐守將張鳳射卻之轉戰而

前敵大合鳳與邦直結方陣以拒之鳳戰死或勸邦直潰圍

出邦直撫膺曰吾誓以腔血報軍門鳳死吾豈忍獨生遂揮

刃向前擊殺數人知不得脫乃自刎翁為疏請錄卹立祠祀

之

俞大猷字志輔晉江人從趙本學學易推衍兵家奇正虛實



之權從李良欽學劍乘諸生嗣世職百戶舉嘉靖十四年武  
會試二十一年俺答大入山西詔天下舉武勇士大猷詣巡  
按御史自薦上其名兵部毛伯溫為尙書送之宣大總督翟  
驥所召見論兵事大猷屢折騰謝曰吾不當以武人待子  
下堂禮之驚一軍然亦不能用後為浙江總兵勦岑港倭幾  
平而御史劾之令立功塞上大同巡撫李文進習其才與籌  
軍事乃造獨輪車拒敵馬營以車百輛步騎三千大挫賊安  
銀堡文進上其制於朝遂置兵車營京營有兵車自此始文  
進將襲板升謀之大猷果大獲詔還世蔭寇掠廣武復拒卻  
之萬歷初卒於後府僉書贈左都督諡武襄

李申字侍平榆林人崇禎中累官孤山副總兵陝賊多流入  
山西詔申及賀人龍各率部卒千餘宣大總督張宗衡麾下

山西通志卷一百十五 名官錄十五

會王自用陷遼州聞官兵至棄城去六年春諸軍入城多殺  
良民冒功卑獨嚴戢其下無所擾已敗賊於陽城賊入濟源  
山中又敗之於天井關移討河北賊進總兵官七年卒贈右  
都督卑所至軍民安堵富倉卒鎮靜如常

右明十一人

國朝

葉臣滿洲鑲黃旗人順治元年以都統招撫山西自懷慶進  
兵所過郡縣皆下賊將據太原會師攻克之置官屬安輯居  
民明定西伯唐通副將董學禮從賊擁眾邊關並招降之而  
訪得故翰林朱之俊主事胡全才等十二人以禮徵薦起之  
於家

石廷柱遼東人隸漢軍正白旗順治元年以都統率兵同葉

臣攻克太原又與覺羅巴哈納自汾州趨平陽大敗賊於西  
山寨俘斬甚眾以南州縣為賊據者悉平六年姜瓖反大同  
從睿親王復渾源州又從異親王復朔州汾州及太谷諸縣  
後官鎮海將軍所在戰兵安民民間稱為石佛卒諡忠勇

巴顏漢軍正藍旗人襲父李承芳子爵順治元年以都統同  
葉臣進兵山西徇澤州潞安皆下之遂克太原五年率左翼  
兵載紅衣礮赴大同討叛鎮姜瓖在軍中每指麾礮隊以攻  
堅城所向皆克以功進三等伯九年卒年三十三李率奉其  
克也官刑部侍郎兼副都統姜瓖之叛嘗從征攻下保德州  
斬賊黨牛化麟後仕至浙閩總督

山西通志卷一百十五 名官錄十五

太原攻克絳州追賊至黃河賊得舟渡督兵射之賊多墮水  
死六年隨英王征大同敗賊於右衛已而賊大至奮前搏擊  
飛矢及其喉兩手足並傷遂墮馬軍校欲負以退叱曰死  
則死耳何避賊為襄創督戰卒敗之以功累遷都統為內大  
臣

孟喬芳字心亭其先承平人世襲東勝衛指揮同知喬芳偉  
岸善騎射能以一矢墮雙雁為刑部承政兼梅勒章京管牛  
象事順治元年帥師追賊李自成踰太行定汾潞拔太原遂  
渡河入關以兵部右侍郎兼都察院右副都御史總督三邊  
軍務大同降將姜瓖變其黨虞允韓昭宣陷河東號二十八  
萬七月喬芳引兵赴援馳赴潼關賊兵拒河守乃伴置巨艦  
於上流伐鼓揚旗作欲渡狀而夜率師從下流徑渡急擊之  
賊勢披靡且走四十餘里比明抵蒲州賊迎敵喬芳督將



士力戰殺賊七千餘人賊棄城遁遣將復臨晉榮河猗氏解州又合兵圍運城城破賊黨殲焉遂定平陽後以兵部尙書累加少保卒諡忠毅

根特滿洲鑲藍旗人以協領駐防西安叛鎮姜瓖踞大同其黨虞允白瑄張萬全陷蒲州及臨晉猗氏河津諸縣隨總督孟喬芳統兵渡河勦賊復蒲州臨晉河津進征平陽白瑄糾步騎六千至榮河迎戰奮擊大破之斬三千餘級復逐至黃河賊未及濟我師薄之溺水死者無算遂斬白瑄餘竄入吉鎮悉殲焉移師趨猗氏偽監軍衛登芳依山結寨與張萬全為犄角以抗復分兵擊斬萬全殲其眾移師轉戰生擒登芳陣斬偽將王國興等三十人復敗偽都督郭中傑兵於聞喜追奔三千里斬獲無算仍還西安後以都統列議政大臣卒

山西通志卷一百十五 名宦錄十五

諡襄壯

畢力克圖蒙古正藍旗人姜瓖之亂以副都統駐防平陽借巴圖魯羅多渾勦賊太平遇賊黨郭中傑引眾寇絳州擊敗之又敗賊騎千餘於張湖村七年同西安協領根特圖太平城逾二旬不下乃因城濠掘地道然火藥以墮其城師入叛臣李建泰及其黨俱伏誅康熙中以都統列議政大臣叛鎮王輔臣之亂授平逆將軍帥師駐大同尋渡河擊賊榆林破之卒諡恪僖

李延壽鑲藍旗人順治五年以鎮朔將軍總兵宣府姜逆之亂五臺被圍急延壽聞之拜表徑提兵往援偵寶村為賊巢羊言往代州進勦而潛師出岢口夜抵寶村金戈鐵馬鏗鳴遠衛賊懼伏莫敢動擒斬無遺其脅從來投者日數百人慰

諭復集令入山谷招其徒黨賊乃解圍聚堯山砦以守砦高數百丈四而陡絕賊掠財物輸其間猝難破遂設長圍圍之越數月賊少懈募死士數十夜半縋絙直造砦門鳴鼓賊駭潰宵墜崖死尋榜示民凡賊虜掠聽還之或誣張某胡某通賊搗至卽羅之而治告者以法在五臺一年班師焚香送者以百里不絕已復建祠祀之

右客將

山西通志卷一百十五 名宦錄十五

山西通志卷一百十五



鄉賢錄一 錄二之一 山西通志第一百十六  
賜進士出身頭品頂戴兵部侍郎兼都察院右副都御史巡撫山西提督軍務張鼎勳  
旨監修

鄉賢之稱著於近代其有祠猶古鄉先生沒而祀社之舊其  
有著錄亦古之史官廣記言行之遺意也五朝志言光武始  
詔南陽撰作風俗故沛三輔有耆舊節士之序魯廬江有先  
賢名德之讚郡國之書由此而作蓋不獨晉習氏記襄陽耆  
舊兼述牧守又旁及山川城邑為後來方乘之嚆矢矣舊志  
名宦之後次以人物部分郡邑徵始往古太原則有唐叔虞  
晉文侯武公文公悼公孝伯寒侯孤突孤偃陽處父祁奚祁  
午賈驩舜華鐸鳴羊殖封茶張孟談高共蘭相如廉頗周佼  
平陽則有倉頡契義氏和氏垂伯夷豎亥大章閔伯后夔母

山西通志卷一百十六 鄉賢錄一

何氏延義黎舉陶丹朱柏翳伯益大廉仲甄若木恩成中衍  
公明造父尚父伯僑叔帶師服頃父公子萬晉姑樂賓樂成  
樂枝樂鉞祖朝荀侯賈侯士為士會士燮士魴士匄士鞅士  
富中生賈華先友梁餘子養罕夷先丹木僕人贊杜原款猛  
足羊舌大羊舌職羊舌赤羊舌肸荀息里克魏射平鄭共  
華慶鄭趙夙趙衰趙盾趙朔趙武趙鞅趙無恤趙旃魏顆魏  
鉤胥臣卻縠先軫雍季茅筏屠擊先蔑李離老古壺叔頭須  
寺人披狼曠梁宏萊駒續簡伯先僕程本沈駒年孫伯鴈籍  
游箕遺樂徵右行詭成公股韓不信閻沒樂丁繁羽宋勇郵  
無恤士蔑司馬寅長武子韓龐樂王解州綽具丙刑蒯嘗祈  
公孫危張柳朔王生祁疵行人燭過周舍原過尹鐸傅俊延  
陵君新穉狗左司馬成樽段規范無恤先都步招戎津王官

無地孤鞠居史駢詹嘉魏壽餘孫息宋即董孤靈輒鞏朔韓  
穿鮑癸士澠湖上野士文伯士彌牟伯宗解揚樂京廬解張  
樂弗忌糴筏程嬰公孫杵臼伯子同氏右行辛鐸遏寇張老  
史趙樂糾女叔齊女叔游女叔寬胥梁帶田叔師曠虞邱書  
解狐董叔陽畢宛沒張幣梁丙張趨子員范昭亥唐公子晏  
咎犯盍胥屠餘出差蔡墨公孫衍侯廩蒲州則有虞幕夔見重  
童律狂章鴻濛濼四岳及所伯與朱虎熊八伯孟虧八元八  
愷周八士孫息重瑕呂甥荀林父荀吳荀躒荀賓荀家程鄭  
魏絳魏舒魏文侯荀卿公孫衍張儀路安則有黎侯仲章濂  
讓馮忌汾州則有尹吉甫介山子然大同則有代成君遼州  
則有夏箕伯殷箕子晉箕鄭平定則有仇猶伯姬于赤章蔓  
枝解州則有吳權風后伯封叔昭明范承光郭哀奚仲吉光

山西通志卷一百十六 鄉賢錄一

相士泰嶽在子業既子鯨季甯然東里槐彌仁冥翁維乙彭  
伯壽彭壽思允侯伯靡樹灌斟鄩虞思曲列龍留季扞女艾  
元哲昆吾無餘終古費昌關龍逢直柄傅說巫咸巫賢吳伯  
虞仲芮伯芮良夫虞惠畢萬知首知箴知盈知躒畢陽官之  
奇百里奚知伯知過知果士苗趙葭任章田子方狐卷子任  
座解狐魏成蹇重樂羊翟璜李克母擇西門豹規斯贊李悝  
師經趙倉唐王鍾公叔座巴甯襄襄惠施龐涓魏加范睢唐  
睢絳州則有左徹后稷梁宏韓萬韓簡韓厥韓無忌韓起箕  
襄邢帶叔禽叔叔子羽原黯卻卻缺卻犇卻漆卻至卻敎  
辛俞少室董叔隰州則有伍胥胡又吉州有鄂侯屈侯緡而  
蒲衣許由吉桑介之推絳縣老段干木別見隱逸董父劉累  
辛廖史蘇卜偃卜招父董因史援師曠史趙史墨史龜蓋聶



別見藝術自古至周末合國君臣庶約三百人其列入名宦者有知徐吾賈辛魏戊司馬督趙朝僚安董安于尹鐸大戊午郝辛虞子羔靳甦徒師沼田文孔子慎李伯趙固又十餘人今既采輯帝王侯國卿大夫事蹟撰爲三代世譜爰取史傳兼及方志起漢訖今別爲論次依

朝廷崇祀之典褒揚哲義先以鄉賢與名宦各別爲錄蓋自郡縣分而繁籍始可憑世官廢而宦途亦遂判也然不敢謂舊志之徵古爲盡無據也綴其姓名於篇以備與譜相參稽云

漢 後漢 蜀漢

衛綰代大陵人以戲車爲郎事文帝功次遷中郎將爾謹無他孝景爲太子召上左右飲而綰稱病不行文帝嘗屬曰綰

山西通志卷一百十六

鄉賢錄一

三

長者善遇之及景帝立日以謹力景帝幸上林詔中郎將驂乘還而問曰君知所以得驂乘乎綰曰臣代戲車士幸得功次遷待罪中郎將不知也上曰吾昔召君君不肯來何也對曰死罪實病上賜之劍綰曰先帝賜臣劍凡六不敢奉詔上使取六劍劍常盛未嘗服也郎官有譴常蒙其罪不與他將爭有功常讓也將上以爲廉忠實無他賜拜爲河間王太傅將河間兵擊吳楚有功拜中尉三歲以軍功封建陵侯明年拜太子太傅遷御史大夫五歲代劉舍爲丞相朝奏事如職所奏上以爲敦厚可相少主尊寵之賞賜甚多爲丞相三歲武帝立建元中以不任職免後薨諡曰哀子信嗣坐酎金國除常惠太原人少貧自奮應募隨移中監蘇武北使并見拘留

十餘年昭帝時乃遷拜光祿大夫宣帝本始二年遣惠使烏孫公主及昆彌皆遣使因惠來言於是漢大發十五萬騎五將軍分道出以惠爲校尉持節護烏孫兵昆彌自將五萬餘人從西方入至右谷蠡庭獲三萬九千人得馬牛驢羸橐駝五萬餘匹羊六十餘萬頭時漢五將皆無功以惠奉使克獲遂封長羅侯復遣持金幣還賜烏孫有功者惠因奏請龜茲國嘗殺校尉賴丹未伏誅請便道擊之宣帝不許大將軍霍光風以便宜從事惠與吏士五百人俱至烏孫還過發西國兵二萬人令副使發龜茲東國二萬人烏孫兵七千人從三面攻龜茲兵未合先遣人責其王以前殺漢使狀王謝曰乃我先王時爲貴人姑翼所誤耳我無罪惠曰既如此縛姑翼來吾置王王執姑翼詣惠惠斬之而還後代蘇武爲典屬國

山西通志卷一百十六

鄉賢錄一

四

明習外國事勤勞數有功甘露中後將軍趙充國卒以惠爲右將軍典屬國如故後事元帝三歲卒諡曰武侯  
郇越字臣仲郇相字稗賓太原人同族昆弟也並舉州郡孝廉茂材數病去官越散其先人貲千餘萬以分施九族州里志節尤高相王莽時徵爲太子四友病卒葬太子遣使稅以衣衾其子攀棺不聽曰死父遺言師友之送勿有所受今於皇太子得託友官故不受也京師稱之以上太原原府  
衛青字仲卿父鄭季河東平陽人母衛媼也青冒姓衛氏少牧羊有一鉗徒相青曰貴人也官至封侯建元二年姊子夫得入宮大長公主女爲皇后妬之執囚青其友騎郎公孫敖與壯士往繁之得不死上聞召青爲建章監侍中及母昆弟貴賞賜數日間累千金子夫爲夫人青爲大中大夫元光六



年拜車騎將軍擊匈奴出上谷至龍城斬首虜數百賜爵關  
 內侯元朔元年春衛夫人有男立為皇后秋青復將三萬騎  
 出雁門斬首虜數千明年復出雲中西至高闕遂至隴西捕  
 首虜數千畜百餘萬走白羊樓煩王遂取河南地為朔方郡  
 以三千八百戶封為長平侯青校尉蘇建平陵侯張次公岸  
 頭侯使建築朔方城上曰車騎將軍青度西河至高闕獲首  
 二千三百級車輜畜產畢收為虜已封為列侯遂西定河南  
 地案榆谿舊塞絕梓領梁北河討蒲泥破符離斬輕銳之卒  
 捕伏聽者三千一十七級執訊護醜毆馬牛羊百有餘萬全  
 甲兵而還益封青三千八百戶元朔五年春將三萬騎出高  
 闕遊擊將軍蘇建強弩將軍李沮騎將軍公孫賀輕車將軍  
 李蔡皆領屬軍騎將軍出朔方將軍李息張次公出右北平

山西通志卷一百十六 鄉賢錄一 五

匈奴右賢王以為漢兵不能至飲醉漢兵夜至圍右賢王右  
 賢王驚夜逃獨與愛妾一人騎數百馳潰圍北去漢輕騎校  
 尉郭成等追數百里弗得得右賢裨王十餘人男女萬五千  
 餘人畜數十百萬引兵而還至塞天子使使持大將軍印即  
 軍中拜青為大將軍諸將皆以兵屬立號而歸上曰大將軍  
 青躬率戎士師大捷獲匈奴王十有餘人益封八千七百戶  
 而封青子伉宜春侯不疑陰安侯登發千侯青固謝曰臣幸  
 得待罪行間賴陛下神靈軍大捷皆諸校力戰之功也陛下  
 已益封臣青臣青子在襁褓中未有勤勞上又裂地封為三  
 侯非臣待罪行間所以勸士力戰之意也伉等三人何敢受  
 封上曰我非忘諸校功也今固且圖之乃召御史封護軍都  
 尉公孫敖合騎侯都尉韓說龍頤侯騎將軍公孫賀南笏侯

輕車將軍李蔡樂安侯校尉李朔陟軹侯趙不虞隨成侯公  
 孫戎奴從平侯將軍李沮李息校尉豆如意中郎將綰關內  
 侯明年春大將軍青出定襄中將軍敖左將軍賀前將軍趙  
 信右將軍蘇建後將軍李廣強弩將軍李沮咸屬大將軍斬  
 首數千級而還月餘悉復出定襄斬首虜萬餘人蘇建趙信  
 并軍三千餘騎戰一日漢兵且盡信遂降單于蘇建盡亡  
 其軍自歸議郎周霸曰自大將軍出未嘗斬裨將今建棄軍  
 可斬以明將軍之威正閔長史安曰不然兵法小敵之堅大  
 敵之擒也今建以數千當數萬力戰一日餘士皆不敢有二  
 心自歸而斬之是示後無反意也不當斬青曰青幸得以肺  
 腑待罪行間不患無威而霸說我以明威甚失臣意且使臣  
 職雖當斬將以臣之尊寵而不敢擅專誅於境外請天子

山西通志卷一百十六 鄉賢錄一 六

自裁之於以風為人臣不敢專權不亦可乎軍吏皆曰善遂  
 囚建行在所是歲封青姊子霍去病冠軍侯元狩四年春上  
 令大將軍青驃騎將軍去病各五萬騎步兵轉運者踵軍數  
 十萬去病出代郡青出定襄前將軍李廣左將軍公孫賀右  
 將軍趙食其後將軍平陽侯曹襄皆屬大將軍青軍出塞千  
 餘里見單于兵陳而待令武剛車自環為營而縱五千騎往  
 當匈奴匈奴亦從萬騎會日且入大風起沙礫擊面兩軍不  
 相見漢益縱左右翼繞單于單于視漢兵多戰而匈奴不利  
 薄暮單于遂乘六羸壯騎可數百直冒漢圍西北馳去漢軍  
 發輕騎夜追之青隨其後會明行二百餘里捕斬首虜萬餘  
 級送至真顏山趙信城得積粟食軍留一日而還悉燒其城  
 廣食其軍別從東道或失道軍引還過幕南迺相逢廣自殺



食其贖爲庶人青軍入塞凡斬首虜萬九千級置大司馬位拜青大司馬大將軍後青子位不疑皆失侯元封五年青卒謚曰烈侯青尚平陽公主與主合葬起冢象廬山青凡七出擊匈奴斬捕首虜五萬餘級一與單于戰收河南地置朔方郡再益封凡萬六千三百戶封三子爲侯侯千三百戶并爲二萬二百戶其裨將及校尉侯者九人爲特將者十五人子伉嗣坐法免自衛氏與青首封其後支屬五人爲侯凡二十四歲而五侯皆奪國征和中衛氏遂滅

霍去病大將軍衛青姊少兒子年十八爲侍中善騎射從大將軍爲嫖姚校尉與輕騎八百直乘大軍數百里赴利斬捕首虜過當於是上曰嫖姚校尉去病斬首捕虜二千二十八級得相國當戶所籍若侯產捕羅姑比再冠軍以二千五百

山西通志卷一百十六 鄉賢錄一

七

戶封去病爲冠軍侯元狩三年爲驃騎將軍將萬騎出隴西有功上曰驃騎將軍率戎士隴鳥盤討邀濮涉狐奴懸五王國輜重人眾攝轡者弗取幾獲單于子轉戰六日過焉支山千有餘里合短兵盛臯蘭下殺折蘭王斬盧侯王銳悍者誅全甲獲醜執渾邪王子及相國都尉捷首虜八千九百六十級收休屠祭天金人師率減什七益封去病二千二百戶其夏去病與合騎侯敖俱出北地異道去病深入合騎侯失道不相得去病至祁連山捕首虜甚多上曰驃騎將軍涉鈞者濟居延遂臻小月氏攻祁連山揚武平滕得單于單柏首涂王及相國都尉以眾降下者二千五百人可謂能舍服知成而止矣捷首虜三萬二百獲五王王母單于闕支王子五十九人相國將軍當戶都尉六十三人師大率減什三益封

去病五千四百戶賜校尉從至小月氏者爵左庶長封鷹鞞司馬破以從驃侯校尉高不識宜冠侯僕多輝渠侯是時諸宿將所將士馬多不如去病去病所將常選敢深入常與壯騎先其大軍軍亦有天幸未嘗困絕也然而諸宿將常留落不耦由此去病日以親貴比大將軍其後渾邪王與休屠王等謀欲降漢使人先要道邊時李息將城河上得渾邪王使馳傳以聞上令去病將兵往迎之去病渡河與渾邪相忘渾邪裨王將見漢軍多不欲降頗遁去去病乃馳入與渾邪王相見斬其欲亡者八千人遂獨遣渾邪王乘傳先詣行在所盡將其眾渡河降者數萬人號稱十萬於是上嘉去病之功曰驃騎將軍去病率師征匈奴西域王渾邪王及厥眾氓咸奔於率以軍糧接食并將控弦萬有餘人誅獲捷首虜

山西通志卷一百十六 鄉賢錄一

八

八千餘級降異國之王三十二戰士不離傷十萬之眾畢懷集服仍興之勞爰及河塞庶幾無患以千七百戶益封去病減隴西北地上郡戍卒之半以寬天下繇役乃分處降者於邊五郡故塞外而皆在河南因其故俗爲屬國元狩四年春與大將軍青各將五萬騎步兵轉者踵軍數千萬而敢力戰深入之士皆屬去病去病始爲出定襄捕虜言單于東乃更令出代郡騎兵車與大將軍等而以李敢等爲大校當裨將出代右北平二千餘里直左方兵所斬捕功已多於青既皆還上曰驃騎將軍去病率師躬將所獲單于之土約輕齎絕大幕涉獲單于章渠以誅北車者轉擊左大將雙獲旗鼓歷度難侯濟弓盧獲屯頭王韓王等三人將軍相國當戶都尉八十三人封狼居胥山禱於姑衍登臨瀚海執訊獲醜七萬



有四百四十三級師率減什二取食於敵卓行殊遠而糧不絕以五千八百戶益封去病大司馬驃騎將軍秩祿與大將軍等自後青日衰而去病日益貴青故人門下多去事去病輒得官爵唯獨任安不肯去去病為人少言不泄有氣敢往  
上嘗欲教之吳孫兵法對曰顧方略何如耳不至學古兵法上為治第令視之對曰匈奴不滅無以家為也由此上益重愛之然少而侍中貴不省士其從軍上為遣太官齎數十乘既還重車餘棄梁肉而士有饑者其在塞外卒乏糧或不能自振而去病尚穿域蹋鞠也去病自四年軍後三歲元狩六年卒元甲陳自長安至茂陵為冢象祁連山謚之并武與廣地曰景桓侯去病凡六出擊匈奴其四出以將軍斬首虜十一萬餘級渾邪王以眾降數萬開河西酒泉之地西方益少

山西通志卷一百六 鄉賢錄一 九

寇四益封凡萬七千七百戶其校尉更有功侯者六人為將軍者二人子嬪嗣嬪字子侯為奉車都尉從封泰山而卒無子國除

霍光字子孟驃騎將軍去病弟也父仲孺河東平陽人也以吏給事平陽侯家與侍者衛少兒通生去病吏畢歸家娶婦生光因絕不相聞久之少兒女弟子夫立為皇后去病以后姊子貴幸既壯大乃自知父為霍仲孺會為驃騎將軍北伐道出河東遣使迎仲孺大為買田宅奴婢而去還復過焉迺將光西至長安時年十餘歲任光為郎稍遷諸曹侍中去病卒光為奉車都尉光祿大夫出則奉車入侍左右出入禁闈二十餘年小心謹慎未嘗有過甚見親信征和二年衛太子敗而燕王旦廣陵王胥皆多過失是時武帝老趙婕妤有男

上心欲以為嗣命大臣輔之察羣臣惟光在大重可屬社稷乃使畫周公負成王朝諸侯圖以賜光後元二年春武帝居五柞宮光泣問曰如有不諱誰當嗣者上曰君未喻前畫意耶立少子君行周公之事光頓首讓曰臣不如金日磾日磾亦曰臣外國人不如光上以光為大司馬大將軍日磾為車騎將軍上官桀為左將軍桑羊為御史大夫皆拜臥內牀下受遺詔輔少主明日昭帝製尊號年八歲政事一決於光先是後元年侍中僕射莽何羅與弟重合侯通謀為逆光與日磾桀等共誅之功未錄遺詔封日磾柁侯桀安陽侯光博陸侯光為人沈靜詳審長財七尺三寸白晢疏眉目美須髯每出入下殿門止進有常處即僕射竊視之不失尺寸其資性端正如此初輔幼主政自己出天下想聞其風采殿中

山西通志卷一百六 鄉賢錄一 十

嘗有怪一夜羣臣相驚光召尚符璽郎郎不肯受光欲奪之郎按劍曰臣頭可得璽不可得也光甚義之明日詔增郎秩二等服庶莫不多光光長女為左將軍桀子安妻有女年與帝相配桀因帝姊鄂邑蓋主內安女後宮為婕妤數月立為皇后安為驃騎將軍封桑樂侯光時休沐出桀輒入代光決事父子既尊盛而德長公主公主近幸河間丁外人桀安欲為外人求封光不許又為外人求光祿大夫欲令得召見又不許長公主以是怨光而桀安數為外人求官爵弗能得亦慙自先帝時桀已為九卿位在光右及父子並為將軍皇后親安女光迺其外祖而顧專制朝事由是與光爭權燕王旦常懷怨望及御史大夫桑宏羊欲為子弟得官亦怨恨光於是蓋主上官桀安及宏羊皆與旦通謀詐令人為旦上書



言光出都肆郎羽林道上稱蹕太官先置又引蘇武前使匈奴拘留二十年不降還乃為典屬國而大將軍長史敞無功為搜粟都尉又擅調益幕府校尉光專權自恣疑有非常臣旦願歸符璽入宿衛察奸臣變候伺光出沐日奏之桀欲從中下其事桑宏羊當與諸大臣共執退光書奏帝不肯下明且光聞之止畫室中不入上有詔召大將軍光入免冠頓首謝上曰將軍冠朕知是書詐也將軍無罪光曰陛下何以知之曰將軍之廣明都郎屬耳調校尉以來未能十日燕王何以得知之且將軍為非不須校尉是時帝年十四尚書左右皆驚而上書者果亡捕之甚急桀等懼白上小事不足遂上不聽後桀黨譖光上輒怒曰大將軍忠臣先帝所屬以輔朕身敢有毀者坐之自是桀等不敢復言乃謀令長公主置

山西通志卷一百六 鄉賢錄一

十一

酒請光伏兵格殺之因廢帝迎立燕王事發覺光盡誅桀安宏羊外人宗族燕王蓋主皆自殺光威震海內昭帝既冠遂獨任光詔十三年百姓充實四夷賓服元平元年羣臣議立昭帝嗣時武帝六男獨有廣陵王胥在咸持廣陵王郎有上書言廣陵王不可以承宗廟言合光意擢郎為九江太守即日承皇太后詔遣迎武帝孫昌邑哀王子賀既至即位行淫亂光憂懣獨問故吏大司農田延年曰將軍為國柱石可否建白太后更選賢而立之光曰今欲如是於古嘗有此否延年曰伊尹廢太甲安宗廟世稱其忠將軍亦漢之伊尹也光乃引延年給事中陰與車騎將軍張安世圖計遂召丞相御史將軍列侯中二千石大夫博士會議未央宮光曰昌邑王行昏亂如何羣臣皆驚愕失色莫敢發言田延年前離席按

劍曰先帝屬將軍以幼孤寄將軍以天下以將軍忠賢能安劉氏也且漢之傳謚常為孝者以常有天下令宗廟血食也如令漢家絕祀將軍雖死何面目見先帝於地下乎今日之議不得旋踵羣臣後應者臣請劍斬之光謝曰九卿責光是也天下洶洶不安光當受難於是議者皆叩頭曰唯大將軍令光即與羣臣俱見白太后太后迺車駕幸未央承明殿詔諸禁門毋納昌邑王羣臣入朝太后光與羣臣連奏王罪過不可以承天序奉祖宗廟子萬姓皇太后詔曰可王出金馬門就乘輿副車光送至昌邑郎謝曰王行自絕於天臣甯負王不敢負社稷涕泣而去太后詔歸賀昌邑光與羣臣議近親惟有衛太子孫號皇曾孫在民間咸稱述焉光遂復與丞相敞等上奏曰禮曰人道親親故尊祖尊祖故敬宗太宗無

山西通志卷一百六 鄉賢錄一

十二

嗣擇支子孫賢者為嗣孝武帝曾孫病已武帝時有詔液庭養視至今年十八歲通四書論語孝經躬行節儉慈仁愛人可以嗣孝昭皇帝後奉承祖宗廟子萬姓皇太后詔曰可光遣宗正劉德至曾孫家尙冠里洗沐賜御衣太僕以軫獵車迎曾孫就齋宗正府入未央宮見皇太后封為陽武侯已而光奉上璽綬謁於高廟是為孝宣皇帝明年下詔曰夫褒有德賞元功古今通義也大司馬大將軍光宿衛中正宣德明恩守節秉義以安宗廟其以河北東武陽益封光萬七千戶與故所食凡二萬戶賞賜前後黃金七千斤錢六千萬雜糴三萬匹奴婢百七十人馬二千匹甲第一區自昭帝時光子禹及孫雲皆中郎將雲弟山奉車都尉侍中光兩女婿為東西宮衛尉昆弟諸婿外孫皆奉朝請為諸曹大夫騎都尉



給事中黨親連體根據於朝廷光自後元秉持萬機及上即位乃歸政上謙讓不受諸事皆先關白光然後奏御光每朝見上虛已斂容禮下之已甚光秉政前後二十年地節二年春病篤車駕自臨問為之涕泣光上書謝恩曰願分國邑三千戶以封兄孫奉車都尉山為列侯奉兄驃騎將軍去病祀事下丞相御史即日拜光子禹為右將軍光卒上及皇太后親臨喪大中大夫任宣與侍御史五人持節護喪事中二千石治冢賜金錢縉絮綉被百領衣五十篋璧珠璣玉衣梓宮便房黃腸題湊各一具椁木外藏椁十五具東園温明皆如制載光柩以溫轎車黃屋左纛發材官輕車北軍五校士軍陳至茂陵以送其葬謚曰宣成侯發三河卒穿復土起冢祠堂置園邑三百家長丞奉守如舊法既葬封山為樂平侯上

山西通志卷一百六 鄉賢錄一

十三

思光功德下詔曰故大司馬大將軍博陸侯宿衛孝武皇帝三十有餘年輔孝昭皇帝十有餘年遭大難躬秉義率三公九卿大夫定萬世策以安社稷天下蒸庶咸以康甯功德茂盛朕甚嘉之復其後世疇其爵邑世世無有所與功如蕭相國明年夏復下詔曰宣成侯光宿衛忠正勤勞國家善善及後世其封光孫兄雲為冠陽侯地節四年秋七月禹等以謀反誅八月己酉皇后霍氏廢初宣帝立謁廟光從驂乘上內殿憚之若有芒刺在背後張安世代光驂乘天子從容肆體甚安近焉及光身死而宗族竟誅故俗傳之曰威震主者不畜霍氏之禍萌於驂乘神爵三年圖股胫臣於麒麟閣而光為首不名著曰大司馬大將軍博陸侯姓霍氏至成帝時為光置守冢百家吏卒奉祀焉元始二年封光從父昆弟曾孫

陽為博陸侯千戶

尹翁歸字子兄河東平陽人少孤為獄小吏曉習文法喜擊劍人莫能當時大將軍霍光秉政諸霍在平陽奴客持刀兵入市莫不能禁及翁歸為市吏莫敢犯者公廉不受餽百買畏之後去吏居家會田延年為河東太守行縣至平陽悉召見故吏五六十人令有文者東有武者西閱數十人次到翁歸獨伏不肯起對曰翁歸文武兼備唯所施設延年召問甚奇其對除補卒吏案事發奸窮竟事情延年大重之自以能不及翁歸徙署督郵河東二十八縣分兩部閭閻部汾北翁歸部汾南舉廉為緱氏尉所居治理遷補都內令舉廉為宏農都尉徵拜東海太守過辭廷尉于定國定國家東海欲屬邑子兩人令坐後堂而與翁歸語終日卒不敢見邑子既去

山西通志卷一百六 鄉賢錄一

十四

乃謂邑子曰此賢將汝不任事又不可干以私翁歸治東海明察郡中吏民賢不肖及奸邪罪名盡知之收取黠吏豪民案置其罪以一警百吏民皆恐懼改行自新郊大豪許仲孫為奸猾郡中苦之二千石欲捕者輒以力勢變詐自解翁歸至論棄仲孫市一郡怖栗莫敢犯禁東海大治以高第入守右扶風治如在東海扶風大治盜賊課常為三輔最翁歸為政雖在刑而清潔自守語不及私温良謙退不以行能驕人甚得名譽視事數歲元康四年病卒家無餘財天子賢之制詔御史朕宿興夜寐以求賢為右不異親疏近遠務在安民而已扶風翁歸廉平鄉正治民異等早天不遂不得終其功業朕甚憐之其賜翁歸子黃金百斤以奉其祭祀翁歸三子皆為郡守少子岑歷位九卿至後將軍而閭閻亦至廣陵相



有治名由是田延年爲知人

張敞字子高河東平陽人祖父孺爲上谷太守徙茂陵父福事孝武帝官至光祿大夫敞後徙杜陵以鄉有秩補太守卒吏察廉爲甘泉倉長稍遷太僕丞太僕杜延年甚奇之會昌邑王賀徵即位動作不由法度敞上書諫之後十餘日賀廢敞以切諫顯名擢豫州刺史以數上事有忠言宣帝徵爲大中大夫與于定國並平尚書事以正忤大將軍霍光使主兵車出軍省減用度復出爲函谷關都尉時賀在昌邑上心憚之徙敞爲山陽太守久之霍光卒宣帝始親政事霍氏稍疎外敞聞之上封事言兩侯出必有畏懼之心近臣自危非完計也臣敞願於廣朝白發其端上甚善其計然不徵也久之渤海膠東盜賊並起上書自請治之徵拜膠東相賜黃金三

山西通志卷一百十六 鄉賢錄一

十五

十斤敞辭之官言治劇郡非賞罰無以勸善懲惡吏追捕有功效者願得一切比三輔尤異天子許之敞到膠東明設購賞開羣盜令相捕斬除罪吏追捕有功上名尚書調補縣令者數十人由是盜賊解散轉相捕斬吏民翕然國中遂平居頃之王太后數出遊獵敞奏書諫之太后止不復出是時潁川太守黃霸入守京兆尹不稱罷歸於是制詔御史其以膠東相敞守京兆尹自趙廣漢後比更守尹如霸等數人皆不稱職京師浸廢長安市偷盜尤多百賈苦之上問敞敞以爲可禁敞視事求問長安父老偷盜首長數人居皆温厚出從童騎敞召兒責問因貫其罪把其宿負令致諸偷以自贖偷長曰今一旦召詣府恐諸偷驚駭願一切受署敞皆以爲吏遣歸休置酒小偷悉來賀且飲醉偷長以精汚其衣裾吏

坐里閭閱出汙緒者輒收縛之一日捕得數百人窮治所犯

或一人百餘發盡行法罰由是枹鼓稀鳴市無偷盜天子嘉之敞爲人敏疾賞罰分明見惡輒取時時越法縱舍其治京兆略循趙廣漢之迹而敞本治左氏春秋以經術自輔其政頗雜儒雅往往表賢顯善不純用誅罰以此能自全京兆浩穰郡國二千石以高第入守久者不過二三年近者數月一歲即毀傷失名以罪過罷唯廣漢及敞久任職敞爲京兆朝廷每有大議引古今處便宜公卿皆服天子數從之敞與蕭望之于定國善望之至御史大夫定國至丞相敞終不過郡守爲京兆九歲公卿奏敞楊惲黨友不宜處位等比皆免敞奏獨寢不下敞使賊捕掾絮舜有所案驗舜私歸家曰爲是公盡力多矣今日京兆耳安能復案事敞部吏收舜晝夜

山西通志卷一百十六 鄉賢錄一

十六

驗治使主簿持教告舜曰五日京兆竟何如冬月已盡延命乎竟棄舜市行宛獄使者奏之天子薄其罪即先下敞前坐楊惲奏免爲庶人敞免奏既下詔闕上印綬便從闕下亡命數月京兆吏民懈弛池鼓數起而冀州部中有大賊天子思敞功效使使者即家召敞拜冀州刺史敞起亡命復奉使典州既到部而廣川王國賊連發不得敞以耳目發起賊主名區處誅其渠帥廣川王姬昆弟及王同族宗室劉調等通行爲之囊橐使吏逐捕窮窟皆入王宮敞自將郡國吏車數百兩圍守王宮搜索調等果得之殿屋重轅中皆捕格斷頭懸其頭于宮門外因劾奏廣川王創其戶敞居部歲餘冀州盜賊禁止守太原太守滿歲爲真太原郡清元帝即位待詔鄭朋薦敞先帝名臣宜傳輔皇太子蕭望之以爲敞能吏任治



煩亂乃徵做欲以為左馮翊會卒做三子官皆至都尉孫竦王莽時至郡守封侯博學文雅過於做然政事不及也竦死做無後

張武做弟做為京兆尹武拜梁相梁王驕貴民多豪強號難治做問武欲何以治梁武謙不肯言做使吏送至關戒更自問武武應曰馭馬者利其銜策梁國吏民凋做且當以治後惠文彈治之耳吏還道之做笑曰審如探言武必辨治梁矣武既到官其治有迹亦能吏也以上平陽府

令狐茂董闕人為三老征和元年巫蠱起二年七月衛太子兵敗亡不得上怒甚羣下憂懼不知所出董闕三老茂上書曰待罪建章闕下書奏武帝感悟車千秋復訟之上遂族滅江充家作思子之宮為歸來望思之臺於湖

山西通志卷一百六 鄉賢錄一 十七

馮奉世字子明上黨潞人徙杜陵武帝末以良家子選為郎昭帝時補武安長失官年三十餘矣乃學春秋涉大義讀兵法明習前將軍韓增奏為軍司空令本始中從軍北征軍罷復為郎先是漢數使西域多辱命選可使外國者增舉奉世以衛侯使持節送大宛諸國客至伊修城聞莎車與旁國共攻殺漢置莎車王萬年并殺漢使者奚充國部善以西絕不通奉世與副嚴昌計以為不亟擊之則莎車日強其勢難制必危西域遂以節諭告諸國王因發其兵合萬五千人進擊莎車拔其城莎車王自殺傳首詣長安諸國悉平威震西域宣帝召見韓增曰賀將軍所舉得人奉世遂西至大宛大宛敬之異他使得名馬象龍而還上甚悅下議封奉世丞相將軍皆言宜加爵士少府蕭望之獨以奉世奉使有指而擅矯

制違命發諸國兵雖有功效恐開後奉使者爭要功萬里之外為國家生事漸不可長奉世不宜受封上善望之議以奉世為光祿大夫水衡都尉元帝即位為執金吾永光二年秋隴西羌多如旁種反詔召丞相御史大夫將軍議莫有對者奉世曰羌虜近在境內背畔不誅無以威制遠蠻臣願帥師討之上問用兵之數對曰今羌虜無三萬人法當倍用六萬人然羌戎弓茅之兵耳器不犀利可用四萬人一月足以決丞相御史兩將軍皆以民方收斂未可多發萬人屯守之且足奉世曰不可天下被饑饉士馬羸耗守戰之備久廢不簡夷狄皆有輕邊吏之心而羌守難今以萬人分屯數處寇見兵少必不畏懼戰則挫兵病師守則百姓不救如此怯弱之形見羌人乘利諸種並和相扇而起臣恐中國之役不止於

山西通志卷一百六 鄉賢錄一 十八

四萬非財幣所能解也故少發師而曠日與一舉而疾決利害相萬也固爭之不能得有詔益二千人於是奉世將萬二千騎以屯為名典屬國任立護軍都尉韓昌為偏裨到隴西分屯三處典屬國為右軍屯白石護軍都尉為前軍屯臨洮奉世為中軍屯首陽西極上前軍到降同阪先遣校尉與羌爭地利又別遣校尉救民於廣陽谷羌虜甚多皆為所破殺兩校尉奉世具上地形部眾多少之計願益三萬六千人乃足以決事書奏天子大為發兵六萬餘人拜太常弋陽侯任千秋為奮武將軍以助焉奉世上言願得其眾不須復煩大將因陳轉輸之費上以璽書諭之十月兵畢至隴西十一月並進羌虜大破斬首數千級餘皆走出塞詔罷吏士頗留屯田備要害處明年二月奉世還京師更為左將軍光祿勳如



故其後錄功拜爵下詔曰美虜桀黠賊害吏民攻隴西府寺燔燒置亭絕道橋甚逆天道左將軍光祿勳奉世將兵征討斬捕首虜八千餘級虜馬牛羊以萬數賜奉世爵關內侯食邑五百戶黃金六十斤裨將校尉三十餘人皆拜後歲餘病卒奉世居爪牙官前後十年為折衝宿將功名次趙充國卒後二年西域都護甘延壽以誅邳支為列侯時丞相匡衡亦據蕭望之前議以為不當封而議者咸美其功上從眾而侯之於是杜欽上疏追訟奉世前功上以先帝時事不復錄奉世有子男九人女四人長女媛為元帝昭儀產中山孝王馮野王字君卿奉世子受業博士通詩少以父任為太子中庶子年十八上書願試守長安令宣帝奇其志後以功次補當陽長遷為櫟陽令徙夏陽令元帝時遷隴西太守以治行高入為左馮翊歲餘而池陽令並素行貪汙輕野王外戚年少治行不改野王部督郵掾役趙都案驗得其主守盜十金罪收捕並不首吏都格殺並並家上書陳寃事下廷尉都請吏自殺以明野王京師稱其威信遷大鴻臚數年御史大夫缺在位多舉野王上使尚書選第中二千石而野王行能第一上曰吾用野王為三公後世必謂我私後官親屬以野王為比乃下詔曰剛強堅固確然無欲大鴻臚野王是也而卒以少傅張譚為御史大夫野王歎曰人皆以女寵貴我兄弟獨以賤野王雖不為三公甚見器重有名當世成帝立以秩出為上郡太守加賜黃金百斤朔方刺史蓋青奏封事薦野王行能高妙內足以圖身外足以慮化竊借野王懷國之寶而不得陪朝廷與朝者並野王前以王舅出以賢復入明

山西通志卷一百十六

鄉賢錄一

十九

國家樂進賢也上自為太子時聞知野王會其病免復以故二千石使行河隄因拜為琅邪太守是時京兆尹王章譏王鳳專權不可任用薦野王代鳳上納其言而誅章野王懼不自安遂病滿三月賜告與妻子歸杜陵就醫藥鳳諷御史中丞劾奏之杜欽時在大將軍幕府素高野王父子行能奏記於鳳為野王言鳳不聽竟免野王郡國二千石病賜告不得歸家自此始初野王嗣父爵為關內侯免歸數年卒子座嗣至孫坐中山太后事絕

馮遂字子產奉世子通易太常察孝廉為郎補謁者建昭中選為復土校尉光祿勳于永舉茂材為美陽令功次遷長樂屯衙司馬清河都尉隴西太守治行廉平年四十餘卒為都尉時言河隄方略議格不行後三年河決館陶如所言

馮立字聖卿奉世子通春秋以父任為郎稍遷諸曹竟甯中以王舅出為五原屬國都尉數年遷五原太守徙西河上郡立居職公廉治行略與野王相似而多智有恩貸好為條教吏民嘉美野王立相代為太守歌之曰大馮君小馮君兄弟繼踵相因循聰明賢智惠吏民政如魯衛德化均周公康叔猶二君後遷為東海太守下涇病痺徙太原太守更歷五郡並有跡年老卒官

馮參字叔平奉世子學通尚書少為黃門郎給事中宿衛十餘年為人矜嚴好修容儀進退恂恂甚可觀也竟甯中補涓陵食官令徙寢中郎陽朔中擢為河上農都尉病免復為涓陵寢中郎永始中超遷代郡太守以邊郡道遠徙安定太守數歲病免復為諫大夫使領護左馮翊都水綏和中以中山

山西通志卷一百十六

鄉賢錄一

二十



王舅封宜鄉侯參之國上書願至中山見王太后時王病上奏願貶參爵以關內侯食邑留長安上憐之詔還參京師以列侯奉朝請五侯皆敬憚之丞相翟方進亦甚重焉數勸參少誦節卑體以下五侯參性好禮儀終不改其恆操哀帝即位傅太后追怨參姊中山太后陷以祝詛之罪參以同產誦者承制召詣廷尉參自殺且死仰天歎曰參父子兄弟皆備大位身至封侯今被惡名而死姊弟不敢自惜傷無以見先人於地下死者十七人眾莫不憐之宗族徙歸故郡

鮑宣字子都渤海高城人後徙上黨受歐陽尚書於平當好學明經為縣鄉嗇夫守東州丞後為都尉太守功曹舉孝廉為郎病去官復為州從事大司馬衛將軍王商薦為議郎後以病去哀帝時大司空何武除西曹掾甚敬重焉薦為諫大夫

山西通志卷一百十六 鄉賢錄一 王

夫遷豫州牧歲餘丞相司直郭欽奏宣舉錯煩苛為眾所非免歸數月復徵為諫大夫宣每居位常上書諫爭其言少文多實是時傅太后欲稱尊號封爵親屬丞相孔光大司空師丹何武大司馬傅喜執正議皆免官丁傅子弟並進董賢貴幸宣上書極諫上以宣名儒優容之是時地震上乃徵孔光免孫寵息夫躬罷侍中諸曹黃門郎數十人宣復上書言尤切直上大感異納宣言徵何武彭宣旬月皆復為三公拜宣為司隸丞相孔光行園陵官屬以令行馳道中宣逢之使吏鈞止丞相掾史沒入其車馬摧辱宰相事下御史中丞侍御史至司隸官欲捕從事閉門不肯納宣坐距閉使者下廷尉獄博士弟子濟南王咸舉幡太學下口欲救鮑司隸者會此下諸生會者千餘人朝日遮丞相孔光自言丞相車不得行

又守闕上書上遂抵宣罪減死一等髡鉗宣既被刑乃徙之上黨以為其地宜田牧又少豪俊易長雄遂家于長子平帝即位王莽秉政乃諷州郡以舉法案誅諸豪傑及漢忠直臣不附己者宣及信武等皆死時名捕隴西辛興與宣女婿許緝俱過宣一飯去宣不知情坐繫獄自殺以上府

宋昌楚上將軍宋義孫也居太原界休為代王中尉丞相陳平太尉周勃朱虛侯劉章等共誅諸呂謀立代王使人迎之即中令張武等議皆曰漢大臣皆故高帝時將習兵事多謀詐其屬意非止此也特畏高帝呂太后威耳今已誅諸呂以迎大王為名實不可信願稱疾無往以觀其變昌進曰羣臣之議皆非也夫秦失其政豪傑並起人人自以為得之者以萬數然卒踐天子位者劉氏也天下絕望一矣高帝王子弟

山西通志卷一百十六 鄉賢錄一 王

地大牙相制所謂磐石之宗也天下服其強二矣漢興除秦煩苛均法令施德惠人人自安難動搖三矣夫以呂太后之嚴立諸呂為三王擅權專制然而太尉以一節入北軍一呼並皆袒左為劉氏畔諸呂卒以滅之此乃天授非人力也今大臣雖欲為變百姓弗為使其黨甯能專一耶內有朱虛東牟之親外畏吳楚淮南琅邪齊代之強方今高帝子獨淮南王與大王大王又長賢聖仁孝聞於天下故大臣因天下之心而欲迎立大王大王勿疑也代王報太后計猶豫未定遣太后弟薄昭兒太尉勃勃等具言所以迎立王者昭還報曰信矣無可疑者代王笑謂昌曰果如公言乃令昌驂乘張武等六人乘六乘傳詣長安至高陵止而使昌先至長安觀變昌至渭橋丞相以下皆迎昌還報代王乃進至渭橋羣臣拜



謁稱臣代王下拜太尉勃進曰願請問宋昌曰所言公公言之所言私王者無私太尉勃乃跪上天子璽閏七月己酉入代邸即日夕入未央宮夜拜昌為衛將軍領南北軍張武為郎中令行殿中元年六月詔曰方大臣誅諸呂迎朕朕狐疑皆止朕唯中尉宋昌勸朕朕已得保宗廟已尊昌為衛將軍其封昌為壯武侯諸從朕六人官皆至九卿

汾州府

班壹其先與楚同姓令尹子文之後也秦滅楚遷晉代之間因以班為氏始皇末班壹避地於樓煩致馬牛羊數千羣值漢初定與民無禁當孝惠高后時以財雄邊出入弋獵旌旗鼓吹年百餘歲以壽終故北方多以壹為字者壹子孺為任俠州郡歌之孺生長官至上谷守長生回以茂才為長子令班况回子舉孝廉為郎積功勞至上河農都尉大司農奏課

山西通志卷一百十六

鄉賢錄一

三

連最入為左曹越騎校尉成帝初女為僖仔致仕就第資累千金徙昌陵昌陵後罷大臣名家皆占數於長安况生三子伯苻稗伯少受詩於師丹又受鄭寬中張禹金華之業又講異同於許商河平中上使伯持節迎單于於塞下會定襄大姓石季羣輩報怨殺追捕吏伯上狀因自請願試守期月上即拜伯為定襄太守定襄聞伯素貴年少自請治劇畏其下車作威吏民竦息伯至請問耆老父祖故人有舊恩者迎延滿堂日惟供具執子孫禮郡中盜弛諸所賓禮皆名豪懷恩醉酒共諫伯宜頗攝錄盜賊具言本謀亡匿處伯日是所望於父師矣乃召屬縣長吏選精進掾史分部收捕及他隱伏旬日盡得郡中震栗咸稱神明歲餘上徵伯伯上書願過故郡上父祖冢有詔太守都尉以下會因召宗族各以親疎加

恩施散數百金北州以為榮長老紀焉既至以侍中光祿大夫養病後遷水衡都尉與許商師丹兩師並侍中皆秩中二千石卒年三十八朝廷愍惜焉游博學有俊材舉賢良方正官至右曹中郎將以選受詔進讀羣書賜祕書之副早卒子嗣穉少為黃門郎中常侍出為西河屬國都尉遷廣平相平帝時使使者采頌聲穉無所上由是班氏不顯莽朝亦不羅咎穉生彪彪生固超女昭

以上隋武府

胡建字子孟河東人天漢中守軍正丞貧無車馬常步與走卒起居甚得其心時監軍御史穿北軍壘垣為賈區建欲誅之乃約走卒曰我欲與公有所誅吾言取之則取斬之則斬於是當選士馬時監御史與護軍諸校列坐堂皇上建從走卒趨至堂皇下拜謁因上堂皇走卒皆上建指監御史日取

山西通志卷一百十六

鄉賢錄一

三

彼走卒前曳下堂皇建日斬之遂斬御史護軍諸校皆愕驚建上懷中成奏日臣聞軍法立武以威眾誅惡以禁邪今監御史公穿軍垣以求賈利私買賣以與士市不立剛毅之心勇猛之節無以帥先士大夫尤失理不公用文吏議不至重法黃帝李法日壁壘已定穿衛不由路是謂奸人奸人者殺臣謹按軍法日正無屬將軍將軍有罪以聞二千石以下行法焉丞於用法疑執事不諉上臣謹以斬味死以聞制褒之建由是顯名後為涓城令治甚有聲值丁外人怨故京兆尹樊福使客射殺之客藏帝姊蓋主廬建將吏卒圍捕蓋主與外人上官安多從奴客往奔射追吏吏散走主使僕射劾涓城游徼建報無他坐蓋主使人上書告建侵辱長公主射甲舍門知吏賊傷奴避報故不窮審大將軍霍光寢其奏後光



病上官氏代聽事下吏捕建建自殺吏民稱冤至今渭城立其祠

司馬談龍門人父喜為五大夫談學天官於唐都受易於楊何習道論於黃子仕建元元封之間為太史令掌天官不治民元封元年武帝始建漢家之封而談留滯周南不得與從事發憤且卒子遷適使巴蜀返見談於河雒之間談執遷手而泣曰予先周室之太史也自上世嘗顯功名於虞夏典天官事後世中衰絕於予乎女復為太史則續吾祖矣今天子接千歲之統封泰山而予不得從行是命也夫予死爾必為太史為太史毋忘吾所欲論著矣且夫立身揚名於後世以顯父母此孝之大也自獲麟以來四百有餘歲而諸侯相兼史記放絕今漢興海內一統明主賢君忠臣義士予為太史而不論載廢天下之文予甚懼焉爾其念哉遷俯首流涕曰小子不敏請悉論先人所次舊聞不敢闕乃卒談號太史公嘗愍學者不達其意而師詩爰論陰陽儒墨名法道德六家要指焉

山西通志卷一百十六 鄉賢錄一 三五

司馬遷談子生龍門耕牧河山之陽年十歲誦古文二十而南游江淮上會稽探禹穴窺九疑浮沅湘北涉汶泗講業齊魯之都親夫子遺風鄉射鄰壻阨困蕃薛彭城過梁楚以歸仕為郎中奉使西征巴蜀以南略邛笮昆明還報命而談卒三歲遷復為太史令號太史公紬史記石室金匱之書五年而當太初元年遷曰先人有言自周公卒五百歲而有孔子孔子至於今五百歲有能紹而明之正易傳繼春秋本詩書禮樂之際意在斯乎意在斯乎小子何敢讓焉上大夫壺遂

曰孔子作春秋垂空文以斷禮義當一王之法今夫子所論欲以何明遷曰余聞之先人慮戲至純厚作易八卦堯舜之盛尚書載之禮樂作焉湯武之隆詩人歌之春秋采善貶惡推三代之德褒周室非獨刺譏而已也漢興以來至今天子獲符瑞封禪改正朔易服色受命於穆清澤流罔極海外殊俗重譯款塞請來見者不可勝道臣下百官力誦聖德猶不能宣盡其意且士賢能矣而不用有國者之恥也主上明聖德不布聞有司之過也余掌其官廢明聖德不載滅功臣賢大夫之業不述墜先人所言罪莫大焉余所謂述故事整齊其世傳非所謂作也於是論次其文七年而遭李陵之禍幽於縲紲乃喟然而歎曰是余之罪夫身虧不用矣退而深維曰夫詩書隱約者欲遂其志之思也卒述陶唐以來至於

山西通志卷一百十六 鄉賢錄一 三五

麟止自黃帝始又嘗從孔安國問古文尚書載堯典禹貢洪範微子金縢諸篇多古文說其自序曰惟漢繼五帝末流接三代絕業周道既廢秦撥去古文焚滅詩書故明堂石室金匱玉版圖籍散亂漢興蕭何次律令韓信申軍法張倉為章程叔孫通定禮儀則文學彬彬稍進詩書往往間出矣自曹參薦蓋公言黃老而賈誼晁錯明申韓公孫宏以儒顯百年之間天下遺文故事靡不畢集太史公仍父子相繼纂其職日於戲余惟先人嘗掌斯事顯於唐虞至於周復典之故司馬氏世主天官至於余乎欽念哉網羅天下放失舊聞王述所興原始察終見盛觀衰論考之行事略三代錄秦漢上記軒轅下至於茲著十二本紀既科條之矣並時異世年差不明作十表禮樂損益律歷改易兵權山川鬼神天人之際承



做通變作八書二十八宿環北辰二十幅共一載運行無窮  
翰弼股肱之臣配焉忠信行道以奉主上作三十世家扶義  
倣儻不令已失時立功名於天下作七十列傳凡百三十篇  
五十二萬六千五百字為太史公書序略以拾遺補藝成一  
家言協六經異傳齊百家雜語藏之名山副在京師以竣後  
聖君子而十篇缺有錄無書遷既被刑為中書令尊寵任職  
故人益州刺史任安予遷書責以古賢臣之義遷報曰鄙沒  
世而文采不表於後又曰草創此書惜其不成是以就極刑  
而無愠色蓋其雅志也遷卒後書稍出宣帝時外孫平通侯  
楊惲祖述其書遂宣布焉王莽時封遷後為史通子以上

右前漢二十人志人物太原有石奮石建令狐  
州有郭都暴勝之器安有李左車汾州有潘仲叔  
郭翁仲孫會宗大同有馮唐李沮郭昌趙籍翔平

山西通志卷一百十六

鄉賢錄一

二十七

有晉蓋代州有吾邱壽王荀爽解州有周叔霍州  
有紀信今案漢初趙代為一國故志於李左車馮  
唐石奮父子吾邱壽王凡史云趙人者隨意披入  
其張良之為襄陵人紀信之為趙城人則流俗之  
附會也均當從刪餘系籍亦多未確  
考其有據者別詳仕實義行諸錄

劉茂字子衛太原晉陽人少孤獨與母居以筋力致養孝行  
著於鄉里及長能習禮經教授常數百人哀帝時察孝廉再  
遷五原屬國侯母憂去官後為沮陽令王莽時棄官避世宏  
農山中教授建武二年歸為郡門下掾時赤眉二十餘萬攻  
郡茂負太守孫福踰牆藏空穴中得免其募與奔孟縣晝則  
逃隱夜求糧食積百餘日賊去乃得歸府明年詔書求天下  
義士福言茂曰臣前為赤眉所攻吏民壞亂奔走趣山臣為  
賊所圍命如絲髮賴茂負臣踰城出保孟縣茂與弟觸冒兵  
刃緣山負食臣及妻子得度死命節義尤高宜蒙表擢以勵

義士詔書即徵茂拜議郎遷宗正丞後拜侍中卒官

閔貢字仲叔太原人世稱節士雖周黨之清潔自以弗及也  
黨見其食無菜遺之生蒜仲叔曰我欲省煩耳今更作煩耶  
受而不食建武中應司徒侯霸辟既至霸不及政事徒勞苦  
而已仲叔恨曰始蒙嘉命且喜且懼今見明公喜懼皆去以  
仲叔為不足問耶不當辟也辟而不問是失人也遂辭出投  
檄而去復以博士徵不至客居安邑老病家貧不能得肉食  
買猪肝一片屠者或不肯與安邑令聞勅吏常給焉仲叔怪  
而問之知乃歎曰閔仲叔豈以口腹累安邑耶遂去客沛以  
壽終

譚賢字伯升太原人王莽世與周黨晉守節不仕建武中徵  
不至

山西通志卷一百十六

鄉賢錄一

二十八

溫序字次房太原祁人仕州從事建武二年騎都尉弓里戊  
將兵平定北州到太原恩訪英俊問以策謀戊見序奇之上  
疏薦焉徵為侍御史遷武陵郡尉病免官六年拜謁者遷護  
羌校尉行部至襄武為隗囂別將苟宇所拘劫宇謂序曰子  
若與我并威同力天下可圖也序曰受國重任分當效死義  
不貪生苟背恩德宇等復曉譬之序素有氣力大怒叱宇等  
曰虜何敢迫脅漢將因以節撻殺數人賊眾爭欲殺之宇止  
之曰此義士死節可賜以劍序受劍銜鬚於口顧左右曰既  
為賊所迫殺無令鬚汗士遂伏劍而死序主簿韓遵從事王  
忠持屍歸斂光武聞而憐之命忠送喪到洛陽賜城傍為冢  
地賻穀千斛縑五百匹除三子為郎中長子壽服竟為鄒平  
侯相夢序告曰久客思鄉里壽即棄官上書乞骸骨歸葬帝



許之乃反舊堊焉

郝絜太原人與同郡胡武郎中袁著友善三人皆危言高論  
嘗連名奏記三府薦海內高士而不詣大將軍梁冀冀銜之  
會著上書指冀凶縱冀咎殺著又疑絜武為著黨勅中都官  
移檄捕前奏記者絜初逃亡知不得免因與檄奏書冀門書  
入仰藥而死家乃得全及冀誅有詔以禮祀著等三人  
胡武太原人與袁著郝絜並罹梁冀之禍冀誅武家死者六  
十餘人

王允字子師太原祁人世仕州郡為冠蓋同郡郭林宗嘗見  
允奇之曰王生一日千里王佐才也遂與定交年十九為郡  
吏時小黃門晉陽趙津貪橫放恣為一縣巨患允討捕殺之  
而津兄弟詣事宦官因緣譖訴桓帝震怒徵太守劉瓛下獄

山西通志卷一百十六 鄉賢錄一 允

死允送喪還平原終三年乃歸郡人路佛少無名行太守王  
球召補吏允犯顏固爭球怒收允欲殺之刺史鄧盛聞而馳  
傳辟為別駕從事允由是知名而路佛由是廢棄允少好大  
節有志立功常習誦經傳朝夕試馳射三公並辟以司徒高  
第為侍御史中平元年黃巾賊起特選拜豫州刺史辟荀爽  
孔融等為從事請除黨禁討擊黃巾別帥大破之與左中郎  
將皇甫嵩右中郎將朱儁等受降數十萬於賊中得中常侍  
張讓賓客交通書具發其奸靈帝責讓讓叩頭陳謝竟不  
能罪之而讓懷挾忿怨以事中允明年遂傳下獄會赦還復  
刺史旬日復以他罪捕司徒楊賜遣客謝曰君以張讓故一  
月再徵凶惡難量幸為深計之諸從事好氣決者共流涕奉  
藥進之允厲聲曰吾為人臣獲罪於君當伏大辟以謝天下

豈有乳藥求死乎投杯而起出就檻車至廷尉大將軍何進  
太尉袁隗司徒楊賜共上疏曰夫內視反聽則忠臣竭誠寬  
賢矜能則義士勵節是以孝文納馮唐之說晉悼宥魏絳之  
罪允以特選受命誅逆撫順會未期月州境澄清方欲列其  
庸勳請加賞爵而以奉事不當當肆大戮賞輕罰重有虧眾  
望臣等備位宰相不敢寢默誠以允宜蒙三槐之聽以昭忠  
貞之心書奏減死論明年得釋變易姓名轉側河內陳留間  
及何進欲誅宦官召允與謀事請為從事中郎轉河南尹獻  
帝即位拜太僕再遷守尚書令初平元年為司徒守尚書令  
如故董卓遷都關中允悉收斂蘭臺石室圖書祕緯要者以  
從分別條上又集漢朝舊事所當施用者一皆奏之經籍具  
存允有力焉時董卓尚留洛陽朝政大小悉委允允矯情屈

山西通志卷一百十六 鄉賢錄一 三十一

意每相承附卓亦推心不生乖疑允密與司隸校尉黃琬尚  
書鄭公業等共謀誅之乃上護羌校尉楊瓌行左將軍事執  
金吾士孫瑞為南陽太守並將兵出武關道以討袁術為名  
實欲分路征卓而後奉天子還洛陽卓疑而留之允乃引內  
瑞為僕射瓌為尚書二年卓還長安錄允入關功封温侯食  
邑五千戶固讓不受士孫瑞說允曰夫執謙守約存乎其時  
公與董卓並位俱封而獨崇高節豈和光之道耶允納其  
言乃受三千戶三年春連雨六十餘日允與士孫瑞楊瓌登  
臺請霽復結前謀瑞曰自歲末以來太陽不照霖雨積時月  
犯執法彗孛仍見晝陰夜陽霧氣交侵此期應促盡內發者  
勝幾不可後公其圖之允然其言乃潛結卓將呂布使為內  
應會卓入賀呂布因刺殺之允初議赦卓部曲呂布亦數勸



之既而疑曰此輩無罪從其主耳今若名爲惡逆而特赦之是適使其自疑也呂布欲以卓財物班賜公卿將校允又不從而素輕布以劍客遇之布亦負其功勞漸不相平允性剛稜疾惡初懼董卓豺狼故折節圖之卓既殲滅自謂無患接人每乏溫潤之色仗正持重不循權宜是以羣下不甚附之董卓將校多涼州人允議罷其軍或曰涼州人素憚袁氏而畏關東今若一旦解兵必人人自危可以皇甫義真爲將軍就領其眾因使留陝以安撫之而徐與關東通謀以觀其變允曰不然關東舉義皆吾徒今若距險屯陝是欲安涼州而先疑關東之心也時百姓訛言當悉誅涼州人遂轉相恐動其在關東者皆擁兵自守曰丁彥思蔡伯喈以董公親厚並從坐今既不赦我曹若今日解兵明日當復爲魚肉矣卓部

山西通志卷一百十六 鄉賢錄一 三

曲將李催郭汜等先將兵在關東因合謀爲亂攻圍長安城陷呂布駐馬青瑣門外招允曰公可以去乎允曰若蒙社稷之靈上安國家吾之願也如其不獲則奉身以死之朝廷幼少恃我而已臨難苟免吾不忍也努力謝關東諸公動以國家爲念初允誅董卓以王宏爲右扶風宋翼爲左馮翊翼亦允同郡人也是時三輔民庶熾盛兵穀富實李催等欲即殺允懼二郡爲患乃先徵翼宏遣使謂翼曰郭汜李催以我兩人在外故未危王公今日就徵明日俱族計將安出翼曰雖禍福難量然主命所不得避也宏曰義兵鼎沸在於董卓况其黨與乎若舉兵共討君側惡人山東必應之此轉禍爲福之計也翼不從宏不能獨立遂俱就徵下廷尉催遂收允及宋翼王宏並殺之允時年五十六長子侍中蓋次子景定

及宗族十餘人皆見害惟兄子農凌得脫歸天子感勵百姓喪氣莫敢收允尸者故吏平陵令趙戩棄官營喪後遷都於許帝思允終使改殯葬之遣虎賁中郎將奉策弔祭賜東園祕器贈以本官印綬送還本郡封其孫黑爲安樂亭侯食邑三百戶

王柔字叔優柔弟澤字季道太原晉陽人郭林宗傳曰叔優季道少時聞林宗有知人之鑑往候之請問才行取宜以自處林宗笑曰卿二人皆二千石才也雖然叔優當以仕宦顯季道宜以經術進若違才易務亦不至也叔優等從其言叔優至北中郎將季道代郡太守

山西通志卷一百十六 鄉賢錄一 三

王宏字長文司徒王允同郡人少有氣力不拘細行爲宏農太守考案郡中事宦官買爵位者雖位至二千石皆掠考收捕遂殺數十人威動鄰界宏素與司隸校尉胡种有隙种遂迫促殺之宏臨命詔曰宋翼豎儒不足議大計胡种樂人之禍禍將及之种後眠輒見宏以杖擊之因發病數日死王烈字彥方太原人少師事陳寔以義行稱鄉里有盜牛者主得之盜請罪曰刑戮是甘乞不使王彥方知烈聞使人謝之遺布一端或問其故烈曰盜懼吾聞其過是有恥惡之心既懷恥惡必能改善故以此激之後有老父遺劍於路行道者見而守之至暮老父還尋得劍怪而問其姓名以事告烈烈使推求乃先盜牛者也諸有爭訟曲直將質之於烈或至塗而反或望廬而還其以德感人若此察孝廉三府並辟皆不就遭黃巾董卓之亂乃避地于遼人尊奉之太守公孫度接以昆弟之禮訪酬政事欲以爲長史烈乃爲商賈自穢得



免曹操聞烈高名遣徵不至建安二十四年終於遼年七十

八  
關靖字士起太原人為降虜校尉公孫瓚長史建安三年袁紹復大攻瓚瓚遣子續請救於黑山諸帥而欲自將突騎直出傍西山以斷紹後靖諫曰今將軍將士莫不懷瓦解之心所以猶能相守者顧戀其老小而恃將軍為主故耳堅守曠日或可使紹自退若舍之而出後無鎮重易京之危可立待也瓚乃止紹漸攻相逼瓚眾日蹙乃却築三重營以自固四年瓚敗紹斬之靖見瓚敗嘆恨曰前若不止將軍自行未必不濟吾聞君子陷人於危必同其難豈可以獨生乎乃策馬赴紹軍而死以上太原原府

山西通志卷一百十六 鄉賢錄一

鮑永字君長上黨屯留人宣子永少有志操習歐陽尚書事後母至孝妻嘗于母前叱狗永即去之初為郡功曹莽以宣不附已欲滅其子孫都尉路平規害永太守苟諫擁護召以為吏永數為諫陳興復漢室翦滅篡逆之策諫每戒之永感其言及諫卒自送喪歸扶風路平遂收永弟升太守趙興到日鮑宣死節豈可害其子也敕縣出升復署永功曹時有矯稱侍中止傳舍者興欲謁之永拔佩刀截馬當臂乃止數日果捕矯稱者永由是知名舉秀才不應更始二年徵再遷尚書僕射行大將軍事持節將兵安集河東并州朔部得自置偏裨輒行軍法永擊青犢大破之封中陽侯永雖為將率而車服儼素為道路所識時赤眉害更始光武遣諫議大夫備大伯持節徵永永疑不從乃收繫大伯遣使至長安既知更始亡乃發喪出大伯等封上將軍列侯印綬悉罷兵幅巾詣

河內帝問眾所在永離席叩頭曰臣事更始不能令全慙以其罪幸富貴故悉罷之時攻懷未拔帝曰關東畏服卿可自往城下譬之即拜諫議大夫至懷乃說河內太守開城降帝大喜賜洛陽上商里宅固辭不受時董憲裨將屯兵于魯拜永為魯郡太守擊破之降者數千人唯別帥彭豐等不肯下

頃之孔子闕里無故荆棘自除永異之謂府丞及魯令曰方今危急而闕里自開斯豈夫子欲令太守行禮助誅無道耶乃令人眾修鄉射禮請豐等共會觀視欲因此擒之豐等持牛酒勞饗而潛挾兵器永覺手格殺豐等擒破黨與帝嘉其略封關內侯遷揚州牧誅強橫而鎮撫其餘百姓安之母憂去悉以財產與孤子弟建武十一年徵為司隸校尉帝叔父趙五良尊戚貴重永嘗劾良大不敬由是朝廷肅然莫不戒

山西通志卷一百十六 鄉賢錄一

慎又辟扶風鮑恢為都官從事恢亦抗直不避強禦帝嘗曰貴戚且宜斂手以避二鮑其見憚如此永行縣到霸陵路經更始墓欲下車致禮從事諫止之永曰親北面事人甯有過墓不拜雖以獲罪司隸所不避也遂下拜哭盡哀而去西至扶風椎牛上苟諫冢帝以向公卿大夫張湛對曰仁者行之宗忠者義之主也仁不遺舊忠不忘君行之高者也帝意乃釋後大司徒韓歆坐爭永固請之不得以此忤帝意出為東海相坐度田事被徵詣郡守多下獄永至成皋詔書下曰君晨夜冒霜露精神亦已勞矣以君帷幄近臣其以永亮州牧也永便道之官視事三年卒  
鮑昱字文泉永子少從父學客授于東平建武初太行山中有劇賊太守戴涉聞昱永子有智略乃就謁署守高都長昱



應之遂討擊羣賊誅其渠帥道路開通由是知名後為泚陽長洩政仁恕民趙堅殺人繫獄其父母詣昱自言年七十餘惟有一子適新娶今恐長無種類涕泣求哀昱令將妻入獄解械止宿遂妊身有子境內感之荊州刺史表政化清淨再遷中平元年拜司隸校尉詔昱詣尚書使封胡降檄遣小黃門問昱有所怪否對曰臣聞故事通官文書不著姓又當司徒露布怪使司隸下書而著姓也帝報曰吾固欲令天下知忠臣之子復為司隸也昱在職奉法守正有父風永平中坐救火遲免後拜汝南太守郡多陂池歲歲決壞費常三十餘萬昱作方梁石洩水溉田倍多人以殷富十七年為司徒賜錢帛什器帷帳除子得為郎建初元年大旱肅宗詔問對曰臣聞聖人理國三年有成今陛下始踐天位刑政未著如有失德何能致異但臣前在汝南典理楚事繫者千餘人恐未能盡當其罪先帝詔言大獄一起寃者過半諸徙者骨肉離分孤魂不祀一人吁嗟王政為虧宜一切還諸徙家屬蠲除禁錮與減繼絕死生獲所如此和氣可致帝諾其言時司徒例訟久者至數十年比例輕重非其事類錯雜難知昱奏定辭訟七卷決事都目八卷四年為太尉六年卒年七十餘

鮑德昱子修志節有名稱累官南陽太守時歲多荒災唯南陽豐穰吏人愛悅號為神父郡學久廢德修起舍備俎豆舖冕行禮奏樂又尊饗國老晏會諸儒百姓觀者無不勤服在職九年徵拜大司農卒於官

鮑昂字叔雅德子有孝義節行德被病數年昂俯伏左右衣不緩帶及處喪毀瘠三年抱負乃行服闋遂潛于墓次不關

時務舉孝廉辟公府連徵不至卒於家

鮑昱字文公上黨屯留人元嘉中為魯令時魯相乙瑛從孔子十九世孫麟請奏置百石卒史掌主廟中禮器疊為造作百石吏舍今廟有碑存稱疊政教稽古若重規矩功垂無窮云以上諸安府

郭泰字林宗大原界休人家世貧賤早孤母欲使給事縣廷泰曰大丈夫焉能處斗筲之役乎遂辭就成臯屈伯彥學二年業畢博通墳籍善談論美音制乃游於洛陽始見河南尹李膺膺大奇之遂相友善於是名震京師後歸鄉里衣冠諸儒送至河上車數千兩泰唯與膺同舟而濟眾竄望之以為神仙焉司徒黃瓊辟太常趙典舉有道或勸泰仕進不應性明知人好獎訓士類身長八尺容貌魁偉褒衣博帶周遊郡國士爭歸之載刺盈車嘗於陳梁間行遇雨巾一角墊時人乃故折巾一角以為林宗巾其見慕如此或問汝南范滂曰郭林宗何如人滂曰隱不違親貞不絕俗天子不得臣諸侯不得友吾不知其他後遭母憂有至孝稱泰雖善人倫而不為危言駁論故宦官擅政而不能傷也及黨事起知名之士多被其害唯泰及汝南袁閔得免遂閉門教授弟子以千數建甯元年太傅陳蕃大將軍竇武為閔人所害泰哭之慟既而嘆曰人之云亡邦國殄瘁瞻烏爰止不知於誰之屋耳二年春卒於家年四十二四方之士千餘人皆來會葬同志者乃共刻石立碑蔡邕為文既而謂涿郡盧植曰吾為碑銘多矣皆有慙德唯郭有道無愧色耳初泰過南州過袁奉高不宿而去從叔度累日不去或問之泰曰奉高之器譬之泛濫



雖清而易挹叔度之器汪汪若干頃之波澄之不清擾之不濁不可量也已而果然泰以是名聞天下其獎拔士人皆知所鑒嘗識張孝仲芻牧之中知范特祖郵置之役召公子許偉康並出屠沽司馬子威拔自卒伍及同郡郭長信王長文長文弟允子師韓文布李于政曹子元定襄周康子西河王季然雲中邱季智郝禮直等凡六十八並以成名云子師位至司徒餘多典州郡者

賈淑字子厚林宗鄉人雖世有冠冕而性險害邑里患之林宗遭母憂淑來修弔既而鉅鹿孫威直亦至威直以林宗賢而受惡人弔心怪之不進而去林宗追謝之曰賈子厚誠凶德然洗心向善仲尼不逆互鄉故吾許其進也淑聞之改過自礪終成善士鄉里有憂患者淑輒傾身營救為州閭所稱

山西通志卷一百十六 鄉賢錄一

三

王季然西河人郭泰甚稱之官至北地太守以上汾州府

陳龜字叔珍上黨沁水人家世邊將雄於北州龜少有志氣永建中舉孝廉五遷五原太守永和五年拜使匈奴中郎將時左部亂龜以單于不能制下促令自殺坐徵下獄免後再遷京兆尹時三輔強豪多侵枉小民龜厲威嚴平理怨屈郡內大悅會羌胡寇邊桓帝以龜世知邊俗拜為度遼將軍龜臨行上疏言前涼州刺史祝良多所糾罰太守令長貶黜將半實應願異以勸功能又宜更選匈奴為桓護羌中郎將校尉除并涼二州今年租更寬赦罪隸埽除更始帝覺悟乃更選幽并刺史自營郡太守都尉以下多所革易下詔為陳將軍除并涼一年租賦以賜吏民龜既到職州郡重足震慄鮮卑不敢近塞省息經用歲以億計大將軍梁冀與龜素有隙

諳其沮毀國威挑取功譽不為胡虜所畏坐徵還遂乞骸骨歸田里復徵為尚書上疏言冀罪狀請誅之帝不省自知必為冀所害不食七日而死西域胡夷并涼民庶咸為舉哀用祭其墓澤州

范升字辯卿代郡人九歲通論語孝經及長習梁邱易老子教授後生王莽大司空王邑辟為議曹史時莽頻發兵役徵賦繁興升奏記於邑邑雖然其言而竟不用升稱病乞身邑不聽命乘傳使上黨升遂與漢兵會因留不還建武二年光武徵詣懷宮拜議郎遷博士上疏讓曰臣與博士梁恭山陽太守呂羌俱修梁邱易二臣年並耆艾經學深明而臣不以時退與恭並立深知羌學又不能達慚負二老無顏於世誦而不行知而不言不可開口以為人師願推博士以避恭羌

山西通志卷一百十六 鄉賢錄一

三

帝不許然由是重之數詔引見每有大議輒見訪問時尚書令韓歆上疏欲為費氏易左氏春秋立博士詔下其議四年正月朝公卿大夫博士見於雲臺帝曰范博士可前平說升起對曰左氏不祖孔子而出於邱明師徒相傳又無其人且非先帝所存無因得立遂與韓歆及大中大夫許淑等互相辯難日中乃罷升復退而奏左氏之失凡十四事時難者以太史公多引左氏升又上太史公遺戾五經謬孔子言及左氏春秋不可錄三十一事詔以下博士後還鄉里永平中為聊城令坐事免卒於家

程緒代郡人為幽州牧劉虞從事初平四年冬虞自率諸屯兵眾合十萬人以攻公孫瓚將行緒免胄而前曰公孫瓚雖有過惡而罪名未正明公不先告曉使得改行而兵起蕭牆



非國之利加勝敗難保不如駐兵以武臨之贊必悔禍謝罪  
所謂不戰而服人者也虞以緒臨事沮議遂斬之

韓琦字子佩代郡人清粹有雅量少喪父母奉養兄姊宗族  
稱孝弟焉為幽州別駕袁氏將焦觸驅率諸郡太守令長背

袁向曹盟曰違命者斬眾以次軟琦曰吾受袁公父子厚恩  
今其破亡智不能救勇不能死于義闕矣若乃北面于曹氏

所弗能為也一坐失色觸曰事之濟否不待一人可卒琦志  
以勵事君魏武亦高其節屢辟不至卒於家以上大府

殷漢字君長雁門人王莽世守節不仕建武中徵不至  
周康子定襄人與郭泰善知名於世以上朔平府

周黨字伯况太原廣武人家產千金少孤為宗人所養而遇  
之不以理及長又不還其財黨詣鄉縣訟主乃歸之既而散

與宗族悉免遣奴婢遂至長安遊學初鄉佐嘗眾中辱黨黨  
久懷之後讀春秋聞復讐之義便輟講而還與鄉佐相聞期

剋闕曰既交刃而黨為鄉佐所傷困頓鄉佐服其義與歸養  
之數日方蘇自此勅身修志州里稱其高及王莽竊位託疾

杜門自後賊暴縱橫唯至廣武過城不入建武中徵為議郎  
以病去職遂將妻子居澠池後被徵不得已乃著短布單衣

穀皮稍頭待見尚書及引見伏而不謁自陳願守所志帝乃  
許焉博士范升毀黨曰臣聞堯不須許由巢父而建號天下

周不待伯夷叔齊而王道以成伏見太原周黨東海王良山  
陽王成等蒙受厚恩使者三聘乃肯就車及陛見帝廷黨不

以禮屈伏而不謁假蹇驕悍同時俱逝黨等文不能演義武  
不能死君釣采華名庶幾三公之位臣願與坐雲臺之下考

試圖國之道不如臣言伏虛妄之罪而敢私竊虛名誇上求  
高皆大不敬詔曰自古明王聖主必有不賓之士伯夷叔齊  
不食周粟太原周黨不受朕祿亦各有志焉其賜帛四十匹

黨遂隱居澠池著書上下篇而終邑人賢而祠之  
王霸字儒仲太原廣武人少有清節王莽世棄冠帶絕交宦

建武中徵至尚書拜稱名不稱臣有司問之霸曰天子有所  
不臣諸侯有所不友司徒侯霸讓位於霸故梁令閻陽毀之

曰太原俗黨儒仲頗有其風遂止以病歸隱居守志茅屋蓬  
戶連徵不至以壽終

荀恁字君大太原廣武人少修清節資財千萬父越卒恁散  
與九族隱居山澤以求厥志王莽末匈奴寇其縣廣武聞恁

名節相約不入荀氏閭光武徵以病不至永平初東平王蒼  
為驃騎將軍辟而應焉及後朝會顯宗戲之曰先帝徵君不

至驃騎辟君而來何也對曰先帝秉德以惠下故臣可得  
來驃騎執法以檢下故臣不敢不至後月餘罷歸卒於家以上州代

焦先字孝然河東人中平末年二十餘避白波賊東客揚州  
建安初西遷留陝界十六年失家屬獨竄大陽河渚間食草

飲水無衣履結草為裳縣常使埋藏疫病人童兒皆輕易之  
然先行不踐邪徑必循阡陌拮拾不取大穗飢不苟食寒不

苟衣出見婦人則隱翳須去乃出自作一蝸牛廬淨掃其中  
營木為牀布草蓐天寒搆火自炙飢則出為人客作飽食而

已不取其直見漢室衰絕口不談時事常言草茅之人與狐  
兔同羣不肯妄語河東太守杜恕以衣服迎見而不與語嘉

山西通志卷一百十六 鄉賢錄一 三九







鄉賢錄二 錄二之一 山西通志第一百十七

溫恢字曼基太原祁人父恕涿郡太守卒恢年十五送喪還鄉一朝盡散家財振施宗族州里高之比之郇越舉孝廉為廩邱長鄆陵廣川令彭城魯相所在見稱入為丞相主簿出為揚州刺史魏武與張遼樂進曰揚州刺史曉達軍事動靜與共咨議建安二十四年孫權攻合肥恢謂兗州刺史裴潛曰此間雖有賊不足憂而今春水生子孝懸軍無有遠備荆州關將曉銳乘利而進必將為患詔果召潛及豫州刺史呂貢等潛等緩之恢密語潛曰此必襄陽急欲赴之也所以不

魏晉附北漢後趙前燕後秦

為急會者不欲驚動遠眾一二日必有密書促卿進道張遼等又將被召遼等素知王意後召前至卿受其責矣潛遂輕裝速發果被促令遼等尋各見召如恢所策魏初為侍中出為魏郡太守遷涼州刺史持節領護羌校尉卒年四十五賜子生爵關內侯恢子六人恭生良儉克讓竝知名世號六龍生早卒爵絕

山西通志卷一百十七 鄉賢錄二

王凌字彥雲祁人司徒允兄子允遇害凌及兄晨時年皆少踰城得脫亡命歸鄉里凌舉孝廉為發干長遇事當免魏武曰此子師兄子也所坐亦公耳選驍騎主簿稍遷至中山太守所在有治辟丞相掾屬魏初拜散騎常侍出為兗州刺史從張遼伐吳逆擊吳將呂範等獲舟船有功封宜城亭侯加建武將軍轉青州布政施教賞善罰惡甚有綱紀百姓稱之

從曹休至夾石軍失利凌力戰決圍休獲免難徙揚豫州刺史咸得軍民之歡心始至豫州旌先賢之後求未顯之士各有條教意義甚美初凌與司馬郎賈逵友善及臨兗豫繼其名迹正始初為征東將軍假節都督揚州諸軍事二年吳全琮逼芍陂爭塘力戰琮退封南鄉侯邑千三百五十戶遷車騎將軍儀同三司時凌甥令狐愚以才能為兗州刺史屯平阿舅甥並典淮南任凌就遷司空進太尉假節鉞凌愚密協計以楚王彪有智勇欲迎都許昌凌子廣密謀不從會愚病卒嘉平三年吳師塞涂水凌欲因此發諸軍表求討吳不聽凌謀滋甚遣將軍楊宏告兗州刺史黃華華宏白司馬懿懿軍掩至百尺凌面縛木次至項見買遠祠在水側呼曰買梁道王凌固忠於魏之社稷者惟爾有神知之遂飲藥死子廣

山西通志卷一百十七 鄉賢錄二

字公淵有志尚學行為尚書弟飛臯金虎竝才武過人金虎字明山最知名多技藝人得其書皆以為法走太原追軍及之時有飛鳥集桑樹隨枝低仰舉弓射之即倒追人乃止不復進與廣飛臯胥被書晉泰始元年詔聽使立後令祭祀不絕 令狐邵太原人為宏農太守所在清潔時郡不知經學乃問諸吏有欲遠行就師者遣令詣河東樂詳受學由是宏農學業轉興子愚白衣時常有高志眾謂必興令狐氏族邵獨以愚性倜儻不修德而願大必滅我宗愚甚不平及愚仕進有名稱從容謂邵曰先時聞大人謂愚為不繼今竟云何邵熟視不答私謂妻曰公治性度猶是也不知我當坐之否邪必逮汝曹矣邵沒十餘年而難作



王昶字文舒太原晉陽人少與同郡王凌俱知名昶兄事凌為魏世子文學遷中庶子魏初徙散騎侍郎為洛陽典農所開荒萊墾田特多遷兗州刺史明帝初加揚烈將軍賜爵關內侯著治論略依古制而合於時務者二十餘篇又著兵書十餘篇言奇正之用青龍中奏之為兄子及子作名字皆依謙實以見其意兄子默字處靜沈字處道子渾字元冲深字道冲著書戒之四年太尉司馬懿舉昶正始中轉徐州刺史封武觀亭侯遷征南將軍假節都督荆豫諸軍事昶以屯苑去襄陽三百餘里諸軍散屯船在宣池有急不足相赴乃表徙治新野曹水軍於三州廣農墾殖倉穀盈積嘉平初太傅司馬懿殺曹爽奏博問大臣得失昶陳治略五事其一欲崇道篤學抑絕浮華使國子入太學而修庠序其二欲用考試

山西通志卷一百十七 鄉賢錄二

考試猶準繩也未有舍準繩而意正曲直廢曲直而空論能古也其三欲令居官者久於其職有治績則就增位賜爵其四欲約官實祿勵以廉恥不使與百姓爭利其五欲絕侈靡崇節儉令衣服有章上下有敘儲穀畜帛返民於樸詔褒之因使撰百官考課事三年昶奏乘數制吳蜀白帝夷陵之間黔巫秭歸房陵皆在江北民夷與新城郡接可襲取也乃遣新城太守州泰襲巫秭歸房陵荆州刺史王基詣夷陵昶詣江陵兩岸引竹緆為橋渡水擊之敵奔南岸鑿七道竝來攻昶使積弩同時俱發吳將施績夜遁入江陵城追斬數百級昶欲引致平地與合戰乃先遣五軍案大道發遣使敵望見以喜之以所獲鎧馬甲首馳環城以怒之設伏兵以待之績果追軍與戰克之績遁走斬其將鍾離茂許曼收甲首旗鼓

珍寶器仗振旅而還遷征南大將軍儀同三司進京陵侯晉驃騎將軍諸葛誕反據夾石以逼江陵持施績全熙使不得東援誕敗增邑千戶并前四千七百戶遷司空持節都督如故甘露四年卒追諡曰穆子渾嗣咸熙中為越騎校尉郭淮字伯濟太原陽曲人祖全大司農父緄雁門太守建安中舉孝廉除平原府丞署五官將門下賊曹轉丞相兵曹議令史從征漢中為征西夏侯淵司馬淵遇害惟時有疾收散卒推邊寇將軍張郃為軍主諸營乃定魏武善之復以為郃司馬文帝即王位賜爵關內侯轉鎮西長史又行征羌護軍護左將軍張郃冠軍將軍楊秋討山賊鄭甘盧水叛胡破平之關中始定黃初元年擢領雍州刺史封射陽亭侯五年為真討安定羌大帥辟曉破降之每羌胡來降准輒先使人推

山西通志卷一百十七 鄉賢錄二

問其男女多少年歲長幼及知款曲訊問周至咸稱神明太和二年蜀相諸葛亮出祁山遣將軍馬謖至街亭高祥屯列柳城淮攻祥營破之又破隴西各羌唐號於枹罕加建威將軍五年蜀出鹵城時隴右無穀議欲關中大運淮撫循羌胡家使出穀平其輪調軍食用足轉揚武將軍青龍二年亮出斜谷田蘭阮時司馬懿屯渭南淮策亮必爭北原宜先據之議者多謂不然淮曰若亮跨渭登原連兵北山隔絕隴道搖蕩民夷此非國之利也懿善之淮遂屯北原壘未成漢兵大至淮逆擊之後數日亮盛兵西行諸將皆謂欲攻西圍淮獨以為此見形於西欲使官兵重應之必攻陽遂耳其夜果攻陽遂有備不得上正始元年蜀將姜維出隴西淮進軍追至強中維退遂討羌迷當等撫柔氏三千餘落徙實關中遷



左將軍涼州休屠梁元碧等率二千餘落附雍州奏請居安  
定之高平後因置西川都尉轉前將軍領州如故八年隴西  
南安金城西平諸羌相結攻圍城邑南招蜀兵涼州治無戴  
復應之討蜀護軍夏侯霸督諸軍屯爲翹淮軍到狄道議者  
僉謂宜先定枹罕淮策維必來攻霸遂入風中轉南迎霸維  
果攻爲翹淮軍適至維遁退進討斬羌俄何燒戈降者萬餘  
落九年遮塞等屯河關白土故城據河拒軍淮見形上流密  
於下渡兵據白土城擊大破之治無戴圍武威淮進軍趨西  
海欲掩取其累重會無戴折還與戰於龍夷之北破走之令  
居虜在石頭山西當大道淮還過討大破之姜維出右營從  
疆川西迎治無戴留陰平太守廖化於成重山築城淮欲分  
兵取之諸將以分兵兩持兵勢轉弱淮曰今往取化出賊不

山西通志卷一百一十七 鄉賢錄二 五

意維必狼顧比維自致足以定化且使維疲於奔命兵不遠  
徙而胡交自離此一舉兩全之策也乃別遣夏侯霸等追維  
於沓中淮自率諸軍就攻化等維果馳還救化皆如淮計進  
都鄉侯嘉平元年遷征西將軍都督雍涼諸軍事與雍州刺  
史陳泰協策降蜀牙門將句安等於翹土二年詔曰昔漢川  
之役幾至傾覆淮臨危濟難功書王府在關右三十餘年外  
征寇虜內綏民夷比歲以來摧破廖化禽虜句安功績顯著  
朕甚嘉之今以淮爲車騎將軍儀同三司持節都督如故進  
封陽關侯邑凡二千七百八十戶分三百戶封一子亭侯淮  
妻王淩妹御史往收妻上道淮五子叩頭流血請淮淮不忍  
視乃命追妻懿宥之正元二年卒追贈大將軍諡曰貞子統  
嗣官至荊州刺史子貞嗣咸熙中以淮著勳前朝改封汾陽

子

郝昭字伯道太原人爲人雄壯少爲部曲督數有戰功爲雜  
號將軍鎮河西十餘年民夷畏服蜀諸葛亮圍陳倉使昭鄉  
人靳詳遙說之昭於樓上應曰魏家科法卿所練也我之爲  
人卿所知也我受國恩多而門戶重卿無可言者但有必死  
耳卿還謝諸葛便可攻也詳以昭語告亮亮又使詳重說昭  
昭曰前言已定矣我識卿耳箭不識也詳乃去亮起雲梯衝  
車以臨城昭以火箭逆射雲梯梯然梯上人皆燒死又以繩  
連石磨壓衝車衝車折亮乃更爲井闌百尺以射城中以土  
瓦填壘欲直攀城昭又於內築重牆亮又爲地突欲踊出於  
城裏昭又於城內穿地橫截之晝夜相攻拒二十餘日亮無  
計救至引退上嘉昭善守賜爵列侯及還引見慰勞之願謂

山西通志卷一百一十七 鄉賢錄二 六

中書令孫資曰卿鄉里乃有爾曹快人爲將均如此朕復何  
憂欲大用之會卒遺命薄葬以上太原原府  
賈逵字梁道河東襄陵人世爲著姓逵兒時戲弄常設部伍  
祖習異之曰汝大必爲將帥口授兵法數萬言爲諸生好春  
秋左氏傳以郡吏守絳邑長郭援攻河東逵堅守援攻之不  
拔乃并南部軍急攻之絳父老與援要書逵釋潰援欲劫  
爲將逵不動左右引使叩頭逵叱曰安有國家長吏爲賊叩  
頭援將斬之絳吏民皆乘城呼曰負要殺我賢君甯俱死耳  
遂得免中都孫資舉計吏薦于相府後舉茂才除滎池令高  
幹舉兵張揆將應之逵偕往過揆欲還恐見執乃爲揆畫計  
時縣寄治蠶城從揆求兵脩城因得揆黨謀盡誅之修城拒  
揆揆敗祖喪闕司徒辟揆以議郎參司隸軍事魏武擊馬超



至宏農曰此西道之要以遠領宏農太守召見計事大悅之謂左右曰使天下二千石悉如賈逵吾何憂後坐拋屯田都尉免然魏武心善逵以為丞相主簿時欲征吳而大霖雨教曰諫者死遠建諫草以示同僚三主簿入白遂收送獄取造意者遠言我造意走詣獄謂獄吏曰促械我著械適訖而魏武果遣人就獄視之既而教曰遠無惡意復其職後議攻蜀先遣逵至斜谷觀形勢道逢囚數十車輒竟重者一人皆放其餘魏武善之拜諫議大夫與夏侯尚並掌軍計魏武薨鄴陵侯彰從長安來赴問遠先王璽綬所在遠正色曰世子在鄴國有儲副先王璽綬非君侯所宜問也文帝即王位以為鄴令月餘遷魏郡太守又遷豫州刺史考竟二千石以下阿從不如法者皆奏免之上曰遠真刺史矣布告天下當以豫

山西通志卷一百十七 鄉賢錄二 七

州為法賜爵關內侯州南與吳接遠明斥埃繕甲兵外修軍旅內治民事遇鄢汝造新陂又斷山溜長溪水造小弋陽陂又通運渠二百餘里人名賈侯渠黃初中征吳破呂範于洞浦進陽里亭侯加建威將軍明帝初增邑二百戶并前四百戶太和二年帝使遠督前將軍滿寵太守東莞胡質等四軍從西陽直向東關至五將山而曹休出皖求深入又令遠東與休合遠度賊無東關之備必并軍于皖休必敗乃部署諸將水陸并進行二百里間休戰敗權遣兵斷夾石乃兼道進軍多設旗鼓為疑兵吳軍遂退遠據夾石以兵糧給休休軍乃振初遠與休不善黃初中督沮遠假節至是微遠休軍幾不救休猶挾前意欲以後期罪遠遠終無言時人尤多之卒年五十五謚曰肅豫州吏民追思之刻石立祠青龍中東征

詔曰昨過項見賈逵碑像念之愴然古人有言忠名之不立不忠年之不長遠存有忠勳沒而見思可謂死而不朽者矣其布告天下以勸將來甘露二年東征屯項詔掃除祠堂有穿漏者補治之遠子允咸熙中為中護軍

徐晃字公明河東楊人也為郡吏從楊奉討賊有功拜騎都尉說奉扈駕還洛陽晃封都亭侯又說奉歸魏武奉後悔晃遂歸魏武擊卷原武賊破之拜裨將軍別降呂布將趙庶李鄒等與史煥斬眭固于河內從破徐州又從破顏良拔白馬圍進至延津破文醜拜偏將軍擊滎陽賊視臂破之又擊袁紹運軍于故市封都鄉侯遣攻弋陽令韓範飛矢城中為陳成敗遂降之白魏武曰二袁未破諸城傾耳而聽今日滅弋陽明日皆以死守恐河北無定時也願降弋陽以示諸城則

山西通志卷一百十七 鄉賢錄二 八

莫不望風魏武善之別討毛城破三屯從破袁譚于南皮克平原賊從征蹋頓拜橫野將軍從征荊州別屯樊討中廬臨沮宜城賊十五年討太原反者拔大陵斬賊帥商曜韓遂馬超擾關右屯汾陰以撫河東賜牛酒令上先人墓遂以步騎四千渡蒲坂津擊走梁興大軍乃得渡平隄糜泝諸氏與魏武會安定又平鄜夏陽餘賊斬梁興降三千餘戶從征張魯別攻橫仇夷諸山氏皆降之遷平寇將軍解張順圍擊賊陳福等三十餘屯皆破之魏武還鄴留與夏侯淵拒陽平敵軍十餘營絕馬鳴閣道攻破之魏武假晃節令曰此閣道漢中險要咽喉也將軍一舉克奪賊計善之善者也遂自至陽平引出漢中諸軍復遣助曹仁討關某屯宛會漢水暴溢于禁軍沒關圍仁于樊又圍呂常于襄陽晃以難與爭鋒屯陽陵



破魏武遣徐商呂建等詣晃令曰須兵馬集乃俱前敵屯偃城晃到詭道作都塹示欲截其後敵燒屯走晃得偃城兩面連營稍前去敵圍三丈所未攻時前後遣殷署朱蓋等十二營詣晃敵圍頭有屯又別屯四冢晃揚聲攻圍頭屯而密攻四冢敵軍見四冢欲壞步騎五千出戰晃擊退遂追陷與俱入圍破之還摩破魏武迎晃七里舉卮酒勞之曰全樊襄陽將軍功也時案行諸營士卒咸離陣觀而晃軍營整齊將士駐陣不動魏武歎曰徐將軍可謂有周亞夫之風矣文帝即王位爲右將軍進遙鄉侯魏初進楊侯擊破上庸鎮陽平徙陽平侯明帝初拒吳諸葛瑾于襄陽增邑二百并前三千一百戶晃性儉約畏慎將軍常遠斥埃先爲不可勝然後戰追奔爭利士不暇食常歎曰今幸遇明君當以功自效何用私

山西通志卷一百十七

鄉賢錄二

九

譽爲終不廣交援太和元年卒諡曰壯子蓋嗣卒子驍嗣又分晃戶封子孫二人列侯

以上平陽府

崔游字子相上黨人少好學儒術甄明恬靜謙退自少及長口未嘗言及財利魏末察孝廉除相府舍人出爲氏池長甚有惠政以病免歸晉泰始初錄敘文帝故府僚屬就家拜郎中不就年七十餘篤學不倦劉淵嘗師事之從受毛詩京氏易馬氏尚書既僭位徵爲御史大夫固辭不受卒於家時年九十三撰喪服圖行於世

潘安

孫資字彥龍太原中都人博覽傳紀講業太學同郡王允見而奇之歷縣令魏武爲司空辟之會兄爲鄉人所害資手刃報讐乃將家屬避地河東尋復爲本郡所命以疾辭友人河東賈逵勸應命乃往應之署功曹舉計吏尙書令荀彧歎曰

北州承喪已久謂其賢智零落今日乃復見孫計君乎表留爲尙書郎辭還尋參丞相軍事魏初轉右丞特命爲中書令加給事中賜爵關中侯與劉放並掌機密進關內侯明帝初尤見寵任加散騎常侍進樂陽亭侯蜀諸葛亮出南鄭時議大發兵資曰昔武帝征南鄭取張魯陽平之役危而後濟又自往拔出夏侯淵軍數言南鄭直爲天獄中斜谷道爲五百里石穴耳言其深險喜出淵軍之辭也今若進軍就南鄭討亮道既險阻計用精兵又轉運鎮守南方四州遏禦水賊凡用十五六萬人必當復更有所發興天下騷動費力廣大此誠宜深慮乃止時聞吳彭綺舉兵議因此伐之資曰鄱陽宗人前後數有舉義者衆弱謀淺旋輒乖散未能爲權腹心大疾也綺果敗太和末吳遣周賀浮海招誘公孫淵上欲邀

山西通志卷一百十七

鄉賢錄二

十

討之朝議多以爲不可惟資決行策果大敗之晉左鄉侯烏丸校尉田豫至馬邑故城比能帥三萬騎圍之上問資對曰上谷太守閻志柔弟也爲比能素所歸信令馳詔使說比能可不勞師而自解矣從之比能果釋豫而還加侍中光祿大夫時內圖禦寇外規廟勝資皆管之然自以受腹心常讓事於上朝臣會議擇其善者推成之衆人有譴過輒爲請解征東將軍滿寵涼州刺史徐邈並被譖資皆盛陳素行卒使得保其功名者資力也初資鄉人司空掾田豫梁相宗豔皆妬害資而揚豐黨豫構造謗端資終無恨意豫等遂結爲婚姻資曰吾無憾心不知所釋此爲卿自薄之卿自厚之耳乃爲長子宏取其女及田豫老疾文致其子於本郡以爲孝廉揚豐子後爲尙方吏將致法資請活之其不念舊惡如此景初



二年封中都侯薦武衛將軍曹爽代燕王宇輔政請速召太尉司馬宣王齊王初增邑三百并前千戶封愛子一人亭侯次子騎都尉餘子皆郎中正始元年加右光祿大夫金章紫綬儀同三司六年轉衛將軍領命如故七年復封子一人亭侯年老遜位以列侯朝朔望位特進曹爽遇害復為侍中領中書令嘉平二年復遜位就拜驃騎將軍轉侍中特進如故三年卒諡貞子宏嗣資蒞官勤慎自修優於放然皆多將順抑辛毘而助王思至密陳損益亦多裨焉咸熙中以資著勳前朝改封宏離石子汾州

張遼字文遠雁門馬邑人少為郡吏并州刺史丁原以遼武力過人召為從事後遷屬何進董卓呂布遷騎都尉布東奔徐州領魯相時年二十八魏武破布遼將其眾降拜中郎將

山西通志卷一百一十七 郵賢錄二 十三

賜爵關內侯救有戰功遷裨將軍袁紹破別遣定魯國諸縣與夏侯淵圍昌稀於東海糧盡議引軍還遼曰數日來稀輒數日視遼又射矢更稀遼欲挑與語儻可誘也乃使謂稀曰公使遼傳命稀果下遼為說魏武神武方以德懷四方先附者受賞稀許降遼遂單身上三公山人稀家拜妻子稀喜隨詣魏武魏武實遼曰此非大將法遼謝曰以明公威信稀必不敢害故也從討袁譚袁向於黎陽有功行中堅將軍從攻鄴拔陰安徙其民河南復從破鄴招降緣山諸賊及黑山孫輕等別將徇海濱破海外賊柳毅還魏武自出迎引共載以遼為邊寇將軍復別擊定江夏諸縣還屯臨穎封都亭侯從征柳城卒遇寇氣甚奮魏武壯之自以所持麾授遼遂擊大破之斬蹋頓復遣屯長社臨發軍中夜驚亂起火遼謂左右

曰勿動是必有造變者欲以動亂人耳乃令不反者安坐遼將親兵數十人中陣而立有頃定即得首謀殺之命督張郃朱蓋等討陳蘭蘭借梅成轉入潯天柱山壁其上遼欲進擊諸將難之遼曰此所謂一與一勇者得前耳遂進到山下安營攻斬蘭成盡虜其眾魏武論諸將功曰登天山履峻險以取蘭成邊寇功也增邑假節與樂進李典等將七千餘人屯合肥及征張魯教與護軍薛梯署函邊曰賊至乃發俄而孫權率十萬眾圍合肥乃共發教曰若權至張李將軍出戰樂將軍守護軍勿得與戰諸將皆疑遼曰公遠征在外比救至彼破我必矣是以教指及其未合逆擊之折其盛勢以安眾心然後可守也成敗之機在此一戰諸君何疑於是夜募敢從士得八百人椎牛饗將士明日大戰平旦遼被甲持戟先

山西通志卷一百一十七 郵賢錄二 十三

登陷陣殺數十人斬二將大呼名衝壘入至權麾下權大驚走登高冢以長戟自守遼叱權下戰權不敢動望見遼眾少聚圍數重遼左右麾圍直前急擊圍開將麾下數十人得出餘眾號呼曰將軍棄我乎復還突圍拔出餘眾權人馬皆披靡自旦戰至日中吳人奪氣還修守備眾心乃安權守合肥十餘日引退遼率諸軍追擊幾復獲權魏武大壯遼拜征東將軍建安二十一年伐權到合肥循行遼戰處歎息者良久乃增遼兵徙屯居巢復召遼還救曹仁會摩陂魏武乘輦出勞之還屯陳郡文帝即王位轉前將軍賜帛千匹穀萬斛封兄汎及一子列侯還屯合肥進都鄉侯給遼母輿車及兵馬送遼家詣屯勅母至導從出迎將吏皆羅拜道側觀者榮之魏初封晉陽侯增邑千戶并前二千六百戶黃初二年會建



始殷親問破吳意狀上歎息顧左右曰此亦古之祁虎也爲起第舍又特爲遼母作殿以遼軍皆爲虎賁遷屯雍邱遼疾使視疾道路相屬又迎遼就行在所車駕親臨執其手賜以御衣太官日送御食疾小差還屯遣乘舟與曹休至海陵臨江權勅諸將張遼雖病不可當也慎之是歲破權將呂範卒於江都上爲流涕諡曰剛子虎嗣六年詔曰合肥之役遼典以步卒八百破賊十萬自古用兵未之有也使賊至今奪氣可謂國之爪牙矣其分遼典邑各百戶賜一子爵關內侯虎爲偏將軍卒子統嗣

初平

衛顛字伯儒河東安邑人少夙成以才學稱辟司空掾屬除茂陵令尚書郎以治書侍御史使益州至長安不得進遂留鎮關中時四方大有還民關中諸將多引爲部曲顛書與荀

山西通志卷一百一十七

鄉賢錄二

十三

或以鹽國之大寶也自亂來放散宜如舊置使者監賣以其直益市犂牛若有歸民以供給之勤耕積粟以豐殖關中遠民間之必日夜競還又使司隸校尉留治關中以爲之主則諸將日削官民日盛此強本弱敵之利也或以白魏武從之始遣謁者僕射監鹽官司隸校尉治宏農關中服從乃召顛遷稍遷尚書時臺閣舊事散亂顛以古義多所正定魏國既建拜侍中與王粲並典制度文帝卽王位徙尚書尋爲侍郎撰文誥魏初復爲尚書封陽吉亭侯明帝初進閣鄉侯三百戶顛奏曰九章之律自古所傳斷定刑罪其意微妙百里長吏皆宜知律刑法者國家之所貴重而私議之所輕賤獄吏者百姓之所懸命而選用者之弊卑下王政之弊未必不由此也請置律博士轉相教授事遂施行時百姓凋匱而役務

方殷顛上疏曰今議者言征伐則比吳蜀於豺鼠臣以爲不然昔漢文之時賈誼累息以爲至危况今海內分而爲三羣士陳力各爲其主其來降者未肯言舍邪就正咸稱迫於困急是與六國分治無異也當今千里無煙瘴民困苦若不留意將遂凋弊不可復振武皇帝時後宮食不過一肉衣不用錦繡茵褥不緣飾器物無丹漆用能平定天下遺福子孫今宜計校府庫量入爲出深思句踐滋民之術猶恐不及而尙方所造金銀之物漸更增廣工役不輟侈靡日崇帑藏日竭昔漢武有求於雲表之露而猶尙見非今無求於露而空設露盤不益於好而糜費功夫誠皆聖慮所宜裁制也其獻忠言率如此受詔典著作又爲魏官儀凡撰述數十篇好古文烏篆隸草無所不善卒諡曰敬子瑾嗣

以上

山西通志卷一百一十七

鄉賢錄二

十四

裴潛字文行河東聞喜人避亂荆州劉表待以賓禮潛私謂所親王粲司馬芝曰劉牧非霸王之才乃欲西伯自處其敗無日矣遂南適長沙荆州平參丞相軍事出歷三縣令人爲倉曹屬魏武問曰卿以劉備才略何如潛曰若乘間守險足以爲一方主時代郡烏丸王及大人凡三人專制郡事前太守莫能至正以潛爲代郡太守將授精兵鎮討之潛辭曰今多將兵往必懼而據境少將則不見憚宜以計謀圖之不可以兵威迫也單車之郡撫之以靜遂悉令還前後所掠而案誅郡中大吏通烏丸者十餘人北邊大震百姓歸心在代三年還爲丞相理曹掾太祖褒稱之潛曰潛於百姓雖寬於諸胡爲峻今代者事加寬惠彼素驕恣過寬必弛既弛又將攝之以法以勢料之代必不靖後數十日而軍書至乃遣鄢陵



侯彰征之潛出為沛國相遷兗州刺史魏武次摩歎其軍  
陳齊整特加賞賜魏初入為散騎常侍出為魏郡潁川典農  
中郎將奏通貢舉比之郡國遷荆州刺史賜爵關內侯明帝  
初入為尚書出為河南尹轉太尉軍師大司農封清陽亭侯  
邑二百戶入為尚書令奏正百五十餘條父喪除拜光祿大  
夫遠近皆云當為公正始五年卒遺令薄葬墓中惟置一座  
瓦器數枚贈太常諡曰貞始潛自感所生微賤又為父所不  
禮即折節仕進清省恪簡每之官不將妻子妻子織紵以  
自供在兖州嘗作一胡牀及去留以挂柱其家教似石奮魏  
與少能及者然人才終無所推進故世歸其潔而不宗其餘  
子秀嗣

裴徽字文季潛少弟有高才遠度善言元妙為吏部郎時王

山西通志卷一百十七 鄉賢錄二 十五

輔嗣未弱冠往造焉徽一見而異之問曰無者誠萬物之所  
資也然聖人莫肯致言而老子申之無己者何彌曰聖人體  
无无又不可以訓故不說也老子是有者也故恆言其所不  
足微累遷冀州刺史安平趙孔曜謂其垂神幽蔽留精九皋  
薦平原管輅於徽微曰便相為取之莫使騏驥更為凡馬荆  
山反成凡石即檄召輅為文學從事一相見清論終日不覺  
罷倦天時大熱移牀在庭前樹下至雞向晨然後出遂連轉  
輅鉅鹿從事治中別駕又舉為秀才微嘗問輅何平叔一代  
大名其實何如輅以為少功之才微曰誠如來論吾數與平  
叔共說老莊及易常覺其辭妙於理不能折之又時人吸習  
皆歸服之焉益令不了相見得清言然後灼灼耳微子黎康  
楷綽

母邱與河東閭喜人黃初中為武威太守代叛柔服開通河  
右名次金城太守蘇則討賊張進及討胡有功雍州刺史張  
既表曰河右遐遠喪亂彌久武威當諸郡路道喉轄之要加  
民夷雜處數有兵難領太守母邱與到官內撫吏民外懷羌  
胡卒使柔附為官效用黃華張進利圖逆亂扇動左右與志  
氣忠烈臨難不顧為將校民夷陳說禍福言則涕泣於時男  
女萬口咸懷感激形毀髮亂誓心致命尋率精兵踰嶺張掖  
濟拔領太守杜通西海太守張睦張掖參和驪軒二縣吏民  
及郡雜胡棄惡詣與皆安與使盡力田與每所歷盡竭心  
力誠國之良吏殿下即位留心萬機苟有毫毛之善必有賞  
錄臣伏緣聖旨指陳其事乃封高陽鄉侯入為將作大匠卒  
母邱儉字仲恭與子襲父爵為平原侯文學明帝初為尚書

山西通志卷一百十七 鄉賢錄二 十六

郎遷羽林監以東宮之舊甚見親待出為洛陽典農時取農  
民以治宮室儉上疏曰天下所急除者二賊所急務者衣食  
誠使二賊不滅士民飢凍雖崇美宮室猶無益也遷荆州刺  
史青龍中以儉有幹策徙幽州刺史加度遼將軍使持節護  
烏丸陸尉率幽州諸軍至襄平屯遼隨烏丸長右北平寇婁  
敦遼西護留等率眾五千餘人降公孫淵拒戰不利引還明  
年偕太尉司馬懿討淵以功進安邑侯食邑三千五百戶正  
始中督步騎萬人出元菟諸道討句驪王宮宮將步騎二萬  
人進軍沸流水上大戰梁口連破走儉遂東馬懸車以登丸  
都屠句驪都斬獲首虜以千數令諸軍毋壞沛者得來墓伐  
墓樹放遺其妻子宮逃竄儉引軍還六年復征宮奔買溝儉  
遣元菟太守王頊追之過沃沮千餘里刻石紀功刊丸都之



山銘不耐之城誅納八千餘口論功受賞侯者百餘人穿山  
漑灌民賴其利遷左將軍假節監豫州諸軍事領豫州刺史  
轉鎮南將軍與諸葛誕對換誕爲鎮南都督豫州儉爲鎮東  
都督揚州吳諸葛恪圍合肥新城儉與揚州刺史前將軍文  
欽禦之恪退還初儉與夏侯元李豐等厚善以文欽曹爽邑  
人數有戰功厚待之情好歡洽欽亦投心無貳正元二年正  
月協謀罪狀大將軍司馬師移諸郡國舉兵令吏民大小皆  
入壽春城爲壇於城西歃血爲盟分老弱守城儉欽自將五  
六萬眾渡淮西至項儉堅守欽在外爲游兵至樂嘉子儉小  
字爲年尙幼勇力絕人謂欽曰及其未定擊之可破也於是  
分爲二隊來攻師軍儉率壯士先至大呼師軍中震擾欽後  
期不應會明儉退欽亦引還儉軍傳欽戰敗眾潰至慎縣儉  
與弟秀及孫重藏木邊州中安風津都尉張屬射殺儉秀重  
走入吳

山西通志卷一百一十七

鄉賢錄二

七

母邱甸字子邦儉子有名京邑爲治書侍御史嘗謂儉曰大  
人居方嶽重任今晏然自守將受四海之責儉然之旬知儉  
謀將發私出將家屬走靈山司馬師聞儉起兵問屈穎所在  
云不來無能爲也師別將攻下靈山遇害儉初起兵遣子宗  
四人入吳太康中吳平宗兄弟皆還宗字子仁有儉風至零  
陵太守宗子與巴東監軍益州刺史以上

右魏十七人 晉志人物 晉安有 浩周 蒲州有 王卓  
書仕魏 王卓爲 漢司 空見 後漢 書 顧 帝 紀 志 列 人  
解州 人 物 又 於 蒲 州 復 曰 爲 魏 人 蓋 據 唐 王 願 追  
諸 人 別 詳 任 實 錄

郭奕字太業太原陽曲人少有重名山濤稱其高簡有雅量

初爲野王令羊祜常過之奕歎曰羊叔子何必減郭太業少  
選復往又歎曰羊叔子去人遠矣遂送出界數百里坐免咸  
熙末爲司馬文王相國主簿鍾會從甥荀勗時爲掾奕敢出  
之文王雖不用歎其雅正晉初爲太子中庶子遷右衛率驍  
騎將軍封平陸男咸甯初遷雍州刺史鷹揚將軍假赤幢曲  
蓋鼓吹奕寡姊隨奕之官姊僮僕有犯奕省按畢曰大丈夫  
豈當以老姊求名遂不問亭長李合一作合有俊才奕用爲別  
駕舍後果有名位時稱知人太康中徵爲尙書朝臣皆出其  
下表楊駿小器不堪任以社稷不聽後果誅奕疾詔賜錢二  
十萬日給酒米八年卒太常上諡爲景有司議與景皇同不  
可謂諡穆詔曰諡所以旌德表行按諡法一德不懈爲簡奕  
忠毅清直立德不渝於是賜諡曰簡

山西通志卷一百一十七

鄉賢錄二

六

王沈字處道太原晉陽人祖柔漢中郎將父機魏東郡太守  
沈少孤養於從叔司徒昶事昶如父奉繼母寡嫂以孝義稱  
好書善屬文大將軍曹爽辟爲掾累遷中書黃門侍郎以爽  
故免後起治書侍御史轉祕書監正元中遷散騎常侍侍  
中典著作與荀顛阮籍共撰魏書雲龍之役封安平侯邑二  
千戶尋遷尙書出監豫州諸軍事奮武將軍豫州刺史至鎮  
下教令百姓陳得失者給穀有差嘗深尋善政按賈逵以來  
法制禁令諸所施行擇善者而從之又教將吏子弟敦學九  
郡士咸悅道教俗爲一變遷征虜將軍持節都督江北諸軍  
事封博陵侯班次國伐蜀吳人大出師救蜀沈鎮御有方寇  
聞而退轉鎮南將軍武帝嗣晉王拜御史大夫守尙書令加  
給事中沈以才望名顯當世創業之事羊祜荀勗裴秀賈充



等皆與諮謀焉晉初轉驃騎將軍錄尚書事加散騎常侍統城外諸軍事封博陵郡公固讓不受乃進爵縣公邑千八百戶秦始二年卒上素服舉哀賜祕器朝服一具衣一襲錢三十萬布百疋葬田一頃諡曰元明年上追思沈勳詔贈沈司空公以寵臨既往使沒而不朽又前以翼贊之勳當受郡公之封而固辭懇至嘉其讓德不奪其志可以郡公官屬送葬沈素清儉不營產業其使所領兵作屋五十間子浚嗣後改葬更賜東園祕器咸甯中復追封為郡公

王渾字元沖太原晉陽人昶子沈雅有器量襲爵京陵侯辟大將軍曹爽掾爽誅例免起懷令參司馬文王安東軍事累遷散騎黃門侍郎散騎常侍咸熙中為越騎校尉晉初加揚烈將軍遷徐州刺史歲饑開倉振贖百姓賴之泰始初增邑

山西通志卷一百十七 鄉賢錄二 十九

千八百戶遷東中郎將督淮北諸軍事鎮許昌數陳損益多見納用轉征虜將軍監豫州諸軍事假節領豫州刺史渾與吳接境宣布威信前後降附甚多吳將魯淑向弋陽薛瑩向新息眾號十萬時州兵並放休息眾裁一旅浮淮潛濟出其不意擊破之以功封太子尚關內侯遷安東將軍都督揚州諸軍事鎮壽春吳人大佃皖城渾遣揚州刺史應綽督淮南諸軍攻破之并破諸別屯焚其積穀百八十餘萬斛稍苗四千餘頃船六百餘艘渾遂陳兵東觀視其地形險易歷觀敵城察攻取之勢及伐吳率師出橫江破吳孔忠命恭諸軍吳丞相張悌大將軍孫震等率眾數萬詣城陽復擊破之臨陣斬二將及首虜七千八百級吳人大震孫皓司徒何植建威將軍孫晏降既而王濬破石頭明日渾濟江登建業宮醢酒

高會以功增封八千戶進爵為公封于澄為亭侯弟湛為關內侯賜絹八千匹轉征東大將軍復鎮壽春渾處斷明允撫循吳人虛懷綏納座無空席門不停賓江東莫不悅附徵拜尚書左僕射加散騎常侍會齊王攸之藩尚書諫不納太熙初遷司徒惠帝初加侍中令京陵置士官如睢陵比及誅楊駿加渾兵渾以司徒文官主史不持兵持兵吏屬例絳衣仍令阜服論者美其謙而識體楚王瑋將害二輔公孫宏說瑋曰司徒王渾宿有威名為三軍所信服可請同乘瑋從之渾辭疾歸第以家兵千餘人閉門距瑋瑋不敢逼俄而瑋誅渾乃率兵赴宮帝嘗訪渾元會問郡國計吏方俗之宜渾奏曰舊三朝元會前計吏詣軒下侍中讀詔計吏跪受臣以詔文相承已久無他新聲非陛下留心方國之意也可令中書指

山西通志卷一百十七 鄉賢錄二 二十

宣明詔問方土異同賢才秀異風俗好尚農桑本務刑獄得無冤濫守長得無侵虐其勤心政化興利除害者授以紙筆盡意陳聞以明聖指垂心四遠不復因循常辭且察其答對文義以觀計吏人才之實又先帝時正會後東堂見征鎮長史司馬詣王國卿諸州別駕今若不能別見可前詣軒下使侍中宣問以審察方國於事為便上然之詔錄尚書事渾所歷前後著稱遂居台輔元康七年卒年七十五諡曰元長子尚早卒次子濟嗣

王濟字武子少有逸才風姿英爽氣蓋一時好弓馬勇力絕人善易及老莊文詞秀茂伎藝過人有名當時與姊夫和嶠裴楷齊名尚常山公主年二十起家中書郎母服闋起驍騎將軍累遷侍郎與孔恂王恂楊濟同列為一時秀彥武帝嘗



會公卿藩牧於式乾殿顧濟恂曰朕左右可謂恂恂濟濟矣每侍見未嘗不諮論人物及萬機得失濟善清言修飾辭令仕進雖速論者不以主壻故咸謂才能致之齊王攸當之藩濟諫請左遷國子祭酒常侍如故數年入爲侍中性峻厲明法繩之出爲河南尹未拜免時從兄王佑委任濟被斥外乃移第北芒山下性豪侈麗服玉食時洛京地甚貴濟買地爲馬埒編錢滿之時人謂爲金溝濟善解馬性嘗乘一馬著連乾鄣泥前有水終不肯渡濟云此必是惜鄣泥使人解去便渡故杜預謂濟有馬癖尋使白衣領太僕年四十六先渾卒追贈驃騎將軍庶子二人卓字文宣嗣渾爵拜給事中次聿字茂宣襲公主封敏陽侯濟二弟澄字道深汶字茂深皆辨慧有才藻並歷清顯

山西通志卷一百十七

鄉賢錄二

王

王湛字處冲昶次子少有識度少言語人莫能知其隱德兄弟宗族皆以爲癡景獨異焉父喪居墓次服闋閭門守靜不交當世兄子濟嘗食湛命取菜蔬對而食之濟見湛牀頭有周易問曰叔父何用此爲湛曰體中不佳時脫復看耳濟請言之湛因剖析元理微妙有奇趣皆濟所未聞也濟才氣抗邁既聞其言心形俱肅嘆曰家有名士三十年而不知濟之罪也既而送濟至門濟有從馬絕難乘湛騎此馬姿容既妙迥策如縈善騎者無以過之又濟愛所乘馬湛曰此馬雖快然力薄不堪苦行近見督郵馬當勝但芻秣不至耳濟試養之當與已馬等湛又曰此馬任重方知之平路無以別也於是當蟻封內試之濟馬果躡而督郵馬如常濟益嘆異還白其父曰濟始得一叔乃濟以上人也武帝每見濟輒調之曰

卿家癡叔死未濟常無以答及是上又問濟曰臣叔殊不癡因稱其美上曰誰比濟曰山濤以下魏舒以上時人謂湛上方山濤不足下比魏舒有餘湛聞曰欲處我於季孟之間乎湛歷秦王文學太子洗馬尚書郎太子中庶子出爲汝南內史卒年四十七子承嗣

山西通志卷一百十七

鄉賢錄二

王

王承字安期清虛寡欲無所修尚言理辯物但明其指要而不飾文辭有識者服其約而能通弱冠知名太尉王衍以比南陽樂廣永南初爲驃騎參軍避難南下遷司空從事中郎豫迎駕賜爵藍田縣侯遷尚書郎不就東海王越引爲記室參軍救其子暉曰夫學之所益者淺體之所安者深閑習禮度不如式瞻儀形諷味遺言不若親承音旨王參軍人倫之表汝其師之在府數年以母老求出越不許久之遷東海太守政尚清淨不爲細察小吏盜池中魚網紀推之承曰文王之圃與衆共之池魚何足惜耶吏拘犯夜者承問之答曰從師受書不覺日暮承曰鞭撻甯越以立威名非政化之本使吏送歸其從容寬恕若此尋去官東渡江每遇艱險處之夷然雖家人不見其憂喜之色至下邳登山北望嘆曰人言愁我始欲愁矣至建業爲鎮東府從事中郎甚見優禮承少有重譽而接物宏恕衆咸親愛渡江名臣王導衛玠周顛庾亮之徒皆出其下爲中興第一卒年四十六卒朝野痛惜之自昶至承世有高名論者以爲祖不及孫孫不及父子述嗣述字懷祖少孤事母以孝聞襲父爵仕至征虜將軍都督揚州徐州諸軍事并冀幽平四州大中正刺史尋遷散騎常侍尚書令簡文帝每言述直以眞率少許便足對人多多許謝安亦



歎美之初述試宛陵令頗受遺贈王導使諷答曰足以自當  
後屢居州郡清潔絕倫祿賜皆散之親故但性急為累既躋  
重位每以柔克為用謝奕嘗極言闕述述無所應面壁而已  
人以此稱之太和二年卒年六十六追贈侍中驃騎將軍開  
府謚曰簡子坦之禕之坦之字文度弱冠有重名時人語曰  
江東獨步王文度仕至都督徐兗青三州諸軍事北中郎將  
徐兗二州刺史卒贈安北將軍謚曰獻禕之字文邵少知名  
尚尋陽公主厯中書侍郎年未三十卒贈散騎常侍坦之四  
子愷愉忱愷字懋仁少踐清階襲爵藍田侯太元末為侍中  
領左衛將軍多所獻替愉字茂和稍遷驃騎司馬加輔國將  
軍國寶亂政見殺忱字元達弱冠知名流譽一時厯驃騎長  
史愉子綏字彥猷少有美稱厚自矜邁為冠軍將俄拜荊州

山西通志卷一百一十七 鄉賢錄二

州刺史坐罪死自昶父漢雁門太守澤已有名稱忱又秀出  
綏亦著稱八葉繼軌軒冕莫與為比焉

王嶠字開山太原晉陽人祖默魏尚書父佑以才智稱武帝  
時厯官北軍中候佑少有風尚并司交辟不就永嘉末攜二  
弟渡江元帝教曰王佑三息始至名德之冑竝有操行宜蒙  
飾敘且可給錢三十萬帛三百匹米五十斛親兵二十人尋  
以嶠參世子東中郎軍事不就徵著作郎南陽王保辟皆不  
行元帝作相為水曹屬除長山令遷太子中舍人不拜王敦  
請為參軍爵九原縣公敦在石頭欲禁私伐蔡州荻嶠獨曰  
中原有菽庶民採之百姓不足君孰與足若禁人樵伐未知  
其可敦不悅敦將殺周顛戴若思嶠於坐諫曰濟濟多士文  
王以甯安可戮諸名士以自全生敦欲斬嶠賴謝鯤以免出

為領軍長史敦平除中書侍郎兼大著作固辭轉越騎校尉  
頻遷吏部御史中丞祕書監領本州大中正咸和初朝議欲  
以嶠為丹陽尹嶠求補廬陵郡乃拜廬陵太守以嶠家貧無  
以上道賜布百匹錢十萬尋卒官謚曰穆子淡嗣厯右衛將  
軍侍中中護軍尚書廣州刺史從子濛

王濛字仲祖哀靖皇后父也祖佑北軍中候父訥新淦令少  
放縱不羈晚節克己勵行有風流美譽事諸母甚謹奉祿資  
產常推厚居薄喜樹不形於色善隸書美姿容與沛國劉惔  
齊名友善惔常稱濛性至通而自然有節濛每云劉君知我  
勝我自知時人以快方荀奉倩濛比袁暉卿凡稱風流者舉  
濛濛為宗焉司徒王導辟為掾出補長山令復為司徒左西  
屬濛以應受杖固辭詔停罰猶不就徙中書郎簡文為會稽

山西通志卷一百一十七 鄉賢錄二

王常與孫綽商略人士曰劉惔清蔚簡令王濛溫潤恬和桓  
溫高爽邁出謝尚清易令達而濛性和暢能言理辭簡而有  
會簡文輔政益貴幸之與劉惔號為入室之賓轉司徒左長  
史疾漸篤於燈下轉塵尾視之歎曰如此人曾不得四十也  
年三十九卒臨殯劉惔以屣把塵尾置棺中因慟絕久之謝  
安亦嘗稱濛云王長史語甚不多可謂有令音二子修蘊蘊  
字叔仁孝武皇后之父也起家著作郎補吳興太守甚有德  
政屬郡荒人飢輒開倉振恤以違科免士庶詣闕訟之詔特  
左降晉陵太守復有惠化百姓歌之定后立遷光祿大夫封  
建昌縣侯太元九年卒子恭嗣恭字孝伯少有美譽清操過  
人太元中為丹陽尹遷中書令孝武帝以恭后兄深相欽重  
及會稽王道子執政恭每正色直言後以表討王愉等不克



遇害贈侍中太保諡忠簡

溫羨字長卿太原祁人漢護羌校尉序之後也祖恢魏揚州刺史父恭濟南太守兄弟六人竝知名號六龍羨少以明悟見稱齊王攸辟為掾遷尚書郎惠帝初拜豫州刺史入為散騎常侍累遷尚書齊王冏輔政以羨攸之故更意特親之轉吏部尚書冏議復張華官爵論者或以為非羨駁曰式乾之會張華獨諫上卒不和不能承風贊善望其指麾從命不亦難乎况內難不預禮非所任今以華不能廢后與趙盾同貶責之於義不經通也華竟得追復爵位後從討成都王穎有勳封大陵縣公邑千八百戶出為冀州刺史加後將軍范陽王虓敗於許昌自領冀州牧羨乃避之惠帝幸長安以羨為中書令不就還洛陽徵為中書監加散騎常侍永嘉初遷左

山西通志卷一百一十七

鄉賢錄二

三

光祿大夫開府領司徒論者僉謂為速卒贈司徒諡曰元三子祇允裕祇字敬齊太傅西曹掾允字敬威太子舍人裕字敬嗣尚武安長公主官左光祿大夫

溫嶠字太真司徒羨弟之子也父愴河東太守嶠性聰敏有識量博學能屬文少以孝悌稱風儀秀整善談論年十七州郡辟召皆不就司隸命為都官從事散騎常侍庚敷頗聚斂嶠舉奏之後舉秀才灼然司徒辟東閣祭酒補上黨潞令并州刺史劉琨深禮之請為參軍遷大將軍從事中郎上黨太守加建威將軍督護前鋒軍事將兵討石勒屢有戰功又遷司空右司馬常為謀主琨深憑恃焉元帝初鎮江左琨以嶠為左長史徵告華夷奉表勸進嶠既至引見具陳琨忠誠志在效節因說天人係望意辭旨慷慨舉朝屬目上器而嘉焉

王導周顛謝鯨庾亮桓彝等竝與親善時江左草創綱維未舉嶠殊以為憂及見王導共談歎然曰江左自有管夷吾吾復何慮屢求還不許會現為段匹磾所害嶠表現忠誠雖勳業不達然家破身亡宜褒崇以慰海內望上然之除散騎侍郎聞母亡阻亂不獲歸葬固讓不拜苦請北歸詔三司八坐議其事皆曰昔伍員志復私讐先東奔閭閻位為上將然後

鞭荆王之尸若嶠以母未葬乃應竭其智謀使寇敵冰消反哀慕次豈可稍以乖嫌廢其遠圖哉嶠不得已乃受命後歷驃騎王導長史遷太子中庶子東宮與為布衣交數陳規諷又獻侍臣箴甚有宏益時太子起西池樓觀嶠疏言朝廷草創巨寇未滅宜儉以率下務農重兵納之王敦舉兵太子將自出戰嶠執鞬諫曰萬乘儲副豈可以身輕天下乃止明帝

山西通志卷一百一十七

鄉賢錄二

三

初拜侍中參綜機密詔命文翰亦預焉俄轉中書令上親倚之甚為王敦所忌因請為左司馬敦阻兵不朝多行陵縱嶠諫不納嶠知其終不悟於是謬為設敬綜其府事干說密謀深結錢鳳每曰錢世儀精神滿腹鳳聞而悅之深結好於嶠會丹陽尹缺嶠說敦曰京尹輦轂喉舌宜得文武兼能公宜自選敦然之問嶠誰可作者嶠曰愚謂錢鳳可用鳳亦推嶠嶠偽辭之敦不從表補丹陽尹嶠猶懼錢鳳竊謀因敦餞別嶠起行酒至鳳前鳳未及飲遂偽醉以手版擊鳳幘墜作色曰錢鳳何人溫太真行酒而敢不飲敦以為醉兩釋之臨去言別涕泗橫流出國復入如是再三然後即路及發後鳳言嶠未必可信敦曰太真昨醉小加聲色豈得以此便相護貳由是鳳謀不行而嶠得還都乃具奏敦逆謀請先為備及敦



構逆加嶠中嶽將軍持節都督東安北部諸軍事敦與王導  
書曰太真別來幾日作如此事表諸姦臣以嶠為首募生得  
嶠者當自拔其舌及王含錢鳳奄至嶠燒朱雀桁以挫其鋒  
賊不得渡嶠與賊夾水戰擊王含敗之復督劉遐追錢鳳於  
江甯事平封建甯縣開國公賜絹五千四百匹進號前將軍  
嶠奏軍國要務七事多納之尋與王導鄧鑒庾亮陸繹卞壺  
等同受顧命時歷陽太守蘇峻藏匿亡命朝廷疑之使嶠為  
上流形援咸和初鎮武昌甚有惠政甄異行能親祭徐孺子  
墓聞蘇峻被徵求還朝以備不虞不聽未幾峻果反嶠屯潯  
陽遣督護王愨期西陽太守鄧嶽鄒陽內史紀瞻等率舟師  
赴難及建康傾覆嶠聞之號慟來候者悲哭相對俄而庾亮  
來奔宣太后詔進嶠驃騎將軍開府儀同三司嶠曰未效勳

山西通志卷一百十七

鄉賢錄二

三

庸而先受榮寵何以示天下固辭不受分兵給亮遣王愨期  
等要陶侃赴難侃恨不受顧命不許嶠用其部將毛寶說復  
固請侃行遣王愨期奉侃為盟主侃乃許之率所統同下戎  
卒六萬旌旗七百餘里鉦鼓聲震百里直指石頭次蔡州侃  
屯查浦嶠屯沙門浦時祖約據歷陽與峻為首尾見嶠等兵  
盛謂其黨曰吾本知嶠能為四公子之事今果然矣峻逼船  
幸石頭軍多馬南軍仗舟楫不敢輕與交鋒嶠於四望磯築  
壘以逼賊曰賊必爭之設伏以逸待勞制賊一奇也而義軍  
屢戰失利嶠軍又食盡陶侃怒曰使君前云不憂無將士惟  
得老僕為主耳今數戰皆北良將安在荊州接胡蜀倉廩當  
備不虞若復無食僕便欲西歸更思良算嶠曰不然自古成  
監師克在和光武之濟昆陽曹公之拔官渡以寡敵眾仗義

故也今日之舉決在一戰峻勇而無謀藉驕勝之勢自謂無  
前今挑之戰一鼓可擒也奈何舍垂立之功設進退之計且  
嶠與公竝受國恩是致命之日事若克濟則主臣同祥如其  
不捷身雖灰滅不足以謝責今之事勢義無旋踵騎猛虎安  
可中下哉公若違眾獨返人心必沮沮眾敗事義旗將迴指  
於公矣侃無以對遂留不去嶠於是創建行廟廣設壇場告  
皇天后土祖宗之靈親讀祝文聲氣激揚涕覆面三軍莫  
能仰視其日侃督水軍向石頭亮嶠等率精勇一萬從白石  
挑戰時峻將士因醉突陣馬蹶為侃將所斬峻弟逸及子  
碩嬰城自固嶠乃立行臺布告故吏令赴臺至者雲集遂破  
賊石頭軍奮威長史滕舍抱上奔於嶠船時陶侃雖為盟主  
而處分規略一出於嶠及賊滅拜驃騎將軍開府儀同三司

山西通志卷一百十七

鄉賢錄二

三

加散騎常侍封始安郡公邑三千戶朝議將留輔政嶠以導  
明帝所任固辭還藩復以建康殘匱乃藉資蓄具器用而後  
旋於武昌至鎮未旬卒年四十二江州士庶莫不相顧而泣  
冊書贈侍中大將軍持節都督刺史公如故賜錢百萬布千  
匹謚曰忠武祠以太牢子放之嗣爵官給事黃門侍郎以貧  
求為交州許之既至南海甚有威惠將征林邑交阻太守杜  
寶別駕阮玘不從放之以其阻眾誅之勒兵進遂破林邑而  
還卒於官弟式之新建縣侯散騎常侍以上太  
原府  
鄧平陽襄陵人亮直強正鍾會伐蜀奇其才自涇池令召  
為主簿賈充伐吳請為長史後授皇太子詩為淮南太守遷  
汝陰後為中庶子卒  
李矩字世迴平陽人兒時聚戲便為其率計畫指授及長為



吏征西將軍梁王彤以為牙門伐氏齊萬年有殊功封東陽亭侯遷為本郡督護謝病去屬劉元海攻平陽矩素為鄉人所愛乃推為塢主東屯榮陽後移新鄭矩勇毅多權略志在立功東海王越以為汝陰太守永嘉初修洛陽千金塢以利運漕討賊帥侯都等滅之營護太尉荀藩衛將軍華萇各厚給矩及藩承制假矩榮陽太守矩招懷離散遠近多附石勒襲矩令散牛馬設伏以待之賊爭取牛馬伏發齊呼聲動山谷遂大破之斬獲甚眾藩表加冠軍將軍車轡蓋進封陽武縣侯領河東平陽太守盡心撫恤百姓賴焉劉現所假河內太守郭默率其屬來歸後劉聰遣從弟暢步騎三萬攻矩屯韓王故壘相去七里矩潛匿精勇見其老弱暢不以為虞大饗渠帥人皆醉飽矩謀夜襲之令郭誦禱鄭子產祠巫

山西通志卷一百十七

鄉賢錄一

元

揚言東里有教當遣神兵相助將士聞之皆踴躍爭進乃使誦及督護楊璋等選勇敢千人夜襲暢營獲鎧馬甚多斬首數千級暢僅以身免郭默弟芝來援分軍為三道夜追賊復大獲而旋聰將趙固鎮洛陽率騎一千來降矩遣令守洛後數月劉粲率劉雅生等步騎十萬屯孟津北岸分遣雅生攻趙固於洛矩遣郭誦屯洛口以救之誦使將張皮夜渡河十道俱攻粲眾驚擾苦戰二十餘日矩使壯士三千泛舟迎皮突圍而出上嘉其功除都督河南三郡軍事安西將軍榮陽太守封修武縣侯元帝初以為都督司州諸軍事司州刺史改封平陽縣侯將軍如故洛陽百姓相率歸矩於是洛中遂空後勅遣其將石良率精兵五千襲矩逆擊不利郭誦弟元復為賊所執賊遣元以書說矩曰去年東平曹疑西賓猶

盧矩如牛角何不歸命石勒將屯洛陽大掠河南矩獸大饑獸後自密而奔矩待其妻子如初矩所統將士有陰欲歸勸者矩知之而不能討後率眾南走將歸朝廷眾皆道亡唯郭誦及參軍郭方功曹張景主簿荀遠將軍壽綽江霸梁志司馬尚李宏李瓌段秀等百餘人棄家送矩至於魯陽縣矩墜馬卒葬襄陽之峴山

賈模字思範襄陵人充從子沈深有智算涉獵載籍深為充所信愛每事籌之起家邵陵令歷事二宮尚書吏部郎公事免起為車騎司馬豫誅楊駿封平陽鄉侯邑千戶拜散騎常侍二日擢侍中模盡心匡弼推張華裴頠同心輔政數年中朝野甯靜模之力也加光祿大夫模潛執權勢外形欲遠之每盡言於后多不能從憂憤卒追贈車騎將軍開府儀同三

山西通志卷一百十七

鄉賢錄二

三

司謚成子遊字彥將嗣歷太子侍講員外散騎侍郎鄧攸字伯道平陽襄陵人殷孫七歲喪父尋喪母及祖母居喪九年以孝稱殷有賜官勅攸受之後太守勸攸去王官欲舉為孝廉攸曰先人所賜不可改也嘗詣鎮軍賈混混示攸訟事攸不視曰孔子稱聽訟吾猶人也必也使無訟乎混奇之以女妻焉舉灼然二器為吳王文學歷太子洗馬東海王越參軍越欽其為人轉世子文學吏部郎越弟騰為東海中郎將請為長史出為河東太守永嘉末沒石勒勒將殺之門幹識攸攸求紙筆作辭幹候勒和悅致之勒重其辭乃不殺勒長史張賓稱攸於勒以為參軍攸與故胡郡太守胡深感自燒車誣攸攸對以弟婦散發溫為辭勒赦之既而胡深感自縛詣勒以明攸陰遣攸馬驢及勒過泗水攸乃斫壞車以牛



馬負妻子而逃遇賊掠牛馬步擔兒及弟子殺度不能兩全  
謂妻曰吾弟早亡唯有一息理不可絕止應自棄我兒耳幸  
而得存我後當有子妻泣從攸乃棄之其子朝棄而暮及明  
日攸繫於樹而去至新鄭投李矩荀組以為陳郡汝南太守  
愍帝徵尚書左丞長水校尉皆不果就攸與刁協周顛素厚  
遂至江東為太子中庶子時吳郡闕守人多欲之上授攸攸  
載米之郡俸祿無所受唯飲吳水而已郡大饑攸表振貸未  
報輒請官臺使劾擯出原之攸刑政清明百姓歡悅為中興  
良守後稱疾去職郡有送迎錢數百萬攸不受一錢百姓數  
千人牽船乃小停夜中發去百姓詣臺乞留一歲不聽拜侍  
中歲餘轉吏部尚書疏食敝衣周急振乏性謙和賓無貴賤  
待之若一永昌中代周顛為護軍將軍太甯二年遷會稽太

山西通志卷一百一十七

鄉賢錄一

三

守轉太常坐事免攸每有進退無喜愠之色久之遷尚書右  
僕射咸和元年卒贈光祿大夫加金章紫綬祠以少牢攸妻  
不復孕過江納妾乃甥族感恨遂不復畜妾卒無嗣時人義  
而哀之為之語曰天道無知使鄧伯道無兒殺服攸喪三年  
以上平

王接字祖游河東猗氏人漢京兆尹尊十世孫父蔚世修儒  
史之學嘗善曹義至公論而著至機論辭義甚美官至夏陽  
侯相接幼喪父哀毀過禮鄉親皆歎曰王氏有子哉渤海劉  
原為河東太守以旌才為務同郡馮收薦接於原原即禮命  
接不受原乃呼見曰君欲慕肥遯耶對曰接薄祜少孤無兄  
弟母老疾篤故無心為吏及母終柴毀骨立居墓次積年備  
覽眾書多出異義性簡率不修俗操鄉里大族多不悅唯裴

頴雅知焉平陽太守柳潛散騎侍郎裴遐尚書僕射鄧攸皆  
與友善後為郡主簿迎太守温宇宇奇之轉功曹史州辟部  
平陽從事時泰山羊亮為平陽太守薦於司隸校尉王堪出  
補都官從事承甯初舉秀才友人榮陽潘滔遺接書曰攀處  
下元仁並謂足下應和鼎味可無以應秀才行接報書曰接  
非榮斯行欲極陳所見冀有覺悟耳是歲三王義舉惠帝復  
祚以國有大慶天下秀才皆不試接以為恨除中郎補征虜  
將軍司馬蕩陰之役侍中嵇紹遇害接議曰紹守職以禦不  
道可謂臣矣又可稱痛矣今山東方欲大舉宜明高節加紹  
致命之賞從之轉臨汾公相國王堪為尚書令請補尚書殿  
中郎未至卒年三十九接學雖博通特精禮傳嘗謂左氏辭  
義贍富自是一家書不主為經發公羊附經立傳經所不書

山西通志卷一百一十七

鄉賢錄二

三

傳不妄起於文為儉通經為長任城何休訓釋甚詳而黜周  
王魯大體乖核且志通公羊而往往還為公羊疾病乃更注  
公羊春秋多有新義時著作郎東晉東萊太守陳留王庭堅  
論難及家書散騎侍郎潘滔謂接曰卿才學理議足解二子  
之紛可試論之接遂詳其得失擊虞謝衡咸以為允當又撰  
列女後傳七十二人雜論詩賦碑頌駁難十餘萬言  
王愆期接子流寓江南緣父志更注公羊集列女後傳官督  
護蘇峻之亂温嶠遣詣荆州要陶侃同赴國難侃雖許而未  
發愆期因謂侃曰峻豺狼也如得遂志公甯有容足之地乎  
侃感悟即戎服登舟晝夜兼進後愆期為右司馬侃卒遺表  
以後事付焉  
薛與汾陰人尚書右僕射冀州刺史安邑公卒諡莊子濟襲



爵位梁州刺史卒諡忠惠皆以義烈著聞其宗族三千餘家

永嘉之亂聚族阻河自保不仕劉石苻氏以上蒲州府

孫盛字安國太原中都人祖楚馮翊太守父恂潁川太守恂

遇賊被害盛年十歲避難渡江及長博學善言名理時殷浩

擅名一時與抗論者惟盛而已盛嘗詣浩談論對食奮擲塵

尾毛悉落飯中食冷而復暖者數四至暮忘餐理竟不定盛

又著醫卜及易象浩等竟無以難由是知名起家佐著作郎

出補瀏陽令太守陶侃請為參軍庾亮又引為征西主簿轉

參軍時王導執政亮以元舅居外南蠻校尉陶稱譏構其間

亮與王導頗懷疑貳盛密諫亮曰王公神情朗達常有世外

之懷豈可為凡人事邪此必佞邪之徒欲間內外耳亮納之

庾翼又引為安西諮議參軍尋遷廷尉正桓溫仍留為參軍

與俱伐蜀軍次彭模溫以輕兵入蜀盛領羸老輜重在後賊

數千忽至眾皆違違盛部分諸將并力拒之應時敗走蜀平

賜爵安懷侯累遷溫從事中郎從入關平洛以功進封吳昌

縣侯出補長沙太守累遷祕書監加給事中年七十二卒盛

篤學不倦自少至老手不釋卷著魏氏春秋晉陽秋并造詩

賦論難數十篇子放字齊莊幼稱令慧終長沙相汾州府

李憲字季和上黨銅鞮人父佐漢大鴻臚憲少有高行博學

研精與北海管甯以賢良徵不行累辟三府不就司馬宣王

辟為太傅屬固辭疾郡縣扶輿上道時母疾篤乃竊踰沘氏

城而徒還遂遭喪論者嘉其志節後為并州別駕驍騎將軍

秦助過并州州將畢軌令乘車至閣憲固諫以為不可軌不

得已從之景王命為大將軍從事中郎憲到引見曰昔先公

辟君而君不應今孤命君而君至何也對曰先君以禮見待

憲得以禮進退明公以法見繩憲畏法而至景王甚重之轉

司馬尋拜右長史從攻毘邱倫還遷御史中丞當官正色不

憚強禦百寮震肅薦樂安孫璞時稱知人尋遷大司馬公事

免司馬伯鎮鄴為軍司頃之除涼州刺史加揚威將軍假節

領護羌校尉殺御華夷甚有聲績羌犯塞憲因其隙會不及

啟聞輒以便宜出軍深入遂大克獲以功重免譴時人比漢

馬甘還拜冀州刺史累遷司隸校尉晉初行司徒事封祁侯

憲上言故立進令劉友前尚書山濤中山王睦故尚書僕射

武陔各占官三更稻田請免濤睦等官陔貶諡詔考竟友濤

等勿問而深嘉憲曰易稱王臣蹇蹇匪躬之故今憲亢志在

公當官而行可謂邦之司直矣光武有云貴戚且斂手以避

二鮑豈其然乎憲為二代司隸朝野稱之公事免其年為太

子太傅并攝眾事訓道盡規遷尚書僕射拜特進光祿大夫

以老遜位詔假金紫置官騎十人賜錢五十萬祿賜班禮一

如三司門施行馬初憲為僕射時涼州虜寇邊憲倡義遣軍

討之朝議不從後虜果大縱逸涼州覆沒朝廷深悔焉以憲

清素貧儉賜絹百匹及齊王攸出鎮憲上疏諫爭辭甚懇切

憲清非異眾而家無儲積親舊故人分衣共食未嘗私以王

官及卒追贈太保諡曰成子贊嗣少子儉字仲約歷左積弩

將軍屯騎校尉儉子宏字世彥少有清節永嘉末歷給事黃

門侍郎散騎常侍州

張宣子新興人識達士也同郡劉殷至孝勸殷就徵殷曰竭

盡臣禮便不得就養宣子曰如子所言豈庸人所識哉而今

山西通志卷一百一十七 鄉賢錄二



而後吾子當為吾師矣宣子故并州豪族家富於財將以女妻殷其妻怒曰我女年始十四姿談如此何慮不得為公侯妃而遽以妻劉殷乎宣子曰非爾及也誠其女曰劉殷至孝兼才識超世此人終當遠達為世名公汝其謹事之殷後為晉新興太守錄尚書事時稱宣子知人

秦秀字元良新興雲中人父則魏驍騎將軍秀少敦學行以忠直知名咸甯中為博士何曾卒下禮官議諡法秀議名與實爽曰謬怙亂肆行曰醜會之行已與此同宜諡謬醜公時雖不同秀議而聞者懼焉秀性忌讒佞疾之如讐素輕鄙賈充及伐吳聞其為大都督謂所親曰充文案小才乃居伐國大任吾將哭以送師或止秀曰此不赦之罪乃止及孫皓降於王濬充未知之力以吳未可平抗表請班師與濬告捷表

山西通志卷一百一十七 鄉賢錄二 三

同至朝野以充位居人上智出人下僉以秀為知言及充卒秀議充舍宗族弗授而以異姓為後諡法昏亂紀度曰荒請諡荒公不從王濬平吳而為王渾請毀帝雖不從無明賞罰以濬為輔國大將軍秀上言輔國之號率以舊恩此為王濬無功之時受九列之顯位有功之後更得寵人之尊號也後與劉暉等同議齊王攸事除名尋復起為博士秀性倜儻與物多忤為博士前後垂二十年卒於官州衛瓘字伯玉河東安邑人魏尚書頭子年十歲喪父至孝過人性真靜有名理學問深博明習文藝變爵閭鄉侯弱冠為尚書郎請徙通事郎轉中書郎優游其間無所親疎甚為傳嘏所重謂之甯武子在位十年以任職稱累遷散騎常侍陳留王初拜侍中持節慰勞河北增邑戶轉廷尉劉暉明法理

每至聽訟小大以情鄧艾鍾會之伐蜀以本官持節監軍事行鎮西軍司給兵千人蜀平艾承制封拜瓘奏其狀詔檻車徵艾夜至成都平旦乘使者車徑入成都殿前艾臥未起父子俱被執作檄文告諸軍共攻會殺之瓘部分諸將羣情肅然鄧艾將士復追破檻車出艾瓘遣護軍田續至絳竹夜襲殺艾父子於三造亭朝議封瓘固讓不受陳使持節都督關中諸軍事鎮西將軍尋遷都督徐州諸軍事鎮東將軍增封舊陽侯以餘爵封弟寶開陽亭侯泰始初轉征東將軍進爵公都督青州諸軍事青州刺史所在皆有政績除征北大將軍都督幽州諸軍事幽州刺史護烏桓校尉至鎮表立平州後兼督之離間務桓力微遂致隙隙務桓降力微以憂死朝廷嘉其功賜一子密亭侯而瓘六男無爵初欲封弟會卒遠

山西通志卷一百一十七 鄉賢錄二 美

近稱之咸甯初徵拜尚書令加侍中性嚴整以法御下視尚書若參佐尚書郎若掾屬太康初遷司空侍中令如故為政清簡甚得朝野聲譽勅子宣尚繁昌公主抗表固辭不許又領太子少傅加千兵百騎鼓吹之府瓘以魏立九品是權時之制非經通之道宜復古鄉舉里選請擬古制以上斷定自公卿下皆以所居為正盡除中正九品使舉善進才各由鄉論上善之而卒不能改惠帝為太子朝臣咸謂鈍質不能親政事瓘每欲陳啟而未敢發後會宴凌雲臺瓘託醉因跪上牀前曰臣欲有所啟上曰公所言何耶瓘欲言而止者三因以手撫牀曰此座可惜上意乃悟因謬曰公真大醉耶賈氏由是怨瓘楊駿素與瓘不平與黃門等毀宣奪公主瓘遜位詔進位太保以公就第給親兵百人置長史司馬從事中郎



擇屬及大車官騎磨蓋鼓吹諸威儀一如舊典給廚田十頃  
園五十畝錢百萬絹五百匹并牀帳簾褥惠帝初復璫干兵  
及楊駿誅以璫錄尚書事加錄綬授劍履上殿入朝不趨給  
騎司馬與汝南王亮共輔朝政亮奏遣諸王還藩璫贊其事  
楚王瑋由是憾焉賈氏聞璫與瑋有隙作手詔使瑋免璫等  
官瑋夜使清河王遐收璫璫故帳下督榮晦嘗有罪璫遣斥  
之及難作晦隨兵故子孫同被害年七十二于恆黃門郎恆  
二子璩璿時就醫得免太保主簿劉繇等冒難收葬之璩誅  
繇等執黃繡登聞鼓請族誅晦詔從之追璩伐蜀勳封蘭  
陵郡公增邑三千戶諡曰成贈假黃鉞

山西通志卷一百一十七

鄉賢錄二

三

宣氏嘗使進饌於客見者皆起宣氏後遂止時人語曰後進  
領裏有裴秀度遠將軍母邱儉嘗薦秀於大將軍曹爽爽乃  
辟為掾襲父爵清陽亭侯遷黃門侍郎以爽故吏免尋為廷  
尉正歷文帝安東及衛將軍司馬軍國之政多見信納遷散  
騎常侍伐諸葛誕以行臺豫參謀略誕平轉尚書進封魯陽  
鄉侯增邑千戶當道鄉公立以豫議進縣侯增邑七百戶遷  
尚書僕射咸熙初釐革憲司命秀改官制秀議五等之爵自  
騎督以上六百餘人皆封於是秀封濟川侯地方六十里邑  
千四百戶以高苑縣濟川墟為侯國嘗言於文帝曰中撫軍  
人望既茂天表殊特由是世子乃定武帝嗣王拜尚書令右  
光祿大夫封鉅鹿郡公邑三千戶詔以為司空秀儒學洽聞  
且留心政事其所裁當無違者又以禹貢山川地名久遠變

易後世或強牽引漸以暗昧於是甄摘舊文疑者則闕古有  
名而今無者皆隨事注列作禹貢地域圖十八篇奏之藏於  
祕府泰始七年卒年四十八賜祕器朝服一具衣一襲錢三  
十萬布百匹諡曰元初秀以尚書三十六曹統事準例不明  
宜使諸卿任職未及奏而卒其友人料書記得表草言平吳  
之事封以上聞詔報曰司空薨痛悼不能去心又得表草雖  
在危困不忘王室盡忠憂國省益傷切輒當與諸賢共論也  
咸甯初配享廟庭二子潛願潛嗣位散騎常侍早卒潛庶子  
潛別封高陽亭侯

山西通志卷一百一十七

鄉賢錄二

三

子遷散騎常侍惠帝初轉國子祭酒兼右軍將軍初願兄子  
憬為白衣願論述世勳賜爵高陽亭侯楊駿將誅其黨左軍  
將軍劉豫遇願問太傅所在願給之遂委而去尋詔代豫領  
左軍將軍屯萬春門及駿誅以功當封武昌侯願請封憬不  
聽累遷侍中奏修國學刻石寫經皇太子既講釋奠祀孔子  
飲饗射侯甚有儀序願通博多聞兼明醫術又上言宜改諸  
度量若未能悉革可先收太醫權衡不能用樂廣嘗與願清  
言欲以理服之而願辭論豐博廣笑而不言時人謂願為言  
談之林數遷尚書侍中如故加光祿大夫每授一職未嘗不  
殷勤固讓願與司空張華侍中賈模議廢賈氏華模不同謀  
遂寢願乃旦夕勸說從母廣城君令戒諭賈氏親待東宮而  
已遷尚書左僕射侍中如故俄復使專任門下事固讓不聽



頽上言賈模適亡復以臣代崇外戚之望彰偏私之舉后族何常有能自保皆知重親無脫者也然漢二十四帝惟孝文光武明帝不重外戚皆保其宗豈將獨賢實以安理故也昔穆叔不拜越禮之饗臣亦不敢聞殊常之詔又表云咎繇謨虞伊尹相商呂望翊周蕭張佐漢咸播功化光格四極暨於繼體咎單傳說祖已樊仲亦隆中興或明揚側陋或起自庶族豈非尚德之舉以臻斯美哉歷觀近世不能慕遠溺於近情昔疏廣戒太子以舅氏為官屬前世以為知禮況朝廷何取於外戚正復才均尚當先其疎者以明至公漢世不用馮野王即其事也表上皆優詔敦譬慰懷廢頽與張華苦爭不從頽深思時俗放蕩不尊於術何晏阮籍素有高名口談淨虛不遵禮法至王衍之徒聲譽大盛位高勢重不以物務自

山西通志卷一百一十七 鄉賢錄二 无

嬰遂相放效風教陵替乃著崇有之論以釋其蔽王衍等攻難交至並莫能屈又著辯才論古今精義皆辨識焉未成而遇禍初趙王倫誚事賈氏頽甚惡之倫數求官願與張華復固執不許倫欲先除朝望因廢賈氏遂遇害年三十四二子嵩該徙帶方倫誅追復本官改葬以卿禮諡曰成崗嗣爵為中書黃門侍郎荀綽稱其有父祖風該出後從伯璣為散騎常侍並為乞活賊陳午所害  
裴楷字叔則微子明悟有識量尤精老易弱冠與王戎齊名鍾會薦於文帝辟相國掾遷尚書郎賈充改定律令以楷為定科郎武帝為撫軍以楷為參軍事吏部郎闕鍾會曰裴楷清通王戎簡要皆其選也遂為吏部郎楷風神高邁博涉羣書時人謂之玉人又稱見裴叔則如近玉山照映人也轉中

書郎出入宮省見者肅然改容武帝探策以下世數而得一楷從容進曰臣聞天得一以清地得一以甯王侯得一以為天下貞上大悅羣臣皆稱萬歲俄拜散騎侍郎累遷散騎常侍河內太守入為屯騎校尉右軍將軍轉侍中楷不交石崇長水校尉孫季舒與崇酣燕慢做過度崇欲表免之楷曰足下飲人狂藥責人正禮不亦乖乎崇乃止性寬厚嘗取貴要珍玩宿昔便以施窮乏營別宅從兄衍悅之即以與衍歲請梁趙二國租錢百萬以散親族人或譏之楷曰損有餘以補不足天之道也其行已在率皆此類與山濤和嶠並以盛德居位上嘗問天下風聲何得何失楷對曰今四海承風所以未比德於唐虞者但以賈充之徒尚在朝耳乃出充為關中都督上廷公卿與論正道楷陳三五之風次敘漢魏盛衰之

山西通志卷一百一十七 鄉賢錄二 罕

迹上稱善坐者歎服楷子瑱娶楊駿女而楷素與駿不平駿轉楷為衛尉遷太子少師優游無事默如也及駿誅眾人為震恐楷容色不變舉動自若侍中傅祇救護止去官太保衛璉太宰亮稱楷正直不阿附乃封臨海侯食邑二千戶代楚王瑋為北軍中候加散騎常侍楷不敢拜轉尚書楷長子輿先娶亮女女適衛璉子楷因求出外鎮除安南將軍假節都督荆州諸軍事垂當發而璉果害璉楷單車入城匿妻父王渾家得免瑋誅為中書令加侍中與張華王戎並管機要楷不樂處勢王渾請轉為光祿勳不聽就加光祿大夫開府儀同三司及疾詔遣黃門郎王衍省之楷回眸囑曰竟未相識衍深歎其神偶楷有知人鑒初在河南樂廣僑居郡界未知名楷見而奇之致於宰府嘗目夏侯元云肅肅如入宗廟



中但見禮樂器鍾會如觀武庫森森但見矛戟在前傅嘏汪翔靡所不見山濤若登高臨下幽然深遠卒年五十五謚曰元五子與瑱憲禮遜與字祖明襲爵為散騎侍郎卒謚簡楷長兄黎次兄康並知名康子盾承嘉末徐州刺史為趙固所害楷弟綽字季舒器宇宏曠綽子遐善言元理音辭清暢初裴王二族盛於魏晉時人以聞喜入裴方瑯邪八王云裴瑒楷次子字國寶為中書郎風神高邁見者皆敬之王綏每從瑒游綏父戎曰國寶初不來汝數往何也對曰國寶初不知綏綏自知國寶楊駿誅為亂兵所害

裴邵字道期康子元帝為安東將軍以邵為長史王導為司馬二人相與深交徵太子中庶子復轉散騎常侍使持節都督揚州江西淮北諸軍事東中郎將隨越出項卒於軍及王

山西通志卷一百一十七

鄉賢錄二

聖

導拜司空歎曰裴道期劉王喬在吾不得獨登此位導子仲豫與康同字導思舊好乃改為敬豫

郭瑗河東聞喜人為尚書都令史時尚書杜預有所增損瑗多駁正之以公方稱著終建平太守

郭璞字景純瑗子也少好經術博學有高才而訥於辨論詞賦為中興之冠尤好古文奇字妙於陰陽算歷惠懷之際河東先擾璞筮之投策而歎曰嗟乎黔黎將溷於異類桑梓其窮為荒乎於是潛結姻昵避地東南入洛抵將軍趙固固奇之厚加資給行至廬江乃過江宣城太守殷祐引為參軍祐遷石頭督護璞復隨往王導深重之引參軍事時元帝初鎮建業導令璞筮之遇咸之井璞曰東北郡縣有武名者當出鐸以著受命之符西南郡縣有陽名者井當沸其後晉陵

武進縣人於田中得銅鐸五枚歷陽縣中井沸經日乃止及上為晉王又使璞筮遇豫之睽璞曰會稽常出鐸以告成功上有勒銘應在人家井泥中得之繇辭所謂先王以作樂崇德殷薦之上帝者也及太興初會稽剡縣人果於井中得一鐸長七寸二分口徑四寸半上有古文奇書十八字云會稽嶽命餘字時人莫識之璞曰蓋王者之作必有靈符塞天人心之與神物合契然後可以言受命矣觀五鐸啟號於晉陵棧鐘告成於會稽瑞不失類出皆以方豈不偉哉若夫鐸發其響鐘徵其象器以數臻事以實應天人之際不可不察上甚重之璞著江賦其辭甚偉為世所稱後復作南郊賦上見而嘉之以為著作佐郎時陰陽錯繆上疏言宜發哀矜之詔引在予之責蕩除瑕費賜布德優詔報之其後日有黑氣

山西通志卷一百一十七

鄉賢錄二

聖

復上疏言赦不宜數今之宜赦隨時之宜亦聖人所善頃之遷尚書郎數言便宜多所匡益明帝在東宮以才學見重埒於溫嶠庾亮論者美之然性輕易不修威儀嗜酒好色時或過度著作郎干寶嘗誡之曰此非適性之道也璞曰吾所受有本限用之恆恐不得盡卿乃憂酒色為患乎璞既好卜筮播紳多美之又自以高才位下乃著客傲其辭尤美永昌元年皇孫生璞上言宜因國慶大赦天下納之即大赦改元時暨陽人任谷妖詭自云有道術留於禁內復疏言以特遣谷出且曰臣忝荷史任敢忘直筆後谷竟亡走璞以母憂去職未期王敦起為記室參軍時穎川陳述為大將軍操有美名為敦所重未幾卒璞哭之哀甚呼曰嗣祖嗣祖焉知非福人莫喻其意時明帝即位踰年未改號而焚惑守房璞時休歸



上遣使齋手詔問璞會暨陽縣復上言曰赤烏見璞乃上珠  
請改年肆赦王敦謀逆温嶠庾亮使璞筮之璞對不決嶠亮  
復令占已吉凶璞曰大吉嶠等退相謂曰璞對不了是不敢  
有言或天奪敦魄今吾等與國家共舉大事而璞云大吉是  
為舉事必有成也於是勸帝討敦初璞每言殺我者山宗至  
是果有姓崇者搆璞於敦敦將舉兵又使璞筮璞曰無成敦  
固疑璞之勸嶠亮又問卦凶乃問璞曰卿更筮吾壽幾何答  
曰思向卦明公起事必禍不久若往武昌壽不可測敦大怒  
曰卿壽幾何曰命盡今日日中敦怒收璞詣南岡斬之年四  
十九敦平追贈宏農太守璞撰前後筮驗六十餘事名為洞  
林又抄京費諸家要最更撰新林十篇卜韻一篇注釋爾雅  
別為音義圖譜又注三蒼方言穆天子傳山海經及楚辭子

山西通志卷一百一十七

如賢錄二

聖

虛上林賦數十萬言皆傳於世所作詩賦諷頌亦數萬言子  
鵲官臨賀太守

右晉二十九人

晉志人物序太原王氏人各一傳

數世史稱太原人者特推本言之不可無也  
茲略類其世次於始遷加詳餘約其行事或僅著  
名字附見傳中至於對石諸人舊與典午並列於  
義亦乖別次篇末以存其實凡非名德者則皆入  
錄仕實

韋忠字子節平陽人少慷慨好學博通性不虛諾吉凶親表  
贈遺一無所受年十二喪父哀慕毀悴杖而後起司空裴秀  
弔之匍匐號訴哀慟感人秀出告人曰此子長大必為佳器  
命子願造焉服闋廬墓所願造之不見願數言於司空張華  
辟之辭疾不起人問其故忠曰吾茲簞賤士本無宦情且茂  
先華而不實裴願慙而無厭棄典禮而附賈宗豈大丈夫所

宜行邪太守陳楚迫為功曹會山羌破郡楚出走賊射之中  
三創忠冒刃捍泣曰韋忠願以身代亦遭五矢賊曰義士也  
舍之遂負楚以歸後仕劉聰為鎮西大將軍平羌校尉討叛  
羌矢盡不屈節死

王延西河人九歲母喪泣血三年幾至滅性每至忌月則悲  
涕三旬繼母卜氏遇之無道常以蒲鞭及敗麻頭與延貯衣  
其姑聞而問之延知而不言事母彌謹卜氏嘗盛冬思生魚  
叱延不獲杖之流血延尋泔叩凌而哭忽有一魚長五尺躍  
出冰上延取以進母卜氏食之積日不盡于是心悟撫延如  
已生延事親色養夏則扇枕冬則身温被隆冬盛寒體無全  
衣而親極滋味後母終服喪居於墓側非其蠶不衣非其耕  
不食屬天下喪亂隨劉元海遷於平陽農桑之暇訓誘宗族

山西通志卷一百一十七

如賢錄二

聖

侃侃不倦家牛生一犢他人認之延牽而授之其人後自知  
妄認送犢還延叩頭謝罪延仍以與之不復取也年六十方  
仕於劉聰稍遷尚書左丞至金紫光祿大夫新準之亂以延  
為左光祿大夫延大罵不受準遂殺之  
劉殷字長盛新興人高祖陵漢光祿大夫殷七歲喪父哀毀  
過禮服喪三年未曾見齒曾祖母王氏盛冬思墓殷時年九  
歲乃於澤中慟哭曰殷罪孽深重幼丁艱罰王母在堂無旬  
月之養殷為人子而所思無獲皇天后土願垂哀感聲不絕  
者半日忽若有人云止止聲殷收淚視地便有莖生得斛餘  
而歸食之不減至時莖生乃盡又嘗夜夢人曰西籬下有粟  
廩而掘之得粟十五鍾銘曰七年粟百石以賜孝子劉殷自  
是食之七載方盡時人嘉其至性通感競以穀帛遺之弱冠



博通經史綜核羣言文章詩賦靡不該覽性倜儻有濟世志郡命主簿州辟從事皆以供養無主辭司空齊王攸辟為掾征南將軍羊祜召參軍事皆以疾辭同郡張宣子勸殷就徵殷曰當今二公有晉之棟樑也吾方希達如椽椽耳不憑之豈能立乎吾今王母在堂既應他命無容不竭盡臣禮便不得就養于與所以辭齊大夫良以色養無主故耳宣子遂以女妻之張氏性婉順事王母以孝聞奉殷如君父焉及王氏卒殷夫婦毀瘠幾至滅性時殯柩在室而西鄰失火夫婦叩殯號哭火遂越燒東家後有二白鳩巢其庭樹自是名譽彌顯太傅楊駿備禮聘以母老固辭駿表聞勅所在供其衣食獨其徭賦賜帛二百匹穀五百斛孫秀夙重殷名以散騎常侍徵之殷逃奔雁門齊王問辟大司馬軍諮祭酒既至問謂

山西通志卷一百一十七

鄉賢錄二

聖

殷曰先王虛心召君君不至今孤辟君君何能屈也殷曰世祖大聖應期先王至德輔世故殷希以一夫而距千乘今殿下以神武睿姿除殘反政殷若復爾恐招華士之誅故不敢不至也問奇之轉拜新興太守沒於劉聰聰奇其才而擢任之累至侍中太保錄尚書事殷恆戒子孫曰事君之法當務幾諫凡人尚不可面斥其過況萬乘乎夫犯顏之禍將彰君過宜上思召公咨商之義下念鮑助觸鱗之誅也在聽朝恂恂然常有後已之色士不修操行無得入門滯理不申藉殷而濟者百數有七子五子各授一經一子授太史公一子授漢書一門內七業俱興北州之學殷門為盛竟以壽終

右北漢三人

裴憲字景思楮子少而穎悟好交輕俠及弱冠更折節嚴重

修尚儒學足不踰閭者數年陳郡謝鯉潁川庾敳見而奇之初侍講東宮歷黃門吏部郎侍中東海王越以為豫州刺史北中郎將假節王浚承制以為尚書丞嘉末石勒破浚憲及荀綽恬然私室勒召詰之憲神色侃然請就辟有司不拜而出勒簿浚自察親屬皆貲至巨萬惟憲與荀綽家有書百餘表鹽米各十數斛而已勒謂長史張賓曰名不虛也署從事中郎撰朝儀後至右光祿大夫司徒太傅封安定郡公憲未嘗以物務經懷二子抱毀並以文才知名毀趙散騎常侍並被搆害憲竟卒於石民

右後趙一人

裴疑字文冀河東聞喜人父昶司隸校尉疑清方有幹略累遷中書侍郎轉給事黃門郎榮陽太守屬兄武為元菟太守

山西通志卷一百一十七

鄉賢錄二

聖

疑遂求為昌黎太守至郡久之武卒疑被徵乃將武子開俱南道路更塞與開投募容處首定名分為羣士啟行鹿甚悅以疑為長史委以軍國之謀及悉獨官寇逼城下疑曰悉獨官雖擁大眾軍無號令眾無部陣若簡精兵乘其無備則成擒耳鹿從之遂陷寇營將遣使獻捷令疑將命疑盛言鹿威略舉朝改觀將還上試留疑以觀之疑辭曰臣世荷朝恩懼纓華省因事還奇投逆荒遐今遭開泰得親朝廷復賜恩詔即留京輦於臣之私誠為厚幸願察容龍驤將軍越在還表乃心王室故遣使臣萬里表誠今若留臣必謂國家遣其僻陋孤其丹心使懷義懈怠是以微臣區區忘國貪還反命耳上曰卿言是也乃遣疑還鹿後謂羣僚曰裴長史名重中朝而降屈於此豈非天以授孤也出為遼東相轉樂浪太守



右前燕一人

薛強字威明濤子幼有大志懷軍國籌略與北海王猛友善桓溫入關猛謁之溫曰江東無卿比也秦國定多奇士如生輩尙有幾人吾欲與俱南猛曰公求可與撥亂濟時者友人薛威明其人也溫曰聞之久矣方致朝命強聞之自商山謁溫與猛皆署軍謀祭酒察溫有大志而無成功乃勸猛止俄而溫敗及苻堅立猛見委任平陽公融將聘強猛以爲不可屈乃止及堅如河東伐張平自與數百騎馳至強壘下求相見強宣言曰此城終無生降之臣但有死節之將耳堅諸將請攻之堅曰須吾平晉自當面縛捨之以勸事君者後堅伐晉軍敗強遂總宗室兵威振河輔破慕容永於涑川姚興重加禮命徵拜右光祿大夫七兵尙書封馮翊郡公轉左戶尙

山西通志卷一百十七

鄉賢錄二

聖

書年九十八卒贈輔國大將軍司徒公諡宣

右後秦一人

山西通志卷一百十七

鄉賢錄三

錄二之三

山西通志第一百十八

張進士出身顯貴歷任御史巡撫山西提督軍務張鼎舉旨監修

後魏

薛提太原人皇始中補太學生拜侍御史累遷晉王丕衛兵將軍冀州刺史封太原公有政績徵拜侍中攝都曹事宗愛之變祕不發喪尙書左僕射蘭延侍中和延等議立長君徵秦王翰置祕室提曰皇孫有世嫡之重人望所係春秋雖少令問聞於天下廢所宜立而更別求必有不可延等未決愛矯皇后令徵提等入殺之文成詔提弟淳子襲降侯

山西通志卷一百十八

鄉賢錄三

十

沙門僧彬所匿因將過江奔後秦秦滅歸魏明元引見請劾力南討言終流涕明元動容曰朕方渾一車書席卷吳會卿情計如此豈不能相資以眾乎然亦未之用後拜洛城鎮將鎮金鋪會太武初卽位遂停前授初崔浩弟怙聞慧龍王氏子以女妻之浩見慧龍曰信王家兒也數向諸公稱其美司徒長孫嵩不悅久而不調後除樂安王範傅領并荆揚三州大中正慧龍抗表願得南垂自効崔浩固言之乃授南嶺校尉安南大將軍左長史及宋荊州刺史謝晦起兵江陵引慧龍爲援慧龍督司馬靈壽等一萬人拔其思陵戍進圍項城晦敗乃班師後宋將王元謨寇滑臺詔假慧龍楚兵將軍與安頡等同討之相持五十餘日諸將以賊盛莫敢先慧龍設奇兵大破之賜劔馬錢帛授龍驤將軍賜爵長社侯拜榮陽



大守仍領長史在任十年農戰並修大著聲績招攝邊遠歸附者萬餘家號為善政其後宋將到彥之檀道濟侵掠慧龍力戰屢摧其鋒宋遣刺客呂元伯購慧龍首二百戶男絹一千匹元伯為反問求屏人有所論慧龍疑之使人探其懷有尺刀慧龍曰各為其主也吾不忍害此人左右皆固諫慧龍曰死生有命彼亦安能害我遂捨之時人服其寬恕慧龍自以遭難流離作祭伍子胥文以奇意生一男一女遂絕房室布衣蔬食不參吉事舉動必以禮太子少傅游雅曰慧龍古之遺孝也撰帝王制度十八篇號曰國典真君元年拜使持節南將軍虎牢鎮都副將未至鎮而卒謂功曹鄭暉曰吾誓願鞭尸吳市戮墳江陰有心莫遂乞葬河內州縣東鄉庶其魂而有知猶希結草之報詔特許之贈安南將軍荊州刺

山西通志卷一百八 鄉賢錄三

史謚穆侯將吏共於墓起佛寺圖慧龍及僧彬像而讚之呂元伯感全宥之恩留守墓側終身不去

王寶興慧龍子少孤事母至孝尚書盧遐妻崔浩女也初寶興母及遐妻俱孕浩曰汝等可指腹為親及婚浩為撰儀射自監視曰此家禮事宜盡其美及浩被誅盧遐後妻寶興從母也緣坐沒官賜度斤銀高車滑骨寶興盡賣貨產自出塞贖之以歸州辟治中從事別駕舉秀才皆不就閉門不交人事襲爵長社侯為龍驤將軍卒

王瓊字世珍孝文以寶興子賜名襲祖爵太和九年為興寺令十六年降伯帝納其長女為嬪拜前將軍并州大中正正始中為光州刺史中尉王顯劾受納獲雪神龜中除左將軍兗州刺史歸京居司空劉騰宅西騰并鄰宅唯瓊終不肖與

以此久見屈抑孝昌三年除鎮東將軍金紫光祿大夫中書令卒贈征北將軍中書監并州刺史自慧龍入國三世一身至瓊始有四子

王遵業瓊長子風儀清秀涉歷經史位著作侍郎與司徒左長史崔鴻同撰起居注遷右軍將軍兼散騎常侍慰勞蟻蠕乃詣代京采拾遺文以補起居所闕與崔光安豐王延明等參定服章及光為孝明講孝經遵業預講弟延業錄義並應詔作釋奠侍宴詩時人語曰英英濟濟王家兄弟與中書令陳郡袁翻尚書琅邪王誦並領黃門郎號曰三哲時政歸門下世謂侍中黃門為小宰相而遵業從容恬素若處邱園嘗著穿角履好事者多毀新履以學之以胡太后臨朝謀避地自求徐州太后曰王誦罷幽州始作黃門卿何乃欲徐州也

山西通志卷一百八 鄉賢錄三

更待一二年當有好處分遵業兄弟並交遊時俊為當時所美及余朱榮入洛以莊帝有從姨兄弟之親相率迎俱見害河陰贈并州刺史著三晉記十卷

王廣業遵業弟性沈雅涉歷書傳位太尉祭酒遷屬卒於大中大夫贈徐州刺史廣業弟延業博學多聞頗有才藻位中郎遇害汾陰延業弟季和位書侍御史并州大中正贈華州刺史

郭祚字季祐太原晉陽人魏車騎將軍淮弟亮之後也祖逸并州別駕前後以二女妻司徒崔浩一女妻浩弟上黨太守恬太武時拜徐州刺史假檢大侯贈光祿大夫父洪之緣坐浩事祚少孤貧鄉人莫之識有女巫相祚後當富貴祚涉歷



經史習崔浩書工尺牘文章弱冠為州主簿刺史孫小委之  
書記又太原太守王希彥逸妻姪也共相調諷乃振孝文初  
舉秀才對策上第拜中書博士轉中書侍郎李冲薦之遷尚  
書左丞長兼給事黃門侍郎清勤在公夙夜匪懈帝甚賞之  
從南征還正黃門以贊遷洛陽爵東光子遷散騎常侍仍領  
黃門與黃門宋弁參謀帷幄隨其才用各有委寄祚承稟注  
疏特成勤劾嘗夕飲清微後園孝文舉觴賜祚及崔光曰郭  
祚憂勤庶事獨不欺我崔光温良博物朝之儒秀不勸此兩  
人當勸誰也從南討兼侍中拜尚書進爵為伯宣武初兼吏  
部尚書并州大中正尋正吏部持身潔清重惜官位銓授必  
徘徊久之下筆即云此人便已貴矣量才稱職時以此歸之  
出為使持節鎮北將軍瀛州刺史轉鎮東將軍青州刺史逢

山西通志卷一百十八

鄉賢錄三

四

歲饑多所振恤士女懷其德澤入為侍中金紫光祿大夫并  
州大中正遷尚書右僕射與侍中黃門參議刊正新令故事  
令僕中丞騶唱入宮門至於馬道祚以為非盡敬之宜言於  
帝納之騶唱不入宮自此始也詔領太子少師祚奏前後考  
格審慎銓衡詔胥詳答之尋加散騎常侍詔營明堂國學祚  
奏邊郊多壘烽驛未息且獻歲云暨東作將始宜待豐靖之  
年因子來之力不時而就從之宣武每賞資祚多至百餘萬  
又特賜劔杖恩寵甚深遷左僕射梁將康絢過淮將灌揚徐  
祚表曰蕭氏狂狡擅斷川瀆役苦人勞危亡已兆宜勅揚州  
選一猛將遣當州之兵令赴浮山表裏夾攻從之除使持節  
散騎常侍都督雍州刺史征西將軍時領軍于忠恃寵驕恣  
祚心惡之遣子太尉從事中郎景尚說高陽王雍令出忠為

州忠聞而大怒矯詔殺祚達於政事凡所經履咸為稱職  
每有決斷多為故事名器既重時望亦深一朝非罪見害遠  
近莫不惋惜靈太后臨朝使弔慰追復伯爵正光中贈使持  
節車騎將軍議同三司雍州刺史謚文貞子景尚字思和涉  
歷書傳曉星歷占候為彭城王中軍府參軍遷員外郎司徒  
主簿太尉從事中郎公強當世善事貴要世號郭尖遷中書  
侍郎未拜卒弟慶禮通直郎子元貞武定末定州驃騎府長  
史

山西通志卷一百十八

鄉賢錄三

五

領太史承明元年文明太后臨朝超遷給事中俄為散騎常  
侍侍中吏部尚書賜爵太原公太和二年孝文及文明太后  
率百僚與諸方客臨獸園有猛獸逸登門閣道幾至御坐左  
右侍衛皆驚脫獨執戟禦之猛獸乃退故親任轉重三年  
春詔與東陽王丕同入八議承受復除四年遷尚書令進中  
山王加鎮東大將軍置王官二十二人中書侍郎鄭義為傅  
中郎令以下皆當時名流又拜叔妻丁氏為妃沙門法秀潛  
謀多所牽引叙曰與役不辜甯赦有罪宜梟斬首惡餘從原  
赦從之得免者千餘人及疾太后與孝文每親視侍官省問  
相望於道卒太后與孝文親臨哀慟賜温明祕器贈衛大將  
軍太宰并州牧謚宣立祀都南檀守祀五家又詔褒揚叙國  
其捍猛獸狀於諸殿叙既貴乃言家本太原晉陽遂移屬焉



故其兄弟封爵多以并州郡縣子雙字元孫叙卒代領都曹  
為尙書令領吏部曹後襲王例降公出為并州刺史謚賢  
尔朱代勤祖羽健父鬱德代為酋長居秀容川代勤太武敬  
哀皇后崩鬱德征代有功給復百年除立義將軍會聞山而獵  
部人射虎悞中其體代勤令拔箭竟不推問曰此既過悞何  
忍加罪部內咸感其德位肆州刺史封梁郡公以老致仕歲  
賜帛百匹以為常卒謚莊孝莊初追贈太師司徒公錄尙書

事  
尔朱新興代勤子太和中繼為酋長畜牧善息色別為羣谷  
量之朝廷每有征討輒獻私馬備資糧助裨軍用孝文嘉之  
及遷洛特聽冬朝京師夏歸部落位散騎常侍平北將軍秀  
容第一領人酋長新興每春秋二時恆與妻子閱畜牧於川

山西通志卷一百十八 鄉賢錄三 六

澤射獵自娛明帝時以年老啟求傳爵於子榮卒謚簡孝莊  
初贈太師相國西河郡王以上太原府  
薛謹字法順河東汾陰人辯子容貌魁偉隨劉裕渡江為府  
記室參軍辯歸魏謹亦來奔授河東太守後襲爵汾陰侯始  
光三年與宜都王奚斤共討赫連昌擒其東平公乙兜克蒲  
坂遂以新舊百姓并為一郡除平西將軍復為太守神鼎三  
年除使持節秦州刺史山胡白龍懋險詔南陽公奚容與謹  
竝為都將討平之封涪陵郡公太延初征吐沒骨平之謹自  
郡遷州威恩兼被風化大行真君元年徵授內都坐大官輔  
政深見賞重每訪以政道後北討與中山王辰等後期見殺  
尋贈鎮西將軍秦雍二州刺史謚曰元  
薛初古拔謹子本名洪祚太武賜名焉沈毅有器識弱冠司

徒崔浩見而奇之真君中蓋吳擾動關右薛永宗屯據河側  
詔拔糾合宗鄉壁於河際斷二寇往來之路事平除中散賜  
爵永康侯太武南討以拔為都將又共陸真討氏仇傳檀強  
免生平之皇興三年除散騎常侍尙文成女西河長公主拜  
駙馬都尉其年族叔安都歸順敕詣彭城勞迎除南豫州刺  
史延興二年除鎮西大將軍開府儀同進爵平陽公三年以  
善政徵詣京師獻文親自勞勉復令還州太和六年改爵河  
東公卒贈左光祿大夫謚曰康子洪隆官河東太守允字甯  
宗少有父風拜中散襲爵鎮西將軍河東公官至河北太守  
羣盜懾氣郡中肅清卒於郡謚曰敬子裔字豫孫襲爵卒於  
洛州刺史

山西通志卷一百十八 鄉賢錄三 七

薛胡字破胡謹第三子少有節操篤志於學專精講習不干  
時務與物無競以德義服人或有兄弟忿鬪鄰里爭訟者恐  
胡聞之皆內自改悔鄉閭化其風教咸以敬讓為先三召州  
都再辟主簿州將傾心致禮竝不獲已而應之為本州從事  
別駕除河東太守兄弟竝為本郡當世榮之復為仇池郡將  
後終於家有八子長子聰知名  
薛聰字延智方正有理識善自標致不妄游處雖在闕室終  
日矜莊博覽墳籍尤長占對父憂廬墓側哭泣聲酸感行路  
家教甚嚴諸弟雖婚宦恆不免杖罰對之肅如也未弱冠州  
辟主簿太和十五年釋褐著作佐郎時解巾優者不過奉朝  
請聰起家便著作時論美之後遷書侍御史彈劾不避強  
禦帝或欲寬貸輒爭之帝每言朕見薛聰不能不憚何況諸  
人也累遷直閣將軍兼給事黃門侍郎散騎常侍直閣如故



親衛禁兵委總管領終太和之世恆帶直閣將軍時政得失  
 動輒匡諫而外莫窺其際帝欲進以名位輒苦讓帝曰卿天  
 爵自高固非人爵之所榮也又除羽林監帝曾戲謂聰曰世  
 人謂卿諸薛是蜀人定是蜀人否聰對曰臣遠祖廣德世仕  
 漢朝時人呼為漢臣九世祖永隨劉備入蜀時人呼為蜀臣  
 今陛下是漢原鮮卑非蜀也帝笑曰卿自幸可自明非蜀何  
 乃遂復苦朕聰因投鞍而出帝曰薛監醉耳其見知如此二  
 十三年從駕南征兼御史中尉宣武除都督齊州刺史政存  
 簡靜卒於州吏人留其所坐榻以存遺愛贈征虜將軍華州  
 刺史諡曰簡懿西魏重贈車騎大將軍儀同三司延州刺史  
 裴夙字買興河東汾陰人父桃弓與兄愛醜並見稱於鄉里  
 夙沈雅有器識孝文見而異之吏部尚書任城王澄每歎美  
 夙許以遠大位河北太守以忠恕接下百姓感而懷之卒於  
 郡三子範昇之鑿鑿字道徽性強正有學涉卒於廷尉卿居  
 官清苦時論稱之贈東雍州刺史以上蒲州府  
 堯膺字辟邪上黨長子人本名鍾葵後賜名膺祖僧賴平中  
 山請來歸國膺了美容貌為千人軍將太武以其恭謹擢  
 中散後兼比部尚書時始立三長膺為東道十三州使更比  
 戶籍賜獨車一乘廐馬四匹前後從征及出使檢案三十許  
 度皆有克已奉公之稱賞賜衣服綵絹奴婢等物賜爵平陽  
 伯授太僕卿轉大司農卒於平城孝文為之舉哀贈相州刺  
 史長子洪襲洪子傑字永壽元象中開府儀同三司樂城縣  
 公洪弟遵位臨洮太守卒諡思遵弟榮位員外散騎侍郎安

山西通志卷一百十八 鄉賢錄三 八

張濟字士度西河人父千秋慕容永驍騎將軍後來奔拜建  
 節將軍賜爵成紀侯濟涉獵書傳清辯善儀容為行人拜散  
 騎侍郎襲爵晉雍州刺史楊佺期乞師帝遣濟為常山王遵  
 從事即報之濟自襄陽還帝問濟江南事濟曰江南全無紀  
 綱佺期問臣魏伐中山幾十萬眾臣答曰十餘萬佺期曰魏  
 被甲戎馬可有幾匹臣答中軍精騎十餘萬外軍無數又曰  
 魏定中山徙幾戶於北臣答七萬餘家佺期曰都何城臣答  
 都平城又曰魏帝欲為久都平城將移也臣答非所知也佺  
 期聞朝廷不都山東貌有喜色曰洛城救援仰恃於魏道武  
 嘉其辭後以累使稱旨拜勝兵將軍卒子多羅襲爵坐事除  
 宋宣字道茂西河介休人父洽為慕容垂尚書太祖之圍中  
 山也洽率所領專守北圍當洽所統官軍多被傷殺太祖特  
 深憤恨及城平遂殺之子順訓並下腐刑宣時年數歲親人  
 竊逃以免後與范陽盧子真渤海高允及從子愔俱被徵拜  
 中書博士尋兼散騎常侍使宋加冠軍將軍賜爵中都侯領  
 中書侍郎行司隸校尉真君七年卒贈司隸諡簡子諱字乾  
 仁襲爵卒遼西太子子鸞襲位東莞太守  
 宋愔與從叔宣博陵崔建俱知名世祖時徵拜中書博士歷  
 員外散騎常侍使江南賜爵列人子還拜廣平太守興安五  
 年卒贈安遠將軍相州刺史諡曰惠長子顯襲爵顯無子養  
 弟子弁為後弁字義和父叔珍娶趙郡李敷妹緣坐弁才學  
 雋瞻少有美名至京師兄尚書李冲言論移日冲異之曰此  
 人一日千里王佐才也顯卒弁襲爵與李彪迭相祇好彪請  
 為著作佐郎遷尚書殿中郎中孝文朝會訪政道弁自下而

山西通志卷一百十八 鄉賢錄三 九



對聲姿清亮進止可觀帝稱善久之因是大被知遇賜名弁  
意取弁和獻王楚王不知寶之也遂中書侍郎兼員外散騎  
常侍使齊齊司徒蕭子良祕書丞王融皆稱美弁以為志氣  
奮誇不逮李彪而體韻和雅舉止閑遠過之轉散騎侍郎孝  
文問江左事弁曰蕭氏父子無大功於天下既以逆取不能  
順守必不能貽厥孫謀保有南海若物憚其威身免為幸後  
從南征為司徒司馬東道副將軍有盜馬絆者斬而殉三軍  
震懼黃門郎崔光薦弁自代帝不許亦賞光知人尋兼司徒  
左長史時大選內外羣官并定四海士族弁專參銓量之任  
排高門大族而申達舊族滯者多稱旨為并州大中正遷  
散騎常侍尋遷右衛將軍領黃門屢陳讓帝曰吾為相知者  
卿亦不可有辭豈得專守一官不助朕為政其被知遇如此

山西通志卷一百十八 鄉賢錄三 十一

孝文在汝南不豫小瘳引見門下及宗室弁歔歔流涕由是  
益重之車駕征馬圈留弁以本官兼祠部尚書攝七兵事執  
其手曰國之大事在祀與戎故令卿攝攝二曹弁頓首辭謝  
弁劬勞王事恩遇亞於李冲帝每稱弁可為吏部尚書遣命  
以弁為之與咸陽王禧等六人輔政而弁先卒年三十八贈  
瀛州刺史謚正順以上并州府  
衛操字德元代人少通俠有才略晉征北將軍衛瓘以為牙  
門將當神元時頗自結附後說桓穆二帝招納晉人桓帝以  
為輔相任以國事及劉石之亂桓帝匡助晉氏操稍遷至右  
將軍封定襄侯穆帝三年卒  
燕鳳字子章代人少好學博綜經史明習陰陽讖緯昭成素  
聞其名使以禮致之鳳不應聘乃以軍圍代曰鳳不來將屠

之代人懼送送鳳昭成待以賓禮後拜代王左長史參決國  
事又以經授獻明帝常使 堅堅問鳳曰代王何如人對曰  
寬和仁愛經略高遠一時雄王也堅曰彼國人馬多少對曰  
控弦之士數十萬見馬一百萬匹堅曰卿言人眾則可說馬  
太多鳳曰雲中川自東山至西河二百里北山至南山百餘  
里每歲孟秋馬常大集略為滿川以此推之使人言猶未盡  
鳳還堅厚加贈遺後堅欲遷道武於長安鳳固請曰代王遺  
孫幼冲莫相輔立其別部大人劉庫仁勇而有智鐵弗衛辰  
狡猾多端皆不可獨任宜分部為二令人統之兩人素有深  
讎其勢莫能先發此禦邊之上策待其孫長乃存而立之是  
陛下大惠於亡國也堅從之鳳尋東還道武即位歷吏部郎  
給事黃門侍郎行臺尚書甚見器重明元世與崔元伯封懿

山西通志卷一百十八 鄉賢錄三 十二

梁越等入講經傳出議朝政太武初以舊勳賜爵平舒侯卒  
子才襲  
許謙字元遜代人少有文才善天文圖讖學建國時歸附昭  
成擢為郎中令兼掌文記與燕鳳俱授獻明帝經後徙長安  
從苻堅弟行唐公洛鎮和龍尋以繼母老辭歸登國初遂歸  
道武為右司馬與張袞等參贊初基慕容寶來寇使謙告難  
於姚興興遣將楊佛嵩來援佛嵩稽緩道武命謙為書遺之  
佛嵩乃倍道兼行賜謙爵關內侯及慕容垂卒謙勸進并州  
平為陽曲護軍賜爵平舒侯卒贈幽州刺史高陽公謚文子  
洛陽襲為雁門太守進爵北地公卒謚恭  
長孫嵩代人父仁昭成時為南部大人嵩寬雅有器度昭成  
賜名焉年十四代父統事昭成末劉庫仁攝國事嵩率部眾



歸之劉顯謀難高率舊人及庶師七百餘家棄顯志將至五原于烏渥勸歸道武見道武於三漢亭為南部大人累著軍功後從征中山除冀州刺史賜爵鉅鹿公歷侍中司徒相州刺史封南平公所在著稱明元初與山陽侯奚斤北新侯安同白馬侯崔宏等八人坐止車門右聽理萬機世號八公宋武帝伐姚泓明元假高節督山東諸軍事傳詣平原緣河北岸列軍次於畔城軍頗失利詔假宋武道宋武於卅中望高麾蓋遣以鄒酒及江南食物嵩皆送京師詔厚答之又敕簡精兵為戰備嵩與叔孫建等自成阜南濟晉諸屯成皆望塵奔潰會宋武克長安乃班師明元末問後事於嵩嵩曰立長則順以德則人服今皇長子賢而世嫡天所命也請立之乃定策詔太武臨朝監國嵩為佐輔太武即位進爵北平王司

山西通志卷一百十八

鄉賢錄三

十三

州中正議征屈丐嵩固諫不可帝責之尋遷太尉加柱國大將軍自是輦駕征伐嵩以元老多留鎮京師坐朝堂平斷刑獄卒年八十謚曰宣王孝文帝時配饗廟庭子頽善騎射彎弓三百斤襲爵加侍中征南大將軍有罪黜為兵復爵卒謚曰安子敦字孝友位北鎮都將降公孝文時復王爵卒謚曰簡子道字念僧襲爵例降公位左衛將軍卒謚慎子悅襲建義初復王爵尋降公位光祿少卿卒  
長孫道生嵩從子忠厚廉謹道武愛其慎重使掌機密與賀毗等四人內侍左右出入詔命明元時除南統將軍冀州刺史太武即位進爵汝陰公遷廷尉卿從征蠕蠕率眾出白黑兩漠間大捷而還從征赫連昌為前驅遂平其國昌弟定走保平涼宋遣到彥之王仲德寇河南以救定詔道生屯河上

禦之遂誘宋將檀道濟邀其前後追至歷城而還除司空加侍中進封上黨王卒年八十二贈太尉謚曰靖道生廉約身為三司而衣不華飾食不兼味一熊皮郭泥數十年不易時人比之晏嬰第宅卑陋出鎮後子弟頗脩繕道生還歎曰昔霍去病以匈奴未滅無用家為今強寇尙遊魂漠北吾豈可安坐華美也令毀其宅太武世所在著績每建大議多合時機為將有權略善待士眾帝命歌工願頌羣臣曰智如崔浩廉如道生與從父嵩俱為三公當世以為榮子旃位少卿早喪

山西通志卷一百十八

鄉賢錄三

十三

長孫禮道生次子少以父任為散騎侍郎與襄城公盧魯元等內侍恭敏有才志太武寵信之曰其父親近吾祖子在我左右不亦宜乎  
長孫肥代人昭成時年十三以選內侍少有雅度果毅少言道武在獨孤及賀蘭部常侍從禦侮左右帝深信任之登國初為大將屢有軍功從平中山以功賜爵瑯琊公遷衛尉卿改爵盧鄉時中山太守仇儒推趙準為主肥討破準於九門斬仇儒擒準除兗州刺史姚平寇平陽徵為前鋒平退保柴壁進攻屠之還鎮兗州撫慰河南威信著於淮泗善策謀勇冠諸將前後征討未嘗失敗故每有大難令肥當之南平中原西摧羌寇肥功居多賞賜千計後降爵藍田侯卒謚曰武陪葬金陵  
長孫翰肥子少有父風以善騎射為獵郎明元在外與元磨渾等潛謀奉迎明元即位拾遺左右以功累遷平南將軍鎮北境威名甚著太武即位封平陽王蠕蠕大檀寇雲中太武



親征遣翰出長川討之大檀北遁追擊克獲而還遷司徒從  
襲赫連昌破之翰清正嚴明善撫將士卒太武爲之流涕親  
臨其喪喪禮依安城王叔孫俊故事謚曰威陪葬金陵子成  
襲降公位南部尙書卒陪葬金陵翰弟陵位駕部尙書性寬  
厚好學愛士封吳郡公贈王謚恭陪葬金陵

叔孫建代人少以智勇著稱道武幸賀蘭部常從左右登國  
初爲外朝大人與安同等十三人迭典庶事參軍國謀隨秦  
王觚使後燕歷六載乃還累遷中領軍賜爵安平公出爲并  
州刺史後免明元念前功以爲正直將軍相州刺史飢胡劉  
武等聚黨假建前號安平公督公孫表等討之斬首萬餘級  
餘眾奔投沁水晉將王仲德逼滑臺兗州刺史尉建遁仲德  
遂入滑臺詔建渡河曜威斬尉建呼仲德軍人詰其侵境之

山西通志卷一百八

鄉賢錄三

十四

狀尋遷廣阿鎮將威名甚著久之除使持節都督前鋒諸軍  
事楚兵將軍徐州刺史率眾自平原濟河徇下青兗諸郡遂  
東入青州圍宋刺史竺蕤于東陽城宋遣將檀道濟王仲德  
救蕤建乃還以功賜爵壽光公與汝陰公長孫道生濟河而  
南仲德等東走青州太武以建威名南震爲宋所憚除平原  
鎮大將封丹陽王加征南大將軍道濟仲德救滑臺建與汝  
陰公道生拒擊之建分軍挾戰縱輕騎邀其前後焚燒穀草  
以絕其糧道道濟兵飢叛者相繼由是安頡等得拔滑臺建  
沈敏多智東西征伐常爲謀主容貌清整雅尙人倫禮賢愛  
士在平原十餘年殺懷內外甚得邊稱魏初名將鮮及之南  
方憚其威略輒不爲寇太延三年卒年七十三謚曰襄賜葬  
金陵

叔孫俊字醜歸建子少聰明年十五內侍左右性謹密以便  
弓馬轉獵即清河之變與元歷磨渾等歸明元時明元左右  
惟車路頭王洛兒等得俊大悅以爲爪牙及即位稍遷衛將  
軍賜爵安成公朱提王悅懷刃入俊覺舉動有異於悅懷中  
得兩刃匕首執殺之明元以俊前後功重委以軍國大計羣  
官上事先由俊銓校後奏聞性平正柔和未嘗有喜怒色不  
諂上抑下奉詔宣外告示懇懇上下嘉嘆泰常元年卒年二  
十八明元親臨哀慟贈司空安成王謚孝元賜温明祕器載  
以輜輶車衛士導從陪葬金陵子蒲襲爵後有大功及寵幸  
貴臣薨賜賻送終禮皆依俊故事無得踰之者俊弟憐襲父  
爵降丹陽公位尙書令涼州鎮大將與鎮副將奚牧相糾坐  
誅

山西通志卷一百八

鄉賢錄三

十五

尉古真代人道武在賀蘭部賀染干遣侯引乙突等圖之古  
真密以馳告染干疑泄其謀以兩車軸押古真頭傷一目不  
服乃免後從平中原以功賜爵東川侯明元初爲鴻飛將軍  
鎮大洛卒于定州刺史子億萬襲  
尉諸代人古真弟以忠謹著從圍中山先登傷一目道武歎  
曰諸兄弟並毀目以建功效誠可嘉也賜安樂子從平姚平  
拜國部大人太武時改邑遼西公卒子歡襲  
尉眷代人諾長子忠謹有父風明元時爲太官令侍臣奚斤  
亡入蠕蠕眷追至虜庭擒之大檀前由是以驍烈聞太武命  
分典四部加陳兵將軍文成時拜侍中太尉封漁陽王錄尙  
書事文成北巡以寒雪議還眷曰今去都不遠而旋敵必疑  
我有內難方寒雪宜更進前不得遽返以啟敵心遂度漠而



還帝以眷元老賜杖履上殿卒謚曰莊子多侯襲

尉地干眷弟機悟有才藝馳馬立射五的時人莫能及太武

時位庫部尚書加散騎常侍領侍贛郎奉止忠謹尤善嘲笑

甚見親愛參軍國大謀時征平原試衝車以攻冢地干為索

所絹折符而卒帝親往哭勸贈中領軍燕郡公謚曰惠子長

壽位右曹殿中尚書賜爵會稽公卒於涇州刺史

婁伏連代人忠厚有器量年十三襲父領部落道武初從破

賀蘭部又平中山及征姚平於柴壁以功賜爵安邑侯明元

時為晉兵將軍并州刺史太武即位封廣陵公再遷光祿勳

進爵王後鎮統萬卒謚恭子真襲降公真弟大援封鉅鹿子

羅結代人從道武幸賀蘭部賜爵屈地侯太武初累遷侍中

外都大官總三十六曹事年一百七歲精爽不衰太武以其

忠懇甚信待之監典後宮出入臥內因除長秋卿年一百一

十詔聽歸老賜大甯東川為私第別業并為築城號羅侯城

朝廷每有大事驛馬詢焉年一百二十卒謚曰正子斤從討

赫連昌力戰有功歷四部尚書從平涼州賜爵帶方公除長

安鎮都大將蠕蠕侵境除柔元鎮都大將卒謚曰靜陪葬金

陵子敢襲位庫部尚書卒子伊利襲

穆觀字闡拔崇次子襲崇爵少以文藝知名明元中為左衛

將軍縮門下中書出納詔命及訪舊事未嘗有遺漏尚宜陽

公主拜駙馬都尉位太尉太武監國為右弼出則統攝朝政

入則應對左右事無巨細皆關決焉終日怡怡無愠色勞謙

善誘不以富貴驕人泰常八年卒年三十五明元臨喪悲慟

賜通身隱起金飾棺喪禮一依安城王叔孫俊故事贈宜都

王謚曰文成大武每與羣臣談宴未嘗不歎息以為自道武

來佐命勳臣文武兼濟無及之者

穆翰崇第三子平原鎮將西海王卒子龍兒襲降公卒子弼

有風格善自位置涉獵經史與長孫承業陸希道等齊名孝

文定氏族欲以弼為國子助教弼辭曰既遇明時恥沈泥滓

會司州牧咸陽王禧入帝曰朕與卿作州督舉一主簿即命

弼謁之因為帝所知宣武初為廣平王懷國郎中令數有匡

諫之益除中書舍人卒於華州刺史謚曰懿

穆頌崇第四子有才力以侍御郎從太武征赫連昌勇冠一

時賜爵泥陽子拜司衛監後從征白龍討蠕蠕以功進爵建

安公拜殿中尚書出鎮涼州還加散騎常侍領太倉尚書文

成時為征西大將軍督諸軍西征吐谷渾坐逗留免官徙邊

文成以顯著勳前朝徵為內都大官卒贈征西大將軍建安

王謚曰康子寄生襲

穆多侯觀次子封長甯子位司衛監乙渾專權召司徒陸麗

麗時在溫湯療疾多侯謂曰渾有無君心大王眾所望也去

必危宜徐歸而圖之麗不從遂為渾害多侯亦見殺

穆亮字幼輔壽孫平國第三子早有風度獻文時起家侍御

中散尚中山長公主拜駙馬都尉封趙郡王加侍中徙封長

樂王孝文時除征南大將軍領護西戎校尉仇池鎮將宕昌

王梁彌博為吐谷渾所逼來奔亮以彌博凶悖請納其從兄

彌承孝文從焉於是擊走吐谷渾立彌承而還氏豪楊卜從

軍二十一戰鎮將抑而不聞亮表卜為廣業太守豪右咸悅

境內大安徵為侍中尚書左僕射尚書陸叡舉為司州大中

山通志卷一百十八 鄉賢錄三 十七



正後拜司空參議律令例降爵爲公尋領太子太傅時將建  
太極殿亮稽首請稽之卜筮又以去歲役作爲功甚多太廟  
明堂一年便就若仍歲頻興恐人力彫弊且材幹新伐願待  
逾年帝不從及遷都加武衛大將軍以本官董攝中軍事帝  
南伐以亮錄尚書事留鎮洛陽後帝自小平津汎舟幸石濟  
亮諫曰漢帝欲乘舟渡渭薛廣德將以首血汗車輪帝乃感  
而就橋渭之小水猶尚若斯況洪河有不測之慮帝曰司空  
之言是也後徙封頓邱郡公以紹崇爵宣武卽位拜尚書令  
司空公卒宣武親臨小斂贈太尉謚曰匡

穆紹字永業亮子尚琅邪長公主拜駙馬都尉秘書監侍中  
衛將軍太常卿中書令七兵殿中二尚書母憂以孝聞又歷  
衛大將軍中書監侍中領本邑中正紹資性方重罕接賓客

山西通志卷一百十八

鄉賢錄三

十六

領軍元又往紹宅紹迎送下階而已及靈太后欲黜又紹繼  
成之以功加特進侍中元順與紹同直常因醉入寢所紹擁  
被而起正色曰老身二十年侍中與卿先君亟連職事縱卿  
後進何宜相排突也遂謝事還家詔諭乃起除侍中託疾未  
起故免河陰之害莊帝立爾朱榮徵之捧手不拜榮亦矯意  
禮之曰穆紹不虛作大家兒尋授尚書令司空進爵爲王給  
班劍四十人仍加侍中尋復本爵普泰元年除驃騎大將軍  
開府青州刺史加都督未行而卒贈大將軍尚書令太保謚  
曰文獻子長嵩字子岳襲爵位光祿少卿  
車路頭代人少以忠厚選給東宮爲帳下帥天賜末明元出  
於外路頭隨侍竭力及卽位封宣城公忠意將軍性無害每  
評獄處理常獻寬恕之議以此見重於朝帝亦敬納之卒明

元親臨哀憫贈太保宣城王謚忠貞喪禮依安成王叔孫俊  
故事陪葬金陵子眷襲

周幾代人少以善射爲獵郎明元初爲左部尚書以軍功封  
交趾侯太武以幾有智勇遣鎮河南威信著於外境進號宋  
兵將軍以萬人襲陝城卒於軍軍人歎惜之歸葬謚桓子步

襲

于栗磾代人也少習武藝才力過人能左右馳射登國中拜  
冠軍將軍假新安子與甯朔將軍公孫蘭潛自太原從韓信  
故道開井陘關路襲慕容寶於中山道武後至見道路修理  
大悅卽賜以名馬及趙魏平帝置酒高會謂栗磾曰卿吾之  
勳彭也進假新安公道武田於白登山見熊將數子顧栗磾  
曰能搏之乎對曰若搏之不勝豈不虛斃一壯士自可驅致

山西通志卷一百十八

鄉賢錄三

十九

御前坐而制之尋皆禽獲帝顧而謝之後爲河內鎮將劉裕  
之伐姚泓栗磾慮北侵擾築壘河上裕憚之遣栗磾書假道  
西上題書曰黑稍公麾下栗磾以狀表聞明元因之授栗磾  
黑稍將軍栗磾好持黑稍故有其號遷豫州刺史進爵新安  
侯洛陽雖歷代所都實爲邊界栗磾勞來安集甚得百姓心  
明元南幸盟津謂栗磾曰河可橋乎栗磾曰杜預造橋遺事  
可想乃編大船構橋於野坂六軍旣濟帝深歎美之太武之  
征赫連昌救栗磾與宋兵將軍周幾襲陝城長驅至三輔進  
爵爲公累遷外都大官平刑折獄甚有聲稱卒贈太尉栗磾  
自少總戎迄於白首臨事善斷所向無前加以謙虛下士刑  
罰不濫太武甚悼惜之  
于洛拔栗磾子有姿容善應對拜侍御中散太武甚加愛



因賜名馬轉監御曹令景穆在東宮厚加禮遇洛拔恆畏避不敢結納襲爵為侍中尚書令百寮憚之卒官有六子

子烈洛拔長子善射少言有不可犯之色少拜羽林中郎累遷侍中殿中尚書與元丕陸獻李冲等各賜金策許以不死

進爵洛陽侯轉衛尉卿遷洛敷鎮代留臺庶政一相參委與高陽王雍奉神主于洛陽遷光祿卿十九年大選百僚烈子

登引例求進烈表引已素無教訓請乞黜落帝曰此乃有識之言不謂烈能辨此乃引見登進為太子翊軍校尉又加烈

散騎常侍封卿城縣子穆泰陸獻潛謀代鄉舊族同惡者多唯烈一宗無所染帝益器重之歎曰烈之節槩不謝金日碑

除領軍將軍從征荆河加鼓吹一部二十三年帝討齊將陳顯達執烈手以京邑為託詔召宣武會駕魯陽烈處分行留

山西通志卷一百十八 鄉賢錄三 二十

神守無變宣武即位帝崩於行宮寵任如前咸陽王禧遣家僮傳言求舊羽林武賁執仗出入烈不許禧遣謂烈曰我是

天子兒天子叔元輔之命與詔何異烈厲色答曰向亦不道王非天子兒叔若是詔應遣官人所由若遺私奴索官家羽

林烈頭可得羽林不可得也禧惡烈剛直出為恆州刺史烈以疾辭景明二年正月初祭三公致齋於廟帝夜召烈將直

閣六十餘人宣旨召咸陽王禧彭城王勰北海王詳衛送至帝前諸公各稽首歸政以烈為領軍進爵侯自是長直禁中

機密大事皆所參焉咸陽王禧潛謀宣武出獵烈時留守處分有備奏曰禧等不足為慮願緩蹕徐還以安物望禧逃追

執之順后立以世父之重彌見優禮及卒舉哀朝堂給東園第一祕器贈太尉封鉅鹿郡公子祚襲

于果洛拔次子嚴毅直亮有父兄風歷朔華并恆四州刺史于勁字鍾葵洛拔第三子頗有武略位沃野鎮將賜爵富昌子宣武納其女為后封太原郡公妻劉氏章武郡君後為征北將軍定州刺史卒贈司空謚恭莊自粟磳至勁累世貴盛一皇后四贈公三領軍三尚書令三開國公勁雖后父但以順后早世竟不居公輔

奚斤代人世為馬牧斤機辯有識度登國初統禁兵後為侍郎從征慕容寶於參合皇始初拜越騎校尉典宿衛博陵渤海章武盜起斤與元遵等討平之從破高車及庫狄宿連部

徙其別部於塞南又進擊侯莫陳部至大娥谷置戍而還遷都水使者出為晉兵將軍幽州刺史賜爵山陽侯明元時為鄭兵將軍明元幸雲中斤留守京師昌黎王慕容伯兒不軌

山西通志卷一百十八 鄉賢錄三 二十一

召入天安殿東廡下誅之詔與長孫嵩等俱坐朝堂錄決囚徒明元大閱東郊行左丞相大蒐於石會山從西巡先驅討

越勒部於鹿那山大破之又詔與長孫嵩等八人坐止車門左聽理萬機拜天部大人進爵公命出入乘輅軒備威儀導

從太武聽朝政為左輔宋帝立其國內離阻乃遣斤收河南地假節都督前鋒諸軍事司空晉兵大將軍行揚州刺史率

吳兵將軍公孫表等南征攻滑臺不拔求濟師帝親南巡次中山斤自滑臺趣洛陽長驅至虎牢遂平兗豫諸郡還圍虎

牢虎牢潰斤置守宰以撫之自魏初大將行兵唯長孫嵩拒宋武斤征河南獨給漏刻及十二牙旗太武時進爵宜城王

仍為司空太武征赫連昌斤率義兵將軍封禮等襲蒲坂斤又西據長城秦雍氏羌皆來歸附累戰破赫連定追定於平



涼定邀斤前後眾潰被擒太武克平涼斤得歸尋拜安東將軍降爵爲公太延初爲衛尉改恆農王後爲萬騎大將軍議伐涼州涼州平以戰功賜僮隸七十戶又賜安車以寵異之斤聰辯彊識善談論遠說先朝故事歷歷不爽聽者歎美之每議大政多見從用朝廷由是稱焉眞君九年卒年八十有九太武親臨哀慟謚曰昭王長子他觀襲降公傳國至孫緒無子國除太和中斤配饗廟庭至宣武時以緒弟子監紹其後

于什門代人明元時爲謁者使喻馮跋至和龍住外不入使謂跋曰大魏皇帝有詔須馮主出受然後敢入跋使人牽逼令人見不拜跋令人案其項什門曰馮主拜受詔吾自以賓主致敬何須苦見逼也與跋往復聲氣抗厲不撓跋止什門

山西通志卷一百八

鄉賢錄三

三

什門於羣眾中回身背跋披襖後襜以辱之既而拘留衣裳敗壞路盡蟻蝨被體跋遣以衣拒不受歷二十四年後宏上表稱臣乃送什門歸拜尙書侍御史太武下詔褒美比之蘇武賜羊千口帛千匹進上大夫策告宗廟班示天下

豆代爾代人明元時以善騎射爲內細射從攻虎牢登樓射賊矢不虛發以功遷內三郎從征赫連昌乘勝追賊入其宮門閉踰宮而出太武壯之拜勇武將軍後從破赫連定得奚斤等以定妻賜之詔斤膝行授酒於代田曰全爾身命者代田功也從討和龍有功封長廣公卒於統萬鎮大將贈王謚恭子周求襲

來大千代人父初眞官至後將軍武原侯大千驍果善騎射永興初襲爵位中散朝賀日常著御鎧盤馬殿庭遷內三郎

幢將典宿衛禁旅用法嚴明上下齊肅嘗從明元獵見獸在高巖上持稍直前刺之應手而死帝嘉其勇壯太武初爲常侍持仗侍衛晝夜不離左右累從征伐以戰功賜爵廬陵公鎮雲中兼統白道軍事巡撫六鎮經略布置甚得事宜後爲吐京都將討平吐京胡卒喪還停於平城南太武出遊還見而問之左右以對帝悼歎良久詔聽其喪入殯城內贈司空謚莊子邱頽襲降晉興侯

封敕文代人本姓是賁祖豆開府冀青二州刺史關內侯父湟侍御長贈定州刺史章武侯謚隱敕文始光初爲中散稍遷西部尙書出爲使持節開府領護西夷校尉秦益二州刺史賜爵天水公鎮上邽詔征吐谷渾拾歸於抱罕廣川公乙烏頭二軍會之軍次武始拾歸夜遁敕文引軍入抱罕虜其

山西通志卷一百八

鄉賢錄三

三

妻子及人戶分徙千家於上邽留烏頭守抱罕金城邊問天水梁會據上邽東城南城攻逼西城敕文先設備賊乃退問會復攻城氏羌一萬屯南嶺休官屠各二萬餘人屯北嶺爲同等形援敕文設奇兵大破之斬首問衆復推會爲主安豐公問根率軍來助會謀遁夜半乃飛梯騰壑而走敕文先掘重壘於東城之外嚴兵拒關從夜至旦敕文謀曰因獸猶闕而况於人乃以白虎幡招之應時降者六百餘人會等分遁敕文縱騎騰躡死者大半略陽王元達因梁會之亂推天水休官王官興爲秦地王討破之天安元年卒

古彌代人少忠謹善騎射初爲獵郎門下奏事以敏正稱明元嘉其直而有功賜名曰筆後改名彌言其有輔佐才也令典西部與劉潔等分縮機要敷奏百揆太武卽位以功拜立



節將軍賜爵靈壽侯歷侍中吏部尚書典南部奏事假節督  
龍右諸軍討仇池楊保熾平之未幾楊文德復圍仇池弼攻  
解其圍文德走漢川時東道將皮豹子欲還軍弼使謂曰若  
其班師寇眾復至後舉為難不出秋冬南寇必來以逸待勞  
百勝之策也豹子乃止太武聞之曰弼言長策也制有南秦  
弼謀多矣景穆總攝萬機徵為東宮四輔與宜都王穆壽並  
參政事遷尚書令弼雖事務殷湊而讀書不輟端謹慎密口  
不言禁中事其功名等於張黎上谷人上書言苑囿過度宜  
減大半弼入欲陳奏遇帝與給事中劉樹基侍坐良久不獲  
申聞乃起於帝前捧樹頭擊下牀以手搏其耳以拳段其背  
曰朝廷不理實爾之罪帝失容放基曰不聽奏事過在朕樹  
何罪置之弼具狀以聞帝奇弼公直皆可其奏弼曰為臣逞

山西通志卷一百十八 鄉賢錄三

志

志於君前非無罪也詣公車免冠徒跣自劾請罪帝召之曰  
卿其冠履卿有何罪自今以後苟利社稷益國便人者雖復  
顛沛造次卿為之無顧也太武獵河西弼留守詔以肥馬給  
騎人弼命給弱者太武大怒曰尖頭奴敢裁量朕朕還臺先  
斬此奴弼頭尖帝常名之曰筆頭時人呼為筆公屬官懼誅  
弼曰田獵不過盤遊其罪小不備不虞使戎寇恣逸其罪大  
今北狄孔熾南虜未滅故選肥馬備軍實為不虞之遠慮苟  
使國家有利吾甯避死乎明主可以理干此自吾罪帝聞而  
歎曰有臣如此國之寶也賜衣一襲馬二匹鹿十頭後車駕  
田山北獲麋鹿數千頭詔尚書發車牛五十乘運之帝謂從  
者曰驛公必不與我汝輩不如馬運之速遂還行百餘里而  
弼表至曰今秋穀懸黃麻菽布野猪鹿竊食鳥鴈侵費風波

所耗朝夕參倍乞賜矜緩使得載帝謂左右曰筆公果如  
朕卜可謂社稷之臣吳王立為司徒文成即位與張黎並坐  
議不合旨俱免其家告巫蠱俱伏法時人寃之  
乙瓌代人其先世統部落太武時瓌父匹知遺瓌入貢帝留  
之瓌善騎射手格猛獸尚太武女上谷公主除駙馬都尉賜  
爵西平公從駕南征都督前鋒諸軍事勇冠三軍後進王又  
為西道都將卒年二十九贈太尉公謚恭子乾歸襲有氣幹  
習書疏尤好兵法尚景穆女安樂公主除駙馬都尉侍中獻  
文初為秦州刺史有惠政孝文時為中道都將卒謚康子海  
宇懷仁位散騎侍郎卒謚孝子瑗字雅珍尚孝文女淮陽公  
主除駙馬都尉累遷西兗州刺史天平元年舉兵應樊子鵠  
戰敗死

山西通志卷一百十八 鄉賢錄三

志

陳建代人以善騎射擢三郎遷下大夫內行長太武討山胡  
白龍輕之單將騎數十每自登山白龍伏壯士出不意帝墜  
馬幾至不測建以身捍賊奮擊殺數人被十餘創帝壯之賜  
別戶二十文成初出為幽州刺史假秦郡公孝文初徵為尚  
書右僕射加侍中進趙郡公密表啟南伐帝嘉之遷司徒進  
魏郡王卒子念生襲爵除  
伊穰代人少勇健走及奔馬善射力曳牛卻行神靡初擢侍  
郎轉三郎賜爵汾陽子太武將討涼州議者咸以無水草諫  
唯司徒崔浩勸行諷曰涼州若無水草何得為國宜從浩言  
帝善之及克涼州大會於姑臧帝曰崔公智計有餘吾亦不  
復奇之正奇馥弓馬士所見能與崔同耳顧謂浩曰馥智力  
如此終至公相浩曰何必讀書然後為學衛青霍去病亦不



讀書而致公輔帝欲以馥爲尙書封郡公馥辭曰中祕二省多諸文士請參其次帝賢之拜祕書監賜爵河南公拜司空清約自守政舉大綱大安二年領太子太保三年平尙書事卒子蘭襲位庫部尙書卒子益生驍勇有膽氣累有戰功遂爲名將以勳賜爵平城子爲西道都督戰歿贈雍州刺史陸侯代人曾祖幹祖引世領部落父突道武初數有戰功位離石鎮將上黨太守關內侯侯少聰慧明元初襲爵位給事典選部蘭臺事當官無所撓太武征赫連昌詔督諸軍鎮以備蠕蠕與安頡攻克虎牢賜爵建鄴公拜冀州刺史考天下第一轉虎牢鎮大將復轉安定鎮大將追討休屠金崖羌狄子玉等皆獲之遷懷荒鎮大將徵至京言鎮將即孤必敗高車必叛明年諸莫弗果殺孤從帝征蠕蠕破涼州別督輜重又渡河南略地仍遷長安鎮大將擊蓋吳于杏城獲吳二叔諸將欲送京師侯獨曰不如私許吳叔免其妻子使自追吳遂捨而與之期及期不至諸將皆咎侯侯曰此未得其便耳必不肯也後數日果斬吳以至皆如其言侯之明略獨決皆此類也遷內都大官安定盧水劉超等畔詔加都督秦雍諸軍鎮長安侯單馬之鎮申以威信示以成敗超猶無降意侯乃率其帳下見超使人迎曰三百人以外當以弓馬相待三百人以內當以酒食相供乃將二百騎詣超超備甚嚴遂縱酒盡醉而還後僞獵詣超與士卒約曰今會發機當以醉爲限侯乃詐醉上馬大呼斬超首士卒應聲縱擊遂平之帝大悅徵拜外都大官文成踐祚以子麗有定策勳進爵東平王卒年六十七謚成有子十二人少子驥驎侍御中散轉

山西通志卷一百十八

鄉賢錄三

三

侍御史太和初新平太守子高貴孝昌中兗州鎮東府法曹參軍

陸敵侯長子多智有父風文成謂朝臣曰吾常歎其父智過其軀是復踰於父矣少爲內都下大夫每能逆曉人意同事者無不愛之興安初賜爵卿城侯出爲相州刺史假長廣公爲政清平抑強扶弱州中有德宿老以友禮待之者十人號曰十善又簡取諸縣彊門百餘人以爲假子令歸家爲耳目於是發奸摘伏百姓以爲神明無敢劫盜者在州七年家至貧約徵爲散騎常侍乞留者千餘人不許帝謂羣臣曰敵之善政雖古人何以加之賜絹五百匹奴婢十口相州吏人大斂布帛以遺之敵皆不受人亦不取爲起佛寺名長廣公寺後襲爵改封建安王宋司州刺史常珍奇以懸瓠內附銜旨撫慰陷軍爲奴婢者皆免之人情乃定車駕討蠕蠕爲選部尙書錄留臺事及獻文將禪位于京兆王子推敵抗言曰皇太子聖德承基四海瞻望不可橫議干國之紀臣請勿頌殿庭有死無二久之帝曰敵直臣也豈能保吾子乎遂以敵爲太保以太尉源質持節奉璽綬傳位於孝文延興四年卒贈本官謚曰貞王敵有六子琇凱知名陸麗侯次子少以忠謹入侍太武親之賜爵章安子稍遷南部尙書宗愛殺南安王余百僚莫知所立麗首建大議與殿中尙書長孫渴侯尙書源賀羽林中郎劉尼奉迎文成於苑中而立之社稷獲安麗之謀也由是受心膺之任在朝者無出其右興安初封平原王麗頻譏不聽乃啟以讓父文成曰朕爲天下主豈不能得二王封卿父子耶以其父侯爲東平

山西通志卷一百十八

鄉賢錄三

三



王麗尋遷侍中撫軍大將軍司徒公復其子孫賜妻加號麗  
 固辭不受帝益重之領太子太傅麗好學愛士常以講習為  
 業父憂毀瘠過禮和平六年療疾於代郡溫泉聞文成喪欲  
 赴左右止之曰王德望素重姦臣若疾人譽慮有不測麗曰  
 安有聞君父之喪方慮患難便馳赴初乙弗渾悖傲麗數諍  
 之由是見忌害之謚曰簡王陪葬金陵李文時配饗廟庭麗  
 二妻杜氏生定國張氏生胤定國在襁抱文成幸其第詔餐  
 宮內游止常與獻文同年六歲為中庶子獻文踐阼拜散騎  
 常侍封東郡王定國以承父爵辭不許又以父爵讓弟胤乃  
 聽之俄遷侍中儀曹尚書轉殿中尚書前後大駕征巡擢行  
 臺錄都曹事超遷司空延興五年坐事免為兵太和初復除  
 侍中鎮南將軍秦益二州刺史復王爵八年卒於州贈本官

山西通志卷一百十八

鄉賢錄三

天

陸莊

陸秀字伯琳蔽第五子母赫連氏身長七尺九寸甚有婦德  
 秀年九歲被欲以爵傳之秀曰苟非闕力何患童幼蔽奇之  
 遂立為世子蔽卒翼爵秀沈毅少言雅好讀書為侍御長累  
 遷祠部尚書司州大中正坐事免景明初試守河內郡咸陽  
 之難以不先送其子曇和逮繫卒秀弟凱上書訴冤詔復爵  
 子景祚襲

陸凱字智君敬子謹重好學位太子庶子給事黃門侍郎在  
 樞要十餘年以忠厚見稱除正平太守在郡七年號為良吏  
 孝文議革變舊風國戚多怏怏令凱私喻之乃稍解及兄秀  
 陷罪凱哭無時節目幾失明訴冤不已至正始初宣武復秀  
 官爵凱大喜置酒集諸親曰吾所以數年之中抱病忍死者

願門戶計耳今願已遂以其年卒贈龍驤將軍青州刺史諡  
 惠

陸希道字洪度叔長子有風貌歷覽經史拜中散遷通直郎  
 坐父事徙遼西後得還以軍功賜爵淮陽男拜諫議大夫累  
 遷前將軍鄧州刺史善于馭邊甚有威略轉平西將軍涇州  
 刺史卒官贈撫軍將軍定州刺史有六子士懋字元偉天平  
 中以曾祖麗功特復襲鉅鹿郡公位營州刺史士宗字仲彥  
 尚書左外兵郎中士述字幼文符璽郎中建義初並于河陰  
 遇害士沈出後所之士廉字季脩建州平北府長史永安末  
 余朱世隆陷城見害士佩字季偉武定中安東將軍司州從  
 事希道弟希悅尚書外兵部郎

陸真人父洛侯秦州刺史真少善騎射太武時拜內三郎

山西通志卷一百十八

鄉賢錄三

天

真君中從討蠕蠕以功賜爵關內侯後攻懸瓠登樓臨射城  
 中弦不虛發從至江還盱眙真功居多文成初進都昌侯為  
 選部尚書後拜長安鎮將時初置長地鎮真率眾築城未訖  
 而兵仇傳擅叛真擊平之卒城長蛇而還東平王道符反于  
 長安以真為長安鎮將進河南公長安平兵人素服其威信  
 恬然安靜在鎮數年甚著威稱卒諡烈子延字契胡提有氣  
 幹襲爵例降汝陽侯位懷朔鎮大將太僕卿受使綏慰秀容  
 為牧子所害

和其奴代人少有操行善射御初為三郎文成初封平昌公  
 累遷尚書左僕射與河東王閼毗太宰常英等並平尚書事  
 在官慎法不受私請遷司空加侍中及乙暉執林金閭以擅  
 殺尚書楊保年之罪歸之其奴以金閼罪惡未分出之為定



州刺史皇興元年詔討長安鎮將東平王道符未至而道符敗軍還卒內外歎惜之贈王諡曰宣子受襲

趙尼代人會祖敦有功爲方面大人父婁爲冠軍將軍尼勇果善射太武善之拜羽林中郎賜爵昌國子宗愛殺南安王余祕之唯尼知狀勸愛立文成愛不聽尼懼其有變密以狀告殿中尙書源賀仍共南部尙書陸麗謀於是賀與尙書長孫渴侯嚴兵守衛尼與麗至苑中麗抱文成於馬上入京城尼馳還東廟大呼曰宗愛殺南安王皇孫已登大位有詔宿衛士皆可還宮衆咸唱萬歲賀及渴侯登執宗愛賈周等勒兵而入奉文成入登永安殿以尼爲內行長封東安公尋遷尙書右僕射爲定州刺史在州清慎又爲司徒獻文特加尊重賜別戶四十皇興四年車駕北征兵陣不整帝以其功重

山西通志卷一百十八

鄉賢錄三

三十

特恕之免官而已延興四年卒子社生襲

婁提代人獻文時爲內三郎獻文上賓提謂人曰尙安用活爲遂引佩刀自刺幾死文明太后詔賜帛二百匹

薛彪子代人祖達頭歸魏道武賜爵聊城侯待以上客禮賜妻鄭氏卒封贈冀州刺史諡悼父野脂并太二州刺史意東公有聲稱卒諡備彪子姿貌壯偉明斷有父風爲內侍長典奏諸曹事當官正直內外憚之文明太后臨朝出爲枋頭鎮將素剛簡近臣嫉之因小過黜爲鎮門士獻文南巡彪子拜訴於路復除枋頭鎮將累遷開府徐州刺史多惠政百姓便之沛郡太守邵安下邳太守張攀賊汙案之於法安等誣彪子南通賊孝文曰此妄矣推案果虛卒諡文

尉撥代人父那濮陽太守撥爲太學生慕從兗州刺史羅性

擊賊於陳汝有功賜爵介休男討和龍擊吐谷渾皆有功進爵子崇遷杏城鎮將大得人和文成以撥清平有惠績賜衣服獻文初爲北征都將南攻懸瓠進安城侯爲北豫州刺史卒諡敬

尉元字苟仁代人世爲豪宗父目斤有勇略位中山太守元善射爲羽林中郎以匪懈見知稍遷駕部給事中賜爵當城男和平中遷比部尙書進大昌侯天安元年薛安都以徐州內附詔元爲持節都督東道諸軍事尋與城陽公孔伯恭赴之宋兗州刺史畢衆敬亦遣東平太守章仇標歸款元並納之遂長驅而進宋遣張永沈攸之屯下礫安都出城見元元依朝旨授其徐州刺史遣中書侍郎高閭李琛與安都還入城別令孔伯恭撫安內外然後入彭城元以永仍據險要命

山西通志卷一百十八

鄉賢錄三

三十一

安都與琛同守身率精銳揚兵於外分擊呂梁絕其糧道永捐城夜遁乃遣高閭與張謙對爲東徐州刺史李琛與畢衆敬對爲東兗州刺史而元拜開府都督徐州刺史淮陽公太和初徵爲內都大官出爲使持節鎮西大將軍開府統萬鎮都將甚得夷人之心三年進淮陽王聽乘步輦杖於朝齊高帝旣立多遣間諜扇動新人以元威名夙振使總率諸軍捍之東南清晏遠近怙然入爲侍中都曹尙書遷尙書令進司徒十年例降山陽郡公頻表乞身詔許之元詣闕謝引見命升殿勞宴賜元冠素服詔以元八十之年宜處三老之重游明根七十之齡可充五更之選於是養三老五更於明堂禮畢賜步輦一乘給上公祿十七年疾帝親省之卒諡景桓公葬以殊禮給羽葆鼓吹假黃鉞班劍四十人子翊襲改博陵



郡公卒於恆州刺史諡順

朱長生于提並代人孝文時長生為員外散騎常侍與提俱使高車高車王阿伏至羅賈長生等拜長生拒之至羅乃不以禮待長生以金銀寶器奉之至羅既受獻長生日為臣內附宜盡臣禮何得口云再拜而實不拜呼出帳令眾中拜至羅慙其臣下大怒曰帳中何不教我拜而辱我於大眾奪長生等獻物內之叢石以兵脇之曰為我臣則活不降則殺汝長生與于提曠目厲聲曰我為鬼不為汝臣至羅大怒絕其飲食從者三十人皆求至羅乃給以肉酪長生與提又不從乃各分徙之三辰放還孝文以節同蘇武拜長生河內太守提隴西太守並賜爵五等男從者皆為令長

苟顏代人本姓若干父洛拔內行長顏厚重清直武力過人

山西通志卷一百十八 鄉賢錄三

三

推為中散小心謹敬賜爵建德男累遷司衛監洛州刺史抑強扶弱山蠻畏威不敢為寇太和中歷侍中都督尚書進河南公顏好直言李惠李訢之誅並致諫遷司空進河東王以舊老聽乘步輦杖於朝大駕行幸三川顏留守京師沙門法秀潛謀顏率禁旅收掩畢獲內外晏然卒諡僖王子愷襲例降公

尉聿字成興代人性耿介明帝時為武衛將軍時領軍元義執權百寮莫不加敬聿獨長揖不拜尋出為涼州刺史涼州緋色天下之最義送白綾二千匹令染聿拒不受又諷御史劾之驛徵至京覆無狀還任卒

朱瑞字元龍代郡桑乾人祖就沛縣令父惠行太原太守並贈刺史瑞長厚質直敬愛人士余朱榮引為大行臺郎中黃

門侍郎仍中書舍人榮居之門下為心腹之寄封陽邑縣公除侍中兼吏部尚書改封北海郡公莊帝還洛又改封樂陵郡公仍侍中瑞雖為余朱榮所委而善處朝廷間帝亦賞遇之嘗謂侍臣曰為人臣當須忠實至如朱元龍者朕待之亦不異餘人又為青州中正轉滄州大中正余朱榮死與世隆俱北走以莊帝待之素厚於路乃還帝大悅以瑞兼尚書左僕射為西道大行臺慰勞余朱天光余朱兆入洛復還京師都督斛斯椿先與瑞有隙數譖之於世隆遂被害太昌初贈開府儀同三司青州刺史諡恭穆

樊子鶴代郡平城人父興平城鎮長史歸義侯普泰中贈荊州刺史子鶴逢北鎮擾亂南至并州余朱榮引為都督府倉曹參軍使詣京師靈太后問榮兵勢子鶴應對稱旨太后嘉

山西通志卷一百十八 鄉賢錄三

三

之除直齊封南和縣子令遷赴榮建義初拜晉州刺史封永安縣伯永安二年以招納叛蜀進中都縣公又兼尚書行臺政有威信尋徵授都官尚書西荊州大中正兼右僕射為行臺進西陽郡公尚書如故假驃騎將軍率所部為都督時余朱榮在晉陽京師之事子鶴頗預委寄故在臺間征官不解後出為股州刺史歲旱勸有粟家分濟貧者并遣人牛易力多種二麥州內獲安余朱榮死子鶴不從世隆等招以母在晉陽求移鎮河南莊帝嘉之除都督豫州刺史行達汲郡聞余朱兆入洛乃渡河北徵赴洛奪其部眾將還晉陽東海王世以為侍中御史中尉中軍大都督太昌初兼尚書左僕射東南道大行臺總六都督杜德等追討余朱仲遠仲遠奔梁收其兵馬時梁遣元樹據譙城詔子鶴與德討之樹大敗入



城遂園之樹請歸南許之及樹叢半出子鵠擊破之擒樹及  
梁譙州刺史朱文開遷吏部尚書轉尚書右僕射尋加驃騎  
大將軍開府典選後除兗州刺史子鵠先遺腹心探察得失  
及至境太山太守彭穆參侯失儀責讓之并數其罪狀州內  
震悚孝武帝入關子鵠據城為應南青州刺史大野拔率眾  
就之天平初齊神武遣婁昭等攻城久不拔昭以水灌城大  
野拔因殺子鵠以降以上大同府

庾業延代人賜名岳其父及兄和辰世典畜牧稍轉中部大  
人收斂畜產富擬國君劉顯之變道武外幸和辰奉獻明太  
后歸道武又得其資用以和辰為內侍長岳恭慎修謹善處  
危難之間道武嘉之為外朝大人參預軍國從平中原拜安  
遠將軍詔岳討破離石胡帥呼延鐵西河胡帥張崇等以功

山西通志卷一百十八 鄉賢錄三

三

賜爵西昌公遷鄴行臺岳為將有謀略士眾服其智勇名冠  
諸將及罷鄴行臺以所統六郡置相州即拜岳為刺史秉法  
平當百姓稱之鄴舊有圍池時果初熟吏送之岳不受曰果  
未進御吾何得先食其謹如此遷司空以侯官誣告誅時人  
咸冤惜焉岳葬在代西善無界後太武征赫連氏經其墓詔  
為立廟求子孫任為帥者得其子陵從征有功聽襲爵朔平府  
尔朱羽健其先居尔朱川魏登國初羽健為領民酋長率契  
吳武士從平晉陽定中山拜散騎常侍以居秀容川詔割方  
三百里封之長為世業太祖初以南秀容川原沃衍欲令居  
之羽健曰臣家世奉給使左右北秀容既在剗內差近京師  
豈以沃瘠更易遠地太祖許之卒子鬱德襲肅武府  
李栗雁門人也昭成時父祖入國少辯捷有才能兼有將略

初隨太祖幸賀蘭部在元從二十一人中太祖愛其藝能時  
王業草創爪牙心腹多任親近惟栗一介遠寄兼非戚舊當  
世榮之數有戰功拜左軍將軍太祖征慕容寶栗督五萬騎  
為前驅軍之所至莫不降下遷左將軍栗性簡慢每在太祖  
前舒放倨傲咳唾任情太祖積其宿過天興三年遂誅之於  
是威嚴始厲制抑羣下盡謙卑之禮自栗始也

張黎鴈門原平人善書記道武知待之明元尤器其忠亮賜  
爵廣平公管總機要太武以其功舊除大司農卿軍國大議  
黎常與焉征赫連定有功進號征北大將軍鎮長安清約公  
平甚著聲稱代下家無餘財太武征涼州蠕蠕吳提乘虛入  
與司空長孫道生拒擊走之景穆初總百揆與崔浩等輔政  
忠於奉上非公事不言詔賜浩黎布帛各千匹吳王余立為

山西通志卷一百十八 鄉賢錄三

三

太尉文成即位與古弼俱誅  
李熙字士元雁門人神龜四年以博士徵官至太平太守賜  
爵平原子王道雅閔弼並雁門人與熙俱徵至拜秘書郎高  
允撰徵士頌云士元先覺介焉不惑振袂來庭始賓王國蹈  
方履正好是繩墨淑人君子其儀不忒又云道雅洽聞弼為  
兼識以上州  
柳崇字僧生河東解人七世祖執晉廷尉卿崇方雅有器量  
身長八尺美鬚明目兼有學行舉秀才射策高第解褐太尉  
主簿轉尚書右外兵郎中檢斷河東河北二郡上下息訟屬  
荆郢新附又持節經略加慰諭遷太子洗馬本郡中正累  
遷河中太守郡中畏服卒于官贈岐州刺史諡穆崇文章寇  
亂遺失長子慶和性沈靜不競于時位給事中本部中正卒



慶和弟楷字士則身長八尺善草書頗涉文史位撫軍司馬  
裴佗字元化河東人六世祖詵晉太常卿避地涼州東歸居  
解縣世以文學顯五舉秀才再舉孝廉時人美之父景惠州  
別駕佗容貌魁偉噴然有氣望舉秀才以高第除中書博士  
累遷趙郡太守威惠甚著狡吏奸人皆改貫所得俸祿分卹  
貧窮轉前將軍荊州刺史郡人戀仰傾境餼送蠻酋田盤石  
田敬宗等部落萬餘家恃險不賓前後牧守未能降款佗單  
使宣慰示以禍福敬宗聞風歸附於是合境清宴襁負至者  
千餘家後加中軍將軍以老乞還卒遺令不聽請贈不受贈  
祿諸子遵之佗性剛直不好交俗人投分者必當時名勝不  
事家產宅不過三十步又無田園暑不張蓋寒不裘衣其貞  
儉若此

山西通志卷一百八 鄉賢錄三 三

裴駿字神駒小名皮河東聞喜人父雙碩位恆農太守安邑  
子贈東雍州刺史聞喜侯駿幼而聰慧親表稱為神駒因以  
為字弱冠通涉經史方檢有禮度鄉里宗敬焉汾陰薛永宗  
應蓋吳來襲聞喜駿率屬鄉豪奔赴賊退會太武親討蓋吳  
引見駿駿陳敘事宜帝大悅謂崔浩曰裴駿有當世才其忠  
義可嘉補中書博士浩亦深器駿曰為三河領喪轉中書侍  
郎宋使明僧暲來聘以駿有才學假給事中散騎常侍於境  
上勞接卒贈秦州刺史聞喜侯諡曰康長子修字元寄次宣  
裴宣字叔令少孤事母兄以孝友稱通辯博物司空李冲見  
而重之孝文初徵為尚書主客郎累遷太尉長史請令州郡  
戍邏埋掩骸骨并符出兵之鄉使招魂祔祭復其年租調傷  
瘼者免其兵役從之出為益州刺史至州綏撫甚得戎羌之

心宣常慕廉退謂親賓曰吾本無當世志直隨牒至此祿厚  
養親效不光國可以言歸矣因奉表求解不許乃作懷田賦  
以敘心焉宣素明陰陽書尅亡日如其言贈豫州刺史諡曰  
定尋改為穆

裴詢字敬叔修子美儀貌多藝能音律博奕咸所閑解位平  
昌太守尚太原長公主特除散騎常侍司徒召為本邑中正  
詢讓族叔時論善之尋監起居事遷祕書監出為郢州刺  
史表蠻酋田朴特為西郢州刺史及梁將李國興寇邊朴特  
與部曲為表裏聲援郢州獲全朴特頗有力焉徵為七兵尚  
書武泰中以本官兼侍中為關中大使未及發於河陰遇害  
贈司空公諡貞烈無子

裴敬憲字孝虞宣子少有志行學博才清撫訓諸弟專以讀  
書為業澹於榮利風氣俊遠郡徵功曹不就諸府辟命先進  
其弟司州牧高陽王雍舉秀才射策高第除太學博士性和  
雅未嘗失色於人工隸草解音律五言獨擅一時名聲甚重  
後進咸宗慕之中山王將之部朝賢送於河梁賦詩言別以  
敬憲為最少有氣病年三十三卒人甚悼之敬憲世為德鄉  
里孝昌中蜀賊陳雙熾所過殘暴至敬憲宅輒約束不得焚  
燒為物所伏如此永興三年贈中書侍郎諡曰文

裴莊伯字孝夏宣次子博識多聞文才與敬憲相亞器度閑  
雅喜愠不形於色善以約言辨物司空在城王澄辟行參軍  
甚加知賞年二十一上神龜頌時人異之臨淮王彧北討引  
為記室參軍委以章奏及聞敬憲寢疾求假不許遂徑自還  
亦矜而不問扶侍兄病晝夜不離形容憔悴因葬敬憲遇病

山西通志卷一百八 鄉賢錄三 三



卒年二十八兄弟才學知名同年俱喪世共嗟惜之永安三年贈通直散騎侍郎諡曰獻兄弟並無子所著詞藻莫為集錄弟獻伯廷尉濟州刺史少以學尚風流有名京洛為政傷於嚴但以清白流譽遷殿中尚書卒

裴美敬憲從弟務之子少有美名舉秀才咸陽王雅相賞愛欲妻以女美拒不納除奉朝請

裴延備字平子河東聞喜人魏冀州刺史微之八世孫曾祖天明諮議參軍并州別駕祖雙彪河東太守贈雍州刺史諡順父山崧州主簿行平陽郡事以平蜀賊丁虫功贈東雍州刺史延備少孤事後母以孝聞涉獵墳史有才筆舉秀才射策高第除著作佐郎累遷太子洗馬又領本邑中正以官官例免宣武初為中書侍郎上專心釋典延備疏諫除司州別

山西通志卷一百十八 鄉賢錄三

三

駕時詔立明堂羣官博議延備獨著一堂之論太傅清河王擇讀而笑曰子故欲遠符僕射也明帝時累遷幽州刺史范陽郡有舊督亢渠徑五十里漁陽燕郡有故辰陵諸場廣袤三十里皆廢毀多時莫能修復延備表求營造遂躬自履行相度形勢隨力分督未幾而就溉田百萬餘畝為利十倍百姓賴之又命主簿鄭暉修起學校禮教大行人歌謠之在州五年考績為天下最拜太常卿歷七兵殿中二尚書散騎常侍中書令御史中尉又以本官兼侍中吏部尚書後於河陰遇害贈儀同三司都督雍州刺史子元直敬猷並有學尚同遇害元直贈光州刺史敬猷超贈尚書僕射

裴聿字外興河東聞喜人以操尚貞立被孝文所知為北中府長史帝以聿清貧欲以幹祿優之命帶溫縣時人榮之卒

於平秦郡太守贈洛州刺史子子爽入關西

裴榮字文亮魏冀州刺史微之後父叔業兄颺並仕齊景明初隨父兄內附封舒縣子沈重善風儀歷正平恆農二郡太守高陽王雍會以事屬榮榮不從後修謁雍含怒待之榮神情閑適舉止抑揚雍目之不覺解顏坐事免後宣武欲觀其風度令傳詔就家急召之須臾問使者相屬合家恒懼榮更恬然神色不變帝歎異之時僕射高肇朝士咸望塵拜謁榮唯長揖而已人尤之榮曰何可自同凡俗也又曾詣清河王憚下車屬暴雨榮容步舒雅不以霑濡改節乃令人持蓋覆之歎曰何代無奇人後為揚州大中正中書令明帝釋奠為侍講轉金紫光祿大夫節閔初復為中書令正月晦臨洛濱祭起御前再拜上壽酒帝曰卿昔戒北海以酒今何異於往

山西通志卷一百十八 鄉賢錄三

三

情榮曰北海志在沈酒故諫其所失陛下齊聖溫克敢獻微誠帝為命酌孝武初出為驃騎大將軍膠州刺史禱雨海神直據胡牀舉杯曰僕白君左右言例皆拜謁榮曰五岳視三公四瀆視諸侯安有方伯致禮海神卒不拜時青州賊耿翔乘其無備掩襲州城尋為翔害送首於梁子含字文若員外散騎侍郎

裴良字元賓河東聞喜人為尚書考功郎中汾州吐京胡薛羽等作亂以良兼尚書左丞為西北道行臺大破五城郡山胡馮宜都等於雲臺郊又山胡劉蠡升狂獗以良為汾州刺史加輔國將軍行臺如故良以城人饑窘夜率眾奔西河汾州居西河自良始孝靜初為衛大將軍太府卿卒於官贈吏部尚書諡貞又重贈侍中尚書僕射子叔祉居官有聲績位



終司空左長史以上釋川

賀悅訥從弟道武居賀蘭部下人情未甚附惟悅舉部隨從又密為帝祈禱天神請成大業出於誠至帝嘉之甚見寵待後平中原以功賜爵鉅鹿侯進爵北新公卒子泥襲降肥如侯清河之變泥出舉烽於安陽城北賀蘭部人皆往赴之明元即位乃罷與元渾等八人拾遺左右與安同行并定二州州郡肅然後從征赫連昌以功進爵琅邪公軍國大議每參預焉征蠕蠕為別道將坐逐賊不進贖為庶人拜光祿勳為外都大官復爵卒子醜建襲

和跋代人世為附臣至跋以才辨知名道武擢為外朝大人參軍國大謀雅有智算賜爵日南公從平中原以功進尚書銀籜以破慕容德軍改封定陵與常山王遵討賀蘭部別帥

山西通志卷一百十八

鄉賢錄三

四十一

木易干破之出為平原太守跋好修虛譽道武戒之不革被刑跋世居豺山祠墓具存後太武蒐豺山每遣祭之

賀拔度拔神武尖山人父爾頭驍勇絕倫以良家子鎮武川因家焉宣武時以功賜爵龍城縣男為武川鎮軍主度拔性果毅襲父爵正光末沃野人破六韓拔陵反懷朔鎮將楊鈞聞其名召補統軍配以一旅賊偽署王衛可瓌徒黨尤盛攻沒武川又陷懷朔度拔與子並為賊所虜乃與宇文肱合謀率州里豪傑珍念賢乙弗庫根尉遲檀等招義勇襲殺可瓌朝廷嘉之未及封賞度拔與鐵勒戰沒孝昌中追贈肆州刺史

賀拔岳字阿斗泥度拔第三子少有大志愛施好士初為大學生及長能左右馳射驍果絕人不讀兵書而暗與之合與

父兄赴援懷朔賊衛可瓌在城西三百餘步岳乘城射中瓌臂賊大駭為廣陽王深帳內軍主與兄勝俱鎮恆州州陷投尔朱榮為都督計事多與榮合榮赴洛配甲卒二千為先驅至河陰榮欲稱尊號岳從容致諫榮尋亦自悟以定策功賜爵樊城鄉男從破葛榮平元顯累遷左光祿大夫武衛將軍時万俟醜奴僭號榮以尔朱天光為使持節大都督雍州刺史岳為左廂大都督以侯莫陳悅為右廂大都督並為天光之副以討之赤水蜀賊兵斷路天光眾不滿二千軍次潼關天光有難色岳進破之於渭北軍容大振時醜奴圍岐州遣其大行臺尉遲菩薩僕射万俟行醜同向武功南渡渭水攻柵天光遣岳率千騎赴援菩薩已克柵率步騎二萬至渭北岳於渭南傍水分精兵數十為一處隨地形勢置之明日將

山西通志卷一百十八

鄉賢錄三

四十二

百餘騎隔水與賊相見且並東行岳漸前進騎隨岳而集賊不測其多少行二十許里至水淺可濟處便馳馬東出賊謂岳走乃乘步兵南渡渭水輕騎追岳岳東行十餘里依橫岡設伏兵以待身先士卒急擊之賊退走岳號令所部賊下馬者皆不聽殺賊悉投馬俄虜三千人馬亦無遺遂擒菩薩仍渡渭北降步卒萬餘醜奴棄岐州北走安定天光方自雍至與岳合勢輕騎追醜奴及于平涼之長阮一戰擒之又執蕭寶夤於高平城以歸賊行臺万俟道洛退保屯岳攻之道洛敗入隴投略陽賊帥王慶雲岳與天光度隴至慶雲所居承洛城賊頻出城拒戰並就擒餘悉阮之三秦河渭瓜涼鄯州咸來歸款賊帥夏州人宿勤明達降復叛又討擒之天光雖為元帥而岳功效居多進封樊城縣伯尋詔都督涇州刺



史進爵公天光入洛使岳行雍州事普泰初除都督岐州刺史進清水郡公尋加侍中給後部鼓吹進位開府儀同三司兼尚書左僕射隴右行臺仍停高平討平隴中餘賊二年加都督雍州刺史天光將拒齊神武岳曰莫若且鎮關中以固根本天光不從果敗孝武初加關中大行臺永熙二年孝武密令岳圖齊神武刺心血持以寄岳岳懼自詣北境安懼邊防率眾趨平涼西界布營數十里齊神武遣左丞翟嵩至關中間岳及侯莫陳悅三年岳召悅會高平將討曹泥令悅前驅悅誘岳入營被害於幕中朝野莫不痛惜之贈侍中太傅錄尚書事都督關中二十州諸軍事大將軍雍州刺史諡曰武壯翟嵩復命神武下牀鳴其頰曰除吾病者卿也何日忘之後岳部下以王禮葬岳於雍州北石安原子緯嗣拜開府

山西通志卷一百十八

鄉賢錄三

四三

儀同三司周保定中進爵霍國公尚周文帝女

侯深神武尖山人機警有膽略孝明末隨杜洛周後與妻兄念賢歸尔朱榮為中軍副都督莊帝封厭次縣子從討葛榮於滏口戰功尤多除燕州刺史時葛榮別帥韓樓郝長等屯據薊城榮令深討樓配眾甚少或疑之榮曰深臨機設變是其所長者總大眾未必能用止給騎七百深遂廣張軍聲率數百騎深入樓境去薊百餘里遇賊帥陳周馬步萬餘人大破之虜卒五千餘還其馬杖縱令入城左右皆諫深曰我兵少不可力戰事須為計以離隙之深度其已至遂率騎夜進昧旦叩城門韓樓果疑降卒為內應遂遁走追擒之賜爵為侯尋為平州刺史鎮范陽尔朱榮死太守盧文偉之深勒兵南向進至中山敗行臺僕射魏蘭根東海王煜授僕同三

司定州刺史左軍大都督漁陽郡公師閔帝加開府永熙初除齊州刺史孝武入關城人劉桃符等潛引汝陽王暹入據西城深出奔會承制以深行青州事深襲高陽郡克之親率輕騎夜趨青州城人執刺史東萊王貴平出降及樊子鶴平以封延之為青州刺史深遂奔梁為賣漿者所殺以上歸

右後魏一百三人

魏舊號代故部族均稱代人地  
別齊州之武成亦不止今大郡一郡也推後  
來定都平城則所謂八姓三十六族多居京邑  
國當舉大同為代之統稱耳舊志所採魏書代人  
諸人尤失限今別為次弟多失次又收及遷洛  
南歸武與核今並改正

山西通志卷一百十八

鄉賢錄三

四三

山西通志卷一百十八



鄉賢錄四

錄二之四

山西通志第一百十九

賜進士出身頭品頂戴都察院右副都御史巡撫山西提督糧務張煦奉旨監修

西魏 東魏 北齊

宇文導字菩薩周文兄顥之次子也少雄豪自武川遷居晉陽與周文隨賀拔岳入關常從征伐進斬侯莫陳悅於牽屯山封饒陽縣伯魏文帝東征留為華州刺史趙雀雀于伏德慕容思慶作亂導擒伏德斬思慶進章武郡公加侍中周文東征為大都督行華州刺史甚得守扞之方及西軍不利東魏追至稠桑知關中有備乃退代獨孤信為秦州刺史大都督十五州諸軍事周文帝討齊文宣又徵拜大將軍大都督二十三州諸軍事屯咸陽軍還乃旋舊鎮導性寬明善撫御

山西通志卷一百十九 鄉賢錄四

周文每出征導恒居守深為吏人所附朝廷重之卒於上邽贈尚書令謚曰孝朝議以導撫和西域威恩顯著欲令世鎮隴右以彰厥德乃葬上邽城西無疆原華戎會葬者萬餘人悲號振野皆曰我君捨我乎負土成墳高五十餘尺周八十八餘步為官司所止然後泣辭而去周天和五年贈太師柱國公

乙連孤佛保北秀容酋也少驍武善射孝武帝時為直閣將軍從入關封蒲子縣公賜弓矢大統初梁將蘭欽陷漢中佛保時為都督統兵力戰知將敗仰天大哭曰此馬吾常所乘此弓矢天恩賜我豈可令賊得吾弓馬乎遂斬馬及弓自刎而死三軍莫不壯之黃門郎趙僧慶收運其尸致長安詔著作錄之以上太原府

薛孝通字士達河東汾陰人征虜將軍聰子也博學有雋才蕭寶夤征關中引參驃騎大將軍府事禮遇甚隆寶夤將有異志孝通悟其萌託以拜掃求歸元顥入洛宗人薛永宗修義等應之孝通與所親計曰北海乘虛遠入吳兵不能久住事必無成今若與永宗等同舉滅族道也乃率其近親與河東太守元襲嬰城固守及寶夤平定元顥退走預事者咸懼禍唯同孝通者皆免除員外散騎侍郎余朱天光鎮關右表大行臺郎中深見任遇關中平定預有其力賜爵汾陰侯定册立節閔帝以首創大議拜銀青光祿大夫散騎常侍兼中書舍人封藍田縣子孝通求以官贈亡兄景懋又言已有侯爵請轉授兄息子舒詔特贈景懋撫軍北雍州刺史孝通尋遷中書郎深為節閔所知重普泰二年正月乙酉宴奏絃管

山西通志卷一百十九 鄉賢錄四

因使賦詩孝通曰既逢堯舜君願上萬年壽帝曰卿所謂壽豈容徒然便命酌酒賜孝通孝通即登忠為韻帝曰卿不忘忠臣之心時孝通內典機密外參朝政汲引人物知名士多見推薦外兄裴伯茂性傲唯欽賞孝通每有著述共參同異孝通謂之曰吾以阮籍嵇康何如管仲樂毅蓋自許經綸抑裴傲也齊神武起兵節閔謀鎮邊關右問誰可任者孝通與賀拔岳同事天光又與周文帝有舊二人先在關右因竝推薦之乃超授岳岐華秦雍諸軍事關西大行臺雍州牧周文為左丞孝通為右丞齋詔書馳驛入關授岳等同鎮長安岳深相器重與周文結為兄弟孝武帝初齊神武徵岳為冀州刺史岳欲單馬入朝孝通曰高王以數千鮮卑破余朱百萬之眾其鋒誠亦難敵然公兩兄太師領軍宿在其上候深樊



子鶴賈知解斯樞大野胡也拔吒延慶之徒皆其夷等韓陵之役此輩前後降附皆由事勢危逼非其本心在於高王曹操之孔融馬懿之葛誕今或在京師或據州鎮除之又失人望留之心腹之疾雖令孫騰在關下妻昭處鈞陳必不能如建安之時明矣今吐萬仁雖復退逸猶在并州高王先須平殄安置內外何能去其巢穴與公事關中地也且六郡良家之子三輔禮義之人皆係仰於公効其智力據華州以為城雉因黃河而為池塹退守不失封泥進兵同於建水乃欲束手受制不亦難乎言未卒岳執孝通手曰君言是也乃遜辭為啟而不受徵太昌元年因使入朝被留重除中書侍郎永熙三年三月出為常山太守仍以經節閔任遇故也孝武西遷徵赴晉陽不加位秩但引為坐客時訪文典齊神武讓劔履上殿表猶使為文會與諸人同詣晉祠皆屈膝盡禮孝通獨捧手不拜興和二年卒於鄴魏前二年贈車騎將軍儀同三司青州刺史齊武平初亦贈鄆州刺史著文集八十卷薛愷字景猷河東汾陰人曾祖宏敬避地襄陽愷躬耕以養祖母暇則覽文籍既羈旅不被推用常嘆曰豈能五十年戴憤死一校尉也常鬱鬱不得志左郎中將京兆韋潛度勸令參吏部愷曰世胄躡高位英俊沈下寮古人以為歎息竊所未能也潛度告人曰此年少實慷慨但不遭時耳孝昌中杖策還洛陽屬介朱榮廢立遂還河東止從叔懷儻家不交人物終日讀書鈔略將二百卷唯郡守元襲時相要屈普泰中拜給事中加伏波將軍齊神武起兵愷謂族人孝通曰高歡阻兵陵上喪亂方始關中形勝之地必有霸王據之乃與孝

山西通志卷一百九 鄉賢錄四

三

通俱游長安侯莫陳悅召為行臺郎除鎮遠將軍步兵校尉及悅害賀拔岳愷謂所親曰悅才略本寡輒害良將敗亡之事其則不遠吾屬今即為人虜何慶之有尋而周文平悅引為記室參軍武帝西遷授征虜將軍封夏陽縣男文帝即位拜中書侍郎加安東將軍進爵伯大統四年宣光清徵殿初成愷為之頌又為仙人水芝二欲器頌周文嘗令與盧辯檀翥等參守儀制以流離世故不聽音樂後坐事沒子舒嗣官至禮部下大夫儀同大將軍聘陳使副薛裕字仁友汾陰人端弟少以孝悌聞於州里弱冠為丞相參軍事慕京兆韋復恬靜數載酒肴往候談宴終日復遂以從孫女妻之裕嘗謂親友曰大丈夫當聖明之運而無灼然文武之用為世所知雖復栖遑徒為勞苦耳至如韋居士退不即整進不市朝怡然守道榮辱弗及其樂也裕卒文章士誅者數人周文惜之追贈洛陽刺史以上蒲州府長孫稚字承業以字行代人上黨王觀子也六歲襲爵降公孝文時以其幼承家業賜名字焉承業聰敏有才藝虛心愛士為前將軍從南討宣武時為揚州刺史假鎮南大將軍都督淮南諸軍事梁將裴遠虞鴻襲據壽春承業請子曉果遂頗難之號曰鐵小兒詔河間王琛總眾援之琛欲決戰承業以久雨須持重琛弗從遂敗承業後殿還為大都督北討鮮于修禮尋解行臺遣河間王琛為大都督前到滹沱承業未欲戰琛不從行進五鹿為修禮邀擊遂敗與琛並除名尋復假鎮西將軍討蜀都督頻戰正平郡有功除平東將軍復爵後除尚書右僕射為行臺討蕭寶夤時背疽未愈靈太后勞

山西通志卷一百九 鄉賢錄四

四



之答曰死而後已敢不自力時子彥亦患脚痺扶杖入辭尚書僕射元順曰吾等備位大臣各居寵位危難之日病者先行毋乃不可乎薛鳳賢據正平薛脩義屯河東分據鹽池攻圍蒲坂以應寶黃承業乃據河東時詔廢鹽池稅上表爭之及雍州平除雍州刺史孝莊初封上黨王尋改馮翊後降郡公遷司徒公加侍中兼尚書令大行奉仍鎮長安節閔立遷太尉公錄尚書事薛陵賈斯椿使承業人洛啟節閔誅世隆兄弟孝武初轉太傅以定策功更封開國子帝入關隨赴安位太師錄尚書事封上黨王大統元年卒贈假黃鉞大丞相都督三十州軍事雍州刺史謚文宣子五皆雄武

長孫子彥本名備承業子有膂力累從父征討封槐里縣子孝武帝立加中軍大都督行臺僕射鎮恒農從帝入關封高平郡公位儀同三司以從征寶泰戰沙苑加開府侍中及東復舊京又兼尚書令行司州牧留鎮洛陽後以不利班師大統七年拜太子太傅子彥少營墜馬折臂肘上骨起寸餘乃命開肉鋸骨流血數升言戲自若時以為踰於關公末年石發卒文帝聞之慟哭曰失我良將贈雍州刺史弟子裕位衛尉少卿

婁寶字道成代人伏連曾孫性惇樸好讀書明帝時仕至朔州刺史考為天下最後隨大都督源子邕討葛榮師敗被囚於榮軍變姓名匿戎伍以免害久之賊中有朔州人識寶者將詣榮榮笑曰得免亂兵此行善之驗也寶遇逃者密啟賊形勢規為內應上感其壯志授寶子景賢員外散騎常侍即榮滅始得還永安中除假員外散騎常侍使蠕蠕時書為敵

國儀寶責之蠕蠕遂更稱藩孝武較鎮恒農後從入關封廣甯縣伯大統元年領著作郎監脩國史別封平城縣子後授國子祭酒侍中進儀同三司兼太子太傅攝東宮詹事寶清簡少言頗諳舊事位歷師傳守靖謙恭以此為人所敬後行涇州事卒於州同府

柳蚪字仲盤河東解人五世祖恭後趙河東郡守後仕江表祖緝宋州別駕宋安郡守父僧習善隸書敏於當世與豫州刺史裴叔業據州歸魏歷北地額川二郡守揚州大中正蚪年十三專精好學時貴游並車服華盛唯蚪不事容飾徧受五經略通大義兼涉子史雅好屬文孝昌中揚州刺史李憲舉秀才兖州刺史馮儀引為府主簿揚州刺史樊義又以為揚州中從事加鎮遠將軍兼官還洛陽大統三年馮翊王元

季海領軍獨孤信鎮洛陽舊時京人物唯蚪在陽城裴詠在額川信等俱徵之以蚪為行臺郎中詎為北府屬並掌文翰時人語曰北府裴詠南府柳蚪勵精從事通夜不寢季海常云柳郎中判事我不復重看四年入朝為獨孤信開府從事中郎信出鎮秦隴為二府司馬不綜府事唯在左右談論而已因使留為丞相府記室封美陽縣男請史官記事者當朝顯言其狀事遂施行十四年除祕書丞領著作舊丞不參史事始令監掌焉遷中書侍郎修起居注仍領丞事蚪以為時有古今非文有古今為文質論廢帝初遷祕書監加車騎大將軍儀同三司蚪嘗敝衣蔬食曰衣不過適體食不過充飢孜孜營求徒勞思慮耳恭帝元年冬卒年五十四贈兖州刺史謚曰孝有文章數十篇行於世子鴻漸嗣

山西通志卷一百十九 鄉賢錄四 六



柳槍字季華，虬弟，性剛果，任氣少文，善騎射。年十八起家奉朝請，居父喪，毀瘠骨立，服闋除陽城郡丞、防城都督。大統四年，從戰河橋，先登，授都督鎮鄆州。八年，拜遼河郡守，仍典軍事。尋加平東將軍、大中大夫。吐谷渾入寇，槍兵少，撫而勉之，眾心乃安。因率數千人先擊，餘眾乘之，渾大敗，走封萬年縣。子時吐谷渾數侵疆場，槍屢戰必破之。數年不敢為寇。十四年，遷河州別駕，轉帥都督，俄拜使持節、撫軍將軍、大都督。居三載，徵還時槍、兄虬為祕書丞，弟慶為尚書左丞。槍曰：「兄則職與前贖，褒貶人倫，弟則管轄都司，股肱朝廷，可謂榮寵矣。然而四方未靜，車書不一，槍唯當蒙矢石履危難，以報國恩耳。」頃之，周文謂槍曰：「九曲國之東鄙，勞君守之，遂鎮九曲，尋從王雄討上津，魏興平之除，魏興華陽二郡守安，康人黃眾寶將圍州城，先圍槍郡，城卑下，土眾寡弱，又無守禦之備，連戰十餘日，士卒僅存，城陷，身被十餘創，遂為賊所獲。既而眾寶進圍東梁州，縛槍置城下，欲令誘城槍大呼曰：「羣賊烏合糧食已罄，行即退散，各宜勉之。」眾寶臨槍以兵曰：「速更汝辭，不爾便就戮。」槍守節不變，遂害之，棄尸水中。城中人皆為流涕。後兄子止戈收槍尸，還長安，贈東梁州刺史。子斌，字伯遠，年十七為齊公憲記室，早卒。

山西通志卷一百十九

鄉賢錄四

七

賀拔勝字破胡，神武尖山人。度拔次子也。少有志操，善左右馳射。北邊莫不推其膽畧，衛可瓌、懷朔勝時亦為軍主。從度拔鎮守，既被圍，經年而外援不至，勝慷慨白鎮將楊鈞請告急於大軍，乃募勇敢少年得十餘騎，夜潰圍出，賊追及之，勝曰：「我賀拔破胡也，賊不敢逼。」至朔州，見臨淮王彧，詞義懇

至或許出師還，復攻圍而入，賊追之，射殺數人，至城下大呼曰：「賀拔破胡與官軍至矣。」城中納之，鈞復遣勝出，覘武川武川已陷，勝馳還懷朔，亦潰父子，遂為賊所虜，尋而襲殺可瓌，眾令勝馳告朔州，未反而度拔卒，刺史費穆奇勝才畧，厚禮留之，委以兵事。時廣陽王深在五原，召為軍主，以功拜統軍。又隸僕射元纂鎮恒州，會朔州流人南下，恒州城人應之，勝與兄允弟岳相失，勝南投肆州，允岳投尔朱榮，榮攻陷肆州，得勝大悅，曰：「吾得卿兄弟，天下不足定。」勝兄弟三人遂事榮。時杜洛周據幽定，葛榮據冀瀛，榮曰：「井陘險要，我之東門，欲屈君鎮之，如何？」勝曰：「是所願也。」榮乃表勝鎮井陘，榮入洛封易陽縣伯。後與元天穆北征，葛榮大破之，洛周餘燼，韓樓據薊城，復以勝為大都督鎮中山，樓韓勝威名不敢南寇。元顯入洛，榮徵勝使與尔朱兆自破石度，大破顯軍，擒其子冠受，遂前驅入洛，進爵真定縣公。及榮死，田怡等議攻宮殿門，勝止之曰：「吾眾旅不多，何輕爾怡乃止。」隨世隆至河橋，遂勒所部還，莊帝大悅。仲遠逼京都，假驃騎大將軍，征東都督，率騎一千會鄭先護討之。先護置之營外，人馬未得息，俄而仲遠兵至，戰不利，乃降節閔帝，拜右衛將軍。後從尔朱度律拒齊神武，度律與兆不平，勝與斛斯椿詣兆營，和之，反為兆所執。兆數之曰：「爾殺可瓌罪一也，天柱薨後不與世隆等俱來而東，征仲遠罪二也，我欲殺爾久矣，勝曰：「可瓌作逆，勝父子誅之，其功不小，反以為罪，天柱被戮，以君誅臣，勝甯負王不負朝廷，今日生死在王，但去賊密邇，內媿嫌隙，自古迄今未有不破亡者，勝不憚死，恐王失策，兆乃捨之，韓陵之役，兆率鐵

山西通志卷一百十九

鄉賢錄四

八



騎陷陣出齊神武後度律懼兆陵已勒兵不進勝以其攜貳  
遂以麾下降齊神武兆軍遂大敗太昌初為領軍將軍尋除  
侍中孝武帝將圖齊神武拜都督荊州刺史驃騎大將軍開  
府儀同三司南道大行臺尚書左僕射勝多所克捷沔北盩  
為邱墟梁武帝敕其子雍州刺史續曰賀拔勝北間驍將爾  
宜慎之勿與爭鋒續遂城守不敢出尋進位尚書令進爵琅  
邪郡公孝武帝詔引兵赴洛至廣州而帝已入關勝還軍南  
陽令府長史元穎行州事自率所部將西赴關中進至浙陽  
授太保錄尚書事聞齊神武已平潼關乃還荊州州人鄧誕  
執元穎齊神武遣行臺侯景大都督高敖曹赴之勝敗中流  
矢奔梁在南三年梁武帝遇之甚厚勝求還梁武帝親餞于  
南苑勝自是執弓矢見鳥獸南向者皆不射之既至長安詣

山西通志卷一百十九 鄉賢錄四 九

開謝罪魏帝推勝手獻獻久之曰初平西徙永嘉南渡漢晉  
皆爾事乃關天非公之咎也授太師從周文帝擒寶泰于小  
關攻宏農下河北擒郡守孫曼破東魏軍于沙苑追至河上  
與李弼別攻河東略定汾絳河橋之役勝大破東魏軍收其  
降卒而還及齊神武攻玉壁勝以前軍大都督從周文見齊  
神武旗鼓識之募敢勇三千人配勝以犯其軍勝適與神武  
遇連叱而字之曰賀六揮賀拔破胡必殺汝也持稍追神武  
數里刃垂及之神武汗流氣殆盡會勝馬為流矢所中死副  
騎至神武已逸去勝歎曰今日吾不執弓矢天也是歲勝諸  
子在東者皆為神武所害勝憤恨大統十年卒臨終手書與  
周文曰勝萬里杖策歸身闕廷冀望與公掃除逋寇不幸殞  
斃微志不申若死而有知猶望魂飛賊庭以報國恩遇爾周

文覽書流涕久之勝尤工武藝走馬射飛鳥十中五六周文  
每云諸將對敵神色皆動唯賀拔臨陣如平常真大勇也自  
居重任始愛墳籍招文儒討論性又通率重義輕財卒後唯  
有隨身兵仗及書千卷而已初勝至關中自以年位素重見  
周文不拜後從宴昆明池時有雙鳧遊池中周文授弓矢于  
勝曰不見公射久矣請以為歡勝射之一發俱中因拜曰使  
勝得奉神武以討不庭皆如此也周文悅恩禮日重勝亦盡  
誠推奉焉贈太宰錄尚書事諡曰貞獻明帝二年配饗文帝  
廟廷無子以弟岳子仲華嗣位開府儀同三司襲爵琅邪公  
大象末位江陵總管

山西通志卷一百十九 鄉賢錄四 十

雷紹字道宗武川鎮人有膂力善騎射年十八給事鎮府使  
洛陽見京都禮儀之美還謂同輩曰徒知邊備尚武以圖富  
貴不謂文學身之寶也生世不學其猶穴處何所見焉遂辭  
母求師經年通孝經論語嘗讀書至人行莫大於孝投卷歎  
曰吾離違侍養非人子之道即還鄉里躬耕奉養以母憂哀  
毀骨立由是知名召補鎮佐後為賀拔岳長史岳有大事嘗  
訪而後行紹勸迎孝武西都長安後岳欲保關中坐觀成敗  
紹知計不用請任邊州遂為京兆太守清平理物甚得人和  
及岳遭侯莫陳悅之難紹棄郡馳赴岳軍與寇洛等迎周文  
帝悅平以功授大都督涼州刺史永熙三年為渭州刺史進  
爵昌國伯周文以恩舊接之卒於州紹性好施祿賜皆分贍  
親故及卒無以送終還葬長安文帝素服臨弔贈太尉賜東  
園祕器子煥

字文刺字樂仁代武川人驍悍有膽略累著戰功封南安縣



侯孝武西遷以獨孤信爲行臺信引爲帳內都督破田八能及禽東魏荊州刺史辛纂虬功居多尋隨信奔梁大統三年歸關進爵公擒賀泰復宏農及沙苑河橋之戰皆有功及從信討梁企定破之累遷南秦州刺史驃騎大將軍開府儀同三司虬每經行陣必身先卒伍故上下同心戰無不克後除金州刺史大將軍卒

王德字天恩代武川人少善騎射以孝弟稱初從平元顯賜爵同官縣子又從平万俟醜奴別封深澤縣男與寇洛等翊戴周文除平涼郡守德雖不知書至於斷決處分良無以過涇州所部五郡德常爲最孝武西遷進下博縣伯行東雍州事在州未幾百姓懷之賜姓烏丸氏大統元年進爵公加車騎大將軍遷儀同三司北雍州刺史後累有戰功加開府侍

山西通志卷一百十九 鄉賢錄四 十一

中進河間郡公拜河州刺史羣羌率服後卒於涇州刺史諡曰獻德性厚重廉慎言行無擇母幾年百歲後德終子慶嗣性謹厚位開府儀同三司初德喪父貧無以葬賣子公奴并一女以營葬事旋遭兵亂及在平涼始得之遂名曰慶王勇代武川人本名胡仁少雄健有膽決數從侯莫陳悅賀拔岳征討功居多拜別將周文爲丞相封包信縣子從擒賀泰復宏農戰沙苑氣蓋眾軍所當必破周文歎其勇敢賞賜特隆進爵公邙山之戰率敢死之士三百人並執短兵大呼直進出入衝擊殺傷甚多敵無敢當者時大軍不利唯胡仁及王文達耿令貴三人力戰軍還皆拜上州刺史令探籌取之胡仁遂得雍州賜名勇進侍中驃騎大將軍開府儀同三司恭帝元年從征蠕蠕破之進新陽郡公賜姓庫汗氏又別

封永固縣伯特請迴授兄子興時人義之尋進大將軍卒子昌嗣官至大將軍

若干惠字惠保代武川人父樹利周從魏廣陽王深征葛榮戰沒贈冀州刺史惠以別將從賀拔岳以功封北平縣男與寇洛趙貴翊戴周文仍從平侯莫陳悅拜直閣將軍從擒賀泰復宏農破沙苑每先登陷陣加侍中開府儀同三司封長樂郡公大統四年從魏文帝東巡洛陽與齊神武戰於河橋力戰破之七年遷領軍高仲密來附周文軍至洛陽齊神武屯於芒山惠爲右軍與中軍破之齊兵乃萃右軍將趙貴等戰不利會日暮齊兵攻惠惠擊皆披靡至夜中騎復來追惠惠徐下馬顧命廚人營食食訖謂左右曰長安死此中死異乎乃建旗鳴角收軍而還齊追騎憚惠疑有伏兵不敢逼

山西通志卷一百十九 鄉賢錄四 十二

至宏農見周文獻敵不自勝周文壯之遷司空惠性剛質有勇力撫御將士莫不懷恩侯景內附鎮魯陽卒於軍惠於諸將年最少事母孝周文嘗造射堂新成與諸將宴射惠竊歎曰親老矣何時辦此周文卽曰徙堂於惠宅其見重如此及卒爲流涕喪至又臨撫焉加贈秦州刺史諡曰武烈子鳳字遠摩有識度襲長樂郡公尙周文女位開府儀同三司大駟中大夫後錄惠功封徐國公拜柱國

趙善字僧慶代武川人貴從祖兄也少好學美容儀沈毅有遠量尔朱天光討邢杲万俟醜奴以爲長史普泰初爲大行臺尙書封山北縣伯天光敗死善請收葬神武義而許之賀拔岳總關中迎善爲長史後乃從周文孝武帝西遷改封襄城縣伯尙尙書左右僕射進爵爲公善性温恭有器局位居



端右而愈自謙退時人稱其有公輔量大統九年從戰芒山為敵所獲卒於東魏建德初子詢表請贈諡詔贈大將軍大都督四川諸軍事岐州刺史諡曰敬

王盟字作其先樂浪人六世祖波前燕太宰祖珍魏黃門侍郎贈并州刺史樂浪公父羅伏波將軍以良家子鎮武川因家焉正光中破六韓拔陵攻陷諸鎮為所擁後流寓中山以積射將軍從蕭寶夤西征隨賀拔岳禽萬侯醜奴平秦隴常先登力戰周文平侯莫陳悅除原州刺史孝武至長安封魏昌縣公大統三年徵拜司空轉司徒文帝東征以留後大都督行雍州事節度關中諸軍趙青雀之亂輔太子出頓渭北事平進長樂郡公賜姓拓跋氏遷太保九年進位太傅加開府儀同三司盟姿度宏雅仁而汎愛雖居師傅而謙恭自處

山西通志卷一百十九 鄉賢錄四 十三

未嘗以勢位驕人及疾上數幸其第親問所欲十一年薨贈本官諡曰孝定

王勒字醜與盟子忠果有材幹年十七從周文入關平秦隴定關中周文嘗謂曰為將坐見成敗者上也披堅執銳者次也勒曰意欲兼之周文大笑拜散騎常侍賜爵梁甫縣公大統初為千牛備身直長領左右出入臥內小心謹厚文帝嘗曰王勒可謂不二心臣也沙苑之役勒以都督領禁兵居左翼被傷重卒於行間周文深悼贈使持節太尉尚書令十州諸軍事雍州刺史追封咸陽郡公諡曰忠武子弼襲爵尚魏安樂公主位大都督通直散騎常侍勒弟懋字小興盟之西征也懋幼留山東永安中始入關遂從征伐大統初賜爵安平縣子進爵為公遷右衛將軍盟卒懋上表辭位乞終喪制

帝不許景遷開府儀同三司侍中左衛將軍領軍將軍溫和敬慎行十餘年未嘗有過廢帝二年除南岐州刺史賜爵安甯郡公拜小司寇卒官子悅嗣位大將軍同州刺史改封齊南郡公

梁禦字善通其先安定人因官北邊遂家武川改姓紇豆陵氏高祖侯力提從魏太武征討揚武將軍定陽侯禦少好學進趨詳雅長好弓馬余朱天光西討引為左右平關隴除益州刺史第一領人酋長封白水縣侯從賀拔岳鎮長安岳被害胡敷周文秦隴平欲引兵東下雍州刺史賈顯持兩端以禦為大都督雍州刺史領前軍先行說顯出迎遂入鎮大統元年進爵信都縣公授尚書右僕射從復宏農破沙苑加侍中開府儀同三司進爵廣平郡公出為東雍州刺史為政

山西通志卷一百十九 鄉賢錄四 十四

舉大綱而已人庶稱之臨卒唯以國步未康為恨言不及家贈太尉尚書令雍州刺史諡曰武昭子睿

寇洛上谷昌平人父延壽魏和乎中以良家子鎮武川因家焉洛性明辯不拘小節賀拔岳西征從入關以功封安鄉縣子岳為大行臺以洛為右都督侯莫陳悅既害岳洛素為眾信乃收集將士志在復讐至原州推洛為盟主周文至以洛為都督從討侯莫陳悅平之拜涇州刺史大統初詔加開府進爵京兆郡公封洛母宋為襄城郡君四年鎮東雍州五年卒於鎮贈太尉尚書令諡曰武子和嗣周明帝二年詔洛配享文帝廟庭賜和姓若引氏改封松陽郡公

念賢字蓋盧金城抱罕人父求就以大家子戍武川鎮仍家焉賢美容質頗涉經史兒時在學中讀書有善相者諸生競



詣之賢獨不往笑謂諸生曰男兒死生富貴皆在天也何遽相乎遭父憂居喪有孝稱後以破衛可瓌功除別將又以軍功封屯留縣伯從介朱榮入洛兼尚書右僕射東道行臺進爵平恩縣公永熙中孝武以賢為中軍北向大都督進爵安定郡公加侍中開府儀同三司大統初拜大尉為秦州刺史加太傅給後部鼓吹三年轉太師都督河州刺史大將軍久之還朝兼錄尚書事後與廣陵王欣扶風王季等同為正直侍中時行殿初成未有題目帝詔近侍各名之莫允帝心賢乃以圖極對帝笑曰正與朕意同河橋之役賢不力戰名頗減五年除都督秦州刺史薨於州諡曰昭定賢於諸公皆為父黨自周文以下咸拜敬之子華性和厚有長者風官至開府儀同三司合州刺史

山西通志卷一百十九 鄉賢錄四 十五

耿豪鉅鹿人本名令貴其先家於武川少獵獮有武藝好以氣陵人賀拔岳西征引為帳內歸周文以武勇見知豪亦自謂所事得主從討侯莫陳悅及迎孝武錄前後功封平原子沙苑之戰血染甲裳盡赤周文歎曰令貴武勇所向無前觀其甲裳足以為驗不須更論級數也進爵為公芒山之戰豪謂所部曰大丈夫除賊須右手拔刀左手把稍直斫直刺慎莫皺眉畏死遂大呼獨入敵人鋒刃亂下當時咸謂豪沒俄然奮刀而還戰數合當豪前者死傷相繼又謂左右曰吾豈樂殺人壯士除賊不得不爾拜北雍州刺史賜姓和稽氏進位侍中驍騎大將軍開府儀同三司豪性悍言多不遜周文惜其驍勇每優容之豪亦自謂意氣冠羣終無所屈年四十五卒周文痛惜之子雄嗣位至大將軍

以上歸化城廳

乙弗朗字通照其先東部人世為部落大人與魏徙代後因家盛樂焉朗少有俠氣以善騎射稱孝莊末北邊擾亂避居并肆間介朱榮見而重之以功封連勺子隸賀拔岳為左廂都督孝武禦齊神武授朗閣內大都督帝西入詔為軍司先驅靖路至長安封長安縣公卒於岐州刺史初朗患積冷周文使人問疾朝夕相繼臨終惟云恨不見河洛清平重反京縣以此為恨子鳳嗣仕周官至宮伯開府儀同三司與周閔帝謀宇文護見殺

和林格

右西魏二十五人

案諸人雖西事宇文而未必預神

竟雄字休武上黨長子人暄之子少驍果輕財重氣位燕州刺史平城縣伯率所部據定州歸齊神武從兄傑為滄州刺

山西通志卷一百十九 鄉賢錄四 十六

史亦遣使降神武使傑行瀛州事使傑代傑為瀛州刺史進爵公義然後取接下以恩吏人懷之為大都督隨高昂破賀拔勝於穰城除豫州刺史趙繼宗殺頴川太守邵招據樂口北應元洪威雄討之繼宗敗走城內因雄之出據州引西魏復討平之梁將李洪芝王當伯襲破平鄉城雄並擒之又破梁司州刺史陳慶之圍南荊州陷其城元慶和侵擾南境大破之於南頓尋破梁楚城豫州人上書更乞雄為刺史復行豫州事行臺任祥攻頴川長史賀若紇為西魏將怡峯所敗雄收散卒保大梁周將韋孝寬攻豫州雄都督程多寶執刺史馮邕并雄家屬及部下妻子數千口送至樂口雄外兵參軍王恆伽都督赫連雋等從大梁邀之斬多寶收雄家口還雄圍破樂口進討懸瓠復行豫州事岳寶據項城韓顯據南



頓雄一日拔其二城擒顯及長史岳寶遁走加驃騎大將軍儀同三司復平魯陽除豫州刺史雄性質寬厚為政舉大綱在邊十年屢有功績愛人物多所施與人以此稱之興和四年卒贈司徒諡武恭子師嗣

李業與上黨長子人祖蚪父元紀以儒學舉孝廉元紀卒於金鄉令業與少志學師事徐遵明時漁陽鮮于靈馥亦聚徒教授而遵明著錄尚寡業與詣靈馥費舍類受業靈馥曰李生外遠羌博士何所得也業與不言及靈馥說左傳業與問大義數條靈馥不能對乃振衣而起曰羌弟子正如此耳徑還自此靈馥生徒傾學就遵明學徒大盛業與之為也後乃博涉百家圖緯風角天文占候無不討練尤長算歷雅自矜負禮待不足雖權貴不屈後為王遵業門客舉孝廉為校書

山南通志卷一百十九 鄉賢錄四 十七

郎以世行趙匪歷節氣後辰下算延昌中乃為戊子元歷上之時屯騎校尉張洪濫寇將軍張龍詳等九家各獻新歷宣武詔共為一歷洪等推業與為主成戊子歷正光三年奏行之業與以殷歷甲寅黃帝辛卯徒有積元術數亡缺又修之各為一卷傳於世建義初典儀注尋除著作郎永安三年以前造歷勳賜爵長子伯孝武帝初封屯留縣子除通直散騎常侍後入為侍讀遷鄴起部郎中辛術奏曰今皇居徙御百度創始營構一興必宜中制李業與碩學通儒博聞多識萬門千戶所宜詢訪今求就之披圖按記考定是非參古雜今折中為制詔從之尚書右僕射營構大匠高隆之纂修三署樂器衣服又奏請共事天平四年與李諧盧元明使梁梁散騎常侍朱异問曰魏洛中委粟山是南郊邪邱邱曰委粟

是圓邱非南郊异曰邱邱異所是用鄭義我此中用王義曰然洛京郊邱用鄭解异曰若然女子逆降傍親亦從鄭否曰此亦不專從若此間用王義除禪應用二十五月何以王儉喪禮禪用二十七月也异不答業與曰我昨見明堂四柱方屋都無九五之室當是裴頠所制明堂上圓下方裴唯除室耳今此上不圓何也异曰方圓俗說經典無文曰圓方之旨出處甚明卿不自見見卿錄梁主孝經義亦云上圓下方豈非自相矛盾异曰若然圓方竟出何經業與曰出孝經援神契异曰緯侯何可信也業與曰靈威仰叶光紀之類經典亦無所出卿復信不异不答梁武問詩周南王者之風繫之周公召南仁賢之風繫之召公何名為繫對曰鄭注儀禮云昔太王王季居於岐陽躬行召南之教以興王業及文王行今

山南通志卷一百十九 鄉賢錄四 十六

周南之教以受命作邑於鄆文王為諸侯之地所化之國今既登九五之尊不可復守諸侯之地故分封二公名為繫梁武又問尚書正月上日受終於文祖此時何正對曰夏正月梁武言何以得知對曰按尚書中候運衡篇日月營始故知夏正又問堯時以前何月為正對曰自堯以上書典不載實所不知梁武又云寅賓出日是正月日中星鳥以殷仲春即是二月何得云不知對曰雖三正不同言時節者皆據夏時正月周禮仲春二月會男女之無夫家者雖自周書月亦夏時堯之日月亦當如此又問易有太極極是有無對曰所傳太極是有還還散騎常侍加中軍大將軍武定元年除國子祭酒仍侍讀神武以業與明術數軍行常問焉芒山之役有風從西來入營業與曰小人風來當大勝神武曰若勝以爾



爲本州刺史既而爲太原太守五年齊文襄引爲中外府諮議參軍造九宮行基歷以五百爲章四千四十爲部九百八十七爲斗分還以已未爲元始終相維不復移轉與今歷法術不同至於氣序交分景度盈縮不異也文襄征潁川業興曰往必克克後凶文襄既克欲以業興當凶而殺之業興鳩集文籍手自補修題帖家書垂將萬卷覽讀不息多有異聞諸備服其深博性豪俠重意氣急難歸之便春匿好合傾身無怪乖忤便即疵毀時人以此疾之至於學術精微當時莫及二子崇祖傳父業

李崇祖字子述業與子盧景裕講易崇祖時年十一論難往復景裕憚之姚文安難服慶左傳解七十七條名曰駁妄崇祖申明服氏名曰釋謬營三臺有勞封屯留縣侯武定中太尉外兵參軍

以上諸安府  
安府

婁昭字菩薩代郡平城人齊神武后之母弟也祖提雄傑有識度家僮千數牛馬以谷量性好周給士多歸附之魏太武時以功封真定侯父內干有武力未仕而卒昭貴贈司徒昭方雅正直有大度深謀腰帶八尺弓馬冠時神武少親重之昭亦早識人雄曲盡禮敬數隨獵每言不宜乘危歷險神武將出信都昭贊成大策爲中軍大都督從破朱兆於廣阿封安喜伯改濟北公又徙濮陽郡公授領軍將軍解斯椿賀拔勝搆間以疾辭還晉陽後從入洛兗州刺史樊子鶴據城昭爲東道大都督伐之子鶴平諸將勸盡捕誅其黨昭曰此州無狀橫被殘賊其賊是怨其人何罪遂皆舍焉後轉大司馬仍領軍遷司徒出爲定州刺史事委寮屬舉其大綱而已

卒於州贈假黃鉞太師太尉諡曰武齊初祭告其墓封太原王皇建初配享神武廟庭長子仲遠嗣改封濮陽王次子定遠少歷顯職別封臨淮郡王武成未受顧命位司空趙郡王奏駟和士開定遠納士開賂遂成趙郡之禍尋除瀛州刺史與穆提婆有隙以高思好事遇禍

張華原字國滿代郡人少明敏有器度初爲齊神武驃騎府法曹參軍賜爵新城伯累遷大丞相府屬深被親待恆令宣諭意旨除散騎常侍周文據雍州神武使華原入關說焉周文謂曰若能屈驥足於此當共享富貴不爾命懸今日華原曰殞首而已不敢聞命周文嘉其亮正乃使東還尋悔追不及神武以華原久不返每嘆惜之聞其來喜見於色除相府右長史遷驃騎大將軍特進進爵爲公仍徙封新安後爲

以上諸安府  
安府

兗州刺史華原有幹略達政體至州廣布耳目以威禁境內大賊及隣州亡命三百餘人詣華原歸款撫以恩信放歸田里人懷感附寇盜寢息州獄先有繫囚千餘人華原科簡輕重隨事決遣至年暮惟有重罪者數十人各給假五日日期盡速還囚等曰有君如是何忍背之依期畢至州境數有猛獸爲暴華原臨政州東北七十里輒山中忽有六駮食猛獸咸以爲化感所致卒官州人大小莫不號慕爲樹碑立祠四時祭焉贈司空尚書右僕射子宰均嗣  
張瓊字德連代人少壯健有武用爲余朱榮都督歷濟州刺史後歸神武拜滄州刺史加驃騎大將軍開府儀同三司天平中神武襲克夏州以瓊爲慰勞大使留鎮之尋爲周所陷卒贈司徒都督恆州刺史二子長欣次道業欣尙魏平陽公



主除駙馬都尉驃騎大將軍開府儀同三司建州刺史南郡伯瓊常憂其大盛曰凡人官爵莫若處中欣位秩太高深為憂慮欣尋為孝武所害時人稱瓊先見遵業討元顯有功封固安縣開國子歷安西將軍建州刺史武定中隨儀同劉豐討侯景為景所禽景敗殺遵業於渦陽

陸子彰字明遠本名士沈代人希道子希道從弟昕之尙獻文常山公主歷充青二州刺史並有政績轉相州刺史卒無子以子彰為後年十六事公主盡禮正光初襲東郡公累遷給事黃門侍郎娶咸陽王禧女嘗養於彭城王第莊帝親之同諸姊建義初封濮陽郡王尋復先爵天平中拜衛將軍瀕州刺史母憂去職元象中除齊州刺史又加驃騎將軍行懷州事轉北豫州刺史仍除徐州一年歷三州當世榮之還朝

山西通志卷一百九 鄉賢錄四 三

除衛大將軍右光祿大夫行瀛州事尋拜侍中復行滄州事進號驃騎大將軍行冀州事除侍讀兼七兵尙書行青州事子彰自蒞瀛州後有政聲加以虛已納物人士愛之除中書監卒贈開府儀同三司諡文宣子彰好道術不忍用桑蠟蚘子合藥訓六子有法度

慕容紹宗字紹宗代人前燕太原王恪之後也會祖騰歸魏遂居代祖郁岐州刺史父遺恆州刺史紹宗容貌恢毅少言深沈有膽略尔朱榮即其從舅子也榮欲悉誅洛中人士對曰公既執忠義忽欲殲夷多士實謂非策榮不從後以軍功封索盧侯遷尔朱兆長史及兆敗紹宗於烏突城攜尔朱榮妻子并兆餘眾自歸神武加恩禮官爵如故軍謀兵略時參預焉及遷鄴令紹宗知府庫圖籍諸事累遷青州刺史丞相

記室孫奉譖之徵還元象初以軍功進爵公累遷御史中尉梁劉烏黑入寇徐方授徐州刺史執烏黑殺之還除尙書左僕射侯景反命紹宗為東南道行臺加開府改封燕郡公擒梁貞陽侯蕭明於寒山回軍討侯景於渦陽時景軍甚盛初聞韓軌往討之曰噉豬腸小兒聞高岳往曰此兵精人凡爾諸將被輕及聞紹宗至扣鞍曰誰教鮮卑小兒解遣紹宗來若然高王未死邪及與景戰諸將頻敗無肯先者紹宗麾兵徑進諸將從之因大捷西魏遣王思政據潁川又以紹宗為南道行臺堰洧水灌城與劉豐臨堰見北有塵氣乃入艦同坐暴風從東北來纜斷飄艦徑向敵城紹宗自度不免投水卒三軍將士莫不悲惋朝廷嗟傷為贈太尉諡曰景惠齊皇建初祀享文襄廟庭以上大

山西通志卷一百九 鄉賢錄四 三

高市貴善無人也少有武用孝昌初恆州內部敕勒劉喻等聚眾反市貴為都督率眾討破之累遷撫軍將軍諫議大夫尔朱榮立莊帝預翼戴之勳遷衛將軍光祿大夫賜爵上洛縣伯榮擊葛榮於滏口以市貴為先鋒都督葛榮平除使持節汾州刺史紇豆陵步藩之侵亂并州也齊神武破之市貴亦從行有功封常山郡公神武起義市貴預其謀天平初復除晉州刺史尋以洪洞要險道市貴鎮之神武沙苑失利晉州行事封祖業棄城而還州民柴覽作逆市貴破斬之於柴堡是時東雍南汾二州境多聚為盜因市貴平覽皆散歸後業後秀容人五千戶叛應山胡復以市貴為行臺統諸軍討平之元象中從神武破周文帝於邙山重除晉州刺史西道軍司率眾擊懷州逆賊潘集未至遇疾道卒崩平



賀拔允神武尖山人度拔次子也便弓馬有膽略度拔沒允兄弟俱奔恆州刺史廣陽王深深敗歸尔朱榮榮素聞其名待之甚厚建義初封壽陽縣侯永安中進爵公長廣王除開府儀同三司封燕郡王兼侍中使蠕蠕遣至晉陽屬齊神武出山東允早自結託神武以其北土之望尤親禮之遂與允出信都中與初轉司徒領尚書令入洛進爵王轉太尉加侍中孝武以允弟岳據關中有重兵深相委託潛使來往及岳沒又委岳兄勝心腹之寄神武重舊猶全護焉天平元年獵或告允引弓擬神武乃餓殺之年四十八神武親臨哭贈太保允三子世文世樂難隆興和末神武並召與諸子同學焉武定中敕居定州賜田宅清河

蔡倚廣甯石門人父普守五原有功拜甯朔將軍卒贈燕州刺史倚豪爽有膽略齊神武微時深相親附神武謀誅杜洛周倚預其計事泄歸尔朱榮從入洛又從破葛榮平元顯封烏洛縣男隨神武舉義平鄴破韓陵並有戰功進爵侯出爲齊州刺史爲政嚴暴然亦明解吏人畏服之性好賓客頗稱施惠天平中卒於揚州刺史贈尚書令司空公諡威武齊初祭其墓皇建初配享神武廟庭

韓賢字普賢廣甯石門人壯健有武勇爲尔朱度律帳內都督封汾陽縣伯後爲廣州刺史及齊神武起義度律以賢素爲神武所知遣使徵之賢不願去乃密遣羣蠻多舉烽火若有寇至使者遂爲敢得停賢仍潛通誠於神武後拜建州刺史天平初歷洛州刺史州民韓木蘭等作逆賢擊破之親自案檢收甲仗有一賊窘迫藏於死尸之間忽起斫賢卒贈尚

山西通志卷一百十九

鄉賢錄四

三

三

書令司空子裔嗣

任祥字延敬廣甯人伯父桃太和初爲雲中軍將祥隨之因家焉少和厚有器度初從葛榮榮敗先降拜廣甯太守賜爵西河縣公隨齊神武起兵封魏郡公後兼尚書左僕射進開府儀同三司位望既重能以寬和接物人士稱之及斛斯椿變發乘官歸神武天平初拜侍中遷徐州刺史梁遣將寇邊祥破於北濟陰又破之單父在州爲政不殘禮敬人士不爲民所疾苦潁川長史賀若微附西魏祥戰失利還與侯景高昂共攻拔潁川元象元年卒贈太尉公錄尚書事于胄天平中爲東郡太守與和末預尔朱文暢謀誅以上薩拉齊莫多婁貸文太安狄那人曉果有膽氣從神武起兵破廣阿封石城縣子從破韓陵進侯爵從平赤嶺嶺獲爾朱兆尸天平中進爵公晉州刺史元象初除車騎大將軍儀同三司南道大都督從攻獨孤信於金墉城請率所部擊其前鋒以輕騎一千軍前斥堠死於周軍贈尚書左僕射司徒公子敬顯嗣疆直勤幹少以武力見知恆從斛律光征討數有戰功位至開府儀同三司武平七年推立安德王稱尊號安德敗武將唯敬顯走還鄴授司徒周武帝平鄴斬於閭闔門外責其不留晉陽也

尉長命太安狄那人父顯魏代郡太守長命性和厚有器識扶陽之亂寄居太原參預齊神武起兵破韓陵拜安南將軍除東南道大都督平樊子鴿徙幽州刺史督安平二州州居北垂土荒民散長命以恩撫之少得安集卒贈司空諡武壯子興敬便弓馬有武藝位冠軍將軍賜爵集中縣伯進侯郎

山西通志卷一百十九

鄉賢錄四

三

三



山之役因戰為流矢所中卒贈涇岐豳三州軍事爵為公諡  
閔莊神武哀惜之親臨弔焉子士林嗣

寶泰字世甯太安捍殊人本出清河觀津曾祖羅魏統萬鎮  
將因居北邊父樂魏末拔陵為亂與鎮將楊鈞固守遇害追

贈司徒泰善騎射有勇略父兄戰歿於鎮身負骸骨歸亦朱  
榮從討邢杲賜爵廣阿子神武為晉州請為鎮城都督參謀

軍事累遷侍中京畿大都督尋領御史中尉泰以勳戚居臺  
百寮憚之天平三年神武西伐令泰自潼關入四年泰至小

關為周文帝所襲殺盡沒泰自殺贈大司馬大尉錄尚書事  
諡武貞素妻皇后妹雖以親見待而功名自建齊初祭其墓

皇建初贈享神武廟庭于孝嗣  
段榮字子茂祖士信仕沮渠氏後入魏以豪族徙北邊家於

五原郡父連安北府司馬榮少好術專意星象正光初詔  
人曰天垂象見吉凶今觀元象察人事不及十年當有亂矣

或問曰起於何處當可避乎榮曰搆亂之原此地為始恐天  
下因此橫流無所避也未幾果如言榮遇亂與鄉舊攜妻子

南趣平城屬杜洛周為亂與齊神武謀誅之事不捷共奔介  
朱榮後神武建義山東榮贊成大策為行臺右丞西北道慰

諭大使巡方曉諭所在下之神武南討鄴留榮鎮信都所須  
軍資榮轉輸無闕神武入洛論功封姑臧侯轉授瀛州刺史

榮妻裴后姊也榮恐神武招私親之議固推諸將竟不之州  
尋行相州事後為濟州刺史天平三年轉行恭州事榮性溫

和所歷皆推仁恕民吏愛之初神武將圖關右與榮密謀榮  
盛稱未可及涓曲失利神武悔之曰吾不用段榮之言以至

於此四年除山東大行臺大都督甚得物情大象元年授儀  
同三司二年五月卒贈太尉尚書右僕射諡曰昭子韶字孝

先位至左丞相承昌郡公為齊名將  
萬侯洛字受洛干太平人其先匈奴之別種也父普降魏授

後將軍第二領人酋長齊神武起義普通誠款神武平夏州  
乃率其部落來奔授西河公累遷太尉朔州刺史洛豪壯有

武藝射過人為鄉閭所伏破六韓拔陵反隨父歸順除顯  
武將軍隨亦朱榮每有戰功累遷汾州刺史及起義信都遠

送誠款神武嘉其父子俱至甚優其禮除領軍兼靈州刺史  
天平中隨父東歸封建昌郡公與諸將軍圍獨孤如願於金

塘及河陰之戰並有功神武嘉其父尊老將崇禮之嘗親扶  
上馬洛免冠稽首曰願出死力以報深恩及此役也請軍北

渡橋洛一軍不動謂西人曰萬侯受洛干在此能來可來也  
西人畏而去神武以雄壯名其所營地為回洛城洛慷慨有

氣節勇銳冠時當世推為名將興和初卒  
破六韓常字保年附化人父孔雀領民酋長常沈敏有膽略

善騎射齊神武起義常為附化守與萬侯受洛干東歸神武  
嘉之上為撫軍與諸將征討從神武攻擊諸寇累遷車騎大

將軍開府封平陽公除洛州刺史常啟世宗曰常自鎮河陽  
以來頻出關口太谷二道北制已北洛州已南所有要害頗

所悉知而太谷南口去荆路踰一百經赤土阪是賊往還東  
西大道中間曠絕一百五十里賊之糧餽唯經此路愚謂於

彼選形勢之處營築成安置士馬截其遠還自然不能更  
有行送世宗納其計遣大司馬斛律金築楊志百家呼延三

山西通志卷一百十九 鄉賢錄四 三五

山西通志卷一百十九 鄉賢錄四 三五



鎮常秩滿還晉陽拜太保倉州刺史卒贈尚書令司徒公太  
傳第一領民首長假王諡曰忠武以上烏拉

右東魏十九人例同西魏神武五原郡地魏所建懷朔鎮也舊志人物繫之今朔州非

白建字彥舉太原陽邑人初入大丞相府任騎兵曹典文帳  
明解書計為同局所推天保末兼中書舍人孝昭輔政除大  
丞相騎兵參軍河清二年除員外散騎常侍仍舍人三年突  
厥入境代忻二牧悉細馬合數萬匹在五臺山北柏谷中避  
賊賊退救建送馬定州建以馬瘦還救以便宜從事戎馬無  
損建有力焉武平末歷尚書特進侍中中書令封高昌郡公  
父長命贈開府儀同三司都官尚書建勤於在公以溫柔自  
處與府臣俱以典執兵馬致位卿相世稱唐白諸子俱為州

主簿卒贈司空

山西通志卷一百十九 鄉賢錄四

三

王松年太原晉陽人魏侍中遵業子也少知名齊文襄臨并  
州辟主簿累遷通直散騎常侍副李緯使梁歷位尚書郎中  
魏收撰魏書松年有謗言文宣怒禁止之仍加杖罰歲餘得  
免除臨漳令遷司馬別駕本州大中正孝昭擢拜給事黃門  
侍郎每賜坐與論政事甚善之後馳驛至鄴宣遺詔發言涕  
泗迄於宣罷容色無改辭吐諸韻宣訖號慟自絕於地百官  
莫不感動還晉陽兼侍中護梓宮還鄴諸舊臣避形迹無敢  
盡哀惟松年哭必流涕武成亦雅重之加散騎常侍食高邑  
縣幹參定律令前後大獄多委焉兼御史中丞卒贈吏部尚  
書并州刺史諡曰平第二子劼最知名  
斛律金字阿六敦朔州敕勒部人家晉陽 祖倍侯利魏道

武時內附位大羽真賜爵孟都公祖幡地斤殿中尚書父那  
瓌光祿大夫贈司空金性敦直善騎射行兵用匈奴法望塵  
知馬步多少嗅地知軍度遠近為軍主破六韓拔陵之亂統

所部詣雲州除第二領人酋長稍引南出黃瓜堆為杜洛周  
所破與兄平歸余朱榮為別將孝莊立賜爵阜城男位金紫  
光祿大夫贊成齊神武大謀大昌初為汾州刺史進侯從破  
竇豆陵於河西沙苑之役神武以地阨少却軍為西師所乘  
遂亂張華原諸兵莫有應者神武將集兵便戰金曰眾散將  
離其勢不可復用宜急向河東神武據鞍未動金以鞭拂馬  
神武乃還是役也無金先請還幾殆高仲密叛金從破周文  
於洛陽還除大司馬改封石城郡公神武重其古質每誡文  
襄曰有識此人者勿信之文襄嗣事為肆州刺史文宣初封

山西通志卷一百十九 鄉賢錄四

三

威陽郡王天保三年就除太師四年解州以太師還晉陽車  
駕幸其第六宮及諸王盡從置酒極夜方罷帝欣甚詔金第  
二子豐樂為武衛大將軍賜帛五千匹謂曰公元勳佐命父  
子忠誠朕當結以婚姻永為藩衛仍詔金孫武都尚義甯公  
主帝從皇太后幸金宅皇后太子諸王皆從後蟪蟪破散慮  
其犯塞詔金屯兵白道以備之多所俘獲并表陳虜可取狀  
文宣乃與金共討之進位右丞相食齊州幹遷左丞相孝昭  
初納其孫女為皇太子如詔朝見聽乘步挽車至階武成初  
禮遇彌重又納其孫女為太子妃金長子光大將軍次子美  
及孫武都並開府儀同三司出鎮方岳其餘子孫皆封侯貴  
達一門一皇后二太子妃三公主尊重當時莫比金嘗謂光  
曰我雖不讀書聞古來外戚梁冀等無不傾覆女若有寵諸



貴人妬女若無寵天子嫌之我家直以立動抱忠致富貴豈  
請女也辭不獲免常以為憂天統三年卒年八十贈假黃綬  
相國太尉公贈錢百萬謚曰武

斛律光字明月金長子馬面彪身神爽雄傑少言笑工騎射  
初隸侯景彭樂謂高敖曹曰斛律家小兒不可三度將行後  
奪人名以庫直事文襄從出野見雁雙飛使光馳射之以一  
矢俱落焉年十七從金西征馳馬射中周長史莫孝暉因擒  
於陣搆都督封永樂子文襄校獵涇橋雲表見一大鳥光射  
中其頸形如車輪旋轉而下乃鴈也丞相屬邢子高歎曰此  
射鴈手也時號落鴈都督齊初封西安縣子皇建元年進  
鉅鹿郡公納其長女為太子妃歷太子太傅為書令司空司  
徒河清三年周大司馬尉遲迥齊公憲庸公王雄等眾十萬

山西通志卷一百九

鄉賢錄四

三九

攻洛陽光率騎五萬馳往戰於邙山迥等大敗光親射雄殺  
之迥憲僅而獲免仍榮京觀策勳遷太尉嘗見稚河冰憂曰  
國家常有吞關隴之志今日至此而唯玩聲色先是第二女  
為太子妃天統元年拜皇后光轉大將軍三年六月父喪詔  
起復秋除太保襲成陽王遷太傅十二月周軍圍洛陽迥絕  
糧道武平元年正月詔光率步騎三萬禦之鋒刃纔交周將  
宇文傑眾大潰迥至宜陽還擊齊王憲等眾大潰加右丞相  
并州刺史冬又率步騎五萬於玉壁築華谷龍門二城與憲  
相持憲不敢動二年率眾築平隴等鎮成十三所周柱國杞  
罕公普屯威柱國韋孝寬等來逼平隴戰於汾水大破之周  
遣柱國紇干廣略圍宜陽光率步騎五萬戰於城下取周建  
安等四戍捕千餘人而還軍未至鄴敕令便放兵散光以有

功者未得慰勞密表請使宣旨軍仍且進至紫陌駐營待使  
帝聞光軍營已逼心甚惡之急令舍人追光入見然後宣勞  
散兵拜左丞相別封清河郡公光嘗在朝堂垂簾而坐祖珽  
乘馬過其前光怒曰此人乃敢爾後珽在內省言聲高慢光  
又怒珽賂其從奴搯頭曰自公用事相王每夜抱膝歎曰盲  
人用權國必破矣珽由是懼穆提婆求娶光庶女不許帝賜  
提婆晉陽田光言於朝曰此田神武以來常種禾飼馬以擬  
寇難今賜人無乃闕軍務也帝又以鄴清風園賜提婆光曰  
此業與提婆是一家足若不賜提婆便百官足由是祖穆  
積怨周將韋孝寬懼光作謠言令聞漏於鄴曰百升飛上天  
明月照長安又曰高山不推自崩樹不扶自豎珽積之曰  
百老公背上下大斧饒舌老母不得語令小兒歌於路提婆

山西通志卷一百九

鄉賢錄四

三九

聞告其母令萱以饒舌為斥已盲老公謂祖珽也遂協謀以  
謠言啟帝曰斛律累世大將明月聲震關西豐樂威行突厥  
女為皇后男尚公主謠言可畏帝問韓長鸞長鸞以為不可  
事廢光又嘗曰今軍人皆無禪袴後宮內參一賜數萬匹府  
藏稍空此是何理受賜者皆怨珽又通啟求見帝使以庫車  
載入珽請問唯何洪珍在側帝語及光洪珍進曰若本無意  
則可既有此意不決行萬一事世如何帝然之而猶豫未決  
珽令武都妾兒顏茲告光謀不軌又令曹魏祖奏言上將星  
盛不誅恐有災禍既而丞相府佐封士讓密啟云光前西討  
還敕令便放兵散光令軍逼帝京將為不軌不果而止家藏  
弩甲奴僮千數每使豐樂武都處陰謀往來帝謂洪珍曰人  
心亦大聖我前疑其欲反果然珽請賜光一駿馬令明日乘



至東山遊觀須其來謝因執之及光至引入涼風堂劉桃枝  
拉殺之年五十八血流於地刻之迹終不滅下詔稱其反族  
之使二千石郎邢祖信籍其家琿問所得物祖信曰得弓十  
五張宴射箭一百貝刀七口賜稍二張琿又厲聲曰更得何  
物曰得棗子枝二十束擬奴僕與人關不問曲直即杖一百  
琿大慙祖信慨然曰好宰相尚死我何惜餘生人皆壯之光  
居家嚴肅見子弟若君臣性節儉簡聲色不營財利杜絕饋  
餉門無賓客罕與朝士交言不肯預政事每會議常獨後言  
言輒合理將有表疏令人執筆口占之務從省實行兵用匈  
奴卜法吉凶無不中軍營未定終不入幕或竟曰不坐身不  
脫介自當為士卒先有罪者唯大杖搗背未嘗妄殺眾皆爭  
為之死宜陽之役謂周人曰歸我七年人不然取爾十倍周

山西通志卷一百十九

鄉賢錄四

三

人仰歸之在西境築定陽諸城馬上以鞭指畫所取地皆如  
其言拓地五百里而不伐已功自結髮從戎未嘗失律深為  
隣敵懾憚罪既不彰一旦屠滅朝野惜之周武帝聞光死赦  
其境內後入鄴追贈上柱國崇國公指詔書曰此人若在朕  
豈得至鄴長子武都特進開府儀同三司梁充二州刺史遇  
害於州少子鐘獲免周時襲封崇國公隋開皇中卒於車騎  
將軍  
斛律羨字豐樂金次子少機警善騎射河清三年為都督幽  
州刺史突厥十餘萬人總諸將禦之突厥望見軍容齊整遂  
不敢戰求款附天統元年五月可汗請朝貢羨有力焉加行  
臺僕射羨以寇屢入白庫堆戍東距海二千餘里凡有險要  
斬山築城斷谷起障置立戍邏五十餘所又道高梁水北俞

易京東會於潞因以灌田公私獲利在州養馬二千匹部曲  
三千以備邊突厥謂之南面可汗四年進行臺尙書令別封  
高城縣侯羨歷事數帝稱謹直恆以合門貴盛為憂武平元  
年乞解職不許秋進荆山郡王及光誅敕中領軍賀拔伏恩  
等十餘人馳驛捕之遣領軍大將軍鮮于桃枝洛州行臺僕  
射獨孤永業發定州騎卒進捕門者來白曰使人衷甲馬汗  
宜閉城門羨曰敕使豈可疑拒出迎之遂見執遇害臨刑歎  
曰富貴如此女為皇后公主滿家常使三百兵何得不敗羨  
及光竝工騎射少時獵父金命子孫會射而觀之泣曰明月  
豐樂用弓不及我諸孫又不及明月豐樂世衰矣日令出田  
光獲少必麗龜遠按羨獲雖多非要害所光恆蒙賞羨或被  
捶語人曰明月必背上著箭豐樂隨處即下手數雖多去兒

山西通志卷一百十九

鄉賢錄四

三

遠矣聞者服其言以上太原原府  
敬顯儒字孝英平陽人任俠有節操交結豪傑為羽林監神  
武臨晉州儒因使謁見與語悅之乃啟為別駕及義舉以儒  
為行臺倉部郎中從攻鄴令儒造土山城拔又從平西胡轉  
都官尙書與諸將征討累有功又從平寇難破周文敗侯景  
平壽春定淮南略地三池口多築城戍累除兗州刺史卒平陽府  
韓祐字景祚上黨壺關人祖欽魏北海太守父尙生知藝術  
博極羣儒州辟主簿不就祐有行義天保十年特詔徵入禁  
闈累遷侍中開府儀同三司歷職恪勤恭敬周滅齊公卿將  
相降者皆處以原職祐懷節義去榮祿散志山泉終身不仕  
卒葬長子縣東韓坊村



蘇頌字善和上黨長子人祖洪雍州刺史父虎太原郡守頌神資挺拔氣量高人善論兵武成聞其名徵授中郡守知齊將亡力辭歸年八十二卒墓在縣之東王村以上府張亮字伯德西河隰城人初事余朱兆兆奔秀容左右皆密通誠款亮獨無敢疏兆死亮伏尸哭神武嘉歎之授丞相府參軍漸見親待委以書記之任天平中為文襄行臺郎中典七兵事雖為臺郎常在神武左右遷石丞高仲密叛與斛律金守河陽周文帝於上流放火船欲燒河橋亮備小艇百餘皆載長鎖鎖頭施釘火船將至即馳小船以釘釘之引鎖向岸火船不得及橋橋全亮之計也後自大中大夫拜幽州刺史景遷尚書右僕射西南道行臺亮性質直勤力強濟深為神武文襄信任天保初別封安定縣男位中領軍卒贈司空

山西通志卷一百九

鄉賢錄四

三

汾州

張纂字微纂代郡平城人為余朱兆長史使於神武遂被顧識及相州拔參丞相軍事封武安縣伯累遷行臺右丞從征玉壁軍還至晉州寒雨饑凍州以邊禁不聽入城時纂為別使遇見輒令開門納之分寄人家給其火食多所全濟神武聞而善之纂事神武二十餘歲通傳教令甚見親賞文宣時卒於護軍將軍

王峻字善壽靈邱人明悟有幹略歷事神武文襄為相府佐陽南北平男除營州刺史遠設斥堠廣置疑兵邊賊不敢發合境獲安室韋不朝貢要其行路大破之虜酋帥厚加恩禮放還遂獻誠款蠕蠕王巷羅辰東徒峻設伏大破之於是道走歷尚書河清中位南道行臺以罪配甲坊武平初卒於侍

中贈司空

薛孤延代人少曉果從神武起兵以功累加儀同三司從西征至蒲津及寶泰失利班師延後殿且戰且行一日斫折十五刀神武嘗閱馬於北牧道逢暴雨大雷火燒浮圖神武令延觀之延按稍直前大呼繞浮圖走火遂滅延還嶺及馬鬣尾皆焦神武嘆曰延乃能與霹靂鬪後封平秦公討潁川專監造土山以酒醉為敵所襲據齊初別賜爵都昌縣公延性好酒率多昏醉以善戰每大軍征討常為前鋒位太子太保侯莫陳相代人祖社伏頹魏第一領人酋長父斛古提朔州刺史白水公相七歲喪父號慕過人及長性雄傑從神武起兵破韓陵力戰有功封陽平縣伯改封白水郡公天保初累遷司空公進白水王又遷大將軍拜太尉公兼瀛州刺史歷

山西通志卷一百九

鄉賢錄四

三

汾州

太保朔州刺史又授太傅別封義甯郡公卒於州贈假黃鉞石丞相太宰太尉都督朔州刺史次子晉貴有幹略襲白水王武衛將軍開府儀同三司梁州刺史歸周授上大將軍封信安縣公子仲宣太常丞子宏顯宏信雍州司士參軍子行方行儉行恭

蔡連猛字武兒代人父元成燕郡太守猛少有志氣便弓馬初事余朱榮榮沒從兆余朱京纏欲投齊神武召與俱舉稍謂曰不從我者死從至途即背京纏復歸兆兆敗猛見獲杖一百以配尉景既而為神武親信後余朱文暢將為亂猛曰昔事其父兄甯今日受死不忍告而殺之神武聞之曰事人當如此舍其罪而益親之以軍功封廣興縣侯梁使來聘求角武藝文襄遣猛就館接之雙帶兩韉左右馳射梁人引弓



兩張皆三石猛遂并取四張疊挽之過度梁人嗟服天保初除東秦州刺史河清三年加開府突厥逼晉陽猛覘一騎將超出來鬪即斬之天統五年除并省尚書令領軍大將軍封山陽王及和士開死漸預朝政趙彥深引知機事祖珽排之出爲定州刺史削王爵以開府赴州寬惠清慎吏人稱之復授膠州刺史除大將軍齊亡入周卒

尉標代人從神武出山東大甯初位司徒封海昌王卒子相貴武平末開府儀同三司晉州道行臺尚書僕射晉州刺史行臺左丞侯子欽密啟周武帝請師求爲內應周武自率眾至城下子欽等夜開城門引軍入鎖相貴送長安卒相願標次子彊幹有膽略武平末領軍大將軍自平陽至并州及到鄴每立計將殺高阿那肱廢後主立廣甯王事竟不果及廣

山西通志卷一百十九 鄉賢錄四

五

甯被出相願拔佩刀斫柱而歎曰大事去矣知復何言

高寶甯代人武平末爲營州刺史鎮和龍夷夏重其威信周武帝平齊遣使招慰不受范陽王紹義在突厥寶甯上表勸進范陽王署爲丞相盧昌期據范陽起兵寶甯引紹義集夷夏兵數萬救之至潞河知周宇文神舉屠范陽還據和龍竟不臣周以上大同府

賀拔仁字天惠善無人以帳內都督從出山東破韓陵力戰有功天保初封安定郡王歷數州刺史太保太師右丞相錄尚書事武平元年卒贈假黃鉞相國大尉錄尚書十二州諸軍事朔州刺史謚曰武

叱列平字殺鬼代郡西部人善射御襲第一領人酋長臨江伯魏末以軍功至武衛將軍隨尔朱榮破葛榮平元顯封定

陶縣伯後歸神武從破韓陵天保初累遷兗州刺史開府儀同三司卒贈都督濠州刺史謚莊惠子孝冲嗣孝冲弟長義武平末侍中開府儀同三司封新甯王隋開皇中位上柱國卒於涇州刺史在官以清幹稱以上朔平府

裴寧河東聞喜人魏廷尉卿鑿子也有文學孝昭初爲齊帥奏舍人後魏收議謚孝昭爲恭烈澤正色抗論曰魏收死後亦不肯爲恭烈之謚何容以擬大行且比皇太后不豫先帝殮寢失常聖躬貶損今者易名必須加孝遂改爲孝昭因此忤旨出爲廣州司馬尋歷中書侍郎兼給事黃門侍郎以漏泄免後爲散騎常侍尋爲誹毀趙彥深等兼誅石櫛以託意決杖除名後主時爲清河郡守祖珽奏除尚書左丞又引爲兼黃門與崔季舒等同以建言誅妻鉅鹿魏氏至性強立時

山西通志卷一百十九 鄉賢錄四

美

人以爲健婦云州

庫狄干善無人會祖越豆眷魏道武時以功割善無之西臘汗山地方百里以處之後北遷朔方干雙直少言有武藝正光初授將軍宿衛於內孝昌元年奔雲中刺史費穆送於尔朱榮隨入洛後從神武起兵破韓陵封廣平縣公進郡公轉太保太傅神武討高仲密爲大都督前驅于上道不過家見侯景不進食景使騎追償之時周文自將兵至洛陽軍容甚盛諸將未欲南度干決計濟河神武大兵繼至遂大破之還爲定州刺史清約自居不爲吏人所患遷太師天平初以干元勳佐命封章武郡王轉太宰干尚神武妹樂陵長公主以親地見待常總大衆威望之重爲諸將所伏而最爲嚴猛會詣京師魏謚王元孝友於公門言戲干正色責之時人稱善



卒贈假黃鉞太宰給輜輶車諡曰景烈皇建初配享神武廟庭于伏敬位儀同三司卒清河

潘樂字相貴廣甯石門人本廣宗大族分鎮北邊因家焉父

承有技藝襲廣宗男樂寬厚有膽略葛榮敗隨尔朱榮為別

將討元顛就封敷城縣男齊神武出牧晉州引為鎮城都將

後從破廣阿進廣宗熙伯累以軍功拜東雍州刺史神武嘗

議廢州樂以東雍地帶山河境連胡蜀形勝之會不可棄也

遂如故後從破周師於河陰議追之令追者在西不願者東

唯樂與劉豐居西神武善之以眾不同而止改封金門郡公

文宣嗣事鎮河陽破西魏將楊樹等時帝以懷州刺史平鑿

等所築城深入敵境欲棄之樂以軹關要害必須防固乃更

修理增置兵將而還還鎮河陽拜司空齊初進河東郡王遷

山西通志卷一百十九 鄉賢錄四

司徒周文東至峭陝遣其行臺侯莫陳崇從齊子嶺越軹關

儀同楊樹從鼓鐘道出建州陷孤公成詔樂總大眾禦之樂

晝夜兼行至長子遣儀同韓永興從建州西趣崇崇遂遁又

為南道大都督討侯景樂發石髓南度百餘里至梁涇州涇

州舊在石梁樂獲其地仍立州又克安州地除瀛州刺史仍

略淮漢天保六年卒於懸瓠賜假黃鉞太師大司馬尚書令

子子晃嗣沈密謹慈以清靖自居尚公主拜駙馬都尉武平

末為幽州道行臺右僕射幽州刺史周師將入鄴率突騎數

萬赴援至博知鄴不守詣冀州降授上開府隋大業初卒

皮景和廣甯石門人初以親信事神武除庫直正都督天保

初授通州刺史封永甯縣子從襲庫莫奚度黃龍征契丹定

稽胡討蠕蠕旬有戰功累遷殿中尚書侍中景和兼長吏事

性識平均武平中恆令案覆詔獄據理執正由是過無枉濫

後除特進封廣漢郡公遷領軍將軍瑒瑒王殺和士開兵指

西關請後主出千秋門自號令事平除尚書左僕射陳將吳

明徹寇淮南令景和拒之除領軍大將軍封文城郡王平陽

人鄭子饒詐設齋會用米麥不多供贖甚廣密從地藏漸出

餅飯愚人以為神見信於魏衛問濟度河聚眾數千號長樂

王破乘氏縣景和遣騎擊破之生禽子饒送京師吳明徹圍

壽陽與賀拔伏恩救之他將多傾覆唯景和全軍而還除尚

書令武平六年卒贈太尉錄尚書長子信機悟有風神位開

府儀同三司武衛將軍勳貴子弟中稱有識鑒降周授上開

府軍正中大夫隋開皇中卒於洮州刺史以上齊

韓軌字伯年太安狄那人志操深沈喜怒不形於色神武鎮

山西通志卷一百十九 鄉賢錄四

晉州引為鎮城都督及起兵於信都軌贊成大策從破廣阿

又從破韓陵陣封平昌縣侯仍督中軍從破赤嶺嶺再遷秦

州刺史甚得邊和神武巡秦州欲以軌還仍賜城人戶別絹

布兩匹州人田昭等七千戶皆辭不受唯乞留軌神武嘉歎

乃留焉頻以軍功進封安德郡公遷瀛州刺史御史劾劾削

除官爵未幾復安德郡公歷中書令司徒齊初封安德郡王

軌妹為神武所納生上黨王渙復以勳庸歷登台鉉謙恭自

處不以富貴驕人後拜大司馬從文宣征蠕蠕卒贈假黃鉞

太宰太師諡曰肅武皇建初配享文宣

韓晉明軌子嗣安德郡王改封東萊有俠氣留心學問招飲

賓客一席動費萬錢朝廷欲處之要地必以疾辭告人云廢

人飲美酒對名勝安能作刀筆吏披故紙乎武平末除尚書



左僕射百餘日便謝解官

斛律羨舉太安人少驍果從朱兆兆破乃歸神武神武以其忠於所事亦加嗟賞天平中除大都督從戰沙苑羨曰黑獺若欲固守無糧援可恃今揣其情欲一死決有同獺犬或能噬人且滑曲土滿無所用力若不與戰徑趣咸陽咸陽空虛可不戰而虓拔其根本則黑獺之首可懸軍門時諸將議有異同遂戰於渭曲軍敗績後封密縣侯為東夏州刺史卒贈儀同三司子孝卿嗣密縣侯聰敏機悟有風檢武平末位侍中開府儀同三司封義甯王知內省事典外兵騎兵機密時與機密者唯孝卿一人差居雅道後主至齊州為尚書令歸周授儀同大將軍宣納上士隋開皇中位太府卿戶部尚書

山西通志卷一百十九 鄉賢錄四

五

王紘字師羅太安狄那人父基讀書有智略神武遣往關中周文留不遣後逃歸歷南益北豫二州刺史遇害贈吏部尚書紘善騎射愛文學性敏捷年十三揚州刺史太原郭元貞撫其背曰讀何書曰誦孝經曰孝經云何曰在上不驕為下不亂元貞曰吾豈驕乎紘曰君子防未萌亦願留意元貞稱善十五隨父在北豫州行臺侯景與人論掩衣法為常左右尚書敬顯倚曰右衽應是紘進曰五帝異儀三王殊制掩衣左右何足是非景奇其早慧資以名馬與和中為庫直奉朝請文襄遇禍紘冒矢捍禦以忠節進爵平春縣男為領左右都督文宣嘗與左右飲酒曰快哉大樂紘曰亦有大苦帝曰何苦紘曰長夜荒飲不悟國破是謂大苦帝默然武平初加開府儀同三司上言突厥與周相影響宜為之備尋兼侍中

聘周使還即正未幾卒紘好著述作鑒誠二十四篇

可朱渾元字道元先世遼東人曾祖護野肱為懷朔鎮將遂家焉元寬仁有武略少與齊高祖相知初隸朱榮以功封東縣伯孝武帝立為渭州刺史元既早為高祖知遇恆表疏與高祖往來周文帝有疑心元乃率所部發渭州西北度烏蘭津歷河源二州境乃得東出從靈州東北入雲州高祖聞其來遣平陽守高崇迎之至晉陽引見執手賜帛千匹并奴婢田宅其兄弟四人先在并州者晉進官爵所部督將皆賞以爵邑封元縣公除車騎大將軍從討西魏擒金祚皇甫智遷并州刺史天保初封扶風王顯祖時屢立戰功遷太師卒

右北齊二十六人 案神武家懷朔故佐命多朔人解律氏本傳朔州救勃部人考

山西通志卷一百十九 鄉賢錄四

四十一

救勃有東西二部本高車族其降人附塞而居所部救勃川陰山下者其地當在今朔州古烏拉特部三旗管內舊志列有父子於今朔州誤矣茲改列太原者本傳晉陽有金第其墓在縣西南十七里亦兒元和志忠長遠蹟荷有可徵不欲稍外之也其他朔人審其地在蒙古者亦因七應牽連及之諸部絕無記述此而不錄則英傑之士長沒龍荒非博採旁搜之義矣

山西通志卷第一百十九



鄉賢錄五 錄二之五 山西通志第一  
賜進士出身頭品頂戴兵部侍郎兼都察院右副御史巡撫山西提督軍務臣張昺奉  
旨監修

北周 南朝 宋齊梁

王軌太原祁人漢司徒允之後世為州郡冠族魏時賜姓烏  
丸氏父光少雄武有將略周文帝遇之甚厚位至驃騎大將  
軍開府儀同三司又拜上開府軌性質直起家事輔城公及  
武帝即位累遷內史下大夫遂處腹心之任帝將誅晉公護  
軌贊成其謀建德初轉內史大夫加開府儀同三司又拜上  
開府儀同大將軍封上黃縣公軍國之政皆參預焉從平并  
鄴以功進上大將軍鄴國公陳將吳明徹寇呂梁徐州總管  
梁士彥頻戰不利退保州城明徹遂堰清水灌之列船艦於  
城下詔以軌為行軍總管率諸軍赴救軌潛於清水入灌口  
多豎大木用鐵鎖貫車輪橫截水流以斷其船路方欲密決  
堰明徹破堰遽退冀乘洪水以入淮比至清口川流已闊水  
勢亦衰船竝礙於車輪不復得過軌率兵圍而蹙之明徹及  
將士三萬餘人并器械輜重竝就俘獲陳之銳卒於是殲焉  
進柱國拜徐州總管軌性嚴重善謀略兼有呂梁之捷威振  
敵境陳人甚懼之宣帝征吐谷渾軌從軍中進取皆委軌軍  
還言宮尹鄭譯王端之罪武帝大怒除譯等名軌又嘗侍坐  
言東朝多涼德恐不了陛下家事後因宴上壽又將武帝  
巽曰可愛好老公但恨後嗣弱耳武帝深以為然及宣帝即  
位鄭譯等復為近侍軌自知必及於禍謂所親曰吾昔在先  
朝實中社稷至計今日之事斷可知矣此州控帶淮南鄰接

疆寇欲為身計易同反掌但忠義之節不可虧違况荷先帝  
厚恩每思以死自効豈以獲罪於嗣主便欲背德於先帝止  
可於此待死義不為他計冀千載後知吾此心大象元年使  
內史杜虔信就徐州殺軌御正中大夫顏之儀切諫不納遂  
害之軌立朝忠恕兼有大功天下知與不知皆傷情焉

王雄字雄壺布頭太原人父尚追贈柱國大將軍少傅安康  
郡公雄儀貌魁梧少有謀略魏末從賀拔岳入關除金紫光  
祿大夫孝武西遷封臨真縣伯大統中進武威郡公累遷大  
將軍行同州事恭帝元年賜姓可頻氏周初授少傅進柱國  
大將軍武成初進唐國公邑萬戶出為涇州總管保定四年  
從晉公護東征至芒山與齊斛律明月戰退走左右皆散矢  
又盡唯餘一奴一矢在焉雄按稍不及明月者文餘曰惜爾

山西通志卷一百二十 鄉賢錄五

一

不殺但生將爾見天子明月又射雄中額抱馬走至營卒贈  
使持節太保同華等二十州諸軍事同州刺史諡曰忠  
王諱字敬萬雄子性恭謹以父功封安樂縣伯保定二年又  
同封武威郡公雄卒朝議以謙父殞行陣特加殊寵授柱國  
大將軍襲庸國公建德五年東征謙力戰進上柱國六年授  
益州總管十八州諸軍事隋文帝輔政會樂譽為益州總管  
謙以父子受國恩將圖匡復遂舉兵署置官司隆州刺史高  
阿那肱為謙畫三策曰公親率精銳直指散關蜀人知公有  
勤王之節必當各思効命此上策也出兵梁漢以願望天下  
此中策也坐守劍南發兵自衛此下策也謙參用其中下之  
策遣兵鎮始州隋文帝即以睿為行軍元帥發利鳳文秦成  
諸州兵擊之謙眾號十萬並銳攻利州總管豆盧勳拒戰將



四旬遠矣基等諸軍聞容將至眾遂潰符子英攻巴州又為刺史呂珍所破容縱兵深入謙自率眾逆戰左右軍皆叛謙奔新都縣令王寶執而斬之阿那肱尋被害以上太原府敬元約河東蒲坂人父珍絳州刺史元約性貞正有識學位至布憲大夫

薛善字仲良河東汾陰人父和南青州刺史善少為司空府參軍再遷鹽池都將孝武西遷改河東為秦州以善為別駕善家素富兄元信仗氣豪侈而善獨恭已率素愛樂閑靜大統三年齊神武留善族兄崇禮守河東西魏遣李弼圍之崇禮固守善密說之猶不決會善從弟積妹丈高子信為防城節督守城南而善令弟濟將門生數十人與信積等斬關引弼軍入時預謀者竝賞五等爵善與弟慎固辭周文嘉之以

山西通志卷一百一十 鄉賢錄五

三

為汾陰令善幹用強明一郡稱最太守王翟美之令兼督六縣事尋為行臺郎中除司農少卿領同州夏陽縣二十屯監又為夏陽鐵冶監督課八千人兼加慰撫甲兵精利而皆忘其苦焉遷大丞相府從事中郎追論屯田功賜爵龍門縣子遷黃門侍郎除河東郡守進驃騎大將軍開府儀同三司賜姓宇文氏六官建拜工部中大夫進博平縣公再遷戶部中大夫晉公護以善白齊軌語引為中外府司馬遷司會中大夫副總六府事加授京兆尹仍行司會出為隆州刺史兼益州總管府長史徵拜武威少府卒贈三州刺史謚穆子褒嗣官至高陽郡守

薛端字仁直河東汾陰人英集子有志操父喪合禮與弟裕勵精篤學不交人事年十七司空高乾世辟參軍賜爵平陰

男京官歸鄉里周文帝令大都督薛崇禮報龍門引端同行崇禮降東魏東魏遣行臺薛修義督乙干貴西據楊氏壁端先在壁中修義令兵逼端等東度方欲濟河會日暮端密與宗族及家僮等潛逃修義遣騎追端且戰且馳遂入石城柵非力固守貴等拔還河東東魏又遣其將賀蘭懿南汾州刺史薛瑛達守楊氏壁端率其屬竝招喻村人多設奇兵以臨之懿等疑有大軍東逝赴船溺死者數千人端收其器械復還楊氏壁周文帝遣南汾州刺史周景恕鎮之降書勞問徵赴闕以為大丞相府戶曹參軍從擒寶泰復宏農戰沙苑竝有功進伯後改封交城縣伯累遷吏部郎中端性強直不避權貴故賜名端自居選曹先盡賢能雖貴游子弟劣行游者未嘗升擢之每啟云設官分職本康時務苟非其人不如

山西通志卷一百一十 鄉賢錄五

四

曠職文帝深然之大統十六年東討李弼為別道元帥妙簡英察文帝曰為公思得一長史無過薛端弼對曰真才也乃道之轉尚書右丞仍掌選事魏主廢有勸文帝踐極者端以為三方未一遠正名號示天下以不廣請待翕弱僭偽然後俯順樂推文帝撫端背曰成我者卿也遂脫所著冠帶袍袴竝賜之進授吏部尚書賜姓宇文氏端雅有人倫驥擢用咸得其才六官建拜軍司馬加侍中驃騎大將軍開府儀同三司進爵侯周受禪再遷戶部中大夫進爵公孝閔之廢端頗具同異晉公護不悅出為蔡州刺史為政寬惠人吏愛之轉基州刺史蔡州父老請留端者千餘人至基州未幾卒遺誠薄葬勿受府州贈遺贈本官加大將軍進封文城郡公謚曰質子胄嗣



樂遜字遵賢河東猗氏人從徐遵明受孝經喪服論語詩書禮易左氏春秋大義大統七年除子都督九年太尉李弼請教授諸子既而相府戶曹柳敏行臺郎中盧光河東郡丞辛榮相繼舉遜稱有牧人之才弼請留不遣魏廢帝二年周文令教授諸子在館六年與諸儒分授經業講孝經論語毛詩及服氏春秋左氏傳周初除秋官府上士轉師氏下大夫自譙王儉以下並行弟子之禮遜以經術教授訓導有方衛公直鎮蒲州為主簿武成元年六月霖雨陳時宜十四條其五條曰崇教化省造作明選舉重戰法禁奢侈皆切於時務保定二年遷遜伯中大夫五年詔魯公斌畢公賢等俱受業天和元年岐州刺史陳公純舉遜賢良五年上表致仕優詔不許賜以粟帛及錢授湖州刺史封安邑縣子人多蠻左未習

山西通志卷一百一十 鄉賢錄五

五

備風遜勸勵生徒加以課試數年化洽州境蠻俗子多異居每加勸導還朝拜皇太子諫議復在露門教授皇子大象初進崇業郡公又為露門博士二年進開府儀同大將軍出為汾陰郡守固辭改授東揚州刺史仍賜安車衣服奴婢又於本郡賜田十頃儒者以為榮隋開皇元帝卒於家年八十二遜寡交遊立身以忠信為本不自矜尚著孝經論語毛詩左氏春秋序論十餘篇又著春秋序義通賈服說發杜氏違辭理並可觀以上蒲州府于謹字思敬代人粟磧六世孫沈深有識量略窺經史尤好孫子兵書屏居未有仕進志或勸之謹曰州郡之職昔人所鄙台鼎之位須待時來太宰元天穆見之歎曰王佐材也及破六韓拔陵引蠕蠕為援大行臺元纂討之夙聞謹名辟鏡

曹參軍事從軍北伐蠕蠕出塞謹追之前後十七戰盡降其眾正光四年行臺廣陽王元深北伐引為長流參軍遂與廣陽破賊悉收西部鐵勒也列河之眾孝昌元年又隨廣陽王征鮮于修禮軍次白斗牛遷停軍中山侍中元晏詣廣陽於靈太后且曰于謹智略過人為其謀主詔立榜募獲謹者重賞謹聞之請詣闕披露腹心廣陽許之謹遂到榜下曰吾知此人眾共詰之謹曰我即是也有司以聞靈太后見之大怒謹備述廣陽忠款兼陳停軍狀遂捨之後從爾朱天光戰韓陵天光敗遂入關周文帝以謹為夏州防城大都督兼夏州長史及賀拔岳被害謹言於周文曰關中秦漢舊都古稱天府今若據其要害招集英雄足觀時變且車駕在洛逼迫羣凶若請都關右挾天子而令諸侯千載一時也周文大悅會

山西通志卷一百一十 鄉賢錄五

六

有敕追謹為關內大都督謹因進都關中策魏帝西遷從周文征潼關破回洛城授北雍州刺史進爵藍田縣公大統三年東伐為前鋒進拔宏農擒東魏陝州刺史李徽伯齊神武至沙苑謹力戰進爵常山郡公又從戰河橋拜大丞相府長史兼大行臺尚書再遷太子太保芒山之戰大軍不利謹率麾下傷降立於路左神武乘勝逐北不以為虞謹自後擊之敵大駭軍亂以此大軍得全十二年拜尚書左僕射領司農卿侯景款附謹諫以為景情難測周文不聽尋兼大行臺尚書大丞相長史鎮潼關加授華州刺史俄拜司空恭帝元年除雍州刺史命出攻梁元帝於江陵周文饒於青泥谷謹令中山公護及大將軍楊忠等先據江津斷其走路梁人樹木柵於外城廣輪六十里謹悉眾圍之旬有六日外城遂陷梁



主退保子城翌日率其太子以下面縛出降尋殺之虜其男女十餘萬人收其府庫珍寶得宋渾天儀梁日晷銅表魏相風烏銅蟠螭大玉徑四尺圍七尺及諸輿輦法物以獻軍無私焉立蕭管爲梁主振旅而旋周文親至其第宴語極歡賞奴婢一千口及梁寶物并金石絲竹樂一部別封新野郡公固辭不許又令司樂作常山公平梁歌十首使工人歌之謹白以功名既立願保優閑乃上駿馬及鎧甲周文識其意曰今日猶未平公豈得便爾獨善不受六官建拜大司寇及中山公護受顧命而名位素下羣公多圖執政謹既周文等喪護每申禮敬至是謹乃起曰公若統理軍國謹等便有所依遂再拜羣公迫於謹亦拜衆議始定孝閔踐祚進封燕國公邑萬戶遷太傅太宗伯與李弼侯莫陳崇等參議朝政賀

山西通志卷一百一十 鄉賢錄五 七

蘭祥討吐谷渾明帝令謹遙統其軍授以方略保定二年乞骸骨優詔不許三年以謹爲三老固辭又不許賜延年杖武帝幸太學以食之及晉公護東伐謹時有病護以其宿將舊臣請與同行詢訪戎略軍還賜鐘磬一部天和二年又賜安車一乘尋授雍州牧三年卒年七十六武帝親臨詔譙王儉監護喪事賜緡千段粟麥千斛贈本官加使持節大師雍恆等二十州諸軍事雍州刺史諡曰文及葬王公以下咸送郊外配享文帝廟庭謹有智謀善事上名位雖重愈存謙挹每朝參往來不過兩三騎朝廷軍國務多與謹決謹亦竭其智能故功臣中特見委信始終若一人無間言每誡諸子務存靜退子孫繁衍皆至顯達當時莫比

梁椿字千年代人從介朱榮入洛又從賀拔岳討平万俟醜

奴仍從周文平侯莫陳悅大統中以戰功封東平郡公位開府儀同三司周孝閔踐阼除華州刺史改封清陵郡公保定元年拜大將軍卒於位贈都督恆州刺史諡曰烈椿性果毅善於撫納所獲寶物分賜麾下每踐敵場咸得其死力雅好儉素不營貨產子明以椿功賜爵豐陽縣公襲椿爵舊封回授弟劼

山西通志卷一百一十 鄉賢錄五 八

伊婁穆字奴千代人父靈善騎射爲周文所知嘗謂之曰伊

伊阿衡於殷致主堯舜卿既姓伊庶卿不替前緒賜名尹歷衛將軍隆州刺史盧奴縣公穆弱寇爲周文帳內親信以機辯見知應中書舍人通直散騎常侍常入白事周文望見悅之字之曰奴千作儀同而見我矣於是拜儀同三司賜封安陽縣伯周孝閔踐阼進位驃騎大將軍建德中卒

趙昶字長舒天水南安人會祖襄仕魏至中山太守因家於代昶弱冠以材力聞魏北中郎將高干鎮陝以昶爲長史中軍都督焉太祖平宏農擢爲相府典籤清水氏作亂遣昶諭降之汾州胡拔再造昶慰勞之皆知其虛實及大軍往討昶爲先驅遂破之封章武縣伯拜安夷郡守帶長蛇鎮將氏俗荒獷昶威懷以禮莫不悅服加授帥都督誘斬叛氏除大都督行南秦州事時氏帥蓋闢等反復討禽之又與史甯破宕昌羌獠二十餘萬拜武州刺史恭帝初加驃騎大將軍開府儀同三司討平潭水羌及鳳州興州叛賊昶屢爲將帥傾心下士虜獲氏羌撫而使之皆爲昶盡力太祖常曰不煩國家士賜而能威服氏羌者趙昶有之矣周明帝錄前後功進爵長道郡公賜姓宇文氏二年徵拜齊部中大夫行吏部卒



達奚武字成興代人祖父長並為鎮將武少儻好馳射  
賀拔岳引為別將及岳為侯莫陳悅所害與趙貴同期戴周  
文帝從平悅封須昌縣伯大統初自大丞相府中兵參軍出  
為東秦州刺史齊神武與寶泰高敖曹三道來侵周文欲并  
兵擊泰諸將多異議唯武及蘇綽意同遂擒之周文進圖宏  
農遣武從兩騎候武與其候騎遇即交戰斬六級獲三人  
而反齊神武趣沙苑周文復遣武覘之武從三騎皆衣敵人  
衣至暮下馬潛聽其軍號歷營若警夜者或有不如法往往  
撻之具知敵情以告遂從破之進高陽郡公四年周文援洛  
陽武為前鋒破莫多婁貸文又進至河橋力戰斬其司徒高  
敖曹再遷雍州刺史復從戰芒山時周軍不利齊神武乘勝  
至陝武禦之乃退七年詔武經略漢川梁梁州刺史宜豐侯

山西通志卷一百一十 鄉賢錄五

九

蕭修固守南鄭武圍之修請服會梁將楊乾運救修修更不  
下武擊走乾運修乃降自劍門以北悉平明年振旅還朝議  
欲以武為柱國武曰我作柱國不應在元子孝前固辭以大  
將軍出鎮玉壁周初授柱國大司寇齊豫州刺史司馬消難  
來附詔迎之以歸武成初轉大宗伯進鄭國公齊將斛律敦  
侵汾絳武禦之敦退武築柏壁城留開府權嚴薛羽生守之  
保定三年遷太保周軍東伐隋公楊忠引突厥自北道武以  
三萬騎自東期會晉陽武至平陽後期不進而忠已還乃班  
師出為同州刺史明年從晉公護東伐時尉遲迴圖洛陽為  
敵所敗武於芒山禦之至夜收軍齊王憲欲待明更戰武曰  
洛陽軍散人情駭動不因夜速還明日欲歸不得矣遂全軍  
而返天和三年轉太傅武居重位不持威儀行常單馬左右

從一兩人門外不施戟或言其輕率武曰吾昔在布衣豈豈  
富貴今日富貴不可頓忘曠昔且天下未平國恩不報安可  
過事威容乎武在同州時早敕祀華岳岳廟舊在山下常所  
祈禱武曰吾備位三公不能變理陰陽不可同於眾人在常  
祀所必須登峰展誠尋其聖奧時武年逾六十攀藤而上稍  
首祈請晚即於岳上藉草而宿夢白衣執武手曰快辛苦甚  
相嘉尚武驚覺至旦雲霧四起俄而雷雨武帝璽書勞之賜  
綵百匹卒贈太傅十五州諸軍事同州刺史諡曰桓

山西通志卷一百一十 鄉賢錄五

十

儀同三司武成初進廣平郡公除華州刺史頗有政術天和  
三年拜柱國建德初襲鄭國公從平鄴拜大宗伯震父嘗為  
此職時論榮之宣政中出為原州總管隋開皇初卒於家  
達奚基武子大象末益州刺史與王謙起兵被害  
庫狄特本段匹禪之後徙居代祖凌武威郡守父正上洛郡  
守時少以宏厚知名善騎射有謀略仕魏高陽郡守政存仁  
恕百姓悅之孝武西遷棄官從入關大統元年拜中書舍人  
參掌機密以恭謹見稱遷黃門侍郎朝議欲結和蠕蠕使時  
往時容貌魁梧善於辭令蠕蠕主雅信重之自是不復為寇  
周文曰昔魏絳和戎見稱前史以君方之彼有愧色封高昌  
縣公累遷驃騎將軍開府儀同三司拜侍中蠕蠕滅後突厥  
強盛雖與周通好而外連齊氏周文又令時衛令喻之突厥



卽執齊使來歸進安豐郡公歷小司空小司寇明帝初爲益州刺史都督三十一州諸軍事時性寬和尙清靜爲夷獠所突後爲宜州刺史入爲少師乞致政詔許之卒諡曰定子疑嗣少知名位開府儀同三司職方中大夫蔡州刺史卒疑弟徵從平齊拜儀同大將軍賜爵樂陵縣公徵弟微亦以軍功至儀同大將軍保城縣男徵弟欽性宏厚以齊石下大夫從武帝東伐入并州軍收侍臣職焉及帝之出唯欽侍從以功授上儀同大將軍遷開府歷右宮伯賜爵樂城縣侯仕隋至戶部尙書

尉遲迥字薄居羅代人父俟兜尙周文帝姊昌樂大長公主武成初追贈柱國大將軍太傅長樂郡公諡定迥少聰敏美容儀及長有大志好施愛士尙魏文帝女金明公主拜駙馬

山西通志卷一百一十 鄉賢錄五 十一

都尉封西都侯大統十一年拜侍中驃騎大將軍開府儀同三司進魏安郡公十五年遷尙書左僕射兼領軍將軍周文深委仗之十六年拜大將軍梁武陵王紀在蜀率衆東下梁元帝請救周文曰蜀可圖矣取蜀制梁在茲一舉諸將多有異同唯迥以爲紀盡銳東下蜀地空虛伐之必有征無戰周文曰伐蜀之事一以委汝於是令迥督開府元珍乙弗亞侯呂陵始叱奴興棊連雄宇文昇等六軍取晉壽開平林舊送前軍臨劔閣紀安州刺史樂廣降紀梁州刺史楊乾運已送誠款而猶據潼水遣元珍侯呂陵始等襲之乾運還保潼川珍等圍之乾運降遂渡涪江至野溪時夏中連雨山路險峻迥親勞問將士進軍圍紀益州刺史蕭攜紀前南梁州刺史史欣景州刺史趙拔扈等爲攜外援迥分遣元珍乙弗亞

擊破之拔扈迥走欣景降攜被圍五旬戰頻敗乞降許之乃與紀子宜都王圓肅率其文武詣軍門請見迥以禮接之號令嚴肅軍無私焉詔以爲大都督益潼等十二州諸軍事益州刺史三年加督六州以平蜀功封一子安固郡公自劔閣以南得承制封拜及黜陟迥明賞罰布恩威殺輯新邦經略未附夷人懷而歸之性至孝時大長公主年高多病周文知其至性徵入朝以慰其母意仍賜迥袞冕之服蜀人思之爲立碑頌德拜小宗伯周初進柱國大將軍取霍去病冠軍之義改封甯蜀公遷大司馬尋鎮隴右武成元年進蜀國公邑萬戶除秦州總管秦渭等十四州諸軍事隴右大都督保定二年拜大司馬從晉公護攻洛陽齊王憲等軍於芒山齊衆渡河諸軍驚散迥率麾下反行卻敵諸將乃得全師而還遷

山西通志卷一百一十 鄉賢錄五 十二

太保太傅建德初拜太師加上柱國宣帝初爲大右弼轉大前疑出爲相州總管隋文帝輔政令迥子魏安郡公惇以會葬徵迥尋令鄖國公韋孝寬代爲總管迥謀舉兵留惇不受代遂殺長史晉和集文武士庶登城北樓而令之衆咸從命乃自稱大總管承制署官司奉趙王招少子以號令迥弟子勤時爲青州總管亦從迥迥所管相衛黎毛洺貝趙冀瀛滄勤所統青齊膠光莒諸州皆從之衆數十萬榮州刺史宇文胄中州刺史李惠東楚州刺史費也利進國東潼州刺史曹孝達各據州以應迥徐州總管司錄席毗前東平郡守畢義緒據兗州及徐州之蘭陵郡亦以應迥永橋鎮將紇豆陵惠以城降迥迥又北結高寶甯以通突厥南連陳人隋文帝以韋孝寬爲元帥攻之迥遣石孫攻建州刺史宇文弁以州降



邈又遣韓長業攻陷蔚州執刺史趙威署城人郭子勝為刺  
史赫連士猷攻晉州即據小鄉城紇豆陵惠襲陷定州之鉅  
鹿郡遂圍恆州宇文威攻汴州烏丸尼尉遲偁率膠青光齊  
苗充之眾圍沂州檀讓攻陷曹臺二州屯兵梁郡東南道行  
臺席毗衆號八萬軍於瀋城攻陷昌應下邑豐縣李惠自申  
州攻永州焚之而還宇文胄軍於洛口梁子康攻懷州魏安  
公惇率眾十萬人入武德軍於沁東孝寬等諸軍隔水相持  
不進隋文帝又遣高穎馳驛督戰惇兵布二十餘里麾軍少  
卻欲待孝寬軍半渡而擊之孝寬因其卻乃鳴鼓齊進惇遂  
大敗孝寬進至鄴邈與其子惇祐等又悉卒十三萬陣於城  
南勤率眾五萬自青州來赴麾下兵皆力戰孝寬軍失利而  
卻鄴中士女觀者如堵高穎與李詢完犯觀者因其擾而乘

山西通志卷一百一十 鄉賢錄五 十三

之邈衆大敗遂入鄴走保北城孝寬縱兵圍之李詢以其屬  
先登邈上樓射殺數人乃自殺勸惇祐等東走青州未至開  
府郭衍追獲之邈自起兵至於敗凡經六十八日子誼開府  
資中郡公誼弟寬次將軍長樂郡公先卒寬弟順授開府安  
固郡公後以女為宣帝皇后拜上柱國封胙國公順弟惇軍  
正下大夫魏安郡公惇弟祐西都郡公皆被害而誼等諸子  
以年幼並獲全武德中許改葬  
尉遲綱字婆維少與兄邈依舅氏周文帝入關邈綱與母昌  
樂大長公主留晉陽後方入關常侍帷幄出入臥內以軍  
功封廣宗縣伯綱驍果有膂力善騎射周文委以心膂河橋  
之戰周文馬中流矢綱與李穆等左右力戰文帝方得乘馬  
大統十四年進平昌郡公廢帝二年拜大將軍兼領軍及立

齊王仍為中領軍總宿衛事邈伐蜀綱從周文送於城周  
文命射走兔誓曰若獲此兔必當破蜀俄綱獲兔而返又嘗  
從狩雲陽見五鹿俱走綱獲其三周初掌禁兵除小司馬明  
帝初進柱國大將軍武成元年進吳國公邑萬戶除涇州總  
管歷少傅大司空陝州總管晉公護東伐留鎮京師軍還復  
歸鎮天和二年以政績可紀賜帛及錢穀增邑以褒賞之阿  
史那后入塞詔綱率眾迎衛三年追論河橋功封一子縣公  
四年卒贈太保諡曰武

山西通志卷一百一十 鄉賢錄五 十四

德三年帝幸雲陽宮又令兼司武與長孫覽輔皇太子居守  
衛刺王直率其黨襲蕭章門覽懼走運時偶在門中直兵奄  
至不暇命左右手自闔門直黨與運爭門斫傷運指僅而得  
閉直既不得入乃縱火運恐火盡直黨得進取宮中材木及  
牀以益火用膏油灌之火轉熾久之直不得進乃退運率留  
守兵因其退擊之直敗走是夜徵運宮中已不守矣武帝嘉  
之授大將軍四年出為同州刺史同州蒲津潼關等六防諸  
軍事帝伐齊召運參議五年拜柱國進虛國公轉司武上大  
夫總宿衛軍事及雲陽宮祕喪未發運總侍衛兵還京師宣  
帝初授上柱國運為宮正時嘗進諫又與王軌宇文孝伯等  
皆為武帝親待軌被害出為秦州總管以憂卒贈大後丞七  
州諸軍事秦州刺史諡曰忠子靖嗣運弟勳大象末青州總



管起兵應勸弟敬尙明帝女河南公主位儀同三司以土府

柳敏字白澤河東解人晉太常純七世孫父懿魏車騎大將軍儀同三司汾州刺史敏九歲而孤事母以孝聞性好學涉獵經史陰陽卜筮之術靡不習焉年未弱冠起家員外散騎侍郎累遷河東郡丞朝議以敏本邑故授之敏處物平允甚得時譽周文克復河東見而器之曰今日不喜得河東喜得卿也拜丞相府參軍事轉戶曹參軍兼記室每有四方賓客恆令接之吉凶禮儀亦令監綜又與蘇綽等修撰新制遷禮部郎中封武成縣子加帥都督領本鄉兵俄進大都督母憂旬日間鬚髮半白尋起吏部郎中毀瘠過禮杖而後起周文歎異之特加賞賜尉遲迴伐蜀爲行軍司馬軍中籌略並委

山西通志卷一百一十 鄉賢錄五 十五

之益州平進驃騎大將軍開府儀同三司加侍中遷尙書賜姓宇文氏拜禮部中大夫周初進爵公又除河東郡守復徵拜禮部出爲郢州刺史甚得物情及將還朝夷夏士人並齎酒餽物產候於路敏從他道而還復拜禮部敏操履方正性又恭勤朝必夙興待旦又久處臺閣明練故事近儀或乖者皆案據舊章刊正取中遷小宗伯監修國史轉小司馬又監修律令進大將軍出爲鄜州刺史以疾不之部進武德郡公武帝及宣帝並親幸其第問疾隋開皇元年卒

柳慶字更興河東解人幼聰敏有器量博涉羣書不爲章句年十三父倫習試令誦賦一篇千餘言立讀三遍便誦之無所漏時僧習爲潁川郡守將選鄉官貴勢競來請託拒之而其使侯苔慶具書草僧習讀嘆曰此兒有意氣丈夫理當如

是卽依所草以報起家奉朝請慶出後第四叔及父喪議者不許服重慶泣曰禮緣人情若於出後之家更有首斬之服可奪此以從彼今四叔薨背已久情事不迫豈容奪禮乖違天性遂以苦由終喪既葬負土成墳孝武將西遷慶以散騎侍郎馳傳入關至高平見周文共論時事周文請迎與駕令慶復命帝欲往荆州慶曰關中金城千里天下之疆國也荆州地無要害甯足以固鴻基帝納之及西遷以母老不從獨孤信鎮洛陽乃得入關除相府東閣祭酒大統十年除尙書都兵郎中并領記室時北雍州獻白鹿羣臣欲賀尙書蘇綽謂慶曰近代已來文章華靡江左彌復輕薄洛陽後進祖述未已言職典文房宜製此表以革前弊慶操筆立成辭兼文質綽讀而笑曰枳橘猶自可移況才子也尋領雍州別駕廣

山西通志卷一百一十 鄉賢錄五 十六

陵王欣甥孟氏屢爲凶橫或告其盜牛慶捕得寔趣令就禁孟氏益驕慶大集僚吏盛言孟氏倚權侵虐狀言畢令笞殺之貴戚斂手賈人持金二十斤詣京寄人居止常自執管鑰而竝失之主人自誣服慶疑之召問賈人曰頗與人同宿飲乎曰日者曾與一沙門再宴醉而盡寢慶曰沙門乃眞盜耳卽遣捕之盡獲所失金十二年爲計部郎中別駕如故有胡家被劫郡縣按察莫知賊所隣近多被囚慶作匿名書多勝官門曰若聽先首免罪便欲來告慶乃施免罪之牒居二日廣陵王欣家奴面縛自告牒下因盡獲黨與慶之守正明察皆此類也每歎曰昔于公斷獄無私關高門以待封僊斯言有驗吾其庶幾乎封清河縣男除尙書左丞攝計部周文嘗怒安定國臣王茂將殺之而非其罪朝臣莫敢諫慶進爭之



周文愈怒曰卿亦須坐之執慶於前慶辭氣不撓抗聲曰慶  
誠忠誠寔不敢受死但懼公為不明之君耳周文乃悟而  
赦茂已不及矣明日謂慶曰吾不用卿言遂令王茂寃死可  
賜茂宗錢帛以旌吾過尋進爵為子慶威儀端肅樞機明辨  
每發號令常使宣之天性亢直無所回避周文深委仗焉恭  
帝初進驃騎大將軍開府儀同三司尚書右僕射轉左僕射  
領著作又拜司會中大夫周初賜姓宇文氏進平齊縣公晉  
公護欲引為腹心慶辭之又與楊寬有隙遂見疏忌出為萬  
州刺史明帝留為雍州別駕領京兆尹武成二年除宜州刺  
史寬囚慶故吏求司會時罪失案陰積六十餘日吏或死於  
獄終無所言唯得乘錦數匹時人服其廉慎又入為司會兄  
子雄亮刃仇人黃泉寶晉公護護慶擅殺人對曰慶聞父母

山西通志卷一百二十 鄉賢錄五 七

之誓不同天昆弟之誓不同國明公以孝臨天下何責於此  
乎護愈怒慶辭色無屈竟免卒贈鄜綬丹三州刺史諡曰景  
子棧嗣

柳帶章字孝孫慶從子也父驚好學善屬文卒於魏臨淮王  
記室參軍事帶章少好學深沈有度量身長八尺三寸美風  
儀善占對周文辟參軍事令使梁邵陵南平二王行至安州  
過段寶等反矯為周文書以安之竝即降附及見邵陵具申  
周意邵陵遣使隨報命授輔國將軍中散大夫後為行臺左  
丞從達奚武南討梁宜豐侯蕭修守南鄭武攻之未拔令入  
城說修降之廢帝元年出為解縣令加驃騎將軍左光祿大  
夫轉汾陰令發擿姦伏百姓畏而懷之周武成元年授武藏  
下大夫天和二年封康成縣男累遷兵部中大夫仍領武藏

五年轉武藏中大夫俄遷驃騎大將軍開府儀同三司凡居  
劇職十有餘年處斷無滯官曹清肅為益州總管譙王儉府  
長史領益州刺史漢王贊別駕總知軍事及東討徵為前軍  
總管齊王憲府長史以功授上開府儀同大將軍進爵公又  
為并州司會并州總管陳王純府長史卒諡曰愷子祚嗣少  
有名譽位宣納上士入隋為司勳侍郎

柳遐字子昇河東解人宋太尉元景從孫叔珍義陽內史  
父季遠梁宜都太守遐幼而爽邁神彩巖然巖巖便有成人  
之量篤好文學動合規矩世父慶遠特器之梁西昌侯蕭藻  
鎮雍州遐時年十二修謁風儀端肅進止詳雅藻羨之試遣  
左右踐遐衣裾遐徐步稍前曾不顧盼仕梁尚書功論郎謝  
舉時為僕射與語嘉之曰江漢英靈見於此矣岳陽王蕭督

山西通志卷一百二十 鄉賢錄五 六

承制授吏部郎賜爵開喜公尋進持節侍中驃騎大將軍開  
府儀同三司及督踐位於江陵以襄陽歸周辭督曰陛下中  
興鼎業龍飛舊禁臣昔因幸會早奉名節理當以身許國期  
之始終自晉氏南遷臣宗族蓋寡從祖太尉世父儀同從父  
司空竝以位望隆重遂家於金陵唯留先臣獨守墳柏嘗誠  
臣等使不違此志今襄陽既入北朝臣若陪隨鑾蹕進則無  
益塵露退則有虧先旨重違其志遂許之因留鄉里以經  
籍自娛周時頻徵固辭以疾及督殂舉哀行舊臣之服保定  
中又徵之始入朝授驃騎大將軍開府儀同三司霍州刺史  
導人務先以德不用命者乃微加貶其下感而化之曰我君  
仁惠其可欺乎卒贈金安二州刺史遐初為州主簿父卒於  
揚州自襄陽奔赴六日而至哀感行路後奉喪西歸中流風



起遐抱棺號慟俄頃風止母嘗乳間發疔醫云此疾無可救  
理惟得人吮膿或望微止其痛退應聲呻吟旬日遂瘳咸以  
為孝感性溫裕略無喜愠未嘗論人之短尤尚施予家無餘  
財十子靖莊最知名

柳靖字思休遐子少方雅博覽墳籍入周授大都督歷河南  
廣德二郡所居皆有政術吏人畏而愛之然性愛閑素於名  
利澹如也及秩滿還鄉便有終焉之志隋文帝特詔徵之以  
疾固辭閉門自守足不歷園庭殆將十載子弟奉之若嚴君  
焉其有過者靖必下帷自責長幼相率拜謝然後見之助以  
禮法鄉里亦慕而化之或有不善者皆曰惟恐柳廣德知也  
時論方之王烈前後總管到官皆親問疾遂以為故事秦王  
俊臨州賚以几杖並致衣物靖唯受几杖餘並固辭其為常

山西通志卷一百一十 鄉賢錄五

十九

時所重如此隋開皇中卒

以上解州

裴寬字長寬河東聞喜人祖德歡魏中書侍郎河內郡守父  
靜慮銀青光祿大夫贈汾州刺史寬儀貌瓌偉博涉羣書弱  
冠為州里所稱撫諸弟以篤友聞榮陽鄭孝穆嘗謂從弟文  
直曰裴長寬兄弟天倫篤睦人之師表吾愛之重之汝可與  
之游處年十三選孝明挽郎釋褐員外散騎侍郎孝武西遷  
寬謂諸弟曰君臣逆順大義昭然理無東面以虧臣節乃避  
難大石嶺獨孤信鎮洛陽始出見焉韋子爽在洛窘急投寬  
寬開懷納之信知而詰寬曰窮來見歸義無執送今日獲  
罪是所甘心經赦得不坐大統五年授都督同軌防長史加  
征虜將軍十三年從防主章法保向潁川解侯景圍謂法保  
曰侯景狡猾必不肯入關若伏兵斬之亦一時之功也不然

須深加嚴警不得信其誑誘自貽後悔法保乃加警十四年

與東魏將彭樂樂相戰新城被擒見齊文襄寬止舉詳雅善  
占對文襄甚賞異之厚加禮遇寬乃裁所臥種夜維而出因  
得通還周文帝曰披堅執銳或有其人疾風勁草歲寒方驗  
裴長寬為高澄厚遇乃能冒死歸我雖竹帛所載何以加之  
乃手書署寬名下授持節帥都督封夏陽縣男即除孔城城  
主十六年遷河南郡守仍鎮孔城進使持節車騎大將軍儀  
同三司散騎常侍周初進爵子寬在孔城十三年與齊洛州  
刺史獨孤永業相對永業有計謀多譎詐寬每揣知其情選  
擊無不剋天和三年除溫州刺史復以河州接敵境移寬為  
刺史陳將程靈洗攻之力屈城陷執至揚州卒於江左子義  
宣後使陳始得還樞隋開皇元年贈襄郢二州刺史義宣位

山西通志卷一百一十 鄉賢錄五

二十

司金二命士合江令

裴果字戎昭河東聞喜人祖思賢魏青州刺史父遵齊州刺  
史果少慷慨有志略魏太昌中為陽平郡丞周文帝使并州  
與果遇果知非常人密託附焉永安末從軍征討乘黃驄馬  
衣青袍每先登陷陣時人號為黃驄少年承熙中授河北郡  
守沙苑敗率宗黨歸闕周文嘉之賜田宅奴婢牛馬什物從  
戰河橋解玉壁圍摧鋒奮擊所向披靡大統九年從戰芒山  
陷陣擒東魏都督賀婁焉邈爾勇冠當時眾人莫不歎服周  
文愈親待之補帳內都督遷帥都督平東將軍後從開府楊  
忠平隋安陸以功加大都督除正平郡守正平果本郡也以  
威猛為政百姓畏之盜賊屏息遷司農卿又從尉遲迥伐蜀  
為前軍開劍閣破季慶保降楊乾運皆有功廢帝三年授龍



州刺史封冠軍侯俄而州人張暹李拓驅百姓圍州城果設方略以拒之賊退走出兵追擊累戰破之旬日間州境清晏轉陵州刺史周初除陞州刺史加持節驍騎大將軍開府儀同三司進公歷眉復二州刺史果性嚴猛能斷決抑挫豪石中理屈滯歷牧數州號為稱職卒贈本官加絳晉建州刺史諡曰質子孝仁嗣孝仁幼聰敏涉獵經史有譽於時起家舍人上士累遷長甯鎮將扞禦齊人有威略歷建譙毫三州刺史

裴俠字嵩和河東人祖思齊舉秀才拜議郎父欣西河郡守贈晉州刺史俠志識聰慧年十三父憂哀毀若成人州辟主簿舉秀才魏正光中解巾奉朝請稍遷義陽郡守元顥入洛執其使焚其赦書孝莊嘉之授東郡太守帶防城別將及孝

山西通志卷一百一十 鄉賢錄五 三

武徵兵俠率所部赴洛陽武衛將軍王思政問之俠曰圖歡有立至之憂西巡有將來之慮且至關右日慎一日徐思其宜耳思政乃進俠於上授左中郎將及西遷俠將行而妻子猶在東郡榮陽鄭倓曰何如東就妻子徐擇木焉俠曰既食其祿甯以妻子易國也遂從入關賜爵清河縣伯除丞相府士曹參軍大統三年領鄉兵從戰沙苑先鋒陷陣俠本名協至是周文帝曰仁者必勇因命名俠以功進侯王思政鎮玉壁為長史草思政報齊神武書甚壯烈周文善之曰雖魯仲連無以加也除河北郡守躬履儉素愛人如子與諸牧守上謁周文令清慎如俠者同立眾無敢應號獨立使君又撰九世伯祖貞侯潛傳述裴氏清公宗室中知名者咸付一通從弟伯鳳世彥時並為丞相府佐笑曰人生仕進須聲名並裕

清苦若此竟欲何為俠曰夫清者莅職之本儉者持身之基況我大宗世濟其美故能存見稱於朝廷沒流芳於典策今吾濫蒙殊遇固其窮困非慕名也志在自修懼辱先也伯鳳等慚而退再遷郢州刺史加儀同三司梁竟陵守孫昂鄴城守張建並以郡來附俠密謂人曰為曰動言肆且輕於去就建神情密定當無異心乃馳啟其狀周文曰裴俠有鑒深得之矣鄴城竟不遣監統焉還以鄴叛卒如俠言轉大將軍拓州刺史徵拜雍州別駕周初除司邑下大夫加驃騎大將軍開府儀同三司進公遷戶部中大夫奸吏隱沒或至千萬勸精發掘數旬內奸盜略盡轉工部中大夫掌錢物典李貴悲泣或問之對曰官物多費用裴公清嚴有名懼遭罪責耳俠許其自首俠嘗遇疾沈頓忽聞五鼓便即驚起顧左右曰可向府所苦因此而瘳晉公護曰裴俠危篤而不廢憂公問鼓聲病遂愈豈非天祐勤恪也司空宇文貴小司空中徵來候俠疾所居第屋不免霜露貴等還言之上為起宅并賜良田十頃奴隸耕耒糧粟備足搢紳咸以為榮卒於位贈太子少師蒲州刺史諡曰貞河北郡吏民作頌紀清德焉子祥性忠謹有理劇才少為成都令清不及俠斷決過之後除長安令為權貴所憚遷司倉下大夫俠終以毀卒

山西通志卷一百一十 鄉賢錄五 三

裴文舉聞喜人遂子少忠謹涉獵經史大統十年起家奉朝請周文帝子盛簡賓友文舉選與諸公子游雅相欽敬未嘗戲狎遷著作郎中外府參軍恭帝二年賜姓賀蘭氏周初襲爵澄城縣子齊公憲開幕府為司錄憲出鎮劔南復為總管府中郎武成二年就加使持節車騎大將軍儀同三司蜀土



沃饒或勸以利答曰利之為貴莫若安身安則道隆非貨之謂是以不為非惡財也憲矜其貧每欲資給之文學恆自謙遜辭多受少保定三年遷絳州刺史廉約自守一遵父選任正平道範百姓美而化之總管章孝寬特相欽重每與談論不覺膝前於帝天和初進驃騎大將軍開府儀同三司尋為孝寬柱國府司馬六年入為司憲中大夫進爵伯將軍司馬文舉與弟璣友愛璣早亡撫視遺孤逾於己子六年除南青州刺史宣政元年卒於位子昌嗣位至大都督子神安也通守有子知禮以上絳州

宇文深字奴于代武川人侍中測弟也性饒正有器局年數歲便累石為營布置行伍皆有軍陣之勢父永見之曰後必為名將孝武西遷事起倉卒深時為子都督領宿衛兵撫循所部並得入關以功賜爵長樂縣伯大統中累轉尚書直事

山西通志卷一百一十 鄉賢錄五

三

郎中齊神武屯蒲坂遣其將賈泰越潼關高敖曹圍洛州周文將襲泰諸將難之間策於深深曰賈氏高歡驍將仗以禦侮今大軍就蒲坂歡守實援內外受敵取敗道也不如選輕銳潛出小關賈性急來戰高歡持重未即救之實可擒也迴師禦營可以制勝文帝喜曰是吾心也軍遂行果獲泰神武亦退深又說帝取宏農勉之謂深曰君即吾家陳平也神武率大眾至沙苑深獨賀文帝問故曰歡撫河北甚得眾心懸師渡河非眾所欲恥夫賈氏悅諫而來所謂忿兵一戰可擒也尋大破齊軍果如所策進爵為侯六官建拜小吏部下大夫遷中大夫武成元年遷幽州刺史改封安化縣公保定初除京兆尹入為司會中大夫深少喪父事兄甚謹性多奇話

好讀兵書居近侍每進籌策及在選曹頗有時譽從弟神舉神慶幼孤深撫訓之義均同氣卒於位諡曰成康子孝伯

宇文神舉文帝族子高祖普陵會祖求男仕魏竝顯達祖金殿兗州刺史安喜縣侯父顯和少襲爵性矜嚴頗涉經史誓力絕人能左右馳射孝武在藩早蒙眷遇及即位拜閣內都督封城陽縣公定入關策遷大都督改封長廣縣公進位車騎大將軍儀同三司散騎常侍卒神舉早亦有夙成之量及長神情剛健志略英明帝初起家中侍上士帝留意翰林而神舉雅好篇什游幸恆從襲爵長廣縣公天和元年累遷右宮伯中大夫進爵清河郡公建德三年自京兆尹出為熊州刺史齊入憚其威名尋改并州州即齊氏別郡多有姦猾神舉示以威恩遠近悅服改封武德郡公進柱國大將軍又

山西通志卷一百一十 鄉賢錄五

三

改封東平郡公宣政元年轉司武上大夫討平盧昌期于范陽齊黃門侍郎盧思道亦在反中將解衣伏法神舉釋而禮之即令草露布稽胡反寇西河與越王盛討之突厥赴救以奇兵擊走稽胡款服授并州總管武帝時神舉處心腹之任王軌字文孝伯等屢言太子之短神舉亦頗預焉宣帝即位懼及禍懷不自安初定范陽後威聲甚振帝忌其名兼以宿憾使人齎醢酒賜之薨於馬邑時年四十八神舉美風儀善辭令博涉經史尤工騎射臨戎對寇勇而有謀莅職當官每若聲績兼好施愛士以雄豪自居故得任兼文武聲彰內外子同嗣位至儀同大將軍

趙貴字元寶天水南安人祖仁以良家子鎮武川因家焉貴少有節概朱榮以為別將從討元顥有功賜爵燕樂縣子



從賀拔岳平關中累遷大都督岳為侯莫陳悅所害賀謂其  
黨曰朱伯厚王脩感意氣微恩尚能蹈履名節況吾等荷國  
士之遇甯可自同眾人從五十人詣悅詐降請收葬岳悅壯  
而許之還與寇洛等奔平涼首議迎周文既至以貴為大都  
督領府司馬悅平行秦州事預立魏文勳進爵為公為隴西  
行臺討梁企定破之從復宏農沙苑進爵中山郡公芒山之  
戰貴為左軍失律坐免官尋拜柱國大將軍賜姓乙弗氏六  
官建為太保太宗伯改封南陽郡公周孝閔踐阼遷大冢宰  
進封楚國公邑萬戶初貴與獨孤信等皆與文帝等夷晉公  
護攝政貴自以元勳每怏怏為護所害

韓果字阿六拔代武川人少驍雄善騎射賀拔岳引為帳內  
後從平侯莫陳悅大統初果進爵石城公果性強記兼有權

山西通志卷一百一十 鄉賢錄五

略善伺敵虛實揣知情狀有潛匿谿谷欲為間偵者果登高  
望之所疑處往必有獲由是為虞候都督常領候騎晝夜巡  
察略不眠寢從平寶泰又從復宏農破沙苑戰河橋並有功  
歷朔安二州刺史從戰芒山除河東郡守又從破稽胡於北  
山進兵窮討散其種落稽胡憚果勁捷號為著翅人周文聞  
之笑曰著翅之名甯滅飛將累遷開府儀同三司進襄中郡  
公保定三年拜少師進柱國天和初授華州刺史為政寬簡  
吏人稱之卒子明嗣為黎州刺史與尉遲迥同謀被害  
賀蘭祥字盛樂其先與魏俱起有乞伏者為賀蘭莫何弗因  
以為氏後有以頁家子鎮武川者遂家焉父初真少知名為  
鄉閭所重尚文帝姊建文長公主保定二年追贈太傅柱國  
常山郡公祥年十一而孤居喪合禮長於舅氏為周文所愛

雖在戎旅博延儒生教以書傳周文初入關祥與晉公護俱  
在晉陽後遣使迎致之解褐奉朝請少有膽氣志在立功尋  
擢補都督從平侯莫陳悅又迎魏孝武以前後功封撫夷縣  
伯從擊潼關獲東魏將薛長儒攻回落拔之拜左右直長進  
爵為公大統九年從戰芒山進位驃騎大將軍開府儀同三  
司加侍中十四年除都督荊州刺史進爵博陵郡公先是祥  
嘗行荊州事雖未甚月頗有惠政至是重往百姓安之漢南  
流人襁負至者日有千數遠近蠻夷莫不款附祥隨機撫納  
咸得歡心時盛夏亢陽境內有發冢暴骨者謂守令曰此豈  
仁者為政邪命所在收葬之即日澍雨性清素時與梁通好  
公私贈遺一無所受梁雍州刺史岳陽王蕭譽欽其風素以  
竹屏風絺綌之屬及經史贈之祥難違其意取付所司周文

山西通志卷一百一十 鄉賢錄五

後聞之並以賜祥十六年拜大將軍周文以涇渭澆灌之處  
渠堰廢毀乃令祥修造富平堰開渠引水東注於洛人獲其  
利魏廢帝二年行華州事後改華州為同州仍以祥為刺史  
尋拜尚書左僕射六官建授小司馬孝閔踐阼進位柱國大  
司馬晉公護執政祥與護中表少相親愛軍國之事皆與參  
謀誅趙貴廢閔帝祥有力焉武成初吐谷渾侵涼州郡詔祥  
與宇文貴討之拔洮陽洪和二城振旅而還進封涼國公薨  
贈太師同岐等十二州諸軍事同州刺史諡曰景有七子敬  
讓琛師寬知名敬少歷顯職封化隆縣侯後襲爵涼國公位  
柱國華州刺史讓大將軍鄭州刺史河東郡公琛開府儀同  
三司宣陽郡公建德五年從於并州戰歿贈上儀同大將軍  
追封清都公師尚明帝女位上儀同大將軍幽州刺史博陵



邵公寬開府儀同大將軍武始公入隋歷汴鄭二州刺史並  
著政績

侯莫陳崇字尚樂代北部人祖元以良家子從鎮武川因家  
焉父興殿中將軍羽林監附柱國太保清河郡公崇少驍勇  
善騎射謹愨少言年十五隨賀拔岳與爾朱榮征葛榮後從  
岳入關破赤水蜀又從岳力戰破萬俟醜奴崇與輕騎逐北  
至涇州長坑及之賊未成列崇單騎入賊中於馬上生擒醜  
奴送大破之封臨涇縣侯及岳為侯莫陳悅所害崇謀迎周  
文帝時原州刺史史歸為悅守周文遣崇襲歸直到城下即  
擊城門城內鼓譟伏兵悉起遂擒歸斬之以崇行原州事仍  
從平悅別封廣武縣伯累遷儀同三司改封彭城郡公從擒  
賁泰復宏農破沙苑戰河橋又別討平稽胡累戰皆有功進

山西通志卷一百二十 鄉賢錄五

柱國大將軍拜大司空周初進封梁國公加太保歷太宗伯  
大司徒保定三年從武帝幸原州時帝夜還崇私議宇文護  
護遣使將兵就崇宅逼令自殺謚謫改謚莊閔子芮嗣  
位柱國從東伐守太行道并州平授上柱國仍從平鄴拜大  
司馬

侯莫陳順代武川人少豪俠有氣度初為爾朱榮統軍普泰  
元年封本縣子從孝武入關順與周文帝同里閔弟崇又先  
在關中進彭城郡公梁企定通河州為大都督討破之尋行  
河州事大統四年魏文帝東討順留鎮長安時趙青雀反王  
盟周惠達奉魏太子出次渭北順於渭橋與賊戰頻破之魏  
文帝還執順手曰渭橋之戰卿有殊功解所服金鏤玉梁帶  
賜之南岐州區羌符安壽遂率部落一千款附改封河間郡

公六年加驃騎大將軍開府儀同三司行西夏州事改平原  
郡公周初拜少師進柱國卒崇弟瓊荊州總管上柱國封修  
武郡公瓊弟愷以軍功賜爵下蔡縣男進靈武縣侯周初轉  
授為開府儀同三司進公天和中為司會中大夫建德二年  
為聘齊使以上歸化城縣

獨孤信雲中人本名如願祖侯尼魏和平中以良家子鎮武  
川因家焉父庫者領人酋長少雄豪有節義北州咸敬服之  
信美容儀善騎射正光末與賀拔度等同斬衛可瓌由是知  
名後為葛榮所獲信少年自修飾服章軍中號獨孤郎及爾  
朱氏破葛榮以信為別將後破元顥黨賜爵受德縣侯遷武  
衛將軍賀拔勝表為大都督新野郡守與浙陽守韋孝寬政  
術俱美號為連璧勝令入關撫賀拔岳餘眾魏孝武雅相委

山西通志卷一百二十 鄉賢錄五

任孝武西遷信單騎及於澠淵孝武歎曰武衛遂能辭父母  
捐妻子從我世亂識忠臣豈虛言哉進浮陽郡公為衛大將  
軍都督三荊州諸軍事兼尚書右僕射東南道行臺大都督  
荊州刺史大統六年除隴右十一州大都督秦州刺史事無  
滯示以禮教勸以耕桑數年中公私富實流人願附者數  
萬家周文以其信著遐邇賜名信十三年移鎮河陽十四年  
進柱國大將軍錄前後功子善封魏甯縣公穆必受縣侯藏  
義甯縣侯邑各一千戶順武成縣侯隨建忠縣伯邑各五百  
戶十六年遷尚書令拜大司馬周初遷大宗伯進衛國公邑  
萬戶趙貴死晉公護逼令自盡年五十五信美風度雅有奇  
謀大略周文以隴右形勝故委信鎮之既為百姓所懷聲震  
鄰國在秦州獵日暮馳馬入城相微側詰且吏人戴帽者咸



慕信而側帽焉其為隣境及土庶所重如此信長女周明帝  
敬后第四女唐元貞皇后第七女隋高祖文獻后三代皆為  
外戚自古以來未之有也

獨孤善字伏施信次子幼聰慧善騎射以父勳封魏甯縣公  
授驃騎大將軍開府儀同三司加侍中進長城郡公周初除

河州刺史保定三年授龍州刺史天和六年襲河內郡公從  
東討以功授上開府尋除兗州刺史政在簡惠百姓安之卒

於州贈使持節柱國五州諸軍事定州刺史子覽嗣隋右候  
衛大將軍以上托

赫連達字朔周盛樂人勃勃之後也會祖庫多汗改姓杜氏  
達性剛鯁有膽力少從賀拔岳征討有功賜爵長廣鄉男及

趙貴議迎周文達贊成其議請輕騎迎之諸將或欲南追賀  
按勝或云東告朝廷達曰此皆遠水不救近火何足道哉謀

遂定孝武入關進魏昌縣伯從破曹泥後復宏農戰沙苑皆  
有功詔復姓赫連除雲州刺史進爵公保定初為大將軍夏

州總管達雖非文吏然性質直遵奉法度輕於鞭撻而重慎  
死罪性又廉儉胡人或饋羊達報以綰帛主司請用官物達

曰羊人我廚物出官庫是欺上也命取私帛與之識者嘉其  
仁恕尋進樂川郡公柱國卒子遷嗣位大將軍蒲州刺史

閻慶字仁度河陰人曾祖善魏龍驤將軍雲州鎮將因家雲  
州之盛樂郡祖提持節軍騎大將軍敦煌鎮都大將父進有

謀略勇冠當時正光中拜龍驤將軍衛可瓌作亂率眾拒守  
以功拜盛樂郡守慶幼聰敏重然諾風儀端肅望之儼然以

軍功拜步兵校尉中堅將軍齊神武舉兵入洛孝武西遷慶

自宜陽歸關稍遷後將軍封安次縣子以功進爵為伯慶善  
於殺撫士卒未休未嘗先舍故能盡其死力累遷散騎常侍

驃騎大將軍開府儀同三司雲州大中正加侍中賜姓大野  
氏孝閔踐阼出為河州刺史進爵石保縣公地接戎夷留心

撫納頗稱簡惠就拜大將軍進爵太安郡公入為小司空歷  
雲南二州刺史慶性寬和不苛察百姓悅之天和五年晉柱

國晉公護母慶之姑也護擅朝而慶未嘗阿附武帝以此重  
之詔第十二子毗尚帝女清都公主慶位望隆重婚連帝室

常以謙慎自守建德二年致仕宣帝以慶先朝舊特異恆  
倫詔靜帝至第問疾大象二年拜上柱國隋初又令皇太子

就第問疾開皇二年卒年七十七以上和  
右北周二十八人案周太祖家武川地當在蒙古

王懿字仲德太原祁人漢司徒允弟幽州刺史懋七世孫也  
祖宏仕石氏父苗仕苻氏皆二千石懿少沈寤有意略事母

甚謹學通陰陽解律苻氏敗懿年十七及兄勣同起義兵  
與慕容垂戰敗被重創走渡河至滑臺為翟遼所留後奔秦

山晉太元末徙彭城歸王愉愉接遇甚薄因至姑孰宋武帝  
結叔使襲桓元事泄叔被書懿竄走獲免建業平為鎮軍中

兵參軍伐廣固為前驅戰輒破之與盧循戰左里功冠諸將  
封新淦縣侯義熙十二年北伐進征虜將軍冀州刺史督前

鋒諸軍事長安平為太尉諮議參軍武帝欲遷都洛陽懿曰  
今暴師經滅士有歸心當以建業為王基遷都宜候文軌大

今暴師經滅士有歸心當以建業為王基遷都宜候文軌大

山西通志卷一百二十 鄉賢錄五

歸殺界內地矣舊志凡宇文氏皆隸前武非又王  
思政楊標諸人皆隸於齊實熾父子皆終於隋不  
當與周臣並列今別詳任實又郭懿陵  
川人亦不知何所據隋以前無此縣也



同武帝深納之使衛送姚泓先還彭城宋初累遷徐州刺史加都督元嘉中同到彥之北侵司兗三州平三軍咸喜而懿有憂色曰諸賢不諳北土情偽必墮其計魏軍渡河虎牢洛陽並不守乃回軍沿濟南歷城步上焚舟棄甲還至彭城坐免尋與檀道濟救滑臺糧盡歸九年又爲徐州刺史懿三臨徐州威德著於彭城進鎮北大將軍十五年卒諡曰桓子正循嗣懿兄孫文和景和中爲征北義陽王劉昶府佐昶奔魏部曲皆散獨文和送之界上昇明中爲巴陵內史齊永明中歷青冀兗益四州刺史

關康之字伯愉河東楊人僑京口轉僑南昌少而篤學姿狀豐偉與下邳趙繹友善特進顏延之等當時名士十許人入山侯之見其散髮披黃布席松葉枕白石而臥了不相所延

山西通志卷一百二十 鄉賢錄五

三

之等咨嗟而退不敢干也晉陵顧悅之難王賜易義四十餘條康之申王難顧遠有情理又爲毛詩義經籍疑滯多所論釋嘗就沙門支僧納學算妙盡其能徵辟一無所就乘絕人事守志閒居弟雙之爲臧質車騎參軍卒於赭圻瘞水濱康之爲迎喪歸病寢頓二十餘年時有閒日輒臥論文義宋孝武初大使薦康之宜加徵聘不省康之性清約獨居一室希見妻子絕賓客弟子以業傳受河南辛普明允尙之善左氏春秋齊高帝嘗送本與康之康之手自點定又造禮論十卷高帝絕賞愛之宋太始初徵辭以疾

周續之字道祖雁門廣武人僑豫章建昌縣八歲喪母哀戚過成人奉兄如事父豫章太守范甯立學招集生徒續之年十二詣甯受業數年通五經五緯號曰十經名冠同門稱爲

顏子既而閑居讀老易入廬山事沙門釋慧遠與劉遺民陶淵明稱潯陽三隱劉毅鎮姑孰命爲撫軍參軍徵太學博士並不就江州刺史招請頗從游常以稽康高士傳得出處之美因爲之注宋武帝世子居守迎館於安樂寺延入講禮月餘復還山江州刺史劉柳薦之辟太尉掾不就武帝鎮彭城遣使迎之禮賜甚厚每日眞高士也尋復南還宋初復召之上馬開館東郭外招集生徒乘輿降幸并見諸生問續之禮記傲不可長與我九齡射於雙圃之義辯析精奧稱爲名通續之素患風痺乃移病鍾山景平元年卒通毛詩六義及禮論注公羊傳於世無子兄子景遠有續之風

山西通志卷一百二十 鄉賢錄五

三

柳元景字孝仁河東解人高祖純位平陽太守不拜會祖卓僑襄陽官至汝南太守祖愔西河太守父憑馮翊太守元景少便弓馬數隨父伐蠻以勇稱寡言語有器質江夏王義恭鎮荊州以爲城局參軍孝武西鎮襄陽義恭薦以爲武威將軍隨郡太守廣設方略斬獲羣蠻數百郡境肅然隨王誕鎮襄陽徙後軍中兵參軍元嘉二十七年八月北侵加建威將軍總統軍師後軍外兵參軍麗季明自賀谷入盧氏元景率軍繼進以軍食不足難曠日相持乃束馬懸車引軍上百丈崖出溫谷以入盧氏度熊耳山十一月至宏農營於關方口授宏農太守令衆軍並造陝下列營以逼之魏兵大合乃卷甲兼行一宿而至自詰旦戰至日昃魏軍大潰面縛者二千餘人悉釋遣之時王元謨等敗退上以元景不宜獨進令班師魯爽向虎牢復使北出爽退乃還元景再出北侵威信著於境外孝武入討元凶以爲諮議參軍配萬人爲前鋒至新



亭依山建壘柵東西據險令軍中日鼓繁氣易衰叫數力易  
謁但各街枚疾戰一聽吾營鼓音及察賊衰竭乃命開壘鼓  
譟以奔之賊眾大潰劬更率餘眾自來攻壘復大破之劬僅  
以身免上至新亭以元景為侍中領左衛將軍尋為領軍將  
軍加散騎常侍封曲江縣公孝建元年正月左衛將軍王元  
謨討魯爽以元景撫軍將軍假節置佐繼進復領南蠻校尉  
雍州刺史加都督出屯采石進至姑孰悉遣精兵助元謨以  
羸弱居守所遺軍多張旗幟梁山望之如數萬人皆謂都下  
兵悉至由是克捷爽平加開府儀同三司改封晉安郡公固  
讓開府復為領軍太子詹事加侍中三年為尚書令改封巴  
東郡公六年進司空侍中中書令固讓乃授侍中驃騎大將  
軍南兖州刺史留衛都下尋輔幼主遷尚書令領丹陽尹加

山西通志卷一百一十 鄉賢錄五

開府儀同三司給班劍二十人固辭班劍元景起自戎行及  
當朝有宏雅之美不營產業南岸有數十畝菜園園人得賣  
菜錢三萬送還怒曰我立園種菜供家中啖耳乃復賣以取  
錢奪百姓利邪及宿衛兵出稱詔召之元景整朝服乘車應  
召弟車騎司馬叔仁及左右壯士數千人欲拒命苦禁之下  
軍受戮容色恬然長子慶宗先賜死次子嗣宗紹宗茂宗孝  
宗文宗仲宗成宗秀宗並遇禍元景六弟僧景僧珍叔宗叔  
政叔珍叔仁僧珍叔仁及子姪死者數十人元景少子承宗  
嗣宗子暮竝在孕獲全明帝初贈大尉給班劍三十人羽葆  
鼓吹一部諡曰忠烈公

裴顛字彥齊開喜人少有異操宋泰始中聰明觀聽講不讓  
劉秉席秉用為參軍歷奉朝請齊臺建世子裴妃須外戚譜

顛不與遂與別籍後上表數齊主惡掛冠去之遇害

右南朝宋五人

薛深河東汾陰人魏河東公薛安都從子也果敢有氣力安  
都降魏親族皆入北齊高帝鎮淮陰深遁歸自結於高帝宋  
元徽末以軍功至驍騎將軍軍主封竟陵侯豫章王疑守東  
府使領軍屯司徒右府分備建鄴袁粲據石頭疑夜登西門  
遙呼深深驚起率軍赴難齊初除淮陰太守尋為直閭將軍  
轉太子左率武帝遷左衛將隆昌元年為司州刺史右將軍  
卒

右南朝齊一人

王僧辨字君才太原祁人父神念魏潁川太守據郡歸梁封  
南城縣侯歷安成諸郡皆著政績終右衛將軍僧辨從南徙

山西通志卷一百一十 鄉賢錄五

學涉該博尤明左氏春秋言辭辯捷器宇肅然梁元帝鎮江  
州隨府為中兵參軍安成劉敬躬潛謀亂元帝使僧辨襲安  
成遂擒敬躬又討平安州蠻以勇略稱元帝鎮荊州僧辨為  
貞毅府諮議參軍竟陵太守命總督舟師一萬援臺城城陷  
侯景悉收其軍賈而厚加綏撫遣歸竟陵於是倍道兼行西  
就元帝承制為領軍將軍及將攻荆襄令僧辨與鮑泉率師  
僧辨欲待竟陵部下集然後上頓元帝以為遷延不去斫之  
中髀後意解賜以良藥故不死會岳陽王督襲江陵就獄出  
僧辨以為城內都督俄岳陽兵退而鮑泉力不能克長沙命  
景軍次夏首僧辨為大都督次巴陵沈公私船於水分命眾  
軍乘城固守偃旗臥鼓安若無人翌日賊至城下城內同時



鼓譟矢石雨下賊乃引退復攻城不克又為火艦燒柵風不  
便自焚而退景遂燒營夜遁元帝以僧辨為征東將軍開府  
儀同三司江州刺史封長甯縣公命卽率巴陵諸軍沿流討  
景拔魯山人鄧州羅城擒賊帥宋子仙丁和等送江陵鄂州  
平進師潯陽與陳武帝會於白茅洲升壇歃血共讀盟文辭  
氣慷慨皆淚下霑衿發鵠頭中江風浪僧辨再拜告天曰僧  
辨忠臣奉辭伐罪當使風息若鼎命中淪請從此逝言訖風  
止景自出戰於石頭城北僧辨大破景虛暉略以石頭城降  
引軍入據之景走朱方命衆將入據臺城而遣侯瑱裴之橫  
東追景偽行臺趙伯超自吳松江降寇悉平改封永甯郡公  
詔徵為都督東上諸軍事南討陸納賊敗歸長沙命築壘固  
之而自出臨視賊黨吳藏李賢明等蒙楯直進僧辨據胡牀

山西通志卷一百二十 鄉賢錄五

不動指揮勇敢遂斬賢明賊退湘州亦尋平因會衆軍西討  
敗武陵王紀齊遣郭元建東方老繼進詔僧辨急下赴援次  
姑孰卽留鎮焉先命豫州刺史侯瑱築壘東關以拒北軍徵  
吳郡太守張彪吳興太守裴之橫會瑱而大敗之振旅歸建  
業永聖二年二月詔為太尉車騎大將軍瑒之丁母憂喪禮  
有加是年十月魏遣兵襲江陵元帝徵為大都督荊州刺史  
未至而荊州陷敬帝初卽梁王位承制進驃騎大將軍中書  
監都督中外諸軍事錄尚書與陳武帝參謀討伐時齊納貞  
陽侯明為梁嗣僧辨遣第七子顯顯所生劉并弟子珍往充  
質遣左戶部尚書周宏正至懸陽迎明又遣吏部尚書王通  
送敬因求以敬帝為嗣明報許之濟江同會於江甯浦明踐  
位授僧辨大司馬領太子太傅揚州牧陳武帝自京口舉兵

襲之僧辨常處石頭城是日視事軍人已踰城北而入南門  
又自有兵來僧辨與子顯遽走出關計無所出乃據南門樓  
陳武縱火焚之方其願下就執陳武曰何意全無防備僧辨  
曰委公北門何謂無備是夜及子顯俱遇害弟僧智就任約  
約敗走亦遇害

王僧慎僧辨弟位誰州刺史征蕭勃及聞兄死引軍還吳州  
刺史羊亮密召侯瑒見擒僧慎以名義責瑒因復得奔齊與  
徐嗣徽等攻陳軍敗竄逸仰天歎曰讐恥不雪未欲身野  
草若精誠有感當得道路誓不受辱人手聞空中催令急去  
僧慎異之勉力馳進行一里願向處已有陳人踰越江山僅  
得歸齊

山西通志卷一百二十 鄉賢錄五

王顯僧辨子承聖初位侍中陳武帝鎮京口僧辨結廉蔭之  
分且為第三子願聘陳武章后所生女顯屢諫不聽後王琳  
入齊為竟陵郡守齊遣琳鎮壽春將圖江左及陳殺琳顯聞  
之乃出郡城南登高家上號哭一慟而絕  
柳敬禮元景族子少以勇烈聞而性暴襄陽有柳四郎歌  
起家著作佐郎稍遷扶風太守率馬步三千援臺城與侯景  
頻戰甚著威名及景令仲禮經略上流留敬禮為質景餞仲  
禮於後渚敬禮謂仲禮曰景今來會敬禮抱之兄便可殺雖  
死無恨仲禮壯其言許之及酒數行敬禮目仲禮見備衛嚴  
不敢動遂不果會景攻晉熙敬禮與南康王會理謀襲其城  
克期將發建安侯蕭贛告之遂遇害臨死曰我兄老婢也今  
日就死豈非天平  
張遂字深明河東閿鄉人魏冀州刺史徽之後也祖壽孫僑



壽陽為宋前軍長史父仲穆驍騎將軍遂十歲能屬文善左氏春秋齊末始安王蕭遙光引為揚州參軍遙光敗還壽陽刺史裴叔業降魏隨眾北徙為魏郡太守王肅鎮壽陽遂固求隨肅梁天監初自拔南還除後軍諮議參軍求邊境自効為廬江太守五年征邵陽洲魏人為長橋斷淮以濟遂築壘逼壽每戰輒剋密作沒突艦會淮水雨溢乘艦徑造橋側進遂大破之以功封夷陵縣子遷廣陵太守旋左遷始安太守遂志立功致書呂僧珍曰昔阮咸顏延有二始之歎吾才不逮古人今為三始非其願也將如之何後為竟陵太守開置屯田公私便之再遷西戎校尉北梁秦二州刺史復開倉屯田數千頃倉廩盈實省息邊運人吏獲安相率餉絹千餘匹遂從容曰汝等不應爾吾又不可逆納其二匹而已入為大匠卿普通二年義州刺史文僧明以州入魏遂為信武將軍督眾討之深入魏境出其不意魏義州刺史封壽據檀公岷遂擊破之遂圍其城壽請降義州平除豫州刺史加督鎮合肥四年督征討諸軍事先襲壽陽攻其郛斬門而入一日戰九合以後軍蔡秀成不至拔還復整兵令諸將各以服色相別遂自為黃袍騎先攻拔狄邱戩城黎漿又屠安成馬頭沙陵等成明年略地至汝潁間所在響應魏壽陽守將長孫承業與河間王元琛出城挑戰遂臨淮歎曰今日不破河間方為謝元所笑乃出四甄以待之令直閣將軍李祖憐偽遁承業等悉眾來追四甄競發魏眾大敗斬首萬餘級承業走閉門不敢復出遂疾篤命眾軍守備卒贈侍中左衛將軍進侯諡曰烈遂沈深有思略為政寬明能得士心居身方正有

山西通志卷一百二十 鄉賢錄五

威重將吏少敢犯法及卒淮肥間莫不流涕子之禮字子義美儀容能言元理為西豫州刺史母憂惟食麥飯歷位黃門侍郎武帝設無遮會儼象驚排突陛衛王公皆散唯之禮不動上壯之以為壯勇將軍北徐州刺史卒於少府卿諡曰壯子政承聖中給事黃門侍郎隨例入長安

右南朝梁五人案王柳裴薛諸家頗多名臣然自東人者皆推本言之耳茲探其始遷於南及有涉北朝者數人餘並從略

山西通志卷一百二十 鄉賢錄五

三

山西通志卷一百二十



鄉賢錄六 錄二之六 山西通志第百二十一

賜進士出身頭品頂戴兵部侍郎兼都察院右副都御史巡撫山西提督軍務臣張煦等

旨監修 隋 唐 武德至景雲

王頌字景彥太原祁人僧辨子少儼有文武幹局僧辨留頌荆州後為周師所陷因入關聞陳武帝殺僧辨號痛而絕食頃乃蘇哭不絕聲常布衣蔬食藉藁而卧周明帝嘉之召授右侍上士累遷漢中太守尋拜儀同三司隋開皇初以平蠻功加開府封地邱縣公獻取陳之策上召見言畢獻欵上為改容及伐陳頌自請行率兵數百人從韓擒虎先鋒夜濟力戰被傷夢有人授藥比痛而瘡不痛時人以爲孝感及陳滅頌密召父士卒千餘人對之涕泣其間壯士曰郎君將爲

山西通志卷一百二十一 鄉賢錄六

霸先早死不得手刃之邪請發其邱隴頌頓頌陳謝頌盡流血答曰墳塋甚大恐一宵發掘不及尸更至明朝事乃彰露諸人請具鍤鍤於是夜發其陵剖棺見陳武髮皆不落其木出自骨中頌遂焚骨取灰投水飲之既而自縛歸罪上曰王頌亦孝義之道何忍罪之舍不問錄功將加柱國賜物五千段頌固辭曰臣緣國威靈得雪怨恥本心徇私非是爲國所加官賞終不敢當從之拜代州刺史甚有惠政卒於齊州刺史

王韶字子相太原晉陽人居京兆祖諡原州刺史父諒韶幼而方雅好奇節有識者異之周以軍功賜爵昌樂縣公隋初進項城郡公邑二千戶轉靈州刺史加大將軍晉王廣鎮并州除行臺右僕射賜綵五百匹韶性剛直王甚憚之每事諮

詢不致違法度韶嘗出檢行長城王穿地起三山韶還自鎖而諫王謝即罷之高祖嘉歎賜金百兩及後宮四人伐陳爲元帥府司馬至壽陽與高頌支度軍機無所擁帶及克金陵韶即鎮焉晉王班師留防邊石頭委以後事歲餘徵還高祖曰晉王以幼稚出藩遂能克平吳越綏靜江湖子相之力也進柱國賜奴婢三百人縣絹五千段開皇十一年幸并州以其稱職特加勞勉嘗謂韶曰自朕至此公髮髮漸白無乃憂勞所致柱石之望唯在於公努力勉之韶辭謝上勞而遣之秦王俊爲并州總管仍爲長史歲餘馳驛入京勞卒年六十八高祖惜之謂秦王使者曰語爾王我前令子相緩來如何乃遣馳驛殺我子相言甚悽愴使有司立宅曰往者何用宅爲但以表我深心耳命取子相封事數十紙傳示羣臣曰其

山西通志卷一百二十一 鄉賢錄六

直言匡正裨益甚多吾每披尋未嘗釋手大業初追贈司徒尚書令靈幽等十州刺史魏國公子士隆嗣士隆略知書計便弓馬慷慨有父風官備身將軍改封耿公數令討擊山賊往往克捷越王侗時率數千兵自江淮而至憂憤卒以上太原府趙綽河東人性質直剛毅周初爲天官府史以恭謹恪勤擢授夏官府下士稍以明幹見知父艱哀毀骨立時稱其孝累轉中士高祖爲丞相知其清正引爲錄事參軍尋歷大夫從擊叛蠻以功拜儀同賜物千段隋初授大理丞處法平允考績連最轉大理正尋遷尚書都官侍郎轉刑部侍郎治梁士彥等獄賜物三百段奴婢十口馬二十四匹每有奏獻正色侃然上嘉之漸見親重時議重治盜法綽諫曰陛下行堯舜之道多存寬宥况律者天下之大信其可失乎納之遷大理少



卿蕭摩訶子世略作亂摩訶當從坐上赦之綽固諫不可上  
 不能奪命綽退食綽曰臣奏獄未決不敢退朝上曰大理其  
 為朕特赦摩訶也因命左右釋之刑部侍郎辛亶以衣緋禪  
 議綽曰據法不當死臣不敢奉詔上曰卿惜辛亶而不自  
 惜也命執綽綽曰陛下甯可殺臣不得殺辛亶至朝堂上使  
 人口竟何如對曰執法一心不敢惜死乃釋亶明日謝綽勞  
 勉之賜物三百段二人在市以惡錢易好者議綽曰此  
 人坐當杖殺之非法上曰不關卿事綽曰陛下不以臣愚暗  
 置在法司豈得不關臣事上曰城大木不動者當退對曰臣  
 望感天心何論動木上復曰啜羹者熱則置之綽拜益前  
 之不肯退上遂入治書侍御史柳瑛復上奏切諫上乃止上  
 以綽誠直每引入閣中即呼坐評論得失前後賞賜萬計後

山西通志卷一百二十一 鄉賢錄六 三

進開府贈其父為蔡州刺史時與大理卿薛胄俱名平恕仁  
 壽中卒年六十三上為之流涕中使弔祭鴻臚監護喪事二  
 子元方元襲

陳孝意河東人大業初為魯郡司法書佐號廉平太守蘇威  
 嘗欲殺一囚固諫不許因解衣請先受死良久威意解謝而  
 遣之漸加禮敬及威為納言奏孝意侍御史父憂去居喪過  
 禮有白鹿馴擾其廬時人以為孝感尋起授雁門郡丞兼食  
 齋居朝夕哀臨每一發聲未嘗不絕倒柴毀骨立見者哀之  
 孝意泣官清節彌厲發奸摘伏動若有神吏人稱之馬邑劉  
 武周殺太守王仁恭前郡丞楊長仁雁門令王確等謀應賊  
 孝意族其家郡中戰慄俄而武周來攻孝意拒之每致克捷  
 而孤城無援誓以必死每旦夕向詔敕庫俯伏流涕悲動左

右糧盡為校尉張世倫所殺

敬肅字敬儉河東蒲阪人少以貞介知名釋褐州主簿開皇  
 初為安陵令有能名擢拜秦州司馬轉幽州長史仁壽中為  
 衛州司馬俱有異績大業初遷潁川郡贊務五年朝東都司  
 隸大夫薛道衡稱肅曰心如鐵石老而彌篤左翊衛大將軍  
 宇文述在潁川每有書屬肅未嘗開封輒令使者持去述賓  
 客放縱以法繩之八年朝涿郡上將擢太守輒為述所毀不  
 行大業末乞歸優詔許之去官日家無餘財歲餘終  
 敬釗字積善河東蒲阪人父元約周司憲中大夫釗仁壽中  
 為繁峙令甚有能名及漢王諒兵至力戰城陷賊帥墨弼臨  
 以兵釗辭氣不撓弼義而止之執送於喬鍾葵鍾葵署為代  
 州總管司馬釗正色拒之鍾葵曰受命則可不然當斬釗曰

山西通志卷一百二十一 鄉賢錄六 四

忝為縣宰遭逢逆亂進不能保境退不能死節為辱已多何  
 乃復以偽官相迫也死生唯命餘非所聞鍾葵熟視曰卿不  
 畏死邪復將殺之會楊義臣軍至鍾葵遽出戰敗獲免大業  
 三年上避暑汾陽宮代州長史柳銓司馬崔寶山上其狀將  
 加褒賞會虞世基奏格而止後遷朝邑令終

薛孺河東汾陰人清貞孤介不交流俗涉歷經史有才思詩  
 詠詞致清遠開皇中為侍御史楊州總管司功參軍每以方  
 直自處轉清陽令襄城郡掾卒官所經並有惠政與道衡偏  
 相友愛道衡子收初生即養孺宅至成長殆不識本生太常  
 丞胡仲操在朝堂號孺借刀割爪甲孺以仲操非雅士竟不  
 與其不肯交皆此類

薛世雄字世英河東汾陰人寓關中父回字道宏周涇州刺



史開皇初封舞陰郡公領漕渠監致仕卒世雄兒時游戲輒  
畫地爲城郭令諸兒攻守有不從令者輒撻之諸兒莫不齊  
整父見而奇之曰此兒當興吾家矣年十七從平齊拜帥都  
督開皇時數有戰功累遷儀同三司右親衛車騎將軍大業  
初討平番禺夷獠遷右監門郎將從征吐谷渾進通議大夫  
世雄性廉謹行軍破敵秋毫無犯上嘉之嘗從容謂羣臣曰  
我欲舉好人旣而曰欲舉者薛世雄羣臣皆稱善上復曰世  
雄廉謹節槩有古人風超拜右翊衛將軍歲餘爲玉門道行  
軍大將與啟民連兵擊伊吾師次玉門啟民兵不至世雄孤  
軍度磧伊吾初謂隋軍不能至皆不設備及聞兵已度磧大  
懼請降詣軍門上牛酒世雄遂於漢舊伊吾城東築城號新  
伊吾留銀青光祿大夫王威以甲卒千餘人戍之而還上大

山西通志卷一百一十一 鄉賢錄

五

悅進正議大夫賜物二千段征高麗爲沃沮道軍將平壤敗  
還次白石山賊圍百餘重矢下如雨世雄以羸師爲方陣選  
勁騎二百先犯之賊稍卻因縱擊破之坐亡失多免明年拜  
右候衛將軍指頓頓道至烏國城會班師至柳城以爲東北  
道大使行燕郡太守鎮懷遠詔發十二郡士馬備突厥巡塞  
而還十年復遷左禦衛大將軍領涿郡留守詔率幽薊精兵  
擊李密軍次河間營郡城南河間諸縣並集兵依大營欲討  
竇建德建德選精銳夜襲之先犯河間兵潰奔世雄營霧  
不相辨識皆騰柵而走世雄入河間城歸涿郡卒年六十三  
子萬述萬淑萬鈞萬徹並以驍武知名  
薛道衡字元卿河東汾陰人祖聰魏濟州刺史父孝通常山  
太守道衡六歲孤專精好學年十三講左氏傳作國僑贊有

詞致見者奇之其後才名益著齊司州牧彭城王浹引爲兵  
曹從事尚書左僕射楊遵彥見而嗟賞授奉朝請吏部尚書  
辛術與語歎曰鄭公業不亡矣河東裴諫之嘗曰自鼎遷河  
朔吾謂關西夫子罕值其人今復遇薛君矣待詔文林館與  
范陽盧思道安平李德林齊名友善及周平齊入爲司祿上  
士高祖作相從梁睿擊王謙攝陵州刺史授儀同攝邛州刺  
史隋初坐事除名河間王宏北征召典軍書還除內史舍人  
兼散騎常侍聘陳道衡因奏曰今光啓寶祚平一九州豈容  
使區區之陳久在天網之外臣奉使請責以稱藩高祖曰朕  
且含養勿以言辭相折也江東雅好篇什道衡每有作南人  
無不吟誦八年伐陳授淮南道行臺尚書吏部郎兼掌文翰  
師臨江高頰夜坐幕下曰今日之舉克定江東不答曰凡論

山西通志卷一百一十一 鄉賢錄

六

大事成敗先須以至理斷之禹貢所載九州本是王者封域  
後漢之季羣雄競起孫權兄弟遂有吳楚之地晉武受命尋  
卽吞併永嘉南遷重此分割自爾已來戰爭不息否終斯泰  
天道之恆郭璞有云江東偏王三百年還與中國合今數將  
滿矣以運數而言其必克一也有德者昌無德者亡自古興  
滅皆由此道主上躬履恭儉憂勞庶政叔寶峻宇雕牆酣酒  
荒色上下離心人神同憤其必克二也爲國之體在於任寄  
彼之公卿備員而已拔小人施文慶委以政事尚書令江總  
惟事詩酒本非經略之才蕭摩訶任蠻奴是其大將一夫之  
用耳其必克三也我有道而大彼無德而小量其甲士不過  
十萬西至巫峽東至滄海分之則勢懸而力弱聚之則守此  
而失彼其必克四也席卷之勢其在不疑頽忻然曰君言成



敗事理分明吾今豁然矣本以才學相期不意籌略乃爾還除吏部侍郎後有言其黨蘇威者配防嶺表晉王廣陰令人諷道衡從揚州路將奏留之道衡不樂王府用漢王諒計遂出江陵道而去尋徵還直內史省晉王由是衡之然愛其才猶頗見禮後授內史侍郎加上儀同三司道衡每構文必隱坐空齋踞壁而臥聞戶外有人便怒其沈思如此高祖每曰薛道衡作文書稱我意後善其稱職謂楊素牛宏曰道衡老矣驅使勤勞宜使其朱門陳戟進位上開府賜物百段道衡辭無功高祖曰爾久勞階陸國家大事皆爾宣行豈非爾功也道衡久當樞要才名益顯太子諸王爭與交高頴楊素雅相推重聲名籍甚無競一時仁壽中出檢校襄州總管道衡悲戀言之哽咽高祖愴然改容曰爾光陰晚暮侍奉誠勞朕

山西通志卷一百二十一 鄉賢錄六 七

欲令爾將攝兼撫萌俗今爾之去朕如斷一臂齋物三百段九環金帶并時服一襲馬十匹慰勉遣之在任清簡吏民懷其惠煬帝勅轉潘州刺史歲餘表求致仕上謂虞世基曰道衡將至當以祕書監待之既至上高祖頌上顧蘇威曰此魚藻之義也乃拜司隸大夫會議新令久不決道衡謂朝士曰向使高頴不死令決當久行有奏者勘之被害時年七十集七十卷行於世子五人收最知名

陳茂河東猗氏人家世寒微質直恭謹為州里所敬高祖為隋國公引為寮佐典家事輒稱旨後從高祖戰晉州齊師甚威高祖將挑戰茂固止不得因捉馬蹀高祖斫其額流血被面詞氣不撓乃感而謝之厚加禮敬其後官至上士高祖為丞相委以心膂隋初拜給事黃門侍郎封魏城縣男典機密

十餘年轉益州總管司馬遷太府卿進爵伯卒官子政嗣政字宏道善鐘律便弓馬少養宮中十七為太子千牛備身與京師大俠劉居士交當從坐上以功臣子撻而赦之大業中投協律郎遷通事謁者兵曹承務郎歸唐卒於梁州總管以上諸

馮世基上黨人明悟有幹略開皇中為兵部尚書帝於殿廷殺人世基固諫不從竟行決帝尋悔言慰世基而怒羣僚之不諫者名益大顯子長命唐尚書

賀婁子幹字萬壽代人以曉武知名開皇初為行軍總管從元諧擊吐谷渾於涼州功居優明年復大破突厥於蘭州册授上將軍尋拜工部尚書及突厥吐谷渾復犯塞又悉破之高祖以其曉習邊事授榆關總管十鎮諸軍事歲餘拜雲中

山西通志卷一百二十一 鄉賢錄六 八

刺史為敵所憚卒諡懷庫狄欽代人性宏厚有局度開皇中官民部尚書與上黨馮世基並有名譽

楊義臣代人父尉遲崇周儀同大將軍以兵鎮恆山高祖為丞相崇以尉遲迴宗族自囚於獄遣使請罪高祖慰諭之令入朝恆置左右開皇初封秦興縣公歲餘從行軍總管達奚長儒擊突厥於周槃力戰而死贈大將軍豫州刺史以義臣襲崇官爵時尚幼養於宮中年未弱冠奉詔宿衛賞賜甚厚上嘗從容言及恩舊嗟歎久之因下詔賜姓楊氏編之屬籍為皇從孫賜錢三萬貫酒三十斛米麥各百斛尋拜陝州刺史義臣性謹厚能馳射有將領才上甚重之後突厥達頭入塞以行軍總管率步騎三萬出白道遇戰大破之突厥又入



雁門馬邑義臣擊之寇遂出塞追至大斤山與史萬歲合軍擊大破之功不錄仁壽初拜朔州總管賜御甲四年八月漢王諒將喬鍾葵攻代州總管李景詔義臣救之義臣率馬步二萬夜出西陘鍾葵兵銳甚義臣詭伏牛驢數千頭於澗谷鳴鼓疾進鍾葵軍以為伏兵發因而大潰縱擊破之以功進位上大將軍賜物二千段雜綵五百段女妓十人良馬二十匹尋授相州刺史後三歲徵為宗正卿轉太僕卿從征吐谷渾屯琵琶峽連營八十里南接元壽北連段文振合圍渾主於覆袁川及征高麗至鴨綠水與乙支文德戰每為先鋒一日七捷後坐免俄而復位明年為軍副趣平壤會班師檢校趙郡太守妖賊向海公寇扶風安定間奉詔擊平之尋復從東征進左光祿大夫時渤海高士達清河張金稱並聚眾數

山西通志卷一百二十一 鄉賢錄六

九

萬攻陷郡縣段達討之不能克詔義臣率東征還兵擊之大破士達斬金稱又收合降賊入豆子甌將格殺擒之以狀聞奏而帝惡其威名遠追入朝賊由是復熾義臣以功進光祿大夫尋拜禮部尚書卒官

房兆代人本姓屋引氏剛毅有武略類為行軍總管擊胡官至上柱國徐州總管

吐萬緒字長緒代郡鮮卑人父通周鄆州刺史緒有武略起家撫軍將軍襲爵元壽縣公隋初拜襄州總管進穀城郡公尋轉青州總管頗有治名歲餘以緒有威略徙湖州總管甚為北夷所憚文帝有吞陳志轉徐州總管令修戰具及大舉濟江領行軍總管屯兵江北陳平拜夏州總管晉王廣在藩頗見親遇後引為東宮右虞侯率及嗣位拜晉絳二州刺史

馳傳之官未出關而漢王諒已遣兵據蒲阪斷河橋緒不得進詔率兵從楊素擊破之拜左武侯將軍大業初轉光祿卿賀若弼遇讒引緒為證緒明其無罪坐免歲餘守東平太守南巡迎謁命升龍舟緒因頓首陳謝拜金紫光祿大夫太守如故征高麗請為先鋒拜左屯衛大將軍率馬步數萬指蓋馬道及班師留鎮懷遠進左光祿大夫徵討劉元進緒率眾至楊子津元進自茅浦將度江緒勒兵擊走因濟江背水為柵明旦又大挫之賊解潤州圍而去緒進屯曲阿元進復結柵拒緒挑令出戰乘陣未整騎突之賊眾遂潰赴江死者數萬元進夜遁偽僕射朱變管崇等屯毗陵連營百餘里緒乘勢進擊復破之賊退保黃山進軍圍賊請降元進朱變僅以身免陣斬管崇及陸顛等五千餘人收子女一萬餘口進

山西通志卷一百二十一 鄉賢錄六

十

解會稽圍元進復據建安令進討之緒以士卒疲敝請息甲待來春坐配防建安尋詔徵還至永嘉疾卒以上大同府柳彧字幼文河東解人七世祖卓隨晉南遷寓襄陽父仲禮為梁將歸周復家解彧少好學涉經史周大冢宰宇文護引為中外府記室久而出為甯州總管掾詣闕求試武帝異之以為司武中士轉鄭令隋初累遷尚書虞部侍郎母憂起為屯田侍郎固讓不許左僕射高穎子宏德封應國公申牒請列門戟或判曰僕射之子更不異居父之戟梨已列門外尊有壓卑之義子有避父之理豈容門外既設內閣又施事竟不行穎聞而歎伏後遷治書侍御史當朝正色百寮敬憚上嘉其姪直謂彧曰大丈夫當立名於世無容容而已賜錢十萬米百石時刺史多任武將類不稱職彧表論其弊且言相



州刺史和平子賄賂公行上善之平子竟免應州刺史唐君明母喪娶雍州長史庫狄士文從妹或請禁錮終身二人竟坐得罪時風俗頹壞或多所矯正上甚嘉之又請詳決經國大事其餘細務責成所司上覽而嘉之後以忤旨免尋復令視事因謂或曰無改爾心以其家貧勅有司為築宅因曰柳或正直士國之寶也其見重如此右僕射楊素百寮懼憚無敢忤嘗以少禮勅送南臺素恃貴坐或牀或從外來至階下端笏整容曰奉勅治公罪素遽下或據案而坐立素於庭辨詰事狀素銜之或見都邑百姓每至正月十五日作角觝之戲遞相誇競糜費財力奏請禁絕之詔可是歲持節巡省河北五十二州奏免長吏贓污不稱職者二百餘人州縣肅然莫不震懼賜絹布二百匹瓊三十領拜儀同三司歲餘加員

山西通志卷一百一十一 鄉賢錄六 十一

外散騎常侍治書如故仁壽初復持節巡省太原道十九州賜絹百五十疋或嘗得博陵李文博治道集十卷蜀王秀遣人求之或送於秀素因搆或除名配戍懷遠鎮徵還至晉陽為漢王諒使所逼召入城而諒反形已露或度不得免遂詐中惡不食自稱危篤諒怒囚之素又奏或心懷兩端坐徒敦煌後徵還卒於道了紹介休令

柳調潞州刺史昂子也歷祕書郎侍御史左僕射楊素嘗於朝堂見調獨言曰柳條通體弱獨搖不須風調欵版正色白調信無取公不當以為侍御信有可取不應發此言公當具瞻之地樞機何可輕發素甚奇之大業中累遷尚書左侍郎中清素守常為時所美郭絢河東安邑人初為尚書令史後以軍功拜儀同歷數州

司馬長史皆以能名大業初州部尚書宇文敷巡省河北引絢為副上以涿郡為遼衝要聞絢有幹局拜涿郡贊務吏人悅服數載遷通守兼領留守逐捕山東盜多所克獲時諸郡唯涿獨全後擊竇建德於河間戰死人吏哭之數月不息上

山西通志卷一百一十一 鄉賢錄六 十一

王通字仲淹龍門人父隆銅川令開皇元年始生隆筮之遇坤之師祖傑曰是子必能通天下之志遂名之曰通九年江東平通年十歲隆告以元經之事通再拜受之十八年隆告曰在三之義師居一焉道喪已來師廢久矣小子勉旃翔而後集通乃有四方之志受書於東海李育學詩於會稽夏璜問禮於河東關子明正樂於北平霍汲考易於族父仲華不解衣者六歲仁壽三年通既冠慨然有濟蒼生之心西游長安見隋文帝帝坐太極殿召見因奏太平十二策尊王道推霸略稽今驗古帝大悅曰得生幾晚天以生賜朕也下其議於公卿公卿不悅通知謀之不用也作東征之歌而歸曰我思國家兮遠游京畿忽逢帝王兮降禮布衣遂懷古人之心今將興太平之基時異事變兮志乖願違吁嗟道之不行兮垂翅東歸皇之不斷兮勞身西飛帝聞而再徵之不至太業元年徵又不至辭以疾謂所親曰道之不行欲安之乎退志其道而已乃續詩書禮樂修元經讀易道九年而六經大就門人自遠而至河南董常太山姚義京兆杜淹趙郡李靖南陽程元扶風竇威河東薛收中山賈瓊清河房元齡鉅鹿魏徵太原温大雅潁川陳叔達等咸稱師北面受王佐之道焉他往來受業者千餘人其教興於河汾雍雍如也大業十年



尚書召署蜀郡司戶不就十一年以著作郎國子博士徵竝  
不至十三年有疾召薛收謂曰吾夢顏回稱孔子之命曰歸  
休乎殆夫子召我也何必承厥齡吾不起矣寢疾七日而終  
門弟子數百人會議曰吾師其至人乎續詩書正禮樂修元  
經讀易道聖人之大旨天下之能事畢矣仲尼既沒文不在  
茲乎易曰黃裳元吉文在中也請諡曰文中子絲麻設位哀  
以送之子二長曰福郊少曰福時

裴肅字神封河東聞喜人周中大夫俠子也貞亮有才藝少  
與安定梁毗同志友善天和中華秀才累遷御正下大夫以  
行軍長史從韋孝寬征淮南隋初杜門不出開皇五年授膳  
部侍郎歷朔州總管長史貝州長史俱有能名仁壽中上書  
言高頴天挺良才元勳佐命願錄其大功忘其小過二庶人

山西通志卷一百二十一 鄉賢錄六

十三

得罪已久願各封小國若得遷善漸更增益書奏上謂楊素  
曰肅憂我家事如此亦至誠也徵入朝見於含章殿罷遣之  
大業中久不得調復杜門後執政希旨授承平郡丞甚得夷  
人心歲餘卒夷獠思之為立廟於漳江之浦有子尚賢

裴術河東人開皇中為右丞多所糾正

右隋二十一人舊志絳州列韓擒虎案本傳作河  
南東垣人後家新安北史隋書並  
同不知何本脫一南字述訛河東垣人東垣本後  
魏置屬洛州隋廢入新安又後魏義州亦有東垣  
西垣二縣在河北為今  
汲縣地皆與垣曲別

唐儉字茂系并州晉陽人邕之孫也父鑿隋戎州刺史嘗借  
高祖典軍衛故儉雅善秦王儉爽邁事親以孝聞除說秦王  
建大計又進說於高祖及大將軍府開授記室參軍渭北道  
元帥司馬從定關中為相國府記室晉昌郡公武德初進內

史舍人遷中書侍郎散騎常侍永安王孝基獨孤懷恩于筠  
討呂崇茂儉以使適至軍孝基等敗儉亦見擒始懷恩屯蒲  
州與部將元君實潛謀至是脫歸詔復守蒲儉恐必亂密遣  
劉世讓歸白發其謀會高祖幸蒲津舟及中流而世讓至上  
驚曰豈非天也命趨還舟捕反者懷恩自殺俄而武周敗亡  
儉封府庫籍兵甲以待秦王上嘉儉身雖幽辱而不忘朝廷  
詔復舊官仍為并州道安撫大使許以便宜盡簿懷恩贖產  
賜儉還為禮部尚書天策府長史檢校黃門侍郎莒國公仍  
為遂州都督食緡州六百戶貞觀初使突厥四年復馳傳往  
誘使歸款頡利許之兵懈弛李靖因襲破之儉脫身還歲餘  
為民部尚書從獵洛陽苑上射四發輒獲四豕一豕躍及鏡  
儉投馬搏之諫曰陛下神武定四方豈復快心於一獸上為

山西通志卷一百二十一 鄉賢錄六

十四

罷獵詔其子善識尚豫章公主坐小法貶光祿大夫永徽初  
致仕加特進顯慶初卒年七十八贈開府儀同三司并州都  
督陪葬昭陵諡曰襄少子關為河西令知名孫從心神龍中  
擢殿中監儉弟憲字茂彝仕隋東宮左勳衛後罷歸好藏亡  
命高祖頗親遇之參與大議義師起授正議大夫置左右封  
安富縣公武德中累進雲麾將軍加郡公貞觀中終金紫光  
祿大夫

張河字道源并州祁人年十四居父喪士人賢其孝縣令郭  
滄署所居曰復禮鄉至孝里道源嘗與客夜宿客暴死道源  
臥尸側至曙乃告又徒步護送還其家隋末辭監察御史歸  
閭里高祖興畧大將軍府戶曹參軍至賈胡堡復使守并州  
唐初遣撫慰山東下燕趙有詔褒美累封范陽郡公淮安王



神通略定山東令守趙州為實建德所執會建德寇河南間  
遣人詣朝請乘虛搆賊心脅即詔諸將率兵影接賊平還拜  
大理卿時籍何稠家屬賜羣臣道源曰禍福何常安可利人  
之亡取其子女自奉仁者不為也更資以衣食遣之以年者  
拜蘇州刺史卒贈工部尚書諡曰節道源雖官九卿無貨產  
比亡餘粟二斛詔賜帛三百段

溫大雅字彥宏并州祁人父君攸北齊文林館學士入隋為  
泗州司馬謝病歸大雅性至孝與弟彥博大有皆知名薛道  
衡見之歎曰三人者皆卿相才也初為東宮學士長安尉遭  
喪不復仕高祖鎮太原厚禮之兵興引為大將軍府記室參  
軍主文檄唐初討定儀典遷黃門侍郎而彥博亦為中書侍  
郎對管華近上嘗從容謂曰我起晉陽為卿一門耳進工部

山西通志卷一百二十一 鄉賢錄

十五

侍郎陝東道大行臺尚書秦王表鎮洛陽須建成變數陳祕  
盡多所嘉納貞觀初轉禮部封黎國公改葬其祖卜人占曰  
弟吉不利於公大雅曰如子言我含笑入地矣歲餘卒諡曰  
孝永徽五年贈尚書右僕射

溫彥博字大臨并州祁人大雅之弟也通書記警悟而辨開  
皇末對策高第授文林郎直內史省幽州總管羅藝引為司  
馬藝以州降唐與有謀授總管府長史封西河郡公召入為  
中書舍人遷侍郎高麗貢方物高祖欲讓而不臣彥博曰遼  
東本周箕子國漢元菟郡不使北面則四夷何所瞻仰納之  
突厥入以并州道行軍長史戰太谷師敗被執突厥數問唐  
兵多少及國虛實彥博不有對囚陰山苦寒地太宗初得還  
授雍州治中尋檢校吏部侍郎復為中書侍郎遷御史大夫

檢校中書侍郎事貞觀四年遷中書令封虞國公突厥降請  
如漢置南郡五原塞以為捍蔽從之彥博善辭令每問四方  
風俗臚布詰命若成誦然進止詳華人皆拭目觀高祖嘗宴  
遣秦王諭旨既而顧曰何如溫彥博十年遷尚書右僕射明  
年卒年六十三彥博性周慎既掌機務謝賓客不通進見必  
陳政事利害卒後上歎曰彥博以憂國故耗思殫神我見其  
不逮再期矣恨不許少閒以究其壽家貧無正寢殯別室命  
有司為構寢贈特進諡曰恭陪葬昭陵子振挺振歷太子舍  
人居喪毀卒挺尚千金公主官延州刺史彥博曾孫驥尚涼  
國長公主

山西通志卷一百二十一 鄉賢錄

十六

溫大有字彥將并州祁人彥博之弟也隋仁壽中李綱薦之  
授羽林騎尉高祖引為太原令從徇西河高祖曰士馬單少  
要須經略以君參軍事之濟否卜是行也西河下攝大將  
軍府記室與兄大雅同掌機近請徙它職上曰我虛心待卿  
何所自疑武德初累遷中書侍郎封清河郡公卒贈鴻臚卿  
諡曰敬

王珪字叔玠祁縣人僧辨之孫也父頴北齊樂陵郡太守僑  
郡珪性沈潛志量隱正季父頴尤所器許高祖入關李綱薦  
署世子府諮議參軍事尋授中舍人遷中允禮遇良厚建成  
與秦王有隙上責珪不能輔導流瀟州建成敗太宗召為諫  
議大夫上嘗言君臣宜同德珪進曰陛下開聖德收采芻言  
臣願竭狂瞽佐萬分之一上可之乃詔諫官隨中書門下及三  
品官入閣珪推誠納善每存規益上益任之封永寧縣男黃  
門侍郎遷侍中與元齡李靖溫彥博戴胄魏徵同輔政上以



瑋善人物命詳論之對曰孜孜奉國知無不為臣不如元齡  
 兼貞文武出將入相臣不如靖敷奏詳明出納惟允臣不如  
 彥博理繁治劇眾務畢舉臣不如胃以諫諍為心恥君不及  
 堯舜臣不如徵至激濁揚清疾惡好善臣於數子有一日之  
 長上稱善而元齡等亦以為盡已所長謂之確論進封郡公  
 坐滿請除同州刺史俄召拜禮部尚書兼魏王泰師王嘗先  
 拜瑋亦以節自居王問忠孝瑋曰陛下王之君事思盡忠陛  
 下王之父事思盡孝忠孝可以立身可以成名王曰願聞所  
 習瑋曰漢東平王蒼稱為善最樂願王志之上聞喜曰兒可  
 以無過矣子敬直尚南平公主時諸主下嫁未嘗行見舅姑  
 禮瑋曰吾當受公主謁見豈為身榮將以成國家之美於是  
 與夫人坐堂上主執笄盥饋乃退其後公主備婦禮本於瑋  
 十三年病遣公主就第省視復遣唐儉增損藥膳卒年六十  
 九上素服哭別次詔魏王率百官臨哭贈吏部尚書諡曰懿  
 瑋少貧饋遺初不讓及貴厚報之臨官務舉綱維去甚不可  
 者家事吝寡嫂而後行教撫孤姪甚篤周恤宗族獨不作家  
 廟四時祭於寢上為立廟世以儉不中禮少之敬直封南城  
 縣男後坐交承乾徙嶺外瑋孫熾旭  
 王方翼字仲翔并州祁人祖裕隋州刺史尚同安大長公主  
 官開府儀同三司卒諡曰文方翼早孤哀毀如成人時號孝  
 童母李主斥居鳳泉墅方翼尚幼雜庸保執苦為富家以養  
 太宗擢右千牛高宗立從祖女弟為后調安定令誅滅大姓  
 奸豪符愜徙瀚海都護司馬下遷朔州尚德府果毅母喪哀  
 瘠其上遣侍醫療視友趙持滿誅方翼曰樂布哭彭越義也

山西通志卷一百二十一 鄉賢錄六 十七

周文王掩骼仁也絕友義蔽主仁何以事君遂往哭其尸具  
 禮收葬金吾劾繫上嘉之不罪再遷肅州刺史州無隍壑方  
 冀發卒建樓堞廡多樂水自環烽燧精明儀鳳間蝗獨不至  
 境宅郡民皆重蔭走治下乃出私錢作水碓簿其贏以濟饑  
 察諸害數十百楹居之全活甚眾芝產其地裴行儉討遮旬  
 突為副兼檢校安西都護築碎葉城面三門紆還多趣以龍  
 出入五旬畢西域胡縱觀莫測其方略悉獻珍貨未幾徙庭  
 州刺史杜懷寶鎮西安失蕃戎和永清初十姓阿史那車薄  
 賧圖弓月城方翼引軍戰伊麗河敗之斬首千級俄而三姓  
 胡麴兵十萬踵至方翼次熱海進戰矢若臂引佩刀斷去左  
 右莫知所部諸軍謀為內應方翼悉召會軍中厚賜以次出  
 壁外縛之會大風雜金鼓而號謗無聞者殺七千人即遣騎  
 分道襲咽麴等皆驚潰烏鶻兵遁去擒首領突騎施等三百  
 人西戎震服初方翼次葛水暴漲禱之師克濟又七月次葉  
 河無舟而冰一宿合時以為祥西域平遷夏州都督屬牛疫  
 為耕耕法張機鍵力省而見功多百姓順賴明年召議西域  
 事上見衣有汗濯處問其故具對熱海苦戰狀視其創上咨  
 嗟久之賜資良厚俄而白鐵余以綏州反詔往討飛旂擊賊  
 火其棚平之封太原郡公阿史那元珍入寇詔進擊時庫無  
 完鎧方翼斷六板畫虎文鈞聯解合賊馬忽見奔駭遂敗獲  
 大將二因降桑乾舍利二部武后時程務挺被殺并捕方翼  
 送獄流崖州卒於道年六十三神龍初復官爵方翼善書與  
 魏叔琬齊名  
 狄仁傑字懷英并州太原人兒時吏就詰事眾爭辨獨誦書

山西通志卷一百二十一 鄉賢錄六 十六



不置吏讓之答曰黃卷中方與聖賢對何暇偈俗吏語邪舉  
明經調汴州參軍為吏誣訴黜陟使聞立本召訊異其才謝  
曰君可謂滄海遺珠矣薦授并州法曹參軍親在河陽仁傑  
登太行反顧見白雲孤飛謂左右曰吾親舍其下瞻悵久之  
雲移乃徐去同府參軍鄭崇質母老當使絕域仁傑請長史  
蘭人基請代行仁基時方與司馬李孝廉不平相與曰吾等  
可少媿矣相待如初每日狄公之賢北斗以南一人而已稍  
遷大理寺丞歲中斷獄萬七千人時稱平恕使岐州亡卒  
數百剽行人官捕盜黨仁傑曰是其計窮且為患乃明開  
首原格出繫者縱之使相曉皆自縛歸上歎其達權宜遷度  
支郎中上幸汾陽宮為知頓使并州長史李冲元以道出如  
女祠感服者俗言致風雷變更發卒改馳道仁傑曰天子行

山西通志卷一百二十一 鄉賢錄六 十九

風伯清塵雨師灑道何如女遊邪止其役上壯之出為甯州  
刺史撫和戎落郡人勒碑以頌入拜冬官侍郎持節江南安  
撫使禁止淫祠凡毀千七百屋止留夏禹吳泰伯季札伍員  
四祠而已轉文昌右丞出為豫州刺史越王支黨二千人將  
論死仁傑釋其械密疏申理有詔悉謫邊戍囚出甯州父老  
迎勞曰欲使君活汝邪因哭碑下齋三日乃去至流所亦為  
立碑天授二年以地官侍郎同鳳閣鸞臺平章事為來俊臣  
所搆捕送制獄俊臣引置對即承之俊臣為代作謝死表而  
使其屬王德壽告曰公為我引楊執柔公且免死仁傑歎曰  
皇天后土使仁傑為此乎以首觸柱血流沫面德壽懼而謝  
守者寢弛乃書帛置褚衣中令付家子光遠得書上變后召  
見問之對曰不承死咎掠矣示其表曰無之因免死時同被

誣者七族悉得貸仁傑貶彭澤令邑人為置生祠萬歲通天  
中擢為魏州刺史前刺史懼契丹至驅民保城修守具仁傑  
至日賊在遠何自疲民萬一寇來吾自辦之悉縱就田寇亦  
引去民復為立祠俄轉幽州都督賜紫袍龜帶后自製金字  
十二於袍以旌其忠召拜鸞臺侍郎復同平章事張易之嘗  
從容謂自安計仁傑曰惟勸迎處陵王可以免禍會武三思  
為嗣后問宰相莫敢對仁傑曰臣觀天人未厭唐德比  
寇犯逆使梁王三思募勇士於市踰月不及千人處陵王代  
之不決日輒五萬今欲繼統非處陵王莫可后怒罷議久之  
召謂曰朕數夢雙陸不勝何也對曰雙陸不勝無子也天其  
意者以儆陛下乎文皇帝身蹈鋒鏑勤勞而有天下傳之子  
孫先帝詔陛下監國陛下掩神器而取之十有餘年又欲以

山西通志卷一百二十一 鄉賢錄六 二十

三思為後且姑姪與子母孰親陛下立處陵王則千秋萬歲  
後常享宗廟三思立廟不耐姑后感悟即日遣徐彥伯迎處  
陵王於房州王至后匿帳中召見仁傑語仁傑敷奏切至涕  
下不能止后乃使王出口還爾太子仁傑降拜頓首曰太子  
歸未有知者人安能信后更令太子舍龍門具禮迎還中外  
大悅初吉瑱李昭德數請還太子而后意不回惟仁傑每以  
母子天性為言后不能無感故卒復唐嗣尋拜納言兼右肅  
政御史大夫突厥入詔為河北道行軍元帥假以便宜突厥  
去追不能逮更拜河北安撫大使時民多脅從懼誅逃匿仁  
傑上疏請曲赦河北詔可還除內史后幸上陽宮獨賜第一  
區眷禮卓異聖歷三年卒年七十一贈文昌右相謚曰文惠  
中宗追贈司空睿宗又封梁國公仁傑始居母喪白鵲馴擾



其所薦進若張柬之桓彥範敬暉姚崇等皆為名臣為內史  
時南海貢集翠裘后賜張昌宗仁傑奏事命與昌宗雙陸則  
天曰賭何物仁傑曰以臣紫袍為對賭昌宗翠裘則天曰  
此裘價踰千金仁傑曰臣袍乃大臣朝見之衣翠裘乃嬖臣  
寵遇之服對臣之袍臣猶快快昌宗沮氣索累局連北仁  
傑對御視裘謝恩出及光範門遂付家奴衣之縱馬而去蓋  
其氣榮若此

狄光嗣太原人仁傑子聖歷初為司府丞詔宰相舉尚書郎  
一人仁傑薦光嗣拜地官員外郎以稱職開后曰祁奚內舉  
果得人歷遷冀貝三州刺史母喪奪為太府少卿固讓睿宗  
嘉其誠許之累遷揚州刺史貶歙州別駕卒弟光遠當俊臣  
之獄上書告變卒自父冤官州司馬景暉官魏州司功參軍

山西通志卷一百一十一 鄉賢錄六 三

民苦之因其毀其父生祠至元和中田宏正復葺之血食不  
絕案宰相世系表光遠弟光昭字子亮職方員外郎即景暉或其更名也以上太原府

柴紹字嗣昌晉州臨汾人幼趨悍以任俠聞補隋太子千牛  
備身高祖妻以平陽公主將起兵紹走問道迎謁遇建成元  
吉於塗建成欲依劇賊紹曰不可賊知君唐公子必執以為  
功徒死爾不如疾走太原既入雀鼠谷聞義兵起謂紹有謀  
乃相質授右領軍大都督府長史領發騎發晉陽先抵霍邑  
城下觀形勢還自曰宋老生一夫敵我兵到必出戰可虜也  
師至老生果出紹力戰有功下臨汾絳郡隋將桑顯和來戰  
紹引軍緣其背與史大奈合攻之顯和敗遂平關中進右光  
祿大夫封臨汾郡公唐初拜左胡衛大將軍進封霍國公遷  
右驍衛大將軍吐谷渾党項寇邊救紹討之寇據高射軍士

失色紹安坐遣人彈琵琶使二女子舞寇疑之休射紹伺其  
懈以精騎從後掩擊寇大潰斬首五百級貞觀二年平梁師  
都轉左衛大將軍出為華州刺史加鎮軍大將軍徙譙國太  
宗親問其疾卒贈荊州都督諡曰襄二子哲威為左屯衛將  
軍襲封坐弟流邵州起為交州都督卒令武尚巴陵公主遷  
太僕少卿衛州刺史襄陽郡公以房遺愛謀貶嵐州刺史自  
殺

敬暉字仲繹絳州平陽人弱冠舉明經聖歷初為衛州刺史  
時河北方秋築城暉曰金湯非粟不守豈有棄農畝事池隍  
哉縱民歸斂闔部賴安遷夏官侍郎出為太州刺史改洛州  
長史武后幸長安為副留守以治幹聞璽書勞之多賜物段  
長安二年授中臺右丞張柬之引為右羽林將軍屬以禁兵

山西通志卷一百一十一 鄉賢錄六 三

神龍元年正月率羽林兵與桓彥範等將騎五百人斬張易  
之張昌宗於集仙廡下明日中宗復位加金紫光祿大夫為  
侍中平陽郡公實封五百戶進封齊國表請諸武王者悉降  
爵由是皆為公三思憤俄封平陽郡王加特進罷政事初易  
之已誅暉苦請收諸武不從三思濁亂暉每推坐悵悵彈指  
流血王同皎謀誅三思事洩貶暉崖州司馬又放瓊州禁錮  
終身子弟年十六以上謫徙嶺外三思尋遣周利貞矯制殺  
之睿宗初追復官爵賜封二百戶還其子孫又贈秦州都督  
諡曰肅愍開元六年詔暉配享中宗廟庭建中三年復贈太  
尉開成三年詔曾孫元膺為河南丞以上平陽府  
呂子臧蒲州河東人剛直健於吏隋大業末為南陽郡丞捕  
擊盜賊有功高祖遣馬元規慰嶺山南獨子臧堅守元規遣



士諷曉子滅殺之及江都問至更使其婿薛君倩齎詔諭之子滅發喪訖送款就拜鄧州刺史封南陽郡公武德初與元規捍朱榮元規兵不進子滅曰乘賊新敗上下惶沮一戰可擒若遷延其眾稍集吾食盡致死於我不可當也不納子滅請以所部兵獨進又不許俄而榮復張元規嬰城子滅扼擊曰謀不克用坐公死矣或勸其降子滅曰我天子方伯且降賊乎乃率麾下數百人赴敵死

薛大鼎字重臣蒲州汾陰人父粹隋介州長史坐漢王諒遇害大鼎流辰州用戰功得還高祖兵與謁見龍門因說絕龍門軍承豐倉就食為拊背扼喉計高祖奇之時諸將策先攻河東故議置授大將軍府察非掾出為山南道副大使開屯田趙郡王孝恭討輔公祜以為饒州道軍師引兵渡彭蠡湖

山西通志卷一百二十一 鄉賢錄六

以功遷涪州刺史累徙滄州無棣渠久廢塞大鼎浚治屬之海商賈流行里民歌曰新溝通川楫利屬滄海魚鹽至昔徒行今騁馴美哉薛公德傍被又疏長蘆漳衡三渠泄汙潦水不為害時鄭德本在瀛州賈敦頤為冀州皆有治名故河北稱鎗脚刺史永徽中遷銀青光祿大夫行荊州大都督長史卒諡曰恭子克構有器識永隆初歷戶部郎中族人黃門侍郎頤弟紹尚太平公主克構曰室有傲婦善士所惡夫惟淑德以配君子無患可矣頤不敢沮而紹卒誅陳思忠居喪奪服客往弔辭以辰日不見克構曰事親者避嫌可也既孤矣則無不哭世服其言天授中遷麟臺監坐弟流沒嶺南薛收字伯褒蒲州汾陰人道衡子出繼從父孺年十二能屬文郡舉秀才不應聞高祖興遁入首陽山將應義舉通守堯

君素迎置其母城中收不得去及君素東連王世充遂歸國房元齡亟言之秦王召見問方略對合旨授府主簿判陝東大行臺金部郎中時軍事繁綜收為書檄露布或馬上占辭該敏如素構初不竄定寶建德來援諸將爭言敵軍以觀形勢收獨曰不然世充據東都府庫盈衍其兵皆江淮選卒正苦乏食爾是以求戰不得為我所持今建德身總眾以來必飛轂轉糧更相資哺兩賊連固則伊洛間勝負未可歲月定也不若勒諸將嚴兵締壘浚其溝防戒毋出兵大王親督精銳據成阜厲兵按甲邀建德路彼以疲老當吾堂堂之鋒一戰必舉不旬日二賊可縛至麾下矣王曰善遂擒建德降世充王入觀隋宮室收進曰峻宇雕牆殷以亡土階茅茨堯以昌始皇興阿房而秦禍速文帝罷露臺而漢祚永王重其言

山西通志卷一百二十一 鄉賢錄六

俄授天策府記室參軍從平劉黑闥封汾陰縣男嘗上書諫止收獵王答曰覽所陳知成我者卿也明珠兼乘未若一言令賜黃金四十挺武德七年王遣使臨問疾相望於道命輿至府親舉袂撫之論敘生平感激涕泗卒年三十三王哭之輟與其從兄子元敬書曰吾與伯褒共軍旅間未嘗不驅馳經略款曲襟抱豈其一朝成千古也且家素貧而子幼善撫安之以慰吾懷遺使弔祭贈帛三百段後圖學士像歎其早死不得與既即位語房元齡曰收若在當以中書令處之又嘗夢收如平生賜其家粟帛貞觀七年贈定州刺史永徽中又贈太常卿陪葬昭陵初道衡見文中子於長安退謂收曰河圖洛書盡在是矣汝往事之無失也於是備聞六經之義道衡被害郡舉秀才不應文中子嘗曰孝哉薛收行無負於



神明文中子季弟名靜收字之曰保名文中子曰薛生善字  
矣靜能保名有稱有誠薛生於是乎可與友也文中子嘗謂  
收也曠而肅又謂薛收可與事君仁而不佞論者謂收學識  
列董常之亞而軼魏徵房元齡杜如晦上云

薛元超收子九歲襲爵長好學善屬文尚巢王女和靜縣主  
累授太子舍人高宗初遷給事中數陳當世得失納之轉中  
書舍人宏文館學士喪解起授黃門侍郎檢校太子左庶子  
薦任希古高智周郭正一王義方孟利正鄭祖元鄧元挺崔  
融等皆以才自名累拜東臺侍郎請令李義府乘馬貶簡州  
刺史又坐上官儀戍嶺州上元初還拜正諫大夫三年遷中  
書侍郎同中書門下三品上校徽溫泉奏諸蕃野心而使挾  
兵在國中非所宜納之嘗宴召元超曰任卿中書甯藉多人

山西通志卷一百二十一 鄉賢錄六

三

俄拜中書令兼左庶子幸東都留輔太子監國手勅曰朕留  
卿若失一臂顧太子未習庶務關中事卿悉專之嘗諫太子  
曰內苑之地綠叢薄質騎蒼絕磴險塗殿下截輕禽逐狡兔  
銜檠之變詎無可虞又戶奴竊發將何以禦天皇所賜書戒  
丁甯惟罷馳射之勞留情墳典豈不美歟上遣使厚賜慰其  
意時政出武后陽暗乞骸骨加金紫光祿大夫卒年六十二  
贈光祿大夫秦州都督陪葬乾陵子曜聖歷中官正諫大夫  
張元素蒲州虞鄉人仕隋景城縣戶曹寶建德執將殺之邑  
人千餘號泣請代曰此清吏殺之是無天也建德命釋釋署  
治書侍御史不拜聞江都信始為黃門侍郎賊平授景州錄  
事參軍太宗問以政拜侍御史遷給事中貞觀四年詔發卒  
治洛陽宮乾陽殿且東幸元素上書言有五不可又云臣嘗

見隋家造殿伐木於豫章二千人挽一材以鐵爲轂行不數  
里輟輒壞別數百人齎轂自隨終日行不三十里一材之費  
已數十萬工揆其餘可知已昔阿房成秦人散章華就楚眾  
離乾陽畢功隋人解體今民力未及隋日而役殘創之人襲  
隋國弊臣恐其過甚於煬帝又云臣聞東都始平太上皇詔  
宮室過度者焚之陛下謂瓦木可用請賜貧人事雖不從天  
下稱爲盛德今復度而宮之是隋役又興不五六年間一舍  
一取天下謂何上顧房元齡曰使後必往雖露坐庸何苦即  
詔罷役賜綵二百匹魏徵名鯁挺聞元素言歎曰張公論事  
有回天之力可謂仁人之言哉歷太子少詹事遷右庶子時  
承乾事游畋不悅學元素上書不納上知數裁正承乾頗懼  
至銀青光祿大夫行左庶子承乾久不見賓友元素曰今所

山西通志卷一百二十一 鄉賢錄六

三

見止婦人不知如樊姬等可益聖德者幾何若無之即便該  
豔嬖何足顧哉上高署賢才爲寮佐今乃不得進見將何以  
朝納誨夕補遺哉承乾諱其切夜遣戶奴以騎趨狙擊危脫  
死嘗聞擊鼓叩閤正言承乾出鼓對元素破之元素不能已  
復上書極諫承乾怒遣刺客伺之會廢坐除名頃之召授潮  
州刺史徙鄧州高宗時致仕麟德初卒  
柳楚賢蒲州虞鄉人莊孫大業中爲河北縣長堯君素據郡  
楚賢說曰唐公名在圖籙動以誠信豪英赴天所贊也君  
子見幾而作侯終日邪君素不從楚賢潛行自歸授侍御史  
貞觀中持節冊拜突厥辭其遣不受歷交桂二州都督杭州  
刺史皆有名  
羅道琮蒲州虞鄉人慷慨尚節義貞觀末上書徙嶺表有同



斥者死荆襄間臨終泣曰人生有死獨委骨異壤邪道琮曰  
吾若還終不使君獨留此瘴路左去歲餘赦歸會霖潦積水  
失其墳處道琮慟諸野波中忽若盈沸者道琮曰若尸在可  
再沸視已水復湧乃得尸負之還鄉尋擢明經仕至太學博  
士為時名儒

趙叔冲虞鄉人隋平東將軍顯號之元孫博州刺史世立之  
曾孫唐監察御史君煦之孫號王府法曹參軍徵之子志行  
明異以孝友聞天后時應明堂大禮科上異其對授陝縣尉  
轉平遙尉有治聲晉大理評事勉於祿養請告同州河西丞  
奸吏聞風逃竄郡縣有資翊贊子良器良弼暨孫密邕薰復  
繼表皆有宦蹟贈號州刺史太常卿以上諸州府志

康深汾州介休人貞觀八年為殿前護駕將軍有功汾州府志

山西通志卷一百二十一 鄉賢錄六

云按碑記深立心寬恕制行端莊太宗封境內神祇勅封太尉元知縣徐養正立碑今在下莊村

宋務光字子昂一名烈汾州西河人舉進士及第調洛陽尉  
遷右衛騎曹參軍神龍元年大水求言務光上書水者陰類  
後延近習或有離中饋之職以干外政願杜絕其萌精擇賢  
能早建儲副姻戚如武三思等不宜任以機要秘書監鄭普  
思國子祭酒葉靜能宜放遠不省俄以監察御史巡察河南  
道時滑州輸丁少而封戶多務光建言通邑大都不以封今  
命侯之家專擇雄奧滑州七縣而分封者五王賦少於侯租  
入家倍於輸國請以封戶均餘州又請食賦附租庸歲送傳  
封使息傳驛之勞不納以考最進殿中侍御史遷右臺管薦  
汝州參軍事李欽憲後為名臣卒年四十二以上汾州府志  
苑君璋馬邑豪也以越雄自奮劉武周入寇君璋曰唐以一

州兵掇取三輔所向風靡此殆天命非人謀不可爭也太原  
而南多巖阻今東甲深入無踵軍有失不可償不如連突厥  
與唐合從南面稱孤上策也武周不聽使守朔州及敗泣曰  
廢君言乃至此突厥以君璋為大行臺統武周部曲屢寇代  
州而馬邑困於兵高滿政以城歸唐詔拜朔州總管封榮國  
公君璋引突厥攻陷馬邑殺滿政退保恆安子孝政力諫恆  
安人郭子威曰恆安故王者都山川足以自固君璋然而而  
突厥數犯邊志慮掠策其必敗乃率所部降拜安州都督封  
芮國公食五百戶賜帛四千匹君璋不曉書然天資習事歷  
職有惠稱貞觀中卒

尉遲恭字敬德朔州善陽人隋大業末從軍高陽積閱為朝  
散大夫劉武周以為偏將與宋金剛南侵得晉滄等州襲破

山西通志卷一百二十一 鄉賢錄六

永安王孝基執獨孤懷恩等武德二年金剛敗敬德合餘眾  
守介休秦王遣諭之乃與尋相舉地降引為右一府統軍從  
擊王世充會尋相叛請將疑而囚之屈突通殷開山曰敬德  
標敢不即殺後悔無及王曰敬德必叛甯有後尋相邪釋之  
引見臥內曰丈夫意氣相許小嫌不足置胸中我終不以讒  
害良士因賜之金曰必欲去以為汝資是日獵榆窠會世充  
兵數萬來賊驍將單雄信騎直趨王敬德躍馬大呼橫刺雄  
信墜乃翼王出率兵還戰大敗之擒其將陳智略獲排稍兵  
六千王顧曰公何相報連邪賜金銀一篋寶建德營板渚舍  
執稍略其壘大呼致師建德兵出稍引卻殺數十人眾益進  
伏發大破之世充兄子琬鎧甲華整王望見問誰可取者敬  
德請與高甌生梁建方三騎馳往擒琬引其馬以歸賊不敢



動從討劉黑闥賊眾四面合敬德率壯士馳入賊王乘陣亂  
乃得山又破徐國明以功授王府左二副護軍建成嘗以書  
招之贈金皿一車辭曰敬德起幽賤久陷逆地秦王實生之  
方以身殉恩今於殿下無功其敢當賜若私許則懷二心徇  
利棄忠殿下亦焉用之建成怒而止王曰公心如山岳雖積  
金至斗豈能移之然恐非自安計巢王果遣壯士刺之敬德  
開門安臥賊至不敢入將詣殺之王固爭得免其後隱巢計  
日急敬德請先決懇勸進計乃定時房元齡杜如晦被斥  
在外復往論之與入計議建成死敬德領騎七十趨元武門  
王馬逸墜林下元吉將奪弓籍王敬德馳叱之元吉走遂射  
殺之兵戰不解敬德持二首示之乃去王命往侍上不解甲  
趨行在曰秦王遺臣宿衛上意悅請手詔詣軍聽秦王節度

山西通志卷一百二十一 鄉賢錄六

三

內外始定授東宮左衛率時坐隱巢者百餘家敬德曰今二  
人已誅若又窮支黨非取安之道由是普原論功第一賜絹  
萬匹舉齊府金幣什器賜焉除右武侯大將軍封吳國公實  
封千三百戶授涇州道行軍總管輕騎與突厥戰涇陽敗之  
敬德所得財必散士卒然姪直頗以功自負又延質大臣得  
失出為襄州都督累遷同州刺史後改封鄂國歷鄜夏二州  
都督以老授開府儀同三司朝朔望貞觀十七年詔圖形凌  
煙閣及將討高麗敬德上言乘輿至遼太子至定州兩京空  
虛恐有元感之變且小國不足枉萬乘願委之將臣以時摧  
滅不納詔以本官行太常卿為左一馬軍總管師還復致仕  
顯慶三年卒年七十四詔京官五品以上及朝集使赴第臨  
弔贈司徒并州都督謚曰忠武給班劍羽葆鼓吹陪葬昭

陵敬德晚節謝賓客不與通飾觀沼奏清商樂奉養甚厚又  
餌雲母粉為方士術延年其戰善避稍每單騎入賊羣刺不  
能傷又能奪稍還刺之齊王元吉使去刀與校敬德請王加  
刃而獨去之卒不能中上嘗問奪稍與避稍孰難對曰奪稍  
難試使與齊王戲少選王三矢稍遂大愧服以上朔平府

崔珏一名元靖樂平人貞觀間進士仕長子令廉介公直發  
奸摘伏民不敢欺虎傷人珏以一使持檄追虎至殺之平定

馬三寶雁門人代州志本傳不詳其籍據武林舊事補性敏獮事柴紹為家僮  
紹尚平陽公主高祖兵起紹問道走太原三寶奉公主遁司

竹園說賊何潘仁與連和潘仁入謁以百兵為主衛三寶自  
稱總管撫接羣盜兵至數萬唐公濟河授三寶左光祿大夫  
秦王至竹林宮三寶以兵詣軍門謁遂從平京師拜太子監

山西通志卷一百二十一 鄉賢錄六

三

門率別擊叛胡劉拔真於北山破之從平薛仁果與柴紹擊  
吐谷渾於岷州先鋒陷陣斬名王俘執數千以功封新興縣  
男後高祖幸司竹園顧謂曰汝與兵處耶衛青大不惡貞觀  
初拜左驍衛大將軍進爵公卒謚曰忠

解琬雁門人徙家魏州代州志本傳魏州元代人據元和姓纂補舉幽素科中之

調新政尉後自成都承奏事稱旨蹤除監察御史以喪免武

后顧琬習邊事追追西撫羌夷琬因乞終喪后嘉許之詔服

除赴屯遷侍御史安撫烏質勒及十姓部落以功擢御史中

丞兼北庭都護西域安撫使與郭元振善宗楚客惡之左授  
滄州刺史為政引大體部人順附景龍中遷御史大夫兼朔  
方行軍大總管前後乘邊積二十年大抵務農習戰多為長  
利英虜安之景雲二年復為朔方大總管分遣隨軍要籍官



河陽丞張冠宗肥鄉令韋景駿普安令于處忠料三城兵省  
戍十萬人改右武衛大將軍兼檢校晉州刺史濟南縣男以  
老乞骸骨不報輒去優詔以金紫光祿大夫聽致仕準品給  
全祿書勞問會吐蕃騷擾復召授左散騎常侍詔與虜定  
經界因諧譁十姓降戶琬建言吐蕃不可以信約請調兵十  
萬屯秦渭備防遏其姦是冬吐蕃果入寇為秦渭兵擊走之  
俄復請老不許遷太子賓客年八十終於同州刺史

鄒傑字處俊博州人貞觀中進士高宗時擢東臺侍郎帝惑  
方士處俊切諫帝嘗分音樂為東西朋使雍王周王角勝處  
俊曰二王春秋少當推梨讓棗相見如今分二朋遞相誇  
競非所以崇禮義勸敦睦也帝苦風眩議使武后攝政處俊  
曰陛下素尚以高祖太宗之天下不傳之子孫而傳之后乎

山西通志卷一百二十一 鄉賢錄六

三

帝善其言仕至中書令武后深忌之以操履無玷不能害也  
帝嘗為飛白賜處俊曰飛九霄假六爾人稱六爾相公代州  
柳亨字嘉禮蒲州解人隋大業末為王屋長委貌魁異高祖  
以外孫寶妻之三遷左衛中郎將壽陵縣男貶邳州刺史進  
檢校常侍代還太宗幸南山召見哀之拜光祿少卿亨謝賓  
嘗身安靜素力吏事終檢校岐州刺史贈禮部尚書幽州都  
督謚曰恭

柳範蒲州解人貞觀中為御史時吳王恪好田獵範彈治之  
太宗曰權萬紀不能輔導恪罪當死範進曰房元齡事陛下  
猶不能諫止敗豈宜獨罪萬紀上拂衣起召謂曰何廷折  
我範謝曰主聖則臣直陛下仁聖臣敢不盡愚乃解高宗時  
歷尚書右丞揚州大都督府長史

柳爽字子邵蒲州解人父隋時使高麗卒往迎喪號踊盡哀  
為夷人所慕貞觀中累遷中書舍人外孫王后立遷中書侍  
郎進中書令罷為吏部尚書后廢貶愛州刺史許敬宗等搆  
譖遣使殺之沒其家期以上親竝流嶺表爽房隸桂州為奴  
婢神龍初復官爵緣坐者悉免開元初澤兄渙為中書舍人  
上言臣從伯祖爽去顯慶三年與褚遂良等五門同被譴戮  
雖被原雪而子孫殆盡唯曾孫無忝客籍冀州陛下先天後  
詔書嘗任宰相家竝錄其後況臣之伯祖無辜被誅今葉芝  
末遺後嗣僑處願許伯祖歸葬孤孫北遷乃詔無忝護爽柩  
歸官給喪事無忝後歷潭州都督

管長史時突厥數為邊患糧道不屬表請屯田以省餽餉收

山西通志卷一百二十一 鄉賢錄六

三

粟十萬斛又請斷石嶺以為障塞便於固守  
趙仁本陝州河北人貞觀中累拜殿中侍御史自義甯以來  
詔勅皆手自纂錄臨事暗記甚為當時所伏會有勅差御史  
一人遣使同列辭託仁本越次請行謂治書侍御史馬周曰  
食君之祿死君之事雖復跋涉艱難不敢辭也及迴稱旨擢  
吏部員外郎乾封中歷東臺侍郎同東西臺之品轉司列少  
常伯知政事如故時許敬宗為右相仁本拒其請託為所搆  
俄授尚書左丞罷知政事咸亨初卒  
敬君宏絳州絳人北齊尚書右僕射顯僑曾孫也累功歷驃  
騎將軍封黔昌侯以屯營兵守元武門承乾車騎將軍馮立  
巢王親將謝叔方率兵攻元武門殊死鬪君宏挺身出或曰  
事未可判當按兵待變成列而鬪可也不從與中郎將呂世



衡呼而進皆戰歿王首示叔方叔方下馬慟即出奔明日自歸太宗曰義士也置之俄而立又至帝讓曰汝離我兄弟罪一也殺我將士罪二也何所逃死答曰出身事主當戰之日不知其他因伏地悲不自勝帝亦勞遣之

薛仁貴絳州龍門人少業田往見將軍張士貴應募至安市會郡將劉君印為高嚴所圍仁貴馳救之斬賊將係首馬鞍賊皆懾伏山是知名師攻安市城莫離支遣高延壽等率兵二十萬拒戰倚山結屯太宗命諸將分擊仁貴恃驍悍欲立奇功乃著白衣白標顯持戟腰鞬兩弓呼而馳所向披靡軍乘之賊遂奔潰上望見遣使馳問白衣者誰曰薛仁貴上召見嗟異賜金帛口馬甚眾授遊擊將軍雲泉府果毅令北門長師還上曰朕舊將皆老欲擢驍勇付闕外事莫如卿朕不

山西通志卷一百一十一 鄉賢錄六

喜得遼喜得城將遷右領軍中郎將高宗幸萬年宮山水夜突元武門宿衛皆散仁貴曰當緩急安可懼死登門大呼上遽出乘高俄而水入寢上曰賴卿以免始知有忠臣也賜御馬蘇定方討賀魯仁貴上疏曰泥熟不事賀魯為其所破虜係妻子王師有於賀魯部落轉得其家口者宜悉取以還厚加資遣使百姓知賀魯為暴而陛下至德也上納之遂還其家屬泥熟請隨軍効死顯慶三年詔副程名振經略高麗破之於貴端城斬三千級明年與梁建方契苾何力遇高麗將温沙多門戰橫山獨馳入射皆應弦仆又戰石城有善射者多殺官軍仁貴怒單騎突擊賊弓矢俱廢遂生擒之俄與辛文陵破契丹於黑山執其王阿卜固拜左武衛將軍封河東縣男詔副鄭仁泰為鐵勒道行軍總管將行宴內殿上曰古

稱穿七札卿試以五甲射之仁貴一發洞貫更取堅甲賜之時九姓眾十餘萬令驍騎數十來挑戰仁貴發三矢輒殺三人虜氣懾皆降悉阮之轉討磧北餘眾擒偽葉護兄弟三人以歸軍中歌曰將軍三箭定天山壯士長歌入漢關九姓遂衰乾封初高麗泉男生內附遣龐同善高侃往慰納弟男建拒弗納乃詔仁貴率師援同善至新城夜為虜襲仁貴擊之斬數百級同善進次金山崩不敢前高麗乘勝進仁貴擊虜斷為二斬馘五千拔南蘇木底蒼巖三城遂會男生軍手詔勞勉仁貴負銳提卒二千進扶餘城諸將以兵寡勸止仁貴曰在善用不在眾也身遇賊破殺萬餘人拔其城因旁海略地與李勣軍合扶餘降它四十城相率送款威震遼海詔率兵二萬與劉仁軌鎮平壤拜本衛大將軍軌平臨郡公檢擢

山西通志卷一百一十一 鄉賢錄六

安東都護移治新城撫孤存老檢制盜賊隨材任職褒崇節義高麗士眾皆欣然忘亡咸亨元年命為邏娑道行軍大總管率將軍阿史那道真郭待封擊吐蕃以援吐谷渾待封恥居其下頗違節制吐蕃益兵四十萬來戰遂敗坐除名尋起雞林道總管復坐事貶象州赦還上思其功乃召見曰今遼西不甯瓜州路絕卿安得高枕不為朕指麾邪於是拜瓜州長史右領軍衛將軍檢校代州都督擊突厥元珍於雲州突厥問曰唐將為誰曰薛仁貴突厥曰吾聞薛將軍流象州死矣安得復生仁貴脫兜鍪見之突厥相視失色下馬羅拜稍進去仁貴因進擊大破之斬首萬級獲生口三萬牛馬稱是永淳二年卒年七十贈左驍衛大將軍幽州都督官給葬護喪還



裴揆之絳州聞喜人永徽中為同州司戶參軍年甚少刺史李崇義內輕之鐫論曰同吏事繁子盍求便官毋留此揆之唯唯吏白積案數百崇義讓使趣斷揆之曰何至逼人乃命吏速紙進筆為省決一日畢既與奪當理而筆詞勁妙崇義驚曰子何自晦成吾過邪由是名動一州號霹靂手後為永年令有惠政吏刻石頌美以倉部郎中病廢卒

裴行儉字守約絳州聞喜人仁基子幼蔭補宏文生貞觀中舉明經調左屯衛倉曹參軍大將軍蘇定方謂曰吾用兵世無可教者今子也豈乃盡異以術遷長安令武昭儀將立與長孫无忌密謀語泄左除西州都督府長史麟德二年累擢安西都護西域諸國多歸附召為尚文少卿遷吏部侍郎與李敬元馬載同典選有能名時號裴馬行儉始設長

山西通志卷二百二十一 鄉賢錄六

裴

名榜銓注等法又定州縣升降資擬高下為故事上元三年出為洮州道左二軍總管改秦州右軍儀鳳二年十姓阿史那部支及李遮旬誘蕃落以動安西詔討之行儉曰吐蕃方熾敬元失律審禮喪元安可更生事今波斯王死其子泥涅師質京師如遣使立之即路出二蕃權以制事可也詔冊送波斯王且為安撫大食使徑莫賀延磧風磔晝冥導者迷將士饑乏行儉止營致祭令曰水泉非遠眾少安俄而雲徹風恬行數百步水草豐美後來者莫識其處眾皆驚以方漢武師將軍至西州諸蕃郊迎行儉召豪傑千餘人自隨揚言大熱未可進宜駐軍須秋却支說知之不設備行儉徐召四鎮酋長偽約收曰吾念此樂未始忘孰能從吾獵於是子弟願從者萬人乃陰勒部伍數日倍道進去都支帳十餘里先遣

問安否外若聞眼非討襲者又使人趣召都支都支本與遮旬計及秋拒使者已而聞軍至倉卒不知所出率子弟五百餘人詣營謁遂擒之是日傳契箭召諸部酋長悉來請命並執送碎葉城簡精騎約齎襲遮旬道獲遮旬使釋令前往諭其主并言擒都支狀遮旬乃降將吏為刻石碎葉城以紀功俘至上親勞宴日行儉提孤軍深入萬里兵不血刃而叛黨擒夷可謂文武兼備矣其兼授二職即拜禮部尚書兼檢校右衛大將軍調露元年突厥阿史德温傅叛單于管二十四州應之眾數十萬都護蕭嗣業敗死詔行儉為定襄道行軍大總管討之率大僕少卿李思文營州都督周道務部兵十八萬合西軍程務挺東軍李文暉等總三十餘萬旗幟亘千里咸節制之先是嗣業饋糧數被寇鈔軍餒死行儉因詐為

山西通志卷二百二十一 鄉賢錄六

裴

糧車三百乘伏壯士伍輩齎陌刀勁弩以羸兵挽進又伏精兵踵其後寇果掠車羸兵走賊驅就水草解鞍牧馬取糧車中而壯士突出伏兵至殺獲幾盡自是糧車無敢近者大軍次單于北暮立營壘壕既周更命徙營高岡吏白士安堵不可擾不聽促徙之比夜風雨暴至前占營所水深丈餘眾莫不駭歎問何以知之行儉曰自今第如我節制毋問我所以知也賊拒黑山數戰皆敗行儉縱兵前後殺虜不勝計偽可汗泥熟剌為其下所殺持首來降又擒大首領奉職而還餘黨走狼山阿史那伏念偽稱可汗復與温傅合明年行儉遣總諸軍頓代州之陘口縱反間說伏念令與温傅貳伏念密送款且請縛温傅自効行儉祕不布密以聞後數日煙塵漲天而南斥候惶駭行儉曰此伏念執温傅來降也且受降如



受諫乃啟嚴備遣單使往勞既而果降突厥餘黨悉平上悅  
遣戶部尚書崔知悌勞軍初行儉許伏念以不死侍中裴炎  
害其功卒議斬伏念及溫傳於都市行儉功不錄封聞喜縣  
公行儉歎曰渾濬之事古今恥之但恐殺降則後無復來矣  
遂稱疾不出永清元年復為金山道大總管未行卒年六十  
四贈幽州都督謚曰獻詔遣官護視家事子能立乃停中宗  
初再贈揚州大都督行儉工草隸為營陣部伍料勝負別器  
能等四十六訣通陰陽歷術每戰豫道勝日善知人在吏部  
見蘇味道王劇曰二君後皆掌銓衡李敬元盛稱王勃楊炯  
虛照都略實王之才行儉曰士之致遠先器識後文藝如勃  
等雖有才而浮躁街露豈享爵祿者哉炯頗沈默可至令長  
餘皆不得其死所引偏裨若程務挺張虔最崔智晉王方翼

山西通志卷一百二十一 鄉賢錄六

裴

党金毗劉敬同郭待封李多祚黑齒常之類為世名將兼奏  
至刺史將軍者數十人嘗賜馬及珍鞍令史私馳馬馬蹶鞍  
壞懼而逃召還之不加罪初平都支遮旬獲壞實不贊有碼  
礮盤廣二尺文彩粲然軍吏趨跌盤碎惶怖叩頭流血行儉  
笑曰爾非故也何至是色不少吝上賜都支資產皿金三十  
餘物藥駝馬牛稱是分給親故泊麾下數日輒罷  
裴炎字子隆絳州聞喜人寬厚寡言笑有奇節補宏文生休  
澣讀書不廢嘗以業未就辭薦服勤十年尤通左氏春秋舉  
明經及第補澶州司倉參軍歷御史起居舍人遷遷黃門侍  
郎調露元年同中書門下三品進拜侍中上幸東都留皇太  
子京師以炎調護太子監國詔炎與劉齊賢郭正一於東宮  
平章政事及中宗立改中書令以令執政事筆徒政事堂於

中書省中宗欲以后父韋元貞為侍中及授乳媪子五品官  
炎固執不從由是豫王嗣立以定策功封永清縣男武承嗣  
請立七廟追王其先炎諫曰為天下母宜存至公不容追王  
嗣考示自私且獨不見呂氏事乎承嗣又欲害韓王元嘉魯  
王靈夔炎固爭未幾賜爵河東縣侯炎謀乘武后出遊龍門  
還政於上會久而不出徐敬業兵興議討之炎曰今若復子  
明祥賊不討而解御史崔智構之捕送獄鳳閣侍郎胡元範  
曰炎社稷臣有功於國悉心事上天下所知臣明其無異圖  
納言劉齊賢左衛率將儀繼辦之竟被害於都亭驛炎被劾  
卒不折節籍其家無僭石之贏睿宗初贈太尉益州大都督  
謚曰忠

山西通志卷一百二十一 鄉賢錄六

裴

裴仙先聞喜人炎從子蔭太僕丞後坐流嶺南上因變求面  
陳得失后召見盛氣待之曰炎法當誅尙何道對曰陛下唐  
家婦今雖臨朝當責任大臣須東宮年就德成復子明辟奈  
何適王諸武炎為唐忠臣而戮逮子孫海內憤怨臣愚謂宜  
還東宮罷諸武權不然豪傑乘時而動不可不懼命杖之長  
流瀼州又流北庭五年贊至數十萬自北庭屬京師多其客  
謂事十常知七八時詔慰安流人實命殺之仙先得知逃奔  
遂械繫獄都護以狀聞會更遣使安撫十道由是仙先得  
死中宗復位求炎後授太子詹事亟遷秦桂廣三州都督坐  
累免後擢范陽節度使太原京兆尹奏罷畿縣員外及試官  
進工部尚書年八十六以東京留守累封翼城縣公卒官  
裴希悌字虔實聞喜人解褐普安郡丞轉遂州別駕除南宮  
縣令民俗昌阜政化大行歷樂壽鄆縣並以廉能稱拜齊州



長史永徽初卒孫遷向公主追贈商州刺史

裴守真絳州稷山人後魏冀州刺史叔業六世孫晉子少孤  
母喪哀毀舉進士六科連中累調乾封尉永淳初早悉廩祿  
奉姊及諸甥與妻息惡食不贍也授太常博士善容典時謂  
才稱其官高宗將封嵩山詔諸儒議射牲事守真奏前祀一  
日射牲則早於事及日則晚不違事古今異宜恐不可行時  
破軍慶善二樂舞入上常立以視須樂闋乃坐守真言二舞  
誠祖宗盛德然古無天子立觀者化育詒庇孰非厥功不應  
鼓舞別中嚴奉詔可議乾陵禮討按故事稱情為文咸適所  
宜時人服其得體天授中為司府丞覈獄多裁恕全免數十  
姓拂武后旨出為汴州司馬累遷成州刺史政不務威嚴吏  
民兩懷之徙甯州送者千數出境尚不止長安中卒贈戶部

山西通志卷一百二十一 鄉賢錄六

裴

尚書

薛訥字慎言仁貴子起家城門郎遷藍田令富人倪氏訟息  
錢來俊臣受賄發義倉粟數千斛償之訥曰義倉本備水旱  
安可私一家報上不與後武后以訥世將詔攝左威衛將軍  
安東道經略使對同明殿具言突厥藉言廬陵王若東宮無  
動賊不討而解后納其言俄遷幽州都督安東都護改并州  
長史檢校左衛大將軍訥久處邊有戰功開元初講武新豐  
為左軍節度時唯左軍與解琬軍不動上令輕騎召之至軍  
門不得入禮成尤見慰勞明年契丹突厥連和訥建議請  
討詔帥眾二萬出檀州時方暑訥曰夏草薦茂羔犢方息不  
費饋饑因盜資振國威靈不可失也詔聽訥言而授紫微黃  
門三品以重之師至滌河盡亡其軍坐奪官爵俄而吐蕃至

遂延乞力徐等眾十萬寇臨洮詔訥白衣攝羽林將軍為隴

右防禦使與王峻擊之追及賊戰武階驛倚角破其眾尾北  
至洮水又戰長城堡殺虜數萬擒其酋六指鄉彌洪悉收所  
掠及仗械不贖時上欲自將北伐及訥大克乃止命紫微舍  
人倪若水即軍陟功狀拜左羽林大將軍復封平陽郡公以  
次子暢為朝散大夫又授涼州鎮軍大總管赤水建康河源  
邊州皆隸節度俄為朔方行軍大總管久之致仕卒年七十  
二贈太常卿謚曰昭定訥性沈勇寡言其用兵臨大敵益壯  
弟楚玉開元中范陽節度使長子徵亦拜羽林將軍  
薛季昶絳州龍門人武后時上書自布衣擢監察御史左遷  
平遙尉復拜御史屢按獄如旨擢給事中夏官郎中侯味虛  
討契丹不利妄言賊有蛇虎導軍拜季昶河北道按察使馳

山西通志卷一百二十一 鄉賢錄六

薛

至軍斬味虛威震北方彙城尉吳澤射殺驛使羌民女髮為  
鬘州不能劾季昶杖殺之然後布恩信甄表善良自給事中  
數月為御史中丞入為雍州長史遷文昌左丞為洛州長史  
預誅張易之等勸桓彥範曰二凶雖誅產祿猶在請除諸武  
彥範不能斷季昶歎曰吾無死所矣以功進戶部侍郎五王  
失柄出為荊州長史貶儋州司馬具棺沐浴仰藥死葬昭州  
睿宗初贈左御史大夫賜一子官季昶剛烈敦愛故舊尤敬  
禮有名士  
王劇通孫勃兒也長壽中為鳳閣舍人壽春等五王出閣有  
司具儀忘載冊文羣臣已在乃悟其闕宰相失色劇召五吏  
執筆分占其辭粲然皆畢人人嗟服尋加宏文館學士兼知  
天官侍郎始裴行儉典選見劇與蘇味道曰二子者皆銓衡



才至是語驗劇用劉思禮為箕州刺史思禮潛謀劇與兄涇州刺史酌及助皆遇害神策初詔復官以上右唐武德至景雲四十二人

山西通志卷一百二十一

山西通志卷一百二十一 鄉賢錄六

至

鄉賢錄七

錄二之七

山西通志卷一百二十一

賜于出身頭品頂戴兵部侍郎兼都察院右副都御史巡撫山西提督軍務臣張爾奇

唐開元至寶曆

王祚太原人魏廣陽侯罔之裔孫也武后時諫罷萬象神宮知名開元時以大理司直馳傳決獄所至仁平子冕歷左補

溫州刺史

王仁皎字鳴鶴太原祁人元宗廢后父也景龍中以將帥舉授甘泉府果毅遷左衛中郎將以后故攝將作大匠累進開

府儀同三司封祁國公食戶三百仁皎避職不事委違名譽

卒年六十九贈太尉益州大都督諡昭宣官為治葬柩行上

御望春亭過喪詔張說文其碑上題石子守一與后學生尚

青陽公主從討太平主有功由尚乘奉御遷殿中少監晉國

公累進太子少保襲父爵被遇良渥后廢貶柳州別駕至藍

田賜死守一財蓄巨萬皆籍入云

李希靖文水人明經積學言動恆以禮自檢神龍初以進士

拜監察御史正色立朝直言敢諫當時畏其風采雖諸武擅

權希靖不為屈然性嚴厲不諂於俗故不大顯

李愷希靖子少秀敏舉明經高第授成安尉母喪免自武功

尉以政尤異遷主簿張說在并州引置幕府及執政為長安

尉字文融括天下田表假監察御史分道檢覈以課真拜御

史坐小累下除晉陽令三遷給事中力於治有任事稱明簿

最下無敢給失李林甫意出為河南少尹尹蕭炅倚權愷裁

抑其謬更下賴之道士孫胤生挾左道干請愷不為應故挾



吳譔諸朝天寶初除清河太守舉進士政遷廣陵長史民為立祠賽祝歲時不絕徙彭城太守酒自縣侯連徙襄陽何東並兼採訪處置使人為京兆尹楊國忠惡之改光祿卿東京留守封常清募兵東京與留臺御史中丞盧奕河南尹達奚珣繕城壘殺勵士卒將遏賊西鋒挫禮部尚書祿山薄城下常清兵戰不勝輒北收殘士數百哀斷弦折矢堅守人不堪鬪愷約奔吾曹荷國重寄雖力不敵當死官部校皆夜縋去愷坐留守府奔守臺城陷祿山鼓而入殺數千人執愷奕及官屬蔣清害之贈司徒諡曰忠懿河洛平再贈太尉拜一子五品官愷通左氏春秋自東都至關口疇野彌望時謂地瘠瘳十餘子江涵瘋癲等同遇害唯源彭脫彭擢明經第天寶中選名臣子可用者自咸甯丞遷右補闕從入蜀後愷數年卒孫景讓景莊景溫

山西通志卷一百二十二 鄉賢錄七 二

溫信字輔國以字行太原祁人大雅四世孫也安祿山亂往見平原太守顏真卿助為守計李光弼厚遇之後居鄆薛嵩薦之朝授太常丞一日謝嵩即去屏處郊野世推其高節王縉字夏卿太原祁人居河中少好學與兄維俱以名聞舉草澤文辭清麗科上第歷侍御史武部員外郎擢太原少尹佐李光弼以功加憲部侍郎遷兵部史朝義平詔宣慰河北使還拜黃門侍郎同中書門下平章事進侍中持節都統河南淮西山南東道諸節度行營事辭侍中加東都留守餘拜河南副元帥省軍資錢四十萬精營完宮室拜盧龍節度使至幽州委軍於朱受彰乃還會辛雲京卒兼領河東節度太原將王無縱張奉璋恃功以縉儒者易之不如律令縉斬

以徇諸將股僕再歲還以本官復知政事時元載專朝縉曲意附離無敢忤者奉佛不茹葷食肉晚節尤謹代宗問浮屠法縉盛陳福業報應五臺山祠鑄銅為瓦金塗之費億萬計縉給中書符遣浮屠數十輩行州縣斂丐貨貨羣臣承風皆言生死報應故人事置而不修元載敗同論死劉昊曰重刑再覆有國常典況大臣乎法有首從不容俱死上憫其耄貶括州刺史久之遷太子賓客分司東都建中二年卒年八十二

山西通志卷一百二十二 鄉賢錄七 三

王紹端字少為顏真卿所器字曰德素奏為武康尉包信領租庸鹽鐵使署判官時徙餉道自潁入汴紹入關德宗已西狩乃督輕貨趣間道走洋州紹先見行在曰信遣臣貢奉無慮五十萬當即至上曰道回遠何可望邪後五日繼至遷倉部員外郎由戶部郎中進侍郎判度支頃之遷尚書紹謹密眷待殊厚主計凡八年每政事多所關訪紹亦未嘗一言漏於人順宗立王叔文奪其權拜兵部尚書出為東都留守元和初檢校尚書右僕射為武甯軍節度使復以深泗二州隸其軍蒐輯軍政推誠示人神將安進達唐重靖謀亂紹以計取之出家貲賞士舉軍安賴復拜兵部尚書判戶部卒年七十二贈右僕射諡曰敬王翊并州晉陽人性謙柔歷山南東道節度使代宗曰為純臣世稱謹廉卒贈戶部尚書諡曰忠惠



王翊字宏肱，弟也。少治兵家。天寶中授朔衛尉羽林軍宿衛。擢才兼文武科，出爲辰州刺史，與討襄州康楚元有功。加兼祕書少監，遷朗州刺史。大曆中擢容管經略使，初夷酋梁崇牽號平南都統，與別帥覃問合，又與西原賊張侯夏、永更誘嘯，遂據容州。前經略使陳仁琇元結、長孫全緒等皆備治。藤梧翊曰：我容州刺史，安可容治？所必得容，乃止。卽出私財募士有功者，許署吏。於是人自奮，不數月斬賊帥歐陽珪。因至廣州請節度使李勉出兵併力，勉不許。翊曰：大夫卽不出師，願下書州縣，陽言以兵爲助，冀藉此聲成萬一功。勉許。諸翊乃移書義藤二州，約皆進討。引兵三千與賊鏖，戰日數，遇勉撤止之，輒匿不發。戰愈力，卒破賊擒崇牽，悉復容州。故地凡百餘戰，擒首領七十，單問遁去。復遣將李實等分討西

山西通志卷一百二十二 鄉賢錄七

四

原平鬱林諸州間乘間來襲，設伏擊之，生擒問嶺表平上。遣使慰勞，加金紫光祿大夫，賜第京師。時吐蕃入寇，郭子儀悉河中兵乘邊，召爲河中少尹，領節度後務，悍將凌正約其徒夜斬關，翊覺之，陰亂漏刻以差其期，眾不敢發。俄禽正誅之。歷汾州刺史，爲振武軍使，綏銀等州留後，入拜京兆尹。會涇原兵叛，翊時主供擬，挺身走奉天，拜太子詹事，再遷大理卿。出爲福建觀察使，徙東都留守，開田二十餘屯，修器械，皆良金壽革練士卒，號令精明。俄而吳少誠叛，獨東畿有備，關東賴之。貞元十八年卒，贈尚書右僕射，諡曰肅。

王緯字文卿，并州太原人。父之咸，長安尉，與弟之賁，之奐，皆有文緯舉明經，以書判入等。歷長安尉，大曆中與李泌俱爲路嗣恭江西觀察判官。嗣恭希元載意，欲殺泌，緯護解，僅免。

必執政奏於曰：已有私恩，德宗許爲報進，給事中浙西觀察使缺，必以緯上曰：是朕爲君報德者乎？黃門要地，獨不留議事。邪對曰：浙西賦入尤劇，緯清而忠，能惠養民，故請遣之。制可。州縣有韓況時錢十八萬緡，府吏請進奉，緯疏錫以紓民詔。聽之。貞元十年加御史大夫，兼諸道鹽鐵轉運使，裴延齡以諸道負錢四百萬緡，獻爲羨錢，緯奏此諸州經費大忤，延齡意改檢校工部尚書，卒年七十一，贈太子少保。

武元衡字伯蒼，并州文水人。平一孫舉進士，累爲華原令，移疾去。德宗欽其才，召拜比部員外郎，歲內三遷，至右司郎中，以詳整任職，擢爲御史中丞，常對延英，上目送之曰：是真宰相。器順宗立，王叔文使人誘以爲黨，拒不納，改太子右庶子。憲宗初復拜中丞，進戶部侍郎。元和二年拜門下侍郎，同中

山西通志卷一百二十二 鄉賢錄七

五

書門下平章事，兼判戶部事。上素知元衡堅正，有守，故禮信任異。它相時蜀新定，高崇文爲節度，不知吏治，上難其代，詔爲劍南西川節度使，由蕭縣伯封臨淮郡公。上御安福門，慰遣之。元衡至，綏靖約束，儉已寬民。比三年上下完實，蕭懷歸雅性莊重，雖淡於接物，而開府極一時。選八年召還，執政李吉甫、李絳數爭事不叶，元衡獨持正，無所違附。上嘗其長者吉甫，卒准蔡用兵，上悉以機政委之。王承宗請赦吳元，齊使人白事中書，悖慢不恭，元衡叱去。承宗數上章誣詆，未幾入朝，出靖安里第，夜漏未盡，賊乘暗呼曰：滅燭射元衡中肩，復擊其左股，徒御格鬪，不勝，皆駭走。遂害元衡，批顛骨持去。上罷朝坐延英，見宰相哀慟，爲再不食。贈司徒，諡曰忠愍。詔能得賊者賞錢千萬，授五品官，積錢東西市，以募告者，捕



得張晏等十八人言為承宗所遣皆斬之逾月東都執滑青留邸賊門察曹嘉珍自言始謀殺元衡密誅之

武備衛字延碩元衡從弟也姿狀秀偉不妄言與人交終始一節宰相鄭餘慶不事華潔門下客多垢衣敗服獨備衛上謁未嘗有所易以莊詞正色見重於餘慶元衡沒帝待之益厚累遷戶部郎中知諫議大夫事俄兼知制誥疏宰相皇甫鏘剝下狀鏘自訴上曰乃欲報怨邪鏘不敢對備衛論議勁正有風節且將大用宰相令狐楚忌之會草狄兼謨制引武后事盛推仁傑功以沮止之備衛泣見上曰臣祖平一當天后時避事終老不涉於累上慰勉之由是薄楚遷中書舍人元稹倚宦官知制誥備衛鄙厭之會食瓜蠅集其上揮以扇曰適從何處來遽集於此一坐皆失色然以疾惡太分明終

山西通志卷一百二十二 鄉賢錄七

六

不至大任遷兵部侍郎卒年五十六贈工部尚書

劉昌裔字光後太原陽曲人幼重遲不好戲常若有所思度及壯策說楊惠琳順命拜惠琳瀘州刺史署昌裔州佐曲環表判官為環檄李納劉曉大誼環上其冀德宗異之從環陳許府遷累進營田副使上官況代環知後務吳少誠兵薄城況欲遁昌裔止之曰受詔而守死其職也况士馬完甯若堅壁不戰七日賊氣必衰我以全制之可也况許諾賊攻堞壞不得修昌裔密造飛棚聯棚即募突將千人鑿城以出擊賊走之比還棚已立守陴遂安兵馬使安國爾謀應賊以計斬之召其麾下千人為饗人賞二練乃伏兵於道令持練者斬一不能脫賊聞解去以功擢況陳許節度使昌裔陳州刺史改陳許行軍司馬況卒軍中推昌裔有詔檢校工部尚書代

節度封彭城郡公元和八年以檢校尚書左僕射兼左龍武統軍召還卒贈潞州大都督諡曰威

李光進其先河曲請部姓阿跌氏隸朔方軍與弟光顏少依舍利葛崩葛崩殺僕固瑒歸河東辛雲京遂居家太原以沈果稱從馬燧救臨洛戰洹水有功歷前後軍牙門將兼御史大夫代州刺史元和四年范希朝引師救易定表光進為都將時光顏亦至大夫故軍中呼小大夫俄檢校工部尚書為振武節度使賜姓以光寵之別詔光顏拜洛州刺史弟兄榮冠當時光進徙靈武卒年六十五贈尚書左僕射有至性居母喪三年不歸寢光顏先娶而母委以家事及光進娶母已亡弟婦籍貫賍納管鑰於妣光進命反之曰婦違事姑且嘗命主家事不可改因相持泣如初

山西通志卷一百二十二 鄉賢錄七

七

李光顏從河東軍為裨將節度使馬燧曰若有奇相終必光大解所佩劍贈之討李懷光楊惠琳戰有功從高崇文平劍南數舉旗陷軍出入若神益知名進兼御史大夫歷代洛二州刺史元和元年討蔡以陳州刺史充忠武軍都知兵馬使尋擢節度使詔以其軍當一面光顏乃壁汲水明年陣時曲賊晨壓其營眾不得出光顏毀柵將數騎突入賊中再反往眾識光顏矢集身如蝟子攬馬鞅諫無深入光顏挺劍叱之於是士爭奮賊潰北大破之時諸鎮兵環蔡十餘屯相顧不肯前獨光顏先敗賊始裴度宜慰諸軍遣言光顏勇而知義必立功俄又與烏重允破賊小潞河十一年屢圍賊遂拔凌雲柵上大悅厚資其使進檢校尚書左僕射十二年四月敗賊於鄆城都統韓宏挾賊自重且思撓賊光顏乃飾名姝遣



使遣之曰以公暴露於外恭進侍者慰征行之勤光顏約旦日納焉大合將校置酒引使者侍妹至秀曼都雅一軍驚視光顏徐曰我去室家久以爲公憂誠無以報德然戰士皆棄妻子蹈白刃奈何獨以女色爲樂爲我謝公天子於光顏恩厚誓不與賊同生指心曰雖死不二因嗚咽泣下將卒數萬皆感泣因厚遣使還之士氣益勵裴度築赫連城於淹口率輕騎觀之賊以奇兵自五溝至大呼薄城爲震壞度危甚光顏力戰卻之先是光顏策賊必至密遣田布伏精騎溝下扼其歸賊敗去死溝中者千餘由是賊悉銳士當光顏而李愬得乘虛入蔡賊平加檢校司空入朝召對麟德殿賜與蕃渥及討李師道徙義成節度使許以忠武兵自隨不三旬再敗賊濮陽拔斗門斬數千級上言許鄭兵合不可用遂復鎮

山西通志卷一百二十二 鄉賢錄七

八

忠武徙邠甯軍項引吐蕃圍涇州料兵以赴邠人騰諫光顏爲陳說大義感慨流涕聞者泣下遽卽路寇遁穆宗召還賜開化里第加同中書門下平章事遣軍資貲不費俄徙鳳翔將伐鎮州復還忠武又兼深翼行營節度使宰相百官班餞上御通化門臨送賜珍器良馬玉帶光顏提軍深入而餽運不至有詔以滄景德棣州益之光顏以宰相處置失宜辭兼領亦會赦成德復所治詔出討李亦朝受命暮卽戎豕曰拔尉氏與汴人戰琵琶溝未陣薄之賊走亦平進兼侍中敬宗初真拜司徒河東節度使寶曆二年卒年六十六諡曰忠光顏性忠義善撫士其下樂爲用許師勁悍常爲諸軍鋒故克立勳至僖宗時而猶數藉以破賊焉

王錡字昆吾太原人爲湖南團練府神將楊炎異其才

使嗣曹王皋使誘降武岡叛將王國良擢邵州刺史皋節度江西表江州刺史兼御史中丞充都虞侯錡善刺軍中情僞皋推以腹心皋爲荆南節度使復檄都虞侯從朝京師擢鴻臚少卿先是天寶末西域集京師者數千人隴右陷不得歸仰廩鴻臚禮賓月四萬緡凡四十年錡悉籍四千人畜馬二千奏皆停給宰相李泌盡以隸左右神策軍以尊長署牙將歲省五十萬緡上嘉其功擢容管經略使凡八年谿落安之邊嶺南節度使由淮南入拜尙書左僕射又以檢校司徒爲河中節度使徙河東自范希朝後兵才三萬騎六百府庫殘耗錡能補完膏費未幾兵至五萬騎五千財用豐餘會回鶻并麾尼師入朝錡欲示威武傾駭之乃悉軍迎廷列五十里旗幟光鮮戈甲犀利回鶻恐不敢仰視錡偃然受其禮上嘉

山西通志卷一百二十二 鄉賢錄七

九

之卽除檢校司空同中書門下平章事卒贈太尉諡曰魏錡善任數持下在淮南常得無名書納鞞中俄取它書焚之異日因小罪并以所告窮驗以示神明子稷應鴻臚少卿長慶二年爲德州刺史節度使李全略利其貨殺之開成中滄州節度使劉約奏稷子叔泰生五歲爲郡人匿養得不死送至京師詔授九品官使奉錡祀原府

郇謨晉州人大曆八年以麻總髮持竹筍葦席行哭長安東市人問之曰我有字三十欲以獻上一字言一事卽不中以筍貯尸席裹而棄之京兆以聞上召見賜以衣館內客省問狀多譏切元載其言聞者願罷諸州團練使其言監者請罷諸道監軍餘大抵類此時要州權署團練刺史載用事授刺史者悉帶團練以悅人心故謨指刺云平陽



張嘉貞字嘉貞本范陽舊姓高祖子吒仕隋河東郡丞遂爲  
倚氏人以五經舉補平鄉尉免長安中御史張循憲使河東  
問吏曰若頗知有佳客乎吏以嘉貞對循憲召見咨以事嘉  
貞條析理分莫不洗然循憲大驚試命草奏皆意所未及他  
日武后以爲能循憲對皆嘉貞所爲因請以官讓后召見內  
殿嘉貞儀止秀偉奏對偏后異之拜監察御史擢循憲司  
勳郎中醜其得人累遷兵部員外郎時功狀盈几嘉貞爲詳  
處不閱旬廷無積牒進中書舍人歷梁秦二州都督并州長  
史政以嚴辦吏下畏之入奏事元宗善其政數慰勞嘉貞言  
弟嘉祐爲鄴部別駕願內徙命徙嘉祐忻州刺史突厥九姓  
新內屬雜處太原北請置天兵軍綏護其衆卽以爲天兵使  
明年入朝或告其反按無狀令坐告者嘉貞辭曰國之重兵

山西通志卷一百二十二 鄉賢錄七

十

利器皆在邊今告者一不當卽斬之臣恐塞言路後無由聞  
天下事遂得減死上以爲忠且許以相及宋璟等罷以爲中  
書侍郎同中書門下平章事進中書令居位三年善傳奏敏  
於裁遣與張說同相議論無所讓弟嘉祐拜金吾將軍兄弟  
要近人頗憚媚上幸太原嘉祐坐事說誅嘉貞素服待罪不  
謁遂出爲幽州刺史歷工部尚書爲定州刺史知北平軍事  
封河東侯久之以疾丐還詔醫馳驛護視卒年六十四贈益  
州大都督諡曰恭肅嘉貞性簡疏與人無疑內曠如也噴進  
者汲引之能以恩終始嘗薦中書舍人苗延嗣呂太一考功  
員外郎員嘉靜殿中侍御史崔訓皆位清要日與議政事故  
當時語曰令君四俊苗呂崔員雖貴不立田園或勸之答曰  
吾嘗相國矣未死豈有饑寒憂若以譴去雖富田產猶不能

有也引萬年主簿韓朝宗爲御史卒後十餘歲朝宗以京兆  
尹見上曰陛下待宰相進退以禮子孫咸在廷張嘉貞晚一  
息寶符獨未官上惘然召拜左司禦率府兵曹參軍賜名延  
賞

張延賞博涉經史通吏治苗晉卿尤器許以女妻之擢監察  
御史歷給事中御史中丞大厯初除河南尹諸道營田副使  
政簡約輕徭賦疏河渠築宮廟數年流庸歸附都闕完雄有  
詔褒美時罷河南山南等副元帥兵屯東都詔延賞知留守  
以兵屬居五年治行第一召遷拜御史大夫出爲淮南節度  
使歲旱民宅遷吏禁之延賞曰苟存吾人何限爲乃具舟遣  
之敕吏爲修室廬已遣債而歸者更增於舊瓜步舟楫津澆  
而遙繫江南請度屬揚州自是行無稽壅母服除累拜荆南

山西通志卷一百二十二 鄉賢錄七

十一

劍南西川節度使時公私蕭然延賞事爲之制薄入謹出府  
庫遂實德宗在奉天貢獻踵道及次梁倚劍蜀爲根本卽拜  
中書侍郎同中書門下平章事上遺詔入秉政李晟表陳宿  
憾罷爲尚書左僕射上命韓滉移書道意滉從容邀晟平憾  
且使薦延賞於帝復拜平章事建言宜併省州縣員悉收粟  
科糧課輸京師賞戰士許之是年除吏千五百員當省者千  
餘卒年六十一贈太保諡曰成肅延賞更四鎮所至民頌其  
愛上稱其奏議有宰相體專屬以吏事而以軍食委李泌刑  
法委柳渾時以爲任職

張宏靖字元理延賞子雅厚信直以蔭爲河南參軍裴延齡  
爲德陽公主治第欲徙宏靖先廟上疏自言德宗異之擢監  
察御史累遷戶部侍郎陝州觀察使徙河中節度使元和中



拜刑部尚書同中書門下平章事進中書侍郎封高平縣侯  
武元衡遇害御史劾王承宗即卒張晏宏靖疑傳致上竟  
誅晏并討承宗宏靖曰戎事並與鮮有濟不如悉力淮西已  
平乃泊河朔議再迁乃歸政以檢校吏部尚書同平章事為  
河東節度使大閱兵請身討賊既王師無功上憶曩言下詔  
褒美宏靖亦遣使問道喻承宗承宗款附召拜吏部尚書徒  
節宣武承韓宏後代以寬簡民便安之長慶初劉總內屬請  
宏靖為代進檢校司空仍同中書門下平章事充盧龍節度  
使肩輿而行人駭異旬一決事委成於參佐韋雍張宗厚嘗  
詬士曰天下無事爾輩挽兩石弓不如識一丁字軍遂亂因  
宏靖薊門館掠其家賞婢妾執雍等殺之詔貶太子賓客分  
司東都再貶吉州刺史明年出幽州改撫州刺史稍遷太子

山西通志卷一百二十二 鄉賢錄七 十三

少師卒年六十五贈太子太保子文規次宗裴度秉政引文  
規為右補闕終桂管觀察使子彥遠博學有文辭乾符中至  
大理卿次宗開成初為起居舍人記開成時事最詳以稱職  
兼集賢院直學士出為澄明二州刺史卒孫茂樞字休府及  
進士第天祐中累遷祠部郎中知制誥坐柳璨貶博昌尉  
張嘉祐猗氏人嘉貞弟也有幹略嘉貞為相任右金吾衛將  
軍昆弟每上朝軒蓋驕導盈間巷時號所居坊曰鳴珂里後  
貶浦陽府折衝開元末為相州刺史立尉遲迥祠三歲入為  
左金吾將軍  
麻察河東人由明經第五遷殿中侍御史魏元忠下獄子昇  
妻父鄭遠遣人絕婚嫁其女察劾遠敗風教請錮終身當時  
謂察為公後遷大理丞坐事為興州別駕齊幹往餞道密諫

任王毛仲語察遠言狀游坐貶察亦再貶皇化尉

對常清蒲州猗氏人多所該究年過三十未有名夫蒙靈晉  
節度四鎮以高仙芝為都知兵馬使奏備從三十餘人常清  
慨然投牒而素瘠又腳跛仙芝陋其貌不納明日復至仙芝  
謝去之常清怒曰我慕公義願事鞭約故無媒自前公何見  
拒深乎以犯取士恐失之子羽仙芝不得已鼠名傑中會達  
奚諸部自黑山西趨碎葉靈晉使仙芝以二千騎追躡擒賊  
略盡常清於幕下潛作捷布具記井泉次舍克賊形勢謀略  
條最明審仙芝取讀之皆意所欲出乃大駭即用之軍還靈  
晉迎勞判官劉眺獨孤峻爭問向捷布誰作者公幕下安得  
此人答曰吾備封常清也眺等驚進揖常清坐與語異之遂  
知名以功授豐州戍主仍為判官仙芝征討常清從務郎將

山西通志卷一百二十二 鄉賢錄七 十三

鄭德詮仙芝乳母子也威動軍中常清嘗自外還諸將前謁  
德詮走馬突常清驕士去常清命左右引德詮至廷中門輒  
閉因離席曰吾起細微中丞公過聽以主留事郎將安得無  
禮因叱曰須暫假郎將死以肅吾軍因杖死仙芝妻及乳母  
哭門外救請不得仙芝驚憚其公不敢讓常清亦不謝會大  
將有罪又殺二人軍中莫不股慄久之擢安西副大都護尋  
改北庭都護持節伊西節度使常清性勤儉耐勞苦出軍乘  
驟私廄裁二馬賞罰分明天寶末入朝上問何策以討祿山  
常清見上憂大言曰天下太平久人不知戰然事有逆順勢  
有奇變臣請馳至東京悉府庫募驍勇挑馬鎗渡河計日取  
賊首以獻上壯之明日以為范陽節度副大使乘驛赴東京  
常清募兵得六萬人然皆市井庸保乃部分旗幟斷河陽橋



以守作書遺平原太守顏真卿勸堅守且傳購祿山檄數十函與之真卿得以分曉諸郡祿山渡河常清不能禦伐大木塞道以殿至穀水西奔陝語高仙芝曰不如急守潼關仙芝從之詔削官白衣隸仙芝軍仙芝使衣黑衣監左右部監軍邊令誠搆常清以賊搖衆遂詔斬於軍中常清曰吾所以不死者恐汙國家節度戮賊手今死乃甘心始常清敗徑入關欲面陳討賊事詔赴潼關因為表以謝且言自東京陷三遣使表論成敗不得對又言臣死後望陛下無輕此賊至是臨刑以表授令誠而死人多哀之

張介然裔氏人本名六郎性慎慮長計畫始為河隴支郡太守王忠嗣皇甫惟明哥舒翰領節度並署營田支度等使入奏稱旨賜列戟故里本鄉得列戟自介然始翰薦為少府監

山西通志卷一百二十二 鄉賢錄七

十四

歷衛尉卿授河南節度採訪使守陳留不三日祿山衆度河車騎蹂躪烟塵漫數十里日為奪色士聞鉦鼓聲皆視氣不能授甲凡旬六日城陷殺陳留降者萬人審介然於軍門裴冕字章甫河中河東人以蔭再調渭南尉京畿採訪使王鉷表署判官歷殿中侍御史冕明銳果於事衆號稱職鉷雅任之及鉷得罪抗言其誣鉷死獨為斂葬由是寔知名河西節度使哥舒翰辟行軍司馬元宗入蜀拜御史中丞兼左庶子為皇太子副冕方召還而道遇太子平涼遂從至靈武與杜鴻漸崔漪同辭請正位號太子固讓凡五請卒見聽進冕中書侍郎同中書門下平章事肅宗至鳳翔罷政事拜尚書右僕射封冀國公實封五百戶出為劍南西川節度使復為右僕射待制集賢院俄充山陵使表劉烜為判官烜抵法坐

降施州刺史徙澧州大厯中郭子儀言於代宗曰冕馳驅歷武有社稷勳程元振忌其賢遂加誣搆海內冕之宜還冕於朝復俾輔相必能致治成化元載亦嘗德之遂拜左僕射同中書門下平章事俄兼河南江淮副元帥東都留守不踰月卒贈太尉冕以忠勤自將然不知宰相大體卒後二十餘年蘇正元奏肅宗為元帥時師纔一旅冕於草創中甄大義以勳進收募驍勇幾十餘萬既逾月房瑄來又一年而苗晉卿至今晉卿從祀冕乃不與詔冕配享肅宗廟

呂誼河中河東人少力於學志行整飭孤貧不自業里人程氏以女妻誼厚分貲贖濟故稱譽日廣開元末第進士調甯陵尉採訪使韋陟署支使哥舒翰節度河西表度支判官歷太子通事舍人秉性靜慎勤總吏職諸僚或出游誼獨頽然

山西通志卷一百二十二 鄉賢錄七

十五

據案鉤視簿最翰益親之累兼殿中侍御史西趨靈武拜御史中丞陳事無不順納遷武部侍郎乾元二年擢同中書門下平章事知門下省累封須昌縣伯上元罷為太子賓客數月拜荊州長史請荊州置南都詔可於是更號江陵府以誼為尹置永平軍萬人退吳蜀之衝初衡州蠻陳希昂為長史張惟一司馬督家兵千人勝殺親將半遂金後過江陵入謁誼伏甲擊殺之誅黨偶數十人積尸府門內外震服誼為治不急細務決大事剛果不撓始在河西悉知諸將能否及為尹奏取材者數十人總牙兵故威惠兩行卒年五十一贈吏部尚書自至德以來處方面數十人誼最有名荆人生構祠及歿吏哀錢十萬徙祠府西始薦杜鴻漸元載才後皆為宰相永泰中嚴郢以故吏請謚博士獨孤及謚曰肅郢請謚曰



忠肅及執奏謚遂不改

楊璉河東人鄉舉進士廓落有口辨好談王伯大略天寶末安祿山奏為河北海運判官遷大理評事副元帥郭子儀辟為從事至德初以薦被召見肅宗悅之拜諫議大夫累轉吏部侍郎廣德二年冬為左散騎常侍河中尹兼御史大夫永泰元年復為左常侍集賢院待制遷戶部尚書卒贈太子太師

敬括字叔弓河中河東人進士及第遷殿中侍御史楊國忠惡之外除果州刺史累進兵部侍郎性深厚志尚簡淡在職不求名周智光誅議者健括才選為同州刺史拜御史大夫隱默持重弗以私害公大歷中卒

山西通志卷一百二十二 鄉賢錄七 十六

祕書省校書郎待制翰林出為淮南崔圓府判官累遷祠部郎中大歷中李涵送崇徽公主於回紇晉判官回紇見使者偃因問歲市馬而唐歸我賄不足何也涵數目晉晉曰我非無馬而與爾為市為爾賜者不已多乎爾之馬歲五至而邊有司數疲償貨天子不忘爾勞勅吏無得問爾反用是望我邪諸戎以我之爾與也莫敢稱爾父子甯畜馬蕃非我則誰使眾皆南面拜還遷祕書少監德宗立授太府卿不旬日為左散騎常侍兼御史中丞知臺事出為華州刺史朱泚遣兵攻之晉走行在改國子祭酒宣慰恆州還至河中說李懷光襲取賊清宮以迎天子懷光喜且泣晉亦泣又語其將卒皆拜故懷光雖偃蹇亦不助泚遷左金吾衛大將軍改尚書左丞右丞元琇為韓滉排竿得罪晉見宰相誦琇非罪士大

夫壯其節貞元五年以門下侍郎同中書門下平章事九年

罷為禮部尚書以兵部尚書為東都留守復詔檢校尚書左僕射同中書門下平章事為宣武節度副大使知節度事李萬榮死鄧惟恭總其軍晉受命不召兵惟幕府驍從之即日上道至鄭逆者不至人勸止晉不聽直造汴及郊惟恭始出迎謁既入即委以軍政無所改更盡罷幕下勇士眾服晉有體惟恭潛謀晉覺之殺其黨械惟恭送京師詔拜汝州刺史長源為司馬以佐晉晉廉愿儉簡事多循仍故軍粗安長源數欲變更諸事晉初許之已而悉罷不用以財賦委孟叔度晉在軍五年卒年七十六贈太傅諡曰恭惠子溪字惟深亦擢明經三遷萬年令擢度支郎中終東道行營糧料使子居中善詩張籍稱之

山西通志卷一百二十二 鄉賢錄七 十七

樊澤字安時河中人少客河朔相衛節度使薛嵩表堯山令舉賢良方正上第楊炎善之擢左補闕澤有武力喜兵法議者謂有將帥器召對延英德宗嘆其論兵與我意合累遷山南東道司馬就拜節度使每獵諸將憚其才武擒李希烈驍將張嘉瑜杜文朝梁俊之等取唐隋二州貞元三年為荆南節度使會山南東道副曹王皋卒軍剽居人以澤威惠著襄漢徙山南東道加檢校尚書右僕射十四年卒年五十七贈司空諡曰成撤宴廢朝

衛次公字從周河中河東人舉進士高第調渭南尉嚴震辟佐興元府累遷殿中侍御史左補闕翰林學士貞元末召至殿議所立次公曰家嫡內外係心必不得已宜立廣陵王議乃定王叔文等用事多所持正知禮部貢舉斥華取實不為



權力侵撓由中書舍人充史館修撰改兵部侍郎坐鄧綰罷除太子賓客久乃為陝虢州觀察使獨橫租錢歲三百萬復入為兵部侍郎李勣徐有功孫皆以負不得調召見曰子之祖勳在王府甯限常格乎即優補而遣進尚書左丞時討蔡數建請罷兵上將相之制彙具而蔡捷書至乃以檢校工部尚書為淮南節度使久之召還卒年六十六贈太子少傅諡曰敬次公本善琴京兆尹李齊運嘗使子請受琴法次公拒絕因終身不復鼓其節尚終始完潔子洙舉進士尚臨真公主檢校秘書少監駙馬都尉文宗曰洙起名家以文進宜諫官寵之乃為左拾遺歷成節度使咸通中卒

范希朝字致君河中虞鄉人初為邠甯軍別將以奉天戰守功累兼御史中丞治軍整毅節度使韓游瓌畏其才希朝奔

鳳翔上召冀左神策軍貞元四年使代游瓌希朝曰始僞

來終代其任非所以防覬覦安反側也固讓左金吾衛將軍張獻甫軍中必得希朝乃止詔拜甯州刺史邠甯節度副使俾佐獻甫俄遷振武節度使部有党項室韋曰入愿作謂之刮城門希朝度要害置屯堡斥邏嚴密鄙民以安至竊賊亦殺無赦虜人憚伏邊州長帥至必效橐駝駘馬希朝一不積十四年虜保塞不敢橫初單于府地不樹希朝命蒔柳數歲成林貞元末請朝時諸鎮不以事自述職者希朝而已上悅拜右金吾衛大將軍王叔文用為右神策統軍充左右神策京西諸城鎮行營節度使屯奉天憲宗立檢校尚書左僕射復為右金吾衛大將軍俄檢校司空出為朔方靈鹽節度使遷河東討王承宗敗之木刀溝還朝改左龍武統軍以太

子太保致仕卒贈太子太師諡曰忠武改宣武希朝號營善將或比之趙充國在朔方招沙陀千落眾萬餘其後用沙陀戰者所至有功

薛存誠字資明河中寶鼎人進士第累擢監察御史元和初中人為館驛使存誠以為害體甚奏罷之轉殿中侍御史累遷給事中瓊林庫廣繕工徒存誠曰此姦人辱名以避征役不可許神策軍誣奏咸陽尉袁儋儋被罰二敕皆執不下上悅遣使勞之拜御史中丞浮屠鑿虛自貞元中關道賂遺倚宦豎為奸會坐事捕下獄存誠窮効之得贖數十萬當以大辟詔釋之存誠不聽明日詔使詣臺諭曰朕須此囚面詰非赦也存誠奏曰獄已具必欲詔赦之請先殺臣乃可不然臣不敢奉詔鑿虛卒抵死江西監軍高重昌妄劾信州刺史

李位不軌追付仗內存誠一日三表請付御史臺及案果無

實尋復為給事中御史中丞關上謂宰相曰持憲無易存誠復命之會卒上悼惜贈刑部侍郎存誠性和易於人無所不容及當官毅然不可奪薛珏字温如河中寶鼎人以蔭為懿德太子廟令累遷乾陵臺令以清白聞課第一改昭應令人請立石紀德珏固讓遷楚州刺史州有營田宰相遙領使而刺史得專達俸及宅給百餘萬田官數百歲遷別戶三千備刺史廝役珏悉條去之租入贏異時觀察使誣以罪左授峽州刺史建中初升黜使李承壯珏之簡趙贊言其廉盧翰稱其肅書參聞拜中散大夫賜金紫劉元佐表兼汴宋行軍司馬李希烈棄汴州即拜刺史遷河南尹入為司農卿詔備刺史縣令選宰相欲校以



文詞珥曰求良吏宜以上愛人之本爲心也宰相多其計所用皆稱職爲京兆尹司農供三宮齋茹三十車不足請市京兆珥使萬年令韋彤禁鬻賣坐奪俸珥剛嚴曉法治勤身以勸下坐善寶參改太子賓客出爲嶺南觀察使卒年七十四贈工部尚書子存慶字嗣德貌偉岸及進士第歷御史尚書郎五遷給事中封駁詔書時稱其直劉總以幽州歸穆宗謂宰相曰必用薛存慶可以宣朕意對延英一刻遣之至鎮州卒贈吏部侍郎

薛播河中寶鼎人曾祖文思中書舍人播兄弟七人皆擢進士第累授殿中侍御史遷武功萬年令温敏而裕與人交有常李栖筠常袞崔祐甫竝器之祐甫輔政拜中書舍人出爲汝州刺史再遷河南尹以禮部侍郎卒贈尚書子公達擢進

山西通志卷一百二十二 鄉賢錄七

二十

士第佐鳳翔軍帥嘗集射設的高數十尺令日中者酬錦與金一軍莫能中公達執弓矢揖曰請爲公歡射三發連中衆大呼笑帥不喜自免去復佐河陽軍以國子助教卒

薛萃河中寶鼎人七世祖道實隋禮部尚書父順奉天尉楊國忠將引之輒謝絕萃以吏最拜長安令歷虢州刺史憲宗時奏最擢湖南觀察使徙浙東以治行遷浙西加御史大夫累封河東郡公所居守法度務在安人治身敝薄衣綠袍更十年至緋衣乃易居三鎮不聽聲樂所得祿卽分散親屬故人而無餘藏除左散騎常侍年七十致仕居四年卒贈工部尚書諡曰宣萃長於詩兄芳有器幹萊與萃其母代宗從母也以外戚奉朝請皆贊善大夫萃子膺薛戎字元夫河中寶鼎人客毗陵陽羨山年四十餘不仕江

西觀察使李衡辟幕府三反乃肯應故宰相齊映代衡奏留之府罷復歸陽羨福建觀察使柳冕辟佐其府冕欲除泉州別駕馬總以附宦倖使戎攝刺史按置其舉戎曰以是待我耶我始不願仕正謂此爾不肯從還白其狀冕怒據案引戎入戎終不爲屈遂自放江湖間藩府交奏稍遷河南令吐突承璀討鎮州惟戎境內不治道不迂留府卒犯令者縛置獄留守遣將略出之不與累遷浙東觀察使弛酒槓禁卒官年七十五贈左散騎常侍戎爲吏不尙約束絕名譽其有善歸之所部故居官時無灼灼可驚者已罷則懷之悉俸贖賻濟內外親既病以所有分遺之衆皆哭而去

山西通志卷一百二十二 鄉賢錄七

二十一

薛謩河中臨晉人祖繪縣州刺史有治績封龍門侯父承矩仕至大理丞謩宏深莊重幹敏絕人由崇文生調主簿補河清尉薦授御史大夫裏行充京兆水運使嘗通吏治而習邊事具舟楫募勇壯且便弓矢者爲榜夫千餘人制如舟師每發粟沂河北上涉戎落以饋緣邊諸軍必克期至一歲中省費萬計入爲殿中內史檢校戶部員外郎未幾出爲淮南軍司馬轉駕部郎中李吉甫鎮淮南器之奏擢泗州刺史加御史中丞俄遷福建都團練觀察使因俗爲治五州民咸悅元和十年卒年六十七贈右散騎常侍

胡証字啟中河中河東人舉進士第渾瑊美其才奏寘幕下由殿中侍御史爲韶州刺史以母老辭爲太子舍人更爲襄陽于頔掌書記入爲戶部郎中詔兼御史中丞爲魏博田宏正副使入遷諫議大夫元和九年以儒而勇選拜振武軍節度使道河中時趙宗儒爲帥以州民入謁里人榮之居四年



召任金吾大將軍又充京西北巡邊使太和公主降回鶻以檢校工部尚書為和親使請儉受省費以絕私親禮習官之濫次漠南回鶻欲屈脇之且言使者必易服又欲主便道疾驅証固不從以唐官儀自將訖不辱命還拜工部侍郎改京兆尹左散騎常侍寶曆初以戶部尚書判度支固辭拜嶺南節度使卒年七十一贈尚書右僕射証膂力絕人晉公裴度未顯時羸服私飲為武士所窘証聞突入坐客上引觥三酌取鐵燈檠摘枝葉揉合其跗橫膝上曰我欲為酒令飲不酌者以此擊之衆唯唯証一飲輒數升次授客客不能盡証欲擊之諸惡少叩頭請去証悉驅出故時人稱其俠以上蒲州府苗晉卿字元輔潞州壺關人世以儒素稱擢進士第調修武尉累進吏部郎中中書舍人知吏部選舉事選人多訴索晉卿

山西通志卷一百二十二 鄉賢錄七

三

終日無愠顏久之進侍郎天寶二年坐張奭貶安康太守明年徙魏郡充河北採訪使居三年政化大行嘗入計謁歸壺關望縣門輒步吏諫止晉卿以公門當下况父母邦乎郡太守迎犒使所屬令行酒酒至必立飲白醪侍老有獻降西階拜而飲時美其恭改河東郡兼河東採訪使徙扶風郡封高平縣男遷工部尚書東都留守召為憲部兼左丞天寶末楊國忠忌其有望奏東道賊衝非大臣不可鎮過授陝郡太守陝虢防禦使以老辭聽致仕車駕入蜀間道走金州肅宗召赴行在拜左相封韓國公食五百戶改侍中既而罷為太子太傅尋復拜侍中詔攝冢宰固讓曰稽祖宗故事無冢宰之文不聽後數日復詔攝冢宰固辭乃免乞閒日入政事堂代宗優之聽入閣不趨為御小延英召對宰相對小延英自晉

卿始吐蕃入以病臥家賊輿致脇之嚙不肯語賊不敢害上還拜太保罷政事永泰初卒年八十一贈太師京兆少尹護喪諡曰懿獻改諡文貞晉卿寬厚所至以惠化稱魏人為營生祠立石頌美再秉政出入七年小心謹畏不甚斥是非得失而練達事體百官簿最一省無遺議者比漢胡廣嘗自為父碑文有鵲巢碑上賊入上黨焚蕩略盡而苗氏松檟獨無傷大曆七年配享肅宗廟廷十子發丕堅繁垂向呂稷望成繁德宗時官至郎中陸贄欲進繁官上不許曰晉卿往攝政有不臣言繁等宜與外官贊奏晉卿起文儒致位台輔謙柔敦厚為三朝所推安肯為族滅計雖甚狂險猶不為之况老臣乎上然之而繁官終不顯蒲安宋之悌汾州人學士令文子也長八尺開元中歷劍南節度使太原尹嘗流朱高會繼陷驩州授總管擊之募壯士八人被重甲大呼薄賊曰獠動即死賊七百人皆伏不能興遂平賊弟之遂為連州參軍

山西通志卷一百二十二 鄉賢錄七

三

梁思字恭汾州平遙人思幼好儒術重交遊值朝廷用師奮身從戎累功加上柱國大曆十二年卒年八十七以上汾州府張伍澤潞將也守臨洛田悅攻之乘城固守累月糧且盡救不至伍悉召將立軍門命女出徧拜曰諸君戰良苦吾無貲為賞願以是女賣直為衆士一日費士皆哭曰請死戰會馬燧擊悅城下敗之伍乘勝出戰無不一當百以功遷泗州刺史居州十年擢右金吾衛大將軍未拜卒贈尚書右僕射趙景澤州人累官工部尚書有幹略致政歸田述世系以明宗廣建置以處族歷五代紛爭卒免其禍人服其先見以上澤州



府

李尚隱其先出趙郡世居銅鞮年二十舉明經再調下却主簿刺史姚珙器之神龍中左臺中丞侯令德為關內黜陟使尚隱佐之以最擢左臺監察御史顯劾崔湜鄭愔罪皆斥去睢州刺史馮昭泰性鷙刻嘗誣繫桐廬令李師旦二百餘家御史皆稱病不敢往覆驗尚隱曰善良方蒙枉不為申明可乎因請行果推雪其冤湜情復當路出為伊闕令湜等誅元宗知尚隱方嚴由定州司馬擢吏部員外郎封高邑縣男未幾進御史中丞窮治御史王旭具得姦賊遂抵罪進兵部侍郎俄出為蒲州刺史浮屠懷照妖妄効流播州再遷河南尹尚隱性剛亮論議皆披心示誠處事分明御下不苟察尤詳練故實前後制令誦記略無遺坐小法左遷桂州都督上遭

山西通志卷一百二十二 鄉賢錄七

使勞曰知卿忠公然國法須爾因賜雜絲百匹遣之遷廣州都督五府經略使及遣人哀金以贈尚隱曰吾自性分不可易非畏人知也代王邱為御史大夫按司農卿陳思問賊累鉅萬思問流死改太子詹事不旬進戶部尚書前後更揚益二州長史東都留守爵高邑伯開元二十八年以太子賓客卒年七十五謚曰貞尚隱三人御史府輒繩惡吏素議歸重仕官未嘗以過謫惟劾詆幸臣及坐小法左遷復見用以循吏終始云

左果毅元晃左羽林大將軍元曜驃騎大將軍左羽林大將知軍事上柱國雁門郡王

茹汝升代州人為僕射嘗承命治代郡民獲安業後里人慕其德立廟祀之以上代州

柳澤蒲州解人岐州刺史亨曾孫也耿介少言笑風度方嚴景雲中為右率府鎧曹參軍詣闕上疏極諫言太平公主與胡僧慧範謀陛下又言尚醫奉御彭君慶以巫覡小伎超授三品奈何輕用名器加非其人不報澤入調會有詔選者得言事又上書極言宜懲孝和寵任之失唐宗善之拜監察御史開元中轉殿中侍御史監嶺南選時市舶使周慶立造奇器以進澤上書曰不見可欲使心不亂是知見可欲而心必亂矣慶立雕製詭物造作奇器用浮巧為珍玩以譎怪為異

山西通志卷一百二十二 鄉賢錄七

寶乃治國之巨蠹明主所宜嚴罰者也昔露臺無費明君不忍象箸非大忠臣憤歎慶立求媚聖意搖蕩上心陛下信而使之乎是宜滔於天下慶立矯而為之乎是禁典之所無赦陛下新即位固宜昭宣菲薄廣示節儉豈可以怪好示四方哉元宗稱善恩遷太子右庶子為鄭州刺史未行卒贈兵部侍郎

張守珪陝州河北人姿幹瓌壯慷慨尚節義善騎射以平樂府別駕從郭虔瓘守北庭突厥侵輪臺遣往援中道逢賊苦戰斬首千餘級禽頡斤一人開元初寇復攻北庭守珪從僕道奏事京師因上書言利害請出蒲昌輪臺夾擊賊再遷幽州良杜府果毅時虜齊卿為刺史引與共榻坐曰不十年子當節度是州為國重將願以子孫託稍遷建康軍使王君奭



死詔為瓜州刺史墨離軍使督餘眾完故城版築方立寇奄至眾失色守珪曰創夷之餘詎可矢石相角須權以勝之遂置酒城上會諸將作樂寇疑有備不敢攻引去守珪縱兵擊敗之乃修復位署招流穴使復業瓜州升都督府即詔守珪為都督州地沙瘠常積雪水溉田時渠塌為寇毀材木無所出守珪密禱神一夕水暴至大木數千章塞流下因取修堰防耕者如舊州人神之刻石紀事遷鄯州刺史隴右節度使徙幽州長史河北節度副大使俄加採訪處置等使每戰輒勝契丹奚大敗上喜詔告九廟契丹酋屈刺及突于懼遣使詐降守珪得其情遣右衛騎曹王悔詣部計事屈刺無降意將殺悔契丹別帥李過折與突于爭權悔因間誘之夜斬屈刺及突于盡滅其黨以眾降守珪次紫蒙川大閱軍實賞將士二十三年入見命誦燕為守珪飲賦詩寵之加拜輔國大將軍右羽林大將軍賜金綵授二子官詔立碑紀功久之復討契丹餘黨於捺祿山虜獲不啻會神將趙堪白真陀羅等疆使平盧軍使烏知義度湟水邀奚矯詔脅之知義敗還事頗泄謁者牛仙童按實厚賂之仙童敗事連守珪以功貶括州刺史卒子獻誠安史之亂授僞署守汀州東都平以州降拜汀州刺史封南陽郡公改寶應軍左廂兵馬使更封鄧國公來朝禮賜尤渥擢山南西道節度使大歷三年以疾歸舉其弟獻恭自代以檢校戶部尚書知省事辭位卒獻誠喜功名為政寬裕有機略隨方制變而簡廉不逮於父

張獻恭守珪從子數有軍功以右羽林軍代獻誠為劍南東川節度使大歷末破吐蕃於岷州久之拜東都留守累遷檢

山西通志卷一百二十一 鄉賢錄七 天

校吏部尚書德宗欲徙盧杞為饒州刺史給事中袁高上還詔書獻恭見上曰高所奏宜聽上不答復前曰高乃陛下良臣當優異之遂不徙杞世稱其不撓子照積閱亦至夏州節度使元和八年振武軍逐節度使詔以本軍進討許以便宜賜緡三萬為軍資河東王鐔遣兵五千為援煦入捕亂卒蘇國珍等數百人誅之卒贈太子太保

張獻甫守珪從子以軍功試光祿卿殿中監從河中節度使賈耽討梁崇義有勞又從渾瑊討朱泚戰多累遷金吾將軍檢校工部尚書領禁兵成咸陽累年兵農悅安貞元四年領邠甯節度使斷山浚塹選巖要地築烽堡請復鹽州及洪門洛原鎮屯兵詔可遣兵馬使魏荒逐吐蕃築鹽夏二城虜眾畏不敢入寇十二年加檢校尚書左僕射卒贈司空

柳渾字夷曠一字惟深本名載解縣人梁僕射懷六世孫僑襄州早孤方十餘歲有巫曰兒相天且賤為浮屠可緩死渾曰去聖教為異術不若速死學愈篤與游者皆有名士天寶初擢進士第調單父尉累除衢州司馬棄官隱武甯山召拜監察御史放曠不樂檢局求外職宰相惜其才留為左補闕大歷初江西魏少游表判官遷團練副使俄為袁州刺史崔祐甫輔政薦為諫議大夫浙江東西黜陟使入為尚書右丞朱泚亂渾匿終南山賊以宰相召執其子榜笞之搜索所在渾羸服步至奉天改右散騎常侍賊平更今名貞元元年遷兵部侍郎封宜城縣伯關播用李元平守汝州渾曰是夫街玉而賈石者也往必見擒何賊之擾既而果為李希烈縛三年同中書門下平章事仍判門下省上嘗親擇吏宰畿邑政

山西通志卷一百二十二 鄉賢錄七 毛



有狀宰相皆賀渾獨不賀曰此特京兆尹職耳陛下當擇臣輩以輔聖德臣當選京兆尹承大化尹當求令長代尹擇令非所宜上然之玉工作帶誤毀一鈔私市它玉足之論死渾曰於法誤傷乘輿器服罪當杖請論如律由是工不死渾瑊與吐蕃會平涼上語大臣以和戎息師之便渾跪白曰夷狄易以兵制難以信結臣竊愛之李晟繼言曰蕃戎多不情誠如渾言上變色曰渾儒生未達邊事大臣亦當爾邪皆頓首謝夜半邪甯飛奏吐蕃劫盟上即以其表示渾明日慰之曰卿儒士乃知軍戎萬里情乎益禮異之宰相張延賞遣親厚謂曰明公舊德第慎言於朝則位可久渾曰為吾謝張公渾頭可斷舌不可禁卒為所擠以右散騎常侍罷政事渾警辯好談謔清儉不營產利免後數日置酒召故人出游酣肆乃

山西通志卷一百二十二 鄉賢錄七

天

還時李勉虛翰皆以舊相闔門奉朝請款曰吾等視柳宜城真拘俗之人哉五年卒年七十五諡曰貞

柳子華解人公綽諸父也始辟嚴武劔南府累遷池州刺史代宗命華華清宮以子華為昭應令檢校金部郎中修宮使設棘園於市徇邑中曰得華清宮瓦石材用投園中踰三日不還者死不終日已山積矣營辦略足宰相元載奴主別墅自稱郎將怙勢縱暴租賦未嘗入官子華因奴入謁收付獄劾發宿罪杖殺之一邑震服預知其終自為墓銘子公器公度公度善攝生年八十餘有強力嘗云吾初無術但未嘗以氣海暖冷物熟生物不以元氣佐喜怒耳位光祿少卿公器主遵遵生環

民河中解人六世祖敏後周太子太保父渾尚和政公主

官太僕卿晟年十二父喪以孝聞代宗養宮中使受學於吳大權并子通元率十日輒上所學既長拜檢校太常卿德宗初親信用事從至奉天自請說賊黨上壯其志得遣泚將郭常張光晟皆晟雅故晟出密詔陳福逆順常奉詔謀泚泚捕繫之晟夜半坎垣毀械而亡斷髮為浮屠間歸奉天上為流涕乘輿還擢元王府長史吳通元得罪晟理其辜弟止之不聽凡三上書上意解通元得減死晟累遷將作少監封河東縣子授山南西道節度使府兵討劉闢還復詔戍梓州軍謀變晟聞疾驅入勞士卒曰若知劉闢得罪而誅之奈何復欲使後人誅若等耶士皆免胄拜入為將作監使回鶻奉册立可汗逆折之諸貴人愕然駭皆跪伏成禮還為左金吾衛大將軍晉爵公卒年六十九詔從官臨弔贈太子少保晟敏

山西通志卷一百二十二 鄉賢錄七

天

於辭下士樂施嘗貢獻不如詔憲宗以其賢置弗暴云曲環陝州安邑人客隴右少喜兵法資勇敢善騎射天寶中從哥舒翰討吐蕃拔石堡取黃河九曲洪濟等城授果毅別將從魯臯守鄧州與賊武令珣戰尤力加左清道率從李抱玉屯河陽又自將兵守澤州破賊銳將安曉拜羽林將軍與諸將平河北累轉金吾大將軍大厯中戍隴州數破吐蕃以功兼太常卿德宗初以邪隴兵五千馳救劔南收七盤城威武軍維茂等州吐蕃破走威名大振加太子賓客賜名馬預討涇州劉文喜遷開府儀同三司封晉昌郡王邪隴兵馬使救徐州敗李納眾功最建中三年擢邪隴行營節度使守甯陵戰陳州斬李希烈眾三萬五千級擒其將羅崇暉進檢校工部尚書兼陳州刺史希烈平改陳許節度賜封三百戶勳



身節用寬賦斂簡條教不三歲歸者緇係訓農治兵穀食豐  
衍轉檢校尙書左僕射貞元十五年卒年七十四贈司空  
湯城字亢宗陝州夏縣人世爲官族資好學貧不能得書求  
爲集賢院吏竊院書讀之晝夜不出戶六年無所不通及進  
士第乃去隱中條山與弟階城常易衣出年長不肯娶謂弟  
曰吾與若孤惻相育既娶則間外姓雖共處而益疏我不忍  
弟義之亦不娶遂終身城謙恭簡素遇人長幼如一遠近慕  
其行來學者跡接閭里爭訟不詣官而詣城寡妹不城居其  
子四十餘癡不知人城常負以出入始妹之夫客死城與弟  
行千里負其柩歸葬歲飢屏跡不過鄰里屑榆爲粥講論不  
輟山東節度府聞城義遺五百緡城固辭使者委而去城置  
之未嘗發會里人鄭倣欲葬親貸於人無得城舉緡與之陝

山西通志卷一百二十二 鄉賢錄七

三十

魏觀察使李泌數禮餉城受之泌欲辟致不起乃薦諸朝詔  
以著作佐郎召拜賜緡魚泌使參軍事韓傑奉詔至其家城  
封還詔自稱病憊泌不敢強及爲宰相又言之德宗召拜右  
諫議大夫遣長安尉楊甯資束帛詣其家城褐衣到闕下辭  
讓上遣中人持緡衣衣之召見賜帛五十匹初城未起搢紳  
想見風采既處諫議官士以爲且死職天下益憚之及受命  
他諫官論事苛細而城未肯言韓愈作爭臣論譏之城不屑  
方與二弟延客日夜飲客欲諫止城揣知其情強飲客辭  
卽自引滿不得已酬酢或醉仆席上城先醉臥客懷中不能  
聽客語常以木枕布衾質錢人重其質爭售之每約二弟吾  
所俸入而可度月食米幾何薪菜鹽幾錢先具之餘送酒家  
無留也服用無贏副客或稱其佳輒喜舉授之居位八年人

不能窺及裴延齡誣逐陸贄張滂李克等無敢言城問曰吾  
諫官不可令無罪大臣被殺乃約拾遺王仲舒守延英閣上  
疏極論延齡罪慷慨引誼申直贄等累日不止聞者寒懼城  
愈厲詔宰相抵城罪順宗時開救良久得免勅諭遣然上欲  
遂相延齡城顯語曰延齡爲相吾當取白麻壞之哭於庭上  
不相延齡城力也坐是下遷國子司業引諸生告之曰凡學  
者所以學爲忠與孝也諸生有久不省親者乎明日謁城還  
養者二十輩有三年不歸侍者斥之簡孝秀德行升堂上沈  
酣不率教者皆罷躬講經籍生徒斤斤皆有法度薛約狂直  
言事謫連州吏捕迹得之城家城坐吏於門引約飲食訖步  
至都外與別坐出爲道州刺史太學諸生何蕃李愷王魯卿  
李謙等二百人頓首闕下請留城柳宗元遺書褒勵之蕃等

山西通志卷一百二十二 鄉賢錄七

三十一

守闕下數日爲吏遮抑不得上旣行皆泣涕立石紀德至道  
州治民如治家宜罰罰之宜賞賞之不以簿書介意月俸取  
足收其餘日炊米二斛魚一大罾置鴈杓道上人共食之州  
貢侏儒城哀其生離無所進詔求之奏曰州民盡短若以貢  
不知何者可貢自是罷州人感之以陽名子吏有幸於前刺  
史者拾不法事告城欲脫連染罪城輒撈殺之賦稅不時觀  
察使數詣責州當上考功第城自署曰撫字心勞催科政拙  
考下下觀察府遣判官督賦至州怪城不迎吏曰刺史以爲  
有罪自囚於獄判官驚馳入謁曰使君何罪我奉命來候安  
否耳留數日城不敢歸仆門闔寢館外以待命判官遽辭去  
府復遣官來按舉義之不欲行乃載妻子中道逃去順宗立  
召還而城已卒年七十贈左散騎常侍賜其家錢二十萬官



護喪而歸舊志城傳書定州北平人北平乃漢魏後無終屬氏望猶之邳邳王氏范陽盧氏也城故里以夏陽

中條山  
柳宗元字子厚河東人父鎮天寶末奉母隱王屋山常間行

求養後徙吳 嘗言事擢左衛率府兵曹參軍佐郭子儀朔

方府三遷殿中侍御史觸竇參貶夔州司馬還終侍御史宗

元少精敏絕倫為文章卓偉精緻一時輩行推仰第進士博

學宏詞科授校書郎調藍田尉貞元十九年為監察御史裏

行王叔文章執道奇其才及得政引內禁近與計事擢禮部

員外郎俄貶邵州刺史又貶永州司馬自放山澤間墮厄感

鬱一寓諸文傲離騷數十篇讀者咸悲惻嘗貽書蕭俛許孟

容眾畏其才高懲刈復進無用力者元和十年徙柳州刺史

時劉禹錫得播州宗元曰播非人所居而禹錫親在堂吾不

忍其窮無辭以白其大人即具奏欲以柳州授禹錫而自往

播禹錫終改連州柳人以男女貧者不遺其也為奴婢宗元設方計悉贖歸之尤貧者令書庸視直足相當

還其質已沒者出已錢助贖南方為進士者走數千里從游

經指授為文辭皆有法世號柳柳州十四年卒年四十七宗

元少時謂功業可就既坐廢遂不振而文思日益深如封建

論示柳游山水記雖史記無以過故韓愈許其文曰雄深雅

健似司馬子長崔蔡不足多也既沒柳人懷之託言降於州

之堂人有慢者輒死立廟羅池愈復撰碑云以上

裴子餘絳州稷山人甯州刺史守真子也事繼母孝中明經

補鄆尉同舍李朝隱程行誥以文法稱而子餘以儒顯景龍

中為左臺監察御史司農卿趙履溫奏籍番戶為奴婢子餘

曰官戶以恩原為番戶且今又子孫可抑為賤乎履溫倚宗

楚客子餘執對不撓遂誅其議開元初累遷冀州刺史為政

惠裕人稱有恩入為岐王府長史卒諡曰孝時程行誥諡貞

中書令張說歎曰二諡可無愧矣子餘居官清家閤友愛兄

弟六人皆有志行云

裴耀卿字煥之子餘弟數歲能屬文擢童子舉稍遷祕書省

正字相王府典籤更直備顧問府中號學直王即位授國子

主簿累遷長安令舊有配戶和市法耀卿資豪門坐賈預給

以直絕傲欺之弊及去人思之為濟州刺史濟地廣而戶寡

會東巡置三梁十驛科斂均省為東州知頓最上次宋州宴

從官歡甚謂張說曰濟州刺史裴耀卿上書數百言至曰人

或重擾即不足以告成朕置書座右以自戒此其愛人也俄

徙宣州前此大水河防壞躬護作役未訖詔徙官懼功不成

不即宣而撫巡飭厲愈急隄成發詔去齊人為立碑頌德歷

冀州入拜戶部侍郎開元二十年副信安王禕討契丹又持

帛二十萬賜立功奚官耀卿曰幣涉寇境不可以不備令先

與期而分道賜之一日畢突厥室韋果邀險來襲耀卿已還

遷京兆尹明年秋雨害稼上將幸東都召問所以救人者耀

卿請置倉河口以納東租然後官自顧載分入河洛度三門

東西各築廩倉自東至者東倉受之三門迫險則傍河鑿山

以開車道運十數里西倉受之度宜徐運抵太原倉趨河入

渭更無留阻可減費鉅萬上然其計拜黃門侍郎同中書門

下平章事充轉運使乃置河陰集津三門倉引天下租由盟

津汴河而西三年積七百萬石省運費三十萬緡或請以緡

山西通志卷一百二十二 鄉賢錄七

山西通志卷一百二十二 鄉賢錄七



錢納於上答曰是謂以國財求龍其可乎救吏為和市費遞侍中二十四年以尚書左丞相罷封趙城侯天寶初進尚書左僕射俄改右僕射而李林甫代之上曰耀卿常服以贊者主事導唱林甫默然慚居一歲卒年六十三贈太子太傅諡曰文獻子綜吏部郎中

裴佖字宏正綜子幼能文第進士補校書郎判等高授藍田尉詔城奉天嚴郢為京兆政刻急本曹尉韋重規妻乳佖請代役要如程時稱其義上幸梁佖奔見行在授補闕建議討李懷光上深器之盧杞起饒州刺史與諫官執不可遷遷諫議大夫寮逐黔中觀察使韋士文詔佖代之部夷安服歷同州刺史中書舍人遷尚書右丞時李異以兵部尚書領鹽鐵將遷使局就本曹經構已半佖至以為不可異乃撤之時重

山西通志卷一百二十二 鄉賢錄七

其有守改吏部侍郎為國子祭酒工部尚書卒贈吏部尚書諡曰貞佖清勁明銳所友皆第一流尤善鄭餘慶既歿餘慶為行服士林美之

裴行立守真裔孫重然諸舉動有法母亡泣血幾毀以軍勞累授沁州刺史遷衛尉少卿口陳願治民除河東令寬猛時當由漸州刺史遷安南經略使瓊王國叛人李樂山來乞兵不受命部將杜英策討斬之歸其孥蠻人悅服英策及范廷芝皆谿洞豪也行立陰把其罪貸之許自効故能得英策死力廷芝嘗休沐久不還行立約曰異時復然爾且死後踰期符殺之於是威聲風行徙桂管觀察使黃家洞賊叛討平之俄為安南都護召還道卒年四十七贈右散騎常侍

裴光廷字連城聞喜縣公行儉子也早孤母庠狄氏有婦德

武后召入宮為御正光廷由是累遷太常丞坐武三思壻貶鄆州司馬開元中擢兵部郎中鴻臚少卿以職業稱元宗有事岱宗中書令張說恐塞外乘間竊發召光廷謀守邊對曰封禪所以告成功今將告成而懼戎狄非昭德也甚於名實罪矣夫諸蕃突厥為大近願修和好若遣一使召其大臣使

亦行在必欣然應命諸蕃君長將相率而來我偃旗息鼓不復事矣說曰善吾所不及因奏用其策突厥果遣使來朝東封還選兵部侍郎久之拜中書侍郎同中書門下平章事兼御史大夫遷黃門侍郎拜侍中兼吏部尚書宏文館學士撰瑤山往則維城前軌二篇獻之手制褒美詔皇太子諸王謝規諷意光廷又引文學士直宏文館撰續春秋經傳自戰國訖隋表請上修經光廷等作傳未就時有建言唐為金德者

山西通志卷一百二十二 鄉賢錄七

百官普議光廷以符命表著不可改亟奏罷之二十年封正平縣男初知星者言大臣不利使禳之光廷曰使禳可禳而去則福可祝而來也論者以為知命卒年五十八贈太師初吏部不限資考獎拔惟其才往往得俊又任之士亦自奮後士人專務趨競銓品枉撓光廷懲之因行儉長名榜為循資格無賢不肖一據資考配擬又促選限盡正月及卒蕭嵩奏罷之博士孫琬以其用循資格非獎勵之誼諡曰克平特賜諡曰忠憲詔中書令張九齡文其碑

裴稹光廷子以蔭累遷起居郎開元末壽王瑁將立為儲貳陳申生戾園禍以諫上改容謝之授給事中稹辭上善其讓止不拜俄授祠部員外郎卒

裴倚字容卿稹子起家太常主簿歷信州刺史勸民墾田二



萬畝以治行賜金紫服轉饒州刺史入為度支郎中卒諡曰節著文集十卷溢城集五卷

裴均字君齊情子以明經為諸暨尉數從使府辟硤硤以才顯張建封鎮濠壽表團練判官建封扞李希烈以參贊勞加

上柱國襲正平縣男累遷膳部郎中權荆南節度行軍司馬就拜節度使劉闢叛先騷黔巫均發精甲三千逆擊之賊望

風卻加檢校吏部尚書元和三年為尚書右僕射判度支儼檢校左僕射同中書門下平章事為山南東道節度使累封

郁國公任將相凡十餘年卒年六十二贈司空裴淮倉部郎中揆之子也侍父疾十餘年不肯仕揆之沒始

擢明經調陳留主簿遷監察御史崔湜鄭愔坐奸賊詔淮按訊執正其罪天下稱之累進中書舍人睿宗造金仙玉真二

觀早甚役不止淮上疏諫不報遷兵部侍郎以銓總勞特授一子官開元五年為吏部侍郎甄拔士為多拜御史大夫淮

善張說說數薦之而雅長於敷奏上亦自重焉擢吏部尚書改太子賓客卒贈禮部尚書諡曰懿

裴遵慶字少良聞喜人幼強學該綜圖傳外晦內明不干當世年既長始蔭為典甯陵丞調大理丞邊將蕭克濟督役苛

暴役者有酬言有司以不軌論遵慶全救數十族頻擢吏部員外郎判南曹天寶時選者歲萬計遵慶性強敏視簿牒詳

而不苛世稱吏事第一肅宗時為吏部侍郎蕭華屢薦之拜黃門侍郎同中書門下平章事代宗初以遵慶忠厚大臣奉

詔宣慰僕固懷恩懷恩將入朝既而范志誠沮之遵慶脫身赴行在遷太子少傅罷為集賢院侍制改吏部尚書以尚書

右僕射復知選事朝廷優其老聽第注官時以為榮大歷十年卒年九十餘遵慶性淳正老而彌謹每薦賢有來謝者以為恥諫而見從即內益畏雖親近但記其削藁疏數而莫知所言嘗著王政記識者知其有公輔器云子寅向寅御史大夫寅子樞別有傳

裴向字素仁遵慶子以蔭得調建中初署同州判官李懷光使趙貴先築壘於同州刺史李紆奔奉天向領州務貴先

更督役不及期將斬以徇民皆駭散向獨詣壘開諭之貴先乃降同州不陷向力也累為櫟陽渭南令奏課皆第一擢戶

部員外郎選為太原少尹行軍司馬歷陝虢觀察使以吏部尚書致仕向能以學行持門戶內外親屬百餘口祿俸必均世稱其孝陸卒年八十贈太子少保

裴寬聞喜人性通敏工騎射通書記景雲中為潤州參軍事刺史韋詵有女擇所宜歸會人以鹿餉寬寬瘞之詵嗟異引

為按察判官妻以女尋舉拔萃為河南丞遷長安尉累進兵部侍郎宰相裴耀卿領江淮運奏為戶部侍郎自副遷吏部

出為蒲州刺史州久旱入境輒雨徙河南尹不屈附權貴河南大治由金吾大將軍授太原尹上賦詩褒饒天寶初由陳

留太守拜范陽節度使北平軍使烏承恩數冒賄寬以法繩治檀州刺史何僧獻生口數十悉歸之夷夏感附三載用安

為戶部尚書兼御史大夫裴敦復平海賊還廣張功簿寬密白其妄會河北部將盛譽寬政上嗟賞賚倚加厚李林甫恐

其遂相又惡寬善李適之乃漏寬語以激敦復敦復以金五百兩賂貴妃姊搆寬請屬事貶贈陽太守復坐章堅親貶安



陸別駕巧為浮屠不許稍遷東海太守徙馮翊入為禮部尚書卒年七十五贈太子太傅寬兄弟八人皆擢明經任臺省州刺史雅性友愛於東都泊第八院相對甥姪亦有名稱常擊鼓會飯其為政務清簡所蒞人愛之世皆冀其得宰相天寶間稱舊德以寬為首

裴諤字士明寬子擢明經調河南參軍事累遷京兆倉曹參軍號王巨表署襄鄧營田判官母喪居東都史思明故為寬將及入洛迹獲之呼為郎君賊殘宗室謂陰緩之全活數百人又嘗疏賊虛實於朝事泄屢免賊平除太子中允遷考功郎中數奏事代宗幸陝徒步挾考功南曹印赴行在上曰疾風知勁草果可信將用為御史中丞為元載沮卻拜河東租庸鹽鐵使入計拜左司郎中數訪政事載忌之出為虔州刺史

山西通志卷一百二十二 鄉賢錄七

裴

史歷饒廬三州除右金吾將軍德宗將虜陵惠禁屠殺尚父郭子儀家奴宰羊謂列奏上謂不畏疆禦善之或曰尚父有社稷功豈不為庇乎諤笑曰非君所知尚父方貴盛上新即位必謂黨附者眾今發其細過以明不恃權耳吾上以盡事君之道下以安大臣不亦可乎諤惡法吏舞文或挾宿怨為重輕獄官箴以諷坐事貶閬州司馬俄召為太子右庶子進兵部侍郎至河南尹東都副留守凡五世為河南謂視事未嘗敢當正處以寬厚和易為泊不鞠人以賊卒年七十

五贈禮部尚書

裴胄字允叔寬弟子擢明經佐李抱玉鳳翔幕府謝歸更從宣欽觀察使陳少游抱玉劾貶桐廬尉時李栢筠觀察浙西

栢筠取為支使栢筠為御史大夫引胄殿中侍御史為元載所惡會栢筠卒胄護喪歸洛人危之胄屹然不沮備少游復表淮南觀察判官載誅始拜刑部員外郎遷宣州刺史楊炎為載復嘗會胄部人積胄雜俸為賊炎遣員寓莫劾貶汀州司馬稍遷京兆少尹以父名不拜換國子司業遷江西觀察使初李兼嘗罷南昌卒千餘人收資稟為月進胄白罷之樊澤徙襄州德宗雅記胄才遂拜荆南節度使待中使有節獻餉直不數金宴勞止三爵卒年七十五贈尚書右僕射諡曰成

山西通志卷一百二十二 鄉賢錄七

裴

裴肅聞喜人僑濟源貞元時為浙東觀察使劇賊栗鏞誘山越為亂陷州縣肅引州兵破擒之自記平賊一篇上之德宗嘉美子儁字次之舉軍謀宏遠科第一仕至江西觀察使休擢進士舉賢良方正第一別有傳儁字冠儀由進士及第第一官諫議大夫

裴休字公美童時兄弟肄業家塾晝講經夜著書終年不出戶有饋鹿者諸生共薦之休不食曰疏食猶不足今一啖肉後何以繼由進士賢良方正異等歷諸府辟署入為監察御史更內外任至大中時以兵部侍郎領諸道鹽鐵轉運使六年進同中書門下平章事言宰相論政上前知印者次為時政記所論非一詳已辭略它議事有所缺史氏莫得詳請宰相人自為記合付史官詔可進中書侍郎太和後歲漕江淮米四十萬斛至渭河倉者纔十三劉晏法盡廢休命在所令長兼董漕變能者譴忘者由江抵渭舊歲率顧糴二十八萬休悉歸諸吏救巡院不得輒侵牟者新法十條又立稅茶十



二法人以為便居三年粟至渭倉者百二十萬斛無留壅建  
言收居茶以邸閣直母擅賦商人又收山澤寶冶悉歸鹽鐵  
秉政五歲罷為宣武軍節度使封河東縣子久之由太子少  
保分司東都復起歷昭義河東鳳翔荆南四節度卒年七十  
四贈太尉休不為職察行所治吏下畏信能文章書楷道媚  
有體法為人醜藉進止雍閑宣宗嘗曰休真儒者尤通浮屠  
法

裴洎字宏中絳州聞喜人擢進士第以賢良方正對策第一  
補美原尉藩府交辟不就四遷考功員外郎元和初為翰林  
學士再遷中書舍人李吉甫始執政以情謂洎曰吾情不及  
知比日人物君精鑒為我言之洎即筆略疏三十人吉甫藉  
以薦於朝天下翕然稱得人吉甫罷拜中書侍郎同平章事

山西通志卷一百二十二 鄉賢錄七

加集賢大學士監修國史始承旨翰林小心慎默既當國  
請繩不軌課吏治分明淑慝吐突承璫承間欲有關說上憚  
洎誠使勿言在殿中常呼洎官而不名嶺南節度使楊於陵  
為監軍許遂振所誣詔授宥官洎曰以一中人罪藩臣法安  
在更授美官嚴綬守太原政一出監軍李輔光洎劾其懦以  
李廓代之王承宗擅襲節度吐突承璫欲撓洎權探上意自  
請往時澤潞盧從史詭獻征討計洎固爭以為從史內連承  
宗外請興師以圖身利且武俊有功於國陛下前以地授李  
師道而今欲奪承宗地賞罰不一沮勸廢矣上卒用承璫謀  
討承宗從史果反覆兵久暴無功既而從史部將王翊元奏  
事洎從容以語動之遂得其大將烏重允等要領乃為上陳  
從史悍傲往來神策軍不甚戒可因其機致之後無與圖之

勞上初矍然徐乃許之洎請祕其計俄而重允縛從史獻於  
朝洎奏承璫首謀無功人心不厭請流斥以謝天下乃罷所  
領兵先是天下賦法有三曰上供曰送使曰留州建中初釐  
定常賦而物重錢輕其後輕重相反民輸率一倍其初而所  
在以留州送使之入又降省估使就實估以自潤故賦益苛  
洎奏禁之一以省估準物觀察使得用所治州租調至不足  
乃取支郡以贖故送使之財悉為上供自是起淮江而南民  
少息矣洎氣局峻整持法度雖宿貴不敢干以私諫官言得  
失執政多忌惟洎獎勵使盡言洎為學士時引李絳崔羣同  
列及相又擢韋貫之裴度知制誥李夷簡御史中丞皆繼為  
輔相號名臣自他選任罔不精明故元和之治百度修舉稱  
朝無幸人焉五年暴風痺上遣問藥膳進退三月益痼乃罷

山西通志卷一百二十二 鄉賢錄七

為兵部尚書徙太子賓客卒贈太子太傅  
裴濟字莊時聞喜人少穎秀重意氣來嶺領襄陽表為參軍  
其後瓊自相位獲譴被誅門吏逃散濟與校書殷亮冒危保  
衛毀家以葬司徒李勉重其節辟為行軍司馬官至河南少  
尹卒  
裴復字茂紹諫議大夫虬子也十四上時兩詩代宗以為能  
將召入為翰林學士虬請免曰願使卒學由徐州書記三遷  
至侍御史歷刑部郎改河南少尹恭儉守職不營田宅卒無  
遺資以為葬  
裴寰聞喜人為下邳令宣徽院五坊小使每秋按鷹火於畿  
甸所至畏之如寇寰性方嚴嫉凶暴館舍之外一無曲奉小  
使搆寰憲宗怒令攝寰下獄以大不敬論裴度入延英奏事



極言之且曰實為令長愛惜陛下百姓如此豈可加罪上色  
霽乃釋之

裴坦字知進聞喜人隋營州都督世節裔父又福建觀察使  
坦及進士第沈傅師表置宣州觀察府召拜左拾遺史館修  
撰歷楚州刺史令狐綯薦為職方郎中知制誥而裴休持不  
能奪再進禮部侍郎拜江西觀察使華州刺史召為中書侍  
郎同中書門下平章事不數月卒坦性簡儉子娶楊收女齋  
具多飾金玉坦命撤去曰亂我家法世清其概

裴贊字敬臣坦從子也及進士第擢累右補闕御史中丞刑  
部尚書昭宗引拜中書侍郎兼本官同中書門下平章事尋  
兼戶部尚書幸鳳翔為大明宮留守罷俄進尚書左僕射以  
司空致仕朱全忠貶為青州司戶參軍殺之

山西通志卷一百二十二 鄉賢錄七

薛平字坦途河中龍門人仁貴孫昭義節度嵩子也年十二  
為磁州刺史父喪軍吏以故事脅知留務偽許之已而讓粵  
夕以喪歸累授右衛將軍宿衛三十年宰相杜黃裳擢為汝  
州刺史治有風績討蔡由左龍武大將軍授鄭滑節度使數  
戰有功始河溢瓠子東泛滑距城纔二里所平按求故道出  
黎陽西南因命裴宏泰往請魏博節度使田宏正宏正許之  
乃籍民田所當者易以它地疏道二十里以醴水旱還潘田  
七百頃於河南自是滑人無患入為左金吾衛大將軍尋復  
率鄭滑李師道平徙平盧軍節度使王庭湊圍牛元翼詔援  
棣州平遣將李叔佐率兵二千往救潰歸薄州堞城中兵寡  
平悉公帑家貲募銳卒二千迎戰以奇兵掩賊輜重賊狼顧  
遂敗降平引謀亂者二十人斬堂皇下脅從皆縱還威震一

方遷檢校尚書右僕射封魏國公在鎮六年兵鏖完備  
均一寶歷初入朝民障路願留數日得出拜檢校司空河中  
絳隰節度使復隸晉慈二州益兵三千進檢校司徒更封  
召拜太子太保以司徒致仕卒年八十贈太傅

薛從字順之平子以蔭授左清道率府兵曹參軍累遷汾州  
刺史隄文谷瀘河二水引溉公私田汾人利之徙濮州儲粟  
二萬斛以備凶災賑卹使趙傑表其才擢將作監終左領軍  
衛上將軍贈工部尚書

譚忠絳人祖琮天寶末令內黃殉城忠豪健喜兵范陽節度  
劉濟與二千人障白狼口後將漁陽軍留范陽元和五年伐  
趙魏博節度田季安欲先捍之忠時使魏人語季安曰是引  
天下之兵也不如悉甲壓境陰遣趙人書使遺魏一城魏得

山西通志卷一百二十二 鄉賢錄七

持之奏捷則霸基安矣季安曰善遂用其謀忠歸燕謀欲激  
燕伐趙會濟合諸將議忠疾對曰天子必不使我伐趙趙亦  
不備燕濟怒擊之使人視趙果不備燕後一日詔果來使無  
伐趙濟召問何以知之忠曰此路虛從史計以燕販忠也濟  
乃下令軍中曰五日畢出後者臨以徇遂屠趙饒陽東鹿十  
四年趙人獻城冬誅濟忠因說濟弟總曰凡天地數窮合必  
離離必合河北與天下相離六十年矣此亦數之窮也必與  
天下復合總泣且拜曰吾心定矣明年春總去范陽卒於趙  
忠護喪西數日亦卒忠官至御史大夫弟憲安次令

右唐開元至寶歷八十二年

山西通志卷一百二十二



鄉賢錄八 錄二之八 山西通志卷一百二十三

賜進士出身頭品級兵部侍郎兼都察院右副都御史巡撫山西提督軍務張爾蘇  
旨監修

唐太和至五代唐晉漢周附九國吳後蜀荆南

王仲舒字宏中并州祁人少客江南與梁肅楊憑游有文稱  
貞元中賢良方正高第拜左拾遺德宗欲相裴延齡與陽城  
交章言不可後人閣上顧宰相指曰是豈王仲舒邪俄改右  
補闕遷禮部考功員外郎奏議詳雅省中伏其能坐累為選  
州司戶參軍再徙荆南節度參謀元和初召為吏部員外郎  
尋知制誥楊憑斥無敢過其家仲舒履存之貶陝州刺史母  
服除為婺州刺史州疫旱幾空居五年里閭增完就加金紫  
服徙蘇州隄松江為路變屋瓦絕火災賦調與民期不擾自

山西通志卷一百二十三 鄉賢錄八

辦穆宗立每言仲舒文宜為誥有古風召為中書舍人視同  
列率新進少年居不樂曰豈可復治筆硯於其間哉宰相問  
之除江西觀察使罷酷錢九十萬吏坐失官息錢五十萬焚  
簿書脫械不問水旱民賦不入歎曰我當減宴樂他用可乎  
出錢二十萬代之有興浮屠祠屋者驅出境卒於官年六十  
二贈左散騎常侍諡曰成仲舒尚義槩所居急民廢置自為  
科條初若煩密久皆稱其便

王播字明敷太原人父恕為揚州倉曹參軍遂備家焉播貞  
元中與弟炎起皆有名並擢進士而播起舉賢良方正異等  
補盤屋尉以善治獄御史中丞李汝薦為監察御史歷侍御  
史母喪解還除駕部員外郎歷虢州刺史李異領鹽鐵奏為  
副權御史中丞歲終改京兆尹請禁軍屯列畿內者出入無

屬隄佩劾成家無馳獵近郊盜賊不能隱皆走出境憲宗  
以為能進刑部侍郎領諸道鹽鐵轉運使置格律坐罔商處  
重輕剖決如流吏不能窺其私時討淮西急饋餉引程昇自  
副昇尤通萬貨盈虛使馳傳江淮哀財用以給軍與兵得無  
乏上嘉其功超拜禮部尚書皇甫鎛忌播以昇代使播罷守  
本官久之檢校戶部尚書為劍南西川節度使長慶初召為  
刑部尚書復領鹽鐵進中書侍郎同中書門下平章事出為  
淮南節度使仍領使職不旬易印詔聽自隨浚七里港以便  
漕引後賴其利敬宗初拜檢校司空以王涯代使王守澄薦  
之復領使文宗初就進檢校司徒太和元年入朝拜左僕射  
復輔政累封太原郡公居位四年卒年七十二贈太尉諡曰  
敬播少孤貧自刻苦至成立居官以強濟稱天性勤吏職每

山西通志卷一百二十三 鄉賢錄八

視簿領紛積反用為樂署吏苟無大罪以歲勞增秩而已卒  
不易所職雅善占奏雖數十事未嘗書於笏焉

王起字舉之播弟也舉進士入賢良方正異等釋褐校書郎  
補藍田尉李吉甫辟淮南掌書記以殿中侍御史入兼集賢  
殿直學士元和末累遷中書舍人數諫敗游歲中考第一賜  
金紫拜河南尹進吏部侍郎播居宰相避選曹改兵部為集  
賢殿學士拜陝觀察使入拜尚書左丞以戶部尚書判度  
支奏營田靈武邠甯曠土以省餽輓歷河中節度使歲蝗旱  
下令家得儲粟三十斛斥其餘以市否者死神策士怙勢不  
從實於法由是廢積成出民賴以生召授兵部尚書以檢校  
尚書右僕射為山南東道節度使修復漢塘堰與民約為  
水令遂無凶年復以兵部尚書召判戶部文宗好古學當時



鄭覃以經術進起以敦博顯上數訪逮時政俄兼太常卿儀使上題詩太子笏以賜詔畫象便殿號當世仲尼其寵如此又使廣五位圖開成三年入翰林為侍講學士改太子少師上知其貧詔月益仙韶院錢三十萬武宗初為東都留守召為吏部尚書判太常卿上患選士不得才特命典貢舉進尚書左僕射封魏郡公凡四舉士皆知名者人伏其鑑擢山南西道節度使同中書門下平章事以夙儒兼宰相秩前世所罕入辭上勞曰宰相無內外公國者老朕有闕當以聞宴賜備厚宣宗初檢校司空請代不許卒年八十八贈太尉諡曰文懿命使者弔其家葬及祥如之起性友悌播喪哀戚加於人嗜學非寢食不輒廢書無不讀一經目不忘上嘗以疑事質起具勝子附使者上凡成十篇號曰寫宣他撰集亦多

山西通志卷一百二十三 鄉賢錄八

三

王炎起弟也元和中舉進士累歷官曹著有聲績終太常博士  
王龜字大年起子性高簡博知書傳無貴胄氣住永達里構半隱亭以自適侍父至河中廬中條山朔望一歸省州人號即君谷武宗雅知之以左拾遺召入謝自陳病詔許終喪召為右補闕再擢屯田員外郎稱疾去崔瓌觀察宣歙表為副入為祠部郎中史館修撰咸通中知制誥鐸為相改太常少卿同州刺史牙將白約素暴橫捕殺之人皆震慄徙浙東觀察使初式臨州有惠政人聞其至歡迎之卒贈工部尚書子羹力學有文辭以鐸當國不貢進士終右司員外郎  
王式龜弟以蔭為太子正字擢賢良方正科累遷殿中侍御

山西通志卷一百二十三 鄉賢錄八

四

史山為江陵少尹大中中為晉州刺史河曲民流徙它州不獨式勞卹之活數千人時特峨胡亦飢將入寇汾澮聞式啟備不敢道境報其種落曰當避晉州刺史以善最稱徙安而都護取一年賦市芍木豎周十二里浚壕線柵外植刺竹冠不可冒忠武戍卒號黃頭軍天下銳卒也交趾懼式威譁日黃頭軍將渡海襲我矣相率夜圍城請都護北歸我當抗黃頭軍式徐被甲引家僮乘城責讓矢旡交發叛者走翌日盡捕斬之初容管災歉不歲貢至式始上輪占城真臘慕義悉入獻甯國劇賊仇甫亂明越觀察使鄭祗德不能討宰相選式往代式發麾幟皆東靡獵獵有聲喜曰是謂得天時矣集土團諸兒為向導擒甫斬之加檢校右散騎常侍餘姚民徐澤專魚鹽利慈谿民陳城冒名仕至縣令皆豪縱式日甫竊發不足畏若澤城乃巨猾也窮治其奸皆撈死咸通三年檢校工部尚書徙武甯節度使詔許滑兵自隨視事三日悉以計誅銀力亂軍罷歸終左金吾大將軍  
王鐸字昭範太原人播弟子會昌初擢進士第累遷右補闕集賢殿直學士白敏中辟署西川幕府咸通後歷中書舍人禮部侍郎所取多才實士拜御史中丞以戶部侍郎判度支十二年由禮部尚書進同中書門下平章事加門下侍郎尚書左僕射超拜司徒章保衡始由鐸得進士時竊政權鐸持其事不得肆指紳賴焉鐸亦上疏所解出為宣武節度使僖宗初以左僕射召始鐸當國練制度智慮周密時論推允會河南盜起鄭畋數言其賢復拜門下侍郎平章事乾符六年出東都分司召拜太子少師從入蜀拜同德門下侍郎平章



事加侍中復以太子太保平章事時高駉數偃蹇每入對必  
噫鳴流涕固請行時中和二年也乃以檢校司徒中書令爲  
義成節度使諸道行營都統率衛兵泊梁蜀師三萬壁蓋屋  
移檄天下先是諸將雖環賊莫肯先及鐸檄至號令殷然士  
氣皆起爭欲殺賊故巢戰數感宦人田令孜策賊必破欲使  
功出己乃構鐸罷爲檢校司徒以義成節度還屯鐸功已就  
而讒見奪然卒因其勢困賊後數月復京師策勳居關東諸  
鎮第一四年徙義昌節度使過魏樂彥珍子從訓伏兵高雞  
泊劫之鐸及家屬吏佐三百餘人皆遇害弟錄累官汝州刺  
史

王璠字魯玉太原人元和初舉進士宏辭皆中遷累監察御  
史儀宇峻整著稱於時以起居舍人副鄭覃宣慰鎮州長慶

山西通志卷一百二十三 鄉賢錄八

五

未擢職方郎中知制誥李逢吉特厚之驟拜御史中丞久之  
出爲河南尹內廐小兒頗擾民殺其尤暴者遠近畏伏入爲  
尚書右丞再遷京兆尹修舉政事有名進左丞判太常卿事  
出爲浙西觀察使李訓薦之復召爲左丞拜戶部尚書判度  
支封祁縣男訓將誅宦人乃授河東節度使已而敗璠于還  
休直宏文館亦遇害

王正雅字光謙太原人山南節度翊子也行謹飭崔郛器之  
元和初擢進士遷累監察御史穆宗時爲萬年令威震豪強  
尹柳公綽言其能就賜緋魚累擢汝州刺史監軍怙權謝病  
去入爲大理卿爭宋申錫獄堅甚申錫得不死太和中卒贈  
左散騎常侍

王涯字廣津太原人父晃官温州刺史涯博學工屬文梁肅

異其才薦於陸贄擢進士又舉宏辭再調藍田尉久之以左  
拾遺爲翰林學士進起居舍人元和中以兵部員外郎知制  
誥再爲翰林學士累遷工部侍郎封清源縣男涯文有雅思  
訓誥溫麗多所稟定上以其孤進自樹立數訪逮以私居遠  
或召不時至詔假光宅里官第諸學士莫敢望俄拜中書侍  
郎同中書門下平章事罷再遷吏部侍郎穆宗初出爲劍南  
東川節度使長慶三年入爲御史大夫遷戶部尚書鹽鐵轉  
運使寶曆時復出爲山南西道節度使文宗初召拜太常卿  
以吏部尚書總鹽鐵歲中進尚書右僕射代郡公久之以本  
官同中書門下平章事李訓敗乃及禍涯質狀願頌長上短  
下動舉詳華性嗇儉不蓄妓妾惡卜祝及它方伎嘗條上衣  
服室宇制使略如古貴戚皆不便議遂格然年過七十嗜權

山西通志卷一百二十三 鄉賢錄八

六

固位不能潔去就以至覆宗子孟堅爲工部郎中集賢殿學  
士仲翔太常博士季挾校書郎皆遇禍後令狐楚言露齒不  
藏深可悼痛上惻然詔京兆尹薛元賞葬涯等十一人各賜  
襲衣仇士良使竊盜發其冢投骨渭水涯昭宗天復初大赦  
明涯訓之寃追復爵位官其後裔

溫造字簡與信子姿表瑰傑性嗜書隱王屋山壽州刺史張  
建封聞而招禮造欣然曰可人也往從之建封妻以兄子時  
詔擇縱橫士往說劉濟建封疆署節度參謀使幽州造與濟  
語未訖濟俯伏流涕曰願率先諸侯效死節造還詔馳驛入  
奏問造家世及年對曰臣五世祖大雅外五世祖李勣臣犬  
馬之齒三十有二上奇之將用爲諫官以語泄止復去隱東  
都烏重允奏置幕府長慶初以京兆司錄爲太原幽鎮宣諭



使賜緋衣至范陽劉總棄魏郊迎造為開示禍福總變然籍所部九州入朝還遷殿中侍御史田宏正遇害以起居舍入復宣慰鎮州行營出為朗州刺史開後鄉渠百里甃田二千頃民獲其利號右史渠召授侍御史知彈奏夏州節度使李祐拜大金吾遠詔進馬造正衙拜劾祐曰吾夜入蔡州擒吳元濟未嘗心動今日騰落於温御史遷左司郎中知御史雜事進中丞造性剛急人或忤己雖貴勢亦以氣出其上彈擊無所回畏威望隱然遷尚書左丞封祁縣子興元軍亂殺李絳眾謂造可夷其亂文宗亦以為能乃授檢校右散騎常侍山南西道節度使許以便宜從事上慮其勞費造曰臣計諸道戍蠻之兵方還願得密詔受約束用此足矣許之命神策將董重質河中將温德彝帥陽將劉士和從造而興元將衛

山西通志卷一百二十三 鄉賢錄八 七

志忠張丕李少直自蜀還造喻以意乃用八百人自從五百人為前軍既入前軍呵護諸門造欲大宴視聽事曰此隘狹不足饗士更徙牙門坐定將卒羅拜徐曰吾欲聞新軍去住意可悉前軍無得進勞問畢就坐酒行從兵合卒有覺者欲引去造傳言叱之乃不敢動即問軍中殺絳狀志忠丕夾階立拔劍傳呼曰悉殺之圍兵爭奮皆斬首凡八百餘人親殺絳者醜之號令者殊死取百級祭絳三十級祭死事官王景延等餘悉投之漢江監軍楊叔元擁造靴祈哀造以兵衛出之詔流康州以功加檢校禮部尚書賜萬緡賞其兵入為兵部侍郎出留守東都俄節度河陽奏復懷州古秦渠枋口堰以溉濟河內温武陟四縣田五千頃召為御史大夫方倚以相會疾不能朝改禮部尚書卒年七十贈尚書右僕射兄

逸弟遜遜累以拾遺補闕召不應遜為邑宰解印綬去温璋造子以蔭累官大理丞陰平吏盜官物而焚帝璋刺得其情擢侍御史賜緋衣遷婺州刺史以政有績賜金紫徙廣宋二州刺史宣州逐鄭薰以為宣州刺史事旋平就拜觀察使擢武甯節度使銀刀軍驍橫惟璋政嚴明相率逐璋徙邠甯節度歷京兆尹璋素彊幹鋤宿弊豪右惛服加檢校吏部尚書同昌公主薨繫醫親屬三百璋極諫貶振州司馬歎曰生不逢時死烏足惜仰藥死

山西通志卷一百二十三 鄉賢錄八 八

使吳士矩給軍糧用上供錢數十萬兼謨劾奏臨戎賞士州有定數而士矩與奪由己貽弊一方請付有司治罪士矩遂貶為蔡州別駕歷兵部侍郎河東節度使還為尚書左丞命為益王傅俄領天平節度使以秘書監歸洛陽遷東都留守卒

李景讓字後己文水人愷孫也性方毅有守實歷初遷右拾遺淮南節度使王播以錢十萬求領鹽鐵景讓詰延英亟論不可遂知名沈傳師觀察江西表以自副歷中書舍人禮部侍郎商華虢三州刺史拜右散騎常侍出為浙西觀察使景讓事母鄭孝謹雖老猶被箠殺已起欣欣如初故所蒞有聲家行修治閩門唯謹入為尚書左丞拜天平節度使徙山南東道封酒泉縣男大中進御史大夫甫視事劾免侍御史



孫玉汝監察御史盧侑威肅當朝為大夫三月蔣伸輔政見宰相自陳考深當代即拜西川節度使以病丐致仕或諫之笑曰兒曹詎能死乎書聞輒還東都以太子少保分司卒年七十二贈太子太保諡曰孝景讓好獎士類嘗推引李蔚母知退所善蘇滌裴夷直皆被擢始為左丞蔣伸坐宴所酌酒語客曰有孝於家忠於國者飲此客肅然景讓起卒爵伸曰無宜於公性清素寡欲門無雜賓李琢罷浙西以同里訪之避不見及去命斷其驕石焉元和後大臣有德望者以居里顯景讓宅東都樂和里世稱清德號樂和李公云

李景溫字德已景讓弟歷諫議大夫福建觀察使徙華州刺史以美政聞累遷尚書右丞盧摛當國弟隱遷水部員外郎景溫不許赴省時故事久廢景溫既舉職人皆疑其正弟景

莊亦至顯官

唐扶字雲翔太原人知制誥次子也歷屯田郎中太和五年為山南宣撫使內鄉倉督鄧琬負度支漕米繫二十八年九人死於獄扶奏申釋之詔通繫三年以上者皆原進中書舍人出為福州觀察使

唐持字德守扶弟中進士第大和中為渭南尉試京兆府進士尹杜棕欲託親故持輒降階伏棕語塞乃止累遷工部郎中出為容州刺史遷給事中歷朔方昭義節度使卒

王凝字成庶太原人翊曾孫少孤依其舅宰相鄭肅舉明經進士皆中歷臺省寔知名擢累禮部侍郎不阿權近出為商州刺史徙湖南觀察使僖宗召為兵部侍郎尋以秘書監分司京都即拜河南尹乾符四年遷宣歙池觀察使王仙芝黨

山西通志卷一百二十三 鄉賢錄八

九

屠建德凝遣牙將孟琢助守池州賊益兵來攻實欲襲南陵凝遣樊備以舟師扼青陽備違令戰不勝斬以徇諸將皆股慄以死綴賊賊不能進復發強弩拒采石張凝幟遣別將馬穎解和州圍明年賊大至都將王涓自永陽赴敵凝宴涓曰賊席勝而驕可持重待之慎毋戰涓不聽至南陵死焉監軍收餘卒數千還走城卒恣橫凝讓曰今兵不能捍敵又恣之犯民生業何以稱朝廷待將軍意監軍詞屈趣親吏奪民馬凝乘門望見麾左右捕取殺之由是不敢留凝益儲蓄繕完以備賊至不能加會大星墜庭術家言以厭勝疑曰東南國用所出而宣為大府吾規脫禍可矣一方何賴誓與城相存亡勿復言既而賊去未幾卒年五十八贈吏部尚書諡曰貞

原府

山西通志卷一百二十三 鄉賢錄八

十

薛廷老字商叟河中寶鼎人御史中丞存誠子也及進士第議正有父風寶歷中為右拾遺嘗與舒元褒李漢入閣論奏曰比除拜不由宰司擬進恐網紀寢壞奸邪放肆上厲語曰更論何事元褒曰官中興作太甚上變色曰興作何所元褒不能對廷老曰臣等以諫為職有聞即應論奏然見外筆材瓦絕多知有所營時造清思院殿中用銅鑑三千簿金十萬餅故懇言之尋加史館修撰嶺南節度使鄭權以公庫實貨輸鄭注家廷老表按權罪中人切齒又論李逢吉黨張權與程昔範不宜居諫爭官逢吉怒會告滿百日出為臨晉令文宗立召為殿中侍御史李讓夷數薦之拜翰林學士以疎放罷開成三年遷給事中保保不干處譽推為正人卒贈刑部侍郎子保遜第進士累擢給事中保遜子昭緯乾甯中禮部



侍郎既候州刺史

盧簡能戶部郎中綸子也第進士性長厚歷駕部員外郎太和九年鄭注拜鳳翔隴右節度使請察屬李訓舒元與慮其豪俊為助擇長厚士以簡能與蕭傑同為注判官注敗遇害人皆寃之

盧宏正字子彊綸子佐劉悟府累擢監察御史沈傳師表江西團練副使入拜侍御史累遷給事中會昌中討劉稹宰相李德裕畏魏博成德請地乃以宏正為邢洛磁團練觀察留後制未下稹平即詔為三州及河北兩鎮宣慰使還拜工部侍郎以戶部領度支使判官司空與檢鈞釐正課入歲倍踰年出為武甯節度使銀刀軍不法戮其尤無狀者終宏正治不敢譁優詔褒勞可還東都不許徒宣武卒於鎮贈尚書右

僕射子虔灌有美才終祕書監

盧簡求字子威綸子始從江西王仲舒幕府兩為裴度元稹辟又佐牛僧孺鎮襄陽入遷戶部員外郎會昌中討劉稹以忠武節度使李彥佐為招討使選簡求副之俾知後務歷蘇壽二州刺史大中九年黨項擾邊拜涇原渭武節度使徙義武鳳翔河東三鎮簡求為政長權變文不害居邊善綏御人皆安之太原統退渾契苾沙陀三部它帥或與詛盟質子弟寇掠不為止簡求歸所質開示至誠憚其恩信不敢亂久之辭疾以太子少師致仕還東都治園沼林苑卒年七十六贈尚書左僕射子嗣業汝弼皆進士第嗣業子文紀敬晦字日彰御史括之孫也進士及第辟山南東道節度府與馬曙聯合曙廷責大吏吏員兼軍職不引咎走訴請府牙

山西通志卷一百二十三 鄉賢錄八 十一

將十輩申吏枉晦讓諸將曰吏冒軍名公等不能詰反引與為伍奈何眾愧謝闕府咨美累擢諫議大夫武宗時趙歸真挾詐御史平吳湘獄得學晦上疏極道非是不少回縱大中中歷御史中丞刑部侍郎諸道鹽鐵轉運使浙西觀察使嚴逆謹處身儉勤費力遂充徙充海節度使以太子賓客分司卒贈兵部尚書諡曰肅晦兄昕暉弟昕煦皆第進士昕為河陽節度使暉右散騎常侍世龍其家

司空與河中虞鄉人有風幹當大中時盧宏正督鹽鐵表為安邑兩池權鹽使先是法疏闕吏輕觸禁與為立約數十條莫不以為宜以勞再遷戶部郎中

司空圖字表聖與之子也咸通未擢進士禮部侍郎王凝為主司特所獎待凝貶商州圖感知已往從之凝起拜宣歙觀察使辟置幕府召為殿中侍御史不忍去凝府臺劾左遷光祿寺主簿分司東都盧攜嘉圖節常與遊攜還朝過陝統屬觀察使盧渥曰司空御史高士也渥即表為僚佐會攜復執

山西通志卷一百二十三 鄉賢錄八 十三

政召拜禮部員外郎尋遷郎中黃巢之難將奔不得前圖弟奴段章陷賊執圖手曰我所主張將軍喜下士可往見之無虛死溝中圖不肯往遂奔咸陽開關至河中僖宗次鳳翔拜知制誥遷中書舍人後狩寶雞不獲從又遷河中龍紀初復拜舊官以疾解景福中拜諫議大夫不赴後再以戶部侍郎召謝闕下數日即引去昭宗在華召拜兵部侍郎以足疾固自乞會遷洛陽詔入朝圖陽墜笏趣意野老柳璨知無意於世乃聽還圖本居中條山王官谷有先人田遂隱不出作亭觀素室悉圖唐興節士文人名亭曰休休作文以見志曰休



美也既休而美其故量才一宜休揣分二宜休耄而贖三宜  
休又少也情長也率老也迂三者非濟世用則又宜休因自  
目為耐辱居士預為冢相歲時祠禱圖與閭耆老相樂王重  
榮父子雅重之數饋遺弗受嘗為作碑贈絹數千圖置虞鄉  
市人得取之一日盡時寇盜所過殘暴獨不入王官谷士人  
依以避難梁初召為禮部尚書不起聞洛陽信不食卒年七  
十二圖無子以甥為嗣嘗為御史所劾昭宗不責也  
薛廷珪祕監逢子也進士及第大順初以司勳員外郎知制  
誥遷中書舍人從次華州引拜左散騎常侍稱疾免客成都  
光化中復為舍人累尚書左丞以官告使至汴客將諷其拜  
廷珪佯不曉曰吾何德敢受令公拜乎及見卒不肯加禮上  
府

山西通志卷一百二十三 鄉賢錄八

十三

渾侖字復貴中書令咸甯王城之孫也父鎬唐書有傳嘗寄  
貲財於代遂為代人侖九歲由宏文生擢孝廉第篤志於學  
以通敏稱長慶中累官太府少卿文宗讀國史念城功以渾  
氏時無大官拜侖金吾將軍賜金紫歷事武宗宣宗由太僕  
卿至檢校刑部尚書侖有將帥風又明習文法以吏事自喜  
嘗出補郡莅壽陽鎮回中所至多治績懿宗即位授義昌軍  
節度使始至則奏蠲水旱逋仍時糧為儲蓄推誠於下辛苦  
率先百姓文武吏謳歌借留詔許留旬歲咸通六年以疾卒  
贈兵部尚書諡曰康州代

柳公綽字寬解人僑華原幼孝友性質嚴重起居皆有禮法  
為文典正不讀非聖書舉賢良方正直言極諫補校書郎間  
一平再登其科授滑南尉歲數每飯不過一器歲登乃復或

山西通志卷一百二十三 鄉賢錄八

十四

問之答曰四方飢病獨能飽乎由開州刺史遷侍御史吏部  
員外郎與裴度俱為武元衡劾南判官尤相引重召為吏部  
郎中憲宗喜武功且數出游畋奏大醫箴以諷上高其才拜  
御史中丞公綽本與裴相善李吉甫復當國出為湖南觀察  
使時方討蔡詔發卒五千隸安州刺史李聽公綽請自行許  
之軍出公綽數省問其家疾病生死厚給之婦人散蕩者沈  
之江軍中感服日中丞為我知家事敢不死戰故鄂軍每  
輒克元和十一年除給事中宣諭鄆軍州復命拜京兆尹母  
服除為刑部侍郎領鹽鐵轉運使轉兵部兼御史大夫長慶  
元年復為京兆尹宦官嫉之改吏部侍郎遷御史大夫俄檢  
校戶部尚書山南東道節度使行部至鄧縣吏有納賄舞文  
二人同繫獄縣令謂必殺貪者公綽判曰賊吏犯法法在姦  
吏壞法法亡誅舞文者實歷元年就遷檢校左僕射牛僧孺  
為武昌節度使具軍容伏謁左右諫答曰奇章始去台宰方  
鎮重宰相所以尊朝廷也復為刑部尚書姑嫂婦至死府欲  
殺之公綽曰尊歐卑非關也且子在以妻而戮其母不順遂  
減論太和四年為河東節度歲惡樽節用度艱糗衣食與  
士卒均回紇遣李暢驅馬萬匹來市待以至意暢德之不妄  
馳獵陞北沙陀部勇武治廢柵十一募兵三千留屯塞上妻  
母來者令夫人飲食問遺之沙陀感恩悉力保障以病乞代  
授兵部尚書忽顧左右召故吏韋長曰為我白宰相徐州專  
殺李聽親吏非用高瓘不能安因瞋目不復語後二日卒年  
六十八贈太子太保諡曰元公綽居喪毀墓三年不澡沐事  
後母薛謹甚外兄薛宮早卒為育其女嫁之嘗曰吾涖官未



嘗以私喜怒加於人子孫其昌乎與錢徽蔣父杜元穎薛存誠善取士如許康佐鄭明盧簡辭崔璵夏侯孜李拭章長皆知名顯貴云

柳公權字誠懸公綽弟也年十二工辭賦元和初擢進士第李德鎮夏州表掌書記入奏拜右拾遺侍書學士再遷司封員外郎上問用筆法對曰心正則筆正筆正乃可法矣上改容悟其以筆諫也改右司郎中宏文館學士文宗復召侍書遷中書舍人充翰林書詔學士嘗與六學士對便殿上稱漢文帝恭儉因舉袂曰此三泮矣學士皆賀獨公權無言上問之對曰人主當進賢退不肖納諫諍明賞罰服澣濯之衣此小節耳非有益治道者異日周墀同對論事不阿墀為憐恐公權益不奪上徐曰卿有諍臣風可屈居諫議大夫乃自舍

山西通志卷一百二十三 鄉賢錄八 十五

人下遷仍為學士知制誥開成三年轉工部侍郎召問得失因言郭昉領郊甯而議者頗有臧否上疑之答曰昉誠勤舊然人謂獻二女乃有是除信乎上曰女自參承太后耳公權曰疑嫌間不可戶曉因引王珪諫廬江王如事是日命送女還家其忠益多類此遷學士承旨武宗立罷為右散騎常侍累封河東郡公咸通初以太子太保致仕卒年八十八贈太子太師公權博貫經術於詩書左氏春秋國語莊周書尤邃每解一義必數十百言通音律而不喜奏樂日聞之令人驕怠公綽嘗曰家弟本志儒學蓋匪止以工書名也柳仲郢字諭蒙公綽子工文著尙書二十四司箴為韓愈咨賞元和末及進士第為校書郎牛僧孺辟武昌幕府有父風矩僧孺歎曰非積習名教安及此邪入為監察御史遷侍御

史會昌初累轉吏部郎中遷左諫議大夫武宗築望仙臺異諫諍切御史崔元藻按吳湘獄得罪仲郢切諫宰相李德裕不為嫌奏拜京兆尹政號嚴明改右散騎常侍知吏部銓德裕頗抑進士科時以進士選無受惡官者又嘗調者持關令自閱即擬唱更無能為姦宣宗初坐德裕厚善出為鄭州刺史節度使周墀高其績及入相薦授河南尹召拜戶部侍郎墀罷它宰相惡仲郢左遷秘書監數月復出河南尹以惠為政或言不類京兆時答曰韋毅之下先彈壓郡邑之治本惠養烏可類乎墀劍南東川節度使大吏邊章簡挾勢肆貪因事殺之官下肅然居五年召為吏部侍郎俄改兵部領鹽鐵轉運使劉晔以藥術進詔署鹽官仲郢言名分不正乃賜緘遣還大中十二年辭疾以刑部尙書罷使轉戶部封河

山西通志卷一百二十三 鄉賢錄八 十六

東縣男為山南西道節度使貶雷州刺史咸通五年為天平節度使卒於鎮仲郢方嚴尙氣義事親甚謹李德裕貶取其兄子從質為鹽鐵推官每私居內齋束帶正色服用簡素父子更九鎮五為京兆再為河南皆不奏瑞不度浮屠急於摘貪吏濟單弱每早潦必貸匱獨負里無道家衣冠孤女不能自歸者斥廩為婚嫁在朝非慶弔不至宰相第家書萬卷所藏必三本上者貯庫其副常所閱下者幼學焉仲郢嘗手抄六經司馬遷班固范曄史皆一鈔魏晉及南北朝史再又類所鈔它書凡三十篇號柳氏自備旁錄仙佛書甚眾皆楷小精真無行字柳珪字交元仲郢子大中中與璧繼擢進士皆秀整而文杜牧李商隱稱之杜棕鎮西川表幕府久乃至會稽徙歸其積



俸珪不納，舉故事為言卒，辭之以藍田尉直宏文館，遷右拾遺，仲鄂請令就養，詔可，終衛尉少卿。

柳璧字寶玉，仲鄂子，擢進士第，馬植鎮汴州，辟管書記，又從李瓚，桂州規正其不法，瓚不聽，拂衣去，尋軍亂，擢右補闕，再轉屯田員外郎，幸蜀，授翰林學士，累遷右諫議大夫。

柳玘，仲鄂子，以明經補祕書正字，由書判拔萃，累轉左補闕，高湜再鎮昭義，皆表為副，擢刑部員外郎，湜貶，三疏申理，湜後得葉嗟，歎以為其言雖自辯，不加也，出為嶺南節度副使。

廡中橋，熟既食，納直於官，除起居郎，黃巢入奔，行在遷中書舍人，御史中丞，文德元年，以吏部侍郎修國史，拜御史大夫，直清有父風，昭宗欲倚以為相，中官譖玘煩碎，非廊廟器，乃止，坐事貶瀛州刺史，卒，光化初，復官，爵柳氏世，闕玘常逃家。

訓以戒子孫焉。以上解州

裴度字中立，河東聞喜人，貞元初，擢進士第，以宏辭補校書郎，舉賢良方正，異等，調河陰尉，累遷起居舍人，元和六年，以司封員外郎知制誥，御史中丞，王師討蔡，以度視行營諸軍，還奏攻取策，與上意合，進兼刑部侍郎，王承宗、李師道謀刺用事，大臣已害宰相，武元衡又擊度，刃三進，斷鞞刺背，裂中單，又傷首，度帽厚，得不死，哄導駭伏，獨騶王義持賊大呼，賊斷義手，度墜溝，賊意已死，因亡去，議者欲罷度，安二鎮反，側上怒，曰：度得全天也，若罷之，是賊計適行，吾倚度足破三賊矣，分衛兵護第，存候，踰路疾愈，詔毋須，直政衙，即對延英，拜中書侍郎，同中書門下平章事，由是討賊益急，十二年，宰相李逢吉、王涯建言，餉億，煩匱，宜休師，唯度請身督戰，即拜

山西通志卷一百二十三 鄉賢錄八 十七

門下侍郎平章事，彰義軍節度，淮西宣慰，招討處置使，表馬總為宣慰副使，韓愈行軍司馬，李正封、馮宿、李宗閔備兩使，幕府入對，延英曰：主憂臣辱，義在必死，賊未投首，臣無還期，士壯之為流涕，及行，御通化門，臨遣，賜通天御帶，發神策騎三百為衛，而出，李逢吉於外度屯，鄆城勞諸軍，宣朝廷厚意，士爭奮，時諸道兵悉中官統，監自處，進退度奏罷之，使將得顯制，號令一戰，氣倍未幾，李愬夜入懸瓠城，縛吳元濟，以報度，遣馬總先入蔡，明日統泃，曲降卒萬人，持節徐進，撫定其人，初元濟禁，偶語夜不然，燭饋遺酒食，以軍法論度，下令唯盜賊，關死抵法，餘一燭，除民始樂，更生度以蔡牙卒侍帳下，或止之，度笑曰：吾為彰義節度，元惡已擒，人皆吾人也，眾咸泣，既而申光平以馬總為留後，度入朝，策勳，進金紫光祿大夫，宏文館大學士，上柱國，晉國公，戶三千，復知政事，三上書極論程昇、皇甫鏞不可相，不納，自上印又不聽，繼人始得乘縛，初蔡平、王承宗懼度，遣辯士柏耆脅說，乃獻德棣二州，納質子，又諭程權入覲，始判滄景、德棣為一鎮，朝廷命帥而承宗勢乃離，李師道怙彊，度密勸誅之，卒為昇、鏞所搆，以檢校尚書左僕射兼門下侍郎平章事，為河東節度使，穆宗初，進檢校司空，加鎮州行營招討使，討朱克融，王廷湊既受命入賊境，數斬將以聞，俄兼押北山諸蕃使，時元稹顯結宦官魏宏簡，憚度復當國，因經置軍事，數居中持梗，俄擢稹宰相，以度守司空，平章事，東都留守，諫官叩延英言不可罷度，兵指眾心，復交章極論，會中人使幽鎮，還言軍中謂度在朝而兩河諸侯忠者懷，強者畏，今居東人人失望，上悟，詔度由太原



朝京師度之行移克融廷奏書開說諄沓傳以大誼二人不敢桀皆願罷兵徐州王智興逐崔羣諸軍盤互河北進退未一議者交口請相度乃以本官兼中書侍郎平章事權倖側目李逢吉既相內結宦官醜沮日閱乃出度山南西道節度使奪平章事長慶四年王廷湊屠元翼家敬宗歎宰輔非其人使凶賊熾肆學士韋處厚上疏上感悟謂處厚曰度累為宰相而官無平章事謂何處厚具道其由上於是復度兼平章事詔復使輔政先是上將幸東都大臣切諫不納度從容奏國家建別都本備巡幸自艱難以來宮闕署屯百司之區荒圯弗治假歲月完新然後可行倉卒無備有司且得罪上悅曰羣臣諫朕不及此如卿言誠有未便安用往邪因止行汴宋觀察使令狐楚言亳州聖水出飲者疾輒愈度判曰妖

山西通志卷一百二十三 鄉賢錄八 十九

由人興水不自作命在所禁塞朱克融執賜衣使者楊文端詭言慢已并訴所賜濫惡又旬假度支帛三十萬匹且請遣工五千助治東都上用度策克融聽命歸文端未幾軍亂殺克融劉克明之變定策誅賊黨迎立江王是為文宗加門下侍郎李全略子同捷求襲滄景軍奏討平之即陳調兵食非宰相事請罷度支歸有司奏可進階開府儀同三司賜實封戶三百太和四年數引疾上擇上醫護治中人日勞問相躡詔進司徒平章軍國重事須疾已三日若五日一至中書度讓免冊禮度自見功高位極稍詭跡避禍固請老不許八年徙東都留守俄加中書令李訓之禍上書申理全活數十姓時聞豎擅威度不復有經濟意乃治集賢里第午橋綠野堂把酒不問人間事而上知度年雖老神明不衰每大臣自洛

來必問度安否開成二年復以本官節度河東度年辭老疾上命吏部郎中盧宏宣諭意曰為朕臥護北門可也趣上道度乃之鎮易定節度使張璠卒軍中將立其子元益度遣使曉諭禍福元益懼束身歸朝三年旬還東都真拜中書令臥家未克謝上賜詩使者及門而度卒年七十六上聞震悼以詩置靈几冊贈太傅諡文忠明禮優博命京兆尹鄭復謚度臨終自為銘誌上怪無遺奏敕家人索之得半藥以儲為請無私言會昌元年加贈太師大中初詔配享憲宗廟廷度退然纔中人而神觀適爽操守堅正善占對既有功名震四夷使外國者其君長必問度年今幾狀貌熟似天子用百其威譽德業比郭汾陽而用不用常為天下輕重二十年事四朝以全德始終及沒天下莫不思其風烈葬管城逮宋廟

山西通志卷一百二十三 鄉賢錄八 二十

食 裴識字通理度子性敏悟凡經目未始忘蔭補京兆參軍擢累大理少卿討劉稹為供軍使稹平改司農卿進湖南觀察使入拜大理卿襲晉國公半封為涇原節度使時萸酋尚恐熱上三州七關宣宗擇名臣屯守以識帥涇原親臨遣識治堡障整戎器開屯田立將士戍限親七十者近戍由是人咸悅加檢校刑部尚書徙鳳翔忠武天平邠甯靈武等軍進檢校尚書右僕射靈武地斥鹵無井識誓神而鑿之果得泉泉六鎮皆有可述卒贈司空諡曰昭 裴潯河東聞喜人篤學善隸書以陰仕元和初累遷右補闕及伐蔡復以中人領館驛使潯諫止雖不用而嘉其忠擢起居舍人柳泌韋山甫治丹劑潯極言金石性酷烈燒治積年



包炎產毒未易可制貶江陵令穆宗立召為刑部郎中前率  
府倉曹參軍曲元衡杖民柏公成母死有司斷贖金公成受  
賄不訴以赦免漢議曰杖極者官得施所部非所部雖有罪  
必請有司明不可擅也元衡非在官公成母非所部不可以  
陰免公成取賄仇家利母之死逆天性當伏誅詔元衡流公  
成論死久之由給事中為汝州刺史以太子左庶子分司東  
都遷左散騎常侍兼賢良學士改刑部侍郎為華州刺史召  
拜兵部侍郎出為河南尹復還舊官卒贈戶部尚書諡曰敬  
濟悉心事上疾黨附嘗續文選自號太和通選上之柳泌等  
誅世益謂濟知言

王質字華卿龍門人通五世孫少孤客壽春力耕以養母講  
學不倦諸生從授業者甚眾年逾四十無進取意姻友苦勸

山西通志卷一百二十三 鄉賢錄八

王

乃舉進士甲科由秘書省正字累佐帥府五遷侍御史歷山  
南西道節度副使再轉諫議大夫宋申錫得罪與諫官伏閣  
文宗開延英召見泣涕陳諫申錫得不死為官豎所惡出號  
州刺史李德裕素器之擢給事中河南尹徙宣歙觀察使卒  
年六十八贈左散騎常侍諡曰定質清白畏慎為政必先究  
風俗所至有惠愛雖善德裕而中立不為黨奏署幕府若河  
東裴彝直天水趙哲隴西李行方梁國劉黃皆一時選云  
裴樞字紀聖御史大夫寅子也咸通中第進士龍紀初應給  
事中改京兆尹出為歙州刺史遷右散騎常侍為汴州宣諭  
使朱全忠聽命昭宗悅遷兵部侍郎俄以戶部侍郎同中書  
門下平章事為清海節度使全忠言樞有經世才復拜門下  
侍郎平章事監修國史累進右僕射諸道鹽鐵轉運使哀帝

初全忠以牙將張廷範為太常卿樞以為廷範勳臣自宜任  
方鎮何用為卿持不下全忠怒謂賓佐曰吾常器樞不浮蒲  
今乃爾柳璨聞即罷樞政事拜左僕射俄貶登州刺史又貶  
瀋州司戶參軍至滑州全忠遣人殺之白馬驛投尸於河年  
六十五初全忠佐吏李振曰此輩自謂清流宜投諸河承為  
濁流全忠笑而許之

以上  
絳州

顧彥暉豐州人與兄彥朗並為天德軍小校軍使稍進秩同  
率軍復長安彥朗遷累右衛大將軍光啟中擢拜東川節度  
使檢校太保同中書門下平章事至劍門陳敬瑄奪其節彥  
朗不得入保利州敬瑄誣劾彥朗擅與兵掠西境僖宗下詔  
講和乃得到軍署彥暉漢州刺史彥朗與王建雅舊建政成  
都彥朗挾憾與并力道路郭梗敬瑄告難於朝詔和解會

山西通志卷一百二十三 鄉賢錄八

王

彥朗卒彥暉自知留後明年為節度使歸州刺史楊守厚攻  
梓州彥暉告急於建建使李簡救之戒曰賊破并取彥暉無  
須再往也簡破守厚軍彥暉辭疾不克取景福元年詔進彥  
暉檢校司空東川節度使乾甯二年昭宗在石門督彥暉進  
赴行在建率兵二十萬次絳州回襲彥暉不敢出建遣  
擊取巴閬蓬渠通果龍利八州上遣中人為兩川宣諭協和  
使建奉詔還而兵不解四年建取渝昌普三州壁梓州南敗  
彥暉兵凡五十戰圍遂固上仍遣左議大夫李洵諭止建拒  
命梓有鏡堂世稱其麗彥暉嘗會諸將堂上養子瑤尤親信  
彥暉以所佩劍號疥癩賓佩之使侍左右嘗語將曰與公等  
生死同之違者先齒疥癩賓眾曰諾及圍急瑤請聚親信飲  
得同死彥暉手殺妻子乃自刎宗族諸將皆死時麾下兵猶



七萬云鄂爾多斯蒙古部

石唐太和至天佑三十七人案王柳請族多備他自無可講若郭元振白居易則止姓望史並不著為太原人義不得及矣舊志又列張巡於芮城澤城於代州似因其後裔占籍而追溯者又烏重允以其父承班曾官太原遂目為太原人準是以言將名宦子孫其為晉產者尤不勝書矣茲並從別

李嗣昭本姓韓氏汾州太谷縣民家子太祖出獵至其家見林中鬱鬱有氣召其父問焉父言家適生兒太祖因遺以金帛而命弟克柔養為子初名進通後更名嗣昭嗣昭短小而膽勇過人初嗜酒太祖嘗微戒之遂終身不飲太祖愛其謹厚常從用兵為內衙指揮使王琪與兄珂爭立遣嗣昭助可敗琪於猗氏獲其將三人梁軍救琪又敗之於胡壁堡執其將一人光化元年梁遣丁會應李罕之嗣昭與戰合山執其

山西通志卷一百二十三 鄉賢錄八

將一人斬首三千級遂取澤州天復元年梁圍太原嗣昭日以精騎出擊梁兵會大雨梁軍解去復取汾州斬叛將李塔遂出陰地取慈州降其刺史唐禮又取隰州降其刺史張瓌是歲梁軍圍鳳翔嗣昭乘間攻梁晉絳戰平陽執梁將一人進攻蒲縣梁朱友霜氏叔琮以兵十萬迎擊之嗣昭走梁軍圍太原太祖謀走雲州李存信等勸奔契丹嗣昭力爭以為不可乃止嗣昭晝夜出奇兵擊梁軍梁軍解去嗣昭復取汾慈隰天祐三年與周德威攻梁潞州降丁會為昭義軍節度使梁遣李思安將兵十萬攻潞梁夾城以圍之梁太祖嘗遣人招降嗣昭斬其使者閉城拒守踰年莊宗始攻破夾城嗣昭完輯兵民撫養甚有恩意梁晉戰胡柳周德威戰死梁軍登無石山嗣昭轉擊山北而莊宗以銀槍軍趨而呼曰今日

之戰得山者勝晉軍爭登山梁軍遽下陣於山西晉軍從上急擊大敗之權知幽州居數月代去幽州人皆號哭閉關遮留之夜遁乃得去十九年從莊宗擊契丹於望都契丹圍數十重嗣昭以三百騎決圍取莊宗以出是時閭實敗於鎮人代為招討鎮兵出掠九門以奇兵擊之鎮軍且盡餘三人匿破垣中嗣昭馳馬射之反為賊射中腦顧腹中矢盡拔矢於腦射殺一人還營而卒嗣昭七子繼傳繼緜繼遠繼達繼能繼襲皆見殺惟一子繼忠僅免晉高祖立以為忻棣單三州刺史開運中卒

山西通志卷一百二十三 鄉賢錄八

張憲字允中晉陽人沈靜寡慾少好學能鼓琴飲酒莊宗素知其文辭以為天雄軍節度使掌書記及即位拜工部侍郎租庸使遷刑部侍郎判吏部銓東都副留守憲精於吏事甚有能政莊宗幸東都命治即位壇為鞠場憲言即位壇王者所以興也漢鄒南魏繁陽壇至今皆在不可毀莊宗卒毀之又問憲庫錢幾何憲上庫簿有錢三萬緡莊宗謂以故紙給我益怒之郭崇韜伐蜀薦憲可任為相而宦官伶人不欲憲在朝廷乃以為太原尹北京留守趙在禮作亂憲家在魏州在禮善待其家遣人以書招憲憲斬使不發書而上之明宗入京師承王存霸奔太原左右請拘之憲曰吾本書生無尺寸之功而人主遇我甚厚豈宜懷二心以幸變第可與之俱死爾從事張昭遠教憲奉表勸進憲涕泣拒之已而北京巡檢符彥超麾下兵大譟殺存霸憲出奔忻州亦見殺

太原府

安永信交城人知勇過眾文武兼資為唐節度使諡忠簡贈



薛鐵山隰州石樓人官至刺史破黃巢黨克復唐室單騎入  
長安一時勇智將罕出其右汾州府

李克修字崇遠沙陀部人太祖弟也從討龐勛以功拜朔州  
刺史太祖鎮雁門以為奉誠軍使從入關為先鋒遷左營軍  
使太祖取潞州表昭義軍節度使數出山東擊方立又與李  
罕之攻寇懷孟之間其後太祖自將擊方立還軍過潞克修  
性儉嗇供饋甚薄太祖大怒詔而笞之克修慙憤發疾卒二  
子嗣弼戰沒契丹嗣肱少有膽略從周德威數立戰功為馬  
步軍都虞侯李存審敗梁軍於胡壁嗣肱獲梁將一人梁太  
祖圍蔣縣從存審救蔣梁軍解去嗣肱功為多超拜蔚州刺  
史雁門以北都知兵馬使累遷澤代二州刺史新州王郁叛  
嗣肱取媯儒武三州拜新州刺史山北都團練使同光元年

春卒於官

山西通志卷一百二十三 鄉賢錄八

三

李從璟明宗子初名從審為人驍勇善戰而謙退謹勅從莊  
宗戰數有功為金槍指揮使明宗軍變於魏莊宗謂從璟曰  
爾父於國有大功忠孝之心朕自明信今為亂軍所逼爾宜  
自往宣朕意毋使自疑從璟馳至衛州為元行欽所執將殺  
之從璟呼曰我父為亂軍所逼公等不亮其心我亦不能至  
魏願歸衛天子行欽釋之莊宗憐其言賜名繼璟以為己子  
從莊宗如汴將士多亡獨從璟不去左右或勸其逃禍不聽  
莊宗問明宗已渡黎陽復欲遣從璟通問行欽以為不可遂  
殺之明宗即位贈太保

安重誨應州人父福遷戰死充鄆重誨少事明宗明敏謹恪  
為安國軍中門使及兵變於魏所與謀議大計皆重誨與重

彥威決之明宗即位為左領軍衛大將軍樞密使累加侍中

兼中書令重誨以佐命功臣處機密之任事無大小皆所參  
決以天下為己在四方委事皆先白後聞河南縣獻嘉禾一  
莖五穗視之曰偽也笞其人而遣之夏州李仁福進白鷹重  
誨却之而後白明宗陰取以入他日按鷹戒左右無使重誨  
知也宿州進白兔遂却而不白馬牧軍使田令方馬瘠多斃  
當死重誨諫曰使天下聞以馬故殺一軍使是謂貴畜而賤  
人令方因得減死醴泉令劉知章不時給回鶻侯三馬械至  
將殺之重誨從容為言乃得不死其盡忠補益若此重誨欲  
內計社稷外制諸侯而獨見之慮禍孽旋生及董璋等反遣  
石敬瑭討之而糧運甚艱明宗欲自行重誨曰此臣之責也  
乃請行日馳數百里遠近驚駭督趣糧運日夜不絕斃踏道

山西通志卷一百二十三 鄉賢錄八

三

路者不可勝數鳳翔節度使朱宏昭上言重誨怨望宣徽使  
孟漢瓊自行營還亦言西人震駭狀重誨行至三泉被召還  
拜河中節度使希旨者爭求其過重誨因告老以太子太師  
致仕而以李從璋為河中節度使遣藥彥稠率兵如河中虞  
變重誨二子崇緒崇贊宿衛京師聞制下奔其父重誨驚曰  
二渠安得來已而曰吾以一死報國餘復何言乃械送二子  
於京師行至陝州下獄明宗又遣翟光業至河中視重誨去  
就光業至從璋率兵圍重誨第入拜於庭重誨降而答拜從  
璋以槌擊其首重誨妻子抱之而呼又擊其首夫妻皆死從  
璋檢責其家貲不及數千緡明宗下詔以其絕錢鏐致孟知  
祥董璋反及議伐吳以為罪并殺其二子其餘子孫皆免重  
誨嘗謂路王從珂非李氏子後必為國家患欲陰圖之事不



行及得罪知其必死歎曰我固當死但恨不與國家除去路王此其恨也以上大同府

周德威字鎮遠小字陽五朔州馬邑人勇而多智能望塵以知敵數狀貌雄偉笑不改容嘗梁晉時周陽五之勇聞天下為晉騎將稍遷鐵林軍使從破王行瑜遷內衙指揮使梁軍圍太原令軍中日能生得周陽五者為刺史有驍將陳章號野父常乘白馬被朱甲以自異出入陣中求必生致周陽五晉王戒德威善備之德威笑曰陳章好大言耳安知刺史非臣作耶因戒其部兵曰見白馬朱甲者當佯走以避之兩軍皆陣德威微服雜卒伍中陳章出挑戰德威部下退走章果奮稍急追德威何章已過揮鐵鎚擊章墜馬遂生擒之梁師退德威取慈隰進攻晉絳戰于蒲縣梁乘勝破汾慈隰既而

山西通志卷二百二十三 鄉賢錄八 二十七

德威復取之遷代州刺史內外蕃漢馬步軍都指揮使梁軍攻潞圍以夾城李嗣昭閉潞城距守而德威與梁軍相持營於亂柳嗣昭與德威素有隙晉王病且革憂之王喪國中未定而重兵悉屬德威晉人皆恐莊宗召其軍德威即日還軍太原留其兵城外徒步而入伏梓官前慟哭幾絕晉人乃安遂從莊宗復擊梁軍破夾城與李嗣昭歡如初拜振武節度使同中書門下平章事又敗梁軍於神山攻晉州再敗梁軍於蒙阮天祐七年秋梁遣王景仁將七萬人擊趙晉遣德威先屯趙州冬梁軍至柏鄉莊宗自將會德威於石橋進營野河北用德威言退軍鄆邑德威晨遣三百騎叩梁營挑戰自以勁兵三千繼之景仁與德威轉鬪數十里至於鄆南梁軍橫亘六七里至未申時梁軍東偏塵起德威鼓譟而進梁陣

動不可復整遂大敗自鄆追至柏鄉橫尸數十里景仁以十餘騎僅而免自梁與晉爭凡數十戰其大敗未嘗如此劉守光僭號將兵三萬出飛狐入岐溝關取涿州遂圍守光於幽州破其外城盡下燕諸州縣幽州踰年破之拜盧龍軍節度使莊宗勇而好戰尤銳於見敵德威老將常務持重以挫人之鋒十五年德威將燕兵三萬人從莊宗於河上宿胡柳陂黎明莊宗問戰德威對曰此去汴州信宿而近梁軍父母妻子皆在其中而梁人家國繫此一舉吾以深入之兵當其必死之戰可以計勝而難以力爭也且吾軍先至此糧糈具而營柵完以逸待勞宜按軍無動而臣請以騎軍擾之使其營柵不得成樵爨不暇給因其勞乏而乘之可以勝也莊宗速督軍而出德威謂其子曰吾不知死所矣莊宗率銀槍軍

山西通志卷二百二十三 鄉賢錄八 二十七

馳入梁陣梁軍小敗犯晉輜重輜重見梁朱旗皆驚走入德威軍梁軍乘之德威父子皆戰死莊宗與諸將相持而哭曰吾不聽老將之言而使其父子至此莊宗即位贈太師明宗時加贈太尉配享莊宗廟晉高祖追封燕王子光輔官至刺史朔平府

李嗣本本姓張氏屬門人世為銅冶鎮將嗣本少事後唐太祖愛之賜姓名養為子從擊居庸關以功遷義兒軍使從破王行瑜遷威遠軍使從攻羅宏信以先鋒兵破湯陰從莊宗破潞州夾城累以戰功遷代州刺史雲州防禦使振武節度使天祐十三年從莊宗擊劉鄩於故元城下洛破諸州六月還軍振武契丹入代北嗣本戰歿  
史建塘馬門人父敬思為九府都督常將騎兵為先鋒晉王



東追黃巢還過上源驛獨敬思與薛鐵山賀回鶴等十餘人侍梁兵夜圍驛敬思登驛樓射殺梁兵十餘人晉王總尉氏門以出而敬思為梁追兵所殺建塘少為裨校自晉據潞州已為晉兵先鋒梁兵數為建塘所殺相戒當避史先鋒王景仁攻趙建塘以先鋒兵出井陘戰于柏鄉周德威擊其左建塘擊其右梁軍皆走遂大敗之以功加檢校左僕射天祐九年晉攻燕梁太祖自將圍趙強彥縣以救燕時晉精兵皆北攻燕獨符存審與建塘以三千騎屯趙州梁軍破彥強存審扼下博橋建塘分其麾下五百騎為五隊一之衡水一之南宮一之信都一之阜城而自將其一約各取梁芻牧者十人會下博至暮擒梁兵數十皆殺之各留其一人縱使逸去告之曰晉王軍且大至明日率百騎為梁旗幟雜其芻牧者

山西通志卷一百二十三 鄉賢錄八 三九

暮叩梁營殺其守門卒縱火大呼斬擊數百人而梁芻牧者各有所亡失又傳言晉軍且至梁太祖夜拔營去彥縣人追擊梁軍多獲輜重糧甲梁太祖方病由是增劇而晉軍以故得并力以收燕者二人之力也後從入魏博敗劉鄩於故元城累以功歷貝相二州刺史十八年討張文禮以先鋒兵下趙州執其刺史王鏐攻鎮州城門中流矢卒年四十二

郭崇韜代州鴈門人為河東教練使為人明敏能應對以幹材見稱莊宗為晉王孟知祥薦之代為中門使甚見親信莊宗即位拜兵部尚書樞密使梁王彥章擊破德勝唐軍東保楊劉用崇韜計擊彥章敗之康延孝自梁奔唐崇韜延之臥內盡得虛實是時莊宗軍朝城段凝軍臨河諸將謂成敗未可知請棄軀與梁而西取衛州黎陽以河為界與梁約罷兵

毋相攻莊宗召崇韜問計崇韜曰陛下興兵仗義將士疲戰爭生民苦轉餉者十餘年矣况今大號已建自河以北人皆引首以望成功而思休息今得一鄆州不能守而棄之雖欲指河為界誰為陛下守之臣自康延孝來盡得梁之虛實此真天亡之時也願陛下分兵守魏固楊劉而自鄆長驅擣其巢穴不出半月天下定矣莊宗問司天司天言歲不利用兵崇韜曰古者命將鑿凶門而出況成算已決常談何足信也莊宗即日下令軍中歸其家屬於魏夜渡楊劉從鄆州入襲汴用八日而滅梁賜崇韜鐵券拜侍中成德軍節度使依前樞密使莊宗與諸將以兵取天下而崇韜未嘗居戰陣徒以謀議居佐命第一功位兼將相遂以天下為己任遇事無所回避而宦官伶人用事特不便也多怨之崇韜頗懼乃上書請立劉氏為皇后崇韜素廉入洛始受四方賂遺或以為言崇韜曰今藩鎮諸侯多梁舊將皆主上斬祛射鈞之人也若一切拒之豈無反側且藏於私室何異公帑明年南郊乃悉獻其所藏以佐賞給累表乞身莊宗不許因建天下利害二十五事施行之徒忠武節度使自陳權位已極言甚懇至遂罷其命仍為侍中樞密使同光三年夏莊宗思宮中暑淫遣宮苑使王允平督高樓宦官曰郭崇韜眉頭不伸嘗為租庸借財用陛下雖欲有作其可得乎乃使人問崇韜曰昔晉與梁對壘於河上雖祁寒盛暑被甲跨馬不以為勞今居深宮蔭廣廈不勝其熱何也崇韜對曰陛下昔以天下為心今以一身為意艱難逸豫為慮不同其勢自然也願陛下無忘創業之難常如河上則可使繁暑坐變清涼莊宗默然終遣允

山西通志卷一百二十三 鄉賢錄八 三九



不起樓崇韜果切諫宦官曰崇韜之第無異皇居安知陛下之熱由是讒間愈入明年征蜀議擇大將崇韜以議見危思立大功為自安之計乃請魏王繼岌為元帥莊宗曰公為我擇其副崇韜未及言莊宗曰吾得之矣無以易卿也乃以繼岌為西南面行營都統崇韜為招討使軍政皆決崇韜唐軍入蜀所過迎降遂平蜀皆謂繼岌曰王有破蜀功師旋必為太子當盡去宦官至於駙馬亦不可騎繼岌監軍李從襲等切齒莊宗遣宦官向延嗣勞軍崇韜不郊迎延嗣大怒因與從襲等共搆之延嗣還上蜀簿莊宗少之延嗣因言蜀之寶貨皆入崇韜且誣其有異志莊宗怒遣宦官馬彥珪至蜀視崇韜去就彥珪以告劉皇后劉皇后教彥珪矯詔魏王殺之崇韜子五人其二從死於蜀餘皆見殺其破蜀所得皆籍沒

山西通志卷一百二十三 鄉賢錄八

三

明宗即位詔許歸葬以其太原故宅賜其一孫

張敬遠字志通代州人小字生鐵少以騎射為廩直軍使明宗時累遷彰國大同軍節度使徙鎮武信晉昌清泰二年為北面副總管以分節度使石敬瑭之兵三年夏徙敬瑭鎮天平遂以敬遠為大同彰國振武威塞等軍蕃漢馬步軍都部署敬瑭拒命即以敬遠為太原四面招討使六月兵圍太原九月還太宗自鴈門入授敬瑭敬遠陣於西山還師以麻騎三千趨唐軍唐軍爭馳之還兵走追至汾曲伏殺死者萬餘人敬遠收軍柵晉安邊師圍之自晉安寨南長百餘里關五十里唐遣趙延壽范延光等來救皆不敢前副招討使楊光遠勸降敬遠不忍背唐光遠促之不已敬遠曰諸公何相迫邪何不殺我而降光遠即斬敬遠降還太宗哀其忠遣人收

葬之以上代州

李存進振武人本姓孫名重進晉王賜姓名為養子從破黃巢莊宗時遷行營都尉侯磁沁二州刺史後代李嗣昭為招討使與張文禮子處求戰歿於陣追贈太尉

安金全代北人驍果工騎射號能擒生踏伏事晉為騎將數有功官至刺史以疾居於太原莊宗與梁相拒河上梁將王檀襲太原晉兵皆從莊宗太原無備監軍張承業率諸司工匠登城扞禦而外攻甚急金全彊起謂承業曰太原晉根本一旦不守則大事去矣老天下今誠億然尚能為公破賊承業授以甲兵金全被甲跨馬召率子弟及故將吏得百餘人夜出北門擊檀於羊馬城中檀軍驚潰而晉救兵稍至然莊宗不以金全為能錄其功金全與明宗有舊天成中拜振武

山西通志卷一百二十三 鄉賢錄八

三

軍節度使同中書門下平章事在鎮二年召還卒

康思立山陰諸部人少為騎將從莊宗破梁戰柏鄉以功遷指揮使後歷應嵐二州刺史宿州團練使昭武軍節度使徙鎮保養有善政以上歸

右後唐十四人

史匡翰太原人唐節度使建瑑子也尚高祖女魯國長公主沈毅有謀接下以禮歷天雄軍步軍彰聖馬軍都指揮使為懷和二州刺史鄭州防禦使義成軍節度使兵民愛之匡翰好讀書尤喜春秋三傳義成軍從事關徹嘗醉罵匡翰曰近聞張彥澤機張式未見史匡翰斬關徹匡翰引滿自罰慰勉之人皆服其量卒年四十

薛融汾州平遙人少以儒學知名唐明宗時為右補闕直去



文館晉高祖鎮太原為觀察判官高祖拒命延見賓佐問以可否融從容對曰融本儒生爾軍旅之事未嘗學也進退存亡之理豈易言哉高祖不之責也高祖立拜吏部郎中兼侍御史知雜事累拜左諫議大夫遷中書舍人融曰文辭非臣所長辭不拜時詔修洛陽大內融上疏切諫高祖褒納其言詔罷役遷御史中丞改尚書右丞分司西京卒年六十

郭延魯沁州縣上人父饒事晉數立軍功為沁州刺史九年有惠愛州人思之延魯以善禦累遷神武都知兵馬使朱守殷反從攻汴州先登為汴州馬步軍都指揮使累遷復州刺史歎曰吾先君為沁州九年民到於今思之吾今幸得為刺史其敢忘吾先君之志由是益以廉平自勵民甚賴之秩滿州人乞留不許皆遮道攀號天福中拜單州刺史卒於官時

山西通志卷一百二十三 鄉賢錄八

三

刺史皆以軍功拜而延魯父子特以善政著聞

李蕘并州孟人署晉祖參謀天福初為開封推官言屈節遼人非久長策出為魯山令卒

右後晉四人

聶文進并州人善書算給事漢高祖帳中高祖鎮太原以為押司官高祖即位歷拜領軍屯衛將軍樞密院承旨遷右領軍大將軍及謀殺楊邠等文進夜作詔書制置中外邠等已死周兵至京師太后使謂文進善衛帝對曰臣在此百郭威何害旋見殺

李彥從字士元汾州孝義人拳勇善騎射工劍術漢時為濮州刺史威攝豪猾恩庇善良尤精法律州故有老吏舞文者皆斂戢

劉繼文太原人北漢世祖嫡孫也為人魁梧有氣局沈毅寡言歷官侍衛親軍使天會時契丹來問罪輒拘繫行人數輩乃命繼文往賀因請命亦被留不發未幾遼主怒解盡歸使者十六人厚禮以遣而繼文與焉時後主嗣位三年也遼主仍移書令以繼文同平章事繼文歸秉政左右書其龍多譖毀之已而出為代州刺史國亡復奔契丹封彭城王終於其國初少主之死郭無為與羣臣議立其弟繼元平章中書事張昭敏獨曰少主非劉氏故嗣位不終今宜立宗姓以慰民望世祖嫡孫繼文久留契丹歷險危宜迎立之可以固宗社結強援無為不從以繼元易制遂立之卒以亡國

山西通志卷一百二十三 鄉賢錄八

三

王得中上黨人北漢世祖時官樞密直學士賀遼穆宗即位還乾祐七年世祖與周師戰王延嗣使司天監李義白日時可戰矣得中叩馬諫曰南風甚急非北軍利豈助我者耶世祖怒曰老措大無妄沮吾軍已而兵果失利乃遣得中送遼將楊衮還因乞師遼命歸報許發兵會代州將桑珪殺防禦使鄭處謙得中道經其地珪械得中送於周周世宗賜以帶馬問遼兵何時當至得中曰臣受命送楊衮他無所知或代為危之得中太息曰吾食劉氏祿有老母在圍中若以實告周人必發兵據險而拒之則國家兩亡吾獨生何益不若殺身以全家國所得多矣居數日遼敗符彥卿於忻口周世宗責得中欺妄殺之

右後漢附北漢四人

李筠太原人善騎射初隸後唐秦王從榮麾下晉開運末趙延壽召賓帳下及延壽被執遼將耶律解里統二千騎留鎮



州筠與諸將謀伺間擊之控鶴左廂都校白再榮持兩端置  
室中筠拔佩刀破幕引臂逼再榮行殺傷相當解里棄城去  
漢高祖立授博州刺史周太祖鎮大名表為先鋒指揮使又  
為北面緣邊巡檢洎起兵入汴從敗慕容彥超於留子陂有  
功周太祖立遷昭義軍節度使檢校太傅同平章事累以  
兵擊敗遼援北漢兵加兼侍中恭帝即位進太尉宋太祖立  
遣使加兼中書令論以入朝筠即欲拒命不得已下拜及延  
使者升階置酒張樂遠索周太祖畫像懸壁涕泣進諸賓佐  
告宋使曰令公被酒失其常性幸勿為訝未幾遣牙將劉繼  
冲等稱臣於北漢主劉承鈞宋太祖遣其子皇城使守節論  
旨筠謀益急遂起兵使人殺澤州刺史張福據其城承鈞率  
兵來援筠上謁於太平驛見兵衛寡弱內甚悔承鈞封筠西

山西通志卷一百二十三 鄉賢錄八

三

平王筠自陳受郭氏大恩不敢愛死而周與漢為世讐承鈞  
心疑之命宜徽使盧贊監其軍筠益怏怏留子守節守上黨  
自引眾南向宋遣石守信等討之敕曰無縱筠下太行急進  
師扼其隘破之必矣太祖遂親征與守信會破筠眾於澤州  
南殺盧贊筠走還保澤州太祖親督戰拔其城筠赴火死隨  
進兵潞州守節降除單州團練使筠事母孝每怒將殺人母  
屏風後呼曰可為吾曹增福違舍之及敗愛妾劉氏欲俱死  
筠以其有娘磨令去

鄭仁誨字日新太原晉陽人初事唐將陳紹光紹光嘗因醉  
怒仁誨拔劍欲殺之左右皆奔走仁誨植立不動無懼色紹  
光擲劍於地曰汝有器量必富貴非吾所及也仁誨後還鄉  
里事母以孝聞周太祖居河東帳下時時往過仁誨與語甚

權每事有疑即從質問仁誨所對不阿周太祖益奇之漢興  
薦為內客省使攻李守貞於河中軍中機畫多所參決太祖  
入立為大內都點檢恩州團練使樞密副使累遷宣徽北院  
使出為鎮南軍節度使顯德元年拜樞密使世宗攻河東仁  
誨留守東都明年冬疾卒仁誨自其微時常為太祖謀畫及  
居大位太祖世宗皆親重之性謙謹好禮不自矜伐為士大  
夫所稱贈中書令追封韓國公諡忠正

山西通志卷一百二十三 鄉賢錄八

三

宗以深冀間有胡盧河東西橫亘數百里隄場非峻不能扼  
遼師奔突顯德二年命浚治之功未就遼師至通迎擊退之  
遂城李晏口為靜安軍又城東鹿鼓城葺祁州收瘞遺骸為  
萬人冢又城博野安平領百餘騎督役會遼騎數百奄至通  
率麾下與戰日暮大風雨遼人解去征淮南命為京城都巡  
檢時築新城又廣舊城街道通領其役三年改節忠武又改  
歸德六年春詔按行河堤因發徐宿宋單等州民浚汴渠數  
百里北征為陸路都部署克益津關以為霸州役濱棧民數  
千城之命董其役師還以檢校太尉同平章事充侍衛親軍  
馬步軍副都指揮使恭帝移領鄆州陳橋之役通在殿閣聞  
有變惶遽而歸軍校王彥昇遇於路策馬逐之通馳入其第  
未及闔門為彥昇所害妻子皆死太祖詔贈中書令以禮收



葬遺高品梁令珍護喪事通性剛而寡謀號韓瞪眼其子有智略號蒙駝兒常勸通早為之所通不聽後太祖見通及其子畫像於開寶寺壁遂命去之

史彥超雲州人勇悍驍捷為漢龍捷都指揮使以兵從周太祖入汴遷虎捷都指揮使成晉州北漢來攻州無主帥知州王萬敢不能拒彥超以成兵堅守月餘太祖遣王峻救之漢兵解去以功遷龍捷右廂都指揮使領鄭州防禦使周漢戰高平彥超為前鋒先登陷陣以功拜感德軍節度使周兵圍漢太原契丹救漢出忻代世宗遣符彥卿拒之以彥超為先鋒戰忻口彥超勇憤俱發左右馳擊解而復合者數回遂沒於陣是時世宗敗漢高平乘勝而進久無成功欲解去而未決聞彥超戰死遽班師倉卒之際亡失甚眾世宗憂忿不食

者數日贈彥超太師優恤其家焉

右後周四人 案晉志人物通記五代所列最夥然鮮終一姓茲分代著之甄錄如右餘別詳仕實諸錄

李承嗣代州雁門人父佐方承嗣少仕郡補右職中和二年從晉王討關輔為前鋒王師之攻華陰黃巢令偽客省刺史王汀會軍機於黃揆承嗣擒之以獻賊平以功授汾州司馬改榆次鋪將朱玫之亂遣承嗣率兵萬人援鄜州至渭橋迎扈車駕王行瑜既殺朱玫承嗣會鄜夏之師入定京城獲偽相裴轍鄭昌圖函送朱玫襄王前獻行在駕還官賜號迎鑾功臣拜檢校工部尚書守嵐州刺史賜犒錢兩萬貫時車駕初還三輔多盜承嗣按兵警蹙輦穀父安及還屯於鄜留別將馬嘉福五百騎宿衛孟方立之魏遼州也晉王遣承嗣設

伏於榆社以待之邢人既至承嗣發伏擊其歸兵大敗之獲其將奚忠信以功授洛州刺史及張濬之加兵於太原也時鳳翔軍營霍邑承嗣率一軍攻之岐人夜遁追擊至趙城合大軍攻平陽旬有三日而拔師還改教練使檢校司徒乾甯二年充鄆為汴人所攻勢漸危蹙使乞師於晉遣承嗣率三千騎假道於魏渡河援之時李存信屯於莘縣既而羅宏信背盟掩擊王師因茲隔絕及壇瑾失守承嗣與朱瑾史儼同入淮南承嗣史儼皆驍將也淮人得之軍大振晉王深惜之如左右手乃遣趙岳問道使於淮南請歸承嗣等楊行密許之遣使陳令存修好於晉其年九月汴將龐師古葛從周出師將攻淮南朱瑾帥淮南軍三萬與承嗣設伏於青口大敗汴人生獲龐師古行密嘉其雄才留而不遣仍奏授檢校太尉領鎮海軍節度使天祐九年淮人聞晉有柏鄉之捷乃以承嗣為楚州節度使以張旆角十七年七月卒於楚州年五十五

史儼代州雁門人以便騎射給事晉王為帳中親將驍果絕眾善擒生設伏於望塵揣敵所向皆捷自晉王入定三輔誅黃巢每出師皆從乾甯中從討王行瑜師次渭北遣儼率五百騎護駕石門時京師大擾士庶奔逃散布南山儼分騎警衛比駕還京盜賊不作以功授檢校右散騎常侍屯於三橋者累月昭宗寵錫優異明年與李承嗣率騎渡河授充鄆時汴軍雄盛自青徐充鄆柵壘相望儼與騎將安福順等每以數十騎直犯營壘左俘右斬汴軍為之披靡及朱瑾失守與李承嗣等奔淮南淮人比善水軍不閑騎射既得儼等軍聲



大振尋挫汴軍於青口其後并鍾傳擒杜洪削錢鏐成行密之霸迹者皆儼與承嗣之力也淮人館遇甚厚妻孥第舍必推其甲故儼等盡其死力天祐十三年卒於廣陵

李神福洛州人隸上黨軍籍唐高駢兼諸道行營都統神福隨州將成淮海因投吳王為親校積功至都指揮使拒孫儒討蔡儼並有功遷舒州刺史已復戰臨安執浙將顧全武轉昇州刺史俄充鄂岳行營招討使以擊杜洪兵次鄂州神福望城中積荻粟顧監軍尹建峯曰今夕為公焚之建峯漫應而未之信時洪方求救於梁王全忠神福遣部將秦皋至澠口舉炬於樹杪洪以為汴兵已至焚荻以應之其機略多類此久之荆南成汭及馬殷雷彥威之兵疊至逆擊於君山大破之軍聲大振會田頔叛於宣州王密召神福討頔頔翼

山西通志卷一百二十三 鄉賢錄八 三九

破昇州執神福妻子且遣使招之曰公見機與公分地而王不然妻子無遺神福曰吾以卒伍從吳王起事今為上將義不以妻子易志願有老母不顧而反三綱且不知烏足與言乎斬其使以自絕軍士聞之皆感奮願遣將王壇汪建將水師逆戰行至吉陽磯壇建執神福子承鼎示之神福叱左右射連暮合戰乘風揚火燔其艦壇建大敗士卒死者甚眾壇聞敗自將水軍來戰神福曰賊棄城來此天亡也臨江堅壁不戰遣使詣王請發步兵斷其歸路王別遣臺濛擊頔頔敗死即命神福為甯國軍節度使固辭不拜明年復充招討使將兵攻鄂州未下會疾發還廣陵卒

右九國吳二人

趙廷隱太原人初仕梁為裨將王彥章之被虜也廷隱亦為

唐軍所執已而隨孟知祥入西川廷隱拳勇有智略知祥戲下無及者積功至漢州刺史充左廂馬步軍都指揮使未幾與唐師戰於劍門時天寒士卒觀望不進廷隱流涕諭之眾心乃奮俄唐將石敬瑭引步兵來擊廷隱廷隱擇善射者五百人伏敬瑭歸路以待及矛稍相交乃揚旗鼓譟卒敗之已又副李仁罕攻遂州先登會唐將李彥琦棄利州走遷廷隱為昭武軍留後廷隱因馳使白知祥曰董璋多詐必為公患乘其至劍州勞軍而圖之併兩川之眾可得志於天下知祥不許廷隱歎曰不從吾謀禍未已也久之廷隱以昭武讓李肇遂還成都明年董璋來寇命為行營馬步都部署將兵三萬人拒之及攻梓州璋為部將所殺取其首以獻知祥既王蜀據有兩川復於閬州置保甯軍授廷隱留後無何以墨制

山西通志卷一百二十三 鄉賢錄八 四十一

擢節度使及稱帝改元明德充左匡聖步軍都指揮使其年同趙季良等受遺詔輔政後主立加侍中晉秩太傅國有大事就第問之後官至太師中書令封宋王卒謚忠武趙崇韜廷隱子也少驍果有父風後主初嗣位常自置殿直四番取將家暨死事孤子充之命崇韜為都知領焉周世宗陷秦鳳將深入蜀境為崇韜拒退廣政未選其子文亮尚公主加崇韜領武定軍節度使山南武定緣邊都指揮副使漢源之戰獨策馬先登及軍敗猶手擊殺十數人為宋師所擒高彥儔太原人也父暉唐宣威軍使彥儔仕蜀歷軍校為昭武軍監押後主嗣位遷邛州刺史改馬步軍使會漢兵入大散關陷安都皆彥儔以所部先進漢人燒砦毀閣避去彥儔盡銳追之復其砦而還累遷匡聖馬軍都指揮使武定軍節



使周顯德初王景向訓攻鳳州後主令彥傳出兵解圍未  
至聞敗軍於唐倉因潰歸觀察趙玘閉關不納以城歸周後  
主不之罪以爲右奉鑾肅衛都指揮使收功德使廣政末出  
授甯江軍都制置招討使及宋師至夔州彥傳謂副使趙崇  
濟監軍武守謙曰北軍遠來宜堅壁待之爲上策守謙不從  
其言獨領部下兵出戰宋將劉光義頓兵白帝廟遣騎將張  
廷翰等引兵與守謙戰豬頭鋪守謙敗走廷翰等乘勝登城  
光義帥大軍繼至彥傳以所部將出拒戰宋師已乘城而入  
惶駭失次不知計所出判官羅濟勸令單騎歸成都彥傳曰  
我昔已失天水今復不能守夔縱人主不忍殺我我亦何面  
目見蜀人哉濟又勸其降彥傳曰老幼百口在成都若一身  
偷生舉族何負吾今日止有死耳卽解符印授濟具衣冠望

山西通志卷一百二十三 鄉賢錄八

西北再拜登樓縱火自焚死

石奉頹一名頹太原人晉高祖宗屬也出帝時官鳳州防禦  
使晉亡以鳳州降於後主遂爲蜀中名將廣政末宋師入境  
內後主問策於羣臣頹曰東軍遠來勢不能久聚兵堅壁以  
敵之敵兵可立走也後主不能從頹竟不知所在  
龐福誠太谷人也事蜀主爲牙內指揮使長興初唐兵來征  
兩川福誠與昭信指揮使謝錫屯閬州來蘇村聞劍門失守  
相謂由使北軍更得劍州二蜀勢危矣遂引部兵千餘人間  
道趣劍州壁于衙城始至遇唐軍萬餘人自北山馳下福誠  
等趣河橋迎擊之北軍小卻會日暮二人謀曰眾寡不敵速  
明則吾屬無遺矣福誠乃夜引兵數百人升北山順轉至唐  
軍營後大呼譟鎗率餘眾操弓弩短兵自其前急擊之唐軍

驚擾遂空營遁去錫乘勢追襲唐軍於是保劍門人皆稱其  
有兵略云

侯宏實蒲坂人見鑑戒錄十國春秋作千乘人幼而家貧年十三假寐簷下

會暑月大雨有虹自黃河飲水俄貫宏實口良久始沒母見  
而奇之及覺問宏實有異否對曰適夢滯河取水果腹而歸  
居數月有蜀僧詣門謂宏實母曰女弟子當九九後福合得  
兒子氣力母呼宏實請相焉僧徐視曰此蜺龍也卽非真龍  
官必顯貴法當離鄉井食祿江海惟欽崇三寶可獲令終已  
而宏實仕後唐爲河中都指揮使同光三年魏王繼岌入蜀  
隸李紹琛部下紹琛破漢州蜀主將兵執紹琛而宏實與李  
肇皆爲蜀主所得因命宏實爲牙內馬步指揮副使未幾將  
兵會董璋攻下閬州先登陷陣甚爲一軍所推彌牟鎮之戰

山西通志卷一百二十三 鄉賢錄八

宏實身在行間董璋敗宏實亦論功焉蜀主卽位改奉鑾肅  
衛指揮使是歲受遺詔同趙季良等輔政進秩侍中歷官眉  
州刺史甯江武泰節度使一官二鎮皆近大江晚年興造禪  
院開轉藏經廣建第宅竟得善終母年八十一後累封太夫  
人悉如蜀僧所言

張公鐸太原樂平人蜀主初置義勝定遠諸軍以爲都知兵  
馬使唐長興三年蜀主與東川兵戰於彌牟鎮指揮使毛重  
威李瑋皆爲所殺而趙廷隱等復失利不前時公鐸居陣後  
蜀主揚馬箠指之公鐸麾兵而進帥眾大呼所部兵無不一  
以當百東川兵殊出不意蹂躪披靡死者數千人董璋之敗  
實以公鐸一戰決勝焉頃之遷捧聖摧鶴都指揮使明德元  
年與五臣同受顧命後主踐阼加檢校太尉尋領保甯軍節







鄉賢錄九

錄二之九

山西通志卷一百二十四

賜進士出身頭品頂戴兵部侍郎兼都察院右副御史巡撫山西提督糧務張前蒙旨監修

宋建隆至天禧

郭守文并州太原人父暉漢護聖軍使從周祖征河中戰死守文年十四居喪哀毀周祖召隸帳下廣順初補左班殿直遷東第二班副都知宋初遷西頭供奉官選知簡州太平興國初乘傳撫諭蕃部西夏悅伏三年遷西上閣門使夏汴水決甯陵董宋毫丁壯四千五百塞之冬又護塞靈河縣決河征太原分護行營馬步軍會劉繼文據代州討平之俄護定州屯兵大破遼于滿城以功遷東上閣門使領檀州刺史召拜內客省使八年滑州房村河決命塞之率禁兵數萬援雄

山西通志卷一百二十四 鄉賢錄九

州遼人遁去雍熙二年屯三交領武州團練使破夏州鹽城鎮岷羅賦等十四族斬首數千級俘獲生畜萬計又破咩鬼族藏焉銀麟三州歸附者凡百二十五族萬六千餘戶西鄙遂甯五年春為幽州道行營前軍步軍水陸都監為遼流矢所中氣色不撓督戰益急軍中服其量坐退軍左遷右屯衛大將軍明年復職拜宣徽北院使屯鎮州改南院使鎮州路都部署冬大破遼騎于唐河端拱三年卒年五十五贈侍中諡忠武追封譙王遣中使護喪歸葬守文沈厚有謀略出言溫雅未嘗忤人意中使言守文死軍士皆流涕上問何得此對曰守文得俸祿賜資悉犒勞士卒死之日家無餘財上嗟嘆之賜其家錢五百萬為真宗納其女為夫人即章穆后也子崇德太子中舍崇信西京左藏庫使同知皇城司贈福州

觀察使諸司使無廢朝贈官例崇信崇儼咸特示優禮崇德子承壽虞部員外郎天禧五年錄承壽子若水為太常寺奉禮郎崇仁為解州團練使

袁繼忠振武人徙并州父進周階州防禦使繼忠蔭補右班殿直宋平澤潞討并汾悉預攻戰征蜀隸劉廷讓有功知雲安軍歷嘉州二州監軍伐廣南為先鋒蒙若遷供奉官護隰州白壁關屯兵累入河東境破三砦近戍主將懼無功以所獲分與之改天平軍巡檢太宗初遷閣門祇候擊破梅山洞賊又巡邊部於唐龍鎮從征太原預破虜揚軍先登陷陣遼師入代境擊走之遷通事舍人護高陽關屯兵破遼師長城口殺獲數萬璽書褒美趙保忠獻地綏州刺史李克憲偃蹇遣繼忠諭旨竟率克憲入朝遷西上閣門副使定河西諸

山西通志卷一百二十四 鄉賢錄九

州大破西人於葭蘆川遷引進副使護定州屯兵遷西上閣門使雍熙三年為定州路行營馬步軍都監從田重進取飛狐下靈邱平蔚州擒其帥大鵬翼師還殿後行列甚整重進欲殺降卒繼忠救免之遷判四方館事領播州刺史易州靜塞騎兵尤驍果李繼隆取隸麾下既而契丹陷靜塞城盡俘騎兵妻子繼隆疑軍怨已欲分隸諸將繼忠曰不可但奏升其軍額優以廩給使之盡節可也眾皆感悅繼忠因自請隸麾下會遼師駐唐河北諸將欲堅壁待之繼忠曰今疆敵在近城中屯重兵不能翦滅願令長驅深入豈折衝禦侮之道乎我將身先士卒死於寇矣辭氣慷慨眾壯之靜塞軍摧鋒先入遼師大潰璽書獎諭厚賜于之遷引進使護鎮定高陽關兩路屯兵卒年五十五繼忠長厚忠謹士大夫多與遊前



後賜資鉅萬悉以犒士既死家無餘蓄子用成雍熙初第進士至太常博士

呼延贊并州太原人父琮周淄州馬步都指揮使贊少為驍騎卒太祖以其材勇補東班入承旨遷驍雄軍使從討西川當前鋒身中數創以功補副指揮使太平興國初親選軍校以為鐵騎軍指揮使從征太原先登乘城及堞而墜者數四賜金帛獎之俄從崔翰成定州翰言其勇擢馬步軍副都軍頭稍遷內員僚直都虞侯獻陣圖兵要及樹營砦之策求領邊任召見自陳武藝具裝執鞭馳騎揮鐵鞭棗梨旋繞廷中數四又引其四子必興必改必求必顯以入更迭舞劍棗梨賜白金衣帶端拱二年歷遼州刺史復為都軍頭領扶州刺史加康州團練使咸平二年從幸大名為行宮內外都巡檢

山西通志卷一百二十四 鄉賢錄九 三

上嘗補軍校皆敘已功贊獨進曰臣月俸百千所用不及半忝幸多矣不敢更求遷擢再拜而退三年卒贊有膽勇驚悍輕率常言願死於敵徧文其體為赤心殺賊字至妻孥僕使皆然諸子耳後刺日出門忘家為國臨陣忘生為主所作破陣刀降魔杵鐵折上巾兩旁有刃皆重十數斤絳帕首乘驢馬冬月嘗以水沃孩幼冀長耐寒而勁健必顯後擢副都軍頭

楊業并州太原人父信漢麟州刺史業幼倜儻任俠善騎射畋獵恆倍獲嘗曰我他日用兵亦猶用鷹犬逐雉兔爾弱冠事劉崇為保衛指揮使以驍勇聞累遷建雄軍節度使屢立戰功所向克捷國人號為無敵太宗征太原素聞其名嘗購求之既而其主繼元降上遣中使召見業大喜以為右領軍

衛大將軍授鄭州刺史上以業老於邊事復遷代州兼三交駐泊兵馬都部署密封棗裝賜子甚厚會遼師入雁門自西陘出由小陘至雁門北口南嚮背擊之遼師大敗以功遷雲州觀察使仍判鄭州代州自是遼人望見業旌旗即引去主將成邊者多忌之或潛上謗書上皆不問封其奏以付業雍熙三年北征命業副潘美為雲應路行營都部署以西上閣門使王侁軍器庫使劉文裕護其軍諸軍連拔雲應寰朔四州師次桑乾河會班師美等歸代州未幾詔遷四州民於內地令美等以所部兵護之時遼復陷寰州業謂美等曰宜領兵出大石路先遣人密告雲朔州俟大軍離代州日令雲州眾先出我師次應州即令朔州民出城直入石碣谷遣強弩千人列谷口以騎士援於中路庶保萬全侁曰但趨雁門北

山西通志卷一百二十四 鄉賢錄九 四

川中鼓行而往文裕亦贊成之業曰不可此必敗之勢也侁語侵之業曰業非進死蓋時有未利徒令殺傷士卒而功不立今君責業以不死當為諸公先將行泣謂美曰此行必不利業太原降將分當死上不殺寵以連帥授之兵柄非縱敵不擊蓋伺其便將立尺寸功以報國恩今諸君責業以避敵業當先死於敵因指陳家谷口曰諸君於此張步兵彊弩為左右翼以援俟業轉戰至此即以步兵夾擊救之不然無遺類矣侁陣谷口使人望之以為遼師敗走欲爭其功即令兵離谷口美不能制業力戰至暮果至谷口望見無人即再率帳下士力戰身被數十創士卒殆盡業猶手刃數十百人馬重傷遂為遼人所擒其子延玉亦沒焉業太息曰上遇我厚期討賊捍邊以報而為姦臣所迫復何面目求活耶乃不食



三日死上聞之痛惜甚詔贈太尉大同軍節度賜其家布帛千匹粟千石大將軍潘美降三官監軍王侁劉文裕胥除名業不知書忠烈武勇有智謀練習攻戰與士卒同甘苦代北苦寒但挾纊露坐理事傍不設火侍者殆僵仆而業怡然無寒色為政簡易御下有恩故士卒樂為之用朔州之敗麾下尚百餘人業謂曰汝等各有父母妻子與我俱死無益也可走還報衆皆感泣不肯去淄州刺史王貴殺數十人矢盡遂死餘亦死無一生還者聞者皆流涕朝廷錄其子供奉官延明崇儀副使次子殿直延浦延訓供奉官延環延贊延彬殿直

楊延昭本名延朗後改焉業之子也幼沈默寡言多戲為軍陣業曰此兒類我我行必從太平興國中補供奉官業攻應

山西通志卷一百二十四 鄉賢錄九

五

朔延昭為先鋒戰朔州城下流矢貫臂鬪益急以崇儀副使歷知保州緣邊都巡檢使就加如京使咸平二年冬遼攻遂城城小無備長圍數日遼蕭后督戰衆心危懼延昭悉集城中丁壯登陴賦器甲護守會大寒汲水灌城上且悉為冰堅滑不可上遼人潰去獲鎧仗甚衆以功拜莫州刺史屢請益兵於傅潛不許及潛抵罪召赴行在屢得對訪以邊要上甚悅指示諸王曰延昭父業為前朝名將延昭治兵護塞有父風深可嘉也厚賜遺還冬遼南侵延昭伏銳兵于羊山西自北掩擊且戰且退及西山伏發遼衆大敗獲其將函首以獻進圍練使與保州楊嗣並命上謂宰相曰延昭等並山疏外以忠勇自效朝中多忌朕力保庇以及此六年徙甯邊軍部署景德元年詔益延昭兵滿萬人延昭上言遼師頓澶淵

去北境千里人馬俱乏雖衆易敗凡有剽掠率在馬上願飭諸軍扼其要路衆可殲焉即幽易數州可襲而取不報乃率兵抵遼境破古城俘馘甚衆及請和選邊州守臣御筆命知保州兼緣邊都巡檢使二年追敘守禦勞進防禦使俄徙高陽關副都部署在屯九年大中祥符七年卒年五十七延昭智勇善戰所得俸賜悉犒軍未嘗問家事出入騎從如小校號令嚴明與士卒同甘苦遇敵必身先行陣克捷推功于下故人樂為用在邊防二十餘年遼人憚之目為楊六郎及卒上嗟悼之遣中使護櫬歸河朔人多望柩而泣錄三子官常從門客亦試藝敘之

山西通志卷一百二十四 鄉賢錄九

六

楊文廣字仲容廷昭子以班行討張海有功授殿直范仲淹宣撫陝西與語奇之置麾下從狄青南征知德順軍為廣西鈐轄知宜邕二州治平中上以文廣名將後且有功自左藏庫使累擢秦鳳副都總管韓琦使築築城文廣聲言城噴珠率衆急趨築比暮至其所部分已定遲明敵騎大至知不可犯而去遺書曰當白國主以數萬精騎逐汝文廣襲之斬獲甚衆或問其故答曰此必爭之地彼若知而據之則未可圖也詔褒諭賜襲衣帶馬知涇州鎮戎軍為定州路副都總管遷步軍都虞候遼爭代州地界文廣獻陣圖并取幽燕策未報而卒贈同州觀察使慕容德豐字日新太原人太尉延釗次子也幼聰悟八歲父鎮山南補衙內指揮使父卒授如京使征太原領御若南面巡檢征南唐為洞子都監尋為昇州都監以廉潔聞俄領蔚州刺史太平興國二年知愛州兼邠甯都巡檢使嘗破小遇



族奪名馬數十匹詔褒諭居任九年簡靜為治邊鎮安之雍  
 熙四年使登萊閱強壯還拜西上閤門使出為定遠軍鈐轄  
 命領後陣中隊別將萬騎以禦邊屢知邢延二州又代侯延  
 廣知靈武就賜白金三千兩改四方館使徙慶州又改靈州  
 兼部署穀貴出私廩振饑全活者眾轉引進使賊入境擊走  
 之咸平二年遷客省使知鎮州遼南侵繕兵固守餉饋不絕  
 詔獎之改知滄州德豐輕財好施厚享將士身居邊陲母與  
 妻孥尚留京貧甚特給園練使俸尋進鎮州團練使知貝瀛  
 二州五年卒年五十五家無餘財子惟素至殿內承制  
 慕容德琛延釗從子蔭補供奉官累遷內殿崇班知夔州李  
 順黨張餘領眾十萬舟千艘來寇與戰龍山斬首千餘級又  
 與白繼贊擊斬二萬餘悉焚其舟賊剽開州圍雲安德琛往

山西通志卷一百二十四 鄉賢錄九 七

援又斬百餘級累詔褒諭歷西京作坊左藏副使咸平二年  
 轉崇儀荆湖北路鈐轄蠻擾澧州境與戰於北汶奪耕牛鎧  
 甲斬馘以歸徙峽路鈐轄未至復知夔州景德中領梧州刺  
 史復任峽路遷莊宅使并代鈐轄知憲州天禧初改右監門  
 衛大將軍  
 尹憲并州晉陽人開寶中事太宗藩邸即位擢殿直充延州  
 保安軍使改供奉官太平興國四年護府州屯兵與鄜州三  
 族會攻嵐州破敵千餘擒知州馬延忠拔緣河諸砦以功轉  
 西京作坊副使入朔州界破甯武軍殺其軍使獲人馬器甲  
 甚眾轉供備庫使護夏州兵殺戮三漢魏奴莊炭伽羅膩葉  
 十四族及誘其渠帥屢降詔書褒美雍熙初就知夏州攻破  
 地斤澤李繼遷遁走俘獲四百餘帳憲奏請抽移諸帳於所

部別置騎兵號曰平昔以備用詔從之俄殺蘆關及南山野  
 狸數族代還為洪州巡檢尋護莫州屯兵三年知瀛州兼兵  
 馬鈐轄淳化初為四方館使連護鎮定屯兵改知貝州移高  
 陽關兵馬鈐轄五年知定州與部署王榮不協榮毆憲仆因  
 疾卒年六十三

山西通志卷一百二十四 鄉賢錄九 八

吳元載并州太原人節度使廷祚子也建隆初授太子右春  
 坊通事舍人賜緋魚袋廷祚鎮秦雍補衙門都校後授供奉  
 官太平興國三年加閤門祇候使遷九年擢西上閤門副使  
 出知陝州雍熙三年徙秦州州民李益為長道縣酒務官家  
 饒財僮奴數千指長吏皆畏之民負息錢郡為督理推官馬  
 伉不從益遣奴拽下馬毀辱之伉屢表不得達後因市馬譯  
 者附表以聞詔元載逮捕權貴已報益益亡命物色急捕之  
 獲於河中府民郝氏家御史府具得其狀斬之益子光祿寺  
 丞仕衡除籍民皆飯僧相慶端拱初遷西上閤門使淳化二  
 年領富州刺史俄徙知成都府王小波擾不能捕滅受代歸  
 時李仕衡通判華州遣人閔行裝元載拒之仕衡抗章疏其  
 罪坐責鄆州團練副使移單州授左衛將軍致政卒年五十  
 三子昭明內殿崇班昭矩太子中舍  
 吳元展字君華元載弟太平興國八年尚蔡國公主授左衛  
 將軍駙馬都尉明年領愛州刺史進團練使雍熙三年表求  
 試劇郡命知鄆州尋知河陽還朝改鄆州觀察使特詔朝會  
 序班次節度使祿賜悉增之再知河陽淳化五年秋霖河溢  
 城將壞元展躬涉泥滓督工補塞民多構木樹杪命濟以舟  
 楫設餅餌以食時澶陝悉罹水災河陽賴以安真宗初換安



州觀察使知瀘州咸平三年轉運使劉錫上其治狀詔嘉獎  
遷甯國軍留後知定州時王超王繼忠踰唐河與遼戰元辰  
度其必敗急發州兵護河橋超輩果敗遼人乘之至橋見陣  
兵甚盛遂引去考滿吏民詣闕貢馬疏其善政十事願借留  
樹碑表德政詔褒之屬歲旱吏白召巫以土龍請雨元辰曰  
巫本妖民龍止獸也安能格天惟精誠可以動天乃設壇潔  
齋三日百拜祈禱雨霽洽景德三年知潞州初并代澤潞  
皆分轄成卒後并於太原至是以元辰臨鎮遂分領澤潞晉  
絳慈隰威勝七州軍戎事委元辰專總之加檢校太傅知徐  
州大中祥符四年改領山南東道卒年五十贈中書令諡忠  
惠子弟進秩者五人五年葬時上元欲觀燈上為移次夕元  
辰性謹讓待賓佐以禮喜讀春秋左氏聲色狗馬不介意祿

山西通志卷一百二十四 鄉賢錄九 九

賜卽給親族公主乳媪得入參宮禁元辰慮其妄有請託白  
上拒之真宗深所嘉嘆於駙馬中獨稱其賢及歿甚悼惜之  
子守禮六宅使澄州刺史以國甥特贈和州防禦使守嚴內  
殿崇班天禧中祿守嚴子承嗣承緒殿直守良內殿崇班守  
讓閣門祇候

劉美太原人父通仕至都指揮使以女為真宗后卒贈太師  
中書令美初事真宗於藩邸以謹力被親信卽位補三班奉  
職再遷右侍禁大中祥符二年護屯兵漢州歷遷供奉官徙  
嘉州撫循士卒有恩改內殿崇班提點在京倉場東西八作  
司以舉職聞遷洛苑副使八年預修大內以勞改南作坊使  
同勾當皇城司天禧初遷洛苑使領勤州刺史與周懷政聯  
職未嘗阿附親從卒偵邏按籍分番均使焉三年授龍神衛

四廂都指揮使領昭州防禦使改侍衛馬軍都虞候五年加  
武勝軍節度觀察留後卒年六十廢朝三日贈太尉昭德軍  
節度仁宗贈侍中子從德字復本美卒年十四自殿直遷供  
備庫副使後知衛州薦縣吏李熙輔於朝后喜曰兒能薦士  
知所以為政矣卽日擢京官從事鄭驥亦擢美官改恩州兵  
馬都總管知相州既而卒年二十四贈保甯軍節度使封榮  
國公諡康懷

劉永年字君錫從德子生四歲授內殿崇班仁宗使賦小山  
詩有一柱擎天語上誤投金杯瑤津亭下戲曰能取之乎永  
年一躍持出上拊其首曰奇童子也常置內中年十二始聽  
出外累遷廉州團練使為陝州都監郭邈山等為盜密遣壯  
士夜渡河殺其渠二十餘人眾遂散遷鈐轄擢幹辦皇城司

山西通志卷一百二十四 鄉賢錄九 十

改單州團練使永興軍路總管副張昇使遼遼人夜取巨石  
塞驛門手擲棄之遼人驚以為神出知涇州賜詩寵之郡兵  
歲以香藥為折支三司不時輦致振武卒突入通判聽事請  
以他物代給語不遜召至庭下數其罪斬二人餘不敢動同  
提舉在京諸司庫務知代州遼取西山木焚之一夕盡上稱  
善遂移檄捕縱火盜永年曰盜固有罪然發在我境何須汝  
事乃不敢復言上嘗問禦戎策對合旨書忠孝字以賜英宗  
遷沂州防禦使復知代州歷步軍馬軍殿前都虞候太原定  
州路副都總管征安南請先士卒渡富良江不許遷邕州觀  
察使步軍副都指揮使卒贈崇信軍節度使諡曰莊恪  
劉從廣字景元美次子始生補西頭供奉官遷內殿崇班侍  
仁宗左右後真拜崇州團練使娶荆王元儼女為涪州防禦



使時年十七自言夏鬻起不能扞疆場坐耗縣官願上所給  
公使錢上嘉納之為羣牧都監改副使特拜宣州觀察使同  
勾當三班院請補外知洛州漳水溢穿隋故渠以殺水勢洛  
人便之徙邢州籍鄉軍罷老者聽引子弟自代著為令召領  
三班院出知襄州徙正定府路馬步軍副都總管卒贈昭慶  
軍節度使諡貞惠從廣性謹飭喜交士大夫當時稱之

李延渥并州晉陽人靜江節度進卿子也蔭補供奉官尋為  
開門祇候三遷西京左藏庫使咸平初知冀州六年徙瀛州  
景德元年十月遼師抵城下四面夾攻延渥率州兵強壯又  
集巡檢史普所部乘城發礮石巨木擊之皆累累而墜殺傷  
甚眾翼日遼主與其母親鼓眾急擊延渥分兵拒守益堅遼  
人遁去死者三萬餘傷倍之獲鎧甲兵矢竿牌數百萬賜錦

山西通志卷一百二十四 鄉賢錄九 十一

袍金帶將士縉錢遷本州團練使初成柵垂板護城纒數寸  
許遼師射之矢集其上凡二百餘及請葺城詔取板視之上  
亟稱其勞二年徙知邢州大中祥符八年以疾換右領軍衛  
大將軍領濱州團練使明年以左武衛大將軍致仕天禧初  
卒子宗禹內殿崇班

王貽永字季長并州祁人侍中文獻公溥孫也性清慎寡言  
不好聲伎生十餘歲時舅魏成信見而奇之曰後當類我咸  
平中尚鄭國公主授右衛將軍駙馬都尉從封泰山領高州  
刺史再遷右監門衛大將軍獎州團練使求外補得知單州  
真宗曰和寧靜治所宜先也真拜治州團練使徙徐州河決  
徐大水作隄城南以禦之改衛州進懷州防禦使知澶定二  
州又知鄆州州介梁山多水患貽永相度地勢為築東西道

三十餘里民便之復徙定州又徙成德攝同知樞密院事改  
副使加宣徽南院使進樞密院使久之拜同中書門下平章  
事加兼侍中徙節鎮海以疾求罷遣上醫診視上臨問頒尚  
方珍藥手取糜粥飲之貽永願罷樞密解使相上冀其愈聽  
罷侍中從節彰德同平章事樞密使如故至和初復以疾辭  
拜尚書右僕射檢校太師兼侍中景靈宮使卒贈太師中書  
令諡康靖貽永能遠權勢在樞密十五年迄無過失人稱其  
謙靜子道卿西上開門使以上太原原府

山西通志卷一百二十四 鄉賢錄九 十二

儀副使召還遷使監成兵於威虜軍次鎮州賊騎夜扣城門  
大呼曰官軍至矣州將促開關濟遠止之曰此必妄也及旦  
果有敵兵遁去上嘉之遷西上開門使定州都監統加行營  
鈐轄尋知定州契丹三萬騎來攻逆擊於徐河斬數千級獲  
牛馬鎧仗甚眾洎化初判四方館尋為鎮州行營鈐轄又與  
李繼隆擊賊於唐河濟短兵陷陳賊大敗走優詔褒美初繼  
隆以濟性剛不悅之及是恨相知之晚至道二年改內客省  
使知鎮州立春出土牛卒擗牛去濟亟命擒之果有竊發者  
數十人已劫廬間矣悉蒐捕腰斬之軍民肅然在鎮定十五  
年成績甚著召還知天雄軍咸平初領順州團練使知靈州  
兼都部署謀緝八鎮興屯田民甚賴之三年清遠軍陷夏人  
斷饋道絕援軍濟刺指血染奏求救甚急兵不至城陷死之



特贈鎮江軍節度三子並優進秩濟有聲望及沒夏人皆惜子德裕虞部郎中德基如京使德豐殿中丞濟兄麗澤弟麗正並進士及第麗澤右補闕麗正金部員外郎麗正子德與殿中丞

裴德裕濟子以錄廢自四門助教拜太子右贊善大夫累官少府監勳上柱國爵開國侯以老分司西京爲吏廉清不擾始知蓬絳解號澤沂六州皆有能政

劉綜字居正河中虞鄉人少依外兄通遠軍使董遵誨遵誨嘗遺貢馬太祖嘉其敏辨將授三班綜自陳素習詞業願應科舉及還上解真珠盤龍衣令賜遵誨綜辭曰遵誨人臣安敢當此上曰吾委遵誨方面不以此爲疑也雍熙二年第進士爲邛州軍事推官就改永康軍判官遷大理評事判眉州

山西通志卷一百二十四 鄉賢錄九

十三

轉太僕寺丞代還對便殿言益州長吏望慎擇其人上是之改太子中允未幾果有李順之擾復召見面賜緋魚尋爲三門發運司水陸轉運使通判大名府服闋知建安軍至道二年遷太常丞職事修舉多稱薦之咸平初出爲河北轉運副使嘗言州縣幕職官以昏耄罷者其間實有廉謹之士全藉祿廩以濟朝夕望自今並除致仕官又言法官漸獄皆引律令及其奏御復云慮未得中別取進止殊非一成不變之道望降旨約束時河北幕職州縣官多不習風俗請並以河朔人充之徙陝西轉運副使轉太常博士梁鼎議禁解鹽官自貨鬻命綜與杜承制置青白鹽事綜條上利害力言非便卒罷其事時獻言者多請棄靈州綜上言靈州民涸土沃爲西陲巨屏所宜固守以爲扞蔽然後於蒲洛河建軍城屯

兵積糧爲之應援此暫勞亦佚之勢也况鎮戎軍與靈州相接今若棄之則原渭等州益須設備較其勞費十倍而多利害之理昭然可驗俄充轉運使嘗言西川荆湖江浙福建廣南知州或地居津要或戶口繁庶望親加選任其執政舊臣及給舍以上知州處亦宜擇通判又京朝官當任遠官者率以父母未葬爲辭宜禁從之五年拜工部員外郎兼侍御史知雜事六年遷起居舍人再爲河北轉運使繼領漕任號爲詳練上眷矜甚厚嘗急輒資其奏處遠請和乃遣近臣諭以擢用意景德三年召拜戶部員外郎樞密直學士四年西幸道出河陽權知孟州事復知并州以政績聞州民乞留優詔嘉獎歸朝知審官院改吏禮二部郎中充職兼知通進銀臺封駁司大中祥符四年館伴契丹使因作大雪歌以獻卽命

山西通志卷一百二十四 鄉賢錄九

十四

同知貢舉俄權知開封府以貴要交結富民奏授試秩頗紊公政請加抑止從之七年命知廬州授右諫議大夫八年卒年六十一綜強敏有吏材所至抑挫豪右振舉文法時稱幹治子建中正中並贊善大夫弟綽淳化三年進士官刑部郎中薛顏字彥回河中萬泉人舉三禮中第爲嘉州司戶參軍代還對稱旨改將作監丞以祕書省著作佐郎使夔峽疏決刑獄還改太子左贊善大夫初丁謂招撫溪蠻有威惠詔謂自舉代謂薦顏爲峽路轉運使累遷尚書虞部員外郎始孟氏據蜀徙夔州於東山據峽以拒師而民居不便也顏爲復其故城命勾當廣南東西路轉運司事平宜州賊陳進遷金部員外郎改河東轉運使祀汾陰徙陝西河中浮橋歲敗顏卽



北岸醜上流為支渠以殺水怒因取渠水溉其旁田民利之  
奏請罷坊磬則晉晉當大售後如其策徙河北歷知河陽沈  
徐州累遷光祿少卿以少府監知江甯府邏者晝劫人執平  
人以告顏視其色動曰若真盜也械之果引伏轉右諫議大  
夫知河南府仁宗初遷給事中徙知應天又徙耀州豪姓李  
甲結客數十人號沒命社顏索其黨會赦特杖甲流海上餘  
悉籍於軍以光祿卿分司西京卒

張鑑字德明猗氏人藏英孫也父裔陰補供奉官鑑本將家  
幼能嗜學入衛州霖落山肄業凡十餘年太平興國三年第  
進士為大理評事監秦州崇城榷務升右贊善大夫知婺州  
就遷著作郎還拜監察御史決獄江左多雪冤滯歷殿中侍  
御史曹彬等北伐鑑上疏極言不可判三司度支憑由催欠

山西通志卷一百二十四 鄉賢錄九

十五

司王明李惟清薦其能用為江南轉運使豪富為民患鑑以  
名聞令部送魁首赴闕以三班職名羈縻之又建議置臨江  
軍時以為便召還特被慰獎累擢樞密直學士知通進銀臺  
封駁司清化中遣鑑與西京作坊使馮守規偕往屯西蜀召  
對後苑門面授方略鑑曰益部新復軍旅不和若聞使命驟  
至易其戎任慮或猜懼請假臣安撫之名上稱善付空名宣  
頭及廷臣數人鑑與知益州張詠即遣部戍卒出境王繼恩  
麾下使臣亦多遣東還督繼恩輩分路討捕殘寇而鑑招輯  
反側事平歸拜左諫議大夫戶部使會五路進討西夏詔鑑  
專督軍糧饋運頗集真宗初遷給事中使如故咸平初改工  
部侍郎出知廣州居二年民條其政績上請刻石三年移知  
朗州溪洞羣蠻數寇擾鑑召酋豪諭以威信皆俯伏聽命徙

知相州有芝草生於監牧鑑表其祥以為河朔弭兵之兆優  
詔答之景德初卒年五十八子士廉殿中丞士宋太子洗馬  
士程屯田員外郎

薛田字希稷河中河東人少師種放與魏野善第進士起家  
丹州推官李允正辟延州從事向敏中薦其材改著作佐郎  
知中江縣累遷益州路轉運使民間以鐵錢重私為券以便  
交易謂之交子富家專其事數至爭訟田請置交子務以權  
出入後寇瑊用其議蜀人便之就除陝西轉運使進直昭文  
館知河南府復入為度支副使使還擢龍圖閣待制知天  
雄軍尋擢知開封府以樞密直學士知益州還為左司郎中  
知審刑院羌人內寇遷右諫議大夫知延州以疾徙同州又  
徙永興軍不行卒田性和厚以幹敏數為大臣所稱云蒲州

山西通志卷一百二十四 鄉賢錄九

十六

李崇矩字守則潞州上黨人孤貧孺行鄉里推服漢祖次上  
黨史宏肇時為先鋒開崇矩名署親吏周顯德初補供奉官  
從征高平以功轉供備庫副使改作坊使宋初征李筠率龍  
捷驍武左右射禁軍數千人屯河陽攻大會岩拔之斬五百  
級改澤潞南面行營前軍都監破筠眾於碾子谷入城命先  
收圖籍視府庫因上言願護父櫬歸許之賜予甚厚拜右監  
門衛大將軍充三司使從征李重進還為宣徽北院使仍判  
三司乾德二年代趙普拜樞密使五年加檢校太傅開寶初  
從征太原班師命為後殿崇矩以女妻趙普子承宗上不悅  
門下客鄭伸上書告其陰事崇矩不能自明出為鎮國軍節  
度六年入為左衛大將軍太平興國二年夏詔乘傳自陝至



滄棣按行河隄秋出為邕貴潯賓橫欽六州都巡檢使尋移  
瓊崖儋萬麾下咸憚行盡出器皿金帛數百萬分給之抵黎  
城洞穴以財遺其酋長眾皆懷附代還拜右千牛衛上將軍  
雍熙三年判右金吾街仗兼六軍司事端拱元年卒年六十  
五贈太尉諡元靖崇矩性純厚寡言尤重然諾見史宏肇子  
孫必厚禮之在嶺海四五年恬不以炎荒嬰慮往來皆一日  
渡海未嘗留滯飯僧至七十萬造像建寺尤多又喜黃白術  
云

李繼昌字世長父崇矩與太祖善太祖誕辰必遣繼昌奉幣  
常昇弱弓輕矢教以射法建隆三年蔭補西頭供奉官歷西  
京作坊副使淳化中為登萊沂密七州都巡檢使至道二年  
拜西京作坊使峽路二十五州軍捉賊招安都巡檢使旋改

山西通志卷一百二十四 鄉賢錄九 十七

兵馬鈐轄賊酋喻雷燒以金帶遺繼昌偽納之賊懈不設備  
因掩殺進西京左藏庫使咸平三年討王均砮於城西門賊  
忽開城偽遁雷有終等各以所部徑入繼昌覺亟止之不聽  
因獨還砮賊閉關發伏有終等僅以身免繼昌屯雁橋門三  
月破彌牟砮斬首千級大獲器仗進逼魚橋門均脫走入城  
嚴戒部下無擾民獲婦女童幼置空寺中俟事平遣還其家  
而急領兵追賊以功領獎州刺史俄知青州入掌軍頭引見  
司景德二年幸澶州遣先赴河上給諸軍鎧甲遼人請和令  
與其使姚東之偕往三年又使遼命知汝州兼兵馬鈐轄又  
知延州兼鄜延路鈐轄大中祥符元年進東上閣門使累遷  
左神武軍大將軍子遵勛尚萬壽長公主天禧初主誕日邀  
繼昌過其家迎拜為壽上密以金帶器幣珍果美饌賜之拜

連州刺史出知涇州表求兩朝御書及謁拜諸陵皆許之二  
年冬卒年七十二遣中使護櫬錄其子文晟殿中丞文旦侍  
禁繼昌性謹厚為治尚寬所至民懷之任峽路時縣胥設芻  
糧後期上官正令斬之繼昌徐為解貸鄭伸早死母貧餓詣  
繼昌乞丐與白金百兩時人稱之

李遵勛字公武繼昌子好為文詞舉進士大中祥符間召對  
便殿尚萬壽長公主初名助上益遵字升其行授左龍武軍  
駙馬都尉賜第永甯里堂壁多為鸞鳳狀令鑿去主服有龍  
飾悉屏藏之上歎喜領澄州刺史拜康州團練使給觀察使  
祿時繼昌官刺史遵勛請班其下許之後繼昌守涇州疾遵  
勛馳省不俟命上遣使令乘驛赴之既還自劾慰諭之求補  
郡自試出知澶州賜宴長春殿河水溢將壞浮梁督工徒七

山西通志卷一百二十四 鄉賢錄九 十八

日而隄成又知許州水軍多不練習命部校按劾拔去十七  
八後以疾請授唐韋嗣立故事求山林號不許初天聖間章  
獻后屏左右問人有何言遵勛曰臣無他聞但人言上既冠  
宜以時還政嘗上三說五事以論時政晉國夫人林氏以后  
乳母多預國事密請置之別院出入伺察之其補助多此類  
師楊億為文億卒為制服及知許州莫億慕慟哭而返又與  
劉筠善筠卒存恤其家通釋氏學將死與浮圖楚圓為偈頌  
卒贈中書令諡曰和文有問宴集二十卷外館芳題七卷  
李端懿字元伯遵勛子性和厚喜問學通陰陽醫術星經地  
理之學七歲授如京副使侍真宗稍長出入如家人七遷濟  
州防禦使為羣牧副使知冀州為政循法度民愛其不擾嘗  
知鄆州兼京東西路安撫使京東水大發倉廩振之置弓手



局教戰鬪遂如精兵治汾陽隄百餘里以卻水患民便之尋除甯遠軍節度使以留後赴瀘州卒贈威德軍節度使謚良定再贈兼侍中端懿能自刻厲傾身下善故士大夫與遊甚得名譽

李端愿字公謹遵勛子以穆獻公主恩七歲授如京副使四遷恩州團練使仁宗以早慮囚放宮女疏言縱釋有罪小人之幸放宮女為宦者專制反失所歸何以弭災變累進邢州觀察使鎮東軍留後知襄鄆二州轉運使獻羨財數十萬端愿言常賦三折其民不堪奪轉運使賞申折變之禁移廬州富弼謂曰肥上之政何以減於襄陽端愿曰初官喜事飾廚傳以千名則譽者至更事既久知抑豪彊制猾吏故毀隨之弼深然其言英宗初同提舉在京諸司庫務上拱默端愿求

山西通志卷一百二十四 鄉賢錄九 十九

對曰富躬攬權綱以係人心不宜退託失天下望拜武康軍節度使知相州除醴泉觀使神宗遣使就其家錄章奏詔褒之河東城囉兀手寫趙普諫太宗北伐疏以聞請老以太子少保致仕凡大禮成賜金帶器幣品數視執政哲宗進太子太保欽聖后以甥舅嘗幸其第致禮獻穆祠堂命近侍掖端愿勿拜元祐六年卒輟朝臨奠賜典加等贈開府儀同三司子評字持正嘗以樞密都承旨出使陝西河東還言鄜延之人皆謂城囉兀非便乞速毀撤征南安調兵及河東又言大軍南征而取卒於西北使蠻聞之得以窺我後為成州團練使知蔡州卒年五十二贈冀州觀察使

李端慤字守道遵勛子官左藏庫使執獻穆喪辭起復詔特給俸累遷東上閣門使元祐中以安德軍留後卒贈昭德軍

節度使謚曰恭敏兄端懿嘉祐時嘗言請建儲及卒端慤護喪歸元豐間喪舊棄上之神宗歎曰近世之賢戚也由是端慤名益著

李處耘潞州上黨人唐司徒驤子也幼隨兄處疇至汴遇張彥澤斬關入獨當里門射殺十數人曉復關又殺數人里中賴之漢初折從阮帥府州召委軍務周顯德中嘗河陽右職帥李繼勳奇之俾掌河津處耘曰津往來懼有姦不可不察居數月果得契丹遣西川江南蠟書即遣處耘部送遂隸太祖帳下補都押衙會駐軍陳橋處耘見軍中謀遂白太宗與王彥昇謀召馬仁瑀李漢超等定議始入白處耘臨機決事謀無不中授客省使兼樞密承旨右衛將軍從平澤潞遷羽林大將軍宣徽北院使討李重進為行營兵馬都監知揚州

山西通志卷一百二十四 鄉賢錄九 二十

勤於撫綏奏減城中屋稅民皆悅服建隆三年詔歸老幼遮道涕泣累日不得去拜宣徽南院使兼樞密副使賜甲第一區詔慕容延釗討朗州以處耘為都監入辭上親授方略令會兵漢上適內酒坊副使盧懷忠使荆南還具言可取狀遂命圖之處耘至襄州先遣閤門使丁德裕假道荆南請具薪水給軍荆人請供芻餼百里外又遣德裕諭之乃聽命遂令軍中曰入江陵城有不由路及擅入民舍者斬師次荆門高繼沖遣其叔保寅及軍校梁延嗣奉牛酒犒師處耘待之有加論令翌日先還延嗣大喜報繼沖荆門距江陵百餘里是夕召保寅等宴飲延釗帳處耘密遣輕騎數千倍道前進繼沖聞大軍至即惶怖出迎遇於江陵北十五里處耘揖繼沖令待延釗遂率親兵先入登北門比繼沖還則兵已分據



城中荆人束手聽命即發江陵卒萬餘人并師晨夜趨鄂州  
又先遣別將分麾下及江陵兵趨岳州大破賊於三江口又  
遇賊帥張從富於澧江擊敗之延釗大軍繼至鄂人縱火焚  
城而潰遂入潭州盡得荆湖地初師至襄州衢肆驚併者倍  
取軍人直處耘命斬於市以徇延釗小校司義凶恣處耘召  
義呵責至白湖延釗圍人入民舍鞭其背延釗怒斬之由是  
大不協更相論奏朝議以延釗宿將賞其過請處耘為蒲州  
刺史卒年四十七廢朝贈宣德軍節度檢校太傅賜葬洛陽  
偏橋村處耘有度量善談當世務常以功名為己任荆湖之  
役臨事專制不顧羣議遂至於貶太祖追念之為太宗納其  
次女為妃即明德后也子繼隆繼和繼恂洛苑使順州刺史  
贈左神武大將軍繼恂子昭遜供備庫使處疇作坊使子繼

山西通志卷一百二十四 鄉賢錄九

三

李繼隆字霸圖處耘子蔭補供奉官處耘除籍以入貢復  
舊官乾德中選為果閫監母將輔以處耘左右繼隆曰是行  
兒自有立豈須此輩代還夜涉棧道與馬借墜絕澗絙於大  
樹而免命領雄武卒三百戍邵州蠻賊數千截其道率眾力  
戰賊遁去太祖聞其勇敢器重之又襲袁州破桃田若追賊  
二十里入潭富若焚其梯衝劬積復督荆湖漕運吳人多出  
舟師斷餉道屢與關糧悉善達日馳四五里往來覘候一日  
遇虎射殺之嘗獲吳將斬其首以獻上益嘉之且追念處耘  
謂曰昇州平可持捷書來當厚賞汝時內侍十數輩不願入  
奏繼隆獨請赴闕因言在途遇大風晦暝城破之兆也翌日  
捷奏至太祖召之曰如汝所料矣吳將盧絳聚眾攻掠命招

來之錄功遷莊宅副使從幸西洛改御營前後巡檢使太平  
興國二年改六宅使護浚京西河又治決河以已舟易梁迤  
弊舟舟覆棲枯桑杪以免從征太原為四面提舉都監領梯  
衝地道攻城四面機石過其旁從卒仆死督戰無怠攻幽州  
領先鋒破遼數千眾及圍范陽又為先鋒大敗遼眾於湖種  
河南後為鎮州都監遼侵邊諸將以陣圖上所命不可違繼  
隆曰事有應變安可預定設獲違詔罪請獨當即從宜而行  
敗之於徐河四年遷宮苑使領媯州刺史護三交屯兵與潘  
美出征破靈邱縣盡略其人以歸改定州駐泊都監嘗出土  
鏝皆與遼戰獲牛羊車帳甚眾詔書褒美命擊李繼遷四月  
出銀州伊斬甚眾改領環州團練使又護高陽關屯兵從曹  
彬攻幽州破遼眾數千於固安南下固安新城進克涿州矢

山西通志卷一百二十四 鄉賢錄九

三

中左股血流至踵獲遺貴臣一人彬欲上其功繼隆止之俄  
而傅潛米信軍潰獨繼隆振旅還即令知定州三年遷侍衛  
馬軍都虞侯出為滄州都部署逾年加領觀察使端拱初授  
侍衛馬軍都指揮使領保順節度九月出為定州都部署初  
朝議令堅壁清野一日敵驟攻滿城至唐河護軍袁繼忠據  
慨請出師中黃門林延壽等止之繼隆曰閫外之事將帥得  
專乃與繼忠出兵戰數合擊走之二年冬送芻粟入威虜軍  
遣于越率騎八萬來邀繼隆領步騎裁一萬先命千人設伏  
城北十里而與尹繼倫列陣以待敵眾方食繼倫出不意擊  
走之繼隆追奔過徐河俘獲甚眾淳化四年夏召還面獎改  
節靜難軍復遣還屯尋為河西行營都部署李繼遷遁擒趙  
保忠以獻至道二年白守宗等敗於洛浦河亟命繼隆為靈



環十州都部署是秋五路討繼遷命繼隆出環州取東關鎮  
曲赤裡苦井路赴之繼隆以所出道回遠乏水請由橐駝路  
徑趨賊巢上遣周瑩齋手詔督其進軍赤裡繼隆以便宜發  
兵與丁罕行十餘日果不見賊而還先是軍糧赴靈州必由  
旱海路自冬至春芻粟始集繼隆請由古原州蔚茹河路便  
眾議不一繼隆固執上許之遂率師以進壁古原州令如京  
使胡守澄築城是為鎮戎軍真宗初改節鎮安軍檢校太傅  
踰月召還加同中書門下平章事解兵柄歸鎮咸平四年改  
節山南東道判許州景德初明德廢疾詔赴闕冬幸澶淵表  
求履從命為駕前東西排陣使先赴澶州陳師北城外毀車  
為營敵數萬騎急攻與石保吉率眾禦之追奔數里及上至  
幸北門觀兵召問慰勞見其所部整肅歎賞久之翌日幸營

山西通志卷一百二十四 鄉賢錄九

三

中召從臣飲宴二年春加開府儀同三司食邑實封會疾作  
駕親臨問卒年五十六駕又臨之制服發哀贈中書令諡忠  
武錄其子昭慶洛苑使從子昭遠昭遷內殿崇班乾興初詔  
與李沆王旦同配享真宗廟庭繼隆感慨自樹深沈有城府  
好讀春秋左氏傳喜名譽賓禮儒士太宗時親信之委以機  
要真宗以元舅之親不欲煩以軍旅優游近藩恩禮甚篤然  
多智用能謙謹保身明德欲面見之但詣萬安宮門拜牋終  
不入又嘗命諸王詣第繼隆不設湯茗第假王府從行茶爐  
烹飲焉

李昭亮字晦之繼隆子四歲補東頭供奉官許出入禁中繼  
隆北征遣昭亮持詔軍中問方略及營陣還奏稱旨累遷西  
上閣門使出為潞州兵馬鈐轄徙領麟府路軍馬事累守代

州再徙真定路都總管保州兵叛遣王果招之兵乘啤呼曰  
得李步軍來我降矣昭亮從輕騎數十人叩城門呼曰爾輩  
第來降我保其無虞也卒稍稍縋城下明日開門降改淮康  
軍節度觀察留後復知定州敕使存勞賜黃金三百兩給節  
度俸以褒其功明年拜武寧軍節度使為殿前副都指揮使  
昭亮習軍中事政尚嚴多所建議請萬勝龍猛軍蒲博徹屋椽  
相擊捕斬之杖其主者諸軍股慄祠南郊騎卒亡弓會赦昭  
亮曰宿衛不謹不可貸卒配隸下軍拜同中書門下平章事  
判大名府仁宗書塗金紋羅曰李昭亮視賢勳舊命其子惟  
賢持以賜徙定州改節天平彰信泰甯為景靈宮使改節昭  
德卒贈中書令諡良僖昭亮和易練習近事於吏治通敏善  
任僚佐以故素更藩鎮無他過云

山西通志卷一百二十四 鄉賢錄九

三

李惟賢字寶臣昭亮子蔭三班奉職為閣門祇候通事舍人  
累遷西上閣門使尋領高州刺史知冀州倉粟陳腐戍兵大  
謀弗肯受惟賢馳往諭曰邊兵眾則積粟多能無陳腐乎欲  
盡取新則陳者何所歸斬首惡一人流十人軍中帖然召還  
提舉諸司庫務領榮州團練使知冀州會遷補禁軍犯賊汚  
者皆緝為下軍惟賢曰武士何可責以廉節且抵罪在昔今  
不可以新令繩之乃更其制徙恩州遷四方館使卒惟賢善  
宣辭令習朝儀仁宗愛之

李繼和字周叔處耘子蔭補供奉官三遷洛苑使消化後兄  
繼隆多在邊任繼和常從行友愛尤至每令入奏機事繼隆  
罷兵柄手錄唐李勣遺戒授繼和曰吾門不墜者在爾矣初  
繼隆請城鎮戎軍不果行繼和面奏曰平涼舊地山川險阻



旁扼夷落爲中華襟帶城之爲便太宗許焉後復不守咸平中繼和又言乃命版築以繼和知軍兼涇原渭儀都巡檢使城畢加領平州刺史建議募貧民及弓箭手墾田積粟又屢請益兵朝議未許上曰苟緩急部署不爲濟師則或至失援矣命兼涇原儀渭鈐轄五年領兵殺衛埋族於天麻川自是隴山外諸族皆內附願置要害戍守繼和因請移涇原部署於鎮戎以壯軍勢又請開道環延爲應援上以其精心戎軍甚嘉之戎人一夕塞長壕越古長城抵城下繼和與都監史重責禦之賊據險再突城墮列陣接戰重貫中重創敗走之大獲甲騎詔嘉獎之別出良藥縑帛半酒以賜繼和習武藝好談方略所至幹治然御下少恩部兵終日擐甲常如寇至代還六年出爲并代鈐轄景德初徙北平嘗駕駐瀘淵與魏

山西通志卷一百二十四 鄉賢錄九

王

能張疑領兵赴趙州躡敵後遼請和又命副張疑爲緣邊巡檢安撫使事平復還并代時詔書有當行極斷語官吏不詳深意卽慮大辟繼和言其事乃詔悉須裁奏先是繼隆卒繼和恥以遺奏得官久之遷西上閣門使未幾擢殿前都虞候領端州防禦使大中祥符元年卒年四十六贈鎮國軍節度遺諸王赴弔二子早卒令三班主家事

王陟潞州上黨人清化三年進士補嵐州團練推官督運有勞遷晉州觀察推官至道初度支李擇言薦爲著作佐郎通判大名府眞宗尹京留爲開封司錄參軍以謹幹被待遇卽位召賜緋魚袋改著作耶進推官乘傳陝西督餉靈武咸平初遷太常博士爲河東轉運使賜金紫時趙保吉納款屢遣陟與內侍張崇貴裁度邊事正其經界又副崇貴使夏州賜

請命代歸同考試貢士及封印卷首改工部員外郎知棣州召入判三司鹽鐵勾院卒上以京府之舊甚憫之錄其子若拙奉禮郎後官太常博士若谷太廟齋郎及陟妻卒又命給其子俸

以上諸安府

辛仲甫字之翰汾州孝義人曾祖實石州推官祖迪壽陽令父藩河東節度判官仲甫少好學及長能吏事器局沈厚周廣順中郭崇瑩掌書記顯德初從鎮瀘淵崇親吏爲廂虞侯部民有被劫殺者詎陰識賊魁卽捕盜吏也官不敢詰仲甫請自捕逮鞠之吏故稽其獄仲甫曰民被寇害而使自誣服

山西通志卷一百二十四 鄉賢錄九

王

盡郊迎禮聽彼伺察久當自辨矣崇如其言使者至視崇無他意還奏上大嘉歸罪於思誨仲甫又隨鎮平盧崇卒改鄆齊粟雪冤枉乾德五年入拜右補闕出知光州州有橫河與城直會霖潦暴疾水溢潰廬舍仲甫集船數百艘軍資民儲皆賴以濟六年移彭州州卒謀長春節爲亂屬仲甫出城巡視見壕中草深意可藏伏命燒燼之凶黨疑謀泄自首擒百餘人盡斬之太祖問羣臣文武兼資者爲誰趙普以仲甫對徙益州兵馬都監代還選爲三司戶部判官太平興國初遷起居舍人使遼遼主問黨進何如人如進比有幾仲甫曰國家名將輩出如進鷹犬材耳何足道哉遼主欲留之仲甫曰信以成命義不可留有死而已竟不能屈使還以刑部郎中知成都府奏免歲輸銅錢罷榷酤政尙寬簡蜀人安之八年



加右諫議大夫時彭州盜賊連結誘令自縛詣吏者凡百餘人餘因散去九年入知開封府拜御史中丞雍熙二年拜給事中參知政事端拱中進戶部侍郎治化二年以足疾罷為工部尚書出知陳州代歸會蜀有寇以仲甫素著恩信將令與疾招撫以疾未行尋加太子少保致仕真宗加太子少傅咸平五年卒年七十四贈太子太保子若冲若海若濛若濟若渝皆能其官孫有孚有隣胥舉進士

王嗣宗字希阮汾州人曾祖同節寶鼎令祖待價汾州防禦推官父夢證成州軍事判官嗣宗少力學自奮開寶八年進士第一補秦州司寇參軍知州路冲政苛乘間極言其闕失冲繫嗣宗又教無賴民訟之獲直太宗征河東嗣宗上陳邊事授大理寺丞通判睦州改右贊善大夫徙河州武德卒潛

山西通志卷一百二十四 鄉賢錄九

三

察遠方事嗣宗械送京師因奏曰今不委任天下賢俊擬信此輩以為耳目臣竊不取太宗怒削秩尋復之以祕書丞通判澶州並河東西植樹萬株以固隄防入為三司開折推官以左正言充河北轉運副使就賜緋魚將議親征上言遼人必不至狀甚見嘉納改左司諫歷京西轉運使移河北貝州驍捷卒謀竊發率吏悉擒之優詔嘉獎遷虞部郎中賜錢百萬至道初移河東轉運使累淮南轉運江浙荆湖發運使揚楚間有窄家神廟民疾不餌藥竭力致祀嗣宗撤其廟選名方刻石州門自是稍變漕運經泗州浮橋舟多覆徙置城隅遂獲安濟又請以公田均賜外任官就改職方咸平三年以漕運稱職就拜太常少卿踰年以右諫議大夫充三司戶部使改鹽鐵使請裁節冗費從之明年郊祀減雜物十萬六千

省工九萬九千改左諫議知通進銀臺司兼門下封駁事出知并州兼并代部署州境有臥龍王廟窮冬致祭老幼多踣道亟毀之轉運使鄭文寶上其政績詔褒美先是戰馬瘠弱送闕下道遠多斃建議就牧汾州從之召拜御史中丞加兼工部侍郎權判吏部銓嗣宗剛果無所憚每進見極談時事或及人間細務上優容之將祀汾陰以永興重地思得大臣才兼文武者鎮之拜嗣宗耀州觀察使知永興軍作詩賜之上言宜賜種放終南田百畝徙放嵩山上令放徙居嵩陽避之四年徙知邠州兼邠甯環慶路都部署城東有靈應公廟旁有山穴羣狐處焉民虔禱之長吏皆先謁廟後視事嗣宗毀其廟燬其穴得數十狐盡殺之淫祀遂息徙知鎮州發邊庸賦庸坐貶嗣宗嘗言徙種放掘邠狐按邊庸為去三害居

山西通志卷一百二十四 鄉賢錄九

天

二歲召還授樞密副使檢校太保累表解職授檢校太傅大同軍節度知許州嘗游是州別墅在焉時人以爲榮移知河南府天禧初改節感德又改靜南以左屯衛上將軍檢校太尉致仕面辭特免舞蹈許其子扶掖之對數刻賜錢百萬還許下月給俸五十千嗣宗族撫諸姪如己子著遺戒訓子孫勿得析居又令以孝經弓劍筆硯置墻中五年卒年七十八廢朝贈侍中諡曰景莊錄其子二人甥二人官嗣宗事三朝最為宿舊所至以嚴明御下著中陵于三十卷子堯臣內殿承制唐臣太子中舍從于舜臣供俸官閣門祗候禹臣太子中舍

趙昌言字仲謨汾州孝義人父叙從事使府太宗尹開封選為雍邱太康令後終安申觀察判官昌言少有大志趙遵高



錫寇準皆稱許之太平興國三年舉進士為貢部首薦擢實  
甲科為將作監丞通判鄂州拜右拾遺直史館賜緋魚選為  
荆湖轉運副史遷右補闕改知青州入拜職方員外郎知制  
誥預修文苑英華雍熙初加屯田郎中明年同知貢舉俄出  
知天雄軍岐溝失律請誅曹彬等優詔褒答召拜御史中丞  
河東用兵多條上邊事為左諫議大夫代張宏為樞密副使  
遷工部侍郎坐備書種額上言事貶崇信軍節度行軍司馬  
初太宗厚遇昌言垂欲相之趙普惡昌言剛戾將陷以類獄  
太宗特寬焉消化二年起知蔡州逾年召拜右諫議大夫或  
議弛茶鹽禁以省轉漕命為江淮兩浙制置茶鹽使昌言極  
言非便上趣往固執如初以戶部副使雷有終代之卒以無  
利罷昌言復知天雄軍大河貫府境彙民時芻蕘誘姦人潛

山西通志卷一百二十四 鄉賢錄 完

穴隄防嚴仍決溢一日隄吏告急命徑取豪家積以給用  
自是弊遂絕澶州河決流入御河索禁卒佐隄役不進昌言  
怒曰府城將整人民且竭汝輩食厚祿欲坐觀耶敢不從命  
斬眾股慄赴役不浹旬城完手詔褒諭之召拜給事中參知  
政事俾乘疾置以入即赴中書時連雨請出廐馬分牧外都  
或以盛秋備敵馬不可闕昌言曰塞下積水敵必不至從之  
未幾王小波李順搆亂於蜀獨請發兵無使滋蔓始命王繼  
恩等進討賊平改戶部侍郎罷政事知鳳翔府徙澶涇延三  
州真宗初遷兵部侍郎知陝州移知永興軍咸平三年與呂  
蒙正寇準同召以本官兼御史中丞知審官院加工部尚書  
仍兼中丞孟州民常德方訟臨津尉任懿以賄登第乃知舉  
王欽若受之昌言以聞欽若自訴詔邢昺覆案坐昌言故入

奪官貶安遠軍行軍司馬移武勝軍景德初拜刑部侍郎判  
尚書都省辛澶淵以盟津居要地增屯兵命知河陽歷知天  
雄軍徙鎮州遷戶部侍郎大中祥符二年卒年六十五贈吏  
部尚書諡曰景肅錄子慶嗣為國子監丞賦祿終喪從孫允  
明同學究出身昌言喜推獎後進掌漕湖外時李沆通判潭  
州謂有台輔之量表聞於朝王旦宰岳州平江一見識其遠  
大以女妻之後皆為賢相王禹偁自卑秩搢詞職亦昌言所  
薦也昌言強力尚氣概當官無所顧避所至以威斷立名慶  
嗣至太子洗馬

山西通志卷一百二十四 鄉賢錄 三

侯延廣汾州平遙人父仁矩歷通都雄三州刺史悉以延廣  
補牙職在雄州方宴寇數十騎白晝入州城延廣引親信數  
騎馳出射殺其首一人斬數級悉擒餘黨仁矩喜拊其背曰  
興吾門者必汝也監軍李漢超以聞詔褒美賜錦袍銀帶仁  
矩卒補西頭供奉官從黨進討太原太平興國初護延州軍  
兼緣邊巡檢善撫士卒下樂為用戎人畏服遷開門祇候時  
求可使徵巡西北邊者近臣言延廣將家子習邊事遷崇儀  
副使充同鄜坊延丹緣邊都巡檢使延廣力疾入辭賜名藥  
及方遣太醫隨侍戎人聞延廣至不敢復為寇叛卒劉湜嘯  
聚千餘人謀入京兆延廣率兵數百自間道追之會於富平  
西十五里挺身與渥園大樹下斷渥右臂渥脫走乘勢大敗  
其眾渥創甚止谷中後數日為追兵所獲渥素號驍勇無敵  
至是羣盜喪氣餘黨稍自歸關右以定權拜崇儀使消化二  
年命領獎州刺史知靈州賜金帶名馬部下嚴整戎人悅服  
李繼遷避其鋒會騎將李繼隆討趙保忠以延廣護軍既而



夏臺平保忠就縛手詔褒美賜賚甚厚師還留為延州鈐轄會節帥田重進耄以延廣同知州事兼緣邊都巡檢使監軍康贊害其功誣奏延廣得虜情恐後倔強難制遂詔還以慕谷德豐代之部內甚不治至道間繼遷寇靈州同知樞密院事錢若水稱延廣可使就拜甯州團練使知靈州兼兵馬都部署賜白金二千兩歲增給錢二百萬延廣獨引數十騎之鎮戎人素服其威名皆相率引避二年春病遣御醫馳視延廣謂中使李知信曰延廣家世受國恩今日得死所矣但恨未立尺寸功耳言訖卒年五十賙賻甚厚以其子為六品正員官子紹隆東染院使帶御器械紹隆子宗亮右侍禁閣門祇候州府

宋太初字承初澤州晉城人太平興國三年進士解褐大理評事通判戎州以善政聞詔褒美選將作監丞贊善大夫轉太常丞雍熙三年通判成都府求直言著守成箴以獻涪化初遷監察御史歷京西河東轉運使改殿中侍御史至道初遷兵部員外郎充鹽鐵副使時陳恕為使凡有規畫必咨恕未嘗自用其功恕甚德之改刑部郎中充陝西轉運使真宗召還復命經度陝西餽運咸平初拜右諫議大夫知江陵府蠻寇擾動以便宜制遏詔獎之三年再知梓州俄代雷有終知益州命為川陝四路都轉運使要切之務俾同規畫與鈐轄楊懷忠不協亟召還命權御史中丞先是按劾有罪必豫請旨太初以為失風憲體獄成然後聞上時論黜之俄出知杭州以疾改廬州連徙汝光二州景德四年卒年六十二錄其弟繼讓試校書郎太初性周慎所至有幹職嘗嘗者簡譚

三十八篇其序略言禮之中庸伯陽之自然釋氏之無為其歸一也嘗以古聖之道契當世之事而思未博也忽外物觸于耳目內機發于性情因筆而簡之以備闕忘云子傳慶太子中舍

折御卿雲中人府州節度德晟子也幼補節院使兄御勳知州事署兵馬都校御勳徙鎮召為開慶副使知府州太宗征河東命與尹憲領屯兵攻嵐州破岢嵐軍擒其軍使折令圖以獻遂下嵐州又殺其憲州刺史霍翊擒其將馬延忠等七人遷崇義使涪化三年四遷為府州觀察使五年拜永安軍節度使遼師萬餘入寇大敗之於子河漢太宗遣使問之對曰敵緣山峽小徑入謀剽略臣謀知之遣人邀其歸路因縱兵擊走之人馬墜崖谷死者相枕其大將韓德威僅以身免

皆聖靈所及非臣之功也上嘉之歲餘德威謀知御卿病率眾來侵以報子河漢之役御卿力疾出戰德威不敢進會疾甚其母密遣人召歸御卿曰世受國恩邊寇未滅御卿罪也今臨敵棄士卒自便不可死於軍中乃其分也為白太夫人無念我忠孝豈兩全言訖泣下翊日卒年三十八上聞悼惜久之贈侍中以其子惟正為洛苑使知州事惟正歸朝以其弟惟昌繼之

折惟昌御卿子繼知府州事咸平二年河西黃女族及囉訛引趙保吉眾入寇麟州萬戶谷進至松花砦惟昌與從叔同巡檢使海超弟供俸官惟信赴戰臂中流矢墜馬攝弓起得裨將馬突圍出海超惟信沒焉九月保吉黨萬私保移埋復來寇與宋思恭劉文質合戰於埋并峰敗走之又破言泥族



拔黃若焚其器甲車帳存斬甚眾以功領富州刺史改文思使景德元年與王萬海破賊若護爲糧抵麟州秋入朔州界破狼水岩時遠方圍岢嵐軍遁去明年拜興州刺史大中祥符二年赴闕命近臣與射於苑中宴賜甚厚上言先臣御卿蒙賜旗三十竿以壯軍容請別給賜許之七年河東運糧赴麟州出兵爲援力疾領步騎屯甯遠若冒風沙而行時疾已亟猶與賓佐晏飲談笑自若明日卒年三十七以其弟惟忠繼之

折惟忠字蓋臣初以兄惟信戰沒補西頭供奉官擢閤門祿候及惟昌卒爲六宅使知府州兼麟府都巡檢使領普州刺史再遷左藏庫使真拜嘉州刺史改資州進蘭州團練使母喪起雲麾將軍卒惟忠知兵事天聖中遼夏會兵境上聲言

山西通志卷一百二十四 鄉賢錄九

三

嫁娶惟忠規實往備之戒士卒毋輕動一夕風霾有騎走營中言寇至惟忠堅臥不動徐命擒之得數寇馬蓋寇所縱也既卒錄其弟姪子孫七人以其子繼宣嗣州事久之特贈惟忠耀州觀察使寶元中繼宣坐指刻降左監門衛將軍楚州都監以其弟右侍禁繼閔繼之官至西京作坊使

折繼閔字廣孝慶厯中元昊攻麟州不克進圍州城城險且堅東南有水門匡壁峭絕阻河賊緣崖後微徑魚貫而前城中矢石亂下賊轉攻城北士卒復力戰賊多死傷引去繼閔以城守勞特遷宮苑使普州刺史後領果州團練使自元昊拒命招輯歸業凡三千餘戶皇祐二年卒以其弟繼祖繼之繼祖字應之臨政二十餘年奏乞書籍仁宗賜以九經韓絳發河東兵城囉兀爲先鋒深入敵帳降部落戶八百加解州

防禦使卒繼祖子當襲州事請以授兄之子克柔詔從之而進其三子官錄二孫爲借職繼世亦繼閔弟少從軍爲延州東路巡檢鬼名山內附繼世先知之遣其子克勲報種諤諤用是取綏州分名山之衆萬五千戶居於大理河夏來攻再戰皆捷諤遣繫以兵付之遂同名山守綏州錄功領忠州刺史說韓絳城囉兀以撫橫山因畫取河南策絳然之以左驍驍使果州團練使卒詔繼世蕃官捍邊有績特給賜禮

折克行字遵道繼閔子初仕軍府無所知名種諤拒夏人於環慶詔河東援之克行請往諤使以兵三千護餉道戰葭蘆川先登斬級四百降戶千馬畜萬計諸老将嬰然曰眞折太尉子也擢知府州王中正出塞克行先拔宥州每出必勝夏人畏之益左廂兵專以當折氏太原孫覽議城葭蘆克行卽頓兵吐渾河約勒部伍爲深入窮討狀敵疑不敢動既訖役

山西通志卷一百二十四 鄉賢錄九

三

又入津慶龍橫川斬級三千在邊三十年善拊士卒戰功最多羌人呼爲折家父官至秦州觀察使卒贈武安軍節度使子可大爲榮州團練使知府州

折可適克行從子也少工馳射薦試廷中補殿侍隸延州出塞遇敵馬索與鬪斬其首取馬而還益知名米脂之役與夏人戰三角嶺得級多又敗之於蒲桃谷夏人十萬人寇可適先得其守烽卒姓名詐爲首領行視呼出盡斬之烽不傳因卷甲疾趨大破之于尾丁磴回次權楊溝正午駐營分騎據西山日彼若躡吾後腹背受敵必敗果舉軍來可適所部纔八千轉戰至高嶺乃從間道趣洪德設伏邀其歸路敵至伏發衝之其國母踰山而遁焚棄輜重眾赴崖瀾死者如積論



前後功至皇城使成州團練使哲宗詔密圖夏寇名阿埋味  
勒都逋二酋會境上謀知之遣兵夜往襲并俘其族屬三千  
人遂取天都山上為御文德殿受賀以其地為西安州遷可  
適東上閣門使涇原鈐轄知州事為副都總管帥鍾傳行邊  
為敵所隔以輕騎拔之得歸傳議取靈武環慶亦請出師命  
可適將萬騎往即薄靈州川俘獲甚夥而慶兵不至引還入  
覲進武安軍節度觀察留後步軍都虞候後召為佑神觀使  
明年復為渭州命其子彥質直祕閣參軍事數月卒年六十

畢士安字仁叟雲州雲中人會祖宗昱雲中縣令祖珠雲州  
別駕父父林終觀城令因備觀城士安少好學事繼母祝氏  
孝求師至鄭友楊璞韓丕劉錫因僑鄭乾德四年第進士邠

山西通志卷一百二十四 鄉賢錄九

五

帥楊廷璋辟掌書奏開寶四年歷濟州團練推官掌筦權歲  
課增羨改兗州觀察推官太平興國初為大理寺丞領三門  
發運事選知台州言錢氏上圖籍有司皆張侈賦數願一用  
舊籍從之明年遷左贊善大夫徙饒州改殿中丞召為監察  
御史復出知乾州乞降任就養改監汝州稻田務雍熙二年  
遷左拾遺兼冀王府記室參軍太宗召諭賜襲衣銀帶鞍勒  
馬士安本名士元以犯王諱改焉遷考功員外郎端拱中以  
本官知制誥王願留府邸不許潛化二年召入翰林為學士  
大臣以張洎薦上曰洎視畢士安詞藝踐歷固不減但履行  
遠在下爾三年知貢舉加主客郎中以疾改右諫議大夫知  
潁州壽王尹開封府召為判官及正承華兼右庶子遷給事  
中登位命權知開封府拜工部侍郎樞密直學士時近臣強

取民間女士安因對奏還之官府常從授外任必令士女戒  
勸咸平初拜禮部侍郎復為翰林學士詔選官校勘三國志  
晉唐書或言兩晉事多鄙惡士安曰惡以戒世善以勸後善  
惡之事春秋備載上然之遂命刊刻以目疾改兵部侍郎出  
知洛州特加月給入為翰林侍讀學士景德初兼祕書監首  
疏五事陳選將餉兵理財之策上嘉納李沆卒進吏部侍郎  
參知政事入謝言寇準兼資忠義善斷大事此宰相才也正  
所宜用未閱月以本官與準同拜平章事士安兼監修國史  
居準上準為相守正嫉惡小人日思傾之布衣甲宗古告準  
交通安王元傑準惶恐士安力辯其誣下宗古吏具得姦罔  
斬之準乃安景德元年九月遷統軍總覽至天雄兵號二十  
萬上問策安出士安與準條畫禦備又合議請幸澶淵時已

山西通志卷一百二十四 鄉賢錄九

美

詔巡幸而大臣猶進金陵成都圖士安亟同準請對力陳其  
不可惟堅定前計上嚴兵將行太白晝見流星出上台北貫  
斗魁或言大臣應之士安適臥疾移書準曰屢請昇疾從行  
手詔不許今大計已定唯君勉之士安得以身當星變而就  
國事心所願也已而少間迨至澶淵遼師營瀆北伏弩射斃  
撻覽遼眾遁會曹利用使還具得要領又偕遼使姚柬之來  
和議遂定歲遺銀絹三十萬朝論以為過士安曰不如此遼  
所願不重和事恐不能久及罷兵從還乃按邊要選良守將  
各得其任令塞上得境外牛馬悉還之通互市除鐵禁招流  
亡廣儲畜未幾夏州趙德明亦款附量時制法次第施行復  
置賢良方正直言極諫等科二年章七八上以病求免優詔  
敦諭不得已復起視事十月晨朝至崇政殿廬疾暴作上步



出臨視已不能言詔內侍寶神賞以肩輿送歸第卒年六十  
 八駕臨之廢朝五日贈太傅中書令諡文簡士安端方沈雅  
 有清議所至以嚴正稱年耆目既讀書不輟有文集三十卷  
 嘗謂人曰僕仕宦無赫赫譽但力自規檢庶幾寡過爾凡交  
 遊無黨援惟王祐呂端見引重王旦寇準楊億相友善王禹  
 偁陳彭年皆門人也禹偁幼時以事至濟州官舍士安識其  
 非常童留之教以學舉業日顯後遂登科先進用士安知制  
 誥其命乃禹偁詞也子世長衛尉卿慶長大府卿孫從善光  
 祿少卿從古駕部郎中從厚從壽檢校水部員外郎從簡博  
 羅令從道殿中丞從範山南西道節度推官從益太常寺太  
 祝從周朝散郎知洋州會孫仲達仲偃至郡守仲衍仲游仲  
 愈案士安之先再世官雲州故古晉雲中宋史云代州雲中  
 人誤或據史以醇縣界有古雲中城目為醇人殊牽就

山西通志卷一百二十四 鄉賢錄九

畢仲衍字夷仲蔭陽翟主簿第進士調沈邱令歐陽修呂公  
 著薦之入司農為主簿升丞吳充引為中書檢正使遼宴射  
 連破的旅驚異密取其衣為度制服以賜時預遠元會盡能  
 記其朝儀節奏圖畫歸獻以祕閣校理同知太常禮院為官  
 制局檢討官損益刪補曲盡其當禁內問事必須仲衍然後  
 報他人不知也撰中書備對三十卷士大夫爭傳其書館高  
 麗使上元夕宴東闕下作詩誦聖德上次韻賜焉時以為寵  
 擢起居郎未幾卒年四十三遣中使賻錢五十萬

畢仲游字公叔與仲衍同登第元祐初為軍器衛尉丞召試  
 學士院同黃廷堅張耒晁補之輩策問蘇軾異其文擢第一  
 加集賢校理開封府推官出提點河東路刑獄太原銅器名  
 天下買二茶七去故相韓縝曰如公叔可謂真清矣召拜職

方司勳二員外郎改祕閣校理知耀州歲大旱先民未饑揭  
 輸境內日郡振施與平糶若干萬碩實虛張其數富室知有  
 備亦相勸發廩民就食者十七萬九千口無一人去其鄉徽  
 宗時歷知鄭鄆二州京南淮南兩運副使入為吏部郎中仲  
 游早受知於司馬呂公著不及用范純仁尤知之當國時  
 又適母喪故未嘗得尺寸進然亦墮黨籍坎壈散秩而終年  
 七十五為文切於事理不為浮誇誕戲語蘇軾在館閣頗以  
 言語文章規切時政貽書戒之司馬光為政反王安石所為  
 仲游又子之書光軾得書鋒然亮如其慮弟仲愈歷國子監  
 丞諸王府侍講知鳳翔府坐兄游黨籍例黜上曰畢仲衍  
 被遇裕陵可除罪籍以為都官郎中擢祕書少監卒以上大  
 同府

山西通志卷一百二十四 鄉賢錄九

黨進朔州馬邑人幼事杜重威愛其惇謹後進貴重威子孫  
 貧困分月俸給之周廣順初隸軍伍補散指揮使累遷鐵騎  
 都虞侯宋初轉都校領欽州刺史乾德五年累遷彰信軍節  
 度兼侍衛步軍都指揮使親征太原命副李繼勳將河東行  
 營前軍開寶二年師臨晉陽置砦四面命進主東偏未成列  
 太原驍將楊業領突騎數百來犯進奮身從數人逐業業急  
 入墮中會援兵至緣繩入城獲免上激賞之六年改侍衛馬  
 軍部指揮使領鎮安軍節度九年又命將河東行營兵征太  
 原入城敗其軍於城北太宗初召還太平興國二年出為忠  
 武軍節度使在鎮歲餘遇疾卒年五十一贈侍中進形貌魁  
 岸居常恂恂至振甲冑毛髮皆豎時稱党太尉故事都虞侯  
 已上悉書所掌兵數于槓上如芴記一日上問所掌幾何進  
 舉槓以示曰盡在是上以其朴直益厚之見閭里畜禽獸者



輒取而縱之罵曰買肉不供父母反飼禽獸耶太宗親史贊  
鷹隼於市進欲放之吏曰此晉王鷹也進乃戒曰汝謹養視  
小民傳以為笑子崇義閣使崇貴閣門祗候以上朔

薛超遼州平城人少有勇力乾德初應募為虎捷卒從崔彥  
進伐蜀錄功補虞侯遷十將太平興國初四遷至天武指揮  
使從征太原領遊騎千人備禦鎮定境上以張軍勢車駕還  
從大將劉廷翰率兵至徐河遇遼兵挑戰超躍馬直前連射  
斃數人敵勢遂卻大軍乘之奮斬萬餘級以功加步軍都頭  
神衛軍校領欽州刺史雍熙三年敵至雁門西陘敗之追至  
寰州又乘勝抵應州胥降還加馬步都軍頭消化初屯鎮州  
遷天武指揮使領澄州團練使卒年五十七

李允正字修己并州孟人巡檢使謙溥子也蔭補供奉官掌

山西通志卷一百二十四 鄉賢錄九

左藏庫又掌三班遷閣門祗候通事舍人消化中命討戎瀘  
州蠻遷西上閣門副使提總汴城慮囚請詔御史臺給印紙  
作囚簿署禁繫月日庶無淹滯詔從之又提點左右藏屢乘  
傳北面經度邊要五年為衛州修河部署會建清遠軍積石  
砦命詣瀚海部分其役還拜西上閣門使并州駐泊鈐轄俄  
知州事徙代州咸平初使蜀詢訪民事轉東上厯知鎮莫二  
州又為并代馬步軍鈐轄駐大名率太原軍出上門來會  
所部廣銳騎士數百素練習命賜緡錢屯邢州與石保吉逐  
遼人遼人遁復還并代五年為涇州甯路鈐轄兼安撫都監  
又與錢若水同詣洪德懷安沿邊諸砦經度邊事加領誠州  
刺史復鈐轄并代進四方館使代馬知節為郵延部署兼知  
延州改客省使知定州兼鎮定都鈐轄大中祥符三年移河

陽部嘗以便養會張崇貴卒亟徙郵延部署領河州團練使  
允正頗知書性嚴毅疏財喜自修飭累典邊任徙永興軍卒  
年五十一

李允則字垂範謙溥次子少以材略聞蔭補衙內指揮使改  
左班殿直太平興國七年始置榷場於靜戎軍允則典其事  
遷使河東路決繫囚原治逋欠又使荆湖路察官吏與轉運  
使檢視錢帛器甲刑獄遂擢閣門祗候濬治京師諸河創水  
門鄭州水磴西川賊劉旰平上官正議脩城未決命往視還  
言西川以無城難守宜如正議又言兵分則緩急不為用請  
併屯要害以便餽餉高溪州蠻田彥伊入寇遣詣辰州悉招  
輯之累遷供備庫副使知潭州真宗曰朕在南衙畢士安嘗  
道卿家世今以湖南屬卿初州人出絹謂地稅計屋輪絹謂

山西通志卷一百二十四 鄉賢錄九

屋稅營田戶給牛歲輸米四斛牛死猶輸謂枯骨稅民輸茶  
自九斤至三十五斤允則請除三稅茶以十三斤半為定制  
民皆便之湖湘山田多不耕令馬芻皆輸本色由是山田悉  
墾湖南饑先振而後奏曰須報踰月則飢者無及矣明年淳  
飢請以家貲質於轉使乃得發廩賤糶因募饑民堪役者隸  
軍籍得萬人轉運使請發募兵禦邵州允則曰今蠻不攪無  
名益成是長邊患也奏罷之陳堯叟安撫湖民列治狀請留  
堯叟以聞召還連對三日上曰畢士安不謬知人遷洛苑副  
使知滄州允則濬浮陽湖葺營壘官舍問穿井遠尋來攻老  
幼皆入保而水不乏斲冰代礮遂解去轉鎮定高陽三路行  
營兵馬都監遠通好徙知瀛州上言朝廷已許和議但擇邊  
將謹誓約有言和好非利者請一切斥去遷西上閣門副使



何承矩為河北緣邊安撫提點權場及承矩疾詔自擇代乃請允則知雄州河北既罷兵允則治城壘不輟詔詰之奏曰初通好不即完治恐他日積圯因此廢守則邊患不可測也上以為然城北舊有襄城允則欲合大城為一先建東嶽祠出黃金百兩為供器道以鼓吹居人爭獻金銀久之密徹去聲言盜自北至下令捕盜三移文北界乃興版築揚言以護祠而卒就闕城浚壕起月隄自此襄城中人內城中始州民多以草覆屋允則取材木西山大為倉廩營舍始教民陶瓦甃標里開置庫市邸舍水磴城上悉累甃下環以溝塹蒔麻植榆柳廣開承翰所脩屯田架石橋構亭榭列隄道以通安肅廣信順安軍歲修禊事召界河戰棹為競渡縱北人遊觀潛寓水戰州北舊多設陷馬坑城下起樓為斥堠望十里自

山西通志卷一百二十四 鄉賢錄九 聖

罷兵人莫敢登允則曰南北既講和矣安用此為命徹樓夷坑為諸軍蔬圃濬井疏洫列畦隴築短垣縱橫其中植以荆棘而其地益阻隘因治坊巷徙浮圖北原上州民旦夕登望三十里下令安撫司隙地悉種榆久之榆滿塞下顧謂僚佐曰此步兵之地不利騎戰豈獨資屋材耶上元舊不然燈允則結綵山聚優樂使民夜縱遊明日偵北帥欲問入觀允則與同僚伺郊外紫衣人果至與人傳舍不交一言出女奴羅侍左右劇飲而罷且置其蕙廡下使遁去即幽州統軍也後數日為遼所誅嘗宴軍而甲仗庫火作樂飲酒不輟副使請救不答少頃火熄悉瘞所焚物密遣吏持檄瀛州以若籠運器甲不決旬兵數已完人無知者樞密院請劾狀上曰允則必有謂姑詰之對曰兵械所藏燬火甚嚴方宴而焚必姦人

所為舍宴而救事或不測一日有訴為遼人毆傷而遁者允則不治與傷者錢二千眾以為怯逾月幽州以其事來詰若以無有蓋他謀欲以毆人為質驗比得報以為妄乃殺謀雲翼卒亡入遼移文督還遼報以不知所在允則曰在某所遼人駭不敢隱即歸卒乃斬以徇歷四方館引進使高州團練使天禧二年以客省使知鎮州徙潞州仁宗初領康州防禦使天聖六年卒允則不事威儀間步出遇民可語者延坐與語以是洞知人情訟至無大小而訊立斷善撫士卒皆得其用盜發輒獲身無兼衣食無重差不畜資財在河北二十餘年事功最多其方略設施雖寓於遊觀亭傳間後人亦莫敢墮至國信往來費用儀式多所裁定晚年居京師有自遼亡歸者皆命舍允則家允則卒始寓樞密院大程官營

山西通志卷一百二十四 鄉賢錄九 聖

王承美豐州人父某事契丹為左千牛衛將軍開寶二年率眾來歸父卒授天德軍蕃漢都指揮豐州刺史太平興國七年與契丹戰斬獲萬眾擒其天德軍節度使章太以獻明年契丹入寇擊敗其眾追至青冢百餘里斬獲甚眾尋請於州城置孔子廟許之

右宋建隆至天禧五十二人



鄉賢錄十 錄二之十 山西通志卷一百二十五

賜進士出身頭品頂戴兵部侍郎兼都察院右副都御史巡撫山西提督軍務張曜奏  
旨監修

宋 天聖至建炎

夏守贊字子美并州榆次人父遇戰沒契丹幼與兄守恩並  
召入襄王宮稍長習通文字真宗初授右侍禁命往綏夏伺  
察李繼遷西頭供奉官寄班祗候幸大名為鴆前走馬承  
受時康保裔戰沒部曲畏誅言保裔降賊守贊受密詔變服  
往廉得其情還奏詔恤其家幸澶淵汾陰皆為駕前巡檢幸  
亳州修行宮轉崇儀使每遣使至與楊崇勳送為館伴凡十  
餘年累遷定州路都總管寶元二年召知樞密院事上問西  
事守贊言宜併小障兵以據衝要伺便邀擊功或可成上然

山西通志卷一百二十五 鄉賢錄十

之辨劉平石元孫之枉自請將兵擊賊換宣徽南院使陝西  
馬步軍都總管兼經略安撫緣邊招討使命以御劔隨之尋  
詔駐軍河中居數月徙屯鄜州康定元年召同知樞密院事  
以子隨卒請罷以宣徽南院使天平軍節度連判瀘州二州  
復為真定府定州等路都總管徙高陽關判瀘州卒贈太尉  
諡忠愍守恩字君殊亦累官真定定州都總管  
夏隨字君正守贊子慎重少過頗好儒多與士大夫游初蔭  
殿侍為率府副率仁宗初除內殿承制歷開門使出為天雄  
軍兵馬鈐轄累遷鄜延路副都總管獲元昊偽書錦袍銀帶  
以遺金明李士彬隨力辨其行間士彬感激擊賊自效轉耀  
州觀察使知亳州劉平敗徙知河中以為經略留領會靈  
觀事守贊還復為陝西副都總管兼緣邊招討副使卒贈昭

信軍節度使諡莊恪

王信字公亮太原人家故饒財少勇悍大中祥符中盜趙晉  
絳澤潞數州信應募籍軍與其徒生擒賊七十人以功補龍  
神衛指揮使部使者薦召閱武藝遷御前忠佐軍領河中府  
同華鄜延丹坊州慶成軍管界捉賊又遷龍衛都虞侯兼鄜  
延巡檢劉平石元孫戰沒信以所部兵薄賊斬數十級遷捧  
日都虞侯改西京作坊使知鎮戎軍徙保安軍兼鄜延路兵  
馬都監至敵眾數萬夜薄城軍更氣備信領勁兵三千出  
南門與賊穴其前鋒因按兵不動遲謂潛上東山整軍乘勢  
而下擊走之多獲首級馬牛遷鈐轄兼經略安撫招討都監  
領貴州刺史葛懷敏敗信出兵拒敵俘斬甚眾進保州刺史  
就遷馬步軍都總管遂為招討副使累遷馬步軍都虞侯象

山西通志卷一百二十五 鄉賢錄十

州防禦使徙高陽關路王則變明鑄奏為貝州城下都總管  
城破則遁執之拜威德軍節度觀察留後召為步軍副都指  
揮使卒贈武密軍節度兼侍中  
王凱字勝之從祖審鈞僑京兆饒于財散施結客日馳獵南  
山下尹寇準見而奇之言全斌取蜀有勞審鈞又死忠義當  
錄其孤遂為三班奉職監鳳翔釐屋稅歷左右班殿直擢閤  
門祗候定邢趙都巡檢使徙麟州都監嘗出雙烽橋染枝谷  
遇夏人破之又破龐青黃羅部再戰于伺候烽前後斬三百  
餘級獲馬牛橐駝器械以數千計夏人聞麟州乘城拒關晝  
夜三十一日始解去遷西頭供奉官代還為內殿崇班麟州  
路緣邊都巡檢使護糧道于青眉浪寇猝大至與同巡檢張  
呂相失乃分兵出其後夾擊之復與呂合斬首百餘級又入



免毛川遇賊三萬凱兵祇六千陷圍中流石中面鬪不解斬首并自蹂踐死者以千數內侍宋永誠哭于軍劾罷之遷南作坊副使改并代州鈐轄管勾麟府軍馬事夏人二萬寇青塞堡凱出鞋邪谷轉戰四十里至杜胡川大敗之得所掠馬牛以還經略明鎬上其功領資州刺史會平甘陵盜拜澤州刺史累遷涇州觀察使又徙秦鳳路入辭諭以嘶氏木征交易阻絕宜安靜以處之至則與主帥撫以恩信遂復常貢召拜武勝軍節度觀察留後侍衛親軍馬軍副都指揮使卒年六十六贈彰武軍節度使諡莊恪凱篤于故舊治軍有紀律善撫士卒平居與均飲食臨陣毅然不少假故士卒畏服戰無不力前後與敵遇未嘗挫衄子緘

山西通志卷一百二十五 鄉賢錄十

三

使父通事晉邸普十歲給事邸中以謹信見親補寄班祇候遷東頭供奉官捕獲永興賊邢聚駝賈禿指數百人遷內殿崇班帶御器械為西川行營先鋒討平李順遷西京作坊使領欽州刺史順餘黨稱印南王又為西川都提舉捉賊使入奏面陳致亂由賦斂苛急農民失業宜稍蠲減之使自為生則不討而自平許之普即還蜀揭榜諭上意蜀人悅服賊平賜白金三千兩襲衣金帶鞍勒馬遷洛苑使領富州團練使延州緣邊都巡檢使追殺羌七羽王均亂為川峽路招安巡檢使從雷有終擊破賊于天回鎮圍益州賊繕車礮又為地道攻城均平進冀州賜黃金三百兩白金三千兩特命兼帶御器械為保州兵馬鈐轄北面行營押策先鋒戰廉良城長城口獲俘器械甲甚眾徙定州路副都總管靈州失守徙承

興軍上言臣嘗將兵輒破一錢與別將各持其半用相合為信上乃置傳信牌又獻禦戎圖請設塹以陷敵馬并上所置戰械甚眾徙莫州總管望都敗令統軍一萬屯莫州浚靜戎順安軍營田河道徙屯順安西與魏能楊延昭田敏倚角掌御劔內侍馮仁俊與普不叶上召仁俊還又令率所部屯乾甯軍徙冀州總管澶淵之役王繼忠遣人持信箭遣普且通密表和議成遷容州觀察使郵延路副總管趙德明納款普言不宜授以抑蕃落使徙并代路改桂州觀察使鎮州路總管遷止兼管內蕃落使徙并代路改桂州觀察使鎮州路總管遷保平軍節度觀察留後幸汾陰遷至陝駐蹕城中賜詩令屬從拜河西軍節度使知河陽徙許州築大流堰引河通漕京師上軍機條目二卷用將機宜要訣二圖上言聞响嘶囉欲

山西通志卷一百二十五 鄉賢錄十

四

陰報曹瑋請以所獻陣圖付瑋可使必勝會請罷醜設歲省緡錢七千餘萬王欽若乘機搆之除名貶賀州仁宗遷左屯衛左衛將軍分司西京給官第居蔡州遷大將軍卒普性倜儻有膽略凡預計伐聞敵即馳赴西平蜀盜大小數十戰屢摧其勇通兵書陰陽六甲星歷推步之術太宗嘗謂普剛鷲少合然藉其善戰每厚遇之後值忌日必盡室詣佛寺齋薦以為常

郭承祐字天錫中書令從義曾孫也娶舒王元偁女授西頭供奉官補左清道率府率春坊左講者真宗為玉石小牌二勒銘以戒飭之仁宗初遷西染院副使西上閤門副使坐事編管徙許州別駕起率府率遷西京作坊使勾當右驛院進六宅使象州團練使承祐多言事指切人過失同列謂之



武諫官後累遷建武軍節度使以宣徽南院使判應天府府  
壁壘不完盜至卒無以禦承祐始城南關浚沙灘盟三河徙  
亳州應知徐州轉運使蘇舜元薦之改知鄭州卒贈太尉謚

密  
閻守恭并州榆次人父榮僞儻有志略劉繼元欲召至帳下  
辭不就守恭體貌奇偉劉氏平徙太原民於大名府因僞家  
焉往來負販并汾間過西山聞郭進為都巡檢使慨然曰進  
不過主亦行伍爾吾豈不及進邪遂應募隸拱聖軍擢殿前  
押班咸平中從幸河北以功為捧日副指揮使歷拱聖龍衛  
捧日指揮使累遷左第二軍乾州刺史明道中以德州刺史  
為承興軍兵馬鈐轄徙并代路守恭性沈勇御軍嚴雖居家  
如對賓客常訪求士大夫取郭進事師法之俸祿悉散予人

山西通志卷一百二十五 鄉賢錄十

五

在并州因春社會客曰守恭太原一貧民爾徒步位刺史老  
復官鄉里踰分多矣今日與卿輩訣後十日卒

高若訥字敏之并州榆次人僞衛州進士及第補彰德軍節  
度推官改祕書省著作佐郎再遷太常博士知商河縣縣有  
職分田半種皆假於民獨廢不耕御史知雜楊偕薦為監察  
御史裏行累遷起居舍人知諫院范仲淹奪職歐陽修移書  
責之未幾加直史館以刑部員外郎兼侍御史知雜事王蒙  
正知蔡州若訥言蒙正起禱販因緣戚里得官向徙柳州物  
論猶不平今予之大州可乎詔寢其命大慶殿設祈福道場  
言大慶殿非禮不御非法服不坐國之路寢也豈可聚老釋  
為黷慢閭文應為入內都知言其肆橫不法請出之遂出文  
應又言二府對纜數刻何以盡萬幾宜賜坐從容如唐延英

故事擢天章閣待制知承興軍留判吏部流內銓出為河東  
路都轉運使召還兼侍讀權判尚書刑部母服除加龍圖閣  
直學士史館修撰以右諫議大夫權御史中丞明年代吳育  
為樞密副使王則據貝州或議招降言河朔重兵所積今釋  
不討後且啟亂階及破城議貸知州張得一言守城不死自  
當誅况為賊屈得一遂棄市以工部侍郎參知政事為樞密  
使凡內降恩多覆奏不行入內都知王守忠欲得節度使固  
執以為不可坐前驍敵斃路人皇祐五年罷觀文殿學士卒  
贈右僕射謚文莊若訥彊學善記自秦漢以來諸傳記無不  
該通尤喜申韓管子書明歷學通醫書雖國醫皆屈服張仲  
景傷寒論訣孫思邈方書及外臺祕要久不傳悉考校訛謬  
行之名醫多出衛州皆本高氏學皇祐中以漢貨泉度一寸

山西通志卷一百二十五 鄉賢錄十

六

依隋書定尺十五種上之并損益祠祭服器悉施用有集二  
十卷

盧政太原文水人為神衛都軍頭從劉平戰延州寇薄西南  
隅兵不得成列政引數騎挑戰發伏弩二百射卻之日暮政  
說平日今處山間又逼汗澤宜速退保後山須明決鬪不然  
彼夜出乘高懸我何以禦之平不聽遂敗政脫身歸及黃德  
和誣平政言平被執非降也因自陳失主將當死上義其言  
赦之以為供奉官德州兵馬監押預討貝州率勇敢數百飛  
纒絙堞而登守者莫能亢大軍乘以入遷內殿承制征儂智  
高有功歷秦鳳高陽關都鈐轄累遷捧日天武四廂都指揮  
使涇原定并代四路副都總管累轉至武泰軍節度使時年  
七十三氣貌不衰侍立殿下雖久無惰容能上馬踴躍觀者



壯之卒贈開府儀同三司

武英字漢傑太原人父密戰歿望都錄英三班借職以右班殿直為忻代州同巡檢州將出獵敵乘間引百餘騎來寇英領眾左右馳射悉擒獲之以功轉左班殿直監雄州榷場改右侍禁閣門祗候為環州都巡檢使徙洪德營主又徙慶州柔遠營元昊寇延州英主兵攻後橋以分敵勢擢內殿承制環慶路駐泊都監破黨平族又從任福破白豹城遷禮賓副使尋兼涇原行營都監與福合戰張家堡諸將皆趨利英度前必有伏眾不聽伏果發福敗英猶力戰自辰至申矢盡傷重遂遇害贈邢州觀察使錄子永符東頭供奉官永孚西頭供奉官永昌左侍禁姪永保左班殿直永錫三班奉職安俊字智用太原人祖贊高州團練使仁宗開寶善堂俊以

山西通志卷一百二十五 鄉賢錄十 七

將家子謹厚選為祗候即位補右班殿直累遷東頭供奉官閻門祗候為環州都監破元昊吃疍并那諸營韓琦上其功遷內殿崇班環慶路都監徙涇原與狄青范恪同召使備北邊葛懷敏敗命為秦鳳路鈐轄復徙涇原條上禦戎十三事再改原麟州遷六宅使貴州刺史再知忻代州帥臣誣奏降京東路鈐轄知青州富弼為辨理真除虢州刺史徙高陽關路累遷侍衛步軍都虞侯陵州防禦使卒贈閻州觀察使俊在邊久故羌人識之種世衡嘗問降俘若屬於吾將誰畏曰畏安太保指俊於坐曰此長壽將軍是也趙密字微叔太原清源人政和四年用材武試崇政殿授河北隊將成燕高宗開府檄統先鋒援汴建炎元年從張俊討任城寇李昱統靖勝軍平賊董青趙萬徐明等累功轉武節

郎左軍統領金陷揚州士民渡江眾數萬密露立水濱磨舟

濟之破苗傅赤心軍於臨平金入明州殊死戰敗之進武功大夫升統制紹興元年大破李成馬進皆北遁十年金侵亳宿從俊營合肥出西路時水潦暴漲涉六晝夜始達宿與敵遇敗之明年敵犯滁濠密進擊之且命張守忠以五百騎出全椒縣伏篁竹間敵疑宵遁密乃引兵出六丈河斷其歸路又敗之進中衛協忠大夫和州團練防禦使尋拜宣州觀察使為龍神衛四廂都指揮使降海寇朱明進定江軍承宣使崇信軍節度使轉太尉拜開府儀同三司明年領殿前都指揮使獻酒坊六十六所錢十萬緡銀五萬兩助軍詔獎之告老以萬壽觀使奉朝請隆興二年進少保致仕俄再為殿前都指揮使敵聲言航海密不為動迄如所料和議成罷為醴

山西通志卷一百二十五 鄉賢錄十 八

泉觀使乾道元年九月致仕卒年七十一贈少傅以上太原府孫復字明復晉州平陽人居泰山學春秋著尊王發微十二篇大約本陸渚而增新意山東自石介以下皆以先生事之年四十不娶李迪知其賢以其弟之子妻之復初猶豫石介與諸弟子請曰公卿不下士久矣今丞相不以先生貧賤欲託以子宜因以成丞相之賢名復乃聽孔道輔聞其賢就見之介執杖履立侍復左右升降拜則扶之其往謝亦然介既為學官語人曰孫先生非隱者也於是范仲淹富弼皆言復有經術宜在朝廷除祕書省校書郎國子監直講車駕幸太學賜緋衣銀魚召為通英閣祗候說書楊安國不悅罷之又坐孔直溫事貶處州監稅徙泗州知長水縣簽書應天府判官事通判陵州未行翰林學士趙槩等十餘人言復經為人



師不宜使佐州縣留為直講稍遷殿中丞卒賜錢十萬復治經勝胡瑗既病韓琦言于上選書吏給紙筆命其門人祖無擇就復家得書十五萬言錄藏秘閣特官其一子

許翰字崧老晉州襄陵人宋史作拱州襄邑人侯考元祐三年進士宣和

七年召為給事中書抵時相願罷雲中之師高麗入貢調民

開運河中書舍人孫傳論之坐罷翰謂傳不當黜時相怒落

職提舉江州太平觀靖康初復以給事中召除翰林學士尋

改御史中丞疏言邊事因陳決勝策張邦昌為太宰上疏力

爭之种師道罷為中太一官使翰言師道名將沈毅有謀山

西士卒人人信服不可使解兵柄且謂金人此行令一大創

使失利去則中原可保不然將來再舉必不可救宜起師道

邀擊之不能用擢中大夫同知樞密院論益不合以病去除

山西通志卷一百五十五 鄉賢錄十 九

延康殿學士知亳州落職提舉南京鴻慶宮高宗初用李綱

薦召復延康殿學士拜尚書右丞兼權門下侍郎李綱罷翰

言綱忠義英發捨之無以佐中興今罷綱臣留無益力求去

未許黃潛善奏戮陳東翰謂所親曰吾與東皆爭李綱者東

戮東市吾在廟堂可乎求去益力章八上以資政殿大學士

提舉洞霄宮復落職紹興元年召復端明殿學士提舉萬壽

觀二月復資政殿學士三年五月卒贈光祿大夫翰通經術

正直不撓與繡攸潛善輩異志卒不展著論評解春秋傳上

平陽府

任福字祐之河東人僑開封咸平中補衛士由殿前諸班累

擢遙郡刺史元昊拒命除莫州刺史嵐石隰州緣邊都巡檢

使奏曰河東地界大河斥埃疎闊願嚴守備以戒不虞上善

之移知隴州又知慶州兼環慶副總管聽便宜從事夏人寇

保安鎮戎軍福與子懷亮姪堉成高聲言巡邊召諸將牽制

敵勢行至柔遠皆夜部分諸將攻白豹城漏未盡抵城下四

面合擊平明破之縱兵大掠焚巢穴獲牛馬橐駝七千有餘

平骨咩等四十一族以功拜龍神衛四廂都指揮使賀州防

禦使改侍衛馬軍都虞侯康定二年發涇原鄜延兩路兵西

討招討使安撫韓琦計事聞元昊謀寇渭州琦募敢

勇萬八千人使福將之以耿傳參軍事桑懌為先鋒朱觀武

英王珪各以所部從福節制福引輕騎數千趨懷遠城捺龍

川謀傳敵兵少福等頗易之薄暮與懌合兵屯好水川觀英

屯籠落川隔山五里約期日會兵川口遇夏軍循川行出六

盤山下懌馳犯其鋒福陣未成列賊縱鐵騎突之自辰至午

山西通志卷一百五十五 鄉賢錄十 十

陣動眾傳山欲據勝地俄伏發自山背下擊士卒多墜崖墜

相覆壓福力戰身被十餘矢小校劉進勸福自免福曰吾為

大將兵敗以死報國爾揮四刀鐵簡挺身決鬪鎗中左頰絕

其喉而死懌肅英珪傳鼎柴贊王慶李簡李禹亨劉鈞及軍

校數十士六千餘悉沒惟朱觀以兵千餘保民垣得全方元

昊傾國入寇福臨敵受命所統皆非素撫士又分出趨利故

敗特贈武勝軍節度使兼侍中賜第一區月給其家錢三萬

粟麥四十斛子懷亮亦死之錄少子及從子凡六人

薛映字景陽寶鼎人唐相元超八世孫後僑蜀父允中孟氏

給事中歸朝為尚書都官郎中映進士及第授大理評事應

通判縣宋昇三州遷太常丞王化基薦為監察御史知開封

縣太宗召對為江南轉運使後改京東轉運使徙河東兼河



西隨軍轉運求便養親知相州再領清京東累遷右諫議大夫知杭州臨決明敏庭無留事在杭五年入知通進銀臺司兼門下封駁事出知河南府祀汾陰還駐驛西京知映有治狀御書嘉獎遷工部侍郎集賢院學士判尚書都省進樞密直學士知昇州民計牛出賦牛死租不得蠲映條奏與諸州悉蠲之尋糾察在京刑獄再判都省歷尚書左丞知揚并二州徙永興軍拜工部尚書兼御史中丞仁宗改禮部尚書再為集賢院學士判院事知曹州分司南京卒贈右僕射謚文恭映好學有文博覽強記善筆札章奏尺牘下筆立成政尚嚴明吏不能欺每五鼓冠帶黎明據案決事雖寒暑無一日異子耀卿祕閣校理孫紳直龍圖閣

山西通志卷一百二十五 鄉賢錄十

十一

壽主簿權京兆戶曹遷邠州司法參軍侍御史陳泊行邊向陳三弊泊上其說悉從之邠守治子城立表於市以撤屋力爭罷之監在京權貨務連歲羨緡錢當遷秩移與其兄知邠州大水郡卒戍延安求歸視弗得皆亡奔而室廬盡沒聚謀為盜向遣吏曉之曰冒法以赴急人之常情而不聽若輩歸此武將不知變之過也亟往收溺尸貫汝擅還罪眾乃安又論河北糴法之弊朝廷是向計始置便糴司於大名以向為提點刑獄兼其事武彊盜殺人而逸尉捕平民向覆其寃脫六囚於死入為開封度支判官權陝西轉運副使請斥閒田予民置場於原渭以羨鹽之直市馬於是馬一歲至萬匹昭陵復土計費五十萬貫石遂舉所闕之數以獻坐事罷知汝州甫數月復為陝西轉運副使進使厚陵役費助如永昭將

漕八年入鹽馬芻粟數累萬民不益賦其謀為最種諤往迎鬼名山詔向與議廷議劾諤擅興向言諤亡身以殉國有如不稱臣請坐之諤貶亦罷知絳州再貶信州移潞州神宗知向才以為江浙荆淮發運使遷天章閣待制上以向習知環慶地形召詣中書舊制發運使上計毋得出入至是弛其禁熙寧四年權三司使遷右諫議大夫河洮用兵向未嘗乏供給及解嚴疏乞裁溢員汰冗卒省浮費節橫賦手勅褒納進龍圖閣直學士元豐元年同知樞密院向幹局絕人尤善商財計算無遺策用心至到御史數有言不聽以是益得展奮其材業論兵上前通暢明決遂得大用及在政地多言宜養威持重會詔民畜馬向既奉命旋知民不便議欲改為舒直論之斥知潁州又改隨州卒年六十六元祐中錄其言諡曰

山西通志卷一百二十五 鄉賢錄十

十三

恭敏

穆衍字昌叔河中人第進士調華池令民牛為仇家斷舌訟於縣衍命殺之明日仇以私殺告衍曰斷牛舌者乃汝耶訊之具服後知涇化從韓絳宜撫陝西遇慶卒憤衍念母在耀亟謁歸信宿走七驛比至慶卒知行名不敢近元豐中參種諤軍事諤第賞以死事為下衍曰此非所以勸忠也力爭之諤還入塞詔往靈武援渭慶兩軍衍曰吾兵未及解甲安能犯不測諤乃止元祐初議棄熙寧衍言蘭棄則熙危熙棄則關中震唐自失河湟警及長安至今二百餘年非神考英武孰能克復若一旦委之恐後患益前悔將無及矣議遂止改陝西轉運判官金部戶部員外郎詔視熙河還請界二壘之間城李諾坪以控要害及他城堡皆起亭障以通涇原明年



遂城李諾名曰定遠三遷左司郎中紹聖初以直秘閣為陝西轉運使加直龍圖閣知慶州徙延安又徙秦州未行卒年六十三敕河中官庀其葬後追錄蘭州議官其一子

薛季宣字士龍寶鼎人僑永嘉父徽言起居舍人季宣六歲而孤伯敷文閣待制弼收鞠之從弼宦游及見渡江諸老聞中興經理大略喜從老校語得岳韓諸將兵間事甚悉年十七荆南帥辟書寫機宜文字獲事程頤弟子袁溉盡受其學權武昌令白帥劉錡以武昌形勢直淮蔡而兵寡勢弱宜早為備錡不聽及金兵入稍稍資季宣計畫未幾詔成閔入援季宣又說宣諭汪澈曰閔既得蔡有破竹之勢宜守便宜勿遣而令其乘勝下穎昌道陳汝趨汴都金內顧且驚潰可不戰而屈其兵矣澈不聽時江淮仕者皆預遣其孥季宣獨留

山西通志卷一百二十五 鄉賢錄十

家與民期曰吾家即汝家即有急吾與汝偕死民亦自奮縣多盜行保伍法禁捕博雜戲而許以武爭角勝負五日更至庭閱之賞其尤者不幸死予棺復其家三年鄉置樓盜發伐鼓舉烽瞬息徧百里縣治白鹿磯安樂口皆置戍復請得戰艦十甲三百羅落之守計定訖兵退人心不搖樞密使王炎薦於朝召為大理寺主簿宰相虞允文白遣行淮西收流民以實邊季宣為表廢田相原隰復合肥三十六圩立二十二莊於黃州以戶授屋以丁授田頒牛及田器穀種各有差厚其家至秋乃止凡為戶六百八十有五分處合肥黃州間並邊歸正者振業之光州守宋端友招集五戶而詭婚之以幸賞季宣按得其實奏劾之下端友大理還除大理正凡奏請論薦皆報可虞允文不悅居七日出知湖州會戶部以歷付

場務季宣奏民何以勝戶部譙責愈急季宣爭愈強臺諫交疏助之乃收前令改知常州未上卒年四十季宣於詩書春秋中庸大學論語皆有訓義以上蒲州府

苗授字授之潞州人父京慶歷中死守麟州抗元昊授少從胡翼之學補國子生蔭供備庫副使王韶取鎮洮為完鋒破香子城拔河府羌圍香子田瓊救之敗死乃簡騎五百屬授奮擊敗之休士二日羌復要架麻平注矢如雨授今日第進無恐種牌數百且至行前者傳呼羌驚亂力戰數十斬四千級又破之於牛精谷取珂諾城盡得河湟地知德順軍三遷西上閣門使鬼章寇河州授往一戰克撤衆論功第一遂知州事副李憲討生羌於露骨山斬萬級獲其大酋冷雞朴羌族十萬七千帳內附威震洮西拜昌州團練使龍神衛四廂

山西通志卷一百二十五 鄉賢錄十

都指揮使徙知雄州熙州元豐西討授出古渭取定西蕩禹臧花麻諸族降戶五萬城蘭州遇賊數萬於女遮谷登山逆戰賊退伏壘中夜遁授踰天都山焚南牟屯沒煙凡師行百餘轉關千里始入塞授持議不苟合初在德順或議城錢南授曰地阻大河糧道不濟非萬全計也役即止征靈武詔授高遵裕條上進退利害甚切元祐三年知潞州提舉上清大平宮卒年六十七贈開府儀同三司諡曰莊敏苗履授子為開門祇候歷熙延渭秦四路鈐轄知鎮戎軍元符初知蘭州詔同王瞻取青唐與姚雄合兵討峽羌錢羅結贍將李忠戰敗羌復列陣以待履叱軍士納弓於韃拔刀而入羌怙巢穴殊死鬪梟將陳迪王亨輩皆反走履獨駐馬不動有酋突面前復繞出履背欲斷軍為二力戰數十合羌退



乘勝圍蘭宗堡弗拔日暮收兵羌背潰明日縱兵四掠焚其族帳而還尋知慶州徙渭州進捧日天武都指揮使卒

苗時中字子居壺關人徙宿州以蔭主甯陵簿古河久陞請開導溉田爲利甚博人稱苗公河調潞州司法參軍郡守欲入囚死力爭守悟而聽之熙甯中以司農丞使梓州路密薦能吏十人後皆進用人卒莫之知交人犯邊擢廣西轉運副使宋師次富良江時中曰賊必從間道來乘我不備至勢窮然後降耳密備之既而果從上流來戰敗始納款徙梓州轉運副使韓存寶討蠻乞弟逗遛不行時中曰師老矣將士暴露非計存寶不聽卒敗林廣代存寶乞弟既降復逸去追之刁斗不暇嗚時中日上以十萬眾相付豈以一死爲勇耶今入異境變且不測廣悟亟止追者整軍進會班師軍行時中以糧道遠創捐軍法食不乏遷兩階爲發運副使河東轉運使加直龍圖閣知桂州進寶文閣待制至戶部侍郎卒

山西通志卷一百二十五 鄉賢錄十

十五

李洵字浩然遵最會孫蔭殿直召試中書易階通直郎知鄂州崇陽縣靖康元年羽檄召兵鄂當發二千九百人皆未集洵獨以所募六百請行或謂盍徐之洵曰事急矣當爲東南倡而募士多市人不能軍洵出家錢買牛酒激犒之令曰吾固知無益然世受國恩唯直死耳死國留名男兒不朽事也眾皆泣即日引而東北合蒲圻嘉魚二縣兵至蔡天大雪蔡人謀而奔日敵至矣即結陣以待俄游騎果集洵馳馬先犯其鋒下皆步卒蒙盾徑進乘勝追北十餘里敵大至飛矢蝟集二縣兵亟舍去洵創甚猶血戰大呼叱左右負已遂死焉年五十三士卒死者六七上官誣其遁去明年蔡人以尸歸

錄其忠贈朝奉郎官三子

王彥字子才上黨人性豪縱喜讀韜略父奇之使詣弓馬子弟所徵宗閱試補下班祗應爲清河尉從涇原經略神師道兩入夏國有戰功金攻汴彥棄家赴闕求自試河北招撫使張所異其才擢都統制使率神將張翼白安民岳飛等十一將部七千人渡河敗金人復新鄉縣傳檄諸郡金率數萬眾薄彥壘圍數而彥以眾寡不敵潰圍出諸將散歸彥獨保其城西山結兩河豪傑圖再舉金購彥急彥慮變其部曲相率刺而作赤心報國誓殺金賊八字以示無他意撫愛士卒與同甘苦未幾兩河響應忠義民兵首領傅選孟德劉澤焦文通等皆附之眾十餘萬縣巨數百里皆受彥約束金命首領破彥壘首領跪泣曰王都統若堅如鐵石未易圖也金問遣

山西通志卷一百二十五 鄉賢錄十

十六

勁騎撓彥糧道彥勒兵待之斬獲甚眾益治兵刻日大舉告期於東京留守宗澤澤召彥會議乃將兵萬餘渡河金以重兵襲其後而不敢擊彥趨行在見黃潛善汪伯彥力陳兩河忠義延頸望王師願因人心大舉北伐言辭憤激大忤時相意遂降旨免對以武翼郎致仕川陝宣撫張浚奏爲前軍統制徒知金州盜桑仲陷淮安襄陽乘勢陷均房直搆金州白土關眾號三十萬仲彥舊部曲申贖請日願假道入蜀就食彥遣統領官門立爲先鋒擊之賊銳甚立戰死或請避之彥叱曰樞相張公方有事關陝若仲越金至梁洋則腹背受敵大事去矣敢言避者斬即勒兵趨長沙平阻水據山設伏以待賊見官軍少蟻附搏戰彥執幟一麾士殊死戰賊敗走彥休士進擊追奔至白磧復房州紹興元年九月京西將李忠



攻金州都關彥戰不利關陷退屯秦郊令將士盡伏山谷間  
焚秦郊積聚偽若遁者秦郊距郡城二十里路坦夷彥募敢  
死士易麾幟設奇以待閱再宿賊至秦郊官軍逆戰大敗之  
追襲至秦嶺遂復乾祐縣忠走劉豫初桑仲既敗還襄陽乃  
鳩集散亡陷鄧州南攻德安西據均陽分眾三道一攻注口  
關一出馬邱嶺一擄洵陽前軍去金州不三十里彥日仲以  
我寡彼眾故分三道以離吾勢法當先破其堅則脆者自走  
遣副將焦文通禦江口自以親兵營馬郎相持一月大戰六  
日賊大敗仲為其下所殺冬偽齊秦鳳經略郭振以數千騎  
掠白石鎮彥與關師古併兵禦大敗之獲振復秦州張浚承  
制以彥節制商虢陝華州軍馬五年四月差知荆南府充歸  
峽荆門公安軍安撫使彥措置屯田自蜀買牛千七百頭授

山西通志卷一百二十五 鄉賢錄十 十七

官兵耕營田八百五十頃分給將士有差六年六月以八字  
軍萬人赴行在至鎮江聞母喪乞解官不許趣入對遂以為  
浙西淮東沿海制置副使以所部屯通州之料角七年正月  
因捕亡者與解潛軍鬪貶秩二等彥乞終餘服二月復洪州  
觀察使知邵州入辭上撫勞甚厚日以卿能牧民故付卿便  
郡行即召矣九年卒於官年五十彥稱名將建炎初屢破大  
敵威聲振河朔時以和議召還又奪兵柄使治郡士譏惜之  
彥事親孝居官廉子弟有戰功不與推賞將卒以家財均給  
其弟姪焉以上洛安府  
李渭字師望西河人僑河陽進士起家為臨潁縣主簿累官  
至太常博士河決滑州天聖初上治河十策參知政事魯宗  
道行河奏換北作坊副使為修河都監尋罷為鄆州兵馬都

監徒知憲州又知鳳州兼階成州鈐轄屬戶陷階州沙灘若  
渭知都校趙釗擾之奏流釗道州以恩信諭首帥復其若遷  
軍器庫副使歷知原環慶三州詔舉勇略李諮以渭應詔徙  
益利路兵馬鈐轄領惠州刺史遷東八作使擢西上閣門使  
徙鄜延路再遷四方館使寶元元年元昊將山遇來歸渭與  
知州郭勸謀卻之既而元昊拒命又奏元昊表猶稱臣可漸  
屈以禮渭初兼知鄜州坐事貶尙食使知汝州徙磁州復降  
右監門衛將軍白波兵馬都監卒

山西通志卷一百二十五 鄉賢錄十 十八

文彥博士寬夫汾州介休人本敬氏以避晉高祖宋翼祖諱  
改焉少與張昇高若訥從穎昌史炤學炤母異之曰貴人也  
待之甚厚及進士第知翼城縣通判絳州為監察御史轉殿  
中侍御史黃德和誣劉平降賊平家二百口皆械繫詔置獄  
於河中鞠治得實他御史復來拒不納曰案具矣德和并平  
奴卒就誅以直史館為河東轉運副使遷天章閣待制都轉  
運使連進龍圖閣樞密直學士知秦州改益州召拜樞密副  
使參知政事明鑄討王則久不克彥博請行命為宣撫使賊  
潰拜同中書門下平章事集賢殿大學士薦張瓌韓維王安  
石等恬退守道乞褒勸以厲風俗與樞密使龐籍議省兵凡  
汰為民及給半廩者合八萬論者謂必聚為盜上亦疑焉彥  
博曰今公私困竭正坐兵冗脫有難臣請死之其策訖行進  
昭文館大學士御史唐介劾之介貶彥博亦罷為觀文殿大  
學士知許州改忠武軍節度使知永興軍至和二年復以東  
部尚書同中書門下平章事昭文館大學士與富弼同拜士  
大夫皆以得人為慶先是富弼用李仲昌策穿六澗渠故道



北京留守賈昌朝素惡弼陰約內侍武繼隆令司天官二人俟執政聚時抗言不當穿河北方犯禁忌彥博知其意有所在然未有以制之後數日二人又上言請垂簾彥博視而懷之不以示同列而有喜色徐召二人曰天文變異汝職所當言也何得輒預大事汝罪當族二人懼色變彥博曰自今無得復然乃出狀示同列皆憤怨曰奴敢爾僭言何不斬之彥博曰斬之則事彰灼於中宮不安眾皆曰善既而復使二人往定六濶方位繼隆白請留之彥博曰彼本不敢妄言有教之者耳繼隆默不敢對二人至六濶恐治前罪更言六濶在東北非正北也頃之彥博等始歸第當是時賴彥博弼持重眾心以安御史吳中復乞召還唐介彥博因言介言臣事多中臣病其間雖有風聞之誤然當時責之太深請如中

山西通志卷一百二十五 鄉賢錄十 十九

復奏時以彥博為厚德久之以河陽三城節度使同平章事判河南府封潞國公改鎮保平判大名府又改鎮成德遷尙書左僕射判太原府俄復鎮保平判河南母憂英宗起成德軍節度使三上表乞終喪許之尋除侍中徙鎮淮南判永興軍入為樞密使在樞府九年又以極論市易司監賣果實損國體斂民怨為安石所惡力引去拜司空河東節度使判河陽徙大名府身雖在外而上眷有加尋加司徒元豐二年拜太尉復判河南時王同老言至和中議儲嗣事彥博適入朝神宗問之彥博曰此仁祖知子之明慈聖擁佑之力臣等何功上曰卿深厚不伐善陰德如丙吉真定策社稷臣也遂加兩鎮節度使辭不拜將行賜宴瓊林苑兩道中謁者遺詩祖道當世榮之久之請老以太師致仕居洛陽元祐初司馬光

薦彥博宿德元老宜起以自輔宣仁后將用為三省長官而言事者以為不可乃命平章軍國重事六日一朝一月兩赴經筵恩禮甚渥然彥博無歲不求退居五年復致仕紹聖初章惇秉政言者論彥博朋附司馬光降太子少保卒年九十二崇寧中預元祐黨籍後特命出籍追復太師諡曰忠烈彥博逮事四朝任將相五十年名聞四夷元祐間遣使耶律承昌劉霄來聘望見彥博於殿門外却立改容曰此潞公也邪何壯也館伴蘇軾曰使者見其容未聞其語其綜理庶務雖精練少年有如其貫穿古今雖專門名家有不逮使者拱手曰天下異人也既歸洛西羌首領溫溪心有名馬請於邊吏願以餽彥博詔許之其為外國所敬如此彥博雖窮貴極富而接物謙下尊禮樂善恐不及賓接邵雍程顥兄弟如布

山西通志卷一百二十五 鄉賢錄十 二十

衣交與富弼司馬光等十三人用白居易九老會故事置酒賦詩序齒不序官為堂繪像其中謂之洛陽耆英會好事者莫不慕之導洛通汴主者過洛水不使入城彥博嘗因中使劉惟簡以閱詔令通行如初八子皆歷要官狄青字漢臣汾州西河人善騎射初隸騎御馬直選為散直賈元初趙元昊反為三班差使殿侍延州指揮時士卒多畏怯青行常為先鋒凡四年前後大小三十五戰中流矢八破金湯城略宥州屠虜羊奴尙糶七家口等族燔積聚數萬收其帳二千三百生口五千七百又城橋子谷築招安豐林新砦大卽等堡皆扼賊要害嘗戰安遠被創甚聞寇至卽挺起馳赴眾爭前為用臨敵被髮帶銅面具出入賊中皆披靡莫敢當經略判官尹洙與談兵善之薦於經略使韓



琦范仲淹曰此良將材也二人一見奇之待遇甚厚仲淹授以左氏春秋曰將不知古今匹夫勇爾青折節讀書悉通秦漢來將帥兵法益知名累遷西上閤門副使擢秦州刺史涇原路副都總管經略招討副使仁宗命圖形以進元昊稱臣徙正定路副都總管歷保大安遠二軍節度觀察留後馬軍都指揮使青奮行伍十餘年而貴而涇猶存上敕傅藥除字青指其面曰陛下以功擢臣不問門地臣所以有今日由此涇爾臣願留以勸軍事不敢奉詔以彰化軍節度使知延州權樞密副使皇祐中廣源州蠻僂智高陷邕州圍廣州楊略等經制無功又命孫沔余靖安撫青上表請行翌日入對言願得蕃落騎數百益以禁兵羈賊首致闕下上壯其言除宣徽南院使宣撫荆湖南北路經制廣南盜賊事置酒垂拱殿

山西通志卷一百二十五 鄉賢錄十

三

以遣之時智高還據邕州青合孫沔余靖兵次賓州先是將偕張忠皆敗死青戒諸將毋妄與賊鬪廣西鈴轄陳曙乘青未至輒以步卒八千犯賊潰於崑崙關殿直袁用等皆通青晨會諸將堂上揖曙起并召用等三十人按以敗亡狀驅出軍門斬之沔靖相顧愕眙諸將股栗已而頓甲令軍中休十日覘者還以為軍未即進青明日乃整軍騎一晝夜絕崑崙關出歸仁舖為陣賊既失險悉出逆戰前鋒孫節搏賊死山下賊氣銳甚沔等懼失色青執白旗麾騎兵縱左右翼出賊不意大敗之追奔五十里斬首數千級其黨黃師宓僂建中智中及偽官屬死者五十七人生擒賊五百餘人智高夜縱火燒城遁遲明青按兵入城獲金帛鉅萬雜畜數千招復老壯七千二百斂尸築京觀還至京拜樞密使賜第敦教坊優

進諸子官秩始交趾願出兵助討智高余靖言其可信青既至檄靖無通使假兵即上奏曰李德政聲言將步兵五萬騎一千赴援非其情實且假兵於外以除內寇非我利也以一智高而橫蹂二廣力不能討乃假兵蠻夷蠻夷貪得忘義因而啟亂何以禦之請罷交趾助兵從之賊平人服其有遠略青在樞密四年每出土卒輒指目以相矜誇罷為同中書門下平章事判陳州明年二月卒發哀贈中書令諡武襄青慎密寡言計事必審中機會而後發行師先正部伍明賞罰與士同飢寒勞苦敵猝犯無敢後先故其出常有功尤喜推功與將佐智高既平經制餘事悉以諉沔沔始歎其勇既而服其為人尹洙貶死悉力賙其家事子諮詠並開門使詠數有戰功熙寧元年神宗以青起行伍而名動夷夏能保全終始

山西通志卷一百二十五 鄉賢錄十

三

慨然思之命取畫象入禁中御製祭文遣齋中牢祠其家郝質字景純汾州介休人少從軍挽彊第一充殿前行門換供奉官為府州駐泊都監主管麟府軍馬與田朮護軍需餽麟州道遇西夏數千騎先驅力戰斬首獲馬數百又與朮行邊至柏谷敵輒道為阻質禦之於寒嶺下轉鬪逐北遂修復甯遠諸柵宣撫杜衍安撫明鎬連薦之起遷內殿承制并代路都監賈昌朝薦為大名路鈴轄使討貝州文彥博命都城西回河上有亭甚壯彥博遣小校藺千守而質使千往他營千去亭焚彥博將斬千質趨至帳下願代千死彥博壯其義兩釋之自此益知名遷六宅使歷步軍副都指揮使宿州觀察使召還宿衛改馬軍英宗遷武昌軍節度觀察留後加安德軍節度使為殿前副都指揮使神宗易節武昌為都指揮



使元豐元年卒駕親臨贈侍中諡曰武莊質御軍有紀律犯者不貸而享犒豐渥公錢不足出已俸助之由微賤至貴得以功次遷自奉簡儉食不重肉篤於信義表揭田臚前功官其一孫善朝士董熙約為婚姻熙死家貧竟以女歸董氏李浩字直夫西河人通兵法以父定蔭從軍破僕智高韓絳城羅兀領兵戰賞保嶺川殺大首領訛革多移斬千三百餘級積官供備庫副使廣西都監著安邊策王安石言之上詔對改管幹麟府兵馬又從章惇於南江引兵由三路入敘州討舒光貴破盈口柵下天府擊殺狝降田元猛元詰遂城懿州進討黔江蠻復城黔江惇上其功謂不當與他將比擢引進副使熙河鈐轄李憲討山後羌將右軍至合龍嶺會戰遣降羌乞嗟突敵帳俘其酋冷雞樸李密撒誠二千遷東上

山西通志卷一百二十五 鄉賢錄十

三

論使降忠植大呼曰我河東步佛山忠義人也為金人所執使來詔降願將士勿負朝廷堅守城壁忠植即死城下撒離喝怒詰之忠植披襟大呼曰當速殺我遂遇害贈奉國軍節度使開府儀同三司官其將十八州府以上分何宏中字定遠先世居鴈門叔祖青任忻州兵馬使因家焉祖行宣西遊相傳遇仙行宣子子奇子霖政和中中武舉子奇秉義即武州宣甯尉子霖忠朔即守豐州安豐皆沒王事宏中子奇子也幼儻儀觀秀整雅以奇節自許為太學武舉進士宣和未方臘擾江浙陳破賊三策徽宗褒諭已而破賊如宏中策遂知名宣和元年集英殿試策中第二調滑州韋城尉汴被圍獨章不下兵退統制武漢英奏辟欽宗召赴軍前以路塞不果因請兵真定宣撫司時神師中兵已潰

山西通志卷一百二十五 鄉賢錄十

五

閻門使為副總管知河州安撫洮西五路討夏將前軍復蘭州遷引進使隴州防禦使知蘭州兼熙河涇原安撫副使坐事貶秩旋以戰吃囉瓦其連立功復之哲宗拜忠州防禦使捧日天武都指揮使馬軍都虞侯進黔州觀察使歷延太原承興環慶路副都總管再知蘭州卒贈安化軍留後王忠植石州人紹興九年金將斜卯阿里攻石州粘割胡撒率所部登城陷之十年秋忠植舉兵復石州等十一郡授武功大夫華州觀察統制河東忠義軍馬遂知代州尋為建甯軍承宣使龍神衛四廂都指揮使河東經略安撫使明年金圍慶陽川陝宣撫副使胡世將檄忠植以所部赴陝西行次延安叛將趙惟清執忠植使拜詔忠植曰本朝詔則拜金國詔則不拜惟清械詣撒離喝不能屈使甲士引詣慶陽城下



繫之西京獄得州人保任數十族乃放歸請為黃冠年六十  
 三正隆四年歿自號通理先生著成眞通理二集藏於家州  
 楊震字子發代州崞人善騎射為安邊巡檢河東軍征威底  
 河敵據山為城下瞰官軍震率壯士拔劍先登斬數百級眾  
 乘勝平之上功第一從折可存討方臘自浙東轉擊至三界  
 鎮斬八千級追襲至黃巖賊帥呂師夔扼斷頭之險下石肆  
 擊累日不得進震請以輕兵緣山背上憑高鼓譟發矢石賊  
 驚走已復縱火自衛震身被重鎧與麾下履火突入生得師  
 夔殺首領三十人進秩五等還知麟州建甯岩初遼將小鞠  
 鞞西奔破豐州攻麟府震父宗閔屢摧敗之俘其父母妻子  
 靖康元年十月太原陷鞠鞞圍建甯叩壁語震令降時守兵  
 不滿百震約斬一級賞若干官帑竭繼以家人服珥吏士咸

山西通志卷一百二十五 鄉賢錄十

五

奮越旬矢盡城不守與子居中執中力戰沒年四十四閩門  
 俱喪唯長子存中從征河北獨免明年宗閔亦死事於長安  
 建炎二年贈武經郎後諡曰忠毅

楊存中本名沂中字正甫魁梧沈鷲少讀書數百言力能絕  
 人善騎射宣和末應募擊賊積功至忠翊郎靖康元年與張  
 俊田師中從信德府守臣梁揚祖以萬兵援汴後諫張俊部  
 曲俊薦之召見賜袍帶晝夜扈衛寢幄不頃刻去側上知其  
 忠謹親信之劇賊李昱據任城以數騎入擊殺數百上乘  
 高望見介冑盡赤壯之飲以酒曰酌此血漢存中請復往日  
 此賊膽碎即成擒矣遂大破之復任城遷開門祇候建炎二  
 年討賊徐明於嘉興高宗南渡以勝捷軍從張俊守吳門從  
 討苗劉金人攻明州又從俊殊死戰破之累功遷御前中軍

統制紹興元年從俊討李成率兵數十首破賊於豫章玉隆  
 觀追至筠州賊驍將以眾十萬來援存中夜銜枚渡筠河出  
 西山馳下擊賊俊以步兵夾攻俘八千人諸將議盡殲之存  
 中曰殺降吾不忍遂乘勝追至九江成遁去遷宣州觀察使  
 二年春進神武中軍統制三年討平嚴州妖賊繆羅六年十  
 月劉猷眾十萬次濠壽間浚使存中往泗州與張俊合賊先  
 犯定遠存中以兵二千襲取於越家坊既而與猷兵遇藕塘  
 賊據山列陣矢下如雨存中急擊之且使統制吳錫以勁騎  
 五千突其陣陣亂存中鼓大軍乘之自以精騎衝其脅大呼  
 曰破賊矣賊錯愕駭視前軍統制張宗顏自泗來乘背擊之  
 賊大敗猷以首抵謀主李悖曰適見髯將軍銳不可當果楊  
 毅帥也即以數騎遁去餘黨萬人僵立存中躍馬叱之皆怖

山西通志卷一百二十五 鄉賢錄十

五

而降劉麟時在順昌孔彥丹圖光州皆拔皆遣得賊舟數百  
 艘車數千兩十年為淮北宣撫副使引兵至宿州以步軍退  
 屯於泗將五百騎夜襲柳子鎮黎明不見敵而還金人以精  
 兵伏歸路遂橫奔而潰既而自壽春渡淮歸泗人心始安冬  
 引兵還十一年以殿司兵三萬戍淮與金戰於柘皋金兵以  
 拐子馬翼進存中日敵恃弓矢吾有以屈之使萬人操長斧  
 如牆而進諸軍鼓譟奮擊金人大敗退屯紫金山死者以萬  
 計渡江歸加檢校少保開府儀同三司十二年都護永固陵  
 拜少傅二十年封恭國公二十八年拜少師恩數視樞密使  
 在殿巖凡二十五載權寵日盛李浩陸游王十朋陳俊卿相  
 繼言之三十一年罷為太傅醴泉觀使進封同安郡王賜玉  
 帶朝朔望上備敵十策九月為御營宿衛使命往京口為守



江計與虞允文協力拒敵敵不能濟遂輕舟渡江以伺敵會  
金深入朝議欲舍淮保江存中持不可乃已金兵在揚州臨  
江固壘以老之金尋請監乾道元年班師加昭慶軍節度使  
復奉祠時與屯田獻楚州私田三萬九千畝二年卒年六十  
五以太師致仕追封和王謚武恭存中天資敢勇大小二百  
餘戰身被五十餘創宿衛出入四十年最寡過孝宗以為舊  
臣尤禮異之呼郡王而不名嘗以家廟祭器為請遂許祭五  
世前所無也祖母劉流落蜀隴日夜禱祠訪問卒迎以歸御  
軍寬而有紀將士專以才勇選不私部曲李顯忠以罪斥奏  
為統制官後為名將子僕工部侍郎倭簽書樞密院事昭慶  
軍節度使以上代州

司馬池字和中陝州夏縣人晉安平獻王孚後也少孤家貲  
數十萬悉推諸父而自力讀書時開哈口道運鹽池日昔人

何為捨運而就迂殆必有未便者未幾山水暴至鹽車盡沒  
舉進士當試殿廷而友匿母亡書池心動夜不能寐曰吾母  
素多疾家得無有異乎行至宮城門徘徊不能入友止以母  
疾告遂號慟而歸後中第授永甯主簿出入乘驢以公事謁  
令令南向挽令西向論事不少屈歷建德縣尉蜀人妄言  
蠻入寇令聞邱夢松假他事上府主簿稱疾不出池攝縣事  
會上元張燈縱民遊觀凡三夕民心遂安調鄭州防禦判官  
知光山縣盛度薦於朝改秘書省著作佐郎歷通判留守司  
樞密使曹利用奏為羣牧判官辭不就固授之內侍皇甫繼  
明兼領估馬司自言估馬有羨利乞遷官制置使欲附會池  
獨不可除開封府推官敕至閭門為繼明黨所沮罷知耀州

擢利州路轉運使知鳳翔府召知諫院懇辭仁宗謂宰相曰  
人皆嗜進而池獨嗜退亦難能也加直史館復知鳳翔岐陽  
鎮巡檢夜飲富民家部卒執之約不敢復督士卒而後釋其  
縛池捕首惡誅之巡檢亦坐廢累遷尚書兵部員外郎兼侍  
御史知雜事更戶部度支鹽鐵副使上曰是固辭諫官者擢  
天章閣侍制知河中府徙同州又徙杭州轉運使江鈞張從  
革効決事不當降知德州而轉運使為姦利或謂池可舉劾  
以報池曰吾不為也人稱其長者徙知晉州卒

司馬旦字伯康池子以父任為秘書省校書郎歷鄭縣主簿  
有婦蘭訟奪人田家多金錢買吏合為姦旦案之寃者以直  
并元慶豪欺鄉里擒治於法時旦年尚少人驚服吏捕蝗擾  
民言蝗民之仇宜聽自捕輸之官後著為令服除監饒州永

平鑄錢監知祁縣天大旱羣盜剽殺召富家開以禱福爭出  
粟饑者獲濟舉監在京百萬倉太原留之通判乾州未行舉  
監在京雜物庫知宜興縣獄必窮根株痛繩之民以詆冒為  
恥歷知梁山軍安州治郡有大體再監鳳翔太平宮以大中  
大夫致仕卒年八十二旦澹薄無欲奉養苟完與弟光九友  
愛光居洛旦居夏縣皆有園沼光歲一往省旦旦亦間至洛  
視光凡光論天下事旦有助焉及光被門下侍郎召固辭不  
拜旦引大義語之曰生平誦堯舜之道思致其君今時可而  
違非進退之正也光乃幡然就位英宗即位入賀恩諸孫未  
仕者皆不遣惟遣從兄子稟喜周人急嘗有免官者分俸濟  
之其人願以女為妾旦驚謝亟出妻奩中物使嫁之且生於  
丙午與交彥博程公珣席汝言為同年會賦詩繪像世以為



盛事比唐九老子良試將作監主簿富永字希道善屬文仕承議郎陝州通判宏性剛正紹聖黨事起上書論辯得罪謫永州終陳留令卒死於黨禍

司馬樸字文季宏子少育於外祖范純仁紹聖黨事起宏上書論辯得罪純仁謫永州疾失明客至必令樸導以見時方七歲進揖應對如成人以純仁遺恩為官宏死徒跣負柩還調晉甯軍士曹參軍轉運使王似諷樸何通判過樸不可曰下吏而陷長官人且不食吾餘似賢而薦之靖康初入為虞部右司員外郎金人次汴郊命樸使之問樸家世具以告喜曰賢者之後也待之加禮諭以亟求講解樸復命任事者疑不決後欽宗思樸言以為兵部侍郎將北遷貽書請存立趙氏金人挾以北去且悉取其孥開封儀曹趙鼎為匿其長子

山西通志卷一百二十五 鄉賢錄十

倬於蜀得免建炎赦至樸私令齋詣徽宗金憐其忠釋之問五國城信與朱弁議制服弁欲先請樸曰為臣子聞此當致其哀尚何請設請而不許奈何遂服斬衰朝夕哭金義而不問又以金情實歸報宋因王倫賜樸金倫還言金命樸為行臺左丞樸辭而止益重之後卒於正定詔稱其忠節顯著贈兵部尚書謚曰忠潔

司馬光字君實池子生七歲如成人聞講左氏春秋愛之退為家人講自是手不釋書至不知饑渴寒暑羣兒戲一兒登甕足跌沒水中眾皆棄去光持石擊甕破之水迸兒得活後京洛間畫為圖仁宗寶元初中進士甲科年甫冠聞喜宴獨不戴花同列曰君賜不可違乃簪一枝除奉禮郎時池在杭求僉蘇州判官事內外艱毀瘠如禮僉書武成軍判官改大

理評事補國子直講樞密副使龐籍薦為館閣校勘同知禮院辟通判并州籍得罪去光三上書自引咎不報籍沒拜其妻如母撫其子如昆弟時人賢之改直祕閣開封府推官同知諫院諫官范鎮首發國嗣議光在并州聞而繼之且貽書勸鎮以死爭至是復面言臣昔上三章願果斷力行上沈思久之曰得非欲選宗室乎此忠言但人不敢及耳光退未聞命復上疏上大感動曰送中書光見韓琦等曰諸公不及今定議異日夜半出寸紙以某人為嗣則天下莫敢違琦等拱手曰敢不盡力及英宗受命樸議與即奏漢宣為孝昭後終不追尊衛太子史皇孫光武上繼孝元亦不追尊鉅鹿南頓君此萬世法也後詔兩制集議漢王典禮學士王珪等莫敢先光獨奮筆書曰為人後者為之子不得顧私親宜準封贈

山西通志卷一百二十五 鄉賢錄十

期親尊屬故事稱為皇伯高官大國極其尊榮珪命吏以手藁為按與大臣意殊御史六人爭之皆斥光乞留不可遂請與俱貶神宗擢翰林學士光力辭不獲御史中丞王陶以論宰相不押班罷光代之遂上疏論修心之要三曰仁曰明日武治國之要三曰官人曰信賞曰必罰其說甚備且曰臣獲事三朝皆以此六言獻平生力學所得盡在是矣光嘗患歷代史繁人主不能遍覽遂為通志八卷以獻英宗悅之命置局祕閣續其書至是神宗名之曰資治通鑑自製序授之俾日進讀王安石得政行新法光疏其利害屢爭於朝上欲用光訪安石安石曰光在高位則異論之人倚以為重今用光是與異論者立赤幟也上竟拜光樞密副使光辭曰陛下所以用臣蓋察其狂直庶有補於國家若徒以祿位榮之而不



取其言是以天官私非其人也臣徒以祿位自榮而不能救  
生民之患是盜竊名器以私其身也今誠能罷制置條例司  
退還提舉官不行青苗助役等法雖不用臣臣受賜多矣抗  
章至七八上使謂曰樞密兵事也不當以他事為辭對曰臣  
未受命則猶侍從於事無不可言者安石起視事光乃得請  
遂求去以端明殿學士知永興軍徙知許州趣入覲不赴請  
判西京御史臺歸洛自是絕口不論事而求言詔下光讀之  
感泣乃復陳六事上嘗指御史大夫曰非司馬光不可又將  
以為承華師傅蔡確沮之資治通鑑未就上以為賢於苟悅  
漢紀數促使終篇賜以頴邸舊書二千四百卷書成加資政  
殿學士凡居格陽十五年天下以為真宰相田夫野老皆號  
為司馬相公婦人孺子亦知其為君實也及赴闕宿衛士望

山西通志卷一百二十五 鄉賢錄十

見皆以手加額曰此司馬相公也所至民遮道聚觀馬至不  
得行曰公無歸洛留相天子活百姓宣仁后臨政起光知陳  
州過闕留為門下侍郎蘇軾自登州召還緣道人相聚號呼  
曰寄謝司馬相公毋去朝廷厚自愛以活我是時天下引領  
拭目以觀新政而議者但毛舉細事稍塞人言光曰神考之  
法其善者雖百世不可變也若安石惠卿所建為天下害者  
改之當如揉焚拯溺况今以母改子非子改父眾議甫定遂  
罷保甲團教不復置保馬廢市易法所儲物皆鬻之不取息  
除民所欠錢京東鐵錢及茶鹽法皆復其舊或謂光曰熙豐  
舊臣多儉巧小人他日有以父子義間上則禍作矣光正色  
曰天若祐宗社必無此事於是天下釋然曰此神廟本意也  
元祐元年復得疾詔朝會再拜勿舞蹈時青苗免役將官之

法猶在而西戎議未決光嘆曰四患未除吾不瞑目矣折簡  
與呂公著云光以身付醫以家事付愚子惟國事未有所託  
今以屬公乃論免役五害乞直降勅罷之諸將兵皆隸州縣  
軍政委守令通決廢提舉常平司以其事歸轉運提點刑獄  
邊計以和戎為便謂監司多新進少年令近臣於郡守中選  
舉而於通判中舉轉運判官又立十科薦士法皆從之拜尚  
書左僕射兼門下侍郎免朝覲許乘肩輿三日一入省光不  
敢當曰不見君不可以視事詔令子康扶入對且曰毋拜遂  
罷青苗錢復常平糴糴法兩宮虛已以聽遠夏使至必問光  
起居勅其邊吏曰中國相司馬矣毋輕生事開邊隙光欲以  
身殉社稷躬親庶務不舍客舉諸葛亮食少事煩以戒光曰  
死生命也為之益力病革不復自覺諄諄如夢中語然皆朝

山西通志卷一百二十五 鄉賢錄十

廷天下事也九月卒年六十八贈太師溫國公喪歸葬諡曰  
文正賜碑曰忠清粹德汴京人罷市往弔鬻衣以致奠巷哭  
以過車及葬哭者如哭其私親嶺南封州父老亦相率具祭  
都中及四方皆畫像以祀飲食必祝光孝友忠信恭儉正直  
居處有法動作有禮在洛時每往夏縣展墓省其兄旦奉之  
如嚴父保之如嬰兒自少至老語未嘗妄自言吾無過人者  
但平生所為未嘗有不可對人言者耳誠心自然天下敬信  
陝洛間皆化其德有不善曰君實得無知之乎光於物澹然  
無所好於學無所不通惟不喜釋老曰其微言不能出吾書  
其誕吾不信也洛中有田三頃喪妻賣田以葬惡衣非食終  
其身紹聖初御史周秩首論光誣謗盡廢其法章惇蔡京請  
發冢斲棺不許但奪贈諡卜碑而停言不已追貶清遠軍節



度副使又貶崖州司戶參軍徽宗復太子太保蔡京擅政復正議大夫京撰發黨碑令郡國皆刻石長安石工安民當鑄字辭曰民愚人固不知立碑意但司馬相公海內稱其正直今謂之姦邪民不忍刻也府官欲加罪泣曰被役不敢辭乞免鑄安民二字恐得罪後世聞者媿之靖康元年贈謚建炎中配饗哲宗廟庭咸清三年從祀孔廟

司馬康字公休光子幼端謹不妄言笑事父母至孝博通羣書以明經上第居母憂勺飲不入口者三日杖而後起見者哀之侍尤居洛上之從學者退與康語未嘗無所得光修通鑑康有助焉光卒執禮如母喪哀毀過之治喪用禮經得遺恩悉與族人為講官上疏陳前世治少而亂多及祖宗創業之艱難積累之勤勞其言切至又言孟子為書最純正陳王

山西通志卷一百二十五 鄉賢錄十

三

道尤宜觀覽康自居父喪居廬疏食寢於地遂得腹疾至是不能朝謁賜優告疾且殆猶力解孟子二卷條具諸所當言以待日得一對極言而死無所恨矣使召醫李積於充積老矣鄉民間之皆往告曰百姓受司馬公恩深今其子病願速往也來者日夜不絕積遂行至則不可為矣年四十一而卒詔贈右諫議大夫康為人廉潔口不言財初立温公神道碑上嘗遣使賜白金二千兩康以費皆官給辭不受道家吏入京師納之乃止范祖禹為誌其墓康子植幼宣仁后憫之呂大防謂康素以邵伯温為可託請以伯温為西京教授以教植伯温至誨植曰温公之孫大諫之子賢愚在天下可畏也植聞之力學不懈卒有立於世子伋鎮廣州扈從高宗南渡遂寓杭

司馬宣字周卿温公再從兄父浩贈衛尉卿宣以蔭補累官駕部員外郎初為華州司戶參軍時多滯獄宣為直而釋之及母喪歸釋者泣香於頂泣送之宣履官廉正處事精詳喜愠不形及卒閭者無不嘆惜

司馬昱字昭遠温公再從兄父沂贈尚書都官郎中以孝謹稱喜與人而自以惡衣食終其身里第進士龐籍為郎延經略使奏通判鄜州州將不法里正色力爭不少假廉靜質直所至有惠政罷官至京師未嘗有所謁終太常少卿為人孝友寬厚容物而內守勁直善為詩

司馬京字亢宗温公再從子父諮為人謹厚孝友自幼無子弟之過贈尚書比部郎中京以蔭補累遷駕部員外郎通判潞州事彊直幹敏所至吏民稱之以上解州

山西通志卷一百二十五 鄉賢錄十

三

王暉字晦叔隋東臯子績之後世居河汾後僑河南第進士調定國軍節度推官咸平中舉賢良方正科入等遷秘書省著作佐郎知定海縣為羣牧判官考集羣牧故事六卷上之遷太常丞累官樞密直學士知益州繩盜以峻法卒夜告軍將亂立辨其偽斬之蜀人比張詠號前張後王入為給事中唱妻寇準女準貶降知汝州再貶鄂州團練副使起光祿卿知襄州又徙汝州復給事中知潞州殺人獄具獨疑之既而杜衍提點刑獄事果辨作辨獄記以戒徒河南府永興軍召為御史中丞兼理檢使理檢置使自此始玉清昭應宮災上言所建宮非應經義災變之來若有警者願除其地罷諸禱祠以應天變遂詔不復繕修又請三品以上立家廟以尚書工部侍郎參知政事疾請罷改戶部侍郎資政殿學士知陝



州徙河陽再知河南府遷吏部召爲樞密使拜同中書門下  
平章事逾月卒贈太保中書令謚文康曙方嚴簡重有大臣  
體居官深自抑損喜浮圖法在西京歐陽修尹洙爲官屬嘗  
舉寇萊公以戒游晏修起對曰萊公正坐老而不知止爾曙  
默然及爲樞密使首薦修等置之館閣有集四十卷周書音  
訓十二卷戴斗奉使錄二卷集兩漢詔議四十卷

王益恭字達夫曙子蔭衛尉寺丞性恬淡慕唐王龜數解官  
就養曙治第西京益恭勸引年不果終喪遂以尚書司門員  
外郎致仕間與浮圖隱者遍遊名園山水累遷司農少卿卒  
王益柔字勝之曙子抗直尚氣喜論天下事蔭殿中丞上備  
邊選將策杜衍丁度宣撫河東益柔寓書言河外兵饑無法  
非易帥臣轉運使不可因條其可在者衍度使還以學行政

山西通志卷一百二十五 鄉賢錄十

三

事薦知介休縣慶歷執政用范仲淹富弼韓琦忌者多攻之  
益柔上書論辨言尤切直尹洙貶慶州益柔訟之不聽范仲  
淹未識而以館閣薦除集賢校理預蘇舜欽秦邸會醉作傲  
歌黜監復州酒久之爲開封府推官鹽鐵判官凡所需不應  
法暨有司迎合者悉論之出爲兩湖京東西轉運使上言考  
課法願參以唐四善兼取行實列三等不行熙甯元年入判  
度支審官院詔百官轉對因言人君之難莫大于辨邪正邪  
正之辨莫大于置相相之忠邪百官之賢否也若唐高宗之  
李義府明皇之李林甫德宗之盧杞憲宗之皇甫鉞帝王之  
鑑也高宗德宗之昏蒙固無足論明皇憲宗之聰明乃蔽于  
二人如此以二人之庸猶足以致禍况誦六藝挾才智以文  
其姦說者故意蓋指王安石也判吏部流內銓舊制選人當

改京官滿十人乃引見由是士多困滯且舉者有故輒不用  
益柔請才二人卽引見眾論翕然稱之遷龍圖閣直學士祕  
書監歷知應天府卒年七十二益柔少力學通羣書爲文日  
數千言獨不喜詩賦范仲淹薦試館職乞試以策論特聽之  
司馬光嘗曰自吾爲資治通鑑人多欲求觀讀未終一紙已  
欠伸思睡能閱之終篇者惟王勝之耳其好學類此

薛奎字宿藝絳州正平人化先子舉進士爲州第一推與里  
人王巖而處其下進士及第爲隰州軍事推官州民常聚博  
僧舍一日盜殺寺奴博者適至邏卒捕送州誣伏奎獨疑之  
白州緩其獄後果得實徙儀州推官部丁夫運糧至鹽州會  
久雨粟麥潰腐奎請縱民還州而償所失盧之翰始怒旣而  
意解凡民所失悉奏除之改大理寺丞知蒲田縣請緝南閩

山西通志卷一百二十五 鄉賢錄十

三

時稅賦魚蒲草錢遷殿中丞知長水縣徙知興州歲調兵三  
百采鐵給錢監而歲入不償費奎奏聽民自采所輸輒倍之  
遷太常博士向敏中薦殿中侍御史出爲陝西轉運使後以  
戶部郎中直昭文館知延州趙元昊遣吏至汴請俸吏因市  
禁物隱購算請留蜀道緝帛于關中轉致給之遷吏部擢龍  
圖閣待制權知開封府爲政嚴敏擊斷無所貸遷右諫議大  
夫權御史中丞疏論擇人求治崇節儉屏聲色凡十數事或  
議禁中語改授集賢院學士知并州改秦州務爲儉約教  
民水耕謹商算歲中積粟三百萬征算餘三千萬募民隱田  
數千頃得芻粟十餘萬加樞密直學士知益州秦民與夷落  
數千人請留聖書褒諭不許嘗夜燕戍卒殺人人皆奔走奎  
密遣捕殺之坐客莫知臨事持重明決多此類召爲龍圖閣



學士權三司使遂參知政事遷尚書禮部侍郎章獻謁太廟欲被服袞冕奎力陳其不可不聽及章獻喪上日頃數引其衣若有所屬何也奎曰其在袞冕也服之豈可見章聖于地下卒以后服斂因上言請逐內侍羅崇勳等以喘疾數辭位罷為戶部侍郎資政殿學士判尚書都省上手書禁方賜之卒贈兵部尚書謚簡肅奎性剛不苟合遇事敢言真宗數宴大臣奎諫曰天下誠無事而大臣數被酒無威儀非所以重朝廷也上善其言及參知政事謀議無所避又能知人善任范仲淹龐籍明鎬自為選人皆以公輔許之從子為嗣

張觀字思正絳州絳縣人少謹愿好學中服勤辭學科第一授將作監丞遷判解州坐失劾鹽池吏降監河中府稅復通判果州改秘書省秘書郎仁宗初遷太常丞擢右正言直史

山西通志卷一百二十五 鄉賢錄十

三七

館為三司度支判官同修起居注改右司諫知制誥判登聞檢院出知杭州遷判國子監構發遺闕封府事進為翰林學士知審官院累遷左司郎中以給事中權御史中丞災異求直言上四事一曰知人二曰嚴禁三曰尚質四曰節用河北水又條七事曰導積水以寬播種緩催欠以省禁錮寬刑罰以振淹獄收逃田以募歸復罷工役以先急務止配率以阜民財通商旅以濟艱食復知審官院遂拜同知樞密院事康定中西兵失利議點鄉兵久不決遂與王殿陳執中俱罷以資政殿學士尚書禮部侍郎知相州徙澶州河壞孫陳埽或請趨北原觀曰太守獨去如州民何射率卒徒增築之隄完水亦退徙鄆州請弛鹽禁以便民歲免黥配者不可勝計歷知應天府孟州河南府以吏部侍郎兼御史中丞請便郡養

父居業以觀文殿學士知許州月餘拜左丞父憂哀毀既練卒贈吏部尚書謚文孝觀嘗上書願以官授父真宗嘉之以居業為京官及觀貴居業至大府卿嘗嘉洛山川風物觀買田宅營林榭以適其意蚤起奉藥膳然後出視事未嘗一日廢也恬曠少欲書必楷無一行草仁宗飛白書清字賜之以賞其節云

趙鼎字元鎮解州聞喜人少孤力學通經史百家書第崇甯五年進士對策言章惇誤國累官河南洛陽令宰相吳敏知其能擢開封士曹議制三鎮鼎曰祖宗之地不可與人何庸議已而議立張邦昌鼎與胡寅張浚逃太學中不書議狀高宗除戶部員外郎知樞密院張浚薦之除司勳郎官幸建康言宜以六官所止為行宮車駕所止為行在擇精兵以備儀

山西通志卷一百二十五 鄉賢錄十

三八

衛其餘兵將分布江淮使敵莫測巡幸之定所上納之應詔言自熙甯間王安石用事變祖宗之法而民始病假開國之謀造生邊患與理財之政窮困民力設虛無之學敗壞人才至崇甯初蔡京託紹述之名盡祖安石之政今日之患始於安石成於蔡京今安石猶配享廟廷而京之黨未除時政之闕無大於是乃罷安石配享擢右司諫又遷殿中侍御史中丞范宗尹言故事無自司諫遷殿中者上曰鼎在言路極舉職所言四十事已施行三十有六遂遷侍御史幸會稽鼎陳戰守避三策拜御史中丞請督王瓌進軍宣州周望分軍出廣德劉光世渡江駐新黃為邀擊之計又言經營中原當自關中始經營關中當自蜀始欲幸蜀當自荆襄始吳越介在一隅非進取中原地荆襄左顧川陝右控湖湘而下瞰京洛



三國所必爭宜以公安為行關而屯重兵于襄陽運江浙之粟以資川陝之兵經營大業計無出此除知樞密院川陝宣撫使時人士皆借其去臺諫多留行會邊報沓至鼎每陳用兵大計及朝辭上曰卿豈可遠去當遂相卿九月拜尚書右僕射同中書門下平章事兼知樞密院事制下朝士相慶時劉豫子麟與金合兵入鼎論戰禦之計諸將各異議獨張浚以為當進討鼎是其言上亦欲臨江決戰鼎喜曰累年退怯敵志益驕今聖斷親征成功可必於是詔張浚援韓世忠而命劉光世移軍建康且促世忠進兵世忠至揚州大破金人於大儀鎮張浚久廢鼎言浚可大任乃召除知樞密院命往江上視師時敵兵久駐淮南謀北歸鼎曰金人無能為矣命諸將邀諸淮連敗之金人遁去鼎奏金人遁歸尤當博采羣

山西通志卷一百二十五 卿賢錄

二十九

言為善後計詔呂頤浩等議之五年還臨安晉守左僕射知樞密院事鼎以政事先後及人才所當召用者係置座右次第奏行及封褒建國公建資善堂鼎薦范冲為翊善朱震為贊讀朝論謂二人極天下之選監修神宗哲宗二史是非各得其正上親書忠正德文四字賜鼎又以御書尚書一帙賜之劉麟劉猷分路入寇時張浚屯盱眙楊沂中屯泗韓世忠屯楚岳飛駐鄂劉光世駐廬沿江上下無兵鼎奏今賊已渡淮當亟遣張浚合光世軍盡掃淮南之寇然後議去留上善其策詔二將進兵浚軍至藕塘與猷戰大敗之鼎命沂中趨合肥以會光世光世已棄廬鼎曰上詔浚有不用命者聽以軍法從事光世大駭復進至肥河與麟戰破之麟猷拔柵遁去以觀文殿大學士知紹興府七年幸建康浚去位召鼎入

對拜尚書左僕射同中書門下平章事兼樞密使進四官鼎再相或議其無所施設鼎聞之曰今日之事如人患羸當靜以養之若復加攻必傷元氣矣劉豫廢鼎遣間招河南守將多舉城或率部曲來歸得精兵萬餘馬數千上喜曰朕常慮江淮數百里備禦空虛今得此軍可無患矣金議和朝論以為不可信鼎曰羣臣憤懣出於愛君不可以為罪宜以不得已諭之上從其言羣議遂息御筆除節鉞封國公鼎奏建國雖未正名天下皆知陛下有子在今禮數不得不異所以繫人心也上曰姑徐之鼎嘗闢和議與槍意不合及鼎爭璩秦檜乘間擠之又薦蕭振為侍御史振本鼎所引及入臺劾罷參知政事劉大中鼎曰振意不在大中也引疾求免言大中持正論為章惇蔡京之黨所嫉臣議論出處與大中同

山西通志卷一百二十五 卿賢錄

四十

大中去臣何可留乃以忠武節度使出知紹興府尋加檢校少傅改奉國軍節度使槍率執政往饒鼎不為禮一揖而去槍益憾之始浚薦槍可與共大事鼎再相亦以為言然槍機弄深險外和而中異浚初求去有旨召鼎鼎至越巧祠槍惡其逼己徙知泉州又諷謝祖信論之遂奪節御史中丞王次翁又論之命提舉洞霄宮鼎自泉州歸復上書言時政槍忌其復用諷次翁又論之謫居興化軍論者猶不已移漳州又謫清遠軍節度副使潮州安置在朝五年杜門謝客時事不掛口有問者但引咎而已中丞詹大方又誣之移吉陽軍鼎謝表曰白首何歸恨餘生之無幾丹心未泯誓九死以不移槍見之曰此老偏強猶昔在吉陽三年潛居深處門人故吏皆不敢通問惟廣西帥張宗元時饋醪米槍知之命本軍月



具存亡申鼎遣人語其子汾曰檜必欲殺我我死汝曹無患  
不爾禍及一家矣先得疾自書墓中石至是書銘旌云身騎  
箕尾歸天上氣作山河壯本朝遺言屬其子乞歸葬遂不食  
而死時紹興十七年也天下聞而悲之明年得歸葬孝宗謚  
忠簡贈太傅追封豐國公後配享高宗廟庭擢其孫十有二  
人鼎為文渾然天成凡高宗處分軍國機事多其視草有擬  
奏表疏雜詩文二百餘篇號得全集論者謂中興賢相以鼎  
為稱首

孟宗政字德夫絳州人父林從岳飛至隨州僑家焉宗政幼  
豪偉有膽略開禧二年金將完顏董犯襄鄆率義士據險邀  
擊奪其輜重宣撫使吳玠奇之補承節郎襄陽令京西路分  
趙方吳柔勝皆薦其才轉秉義郎京西鈐轄駐襄陽嘉定十

山西通志卷一百二十五 鄉賢錄十 三

年金犯襄陽襄陽方檄宗政節制神勁報捷忠義三軍與統  
制扈再與陳祥分三軍設三伏躒血以戰金兵敗走尋報襄  
陽圍急午發峴首遲明抵襄陽馳突如神金人大駭宵遁方  
時帥京西差權襄陽軍初抵事一愛僕犯新令立斬之軍民  
股栗築隄積水修治城堞簡閱軍士十一年金帥完顏賽不  
圍城宗政與再興合兵角敵歷三月大小七十餘戰身先士  
卒金人戰輒敗乃周城開濠四而兵列濠外以絢鈴自警鈴  
響則犬吠宗政厚募壯士乘間突擊隨方力拒隨守許國援  
師至白水率諸將出戰金人奔潰賜金帶轉武德郎十二年  
金帥完顏可擁步騎傅城宗政囊練盛沙以覆樓棚列甕諸  
水以隄火募礮手擊之一礮輒殺數人金人選笏子手二千  
擁雲梯天橋先登又募鑿礮石工陷城運茅葦直抵圍樓下

欲焚樓宗政先燬樓掘深坑防地道初戰棚防城隕穿穿才  
透即施毒煙烈火鼓譟以熏之金人望以濕氈析路劄土城  
頽樓陷宗政撤樓益薪架火山以絕其路列勇士以長槍勁  
弩備其衝距樓陷所數丈築偃月城袤百餘尺翼傅正城深  
坑倍仰躬督役五日成金兵披厚鐵鎧形鐵面而前又濕氈  
濡革蒙火山覆以水雪擁雲梯徑抵西北圍樓登城中軍以  
長戈舂其喉殺之敢勇城軍自下夾擊金兵墜死燦燦金將  
於後拒馬揮刀迫令前自听至夕死傷踵接梯橋盡燬俄乘  
順風渡濠飛脂革燒賊棚宗政激將血戰凡十五陣金兵死  
者千餘笏子手十死七八射其都統殪天反風金人駭愈急  
會王大任領銳卒一千轉鬪入城遂買勇入金營自哺至三  
更金人橫尸遍地訛可走奪銅印十有六獲輜重牛馬萬計

山西通志卷一百二十五 鄉賢錄十 三

升武功大夫兼閤門宣贊舍人重賜金帶制置司以湖陽縣  
迫金境檄宗政圍之一鼓而拔燔聚夷若俘掠以歸金人自  
是不敢窺襄漢襄陽代許國為荆鄂都統制仍知襄陽宗政  
以迫濠而陳迺於西北濠外瀦水為濬以限騎中原遺民來  
歸者萬數發廩贍之給田勸屋與居籍勇壯號忠順軍俾出  
沒唐鄆間威振境外金人呼為孟爺爺俄病卒轉右武大夫  
團練使防禦使宗政為將有功怨必賞有罪親必罰好賢樂  
善未嘗學兵法而暗與之合死之口邊城為罷市慟哭  
孟珙字璞玉宗政子也僑襄陽金人犯襄陽駐團山珙料其  
必窺樊城獻策宗政由羅家渡濟河宗政然之翼日諸軍臨  
渡布陣金人果至半渡伏發殲其半宗政援襄陽常父子相  
失珙望敵騎中有素袍白馬者曰吾父也急麾騎軍突陣遂



脫宗政以功補進勇副尉轉進武校尉理宗特授忠翊郎又辟京西第五副將權管神徑左右軍統制初宗政招唐鄧蔡壯士二萬餘人號忠順軍命江海總之眾不安制置司以琪代分其軍為三眾乃帖然紹定初初平堰於東陽建通天槽溉田十萬頃軍民分屯收五十萬石二年升京西第五正將母憂迎復京西兵馬鈐轄棗陽軍駐劄仍總三軍六年元暹蔡煥琪成鄂討金唐鄧行省武仙破其九砦武仙走追及之仙與五六騎奔降其眾七萬人獲甲兵無算還軍襄陽轉修武郎鄂州江陵府副都統制元遣王楫約攻蔡琪請以二萬人行端平元年正月城中絕糧盡琪帥師向南門列雲梯令諸將聞鼓則進萬眾競登大戰城上降其丞相烏古論栲栳殺其元帥兀林達執參政張天綱以歸得金誥寶玉帶金銀

山西通志卷一百一十五 鄉賢錄十

聖

印牌有差還軍襄陽擢建康府都統制二年授主督侍衛馬軍司公事駐黃州朝辭上問恢復對曰願寬民力蓄人材以俟機會問和議對曰臣當言戰不當言和賜賚甚厚兼知光黃州節制黃蘄光信陽四郡軍馬元兵攻蘄州解其圍又攻襄陽琪往節度破砦二十有四還民二萬嘉熙三年累授樞密都承旨制置使兼知鄂州初詔琪收復京襄琪謂必得郢然後可通饋饒得荆門然後可出奇兵由是發兵深入所至以捷聞拜武甯軍節度使四川宣撫使釐蜀弊政為條頒諸郡縣清祐五年以職事修舉轉行兩官許回授琪至江陵登城嘆曰江陵所恃三海不知沮洳有變為桑田者敵一鳴鞭卽至城外乃修復內隘十有一別作十隘於外障沮漳水繞城北入于漢三海遂通為一渺然巨浸及襄陽軍亂行省范

用吉密通降款琪白於朝不省嘆曰三十年收拾中原人今志不克伸矣病革乞休致卒于江陵府治是月朔大星隕境內聲如雷卒之夕大風發屋折木贈太師封吉國公謚忠襄廟曰威愛琪忠君體國可貫金石名位雖重惟建鼓旗臨將吏面色凜然退則焚香掃地隱几危坐若蕭然事外遺貨色絕滋味其學達於易著警心易贊亦通佛學自號無庵居士兄璟鎮武昌弟瑛璋並以軍功顯

以上

姚兪字武之五原人父寶戰死定川兪補右班殿直為環慶巡檢一矢斃夏酋夏眾潰遂破蘭浪夏圍諸砦兪時駐荔原堡先羌未至據險張疑兵伺便輒出有悍酋甚武射中其目斬首還一軍驩呼明日攻益急兪手射數百人裂指流血又遣子雄引壯騎馳掩其後所向必克敵乃退攻大順城復往

山西通志卷一百一十五 鄉賢錄十

聖

救轉關三日斬級數千卒全二城慶軍叛以親兵守西關盜奔兪追及下馬與語皆感泣羅拜誓不敢為亂神宗聞其名召入觀試騎射屢中的賜銀槍袍帶遷都監徙鄜延涇原從攻河州飛矢貫耳戰益力河州既得鬼章圍之兪曰解圍法當攻其所必救乃往擊隴宗圍遂解累遷皇城使進鈐轄從攻交阯有功領雅州刺史破乞弟領忠州團練使進副總管遷東上閣門使徙熙河與種誼合討洮州破六通宗城夜斷浮橋援兵不得度遂擒鬼章真拜通州團練使卒於鄜延總管贈忠州防禦使兪事母孝凡圖畫器用皆刻仇讐未報字力學兵法老不廢書尤喜顏真卿翰墨曰吾慕其人耳與弟麟號二姚

姚麟字君瑞從兄兪攻河州中矢透骨鏃留不去以彊弩出



之笑語自若積功至皇城使為秦鳳副總管從李憲討生羌擒冷雜朴再轉東上閣門使英州刺史元豐西討以涇原副總管從劉昌祚勝於磨夥隘轉戰向鳴沙趨靈州而高遵裕敗降皇城使永興軍路鈐轄復為涇原副總管夏乞蘭會驂言秉常不廢即為順命可息兵矣獨蘭會不可與順飭邊備示進討之形以絕其望從之督諸將討堪哥平經略使盧秉上其功賜金帛六百元祐初擢威州團練使龍神衛四廂都指揮使歷步軍殿前都虞候步軍馬軍副都指揮使紹聖三年以建武軍節度觀察留後出知渭州安肅請留曾布沮之韓忠彥曰奏對語言非所以責此輩乃留不遣尋拜武康軍節度使殿前副都指揮使王瞻取青唐麟謂方息肩奈何生此大患瞻果敗徽宗進都指揮使節度建雄定武軍檢校司

山西通志卷一百二十五 卿賢錄十 聖

徒卒駕臨之贈開府儀同三司麟沈毅持重不少縱捨宿衛將嘗犯法詔釋之麟杖於庭而後請拒詔之罪故所至肅然姚雄字毅夫兒子少勇鷲有謀年十八從父討金湯以首騎先登奪隘又城荔原功韓絳薦之閱試延和殿征安南瀘川皆在行歷涇原秦鳳將駐甘谷城知通遠鎮戎軍岷州官累佐驛驛使紹聖中渭帥章棄城平夏雄部燕河兵策援夏傾國來慶陽矢注肩蓋裔賊引卻追躡大破之斬三千級俘數萬先五日折可適敗於沒烟雄得傳諸道始得并力城成擢東上閣門使秦州刺史明年寇攻平夏勢銳甚雄與弟古合兵卻之徙知會州遷熙河鈐轄王瞻略地青唐羌攻湟鄯詔與苗履援之邈川方急雄至羌望見塵起驚而潰遂趨鄯州履後期乃至瞻言蘭溪宗有遺寇履即往雄諫不聽戒所部

嚴備以待俄而履師退賊追及雄整眾迎擊破之獻馘二千遣中使勞問徙河州种朴戰沒王瞻軍陷敵雄自鄯至湟四戰皆捷拔出之遂築安鄉關夾河立堡以護浮梁通湟水漕運商旅始集加防禦使建中靖國初議棄湟州詔訪雄雄以為可棄遂賜趙懷德徙知熙州進華州觀察使王原復河湟治棄地罪停雄官光州居住復竄金州明年歸起權經略熙河安輯復新邊使知滄州加捧日天武四廂都指揮使復為熙州遷安德軍節度觀察留後步軍副都指揮使拜武康軍節度使召為中太一宮使納節改左金吾衛上將軍又以武康節知熙州熙河十八年間更十六帥唯雄三至凡六年尋以檢校司空奉甯軍節度使致仕卒贈開府儀同三司謚武憲以上郭爾多斯蒙古部

山西通志卷一百二十五 卿賢錄十 聖

右宋天聖至建炎五十一人

智浹汾州人嘗舉進士知書通春秋左氏傳好直言少保岳飛以賓客禮之及飛下吏浹上書頌冤秦檜怒並送大理獄成浹坐決杖送袁州編管補遺

山西通志卷一百二十五



鄉賢錄十一 錄二之十一 山西通志第百二十六

賜進士出身頭品頂戴兵部侍郎兼都察院右副都御史巡撫山西提督軍務張前

遼金

邢抱朴應州人父簡刑部郎中母陳氏生六子親授以經抱朴性穎悟好學博古保帝初為政事舍人知制誥累遷翰林學士加禮部侍郎統和三年命勾檢顯陵四年山西州縣被兵命往鎮撫民始獲安加戶部尚書遷翰林學士承旨與室昉同修實錄決南京滯獄還優詔褒美十年拜參知政事韓德讓薦按察諸道守令能否而黜陟之大協人望素以孝稱母憂去官詔起視事乞終制宰相密諭上意乃從及耶律休哥留守南京多滯獄復詔平鞠人無冤者二十年改南院樞

山西通志卷一百二十六 鄉賢錄十一

密使又二年卒輟朝三日贈侍中弟抱質統和二十九年由南府宰相擢知南院樞密使事以年老詔乘小車入朝開泰元年命督有司具拜山大射柳禮儀復為大同軍節度使加開府儀同三司守司空兼侍中時人榮之

陳昭寰小字王九雲州人工譯鞬勇而善射統和中補祇候郎君為奚拽刺詳穩累遷致睦宮太保兼掌圍場事開泰五年秋大獵帝射虎以馬馳太速矢不及發虎怒奮勢將犯蹕左右辟易昭寰捨馬捉虎兩耳駭之虎駭且逸上命衛士追射大呼止之虎雖軼山終不墮地伺便拔佩刀殺之羣至上前慰勞良久即日設燕悉賜以席上金銀器特加節鉞遷圍場都太師賜國姓命張儉李德懋賜詩以美之後拜歸義軍節度使同知上京留守歷西南面招討都監卒

右遼二人 附見

郭文振字拯之太原人承安二年進士累官遼州刺史充宣差從宜都提控治遼深得眾心興定三年遷授中都副留守權元帥左都監行河東北路元帥府事招降太原東山二百餘村遷老幼於山寨得壯士七千分駐營柵防護秋穫奏若秋高無兵直取太原河東可復優詔許之十月權右都監與張開合堅臺州兵復取太原四年請升樂平縣為皋州壽陽縣西張寨為晉州從之上疏乞選重臣復於潞州置行省其時澤潞已詔張開規畫不能盡用其言二月封晉陽公河東北路皆隸焉奏調協孟州提控伯德安事遣近臣慰諭又奏武仙所統境土甚大雖與林州元帥府共招撫之乞更選本土州縣官重其職任同與安集可使選定宣宗用其策又薦

山西通志卷一百二十六 鄉賢錄十一

葭州刺史古里甲蒲察行嵐管陝石甯化保德諸州元帥府事從之元光元年復奏河朔百姓引領南望臣再四請於樞府但以會合府兵為言公府雖號分封力實單弱且不相統攝所在被兵朝廷不即遣兵復河北人心將以為舉河朔而棄之甚非計也大抵欲起晉鼎為行省定河北朝廷不能用二年詔應援史詠復河東是歲遼州不能守徙其軍於孟州以部將郝安等為副護沿山諸寨累辭公府不許頃之部將汾州招撫使王遇與孟州防禦使納蘭謀古魯不相能復徙衛州自此不可以為軍迄正大間寓於衛而已

張著字庭俊太原陽曲人明昌二年進士授平遙丞歷洛交雲川二縣令由轉運判官入拜監察御史泰和初元妃李氏干預時政其兄黃門喜兒嘗以水田事私請於著著以正義



賁之既居臺諫上書言妾上僭后之失引援古今陳說成敗時論趨之胡沙虎尹大興驕恣不法朝臣無敢言者著率諸御史發其奸章至十餘上章宗為動容扈從秋山居民為近侍所擾著易大席帽屏跡行園中杖大奴十餘人權貴為斂手至相警曰大席帽來矣其威望如此出為同知震武節度使歷南京路按察副使甚有威惠大安中歷知景州漕運愈陝西按察使貞祐二年改同知河間府元兵至其帥不能軍城陷著率壯士數百督戰沒於陣著性剛果明於剖析所在吏畏民懷有古能吏風子綽以蔭擢官

王渥字仲澤以字行太原人性明俊不羈博學善談論工尺牘字畫清美有晉人風少游太學長於詞賦登興定二年進士第為時帥奧屯邦獻完顏料烈所知故多在兵間後辟甯

山西通志卷一百一十六 鄉賢錄十一 三

陵令有治蹟入為尚書省令史使宋至揚州應對敏給宋人重之還為太學助教轉樞密院經歷官俄遷右司都事稍見信用及內族思烈行省事於鄧州以渥為左右司員外郎從行思烈入援自汝州過密縣遇元兵武仙欲阻澗思烈不聽渥勸曰武仙大小數百戰經涉不為不多兵事當共議思烈疑其與仙有謀幾斬之渥自以為無愧於內不懼也已而思烈果敗渥歿於陣

趙隘太原人讀書肄業元兵入境隘鳩合土豪保聚山陝屢戰有功晉陽公郭文振署為壽陽令駐兵榆次遂率眾收復太原夜登其城護老幼二萬餘口以出升太原治中擢同知府事兼招撫使元光元年元兵攻城急知不可支迺殺妻子沈符印自殺宣宗聞之嘉歎贈銀青榮祿大夫河東北路宣

撫使諭有司求其子孫錄用以上太原原府

郭子通洪洞人且子年二十八登詞賦高第大定初擢陝西西路轉運司都勾判官時晉絳戶稅轉輸平涼子通監視官更秋毫無犯二州民舉手加額後為絳陽軍節度副使蒞官日父老稱幸甫期年大治絳人繪像天甯寺立石頌德終清河防禦使

馮延登字子俊吉州吉鄉人世業醫以幼穎悟令事舉業登承安二年詞賦進士第調臨真縣簿德順州軍事判官泰和元年轉甯邊令大安元年七月寇害稼粟賑貸全活甚眾貞祐二年補尚書省令史尋授河中府判官兼行尚書省左右司員外郎興定五年入為國史編修改太常博士元光二年知登聞鼓院兼翰林修撰奉使夏國就充接送伴使正大

山西通志卷一百一十六 鄉賢錄十一 四

七年遷國子祭酒假翰林學士承旨充國信使以八年春至虢縣營元主問汝識鳳翔帥否對曰識之又問何人曰敏於事者也又曰汝能招降即賞汝死對曰臣奉使請和招降豈使職乎招降亦死還朝亦死不若今日即死為愈也明日復問汝曾思之否對如前問至再三執義不回又明日乃云汝罪當死但古無殺使者理汝愛汝鬚髯猶汝命也叱左右以刀截去之延登岸然不動乃監之豐州三年後放還哀宗撫慰久之復官祭酒禮吏二部侍郎權刑部尚書明年元兵圍汴倉卒逃難為騎所得欲擁而北行延登辭情慷慨躍入城旁并死年五十八以上太原原府麻乘彝字仲常唐金吾衛中郎將嗣宗之裔登皇統九年進士調河中府市丞西京都市令革舊弊折豪強留守徒單公



嚴置幕下大定初除大興府推官盜賊旁午繫者累如乘勢  
悉平決之世宗嘉歎推官品第七乃陟爲第六自乘勢始時  
繕修宮室火禁嚴甚有百夫長禍一役投火鑣鉄石以火考  
送府獄其鑣石裏以奇帛乘勢曰貧人安得此乃遣人物色  
之百夫長之子所衣帛正同一問得其情十一年調平陽岳  
陽縣令時洪洞趙城爭水部檄委乘勢司水者十餘人賊賄  
狼籍乘勢盡寘於法自是無訟二縣民刊石以紀十四年召  
拜右三部司正令史董潤隔垣投瓦礫中親軍傷額大興府  
罪以故乘勢以爲非耳目所及卒以過失論山東有殺人者  
法司當以鬪乘勢曰閱其牘其人將死時猶有和同之語非  
鬪也卒以殺論十六年冬借尚書兵部郎中館伴夏國使十  
七年改兵部主事明年正月春蒐攝行宮六部主事歸遭疾

山西通志卷一百二十六 鄉賢十一 五

卒年四十九乘勢爲政主仁濟以強明性敏悟八歲知屬文  
王彥潛學士評其詩似杜牧之有貽溪集二十卷行世子邦  
憲武略將軍河中府軍資庫副使邦甯武義將軍鳳翔縣令  
李獻能字欽叔河中人先世有爲金吾上將軍者時號李金  
吾家道獻能以文學名從兄獻卿獻誠從弟獻甫相繼擢第  
故李氏有四桂堂獻能苦學博覽作詩有志風雅刻意樂章  
於文尤長四六貞祐三年特賜詞賦進士廷試第一人宏詞  
優等授應奉翰林文字應機敏捷得體趙秉文李純甫嘗  
曰李獻能天生今世翰苑才每薦之不令出館居凡十年出  
爲鄜州觀察判官用薦復爲應奉俄遷修撰正大末以鎮南  
軍節度副使充河中帥府經歷官元兵破河中奔陝州行省  
以權左右司郎中值趙三軍變遇害年四十三獻能涉小墨

色頗有異善談論每對說今古聲鏗亮可聽家故饒財盡於  
貞祐之亂在京師無以自資其母素豪奢厚於自奉小不如  
意必加訶謫人視之殆不堪獻能處之自若時以純孝稱之  
李獻甫字敘用獻能從弟也博通書傳尤精左氏及地理學  
爲人有幹局興定五年登進士第正大初夏使來請和馮延  
登往議獻甫爲書表官從行夏時以歲幣爲言延登不能折  
獻甫從旁力爭之議遂定天興元年充行六部員外郎守備  
之策時相倚任之以功遷鎮南軍節度副使兼右營巡使死  
蔡州之難年四十所著文章號天倪集傳於世

山西通志卷一百二十六 鄉賢十一 六

侯小叔河東縣人爲河津水手貞祐初籍充鎮威軍以勞補  
官元光元年遷府判官權河東南路安撫副使元兵圍河中  
盡護農民入城以家財賞戰士圖始解遷治中安撫如故樞  
密院奏小叔才能可用權位輕不足威眾乞假符節詔權元  
帥左都監便宜從事提控吳德說小叔出降叱出斬之表兄  
張先復從容言出降保妻子怒謂先曰我舟人子致身至此  
何云出降縛於柱殺之飯僧祭葬以盡賊黨之禮頃之樞密  
院遣都監詔論來議兵事因出城會議石天應乘機取河中  
府作浮橋通陝西小叔駐樂梁山察眾兵畢會夜半坎城以  
登焚樓櫓火照城中天應大驚盡棄輜重牌印馬牛雜畜死  
於雙市門小叔燒絕浮橋撫定其眾遷昭殺大將軍遙授孟  
州防禦使同知河中府事二年正月元軍十萬圍城總帥訛  
可遣提控孫昌率兵五千樞密副使完顏賽不遣李仁智率  
兵三千來援約夜中鳴鉦內外相應及期小叔出兵戰昌仁  
智不敢動復斂眾入城圍益急眾議出保山寨小叔曰去何



之密遣經歷張思祖奔告於汴明日城破小叔死不得其尸或疑向在中條諸寨無所統領後四十餘日乃詔河中推官籍阿外權領右都監總其軍宣宗思小叔功下詔褒贈切責訛可不救河中之罪

強仲本河中射糧軍子弟貌饒陋而膂力過人興定初從華州副都統安甯復潼關有勞監郃陽醕後客洛下選充官軍成陝鐵嶺軍潰被執從都尉烏林答胡土竄歸中京留守撤合輦死元帥左監軍任守真復立府事以便宜器仲警巡使守真又死鄭州天興元年八月中人推仲為府僉事領軍二千五百人傷殘老幼半之甫三日復被圍東西北三面多樹大礮伸括衣帛為幟立之城上募壯士得五千人赤身而戰往來救應大叫以慈子軍為號其聲勢與萬眾無異刮錢

山西通志卷一百二十六 鄉賢錄十一

為鐵得元兵一箭截而為四以簡鞭發之創過敵礮能發大石於百步外所擊無不中仲奔走四應所至必捷得二駝及所乘馬皆殺之以犒軍士得一櫛如賜百金九月元兵退百里外閏月復攻一月兵倍前不能拔事聞哀宗降詔褒諭以仲為中京留守元帥左都監世襲謀克行元帥府事二年二月建一堂於洛川驛之東名曰報恩刻詔文於石誓以死効三月中使至以仲便宜從事時行省思烈卒胡土代仲行總帥府事月餘糧盡軍民稍稍散去五月元兵復來陣於洛南仲陣水北有韓帥者匹馬立水濱招仲降仲責曰君獨非我家臣子耶既不能勤王乃欲誘我降耶我本一軍卒今貴為留守誓以死報國遂躍而射之帥奔陣率步卒數百奪橋仲軍一旗手獨出拒之殺數人即手解都統銀符佩之士氣復

振初築戰壘於城外四隅至五門內外皆有屏謂之迷魂將元兵以五百騎迫之伸率部下二百鼓譟而出元兵退六月胡土走鷹揚都尉獻西門以降仲知城不能守率死士數十人突東門出轉戰至偃師力盡就執載以一馬擁迫而行宛轉不肯進強掖之及中京七里河將見大帥塔察語益激兵卒曰此人乖角如此其能降乎不若殺之因好語誘曰汝能北面一屈膝吾貸汝命伸不從左右力持使北伸拗頭南向遂殺之

盧芝字廷瑞河東人任子補官以西安軍節度使行部尚書石玠字子堅河中人崇慶二年進士以汝州防禦使行部侍郎天興二年九月河南行省武仙由浙川至黑谷泊進退失據謀北走二人相與謀曰吾等知仙不卹國家久矣諫之不

山西通志卷一百二十六 鄉賢錄十一

從去之未可事至今日正欠蔡州一死耳假若不得到蔡州死於道中猶勝死於仙也既去仙始覺追玠殺之芝走至南陽為土賊所害以上補州府李晏字致美澤州高平人性警敏倜儻氣登皇統六年經義進士調岳陽丞轉遼陽推官中牟令海陵方營汴京領運材木於河以經三門之險衝決失敗者眾乃馳白行臺散投其木於水計數於下流接取人皆便之內艱服除補尚書省令史辭為衛州防禦判官世宗素識其才名召為應奉翰林文字五遷祕書少監兼禮部郎中除西京副留守召為翰林直學士兼太常少卿以母老乞歸養授鄭州防禦使母卒起復為直學士上嘗御後閣召晏讀新進士所對策因問縣令闕員取之何道對曰國朝設科取士始分南北兩選北選百



人南選百五十人合二百五十人詞賦經義入仕之人既多所以縣令未嘗闕員其後南北通選止設詞賦一科每舉限取六七十人入仕既少縣令闕員蓋由此也上以爲然詔後取人毋限以數尋擢吏部侍郎兼前職諭以卿性果敢有激揚之意故以授卿宜加審慎毋涉荒唐俄爲中都路推排使遷翰林侍讀學士兼御史中丞初錦州龍宮寺遂主撥賜戶民輸稅歲久皆以爲奴有欲訴者害之島中晏乃具奏曰遼以良民爲二稅戶此不道之甚也乞盡釋爲良於是釋爲良者六百餘人故宰臣謀術家民質券積不能償因沒爲奴事下臺亦奏免之尋爲賀宋正旦國信副使世宗不豫命宿禁中一時詔冊皆晏爲之章宗立書上十事其一風俗奢僭宜定制度二禁游手三宜停鑄錢四免上戶管庫五太平宜興

山西通志卷一百二十六 鄉賢錄十一 九

禮樂六量輕租稅七減鹽價八免監官陪納虧欠九有司尙苟且乞申明經久遠圖十禁網差密宜尙寬大又奏乞委待制黨懷英修撰張行簡更直進讀陳言文字以廣視聽皆採納之年老乞致仕改禮部尙書兼學士承旨授沁南軍節度使久之致仕上念晏先朝舊人復起昭義軍節度使明昌六年歸老承安二年卒年七十五謚文簡  
李仲略字簡之晏子聰敏力學大定十九年詞賦進士調五臺主簿轉韓州判官遷晉城令補尙書令史除翰林修撰領左司一日奏事退上顧謂近臣曰仲略精神明健如俊鶴脫鞵未幾轉員外郎以親病求侍特授澤州刺史以便祿養先是晏領沁南節度澤於懷爲支郡父子相繼鄉人榮之父喪免起爲戶部郎中時命六品以上官十日以次對乃進言曰

凡救其末不若正其本所謂本者厚風俗去冗食養財用而已又條陳制度之宜上嘉納之俄授翰林直學士兼前職命充經義讀卷官上問曰有司謂經義不若詞賦罷之何如奏曰經乃聖人之書明經所以適用非詞賦比乞自今以經義進士爲考試官庶得碩學之士上可其奏改吏部郎中遷侍郎兼翼王傅俄兼宛王傅時知大興府事紇石烈執中坐贓命鞠之罪當削解權要競言太重奏曰教化之行自近者始京師四方之則郡縣守令無慮數百此而不懲何以勵後況執中凶殘狠愎慢上虐下豈可宥之上曰卿言是也授山東東西路按察使泰和五年卒上聞之歎曰此人於國家宣力多矣何遽至是耶贈朝列大夫謚襄獻仲略有父風剛介特立不阿權貴臨事無留滯所任以幹濟稱云

山西通志卷一百二十六 鄉賢錄十一 十

郭俛字伯有澤州人登大定二十二年進士調長子主簿累進大理司直母憂起復太常博士左司都事御史臺舉俛才幹可用遷平陽府治中久之召爲同知登聞鼓院兼祕書丞遷禮部郎中滕州刺史同知正定府事上官每季合注巡尉官吏刑兩部斟酌盜賊多寡慮選注詔議行之改中都西京按察副使遷國子祭酒泰和六年伐宋充宣差山東安撫副使歷遼東按察轉運使至行六部尙書改河北西路轉運使致仕元光二年卒  
王晦字子明澤州高平人少負氣自意常慕張詠之爲人中明昌二年進士調長葛主簿有能聲察廉除遼東路轉運司都勾判官提刑司舉其能轉北京轉運戶籍判官遷安陽令累遷戶部郎中貞祐初或舉晦有將帥才俾募人自將得死



士萬餘統之衛送通州粟入中都有功遷霍王傅以部兵守順州攻牛欄山以解通州之圍遷翰林侍讀學士加勸農使九月順州受兵遣人突圍召滄景別部兵主者不肯發故部曲王臻請變計晦曰朝廷何負汝耶臻曰臻雖負國不忍負公因泣下晦叱曰吾年六十致位三品死則吾分詎從女耶將射之臻掩泣而去將士縋城出降晦被執不肯降遂就死愛將牛斗併見殺贈榮祿大夫樞密副使命有司立碑歲時致祭錄其子汝霖為筆硯承奉

趙楠字庭幹高平人擢進士第天興元年為刑部郎中十一月右丞相延安郡忠正王僕散端孫忙押門定國軍節度使納坦出之子也與兄石里門及護衛顏蓋宗阿同飲忙押門詐以事出投北兵尙書省令楠推其家屬及同飲人時上下

山西通志卷一百二十六 鄉賢錄十一

迎合必欲以知情處之忙押門妻皆被訊掠其母完顏氏曰忙押門通其父妾殺此妾忙押門不自安遂叛求脫命而已委曲推問無知情狀省中微聞之召小吏郭從革諭以風旨從革言之楠方食擲匕筋於案大言曰甯使趙楠除名亦不能屈斷無辜人遂以不知情奏且以妾事上聞上曰丞相功臣納坦出父子俱受國恩吾已保其不知情也立命赦出之人胥謂楠有于張風州府

督造戰艦於通州兵興以為海東道水軍都統制率舟師泛海徑趨臨安宋兵來襲敗於海中副統制鄭家死之大定二年召赴中都時山東盜賊嘯聚百姓因弊詔保衛安撫山東發倉粟給布帛無妻室者具名以聞遷改刑部尙書遣往河南山東陝西宣問屯田軍人有立功者具名以聞先登敗敵者正軍及阿里喜補官一階猛安謀克上功狀尙書省僕散忠義伐宋命行戶部於關中兼糾察許以便宜黜守令不法者十餘人邠守傅慎微忤用事者被讒搆下獄力救之得免入為太常卿遷禮部尙書拜參知政事三年宋人請和詔往南京與忠義樹酌事宜行之入奏進尙書右丞詔監護諸殿役六年冬有疾求致仕不許七年二月庚寅卒年五十五輟朝賻贈命有司致祭

山西通志卷一百二十六 鄉賢錄十一

康元弼字轉之大同雲中人幼敏學善屬文登正隆二年進士第調汝陽縣簿改崇義軍節度判官由垣曲縣令補尙書省令史累遷同知河北西路轉運使事召為大理丞大定二十七年河決曹濮間涉水者多墊溺遣往相視其地如盜而城在壘中請命於朝徙築北原曹人賴焉出為宏州刺史閱歲授大理少卿先是衛城亦為河壞增築蘇門以寓州治水既退民不樂遷欲復歸衛又遣元弼按視還言治故城便遂復其舊轉祕書少監兼著作郎改通州刺史兼領漕事章宗立尊孝懿為皇太后以元弼舊臣詔充副衛尉再轉大理卿以喪去起復為刑部侍郎兼鄆王傅遷南京路轉運使承安三年致仕卒

高汝礪字巖夫應州金城人登大定十九年進士第蒞官有



能聲累除同知絳陽軍節度事明昌五年選陞石州刺史承安元年入爲左司郎中遇紫宸殿奏事侍臣皆迴避上涼扇忽墮案下以非職不敢取進上以爲知體尋擢左諫議大夫建言郡縣調發軍需追胥走卒利其事急規取貨賂深爲民害自今有犯者乞權依推排受財法治之庶使小有所畏懼上從其言定軍前差發受財制時遇奏事臺臣亦令迴避汝礪請有司奏事諫官得以預聞修注職皆當一體從之尋同知大興府事歷陝西東路轉運使泰和元年改西京路轉運使六年六月拜戶部尚書時鈔法不能流轉隨事上言多所更定民甚便之貞祐二年宣宗南遷次邯鄲拜參知政事次湯陰聞汴京穀價騰踊宰臣請命留守司禁約汝礪曰物價低昂朝夕或異然糴多糶少則貴諸路之人輻湊河南糴

山西通志卷一百二十六 鄉賢錄十一 十三

者既多安得不貴若禁止之有粟之家皆將閉而不出商旅轉販亦不復入城則糴者益急而貴益甚矣今穀少而難得鈔多而易致自當先其所難後其所易多方開誘務使出粟更鈔例穀價自平矣上從之三年五月北兵將渡河朝議盡起河北諸路軍戶共圖保守而徙其家屬於河南汝礪言此事果行但便於豪強貧戶安能徙乞先令元帥府宣撫司總管府熟論可否然後施行不報軍戶既遷將括地分授之佃官田者亦言願以給軍汝礪奏遷徙軍戶一時之事民佃官田久遠之計惟當倍益官租以給軍糧之半復以係官荒田牧馬草地量數付之令其自耕則百姓免失業而官司不爲厲民矣上從之尋遷尚書右丞又奏在官荒田及牧地民多私耕今正藝麥時乞盡九月而後撥量收所得以補軍儲則

公私俱便十月又言今河北軍戶徙河南者幾百萬口日給米一升歲率三百六十萬石半給其直猶支粟三百萬石河南租地計二十四萬頃歲徵粟纔一百五十六萬有奇乞倍徵以給仍以閑田及牧地界之乃遣右司諫馮開等分給人三十畝而軍人皆言地瘠惡不可耕可耕者又僻遠汝礪遂請罷之給軍糧之半而半折以實直焉四年正月轉左丞乞致仕不許時議發兵河北護民芟麥民間傳官將盡收之高琪奏樞密院遣兵居衝要鎮遏土寇仍許收逃戶之田汝礪曰甚非計也河朔之民惟恃麥今已有流言而復以兵往是益使之疑懼也不若聽其自便令宣撫司禁戢無賴足矣逃戶田歸有司可也後卒罷又請召還行樞密副使胥鼎於朝省不從高琪欲歲閱民田汝礪言其三不可議遂寢與定

山西通志卷一百二十六 鄉賢錄十一 十四

元年十月邊臣請與宋議和以息民疏言其非計時宣宗志在南伐也十一月上言臣聞國以民爲基民以財爲本是以王者必先愛養基本國家調發河南爲重所徵稅租率常三倍於舊今省部計歲收通寶不敷所支乃於民間科斂桑皮故紙錢七千萬貫以補之近以通寶稍滯又加兩倍河南人戶農居民三之二今稅租猶多未足而此令復出彼不糶所當輸租則必減其食以應之夫事有難易勢有緩急今急用而難得者芻糧也出於民力其來有限可緩圖而易爲者鈔法也行於國家其變無窮而者大鈔滯更爲小鈔小鈔弊改爲寶券寶券不行易爲通寶從權制變皆由於上尙何以煩民爲哉彼悉力以奉軍儲已患不足而又添徵通寶苟不能給則有逃亡民逃亡則農事廢兵食何自而得有司不究



圖而貪近效不固本原而較末節誠恐軍儲鈔法兩有所妨  
惟陛下外度事務俯察臣言特命有司減免則羣心和悅而  
未足之租有所望矣時賈全苗道澗等相攻不和廷議將分  
界州縣別署名號以處之又上書言其非計議遂寢三年河  
南頗豐稔民多積粟汝礪奏國家之務莫重於食今所在屯  
兵益眾而修築新城其費亦廣若不及此豐年多方營辦防  
秋之際或乏軍興乞於河南州府權宜立式凡內外四品以  
下雜正班散官及承蔭人免當俸使監官功酬僧道官師德  
號度牒寺觀院額等並聽賣之司縣官有能勸誘輸粟至三  
千石者將來注授升本榜首五千石以上遷官一階萬石以  
上升職一等並注見闕庶幾人知勸慕多所收穫從之提舉  
權貨司王三錫建議權油高琪以用度方急勸上行之汝礪

山西通志卷一百一十六 鄉賢十一 十五

上言其五害詔集百官議禮部尚書楊雲翼等多以為不可  
遂罷之十月賜金鼎一重幣三四年三月拜平章政事俄進  
尚書右丞相監修國史封壽國公屢乞致仕不允十月遷榮  
祿大夫元光二年詔免朝拜侍立仍勅有司殿下設榻上嘗  
論人才對曰心不正而濟之以才所謂虎而翼者雖古聖人  
亦未易知又曰人才少全亦隨其所長取之耳上晉以為然  
哀宗初告老優詔不許正大元年三月卒年七十一配享宣  
宗廟庭

雷淵字希顏一字季默渾源人思子淵庶出父沒不能安於  
家乃發憤入太學衣敝履穿臥榻無席恆兀坐讀書其友商  
衡每調恤之後從李之純游為詩文喜新奇與康錫冀禹錫  
齊名俱登至甯元年詞賦進士甲科攝遂平縣事調涇州錄

事坐高庭玉獄幾死後改東平河朔驕將悍卒倚外敵為重  
自行臺以下皆撫摩之淵出入軍中偃然不為屈不數月閭  
巷多畫像以事雖大將亦不敢易之尋遷東阿令轉徐州觀  
察判官興定未召為英王府文學兼記室參軍轉應奉翰林  
文字正大庚寅倒迴谷之役嘗上書破朝臣孤注之論引援  
深切灼然易見主兵者阻之策竟不行拜監察御史言五事  
稱旨其所彈劾不避權貴出巡郡邑所至有威譽奸豪不法  
立箠殺之至蔡州杖殺五百人號雷半千為人所訟罷去久  
之宰相侯摯薦為太學博士南京轉運司戶籍判官入為翰  
林修撰一夕暴卒年四十八淵躬幹雄偉髯張口哆顏渥丹  
眼如望洋遇不平則疾惡之氣見於顏間或嚼齒大罵不休  
善結交凡當塗貴要與布衣名士無不往來居京師賓客踵

山西通志卷一百一十六 鄉賢十一 十六

門雖貧而待客甚腆蒞官喜立名凡居一職輒震耀亦坐此  
不達  
劉從益字雲卿渾源人高祖擢天會初詞賦進士子孫多出  
科第入仕從益博學通經能文詩尤工五言登大安元年進  
士累官監察御史坐與當路辨曲直得罪去久之起為萊縣  
令修學廡俗有古良吏風葉自兵興戶減三之一田多不毛  
其歲賦七萬如故乃請於大司農為減一萬民甚賴之流亡  
歸者四千餘家未幾被召百姓乞留不許入授應奉翰林文  
字踰月疾卒年四十四葉人聞之以端午罷酒為位而哭  
立石頭德焉有蓬門集若干卷子祁在太學有文名值金末  
喪亂作歸潛志與元裕之王辰雜編雖微有異同而金末事  
猶足徵焉



魏璠字邦彥宏州順聖人家渾源貞祐二年進士天興元年  
哀宗走歸德時璠爲翰林修撰遣問道召參知政事河南行  
省武仙行至裕州會仙敗於柳河乃矯詔招集潰軍以待仙  
仙疑璠圖已二年正月仙閱兵選鋒尙十萬璠曰主上旦夕  
西首望公公不宜久留於此仙怒幾殺璠璠還歸德仙奏請  
誅璠哀宗不聽以璠爲歸德元帥府經歷官

康公弼應州人舉進士累官乾州節度使初爲甯遠令歲歉  
請蠲賦民爲立祠嘗陷盜中盜使護送出境曰此良吏也  
府大同

楊沃衍本名翰烈朔州靜邊官莊人少爲北邊屯田小吏元  
兵入境率本族唐和迪刺部入保朔州南山茶杷溝朝廷遣  
人招之與眾來歸授武州刺史武州屢經殘毀貞祐二年二

山西通志卷一百二十六 鄉賢錄十一 十七

月元兵來攻死戰二十七晝夜不能拔乃退以功擢本州防  
禦使武州軍民遷岢嵐州升岢嵐爲節鎮卽以爲節度使論  
曰卿於國盡忠屢有勞績其益勵忠勤與宣撫使輯睦以安  
軍民既奉詔卽以身許國曰不死王事而死於家非大丈夫  
也三年屯涇邠隴三州有軍九千分爲十翼五都統統親者  
十之四是冬與夏人戰俘斬幾二千獲馬八百餘匹器械稱  
是興定元年賜姓兀林答未幾遙授通遠軍節度使兼鞏州  
管内觀察使將兵五千從元帥白撒伐宋出鞏州鹽井至故  
城逢夏兵三百擊走之又入西和州至岐山堡遇宋兵六千  
凡三隊遣軍分擊逐北三十餘里斬首四百級生擒人馬甲  
仗尋復得散關二年遷官一階遙授知臨洮府三年武休關  
之捷功居多元光元年遙授中京留守俄拜元帥右監軍世

襲納古胡里愛必刺謀克二年春元兵游騎數百掠延安而  
南約陀滿胡土門以步軍會戰胡土門宿將常輕沃衍遂失  
期沃衍獨率兵追之野豬嶺獲四人而還欲斬胡土門諸將  
哀請乃釋之俄而兵大至駐德安寨復擊走之未幾元兵攻  
鳳翔遣道出保安遣提控完顏查刺破於石樓臺前後獲馬  
二百符印數十詔有司論賞時元兵破西夏長驅至關輔皆  
洶洶不安獨沃衍率其步將劉興哥往來邠隴間屢戰屢勝  
故元兵不能東陝西行省檄令清野不從嘆息曰我若清野  
明年民何所食遂隔大澗持勢使民舉麥事正大二年進元  
帥左監軍遙領中京留守八年冬合達蒲阿入鄧州留沃衍  
守閔鄉詔令取洛南路入商州備上津與武仙相犄角謀知  
元兵由豐陽而東還會二行省軍於五朶山下憤曰平章參

山西通志卷一百二十六 鄉賢錄十一 十六

政蒙國厚恩握兵柄失事機不能禦戰乃縱兵深入尙何言  
耶三峰敗沃衍走鈞州其部曲白留奴呆劉勝降元請招沃  
衍元帥令勝見沃衍曰降則授大官沃衍善言慰撫之使前  
拔劍斫之曰我起身細微蒙國大恩汝欲以此污我耶遂遣  
語部曲後事望汴京拜且哭曰無面目見朝廷惟有一死耳  
卽自縊部曲舉火並所寓屋焚之從死者十餘人時年五十  
二 朔平 府  
閻顯樂平人天會間充義兵千戶剛勇有才時干戈甫定關  
草萊招離散境內以安官至龍虎衛將軍沁南節度使弟甫  
才智明敏懷遠大將軍招撫副使  
楊雲翼字之美其先贊皇檀山人六代祖忠容平定之樂平  
遂家焉曾祖青祖郁考恆皆贈官雲翼天資穎悟初學語輒



畫地作字日誦數千言明昌五年經義進士第一詞賦亦中  
乙科特授承務郎應奉翰林文字承安四年出為陝西東路  
總管府判官泰和元年由太學博士遷太常寺丞兼翰林修  
撰七年歷僉上京東京路按察司事章宗召見咨以當世之  
務稱旨大安元年張行簡薦其才且精術數授提點司天臺  
兼翰林修撰有以太乙新歷上進者尚書省檄令參訂摘其  
不合者二十餘條歷家稱焉俄授禮部郎中崇慶元年以病  
歸貞祐二年宣宗閱官簿記其姓名起授前職兼吏部郎中  
三年轉禮部侍郎仍兼提點於國家事知無不言四年元及  
夏兵入鄜延潼關失守朝議用兵部尚書蒲察阿里不孫為  
副元帥以禦之雲翼言其人言浮於實必誤大事不聽後果  
敗時主兵者不能外禦而欲取償於宋故頻歲南伐但有言

山西通志卷一百二十六 鄉賢錄十一 九

者則謂與宋有謀陰為之地雖宰執不敢發一語雲翼獨當  
建言及時全倡議南伐宣宗以問雲翼雲翼力沮之章奏不  
報時全果大敗於淮上一軍全沒宣宗責諸將曰尚使我何  
面目見楊雲翼耶河朔民為游騎所迫汭河而南論罪當死  
雲翼曰法所重私渡者防奸偽也今平民特為道死計而有  
可殺之後惟從敵而已宣宗悟盡釋之興定元年六月遷翰  
林侍講學士兼修國史知集賢院事兼前職論以卿遇事敢  
言議論忠謹故特留之右丞相高琪主權油議百官同聲獨  
與趙秉文時哉等數人以為不可議遂格高琪後以事議之  
不恤也二年拜禮部尚書三年築京師子城役兵民數萬翼  
秋病者相籍雲翼提舉醫藥多所全濟四年改吏部尚書及  
御史中丞哀宗即位首命攝太常卿尋拜翰林學士時河南

早詔遣官理冤獄而不及陝西雲翼上言天地人通為一體  
豈可專治一支受病處而置其餘哉上是之正大三年復為  
禮部尚書兼侍讀詔集百官議省費雲翼曰省費事小戶部  
司農足以辦之尚書省出政之地事無大小皆當總領今軍  
旅大事樞密專制宰相不得預聞欲使利病兩不相蔽得乎  
上嘉納之明年設益政院以為選首每召見賜坐不名詔講  
尚書雲翼為言帝王之學不必如經生分章析句但知為國  
大綱足矣因率任賢去邪與治同道與亂同事有言逆於汝  
心有言遜於汝志數條數釋詳明上聽忘倦尋與秉文同撰  
造道鑑萬年錄二十篇當時朝士廷議多願望依違寢以成  
俗一日經筵畢因言人臣有事君之禮有事君之義禮不敢  
齒君之路馬入君門則趨見君之几杖則起君命召不俟駕

山西通志卷一百二十六 鄉賢錄十一 二十

而行受命不宿於家是皆事君之禮也然國家利害生民休  
戚君曰可而有否者替其否君曰否而有可者獻其可言有  
不從雖引裾折檻斷鞅輟輪有不恤焉苟徒徇事君之虛禮  
而不知事君之大義國家奚賴上改容禮曰非卿朕不聞此  
言又嘗患風痺稍愈上問愈之方對曰但當治心心和則  
邪氣不干治國亦然人君先正其心則朝廷百官莫不一於  
正矣上矍然知其為醫諫也夏人既通好遣徽猷閣學士李  
弁來議互市往返不能決遣雲翼往議乃定五年卒年五十  
九謚文獻雲翼天性雅重自律甚嚴而待人寬恕與人交分  
一定死生禍福不少變著文集校大金禮儀續通鑑若干卷  
周禮辨左氏莊列賦五星聚井辨縣象賦各一篇勾股機要  
象數雜說等書藏於家定州以上平



張翰字林卿忻州秀容人大定二十八年進士調隰州軍事判官有誣昆弟三人爲劫者翰微行廉得其狀白於州釋之歷東勝義豐會州令補尚書省令史除戶部主事遷監察御史母憂闋調山東路鹽使父憂起復尚書省都事戶部員外郎大交間平章政事獨吉思忠參知政事承裕行省充左右司郎中論議不相叶累爭事不見省承裕就逮衛紹王召見翰撫慰之改知登聞鼓院兼前職遷侍御史貞祐初爲翰林直學士充元帥府經略官改戶部侍郎宣宗遷汴翰規措扈從糧草至正定上書言五事一強本當募兵徒徙豪民以寔南京二足用當按蔡汴舊渠以通漕運三防亂當就集義軍假之官印使相統攝以安反側四省事縣邑不能自立者宜稍并之既以省官且以備盜五推恩以示天子所在稱幸之意

山西通志卷一百一十六 鄉賢十一

意上略施行之翰雅有治劇才所至輒辦遷河平軍節度使都水監提控軍馬使俄改戶部尚書庶事草略經度皆有條理是歲卒謚達義周鼎字器之定襄人幼穎悟未十歲應童子舉年十八取平陽解登第釋褐授五臺縣簿外艱時中原受兵所在殘毀以便宜起定襄丞民賴以全活者甚眾遷陽曲令仕至朝請大夫興定間城陷與妻子俱歿於兵祀五臺陽曲名宦元好問字裕之忻州秀容人父德明自幼嗜書口不言鄙事樂易無畦畛布衣蔬食處之自若家人不敢以生理累之累舉不第放浪山水間飲酒賦詩以自適年四十八卒有東巖集三卷好問七歲能詩年十四從郝天挺學不事舉業淹貫經傳百家六年而業成下太行渡大河爲箕山琴臺等詩趙

秉文見之以爲近代無此作也於是名震京師登興定五年進士第歷內鄉南陽令天興初由尚書省掾除左司都事轉行省左司員外郎入翰林知制誥金亡不仕爲文有繩尺備眾體其詩奇崛而絕雕刻巧縟而謝綺麗五言高古沈鬱七言樂府不用古題特出新意歌謠慷慨挾幽并之氣其長短句掄揚新聲以寫恩怨者又數百篇兵後故老皆盡蔚爲一代宗工四方碑板銘志盡趨其門晚年尤自任著作以金源氏典章法度幾及漢唐不可令一代之跡泯而不傳時金國實錄在順天張萬戶家願爲撰述既而爲樂夔所阻而止乃構亭於家著述其上名曰野史采摭所聞有得輒以寸紙細字記錄至百餘萬言今所傳者有中州集及壬辰雜編後纂修金史多本焉卒年六十有八著文章詩若干卷杜詩學一卷東坡詩雅三卷錦機一卷詩文自警十卷

山西通志卷一百一十六 鄉賢十一

張永通五臺人大節之祖宋鄉學生舉鄉薦友睦兄弟田宅悉以推之鄰有奇筭毫無所動試進士稿就未成真忽目眩不能書有欲爲之代者不許曰予之忽不能視乃天之所以示懲也代之則欺君以欺天矣得第何爲翰林蘇珊銘其墓曰功名穢穢富貴浮雲宗族稱友鄉黨稱仁張大節字信之擢天德三年進士第調寧縣丞改東京市令世宗判留務甚愛重之海陵修汴京命領其役世宗改元或勸東赴富貴可一朝遂答曰自有定分何遽爾隨例補尚書省令史擢祕書郎大理司直會左警巡使闕世宗謂宰臣曰朕得其人矣遂授大節以杖殺家民解職未幾起授同知洛州防禦使事入爲太府丞工部員外郎盧溝水堰安次承詔



該視隄城摧修內司使推排東京路戶籍人服其平進工部  
郎中與吏部員外郎麻珪泣阜通監鑄錢積銅皆竊惡議徵  
民所給直大節獨以為有司受納之過於民何與事聞得免  
就改戶部郎中廉得定襄退吏誣縣民匿銅者十八村坐吏  
罪民斲石以頌召授工部侍郎改戶部世宗東巡徙太府監  
從行支應皆藉以辦尋為宋生日使還授橫海軍節度使過  
闕謁謝東宮顯宗撫慰良久曰萬事惟中可也因榜其公堂  
曰惟中郡境有巨盜久不獲因設方略擒之河自衛決而東  
相宜繕隄水不為害章宗即位擢中都路都轉運使言河東  
賦重宜減議者不同大節以他路田賦質之遂命減焉乞休  
優以鄉郡徙知太原府近郭有男子被殺聞其妻哭聲不哀  
召而審之果獲姦夫人以為神西山有晉叔虞祠舊有施錢

山西通志卷一百二十六 鄉賢錄十一

輸公使庫悉還之令給營繕選授河東路提刑使未赴留知  
大興府治有能名閱歲復移廣甯轉震武軍節度使部有銀  
治議以官權為便獨奏山澤之利當與民共宜明示約束於  
民授地輸課則游手者有所資當官者無所損斯為兩便上  
從之世宗嘗語宰臣大節賦性忠實果於從政遠在王儵之  
上借乎用之太晚又語近臣曰某某非不幹然不及張大節  
忠實也致仕承安五年卒年八十大節廉勤好學能勵勉後  
進所學得於任側待側子如親而加厚又善弈棋當世推為  
第一與張景仁埒

張巖叟字孟弼大節子大定十九年進士調葭州司候判官  
再除雄州觀察判官補尚書省令史累刑部員外郎忻州刺  
史父憂闋起復大理少卿河北東西大名等路按察轉運副

使入為刑部侍郎太常卿兼國子祭酒大安三年集三品官  
議奉諸城門以為兵備巖叟曰塞門所以受兵是任城而不  
任人莫若遣兵擇將背城疾戰時議多之除鎮西軍節度使  
移定國軍貞祐二年改昭義復移沁南逾年以老致仕退寓  
洛陽卒

晉鼎字和之繁時人平章持國子也大定二十八年進士第  
入官以能稱累遷大理丞父喪起復為著作郎宰臣奏鼎甚  
幹濟章宗曰著作職閑今姑授之尋歷右司郎中工部侍郎  
泰和六年言急遞鋪轉送文檄之制從之至甯初中都受兵  
由戶部尚書拜參知政事貞祐初知大興府兼中都路兵馬  
都總管二年正月民多闕食奏有能贖給貧人者宜計所贖  
遷官升職以獎勸之遂定權賜恩例如進官升職丁憂人許

山西通志卷一百二十六 鄉賢錄十一

應舉求仕官監戶從良等入粟草各有數全活甚眾二年四  
月拜尚書右丞仍兼知府事五月宣宗南遷留為汾陽軍節  
度使兼汾州觀察使十一月改知平陽府兼河東南路兵馬  
都總管三年四月建言利害如積軍儲備黃河選官獄獄簡  
將練卒鈔法版籍凡十三事上頗採用又請降空名宣勅千  
道度牒三千以補軍儲七月就拜宣撫使兼前職言代州戍  
兵不可調發又言清野當先太原北路而後平陽南路既而  
元兵果出境賜詔獎諭尋進官一階又請便宜置總領義軍  
使副及彈壓每五千人設訓練一員四年正月元兵略霍吉  
隰三州復以步騎六萬圍平陽急攻十餘日屢紐之招還舊  
從人七千有奇績至者又六千餘請優加存恤二月拜樞密  
副使權尚書左丞行省於平陽凡所建言皆利益民兵不為



高談虛畫事胥允行是歲冬元兵駐同耀鼎偵知勢將叩關  
委河中經略使陀滿胡土門領軍赴援聞元兵已越關先遣  
潞州元帥左監軍必蘭阿魯帶領軍一萬孟州經略使徒單  
百家領兵五千由便道濟河以趨關陝自領河東南路懷孟  
諸軍合萬五千由河中部道入援而遣河中府判官僕散掃  
吾出領軍趨陝西併力禦之且慮北兵扼河移檄絳解吉陽  
孟州經略司會兵以爲夾攻之勢已而元兵果由三門集津  
北渡而去上言河北潰散軍兵流亡人戶及山西河東老幼  
俱從河南在處僑居各無本業易至動搖儻北兵誘爲鄉道  
驅之攻城豈不益資其力乞朝廷遣官撫慰及令所司嚴爲  
防閑庶幾不至生變上從其計遣御史陳規等充安撫捕盜  
官巡行郡邑元兵還至平陽鼎遣兵拒戰不利乃去與定元

山西通志卷一百二十六 鄉賢錄十一

五

年拜平章政事封莘國公三月詔鼎舉兵伐宋且令勿復有  
言以沮成算鼎已分兵由秦鞏鳳翔三路並進而上書極陳  
其六不可宰臣以爲諸軍既進無復可議遂寢元帥承裔等  
取宋大散關又克武休將至興元鼎請論帥臣無肆掠掠若  
一郡帖然秋毫不犯則其餘三十軍將不攻自下矣上是之  
及論伐宋功遷官一階宣宗多親細務鼎以爲言上覽奏不  
悅三年元兵復入陝西令節制河東鼎多料敵策三年九月  
元兵徇東勝州又令領兵赴河中四年進封溫國公致仕仍  
居京師嘗遣近侍就第延問時勅宰臣邀赴省議利害焉晉  
陽公郭文振又以總制公府薦之哀宗正大二年起拜平章  
政事進封英國公行尚書省於衛州上諭曰卿向在河東朝  
廷倚重今河朔州郡多歸附須卿圖畫卿先朝大臣必濟吾

事大河以北卿皆節制鼎力疾赴鎮河朔州郡來歸者益眾  
三年七月卒鼎通達吏事有度量爲政鎮靜所在無賢不肖  
皆得其權心南渡以來書生鎮方面者惟鼎一人而已

聶天驥字元吉五臺人至甯進士調汝陰簿歷睢州司候封  
邱令與定初辟尚書省令史時胥吏擅威士多附之獨天驥  
不少假借尋授吏部主事權監察御史夏使互市會同館外  
戚有身貿易者天驥言大官近利失朝廷體且取輕外方遂  
忤太后旨出爲同知汝州防禦使事未赴特旨遣領金安軍  
節度副使兼行陝西尚書省都事未幾入爲右司員外郎轉  
京兆治中尋行衛州尚書六部事宿州總帥牙古塔救慶陽  
充經歷官國解從別帥守邠帥欲棄州而東天驥力勸止之  
不從帥逮天驥降京兆治中尋有訟其寃者召爲開封僉事

山西通志卷一百二十六 鄉賢錄十一

五

旬月復右司員外郎母憂奪哀復職留汴中崔立變天驥被  
創甚臥十餘日其女舜英謁醫治療天驥歎曰吾幸得死兒  
女曹乃爲謁醫尙欲我活耶竟鬱鬱以死  
禹顯鳳門人貞祐初隸上黨公張開累有戰功授義勝軍節  
度使兼沁州招撫副使元光二年四月元將達兒解按察兒  
攻河東張開遣顯扼龍舟谷夾攻敗之擒元帥韓光國獲輜  
重甲仗甚眾追至祁縣而還所歷州縣悉復之顯願將兵二  
百守襄垣八年不遷元將集河朔步騎數千攻之數四不能  
拔旣而戰於玉女寨大獲開言於朝權元帥府都監正大六  
年十一月軍內變城破被擒帥以鐵繩鈐之密與部曲二十  
人遁去將往從開元兵四向追顯顯匿山寺中被執不屈死  
時年四十一



楊閏代人少孤鞠姊夫禹顯家後上黨公張開令顯以縣上招撫使守襄垣閏從之盡止敵驅夜斫營凡戰禦事不以勞顯壘夷城積石力戰五年敵引去不敢逼授懷遠大將軍同知沁南軍節度使事尋行銅鞮令行夜至隘樓止宿其上中敵偵刺未殊猶張空拳搏數人以償年二十有九明年顯亦斃開不能衛守上黨遂走汴以上代州

白華字文舉隰州人貞祐三年進士為應奉翰林文字正大元年累遷樞密院經歷官二年九月宋將彭義斌由山東取邢洺磁華上奏曰北兵有事河西故我得少寬今彭義斌招降河朔郡縣駸駸及於正定宜及此大舉以除後患院官遣華相視彰德實擠之也事竟不行三年五月夏全自楚州來奔十月集議和宋上問全所以來華奏全狼狽而北止求自

山西通志卷一百二十六 鄉賢錄十一 毛

免無他慮也華由是為上所知和議亦廢五年增築歸德城擬工數百萬華往相役減工三之一六年權樞密院判官上欲遣軍招李全華對曰李全特一猾寇耳老狐穴豕待夜而出何足介懷臣所慮者今北方有事未暇南圖一旦事定必來攻矣與我爭天下者此也全何預焉今宜姑養士馬以備北方使全果有謀亦當發於北朝息兵之日當此則我易與矣事遂寢命至衛州經畫帥府及恒山公府上嘗諭曰合喜請阿皆武夫一語不相入便為齟齬今以汝調停之衛州之委亦前日調停之意也國制樞密院倚任者名奏事官其目曰承受聖旨曰奏事曰省院議事外又有難者曰備顧問故以華處之五月遣往邠州蒞阿軍期六日往復華自量日可馳三百里如期而還七年正月奏僉揀河南府州防城軍以

今見在九十七萬無致他日資敵五月正授樞密判官八年屢遣往閩鄉二省軍五月又往桃源二省軍至未八里莊城門而還夜二更八里莊次將送款九月防秋華議徑往河中一日可渡如此中得利襄漢軍馬亦當退矣蒲阿意不同乃止天興元年四月併樞密院歸尚書省書生輩妒華得君嘗以語撼之遂罷十二月遣近侍問華請如春秋紀季入齊事起為右司郎中奏今當直赴汝州與之一決汝州戰又不如半途戰半途戰又不如出城戰所以然者我軍食力猶在馬則豆力猶在也尋從至衛州二年三月遣往鄧會移刺瑗以鄧入宋後北歸保德州

山西通志卷一百二十六 鄉賢錄十一 天

劉祖謙字光甫安邑人承安五年進士歷州縣有政迹拜監察御史以鯁直稱正大初為右司都事除武勝軍節度副使召為翰林修撰家多藏書金石遺文略備父東軒工畫故祖謙以鑒裁自名信筆作簡牘尤可觀一時名士如雷淵李獻能王渥皆遊其門得人一詩可傳必殷勤稱道惟恐不聞人以此稱之子敏仲州解李愈字景韓絳州正平人業儒術登正隆五年詞賦進士調河南澠池主簿察廉優等為平陽監酒副使遷冀氏令至解州刺史章宗即位召授同知中都路都轉運使改同知濟南府明昌二年授曹王傅兼同知定武軍節度使從王賜宴北都還言諸部所貢馬止可委招討司受於界上量給迴賜務省費以廣邊儲擬自臨潢至西夏沿邊創設重鎮十數仍選猛安謀克勳臣子孫有材力者使居其職田給於軍者許募漢人佃種不必遺輓牛頭粟而兵自富強矣上覽其奏謂愈



一書生用心之忠如是下尚書省議愈尋遷同知西京留守復表乞斷自哀哀上納用焉自是命五年一宴賜人以爲便改棣州防禦使未幾授大興府治中北京提刑范楫知歸德府鄧儼各舉自代擢爲河南路提刑使上言本司見置許州乞移治南京留官一員餘分部巡按從之時九路提刑以愈爲最五年入覲平章守貞謂愈見職甚幹上曰愈敢爲所論河決事宜遣大臣護視以慰人心其言良是尋改河平軍節度使承安二年徙順義軍奏屯田利害上遣使宣諭仍降金牌俾領其事四年刑部尙書闕特召用之尋爲賀正旦副使泰和二年春將幸長樂川愈切諫曰方今戊卒貧弱百姓騷然三义尤近界陞兼聞泰和宮在兩山間地形狹隘雨潦過集固不若北宮池臺之勝優游閒適也不從夏四月復言

山西通志卷一百二十六 鄉賢錄十一

无

一旦不警臣恐丞相襄樞密副使闔母等皆不足恃况皇嗣未立羣心無定豈可遠事逸游哉上異其言復授河平軍節度使改知河中府致仕六年卒年七十二謚清獻著狂愚集二十卷

梁襄宇公贊絳州人父定早亡養於叔父甯性穎悟日記千餘言大定三年擢進士第調同官主簿遷涇化令有善政察廉升慶陽府推官召爲薛王府掾時世宗將幸金蓮川有司具辦襄上疏極諫言尤詳切世宗納之遂爲罷行仍諭輔臣曰梁襄諫朕幸金蓮川朕以其言可取故罷其行襄由是以直聲聞擢禮部主事太子司經選爲監察御史尋轉中書路都轉運戶籍判官未幾遷通遠軍節度副使以喪去服闋授安國軍節度副使同知定武軍節度事避父諱改震武軍太

常卿張暉曹州刺史段鐸薦襄學問該博練習典故可任禮官轉同知順義軍節度使事歷東勝州陝州刺史終保大軍節度使襄長於春秋左氏傳至地理氏族無不該貫自蚤達至晚貴膳服常淡薄議者雖謂太儉而人士雅欽之子持勝持勝字澗甫生而多力善射泰和六年進士復中宏詞累官太常博士遷咸平路宣撫使經歷官典定初宣撫使蒲鮮萬奴有異志欲棄咸平持勝力沮萬奴怒杖之上京行省太平與萬奴通謀口稱持勝忠署左右司員外郎而焚毀上京奪元師承充軍持勝與提控咸平治中裴滿賽不萬戶韓公恕約殺太平復推承充行省事泄俱被害贈中順大夫韓州刺史

山西通志卷一百二十六 鄉賢錄十一

三

李華字君美河津人父餘慶三至廷試不遂華穎悟讀書一再誦輒記大定二十五年進士調正定主簿察廉遷韓城令同知州事納富商賂以歲課軍須配屬縣華獨不聽提刑司以爲能遷河東北路轉運都勾判官太原推官母憂起復大興縣令中都左警巡使南京提刑判官監察御史同知昭義軍節度事父憂起復僉南京按察事泰和六年伐宋華被詔體訪三路官員能否改刑部員外郎歷觀州刺史知府徒單南平貴倖用事勢傾中外遣所親以進取誘華華拒之貞祐二年遷戶部侍郎宣宗遷汴行河北西路六部事遷知開封府河南勸農使戶部吏部尙書陝西行省參議官四年拜參知政事華奏有司各以情見引用斷例牽合附會實啓倖門乞凡斷例勅條特旨奏斷不爲永格者不許引用皆以律爲正詔從之是歲元兵破潼關上表請罪不許罷爲絳陽軍節



度使與定元年知平陽府事權參知政事代胥鼎爲河東行省是時與兵伐宋華上書曰今之計當休兵息民養銳待敵宋雖造孽止可自備若不忍小忿以勤遠畧恐或乘之不能支也不納二年十月平陽被圍元兵入華自殺贈尙書右丞陳規字正叔絳州稷山人博學能文明昌五年詞賦進士貞祐初爲監察御史三年上書論參政侯摯及警巡使馮祥詔罷祥職且諭規曰卿敢言如此朕甚嘉之時沿河悉禁米斛河北艱食四年規上言昔秦晉爲儲一週年饑則互輸之粟今聖主在上一視同仁豈可以一家之民自限南北坐視困餒而不救哉况軍民効死禦敵若復乏食何以自聊人心一搖爲害不細請於太陽孟津等渡閱視過河物每日官收毋得過半庶幾利厚息者輻輳而往公私稍足巡按至徐州言

山西通志卷一百二十六 鄉賢錄十一

節度副使紇石烈鶴壽往討紅襖賊大掠良民乞赦有司放免餘路但有掠國人爲驅者一體施行庶幾河朔有所係望詔從之又奏河北瀕河州縣距一舍爲一寨籍居民爲兵數寨置一總領率皆閑官無賴徵逐取給日以爲常敵至伏匿不出敵去騷擾如初朝廷重柄豈可輕假小人宜皆罷去第委宣撫司從宜措畫足矣制可七月復條陳八事曰責大臣以身任安危任臺諫以廣耳目崇節儉以答天意選守令以結民心博謀羣臣以定大計愛重官賞以勸有功選將帥以明軍法練士卒以奮兵威而論責大臣特以碎末互生異同坐視利害泛然不問親其細而不圖其大上付省詰問宰執惡其紛更謂言多不當上初無意加罪祇令御史臺諭之尋出爲徐州帥府經歷哀宗立召爲右司諫權吏部郎中正大

元年改充補闕又言將相非才且薦數人可用者二年奏五事一向書省兼理樞密院如大定明昌故事二簡留親衛軍三沙汰冗軍減行樞密院帥府四選大臣爲宣撫使招集流亡五選官置所議一切省減略施行之四月大旱詔規審理冤滯規奏雨水不時則責審理其職變理者當何如且河南一路便宜行院帥府從宜凡二十陝西行尙書省二帥府五皆得以便宜殺人寃獄在此不在州縣上善之而不能有爲也十月與右拾遺李大節劾同判大陸親事撤合輦詣佞招權納賄出撤合輦爲中京留守朝廷快之五年二月又與大節言將帥出兵每爲近臣牽制不得專輒至送宣傳旨公受賂遺而臣僚多罪同罰異上納之規言事不少假借凡宮中舉事必恐其有言嘗召文繡署令王壽孫作大紅半身繡衣

山西通志卷一百二十六 鄉賢錄十一

及進御召問陳規知否若知必以華飾諫我我實畏其言而一時近臣竊議亦曰畏陳正叔後出爲中京副留守未赴卒士論惜之規剛毅質實篤學至老不廢詩有律度渾源劉從益見其所上八事歎曰宰相材也每與人論時事輒憤惋南渡後諫官稱許古陳規而規不以計直自名尤見重云死之日家無一金知友爲葬之子良臣李復亨字仲修榮州河津人年十八登進士復中書判優等調臨晉主簿護送官馬入府宿逆旅有盜殺馬不取度必有仇一人囊中盛佩刀不服詰以刀蟻馬血火燬之則刃青其人款伏果與逆旅主人有仇以提刑薦遷南和令盜割民牛耳盡召里中人至使牛家牽牛徧過之至一人前牛忽驚躍詰之乃引伏察廉轉臨洮府并陝西東路戶籍河東北路度



支皆爲判官泰和中伐宋充宣撫司經歷俄遷解鹽副使歷  
同知保大震武節度事母憂起復震武遙授忻州刺史貞祐  
間遷翰林直學士行三司事興定三年言近日伐宋恐宋人  
乘虛掩襲故籍邊鄙民爲軍今大軍已還乞罷遣歸本業從  
之復舉陳留縣令程震等二十九人農桑有劾徵科均一朝  
延皆遷擢之是歲七月置京東西南三路行三司掌勸農催  
租軍須科差及鹽鐵酒榷等事復亨攝西路治河南奏民間  
銷毀農具以供軍器非便其汝州魯山寶豐鄧州南皆產鐵  
募工置冶可以獲利且不厲民又奏陽武設賣鹽官以佐軍  
用禁止滄濱鹽勿令過河使河南食陽武解鹽河北食滄濱  
鹽南北俱濟詔尚書省行之九月以勸農有勞遷兵部尚書  
轉吏部權參知政事四年三月真拜參知政事兼修國史七  
月河南雨水害稼爲宣慰使循行郡縣凡官吏貪汚不治者  
得廢罷推治復亨奏禁官吏會飲又奏民間差發養驛馬最  
甚可依舊設回馬官官給使者食料歲終會計均賦於民又  
奏招河東河北移民耕種河南開田全免被災及沿邊郡縣  
租稅內地半之以救塗炭之民資蓄積之用詔有司議行焉  
無何被詔提控軍興糧草時河渡不通陝西監價踊貴乞以  
粟互易詔戶部從長規措復亨有會計才號能吏故驟至通  
顯既執政頗矜持自營譽望頓減五年因監廷試謬放進士  
盧元及第奪兩官罷爲安國軍節度使元光元年十一月城  
破自殺年四十六贈資德大夫知河中府事以上  
賈邦獻霍州霍邑縣人登進士質直有勇略元攻河東集居  
民爲守禦計既而兵大至居民悉降邦獻棄其家獨與其子

山西通志卷一百二十六 鄉賢錄十一

懿保松平寨偕權知州事劉珍共守竟能成功珍每欲辟之  
輒以衰老爲辭興定四年十月兵復大至病不能避與懿俱  
被執脅之以刃欲以爲鎮西元帥邦獻不屈密遣懿歸松平  
遂自剄贈奉直大夫本縣令  
王佐字輔之霍州農家子輕財好施善騎射興定中聚兵數  
千權領霍州事胡天祚承制加忠勇校尉趙城丞遷霍邑令  
同知蒲州軍事權招撫副使蒲州經略使詔遷宣武將軍遙  
授寶昌軍節度副使元兵取青龍堡佐被獲署霍州守將隸  
元帥崔環質其妻子佐與招撫使成天祐謀殺環天祐疑佐  
妻子在環所對曰佐豈顧家者耶元光二年七月因環出獵  
殺之率軍民數萬請命加龍虎衛上將軍元帥右監軍兼知  
平陽府事與史詠素不協詔徙沁州玉女寨同禹顯聽張開  
節制救襄垣中流矢卒贈金吾衛上將軍錄其子爲符寶典  
書  
呼延實趙城人本楊沃衍部曲以戰功至寶昌軍節度使開  
居汝州之西山天興元年正月防禦使張楷自揣不能服眾  
乃以州事託實而自在鄧州實遂領汝州青楊皆事後姬汝  
作入州城守不能相下實欲遷州入山謂他日必爲元兵所  
破汝作不從詳議官楊鵬和釋之實乃還山汝作遂爲總帥  
不復與實相關二年八月州人梁舉殺汝作實時爲峴山帥  
又詔併力討舉以上  
馬慶祥字瑞甯本名習禮吉思先世自西域徙家淨州天山  
泰和中試補尚書省譯史大安初遷使副通問於元上日習  
禮吉思智辯通六國語往必無辱也使還授開封府判官內

山西通志卷一百二十六 鄉賢錄十一



城之役充應辦使不擾而事集未幾拜鳳翔府路兵馬都總管判官元光元年冬十一月元將萌古不花將攻鳳翔行省傲與治中胥謙分道清野將行命畫工肖其貌付家人或曰君方壯何乃為此不祥慶祥曰非汝所知也明日遂行遇先鋒於澮水戰不利且行且戰將及城元兵邀其歸路令眾騎曰吾屬荷國厚恩竭力効死乃其職也諸騎皆曰諾人殊死戰良久矢盡元兵圍數匝欲降之軍擁以行語言往復與謙皆不屈死贈輔國上將軍恒州刺史諡忠愍正大二年詔褒死節士十有三人立褒忠廟錄其孤而以習禮吉思為首

趙重福字履祥豐州人通大小字試補誥院令史轉兵部譯使陝西提刑知法遷陝西東路都勾判官右藏庫副使同知陳州防禦事時宋謀人蘇泉入河南重福迹之至魚臺見前

山西通志卷一百二十六 鄉賢錄十一

一舟將渡河令從者大呼泉姓名中有倉皇失措者執之果泉也改滄州鹽副使歲饑民煮滷賣以給食往往被杖重福曰甯使課殿不忍殺人歲滿當降右丞完顏匡三司按出虎特薄其罰除織染署令大安三年佐戶部尚書張焯調兵食於古北口遷都水少監貞祐二年行西北路六部郎中兼戶部員外郎治密雲縣守城有功遷同知河間府事行六部侍郎權清州防禦使攝河北東路兵馬都總管三年河間被圍密雲同事劉中勳降不聽時兵少又多羸疾勸父老率子弟強者戰弱者守圍乃解去遷河東北路轉運使致仕元光二年卒

完顏彝字良佐小字陳和尚豐州人系出蕭王諸孫父乞哥泰和南征以功授同知階州軍事後戰歿於嘉陵江從兄鼎

字國器小字斜烈畢里海世襲猛安以善戰知名自壽涇元帥轉安平都尉鎮商州威望甚重敬賢下士有古賢將風嘗搜伏得歐陽修子孫併其族屬鄉里三千餘人縱遣之貞祐中彝為元兵所掠帥置諸帳下時母尚留豐州彝託以省母乞還帥以卒監之至豐乃與斜烈劫殺監卒奪馬奉其母南奔元兵追之由他路得免兄弟共輓鹿車載母渡河宣宗授鼎都統彝補護衛旋轉奉御彝天資高明雅好文史人以秀才目之從鼎壽涇帥府充宣差提控佩金符鼎辟太原王渥為經歷渥投彝孝經小學論語春秋左氏傳略通其大義暇輒作牛毛細字如寒苦士正大二年鼎為總領屯方城復隨以往鼎嘗病鎮防軍葛宜翁與李太和相毆訴彝不直宜翁量笞之宜翁鬱鬱死其妻訟為故殺當彝大辟彝聚書獄中

山西通志卷一百二十六 鄉賢錄十一

讀之明年鼎病愈詔提兵而西入見哀宗怪其瘦甚曰卿甯以方城獄未決故耶吾今赦之矣鼎尋卒上聞亟馳赦彝諭以汝兄死失吾一名將今故曲法赦汝他日奮發立功國得汝力我始不為妄赦彝泣且拜退以白衣領紫微軍都統轉忠孝軍提控五年元兵入大昌原平章合達命為前鋒時彝業沐浴易衣若將就木棹者擐甲上馬不反顧是日以四百騎破八千眾三軍踴躍自軍興二十年始有此捷奏功第一手詔褒諭授定遠大將軍平涼府判官世襲謀克一日名動天下忠孝軍皆回紇乃滿羌渾及被俘來歸者最號難制彝御之有方坐作進退皆中程式所過州邑給常料外秋毫無犯街曲不復喧雜每戰則先登陷陣疾若風雨諸軍倚以為重六年有衛州之勝八年有倒回谷之勝自刑徒不四五遷



爲禦侮中郎將嘗與同列議副樞移刺蒲阿曰副樞好趨小利今日得生口三百明日得牛羊一二千士卒喘死則不復計國家積年兵力皆爲是人破除盡矣蒲阿聞之置酒會諸將至羹曰汝曾短長我誠有否羹飲畢徐曰有蒲阿見其無懼容漫爲好語云有過當面論無後言也合達入鄧州留羹閱鄉南十五里羹尋隨而往九年正月三峰敗鈞州城破縱軍巷戰羹趨避隱處殺掠定乃出自言曰我忠孝軍總領陳和尙太昌原衛州倒迴谷之勝皆我也若死亂軍中人將謂我負國家今日明白死天下必有知我者時欲其降砍足脛折不爲屈割口吻至耳噴血而呼至死不絕元將義之醇以馬湏祝曰好男子他日再生當令我得之羹年四十一贈鎮南軍節度使塑像褒忠廟勒石紀其忠烈以上歸化城應

山西通志卷一百二十六 鄉賢錄十一

武都字文伯東勝州人大定二十二年進士調陽毅主簿遷商水令縣素多盜廉得姓名榜通衢約毋再犯悉奔他境察廉遷南京路轉運度支判官累遷中都路都轉運副使以親老與弟監察御史俱乞侍及服闋調太原治中再遷藥州刺史充宣差北京路規措官拘括散逸官錢百萬入爲戶部郎中權右司奏事稱旨由海道漕運東粟賑山東高其價直募致海賈船遷中都西京按察副使按察使大安三年充宣差行六部侍郎行西南路六部尙書佐元帥抹撻盡忠備禦西京有勞召爲戶部尙書賜銀絹宣宗卽位議衛紹王尊號不當削時人遽之知大興府佩虎符便宜行事彈壓中外軍民坐被酒以褻衣見詔使解職起爲刑部尙書河東路宣撫使興定元年卒

程震字威卿東勝人與其兄鼎俱擢第震入仕有能聲興定初任陳留令治爲河南第一召拜監察御史彈劾無所撓時皇子荆王爲宰相家僮席勢侵民震劾奏曰荆王以陛下之子任天下之重不能上贊君父同濟艱難顧乃專恃權勢蔑棄典禮開納貨賂進退官吏縱令奴隸侵漁細民名爲和市其寔脅取諸所不法不可枚舉陛下不能正家而欲正天下難矣上乃責荆王出內府銀以償物直杖司馬以下及大奴尤不法者數人攝侍御史兼戶部員外郎運京師米振徐郛饑經晝周至無一失當州民請於京師帥府願留程御史以活殘民詔聽留荆王積不平密遣奴誘奸民徐璋造蜚語訟之臺王自執奏上頗不直之哀宗在東宮亦鑿其枉密諭推問者勿爲留難已而璋伏誣告罪震當復職王卒援官人與

山西通志卷一百二十六 鄉賢錄十一

部民對訟律罷其官正大元年卒震剛直有才幹少由經童入仕夢人呼爲御史故以諫輔自期及當官忘身殉國不少私假臺綱大振小人側目不能久留於朝士論惜之以上托完顏寓本名訛出西南路猛安人大定二十八年進士累調河東北路提刑司知事改同知遼州軍州事召爲國史院編修官大安中歷翰林待制兼侍御史貞祐初議衛紹王事寓請降復王封時置招賢所村夫王守信敢爲大言以請葛亮爲不知兵寓薦於朝詔署行軍都統張行信高琪言守信不可用上然之寓累遷安化軍節度使兼山東路統軍副使興定元年四月詔以本官權元帥左都監行元帥府事和輯苗道潤移刺鐵哥軍十二月密州破寓爲亂軍所殺完顏安國字正臣其先占籍上京世有戰功祖斜婆授西南



路世襲合札謀克安國沈雅有謀蓋尤善騎射正隆元年為謀克常以少擊眾大定中為常山簿轉虹縣令選充虞王府掾再遷儀鸞局副使明昌元年晉使會大石部長有乞修歲貢者詔安國往使至則羅拜執禮時北阻鞏迫塞垣隣部邀安國俱行討安國以未奉詔為辭強之不可或休以危言答曰大丈夫豈以生死易節暴骨邊庭不猶愈於病死屬下眾壯其言餽贖如禮以奉使稱旨升武衛軍都指揮使出為西北路副招討六年左丞相夾谷清臣出兵為先鋒都統適臨潢泰州部屬叛先討定之以功遷本路招討使兼威遠軍節度使承安元年大鹽澤之戰殺獲甚眾詔賜金幣既而右丞相襄總大軍為兩路都統大捷於多泉子襄遣安國追敵會言糧道不繼安國曰人得一羊可食十餘日不如驅羊以襲

山西通志卷一百二十六 鄉賢錄十一 三九

之便襄從之安國統所部萬人疾驅降其部長進官四級遷左翼都統承安二年以營邊堡功召僉樞密院事賜虎符還邊得以便宜從事並塞諸部降諭使輸貢如初進拜樞密副使泰和元年特授世襲西南路延晏河猛安兼合札謀克帝幸慶甯宮命嚴飭邊備奏招西南路邊戍私竄者以安人心上是之三年致仕封道國公四年起復前職卒輟朝葬以執政禮贈特進安國在軍旅幾十五年號令嚴明又善伺知敵入虛寔及山川險易所向輒克諸部入貢能一一呼其祖先弟姪名字以戒諭之諸部皆震悚焉

紇石烈桓端西南路忽論宋割猛安人襲兒銀朮可謀克泰和中充行軍萬戶破宋兵於蔡州加宣武將軍渡淮敗宋步騎萬五千於鷓子嶺遂克安豐軍軍還除同知懷遠軍節度

使事大安三年遷授顯德軍節度副使徙東路宣撫司都統收移刺留哥五千眾於御河寨降萬餘人加驃騎衛上將軍遷授同知順天軍節度事貞祐二年為宣差副提控同知婆速路兵馬都總管行府事三年蒲鮮萬奴侵婆速近境遣都統擊卻之四月復掠上古城別攻望雲驛遣軍拒戰破其眾數千於三义里五月又拔其大甯鎮舉九月拒戰易池萬奴眾潰去因招十一猛安復來附四年遣王汝弼由海道奏事宣宗嘉其功遷遼海軍節度使同知行府事宜差提控如故婆速路温甲海世襲猛安是歲改邳州刺史充徐州界都提控紅襖賊數萬攻邳州破之於黃山賊復來擊敗之溺沂水死者甚眾賊數萬圍沂州同知防禦事僕散撒合突圍出求救率兵赴之撒合還入城內外夾擊殺萬餘人城乃去進金

山西通志卷一百二十六 鄉賢錄十一 四一

紫光祿大夫兼同知武甯軍節度事提控如故興定元年連破宋兵累遷武衛軍都指揮使仍權右都監行元帥府於息州又權僉樞密院事代石蓋女魯歡於徐州四年冬上言竊聞宋人與李全將併力來攻當預為之防五年正月召至汴力疾草奏大略以南北皆用兵當預防其患及防河數策無何卒年四十五勅有司給喪事

完顏蒲刺都西南路按出灰必刺罕猛安人充護衛除泰定元年遷震武軍節度備禦有功遷一官初置東西面經略司就充西面經略使上言管內太和嶺諸隘屯兵控制邊要行帥府輒分臣兵萬二千成真定餘眾不足守禦近復簡精銳二千七百以往今見兵不滿萬老羸者十七八臣死固不足



情願國家之事不可不慮新設經略移文西京太原河東取軍馬並稱非臣所統詔真定還其精銳二千七百人西京太原嵐州有警約為應援州郡皆不欲屬經略司遂罷經略官入僉樞密院事改左副點檢四年遷兵部尚書真定中致仕卒

吳僧哥西南路人拳勇善騎射大安間籍山西人為兵充馬軍千戶有功貞祐初遷萬戶權順義軍節度使復取朔州真授同知節度使事弟迪刺授節度副使燕曹兒授節度判官提控馬壽兒以下遷授有差僧哥乞賜糧十五萬斛朝廷以應州已破朔為孤城其勢不可守乃遷朔之軍民九萬餘口分屯於嵐石隰吉絳解開未行元兵至朔州戰七晝夜有功加遙授同知太原府事兼同知節度使事迪刺石州刺史曹

山西通志卷一百二十六 鄉賢錄十一

兒同知嵐州防禦使事四年始遷其民南行且戰且行者數十里僧哥力憊馬蹶死焉贈鎮國上將軍順義軍節度使伯德窠哥西南路人壯健沈勇元兵克西南路鄰郡皆降窠哥獨不屈貞祐五年東勝州破窠哥與姚里鴉胡姚里鴉兒招集義軍披荆棘復立州事真定元年詔遙授武州刺史權節度使姚里鴉胡權同知節度使事姚里鴉兒權節度副使真定三年遙授同知晉安府事尋真授東勝軍節度使東勝被圍糧絕率眾潰圍走保長甯寨九月復被圍窠哥死之上

右金五十九八

山西通志卷一百二十六

鄉賢錄十二 錄二之十二 山西通志弟百二十七 賜進士出身頭品頂戴兵部侍郎兼都察院右副御史巡撫山西提督軍務張煦奉旨監修

元

郝巴圖本按太原人善騎射通譯語太祖遣使來往返數四以辨稱從侵宋以功拜宣德等五路萬戶後遷治太原凡遠道租稅過重者悉除之卒追封冀國公子天益天舉天澤皆至總管

張德輝字耀卿冀甯交城人少力學數舉於鄉及北渡史天澤辟經歷官從南征時軍士逃者必戮德輝言太過止配令穴城光州下草山民結寨德輝曰鄉民為自保計當曉以禍福果相繼來降世祖在潛邸召見問曰孔子沒已久今其性

山西通志卷一百二十七 鄉賢錄十二

安在對曰聖人與天地終始無往不在殿下能行聖人之道性即在是矣又問或云遠以釋廢金以儒亡有諸對曰遼事臣未敢知金季乃所親睹幸執皆武弁世爵間用一二儒臣及論軍國大計又不使預聞大抵以儒進者三十之一然則金之淪亡自有任其咎者儒何與焉又問祖宗法度德輝指銀幣喻曰當求謹厚者司掌乃永為寶用又問農家對曰農桑天下之本衣食所從出今男耕女織終歲勤苦而親民之吏復橫斂以盡之則民鮮有不凍餒者矣問孔子廟食禮對曰尊崇與否於聖人無所損益特以見時君崇儒重道之意耳又問典兵宰民對曰莫如更遣宗室之賢如昆布哈本不者使掌兵權勳舊如呼圖克本不者使主民政勳天下均受賜矣及將還又陳先務七事曰敦孝友擇人才察下情



貴兼聽親君子信賞罰節用度切直多所開悟尋與元裕之  
北觀請世祖為儒教大宗師世祖悅受之因啟累朝有旨  
備戶兵賦即令行之仍命提調正定學校世祖初命宣撫河  
東擊豪強黜賊吏均賦役耆耄不遠千里來謁曰六十年不  
復見此太平官府矣河東徭役官吏率賦一征十乃闕實戶  
編均其等第出納有法汾晉地廣官世守吏結為朋黨得姦  
賊尤甚者數十人械庭下數其罪惡杖出之所部肅然考績  
為十路最詳見命疏所急務條四事曰嚴保舉以取人財給  
俸祿以養廉吏易世官而遷都邑正刑罰而勿屢赦帝嘉納  
焉遷東平路宣慰使奏免遠輸豆粟二十萬斛和糶粟十萬  
斛同知寶合丁議官賦額絲令民稅而後輸德輝曰是誣上  
以毒下也且輸納後期之責孰任之遂罷其事宣慰使巴勒

山西通志卷一百二十七 鄉賢錄十二

本傳議誅盜賊德輝曰吾豈敢曲法從汝妄殺乎至元三年  
八刺議中書省事或言沿邊將校冒代軍士將遣使按治德  
輝奏曰若悉繩以法則人不自安今但易其部署選武毅有  
才略者任之則軍政自新委風憲官體究則宿弊自革五年  
擢侍御史辭請老命舉任風憲者疏烏古倫真張邦彥徒單  
公履張家張肅李榮張昉曹椿年四方賓周止高逸民王博  
文劉郁孫汝楫王輝胡祗適周祗李謙魏初鄭房凡二十八  
德輝剛直博學有經濟器性不喜嬉笑與元裕之李治游封  
龍山時人號為龍山三老卒年八十  
何榮祖字繼先太原人父瑛金貞祐間試文法入優等補吏  
後授明威將軍守鉅鹿尹備軍器監主事因僑廣平榮祖狀  
犯魁偉世業吏遂以吏累遷中書省掾攝御史臺都事始折

節讀書日記數千言阿哈瑪置總庫于其家號曰和市監察  
御史范方等斥其非阿哈瑪知榮祖主之奏為左右司都事  
以隸已未幾御史臺除治書侍御史升侍御史又出為山東  
按察使而阿哈瑪不克遂僉事李唐卿劾帖木刺思貪墨遂  
摭告唐卿縱反者榮祖得其情欲抵告者罪同鞠官議以失  
口亂言之罪坐之榮祖不可俄還河南按察使卒杖其人唐  
卿之誣獲白平涼府言南人二十餘輩通行省欲上聞會榮  
祖為參政止之曰何必上聞去者皆人奴今通往求其家移  
文召捕之可也已而俱獲治以本罪其於事明決多類此除  
雲南行省參知政事以母老辭拜御史中丞復出為山東東  
西道按察使時宣慰使樂實姚演開膠州海道糧船遇暴風  
多漂覆樂實督漕卒償之按察官莫敢言榮祖曰第上奏若

山西通志卷一百二十七 鄉賢錄十二

見諸吾自當之即草辭以奏詔免其徵召入為尚書參知政  
事時僧格本作榮哥理筭錢穀榮祖數請罷之不從屢懇請不已  
乃稍緩之而畿內民苦尤甚榮祖每以為辭同僚止之榮祖  
執愈堅至忤旨不少屈竟不署其牘未踰月而害民之弊皆  
聞上乃思榮祖言召問所宜榮祖請歲終立局考校人以爲  
便立為常式詔賜鈔萬一千貫榮祖條中外百官規程欲矯  
時弊僧格抑不為通榮祖以病告特授集賢大學士尋起為  
尚書右丞僧格敗改中書右丞奏行所定至元新格請改提  
刑按察司為肅政廉訪司立監治法屢以老病乞解詔免署  
事惟預議中書而食其祿尋拜昭文館大學士預中書省事  
又加平章政事先是定大德律令至是詔元老大臣聚聽之  
歸廣平卒年七十九贈光祿大夫大司徒柱國追封趙國公



謚文憲榮祖就第以居飲器用青瓷杯中宮賜以上尊及金五十兩銀五百兩鈔二萬五千貫俾置器買宅以旌其廉著大畜十集學易記載道集觀物外篇等書子惠祕書少監單燈交城人行元帥府事資榮子也襲職爲交城令有文谷水分既交城田汾陽郭帥專其利而堰之澄折以理令決水均利於民請免僑民逋賦能來歸者復三年公私便之歷官陝西四川道提刑按察使兼同知宣慰使封宏農郡公謚忠宣弟山阜代令交城終知東勝州子克修陝西漢中道提刑按察使贈禮部尙書追封宏農郡侯謚文憲克思中山知府上駉都尉封宏農郡侯山阜子克柔通使舍人克修子忠以南洛尹遷保德州同知陞南康府判次質兵部侍郎次文河南省宣慰使克思子敬漢陽知府

山西通志卷一百二十七 鄉賢錄十二 四

齊喇本西域人世居太原由中書驛史從賽音諤德齊赤爲雲南行省幕官諸洞款附賞頒詔於緬緬王稽顙仕至資善大夫雲南行中書省左丞大德四年卒

郝佑字君轉小字采魯別白由宿衛補官仁宗時拜殿中侍御史以廉直著名被知遇遷陝西行省參知政事拜陝西行御史臺侍御史子忠恕翰林侍制獻所著無逸圖命總裁宋遼金三史成歸隱終身

王守誠字君實太原陽曲人氣宇和粹性好學從鄧文原虞集游文辭日進泰定元年試禮部第一賜同進士出身授祕書郎遷太常博士續編太常集禮若干卷轉藝林庫使與著經世大典拜陝西行臺監察御史除奎章閣鑒書博士拜監察御史僉山東廉訪司事改戶部員外郎中書右司郎中拜

禮部尙書與修遼金宋三史書成擢參議中書省事調燕南廉訪使至正五年除河南行省參知政事時銅梁縣尹張文德捕殺賊百餘人重慶府官以私怨使縣吏誣之擬杖一百守誠爲直其事辨析賊訟多所平反釐正職田因疏言仕於蜀者地僻路遙俸給薄何以自養請以戶絕及屯田荒者召人耕種收其入以增祿秩宜賓縣尹楊濟亨欲於蟠龍山建憲宗神御殿儒學提舉謝晉賢請復文翁石室爲書院皆采以上聞成之風采聳動居諸道最進資政大夫河南行省左丞未上母喪遺疾至正九年卒年五十四賜鈔萬緡謚文昭有文集若干卷

山西通志卷一百二十七 鄉賢錄十二 五

劉濬字濟川興州人金狀元海曾孫廉訪司書吏調連江縣甯善鄉巡檢至正十三年江西賊帥王善寇閩官軍守羅源縣與連江接壤濬妻正定史氏故相家女有才識謂濬曰事急矣可聚兵以捍一方於是盡出匣中物募壯士百餘命仲子健將之決旬間眾至數萬賊尋破羅源分兩道攻福州濬拒之辰山三戰三捷俄福州陷眾多潰濬獨帥健兵進遇賊於中麻突其陣斬前鋒五人賊兵大至鏖戰三時頃濬中箭墜馬健下馬掖之背被獲濬戟手大罵賊縛濬階下先斫手一指罵彌厲再斫一指亦如之指且盡斫兩腕次及兩足濬色不少變罵聲猶不絕遂割其喉舌而死健亦以死拒賊黨義之舍健使斂濬尸健歸請兵於帥以復讎弗聽健盡散家貲結死士百人詐爲工商流丐入賊中夜半發火大謀賊將擾自相屠戮健手斬殺父者張破四并擒善及寇首陳伯祥來獻磔之贈濬福建行省檢校官授健古田縣尹官爲濬立



祠福州北門外歲時致祭

武祇太谷人以儒進歷知安慶路桐城縣事發奸摘伏果斷如神淮西廉訪司與安慶路交章舉薦歷省部臺二十餘年官至甘肅行省參政妻王氏罵寇死節以上太原原府

許國貞字進之絳州曲沃人祖濟金絳州節度使父曰嚴榮州節度判官皆業醫國貞博通經史尤精醫術金季避永甯後歸寓太原世祖在潛邸以醫徵至瀚海留掌醫藥治莊聖太后刻期而愈迺張宴賜坐太后時年五十三遂以白金錠如年數賜之嘗進藥味苦卻不服國貞曰古人有言良藥苦口利於病忠言逆耳利於行已而復召入視對曰良藥苦口既知之矣忠言逆耳願留意焉世祖大悅以七寶馬鞍賜之憲宗三年從征雲南機密皆得參與朝夕未嘗離左右九年

山西通志卷一百二十七 鄉賢錄十二 六

世祖國部獲數百族諸將欲盡阮之國貞力請止誅其凶暴餘皆獲免及師還降民數十萬口顛仆滿道國貞白賑之全活甚眾世祖即位授榮祿大夫提點太醫院事賜金符累遷禮部尚書嘗疏言慎財賦禁服色明法律嚴武備設諫官均衛兵建學校立朝儀事多施行凡薦引皆知名士士歸重之上嘗曰朕昔出征同履艱難者惟卿數人在爾遂拜集賢大學士進階光祿大夫每進見上呼許光祿而不名由是諸王大臣皆呼許光祿升翰林集賢大學士卒年七十六時大臣罕得贈諡特贈金紫光祿大夫諡忠憲後加贈推誠廣德協恭翊亮功臣翰林學士承旨上柱國追封前國公初國貞母韓氏亦以能醫侍莊憲太后又善調和食味稱旨凡珍膳旨酒皆命掌之太后閱其勞賜以正定宅一區歲給衣粟終身

國貞由是家焉

許展字君鶴一名知爾果斯本傳魯火孫國貞子從父事潛邸進退莊重世祖喜之賜今名俾從許衡學入備宿衛忠慎小心除禮部尚書提點太醫院事賜日月龍鳳紋綺衣二襲每外國使至必命與語辭理明辨莫不傾服改尙醫大監帝命畫工寫其像賜之轉正議大夫仍提點太醫院事有病大安閣禮神幣者將誅之展諫曰敬神善事也因置人于死地恐神不享即命釋之與丞相安國本傳安道善多所贊益僧格本傳桑哥而請之上不之信僧格敗繫左掖門命往唾其面辭不可上稱其仁厚賜以白玉帶且諭之曰以汝明潔無瑕有類此玉故以賜汝也成宗初遷中書右丞行太常卿力辭乃命以中書右丞署太常事俄改陝西行中書省右丞關中饑議賑展

山西通志卷一百二十七 鄉賢錄十二 七

曰若俟命下無及矣擅發之罪吾當獨任之遂大發粟命亦尋下明年旱禱終南山而雨歲以大熟民皆畫像祀之展不事生業田宅皆上賜有足疾不能行仁宗以為先朝老臣特敕乘小輿入禁中後國有大政詔使近侍即其家問之特授榮祿大夫大司徒食其俸終身卒贈推忠守正佐理功臣光祿大夫陝西等處行中書省平章政事柱國追封趙國公諡信簡

高源字仲淵晉州人父汝霖為正定照磨使東平道經高唐遇盜死源幼與母依及長補縣吏世祖中統初累擢江南浙西道僉事常州路達魯噶齊馬忽奪民田源劾其不法恕權賂權臣阿哈瑪誣以他事繫獄久之忽釋源莫知所由先時源所居里多阿哈瑪姻戚素知源事母孝至是聞源坐非辜



悉詣闕白曰源孝子也天必知之况媒孽之罪非實若妄殺源淳天不祥由是得不死後遷都水監開通惠河由文明門東七十里與通惠河接置橋十二至今人蒙其利

楊宜時元孫形魁碩有識慮值貞祐之變金主南渡河北郡縣多沒兵凶相仍寇賊充斥宜暨從弟琛仁海義姪紹先茂先帥鄉黨族屬約束自守及元兵來畧地遂以眾歸之拔於行間超陞行大元帥府鎮翼城授忠勇校尉佩銀符守平陽四門主管義軍時青龍齋背葛伯彈平諸皆未降互出攻擊肆為剽劫宜暨琛等悉平之民賴以安及塔海都元帥西征庸蜀辟琛為先鋒宜與焉凡所攻拔不避矢石凱還以勞遂授今職宜為治不事表祿不任刑罰作事必為遠計使人守其成法縣之東山炭窟年歲既久穿窟益深屢有圯壓之

山西通志卷一百二十七 鄉賢錄十二

患宜相視其地創為開置民甚便之南川水利溉田甚廣數村爭訟不已宜為斷理皆服其平至今以為定例民立祠祀之所任凡三十餘年無少玷闕至元元年卒子三汝直襲職汝舟授本縣丞俱有能名汝霖隱德不仕延祐三年春祀名宦段天章表其墓

楊琛翼城人初名俊與從兄宜平諸賊皆以功行翼州元帥事金人執虎符白麻招之俊戮使者以聞特降金符為征行元帥取河中興元與塔海下蜀淮全活數萬口從車駕攻河南破蔡州宜授千夫長佩金符賜名琛

楊思忠翼城人全子為本縣軍民長官愛民如子民非有大過不加筆楚徭役賦稅皆有成例至元二年遷聞喜父老攀轅泣送者千餘人

閻復字子靖其先平陽和川人祖衍仕金沒於王事父忠僑高唐州復始生有奇光照室及長性簡重美丰儀弱冠入東平學師事名儒康疇時嚴實延元好問校諸生肄進士業入選者四人復為首徐揆李謙孟祺次焉初掌行臺書記至元八年王磐薦為翰林應奉充會同館副使兼接待使扈駕上

京賦應制詩一篇寓規諷意世祖顧之喜曰有才如此何可不用十四年出僉河北道事尋召還遷翰林直學士建議定銓選校官法上屢命至榻前面投詔旨每具草進悉曲當上意立尚書省召復入便殿問曰朕欲命卿執政何如復謝不足勝任上謂侍臣曰書生識義理存謙讓是也勿強尋以撰僧格輔政碑免成宗立復除集賢學士賜重錦玉環白金撰曲阜廟碑疏言京師宜首建宣聖廟學定釋奠雅樂曲阜林廟戶不宜聽有司併入民籍其後賜孔林灑掃二十八戶祀田五千畝皆復之請也大德三年彗星見疏言定律令頒封贈增俸給通調內外官且曰古者刑不上大夫今郡守之貴以徵租受杖非所以厲廉隅江南公田租太重宜減以貸貧民多采用之上嘗召問曰左相難得人卿為朕舉所知復以哈刺哈孫對上大喜即命入相復亦拜翰林學士承旨武宗初首陳三事曰惜名器明賞罰擇人材詞皆愷切迺授平章政事力辭不許尋乞骸骨詔給半俸終養卒年七十七謚文康有靖軒集五十卷傳於世

山西通志卷一百二十七 鄉賢錄十二

張翥字仲舉晉甯人父為杭州鈔庫副使因家焉翥少負才豪放不羈一旦翻然謝客閉門讀書晝夜不輟從李存家安仁學古文辭又從仇遠學詩遂以詩文鳴於時後至元末同



郡傳起巖居中書薦壽隱逸授國子助教分教上都生修宋  
遼金三史為國史院編修官史成應奉修撰累遷太常博  
士翰林侍講學士兼祭酒勤於誘掖論辨輒雜以談笑各厭  
其所得嘗詣中書議時政眾論議起壽獨默不相撓思監問  
之對曰諸人議皆是但事勢有緩急施行有先後耳以翰林  
學士承旨致仕博囉特穆爾帖木兒入都強壽草詔削奪  
庫庫特穆爾帖木兒官爵且發兵致討壽不從曰吾臂可  
斷筆不能操也博囉誅詔為河南平章仍翰林承旨致仕給  
全俸終身卒年八十二壽長於詩近體長短句尤工今傳  
庵樂府三卷又嘗著忠義錄

靳用字祐之曲沃人和子六歲從事性理之學壯為曲沃翼  
城令有聲改榮河尹奉法循理勸農興學拜監察御史陝西

山西通志卷一百二十七 鄉賢錄十二

漢中道按察司僉事擢嶺北湖南道肅政廉訪使臨民以德  
執法不阿所在頌之終朝列大夫晉甯路總管子德政邳州  
判官德信將仕郎德謙禁直宿衛德淵贈兵部尚書封西河  
郡侯德昌好學善屬文德淵子榮監察御史奎章閣待制學  
士剛直有祖風弟壽有孝行

牛光祖襄陵人以才辟甘肅行省掾尋升中書省掾中都留  
守司都事有幹局以廉慎稱遷刑部主事天厯間累官河東  
陝西都轉鹽運使雲南諸路行中書省參知政事致仕卒  
李謙亨曲沃人至治中以儒士辟歷內臺御史時建西山佛  
寺甚亟謙亨以歲饑且東作方輿上疏極諫帝怒謫邊陲尋  
召還授浙東海右二道廉訪使卒諡忠肅以上平  
謝天吉字鍾祥元初知河中嘗因朝覲賜坐賜金甲彤弓良

馬紹裘金末人皆逃難河南天吉以王事持節至流民相謂  
謝帥素寬仁能容來附者數千人初遭上官徵歛無度輒發  
家貲以應踰年徵益迫天吉以民困家竭計窮乃投河佯死  
事得寢時經大變河中又關河戎馬之區府僚故吏相對歔  
歔曰若謝帥在事不至此或曰謝帥實在向之死偽也諸同  
僚就謁於所隱既見悲喜交集懇求在事再三後可百姓歡  
喜載道天吉善談笑好飲酒以合醉養於萬固精舍歸卒於  
家年五十九今子孫居巖山前東莊村稱巨族焉

陳元凱字時舉膺子擢明經性英毅有操行事父母以孝聞  
至元間太保劉秉忠薦舉扈從上都歷建康路總管浙東海  
右道肅政廉訪使以疾終贈河東郡侯諡靖宣

山西通志卷一百二十七 鄉賢錄十二

言得召見世祖謂其目有火光異之留侍左右初賜名哈刺  
鄂托克齊本作哈刺十七年擢太醫院管勾宗王別里特穆  
爾往征昔里吉上問曰當行者多避事汝善醫復習騎射能  
從行乎曰事君不辭難臣不行將何為即請授甲上曰汝安  
用甲曰臣願備一職上上曰醫汝事也甲不可得惟賜以環  
刀弓矢將行聞母疾歸省不敢以遠役告母微知之謂曰汝  
第行我疾安矣即辭去馳至王所及將戰請甲王留之使領  
輜重慨然曰大丈夫當効命行陣乃守營帳如婦人耶見有  
甲者飲以酒高價取之明日披以往日一人與善萬人可激  
我為萬人激耳中道三遇敵射之皆不中王喜甚既擒昔里  
吉命獻俘上徹御膳羊豕以賜既拜受先懷其美者上問故  
對曰請以遺母命自今凡賜之食必先賜其母以功授和林



等處宣慰副使二十五年哈圖本作海都犯邊尚書省奏以奇卜本作世伯往掌和林屯糧上日出納非奇卜所知哈刺鄂托克齊可任遂使奇卜與俱會哈圖兵至與奇卜南行至巴爾布拉地距敵軍五六十里奇卜大懼劉哈刺見其有二心遂潛遁入見上喜曰人言汝陷賊乃能來耶二十七年遷河東山西道宣慰使奏曰河東臣鄉乞賜錦衣為榮上以金織文衣服賜之居二年召還諭曰阿巴拉烏蘇本作阿八刺忽素產魚吾今立城名肇州汝往為宣慰使仍別賜汝名曰小龍兒或曰哈刺巴圖魯汝可自擇對曰龍非臣下所敢承上曰然則哈刺巴圖魯可也復賜以繡衣玉帶既至定市里安民居一日得魚九皆千斤遣使來獻俄召遷成宗初皇太后命曰東方汝嘗鎮之今以屬汝乃以為咸平宣慰使元貞元年召為御史中丞

道卒

山西通志卷一百二十七 鄉賢錄十二

十三

敬儼字威卿河東人後徙易水會祖于涿樂陵令祖鑑同知嵩州事皆以進士起家父元長太常博士儼幼嗜學御史中丞郭良弼薦為殿中知班著章憲若干卷選充中書省掾朱清張瑄為海運萬戶儼適典其文牘致厚賂拒之後二人誅儼獨無所與大德七年拜監察御史江浙省與浙西憲交訐命與省臣阿思蘭哈雅偕往治兩議上朝廷卒是儼議至大初擢南臺治書侍御史議立尚書省不便忤宰臣意左遷兩淮鹽運轉運使陰欲陷之儼黜貪理敵謀復增羨河南省將以羨數為歲額儼謂病民為已非大臣體遂止仁宗初為戶部尚書言遠罷錢不用恐細民失利不從以疾辭皇慶二年除南臺侍御史不赴明年召為侍御史延祐五年拜中書參

知政事諸院寺監奏除僚屬富民多賂進儼奏請悉追奪著為令明年謝病歸泰定四年徵為集賢大學士商議中書省事帝親為差吉日使視事命朝會無下拜旋進平章政事復以老辭不從天歷改元廷議欲盡戮上都朝臣儼抗言若輩皆循歲例扈行殺之非罪眾賴以免居月餘告歸猶玩書不輟臨終戒子弟當守恒業無急仕進正冠幘端坐而逝加封魯國公謚文忠叔祖鉉金進士元初為中都提學著春秋備忘四十卷仁宗命刻其書行世

王恩河中人知識明達勇力過人金末避亂鄆州元兵南下率眾歸隸皇四子麾下遂命總歸附之眾凡遇攻戰屢有奇功授都元帥年九十三而終祀鄉賢

山西通志卷一百二十七 鄉賢錄十二

十三

吳政家中條山下號蒼陵翁同族張鏞至正間為首陽書院山長以文學著聲

何約字仲博河中人起家以儒試吏累辟中書掾除吏部主事歷內臺侍御史出官河南會利川饑蘭陽大水倡議發粟拯救活者數十萬計持節諸道嚴而不苛泰定天歷間典京漕運餉及千萬石捍衛有方軍食不乏文宗賜上尊以旌其勞及遷他官上見其名曰是為京漕能足吾兵食者擢參西京行省時伊嚕特穆爾本作月魯帖木兒授本省平章以才不及辭上曰有何參政在卿何過慮乎及執憲西臺多所糾劾然為娶李氏有婦德約兄弟五人並仕官方州爭迎李氏就養李氏母吳九十餘無子李不忍遠去曰若曹欲養母我獨不欲



養母平有知約者將用為山西廉訪使使得近便於供養會御史大夫缺人乃仍留約進封河東郡公數年乞歸卒歐陽元功為撰墓碑

裴居敬河中人中統至元間為宿衛兼王府掾王知其賢加以禮遇隨王府視師北邊有勦禿魯功歷官陝西行臺御史至參政卒居敬常官於蜀蜀宣慰使札法者其祖故為蜀平章行省居敬謂札法曰先平章惠愛及於土人人是以思之不忘今本道歲遺收其賦者苛取無藝爭逃林谷因而抗阻則殺之與先平章政何異耶札法曰同僚未嘗言及此公以相教某之福也遂召諸士官諭以德意各使自占歲入如期一方甯謐四川運司連敗數任同官爭為奸利居敬力革其弊守成法朝廷以所入有羨運司官悉加賞擢居敬曰非裴

山西通志卷一百二十七 鄉賢錄十二

公安得此乎雲南職兵民者以梁王作鎮恃勢朋恣貪墨憲司繩之輒矯詔赦免及居敬至直前啟梁王王聽信之自是其屬一守典制無敢肆者居敬好書能詩文有集十卷藏其家以上蕭州府

宋子貞字周臣潞州長子人早好學工詞賦與族兄知柔同補金太學生有名稱大小宋後東平嚴實用為詳議官兼提舉學校汴梁下饑民北徙多方振救全活者以萬計金流寓士悉引見薦用拔名儒張特立劉肅李昶輩於羈旅間士聞風而至故東平一時人材盛於他鎮七年為行臺右司郎中東平統五十餘城子貞倣前代觀察採訪制命官分三道糾舉官吏立程式定期會大小始有紀綱將弁占部曲戶謂之腳寨擅賦役幾四百所令悉歸州縣實子忠濟復請於朝授

參議東平路事勸忠濟首新廟學延前進士康煜王磐為教官招生徒數百俾習經藝程試必親臨齊魯儒風一變世祖南伐召問方畧對曰本朝威武有餘仁德未洽所以拒命者特畏死耳若已降不殺脅從罔治可傳檄定也世祖善其言中統初授益都路宣撫使尋拜右三部尚書李璫反命參議軍前行省事事平上書陳便宜曰官爵人主之柄選法宜盡歸吏部律令國之紀綱宜早行刊定監司總統一路用非其才不厭人望乞選公廉有才德者為之州縣官相傳以世非法賦歛民窮無告宜遷轉以革其弊又請建國學教胥子赦州郡提學課試諸生三年一貢舉至元二年與左丞相耶律鐸行省山東還授翰林學士參議中書省事請改北京行省為宣慰司控制東北州郡頒俸祿定職田並從之拜中書平

山西通志卷一百二十七 鄉賢錄十二

章政事帝悔用子貞晚及以老求退帝曰卿氣力未衰勉措置大事俟百司差有條理聽卿自便三年十一月懇辭乃得請赦中書大政即其家訪問子貞每聞朝廷事不便必封疏上奏卒年八十一

宋術字宏道潞州長子人金兵部員外郎元吉孫善記誦屏居河內者十餘年趙壁經略河南以禮聘至中統三年授翰林修撰又從壁濟南襄陽多贊大計為征東行省員外郎持詔往高麗徙江華島居民於平壤歸復命賜勞良厚遷太常少卿兼領籍田署事太子珍本名以香德召見應對詳雅命擇可備顧問者舉郭祐何璋徐煥馬紹揚居寬何榮祖楊仁風等太子曰盡為我致之除祕書監太子以江西分地命術銓舉守令初立詹事院首以術為太子賓客卒有桓山集



十卷

劉宣字伯宣潞人金末徙太原幼喜讀書慨然有澄清志宣撫使張德輝器重之薦為中書省掾暇則往從祭酒許衡講明理學初為河北河南道勸農副使至元中以丞相安國薦超拜吏部尚書世祖將伐交趾宣上言諫及再征日本又力言之上納其言二十五年出集賢學士除南臺御史中丞時江浙行省丞相孟古台本作怱怱悍戾縱恣慮臺臣發其奸而忌宣尤甚日遺其黨赴建康伺隙臺班皆求自解惟宣屹不為動孟古台因羅織宣子逮繫揚州獄又令建康酒務淘金等官誣告行臺沮壞錢穀遣行省鞠狀宣及御史六人胥逮既登舟行省以軍船列兵衛驅迫之宣不勝憤遂自刎船中始宣將行時以一緘付從子自誠令勿啓及死視其書云胸

山西通志卷一百二十七 鄉賢錄十二

六

怒大臣誣搆成罪豈能與經斷小人交口辨訟屈膝為容於怨家之前身為臺臣義不受辱當自引決但不獲以身殉國為恨且別有遺藁具言孟古台罪狀途注勾抹辭句難辨前治書侍御史霍肅為敘次其文讀者悲惋宣既死行省言罪重自殺前後搆成其事郎中張斯立也延祐四年從子自持上宣行實御史臺以聞追封彭城郡公謚忠憲

李孟字道復潞州上黨人祖昌祈本州宣撫使父唐歷仕秦蜀僑居漢中孟生而敏悟七歲能文通貫經史授徒於家遠近爭從之世祖時省臺辟薦皆不就成宗初遣往陝西採訪先朝聖政備史館紀述孟討論編次以進時武仁二宗將出閣求名儒輔導有薦者曰布衣李孟有宰相才宜令為太子師大德初武宗撫軍北方孟侍仁宗於宮中進講多所裨益

及仁宗侍母居懷孟又如官山孟常單騎從在懷州四年每進言堯舜之道惟孝弟今大兄在朔方大母有居外之憂殿下當奉迎意旨以娛樂之則孝弟之道皆得矣及安西王阿南達之潛謀也丞相哈刺哈斯密使來告仁宗疑未行孟曰支子不嗣世祖典訓今太子遠在萬里宗廟社稷危疑之秋殿下當奉大母急還都以折奸謀固人心不則國家安危未可測仁宗猶豫未定孟復進曰倘邪謀得成以一紙書召還則母子且不克保何論宗社仁宗愕然乃奉母后還大都時哈刺哈斯稱病堅臥仁宗遣孟往問計既知安西謀立有日還告曰事急矣先發者制人後即為人所制左右疑懼未敢發皆曰侯大兄至徐圖之未晚孟曰羣邪違棄祖訓欲立庶子倘安西既正位號縱太子至彼豈甘退就藩服如是則宗

山西通志卷一百二十七 鄉賢錄十二

十七

社危矣仁宗曰當以下決之孟召卜者使以吉告筮遇乾之睽占大吉孟曰筮不違人仁宗起翼之上馬孟及諸臣皆步從入自延春門哈刺哈斯自東掖來就見至殿廊收首謀及同惡者悉送獄奉璽北迎武宗中外帖然仁宗監國使孟參知政事規畫庶務羣小多不樂既事定言於仁宗曰執政大臣當自天子親用今變輿在道孟未見顏色不敢冒大任固辭弗許遂逃去不知所之武宗初或讒孟嘗內難初定時嘗勸仁宗自取上察其誣弗聽仁宗為皇太子侍內宴飲半忽戚然改容上顧語曰吾弟何故不樂對曰賴天祖之靈神器有歸然成今日母子兄弟之歡者李道復之功為多適有所思不自知其見於色耳上感其言命搜訪之得於許昌陘山召見玉德殿上指謂宰臣曰此皇祖妣命為朕賓師者特



授中書平章政事同知樞密院事仁宗初真拜平章政事以國事為已任見當時賜與太廣名爵太濫風俗太僭擬每言人君之柄在刑與賞刑不足懲賞不足勸何以為治司空司徒太尉古之三公也自大德以來封拜繁多冒濫不可計數釋老二教設官統治權抗有司撓亂政事僧道尤苦其擾並宜汰罷尋兼領國子學賜爵秦國公上親授之印又圖其像敕詞臣為贊且御書秋谷二字賜之入見必坐語移時嘗賜錢十萬貫令將作監治第孟曰臣布衣際遇非望富貴也辭不受更以樽節財用為請上納其言罷諸營繕皇慶初請告歸葬事訖入朝慰勞甚至因屢請解政務乃命以平章政事議中書省事又三表乞還國公印始允上每與論用人之方孟曰人材所出固非一途然漢唐宋金科舉得人為盛今

山西通志卷一百二十七 鄉賢錄十二

欲與天下之賢能以科舉取之猶勝於他途進者然必先德行經術而後文辭乃可得真材也上決意行之延祐改元復拜平章政事改封韓國公又堅乞致政上不得已許之英宗初特們德爾本作鐵木迭兒以孟素不附已構之奪其前後封拜制命左遷集賢侍講學士欲因其不屑害之孟拜命欣然入院宣徽使以問曰李孟今日供職例當賜酒上愕然曰李道復乃肯俯就集賢邪由是議者不得入至治元年卒御史交章辨其誣詔復原官進封魏國公諡文忠孟三入中書退居一室蕭然如布衣凡獻納謀議常自毀其稿子獻官御史中丞尚氣節著述多行世

新祥潞州人儒大名師事陵川郝溫兼善星歷金末失母母悲泣而盲祥訪得之舐其目百日復明人稱其孝劉敏行省

燕京辟冀幕下無辜者多賴以免卒益安靖嘉彬字仲文潞州人父兆平金有功授平陽太原等處都達魯噶齊彬累擢內臺御史糾平章阿哈瑪受賄事旌彬直言遷內臺治書進刑部尚書轉正議大夫僉湖廣行中書省事卒追封京兆郡侯

王利用字國寶潞人大德初為安西興元兩路總管減職田租額站戶之役於他郡者悉除之民甚便焉有婦毒殺其夫問所從來吏教婦指為富商所貨利用曰家富而貨毒藥豈人情哉訊之果寃

秦起宗字元卿上黨人僑深水曾大父當金季殺山麓為洞奉親以居傍竅大洞窟里中百人閉之具牛酒出待兵兵入見親屬曰孝子也遂去里人曰秦父生我起宗生長兵間學

山西通志卷一百二十七 鄉賢錄十二

書無從得紙父順削柳為簡寫授之成誦削去更書年十七蒙古字學成辟武衛驛史御史中丞塔察爾愛其才遷中臺史持文嚴密無所泄仁宗初轉中書史累遷太子家令司典簿官上言東宮官屬輔導德義財賦非所治也朝廷是之遷南臺御史建康多水徵行檢災得實人以爲神明文宗初拜中臺御史劾中丞和尚不報起宗從臺官入見踞辨久之敕令起起宗不起會日暮出明日有赦起宗又奏不罪和尚無以正國法和尙服辜上曰為御史當如是矣元會賜伊遜服令得與大晏又劾開縣布札爾流之嶺南盡言無諱皆見聽用有御史奏議一卷遷都漕運使上召諭遣之又為撫州路總管供張甚盛問其費所從出小吏曰借辦於民遂亟使歸之几席僅給而已因論罷曰我素農家安儉約庶使民化之



居一歲請老以兵部尚書致仕卒諡昭肅子四鈞西臺御史  
鑄延徵寺經歷銓都省掾蚤卒

王伯淵字嘉甫壺關人性謹恪廉靜有為少充宿衛選歷官  
會福院判至治二年以母老棄職就養母沒後優游里社日  
與昆季及耆老相過從怡然自得識者羨之後至元三年十  
二月以疾卒年七十有八儒士李景文爲之志

靳克忠字唐臣潞州人通經術精吏治累官西臺御史後知  
河中府天歷元年陝西兵起從大慶關渡河克忠不從具公  
服坐廳事遇害贈陝西行臺參知政事諡忠愍子文用蔭擢  
西臺御史除福建行省參政

靳泌潞州人擢中書天歷間陝西大歉泌奉命載楮幣六萬  
以振分給均平元統乙亥遼陽大熱泌奉符平糶計入粟八  
十萬斛民不擾而國用饒

李維馨字庭芳潞州人質敏好學有經濟才江淮兵起托克  
托木作脫脫請爲幕扼要鋤強止殺遂平禍亂丁父憂值曹漢盜  
橫行鄉民奔竄惟馨率眾憑險伺便生縛數百人賊不敢  
入後應察罕特穆爾聘說以據上黨翼京師屯磁邢以次剪  
滅羣盜皆如其策明洪武中考正禮樂惟馨在召中事竣辭  
歸復召以老病辭許之守其先世雄山書院建萬松亭知非  
齋可已堂一時耆宿如宋濂陶凱輩嘉其高尚連章贈別海  
門翟莊亦有詩贈之著有知非齋稿一卷及宋遼金正統論  
孫通仕明爲夏津主簿曾孫誠義民素貢士授嵩縣知縣八  
世孫策任寶豐主簿能詩有睡庵集十一世孫日章舉人  
章誠字友道潞州人授兵部主事累官戶部尚書以公嚴稱

山西通志卷一百二十七 鄉賢錄十二 三十一

出爲山東行省參政進右丞致仕歸與尚書李惟馨解元杜  
敷結社唱和人稱雄山三老其子孫衣冠鼎盛一時以上路安府

梁瑛汾州平遙人金大理評事秉鈞子也孝友正直醇儉有  
大志善騎射勇力絕人金末元兵南下瑛率眾詣軍門上謁  
授元帥左監軍屢出奇計入關定秦隴陞行都元帥以縣行  
平安州事安集勞徠人獲甯息武仙陷平陽瑛進兵仙大敗  
棄城走入覲授御前千戶扈從南征鳳翔西和興元數城俱  
下次唐鄧與金兵戰於三峰山大破之時軍民降附日眾他  
將以糧不給謀盡殺之瑛日殺降不祥凡隸麾下悉得不死  
從元帥塔海甘布入蜀宋人守羅塘兵不克進瑛作皮渾脫  
以濟塔奇之奏權征行萬戶留鎮興元又從圍資州踰月始  
下塔怒欲悉院之瑛曰今始得一城而院之他城未易下也

山西通志卷一百二十七 鄉賢錄十二 三十二

塔善其說瑛起行陳經百數十戰未嘗敗北所全活者亦不  
下數萬計成都平詔充西京平陽太原京北延安五路萬戶  
瑛以太原初定請給復三年詔從之尋卒年六十有六

梁天翔字飛卿瑛季子也少磊砢便騎射讀書能通大義以  
文階起年十八尹本縣平遙每召父老訪民間利病歲早禱  
於趙山獲大稔民勒石頌德中統五年制授懷孟路總管至  
元九年尹介休建學明農會南方騷動簡兵編戶以戍天翔  
第其穢寡甲乙無頗私焉知鄆州州初附不逞之徒相聚爲  
盜嚴捕首惡餘釋不問授嶺南廣西道按察司事摘奸發  
伏郡邑以清遷廣東道提刑按察副使改四川歲饑天翔請  
主者發米四萬斛賑之不及上聞謂報下民歿矣僧格秉政  
校天下錢穀天翔不事剝削寬猛適中廉部南郡建言選良



撫臣以安八番授浙東海右雲南行御史臺侍御史乘傳上  
二十餘條以聞皆切於當世之務世祖深嘉納焉授吏部侍  
郎高麗饑以天翔往賑授成都路總管改四川道肅政廉訪  
使年五十五卒追封安定郡侯子六時中進士信州路總管  
治中時正大名路清河縣尹時仁僉浙東海右道廉訪司事  
時義成紀縣尹時智時信

杜思明字彥昭汾州平遙人沁州長官豐長子隨父官沁州  
遂家焉豐致仕思明襲爵悉遵父道中統新法肇立例遷關  
陝鄧三州刺史以嚴肅為政人初憚其過剛既而盜賊屏跡  
奸胥畏威則又無不愛悅至元丙子從丞相巴延本作伯顏伐宋  
命攻陽羅堡奮勇先登士卒踴躍遂克之授明威將軍吉州  
路總管達魯噶齊請告歸卒年六十四子淵長甯州知州

山西通志卷一百二十七 鄉賢錄十二

杜思忠字信甫豐次子沁州諸軍與魯長官會高麗金令公  
作亂詔思忠討之宜以仁義片言折服凱還授承務郎洪陽  
固鎮鐵冶提舉思忠曰鹽鐵之政古人所鄙營利之術非余  
之能辭官歸人稱其高節

杜思敬字亨甫思忠弟也受學許魯齋之門由鎮撫累遷泊  
書侍御史阿哈瑪敗臺臣以失言并逐世祖獨諒思敬泣職  
如故出為順德安西總管再入中臺為侍御史議事當世祖  
意拜中書參知政事改四川行省左丞疾不赴以中書左丞  
致仕卒年八十六謚文定子肯構通奉大夫河東山西道宣  
慰使贈康靖公肯播奉訓大夫會州知州肯獲資善大夫陝  
西省左丞肯構子宜光祿大夫集賢殿大學士贈晉國公惠  
承務郎龍游縣尹肯養子文獻中奉大夫晉甯同知

呂流字蒙甫汾州西河人少讀書曉達義理既以國語文字  
為廣平大名教授秩滿薦歷江南諸道行御史臺監察御史  
首上疏條八事紬貪懦之吏弭蜀寇之兵天歷初由南臺都  
御史僉海北海南道廉訪司使所至興學校正風俗斷疑獄  
弭盜寇詔加亞中大夫丁父憂服除起為襄陽總管政績甚  
著授大中大夫大明路總管以臺議宿望擢拜嘉議大夫海  
北海南道肅政廉訪使卒於官贈禮部尚書封河東郡侯謚  
簡肅

鈕克讓介休人父文敦德樂義善教子克讓始歷岳州武昌  
二郡推官用法平恕守龍陽郡多善政州人勒石頌之終宣  
慰副使追封汾陽郡伯

山西通志卷一百二十七 鄉賢錄十二

中瑞司驛使授海道副千戶轉嘉興路治中連拜南臺西臺  
御史遷河西道廉訪僉事移淮東未幾擢副使汝穎盜發勢  
張甚不華行郡至淮安極力為守禦計賊至多所斬獲且請  
知樞密院老章判官劉甲守韓信城相犄角為聲援復上章  
劾總兵及諸將逗留之罪朝廷錄其功升廉訪使甲與賊戰  
輒勝賊憚之號曰劉鐵頭不華頗賴之總兵者聞不華効已  
益忿嫉乃檄甲別將兵擊賊冀以困不華甲去韓信城陷既  
而天長青軍叛布延特穆爾所統黃軍亦叛賊皆挾之來攻  
不華知事危退入哈刺營賊稍引去乃出抵楊村橋賊奄至  
不華以餘兵入淮安時城之東西南三面皆賊惟北門通沐  
陽阻赤鯉湖指揮使魏岳陽逼駐兵沐陽淮安倚其芻餉而  
赤鯉湖為賊據沐陽之路又絕賊計孤城可取進柵南鎖橋



不華與元帥張存義出大西門會僉事忽都布哈兵突賊棚殊死戰賊敗走追北二十餘里城中食且絕元帥吳德瑋運糧萬斛入河為賊所掠德瑋儘以身免賊與青軍攻圍日益急總兵屯下邳相去五百里拔兵不出凡遣使十九輩告急皆不聽城中食草木螺蛤魚蛙燕鳥又鞞皮鞍韉革箱敗弓之筋皆盡撤屋為薪人多露處街坊生荆棘至正十六年十月乙丑城陷不華據西門力鬪中傷見執為賊所縛子伴哥冒刃致護亦被殺不華守淮安五年殆數百戰精忠大節人比之張許朝廷聞之贈翰林學士承旨榮祿大夫柱國追封衛國公諡曰忠肅賻鈔二百錠以恤其家以上汾州府

郝經字伯常澤州陵川人天挺之孫也金末避地魯山居民匿窖中亂兵縱火經母許亦死經時九歲以密和寒菹汁挾

山西通志卷一百二十七 鄉賢錄十二

母齒飲之即蘇後從順天晝則負薪米養母夜則讀書嘗自誦曰不學無用學不讀非聖書守帥張柔買輔延之為上客憲宗二年世祖以太弟開府金蓮川徵經入謁以治國安民之道與語大悅遂留王府時憲宗入蜀命太弟統東師經從至濮上言古之一天下者以德不以力宋今未有敗亡之象我乃空國而出諸侯窺伺於內小民凋敝於外經見其危未見其利不如修德布惠結盟飭備以待西師則上應天心下繫人望順時而動宋不足圖也會設江海荆湖南北路宣撫使命經為副先至江上宣布恩信招納降附蜀師久無功進東師議及會兵渡江鄂州聞台州計復進班師議會宋相賈似道密遣使乞和迺班師明年世祖即位以經為翰林侍讀學士充國信使使宋告即位且尋盟經入辭進立政議

時經有重名平章王文統忌之陰屬李璫潛師侵宋欲假手書經經之濟南璫遣書止經經以璫書聞於朝行至宿州遣使請入國期不報時似道方冒鄂功恐經至泄其情遂以李璫為辭拘之真州經上表於宋曰願附魯連之義排難解紛豈如唐儉之徒款兵誤國又數上書宋帝似道匿不以聞驛吏棘垣鎗戶經不為動從者四十騎居七年死過半經獨與六人處真州揚子院宋令伴使朱寶臣偽報元席捲北回經厲聲曰此事斷無有設有之當遣我輩還國又九年丞相巴延伐宋遣中都哈雅及經弟庸入宋問執行人之罪宋懼遣總管段佑送經歸道病勅尙醫近侍迎勞賞賚有差明年夏始詣關入見秋卒諡文忠經被留十六年鑄錮急迫益肆力於文章所撰有易象春秋外傳續後漢書陵川文集共數百

山西通志卷一百二十七 鄉賢錄十二

卷經還之歲汴民射鴈金明池得繫帛詩云霜落風高恣所如歸期回首是春初上林天子援弓繳窮海羣臣有帛書後題中統十五年九月一日放鴈獲者勿殺國信大使郝經書輟耕錄曰是時南北隔絕不知中統之改至元也帝聞之惻然曰四十騎留江南曾無一人鴈比者其後帛書存秘監鄭鼎澤州陽城人幼讀書曉大義不妄言笑既長驍勇善騎射為澤潞邊沁千戶甲午從征蜀屢立戰功宋將燒棧道圍興元鼎修復之破宋兵解興元圍乙巳遷陽城縣軍民長官庚戌從憲宗征大理自六盤山下南蕃諸城抵雪山舍騎徒步嘗背負憲宗以行敵據險鼎奮身力戰至金沙河上臨水傍危石立馬鼎諫曰此非所宜親扶下馬攻大理城禽其王師還居後道經吐蕃全軍而歸賜名也可拔都從世祖南攻



大勝關破之繼破臺山寨擒守將乘勝獨進陷淳伏出鼎奮擊殺三人餘眾遁去南渡國鄂州別攻與國俱力戰中統元年以功遷平陽太原兩路萬戶二年成厲門關隘遷河東南北兩路宣撫使三年改平陽太原宣慰使至元三年遷平陽路總管歲大旱下車而雨導汾渠開鴈黃嶺道建橫澗橋修學校厲風俗民德之十二年鎮黃川十四年改湖北道宣慰使移鎮鄂州夏五月討蕪黃二州寇戰於樊口舟覆溺年六十三贈中書丞諡忠毅加贈宣忠保節功臣平章政事柱國追封潞國公諡忠肅

鄭制宜鼎子性聰敏莊重有器局通習國語至元十四年襲父職戍鄂州攝府事十九年造樓船何家洲地狹眾欲徙旁居民制宜改授寬地民德之城中多姦或請捕制宜曰吾

山西通志卷一百二十七 鄉賢錄十二 美

但嚴守備而已奈何盜及無辜有數男子自城外至命縛入獄行省疑其非盜將釋之不從次日復有乘白馬來者叱下訊之首伏罪一郡帖然從征乃願以功授懷遠大將軍樞密院判官遷湖廣行省參知政事賜白金五千兩尋徵拜內臺侍御史安西有牧地國人奪民田十萬餘頃奉詔往訊按圖籍正之除湖廣行樞密副使昭賀二州及廬陵境常被寇害制宜率偏師徇二州獲首賊及其黨殺之盜賊屏息元貞元年授大都留守領少府監兼武衛親軍都指揮使知屯田事成宗眷遇殊厚每侍宴輒不敢飲屢賜內醞輒持以奉母特封母蘇氏為潞國太夫人卒年四十七贈推忠贊治功臣銀青榮祿大夫平章政事追封潞國公諡忠宣子阿爾思蘭嗣段直澤州人元初兵亂直倡義固守一方世祖命為本州長

官境內以甯復改建廟學陶育士人多推重之張寶高平人中統間為永興路百戶適江寇為亂寶督兵機至即束搆以行時方元旦不少濡滯擒渠魁以歸遷都指揮僉事居家孝親修建甯文館教里中子弟

賈魯字友恒高平人兩以明經領鄉貢泰定初授東平路教授除太醫院都事召為宋史局官遷中書省檢校上言八河倉淪沒官糧百三十萬斛其弊由富民兼并貧民流亡宜先正經界俄拜監察御史首言封事宜專達聖聰不宜臺臣先可否時論避之已由山北廉訪副使入為工部郎中至正四年河決特立行都水監於鄆城以魯為太監魯循河道察地形往復數千里備得要害為圖上二策其一議修築北隄以制橫潰則用工省其一議疏塞並舉挽河使東行復故道其

山西通志卷一百二十七 鄉賢錄十二 毛

工數倍會遷中書省司郎中議未竟尋調都漕運使條奏漕政八事一京畿和羅二優恤漕司舊領漕戶三接運委官四通州總治豫定委官五船戶困於壩夫海運壞於壩戶六疏濬運河七臨清運糧萬戶府當隸漕司八宣忠船戶宜付本司節制不果行及托克托復相集廷臣議河防或言築堤或言疏南河遣工部尚書成遵行視終莫決魯昌言必塞北河使復故道役不大興害不能已復以前二策進丞相取其後策與魯定議召入奏大稱旨十一年春命為工部尚書總治河防使領河南北諸路軍民發汴梁大名十三路民丁十五萬廬州等成十八翼軍二萬供役一切從事大小軍民官咸聽節度便宜興繕仍命以兵銀之自黃陵岡南達白茅放於黃固哈只等口又自黃陵西至陽青村合於故道凡二百八



十里有奇自四月鳩工七月鑿河成乃塞決河九月舟楫通十一月諸埽隄成浚河復故道南漕於淮又東入海召還朝以河平圖獻超授集賢大學士勅翰林學士承旨歐陽元製河平碑以紀其績且宣付史館元既為碑文又從魯訪問方略更質吏牘作至正河防記尋拜中書省左丞十三年從平徐州歸托克托命分攻濠州魯督戰誓師曰吾奉命統入衛軍頓兵於濠七日矣爾諸將同心協力必以今日取城池然後食急策馬麾進忽頭眩卒有旨護柩還高平賜交鈔五百錠給葬事

宋翼澤州人以茂異舉初官承甯簿政肅刑簡至治二年擢翰林學士改御史豪右斂跡諸所條陳多稱旨嘉納遷淮西道廉訪使以上澤州府

山西通志卷一百二十七 鄉賢十二 天

雷膺字彥正渾源人父洲金御史膺生七歲而孤篤志於學太宗時詔設科選試膺甫弱冠得與選遂以文學稱史天澤辟掌書記中統初授大名路宣撫司員外郎至元中拜監察御史首以正君心正朝廷百官為言且斥聚斂之臣不宜作相出為山西道僉事轉山南湖北道副使時江南新附諸將利俘獲或強籍新民以為奴隸膺出令得還為民者凡數千計後以母憂去官服闋起浙西道按察使時蘇湖多雨傷稼百姓艱食請發廩米二十萬石振之行省議存三之一膺曰宣布皇澤惠養困窮臣職也豈可效有司出納之吝邪省官不能奪年六十二致仕成宗召諸故老議政膺為稱首延見便殿賜白玉帶環大德元年卒追封馮翊郡公諡文穆子肇順德路總管府判官

趙璧字寶仁雲中懷仁人世祖為太弟時召見呼秀才而不名賜三僮給薪水命後宮親製衣衣之令馳驛聘名士王鶚等又令蒙古生十人從授書且敕璧習國語譯大學衍義時從馬上聽之辭旨明貫輒大喜意宗嘗問曰天下何如而治對曰請先誅近侍之不善者憲宗不悅璧退太弟曰秀才渾身是膽也斷事官尹羅幹齊本作牙赤持印上請時璧侍傍呵之曰用汝與否尚須聖裁乃敢以印為請奪其印置帝前帝默然久之曰朕亦不能為此其人竟不復用王子出為河南經略使劉萬戶貪淫其黨董主簿強取民女三十餘人璧按其罪立斬之盡還民女劉大驚會雨雪上賀璧曰如董主簿者尚不乏人俟盡誅之瑞應將大至矣劉悻死世祖即位拜中書平章政事從哈必齊討李璫璧得粟及羊豕饋軍軍聲大振帝欲為文檄宋葉數易皆不稱旨召璧為之文成帝喜曰惟秀才曲盡我意改樞密副使命詣都元帥阿珠木作阿木軍同行漢軍都元帥事宋將夏貴自武昌援襄陽時漢水暴漲壁據險設伏以待貴中夜潛上壁策馬出鹿門山行二十餘里伏發奪其五舟及旦阿珠領騎兵壁率水軍合戰於虎尾洲貴大敗走尋召還改中書左丞高麗王王植為林衍所逐命同國王頭鞞哥行東京等路中書省事聚兵平壤壁議曰高麗遷居江華島外雖卑詞臣貢內恃其險故權臣無所畏忌擅逐其王今衍已死王實無罪若遣兵護歸使復國於古京可以安兵息民策之上也帝從之師還復拜平章政事卒諡忠亮

張從儉大同人延祐中為榆次令有異政邑中耆老立碑記

山西通志卷一百二十七 鄉賢十二 天



以上大之同府

崔斌字仲文馬邑人性警敏多智慮世祖命舉漢人議治體者安圖以斌對入見陳時政得失直指面斥無所諱從幸上都帝問為治當何先斌曰致治之道在任相帝問誰可者斌以安圖史天澤對又請乞采輿論乃立馬殿言曰有旨問安圖可為相否眾歡呼上悅遂以二人並為相除斌左右司郎中每論事帝前羣言終日不決者數語立判凡所獻替雖近臣多不得與聞以此人多忌之會阿哈瑪立制國用司斌屢斥其姦惡至元四年出守東平南征卒奪民席投其嬰於地以死斌馳謂主將曰未至敵境而先殺吾民國有常刑汝亦當坐遂下其卒於獄尋遷河南行省事奏劾右丞阿里妄冒軍數杖遣之有旨籍兵二萬益襄樊斌奏河南戶少而調度繁多實不堪命獲減其半改湖南行省參政國潭州阿爾哈雅中流矢斌挾盾先登語諸將曰潭人破膽矣若斂兵計其降則重湖以南連城數十可傳檄定也儻縱兵急攻使無噍類得一空城何益即遣人招諭城中爭出降遷行省左丞召入覲從至上都上問江南治否斌陳治安之道因言阿哈瑪身為平章而子若姪或為行省參政或為體部尚書或領將作監會同館一門悉處津要無以示天下公詔並黜之又言阿喇卜丹本作阿老氏丁憂臣劾其侵欺官錢今復授江淮參政恐不厭人望上止其行復令御史臺樞密院按問汰冗員黜親黨罷權茶營田漕運諸司海內無不稱快調江淮左丞凡前竊國漁民不法事悉加釐正阿哈瑪慮其害已乃奏理算江淮錢穀遮留使不獲上見誣搆以罪竟殺之天下訟其冤至

大初追封鄭國公諡忠毅鄭平

梁宇遼州人為榆社丞歷仕趙城汾西太原簿徐溝尹擊強治奸廉能有聲治行為諸縣最陞雲南行臺御史整肅百僚雖奸吏毀謗日至不少挫轉四川肅政廉訪司事舉賢良遇奸黨審究抑肅風化凡按治所經不憚艱險瘴毒蜀人壯之趙國寶沁州人父全歸太祖下真定諸郡擢副元帥安撫沁州卒王子詔有功於國者錄其子國寶襲同知沁州事歷尹洪洞襄陵滏陽諸縣時大軍攻襄樊供給軍需無虛日國寶指揮立辦民不怨嗟詔授陝州知州兼管勸農事秩滿歸每戒諸子曰吾雖武弁而性嗜經史汝輩讀聖人書學聖人道精思力行勿致面牆之悔至元二十四年卒年六十九贈衛輝路總管輕車都尉追封天水郡侯以上遼沁二州

山西通志卷一百二十七 鄉賢錄十二

聶建字廷器平定人少孤從兄璋學初授招撫司副使同都元帥王璋招撫平定諸州璋死代為元帥璋弟貴副之貴素驕恣珪稍加檢制貴不平潛結金將武仙以叛遣力士刺珪遇救得免奔太原都行省恆察遣感里根合老討武仙以珪為前驅襲破仙於石人寨進攻克之以功授平定等處都元帥任賢使能各盡其長行省嘉其績予金虎符珪性寬厚雖讎怨亦容之喜賓客耽吟詠多購古今書畫與元遺山李敬齋王青峯友善卒贈西陽郡公子大本有學行平江路治中陳玉孟人父繼仕金以功授汾西帥卒及武仙之亂玉惻然曰軍民何罪而陷於死地正丈夫用命之秋遂捐軀濟難奮勇而前保於東山主帥嘉之承制賜金牌授龍虎衛上將軍防禦使弟珽果敢有謀善騎射亦授監軍使



杜安孟人少有謀畧從世祖累立戰功授龍虎衛指揮使後擢鎮遠大將軍值南蠻叛遣安討之不戰而平

傅顏平定人至元間爲安邱簿陸本縣尹歲饑捐俸振恤富室感動悉願出粟以裨仁政部使者奏顏五課悉最升上都留守司斷事轉工部主事累遷瑞州路總管毀淫祠變惡俗禁黠兵善政最著至正間應詔上封事數千言反覆以恤民爲說上欲大用之忽疾卒

呂思誠字仲實平定人父允漢中廉訪司僉事生而目有神光見者異之以國子生登泰定元年進士授禧縣尹每歲春行田間樹畜勤者賞以農器人爭趨事即識文簿與社長凡不孝弟不事生業者悉書之罰其輸作天旱道士持青蛇曰盧師谷小青龍也禱之即雨思誠以其惑眾殺蛇逐道士雨

山西通志卷一百一十七 鄉賢錄十二

亦隨至縣多淫祠悉命毀之尋擢翰林院國史編修官文宗取閱國史院長貳無敢言思誠獨爭之事得已順帝初拜監察御史劾奏平章撤爾特穆爾不宜首罷科舉疏留中思誠納印綬殿前遂出僉廣西廉訪司事後移浙江達識特穆爾爲南臺御史嗾思誠劾江浙省臣謝曰吾爲天子耳目不爲臺臣鷹犬也入爲侍御史歷侍講學士兼國子祭酒出爲湖廣參政諸生抗疏留之不得尋入中書參知政事拜左丞知經筵事兼國子祭酒賜玉帶帝眷倍篤御史大夫納麟誣參政孔思立受賕事或欲連中之納麟曰呂中丞素有廉聲難以相及議造至正交鈔語尤深切御史承風旨劾狂妄奪其誥命並所賜玉帶左遷湖廣左丞迫遣之思誠不爲動時武昌方爲賊據思誠抵城下語諸將曰賊與諸君相持久必不

知吾來出不意可以入城賊倉卒無備果盡驚走思誠遂入

大會軍民官吏日賊去示吾弱也規將復來於是申號令備器械葺城郭先謀自守徐議出征苗軍暴橫正色叱之不敢動尋召還復爲中書左丞思誠去二日城復陷至正十五年又罷歸卒贈齊國公謚忠肅思誠三爲祭酒諸生從化後多爲名士嘗總裁宋遼金三史著有介軒集及兩漢通紀正學舉要諸書

以上平定州

許楫字公度忻州人幼從元好問學年十五中詞賦科又舉賢良方正許衡深器重之爲勸農副使開屯田數千頃後提刑嶺北湖南辨富民賂佃代死者改江西活俘民六百口擢徽州總管飢民柯三八等爲寇行省驛召楫撫諭降之

王廷佐字輔臣靜樂人其先出自太原垂髫讀書輒有四方

山西通志卷一百一十七 鄉賢錄十二

志長工書法任江南浙西道監察御史彈劾不避權貴性明敏能燭幽隱白冤抑轉僉江北淮東道肅政廉訪司事務鎮靜風紀振揚政事之暇手不釋卷

以上忻州

薩都拉字天錫別號直齋本答失蠻氏祖薩拉布哈父傲拉齊以世勳鎮雲代居雁門遂爲雁門人都拉幼岐嶷不羣長愈穎敏編結豪尙爲文詞雄健儻登泰定丁卯進士第除鎮江司達嚕噶齊始至設關閩制權衡俾市物者各得其平歲大祲白大府發倉以振全活數十萬人職滿入爲翰林國史院應奉文字後至元三年遷河北廉訪司經歷再擢翰林應奉遭母憂去職服闋授江浙行省中書省郎中至正六年進江南諸道行臺侍御史以彈劾權貴不法事左遷淮西北道廉訪司經歷未幾致仕都拉爲詩最長於情流麗清婉爲



虞集張壽諸人推服性好游嘗寓居武林每風日晴美輒躡  
芒躡肩一杖掛瓢笠凡深巖邃密人迹罕至者無不窮其幽  
勝至得意處必留題詠遇亂避地安慶登司空山太白臺歎  
曰此老真山水精也遂結廬其下年八十餘卒有雁門集弟  
野芝字天與官至江西建昌路總管野芝子仲禮登元統進  
士授福建行中書省檢校子孫遂家於閩

劉會繁時人少慷慨有志節為鄉里推重金貞祐中以縣殘  
破改堅州與定丁丑元兵徇代及境會率鄉人歸命即授堅  
州判官遷都元帥兼節度使時喪亂之後城邑蒿萊庶事草  
創公靡城樓橋梁之屬咸新為之流亡之民漸復其業政績  
甚善年七十五卒子澤襲職為管民長官

山西通志卷一百二十七 鄉賢錄十二

去從旁郡豪俠遊排難解紛不避強禦元兵及境金人棄城  
奔潰城中遺民共推兆與劉會同領堅州事乃率眾詣主帥  
款附授左監軍判官盡還先所俘人口邑賴以安累遷昭武  
將軍堅州左副元帥躬勤政務招集散亡勸課農桑在職二  
十餘年威惠布聞卒年八十四弟斌善騎射兆恃為爪牙金  
將武仙餘黨匿五臺山中為盜賊捕其魁合境以安  
韓仲彬堅州人至元間以明經舉知應州金城縣事為政公  
平持身廉謹後同知堅州服官益虔以績最遷知代州  
殷仲溫堅州人父珍有隱德州縣累辟不就仲溫廉慎膚敏  
起家奉宸副使有政績五遷朝列大夫僉中書院事  
皇甫德崱州人丰采奇偉穆呼哩器之延祐時務德議論英  
發拜信威將軍本州觀察判官行元帥府事扇仁風鋤強梗

興學校勸農桑民以良牧稱之

劉好德崞州人幼聰明德學昭著仕為高平尹縣久凋殘民  
多流移好德撫安復業興學育才士風丕變以上代州

狄琮字子玉保德人軀幹魁梧尚氣節有并州豪傑風讀書  
了大義慨然以功名為志辭親詣京識者薦其名于裕宗宿  
衛晉王至元庚寅王封梁開藩雲南擢奉議大夫王府司馬

府中事咸諮之王改封晉鎮邊西陲朔內史府轉朝列大夫  
內史府司馬暇則講貫經訓凡諷諫必盡忠王每嘉納未幾  
進大中大夫知無不言大德辛丑王薨哭之慟至嘔血日吾  
尚可以生平癸卯召子東山論之曰為人臣子惟忠與孝爾  
其勿違言訖梁棟間有聲如磬視之逝矣子東山為人倜儻  
不羈善繼先志剛正明達有為有守初仕中書舍人進監察

山西通志卷一百二十七 鄉賢錄十二

御史出為同知大都路都總管以材選授中書禮部郎中進  
大中大夫同僉宣徽院事保德  
察罕西域拔勒紇城人父伯德那徙解州察罕生而魁偉穎  
悟博覽強記通諸國字書為行軍府鄂羅千戶前後從鄂羅  
齊本作與 出入湖廣江西兩省多著勳績大德四年中書省  
奏為武昌路治中丞相哈刺哈日察罕廉潔固宜居風愨然  
武昌大郡非斯人不可竟除武昌後治廣西高仙道之黨以  
數千計止誅其首惡數人餘悉宥之焚其籍事武宗仁宗定  
大計多所匡益拜中書參知政事總綱維不屑細務識者謂  
得大臣體進榮祿大夫平章政事暮年居德安白雲山別墅  
以白雲自號嘗入見帝稱為白雲先生而不名賜姓白氏罕  
天性孝友縱奴為民人稱長者子外家奴大中大夫武岡路



總管忽都圖奉直郎高郵府判官孫九人仕者二人閩布哈  
哈撒州

姚天福字君祥絳州人後徙鳳門讀春秋通大義辟懷仁丞  
至元五年始立御史臺以天福為架閣管勾尋拜監察御史  
條奏宰相阿哈瑪罪二十有四召廷辨天福枚數之至於三  
氣沮色喪上曰此三者罪已在不宥因目天福曰巴爾斯臣  
下有違太祖之制于朕之紀者汝抨擊之母隱廷臣皆震悚  
巴爾斯者謂不畏強悍猶虎也帝仍加厚賜天福曰言臣分  
也受賞非分也卒不受按行畿輔時監取普得罪御史按之  
不服天福廉得其死罪十有七俄以宥免經臺門大詬急捕  
之檢行囊得賄侍御史安兀失納救免狀明日陸奏上曰彼  
七死猶赦汝欲何為天福對罪十有七條赦七留十餘誰歸

山西通志卷一百二十七 鄉賢錄十二

上悟戮敢普而斥安十二年罷按察司天福曰是司之設所  
以廣視聽虞非常慮至深遠不但繩有司已也大夫王昔特  
穆爾駭曰微公言幾失之夜入帝臥內奏其言帝大悟詔復  
立阿哈瑪益不悅左遷衡州路同知不就後歷河東淮西湖  
北諸道按察使善辨疑獄大德四年拜參知政事大都路總  
管兼大興府尹六年卒年七十三

尉遲德誠字信甫絳州人祖天澤霍州御衣局人匠總管父  
鼎潞州知州德誠歷官太子率更丞至大元年改詹事院都  
事二年遷家合司丞仁宗以為謹恪常賜酒帛得侍左右數  
薦士出則未嘗語人廳事前有粟苗不種而萌偶出一莖雙  
穗眾以為嘉未陞家令四年選為河東山西道宣慰司同知  
擊盜吏寬稅斂上計入見上方食撤餘以賜擢工部尚書尋

改陝西行臺治書侍御史延祐元年遷京畿都漕運使二年  
拜遼東道肅政廉訪使上疏言事曰勞諸王以懷其心防出  
人以嚴宮禁立諫官以遠讒佞崇科舉以求人材立常平以  
備荒年汰僧道以寬民力舉賢良以勵忠孝抑奢侈以厚風  
俗及極鈔法裁冗官等事未報卒年五十三

張仲儀字伯威絳州人以大官薦由絳學正累遷杭州路總  
管府判官上下稱能吏海甯潮溢沒民田盧仲儀禱于海神  
水隨退遷江西行中書省左右司都使歲饑民將為變仲儀  
單騎出撫之民咸泣散去言于省臣發粟振濟陞撫州路總  
管卒年六十九

山西通志卷一百二十七 鄉賢錄十三

劉慶河津人從國兵祖征鳳翔下河中遇里人陷為奴者贖  
之並釋所俘軍民因董正鄉甯營屯兼領縣事歷七載民稱  
便改河津丞遷知吉州時徵發紛繁不忍民受其累有惠政  
以起瘡痍從軍臨民歷四十年才猷卓著以上絳州  
賀仁傑永和入貢子少入宿衛世祖召之出白金曰此汝父  
六盤所獻者聞汝母來可持歸養母辭不許乃歸白母盡散  
之宗族會上都留守關上顧仁傑曰無以易卿盧世榮僧格  
秉政不肯為之下僧格欲陰中之累數十奏上不聽大德九  
年請老歸卒仁傑妻劉氏早歿上欲為娶貴族固辭乃娶民  
間女已而喪明夫妻相敬如賓

賀勝字正卿小字伯顏仁傑子能日馳千里年十六入宿衛  
擬重寡言大臣有密奏獨留勝許聽之出則參乘與入則侍  
幃幄非休沐不得至家時四方以遠聞者上亟欲賜報凡使  
事輒見遣受命無留行復命無後期遠至六詔交廣西域之



屬無不至計所歷無慮數十萬里上親征乃顯勝直武帳營  
傳密旨飭諸將還侍側飛矢交帳前獨立不動及還郡勝參  
乘伶人蒙采罷作獅子舞迎駕象驚奔逸不可制勝投身  
當象前令後至者斷鞞縱象乘輿乃安上親撫其創遣尙醫  
尙食視護已拜集賢學士僧格敗上問誰可相者勝曰天下  
公論皆屬完澤遂相完澤而以勝參知政事大德九年代父  
仁傑爲上都留守兼開平府尹既至通商賈謹出納權貴子  
弟暴橫者悉繩以法至大三年進中書左丞相行留守如故  
歲饑輒發廩振民仍自劾待罪上報曰祖宗以上都之民付  
卿父子欲安之也卿能如此朕復何憂民德之爲立祠西門  
外上復命工爲其像以賜俸傳示子孫尋以足疾請老不許  
曰卿臥理足矣賜小車出入禁闕初開平人張弼家富奴索

山西通志卷一百二十七 鄉賢錄十二

錢民家毆負錢者至死治獄者教奴引弼子丞相特穆德爾  
受其賄六萬緡屬勝出奴勝不從丞相坐都堂召留守將罪  
之勝昌言大奴所干非法不敢從他實無罪御史中丞楊多  
爾濟本作梁兒只平章蕭拜珠使御史徐元素按弼子賄得實入  
奏詔連問及特穆德爾復相即繫多爾濟拜珠戮於市且誣  
勝乘賜車迎詔大不敬并殺之泰定初詔雪其冤追封秦國  
公諡惠愍子太平

賀太平本名惟一字允中勝子勝免雪襲虎賁親軍都指揮  
使元統初累遷御史中丞御史劾中書參議佛家閭時宰庇  
之惟一辭疾去至正二年詔起中書參知政事辭進右丞又  
辭會佛家閭黜乃起就職請均給宗室諸王歲賜選臺閣名  
臣充守令覈其治行時票貴而金銀賤請委官收市所得不

貨後兵興卒獲其口六年拜御史大夫故事臺端非國姓不  
授特賜蒙古氏更口太平七年遷中書平章政事國王多爾  
濟居政府復薦爲左丞相請勸僧道有妻子者爲民給枝官  
俸賜經筵官坐選清望官專典陳言立行都水監治黃河舉  
隱士董立張樞李孝光等太平雅好訪人材南北士必錄於  
冊至是多進用之初故相托克托出居西甯州力請令歸葬  
父曰托克托大義滅親今父沒而不克奔訃爲善者懼矣托  
克托還因讒間成隙斥中書參政孔思立等胥太平所拔用  
者也九年罷太平爲翰林學士承旨御史劾其過并論其  
子額森胡土克圖太平曰吾無罪但當聽命於天遂歸杜門  
謝客以書史自適家居六年起爲淮南行省左丞相兼知行  
院事總制諸軍駐濟甯命有司給牛具種麥自濟甯達海州

山西通志卷一百二十七 鄉賢錄十二

兵賴以濟尋調遼陽行省糴粟以給都城處置有法十七年  
復召拜中書左丞相而右丞相虛位元漢人任首輔者獨太  
平而已略柳林或勸遷都太平持不可徵同知樞密院劉哈  
刺布哈於彰德引兵擊敗賊又訪求死節士雖布衣亦加贈  
諡有官者就官其子孫人尤感動右丞相撝思監家人造僞  
鈔力解之曰安有堂堂宰相而爲此者會奇后希子早臨政  
遣宦者朴布哈諭意太平不答已又召至宮舉酒申前意復  
依違以出而后黨御史遷他官疑額森胡土克圖泄其事去  
太平意益決御史賈珠僧格實理乃先劾左丞成遵參政趙  
中以二人太平黨也太平知勢不可留數辭位二十年拜太  
保俸養疾於家會陽翟王阿魯威特穆爾亂起爲上都留守  
太平毅然往額森胡土克圖故將托懽引兵縛陽翟王太平



生致闕下終不爲已功尋拜太傅賜歸時伯撒里命爲右丞相辭曰若必命臣非得太平同事不可密旨令母行太平至沙井少留御史大夫布哈劾之詔拘宣命及賜物搦思監更誣奏之安置吐番尋遣使至東勝逼令自殺

額森胡土克圖名均字公秉太平子少好學舉通翰林侍讀學士太平爲相務廣延才彥而額森以丞相子又傾已下士以故名稱籍甚已而被劾罷從父還及父再相授知樞密院事至正十九年命往討開平盜太平以其年少數請改命不允至則遣將復懿州省治盜東奔尋罷爲上都留守搦思監誣老的沙額森及托懽等不軌執托懽鍛鍊額森當貶撤思加之地留居采思麻被杖卒

山西通志卷一百二十七 鄉賢錄十二

王克敬字叔能大甯人幼奇穎大甯在晉西鄙習尚少文克敬獨孜孜爲儒者事初仕江浙左右司都事監倭互市悉屏兵衛撫以恩信番帖然無敢譁郡陽總管王都中出粟振饑行省欲罪之克敬曰饑距此千里比待命民且死彼爲仁而吾屬顧不仁邪遂得免延祐中拜監察御史監吏部選有履歷當升而過輕者卒升之治書侍御史張伯高曰監選以減駁爲能今王御史務崇寬厚可爲世道賀矣會議中書堂首言江南包銀民貧不能輸者有司責之役戶當罷兩浙煎鹽戶役重當免其它役從之泰定初出爲紹興路總管抽分海船拗番者例籍其貨克敬曰某貨出某國地有遠近貨有輕重肩重險出萬死舍近而趨遠棄重而取輕豈人情邪遂罷籍轉兩浙鹽運使令私鹽毋得連逮婦人著爲令俄調海道漕運都萬戶天歷之變直沽漕舟多復漕而南行省欲坐

罪克敬謂蹈萬死完所漕而還非得已乃請令附次年漕舟達京擢參議中書省事除南臺治書侍御史以正綱紀爲已任不阿宗戚聲譽益著元統初出爲江浙參政松江大姓歲漕米萬石入京後子孫貧有司仍雜置民賦克敬曰匹夫妄獻米微名爵今身死家破豈可使一郡均其害奏免之尋請老謂人曰穴趾而峻墉必危再實之木必傷其根無功德而忝富貴何以異此又曰世俗喜言勿認真此非名言臨事不認真豈盡忠之道故歷官政績可紀時稱名卿雅喜誦讀有得輒手鈔爲書著有詩文奏議卒封梁郡公諡文肅

山西通志卷一百二十七 鄉賢錄十二

程思廉字介甫家東勝州父恒沿邊監糧規運使思廉用薦給事東宮授樞密院監印使任襄樊轉餉築城置倉轉輸者多與民爭門不時至令行旅異路粟至多露積一夕大雨思廉安臥不起省中召詰答曰此去敵近中夜騷動眾必驚或致他變縱有漂濕不過軍中一日樞耳聞者趨之至元十二年入爲監察御史以劾阿哈瑪繫獄居之泰然累遷河南道副使聞兩河饑而急徵租欲緩之有司謂法當上請思廉曰必待請民且不堪命矣即移文罷徵後果得請旣而流民數萬渡河求食朝廷遣使禁勿渡思廉慮其生變曰民急就食豈得已哉天下一家河南河北皆吾民也悉縱之往且曰雖得罪無憾章上亦不之罪衛輝懷孟大水及城不沒者數版思廉即修隄防露宿督役水不爲患衛人德之以憂去初立雲南行臺起爲御史中丞渠長來賀意甚倨思廉宣上威德使毋自外聞者懾服雲南舊有學校力爲振起始有從學問禮者成宗初除河東山西廉訪使初下車請減太原餉諸王



駝馬數雖踴嫌怨不顧也卒得從減免諸弊民甚賴焉平陽諸郡歲轉粟北方勞費數倍請改輸河東近倉舊法決事有議劾權歸曹吏思廉自判牘尾某當某罪吏皆束手累任風憲言事剴切如請早建儲貳訪求賢俊辨車服議封諡養軍力定律令皆急務也而又見義勇為剔弊除蠹不少回護與人交有終始疾病死喪往返數百里為之經紀好薦達人或以為好名思廉曰若避好名之嫌人不復敢為善矣卒諡敬肅

趙世延字子敬本雍古氏居雲中北邊祖按竺邈從太祖征伐歷功為征行大元帥鎮蜀因家成都父黑梓襲兼文州吐番萬戶府達嚕噶齊世延幼喜讀書弱冠世祖召見俾習官政至元二十六年擢監察御史劾丞相僧格不法中丞趙國

山西通志卷一百二十七 卿賢錄十二

輔抑不上除南臺都事成宗時歷安西路總管前官壅滯三千牘至不三月剖決殆盡武宗初改四川廉訪使時蒙古軍士科差繁重而番戍往來多害人軍官或抑良為奴世延皆除其弊又修都江堰遷西臺侍御史左丞劉深往討八百媳婦敗誅右丞阿忽台當繼行世延言蠻方惟事羈縻藉使盡得其地何補於國兵宜止弗用章再上事卒罷延祐初拜參知政事署仍居右居中書二十月遷御史中丞命平章以下送之入臺特穆伊德爾思之用皇太后旨出為雲南右丞帝命仍為中丞世延劾特穆德爾罪惡十有三事乞補外授四川行省平章即重慶路立屯田得江津巴縣開田七百八十頃摘軍千二百人墾之歲得粟萬餘石英宗初持穆伊德爾復相下之獄世延不為動左丞相拜珠屢言世延亡辜得出

待穆伊德爾怒曰此左丞相周上也帝曰此朕意耳泰定四年復召為中書右丞詔以誣構狀示天下天歷初遷御史中丞用中丞崔或故事加平章政事許乘小車入內尋以平章政事兼翰林學士承旨李章開大學士命修經世大典加封魯國公移疾歸屢徵不起後至元二年卒年七十七諡文忠世延歷事七朝敷歷省臺五十年為文章波瀾浩瀚一根性理嘗較定律令彙次風憲宏綱行世

謝睦歡豐州豐縣人從太祖攻西京力戰先登連中三矢仆城下太宗見而憐之命軍校拔其矢縛牛剖其腸裹而納諸腹中良久乃甦誓以死報每遇敵必身先之官至太原路金銀鐵冶達嚕噶齊

謝仲溫睦歡子也豐頤廣頰聲皆洪亮略涉書史見世祖於

山西通志卷一百二十七 卿賢錄十二

野狐嶺命備宿衛城上都以工部提領董其役大軍伐宋圍郭令督將守江時軍士乏食仲溫教之督魚人賴以飽中統元年擢平陽太原兩路宣撫使二年改西京至元九年遷順德路總管時方用兵有鬻子以償轉輸之值者仲溫出俸金贖還之十六年為湖南宣慰使二十二年改淮東歲旱仲溫導白水塘溉田公私賴焉大德六年卒年八十七子蘭江州達嚕噶齊孫李完承事即冀甯等路管民提司達嚕噶齊馬祖常字伯庸世為雍古部居靖州之天山先世事金為馬步軍指揮使子孫因以馬為氏會祖月合乃憲宗命協理斷事官事奏免儒人丁立常平倉多所建白從世祖南征掌饋餉卒謚忠懿父潤同知漳州路總管府徙家光州祖常七歲知學得錢即市書十歲見燭欬燒屋解衣沃水以滅火叔嗟



異之既長從蜀儒張頴講道儀真疑義類甚器之延祐初鄉會試皆舉首廷試第二授應奉翰林文字擢監察御史上書請御正衙立朝儀使因建白一十五事英宗為皇太子又請慎簡師傅時特穆伊德爾為丞相盜觀國史率同官達爾瑪劾其十大罪仁宗震怒命解相位秦州山移言山本不動之物今而動焉由在野有當用不用之賢在官有當言不言之佞故有是異疏入大臣皆家居待罪亡何特穆伊德爾復相左遷開平尹欲陰中之乃退居光州久之特穆伊德爾死除翰林待制累遷禮部尚書兩知貢舉一為讀卷官尋參議中書省事天歷中除南臺中丞元統初召議新政賜鈔萬貫遂拜御史中丞持憲益存大體西臺劾其僚禁酷時有酒客以苛細不問嘗言將家子弟多驕脆有辜任使而庶民有挽

山西通志卷一百二十七 鄉賢錄十三

強張老死草野者當建武科儲材以備非常之用格不行尋轉樞密副使辭疾歸起行臺中丞皆不起卒年六十封魏郡公謚文貞嘗預修英宗實錄皇圖大訓承華事畧又編集列后金鑑千秋記畧風憲宏綱以進受賜優渥文宗嘗駐蹕龍虎臺應制賦詩尤被嘆賞謂中原碩儒云以上歸後道

右元九十一人

山西通志卷一百二十七

鄉賢錄十三 錄二之十三 山西通志弟百二十八

賜進士出身頭品頂戴兵部侍郎兼都察院右副御史巡撫山西提督軍務臣張勳奉旨監修

明 洪武至天順

郝鵬徐溝人洪武十八年以歲貢入太學授戶部檢校歷郎中清湖廣參政入為戶部右侍郎晉南京戶部尚書性儉朴官卿貳猶大布衣所居廳事即前為諸生時所處也恭謹自飭言動不苟中外皆有能聲當世羣以公輔推之仇敬曲沃人元季同郝修已隱紫金山潛修砥厲洪武三年鄉試第一登進士授綬德知州政通民和百務具舉升鞏昌知府建學校振士風歷有成勅丁外艱卒於蒿次子基以布衣薦舉官高麗平泉知縣

山西通志卷一百二十八 鄉賢錄十三

郝修己曲沃人洪武九年舉明經任戶科給事中改朝城縣知縣操持清介致政歸朝廷嘉其廉謹擢刑部郎中賜紫金山一區今名郝家山子孫世居焉劉平翼城人洪武間由薦舉任江西宜黃知縣負擔至任廉介有政聲職滿歸邑人爭送之平曰昔負擔來今負擔去宜也何用送為永樂間起辟不就卒子元貞居喪哀毀踰禮廬墓三年詔旌其門

袁泰萬泉人洪武辛亥進士授湖廣鄱縣訓導升鉛山縣丞清慎愛民邑賴以安又崇文術興學校後改丞羅山益善政聲十八年升試都察院右僉都御史明年轉左二十三年升左副都御史泰為人才辯明於法律有能名以鞠王爵獄頗煥鍊為御史夏長文所劾上以老特宥之二十四年升右都



御史尋掌院事奉命同六部翰林院參看歷代禮制更定衣冠服食器用制度次年以憂去官卒於家泰處心廉慎執法不移理枉伸冤祛除民害當太祖開國初用重典繩臣下泰據理法爭甚力多所保全及卒太祖悼之遣使致祭

趙肅字玉鉉蒲州人洪武庚午舉人授汧陽訓導汧陽故隴西地俗多獷悍諸生率孤矢自雄肅至嚴為科條以身表率踰年士風丕變秩滿調三河丁內外艱補滑縣所至皆飭教法如汧陽時正統元年致仕歸卒年八十一薛文清公為之誌又漢中同知王聚淮安同知李威白水丞謝伯榮上林錄事賈教俱賢而壽至正統間始歿當時以生同時壯同仕老同歸砥礪名節保全終始稱為河東五老監察御史謝瑠有五老傳謂中條有五老峰實鍾生賢詰云

山西通志卷一百二十八 鄉賢錄十三

任毅長子人洪武二十七年以貢署蘇州知府歷重慶開封二府入為工部左侍郎謫本部主事遷員外郎中致仕歸毅風姿俊偉學問贍博三守大郡俱著偉績及入為卿貳聲望益峻降謫後日夜勤其職告歸優游林泉識者尤推服焉李遠屯留人以貢士歷仕福建道監察御史秉公執法人不敢干以私軍民畏服時有鐵面御史之稱

杜敷字致道壺關人舉元鄉試第一除高平教諭遷臺州學正歸家教授通易詩書三經自號拙菴老人洪武十三年罷中書省其職掌於六部十四年詔舉賢才戶部尚書范敏舉敷及杜佑等召至告之太廟以為四輔官敷主夏官攝秋冬官兼太子賓客位公侯伯都督之次屢賜教諭隆以坐論之禮命協贊政事均調四時又賜教嘉勉敷薦宋訥任國子助

教訥後卒為名臣敷致仕歸卒著有四輔集行世

暴昭潞州人舊志作澤州人洪武中由國子生授大理寺司務三十年擢刑部右侍郎明年遷左都御史尋改刑部尚書耿介有峻節布衣麻屨以清儉知名建文初充北平採訪使具得燕邸不法狀密以聞請預為備燕兵起設北平布政司於正定昭以尚書掌司事與鐵鉉輩悉心經畫諸軍敗召歸金川門陷出亡被執不屈磔死

國朝賜諡忠烈

葉恕長子人洪武七年以才猷學術應辟召累官吏部尚書恕幼負異質有學識當元季閉戶深居常有澄清志晉掌銓衡甄拔士類拯濟時艱海內翕然以公輔推之後徙居會甯通顯累世

山西通志卷一百二十八 鄉賢錄十三

連楹字子聰襄垣人肇孫幼孤性極孝奉母訓讀書山中日炊米一勺刻厲進修舉洪武甲子鄉試授翰林檢討轉春坊改御史糾彈無所避因專其任歷六七考不調靖難兵起與同列姚鏞相誓糾察大小臣工有懷二心者露章彈之及金川門不守猶以大義抗諫遂就死當時死節諸臣多遭夷族其親族皆變姓名隱匿去逮禁弛稍稍復業歛衣冠而葬之國朝賜諡忠烈

辛彥博汾州人初名彥德洪武中貢入太學為高皇帝所知賜今名蓋以潞公相期也旋授監察御史秩滿遷授浙江按察司使以註誤左遷尋擢都察院右僉都御史改詹事府詹事上書忤旨又以保舉違例再調繼仍遷浙江按察司使永樂初以擅責指揮陳仲禮謫戍興州未幾召還復除監察御



史補福建布政司參議伴送瓜哇使臣赴行在帝願謂廷臣曰是老實先帝所嘗器重者特授浙江左布政使賜鈔五十錠彥博叩頭謝因乞省墳墓得旨馳驛歸後卒於任所彥博居官四十年持守清正不營田宅及喪歸子孫貧甚鄉人言爲官清苦者必以彥博稱首云

張僕平遙人洪武丙子舉人性端嚴言動不苟初授磁州判官以廉能著入爲左春坊司直郎侍皇太子讀書朝夕勸導以聲色寶玩最易喪志出入起居防範尤密上聞賜荆杖勞之未幾謝事去後屢行徵辟卒不起

王仲達澤州人洪武二年以孝廉舉知中江事秩滿乞還養親承樂初復去入仕堅志乞養如初上賜敕獎論給鈔錠以歸

山西通志卷一百二十八 鄉賢錄十三 四

茹太素澤州人洪武三年鄉舉上書稱旨授監察御史六年擢四川按察使以平允稱七年召爲刑部侍郎上言御史未有定考宜令守院御史一體察核檢覈天下錢糧請增置磨勘司官吏各分爲科省衛會議軍民事請用按察司一員糾正皆從之尋降刑部主事陳時務累萬言上令中書郎王敏誦而聽之中言才能之士數年來幸存者百無一二今所任率迂儒俗士上召太素面詰杖之次夕復令人誦得其可行者四事因令中書定奏對式俾無繁文摘太素疏中可行者下所司上自序其首頒示中外十年遷浙江右參政尋賜侍親十六年召爲刑部試郎中一月遷都察院僉都御史俄降翰林院檢討十八年擢戶部尙書太素抗直不屈屢瀕於罪上時宥之嘗宴便殿賜酒曰金杯同汝飲白刃不相饒太素

叩首續韻曰丹誠圖報國不避聖心焦上爲測然未幾謫御史復坐詹徽事與同官繫足治事後坐法死

張曷澤州人洪武中舉人材累官工部右侍郎建文初議滿更置守臣乃以曷爲北平布政使而以謝貴爲都指揮使並受命密伺察燕事至則王稱疾久不出謀甚秘曷知必爲變乃部署在城七衛及屯田軍士列九門防守建文元年七月六日建燕府官校王偽縛官校置庭中將付使者給曷貴入至端禮門爲伏兵所執曷及貴不屈死後金川門敗族曷家焚殺其近戚程亨等承樂初營夢被髮爲厲出其尸焚之面如生正德中知州馬如驥立祠祀之

國朝賜諡忠烈

楊砥字大用澤州人洪武末由進士授行人司右司副上疏

山西通志卷一百二十八 鄉賢錄十三 五

言楊雄爲莽大夫而董仲舒天人三策及正誼明道之言其翼世教今孔廟從祀有雄無仲舒非是帝從之歷官湖廣布政司參議建文中言帝堯之德始於親九族今宜惇睦諸藩無自翦枝葉不省父喪廬墓成祖初起鴻臚寺卿乞終制服閱擢禮部左侍郎坐巡視河渠降工部主事改禮部歷北京行太僕寺卿兼苑馬寺吳橋至天津等衛大水決隄請開德州東南黃河故道及土河以殺水勢上命工部侍郎蘭芳經理之又請令民五丁養種馬一匹每十匹立羣頭一人五十馬立羣長一人養馬家歲獨租糧之半而薊州以東至山海諸衛水草豐美其屯軍人養馬種馬一匹租亦免其半命軍租盡蠲之餘從其議於是馬大蕃息砥剛介有守尤篤孝母喪哀毀卒



後復應州人洪武丙子舉人授國子監監丞遷翰林院編修仍兼監丞事尋晉國子監司業前後三歷國子正身率物人士翕然宗之

田炯大同人洪武中起家太學生游歷中外勤慎簡約後官吏部左侍郎銓選精當有山巨源遺風

高魏遼州人尚氣節能文章母蕭有痼疾事奉無少懈母卒廬墓三年洪武中旌孝行由太學生試前軍都督府左斷事疏墾河南山東北平荒田又條上抑末技慎選舉惜名器數事上嘉納之尋以決事不稱戍關索嶺特許代役曰以旌孝子建文初歸遼州知州王欽應詔辟魏魏因上書曰賈誼有言欲天下治安莫如眾建諸侯而少其力與裁制諸侯之良策也今盡師其意勿行晁錯削奪之謀而效主父偃推恩之

山西通志卷一百二十八 鄉賢錄十三 六

策命秦晉燕蜀子弟分王於齊充吳楚湘潭齊充吳楚湘潭子弟分王於秦晉燕蜀其餘甯遼谷代慶肅等比類而分王之如此則藩王之權不削而自削矣又臣願益隆親親之禮歲時伏臘使人餽問賢者下詔褒賞之驕逸不法者初犯容之再犯赦之三犯不改則告太廟廢處之豈有不順服哉上領之已而燕兵起從李景隆出師參贊軍務魏復上書言臣願使燕曉以禍福感以親親之誼令休兵歸藩上壯其言許之魏至燕自稱國朝處士高魏再拜上書燕王殿下天子嗣位布維新之政天下愛戴皆曰內有聖明外有藩翰成康之治再見於今矣不謂大王顯與朝廷絕張三軍抗六師臣不知大王意何也今在朝諸臣文者智駭武者奮勇執言仗義以順討逆勝敗之機明於指掌皆云大王藉口誅左班文臣

實則吳王濞故智其心路人所共知魏竊恐奸雄無賴乘隙奮激萬一有失大王得罪名義矣今大王據北平取密雲下永平襲雄縣掩正定雖易若建瓴然自兵興以來業經數月尙不能出藪爾一隅地且大王所統將士不過三十萬以一國有限之眾應天下之師亦易罷矣大王與天子義則君臣親則骨肉尙生離間況三十萬異姓之士能保其同心協力效死於殿下乎魏每念至此未始不爲大王灑泣流涕也願大王信魏言上表謝罪再修親好朝廷鑒大王無他必蒙寬宥太祖在天之靈亦安矣儻執迷不悟舍千乘之尊捐一國之富恃小勝忘大義以寡抗眾爲僥倖不可成之悖事魏誠不知大王稅駕也況大喪未終毒與師旅其與秦伯夷齊求仁讓國之義不大逕庭乎雖大王有肅清朝廷之心天下不

山西通志卷一百二十八 鄉賢錄十三 七

無篡奪嫡統之議即幸而不敗謂大王何如人魏白髮書生蟬蛻微命性不畏死洪武十七年蒙旌孝行魏竊自負既爲孝子當爲忠臣死忠死孝魏自願也如蒙賜死獲見太祖在天之靈魏亦可以無愧矣書數上皆不報已而景隆兵敗魏拔舍南歸至臨邑遇參政鐵鉉相持痛哭奔濟南誓死拒守屢敗燕兵及金川門啟魏自經死驛舍

國朝賜諡忠節

龐清武鄉人洪武乙丑進士任監察御史嘗被召赴稍遲上詰之對曰送父還鄉上使追之至則儲錢數貫蒜一連而已上笑曰汝名清可謂不愧厥名矣御書惟清二字賜之升揚州知府

閻察平定人洪武乙丑進士授禮科給事中改監察御史遇



事敢言然不微許為名高太祖甚器之嘗榜所言事於本州儒學為諸生式出為浙江布政司左參議中使銜命至侍勞浚鑿察曰我朝廷方面官今為中使辱何顏復洩吏民因繫諸獄擊殺之而以其狀上太祖驚曰壯士勉左右勿問尋擢左布政使以議事召還卒於邸賜祭葬有加

王希曾靜樂人洪武丁卯戊辰聯傳進士累官都察院副都御史開國初太祖御臣下頗用重典少愆輒置於法希曾獨以秉直不回始終恩禮不替

劉圓僧定襄人洪武中以學行舉授翰林院洗馬侍皇太子讀書執坐講之禮侃侃數百言不止後以櫻目疾請致仕詔賜金帛歸

齊麟五臺人洪武乙丑進士殿試二甲第一入翰林為編修

山西通志卷一百二十八 鄉賢錄十三

累官禮部右侍郎稱理學名臣

王翰字時舉前夏令仲文子仲文居官以廉稱既致仕貧不能歸遂為縣人翰少孤鬻薪自給適浚儀歸賜寓於夏諸名士從之遊翰時時來竊聽賜門人郭極怪之既知為令子引以見賜遂得受業門下學成後結廬中條山有所得取落葉書之或風起輒飄澗谷中樵蘇者得之按節高歌聲震金石洪武間以經明行修辟為本縣學訓導改平陸還鄂陵教諭所至皆有教法永樂初周王聞其才乞為教授王素驕縱多不法翰數諫不聽因伴狂去久之薦為翰林編修已復以用郵事調廉州教授倭寇數千人破城率諸生巷戰死之翰性好聚書所得俸錢悉捐以市不足綴衣食費足之故所藏經史子集至數千卷山居時有山林樵唱集在鄂陵有敝帚集

在周邸有梁園寓稿子礪字汝用幼嗜學登永樂乙未進士官工部主事遷遠府長史以諫謫蒙陰知縣既歸教授鄉里以老著有荆南詠聽椿吟稿

杜佑安邑人洪武十四年戶部尚書范敏薦之召為四輔官佑主春官兼攝秋冬禮遇與杜敏同後罷去是官遂廢不復設佑嘗三主本省布政司鄉試稱得人

薛賓一名貴夏縣人洪武間貢士累官刑部右侍郎建文嗣位改北平布政司左參政燕邸有異謀同左布政使張昇密以其狀上擬先發制之小吏季有直洩其事燕邸謀益亟而賓固不知也適入見被執賓抗辨不服燕邸以金瓜擊之落其齒遂與昇俱見殺時有李指彈者匿賓幼子為已嗣後邑人郭成官司務許其事因俱罹禍蔓延甚眾

山西通志卷一百二十八 鄉賢錄十三

趙邦字雲翰夏縣人儒祥符洪武中舉鄉試入大學使山東

稱旨賜襲衣楮幣尋授兵部職方司主事圖天下要害扼塞屯戍所宜以進帝以為才遷武庫員外郎建文初遷浙江右參政策捕海寇有功成祖時使交趾卻其餽擢刑部右侍郎改工部再改禮部進尚書賜宴華蓋殿仍撤膳羞遺其母尋命詣北京營仁孝皇后山陵以朝鮮使臣賜賚下獄尋得釋督建隆慶保安永甯諸州縣撫綏新集民安其業遷改兵部尚書母艱起復專理塞外兵事帝北征轉餉有方仁宗初改南京刑部尚書宣德五年致仕正統元年卒年七十三孤性精敏歷事五朝位列卿自奉如寒素然  
蘭芳夏縣人洪武中舉孝廉為刑部員外郎遷郎中永樂中出為吉安知府寬厚廉潔民甚德之吉水民詣闕言縣有銀



礦道官覆視父老遮芳訴曰聞宋季嘗有言此者卒以妄得罪芳詰告者得實具奏同官不肯署名芳請獨任之奏上帝曰吾固知妄也事得寢已坐事謫芳事官從宋禮治會通河復為工部主事十年河決陽武遣芳復按視芳言中鹽隄當暴流之衝請加築塞又言自中梁分導河流使由故道北入海誠萬世利又言新築岸埽止用草索不能堅久宜編木成大困貫椿其中寔以瓦石復以木橫貫椿表率築隄上則殺水固隄之長策也詔悉從之其後築隄者遵用其法以宋禮薦工部右侍郎行太僕卿楊祗乞開德州良店東南黃河故道復命芳往治之所經郡邑有不便民者輒疏以聞仁孝皇后將葬治道路供頓訖卒於官

山西通志卷一百二十八 鄉賢錄十三

縣為治廉平寬簡永樂七年成祖北巡遣御史考覈郡縣還言誠祖治第一賜璽書勞之曰守令承流宣化所以安利元元朕統御天下夙夜求賢共圖治理往往下詢民間皆言苦吏苛急能副朕心者實鮮爾敦厚老成恪共乃職持身勵志一於廉公平賦均徭政清訟簡民心悅戴境內稱安方古良吏亦復何讓特擢爾濟甯知州仍視汶上縣事其益共乃職慎終如始以永嘉譽欽哉并賜內醜一尊織金紗衣一襲鈔千貫誠祖既得旌益勤於治土田增闢戶口繁滋益編戶十四里成祖過汶上欲徙其民數百家於膠州奏免之屢當遷職輒為民奏留閱二十九年竟卒於任士民哀號留葬城南歲時奉祀

高鐸字鳴道絳州人從李彥英遊與陳行義共朝夕學益進

洪武甲子舉鄉試第一登甲戌進士累官刑部侍郎調僉都御史舉師李彥英為平陽絳州訓導友陳行義為蘇穎知州督築留都城開三山街又奏遷金城驛為侯馬驛卒贈尚書田深稷山人洪武甲子舉人拜福建道監察御史風裁凜然廉譽丕著出為長葛知縣不帶威嚴以惠德化民考績改知保定縣萬民赴闕奏留復任九載升許州知州惠愛廉平人歌來暮焉

趙朗垣曲人洪武乙丑進士授浙江道御史摘伏發奸風裁峻厲朝廷重之呼為長御史

石堅絳縣人洪武中以貢生任齊河縣典史擢行人司行人負忠義饒膽略永樂時高麗不庭抗疏請往平之上問計將安出對曰兵難遠度陛下第命臣必有以復陛下上奇其言遂以高麗事付之堅單騎往面其主宣布朝廷威德高麗王笑謂子一人至吾國何敢大言堅曰固知若必殺我但與師來勦若輩不為齋粉乎高麗王拜服卒不煩一兵以片言警屬國使奉正朔還授按察司副使

山西通志卷一百二十八 鄉賢錄十三

周正霍州人洪武間貢任福建道監察御史升貴州按察司僉事察吏精嚴彈舉允當風聲所至莫不震懾在貴州地僻山險人多不馴正隨在訓化俗為丕變焉

陳琦霍州人洪武丁卯舉人授歷城教諭嚴正有師範遷國子監助教再遷和州知州布德教男女異路固空虛遷長史致仕歸享年百有七歲

張旗榆次人永樂時知安邱縣會妖賊唐賽兒等攻安邱旗與縣丞馬擣率民兵八百以死拒戰賊敗復集眾攻城會



青兵至旗出城中兵合擊大敗之卒全安邱事聞擢山東參政

王錫翼城人永樂戊子舉人授鄆縣教諭教條詳盡人文競起擢行在戶科給事中正色立朝累官通政司右通政忠誠廉正為朝廷尊禮事詳名臣錄

仇鎮汾西人永樂丁酉舉人知膠州恭儉和平化民以德州負租鎮奏得免升贛州知府去之日行李蕭然民立祠祀之戴麟字仲仁翼城人永樂庚子舉人授莘縣知縣有惠政考績當遷慨然曰入官以見志耳久僕僕何為遂致仕歸民為立祠

馮受吉州人永樂間舉賢良方正授河南相縣丞陳侍郎某以才政薦于朝擢永興知縣歷秦安醴泉華陰胥有政聲景

泰初卒士民哀思立祠華山之麓

山西通志卷一百二十八 鄉賢錄十三

張福蒲州人永樂庚子舉人授鞏昌府教授淹貫經史勤於訓迪人材多所造就升國學助教後升山東平度知州律已廉介鋤強扶弱稱循吏尋升大名知府卒於官平度民詣闕求立祠報功制定祭儀春秋祀之子侃景泰癸酉舉人授西安同知升鞏昌知府招撫勞來嘉意綏輯歲稅獨稅發賑禱祀祈霖民不為災進階亞中大夫

趙泰字熙和潞城人永樂中由舉人入監歷事都察院授常州府同知有廉惠聲濬孟潰得勝二河作魏村開諸所興築民無言勞者周忱與況鍾議減重糧泰亦檢常州官田租請並減之遷工部郎中命塞東昌決河忱薦為協同都運益勤其職尋卒

李彝渾源人永樂甲午舉人授監察御史以剛直有聲臺中後歷江西按察使治獄明恕遷浙江布政使益厲素節出納錙銖必謹尋卒於官

張羽山陰人永樂庚子舉人授廣西道御史持已嚴正彈劾不避改龍泉縣知縣尋以親老乞休

寇謙應州人永樂中授戶科給事中時相頗專擅方得上寵謙抗章糾之風生朝宇

郭頤應州人永樂中貢生由知縣擢監察御史出按京畿文皇帝北征抗疏力爭後復屢疏言事朝右咸側目遂拂衣歸

孫琦字石亨調四川渠縣有惠政卒於官渠人立祠祀之言事忤石亨調四川渠縣有惠政卒於官渠人立祠祀之

孫琦字叔問孟人永樂甲辰進士試湖廣道御史清理刑獄

山西通志卷一百二十八 鄉賢錄十三

未百日拜交趾道御史出按南甸彈劾百餘人三年代還條奏所見便利事改山東道御史琦剛直敢言然忠厚持大體嘗曰御史雖司糾察若推求細故以枉無辜則亦非朝廷設官本意久之轉江西按察司僉事擢工部右侍郎遷左侍郎改左副都御史奉勅審錄江南舟次河西遘疾有旨歸就醫藥卒賜祭葬如例

耿九疇字禹範平定人僑盧氏永樂末進士宣德六年授禮科給事中議論持大體有清望正統初推擇為兩淮鹽運司同知痛革宿弊條奏便宜五事著為令母喪去場民數千人詣闕乞留起都轉運使廉聲益振婦孺皆知其名以事誣逮得白即留為刑部右侍郎屢辨疑獄無所撓屈禮部侍郎章瑾下獄九疇議貶其官給事中論刑部不公瑾卒如奏巡視



鳳陽奏留英武飛熊請衛軍耕守招來流民七萬戶境內以  
安自九疇去鹽政復弛景泰元年仍命兼理尋勅錄諸府重  
囚平反多釋旋兼撫江北諸府代遷改撫陝西勅都指揮楊  
得青等私役操卒詔按治邊將請增臨洮諸衛戍九疇言邊  
城士卒非乏將帥能嚴紀律賞罰明信則人人自奮不然徒  
冗食耳乃不增戍又言邊將所以禦寇衛民也今使民避寇  
失業安用將帥因禁民入徙有被寇者治守帥罪四年轉右  
副都御史大臣鎮守巡撫皆授都御史自九疇始有旨市羊  
角為燈引宋蘇軾諫買浙燈事乃寢災異求言請延儒碩  
公賞罰擇守令簡將帥優詔報焉天順初議事京師上顧侍  
臣曰九疇廉正人也留為右都御史請繫都察院獄者給米  
乃日給一升遂為令又陳時弊五事皆嘉納之御史張鵬等

山西通志卷一百二十八 鄉賢錄十三

勅石亨曹吉祥亨等謂九疇實使之遂并下獄謫江西右布  
政使尋調四川明年禮部缺尚書李賢曰老成清介無如九  
疇乃召還既至憐其老改南京刑部尚書四年卒謚清惠子  
裕

姜濤字伯源忻州人永樂甲午舉人除嘉興府同知代還督  
工口外補河間府同知未幾守以事罷民爭走闕下祈濤知  
府事遂授知府值外艱民復走闕下祈留任還順天府府尹  
時祀典牲醴諸費悉供自民間濤請出庫錢供役先是濤赴  
京時有王同知者與有隙王死妻子以事械入京師濤聞飲  
食之待有加禮又前督工時有舊官按察者在役亦與隙見  
濤恐懼不敢前濤與執手道殷勤如平生人皆稱其長厚還  
戶部侍郎以疾歸未幾起督漕運倉儲卒於官濤為人清介

雖貴顯家無中人產卒之日不能具棺斂云

楊甯忻州人永樂乙未進士授戶部主事升本部郎中有清  
節及卒止遺銀帶一圍子敦尚氣節正統間進士授雲南道  
御史以直言左遷新都縣有治稱孫玠有孝行

韓士奇繁時人永樂庚子舉人歷陝西分巡關內道天順間  
城首定山等嘯聚圖攻漢中士奇募兵礪器潛伏要地故梳  
洗橋西岸下候賊半渡縱兵擊之賊大潰生擒定山黨屬五  
百餘賊遂平以薦升副使

弋謙代州人永樂九年進士除監察御史出按江西言事忤  
旨貶峽山知縣復坐事免仁宗素知謙骨鯁召為大理少卿  
直陳時政多見納既復言事太激上不憚尚書呂震等因劾  
謙誣罔都御史劉觀令眾御史合糾謙上召楊士奇語以謙

山西通志卷一百二十八 鄉賢錄十三

之逾分士奇曰謙不諳大體有之然心感超擢恩欲圖報耳  
主聖則臣直惟陛下優容之上乃不罪謙然每見謙詞色甚  
厲士奇嘗從容言陛下詔求直言謙言不當觸聖怒外廷悚  
惕以言為戒今四方朝覲之臣皆集闕下見謙如此將謂陛  
下不能容直言矣上惕然曰此固朕不能容亦呂震輩迎合  
以益朕過遂免謙朝參令轉視司事言事者益少上復召士  
奇曰朕怒謙矯激過實耳朝臣果月餘無言爾語諸臣白朕  
心士奇乞親降璽書遂引過諭百官無以謙為戒而復謙朝  
參已而中官採木四川貪橫召謙諭曰爾清鯁為朕往治之  
擢副都御史賜鈔以行遂罷採木之役宣德初為交趾右布  
政使王通乘交趾謙亦論罪正統初釋之土木之變謙布衣  
赴闕下薦通及甯懋阮等十三人皆奇才可用廷臣奏留謙



不報景泰二年復至京疏薦通等于謙奏錄通等命謙代臣  
總軍務不許罷歸卒

張隨字子貞芮城人永樂丁酉解元官戶部主事廉介自持  
甘清苦宣廟徵行幸其第見隨躬親汲水其妻春篋甚嘉歎  
之後以部事坐法上曰此清主事也勿問後改工部辭疾乞  
歸三十餘年清修無異寒士

郭齡夏縣人永樂丁酉舉人授廣安知縣威惠有聲九載升  
重慶知府洞蠻叛逆官軍屢征不下齡毅然請往諭以朝廷  
恩信眾皆帖服留三載臨行饋金萬鎰卻弗受時重慶三年  
不雨齡回任至界即雨穀秀雙歧人心感悅後升參政兩任  
俱有去思碑立祠祀焉

李適宇九達芮城人永樂庚子舉人任順德府通判會亢旱

山西通志卷一百二十八 鄉賢錄三

去冠服跣足徒步禱雨未及歸大雨饒洽秩滿升保定府同  
知能聲益著後乞歸父母尚康壽鄉人榮之

王彬絳縣人永樂丙戌進士任直隸興濟縣知縣時運河衝  
決城郭漂搖久難葺理彬臨河歎曰天欲窮吾民何如獨我  
即投身於河門役挽帶隨之越明日漂尸于縣堂冠帶整齊  
士民哀而立祠歲時祭禱

薛瑄字德溫河津人性穎敏年十二能為詩賦父貞任玉田  
教諭永嘉徐懷玉高密魏希文濟南王素亨海甯李大亨范  
汝舟皆元耆儒僑北土貞竝禮為瑄師由是得聞洛閩之學  
乃盡焚所作詩賦專意講肄後貞改官鄆陵瑄諸生多機  
陋乃命瑄補鄆陵學生永樂十八年遂舉河南鄉試第一明  
年成進士以省親歸居父喪悉遵古禮宣德中服除授御史

三楊欲見之謝不往出監湖廣銀場日探性理諸書學益進  
以繼母憂歸正統初還朝尚書郭瑾舉為山東提學瑄事首  
揭白鹿洞學規開示學者延見諸生親為指授才者樂其寬  
而不才者憚其嚴皆稱薛夫子王振語三楊吾鄉誰可為京  
卿者以瑄對召為大理左少卿三楊欲瑄一往見振伴李賢

語之瑄正色曰拜爵公朝謝恩私室吾不為也其後議事東  
閣公卿見振多趨拜瑄獨屹立振趨揖之瑄亦無加禮自是  
銜直指揮某死妾有色振從子山欲納之妻不肯妾遂許妻  
毒夫下都察院訊已誣服瑄及同官辨其冤三御之都御史

王文承振旨誣瑄故出人罪振復諷言官劾受賄下獄論死  
瑄繫獄讀易自如子三人願一子代死二子充軍不允及當  
行刑振著頭忽泣於幾下問故泣益悲曰聞今日薛夫子將

山西通志卷一百二十八 鄉賢錄三

刑也振大感動會刑科三覆奏兵部侍郎王偉亦申援乃免  
刑久之釋還景帝初用給事中程信薦起大理寺丞額森入  
分守北門有功尋出督貴州軍餉事竣即乞休學士江淵奏

留之景泰二年推南京大理寺卿富豪殺人獄久不決瑄執  
寘之法召改北寺蘇州大饑貧民掠粟火富豪居竄海濱王  
文以閣臣出視坐死者二百餘人瑄力辨其誣文憲曰此老  
倔強猶昔然卒得減死屢疏請老不許英宗復辟用楊善薦

拜禮部右侍郎兼翰林院學士入閣預機務王文子謙下獄  
下羣臣議瑄力言於上獲減一等上數召見瑄所陳皆關君  
德事已見石亨曹吉祥亂政歎曰君子見幾而作不俟終日  
吾可久居此乎疏乞骸骨許歸瑄學一本程朱其修己教人  
以復性為主充養密言動威可為世法嘗曰自考亭以還



斯道已大明無煩著作直須躬行耳有讀書錄二十卷平易簡切皆自言其所得學者宗之天順八年六月得疾賦詩曰矮房紙帳竹屏風睡覺東窗日已紅七十年來無一事此心惟覺性天通危坐正寢而逝年七十有六贈禮部尚書謚文清宏治時給事中張九功請從祀詔祀於鄉已給事中楊廉請頒讀書錄於國學俾六館誦習且請祠名賜名正學隆慶六年詔從祀大成廟庭以上示

周瑄字廷玉陽曲人由宣德乙卯鄉舉入國學正統中除刑部主事善治獄北征當屠從者多託疾瑄請行遂被劾歸擢署郎中校尉有受賊縱盜以警人代者瑄辨雪之抵校尉罪外郡送囚一日至八百人瑄慮其觸熱三日決遣殆盡景泰元年以尚書王直薦超拜刑部右侍郎賑順天河間饑英宗

山西通志卷一百二十八 鄉賢錄十三 十六

復辟命遍歷所部大舉荒政先後賑饑民二十六萬五千給牛種各萬餘奏行利民八事官刑部久屬吏不敢欺而意主寬恕與同官孔文英並稱長者成化改元遷右都御史督理南京糧儲捕懲作奸者數輩宿弊為清言鳳陽徐淮饑發廩四十萬以賑久之遷南京刑部尚書令事不須勸者毋出五日獄無滯囚暑疫悉遣輕繫者曰召汝則至囚歡呼去無失期為尚書九載屢乞休久乃得請家無田園卜居南京卒贈太子少保謚莊懿長子經別有傳次子紘成化進士為南京吏科給事中兩以災異言事並嘉納閱軍為中官蔣琮誣奏貶南京光祿署丞終山東參議  
耿純曲沃人宣德王子舉人授國子監學錄升大名通判以通詩經名有詩對編韻行世子文聰舉人官同知文濟進士

官主事累陞參議  
毛俊太平人宣德間貢士任兵部主事改工部材幹敏捷處煩劇措置有法韓王請廣居第俊奉命至平涼經營相度王與民均得其便又嘗建襄陵樂平二邸費不及者勞不至擾當時尤稱重之

劉昭字克明潞州人宣德丁未進士正統間擢南給事中糾舉秉公不避權要除宦官監收倉糧之害奏嚴皇城門禁以大臣薦知臨洮修學宮闢荒蕪捐俸賑饑平反冤獄臨洮人土作歌頌之

山西通志卷一百二十八 鄉賢錄十三 十九

侯璉字廷玉澤州人慷慨有大志登宣德二年進士授行人烏撒烏蒙爭地詔璉諭解之正其疆里而還副寺郎章使交趾關門卑先驅請假而入璉叱曰此狗寶耳土人由之固當奈何辱天使交人為毀關乃入及歸餽遺無所受御史劉濱醜酒璉劾黜之遷兵部主事正統初從尚書柴車出鐵關禦阿台有功進郎中從王驥征麓川至金齒遣援大侯州賊眾三萬至都督指揮馬讓盧鉞擊走之遂由高麗貢山兼程夜行會大軍歷其巢麓川平以功拜禮部右侍郎出鎮雲南驥再討麓川復以功遷左召還尋調兵部十一年復鎮雲南驥南征思機發璉破之鬼哭山璉書褒賚景帝初命總督貴州軍務討苗韋同烈時副總兵田禮已解新添平越圍璉遂遣兵攻敗都盧水西諸賊水西道始通又調雲南兵由烏撒會師開畢節諸路檄普安土兵援安南衛而自率師攻破紫塘彌勒等十餘寨會賊復圍平越回師擊退之遂分哨七盤坡羊腸河楊老堡解清平圍東至重安江與驥兵會與隆



抵鎮遠進兵部尚書擒改賞僞王王阿同并其黨三十四人  
別賊阿趙掠清平復討擒之水西苗阿忽等六族乞歸化詔  
隨方處置以勞卒時景泰元年八月也賜祭葬蔭其子錦  
衣衛世襲千戶

石瑄字信之應州人數歲知孝友父嘗有疾灼艾於腹瑄亦  
取艾灼其腹曰吾不忍父獨痛苦也父嘗爲瑄置衣瑄曰兄  
長於我請先爲兄製管踰戶限衣絰而止兄戒以緩步瑄跪  
謝父兄皆奇之領宣德己酉鄉試癸丑進士正統初授禮科  
給事中擢金華知府鄰郡盜起出兵擊之民避盜來者千百  
爲羣之食瑄欲開庾以濟上官難之瑄曰彼迫於殍死則亦  
爲盜矣擅開庾與迫民爲盜罪孰重竟開庾以濟蘭谿吏徐  
世揚浦江卒王猛烈皆爲邑害瑄置之法眾爲歌謠頌之母

山西通志卷一百二十八 鄉賢錄十三

憂去都御史軒倪言於朝起原官尋陞福建右布政使入覲  
福州守雷碩疇以金峻卻之上聞其賢以爲南京禮部左侍  
郎未幾召爲禮部尚書靖共於位朝望益孚甫一載而卒年  
六十有四

米璫山陰人宣德乙酉舉人端嚴有操行授慶陽府同知遷  
南京戶部郎中清苦如諸生艱歸鬻產營葬起補永平府知  
府所得俸錢獨賑饑民外悉分給宗族郡大璫曹某數來關  
說面拒之不少徇卒後人相傳爲神云

李素安邑人宣德庚戌進士性剛直累擢通政司通政官官  
馬順侍寵而驕素當御前力斥其奸英廟異之  
史宗禮字文博解州人誠祖孫宣德壬子舉人狄道知縣公  
正廉勤考績升瑞州府通判還本府知府剛介不阿致仕歸

瑞州士人千餘保留於朝年八十七卒

史濡霍州人宣德己酉舉人初任陳留縣教諭擢江西道監  
察御史尋升廬州府知府持身清謹勤政惠民中官王振欲  
其附已啖以美官卒不往見當時人稱不見振者薛瑄與濡  
而已以上宣德年

王永壽字延齡太原人正統間以舉人任饒州府推官擢廣  
西道監察御史嘗從北征凱還受賚巡按山東貴州蘇松等  
處累升工部尚書巡撫湖廣兼督軍務征銅鼓五關等苗有  
功賜從一品俸天順初調南京卒官賜葬祭

古鏞祁縣人正統丙辰進士選翰林院庶吉士授大理寺評  
事出爲山東僉事治河張秋還本省按察使召補大理寺卿  
鏞深經術有幹濟才初官東觀以文章有名後泚泉司晉廷

山西通志卷一百二十八 鄉賢錄十三

尉平反冤獄與治河並爲世稱先是河決時慮且及畿輔鏞  
至卽其形勢而疏鑿之不數月遂就故道今卽其地立祠祀  
焉

王福字崇善清源人幼穎異喜讀書正統戊午舉鄉試第一  
入國學祭酒李時勉深器重之乙丑成進士授監察御史照  
刷陝西三司文券遷順天府府丞轉府尹以幹濟稱值內艱  
遣官諭祭營葬事甫畢卽奪情復任力辭不獲在京兆十餘  
年彈治姦猾嘗自爲贊當世謂爲實錄焉

邢讓字通之襄陵人年十八舉於鄉入監李時勉器之與劉  
珣齊名登正統十三年進士改庶吉士授檢討景泰初李實  
自衛拉還請再遣使迎上皇景帝不許讓上疏曰上皇於陛  
下有君之義有兄之恩陛下安得而不迎及今弗圖賊將假



大義以問我因而入寇臣未知孰為曲直也若從羣臣請仍命實齋勅以往具宜迎復之旨雖上皇還否未可必而陛下思義之篤昭然天下矣苟迎而不許則我得實直於彼以與問罪之師不亦善乎上曲論解之天順末未終父喪起修英宗實錄進修撰成化二年詔遷國子祭酒議慈懿太后祔廟讓率僚屬疏諫兩京國學教官例不得遷擢讓以為言於是

由科目者得銓敘讓在太學以師道自任修辟雍通志督諸生誦小學諸經痛懲謁告時以此見稱而怨謗亦眾名位相軋者多忌之五年推禮部右侍郎七年以在國子監用會儀錢事與後祭酒陳鑑等俱得罪諸生訴闕下請代復詔廷臣雜治卒坐罪贖為民卒

山西通志卷一百二十八 鄉賢錄十三

趙偉字士奇潞州人正統戊午舉人授開封府同知巡撫于謙薦知衛輝府未任歿歸補萊州府同知二年遷青州府知府值旱荒飛蝗蔽天禱於神大雨如注蝗盡民一家三人悉坐死擇其稍輕者活之使得有後拉政八年壇壝廟學以次修舉後以朝會入都疏乞致仕優游里巷中歷十餘年卒子汝璋貢士官教授

王約甯鄉人正統中知定州持己以禮撫民以恩時官軍逐寇糧芻不給約設法厝置事濟而民不擾授浙江鹽運同知原傑字子英陽城人正統十年進士授兩御史尋改北巡按江南捕誅劇盜復按順天諸府天水牧馬多斃傑請免責償而開中鹽引以賑饑為部所格景帝卒從傑議超擢江西按察使劾甯王奠培革其護衛治行聞賜誥旌異遷山東左布政使成化二年就拜右副都御史巡撫其地歲凶賑救民無

流移召為戶部左侍郎軍民墾黃河淤地奸徒多獻王府傑請獻者請戍并罪受獻者從之江西盜起以傑嘗再泣其地得民詔往治捕戮六百餘人餘悉解散改左副都御史還佐院事荆襄流民數十萬朝廷以為憂十二年命傑出撫徧歷山谿宣朝廷德意諸流民願附籍於是大會湖廣河南陝西撫按官籍之得戶十一萬三千有奇口四十三萬八千有奇其無產及梗頑者驅還鄉而附籍者用輕則定賦民大悅因相地勢以襄陽所轄鄖縣居竹房上津商洛諸縣道路四達去襄陽五百餘里山林阻深猝有盜賊府難遙制乃拓其城置鄖陽府以縣附之且置湖廣行都司增兵設戍而析竹山置竹谿析鄖置鄖西析漢中之洵陽置白河與竹山上津房

山西通志卷一百二十八 鄉賢錄十三

咸隸新府又於西安增山陽南陽增南召桐柏汝州增伊陽各隸其舊府制既定薦知鄧州吳遠為鄖陽知府諸縣皆擇鄰境良吏為之流人得所四境乂安將還以地界湖廣河南陝西事無統紀因薦御史吳道宏自代詔即擢道宏大理少卿撫治鄖陽襄陽荊州南陽西安漢中六府鄖陽有撫治大臣自此始傑以功進右都御史請還朝會南兵部缺尚書以傑任之疏辭不許遂卒於南陽年六十一鄖襄民為立祠贈太子太保謚襄敏錄子宗敏國子生

孫逢吉字餘慶渾源州人正統丁卯舉人授延長縣知縣植善鋤強賢聲甲關中擢監察御史巡鹽長蘆監軍榆林所至風紀肅然後復按四川江蠻內訌鎮巡不以聞特疏正其罪救早疫災蜀人有春雨和風之謠遷陝西僉事轉副使備兵固原撫治屬番咸悅服晉右布政使遷左布政使引疾歸



高毅字志宏樂平人正統辛酉舉鄉試第一戊辰成進士選翰林院庶吉士改吏科給事中轉刑科英廟復辟前後數上章言時政遷大理寺丞晉左少卿擢工部右侍郎督理漕運時淮陽亢旱水淺舟膠雖加疏濬卒不得進毅齋沐禱於神其夜潮水大至後陪祀山陵中道避疾既成禮遂不起毅性孝友母晚得痿疾衣服飲食悉手自奉之事兄恭謹如父居官不詭隨處僚友無機心自奉儉約雖履尊顯不改常度卒後賜祭葬如例子鳳進士官兵部郎中孫宇進士官吏部尚書

王正字嗣宗夏縣人翰孫礪子也幼聰穎過人登正統壬戌進士兄弟四人析居凡田廬器用悉推讓之授直隸安肅知縣招集流亡民皆復業安肅大治民設主祀之升大名知府

山西通志卷一百一十八 鄉賢錄十三

治行卓異部院識其名母喪歸民遮道泣送服除改知平涼府不畏權勢時韓王驕縱正每繩以法賊火滿之亂撫按檄督軍餉尋以父喪歸所著有公餘雅興牧民手鏡藏於家甯瑛稷山人正統壬戌進士授禮部主事尋擢湖廣布政司參議升參政時荆襄盜發上命將勦之瑛督餉不乏既平賜衣二襲  
陶銓字文衡絳州人正統乙丑進士授行人奉命至太原會中官王振亦至聲勢煊赫銓不一往謁歷陝西參議和平愷佛士民戴之致仕歸與鄉里耆碩為九老延齡會有盜持炬入室見其所有惟敝衣舊書歎息去有司欲窮治銓曰彼以貧來置吾貧而去奚究焉其溫厚類如此  
史素霍州人正統甲子舉人累官鎮江府知府政尚循良心

存剛介四任大郡一節不移課生徒以育材平賦役以惠下不阿權貴奏復民田善蓄隄防治多美利

孫鏗字振遠東勝州人案當作東勝衛襲濟陽衛指揮同知朱勇薦署指揮使正統末擢指揮僉事充右參將徐恭討葉宗留敗賊金華復破之烏龍嶺景帝初召還起攝都督僉事典三千

額森入進右都督充總兵官統京軍一萬禦紫荊關而寇已入邊營城外寇轉至西城鏗與大戰斬其前鋒數人逐寇北寇益兵圍鏗鏗力戰不解高禮毛福壽來援石亨兵亦至寇乃退副楊洪追之戰涿州深溝頗有斬獲師還仍典營務

景泰初楊洪劾鏗江淵言城下之役惟鏗戰最力乃釋之三年冬充副總兵協郭登鎮大同鏗欲與分軍于百戶宏侮登

上以鏗故賈之召還仍典三千營英宗初以奪門功封懷甯

伯子世秀天順初詔充總兵官帥京軍往甘肅將陞辭宿朝房夜二鼓太監曹吉祥昭武伯曹欽反恭順侯吳瑾趨語鏗

鏗草奏自東長安門隙投入內庭始得集兵擊吉祥守皇城

諸門鏗走邀太平侯張瑾擊賊瑾不敢出倉猝復走宣武街

急遣二子輔軼呼征西將士給之曰刑部囚逸獄獲者重賞

眾稍聚至二千人始語之故時已黎明遂擊欽欽方攻門鏗

兵追擊賊散軼斂中騰軼亦被殺欽竄歸拒鏗力戰至哺

始定論功第一進世侯仍典三千營贈軼百戶世襲憲宗初

坐與牛玉婚聞住尋予半祿已全給之成化七年卒贈涑國

公諡武敏子輔請嗣侯吏部言奪門功例不得世傳上以鏗

捕反者予之傳子至孫應爵正德中總督團營四傳至曾孫

世忠萬曆中鎮守湖廣總督漕運凡二十年又三傳至孫維



甲申三月被殺以上正統年

蘇恭交城人景泰庚午舉人授渭南知縣調新安有爭訟者屢歲不決恭至一訊即服獲盜乃自責曰此吾不能以德化民致然耳他盜聞之多改行為善都御史王恕薦於朝升西安府通判改荊州府卒祀新安名宦

王璟陽曲人景泰癸酉舉人授濟南府同知擢本府知府遷布政司參政轉南京光祿寺卿璟事父母孝所得俸輒推以子昆弟居官所至俱有惠政在南都清望尤著卒贈工部侍郎

申綱陽曲人工詩文景泰癸酉舉人選監察御史有直聲出按河間等處奸貪屏迹歷知松江九江府家無厚產有故屬劉字嘗餽以金峻卻之後字為家宰寓書臺使者月餽錢米

山西通志卷一百一十八 鄉賢錄十三 美

亦卻不受

王鑑太原人景泰甲戌進士授御史嘗於左順門面斥中官非禮中官怒甚屬都御蕭維楨因考察去之維楨不從天順時彗星見鑑與同官十三人將劾石亨曹吉祥給事中王鉉洩於亨亨先與吉祥泣訴上前言鑑等結黨排陷明日疏入收疏首張鵬楊瑄悉召諸御史擲彈章俾自讀訖下獄撈掠道戍會風雷雹災甚乃止貶鑑膚施知縣有善政憲宗初所司以治行聞擢延安知府陝西守臣亦上鑑膚施政績特賜救褒之

因禮曲沃人景泰庚午舉人授武功訓導歷清澗禹城松江教諭純篤不阿居官有師範在武功時康海亟稱之在禹城與御史白行中善白欲囑當道尊禮之禮卒不許曰若何愛

我而點我乎在松江名士如錢福輩皆稱弟子錢溥贊詞有日持三十年之教鐸布四學校之陽春子綱字叔大成化丁酉舉人官滄州知州廉潔無欲時衣布衣後卒貧不能歸大吏經紀其喪民爭欲錢賻之祀滄州名宦

衛英字時獻號箕峰洪洞人開州判官政子也景泰癸酉舉人歷鳳翔正定府通判濟南府同知遷開封府知府請告歸歸四年晉階亞中大夫致仕英少從劉編修授尚書有文名事親孝父母沒廬於墓上年四十喪偶不再娶在鳳翔定饑運均輸法在正定郡人尚書白聲勢赫奕英不往在濟南給軍士饒餘羨七千兩悉歸之官民有田在白雲湖宗室奏奪之英力持不與在開封地瀕大河苦奔潰築隄障之郡人恃以無恐又以徭役法未得其平悉心經畫為條其便宜英家居時有宅一區田三十畝宦官數十年未嘗稍有增益中丞張公疏稱廉如趙抃而少琴鶴明如包拯而多仁慈當時以為實錄

山西通志卷一百一十八 鄉賢錄十三 老

衛述蒲州人少從薛文清學以躬行為本景泰庚午舉於鄉授武定州知州剛直清敏及拊循小弱倍極仁慈調莒州毀淫祠興學校修廢舉墜位任十年代去民咸思之

孟琳蒲州人景泰庚午舉人聰穎厚重從薛文清學得其正傳會試時石亨託鄉誼相延不往除知邳州升淮安同知涖事精敏綽有政聲子汝濬歷官知府汝濬通判希孔進士扶風知縣皆以清節著

劉潔字清之襄垣人舉人端子景泰庚午舉人任廣東道監察御史數上書言事從征荆襄開運籌決勝功最著遷浙江



副使老成持重洞達機宜雪獄救荒清鹽理漕悉井井有條  
理尋卒於官以孫龍貴贈南京吏部尚書所著有一菴集子  
鳳儀進士鳳鳴舉人孫龍夔進士

阮勤字必成長子人父河自交趾歸附調長子典史因占籍  
焉勤清慎自好登景泰甲戌進士授大理寺左評事轉右遷  
寺副出知台州府建鄉賢祠修上蔡書院在台九年遷山東  
參政民立祠祀之歷山左右布政使擢右副都御史巡撫陝  
西召爲刑部右侍郎轉左未幾調南京屢以老疾乞休未允  
考滿晉正二品復乞歸晉階致仕尋有詔起用卒不赴勤敷  
歷中外二十餘年剛毅方正始終如一解組後十年卒賜祭  
葬如例

龐輔甯鄉縣人景泰丙子舉人知涇陽縣尋改三原有異政

山西通志卷一百二十八 鄉賢錄十三 天

擢知階州持躬清約致仕歸鄉黨重之祀三原名宦

耿裕字好問平定人尚書九疇子也景泰五年進士授庶吉  
士改戶科給事中轉工科天順初九疇坐劾石亨貶裕亦請  
泗州判官後補定州成化初召復檢討進修撰歷國子司業  
祭酒侯伯幼者肄業監中裕采古諸侯貴戚言行爲書授之  
上聞而稱善歷吏部左右侍郎代伊曼爲尚書大學士萬安  
與裕不協而李孜省私其同鄉李裕欲使代裕相與謀中之  
坐以事奪俸裕入謝上怒其不申謝孜省等因傾之遂調南  
京禮部孝宗初轉南京兵部參贊機務尋拜禮部尚書先後  
陳言甚多大指歸於節儉給事中鄭宗仁疏節光祿供應裕  
請納其奏巡視光祿御史田齋請借太倉銀償行戶裕言疑  
有侵盜弊請勅禁防從之南京守備中官請增奉先殿品物

裕不可番僧多潛匿京師裕力請驅斥乃留百八十二人餘  
悉逐之撤馬兒罕及土魯番皆貢獅子甘肅鎮守太監傅德  
圖形以進巡按陳瑤請卻之裕乞從瑤請而治德違詔罪不  
從後番使頗有宣召裕言番人僭稱可汗興兵犯順陛下優  
假其使適遇偏強之時彼將謂天朝畏之益長桀驁且番人  
狡黠不宜令出入內廷獅子野獸無足珍異卽遣其使還尋  
代王恕爲吏部尚書加太子太保御用監匠李綸等以內降  
得官裕疏言故事文官不由推舉傳乞除授者參送法司按  
治綸不可除用不聽裕領銓政稱平允兩世貴盛而家業蕭  
然父子並以名德稱卒年六十七贈太保諡文恪

白侃平定人景泰甲戌進士授浙江道監察御史條陳六事  
憲宗深用采納南京給事中王徽抗疏忤旨侃率同列論救  
巡光祿太倉居庸等處所至有水堯聲按廣東瓊珠池困升

陝西副使卒於官

延定之平定人景泰癸酉舉人成化間知陝西甯州以幹濟

稱濬修城池屹爲保障邊民賴之遷山東曹州知府

趙文博代州人景泰甲戌進士授御史天順時同張鵬楊瑄

等劾石亨曹吉祥下獄擬遣戍尋貶淳化知縣有善政憲宗

初擢衛輝知府特賜封誥累遷右副都御史巡撫河南卒

韓文芮城人景泰庚午舉人知新樂縣七年政簡刑清修學

除蝗賜勅旌獎升定州知州爲民興利除害政有五端四異

士民繪圖頌之擢正定府知府

普暉垣曲人景泰癸酉舉人授白河知縣政聲卓異除虎害

民立生祠陞監察御史執法劾奸擢山東按察僉事大臣迭



薦有經濟才將大用尋卒時論惜之

裴泰靈石人景泰丙子舉人授博野知縣行政一本慈愍歲凶諭富民平糶全活者眾修城濬濠民樂趨事升定州知州值王師西征倉卒經理悉有條貫嚴緝盜賊四方甯謐時大同缺饒部檄令定民京倉空運即上議紫荊關直抵大同較京師轉運為便請借州倉如數轉運而以未領京儲準本年秋糧之數免其徵納官民兩便當道題其議在博野請祀二程在定州改正韓魏公祠其雅重文教類如此入定州名宦以上景泰年

任義字時中榆次人博通經史尤精于易天順己卯舉人任南陽同知刻剔蠹政殆盡上清軍便宜五事著兵部條例汝鄧饑發粟以賑民至如歸以不附權貴歸講學授徒自號五

雲人稱五雲先生

郝毅榆次人天順己卯舉人授鞏昌府通判剖斷如流勸勵學校以剛正忤時歸屏居別墅五十年不涉城市躬課耕桑自給年逾九十卒

周經字伯常陽曲人瑄子天順四年進士改庶吉士授檢討成化中歷侍讀中允侍東宮講文華大訓太子起立拱聽閣臣議請坐經與諸講官皆不可乃已孝宗立進太常少卿兼侍讀宏治二年擢禮部右侍郎中官請修黃村尼寺奉祀穆太后吐魯番貢獅子不由甘肅假道滿刺加經倡僚長毀其寺卻貢不與通謂吏部左侍郎通政經歷沈祿張后姑增也中官傳旨擢本司參議經言非面承旨又無御札不敢奉詔朝論避馬靈壽奸民獻地於中官李廣經倡九卿疏爭卒

山西通志卷一百二十八 鄉賢錄十三

三

山西通志卷一百二十八 鄉賢錄十三

三

罪獻地者嘗上言外戚家無功求遷無勞乞賞兼齋醮遊宴濫費無紀致帑藏殫虛宜大為樽節又言近例預備倉積粟多者守令不次遷官遂致制下干進請如洪武開例悉出官帑平糶考績勿專以積粟為能至清軍之弊宜考故册洗奸弊更宜停免薪炭及顏料雜辦此救民急務也上採納之八年災異陳時政奏草中言斥戲樂上密令中官廉草奏者尚書耿裕曰疏首吏部裕實具草經曰疏草出經手即有罪罪經世兩賢之九年代葉洪為戶部尚書寬逋緩征裁節冗濫四方告災必覆奏蠲除每委官監稅課入多者與下考奉御趙瑄獻雄縣地為東官莊經劾瑄違制下獄且曰太祖太宗定制開田任民開墾若因奸人言而籍之是土田予奪盡出奸人口小民無以為生矣卒予民中官何鼎劾外戚張鶴齡下獄經疏救之忤旨切責雍王祐檄乞衡州稅課司及衡陽縣河泊所經言不可許納之織造中官請給兩浙鹽課二萬引經言鹽筴佐邊不宜濫給且祖宗朝織染諸局供御有常數不從經恐歲以為常再疏請斷其後乃命歲于五千引倉場監督多增遺內官經力爭詔止設總督二人京通監督三人內靈臺請撥錦衣餘丁百人經曰祖宗設內臺其地至密今一旦增百人將來必有漏洩妄言者上悟立已之崇王兒澤乞河南退灘地二十餘里經言不宜予與王祐杭乞近湖地千三百餘頃經三疏爭之竟不許時賜壽甯侯張鶴齡書甯諸縣地四百餘頃其家人因侵民地三倍鶴齡又奏莊田加徵銀二分經抗章執奏給事中魯昂請盡括稅役金錢輸太倉經曰不節織造賞資齋醮土木之費乃欲括天下財給



事言非是內官傳旨索錢費二萬兩持不與經剛介方止好  
疆諫雖重忤旨不恤宦官貴戚皆憚而疾之會皇變自陳乞  
休命賜勅馳驛歸加太子太保廷臣爭乞留中外論薦至八  
十餘疏武宗初旨官復薦召為南京戶部尚書遺繼母憂三  
年召為禮部尚書固辭不許遣官即其家起之至郊外復以  
疾辭上遣使慰問資玉帶強起受事數日謝病去五年卒年  
七十一贈太保諡文端子會進士浙江右參政  
廉政字養民潞州人天順己卯舉人任安邱知縣仁惠著聲  
調澠池值歲祲餓殍枕藉悉心拯救復以狀聞得蠲郵全活  
萬計時司馬徐戚屬官洛陽貧瘡大著監司屬政按訊遂律  
其罪或危之日吾甯坐免殃民蠹政所不敢為竟以獲罪歸  
民咸思之

山西通志卷一百二十八 鄉賢錄十三

武賢字尚德孝義人貢生有孝行生能盡事沒能盡思天順  
間知元氏縣政務簡靖有訟者反覆以理喻之不加刑民競  
勸以訟為戒國扉有宿草焉改知興平縣亦如元氏去任之  
日老弱扳轅泣送

楊繼宗字承芳陽城人天順初進士授刑部主事因遇疫時  
其食飲令三日一櫛浴全活甚眾河間民張文郭禮送盜逸  
文桎梏代盜繼宗辨出之成化初用王朝薦擢嘉興府知府  
以一僕自隨暑齋蕭然人莫敢犯而時問疾苦祛除之併夏  
稅徵於秋糧里役侵漁弊遂絕大興社學子弟八歲不就學  
者罰父兄遇學官以賓禮文教大興御史孔儒清軍里老多  
捷死繼宗榜曰御史杖人至死者詣府報名因入見曰為治  
有體公但別奸弊勸懲官吏若比戶稽核則有司非憲體也

倚瀕行突入署發篋視之敝衣數襲而已僑慙而去中官過  
遺以菱芡歷書中官索錢即發棧取庫金曰金具在與我印  
券中官咋舌不敢受入覲汪直欲見之不可憲宗問直朝覲  
官孰廉直對曰天下不受錢惟楊繼宗一人耳九載秩滿超  
遷浙江按察使數忤中官張慶慶兄司禮敏毀繼宗上曰得  
非不私一錢之楊繼宗乎敏遣書慶曰善遇之上已知其八  
矣聞母喪立出止驛亭盡籍廨中器物付有司惟攜一僕書  
數卷而還服闋以右僉都御史巡撫順天奪還莊田侵民業  
者按行關塞武備大飭星變陳言歷指中官及文武諸臣貪  
殘狀且請召還中官出鎮省治中陳翼許其過權貴因中之  
左遷雲南副使孝宗立遷湖廣按察使命汲水百斛懸廳畢  
而後視事日吾以除穢也無何復以僉都御史巡撫雲南三

山西通志卷一百二十八 鄉賢錄十三

司多舊僚相見歡然既而出位揖之曰明日有公事諸君幸  
相諒遂劾罷不職者八人未幾卒繼宗剛峭而謙厚為知府  
謁上官朝覲謁吏部必衣繡服曰此朝廷法服也按察浙江  
時倉官十餘人坐缺糧繫獄繼宗欲寬之而無由會月俸溢  
原數較他司亦然因悟倉吏缺糧之由將具實以聞眾懼請  
捐俸代償繫者獲釋嘗監鄉試得二卷具朝服再拜曰二子  
當大魁天下吾為朝廷得人賀及拆卷王華李良也人服其  
鑑天啟初謚貞肅

常顯榆杜人弱冠登天順庚辰進士選庶吉士歷任南京戶  
給事中累陞四川巡撫所至皆有惠政嘗具奏請減荒糧正  
德六年祀鄉賢  
喬鳳字廷儀樂平人毅子少穎敏五六歲從父口授尚書終



卷成誦受業於顧孟喬問學不間寒暑景泰七年舉於鄉明年天順改元舉進士方十九歲除武選司主事遷員外郎以母憂去服闋還原官進郎中丁父憂起補職方司鳳揚圖座右觀四方山川城壘遠近夷險歷歷在目凡用將校指授方略悉奏効奉使廣西時邊警頗至風馳冒暑雨不三月還以過勞染疾卒年止四十有三鳳孝友居喪哀毀撫兄營遺孤皆成立和睦姻婭貧乏者時加存恤歲饑出粟賑困子宗尙寶卿字南京禮部尙書並顯於世

鄭冕樂平人舉進士爲御史天順時同張鵬等劾石亨曹吉祥下獄擬遣戍尋貶衡山知縣有善政憲宗初擢衡州知府特賜封誥

山西通志卷一百二十八 鄉賢錄十三

雷澤字時霖定襄人天順甲申進士除刑科給事中抗疏陳戚晚驕恣解廟怒命左右杖之幾斃既甦復申理前說不爲止聞者稱爲鐵漢歷左右都給事中太僕寺少卿值內艱補太僕寺卿遷光祿寺卿澤少遇異人謂之日君事業宏遠第有少厄事急從東南就我可脫也癸未閏中遇火災危甚忽憶前語如其言祝之若有以手攜者遂騰上同舍數人牽其衣皆得免嘗作遇仙傳紀之卒後贈工部右侍郎賜祭葬如例

田益字損之崞縣人性忠孝鯁直不阿勢力由己卯舉人知河南光山縣廉明果斷政稱第一擢監察御史權倖飲跡巡鳳陽政多平反貪污望風解綬升陝西僉事兵備甘州甚有政譽

梁璟字廷美崞縣人天順末進士授兵科給事中成化時

遷都給事中延綬用兵令山西預徵芻粟以供民相率逃太原一縣五日而逃者甚衆璟疏陳其困獲寬減又請順天永平二府分設一巡撫以薊州邊務屬之令巡撫陳濂專撫保定六府兼督紫荊諸關從之遂爲定制已請起致仕尙書王竑李乘而斥都御史王越并及宮闈隱事被杖武靖伯趙輔謀典營府事極論其罪乃罷擢陝西左參政分守岷岷西番入寇斬其魁內艱闋還原任歷左右布政使先後在陝十五年多政績孝宗初遷右副都御史巡撫湖廣宏治二年饑請免徵兩京漕糧八十九萬餘石從之提督五當山中官貢黃精梅笋茶芽諸物武當道士至八百道童更倍月給油臘香楮灑掃夫役以千計中官陳喜又令領護持勅皆力請停免外艱除再撫四川七年召拜南京吏部右侍郎久之就進戶部尙書致仕歸卒

山西通志卷一百二十八 鄉賢錄十三

毛深夏縣人天順己卯舉人授山東聊城知縣歷升參政聽訟明決吏民莫能遁情所在多善政民爲建生祠立去思碑後配名宦有厥菴政錄傳於世

薛璘河津人天順丁丑進士由評事知山東萊州廉明節儉惠利及民期年卒於官民悲號如喪父母先守兗州以萊州守易之兗州民歌日誰將萊州土來換兗州金其得民愛慕如此

王哲字文明聞喜人天順庚辰進士授行人使浙蜀謝饒遣不受擢監察御史劾邊將劉聚殺山谷民冒首功誅之歷廣平鳳翔徽州知府革日供堂直銀及商引錢徼人有不愛錢之歌遷陝西參政抵陝適歲饑軍饌告罄請於藩司得銀若



于兩易棉花給民令織布折租饒得無缺民亦賴之以濟回  
賊圍白水橫甚哲論以禍福皆羅拜引遷孝宗旌內外廉官  
名在第四擢浙江右布政未幾以前在秦時巡按與布政相  
溝牽連罷歸或傳家宰語令自辨哲笑謝之遂不復出家甚  
貧年七十六歲自爲贊詞卒

王衡字宗銓稷山人資性絕人弱冠登天順甲申進士授清  
安知縣屏豪強裁冗費拜浙江道監察御史多所建白出按  
遼東陳邊務時宜清理畿甸軍政又陳革弊八事時宜六事  
出爲松江知府奏華亭上海災秋糧準納銀布又以舊糧運  
至瓜准每致虧折奏請就支本倉又劾平江伯不戢軍士有  
旨約束二運皆停至今賴之又以織造至者多所需索持法  
裁之中貴歛跡居官七年清介如一日以內艱去官起補廣

山西通志卷一百二十八 鄉賢錄十三

平知府引溢陽河灌田題曰利民開時以農民輸粟予官上  
疏痛言其弊事隨止升浙江參政轉陝西左布政使減鹽值  
通商賈邊需以裕奏發帑銀五萬補西安等郡逋負剛直忤  
時致政歸居第隘陋有司請葺治不許守真履素不以勢利  
自多卒年僅五十有四

陶璽字廷用絳州人參議銓第四子天順甲申進士性通敏  
廉潔初授戶部主事遷員外督德州倉儲先是邾城所輸未  
足額當事者積其粟於河岸而遠繫其官吏三年猶未結還  
至廉得其狀即日釋之自是勸輸恐後終其任無少逋者邾  
州民田五萬餘頃爲權貴人侵據奉命清查悉得守舊業賫  
帑金饒遠左榆林軍分給公平負載之士胥歌舞山陝兩地  
歲浹饑民多流移有司徵逋賦甚亟力請蠲除得免遷郎中

出爲長蘆運使前使藏金署井中求得之悉付還人稱君子  
李成靈石人天順壬午舉人授陝西會甯知縣寬仁明恕應  
正有威政理訟平不畏強禦有宦官擾害地方上疏剪除頓  
消虐談調長安與利除害吏畏民懷竭誠禱雨輒獲甘霖人  
甚德之以上天順年

右明洪武至天順一百一十八人

山西通志卷一百二十八 鄉賢錄十三

山西通志卷一百二十八



鄉賢錄十四 錄二之十四 山西通志第一百二十九  
賜進士出身頭品頂戴兵部侍郎兼都察院右都御史巡撫山西提督軍務張煦奉  
旨監修

明 成化至正德

張新字朝用陽曲人成化己丑進士授鈞州知州補滄州遷  
南京工部郎中出為杭州府知府節縮浮費省民錢十餘萬  
遷山東參政都御史劉大夏治河張秋委令調度河左右悉  
被其利築南望東隄令運卒得於水漲時分道並挽晉秩通  
政司右通政尋擢右僉都御史巡撫真保二府轉右副都御  
史巡撫宣大有保障績改督漕運值歲荒奏留米十萬石  
振饑民入為戶部左侍郎晉南京戶部尚書以不附逆瑾致  
仕旋與尚書韓文同下詔獄又以前奏請改兌為擅更祖制

山西通志卷一百二十九 鄉賢錄十四

除名瑾誅起補都御史督漕如故兼剿淮南盜奏捷賜璽書  
褒勞已而力請致仕得旨晉南京戶部尚書歲給夫米如故  
籍起州郡游歷臺省在滄州將去任民攀臥泣留後經其地  
民歡呼迎馬首者絡繹不絕後因家焉卒年八十三著有玉  
雪遺稿及奏議若干卷

陳琦字文玉清源人成化辛卯舉人初判華州斷理明決時  
北兵入寇西夏撫臣以琦有文武材略遷西鳳等府民兵千  
人屬之遂截殺韋州拒戰紅德城擐甲胄者七日奮不顧身  
追獲強掠人畜萬計升知安化縣再補邯鄲皆有德政云  
陳璧字瑞卿陽曲人成化壬辰進士知嘉興武邑二縣以強  
項著擢監察御史出按山東辨太保劉劾獄轉山東副使備  
兵臨清漕運奸弊叢生璧至裁省殆盡還本省按察使有倚

法為奸者立治之遷南京太僕寺卿清操嶙嶙然建棲雲瑗山  
二樓構佳客詠詠竟日有康樂香山遺風三年擢右副都御  
史整飭衢州邊務兼撫順永三府未幾以病告歸璧性抗直  
居家孝友重行誼為御史時偶觸兄怒長跪謝過為副使時  
與僉事某舊有隙比卒傾囊贖之使歸節鉞遂賦遂初急  
流勇退其風節尤足尚云

杜蔡陽曲人成化庚子舉人授城固知縣升南京戶部主事  
時逆瑾勢傾中外凡晉秩者率厚遺謁謝蔡獨不行僅數月  
即奪其官瑾誅起擢員外郎言行政事多可為後人法以年  
老乞歸

唐希介字景賢陽曲人成化丁未進士選庶吉士改工科給  
事中命稽省真定等四鎮儲備盡得宿弊以聞權倖見嫉  
四川石碛宜撫司經歷稍遷漢陰令繕修城郭庶務畢興遷  
知南通州靖漁鹽盜修河隄民用安堵擢陝西按察司僉事  
督餉榆林時大學士楊一清總制邊務議增茶市以贖軍賦  
希介條答便宜二十三事一清并施行之且貽書以謝改四  
川僉事尋擢陝西按察司副使愛養士卒約束裨校邊境肅  
然軍府多贏積中官欲私取希介不可中官搆諸逆瑾瑾矯  
詔令休致歸年八十五卒

山西通志卷一百二十九 鄉賢錄十四

王瓊字德華太原人成化二十年進士授工部主事進郎中  
出治漕河三年著為志繼者按之不爽毫髮由是以敏練稱  
改戶部歷河南右布政使正德元年擢右副都御史治鹽兩  
淮入為戶部右侍郎轉吏部改南京振恤畿甸山東地方轉  
戶部右侍郎八年進尚書瓊為人心計為即時悉錄故贖



係例盡得其斂散盈縮狀及爲尙書益明習國計邊帥請務  
慎則屈指計某倉某場痔糧草幾何諸郡歲輸邊卒歲採秋  
青幾何日足矣重索妄也人益以瓊爲才時用兵將士率以  
首功進秩瓊言此羸秦弊政行之邊方猶可未有內地而論  
首功者惟以蕩平爲功不計首級從之瓊在中樞天下士馬  
多寡強弱及關塞夷險偏裨才否一覽輒記有所條答悉中  
機宜請於河間設總兵官一人大名武定各設兵備副使一  
人責以平賊而檄順天保定兩巡撫嚴兵要害爲外防集邊  
東延緩士馬於行在以護巡幸車駕制置周詳中外恃以無  
恐巡按請討孝豐賊湯麻九瓊曰此小賊數人縛之足矣請  
密敕都御史許廷光出不意果盡擒之四方捷奏以蔭資加  
少師兼太子太師子錦衣世襲千戶又蔭錦衣千戶者二玉  
帶蟒服珍饌金帛之賜不可勝紀十四年甯王宸濠反上下  
詔親征命瓊與楊廷和等居守先是瓊用王守仁撫南贛假  
便宜提督軍務至是舉朝惴惴瓊治兵自如大言曰諸君勿  
憂吾用王伯安贛州正爲今日不過旦夕賊成擒耳果如其  
言尋代陸完爲吏部尙書瓊用守仁平宸濠功最大然與錢  
甯江彬等結請許軍官從兄弟再從子襲軍職殊濫又廢天  
下清軍御史世宗入繼言官交劾瓊繫都察院獄遣戍莊浪  
改綬德循籍首薦瓊嘉靖六年令選籍桂萼復言瓊前力攻  
廷和故廷臣羣起排之今邊陲急人而廷臣才力實出瓊下  
乃命復尙書明年遂以兵部尙書兼右都御史代王憲督陝  
西三邊軍務士魯番將牙木蘭沙州番帖木哥土巴符求內  
附詔瓊趨肅州議之賊獻還哈密求通貢乞歸羈留使臣瓊

山西通志卷一百二十九 鄉賢錄十四 三

奏乞撫納兵部尙書王時中議從之瓊復上番寇肅州狀并  
言賊方悔過宜俯納其請再疏力請詔還番使通貢如故自  
是西域復定而北寇犯莊浪瓊部諸將遮擊之斬數十級寇  
退入紅城子明年寇甯夏犯靈州瓊督遊擊梁震等邀斬七  
十餘人秋集諸道精卒三萬按行塞下自甯夏抵花馬池旌  
旗三百餘里不絕寇聞之徙帳遠遁諸軍分道出縱野燒耀  
兵而還會給事邱九仞劉世揚御史吳仲等劾瓊令致仕俄  
寢前詔遣使慰諭之時番大掠臨洮瓊集兵曉以禍福諸番  
多順命惟若籠板爾諸族不服乃討焚其巢斬首二百六十  
撫降七十餘族錄功加太子太保瓊在邊戎備甚飭寇營入  
山西得利踰歲復獵境上陽欲東瓊令備其西寇果入大敗  
之寇益懼而土魯番率十國奉貢及是諸番蕩平西陲益靖  
甘肅軍民恐瓊一旦去寇患復生相率乞守臣奏留巡撫唐  
澤巡按胡明善具陳其功優詔獎之時吏部尙書久不補十  
年冬決用瓊遣行人齎敕召之南京御史馬敷等十人力詆  
瓊盡逮下獄瓊至即以爲吏部尙書請罷上慰諭之未幾花  
馬池有警兵部尙書王憲請發兵瓊言花馬池備嚴寇必不  
能入大軍至且先退徒耗中國憲竟發六千人比至彰德寇  
果遁十一年秋卒官贈太師諡恭襄瓊在本兵時功多而其  
督三邊也人以比楊一清云  
郭曦字景陽榆次人成化丙午舉人授新蔡知縣歲祿貯粟  
萬餘石振活甚眾時流賊屠掠郡縣率民兵禦之城賴以安  
秩滿民保留仍任一年加升承直郎開州同知尋擢河南通  
判丁艱歸

山西通志卷一百二十九 鄉賢錄十四 四



李杲洪洞人成化乙酉舉人幼聰敏博洽羣書任臨洮府同知殫心體國政多惠愛頌聲載途既去民建祠祀之初管蘭州倉場民歌之曰官攢無鼠偷監收得李侯收支不留難軍民兩下安草場失火民懼杲得罪爭償納之其得人心如此韓文字貫道洪洞人宋宰相琦後也成化初舉進士除工科給事中覈章州軍功劾甯晉伯劉聚都御史王越馬文升等濫殺妄報尋劾越薦李秉王竑語頗涉兩宮被讎已晉右給事中出為湖廣右參議太和山中官乾沒公費力還之以其羨易粟萬石備振貸九谿土司與鄰境相攻往諭皆服閱七年轉左宏治初王恕用為山東左參政居二年用倪岳薦擢雲南左布政使以右副都御史巡撫湖廣移撫河南召為戶部右侍郎母喪除起吏部晉左十六年拜南京兵部尚書歲

山西通志卷一百二十九 鄉賢錄十四 五

禮請預發軍餉三月戶部難之文曰救荒如救焚有罪吾自當之乃發廩十六萬石米價為平召拜戶部尚書文凝厚雍粹至臨大事剛斷無所撓武宗初諸費需銀百八十萬兩有奇請先發承運庫不許文言帑藏虛賞資自京邊軍士外請分別給銀鈔稍益以內庫及內府錢并暫借助成賜莊田稅而勅承運庫內官核所積金銀著之籍且盡罷諸不急費不從文持大體務為國惜財請沒真人陳應禰大國師那卜堅參等資實國帑監局倉庫內官宥濫力請裁汰瀆安公主奪任邱民業力爭乃止先是孝宗時外戚慶雲壽甯侯請買補殘鹽至百八十萬引文條鹽政夙弊七事論殘鹽尤切孝宗嘉納武宗登極詔中罷之侯家復奏文再三執奏不從正德元年又言鹽法之設專以備邊今山陝歲饑寇方大入度支

如故文劾其傑悍請執付法官始寢前命榮王乞霸州莊田崇王請自徵莊田租皆特御之保定巡撫王環請革皇莊覆如其議不許又請召民佃畝徵銀三分輸內庫而盡撤中官管莊者稍從之中旨索寶石西珠請屏絕奇珍報可大婚索銀四十萬兩疏請得免四之一權倖深疾之時青宮舊奄馬永成等八人號八虎日導誘狗馬鷹兔歌舞角觝文每退朝對僚屬言及輒泣下郎中李夢陽請率大臣固爭文持鬚昂肩毅然改容曰善縱事無濟吾年足死矣不死不足報國令夢陽草疏讀而刪之遂借諸大臣伏闕略言近歲朝政日非號令失當自入秋來視朝漸晚仰窺聖容日漸清削皆言太監馬永成谷大用張永羅祥魏彬邱聚劉瑾高鳳等造作巧

山西通志卷一百二十九 鄉賢錄十四 六

偽滯蕩上心擊毬走馬放鷹逐犬俳優雜劇錯陳於前至導萬乘與萬人交易狎暱嫫婁無復禮體日遊不足夜以繼之勞耗精神虧損志德遂使天道失序地氣靡甯雷異星變桃李秋華考厥占候咸非吉徵竊觀前古奄宦誤國為禍尤烈今永成等罪惡既著若縱不治將來益無忌憚必患在社稷伏望明正典刑以回天地之變削禍亂之階明日召請大臣入司禮監李榮謂文曰此舉出自公公云何文曰今海內民窮盜起水旱頻仍天變日增文等備員卿佐靡所匡救上始踐阼輒輕萬幾遊宴無度狎暱羣小何忍無言是夜召堯入司禮承成等分據要地瑾恨文甚日令人伺文過踰月以偽銀輸內庫為文罪降一級致仕給事中徐昂疏救責其黨謫落文職并除昂名尋指文為奸黨榜朝堂子高唐知州士



刑部主事士奇皆削籍文出都門乘一籃輿行李一車而已  
董恨猶未已坐以遺失部籍逮下詔獄數月始釋罰米千石  
輸大同尋復罰米者再瑾誅復官致仕世宗初遣行人齎璽  
書存問養羊酒令有司月給廩四石歲給役夫六人終其身  
嘉靖五年年八十有六卒贈太傅謚忠定士聰舉人罷官後  
不復仕士奇進士終湖廣參政少子士賢舉人為開封同知  
孫廷璋進士行太僕寺卿

李進字時勉曲沃人成化己丑進士初授戶部主事選員外  
郎中督餉宣府出納稱平出知廣平府建石閘引河水灌田  
民食其利改濟南府遷四川參政歷江西河南布政擢副都  
御史巡撫宣府進戶部尚書會北部人犯諸將違節制敗於  
魚臺嶺上章自劾引疾歸進別歷中外四十餘年清介自持

山西通志卷一百二十九 鄉賢錄十四 七

始終不變中外皆以人望推之

陳汝浮山人父福膂力善劍聞英廟北狩哭於縣庭誓以死  
難縣貳資以健馬至大同北門與虜戰斬敵甚多巡撫朱方  
上其功會大暑以不解甲七日勞憊而卒汝成化壬辰進士  
除知慈谿縣擢監察御史升湖廣副使歷官貴州左布政使  
所至皆有異政致仕歸總兵沐崑所贈贖卻不受時有明如  
霽月懸銀漢清似寒冰湛玉壺之詠後進階資德大夫居官  
雖久蕭然如寒士歸葬繼母至壽衣器以備葬具士論重其  
清介

因綱字叔大曲沃人禮子精楷書工古文詞成化丁酉舉人  
授滄州知州公正廉慈毫不苟取素衣如貧士民羅法於而  
論之不悛始加刑既卒貧不能遺上下贈賜始得歸

莫不流涕祀滄州名宦

鄭傑洪洞人成化戊戌進士授大理寺丞舊寺不設刑具  
置之以備罪囚自傑始往時使盜官糧止擬常律因條奏當  
以法遣丞為例升鎮江知府復除登州知府會有冤獄禱於  
神夜夢船中一虎身插三矢次日審曰此必周彪也其人叩  
伏寃者得釋人稱神明時蝗蔽天齋沐拜禱遂去不為害民  
謠曰蝗去豈偶然明府一念真格天

王泰字道亨翼城人成化辛丑進士惘惘有內修歷知儀封  
衡水二縣升南京刑部主事選員外郎時劉瑾用事例索饋  
謝泰曰寺人之寵其識不遠以賄獲官吾不為也遂乞致仕  
及瑾敗詔起福建副使歷升湖廣參政山東按察使居官清  
慎得失不驚尋謝病歸蒲陽林俊薦於冢宰楊一清云泰溫

山西通志卷一百二十九 鄉賢錄十四 八

粹類貫道孤特類君實中和兼備庶乎篤行君子也

李鉞太平人成化癸卯舉人宏治間知蓬萊縣遷登州府同  
知禦流賊有功升鞏昌知府累官河南僉事平獄革奸權豪  
斂跡後以疾歸

李浩字師孟曲沃人成化甲辰進士授都水主事尋改戶部  
父憂服闋起兵部車駕主事升員外郎奉勅清理畿內諸土  
田奪豪右侵占者若干頃還之民升職方郎中為尚書馬鈞  
陽所稱重委攝諸司章奏歷升左右通政順天府尹時久旱  
疏論畿甸民疾苦事當罷行詔嘉納之居二年轉兵部右侍郎  
尋轉左疏慎郊圻固封守革冗費修戰具數事多見采納  
母憂闋拜禮部尚書食一品俸疏乞去位家居二十餘年素  
好學問文章著有南莊稿歸田集藏於家卒年八十有五賜



祭葬如例謚莊簡子鏞孫承華承志俱進士鏞仕御史歷府丞承華由行人進御史至九卿承志終環慶副使以享劉之亂督餉有功晉秩世有名德

邢霖字時望襄陵人讓子成化丁未進士官兵部武庫司郎中典百司柴薪銀兩卻羨餘以廉幹稱出為長蘆運使正德丁卯因逆瑾用事解印綬歸延師儒以訓後進禁奢侈以維風俗又深明醫藥活人甚眾以上壽終

張達蒲州人成化甲午舉人授陳留知縣挺持大體擊強悍舉廢弛豪猾革心去之日縣人為建祠轉光州政聲益著

李紀字朝振潞州人成化乙酉舉人授故城知縣遷錦衣衛經歷臨洮府知府降長蘆鹽運司同知遷福建鹽運司運使甫一年致仕紀嚴毅沈默為文滔滔如江河故城俗婚姻論

山西通志卷一百二十九 鄉賢錄十四 九

財紀為立中正法不率輒痛治之有官田為豪家侵據按籍責之悉吐實薄其租稅給民之無依者在臨洮以嚴明為治請番漢雜處非操法無以遠惡巡撫有故舊販絲葛紀口某不能為貴人僮而漁民也將執之其人懼而走長蘆福建益峻潔自厲嘗以事入都諸商人供具道旁策馬亟趨過不少顧比及親戚子弟出篋寄視之惟圖書衣帻而已生平雅好吟咏所著有默菴集孫敏德進士累官陝西左布政使是紀守臨洮時何驛丞子景明方十歲紀奇之育於室親授之讀妻毛氏愛撫逾已子恒夜執燈燭供課景明後以進士官副使詩名蓋世本紀教也

楊奇字秀夫壺關人能之子成化辛丑進士授戶部主事宏治改元上裕國安民疏極言足食足兵之法在端本澄源進

陝西司郎中時甘肅弗靖奇奉敕整督軍餉將行上疏言備邊七事上嘉納之尋升嘉興知府改夔州有惠政民飲江水遠汲為難鑿井得美泉以姓名之夔人感慕為作生祠

李頤平遙人用志誠專孝聞鄉間成化乙酉舉人通判鞏昌府歲饑勸富戶出粟以振全活甚眾暇日課農桑教民務本考績以寬廉著民立碑建祠凡二十餘處後遷溫州府同知

溫廉字志潔介休人成化戊子舉人授濟南府同知招撫流移奏除民害九年升雲南尋甸知州復除徽江府時土賊猖獗其巨魁餘悉解散以禮匡俗政聲益著府舊無城郭肇興版築並衙署皆所創建卒於官士民悲泣如親喪焉

文瑞介休人成化乙未進士授行人出使唐沈二府饋以金帛卻不受擢監察御史巡按畿甸有中貴侵民田瑞按法斷歸之權倖悚然又巡山東百僚震肅時官舍有妖傷人瑞至妖滅值亢旱親出祈禱雨即降人皆異之後升山東按察副使兵備遼陽節操愈勵卒於官囊箚蕭然

山西通志卷一百二十九 鄉賢錄十四 十

車憲石州人成化辛丑進士性慤直持己廉正初授刑部主事歷員外郎中與堂上官語是非無稍回互出知平涼府吏胥奉法唯謹藩府宗室亦無敢以私干者莅任八年遷本省參政入為苑馬寺正卿擢右僉都御史巡撫宣府修舉邊政寔心有功績致仕歸以禮讓表俗及卒賜祭一壇

張翼介休人成化甲辰進士授刑部主事歷郎中出知保甯府遷本省兵備副使貴州湖廣參政擢右僉都御史巡撫甘肅尋召入理院事翼性耿介不妄取予釋褐後翔步郎署清望最著為副憲日羌人屢肆劫掠督兵勦除悉警伏在甘肅



殫心區畫獲功一十六次比長臺端風采凜凜未幾請告歸卒

段正字以中澤州人成化乙酉經魁聯捷進士令元城日勤聽斷獄無留滯邑有水患多方疏塞民賴以安擢御史巡按河南貪墨望風而遁再按江西歲薦饑閩盜復起振災備兵布約束四十餘條得無事特命再巡一年遷浙江按察副使會大水規畫救治民免漂溺如在元城時尋以累謫柳州同知改汝甯汝甯科率重久為民病力爭於守得損十之三四擢荊州知府歷河南右參政轉江西左參政所在興利除害都憲王恕稱為一道福星卒年五十八貧不能治葬所著有介菴集柏臺公案諸程日記宦遊記

山西通志卷一百二十九 鄉賢錄十四 十一

王道陵川人成化甲午舉人知朝邑縣正德戊寅大陽民田千頃淪於河道請於當事以糧折布又縣當山陝要衝不置驛民不勝勞請得邵陽澄城協濟民獲休息遷判河南所著有六泉集

宋鑑字克明陽城人成化戊戌進士少有大志力學達旦不寐人以鐵眼呼之知舞陽縣廉剛嚴正加意學校尋擢御史執法不避權勢出知廬州除大奸去宿弊每行州縣孜孜問民疾苦而剗剔之在任七年治績為天下最難歸遂不出田鐸字振之陽城人成化十四年進士授戶部主事遷員外郎郎中宏治二年命賑四川坐謫謫蓬州知州州東南有江洲八十二頃為豪右所據鐸悉以還民建大小二十四橋又鑿三溪山以便行旅御史行部至蓬訝民寂無訟已乃知州無冤民也太息去薦擢廣東僉事遷四川參議不赴以老告

歸正德時劉瑾矯詔言鐸理廣東鹽法簿牒未明逮赴廣未就道而瑾誅或勸毋行鐸不聽行次九江卒年八十二見明紀循吏傳

畢璽高平人成化庚子舉人授任邱知縣剛果有為修城池建橋梁值邊警民恃以不恐轉德州知州揚州府同知所在有治績升戶部郎中總理遼東糧儲轉兩淮鹽運使清操惠政歷久不忘著有石屏文集家乘餘錄

李瀚字叔淵其先翼城人徙沁水成化庚子舉鄉試第一明年成進士授樂亭令擢監察御史巡按陝西革茶馬夙弊密遣使擒終南山妖僧歷升右副都御史董漕政時榮王由運河之國貴璫冀得賄輒阻遏糧運適瀚會議北上白之王始不為擬升吏部右侍郎尋轉左起廢疏壅士類允愜進南戶

山西通志卷一百二十九 鄉賢錄十四 十二

部尚書論析公庾府帑戶口田賦盈縮之數歷歷如指諸掌疏請裁冗食節濫費廣儲蓄時廩藏空虛輸乘秋熟發帑金代兵餉積米數十萬斛尋告休歸子承恩正德庚午舉人良鄉知縣曾孫一鵬通判保定府

常軌沁水人成化辛丑進士授大理寺評事陟右寺副獄獄多所平反出為河南僉事行部至密縣有平民被拷自誣伏為盜者至西平及裕州有鄉曲豪民為公私巨蠹者他官莫敢問軌為雪其冤正其罪民翕然頌之尋卒於官旅櫬無費四年始克歸葬

白鑑字孔彰陽城人成化丙午舉人倜儻有大志授文登知縣政尚寬簡廉節自勵以憂歸起補杞縣杞稱繁劇訟牒盈庭剖析明當治行稱第一調漢陰值逆瑾流毒棄官歸瑾誅



起洛南一如歷三縣時居三載告歸百姓遮留若失慈母年九十有三卒

郭容字子仁渾源人成化乙酉舉人以博洽薦於朝召對便殿稱旨錫賚甚厚命以秩辭不受後任甯海知州興廢舉墜力除民害州濱海鄙陋無禮教容定條約婚嫁喪葬秩然有節立養濟院以惠貧民暇則按視疾苦條利民十六事力行之後督餉大同餉如期集羨金千兩還所司人服其廉代歸以疾寓都門遂不起聞者無不悼惜

張安字定之大同人世襲百戶成化間以神木等處功升指揮僉事再以威甯海子功升山西行都司指揮僉事進指揮同知宏治間戍守朔州天城以都指揮使充大同遊擊將軍擢副總兵協守甯夏以賀蘭山功升都督僉事屢有白金文

山西通志卷一百二十九 鄉賢錄十四

綺蟒衣之賜正德間充總兵官尋鎮大同年六十疏乞致仕得請卒年七十五安生長代北家傳韜略天資凝重才兼智勇尤能練士卒知幾料敵自偏裨至大將四五十年間大小數十餘戰未嘗敗北前後巡撫總制多薦之以為鎮將第一子觀軌俱有父風

王縉山陰人成化中貢生授臨邑縣知縣性清約勤於民事早起據公堂治文書不輟民有以訟至者輒情理諭之不辜笞以荆條不苛責也間復單騎巡阡陌中呼農夫田婦問耕織事如家人父子有特操遇義不可不惜以去就爭邑有數大姓為盜誣扳部使者屬縉鞠之無所驗力白其冤部使者移陵邑覆訊悉論死縉佛然即日引疾去閱兩月真盜發他邑賊證具在部使者愧甚特疏薦終不就

王雲鳳字應韶和順人父佐南京戶部尚書雲鳳弱冠舉成化二十年進士授禮部主客主事宏治九年再遷祠祭郎中請天下府州縣學校悉立名宦鄉賢祠遂為定制副使楊茂言事得罪抗章救之請斬中官李廣以謝天下直聲震於時先後多論建又數代尚書條奏帝亦識其名而廣憾不置會南郊視牲乘馬駕後廣搆下詔獄謫陝州知州廣死擢陝西提學僉事正德初歷山東按察使所至皆以嚴著母喪除張綵薦起國子祭酒綵誅言官劾之遂乞休改南京右通政謝病歸楊一清為吏部起右僉都御史巡撫宣府疏請建儲及免調邊軍父喪除起督兩浙鹽課再疏辭免未幾卒

白思明平定人成化丙戌進士知嘉定縣縣濱海澎湖書稼為文以祭一夜悉徙去築長隄千餘丈接上海崑山防海水

山西通志卷一百二十九 鄉賢錄十四

泛溢入為吏部文選主事歷員外遷考功文選兩司郎中再遷太僕寺少卿擢右僉都御史巡撫延綏先是掌選司時權貴請託峻拒不許至是遂嗾言官論列降知兗州府尚書王恕三疏辨白胥不報調廣平入為太僕寺少卿以內艱歸既免喪將治藝圃為終老計嘗道敦遁入都卒於邸計聞遺官諭祭贈卹著有西軒集行於世弟思義舉於鄉累官宗人府經歷思義子金舉人累官陝西僉事胥有賢聲

楊傑字廷俊平定人有志操在太學為家宰耿好問所重成化王辰成進士授翰林院編修遷侍講充經筵講官嘗進講尚書無逸篇至文王卑服即康功田功反覆諷諭辭意剴至先是上頗事服飾至是感動悉屏去不復御尋以修憲宗實錄成遷司經局洗馬主應天鄉試還充日講官並東宮講讀



官與修會典未成卒計開賜祭一壇

喬宇字希大樂平人祖毅工部左侍郎父鳳職方郎中皆以清節顯宇少學於楊一清成化二十年舉進士復從李東陽遊爲古文詞有名已授禮部主事宏治初吏部尚書王恕調宇文選三遷至郎中門無私謁擢太常少卿武宗初祀中鎮西海還條上軍民困苦六事已遷光祿卿歷戶部左侍郎劉瑾敗獨無所染拜南京禮部尚書寢宮災率同列言視朝不勤經筵久輟國本未建義子猥多番僧處禁寺優伶侍起居立皇店留邊兵習戰關土木繁興織造不息凡十事不省久之改兵部參贊機務時上遠巡請早建儲貳上將自擊寇復偕同列諫不報未幾甯王宸濠反宇上其所移檄嚴爲警備而談笑自如時攜客燕城外密察地險易置戍守綜理周密

山西通志卷一百二十九 鄉賢錄十四 十五

內外宴然鎮守中官劉瑯通賊預伏死士宇刺得其情詰瑯用事者瑯不敢動乃大索城中斬所伏壯士三百人懸首江上宸濠失內應且知有備不敢東賜勅獎勞上至南京詔百官戎服朝明年正旦宇率諸臣朝服賀江彬索城門鑰宇曰守備者所以謹非常禁城鎖鑰孰敢索亦孰敢予雖天子詔不可得乃已彬矯旨求索日數十至必廷白之彬亦稍止而亟欲譖去宇賴守備太監王偉調護彬謀不行宇三疏請回鑾又伏闕請駕旋扈至揚州明年加太子太保論保障功復加少保世宗初召爲吏部尚書宇自爲選郎有人倫望及是銓政一清凡爲權倖黜者皆起列席位既而所執漸不聽與府需次官六十三人乞遷宇言此輩虛隸名籍與見供事者不同黜罰有差皆怨上欲封駁馬都尉崔元爲侯外戚蔣翰

邵喜爲伯宇不可又詔進壽甯侯張鶴齡爲公封后父陳萬

言爲伯授萬言子紹祖尙寶承宇言累朝太后戚屬無生封公者張巒亦沒後贈今奈何以父贈爲子封萬言封伯視巒更驟而子授尙寶非制願守典章以垂萬世並不從史道許楊廷和宇言道挾私下之獄曹嘉助道劾宇宇求罷命趣視事上欲加興獻帝皇號宇言加皇於本生之親則干正統非所以重宗廟正名分及禮官請稱本生考上改稱本生皇考又詔建廟於大內宇等復連章諫特旨用席書爲禮部尙書宇又偕九卿言近罷汪俊用席書謫馬明衡季本陳逅召張璉桂萼霍翰舉措乖違人心駭愕且書特出內降此祖宗來所未有乞令俊與書各仍舊職宥明衡等止璉萼毋召尋復請罷張璉桂萼及書而出呂柟鄒守益於獄會璉萼等至皆用爲學士又言學士最清華而俾萼等居之誰復肯與同列被切責宇遂乞休許馳傳給夫廩歸御史許中劉隅等請留上曰朕非不用宇宇自以疾求去耳後明倫大典成奪官楊一清卒宇渡江弔之南都父老皆出迎曰活我者公也宇詩文雄雋兼通篆籀性好山水嘗陟太華巔遇虎僕夫皆驚仆宇端坐不動虎徐帖尾去家居服御若寒士身沒二妾劉許殉穆宗初復官贈少傅謚莊簡

山西通志卷一百二十九 鄉賢錄十四 十六

李岱字宗岳樂平人家貧躬杵日以養親登成化丁未進士擢刑科給事中上檢身求言數事劾龍幸蔣琮尙書鄭時內官張廷等置於法白都御史秦紘冤又力言前威甯伯王越不當黃緣起用遷南光祿寺少卿上供天鵝鹿脯皆以樊籠生致於嶺海五六千里外民深以爲病岱言於太宰倪罷之



上供法醜每歲酒人網送用舟八十餘艘船夫為奸且不時至位為之籍使有統紀弊遂絕正德三年考績至京時劉瑾用事岱無所餽致仕瑾誅補陝西參政于天衢宏治丙辰進士授戶部王事督稅臨清亦以弗賂瑾出為陳州守後歷陝西參議歸囊篋如洗

趙清代州人成化癸卯舉人授齊河知縣適勸事外出過邑之洪店有盜王山殺人於民人王臻之側眾誣執臻臻不勝榜掠誣服清還至洪店一牛奔向清跪而悲鳴若有所訴清問之則臻牛也清曰臻冤乎遂辨釋臻然殺人者未得眾猶疑後鞠大盜王山因得其情齊河人稱神明作青牛記

張岫安邑人知縣琦子成化丙戌進士累官右副都御史岫侍父高陵有僉事欲辱其父岫挺入與之辨僉事媿伏及通

山西通志卷一百二十九 鄉賢傳十四

籍選授御史好善嫉邪以正直著嘗撫遼時遼人為御史者將監山西試入謁請其子名蓋欲登之賢書也即令子稱疾不與試鄰人有鬻產者其子售焉聞之不樂亟命還鄰人固不肯為倍增其直嘗寓書家人欲為其母市絹不足俟領俸鄉人寶之比于魯公之乞米云卒後賜祭葬如例

張翰字文鳳平陸人成化戊子舉人授朝邑教諭教本崇實訓課有方升翰林孔目遷侍書與纂修憲宗實錄錫敕命拜檢討侍經筵奸觸權奸左遷重慶同知有惠政郡人勒石紀之升臨洮知府計息兵變地方賴以安劉瑾索賄遂歸總制彭以詩別之有孤忠誠逆宦萬代播芳名之句瑾怒不已罰米五百石瑾誅獲免卒年七十五歲

張芮安邑人成化戊戌進士官翰林武宗在青宮芮為侍讀

累遷學院學士值劉瑾用事威儀薰灼公卿望塵拜伏芮不為禮瑾銜之誣以他事左遷鎮江同知後起為太常卿兩乞休不允卒於官子惇甫正德中進士官至主事博閱羣書著有澹泉集

李泰字時雍聞喜人沈默嗜學言動不苟嘗揭朱子書孝弟忠信禮義廉恥八字詔學者日此立命安身符也中成化甲午舉人授林縣知縣為政以禮風清弊革以艱歸補恩縣在任七載境內肅然及致仕恩人挽送自邑遠境土如失父母哭聲不絕抵家杜門讀書非公不造邑庭三原馬光祿理題曰貞分先生

暢亨字文通河津人成化十四年進士出長垣知縣擢御史巡按浙江歲饑奏罷上供綾紗等物考察官吏奏免百五十

山西通志卷一百二十九 鄉賢傳十四

餘人宏治元年二月景甯縣屏風山異獸萬餘大如羊色白銜尾浮空去亨請罷温處銀鑛而置鎮守中官張慶于法章下銀課得減責慶陳狀慶因許亨工科給事中龐泮言亨直詔停俸三月亨又劾僉事鄒滂滂亦許亨慶等搆之謫涇陽知縣卒

韓重字純夫絳州人成化戊戌進士性通敏貌魁梧初授禮科給事中歷本科都給事中諫萬貴如過寵又疏陳西僧煽惑出為陝西參政遷右布政使清軍務督馬政以最擢應天府尹廉敏益著降旨褒諭補順天府尹遷右副都御史巡撫遼陽劾奸宦梁圯貪橫罷之擢南京兵部侍郎處公署中遇事直行己意改北京兵部進南京工部尚書疏請止不急工役得俞允為劉瑾所嫉因求致仕命下瑾令所私計算財費



鈞致年餘無所得居廣陵聽勘疽發背卒會孫科隆慶間貢  
生任濟南通判廉介有祖風

陶揆字廷信絳州人父銓進士陝西右參議揆舉成化七年  
鄉試第一十七年成進士授刑部主事宏治初進員外郎出  
爲固原兵備副使練士卒廣芻粟歷九年部內宴如遷福建  
按察使浙江左布政使正德初以右副都御史巡撫河南遷  
刑部右侍郎陝西遊擊徐謙訐御史李高謙故劉瑾黨行厚  
賂欲中高危法揆往按高直瑾怒假他事下揆詔獄視其職  
罰米四百石瑾誅起左副都御史總督漕運兼巡撫淮揚諸  
府轉南京刑部侍郎進右都御史巡視浙江會甯紹興風大  
作民居漂沒萬數出帑金振救而大築隄於蕭山會稽凡五  
萬餘丈又奏設兵備道守要害防賊王浩八黨出沒更遣將

山西通志卷一百二十九 鄉賢錄十四 十九

擊斬其渠魁遂城開化常山遂安蘭谿境內以靖復命總督  
漕運七疏乞歸世宗初起故官凡三督漕軍民不嚴而肅揆  
性清儉飯惟一蔬行李止三竹筍尋加戶部尚書嘉靖元年  
召拜工部尚書冬改南京兵部加太子少保未替屢乞休加  
太子太保乘傳歸有司歲時存問卒年八十有四贈少保謚  
恭介子滋別有傳

吳珉靈石人成化己丑進士屢官南京都察院右副都御史  
性峭直痛父早逝事母鄭氏以孝稱初官吏部主銓選公愼  
自矢巡撫甘肅邊陲晏然及洩都憲益厲風裁表率諸御史  
當時有清不過韓文直不過吳珉之語以上成化年  
崔侃陽曲人宏治庚戌進士官甯知府操守廉明政績大  
著府有疑獄悉得其情時流賊肆劫掠侃以忤逆瑾得請歸

田卽引眾避遁一方賴免林居三十餘年齋粥自甘杜門不  
出蜀人祀入名宦祠

陳璘字邦瑞陽曲人宏治癸丑進士授太常博士從享南郊  
爲上所知選監察御史巡居庸關躬歷險阨相地勢增戍兵  
再巡山東疏罷礦役引蔡河入曹利運道修理闕里孔廟外  
轉浙江僉事遷陝西苑馬少卿少師楊一清總制三邊薦授  
參政督軍儲士馬皆宿飽遷河南按察使凡豪猾倚宗室爲  
奸利者痛治之鎮守王太監素橫肆震其威亦奉法唯謹遷  
右布政使轉左擢都御史巡撫湖廣以邊才改延綏延推兵  
部侍郎念父母年高請終養不許武廟西巡駐蹕延綏時江  
彬用事張甚璘威望素著凡事持大體不詭隨彬爲敘迹未  
幾父母訃後先至慟哭請終制廷議駕南巡上郡重鎮非璘  
不能彈壓奏令奪情候代比世廟入繼始得歸治喪事璘游  
歷中外功績茂著初通籍政府授意令一來謁當授庶常卒  
不往識者已見其梗槩云

山西通志卷一百二十九 鄉賢錄十四 二十

閻奇字汝思祁縣人宏治己未進士授永清令縣蝗害發粟  
易蝗民捕之積萬餘石得不災事聞有銀幣之勞旣以公事  
至霸州州人願借以爲守縣人爭之訟于中丞洪洪曰閻令  
風憲品豈郡縣所能留哉尋召入永清人留靴誌感正德辛  
未流賊至郊賊首齊彥明奢舊抵禁也感齊德繫馬數匹於  
門泣拜而去巡撫李毅齋寄詩曰強暴思恩會繫馬市民懷  
德願留靴拜陝西道監察御史清理甘肅諸鎮倉糧糧多虧  
折官不能償奢革兜攬兌給之弊設法取盈釋淹滯之員六  
十人舊例官軍馬斃本人自賠有典妻買馬者審命屯地每



頃出銀一錢以給營馬之用差滿復命疏陳邊務數條悉蒙採納升浙江按察司副使巡視海道豪右斂跡以疾告歸卒年七十二

薄彥微陽曲人宏治九年進士為南京御史論道士崔志端不可玷尚書正德初奄黨竊柄偕同官陸崑等極論馬永成魏彬劉瑾傳與羅祥谷大用輩罪疏上而劉健謝遷已被逐彥微為首復上公疏請留健遷罪永成瑾等悉逮下詔獄榜掠杖三十除名歸

張天相陽曲人宏治己未進士陝西慶陽知府有循吏風民甚戴之

寇天敘字子惇榆次人由宏治辛酉鄉舉入太學與崔銑呂梅善登正德三年進士除南京大理評事升甯波知府累遷

山西通志卷一百二十九 鄉賢錄十四 三

應天府丞武宗駐南京從官衛士十餘萬近倖多求索尹齊宗道憂卒天敘攝尹事日青衣卓帽坐堂上江彬使至好語之曰民窮官帑乏無可結歡丞專待譴耳彬使累至皆然彬亦止他權倖有求則曰俟面奏即予中官拘妓女數百多餓死以天敘言得釋禁軍擾民物天敘寡人與博而兵部尚書喬宇亦選拳勇者與博戲禁軍傷慙且畏不敢橫駕駐九月南京不大因者天敘與宇力也嘉靖三年以右僉都御史巡撫甘肅至則專務安靜輕徭薄賦節費以紓民力申飭官箴以警屬吏回賊犯三丹擒其長脫脫木兒西域貢獅子犀牛西狗請卻之不聽六年進右副都御史巡撫陝西寇入固原擊敗之斬首百餘又討平大盜王居等累賜銀幣恩刑部兵部侍郎卒

陳璧字德如太谷人宏治壬戌進士除行人司司副屢奉命出使藩邸卻餽遺不受遷刑部員外郎歷郎中諫獄得情雖權貴不為動出為陝西左參議會大軍剿擒賊以饋餉功賜彩幣銀牌遷湖廣副使奉勅整飭郴桂衛永諸路兵備又以剿擒蠻功食從三品俸復奉勅撫治荆襄鄖漢等流民公正廉約直指以其績上聞一年丁艱歸遂不復出卒後劉龍誌其墓

解一經交城人宏治甲子舉人授平原知縣廉介寬仁遇荒捐俸以賑升南京戶部員外郎中雲南廣西知府後乞歸隆慶間進階亞中大夫卒

張潤字汝霖臨汾人宏治戊午解元壬戌進士授宜陽令擢刑科給事中奉詔覈甘肅邊儲稽察精明河外震懼累遷戶

山西通志卷一百二十九 鄉賢錄十四 三

科都給事中時盜賊延蔓水旱流移請嚴紀律酌轉輸時振植廣招撫擢順天府丞尋轉左僉都御史巡撫順天條上邊民疾苦及便宜十餘事郊圻盜起邊復有警指授方略盜平警熄丁外艱起撫甯夏申講學校屯田鹽馬諸路召還以九載績晉左副都御史轉兵部右侍郎又轉戶部左侍郎督太倉刻洗奸蠹兵民歡服晉工部尚書時大工並興潤勤省閔請酌緩急為先後力專功遺費減舊之半屢蒙褒賜以內艱歸起南吏部尚書甄別去留輿情咸服改戶部仍督太倉告歸年八十三卒贈太子少保諡恭肅

邢彪曲沃人宏治初以貢授三原縣丞博學篤行公廉正直下鄉收糧勘事自裹乾糶無分毫擾民以考察罷方自餉邊而歸途次聞信即不入邑然貧不能歸乃擇咸甯僻處陋室



以居朝夕玩誦經史有得輒筆之雖食不充口衣無完服而其容如渥丹氣常浩然入三原名宦

翟敬字行簡荷氏人宏治庚戌進士授翰林院檢討性耿介遇權貴用事者庭斥其奸聞者汗下免官歸數年補河南布政司照磨遷休甯知縣平徭役理疑獄一時以青天呼之後官遂東行太僕寺少卿致仕歸卒年九十六

鄭岳字汝華蒲州人宏治癸丑進士授戶部主事遷員外郎出爲湖廣僉事遷廣西副使調廣東所至皆有異政遷江西按察使歷左右布政使勸副使李夢陽御史江萬實許奏事爲逆藩宸濠所陷罷歸宸濠敗起四川右布政使以母喪不赴嘉靖初擢右副都御史巡撫江西既至請振恤受兵郡縣論次討平逆藩軍功贈祀死事諸臣未三月擢大理寺卿疏

山西通志卷一百二十九 鄉賢錄十四

陳時政皆切中遷兵部右侍郎尋轉左大同兵變議令首領官各誅首惡事立定總兵桂勇有平逆功大瑞奪與其弟姪力駁正之權倖骨側目羣起媒孽其短因致仕歸家居十五年薦起者六卒不用蓋以議大禮爲張桂諸人所忌云

王璽荷氏人宏治戊午舉人嘗讀書桃花洞掘地得一石文曰大將王璽益自負正德辛未成進士除行人承命出使以廉介自重册封列藩一介不染備兵甯夏謹畏平恕人不敢欺張恭肅爲巡撫議以代己會丁內艱歸再備兵榆林遭艱歸家居十五年卒識者惜其才之不盡云

侯璽長子人宏治己酉舉人任白水知縣嚴明能斷案無留牘先是邑多通賊璽督催有法民皆樂輸尋調澄城縣白水民思之祀名宦累官河南僉事致仕歸

劉鳳儀字天瑞襄垣人嘉長子宏治庚戌進士授高密知縣興學校廣儲蓄備盜賊招撫逃亡二千餘家早蝗爲文自責蝗入海死升戶部主事遷刑部員外郎

劉龍字舜卿襄垣人宏治己未進士廷對一甲三人及第授編修充經筵講官修孝宗實錄改授兵部職方主事升吏部考功員外郎尋升左春坊左中允兼翰林院修撰侍講學士兩典順天鄉試掌院事嘉靖初開筵進講簡暢明切扈蹕南郊修武宗實錄升禮部右侍郎尋轉左日講如故帝欲以太后廟諱龍執祖訓不可凡三上章竟報罷升南京吏部尚書考察京職去留允當改南兵部尚書裁中貴人以法雖魏國永康撫甯亦鮮假借時宜大有警條上機宜六事濟川諸衛船工料請敕印差官經理俾以時給錦衣衛沙州湖塘之利

山西通志卷一百二十九 鄉賢錄十四

奏遣其屬借督屯使者勾稽如法補四營軍丁盈萬伍遂充編黃船軍往返以三月爲限歸塢還營有定期不得影匿空耗月糧江北飛熊等衛屯所鹽徒肆行鈔暴奏選三衛屯軍以都指揮領之列營操備盜乃息考選軍政禁絕請託汰黜莫敢譁歷尚書六年召還屢疏乞休特允馳驛歸卒年七十八贈太子太保諡文安

賈璇汾州人宏治庚戌進士授戶部主事歷員外郎中嘗督鈔揚州羨餘盡歸之官行賑江北調度有方所全活甚眾正德初守關乞誅劉瑾等不報出補陝西右參議未幾爲瑾所陷歸及瑾伏誅朝廷將大用之以目疾辭時論惜焉

石瓚介休人宏治壬子舉人授羅山知縣時遇流賊亂鄰縣棄城走寄印於瓚者十一瓚孤城獨守鏖戰月餘殺賊有功



兵部奏請升俸一級仍管縣事招集流民撫卹備至知府  
謂羅民日汝等天堂上百姓耶後升萊州府通判以親老  
歸遂不復仕羅山民為立祠祀焉

任良弼平遙人宏治癸丑進士選翰林院庶吉士授刑科左  
給事中轉吏科都給事中持論侃侃彈劾不避權貴遷通政  
司左參議忤逆增劉瑾降補建昌府通判復矯詔下獄謫戍  
遼陽持節自如瑾誅起通政司右參議良弼居官三十年潛  
泊如書生名重朝野與兄稱文壇雙壁比歿家惟琴書

嚴泰汾州人宏治丙辰進士官戶部主事半裁峻潔不妄取  
子督鈔蘇州蔬食飲水而已鈔關有便民小關後并徵稅泰  
至罷之吳人謠曰許墅灘頭無濁水蘇州關上有青天後歷  
登州知府廉平為東省最卒以介直忤時抗疏歸杜門罕交

接服母喪終身不除

高崇熙石州人宏治庚戌進士官至四川巡撫蔭世襲錦衣  
衛千戶其事蹟湮失考正德六年二月諭都察院右副都御  
史高崇熙勅有云今保甯江津等處殘賊復聚為患爾會同  
總兵官楊宏征剿蓋五等餘黨同副總兵王憲剿殺江津強  
賊朕念彼處地方四年用兵軍民困憊已極爾須加意撫恤  
設法賑濟存問疾苦寬釋脅從十年八月贈右都御史高崇  
熙諱有云事有定論乃追念其前功故都察院御史高崇熙  
器識恢宏性資莊重累遷臬府才猷振乎綱紀兩擢藩司政  
克宣夫德化以蜀寇之未甯致王師之見討乃從僉議晉陟  
中丞彰國典以勵人心飭兵機而鼓士氣羣方漸息藹歌頌  
之將興三捷交馳不風聲之益振願其推誠待物竭力保民

豈期釜內之魂復有柙中之變雖勢難再振而功未全收爰  
召北還遂致中殞十一年四月諭祭文有云爾性資敏達器  
宇魁梧發跡賢科擢司風紀歷官藩臬綽著能聲晉佐都臺  
往撫西蜀時因盜起受命臨戎捷報既聞賊氛復熾事出不  
意遂致人言方在申誣胡遽淪沒觀此則崇熙累官及功績  
大概可見弟崇明官長垣縣丞擢知邱縣亦有治績

辛文淵字道深石州人宏治癸丑進士知濟縣遭母憂服闋  
補固安縣遷知無為州轉河間府同知忤宦官劉瑾逮獄謫  
廣東化州同知未幾遷河南汝甯府尋致仕以御史薦起彰  
德府時山東盜賊縱橫而登萊間尤甚乃以文淵知萊州府  
至則浚隍崇墉以忠義激勸其民而忌文淵者方據要津或  
勸以饋遺免禍文淵不從復棄官歸文淵性剛直所至有聲

張禮石州人宏治丙辰進士知博興縣祀鄉賢事實無可考

辛柱石州人宏治甲子舉人知寶豐縣遷永平府同知誥封  
戶部郎中祀鄉賢事實無可考

孟春澤州人宏治丙辰進士天性剛方才猷超邁初授南刑  
曹清慎有聲守嚴州以廉官第一擢同寺巡撫宣府威惠并  
著軍民賴之以直道為江彬所排落職嘉靖初薦起巡撫順  
天聲績赫奕時大旱奏辨御史許銘寃并乞斬貪弁暨宸濠  
逆黨以答天譴及佐銓政清譽著聞世廟特賜行不自欺四  
字以旌之未幾大獄起復以直言忤時宰遂與顏頤壽馬錄  
同時削籍疾革囑斂以青袍角帶贈工部尚書子陽別有傳  
王玘字邦器陽城人宏治己未進士初授刑部主事繼補戶  
部屢奉監督倉差能剔弊大司農韓忠定以廉靜稱之遷刑



部員外郎升山東司郎中時逆瑾尙嚴刻玆持平恕爲瑾所惡思中之無可乘未幾遷陝西僉事川陝總督洪聞其賢取軍前贊畫瑾誅調河南分巡汝甯道劇賊劉六等踞上蔡逼汝城玆誓死守已而賊攻城遭挫劫奔潰眾將慶功玆以賊首尙在不可乃密奏賊可平狀朝命撲剿有賊黨汝人趙秀母繫獄玆出之秀感激思効適賊首趙璠與劉六等會兵秀急走報玆率部下官兵盡擒之解送軍門紀功官吳玉榮索賄不應人皆優敘玆止賞綵帛銀牌而已歷兵備薊州及山東參政俱有績後解綬歸卒於家

張軌陽城人宏治辛酉舉人溫良貞諒勤慎廉能任隆慶知州時武宗北狩三駐蹕於境壁倖江彬播弄威福暨東廠太監張銳守備孫璽周瑄輩求索無厭軌不爲動有皇義子馬

山西通志卷一百二十九 鄉賢錄十四

二十七

元吉者其姪以事屬按軌以正法繩之尋誣以事奉旨東廠處分竟辯白巡按章綸擊節嘆曰處危險而存心不失其正當紛擾而遇事不避其難直哉守也升萊州府同知居萊三載才守益著卒於官

武思明陵川人宏治壬戌進士爲金壇知縣性質樸衣食供用澹若寒士愛民好士汲汲如不暇蒞政未及期奸宄吏胥遁迹人以神明目之居鄉卓有志操推誠立教一時科目多出其門

田天澤應州人宏治壬子舉人任耀州知州時流賊圖定興攻城幾陷天澤督兵拒走之有巨壙挾龍恣睢陝西諸郡縣類被科索跡且至耀天澤曰他州自有耀州自無致政歸卒

通議大夫

成文山陰人宏治十五年進士由知縣擢御史正德中阿爾禿厮亦不刺與小王子戰敗引所部駐甘肅塞外時入寇掠陷堡塞五十三巡撫張翼鎮守太監朱彬反冒奏首功文出巡按盡發其奸翼等賄中人傾文會文劾僉事趙應龍應龍亦許文細事遂被逮斥爲民嘉靖中起用累官右副都御史巡撫遼東告歸卒

常在榆社人父經成化中舉人任山東單縣有惠政在登宏治乙丑進士任山陽知縣持身廉謹撫民仁恕召爲御史出按遼東陝西激揚得體還河間知府值凶荒悉心振恤遠者遣官分給近者日哺以粥又溫疫大作施藥餌救濟多所全活民甚德之子應文字汝實嘉靖壬辰進士任上海知縣公明仁恕甫三月政通人和以不習水土辭歸所著有左傳要

山西通志卷一百二十九 鄉賢錄十四

二十八

語等書

鄒夔平定人宏治十五年進士授行人奉命之趙府酬金不受擢戶科給事中改禮科正德五年出覈延綏戰功劉瑾屬其私人夔念從之則違國典不從則得禍遂自經死瑾誅復官賜祭且卹其家

謝璽代州人甯波推官鐸子宏治庚戌進士授容城知縣多惠政民有去後思歷按察司僉事以破萬山寇功賜金幣家居廉靜子國表進士國詔國徵舉人表子之甫詔子蘭俱進士

劉繹字以成代州人宏治丙辰進士授戶部主事遷郎中督遼遼東糧儲正德中以不肯賄瑾瑾怒械至京師以大枷枷之同部有王某者侍左右晝夜不離月餘得不死冢宰張爲



言於瑾罷為民後起監察御史遷衛輝知府值賊劉六等剽掠豫中竭力守禦遷長蘆鹽運司運使致仕歸初釋荷枷時有黃冠至邸遺藥一丸謂其家人曰日剝一分食之藥盡則難盡矣是日釋夢仙人自雲中下納藥口中既覺猶有餘香而監守者亦言老人來送藥忽不見一時相傳以為異事云李貫字一之河曲人宏治己酉舉人授成都知縣補孟縣有能聲時流賊趙風子等攻掠山左郡縣薦為曹州知州賊至城下人皆惶懼貫厲聲誓眾曰吾輩食君祿而貽君父憂為生民恥何顏立天地間能為我殺賊拒敵者國有重賞否則妻子為擒其何能活眾奮遂率其子九麟募城中少年百人邀賊截擊斬獲數十賊遂奔遁事聞優賞有差旋移邢州築紫金等隘口一十八處清慎果毅嚴疆用奠以老母乞終養

山西通志卷一百二十九 鄉賢錄十四 三十一

歸

馬騃字世用夏縣人武定判忱子宏治丙辰進士初官行人選工科給事中疏論李廣張鶴齡大為孝廟所賞正德初遷刑科都給事中充戊辰廷試掌卷官大臣焦芳欲子黃中為殿魁騃取呂柟為狀頭有附逆瑾入給諫者騃斥以無恥又自川歸與張深父同宿館舍不交一言憾作出為淮南推官清獄囚理冤抑贖張生之罪旌何女申婦之烈治行居第一以瑾怒未釋僅轉松江同知擢知饒州府補鄖陽府鄖陽山路崎嶇建議令有罪者修路自贖遂為坦途又創浮橋葺廢坊修舉廢墜教化大行卒為忌者所中免官歸騃剛直重信義人有急難輒振濟之不少吝如捐金歸楊俊喪代僉事沙立償宿逋者事非一著有梅軒手簡諸集藏於家

劉良臣字堯卿芮城人宏治辛酉舉人授揚州通判改陝西平涼府操守清正學問該博歸田後閉戶讀書足跡不入城市終其身言動不苟其詩賦至今人傳誦之揚謙問喜人宏治壬子舉人知武城縣以才堪治繁調諸城復謫平山衛知事武城諸城父老千餘赴關爭保銓部以單縣尤劇調單縣流賊聞名遠遁卒保城池蒙旌異進二級子勛肖嘉靖庚子舉人授洛川知縣政簡刑清識者謂有宓子之風

文皓字孔賜垣曲人宋潞公苗裔家甚貧晝鬻薪供父母夜則乘月讀書終夕不輟宏治丙辰進士知平原縣著喻民詩及民情利病條約屢折疑獄丁內艱上官熟其清苦檄賻贈之卻弗受補衡水縣清河奸民以田千頃投獻德府居人屢

山西通志卷一百二十九 鄉賢錄十四 三十一

奏辨不能直勘得其實立返諸民擢監察御史清查遼東軍儲疏劾布按大吏時逆瑾用事道臣差回必以賄進皓獨無又治其私人孫恭如法瑾銜之屢遣人伺察無所得後往南京照刷文卷丁父喪衰服復命猶劾國公以下若干人補河南道疏論留都張尙書附逆瑾狀侍經筵劾中貴橫肆又上保民息盜六事並不報出為河南副使督理河道令民五里內者赴工五里外者輸銀工成民不知勞魯山有習白蓮教者誅其首惡餘悉散遣歸農粒在三年再疏所致仕家居二十年卒

陳希良絳州人宏治戊午舉人性嚴毅為真定推官定州豪楊錫以產故控於巡撫巡撫委希良鞠之錫因以錦衣寇楊太監張雄書求庇希良不受繩以法相與雄憤甚嗾錫許希



良陷於囹圄竟死嘉靖改元州守李文潔始以狀上聞曹于  
汴爲之贊

李應奎絳州人宏治甲子舉人授平山知縣開誠布公與民  
相信凡八年升陝州知州有楊昆父子含冤下獄應奎得其  
情力爲辨巡按執不可辨益力竟忤坐罷巡按以他事罷昆  
冤亦白平山祀入名宦

郭韶霍州人宏治己未進士涉文史善騎射初知東安縣課  
最擢御史以王親例改甯國府同知操履方剛不阿權貴甯  
入立碑頌之升南京禮部郎中復自陳改湖廣兵備僉事鎮  
平監軍大破陽蘭巨寇又擒剿湖南流寇薦升四川參議陝  
西西甯兵備地方甯輯麥秀八岐中丞林廷玉東渠李璋各  
有歌詩贊頌尋升山東左布政使治年

山西通志卷一百二十九 鄉賢錄十四

王範陽曲人正德庚午舉人授歸德知州會流賊數萬攻劫  
咸欲棄城走範諭以大義設法調度卒保無虞有大姓挺人  
至死行金脫罪不受坐以法補陝州始終如一後罷官總督  
翁萬達禮聘籌邊且奏記委用辭疾歸

張文明字應奎陽曲人正德六年進士授行人擢御史巡按  
遼東尋按陝西鎮守中官廖堂貪恣文明捕治其爪牙二十  
四人堂大恨會車駕幸延綏文明馳疏諫極陳災異且言江  
彬逢惡導非亟宜行誅朝臣匡救無聞亦當罰治不省既而  
文明朝行在諸權倖扈從者力裁抑之所需多不應司禮太  
監張忠譖於帝言諸生毆旗校文明縱勿治帝怒命械赴京  
下詔獄明年春言官交章請宥不報比駕旋命執至豹房將  
親鞠文明自謂必死及見忽命釋之請電白典史世宗立召

復故官尋出爲松江知府甫蒞任卒巡按御史馬錄頌其忠  
詔贈太常少卿

侯綸太原左衛人幼有異質嗜讀書於易學尤邃正德辛未  
進士授戶部主事歷禮部郎中出爲湖廣副使伸雪冤獄遇  
歲荒流離載道繪饑民圖上之得旨振救全活無算嘗督大  
工出入會計雖錙銖必慎吏不得緣爲姦省費以巨萬計歷  
戶部侍郎子汝諒進士累官都御史亦以廉敏有聲

王卿字良佐太原人正德甲戌進士令上海武宗南巡有緣  
爲姦利者卿抗諸逆索悉不應但日車駕過日供不供自有  
令民賴以安歲災設法賑濟時疫流行捐藥餌調治抑遏刁  
頑理剔冤滯終戶部主事

山西通志卷一百二十九 鄉賢錄十四

講學修德親賢孝親任相遠奸用諫謹令戒欲恤民十事世  
宗嘉納之嘉靖元年偕御史出覈牧馬草場太監閻洪奏遣  
中官一人與俱力言不可乃已還劾太監谷大用李璽奪產  
殃民罪由是內臣助戚莊田卒歸之民時營后父陳萬言第  
力請裁節復助楊廷和爭織造皆不納歷刑科左右給事中  
進吏科教授王价錄事錢子助以考察罷假議禮希復用一  
貫言如此將壞祖宗百年制事竟寢張璠桂萼擊費宏一貫  
言璠萼平生奸險特以議禮一事偶合聖心超擢以來憑恃  
寵靈凌轢朝士與宏積怨欲奪其位而居之苟其計得行則  
奸邪氣勢愈增善類中傷無已天下事將大有可慮者詔下  
所司璠萼等銜不已竟謫開州判官以卒  
張裕太平人正德中貢授臨昭知縣丁艱歸補安定知縣勤



政愛民廢墜修舉歲大饑多方振救又捐俸煮粥全活甚眾升安樂知州過家病卒安定百姓聞之素服肖像以祀

史魯字宗道蒲州人南陽經歷臣子正德戊辰進士授鎮江推官性剛毅治政嚴明數平反冤獄有懷金謝者峻拒不受

太宰某以刺來為入干請裂以還之治其人如法擢南京刑科給事中章二十餘上中劾冢宰及參贊司馬守備太監並

逆藩宸濠奸謀尤偉尋為倖臣錢甯所忌罷官歸家居閉門高臥安貧樂道蒲人謂為楊貞奄瑩後一人

郭震蒲州人正德戊辰進士授大理司評事累官河南僉事時流賊騷徐豫間震防禦保障屢著奇謀穎人立生祠祀之終遼東苑馬少卿

楊守禮字秉節蒲州人正德六年進士除戶部主事嘉靖初

累遷湖廣僉事以計擒公安賊魁坐事謫判敘州累遷右副都御史巡撫四川與副將何卿平諸番資銀幣初守禮貶敘

州為僉事張文奎所辱至是文奎遷四川參議撫他事許奏詔俱解職守禮才器敏達中外以為能工部尚書秦金等會

薦起河南參政再遷右副都御史巡撫甯夏寇犯固原為總督劉天和所敗欲自甯夏去守禮與總兵官任傑等邀敗之

尋進右都御史總督軍務代天和錄前功進兵部尚書秋寇三萬騎抵綏德遊擊張鵬卻之總兵官吳英追出塞東路參

將周尙文兵亦至夾擊敗之而巡按御史殷學請治罪部議延綏遊兵俱調宣大寇方避實擊虛而我能以寡勝眾宜錄

其功乃加守禮太子少保謫學於外守禮尋以憂去二十九

年秋舉邊才首被薦詔趣上道寇退止不行久之卒

景濤字濟之蒲州人正德庚辰進士授南京陝西道監察御

史留都倉場中官久依為市濠搜詭冒慎出納草樣米禁公

私科擾儲政一清遷北臺尋按畿內首罷貴臣赴陵供需繼

疏止薊山開礦免刑興利辨冤救荒悉稱旨詔築沙河宮城

濠條上四事工遂停尋按江右嚴科條數十款北還衣敝不

充原筭人以趙清獻比至擢順天府丞疏陳徵畿民牛車空

運京粟出關不便以疾作乞歸年六十二卒濤與兄淵少相

友愛嘗途遇盜兄弟爭代死竟免於難

如昂字伯謙蒲州人正德己卯舉人醇篤馴雅三任知縣兩

遷府判賢聲丕著有古循良風其令韓城時吏胥多不檢昂

至約束如濕薪兩造聽訊隸人不敢索一錢廊吏終歲食數

斗粟抱文案趨承而已里甲飼馬外無別供上官遺隸人至

韓日給三飯飯之外不得竊逞隸人轉相告後遂絕跡於韓

韓人以青天呼之

楊贍字叔俊蒲州人正德己卯舉人知扶風縣秩滿擢監察御史疏請薛文清瑄從祀孔廟出按江北激揚清濁貪墨斂迹相水勢築石堤居民利之遷四川北道尋謝政歸著祀先睦族錄行於世後以子博貴贈兵部尚書

山西通志卷一百二十九 鄉賢錄十四

三



中出爲江西副使河南提學貴州學政所至聲績懋著轉山東按察使平反冤獄號明允晉右僉都御史巡撫保定綏賦驅蝗拯濟有法值邊警飭兵屯守要害軍政克舉三年以病乞歸又六年卒所著有黃巖集金陵稿恆陽集處州錄大名吟並奏議七卷

張鍵字君重石州人正德戊辰進士授南京戶部主事忤逆瑾逮至京師不爲屈謫衛輝府通判瑾誅復戶部主事督儲天津流寇奄至鍵登陴誓眾晝夜不怠卒保無虞薊州莊田累經奏贖不決鍵履畝清覈歸其侵於民督餉關西招商搜遺士無飢色會蘭州大饑死者枕籍鍵發粟振之全活甚眾及歸蘭民遮泣立石志思尋升開封知府文移傍午揮洒如流凡事之不便於民者必釐革之未幾卒

山西通志卷一百二十九 鄉賢錄十四

張珩石州人正德辛未進士授監察御史巡鹽兩淮繼按畿輔及陝西所至獎廉紬貪稱名御史歷大理太僕二寺少卿僉都御史巡撫延綏尋遷南京都察院右副都御史提督操江未幾召入協理院事進左副都御史會宣大總督罷廷議屬珩珩以鄉曲辭爲言者所指落職久之以原職起巡撫甯夏進兵部右侍郎兼右僉都御史總督陝西三邊前後獲首功甚眾上數賜璽書金幣勞之進右都御史居數歲拜戶部尚書督理大倉未至值延綏有警坐失事被逮論戍慶陽已復起爲副都御史巡撫延綏遷前職丁母憂歸卒於家年七十餘賜祭葬贈工部尚書謚襄敏珩行履修潔器識宏遠居官以剛介著前後上鹽法馬政邊略二十七疏尤博綜羣籍爲御史時會講官缺輔臣有謂珩才行可充侍從者欲推

入翰林珩三疏不就時論高之

賈繼之汾州人參議璇子正德甲戌進士歷官戶部郎中寬厚廉謹有儀度未第時省父揚州有遺千金求通關節者不納及爲郎理錢穀一無所私以言大禮被杖卒於官

馮華石州人正德己卯舉人知鄆城縣祀鄉賢事實無可考邵相字立之澤州人正德丁卯舉人嘉靖間朝邑知縣廉謹自持政平訟理役均盜息特建忠臣高翔劉烈女祠號知大體

李翰臣大同人正德三年進士官御史巡按山東吏部主事梁穀誣歸善王當返謀叛翰臣劾穀挾私近倖方欲邀功責翰臣爲叛人掩飾逮繫詔獄謫德州判官終山東副使

郭登庸山陰人正德甲戌進士授監察御史出按陝西劇賊

山西通志卷一百二十九 鄉賢錄十四

樊紳作亂督將士討之亂尋定雅善發奸嘗至一寺察其僧有異密圍以兵搜獲婦女十餘人並軍器若干立治如律改其寺爲書院再按浙江首輔張孚敬謀得永嘉沃田百頃屬之再三登庸不答至浙巡部及溫遠引疾去二年起督湖廣學政力正文體所拔士後多爲名卿遷應天府府丞改順天府府丞郊祀直園邱門爲世廟所知擢大同巡撫以鄉里辭改宣府修築邊牆餘羨金數萬悉籍以報部未幾以疾乞歸後起陝西巡撫不赴生平工書法篆隸行草俱臻其妙詩亦瀟灑有致所著有自修圖

鄭本公朔州人正德九年進士歷御史武宗末請慎選宗室親賢者正位東宮繫天下望不報世宗初乾清工竣進疏以規上嘉納之踰月欲加興獻帝皇號力言不可嘉靖元年出



按遼東劾罷副總兵張銘都指揮周輔還朝論救給事中劉  
最被旨切責二年十月時享太廟極言遣代非宜報聞三年  
三月將考與獻帝且立廟禁中本公偕同官力爭奪俸三月  
及席書為禮部尚書召張璠桂萼人京本公偕同官四十四  
人連章言已借廷臣伏闕哭諫繫獄廷杖還職時諸御史中  
本公言最切中尋還通政參議九年不調轉大理寺丞稍遷  
南京太僕少卿歸二十年言官刑如默賈準會薦詔許召用  
不赴卒

楊永祜遼州人正德庚午舉人在山陽教諭學約森嚴勤於  
誨導中丁丑進士授刑部主事嘉靖初抗章論事復內監侵  
占民田若干頃卒於官入山陽名宦

寶明武鄉人正德辛未進士任給事中疏時政四事及京營

山西通志卷一百二十九 鄉賢錄十四 三

軍弊又疏晉地荒糧俱見嘉納後出知裕州擢鳳翔府累升  
陝西布政使俱有政聲

孫承祖平定人正德間應例入太學授深州吏目以治河有

功升華亭縣丞嘗攝令事見賦繁弊冗振以嚴肅事咸集改

丞宜興縣值海賊弗靖訊知巢穴盡俘其黨論功有銀牌文

綺之賜尋改汶上縣擢知南宮縣流賊倡亂相機設伏所獲

甚多捷聞膺錫典改知肅甯復知英山時甯藩不軌南京兵

部撤承祖統鄉兵策應獲偽千戶申淮等十二人考績過家

以疾卒贈廬州府通判

完承志字汝孝忻州人正德辛未進士授保定府推官有疑

獄立為判決擢刑部主事調吏部武帥導武宗巡行承志抗

疏諫言甚激杖於闕下未幾升員外嘉靖改元預修武宗實

錄升郎中議大禮抗疏忤旨復被杖調考功再調文選銓除  
擬注各量才器請託不行擢右通政災異求言上條陳四事  
勢要銜之以峭執論罷年七十三卒著忻州志

孫紹祖字我山代州人檢討紹先弟也正德辛未進士選翰  
林庶吉士授編修嘉靖初纂修武宗實錄賜銀幣衣服特厚  
晉右春坊右中允充經筵講官紹祖長身偉儀觀孝友特至  
在席常以叔璽官扶風築城略陽遇賊力戰死略陽官吏暨  
不以聞與兄力為申理得祭葬贈卹如例及涖編修兄卒於

里第疏請歸葬時一子方弱妻劉以哭子垂斃略不少顧星  
夜馳至家撫柩慟哭既葬奉母張如都侍養官邸後母誕日  
庭下產瑞草一本生平博極羣書詩文超軼有奇氣尤工書  
法卒年四十二

山西通志卷一百二十九 鄉賢錄十四 三

陳阜謨代州人正德辛未進士知三河無錫二縣俱有惠政  
拜工科給事中疏劾席尚書再劾武定侯尋告歸不再出家

徒四壁鄉評重之

吳嘉聰字惟德振武衛人正德辛未進士授豐城令土寇嘯

聚瑞州勢甚猖獗嘉聰督兵勦平之賜金幣擢守曹州黃河

決築防有功擢刑部員外郎會江西逆變初靖以為南昌守

宸濠逆狀久未上嘉聰援筆頃刻而定首推弋陽王繼藩祀

輿情允服江隄大圯悉力規計旬日告成至今名為吳家塘

擢山東按察司副使兵備徐揚丁內外艱先後五載家居盡

禮卒年六十六

間仲字字仲夫代州人正德癸酉舉人授華陰知縣以卓異

起部即抗權貴謫州同升同州知州剔弊舉廢數月而治巨



盜劉漢聚眾劫掠前吏不敢問仲宇逮治將具獄盜大言曰  
吾家累千金豈為盜者意以陰動仲宇即撲殺之民喜形於  
語

王濟民字士元平陸人正德丁卯舉人授樂城知縣聞母訃  
哀毀至嘔血服除補河內會世廟入嗣大統邑夫役不給濟  
民不呼而集者千餘人太監錢所過動索千金戒其家人不  
敢犯中州往多羨賦濟民悉請罷之廉明正直鄰封有不平  
輒就質號神明比奏績冢宰論廉能第一民為立生祠祀焉  
劉湖字文淵平陸人純篤力學早負才名正德三年貢授大  
興縣丞三年績最進階文林郎升濟南府通判雪冤獄禱雨  
澤卻常例服豪強綽有惠政百姓立石頌德致仕歸絕迹公  
門不談時事講究經史訓誨後學士論推重

山西通志卷一百二十九 鄉賢錄十四

胡諸安邑人正德庚午舉人初授慶都知縣歷平涼温州同  
知終雲南參議剛毅有為一塵不染蒞官所至有聲在慶都  
民皆以胡青天稱之倅温州風采大振政績益隆致仕家居  
曾遇盜於途從者奔散盜窺之曰胡公也為之御至里門叩  
謝而去巡鹽王諍温人也極重之檄祀鄉賢祠

劉紳字文翔平陸人濟南通判潮從弟也幼敏慧力學有大  
志以名節自砥礪正德辛未登進士第初官行人擢四川道  
監察御史發宸濠逆謀糾李隆奸狀時稱真御史按甘涼再  
按畿輔清理山東戎政武宗北巡抗疏請回鑾嘉靖初大禮  
議起力與張桂爭尋復條時所宜行者十二款蒙嘉納後引  
疾歸力田課子冲然自得當時名人如彭澤邊貢呂柟康海  
輩皆為推重卒時年七十七門人私謚曰忠毅先生

程鵬解州人正德辛未進士知鄆縣清正自守剛介無私長  
安尚書劉璣繪十頌圖美之悉知鄆州內擢刑部郎中卒於  
京家宰王瓊見其囊橐蕭然嘆曰於此知其守矣為具棺斂  
之

相世芳安邑人正德甲戌進士歷官刑部郎中沈毅質直不  
苟言笑博極羣書詩文雄邁嘉靖甲申廷議大禮眾論移日  
未定世芳抗疏直諫略無避諱值帝震怒或傳為首者棄市  
眾驚惶無措世芳不動色以身當之旋廷杖幾斃謫戍延安  
慨然行伍凡十三年詔還終身無怨言隆慶初追贈太常寺  
少卿子邦教舉人

山西通志卷一百二十九 鄉賢錄十四

邱東魯解州人正德丙子舉人授廣平府同知廉明有幹郡  
有疑獄十年不決東魯甫下車一言成信讞時小民詭傳兵  
來驚竄四散東魯屹然不動從容曉諭民始安堵焉歷戶部  
郎中以養親告歸所著有見聞錄

張致夏縣人正德丙子舉人體貌魁梧自少讀書便以節槩  
自高授永清知縣愛民下士瘴惡不撓有殺一家二人者先  
時屢以賄免致實之法又優人臧賢與致同里獲幸武廟勢  
凌宰輔致終不許一見其剛介如此

謝諒安邑人正德丁丑進士性狷介絕俗為孝廉時齊彥名  
謀寇運城詰慷慨建議為守城策監臨立鳩夫增築運城至  
今賴焉為賴榆知縣值武宗南巡節省供張民不為厲比歸  
杜門謝客蕭然如韋布

范昕字晦之絳州人正德癸酉舉人初官趙州知州值世廟  
幸承大駕過次日行宮災大吏將移罪散僚听不聽慨然自



認及同知承天御史以陵監家人橫肆不法屬所鞠訊論報如律陵監衙之誣奏御史及听下獄成南海所言動意氣如常時不少變後遇赦歸萬厯中晉階四品

陶滋字時雨絳州人尚書揆子正德甲戌進士初官行人值武廟南巡抗疏力諫伏輦下不起詔廷笞之幾斃謫國子監學正擢刑部郎中改兵部武選大禮議起以去本生二字伏蒲哭諫聲徹大內傳旨廷杖繫獄三年後仍謫成世廟上賓有詔錄用已前二十年歿矣滋學問淵博為學正時以石鼓文殘缺上下千古考覈精詳刊石鼓正誤一書隆慶初贈太常寺少卿

李淮字巨川聞喜人正德甲戌進士性孝友居鄉以行誼著初官刑部主事督太倉及密雲儲公廉明允屬吏皆知畏愛

山西通志卷一百二十九 鄉賢錄十四

中官怙勢者亦感動有加禮已復督糧江南理餉遼東擢四川參議分守河西督邊餉有詔使奉命勘番人入寇情形受執政指將有所中傷淮極論夷情反覆國體宜正不可重為欺罔詔使不能奪擢副使備兵岷洮總制王以諳練邊情奏留整理河西加參政歲餼奉委散賑窮鄉僻壤必身親歷雖嬰疾不違寢食至承壽嘔血數升未幾特命巡撫延緩疾益甚未蒞任卒准潛心理學所著有詩經辨疑及小憲清適諸集

韓瓚絳州人正德己卯舉人應教諭升藍田知縣政尚廉平百姓為立生祠升漢中通判會妖人劉列謀為不軌瓚監軍督率有方斬首五十餘級生擒百餘人獲偽詔及妖書欽勞金幣起補保定升濟甯知州節愛有聲補通州兩院才之京

兆憎其傲調甯州致仕

郭汝垣曲人以監生授四川威遠知縣勸農浚渠廣儲救荒修學造士百姓有青天之歌以考績卒於京威遠士民在京者咸製服舉哀後部民立祠追祀焉

趙載字文載垣曲人正德辛未進士初官戶部主事歷員外郎中奉命督漕運抗疏言漕政利病擢陝西參議分守商洛道削平叛寇賜白金文綺會土魯番侵哈密為邊郡害總督楊一清以副使薦備兵甘涼廷議掩擊為便載請仿趙充國故事乃與屯練兵開鹽召商士馬飽騰所向克捷番人牙木蘭帖木哥等各率其眾來降遷參政仍備兵其地擢僉都御史巡撫甘肅數年政教修明威聲遠播異域相率嚮伏晉南京右副都御史提督操江瀕行條列邊務十二事為忌者所

中事白尋卒遣官諭祭治其墓蔭子入監所著有都府奏議及忠貞錄忠節祠集諸書

山西通志卷一百二十九 鄉賢錄十四

裴繼芳靈石人知州泰子也正德辛未進士授工部都水司主事管閘臨清時宦豎勢倖恣橫至臨清凌轢官吏益甚繼芳乃盤驗其私船搜獲貨物入之官漕河肅清官民免害復除戶部管糧通州門無私謁運官以獎一時剗革殆盡聲聞朝野以疾乞休歸林下十餘年怡情於詩酒山水間卒之日囊無餘貲舊廬僅蔽風雨而已

右明成化至正德一百三十三人

孟陽字子乾澤州人吏部侍郎春之子也正德九年進士為行人久不遷或諷之見當路不可武宗將南巡語諸僚曰此舉繫社稷安危一命之上皆與有憂豈必言官乃當効死遂



與同官李紹賢詹軾劉概李惠上疏切諫廷杖四十卒春聞  
子死諫哭之以詩語甚悲壯人爭傳之補遺下同  
申良字延賢高平人登鄉薦授招遠知縣山東盜起豫爲戰  
守具追擊盜至黃縣俘斬數百人己復破走之歷知諸城良  
鄉權貴往來要索悉拒之進安吉知州錦衣葉瓊倚錢甯勢  
奪民田良讞還之民瓊嫉奸人誣奏事得白稍遷常州同知  
招遠民懷其政圖像祠之入爲戶部員外郎以諫大禮杖死  
贈太僕少卿

山西通志卷一百二十九 鄉賢錄十四

山西通志卷一百二十九

鄉賢錄十五 錄二之十五 山西通志弟百二十

賜進士出身頭品頂戴兵部侍郎兼都察院右副都御史巡撫山西提督軍務臣張爾恭  
旨監修

明 嘉靖陸慶

周鉄字汝成榆次人嘉靖五年進士授行人擢御史巡按陝  
西邊將多殺被俘來歸民鉄請嚴禁有報降五人以上者賞  
之詔可再按山東特改右春坊清紀郎兼翰林院侍書俺答  
入寇鉄以中樞無籌策請早爲計責降虜州府知事旋改國  
子監丞擢吏部文選主事坐與王與齡發嚴嵩等私屬事貶  
河間通判已而吏部擬擢南京吏部主事嵩言鉄調官甫四  
月不得驟遷上詰責尙書許讚鑄文選郎鄭曉三級鉄等襮  
職爲民廷臣論薦鉄以嵩在位不復召穆宗初贈光祿少卿

山西通志卷一百二十九 鄉賢錄十五

寇陽字體乾榆次人嘉靖己丑進士知廣平縣甚著循聲升  
禮部主客司主事歷浙江僉事陝西參議所至持廉秉公人  
靡敢以私干而商洛產金毫無所取焉尋爲江西按察使不  
阿嚴相以浙江右布政落職陽少好學雖生長閩閱有茹齏  
映雪之苦居家孝友足跡不至公門清風懿行至今稱述云  
唐頤陽曲人希介孫嘉靖乙未進士官至臨洮知府持已清  
謹居家儉約歷二千石而家業蕭然不干謁不語時政得失  
循循退讓林居四十年年八十五卒

李應時太原前衛人幼穎悟篤學強記嘗年名籍諸生間登  
嘉靖壬子鄉試謁選授兵部司務絕苞苴請託同僚嚴重之  
俸滿量移南京戶部員外郎甫八月致仕囊橐垂竭不能治  
行李賴故人爲郡守賈以歸里頽垣破屋不蔽風雨薄田不



能供饘粥不為苟得地方當道自公事外無私語工詩文博學廣稽即天文地理星相醫卜無所不究而居已恂恂與人處無眾寡小大必以誠敬以孫成名貴贈通議大夫戶部右侍郎

李希洛字宗程陽曲人嘉靖癸丑進士倜儻有大略授昌黎知縣時關中地震民多被傷遂移知渭南掩骼埋胔招恤流亡民建祠祀之拜戶科給事中彈總督胡宗憲貪肆忤相嵩歸里事兄通判希濂愛敬純篤士民婚喪不能舉者傾貲賙貸歲早捐糜煮粥濟活頗眾所著有益言錄政學訓言錄明儒要言

趙體敬太谷人嘉靖壬戌進士授行人兩使親藩饒遺悉卻升兵部主事歷員外郎中擢鳳陽知府持操冰蘖敷政惠和兩課俱為諸郡最遷四川右參政

李敏字融南榆次人登丁未李春芳榜進士選翰林院庶吉士授刑科給事中庚戌虜變保定楊中丞以援運被逮敏力救之廷杖被謫後復升禮科給事中不從醜事行香又被杖累遷至順天府尹自陳歸里徜徉原澗別墅十餘年終尚書褚鈇撰墓志

褚鈇字民威榆次人嘉靖乙丑進士授河間縣知縣縣畿輔近地稱難治鈇蒞任詳而有體循聲冠三輔徵為監察御史遇日食上疏陳六事出按陝西茶馬藩府欲得牧地為湯沐邑力爭遏其請虜方受款而時掠番自利鈇曰番為河西屏藩急必折入虜虜內狃中國外兼番人為害必甚後皆如其言再按河南周趙二藩有醜縱為民害者奏治不少貸督南

山西通志卷一百三十 鄉賢錄十五

畿學政稱公明遷大理寺丞轉少卿擢右僉都御史巡撫河南疏免通稅九萬有奇召入內臺佐院事遷大理寺卿再遷工部侍郎值興慈甯工庀材量費悉出手畫尋以勞避疾請告歸病痊起原官改刑部侍郎中丞李材以言事忤旨再三執奏得釋遷右都御史兼戶部侍郎晉尚書領漕務兼撫江北淮水泛溢陵寢及漕將被患築周家橋塞黃塌口繕完歸仁故堤陵與漕兩無害加太子少保後兩宮三殿災陳時政急務語極凱切不報疏乞骸骨屢上始命馳驛歸卒年六十有八贈少保賜祭葬如例

吳夢麟字徵仲翼城人嘉靖壬午舉人初授禮部司務轉戶部郎中升鞏昌知府冰蘖自勵寬和不擾民甚德之所得俸祿悉贖宗族及友之貧者無私蓄焉升太僕寺卿行李蕭然圖書數卷而已

山西通志卷一百三十 鄉賢錄十五

康天爵臨汾人嘉靖癸未進士歷官陝西參議事母至孝居官情慎嘗監山東銀礦毫無所取及歸有武弁遠送密饋以金責卻之時稱廉直

王與齡字受甫鄉甯人明史誤謂鄉舊志於汾州人物嘉靖八年與兄培齡同第進士授蘇州推官入為戶部主事調吏部進員外郎受業崔銑友羅洪先唐順之趙時春鄉守益徐階二十一年遷文選郎中澄清銓敘所推薦皆廉靜老成大學士翟鑾為禮部主事張惟一求吏部嚴嵩為監生錢可教求東陽知縣借主事周鈇等白之尚書許讚具疏以聞言平時請屬甚多臣等違抗積罪如山非聖明覆庇則二權奸主於中羣鷹犬和於外臣等不為前選郎王嘉賓之斥得為近



日御史謝瑜之罷幸矣疏入鑾言惟一應遷嵩抵無致書事  
因言聖明獨斷而讚等妄意臣輩爲之借以修怨然讚柔良  
第受制所屬耳上方信嵩又見疏中引嘉賓瑜事遂切責讚  
除與齡名銖等俱調外給事中周怡論之廷杖繫獄御史徐  
宗魯等亦以爲言皆奪俸自是諸司以與齡爲戒無復敢與  
嵩抗與齡既罷錦衣遺偵其裝襖被外無長物稱歎而去里  
居角巾躬稼圃郡人爲作平陽四賢詩美之四賢者尙書韓  
文陶揆張潤及與齡也閱二十餘年卒

劉廷臣號白石洪洞人通判榮子性沈毅體貌魁梧目炯炯  
如電嘉靖丁酉舉鄉試第一明年成進士授裕州知州時駕  
南狩裕州歲比不登或諷其少緩可規免廷臣擇土著諸事  
十數人指授規畫甫就籍籍至見其條理井井慰勞有加後

山西通志卷一百三十一 鄉賢錄十五 四

使者奉勅來賑又爲條陳便宜多所全活擢刑部員外遷郎  
中奉命錄畿輔囚得矜原者八百餘人出爲開封知府以嚴  
爲治強宗悍族胥劾遷辰沅兵備副使路出裕州百姓爭  
持酒獻之尋改天津大名河間兩地妖民將爲亂陰授將士  
方畧擒滅無遺後師尙詔亂河南移師討之盜平因晉其地  
參政未幾擢僉都御史巡撫宣府邊邊警備諸軍捍禦之以  
大捷聞加副都御史嘗以其暇編上谷須知上谷圖說南山  
圖考中間山川險阨士馬糧儲咸在以勞邊疾疏乞致仕歸  
承母歡攜友人登山臨水以自娛部使者過之謝弗與通卒  
時年五十一子應科舉人官知府應元進士官至參政應時  
別有傳

晉朝臣洪洞人嘉靖庚子舉人授和州知州升戶部員外郎

致仕進階奉政大夫孝友端方知和州廉明折奸惠愛在民  
趙中丞有守同金玉名擅江淮之稱祀名宦入司農督儲清  
源請卹解戶特報羨金張尙書旌曰廉吏歸里周戚黨之乏  
陳扛役之艱首倡導城及建祖祠修邑志皆非一時之計厥  
功甚偉

王三接洪洞人嘉靖丁未進士授博興知縣遷甯國府同知  
丁內艱未任補兗州府升甯夏僉事遼東參議泣任清慎撫  
民仁恕博興素號難治加意振刷豪右屏跡築隄防河水不  
爲患佐郡嚴明有聲督儲西夏才識優長處事明敏多所利  
賴焉

山西通志卷一百三十一 鄉賢錄十五 五

劉應時嘉靖丁未進士授戶部主事升山東副使四川參政  
改陝西副使居二年歸在海岱法紀嚴明寇盜潛蹤陝右備

築堡練兵功稱保障云  
晉應槐字似齋洪洞人員外朝臣子嘉靖丙辰進士授內閣  
中書擢吏部主事遷文選司郎中掌銓政徐相國黃少宰爲  
其私人請峻拒之秩滿例舉一人自代司馬某以其子爲言  
弗應擢太常寺少卿會司馬首冢宰廉前事借京察典誦運  
判遷廣平同知轉河南僉事礦賊起河北遣勇士二十八伴  
爲買客入賊壘縛其渠魁以出遷陝西固原副使靖甯告變  
將士請用兵不許用計散遣之艱歸起湖北參政刊屯約四  
章按侵奪者實於法遷本省按察使景王府第燬於火府僚  
聚飲所致卒正其罪尙書何某爲之請不聽遷右布政使當  
大比江陵相介學使者屬其子笑卻之泣任四月晉右僉都  
御史巡撫甯夏下令市馬不得踰額靈州守將爲凶卒所殺



擒治如律後為湖北理官誣奏巡按數實疏其枉以原品調南都因謝政歸卜築城北之北溪日手黃庭一編凡二十五年卒時年七十五子承寵進士承命承忠孫淑程淑文淑周俱舉人

李日強曲沃人家貧力學天性孝友弱冠領辛酉解額乙丑成進士授宜陽知縣裁革冗費暨歲供良馬墾山地以免差役召貧民以給牛種政簡刑清甫二載薦剡者七次徵為南京禮科給事中時穆宗取大倉銀上疏直諫累升貴州左參政屢疏乞歸杜門課子自奉儉約接人和易歲饑出粟振濟邑人德之

趙廷伋岳陽人嘉靖間以貢初任經歷終於山東德府長史所至多惠政上下懷服及歸睦鄉惠族周貧恤患設醫藥立

義冢悉殫力為之

山西通志卷一百三十 鄉賢錄十五 六

何尚德字汝修猗氏人天姿穎異於墳典多所授閱德器純粹望之如卿雲和璧舉嘉靖壬午鄉試授興安州知州蒞任四載省刑薄斂以清廉著行之日庫有餘贖七白金毫不為染尤人所難升開封同知子弟甲科一時稱盛

杜漸字于達琦氏人嘗從學於宋震博通經書子史嘉靖壬午舉人任齊東知縣調掖縣艱歸補商城肅宗南巡中貴索供億不遂中傷落職商民扶老攜幼犯蹕請留不許立祠祀焉卒後十餘年汝南喻按鹽河東下車首謂鄉士大夫曰吾素不識杜君每見商民談及未嘗不流涕因登循良坊於門場博字惟約蒲州人父贈御史終四川僉事博舉嘉靖八年進士除塾屋知縣調長安徵為兵部武庫主事歷職方郎中

大學士翟鑾巡九邊以博自隨所過山川形勢士卒多孱弱皆疏記之至肅州屬番數百遮道要賞鑾慮來者益眾不能給博請鑾盛儀衛集諸番轅門外數以天子宰相至不悉眾遠迎將縛以屬吏諸番羅拜請罪乃稍賚其先至者餘皆懼不復來鑾大喜還薦博可屬大事尚書張瓚一切倚辦博上或中夜降手詔隨事條答悉稱旨毛伯温代瓚博當遷特奏留之已遷山東提學副使轉督糧參政二十五年超拜右僉都御史巡撫甘肅大興屯利請募民墾田永免科修築肅州榆樹泉甘州平川境外大蘆泉諸地敬臺鑿龍首諸渠進右副部御史母憂歸先是仇鸞鎮甘肅博常發其貪附三十事及鸞拜大將軍數毀之不聽服闋召拜兵部右侍郎轉左經畧薊州保定朔河川水湍悍不可城博緣水勢建石墩置

山西通志卷一百三十 鄉賢錄十五 七

戍守還督九門尋遷總督前遼保定軍務三十三年秋把都兒及打來孫十餘萬騎入薊鎮攻牆上數遺騎偵博擐甲宿古北口城上督總兵官周益昌等力禦上大喜馳賜緋豸衣犒軍萬金寇攻晝夜不得入乃并攻孤山口登牆官軍斷一人腕乃退屯虎頭山博募死士夜以火驚其營寇擾亂比明悉去進右都御史蔭子錦衣千戶明年復入擊卻之擢兵部尚書加太子少保嚴嵩父子招權利一切格不行會父憂去俄起兵部尚書代許論博疏辭而大同右衛圍急改總督宣大山西軍務博墨線馳出關寇引去右衛圍六月守將王德戰亡芻粟且盡死守無二心博厚加褒卹奏行善後十事給事中張學顏請留博鎮撫奏獨被寇租因僉其丁壯為義勇造偏箱車百輛有警則右衛車東左衛車西使相聲援又



以大同牆圯急繕治塞銀釵驛馬諸嶺以絕窺紫荊路備居庸南山以絕窺天壽路修陽方神池諸牆墜以絕入山西路乃於大同牛心山諸地築堡九墩臺九十二接左衛高山站以達鎮城濬大濠二各十八里小濠六十有四五旬訖功賜勅獎資上數欲召還嵩雅不喜博請侯秋防畢徐議之秋防訖給事中王文炳請召還上以邊防非博不可命加太子太保留鎮如故呼素把伶及叛人了都記等數寇邊先後計擒之又數出奇兵襲寇稍徙帳因議築故總督翁萬達所創邊牆招還民爲寇掠者六千百餘人又請通宣大荒田水利薄其租報可移勦總督召還加少保每先事爲防上眷倚若左右手王直求封爵持不可久之改吏部尚書隆慶初請錄建言諸臣死者皆贈卹連疏乞休並慰留進少傅兼太子

山西通志卷一百三十一 鄉賢錄十五

太傅時將游南海子率同列諫御史詹仰庇以直言罷力爭之屯鹽都御史龐尙鵬被論議留忤旨謝病歸尙書劉體乾等交章乞留不聽太學士高拱薦博堪本兵詔以吏部尙書理兵部事博魁梧豐碩臨事安閒有識量自翟鑾幕府知名出入中外四十餘年始終以兵事著六年改吏部進少師兼太子太師明年秋疾作三疏乞致仕歸逾年卒贈太傅謚襄毅

王光字字德潛臨晉人嘉靖乙未進士性孝友母目盲禱於天母目復明歷官戶部郎中督糧甘肅嚴禁奸蠹士貧未娶者助婚資時蘭泉劉驛丞賣女妓家爲贖歸之敵騎入疆授將土方畧以捷聞升僉事巡隴右輯民撫番豪黠斂跡民生祠

王輪蒲州人嘉靖戊戌進士生有至性祖母嚴苦志守節業得旨旌其門與人言淚猶滂沱下居鄉以任卹著通籍數十年所得俸錢悉以周族黨起庶僚四歷巡撫保釐之績爲功於疆索甚大在蘄鎮時嘗出巡塞外與夫偶蹶撲地墮輪水中眾懼失色輪不之罪人皆服其雅量卒後追敘邊功賜祭葬有加

楊時芳字道亨猗氏人四歲能辨四聲十三歲入庠弱冠舉庚子鄉試授寶坻知縣調正甯升慶陽府通判督餉甯夏舉綱振維不緣俗吏文法中貴人捕銀魚止傳舍銜不刺謁因擠排乃曰以此受污芬芳多矣或言其城荒涼曰萬井鹹水一階沙葱正吾着力處也及歸敝衣羸馬恬淡自處弟聯芳乙卯經魁早卒人嘆爲雙珠失一子璠甲寅貢歷任教授

山西通志卷一百三十一 鄉賢錄十五

何尙賢猗氏人尙德弟嘉靖甲辰進士由南郎中出爲延安同知禦邊有功升漢中知府擒劇賊何勉致仕歸動履飭謹非弔問未嘗出閭稱有道君子卒鄉人私謚曰貞定子東麟貢士善詩文東鳳丙子經魁

王崇古字學甫蒲州人嘉靖二十年進士除刑部主事由郎中歷知安慶汝甯選常鎮兵備副使擊倭夏港追賊之靖江從巡撫曹邦輔戰許墅已借俞大猷追倭出海累進陝西按察使河南右布政使四十二年擢右僉都御史巡撫甯夏崇古喜譚兵具知諸邊阨塞身歷行陣修戰守納降附數出兵搗巢寇屢殘他鎮甯夏獨完陞慶初加右副都御史冬進兵部右侍郎兼右僉都御史總督陝西延甯甘肅軍務崇古奏給四鎮旗牌撫臣得用軍法督戰又指畫地圖分授諸大將



趙苛雷龍等數有功四年正月改總督宣大山西軍務崇古  
 禁邊卒開出而縱其素通寇者深入為間又撤勞番漢陷寇  
 軍民率眾降及自拔者悉存撫之歸者接踵西番瓦剌黃毛  
 諸種一歲中降者踰二千人冬十月俺答孫把漢那吉率妻  
 子十餘人來歸巡撫方逢時以告崇古念因此制俺答則趙  
 全等可除也留之大同慰藉甚至借逢時疏於朝奏至朝議  
 紛然大學士高拱張居正力主崇古議詔授把漢指揮使賜  
 緋衣一襲俺答方掠番間而急歸調辛愛兵分道入索把漢  
 甚急崇古借逢時遣百戶鮑崇德入其營俺答盛氣待之崇  
 德曰今朝廷待而孫甚厚稱兵是速其死也俺答聞言心動  
 使使謂之崇古令把漢緋袍金帶見使者掩答喜過望崇德  
 因說之曰趙全等且至把漢夕返俺答大喜屏人語曰是天  
 遣之合也幸封我為王永長北方諸部孰敢為患他日我孫  
 當襲封彼受厚恩豈敢負耶遂遣使與崇德俱來又為辛愛  
 求官并請互市崇古以聞悉報可俺答遂縛全等十餘人以  
 獻崇古亦遣使送把漢歸上祭告郊廟殊全等於市加崇古  
 太子少保兵部尚書總督如故疏請通貢市朝議復譁崇古  
 復疏力爭之因條封貢八事以上詔下廷議會御經筵閣臣  
 李春芳等面請外示羈縻內修守備乃詔封俺答順義王昆  
 都力辛愛等皆授官封把漢昭勇將軍指揮使如故俺答率  
 諸部受詔甚恭使使貢馬執趙全餘黨以獻上嘉其誠賜金  
 幣又給玉印加撫賞惟貢使不聽入京河套吉能亦如約請  
 命陝西總督王之誥議令吉能一二年不犯方許封貢崇古  
 復疏剖明之亦授都督同知崇古乃廣召商販聽令貿易布

山西通志卷一百三十 鄉賢錄十五 十一

帛菽粟皮革遠自江淮湖廣輻輳塞下因收其稅以充犒賞  
 其大小部長則官給金繪歲市馬各有數崇古仍歲詣宏賜  
 堡宣諭威德諸部羅拜無敢諱自是邊境休息東起延永西  
 抵嘉峪七鎮數千里軍民樂業歲省兵費什三詔進太子太  
 保萬歷初詔理戎政加少保還刑部尚書改兵部致仕歸辛  
 愛捨力克相繼襲封十五年詔以崇古竭忠首事三封告成  
 廕一子世錦衣千戶有司以禮存問又二年卒贈太保謚襄  
 毅崇古身歷七鎮動者華裔封貢初廷議紛呶幸明季奉制  
 文法之習是時尚未熾僅獲成功順義歸款二十年崇古乃  
 沒總督梅友松撫馭夫宜西邊始擾而禍已紓於嘉靖時至  
 宣大則歸款迄明季不變子謙萬歷五年進士官工部主事  
 權稅杭州羅本營兵變脅執巡撫吳善言謙馳諭之乃解終  
 太僕少卿孫之楨以蔭累官太子太保左都督掌錦衣衛事  
 凡十有七年之采萬歷二十六年進士官兵部右侍郎陝西  
 三邊總督

傅希孟字仲道蒲州人嘉靖丙午舉人任同州知州性簡素  
 質直去家不兩舍而絕無行遊者奉檄度田履畝按覈不攜  
 庖饌冰菓之操三年如一日遷漢中府同知又遷順天府治  
 中歷姚安知府卒之日家四壁立

衛鈞臨晉人嘉靖己酉進士授任縣知縣潔已愛民卒於官  
 吏民哭弔如喪私親及歸送越他境有望塵墮淚者入名宦  
 兄鈞辛卯舉人由新城知縣陞昌平知州耿介廉潔時陶嚴  
 煽毒鈞執法不避權勢卒為所構弟鏗辛酉舉人任扶風知  
 縣有惠政補 鄉實心愛民招撫流移復業者甚眾至定徵

山西通志卷一百三十 鄉賢錄十五 十一



規緩期限禁侵漁善政尤多後免歸百姓立德政碑

張四維字子維蒲州人嘉靖三十二年進士改庶吉士授編修隆慶初進右中允直經筵尋遷左諭德四維嫻文辭備儻有才智明習時事楊博王崇古入歷邊陲善談兵四維博同里而崇古姊子也以故亦習知邊務高拱深器之拱掌吏部超擢翰林學士甫兩月拜吏部左侍郎俺答封貢議起朝右持不決四維為交關於拱款事遂成拱益才四維進左侍郎請告歸尋召充東宮侍班神宗初張居正當國復移疾歸萬曆二年復召掌詹事府三年三月居正請增置閣臣引薦四維遂以禮部尚書兼東閣大學士入贊機務居正卒四維為首輔累加至少師吏部尚書中極殿大學士初四維為次輔凡惡居正者擬旨不盡如居正意既得政知中外積苦居正

山西通志卷一百三十一 鄉賢錄十五 十三

欲大收人心會皇子生頒詔天下疏言今法紀修明海宇甯謐足稱治平而文武諸臣不達朝廷勵精本意務為促急煩碎致徵斂無藝政令乖舛中外鬱然喪其樂生之心誠宜及此大慶蕩滌煩苛宏敷惠澤俾四海蒸黎咸戴帝德此固人心培國脈之要術也上嘉納之自是朝政稍變言路亦獲發舒言事司禮馮保欲因兩宮徽號封已為伯四維力持之保黨謂四維與吏部尚書王國光同鄉相厚可搆也御史曹一夔劾國光拔四維中表弟王謙為吏部主事上慰留四維御史張問達復劾之上詢問達於外已而四維門生李植輩發保奸狀保及其黨皆逐朝事一大變四維謂除惡務本本既除餘黨可畧請上與更始而汲引海內正人為居正所沈抑者雖未即盡登用然力反前事時望屬之雲南貢金後期欲

罪守士官又詔取雲南舊貯礦銀二十萬皆諫止之詔江西陶瓷器十萬多奇巧難成四維亦力諫尋以父喪歸賜資優渥亞居正焉服闋卒贈太師謚文毅四維著條麓堂集子泰徵甲徵胥舉進士泰徵累官湖廣參政甲徵工部郎中任汝亮猗氏人嘉靖壬戌進士授戶部主事監糧城餉却美金筭大倉查盤數不相符詔逮獄汝亮抗疏廷辨中貴索賂汝亮奮言曰天朝法紀有賂免耶中貴駭散尋釋改兵部歷任泉州知府時亢旱郡人祈於九鯉湖神夢語曰太守雨何不悟汝亮下車雨即如注泉州山湧一泉能愈人疾石上題字云巨雷關石神泉湧出見者神清食之無疾以傳以誦良二千石汝亮左遷興國泉湮而字亦滅卒於官不能敘同官朱正色助治喪具以歸後人有遇汝亮於武當者始終以奇

山西通志卷一百三十一 鄉賢錄十五 十三

著云

張問明猗氏人十歲以神童補弟子員嘉靖壬戌進士授光山知縣縣宋元交戍地習為盜藪以計除之拜御史雄才敏政風動朝野閱視湖川雲貴世廟曰西南萬里須此人方稱旨按三吳江右世族浸毒法無少遜忤政府改南戶部歷吏部出河間民爭賀曰此舊御史不徇勢而惠我者以疾歸處鄉慷慨有大節一時人士無不想慕其丰采其在廷諸疏草輒自削去今散落不存

楊俊民字伯章蒲州人博子也嘉靖四十一年進士除戶部主事歷禮部郎中隆慶初遷河南提學副使高拱甥劉生得罪杖黜之拱兄兪都御史捷沒有司請祠弗許尋轉右參政萬曆初入為太僕少卿傳致政侍歸起故官累遷兵部左侍



郎署部事時議拮力克嗣封俊民言款未可遽罷惟外勒西  
部使盡遷巢申定市額使無溢索而已議遂定進戶部尚書  
總督倉場十九年還理部事河南大饑請發銀米各數十萬  
以稽緩自劾求罷疏六上不允小人競請開礦爭不得滿三  
考累加太子太保卒官贈少保後贈少傅兼太子太傅

賈仁元字西池萬泉人嘉靖壬戌進士初授歷城知縣入為  
兵部主事改戶部補刑部遷戶部員外郎歷郎中出知保定  
府遷山東臨清兵備副使轉陝西西涼左參政以邊功遷山  
東按察右布政使特擢陝西延綏巡撫都御史以軍功蔭子  
世襲錦衣衛千戶並復其族入為兵部左侍郎協理京營戎  
政充經筵官三疏所致仕加兵部尚書馳驛回籍食俸如在  
官時仁元自釋褐游登樞府胥以清操著練兵足餉尤加意

山西通志卷一百三十 鄉賢錄十五 十四

文教在延綏嘗集寮屬詣鄉約所講解忠孝節義事卒後遺  
官諭祭葬給墓田七十畝祀名宦  
韓楫蒲州人嘉靖乙丑進士選翰林院庶吉士遷刑科給事  
中忠直敢言穆宗登極前後三上劄極陳君道在正始元輔  
徐階持其疏稱為中興第一又以薛文清瑄學術醇正疏請  
從祀後累官至通政使

楊相蒲州人嘉靖乙丑進士授成安知縣擢御史按陝西茶  
馬繼按河南巡京營心體洞豁遇事剛果考成憲酌時宜疏  
言茶馬四事理財三事皆闕大體至論成國不當封王膠河  
不當動眾尤為時所稱誦轉山東副使湖廣參政以疾告歸  
姪焯同科舉人子暄萬曆丙子舉人  
董汝漢字昭夫萬泉人嘉靖乙丑進士授咸甯知縣陞兵部

武選司主事絕苞苴直門無私謁透甯夏兵備副使順義王將  
東歸尙負固未發汝漢直言撫之咸服而去轉關南參政亂  
民聞風解散晉左右布政致政歸居鄉二十年加惠閭黨待  
以舉火者百餘家子璜貢監振貧卹乏利賴一方稱世德焉  
郭昂猗氏人嘉靖間監生任興平縣丞多惠政民歷久不忘  
祀名宦子錦字子京由例貢復仕興平父子相繼秦民稱之  
子銓字衡山諸生博學端方祀鄉賢

山西通志卷一百三十 鄉賢錄十五 十五

趙希夔字一卿潞州人父秉中陝州同知博雅有時名希夔  
嘉靖乙未進士任安州知州歷官河南左布政使以藩親不  
得為京官加食正一品俸且開散官蔭子之例方為州時僅  
弱冠嘗督隄功水大至眾皆驚散乃獨立衝所眾還競築隄  
得不壞時世廟南巡所經多獲罪安肅知縣逃當道以希夔  
攝之設黃布為行宮供億無異物上喜欲以為巡撫地方官  
不拜時值獻后梓宮南下中人謗喪郡縣苦之臨清知州亦  
逃當道又以攝州據理應酬中人悅服銅仁小平茶苗叛官  
軍征之不服希夔時在貴州以他道署事撫按以兵事屬焉  
賊退入深箐兵不得進乃為礮礮望煙飛擊賊逾深遁遂伐  
木開道入其穴授苗蒙安天朝以方畧使立功贖罪苗遂平  
拓地二百里以和馭下有趙佛之稱致仕歸絕請謁化鄉  
人隨分歸善壽八十七而終子三子實儀賓于敏官至知府  
子樸貢士

栗永祿字士學潞州人嘉靖庚子領解甲辰成進士以宗親  
授壽州知州故有古芍陂塘久廢力為開濬遷蘇州府同  
知歷陝西僉事副使浙江參政調河南參議尋遷直隸副使



備兵昌平獲謀者得入寇奸謀預為備及至督將士力戰大創之以功受上賞調陝西參議分守河西兼理靈州鹽課下車問民疾苦不數月庶政一新徵為光祿卿轉順天府府尹穆廟歎其有邊才越數日昌平警至遂以副都御史出鎮其地威望所震咸遂巡引去改河南巡撫入為兵部侍郎督南京糧儲罷歸復起兵部侍郎巡撫甘肅尋致仕歸卒賜祭葬如例贈賻有加兄永爵同登庚子榜累官磁州知州

李之茂字汝培號七泉屯留人嘉靖庚子舉人為山東滋陽令嘗夕按圖扉有童子而析楊泣者則其祖負官金而三世逮者也之茂惻然以百金代償釋之河決徐沛間之茂督治夏村隄有功如俸一級尋拜南臺監察御史巡視鳳陽倉魏國子爭爵事連動貴命南臺議法之茂挺身斷曲直襲乃定

山西通志卷一百三十一 鄉賢錄十五

因以骨鯁忤勢要且抗疏論相國攝銓憲非高皇帝法遂出補陝西按察司僉事丁內艱免喪起補河南分巡汝洛間按貪暴以法盧氏礦盜倡亂設方畧擒之忌者以蜚語上聞下所司考驗事白補四川治兵淑瀘時都督新平之茂招採反側修戒備將吏偷安者嚴罰之有詔省官以淑瀘事兼領川南當從職會妻喪遂歸不復起

任環字應乾長治人嘉靖二十三年進士歷知黃平沙河滑縣並有能名遷蘇州同知倭患起獨以身任之三十一年閏三月禦賊寶山洋小校張治戰死環奮前搏賊相持數日賊遁尋犯太倉環馳赴之短兵接身被三創卒夫捍環出死之賊亦引去已而復至裏瘡出海擊之濤怒作意氣兩厲竟敗賊俘斬百餘復連戰陰沙保山南沙皆捷播按察僉事整飭

蘇松兵備倭歸惟南沙三百人舟壞不能去與總兵湯克寬列兵守之數月賊大至踰年犯蘇州城閉鄉民繞城號環盡納之全活數萬計率副將解明道擊退賊論前後功進右參政賊掠常熟率知縣王鈇破其巢焚舟二十七賊尋掠陸涇壩都督周于德敗環偕總兵俞大猷擊敗之焚舟三十餘賊犯吳江又擊敗之驚胆湖頃賊於三板沙奪舟出海襲敗之馬蹟山別部屯嘉定火焚之盡死論功蔭一子副千戶母憂奪哀賊屯新場環與都司李經率永順保靖兵攻之士舍彭翹死停俸賊平乞終制許之踰二年卒年四十給事中徐師會頌其功贈光祿卿再蔭一子副千戶建祠蘇州春秋致祭環嘗與士卒同寢食所得賜予悉分給事終夜露宿或數日絕餐書姓名於體曰戰死分也先人遺體他日或收葬將

山西通志卷一百三十一 鄉賢錄十五

士皆感激故所向有功

李尚智字子愚屯留人嘉靖甲辰進士知直隸清苑縣擢監察御史轉山東青州知府直隸密雲副使補四川參政山東按察使晉右僉都御史巡撫延綏調保定尚智蘊經世畧居官以廉潔為先而出以公慎自郡縣至開府所至皆有惠政在延綏控制五路警伏諸番尤稱一時屏翰致政後家無長物布衣蔬食稱貸自給怡如也當道數十薦皆不起世以清望推之

楊世卿長子人嘉靖丙午舉人授沙河知縣歷知州同知陞南京戶部員外郎中致仕所至有政績以理學名一時科貢多出其門

李尚賓潞州人嘉靖壬子舉人知河南輝縣補淇縣秩滿遷



裕州知州其人走闕下乞復任詔以知州留知淇縣尋為直指使者所擠劾歸尚實有異才詞賦文章胥自出機軸有奇氣性狷介眾謂恃才軋人故為所忌既歸貧益甚一日求妻鳳釵易米供晨爨妻曰君以貪掛御史白簡乃無米炊即尚實日謀米及婦使一釵不保吾不貪誰貪者聞者啞然于夢照舉人滄州知州孫專業舉人柏鄉知縣三世胥稱清白吏鮑承蔭字子傳長治人父龍戊戌進士知崑山縣禦倭寇有功承蔭登丙辰進士授中書舍人改監察御史時西山僧徒作佛事特疏禁止三巡直省俱著風裁出為河南副使山東參政轉河南按察使歷左右布政使卒

邵光先字子孝長治人嘉靖己未進士初知上海縣徵為監察御史遷大理寺丞晉少卿擢右僉都御史歷右副都御史

山西通志卷一百三十 鄉賢錄十五 六

巡撫延綏改左副都御史協理院事甫一年復出撫前遼保定兼理邊務晉兵部右侍郎轉左總督三邊軍務艱難補原官晉兵部尚書加太子少保光先嚴重有威官御史時發憲長姦賊及諸豪宗橫肆狀風采凜然在兵部邊人求內附眾莫敢汎光先謂外示羈縻內修武備斯可以制其死命議定朝野倚賴之祿度冲移無城府生平服官半在戎馬中閱父病革一慟而絕訃門贈太子太保予祭四壇命行人董葬事視常典有加

馬宜春長子人廉介博學中辛酉鄉試時新中舉人里甲派百金為賀宜春固辭不受遂革其弊至今遵之後授鄆縣知縣不樂仕進遂

暴孟奇字玉溪也留人嘉靖乙丑進士任戶部主事改御史

歷衛輝府知府陝西臨鞏兵備副使性直懇練達剛果藹大猶十許人冒餉金鉅萬比事發耗蕩無寸絲孟奇以首惡正憲典代償贖銀二千金凡屬牽引俱為獻釋往者實粟塞下粟貴而賤人商戒不來孟奇言於督撫平其人商不受困而倉廩充盈北城臨河易地大為贊砌州民賴之

方金石州人為兵科給事中嘉靖九年上疏言陛下臨御之初盡斥法王國師佛子近又斥姚廣孝配享臣每歎大聖人作為千古莫及乃有真人邵元節者誤蒙殊恩為聖德累夫元節一道流耳有勞優以金帛足矣乃加崇秩復賜其師李得晟贈祭廣孝不可配享於太廟則二人益不可拜寵於聖朝望削元節真人號并奪得晟恩卹庶異端闢正道昌上方欲受長生術立下詔獄拷掠終以其言直釋之尋借御史唐

山西通志卷一百三十 鄉賢錄十五 十九

愈賢襄御用監財物劾奉御李興等侵蝕狀實諸獄後累官蘇州兵備副使卒

劉尚義汾州人嘉靖乙未進士由行人選御史稜稜有威望尋調秦州判官改朝邑知縣遷松江同知督糧餉不私其麻署府事革堂食費吏屬畏其介升南京刑部郎中出補四川僉事備兵西蜀兼督松茂邊餉蜀人苦空運尚義設法收給軍民兩便作八頌以詠之轉陝西參議河南副使卒於官家無餘蓄著柏山集四卷

張玘石州人嘉靖乙未進士授清豐縣知縣入為兵部主事洊歷郎中出為永平府知府先是夢二朱衣人造墨二笏至是謁夷齊廟所見宛如夢泣任三年擢按察司使以去行囊蕭然論者以為有孤竹遺風晉右僉都御史巡撫順天屢奏



首功尋謫布政司參議復入爲大理寺少卿遷順天府府尹  
轉南京戶部右侍郎召爲兵部右侍郎中途疾作至延津卒  
縣令發其行裝止俸金一十七兩計聞賜祭葬如例孫維以  
蔭仕至武定府知府

霍冀字堯封孝義人嘉靖甲辰進士初授永平府推官以績  
最拜御史清軍浙江巡按河南破妖賊師尙詔巡撫甯夏戎  
事甚飭上嘉之資以金綺移鎮保定畿右歲祲嚴武備發倉  
廩民賴全活菑昌宣大以缺餉告命徧歷邊場盡得耗糞侵  
冒之實因條上恤軍通商轉輸積貯四事總督三邊軍務厚  
恤死事汰諸將不職者募丁壯激忠義修戰守具軍容一新  
隆慶丁卯敵犯嵐汾石州軍書告急晉兵部尙書冀料天下  
戎馬強弱邊塞要害及諸將帥材勇高下悉經畧劑量之宜

山西通志卷一百三十 鄉賢錄十五

籍柏建儲大閱皆蒙恩錫以講憲臣功罪及京營事宜兩忤  
輔臣乞歸年六十卒賜卹典如例

王緝汾陽人縉子嘉靖乙未進士授吉安推官以母老迎養  
不便疏請就近改助教歷升職方司郎中辛未聘禮闈校士  
所收多碩彥羅太僕卿旋升僉都御史巡撫貴州苗民悉感  
化歸附恐後欽賜金幣令紀錄進副都御史巡撫南贛後升  
戶部侍郎敷歷中外三十餘年勛績爛然所著有防邊紀畧  
等書

張好古陽城人嘉靖癸未進士元城知縣時皇親怙勢擅作  
威福好古以法繩之詔繫獄請靈臺典史復鹽城知縣升刑  
部主事先是陽邑均徭溢額大爲民累好古奏豁民甚德之  
轉四川僉事

丁謹澤州人嘉靖丙戌進士觀政戶部勞軍固原人服其清  
介授宜興知縣請免額外之徵澹淤沒之田民多利賴建祠  
祀之

鍾鑑澤州人嘉靖己丑進士知巢縣調獻縣補洛陽歷河南  
知府陝西副使陞參政時關隴大饑全活以億萬計方艾引  
疾乞休讀書教子士論高之所著有禮經主意

孟霽澤州人嘉靖己丑進士任陝西督糧道明敏廉介剛柔  
交濟督儲有方每師出糧餉充裕臺體嚴肅放衙後優悠詩  
翰蕭然事外

李牙陽城人嘉靖辛丑進士任邵陽知縣民狡悍多負公租  
牙嚴憚而寬恤之俗丕變有橫豪害人擒治如法邑有牙除  
虎害之謠累陞湖廣按察肅憲度恤刑獄平叛逆師尙詔以

山西通志卷一百三十 鄉賢錄十五

功歷河南山東布政平賦節用賑飢溉田善績懋著泰山香  
縉久爲諸司折俸宿弊也牙令貯府庫以待公用檢通省郡  
邑積贏萬金以實內帑薦章數十上兩考左轉績以覃恩階  
正二品加從一品俸疏歸年七十一卒子可久亦登進士歷  
官四川僉事

王國光字汝觀陽城人嘉靖二十三年進士授吳江知縣鄰  
邑疑獄來質訊輒得情調儀封擢兵部主事改吏部歷文選  
郎中屢遷順天府尹戶部右侍郎總督倉場謝病去隆慶四  
年起刑部左侍郎拜南京刑部尙書未上改戶部尙書再督  
倉場神宗初還理部事時簿牒繁冗州縣有繕書輪解交納  
諸費疏請裁併去繁文十三四胥稱簡便請行天下撫按官  
督所司具報出入存留逋負之數戶部得通融會計以其餘



濟邊又以京軍支糧通判侯伺甚艱請遣部郎一人司之名  
坐糧廳驗發無過三日諸軍便之天下錢穀散隸諸司請歸  
併責成畿輔府州縣歸福建司南畿歸四川司鹽課歸山東  
司關稅歸貴州司准徐臨德諸倉歸雲南司御馬象房及二  
十四馬房芻料歸廣西司遂為定制三年京察乞罷特留之  
明年復固請詔乘傳歸瀕行以所輯條例名萬厯會計錄上  
之上令戶部訂正及書成詔褒諭焉五年冬起吏部尚書陳  
采實政別繁簡責令守恤卑官罷加納數事皆允行八年外  
察請毋限日期詔許之且命註誤者聽從公辨雪尋加太子  
太保國光有才智初掌邦計多所建白及是張居正枋政居  
正卒間任已念其勞命復官致仕

山西通志卷一百三十 鄉賢錄十五

馮時亨陵川人嘉靖丙午舉人由濟南府判攝陝西金州知  
州時巨寇何勉嘯聚時亨給軍餉多所贊畫清廉自勵德政  
民思

張昇陽城人嘉靖庚戌進士知清苑縣多惠政擢戶部主事  
調兵部員外郎中出為衛輝知府衛故多大俠昇按以法境  
內肅然郡資百泉灌田部使藉口漕運厲其禁昇抗言非便  
禁遂弛民不苦旱擢陝西副使改大名轉河南布政尋告歸  
性喜施與丙戌大疫延醫施藥發粟賑饑與鄉人處溫溫然  
若不知有官者卒年八十七孫慎言為吏部尚書

蔣應奎大同人嘉靖丙戌進士授工部都水司主事治河呂  
梁遷營繕司郎中董建兩宮功成超拜太僕寺少卿遷應天  
府府尹以嚴為治勸戚中有橫肆者悉裁以法捐金修學宮  
墾秣陵荒田千餘頃擢副都御史巡撫遼東甯遠開原一帶

壁壘維新入為戶部侍郎改兵部兼僉都御史協理戎政應  
奎性恬淡為諸生時嘗鬻衣養父母既貴益堅素節卒之日  
喪幾弗克舉後贈兵部尚書

溫景葵字汝陽大同人嘉靖戊子舉人令長山陞御史守蘇  
州並有治績庚申邊事孔棘兵道初設乃自霸州道移任承  
平四年創制運籌詳審精密如穀賤傷農立為糴貯法因軍  
餉對支掠害商人立為入倉法因將士重冒行糧濫費立為  
稽塗法因後府催徭殘阨衛職疏準為徑解惜薪司法修建  
昌營石門寨半壁山等城為邊疆保障處置有方財不費而  
民不擾選士入孤山書院延師豐原嚴程課如親子弟科甲  
多出其門特擢都御史巡撫順天三載告病歸

山西通志卷一百三十 鄉賢錄十五

田治兼并寬徭役捐俸構橋民德之名曰郭公橋發奸摘伏  
奸猾不敢欺訓課諸生周其貧乏戒其跡弛士皆以行誼相  
勉辛酉分校所錄皆知名士陞戶部主事滕民遮留盈塗建  
祠祀之累官整飭延緩道駐榆林謹烽燧嚴斥堠增置城堡  
練習士卒會敵大舉鼓舞將士躬臨矢石三入三敗之俘馘  
以百數丁艱歸補山東按察司僉事尋致仕

郭民敬山陰人嘉靖丁未進士山東壽光知縣治行濟南第  
一徵御史巡按南直奏蠲租賦民賴蘇息復按四川墨吏望  
風解綬去

馬牙大同人嘉靖壬子舉人文章行誼為士林望初守蘇州  
有惠政邊事孔棘督民兵以計拒之遷鎮江府同知防江  
練舟師盜賊屏迹署丹陽諸廢率興開馬嘶港為一邑永利



擢戶部員外尋升潁州兵備僉事類多盜難治牙多方擒之民賴以安泗水衝齧貽陵瘵患牙躬臨其地親督料理隄得永入以憂歸哀毀得疾行至廣陵卒

賈應元字德芳大同人嘉靖乙丑進士授歷城知縣縣近郭多汗萊爲開田北山下引湖水爲渠教以灌溉又開東山險路便車馬往來三年奏績第一以與撫軍忤僅遷南京刑部主事歷戶部員外遷兵部郎中出爲河南府知府擒妖民許天官及嵩山礦徒首惡郡內晏然遷四川分巡副使僚人倡逆募健兒焚其巢復詳爲條教導以禮義僚人畏服移陝西副使備兵延綏發神木鎮羌諸城堡壘永濟荒田調湖廣長沙兵備遷陝西苑馬少卿值歲饑馬斃牧卒貧不能償部使者嚴督之與之忤以延綏不任職勒令致仕卒之日圖書數

卷蕭然如書生

山西通志卷一百二十

鄉賢錄十五

五

薛綸字汝爲號幼泉其先興化人從戎至天城遂家焉綸登嘉靖戊辰進士授長安令蘇民力清土田禁狡民投匿勢豪伸理張良弼等寃擢兵部武選主事條上制虜安邊十數事出爲開封守彈壓強藩擢抑豪右擢陝西憲副治兵定邊當市羣虜索賞而謀綸叱之無敢譁者以蜚語罷歸卒於家

視長安名宦

李瑾右玉人勇而多謀嘉靖中爲中路參將敵人犯西路馳兵往救或以非汛地沮之瑾曰比肩事主何分彼此旣至奮勇力戰殺獲無算後以總兵鎮大同操行清潔士卒中有得首功者親爲露布上其事或戰死設壇親祭之傷者亦親傳藥而於追殺失期及烽堠失警者則用法不少貸以故廢將

朱振得陰搆其間叛卒王福勝等遂於夜半聚眾焚總兵府瑾聞變持弓矢登門射之至天明矢盡知不免因解冑投地曰我大將詎可死賊手遂仗刀自殺振後爲總督劉源清所誅福勝等亦皆伏辜

劉漢平魯衛人嘉靖三十九年春總兵大同右衛邊外有地曰豐州崇山環合水草豐美大同人趙全以妖術謀不軌事覺懼誅與其黨李自馨劉四兒邱富趙龍呂老十猛谷王馬西川周元張彥文等投俺答割豐州一區處之爲城郭宮室開良田數千頃接東勝川號曰板升板升者華言城也全等勾引入寇所擄掠華人及叛出者俱聚板升教之製鈎竿攻城具時俺答引眾西掠閱二年留千騎守老弱夏涉大青山口外避暑惟全等不從漢與巡撫李文進密謀部分參將王

山西通志卷一百二十

鄉賢錄十五

五

孟夏麻祿等五十三人率銳卒三千人馳進漢與趙苛以重兵分三哨營於玉林川隘爲後繼孟夏等羸糧疾驅昧爽鼓譟奮斬八十餘人生擒七十二人焚其宮室餘眾奔匿趙全匿墩上幾獲之俄而戎騎大至我兵引退且前且却分哨迭遣與大兵合凡五日捷聞上大悅亟加陞賞有差

潘高甯化人弱冠登嘉靖壬辰進士偕名賢講道修德視章句不屑也屢遷大理寺正獄無遁情朝多美譽以忤時宰外轉陝西參議釋冤均賦懲貪敢強未幾罷歸後持節蒞晉者交章薦卒不果用



七邊封事嘉納之出按甘肅劾將劉文等匪賊不聞罪鑿鞏  
昌井數十人食其利復按山東建湖南書院於會城以課士  
立石泰岳禁捨身投崖之陋墾膠莒荒田數百頃聖母梓宮  
南附上疏力言復寓書當路申其指又以其仇修葺沁城後  
敵入境桑梓獲全轉大理事右丞持正無所迴避甫一年疾  
作乞歸卒於家所著有東巡集諫草及遺文八卷

唐寬字栗夫平定人嘉靖壬辰進士授永平府推官折獄能  
得情人稱神君入為刑部主事奉命恤刑陝西歷員外郎中  
出知河南懷慶府鄭府官校暴橫為民害痛治之不貸遷陝  
西副使備兵肅州卻違物裁紙價遷四川參政晉按察使歷  
山東布政使入為太僕寺卿有去志旋改應天府府尹不欲  
往強為一行遂決策歸歸二年而卒寇方伯陽志其墓

山西通志卷一百三十一 鄉賢錄十五 三

甄成德字行叔平定人嘉靖戊戌進士授中書舍人擢南京  
戶科給事中論罷刑部尚書贖賄大旱疏五事改兵科疏備  
邊五事釐正南京兵制四事論罷兵部尚書其所糾彈皆關  
大體出補陝西副使奉親養於官值地大震泣然曰區區祿  
養脫有不幸何以自贖屢疏乞歸長子敬字子一癸丑進士  
知大名均田賦築堤防節供役朔望率縣尉盟城隍廟以清  
白矢志陞御史按隴西發摘有成望遷四川僉事升行太僕  
少卿卒

楊思忠字孝夫平定人嘉靖二十年進士為禮科給事中二  
十九年孝烈方后大祥欲預祧仁宗附后太廟下廷議禮部  
尚書徐階以為非禮思忠力贊階議上使人覘知狀及議上  
嚴旨譴責命階與思忠定二人復據禮對上竟祧仁宗階故

得帝眷獨銜思忠每當遷輒報罷逾三年正旦日食陰雲不  
見六科公疏賀上摘疏中語詰為不成文曰思忠懷欺不臣  
久矣杖百斤為民陞慶元年起掌吏科三遷右僉都御史巡  
撫陝西五年改南京戶部右侍郎致仕卒

任鑑字伯堅平定人嘉靖壬子舉人任陝西韓城知縣和平  
寬大士民咸頌循良改定興有廉聲升戶部主事陝西副  
使致仕鑑恬雅有器度營居柏井壁懸薛文清像瞻對惟謹  
琴一張石磬一片環堵蕭然也

趙思城樂平人嘉靖乙丑進士授萊州府推官擢兵科給事  
中彈劾無所避尋與用事者忤出為河南驛傳道念百姓供  
億苦悉請官為支給還行太僕寺卿復與用事者忤調湖廣  
因謝政歸思誠忠謹敢言釋褐後以觀政進士抗言崇信道

山西通志卷一百三十一 鄉賢錄十五 三

流陶仲文建設齋醮不可以示天下世廟雖未從亦不之罪  
後卒以忠直見沮權要不獲大用

王治字本道忻州人嘉靖三十二年進士官行人八載乃遷  
吏科給事中請臨陣斬獲第錄將士功文臣及鎮帥不親搏  
戰者止賜賚從之再遷禮科左給事中隆慶元年偕御史王  
好問覈內府諸監局歲費中官崔敏請止之治力爭不許事  
竣劾中官趙廷玉馬尹乾沒罪詔司禮按問尋上疏陳四事  
一言定宗廟之禮獻皇雖貴為天子父實未嘗南面臨天下  
雖親為武宗叔然嘗北面事武宗今乃與祖宗並列設位於  
武宗右未協古典臣以為獻皇附太廟不免遞遷若專祀世  
廟則億世不改乞勅廷臣博議一議謹燕居之禮竊聞燕閒  
舉動有非諒闇所宜者宜重之其二亦切直時多題焉居諫



垣十五載擢太僕卿憂歸卒賜祭葬

傅霖字應期忻州人嘉靖壬戌進士初授吏曹以宗親改壽

州知州請罷壽春驛正陽鎮巡檢並協助征烏金米遷大名

府同知再遷河南僉事備兵睢陳實倉廩簡材用大計為權

貴所構罷歸神廟即位謂日者執政徇愛憎刺舉多不厭眾

心命所司廉察以名上除平度州知州遷湖廣荆西道會中

貴營顯陵費役萬計抗顏與爭並駁其履畝之舉艱歸補邊

海兵備道二年復為同官所搆中以計典弟需以御史家居

抗疏理其冤都御史亦以上聞詔以原官起用卒堅臥弗起

居鄉立祭田贍族人煮粥哺飢者

郝璋崞縣人嘉靖壬午舉人授土蔡知縣積粟活民補靈寶

為政寬而不縱嚴而不苛擢知陳州蝗不入境陟大名府同

知尤多惠政民思之

阿其麟代州人嘉靖癸未進士授甯晉知縣三年以峭直罷

歸閉戶擁圖史絕跡城市巡撫楊執訪之於盧再往始一見

居蓬華無異編氓

吳嘉會字惟禮別號南里其先楚人國初從太祖北征屯代

遂為代人嘉靖甲午書魁乙未進士授行人升刑部主事辨

壩上盜有聲即署問擢山東僉事振饑築隄禦寇詔賜金帛

轉本省參政單縣妖人楊惠等倡亂官兵攻之不克單車詣

壘諭之眾悉解散縛渠凶數十人磔諸市東土以帝遷陝西

參政未行拜都察院右僉都御史整飭薊鎮邊務在鎮日夜

庀戰守具起居庸盡山海關朔修石垣四萬丈壁敵臺烽堠

二千六百座有奇分其地為十區區設參遊兩將軍分統健

卒合之凡八萬人怒馬堅甲長戟利銳于時劔鎮稱虎豹九

關天下隘云鎮薊七年匹馬不得入塞肅宗褒賚甚優屢晉

貳本兵因為相嵩所忌罷歸卒年七十七穆宗遣官諭祭葬

如卿臣禮著有奏議十卷

王夢弼代州人嘉靖乙未進士歷刑科都給事時楚世子獄

具詔毋覆奏即行刑夢弼欲奏同列懼夢弼曰楚獄誠無冤

但覆奏制也竟三覆奏尋晉都御史巡撫甯夏屢有戰功蔭

子進官後襲牧畜獲首功最多督帥欲捷報夢弼曰擣巢功

不與臨陣功同有近例但奏遵例擣巢而已謝歸卒賜祭葬

如例

胡志夔字濟南安邑人性聰慧嘗夜遇古碑以手摸之得其

點畫即成誦通明往驗之不差一字嘉靖甲辰成進士知富

平縣入為監察御史出按福建當鄉試時冢宰以私人囑峻

拒之出為副使督理河道當事將假修築費充大工力阻其

議擢延綏巡撫引榆溪水入塞溉田與大將趙奇協力禦敵

城保甯甯塞二堡子承光承裕俱以行誼著孫舜封以解元

官上蔡知縣

閻雲望安邑人嘉靖庚戌進士官給事中時倭患孔棘監軍

趙文華藉嚴嵩勢誣逮統兵司馬雲望抗疏乞收成命否則

墮成功滋賊患忤旨請歸隆慶初追贈光祿寺少卿

韓士芮城人嘉靖間貢授博興丞剛介自持盡革常例民甚

德之升沙河知縣地衝民貧清潔自修比歸老稚臥轍泣留

聲聞數里後復肖像祀之

侯居良字兼山解州人幼負高才建於學與兄孝廉居震齊

山西通志卷一百三十 鄉賢錄十五 无

山西通志卷一百三十 鄉賢錄十五 无



名弟居坤復同登嘉靖丙辰進士時人稱三鳳初授淄川知縣青而有為治行居第一擢監察御史抗疏請止織造又論大學士殷士儋致仕去出按雲南以人文日起請廣解額如內地論黔國公沐朝弼不法滇人立祠祀焉居坤字至軒累官太僕寺少卿甫四旬即解組歸居震子加采進士居良子加地居坤子加乘俱舉人

薛一鶚芮城人嘉靖丙辰進士授戶部主事歷官山東按察司僉事以條陳時事忤當路回籍屢薦不起嘗曰吾以清白貽子孫足矣與鄉人處和易可挹沒之日邑無責賤咸動惜之

杜璉字汝器平陸人嘉靖辛酉順天經魁壬戌會副孝友正直溫雅博洽授荆門知州興學重農風俗丕變時權貴索沃壤擲書地下曰我割民田以媚權門獲罪於天多矣遂掛冠歸民思慕之建生祠祀焉

山西通志卷一百三十 鄉賢錄十五 三十一

楊一魁字后山安邑人知縣瑄子嘉靖乙丑進士初官行人擢兵科給事中累遷山東右布政使擢副都御史巡撫河南遷南京戶部右侍郎總督糧儲晉工部尚書督理河道時黃淮泛溢漸近陵寢一魁周咨相度謂黃強由於淮弱黃不分則淮不出陵寢不安請開武墩黃壩新河使安瀾入海功成加太子少保尋回京總理部務適經始兩宮土木繁興力為樽節鄭妃方幸請於乾清宮測建耳殿為奉御所神宗召言狀一魁奏不敢奉詔京師淫雨城內水壅不行詔拆毀臨街房屋大璫馮保以己居為屬一魁斥之曰司禮監願違朝廷詔書耶考滿加太子太保已而河決蒙牆忌者遂以蒙牆為

黃堦力詆之黃堦蒙牆地分兩省時隔九年一魁不辨兩疏求去俱蒙旨慰留已忽傳中旨著革職為民一魁時在朝房即易服策蹇出都門同列多走錢之不顧也一魁操持峻潔器宇淵宏位居宮保門庭闕寂後熹宗登極蒙恩賜葬諭祭九壇

張守中字大石聞喜人嘉靖己酉舉人初任保定通判遷通州知州庚戌之變總制某以敵人勢迫欲入城為自守計守中折以大義拒不納而饋運糧餉士馬皆宿飽事平擢密雲兵備遷神木副使築邊牆資神木城皆以身先士卒與同甘苦擢僉都御史巡撫延綏一日御一鷹隨一引馬馳百餘里至守備城啟倉廩視之藤土強半即呼首領官令煮食之不能因治以軍法兵備譚二華參將戚繼光皆有宿望亦凜凜奉約束唯謹初至敵頗易之既而出奇計大破其眾相顧駭

山西通志卷一百三十 鄉賢錄十五 三十二

通莫敢復犯延綏軍士素驍肆守中痛繩之一夜挾弓矢射轅門者如林守中高臥不為動次日早起據堂皇召巡捕官問射者無一人敢應尋以勞卒于官加副都御史贈兵部左侍郎賜祭葬如例  
王宗舜號耕山聞喜人高祖泉刑部主事父澄清河訓導俱有聲聞宗舜嘉靖壬子舉人明年成捷進士任衛輝推官執法明刑擢湖廣道監察御史卓有風裁不阿權貴有王鐵面之稱升臨清道副使遷陝西參政以內艱歸不復出謝賓客為四柳園與稷山梁承齋猗氏何自山諸人詩酒自適兄宗堯癸卯舉人官刑部郎中  
甯桂字攀之稷山人瑛曾孫嘉靖辛酉舉人少孤既領鄉薦



家徒四壁居母憂徒跣三年不食菜果不扇不爐任陵縣訓導教重倫行却一切饋遺士人思之升國學晉工部司務戶部員外布袍脫粟躬親操作遷工部郎中卒於邸舍無槨村之資同舍郎賻金歸視

鄭命字爲命稷山人嘉靖辛酉舉人任宜君知縣申減夫價五百餘金罷士官帶兵徵索之擾禁僚佐私交豪右之弊請振救荒邑人德之謝政歸囊惟圖書衣冠而已子寅字子夏萬曆癸卯舉人長安教諭轉國子監助教遷大理寺評事累升郎中山東按察司僉事

孫光祐絳州人嘉靖壬戌進士授承天推官升文選司郎中歷遷應天巡撫分考鄉闈得蕭良有在選司官惟其人請託不行吳當大水後請蠲夙逋無慮數百萬石妖僧起京口搆

山西通志卷一百三十一 鄉賢錄十五

結甚眾光祐職渠魁餘置不問在蜀故事蜀藩朝賀五叩頭光祐請如制王曰誠如先生言第彰先王之過奈何光祐曰克蓋前愆正在此舉王從之終南京戶部侍郎

翟繡裳字左溪聞喜人嘉靖壬戌進士授雄縣知縣補商邱入爲兵部主事條陳邊計擢關西分巡道回民叛單騎入寶雞諸山寨宣諭之眾皆伏遷山東參議轉參政分守遼海還按察使兵備密雲晉山東右布政使擢右僉都御史巡撫順天登山海關牛欄山熊兒峪等城修石塘潘家桃林等口昌平黃花等嶺審子峪鴉子洞等處胥關地方百年大計尋以邊警起力主用兵不合再疏乞致仕築園澗水上聚圖史日夕其中以名檢自勵編族譜置義田優游閭里二十餘年卒姚鏗字鎮遠稷山人嘉靖初貢廉靜寡欲篤學力行任饒陽

知縣單騎赴任居御無異寒士日教民忠孝守法徧植桑棗民利賴之以剛直忤權貴左遷甯夏衛經歷操守愈堅致仕歸杜門讀書不入城市

喬瑞霍州人嘉靖丙戌進士幼聰敏容止端肅屹如山立作文多奇語仕西安府推官每折疑獄多所平反歲饑振救全活數萬人秦府占民田抗法歸之後行取第一以王親例改松江府同知檢勘水田通融錢法升山東濟南知府興學校均賦役百姓樂業升大名兵備兼河道尤練飭武備通利酒渠百姓畏若神明後遷山東左參政清謹之操始終不渝奉表入京卒於途陝之名宦雷之鄉賢並祀焉

山西通志卷一百三十一 鄉賢錄十五

臬憲攝馬政請廠庫給關防議撫臣修問刑條例疏太監用營馬論劉世延不守法多見採納奉命閱三邊條陳八事遷河南參政設方略以振饑民招應募以達路府轉按察使兵備甯夏策要賞敗市之謀論兵丁汰浮之怨督府倚賴之遷河南布政致仕葺學宮立書院建文昌閣凡關地方事皆力爲之年七十五卒

劉守仁字與居洪洞人隆慶戊辰進士初任戶部主事歷湖廣布政司左參政以疾乞休生平勵行孤介恬靜寡營服官有賢聲里居逾二十載益自端重輿論稱焉

王體復字陽父太平人隆慶戊辰進士授工部主事督修殿閣及通惠河諸大工調戶部裁光祿京場諸蠹冗中瑄咸噤口不敢一語出爲陝西兵備副使值歲饑條上荒政十二議



開涇水渠灌田二千頃番人入犯單騎入其營宣布朝廷威德悉誓伏引還遷河南按察使強悍斂跡歷陝西布政使入為順天府尹勳戚中有冒占河田及強求墜地者痛折之擢右副都御史巡撫貴州逆苗楊應龍繫重慶獄上書四川撫臣詭請征倭自贖體復稔其詐疏聞於朝樞府漫視之不為覆因致仕去未幾兵起始悔不用其謀後薦戶部侍郎未任卒體復事父母孝嘗建遺訓亭藏先世手澤解組後傲車破蓋著有玩易集門人私謚曰文介子椿以蔭累官柳州知府亦以廉幹著

李尚思字從學曲沃人舉嘉靖戊午鄉試第一隆慶戊辰進士授刑部主事決獄詳審見同舍郎輕署爰書輒深歎息升吏部驗封司郎中不阿附江陵勢繼補文選司疏用江陵所

山西通志卷一百三十一 鄉賢錄十五

逐諸賢累升都察院右副都御史巡撫四川除採木之役歲饑請振川地連巴隍番虜交伺尚思厚集土漢兵扼險設伏虜至殺鹿塘遁去疊茂羌夷白泥楊柳等寨糾松坪大小黑水數十落合謀入掠尚思移師于灌口分兵追剿勒石雪嶺而還歷升吏部右侍郎再疏乞歸尚思孝友勤儉見義勇為卒贈兵部尚書子永培萬歷己卯解元

因柱字汝石曲沃人隆慶間貢判臨清州清丈地畝煮粥振荒修河造船多政績三署州篆及博平泰安又監泰山進香稅皆毫無所染升安塞知縣勞心撫字雖災患頻仍靡不就理後致仕與弟梓柎和怡敬愛終身同癯卒年八十有四子其志萬歷戊子舉人官南皮知縣  
高崧甯鄉縣人隆慶丁卯舉人初任知縣歷官真定府通判

居官清正惟恐不義涉躬

劉東星字子明沁水人隆慶二年進士改庶吉士授兵科給事中以非時考察蒲城縣丞徙盧氏知縣累遷湖廣左布政使萬歷二十年擢右僉都御史巡撫保定時征倭師集天津而天津河間皆被災請漕米十萬石平糶民乃濟召為左副都御史進吏部右侍郎以父老請養歸二十六年河決單之黃堍起工部左侍郎兼右僉都御史總理河漕初尚書潘季馴議開黃河上流循商虞而下歷丁家道口出徐州小浮橋即元賈魯所浚故道也以費鉅未果東星即其地開濬起曲里舖至三仙臺抵小浮橋又濬漕渠自徐邳至宿五閱月工竣費僅十萬進工部尚書兼右副都御史明年渠和伯界首二湖又明年奏開泃河泃界滕嶧間南通淮海引漕甚便

山西通志卷一百三十一 鄉賢錄十五

前總督翁大立尚書朱衡都御史傅希聲屢言之迄無成畫河臣舒應龍嘗整韓莊工亦中輟東星力任其役初議費百二十萬及工起費止七萬而渠已成十之三會疾求去屢旨慰留卒後李化龍循其遺跡與李三才共成之漕承便焉東星性儉約歷官三十年敝衣蔬食如一日天啟初謚莊靖趙九思澤州人隆慶辛未進士為咸甯知縣省刑薄賦視民如子聲望大著行取南部尋調北計部升陝西郵延兵備道值年荒流移絡繹下車調停諭檄所部併力墾荒捐俸助牛種全活者眾裁班軍五百省州縣供應後解歸布袍蔬水怡然自得日手一編不異寒士著讀書樂文  
王家屏字忠伯山陰人隆慶二年進士選庶吉士授編修預修世宗實錄操江都御史高捷以官帑遺趙文華直書之捷



弟拱時方柄國祈稍諱執不可萬歷初進修撰充日講官敷  
奏劉摯上嘗敘容受稱爲端士張居正寢疾詞臣率奔走祈  
禱家屏獨不往再遷侍講學士十二年擢禮部右侍郎改吏  
部甫踰月命以左侍郎兼東閣大學士預機務去史官二年  
卽輔政前此未有也每議事秉正持法不亢不隨越二年遭  
繼母憂詔賜銀幣服闋進禮部尚書請因聖節受賀畢發留  
中章奏舉行冊立皇太子禮不報復偕同官疏請俄遣中官  
獎以忠愛家屏疏謝因復請上勤視朝評事雒於仁進四箴  
帝將重罪之家屏言於仁以庶僚上言而臣備位密勿反賊  
默苟容上虧聖明之譽下陷庶僚蒙不測之威臣罪大矣尙  
可一日立於聖世哉於仁得善去十八年以久旱乞罷極言  
災異寇敵狀且言陛下深居靜攝朝講希臨統計臣一歲間  
僅兩親天顏而已間嘗一進誓言竟與諸司章奏並寢不行  
乞賜罷歸用避賢路不報時儲位未定十月閣臣合疏請冊  
立以去就爭傳論切責時家屏在閣請速決大計上遣內侍  
李浚傳語期以明年春夏家屏以口勅難據欲特頒詔諭立  
具草進上不用復論二十年春舉行家屏喜卽宣示外廷時  
申時行去國王錫爵亦以省親還家屏遂爲首輔再疏乞罷  
不允乃視事家屏制行端嚴推誠秉公百司事一無所撓性  
忠讜好直諫册立期數更中外議論紛然家屏力請踐大信  
以塞口語消宮闈釁不報二十年春給事中李獻可等請豫  
教諭外家屏封還御批力諫帝益怒譴責者相屬家屏遂引  
疾求罷帝得奏不下而責以希名託疾家屏疏辨帝復遣內  
侍至邸責以徑駁御批故激主怒家屏言言涉至親不宜有

山西通志卷一百三十 鄉賢錄十五 三

怒事關典禮不宜有怒臣與諸臣但知爲宗社大計盡言効  
忠而已豈意激皇上之怒哉於是求去益力或勸少需家屏  
曰人君惟所欲爲者出大臣持祿小臣畏罪有輕羣下心吾  
意大臣不受爵祿小臣不畏刑誅事庶有濟耳遂復兩疏懇  
請詔馳傳歸家屏柄國止半載又強半杜門以愬直去國朝  
野惜焉閱八年儲位始定遣官齎勅存問資金幣羊酒又二  
年卒年六十八贈少保謚文端熹宗立再贈太保子一子尙  
寶丞家屏家居值朝鮮用兵貽書經略顧養謙曰今第以保  
會稽之恥激厲朝鮮以城楚邱之功獎率將吏無爲主而爲  
客則善矣養謙不能用兵竟數年無功其深識有謀皆類此  
也

萬世德字伯修偏關人幼奇穎登隆慶辛未進士授南陽知  
縣遇事迎刃解有疑難以片言折之豪猾吏皆驚歎後補元  
城寶坻寶坻爲畿輔近地戚里田宅多盤踞世德一無所假  
借勢家雖怨亦無以難也生有膂力能騎射又長於邊陲習  
地方要害防禦機宜入爲兵部郎以知兵聞遷陝西按察司  
僉事備兵西甯遇虜入寇躬擐甲督將士禦之五戰皆捷  
聞副將李魁乘醉率所部還寇歸路爲所圍急赴援寇皆驚  
遁以事降補趙州知州遷山東按察司僉事備兵遼左詔仍  
監陝西幕府軍事世德聞命單車就道決計出師一戰奔刺  
川再戰水泉口皆大捷又以寇巢穴仰華寺中因提兵出青  
海馳七晝夜擒其細作焚仰華寺而還遷按察司副使備兵  
懷隆虜時時闖入邊掠人畜世德偵駐牧所在遣將搗其巢  
尋遷按察使布政司右布政備兵如故倭奴犯朝鮮朝議於

山西通志卷一百三十 鄉賢錄十五 三七



天津設開府扼登萊旅順諸要地世德遂以邊才進職巡撫都察院右僉都御史專理海防軍務已復經理朝鮮初至戰於杏山破之遂集將士謀大舉命董一元等各統精兵直逼釜山斬獲倭兵將二千四百四十餘人焚其舟七百餘隻獲糧二萬五千九百餘包招回朝鮮難民五千六百餘口捷聞特命總督蘄遠尋遷右都御史兼兵部右侍郎總督如故一日聞虜將入寇時世德已病矣授計諸將令各奉指揮戰汛地擒斬甚眾世德才智膽略伯仲咸甯晉溪間在薊遼以息兵甯人為務寬大簡靜以疾卒於官

孫繼先字蔭甫孟人隆慶五年進士為南京御史張居正卒繼先請召吳中行趙用賢艾穆沈思孝鄒元標并及余懋學趙應元傅應徵朱鴻謀蓋一脈王用汲又薦魏學曾宋繡張

山西通志卷一百三十

鄉賢錄十五

三九

岳毛綱胡執禮王錫爵賈三近溫純曹科陳有年朱光宇趙參魯等諸人並獲進劾戶部尚書張學顏擢陷劉臺狀再劾學顏及李成梁謫臨清州判官終南京吏部主事

王致祥忻州人隆慶五年進士為兵科給事中萬曆十二年帝集內豎三千人授以戈甲操於內廷尚書張學顏力諫不納致祥上言祖宗法非宿衛士不得持寸兵今授羣不逞利器出入禁門禍不細大學士申時行亦語司禮監令乘間力言帝乃留致祥疏即日罷之後累官右僉都御史巡撫順天趙欽湯字新盤解州人隆慶二年進士博學淹貫初任按察令以卓異舉擢戶曹出守鳳翔歲荒振饑兵備甘州甘俗善畜羊欽湯教以業褐送貽永利司臬山東理疑獄多所平反累遷浙轄靖倭亂中貴以織礦二役滋擾持法不為撓播南

勳脚遷應天尹會加賦抗疏止之轉南戶部侍郎總督糧餉酌補餉飭屯政定改折請蠲恤慎預支凡所條陳悉合機宜久之告歸卒論祭葬贈戶部尚書著有通鑑纂要關公祠志諸書行世

趙三聘字天民河津人隆慶戊辰進士授益都令為兵備某所忌謫河南藩司照磨尋遷江都令邑苦徭役行條鞭法民稱便丁內艱服闋補獻縣導河俾民無昏墊凡三令薦疏十上升守禹州時中州苦盜嚴行保甲法妖黨株連數郡禹獨無百姓建祠祀之入拜司農郎督餉遼左督府顧冲菴數咨密議特疏薦擢四川按察副使備兵東川引疾歸年六十五卒

山西通志卷一百三十

鄉賢錄十五

三九

牛種述者咸復業稱樂土起補館陶會潞藩之國取道於陶恩名素重諸從者秋毫無犯尋升刑部郎中斐賜稷山人隆慶辛未進士授兵部主事會上謁陵賜從大司馬扈蹕欲輦金從事尚書不可輒輦金以行抵昌平上命備師計數千金倉猝立辦人驚異之遷職方有大瑞餽金干以私怒斥去庚辰例當典春閣時江陵當國為其子預授以意不應遂易他曹尋出治兵井陘諷言官中以他事謫華州知州不赴歸

李廷儀字國瞻霍州人隆慶辛未進士授吳堡知縣調洛川入為兵科給事中民攀臥不忍別肖像祀之在科以剛直著先是科臣言事必關白政府然後上廷儀獨不往又抗疏請禁中貴陳乞遷吏科左給事中工科都給事中黃河決廷議



紛然廷儀折衷羣說能得其要領獲底績出為河南參政值荒旱步禱得雨歲倍有秋酌復司馬溫公兌支法藩衛南陽衛兩軍歡聲雷動遷陝西按察使治兵固原擢右僉都御史巡撫甘肅甘肅番漢雜處稱要地既至勤訓練謹斥埃尋以鄰封警為議者波及解組去事白兩臺交章薦卒弗起杜門謝客不與外事而禔躬接物恭慎有加其卒也里人皆流涕焉以上隆慶年

右明嘉靖隆慶一百十三人

山西通志卷一百三十

山西通志卷一百三十

鄉賢錄十五

四十

鄉賢錄十六 錄二之十六 山西通志卷一百三十一  
賈進士出身頭品頂戴兵部侍郎兼都察院右副御史巡撫山西提督軍務張顯奉旨監修

明 萬歷至崇禎

馬朝陽太原人萬歷丁丑進士累官四川兵巡道征楊應龍有功請告歸閉門課子外事盡卻巡方喬允升管求一面終不允後卒妻程氏守節幾四十年

萬自約太原右衛人萬歷庚辰進士授唐縣知縣爬搜悍黠舊俗一變擢刑科給事中改戶科前後劾罷兩尚書兩都御史一翰林學士出為陝西漢中僉事潔已率屬罷諸不切務居二年遷尚寶司少卿再遷光祿寺適倭犯朝鮮主兵事者謀以封貢款之抗疏力爭遷南京太僕寺卿尋以原官召還

山西通志卷一百三十一

鄉賢錄十六

修舉馬政歷太常寺卿順天府尹時大內方索珍寶自約悉與停罷坐是解組歸

李成名字實知太原衛人萬歷戊辰進士授中書舍人推禮科給事中疏陳銓政失平語侵尚書趙煥俄請釋樛臣滿朝薦言朝薦不釋則諸璫日肆國家患無已荆養喬許南畿提學熊廷弼力主行勘吏部侍郎方從哲中旨起官抗疏劾之并及其子恣橫狀尋移疾歸後起山東副使天啟初遷湖廣參政入為太僕少卿四年春擢右僉都御史巡撫南贛崇禎初召拜戶部右侍郎轉左專理邊餉改兵部召對平臺區畫兵事甚悉數月而罷卒於家

鄭宗周字伯忱文水人父之僑工部虞衡司主事宗周幼英敏讀書西山甘泉寺萬歷丁未成進士授鉅鹿知縣調唐山



擢監察御史列首輔方從哲奸狀光廟崩累疏請正李可灼  
崔文昇罪與楊左並稱忠鯁出按福建首正朱李忠定公祀  
典廉墨吏寘於法時閣黨薰灼惡宗周異己竄名紅丸案內  
將中傷之會遇外艱不果莊烈帝立起掌河南道遷太僕寺  
少卿發戶兵二部匿情遼薊諸鎮宿弊前後疏四十餘上晉  
正卿擢兵部右侍郎巡撫天津遼東失守民相率徙內地加  
意撫輯尋遇內艱奔歸終制不復出宗周貌清癯若不勝衣  
遇義可否挺特不少屈當父病留心醫藥遂精岐黃家言嘗  
手刪本草一書行於世

王在臺字爾基文水人萬曆癸丑進士授滕縣知縣值游饑  
設法振貸福藩內侍求昭陽湖田為贖田力與抗拒得免入  
為戶部主事遷郎中督通倉再督延儲瑞禍作告歸家居四

山西通志卷一百二十一 鄉賢錄十六

年補原官遷知漢中府政先教化有文翁遺風獨嚴治瑞滿  
監尉之奪民田者遷布政司參政分守關南時流寇掠興安  
募兵固守先是在漢中勦賊常板子等俱有功至是名益著  
廷推郎陽巡撫以病未任歸卒

尹同皋字舜鄰興縣人知縣就湯子萬曆癸丑進士授密雲  
知縣振饑蠲道擢兵科給事中改工刑戶三科給事中前後  
疏七十餘上而錢糧京察屯田保甲諸疏議尤中時弊遷太  
常寺少卿後歷僉都御史巡撫四川削平奢崇明之亂加兵  
部右侍郎致仕歸遭親喪廬墓六年推愛宗族拯危濟急有  
范文正之遺風著有畏天齋寶蹟撫蜀須知諸書行世

張養字惟直榆次人父九河為汜水令以善政聞養登萬曆  
丙辰進士授中書舍人主考山東所取皆知名士拜御史論

劾不避權貴巡視淮揚鹽政潔已通商極力振刷清出浮課  
二十餘萬貯公帑奸人側目誣以公費為私囊下刑部獄禁  
錮八年後歸里卒著有四書主意禮經獨解禮記纂言等書  
子天保有孝行舉進士官吏部考功郎

高登明字公野翼城人萬曆壬午舉人知城固縣初修渠堰  
造土恤災人蒙其惠再任同知持法平允不設什排不遺一  
隸而賦完訟清民皆樂業三年升保定府同知

張光字字懷谷太平人父鵬程舉人知成縣光字舉萬曆乙  
酉鄉試授漢中府同知職清軍水利凡六載伍充田沃課上  
績一督尙衣兩攝郡篆再署州縣所至政簡刑清民安盜息  
升廣南知府會武定兵變悉平之調廣西府東有滿源向以  
山隔無水利為設法鑿通歲溉千頃成膏腴民稱張公壩又

山西通志卷一百二十一 鄉賢錄十六

設學田勤課士正風俗嚴保甲招攜服遠為粵牧最升山東  
鹽運使致仕歸講經史開來學卒之日遠近流涕思慕焉

楊天民字正甫太平人萬曆十七年進士除朝城知縣調繁  
諸城有異政擢禮科給事中時纂修國史請復建文年號從  
之二十七年狄道山崩下城池山南湧大小山五上言平地  
成山惟唐垂拱間有之而唐遂易為周今虎狼之使吞噬無  
窮狗鼠之羣攘歛難厭不市而征稅無礦而輸銀甚且毀廬  
發家籍人貲產非法行刑自大吏至守令每被譴逐郡邑不  
肖者反助虐交歡藉潤私槩故天心仁受亟示譴告陛下當  
不覺悟翻然與天下更始哉不報文選郎中梅守峻貪黷天  
民劾罷之再疏論延綬失律奪巡撫王見賓職總兵官趙夢  
麟戍邊總督李汶亦被譴進右給事中冊立久稽再疏請不



報鄰國泰疏請先冠婚後册立天民力斥其非順天湖廣鄉  
試文多用二氏語天民請罪考官疏留中二十九年五月復  
上言請早立廟本帝大怒請天民貴州永從興史九年上迫  
廷議始立東宮而天民卒不召閣憤卒天啟中贈光祿少卿  
初天民去諸城民爲立祠其後長吏不職父老率聚哭祠下  
張國光字賓吾曲沃人萬曆辛卯舉人授屏山縣知縣均賦  
役清驛遞遞積年之寇佐餉運之窮卓有成績丁艱補夏邑  
有政聲升戶部主事尋員外郎

史學遷異城人家貧嗜學嘗徒步百里外學春秋於先達者  
既成登萬曆壬辰進士知直隸威縣以寬勝調滑縣以嚴勝  
因地異政時論稱其不偏攝監察御史屢按直省所至以仇  
直著指陳闕失劾封疆大吏多蒙諭允常薦常熟知縣楊連

山西通志卷一百三十一 鄉賢錄十六 四

保定推官張銓後俱忠烈有名歸里後以異俗冠婚喪祭多  
不遵古法編四禮圖一册刊布之又出數千金修煤徑建嶺  
下橋著有四書心言麟經三易草行於世  
李瑾字仲魯襄陵人萬曆乙未進士授正定知縣性廉明不  
徇請謁入爲禮部主事選工科給事中典浙江鄉試有知人  
鑑遷吏科給事中條陳參駁胥闕朝廷大體有三垣奏疏集  
行世歷太常寺卿擢都察院右僉都御史巡撫順天察吏安  
民實兵足餉事事具有長策晉兵部左侍郎署尚書事時魏  
璫用事求蔭其弟姪瑾以國家異數所以待有功堅持不予  
後屢疏請告魏璫前事矯旨削璫誅有詔數起用卒不  
赴然不以退居忘國事捐粟振饑力禦寇難以靈石爲平陽  
要地改隸汾州險阻俱失特疏請復卒贈尚書賜祭葬恩蔭

有加

高邦佐字以道襄陵人萬曆二十三年進士授壽光知縣教  
民墾荒招集流亡三千家歷戶部主事員外郎稍遷永平知  
府濬滏河築長隄裁抑稅使高淮不敢大橫遷天津兵備副  
使平巨盜董時耀轉神木參政屢破套部沙計憂歸補薊州  
道坐調兵忤主者意被劾歸天啟元年起參政分守廣甯以  
母年八十餘涕泣不忍去母實以大義乃行累乞歸方報允  
而巡撫遞報謂邦佐既請告可入關邦佐叱曰吾一日未去  
則一日封疆臣也將安之夜作書訣母策騎趨右屯官吏並  
潰邦佐仰天長歎泣語從者曰事去矣吾守地當死此汝歸  
報太夫人遂西向拜謝復拜母解印綬自經官舍僕高永曰  
主人死安可無從者亦自經於側賜祭葬贈光祿卿再贈太

山西通志卷一百三十一 鄉賢錄十六 五

僕卿諡忠節世蔭錦衣百戶邦佐與張銓何廷魁皆山西人  
詔建祠宣武門外顏曰三忠  
張雲翼字伯襄太平人萬曆戊戌進士授行人司行人轉南  
戶部主事歷員外郎中度支惟明出爲鞏昌知府潔已率屬  
杜苞苴明折獄革贖錢政餘集諸生課文講藝凡五載隴右  
人文蔚興羣民肖像以祀轉長蘆運使時創議包鹽課執不  
許赴上臺以去就爭用是羣商鼓勵歲預輸金錢十萬餘升  
雲南參政土人木車兒與八屯西尾叛密授方略於劉長祚  
討之旋執俘又平獫狁躬環甲冑至廢寢食得保甯諡雲翼  
生平純孝孺慕終身篤友誼朋貧乏行多義舉窮通一致其  
天性然也  
翟師雍字如臨襄陵人萬曆辛丑進士授行人擢戶部主事



升大名知府捐俸置田以惠寒士歷陞陳道副使遷山東參政督理七省漕務著有飭漕末議升湖廣右布政尋轉左副陝西關內道期寇有功值里居遭變死弟師倭癸卯舉人初授教諭歷官刑部員外郎以忤魏璫被削奪崇禎初賜還弟師有已酉舉人初署通州學正改知范縣賦性鯁直時稱強項歸里後敦族修譜耽好圖史弟兄三人相繼登科時有河東三鳳之譽

喬君章臨汾人萬歷間以貢主簿蒲城清慎有守折獄明允華州失守蒲人震駭君章慷慨任城守責防禦甚悉寇知有備歛衆去攝渭南簿設法運漕官民兩便新簿來去任百姓遮留至二日不得發將渡渭羣起斷其輜傷御者手甫渡蒲人謀擁以歸渭人亦流連望之不即去後御者傷重將死家人環向哭其人徐開目曰但得喬公復還吾即死無恨其得人心如此

山西通志卷一百三十一 鄉賢錄十六 六

鄭崇儉字大章鄉甯人明史誤甯鄉萬歷四十四年進士授河南推官有政聲歷濟南兵備副使廉正不擾遠近頌之崇禎三年遷陝西右參政屢遷右僉都御史巡撫甯夏數敗套部套銀幣世蔭錦衣千戶十二年正月擢兵部右侍郎總督陝西三邊軍務五月總理熊文燦請敕崇儉提兵合擊張獻忠羅汝才崇儉以將帥胥人衛急請曹變蛟還鎮不許徵柴時華及延甯二鎮兵又不至發西安士馬單弱副將李國奇至洛陽卒大譟坐貶一秩獻忠謀入陝崇儉督國奇及賀人龍扼之興安賊乃轉入興安坪處秦蜀交先是尙書傅宗龍議令崇儉兼督蜀軍而督師楊嗣昌亦檄秦軍入蜀崇儉乃以十

三年二月率人龍國奇兵直抵瑪瑙山與左良玉會初七日兩軍夾擊賊大敗崇儉軍獲首功千三百降賊將三十五人獲馬贏甲仗無算論功半嗣昌但增一秩復先所降一秩而已獻忠竄河家坪蜀將張令追之被圍崇儉急遣兵走賊復督人龍國奇及高傑等追敗之寒溪寺鹽井先後斬首千五百級其黨順天王一條龍一隻龍皆降崇儉軍五日三捷威名甚振以年衰乞骸骨不許令還關中留人龍國奇討賊及人龍軍大譟歸嗣昌因言崇儉撤兵太早致賊猖獗命削籍俟代明年春襄陽陷上益恨崇儉不特角平賊逮下獄責以縱兵擅還失悞軍律以五月遇害後給事中李清言崇儉未失一城喪一旅因他人巧卸遂服上刑羣臣微知其冤無敢爲訟言者臣甚痛之崇儉冤始白

山西通志卷一百三十一 鄉賢錄十六 七

王國瑚字夏器猗氏人萬歷壬辰進士初授行人歷戶部主事督明智廠積羨草五萬餘督中南倉積羨米四萬餘悉報部堂大司農刊榜爲後官式升延安知府重恤民艱嚴禁苞苴諸屬肅然滌慮以延城逼近西陲無井日用率汲外河嘆曰若遇警嬰城有坐困耳乃謀穿井得甘井二十餘處辛酉秋吉囊擁部落十餘萬入安塞口直薄郡城環攻七晝夜埤上矢石雨下復出奇殲壯級十八顆敵知有備殺鄉導投款書三紙遞出榆林總兵杜文煥提師觀望撫軍以解圍之功歸杜報捷國瑚守土斬獲匪不問尋遷肅州兵道投牒大部乞以病免御史練國事特疏薦之謂國瑚功在社稷宜膺不次冢宰張問達題敘前勞擢光祿寺少卿突亥詣闕值魏瑞竊乘引退遂削籍崇禎元年凡瑞奪秩均蒙環召卒引禮不



出講學著書自娛子春貞字元復幼有奇慧登丁未進士以  
行人奉使楚肅二藩有常愧悉卻之曰吾安可初筮仕即  
官常平孝友樂易出於天性年甫壯以疾卒人咸悼惜國  
三世進士皆初任行人當世榮之

荆州士字厚齋臨晉人萬歷丁丑進士授臨胸知縣臨胸濱  
海邑地瘠民貧兼值凶荒既至捐俸立官莊具牛種平賦輕  
刑五年邑大治擢御史正言讜論持大體亦不專以鷹擊  
能出督漕政按蘇松再按順天遷大理丞轉左右少卿特  
石僉都御史巡撫河南時兩河北歲災診甫受命即疏請寬  
賦役撫流移行部至汜水疾作聞朝廷遣內官開礦境內伏  
枕具疏未及上而卒州土長身豐下形如山岳坐立不敬步  
履進退具有矩則與人言春容詳雅和氣可拘遇是非利害

山西通志卷一百三十一 鄉賢錄十六 八

挺然特立人謂和而能栗云子養喬進士應喬舉人孫祚永  
爾植進士服官胥有聲

荆州俊字章甫猗氏人教授瑛孫也萬歷癸未進士知陝西  
長安縣擢監察御史執政某以子為同年生欲引以自重謝  
去不顧嘗抗疏請止貢金花又糾諸貂璫奸貪不法狀出為  
山東參議值蝗災力請蠲賦與撫軍忤謝病歸尋起甯夏臨  
鞏副使套騎大入督將士禦之血戰甚力轉奉蘭整飭道首  
長賓免父子據松山為亂出兵搗其巢大小十七戰皆奏捷  
加左布政使艱歸起莊浪監軍道未任擢甘肅巡撫入為刑  
部侍郎卒謚正襄祭葬如懿典弟州士副榜貢教諭長治捐  
俸代倉吏王俊輸補糧俊請以女侍拒不納後中已卯舉人  
官東平知州

韓煥字象雲蒲州人萬歷二十年進士授庶吉士進編修歷  
官少詹事充東宮講官四十五年擢禮部右侍郎協理詹事  
府四十七年副史繼借總裁會試命教習庶吉士泰昌元年  
八月拜禮部尚書兼東閣大學士入參機務未幾與方從哲  
劉一燝同受顧命諷誠翼衛中外倚以為重大帥李如柏如  
積罪當逮中旨寬之與一燝執奏逮如律加太子太保戶部  
尚書文淵閣大學士一燝當國協心佐理天啟元年正月請  
十二日即開經筵自後口講不輟從之廷臣請發帑煥一燝  
亦以為言詔發百萬兩候補御史劉重効一燝及兵部尚書  
崔景榮鑄秩調外煥特論救尋加少保吏部尚書武英殿大  
學士蔭一子尚寶司丞復加少傅兼太子太傅建極殿大學  
士客氏封奉聖夫人大婚成當出外煥一燝引祖制為言命

山西通志卷一百三十一 鄉賢錄十六 九

擇日出宮二年四月禮部尚書孫慎行劾方從哲用李可灼  
紅丸藥煥特疏白其事且曰議法者勿以小疑成大疑編纂  
者勿以信史為謗史由是從哲得善去而可灼成邊即慎行  
不以為異議也文震孟建言忠賢嗾上杖之煥力爭始降級  
調外三年加少師兼太子太師及楊漣劾魏忠賢二十四大  
罪忠賢求援於煥煥不應忠賢深銜之既葉向高罷煥為首  
輔廉直自持勢不能敵奸詭而同官顧秉謙魏廣徵輩又斷  
傾之冬忠賢假會推事逐趙南星高攀龍煥急上言一日去  
兩大臣臣民失望且中旨徑宣不復到閣而攀龍一疏經臣  
等稟擬又復更易大駭觀聽傳旨切責未幾又逐楊漣左光  
斗朝政大變故事閣中秉筆止首輔一人廣微欲分其柄囑  
忠賢傳諭煥同寅協恭而責次輔毋伴食煥惶懼抗疏乞休



命馳驛還籍熿疏謝有左右前後務近端良重綸綽以重仕途肅紀綱以肅朝立語忠賢等益恨五年七月御史李魯生劾熿削籍又假黃龍光事坐賊二千杖斃其家人熿嘗貸以償棲止先墓莊烈初復故官崇禎元年言者爭請召用為楊維垣等所扼至五月始遣行人召之十二月還朝復為首輔上諭以擬旨務消異同二月正月大學士劉鴻訓被重譴熿疏救不聽溫體仁許錢謙益御史任贊化亦疏許體仁上切責贊化熿請寬贊化以安體仁上因謂東林於朝事何補熿退具揭言但當論其才品臧否職業修廢而黜陟之若戈矛妄起於朝堂畛域橫分於官府非國之福也又力救贊化不納皇長子生請盡蠲天下積逋報可時大治忠賢黨熿與李標錢龍錫主之列上患賢客氏而下坐死者崔呈秀等六人

山西通志卷一百三十一 鄉賢錄十六 十

劉志選等十九人坐戍者魏廣徵等十一人逆孽魏志德等二十八人城旦者顧秉謙等一百二十七人削籍者徐應元等三十二人間住者黃立極等四十三人名曰欽定逆案頒行天下初熊廷弼傳首至是其子兆璧詣闕疏請熿言廷弼之死由逆閹欲殺楊漣魏大中誣以行賄因盡殺漣等復懸坐廷弼賊銀十七萬刑及妻孥寃之甚者乃許收葬時議汰各鎮兵裁驛卒熿言汰兵止當清占冒及增設冗兵爾衝地額兵不可汰也驛傳疲累當責按臣核減以甦民困其所節省仍還之民上然之三年正月中書舍人加尙寶卿原抱奇劾熿主款以熿袁崇煥座主也上貶抱奇秩無何左庶子丁進工部主事李逢申劾疏繼上熿三疏引疾詔賜白金彩幣馳驛遣行人護歸進逢申並熿會試所舉士也熿先後作相

老成慎重引正人抑邪黨天下稱其賢十七年春蒲州陷憤鬱而卒年八十

李棲鳳字紳元臨晉人萬曆甲辰進士知三原縣入為兵部主事歷員外郎中尋以西陲有警借補神木道西夷驅眾十餘萬來犯堅壁待之督兵邀歸路破其眾賊斬五百餘級套長吉囊畏威來款塞倡革八年舊賞省金錢三十萬吉囊懼伏不敢出一語再補懷遠副使款夷毛乞炭屢求增賞背盟入寇棲鳳鼓勵將士大陳兵威乞炭懼斂眾求款久之然後許邊境獲甯擢湖廣巡撫兼提督軍務魏璫用事諷直省建生祠棲鳳峻拒之璫恨甚欲為中傷計會以憂去獲免莊烈御極特起兵部右侍郎鎮昌平屢辭不獲力疾赴任卒於道弟棲鵬以歲貢任井陘知縣能拒強紳關說終慶陽府同知

山西通志卷一百三十一 鄉賢錄十六 十一

棲鳳為諸生時赴省試道經曲沃有老父言為鹽法所累公得志其拯此一方民棲鳳後卒白當事除其害張庭蒲州人萬曆三十五年進士四十四年挺擊事起庭上言奸人突入大內狙擊青宮陛下宜何如震怒立窮主謀乃廷臣交章一無批答何也君側藏奸上下蒙蔽皆由陛下精神偏注皇太子召見甚稀而前此册立選婚及近時東宮出講郭妃卜葬諸事陛下皆弗勝遲回強而後可彼宦寺者安得不妄生測度陰蓄不逞以僥倖於萬一哉不報晉郎中被劾齟引退抑鬱卒天啟初御史張慎言方震孺魏光緒楊新期交章訟庭及陸大受李倖寃乃贈庭光祿少卿都御史高攀龍請加庭俸蔭諡不果周一梧字唐珪長治人通判欽子幼聰敏留心經濟嘗著十



六策籌時事萬歷壬午以易魁於鄉越十年壬辰成進士授戶部主事歷員外郎中出爲歸德知府未至調常州時以稅關激變改蘇州既至持以鎮定反側者胥自安明年復變擒首惡數人遣戍之尋以疾請歸家居閉門修郡志秉筆直書迄今稱信史起陝西河西副使時回賊方熾一悟至修戰守具威聲遠播賊遁事聞朝廷方議晉秩遠卒秦人爲樹碑子再勳舉人累官金華府知府

程正家長治人保定通判尙勤子萬歷壬午舉於鄉初授南陽府推官歷大獄多所平反時衆兵充斥諸帥跋扈當道重其才識令馳驅米鄧左三帥間有靈閣襄東方城諸捷擒土寇劉中湖於裕州繼巨欸楊四於舞陽及恢復鄧浙二城一歲三膺褒錫唐庶人假入衛謀不軌道出裕州正家適攝

山西通志卷一百三十一 鄉賢錄十六 十三

州事尼其行及莊烈震怒有廢錮之命使者慮變屬正家擒之升戶部主事歷員外郎中召買草束樽節爲多督大官糧儲毫無所染國變卒於京

程正己字道先號徵原長治人萬歷丁未進士初授行人司行人九年後先三持節皆以廉介著擢吏部主事歷員外郎中掌典察佐尙書趙南星澄清流品晉太僕寺少卿以都察院僉都御史巡撫保定逆璫魏忠賢以部民交讎拒弗計思乘間中傷之及副都楊漣僉都左光斗難發遂遭削奪謫配平陶莊烈登極起兵部右侍郎轉左時國家多事調兵食日不暇給以勞悴連疾致仕歸後敘延甯功賜金幣有差旣沒敘四川功賜如前子之璿以卹請贈兵部尙書祭葬蔭子如制

暴謙貞字襟漳屯留人參政孟奇孫也學博才高剛直有祖風萬歷癸丑進士選翰林庶吉士歷吏刑工三科給事中焚草掖垣得昔人批勅遺意典浙江辛酉鄉試稱得士遷太常寺少卿提督四譯館於入館六辭益勤無怠擢河南巡撫與魏瑞忤未任卒

喬承詔字揚名介休人萬歷庚戌進士知南宮縣擢監察御史按閩平海寇地方甯謚以薦舉與當事不合歸杜門著書崇禎中召起爲太僕寺少卿催餉陝西憫其民貧備疏奏寬減憂勞得疾卒於行署從祀鄉賢

董承業字紹休介休人萬歷癸丑進士官中書歷刑科兵科給事中因陳時事忤宦官魏忠賢被劾免官杜門著書及魏瑞敗召起太常寺少卿感痿痺疾告歸卒於家舊介休民多以輸粟於邊蕩產承業適奉差至大同言於巡撫得改折色民永便之

山西通志卷一百三十一 鄉賢錄十六 十三

王文清永甯州人萬歷己未進士累官都察院右副都御史巡撫遵化等處清介端方朝野倚重致政歸父維棧贈奉政大夫刑部郎中祀鄉賢事實無可考

張養蒙字泰亨澤州人萬歷五年進士選庶吉士歷吏科左給事中少負才名明習天下事居言職慷慨好建白時南北多水旱條上治奸民恤流民愛富民三事上嘉納之錦衣都指揮羅秀質緣得僉書言秀本太監膝祥奴賄入禁衛往歲營僉書兵部尙書王遴持正爲所中傷去未幾秀卽職用物議沸騰疏發其狀乃黜秀御史高維祜等言事被謫養蒙偕同官論救復特疏訟之奪俸故事部曹不得改科道至是多



營求以養蒙言而罷尋選工科都給事中採木四川及額商人輪木後者詔追銀以養蒙言獲免都御史潘季馴奏報河工疏言河臣報成未久急求謝事而繼者復告患矣其故皆由不久任也夫官不久任其弊有三後先異時也人已異見也功罪難執也請做邊臣例增秩久任上深然之詔潞安進綱二千四百匹復命增五千率同官力爭不從出為河南右參政尋召太僕少卿四遷左副都御史二十四年極諫時政闕失有三輕二重謂部院之體漸輕科道之職漸輕撫按之任漸輕而進獻之途及內差之勢漸重也語皆切中不報又明年六月兩宮三殿繼災復上疏曰近日之災前古未有請躬謁郊廟以謝嚴譴立御便殿以通物情早建國本以繫人心停銀礦皇店之役杜四海亂階減宦官宮妾之刑弭蕭牆

山西通志卷一百三十一 鄉賢錄十六 十四

隱禍然此皆應天實事猶非應天實心也臣仰瞻穆清成心有四一曰好逸一曰好疑一曰好勝一曰好貨願戒此四者亟圖更張庶天意可回國祚可保不省尋遷戶部右侍郎督朝鮮餉事甯予一子官三十年署部事會有疾固辭歸歸卒於家天啟初賜諡毅敏  
楊植陽城人萬歷丁丑進士任益都知縣嚴明果斷夙弊頓絕在任六年纖毫不染擢大理司評事轉兵部主事守山海關通商買兵戎關政一新轉刑部員外郎歷薊州僉事河南參議遼東副使所至稱能終養歸起補陝西關西道益勵操守加意振刷疾革家人雜饋餼檄諸文移中怒而擲去居官三十年僅茅屋數椽薄田三十畝  
衛一鳳字伯瑞陽城人萬歷庚辰進士授刑部主事歷郎中

嶮然不淄有國士稱升紹興知府丁內艱起青州府政簡而肅忤御史將計傾之東撫孫鑣語所屬曰衛某飲青州一勺水安能說也薦升鞏昌副使火直入犯以捷賜金丁外艱起青州兵備時河決黃家口諸地改濟甯河道一鳳結茆河濱晝夜督修三年報最有治河如治兵之稱年饑米價騰貴一鳳預支諸役廩姑高其價商集價減人咸賴之遷參政復移青州升應天府丞妖民劉天緒倡亂密以方略捕滅轉鄖陽巡撫會秦寇嘯聚草檄遣裨將諭以禍福遂解散節省兵餉七千有奇晉南兵部侍郎遷南刑部尚書改兵部屢疏乞休不允晉階資德大夫正治上卿天啟元年三疏得歸未幾魏忠賢禍起人服其先見云居家十三年壽八十四卒贈太子少保遣官祭葬子廷憲成進士歷知淮安有父風

山西通志卷一百三十一 鄉賢錄十六 十五

白所知字廷謨陽城人萬歷間以解元登癸未進士授禮部主事歷郎中秉公持察直聲達於宮禁每啟事朝上夕下數裁抑貴倖以憂去罷官杜門謝客優游林下二十年光宗即位召起太常少卿歷轉工部左侍郎修慶陵工竣賜幣晉尚書累疏求去賜乘傳歸復以三殿成敘功加太子太保既歸究心理學及養生家言食不兼味衣無綺綺見後生諄諄教以孝弟謙謹享年八十六所著惺心錄見三晉語錄  
韓范字思兼沁水人萬歷丙戌進士授工部主事理南旺開立八禁調十二事漕商兩利升營繕司員外進兵部武選司郎中適選軍政嚴毅廉靖黜中璫所私千戶鮑供權貴銜之借霍文炳事降陝西金縣典史丁外艱貧不能襄喪事當道力助之始勉成禮家居二十七年泰昌初起南武選司郎中



天啟元年升南通政司右參議明年升順天府丞進通政司右通政值魏忠賢矯旨杖郎中萬燦范上執政書引王文端封還詔書事以諷之海內翕然仰焉後時政日非自以不合時宜作五官四體問答寓意致仕年六十九卒所著有經世集要司馬紀略司空紀略家訓格言本支世系圖考藏於家張志芳字廷芝陽城人萬曆辛卯舉人性篤孝父喪三年不居於內初任陽信知縣值歲大祲設法振濟全活以數萬計升宿州陽信父老號泣攀留不忍舍建生祠暨碑張潑扁其第曰天下清廉第一以內艱歸起補滄州改知景州景當白蓮之變愚民蠢動單騎曉諭告以禍福卒歸田畝境賴以安又避驛傳申保甲除羨耗三年獨居一日迎漕使偶墮水拯出易衣皆粗布無寸帛使者嘆曰真清正人也特疏表異擢

山西通志卷一百三十一 鄉賢錄十六 十六

戶部員外景民立祠奉命署太倉甫兩月積餘米一千七百石奏聞賜宴旌之升郎中督天津餉親視權量三軍戴德晉僉事仍滄津門焦勞拮据釐諸弊孔飛輓時至壘書褒之加升一級進參議積勞成疾卒於官軍民聞訃各以白布括髮號泣為建祠暨碑

孫居相字伯輔沁水人萬曆二十年進士除恩縣知縣徵授南京御史負氣敢言嘗疏陳時政謂政事日廢治道日乖天變人怨究且瓦解土崩縱珠玉金寶互地彌天何救危亂不省誠意伯劉世延罪廢居南京益不法疏發其奸并及南京動臣子弟暴橫狀遂下世延史安遠東甯忻城諸侯伯子弟悉按問強暴為賊稅使楊雲激變雲南太和山中官黃勳味道士毆知府皆極論其罪時中外多缺官居相兼攝七差署

諸道印事皆辦泊劾大學士沈一貫奸貪植黨一貫遂去居相亦奪祿一年服闋起官巡漕運吏部侍郎方從哲由中旨起官中書張光房等五人以鯁議擯不與科道選並抗章論列時言路多附吏部居相力與抗氣不少沮於是過庭訓唐世濟李徵儀劉光復趙興邦周永春姚宗文吳亮嗣汪有功王萬祚輩羣起為難居相連疏摺注迄不能害四十五年卒以年例出江西參政不就天啟元年起光祿少卿改太僕擢右僉都御史巡撫陝西四年春召拜兵部右侍郎其冬魏忠賢盜柄復引疾歸給事中陳序劾居相出趙南星門結楊漣虞廷陛又劾居相力薦李三才遂結史記事遂削奪崇禎元年起戶部右侍郎督鼓鑄改吏部左侍郎以戶部尚書總督倉場請轉漕無多雇民舟給事中楊時化劾高平知縣喬涓

山西通志卷一百三十一 鄉賢錄十六 十七

貪虐坐贖二萬漕有與援而居相報時化書憤激請戍卒弟鼎相歷吏部郎中副都御史巡撫湖廣亦有名東林中張五典字和衷沁水縣人萬曆壬辰進士授行人遷戶部主事監天津倉歷員外郎遷郎中值京察執政假中旨留其私人五典上書亟論其失出為濟南參議遷河南副使時大盜張西岡妖人潘大賢聚眾為亂五典授諸將方略先後俱撲滅已而桐柏礦賊起五典偵得其狀隨出三牌一禁入山鬻賊食者一令亟為食飲以待賊一令民各歸鄉井賊無所得食出見壺漿陳路隅大驚詰其故曰此張道翁指也因出牌示之皆感泣去遷山東參政守海右歲荒盜且起遼米因海禁不得時至會攝登萊道築開海禁遼船至者相屬遷山東右布政入為太僕寺少卿遷南京大理寺卿乞終養加兵部



尙書卒贈太子太保五典性嚴重居朝廷中立無所附張新建在位欲令出門下卒不往雖平進九列卒亦不獲大用云張銓字宇衡五典子萬曆三十二年進士授保定推官擢御史巡視陝西茶馬憂歸起按江西時經略出師銓馳奏言以短孳長以勞赴逸以客當主非計之得今不必徵兵四方但當就近調募屯集要害若加賦選丁騷擾天下恐識者之憂不在一方因請發帑金補大僚有直言開儲講先爲自治之本又言今宿將並起宜一事權唐九節度相州之潰可爲明鑑又言張承蔭不宜恤又論經略非大帥才而力薦熊廷弼四十八年夏復上疏言自軍興以來所司創議加賦畝增銀三釐乃未幾至七釐又未幾至九釐譬之身一方肩背也天下腹心也今合天下以救一方一方未必安而天下已危宜

山西通志卷一百三十一 鄉賢錄十六 十九

聯人心以固根本豈可賤削無已驅之使亂且內廷積金如山以有用之物置無用之地與瓦礫糞土何異乃發帑之請叫閭不應加派之議朝奏夕可臣殊不得其解銓疏皆關軍國安危而上與當軸卒不省熹宗初出按遼經略下納降令銓力爭不聽曰禍始此矣天啟元年三月請令巡撫薛國用帥河西兵總督文球帥山海兵以廣聲援疏甫上軍大潰銓與袁應泰分守應泰令銓退保河西不從守三日銓衣冠向關拜又遙拜其父母自經事聞贈大理卿再贈兵部尙書諡忠烈官其子道濬錦衣指揮僉事詔以所贈官加父五典妻霍氏守竇莊堡名夫人城道濬既官錦衣以忠臣子見重屢加都指揮僉事僉書衛所受王永光指屢疏攻錢龍錫成基命文震孟毛羽健等卒戍海甯

楊新期字周卜陽城人貞肅七世孫萬歷丁未進士初任項城知縣調雍邱補蠶吾調渭南凡四縣清名籍甚百弊釐剔擢御史抗論三案不避觸諱按湖廣與除皆闕百年利弊復命謝絕竿牘甚峻熹宗朝忤魏忠賢削籍崇禎初召還臺持憲紀十三年衣大布飯脫粟不愧祖風王用士字游召陽城人萬歷已酉舉人事繼母以孝聞任考城仁聲籍甚豪猾伏匿補靜海建義倉清郵傳繕城垣濬河渠邑舊無志創修之三載績最會漕運覆損菽石臺司責償於靜正辭拒之曰秋水時至靜民何辜君其問諸水濱臺司遂疏罷其官即日怡然就道父老臥轍垂涕不忍捨旣抵里杜門謝客督課諸子卒年六十有九

山西通志卷一百三十一 鄉賢錄十六 十九

張慎言字金銘陽城人祖昇河南參政慎言工詩文舉萬歷三十八年進士除壽張知縣有能聲調繁曹縣出庫銀糴粟備賑民賴以濟泰昌時擢御史劾罷順天府丞劉蔚太常少卿官應震光祿少卿劉光復會議三案言不究張差黨與所以全父子之情然必摘發奸謀所以明君臣之義至崔文昇投涼劑李可灼進紅丸法當駢首恩反賜金誰秉國成一至此極若夫鼎鬯爲重舊履爲輕卽神廟之鄭妃且先徙以爲望選侍不卽移宮計將交待無何賈繼春以請安選侍被譴疏救之奪俸二年天啟初督畿輔屯田言天津靜海興濟間沃野萬頃可墾爲田近同知盧觀象墾田三千餘畝其溝洫廬舍之制種植疏濬之方犁然具備可倣而行因列上官種佃種民種軍種屯種五法又言遼人入關宜招集津門以無家之衆墾不耕之田於計爲便從之嘗疏薦趙南星劾馮銓



五年三月假歸曹欽程誣劾之徵賊戍肅州崇禎元年起故官請京察先治媚璫者其他始付考功報可旋擢太僕少卿歷太常卿刑部右侍郎謙耿如祀獄不稱旨下吏歸久之召為工部右侍郎廷議開採鼓鑄屯田鹽法諸事悉根本計大學士楊嗣昌議改府州縣佐為練備練總慎言以吏制事大歷陳八議其後卒不能行由左侍郎遷南京戶部尚書七疏引疾不允尋改南京吏部尚書掌右都御史事後寓蕪宣間疽發戒勿藥卒年六十九慎言少孤鞠於祖母為御史計聞乞歸執喪三年

張光前字爾荷澤州人萬歷三十八年進士授蒲圻知縣補安肅擢吏部驗封主事歷文選員外郎稽勳郎中乞假去天啟四年吏部尚書趙南星起為文選郎中甫視事魏忠賢假

山西通志卷一百三十一 鄉賢錄十六

廷推謝應祥事矯旨切責南星時與推應祥者員外郎夏嘉遇非光前也光前抗疏爭之曰南星人品事業昭灼人耳目忽奉嚴旨責以不公忠臣竊惑之選郎諸曹領袖尚書臂指南星所甄別進退臣實佐之功罪與共乞先賜罷斥亦被旨切責尋以推喬允升等代南星削侍郎陳于廷及楊漣左光斗籍光前又抗疏曰會推尚書于廷主議臣執筆謹席藁待罪遂貶三秩調外光前操行清嚴峻卻請謁知縣石三畏賊私狼籍將受臺諫出為王官明年光前兄右布政使光緒治兵遊化奄黨門克新劾之亦削籍兄弟並以忤奄去見稱於世崇禎元年起光祿少卿不赴三年起太常已進大理少卿累疏乞休卒

韓肫仁字伯倫沁水人萬歷癸丑進士授大理寺評事殫心

訊牒每於死中求生而平反之由寺副歷寺正凡三年升青州知府除供億興學校清滯獄摘點吏抑豪右開水田懲左道興利除弊事事修舉適白蓮教聚徒數千有欲借以邀功者肫仁不可止捕首惡抵法餘解散嘗攝道篆鉤餘數百金悉貯庫筮庫者以例請肫仁曰若知取羨例耶不知不取羨吾例也嚴叱之旌節幸禮士夫吏畏民懷適仲弟訃至一痛幾絕日夜悲思日人四體而失其二何能身遂上書告終養解綬歸青老幼牽衣填道不忍舍抵家旬月乃下喪章準以副使職銜終養尋奉旨旌其門曰節孝所著有養中養才類編

王允成字述文澤州人萬歷中舉於鄉除獲鹿知縣以治行異等徵授南京御史首論遠左失事諸臣請正刑辟熹宗初

山西通志卷一百三十一 鄉賢錄十六

降兩諭罪李選侍大學士方從哲封還之允成陳保治十事姚宗文鼓同列攻熊廷弼允成惡其奸再疏論列天啟元年請卹先朝直臣列楊天民等三十六人以上從之俄陳任輔弼擇經略慎中樞專大帥更戎政嚴賞罰數事未言陛下孤立禁中先朝怙權恃寵諸奄與今日左右近習互相忌嫉恐乘機肆毒彼此相戕夫防護禁庭責在內閣及司禮務令潛消默化俾聖躬與皇弟並得高枕無憂斯根本至計已劾刑部尚書黃克纘倡言保護選侍貽誤買繼春又曲庇盜竄內侍至辨御史焦源溥綱常疏刺謬特甚又極論內降及留中之害停俸已疏斥府丞邵輔忠又請戒姑息破因循時中貴劉朝魏進忠與乳媪客氏相倚為奸抗疏歷數其罪三年六月允成又劾魏進忠進忠者忠賢初名也四年吏部尚書趙



南星調允成於北御史張訥劾南星調允成非法遂除名後給事中陳維新復劾之詔提問坐以贓私莊烈帝初以允成嘗請保護皇弟識其名召復故官未幾卒當天啟初東林方盛允成居南與北相應和時貴多畏其鋒諤諤敢言屢犯近倖其風采尤足重云

田蕙應州人萬曆甲戌進士任蒲城知縣升戶部主事歷通政司左右參議性剛直不阿為忌者所中歸里杜門謝客躬耕訓讀士論多之

王家璧山陰人家屏從弟萬歷己卯舉人薊州府通判性廉介不為矯激時有誣陷良善力為昭雪署嘉定太倉兼興除釐別洞悉民艱以直道忤時改除河間督運楊村畿輔大旱河水涸躬率畚築決渠引水使者旌其勞勤以疾歸

山西通志卷一百二十一 鄉賢錄十六 三

陸敏捷大同人萬曆壬午舉人性率真達於政事任狄道知縣興利剔弊多善政升德州知州稅監陳增馬堂一地雙科商民併苦敏捷調處歸併遷河間同知時靜海縣饑民煽禍敏捷擒首惡散黨與不動聲色而定謝掣鹽常例重修天津城築重隄護運河迄今猶稱陸隄

馮呈秀大同人萬曆甲辰進士初告終養授評事遷寺正卹刑雲貴全活甚眾出守延安捐俸治河患時有邊警呈秀單騎為士卒先邊境無虞治大猾孫養蒙尋備兵商維升漳南參政山寇起伏不常設謀擒斬民賴以甯至今立祠祀之王從義大同人天性孝友端方廉介登萬曆丁未進士授評事多所平反歷郎中升東昌知府以勸農興學為首務修濬城池後兵火頻仍卒恃以無恐士民因勒石建祠祀之秩滿

以副使備兵壽張會徐鴻儒變多方弭制殲渠魁而安善民全活數萬人兗民至今頌之遷河南參政未幾賊黨復萌以右布政備兵沂州嚴立保伍一境帖然擢河南左布政持身廉約禁絕饋遺戊辰晉副都御史巡撫山東適歲祲招撫流移數萬人開墾荒田擊除大猾不遺餘力尋以協餉功進戶部右侍郎引疾歸總督楊嗣昌特舉不起母喪哀毀骨立幾至於絕

李懷信大同人由世蔭歷都指揮僉事掌山西都司廉勤數被推薦萬曆中遷延綏中路參將進定邊副總兵勇敢有謀敵入輒敗四十二年擢甘肅總兵官延人為立生祠松山敵入掠蘆溝墩邀擊大敗之斬首三百有奇獲駝馬甲仗無算已復分三道犯鎮番諸堡亦分過之敵引還將士尾其後獲

山西通志卷一百二十一 鄉賢錄十六 三

首功百九十有奇自後敵每入多失利去威名著河西四十七年充援剿總兵官馳赴邊經略熊廷弼令借柴國柱賀世賢以四萬人守潘煖免炒花謀入廷弼急移懷信戊首山敵不敢入旋引疾去天啟二年起鎮大同明年罷後追錄邊功進左都督卒

何廷魁字汝謙威遠衛人萬曆二十九年進士授涇縣知縣調甯晉遷刑部主事歷歸德衛輝河南知府西甯副使坐考功法復為黎平知府遷副使分巡遼寧經略綽降爭不聽同事者遣擊歸廷魁曰吾不敢為民望廷魁論兵事經略並不從及潰懷印率其妾高氏金氏投井死婢僕從死者六人贈光祿卿再贈大理卿賜祭葬諡忠愍世蔭錦衣百戶麻貴右衛人大同參將祿子也由舍人積功至都指揮僉事



充宜府遊擊將軍隆慶中遷大同新平堡參將寇大入山陰懷仁應州與兄副將錦拒戰有功受賞萬歷初再遷大同副總兵十年冬以都督僉事充甯夏總兵官尋徙鎮大同頻以安邊勞蒙賜賚十九年閱祝少卿會乾亨効之請成邊明年甯夏時拜反廷議貴健將知兵且多畜家丁起戍中為副將總兵討賊屢攻城不克五月時拜以套部五百騎圍平魯堡選精卒三百間道馳卻之還攻城率遊兵主策應時拜至北門出戰將往勾套貴逐入城不敢復出俄蕭如薰將諸道援兵以貴為副而李如松軍亦至攻益急城破賊盡平貴以功增秩予蔭擢總兵官鎮守延綏二十二年七月卜失兔深入定邊營張春并貴乘虛搗其帳於套中斬首二百五十有奇還自甯塞復殲其零騎會寇轉掠至下馬關甯夏總兵蕭如

山西通志卷一百三十一 鄉賢錄十六

薰不能禦總督葉夢熊急檄貴赴援督副將蕭如蘭等連戰颯馬臺薛家窪斬首二百三十有奇獲畜產萬五千上為告廟宣捷進署都督同知予世蔭明年勒兵萬五千人遊擊間逢時等出紅山為中軍參將師以律等出高家堡神水孤山為左軍參將孫朝梁等出定邊安邊平山為右軍而自以大軍當一面銜枚疾趨踰塞六十里寇莫知所防大潰俘斬四百有奇獲馬駝牛羊千五百再進秩予蔭尋以病歸二十五年日本封事敗起備倭總兵官加提督盡統南北諸軍貴馳至朝鮮王京數戰有功明年三月旋師進右都督于世蔭三十八年鎮遼東泰甯炒花子色特入犯伏兵敗之道北至白雲山斬馘三百四十有奇色特復糾諸部合犯清河皆潰遂求款邊境獲甯明年捕漢虎墩兔以三萬騎入掠穆家堡禦

之敗去夏貴引病乞罷詔乘傳歸貴男毅驍捷善用兵東征西討並著功伐先後承欽賜者七錫世蔭者六稱一時良將焉

霍鏃字中明馬邑縣人教諭朝重子萬歷丙辰進士授任邱縣知縣擢監察御史出按甘肅奉勅兼督學政大閱比復命敘功不及厥臣又為楊左諸賢抗疏申雪與逆璫忠賢忤旨削秩歸崇禎初起補原官仍督直隸學政有疏請正人心端士習凡七款遷順天府府丞晉通政使司通政使時懷宗綜覈名實鏃方以廉敏結主知選以積勞卒先是在臺中時嘗題額本邑荒糧千餘石又以雲中歲饑請發帑金三萬兩振濟著有虞邱案牘兩河慮傲蘭臺督學奏議兩河畿輔造士錄校士氣先錄並文集年譜諸書藏於家

山西通志卷一百三十一 鄉賢錄十六

潘文甯化人萬歷乙未進士知陝西漢中府案無塵積斷獄片言居要左右不得聞其說月朔與諸生講程朱業名士多出其門礦賊俞士乾聚眾數載為暴文設策招安令充牙兵未一載復橫文以計擒之漢中獲安堵

魏雲中字定遠武鄉人萬歷二十九年進士除項城知縣擢御史劾禮部侍郎史繼偕南京兵部尚書黃克纘又劾太僕少卿徐兆魁貪穢尋劾誠意伯劉蓋臣又劾文選郎中周應秋納賄鬻官引進匪人流毒天下給事中吳亮嗣詆雲中借端掃除吏部尚書趙煥亦為應秋辨遂劾煥曲庇屬官亮嗣諸吏部秋以年例出為甘肅僉事不赴天啟元年起通州兵備召為尚寶卿三年冬屢遷右僉都御史巡撫甯夏繕堡鑿渠興屯練士明年罷歸崇禎二年召拜兵部右侍郎行邊還



言王象乾策善款議始定乃列上八事訪屬部厚偵探謹內  
外恤將卒修營舍復額兵定功罪擇守令上褒納之象乾請  
老卽命兼右僉都御史總督宣大山西軍務帥師入衛三年  
罷歸家居修城築臺以禦寇鄉人賴之

程啟南武鄉人萬曆辛丑進士授襄陽推官升兵部武選司  
主事歷郎中遷濟南道副使會大饑繪圖使吏抱以上書乞  
不賦山澤許得支官舍之儲蓄調之所活甚眾時青齊盜發  
練兵芟雜盜悉平屢遷藩臬晉太常寺卿所在有冰蘖聲論  
魏璫疏入卽日斥退璫敗起通政使加工部左侍郎以疾辭  
歸鄉居請豁沁州浮糧累金三千餘兩條立權店守備治次  
舍設防兵三百名壽九十

山西通志卷一百三十一 鄉賢錄十六 天

霍守典沁州人萬曆庚戌進士禮科都給事中天啟間魏璫  
以生祠額名請守典特疏糾參璫甚除太常少卿隨罷職  
家居遇流寇變捐己資週城築柵馬牆為捍蔽後州人不及  
進城者多賴保全

魏光緒字孟韜號元白武鄉人萬曆癸丑進士由行人授御  
史挺擊一案聚訟十餘年光緒抗疏再四卒屈傍議東巡招  
撫寇孽數十萬璫逆囑所親不遂矯旨降調戊辰起原官尋  
升太僕卿力爭本寺牧地十萬餘頃升湖廣巡撫職倡亂渠  
魁計平土司彭元景為忌者所中罷歸遇饑盡發積粟以  
振之立慈幼局乳遺棄嬰兒捐資修築城垣義舉尤多

傅霽字應霽忻州人參政霖弟忠鯁能任事萬曆丁丑進士  
初授咸陽知縣庫吏進羨金叱還之恐其中飽因取抵下戶  
丁徭補華亭革除縣糧之役入為監察御史巡漕河時內供

增二十萬金猶不足將取諸房窳抗疏論之得中止按四川  
發大帥李大祥奸賊李燾千金求免卒論罷有職憲副者怠  
於官亦糾劾以去人病其執因告歸閉門纂晉文獻通志聞  
兄參政被誣特疏白之先是江陵當國鄒總憲元標以爭奪  
情請都勻霽數往視為措道里費

張泮忻州人萬曆丙辰進士耿介廉直居於晉嚴絕餽遺終  
養二十年朝野想望其丰采屢起留徐晉望卿俱不出親沒  
從太原歸葬徒步哀泣感及行路尋補通政册封藩王王肩  
輿過節前泮正色斥之勿不敬奪祿遷太僕卿薦守令一介  
不取進光祿時聞暨弄權假內用冒破不賞疏正其罪卒日  
遺粟僅十一金殯葬不能具子宏業死屬難別有傳孫疑和  
官順天府通判

山西通志卷一百三十一 鄉賢錄十六 毛

鄭友周字仁甫定襄人萬曆壬辰進士授保甯推官丁外艱  
補甯國升刑部主事歷禮部郎中四川川南兵備道副使陝  
西神木兵備道參政以邊功加升右布政在禮部時掌御醫  
藥物會東宮取藥票未用印拒執不與東宮呼為硬漢川南  
奢人交堯臣以爭印叛數年不能平領兵深入破其巢洞奪  
印而還神木躬冒矢石大戰峰子梁斬獲首功一百二十一  
級捷聞升一級蔭子鉞百戶世職屢舉卓異為當事者所忌  
遂歸友周學術醇正操守狷介為諸生時拾金不取方伯歸  
望里門卽下輿步入與鄉人處講讀可親訓後學子弟循循  
善誘未幾卒

張保民定襄人萬曆甲午舉人知完縣多惠政完人德之作  
福完錄立生祠升西安同知卒於官



李楠崞縣人萬歷丁丑進士授刑部陝西司主事屢攝湖廣浙江諸司事歷員外郎中出守直隸鳳翔府補保定府遷陝西副使分巡河南尋改靖邊兵備親歷川原籌邊務屢疏乞身七年復起陝西副使分巡河內遷本省按察使歷布政使擢巡撫補起家刑曹游歷開府清介公正及持節西陲積賊斬爲京觀城垣屹如金湯戰苦功高朝廷特以聖書褒之楊恂字伯純代州人萬歷十一年進士授行人擢刑科給事中錦衣冗官多至二千人請大加裁汰不用累遷戶科都給事中征倭師多冒破帑金請嚴勅邊臣而劾武庫郎劉黃裔侵耗黃高卒罷尋上節財四議格不行御史冀體極論首輔趙志泉貶三秩復斥爲民恂論志泉并及張位疏入忤旨以原品調陝西按察經歷引疾歸久之吏部尚書蔡國珍起廢及恂未召卒

山西通志卷一百三十一 鄉賢錄十六

天

楊夢弼五臺人萬歷庚子舉人任浙川蝗不入境時符盜起親詣賊壘諭以順逆賊衆拜伏調榮澤擒巨寇祝布論如法闔境稱快升陝西鞏昌同知撫按交疏懇留士民復詣闕請遂改授開封同知本府儀封王所爲不軌與撫按議奏撫按難之夢弼曰孔子墮三都強公室今強藩不法安忍坐視遂詣闕陳情王懼遣金十萬卽將原金解奏詔削王籍爲庶人名震中州神宗親書御屏曰天下清官第二員賜勅褒美丁父喪歸親築塋三年內瘦削骨立以哀毀卒孫傳庭字伯雅代州振武衛人自父以上四世舉於鄉傳庭儀表碩碩沈毅多籌略萬歷四十七年成進士授永城知縣以才調商邱天啟初擢吏部驗封主事屢遷稽勳郎中請告

歸家居久不出崇禎八年秋起驗封郎中超遷順天府丞陝西巡撫甘學閻不能討賊秦士大夫譁於朝乃推邊材用傳庭以九年三月受代傳庭泣秦殿發期會一從軍興法秦人愛之不如總督洪承疇然其才自足辦賊賊首整齊王據商雒檄副將羅尙文擊斬之當是時賊亂關中有名字者以十數高迎祥最強拓養坤黨最衆所謂闖王蝎子塊也迎祥至盤屋傳庭設方略親擊迎祥於盤屋之黑水峪禽之獻俘闕下錄功增秩一等而賊黨自是乃共推李自成爲闖王矣明年拓養坤及其黨張耀文來降傳庭復清屯軍得守兵九千餉銀一十四萬兩有奇米麥二萬石有奇上命諸撫以陝西爲法而兵部尚書楊嗣昌嫉之時議合勦計用兵十二萬加餉至二百八十萬限百日平賊令傳庭扼商雒傳庭言兵

山西通志卷一百三十一 鄉賢錄十六

天

貴精不貴多恐致潰厥且民不堪重困又言賊入商雒而臣不能禦則治臣罪若臣扼商雒而踰期不能滅賊誤勦事者必非臣嗣昌益銜之十一年春坐失援漢陰石泉削加秩大天王等犯慶陽寶雞傳庭復簡勝兵六千人由商雒還軍戰合水破走之獲其二子會過天星混天星等逼澄城復分兵五道力戰楊家嶺黃龍山大敗賊大天王遂降傳庭駐中部率標兵東過而檄曹變蛟等從慶陽西拒且伏兵三水涇化間賊饑出掠傳庭一日夜馳二百五十里賊驚西奔至職田莊遇伏走寶雞復折而走隴州皆遇伏凡三敗賊死無算過天星流天星並降又討平漢中餘賊降鄠縣一條龍城固搖天動而關王李自成者爲洪承疇所逐盡亡其卒以十八騎潰圍遁關中羣盜悉平上大書命加傳庭部銜嗣昌格不奏



河南賊羅汝才馬進忠賀一龍左金王等十三部西窺潼關傳庭計曰天下大寇盡在此矣乃引兵東賊退追出關連戰閱鄉靈寶山間賊大敗貫其營而東復自東而西賊窘甚忽得熊文燦檄謂毋妬吾撫功傳庭快快還嗣昌抑將士功不為奏傳庭懇請上其籍於部亦不許十月召入衛俄擢兵部右侍郎兼右僉都御史督諸鎮援軍賜尚方劍傳庭提兵援近郊與嗣昌不協又與中官高起潛忤降旨切責不得朝京師無何嗣昌用承疇為薊督欲盡留秦兵之入援者守薊遼傳庭爭之不能得不勝鬱鬱耳遂與傳庭初受命疏言年來疆事決裂由計畫差謬事竣當面請決大計明年帝移傳庭總督保定河南軍務既解嚴疏請陛見嗣昌大驚謂傳庭將傾已斥來役齋疏還之傳庭傳庭愠遂引疾乞休嗣昌又劾

山西通志卷一百三十一 鄉賢錄十六 三

其託疾非真龔上遂發怒斥為民十三年正月命長繫待決及文燦撫事壞嗣昌敗上漸思傳庭兵部尚書陳新甲偕廷臣多薦之十五年正月詔起兵部右侍郎召見傳庭指陳形勢上勞獎甚至賜酒饌銀幣命督京軍救開封傳庭兼程馳赴會汪喬年敗沒賀人龍潰入關中即命往代且諭密誅人龍傳庭與巡撫張爾忠等謀召人龍斬之而撫定其部曲益日夜治軍六月上遣御史蘇京趨出關傳庭上言兵新募不堪用上不聽不得已出師九月抵潼關而開封已陷自成西行逆秦師傳庭設三覆以待賊潰東走斬百千餘追三十里及之郊縣之家頭賊棄甲仗軍資於道秦軍趨利賊反乘之諸軍皆潰傳庭走鞏縣由孟縣入關是役也天大雨糧不至士卒採青柿以食凍且餒故敗豫人所謂柿園之役也傳庭

既歸陝西益募勇士開屯田繕器械粟令三家出一壯丁置火車三萬輛載火礮甲仗戰則驅以拒馬止則還以自衛士大夫厭苦傳庭所為用法嚴不樂其在秦相與譁於朝又以危語恫脅明年五月命兼督河南四川軍務進兵部尚書改稱督師加督山西湖廣貴州及江南北軍務賜尚方劍趣戰益急傳庭頓足歎曰奈何乎吾固知往而不反也不得已遂再議出師總兵牛成虎將前鋒高傑將中軍王定官撫民將延甯兵為後勁白廣恩統火車營檄左良玉赴汝甯夾擊令陝西巡撫馮師孔駐商維而遣成虎以三千餘騎先趨雒陽至灑池擊走賊游兵八月遂統大軍出至滋澗下馬搜伏賊走又追至汝州賊盡奔寶豐九月師次汝州偽都尉李養純降謀報賊老營在唐縣偽將吏屯寶豐傳庭遣將襲唐縣而

山西通志卷一百三十一 鄉賢錄十六 三

自趨攻寶豐自成來援廣恩傑夾擊再戰自成敗走遂克寶豐他將亦克唐縣師次郊縣賊萬騎逆戰復大破之軍聲大振會天久雨道漕糧車不能前攻破郊縣截得馬贏數百殺食之兩七日夜不止後軍謀於汝州陰通賊賊大至傳庭乃分軍三令廣恩由大道已與傑由小道還軍迎糧而留副將陳永福為後拒戒毋動前軍既移後軍亂永福雖斬之不能止亦引退賊追及之二十一日官軍還戰賊置陣五重官軍力戰已破其三重遇驍騎陣稍動推火車者駭棄車走馬軍亦走賊騎乘之官軍死者四萬餘人傳庭單騎渡垣曲由閩鄉濟賊乘勝破潼關大敗官軍傳庭與監軍副使喬遷高躍馬大呼而沒於陣初傳庭之出師也自分必死顧語妻張夫人曰爾若何夫人曰丈夫報國耳勿憂我及西安破張率



二女三妾沈於井揮其八歲兒世甯亟避賊去之兒踰牆墮民舍中一老翁收養之長子世瑞聞之重趺入秦得夫人尸井中面如生翁歸其弟相扶攜還傳庭死時年五十有一矣尸竟不可得再出師皆以雨敗也或言傳庭未死者帝疑之故不與贈恤

國朝賜諡曰忠靖

任養心芮城人萬曆甲戌進士濬縣知縣擢御史按兩淮鹽政條通商恤竈四事迄今爲例按湖廣奉詔籍江陵家排浮議存國體又按順天奏治豪貴彈去大帥京師肅然歷升巡撫江西嚴什伍法而盜息又懲宗人之不軌者以病疏歸所著有中丞奏議子治統庚子舉人道統乙卯舉人姪光統庚子舉人丁未進士

山西通志卷一百三十一 鄉賢錄十六 三

劉敏寬安邑人萬曆丁丑進士官至兵部尚書總督三邊大子太保賜飛魚蟒玉以軍功蔭子錦衣衛指揮世襲卒後進階少保賜祭葬祀名宦祠敏寬長才大略久歷邊疆所至簡兵蒐乘備精儲繕城堡自撫至督共計捷三十有奇與諸將吏推心置腹更善導道論文榆林人感德立祠祀之

王國貞安邑人萬曆己丑進士累官陝西參政初令壽光邑濱海多葦租盡捐充邑賦之半守上谷廉明冠畿輔嚴毅有風節每與時忤及參秦藩遂有中者而介終不可易也歸臥林皋猶得晉以百金求居間怒叱之終其身不可干以私

王紀字惟理芮城人萬曆十七年進士授池州推官入爲祠祭主事歷儀制郎二十九年將舉冊立典數遷延不決紀抗疏極論曰勿持不斷之意兼無影之疑冬禮成擢光祿少卿

引疾去四十一年自太常少卿攝右僉都御史巡撫保定諸府歲浚饑救荒甚備活貧民百九萬人稅監張煜請征已捐諸稅紀兩疏力爭竟取中旨行之紀劾煜抗違詔書沮格成命不報渎事四年部內肅然遷戶部右侍郎總督漕運兼巡撫鳳陽諸府歲饑振救如保定四十八年議航漕三十萬石由淮達遼紀力持不可而颶風覆七十萬石光宗立召拜戶部尚書督倉場天啟二年代黃克纘爲刑部尚書因亢直忤魏璫削籍朝臣多疏留之後歸角巾野服曰予不幸以大臣行言官事而又不待良愧古人四年卒崇禎初復官贈太子太保諡莊毅

山西通志卷一百三十一 鄉賢錄十六 三

謝傳顯安邑人萬曆乙卯舉人授曲陽知縣開渠灌田五百頃升大名同知適流寇犯界督衆力戰民獲安堵署長垣辨獲假巡方齊文舉聲名丕著豫督王家貞以豫省被寇特疏保升宛守詰兵措餉著有成績致仕歸閉門著書子孫科第世濟其美

裴一諫夏縣人唐晉國裴文忠公之後也徙居夏萬曆間貢事親極孝操行敦篤與真子曹總憲友善以理學交相勵授中部訓導士風丕變丁內艱歸諸生泣涕追送不忍舍後補唐山教諭升山陽知縣地瘠民貧通逃甚衆極意招徠流民復歸革紙戶稅革里支費革收頭陋規日以孝弟事實陰隲錄二書勸諭百姓療疫振荒築垣修隄百姓繪像祀之乞歸行李蕭然著有語錄諸集行世

曹于汴字自梁安邑人萬曆十九年舉鄉試第一明年成進士授淮安推官擢吏科給事中疏劾兩京兵部尚書田樂邢



玠及雲南巡撫陳用賓樂玠遂引去疏雪吏部郎趙邦清請告歸僦屋以居不蔽風日起歷刑科左右給事中朝房災請急補闕官修廢政進吏科都給事中極論中官陳永壽罪故事章疏入會極門直達御前至是中官必起視力請禁之三十一年典外察明年典京察力持東林議眾不能奪移疾歸光宗初以太常少卿召改大理少卿遷左僉都御史佐趙南星京察進左副都御史天啟三年秋副推吏部右侍郎中旨特用于汴于汴以首推馮從吾各位先已義不可越四辭不得遂引疾歸明年起南京右都御史辭不拜石三畏劾為東林領袖遂削奪崇禎元年召拜左都御史振舉憲規約飭僚吏臺中肅然與大學士韓爌李標錢龍錫刑部尚書喬允升同定逆案明年京察忠賢餘黨汰幾盡溫體仁許錢某以于

山西通志卷一百三十一 鄉賢錄十六

汴係錢某座主也并許之于汴亦發體仁欺罔狀不聽吏部尚書王永光力薦故御史高捷史蘆于汴惡其人久弗咨兩人竟以部疏起官遂日夜謀傾于汴中書原抱奇劾熿及于汴并及尚書孫居相侍郎程啟南府丞魏光緒目為西黨以五人籍山西也工部主事陸澄源復劾于汴朋奸六罪澄源雖謫于汴卒謝事去及辭朝以敦大進規七年卒年七十七贈太子太保于汴篤志正學操履粹白立朝正色不阿崇獎名教著仰節堂集學者稱真子先生  
王之翰字維藩絳州人萬歷元年舉于鄉銓膺施知縣補東陽有為之筮易林者不吉之翰笑曰孔僖不辭臨晉翰乃辭璲陽乎稅監陳奉欲開青山礦之翰以顯陵近執不可奉誣劾之翰聚眾并及襄陽通判邸宅推官棟如後之翰報僉事

馮應京書曰竊聞君有不達為不明臣有不爭為不忠翰雖去公在猶可藉手忠報天子翰死無所憾應京乃極言奉惡給事中田大益御史李以唐等又台疏為之翰言卒命緹騎逮訊并逮應京及宅棟如尋釋之而之翰竟瘐死天啟初贈光祿寺少卿  
楊夢熊字徵我聞喜人萬歷丁酉舉人授永清知縣課農桑循行阡陌民德之立祠以祀調大興時史可法應童子試首拔之眾譁以冒籍夢熊曰天子畿無內外天下人皆得試何為冒籍力請於學院又冠多士後可法為一代名臣升刑部主事歷員外郎延安知府長蘆鹽運使剔除奸卻羨卹商升分守關南道參政未任卒子爾休貢生為人質實好施人稱克紹先德云

山西通志卷一百三十一 鄉賢錄十六

史記言河津人少時家貧賣盃自給尋至運城為諸生所辱歸始發憤讀書萬歷戊戌成進士知河南濟源縣濟源地故饒又濱河民間樹藝無方蓬蒿蕪然記言至視罪人輕重令闢草萊自贖為制田器教以舊畬法開永利洞水渠使得資灌溉畝獲數十鍾家有蓋藏因建啟運書院陳詩書禮樂風厲之濟源大治解組後濟源人建祠祀焉後河津人過其地聞為史公故里人皆環向問起居感嘆不絕  
郭迎喪字光忠河津人萬歷丙午舉人官至昌平兵備道副使致仕迎喪清介直朴守正不阿由隴西縣考選刑部審錄江南多平反著卹刑稿歷隴右東牟皆有生祠去思碑解組歸行李蕭然邑人服其品  
王國相字調宇聞喜人宗舜從孫萬歷壬子舉人授廣平通



判升全州知州以清正著聞居鄉平易凡地方公事必極言之南山孫起秀作亂練鄉勇同諸生李振熾平之鄉人佩德即其地立祠祀焉

李倅聞喜人萬曆四十三年為刑部郎中諸司會鞠梃擊案張差語涉潛謀郎中胡士相等相顧不敢錄倅力爭乃得入獄詞遂為鄭氏黨所竊遷鳳翔知府後復中以京察卒於家天啟初贈光祿少卿

龐尚廉字國維河津人萬曆丙辰進士授內黃知縣仁愛廉明一時十一屬重獄無不願質成者邑人為立生祠拜河南道御史秉正觸邪不避權貴以不附魏闖轉河南僉事遂引疾告休

葉震生號梅塢聞喜人父士敦平涼知府積學博聞善古文

山西通志卷一百三十一 鄉賢錄十六

震生資稟聰穎氣貌魁傑性剛正不苟登萬曆己未禮經魁二甲進士授兵部主事從總督王象乾贊畫九邊多謀略有邊功升密雲兵備副使忤瑞歸里後起補洮岷道轉靖邊政聲藉甚卒於官

以上萬曆年

左應選字六語榆次人天啟辛酉舉人授昌黎令崇禎三年大兵破永平移師攻之應選保孤城悉力守禦四十餘日城賴以全以功擢薊州僉事時宜興當國以枉法事屬應選應選不為屈宜興銜之嗾以他事遂被逮謫汾州

張鯁化字襄海太平人天啟壬戌進士寶雜知縣調整屋值巨寇犯境躬冒矢石立敵十賊擢兵部主事巡視九門存恤軍士升揚州知府正己率屬有政聲選關西副使設法彌盜地方安堵祀名宦

王裕心字元涵孝義人刑部主事政之子天啟壬戌進士官南京國子監博士疏訟楊漣冤陳魏忠賢罪惡狀留中不報轉戶部郎歷大名甯夏蘭州榆林道俱有政績擢右僉都御史巡撫西安數立軍功致仕歸值李自成之亂不食死

李開先汾陽人天啟丁卯舉人有善行鄉人多德之祀鄉賢孟兆祥字允吉澤州人僑交河少舉於鄉九赴會試天啟二年始擢第除大理左評事崇禎初遷吏部稽勳主事歷文選員外郎門生謁選請善地兆祥正色拒之其人悚然退進稽勳郎中歷考功忤權要貶行人司副稍遷光祿丞進少卿歷左通政太僕卿旋進通政使拜刑部右侍郎賊薄都城兆祥

分守正陽門襄城伯李國楨統京營軍積月餉不予士無固志城陷兆祥曰社稷已覆吾將安之自經於門下長子章明

山西通志卷一百三十一 鄉賢錄十六

字綱宜甫成進士兆祥揮之曰我死汝可去對曰君父大節也君亡父死我何生為乃投繯於父之側兆祥妻呂章明妻王相向哭既而曰彼父子死忠矣我二人獨不能死乎皆自縊兆祥贈刑部尚書諡忠貞章明河南道御史諡節愍

國朝賜兆祥諡忠靖章明貞孝

皇朝通志兆祥諡忠靖章明諡忠貞與明史異

白所蘊陽城人天啟間貢溫澹謹飭孝友性成授崞縣訓導未幾致仕居里卹貧周急三鄰間咸倚毗之會軍興旁午多所編佐王申寇氛方息有被掠難婦不能歸者為給貲斧送還大司農張慎言嘗曰衛司馬之服官白劄訓之居鄉砥行彌節真後進模楷卒年七十有二

李柄大同人天啟壬戌進士授中書選御史巡節慎庫一塵不染條上諸邊務稱旨出巡浙修海隄禦海寇為承賴計差



滿贖金籍於官上將遣內臣出鎮力諫止之繼巡雲南卒於官中外悼惜焉

張三謨平定人天啟壬戌進士累官大理寺卿三謨篤孝廬墓三年歷官有能聲在大理輕重出入雖臨以威不少動彈劾權貴抉摘隱微而顯設之情狀具見或譎張為幻亦口噤目張不能出一語廷推入閣為忌者排陷不果後致政里居闖賊至聘為相以死拒之尋聞明亡以鬱成疾卒三謨初官御史出按福建時當崇禎改元之初其辭闕疏有曰治亂大關在輔臣臺諫各得其職若輔臣化其成心臺諫不為異論於治何有尤推一時篤論

王國楠安邑人天啟丁卯舉人官至監察御史四歲亡父事孀母侍膳問寢終身如一日兩任殘邑創立甄城泄臺中出

山西通志卷一百三十一 鄉賢錄十六 美 巡江南沿海肅清

任贊化字參之聞喜人天啟壬戌進士授直隸棗陽知縣調景陵秩滿擢貴州道監察御史論楊維垣反覆不忠已復論溫體仁蔽賢讓位忤莊烈帝召輔臣及五府六部官庭鞠之贊化持議侃侃又與體仁奏辨數四有旨降二級調外用補河南布政使都事後起禮部主事遷河南督學副使陝西關南道參政卒於官

溫素知字忠赤聞喜人天啟間恩貢沈毅有氣節幼慕蘇長公書畫皆臻其妙崇禎初授華陰知縣邑衝疲極力撫循舉行鄉約革徵收宿弊除里役司支擒治礦賊渠魁撫卹戍孤嚴禁左右不令出縣門遇事傳以木阜會中官入關中所過州縣皆蒲伏郊外素知曰吾不能屈膝聞人探其將至以踏

荒避村落間竟不面謂邵陽值歲荒停徵歛止訟獄縣北山接澄城界盜賊盤據密授方略賊其魁餘解散時三春不雨流賊臨境率民登陴七晝夜不遑寢食以勞瘁卒於官士民為治喪已複製主相與迎祀城隍廟

張斗星字奎垣大甯人天啟丁卯舉人授潛山知縣經寇殘破斗星悉心撫字方獲安堵諸生四人以仇誣視其中斗星為辯復寇餘難婦若干人俱遣還家會踏災傷值一危證人多不敢渡名曰試心橋斗星平步徑過少無怖容為口占一絕有曰自檢胷中無別物試心橋上獨徘徊以上天啟年

戴運昌祁縣人布政光啟子少績學年四十九始領鄉薦又十年登崇禎辛未進士初知河南尉氏縣清廉慈惠折獄以情邑有亡命聚徒數千人將為亂運昌擒其魁斬之謂良鄉

山西通志卷一百三十一 鄉賢錄十六 美 縣入為戶部員外郎練備彈力國計旋以陳演牽連下獄後入鹿臺山中閱二十年卒

郭衛宸字葵一太平人崇禎辛未進士授四川嘉定知州革除火耗有命案即刻親驗誠格水火威清奸盜邊境以甯疏錢局創義倉立課社民為建生祠十餘所升戶部員外以親老未仕歸里後凡事關地方者力為之嘗揭報司農冀求減賦具呈銓部懇求賢令守城救荒鄉閭被德有司疏薦不起年七十一卒

張克儉字禹型屯留人崇禎四年進士授輝縣知縣六年春賊犯輝縣乘城固守賊不能下久之遷兵部主事被薦召對稱旨十二年擢湖廣僉事監鄭襄諸軍楊嗣昌鎮襄陽命為守禦備深倚仗之明年春命安輯降盜克儉上書嗣昌言襄



陽自古要區今完鑰獻陵視昔尤重近兩河饑民雲集新舊  
降丁逼處其間一夫叫呼即足致亂况秦兵以長武之變西  
歸即房軍府初立降營基置奚啻放虎自衛紫漢西興初無  
重門之備何恃而不恐嗣昌不以爲意報曰昔高仁厚六日  
降賊百萬迄擒肝能監軍何怯耶及嗣昌入蜀委以留移錄  
破賊功加右參議監軍如故未幾以本官移守下川南道鄖  
陽巡撫袁繼成奏留之十四年二月擢右僉都御史巡撫河  
南未間命獻忠假督府軍符誣入襄陽城克儉倉皇奔救襄  
府爲賊所執大罵死

山西通志卷一百三十一 鄉賢錄十六

胡遇春字統三汾陽人少孤家貧登崇禎戊辰進士知聊城  
縣詢縣中利病知其最苦者歲報大戶充徵解水陸道舳舻  
絡繹破編民產十八九遇春乃建議設吏代之以贖券待器  
用諸有賄累則出於官而供張亦咸辦王申河大浸遇春左  
右指畫疏洩之必退而後已水既退親播種復請免額稅未  
幾權知臨清州值孔有德兵屯州境遇春率州兵以守時出  
不備襲擊敵始逸大學士朱延禧聊城人也有僕奴犯陰罪  
匿相府遇春必捕之正以法指揮德州滿某狎一倡婦窺倡  
多金盜攫去倡恚死倡弟訟之滿賂當道屬誣倡弟坐死遇  
春爲直之曰不以賤抑其冤其戒子書曰汝父半生半死人  
斷不作貪墨吏爲若輩牛馬切勿學豪華兒姘鄉閭敗吾志  
蒞政六年擢戶部主事以病歸抱病五六年卒於家子庭宇

季子李自成之亂庭遂與弟同並隱居講學庭於易詩春秋  
論語大學中庸孟子皆有論著同精明醫學四川總督某請  
治篤疾至則愈且敬其爲人遂深交屬員有以三千金致饋  
求同一言者峻拒之兄弟共勵名節有學守

劉三元字聚奎平遙人崇禎庚午舉人性方嚴員節概初知  
樂城縣教民稼穡俾無曠土無惰民尋升兵部車駕司主事  
兼戶部事出爲甯遠道會闖賊之亂三元慷慨飲泣與諸生  
范羽可等糾集各路義師衆至數十萬及事無可爲遂棄家  
爲黃冠放浪山水間後遊樂城舊治士民張樂伐鼓方於生  
祠爲賽會三元徑入祠踞坐取爵暢飲衆環視之始識爲前  
令尹也羅拜痛哭留止祠中晨夕事之如父母後卒於樂城  
曹良直字古遺汾陽人崇禎丁丑進士知尉氏縣歷知靈壽

山西通志卷一百三十一 鄉賢錄十六

雄縣擢兵科給事中條奏兵形八事曰軍令不可輕更曰閭  
外不許請旨曰入援不許請旨曰援兵不許報號曰監軍不  
許敘功曰監軍不許鈔將帥之塘報曰戰守之功不宜并敘  
曰舉將連坐之法宜有分別良直少甚貧族人中有欲助之  
資爲治生計者謝曰吾輩豈逐未營利耶及歷三縣所至有  
政聲去之日民泣送者盈道性嫉惡在朝彈劾不避權貴以  
直聲著卒於官

衛廷憲字扶區陽城人尚書一鳳子崇禎丁丑進士授戶部  
主事權崇文值歲祲商賈不時乃嚴稽痛革潔已從事遠近  
歡舞朝以其清特免稅額二萬實爲曠典晉郎中出守淮安  
加意振刷罔畏強禦部臺旗鼓不避道繩之以法部臺頗不  
擇既廉其清介狀喜曰吾知非能爲滌衷必不能爲強項益



欽重之以勞瘁卒於官

曹文詔大同人勇毅有智略從軍遼左歷事熊廷弼孫承宗積功至遊擊崇禎二年冬從袁宗煥入衛三年二月總理馬世龍昇所賜尙方劍令率參將都司等伏玉田枯樹洪橋慶戰有功遷參將又從世龍有大安城鮎關之役加都督僉事七月擢延綏東路副總兵四年四月克河曲城追斬王嘉允以功擢臨洮總兵官獲點燈子西旋敵李老柴及其黨一條龍又分剿綏德宜君清澗米脂賊戰懷甯川黑泉峪綿湖峪封家溝皆大捷埽地王授首又從鄜州間道與總兵楊嘉謨副將王性善合軍五年三月大戰西濠斬首千級生擒杜三楊老柴餘黨攻莊浪走高山遊擊曹變蛟等謀而上賊潰走變蛟者文詔從子也追擊屢敗之賊逸出清水文詔縱反間

山西通志卷一百三十一 鄉賢錄十六 星

給其黨殺紅軍友遂蹙敗之水落城迫至靜甯州變蛟先登唐毛山殄其眾可天飛劉道江遂圍合水文詔往救賊匿精銳以千騎逆戰誘抵南原伏大起城上人言曹將軍已沒文詔持矛左右突匹馬榮萬眾中諸軍望見夾擊賊大敗僵尸蔽野餘走銅川橋文詔率變蛟等追及之大戰陷陣賊復大敗尋會破賊甘泉之虎咒四餘賊分竄追擊之隴州平鳳間十月三戰三敗之遂蹙賊耀州錐子山其黨殺獨行狼郝臨菴以降關中巨寇略平巡撫范復粹彙奏首功三萬六千六百有奇文詔功第一巡按吳牲推獎尤甚兵部抑其功卒不敘時賊見陝兵盛多流入山西御史張宸極請勅令入晉協剿於是命陝西山西諸將並受節制六年斬混世王五臺孟定襄壽陽賊盡平太原賊幾盡又屢敗之澤沁遼潞間山西

賊乃避文詔鋒多流入河北命移師往討遂率五營軍夜襲破賊於林縣七月大敗懷慶賊賊其魁滾地龍又追斬老回於濟源而四川石柱土官馬鳳儀軍敗沒侯家莊賴文詔馳退賊河南巡按反劾之部議文詔怙勝而驕乃調之大同七年七月駐懷仁八月移駐鎮城十一月偕制撫蒞充軍邊衛山西巡撫吳牲請用之晉中乃命為援勦總兵官八年三月八省總督閻文詔整兵南大喜即令擊賊隨州文詔追斬賊三百八十有奇四月令由閩鄉取山路至商維拊其背而遣之文詔躍馬去五月五日抵商州賊去城三十里營火滿山文詔夜半率從子參將變蛟守備鼎蛟都司白廣恩等敗賊深林中追至金嶺川賊據險以千騎逆戰變蛟大呼陷陣諸軍並進賊敗走變蛟勇冠三軍賊中聞大小曹將軍名皆

山西通志卷一百三十一 鄉賢錄十六 星

怖懼已而自漢中馳赴靜甯秦安清水秦州間賊眾且二十萬文詔所部合張全昌張外嘉軍止六千六月前鋒中軍劉宏烈被執俄副將艾萬年柳國鎮復戰死文詔聞之噴目大罵亟詣總督請行總督喜而無兵可策應文詔乃以三千人自甯州進遇賊真甯之湫頭鎮變蛟先登斬首五百追三十里文詔率步兵繼之賊伏數萬騎合圍矢蝟集有小卒縛急大呼曰將軍救我賊中叛卒識之甚賊曰此曹總兵也賊喜圍益急文詔左右跳盪手擊殺數十人轉鬪數里力不支拔刀自刎死遊擊平安以下死者二十餘人總督聞拊膺大哭上亦痛悼贈太子太保左都督賜祭葬世蔭指揮僉事有司建祠春秋致祭國朝賜諡忠果



曹變蛟大同人文詔從子也幼從文詔以功歷官遊擊崇禎四年從復河曲五年連破紅軍友等於張麻村隴安水落城毛唐山又破劉道江等於銅川橋勇冠諸軍御史吳牲薦為參將文詔移山西從戰輒勝文詔改鎮大同山西巡撫許鼎臣言晉賊紫金梁雖死老回回過天星大天王蝎子塊闖塌天諸寨未滅變蛟驍勇絕人麾下建兒千百才乃文詔亞乞留晉中從之七年南征湖廣賊又北援文詔於大同冬文詔謫戍亦以疾歸八年文詔起討陝西賊變蛟以故官從大捷金嶺川慶源頭鎮皆為軍鋒文詔歿收潰卒復成一軍總督洪承疇薦為副總兵置麾下破賊關山鎮追奔三十餘里又追闖王高迎祥戰鳳翔官亭斬七百餘級尋擊敗迎祥於乾州迎祥中矢走斬三百五十餘級已而迎祥夜出朱陽關賴變蛟陷陣軍獲全九年破闖將澄城邊至靖虜衛轉戰安定會甯抵靜甯甯甯賊屢挫秋擊敗混天星於蒲城賊西走復追破之十年二月巡撫孫傳庭部卒許忠勾賊變蛟聞亂返賊遂遁四月賊入洮岷階文山諸將力戰郭家壩賊死傷無算九月擢都督僉事為臨洮總兵官降小紅狼十月賊入蜀從總督由沔縣抵廣元賊已復還軍邀擊斬五百餘級十一年四月以滅賊踰期鑄五官戴罪辦賊追闖將李自成於番地斬六千七百級有奇轉戰千餘里不解甲者二十七晝夜賊止餘男婦三千潰入塞還勦之賊敗入山不敢出六月扼六隊賊於秦州自成六隊等將還走階文及西鄉憚變蛟六隊祁總管皆降惟自成東遁變蛟窮追而設三覆於潼關南原追及大呼斫賊賊奔入伏中大敗死者相枕藉村民用

山西通志卷一百三十一 鄉賢錄十六

大棒擊逃者自成妻女盡失僅從七人竄餘皆降時關中賊盡平錄功左都督十一月從入衛十一年留屯遵化陝督鄭崇儉請變蛟軍西還不許旋用為東協總兵官十四年三月出關營松山北乳峰山旋急入松山固守十五年二月殉城贈榮祿大夫太子少保世蔭錦衣指揮僉事國朝賜諡忠烈傳應鳳字菊菴山陰人舉人崇禎九年由內鄉調澄城寬猛合宜遇土雍雍有禮十三年饑民倡亂振贖勸貸勦撫得法升淮安府同知李化龍榆社人弱冠登崇禎戊辰進士授中書舍人歷湖廣道御史升戶科給事中上疏彈時宰及當道者名動京師有鐵面小李之謔然與詹爾選皆以一鳴輒斥不久於其位識者惜焉明紀編罕記其事辛全字復元少稱神童方總角講河圖洛書輒能驚其長老弱冠從塾師即有志聖賢之學每讀程朱書焚香端坐錄其言行以為法則一時有辛夫子之稱尋奉安邑曹子真為師學益進吳相國廷倪祭酒元駱路御史振飛等推輓恐後崇禎間膺貢入京師相國賀逢聖特疏薦之詔以知府用全亦欲舉素所論著見諸行事未幾以內艱歸還膺疾卒全早喪父哀毀如禮事母愛敬兼至奉伯兄備極愉和安貧樂道終其身既沒門人私諡曰文敬著有學庸說經世碩畫等書成德字元升霍州人依舅氏占籍懷柔崇禎四年進士除滋陽知縣性剛介清操絕俗疾惡如仇文震孟入都德郊迎執弟子禮語刺溫體仁體仁聞而恨之兗州知府增餉額德固

山西通志卷一百三十一 鄉賢錄十六





ZW

21181800682011

續修四庫全書 史部 地理類

爭又捕治其爪牙知府怒讒於御史禹好善好善體仁客也  
 誣德貪虐逃入京滋陽民詣關訟寃具疏極論體仁罪德母  
 張伺體仁長安街繞輿大罵拾瓦礫擲之體仁恚疏聞於朝  
 詔移德鎮撫司獄掠治杖六十午門外成邊坐賊六千有奇  
 德居戍所七年御史詹兆恆薦起如臬知縣諱擢武庫主事  
 以母老辭不允乃就道至則上言請褒揚仗節死義之臣未  
 幾城破不知帝所在趨至午門見兵部尙書張縉彥自賊所  
 出德以頭觸縉彥胸且誓之俄聞帝崩持雞酒奔東華門奠  
 梓宮於茶棚之下觸地流血賊露刀脅之不爲動英畢歸家  
 有妹年二十餘未嫁德顧之曰我死汝何依妹曰兄死妹請  
 前德稱善哭而視其縊入別其母哭盡哀出而自縊母見子  
 女皆死亦投縊死先是懷柔城破德父文桂遇害家屬盡沒

山西通志卷一百三十一 鄉賢錄十六 吳

妻劉在京以徵德賊急憂悸死至是又闔門死難惟幼子先

奇友人家獲存贈德光祿卿諡忠毅

國朝賜諡介愍以上崇禎年

右明萬厯至崇禎一百九人

山西通志卷一百三十一